


四庫全書存目叢書編纂委員會編

齊魯書社

四庫全書存目叢書

集部
第二三二冊



責任編輯：孫言誠 賀 偉

ISBN 7-5333-0615-5



EB27/06

四庫全書存目叢書·集部二三二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 56.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二三二冊目次

集部·別集類

古愚心言八卷(二)

〔清〕彭鵬撰
天津圖書館藏清康熙愚齋刻本

.....一

聊園詩略十三卷續集一卷文集一卷

〔清〕孔貞瑄撰
中國社會科學院文學研究所藏清康熙刻本

.....一四七

葉忠節公遺稿十三卷

〔清〕葉映榴撰
山西大學圖書館藏清康熙刻本

.....二八四

笠山詩選五卷

〔清〕孫蕙撰 王士禛 汪懋麟選
上海圖書館藏清康熙刻本

.....四四八

谷口山房詩集三十二卷文集六卷

〔清〕李念慈撰
北京圖書館藏清康熙二十八年楊素蘊刻本

.....五〇二

古愚心言八卷(二)

〔清〕彭鵬撰

天津圖書館藏清康熙愚齋刻本

附《四庫全書總目·古愚心言

八卷》提要

古愚心言

閩中莆田彭鵬無山自編

第七冊目次

詳

覆訊武清王氏命案詳稿

順天府批審命案第一次詳稿

順天府駁審命案第二次詳稿

順天府解審命案第三次詳稿

通州發回犯証不敢具領詳稿

謹陳被劾情由詳稿

奉旨察查劾叅情節詳稿

遵旨察查詳院稿

順天府禁飭遵依詳稿

流棍李付臻藉命訛詐回詳稿

董應虎誣告人命查案詳稿

殺命誣命解部詳稿

楊文煥誣告命案詳稿

代旗婦白氏爲囚活命詳稿

蔣富山庄民失盜逐賊詳稿

蔣家庄盜案誣指九人詳稿

辯明掠馬庄盜案詳稿

辯明盜案檢獲地畝庄村印冊申繳詳稿

會審馬道庄盜案詳稿

寶坻新集盜案番役誣指六人詳稿

寶坻番役誣民爲盜會審詳稿

會審寶坻王民聚告盜案命案詳稿

撥兵緝捕匪庄民詳稿

古恩心言

第七冊目次二頁

李滿倉報盜游移遵查詳稿

旗人毆斃饑民誣盜詳稿

馬廐假報盜案詳稿

順義天柱村盜案詳稿

覆遵化州關提邑民詳稿

洵邑初編八路十五鄉保甲詳稿

爲洵邑民婦驅妖詳稿

投旗人剋賠折傷功見解部詳稿

禁飭旗債銷案請示詳稿

越城竊盜賭博請示禁飭詳稿

假銀橫行覺發請示禁飭詳稿

叛奴欺主霸產看詳稿

旗人爭地看詳稿

旗人爭地覆看詳稿

旗民董清張義隆王三成等告地詳稿

地棍勾引訛詐商民詳稿

申報道役張聯登詐案稿

回覆通永道差提經承里民稿

古恩心言

第七冊目次三頁

回覆飭查通同誣陷張聯登嚇騙詳稿

詳革勾旗鄉耆劉某稿

投旗邑民捏訟行提詳稿

查覆駐防銀米通詳稿

詳請駐防照舊例支領稿

再請駐防照舊例領餉稿

採買遵憲領銀并詳圖邑情形稿

荒歲變例採買詳請 題參罷斥稿

採買開具職揭再詳情愿 題參稿

駐防採買木價通詳稿

古愚心言

第七冊 日次四百

覆訊武清王氏命案詳稿

康熙二十六年四月十八日

順天府通州三河縣爲呈報人命事康熙二十六年三月十一日准武清縣關蒙巡道胡憲票內開據本縣招解克犯陸二殺死王氏一案招由星速會同三河縣并薊州公審陸二果否真克二妻王氏并張氏趙寡等因何縣審與本道親審口供互異逐一推勘毋枉毋縱妥招申解計發人犯陸二張氏王氏陸國清趙寡衛國棟喬國遠擬合抄錄駁勘情由訂期會審施行又蒙憲票催同前事蒙此該卑職遵將會審稽遲及各詳緣由具

古愚心言

覆武清命案詳一

文星送武清先交憲役外三河縣知縣彭鵬再拜稽首而後言曰夫刑稱祥刑獄稱敬獄不敬不祥禍莫大焉卑職初捧憲牌祇承欽恤准薊州訂期四月十二日於寶坻會訊是日薊州午刻同武清取供先去卑職過午至寧知縣請覆訊辭以平旦武清經承送原供薊經承留後亦送供參觀互異是夜更闌潛入寶坻城隍廟獨宿落廊地下與神告也晨會訊於廟虛公研鞫匪但供悖原招即與薊武昨訊亦不符比及薊州訂於薊之下倉天齊廟再審各供仍互異彼時隣婦趙寡及屍女張

氏皆云陸園清同解役李文進令改口嚴訊堅不認卑職伏思獄貴初情據原招則殺人出自伊妻王氏罵出之語張氏聽之也據今供則殺人又出自陸二囑出之語張氏聞之也且克器係小刀先據王氏在武清供陸二夜歸卽云刀子投諸河後在寶坻廟中又供挿於離失於火掘於土堆一一符合然不知屍圖所報刀柄青傷分寸以柄之小印傷之濶此理甚明何必投河挿離而後致其疑乎查此案在彼婦因有我是克犯一句遂指其夫則怨毒之甚也在屍女因有母先被殺一案

古愚心言

覆武清命案詳二

遂速以獄則附會之過也武清縣憲知縣據小直沽巡檢所詳小直沽巡檢據地方衛國棟所報嗣發此刀毅然律擬皆失之驟也卑職燭下細閱以所覩思所聽敬之畏之如鑒如臨雖有武清之送會詳胥役至再重以薊州之已押號印信判行卑職輾轉終不安於心乃於會稿署尾曰叙供與會訊互異故殺爲恩赦所無致之死則訊稿現存出諸生又赦條不合祇鈐半印乞鑒寸心三河縣知縣彭鵬謹識囑武清刑胥歸俟之日弗報不已另詳所望鏡懸親訊迅開出死入生之路

并寬失出入之科維吏與民均邀再遣爲此備由另造訊供清冊呈送伏乞照詳施行

王氏証本夫陸二克犯訊供

訊犯婦王氏這殺死那王氏怎麼知道是你男人呢據供是他自己囑出屍女張氏聽見央隣居趙家叫衛地方拿的

又訊是甚麼時候出門供是一更天訊你原供帶酒去麼供有幾酒氣不大醉回來再添了酒氣訊這酒是家裏吃麼供是在外吃的

古愚心言

覆武清命案詳三

又訊他殺那王氏想有甚麼據供沒有因他與哥角氣他哥陸園清叫地方衛國棟打他氣不過要殺人給地方個沒頭官事打

訊這話是對你說的麼據供是那夜二更殺人回來小的問他他說我殺死張媽媽了

彭鵬細按武清縣巡檢諸廷相原詳據河北地方衛國棟呈報內有陸二夫妻打嚷他妻王氏口稱你先殺死王氏又要殺我則陸二殺人共妻証之也今王氏屢供皆云男人口吐屍女耳聞則與國棟原報巡檢原詳武

清縣原招各相悖又細按原招內陸二招稱乘着酒興用解手刀殺死王氏則醉後行兇又按原招王氏供那夜二更丈夫吃得醉醉告訴小的則醉中吐露今會訊王氏只供帶些酒氣不大醉醉與不醉婦言何自悖且王氏又供陸二回時再添了酒氣是未殺人時一飲既殺人後再飲大殺人何事頃刻間出入酒肆一飲再飲而無或忘乎查王氏先在寶坻廟中供陸二屋裏自語殺人以害國棟耳伏於垣聽或失真至供是我問他他說殺死王氏則鑿鑿矣細按武清縣原招各証咸供陸

古愚心言

覆武清命案詳四

氏夫妻時時打架反目異心豈於殺人後琴瑟忽調從容問答而以陰事詢之告之者若武清所見則以天道有知鬼使之語試問犯婦供二月初一早陸二自語豈王氏未殺而鬼先憑乎方今歷審不認鬼又安往頑然嘿然卑職所不敢附會者一也

地方衛國棟原報克犯訊供

訊衛國棟你當地方幾年供稱四年訊這四年內有人命官事累你地方麼據供報明縣裏就累不着小的陸二與你同庄幾年供他先住二十餘年

訊你曾幫陸國清打陸二麼供勸他不止打他是實次日是二月初一日鄉親們就與他哥兒和解立個分單還有小的名字花押訊你們和解了怎麼王氏說他男人要殺人害你呢供小的不知道

陸二胞兄陸國清訊供

訊陸國清你分單今在那裏供先年詣巡檢取這紙分單收了

彭鵬謹按衛國棟供當地方四年人命官事報官後累不及地方陸二久住必聞之熟矣今謂殺一王氏可以

古愚心言

覆武清命案詳五

累不同居之國棟藉以洩忿毋論理所必無即忿亦何由洩也又國清與二同胞所爭一棚一屋兄弟間牆次日鄉隣勸解立有分單式好無尤矣分單內有國棟食押排解無憾尚欲以殺人累國棟何也且國棟報殺人克犯非報分家鬭毆也巡檢諸廷相倉卒訊及既收其單何以原報並無涉筆比及卑職在寶坻城隍廟研審至此武清縣回邑始提此紙則向日巡檢收此紙與匿此紙者何心卑職所不敢附會者二也

王氏証小刀是克器訊供

訊王氏那夜拿出亮燈你知道麼供小的知道

又訊出門時你屋裏上燈了麼供小的窮人家那裏上燈詰既在暗裏怎麼知道他拿刀去供因白日裏說要殺人就留心覷他出門時小的摸箱裏沒有這刀子詰訊那夜他回家還有這把刀麼供他說擦在河裏

又訊王氏你怎麼復供殺人回刀插在竹籬笆上供這是他自己後來對小的說詰訊這刀是籬笆地下掘的麼據供原是縣裏差人掘的

彭鵬細按武清原招以亮器與屍傷符確信以此查原

古愚心言

覆武清命案詳六

招并查原卷件作鄭守秋報呈內開偏左刀傷一處長一寸濶四分正額顱刀傷一處長一寸八分濶一寸五分左太陽穴刀傷一處長一寸五分濶五分左眼胞刀柄傷青色一處長一寸七分濶一寸五分右耳竅刀柄傷一處長一寸濶六分查前後詳文內右耳竅刀柄傷脫個柄字卑職將原狀背面暗押號防改換也先於寶坻廟裏會審時取小刀驗明刀長不過五寸濶不過四分利用刺刺則刀用豎一刺一出何以刀痕濶至一寸五分且同一刀柄也何以眼胞則傷一寸七分耳竅止

六分又刺必大創創者急必以手遮欄手必傷何以檢

無恙若謂姬睡熟又太陽穴係致命卽斷氣何以額顱

多一刺偏左又一刺且眼胞耳竅兩處刀柄擊傷在未

殺乎在既殺乎夫未殺則何以擊使醒也既殺則畢命

矣有何深臂而餘怒兩擊以柄手人死血收肉頑何以

又有青痕也且夫兇人操寸刃未有倒握其鋒用力於

柄自傷其手者也據王氏供黑裏出門何以卽知操刃

又何以卽知此刃在箱子裏而遽覓之也又陸二既殺

人矣王氏問而突以實告或未可知如曰刀投河裏王

古愚心言

覆武清命案詳七

氏非訊亮器何突而語此也語而恐洩又防其口細按武清原招內王氏再供陸二凡吃醉尋事打罵就不知不覺自己道我是殺王氏兇犯夫陸二囑王氏以勿洩而反肯自洩乎識至此心悸矣卑職尤加謹焉本月會審歸至寶坻交界各犯在後要諸河干訊彼婦以汝家失火何時供曰前年六月訊以汝夫殺人何時供曰前年二月訊以先在寶坻云這把殺人刀柄還燒一塊真否供曰原燒是寶三河縣知縣彭鵬臨河嘆且質曰六月失火而二月刀柄先燒有是事乎王氏伏地獄至此

心痛矣毋待婦供刀投河裏夫供刀壓土裏各自矛盾而後矜慎者也誓諸河以告解役此與寶坻廟中反覆辯論下倉更闌委曲敷陳同一苦衷今武清縣會看主稿仍云陸二口供炳據殺人兇器宛存此卑職所不敢附會者三也

陸佑喬國遠訊供

訊喬國遠這殺死王氏的話陸二親口說出你聽得真麼供那口只聽得陸二打伊妻子嚷到街裏口說我是兇犯並沒有說殺死王氏的話

古愚心言

覆武清命案詳八

彭鵬謹按先訂寶坻會審卑職未刻到楊知州先已審畢至則行矣武清縣遣經承送錄供一紙內開喬國遠供陸二自己說我是殺死王氏兇犯你們拿罷隨而薊州經承送到錄供內開喬國遠供陸二吃醉說我是兇犯無殺死王氏四字次日城隍廟與武清會審以此質薊武經承口非薊臧則武增薊之經承稱有本官硃點據本月下倉天齊廟會審國遠口供與薊州原錄及卑職所訊同今武清主稿會看內云喬國遠等同供陸二殺死王氏兇犯自其口出卑職所不敢附會者四也

王氏本夫陸二訊供

訊陸二這王氏是你娶的據供是從幼聘的做了大婦一十八年小的精窮常角氣廝打他先還要小的休書說給小的六兩銀子這屍女張氏也對小的說你兩口兒炒不是長策索性給你四兩銀子放他另嫁罷

又訊廝打是常事畢竟別有緣故汝很打一場他纔想出毒計來據供舊年九月他跑河東去又跑到他妹子家他妹家大伯有個義兒叫張祿他回把一床被四尺布給張祿拿去小的這遭發狠他是實同居婦女罵小

古愚心言

覆武清命案詳九

的胡鬧小的原說把我當兇犯拿罷

彭鵬細按王氏被毆情急呼爲兇犯其夫陸二即自解兇犯市非常態而不意言語禍階若此也查陸二所供張祿先在寶坻會審時王氏堅供不識比至薊州下倉地方質訊始供曾僱張祿撐船小的在後艙呈身識面則是陸二供吐未盡子虛王氏長舌保無他慮細按武清原招內於地方衛國棟供則曰王氏素極端方於隣婦趙寡供則曰王氏極是端方的而武清自於看語內又曰鄉隣僉供此婦端好無嫌一招之中三致護焉夫

夫婦人倫之大者也據王氏供稱伊夫不過善趨婦耳
遽忍出此即使果與婦心已不可問而况訊究犯訊究
器屢訊互異律以故殺將何以使之瞑乎此卑職所不
敢附會者五也

隣婦趙寡訊供

訊趙寡這殺死王氏是誰告訴你供是舊年十月二十
六日他兩口炒鬧嚷出王氏是我殺死的小的還罵他
你起早莫要說外邊克犯拿不着十一月初三日是屍
女張氏聽見他兩口打架又嚷出王氏是我殺死的張

古愚心言

覆武清命案詳十

氏央我去叫衛地方是實

又訊趙寡你叫地方時張氏曾對你說陸二殺死他娘
母麼供那時只說他兩口鬧的不好去叫地方并沒說
殺死他娘母的話只見他時常打王氏便說我是克犯
這是有的

又訊趙寡那衛地方報巡檢的話是誰說給他據供是
小的叫地方來張氏纔告訴他隨訊衛國棟據供原是
張氏告訴小的

彭鵬謹按武清縣原招據小直沽巡檢原詳據河北地

方衛國棟云陸二夫妻相打他妻王氏口稱汝殺死王
氏如今又要殺我屍女聞之以告隣婦趙寡國棟因以
報則是報者地方而傳者隣婦也原招趙寡供同今供
陸二嚷出殺死王氏還勸他莫說則趙寡早知之矣歷
審伴稱往呼衛地方時只聞兇犯二字而衛地方幫供
亦云屍女告訴是何與巡檢詳內所云衛國棟據趙寡
所述大相刺謬乎誠至此情露矣而武清縣會審主稿
仍云趙寡等咸供陸二自吐殺死王氏以此擬故殺又
援 赦條查故殺無 赦是仍辟之矣卑職所不敢附

古愚心言

覆武清命案詳十一

會者六也

屍女張氏訊供

訊你與陸二妻子同院住他夫妻常打架麼供他進了
屋裏鎮日打得利害小的勸他他開口便嚷我是兇犯
十一月初三日又打架陸二大叫張媽媽是我殺死一
面打王氏小的還跪勸他說省些事罷他把小的推一
交關得不像樣纔央趙寡叫衛地方

又訊趙寡你曾勸陸二賣婆子麼據供他鎮日打架說
要四十兩便賣了又說他女人告訴他哥只許六兩銀

子小的原說給人家做兩口兒也值四兩銀子

又訊王氏據供丈夫在外對張氏說給六兩銀子這話是有的並沒有討的主兒

又訊王氏你與趙寡審後回縣去怎麼又供是陸國清通同解役李文進叫你們改口只供殺死王氏原不知道據供委實是陸國清吩咐小的們改着口隨訊趙寡再供同

彭鵬細按武清原招內屍女張氏初供聽得王氏嚷出陸二殺我母我告趙寡報與地方又細按原招趙寡供

古愚心言

覆武清命案詳十二

如一口即衛國棟亦供陸二殺死王氏是趙寡向我說今歷審供云陸二當面嚷出而衛地方又供趙寡未曾告訴則原招皆非也置此弗問而府亭於解役李文進抑獨何欺卑職既詢張又詢趙如何順口齊供畏怕解役至此夫在賓公審彼縣之主坐於上聲色嚴厲滿口直供無畏反畏一跪伏門外之解役又前畏今無畏獨何欺查文進已經刑訊今會看主稿仍云表裏作奸法難寬宥役雖蟻彼亦命也又據張氏所供因陸二有願賣之語原說止值四兩則夫之欲去婦隣之幫出妻思

遇半矣卑職聽至張氏供陸二嚷出殺死伊母而彼尚跪勸省事此與趙寡所供聞殺王氏勸他莫說其意同然趙寡踈也若張氏則其母矣聞殺其母而尚跪勸以省事其可信乎卑職所不敢附會者七也

解役李文進訊供

訊李文進你怎麼教他們改口供小的怎敢是時武清縣喝夾訊仍供是陸大教陸二莫要招殺訊陸大即陸國清供那日解時小的並沒有教兄弟改供也沒有央趙寡們順口等情

古愚心言

覆武清命案詳十三

彭鵬細按陸大陸二同懷兄弟也姑勿論若解役教犯改供必利其財也今兄赤貧而弟垂簷彼何利而教之若謂惻隱之心人皆有之盡信書又不如無書此卑職所不敢附會者八也

王氏覆訊供

覆訊王氏你在武清縣証陸二舊案刺字賊有甚麼憑據隨據武清經承送案証

彭鵬細按舊文一紙并無年月蓋印從何徵信又先在賓坵廟中訊王氏以刺字左右膊茫無以對夫同床二

十餘載而有不知解上字刺在左刺在右乎解衣以示一疤如指其狀非刺觀者如堵人人掩口此卑職所不敢附會者九也

張氏覆訊供

覆訊張氏你丈夫何姓供姓丁係鐵匠訊你家有何人供小的同胞弟張某係太監還有親叔張五訊胞弟怎不告供在京裏不得開訊親叔張五怎不告供伊子張啓鳳有狀訊啓鳳怎不到案又供先害病如今有小的在便是

古愚心言

覆武清命案詳十四

彭鵬細按此案妻証其夫殺人者王氏也母被殺而子兩年甯不問者張太監也二月初二日殺死遲十五日而始以急與人命控旋而罷者親姪張啓鳳也骨肉之間皆失其倫若陸二王氏則同床讐敵耳日飽拳棍怨毒實甚則亦陸二酒徒無賴之過也所以趙寡張氏王氏三婦并居交口側目乘陸二每過婦時卽有我是兇犯一語而所做者恰值被殺王氏之廬合而比焉以速此獄婦有長舌維禍之階獻至此陰氣蔽空古人所以嘆孔聖之晨也卑職所不敢附會者十也

古愚心言

覆武清命案詳十五

此武清王氏首其夫陸二殺人之案也被婦之口原問者信之獄成而上矣當日管理刑名巡道武陵胡存人先生疑之改批會同三河蘄州公審所見不同各自具詳另造訊供清冊附以細按有不敵附會者十請開出死入生之路并寬失入失出之科詳至巡道親審得平反撫都院于公覆訊毫無通情原問官記過不知者謂三河令於寅誼寡恩嗟乎記過細故也若附和殺一命累德也愛人者弗爲耳而况夫婦人倫之重也妻誣其夫則天理民彝大戾絕矣或問此案別有故乎古愚應之曰陸二得不死爲幸若直窮到底氏當凌遲交遲何刑而敢遽以私見行之乎刑稱祥刑獄稱敬獄不敬不祥禍莫大焉心言存此願普天下司牧者鑒之舊洵宰古愚彭鵬識後

古愚于彭鵬曰宰洵時人命之案首此織變也若尋常則一獄吏辨之矣所以他案載入心言甚少後之君子於此循覽未必無少補云

順天府批審命案初次詳稿

康熙二十八年二月十六日

看得田長明十三歲穉子耳與人無嫌又白日割草喂
驢並無夾帶財物死於曠野戮傷不一處故殺謀殺皆
無據所以去年八月初三日田自亮以究察人命事報
縣只稱伊子長明被人打死密雲縣密雲屯傅庄頭地
內兇手無可指嗣見血跡在旗人劉士章墳內即指曰
士章兇手也因嫌刀埋在尹尚仁黑豆地內即指曰尚
仁父子兇手也又恐鉗網之木工也聲言尚仁衣襟血
脫而驗之盡荒唐卑職審鞠後嚴督捕快勒緝真兇外

古愚心言

順天府批審詳一

無辜釋逐今自亮以打死男命事控憲鈞批確審解報
細閱告詞據稱長明死在劉士章地內移於傅庄頭地
方矣絕不顧原報屍在傅庄頭種豆地續報血跡在劉
士章祖墳有案難磨又據稱尹尚仁身上搜出血衣查
長明死之日尚仁與士章王二廣同在王文科家送殯
自亮亦與焉薄葬同歸亮與仁等同庄者也以此質之
倪首良久改供伊子尹進忠慮罪換血衣與尚仁穿嗟
乎自慮罪而以其衣貽乃父與殺人而自埋其刀於已
地揆情度理萬無足信而况衣無點血與衆共驗乎且

古愚心言

順天府批審詳二

同日割草染大蕭五兄王老哥與長明凡四人查蕭五
兄十四歲王老哥十五歲堅孩無知訊之皆曰長明以
驢不食熟草白尋苦麻菜各去不知其死細惟此日四
人同行一望平蕪斷未有同庄人敢尾其後而斃之訊
自亮與仁等有無警戮供稱無有此訊尹尚仁劉士章
只供自亮前以偷鷄盜高糧被獲藉此洩忿且以居奇
也伏思三邑積習舊染惟藉命誣告一事五載來勸之
懲之終不能恪心又遇此等事思之索之鬼神莫告內
滋愧矣惟是真知灼見不敢聽其妄噬蓋奸民刁訟恐
嚇取財每因起解時愚懦落其彀中卑職以為此厥不
剪則良懦凡肉矣查被告王二廣即干証王老哥之兄
尹五即尹尚仁幼子甫十歲一網盡株何為乎幸逢憲
臺保釐師表聲震畿甸叩乞電鑒立案嚴緝免解於以
鋤惡扶良息訟遏刁三輔之間未必無勸感云爾

此奉京兆尹批審第一次具詳也京兆批長明兒
幼齡遭此慘殺若不嚴究何以雪冤仰縣審明真
情報當日遵批究審者此其一自此批審覆審至
三改批通州未結突以不究不審糾嗟夫

順天府駁審命案第二次詳稿

康熙二十八年三月二十九日

看得田自亮之子田長明死於康熙二十七年八月初一日審緝在案而控府批發在康熙二十八年二月初八日無辜老幼盡入一網蓋痛子之心微而居奇之欲熾也卑職前詳隱微細悉茲奉憲飭卽提原被及証佐人等到案自亮邈不可見矣卑職度必有主之者據伊子田馬兒果云有兄撒奈身在正白旗住四牌樓領告者撒奈也抗不使赴審者撒奈也查撒奈一旗旣耳丕乃敢大言曰要田自亮須部裏要我士夫以邑民投旗

古愚心言

順天府駁審詳一

而無忌憚至此刁詞包訟恐嚇嚙民亦知輦轂之下有三尺隨其後乎遵奉憲臺慎重人命之心仍將一千告犯嚴行根究反覆審訊與前供無異田長明豎子耳挑筐割草白晝死於野於同庄尹尚仁父子何與焉天地鬼神實式臨之除勒比捕快務獲真兇獲日另解外尹尚仁等一千無辜似應省釋憲鏡高懸不待卑職之請也

此奉京兆尹第二次駁審具詳也京兆批細閱前詳長明兒似非一人下手乃羣兇殺命所報鐮刀

傷九處鐵器傷兩處棉帶皮條扣頭土泥塞口十三歲之子若係警人下手何難一刀斃命且當日四人同行刈草三人往西一人往東相隔一里一望平蕪豈無見聞而鐮刀是何人常用之具極易追究該縣以三河積習舊染藉命誣告等語恐非所論於此案者也追究主唆代告又非所論此日者也人命重情限五日內審明解覆繳當日遵依覆審者此其二

古愚心言

順天府駁審詳二

順天府解審命案第三次詳稿

二十八年閏三月十四日

伏讀憲批以卑職前詳長明兒似非一人下手乃羣兇殺死若係僭人何難一刀斃命讞至此推助入微誠非讞殺矣合讞殺即當問之割草同行梁大蕭五王老哥查蕭五年甫十四王老哥年僅十五世有殺人而與十四五歲羣子同謀者乎又查長明死日伊父田自亮同尹尚仁等均在王文科家送殯世有一身送殯一身行兇同日分身者乎犯証如前供卑職於無可疑之中反覆嚴訊為死者雪冤不意田自亮張口咆哮謂這話你

古愚心言

順天府解審詳一

白說你也定不得案除你擰了我腿我纔罷等語卑職聞之詫異查長明死於去年八月初一日距控憲之日案緝半載并未見有此豪橫突伊姪旗人撒奈為上訟無忌憚至此前詳痛子心微居奇欲熾實指此案非案論積習舊染云也請究主唆蓋甚恨大旗棍刁民動即上控希圖起解為恐嚇訛詐之地必窮詰之稍以遏其鋒又非緩視人命急究主唆者也今田自亮既不容審訊下吏木偶無能為矣合將尹尚仁田自亮一併領解并破掛簾刀二件及詞內証佐人等解赴憲轅細訊定

案尹尚仁等果殺人也歷審不明當坐卑職以失出之罪如果無辜自亮刁訟撒奈領告致伊老幼一網當茲下邑久旱大田未種賜早發落免墮穀中則高厚之仁也卑職前後兩詳纖毫畢悉粘連申覆均容實敘其被告旗人劉士章時症伏牀難以起解于証蕭五係山東人因病於去年十一月回家訖保家旗人史有真代解理合一并聲明為此具申伏乞照詳施行

古愚心言

順天府解審詳二

此奉京兆尹第三次駁審起解具詳也京兆批仰通州細閱前詳看明駁語虛公確審務得真情妥招另報事聞人命慎勿草草如詞犯果屬牽連者先行省釋緊要未到者再行提審此繳當日遵奉審解者此其三解到絕不親訊批送糧廳梘廳審鞫無異改批通州謂自正月准狀至閏三月凡四閱月批審一而再再而三詳文密圈細點未嘗一言揭叅存此以見日後突糾不報不審之異嗟乎下吏心良苦另識於後後之在上位者不可不思

通州發回犯証不敢具領詳稿 康熙二十八年

查此案卑職審覆二次解詳一次幽隱卑悉內有尹尚仁等果殺人也歷審不明當坐卑職以失出之律如果無辜自亮刁訟旗人撤奈領告致伊老幼一網當茲下邑久旱大田未種早賜發落免墮穀中等語卑職寸心祇可對雷電而示鬼神矣聞三月二十八日奉本府堂神連人押發本州覆審聞於四月初九日已經夾訊原証梁大夾而加櫻以示原証孺子王老哥取供初十日飛提卑縣尹家府牌頭郭起旺劉大王兩瑞等次日解

古愚心言

發回犯証詳一

至連夜質訊各犯是兇非兇卑職出入失片言可折矣乃於櫻夾訊供後差傳卑職赴州聽訊固辭引嫌也本月十八日偕玉田縣會審別案入州東門見本州騎從前呵送殯於野次日突遣朱招房手持硃票云州主抱恙未痊將犯証發回另提以本州游戲隨機使卑職癡呆遵領領回之後刁旗民誣讒指致禍不忍言矣又卑職與玉田偕謁時蒙本州面述府批有株連徑放等語操縱可以自由藤葛何苦下累再查本月十三日蒙本道孟憲檄為通飭清理刑獄以祈雨澤事業撫院于

憲票凡批審事件限文到十日內審明具報其餘輕罪分別保釋通行在案豈有本府發審人犯卑職敢自領回以稽憲件輾轉悚慄硃票跪而什襲嚴命死不收從至於牌頭三名羈繫多時饑病垂斃如已供明之後應開釋放之恩仰體

皇上敬天威憂旱禱雨之時所宜亟行者夫邑民皆州民也然亦非邑民也亦非州民乃

聖天子所愛養之民也

天子之民上天之民也一婦含冤東海致早此三人者無

古愚心言

發回犯証詳二

罪無辜嚴飭解差看守領狀稿出州胥雖不上拷然鉗網亦密矣萬一填溝壑視東海婦何如耳卑職曉曉殊不自揣但懇直朴誠毫無干譽故敢冒死布區區

或咎此詳太懇直然是時已在京兆突爾劾奏後又在本州覆訊未招時一千犯証不敢具領回縣致滋誣噬理也勢也若夫天子之民上天之民為無罪無辜者饒舌古愚卑竟真懇心言所存多似此

謹陳被劾情由詳稿 康熙二十八年四月

為謹陳被劾之情靜聽處分之議事本月十四日聞京兆許特參溺職屬員疏內有三河知縣彭鵬不知何罪何辜而致此令項似銀百凡聽之天夫子曰獲罪於天無所禱也卑職畏天而已席蓐戰慄十八日欽奉

聖旨着該部察議具奏二十日得全抄始知疏參為部民田自亮許告打死男命一案查此案京兆自正月准狀二月批審卑職審覆批解但發糧廳取供隨批通州連聞將半截絕口未嘗親訊尚以不究不審糾卑職乎若

古愚心言

謹陳被劾詳一

謂不申報查命案無報府例且兇犯未弋無辜一網豈忍輕易遽報拖累赤子卑職比緝真兇無非為保護斯民計今既被劾何敢言但市有虎曾子殺人三至而投恐不免謹將批審覆審稿三繕呈電覽被劾之情洞若觀火矣所異者閏三月二十八日批州四月初九日刑訊原証梁大三本五本加以拷以示寒病垂斃孺子王老哥亦原証也嚇供誘供仍令解役唐繼靖當堂跪聽代彼口述真供作証次日遣役傳卑職又次日折簡致卑職與拷誣服使卑職面証如卑職不往何十六日奉

通永道委審王民聚案會玉田穆知縣往通十九日本州遣朱招房手致州票諭帶同犯証候提夫刑訊無招一帶回而原告得以教令誣陷矣卑職人也安肯聽人穿鼻詳稿并繕呈伏思州牧為京兆首薦也已吏為京兆次劾也州訊此案在特參前三日遣役折簡亦在特參前二日獨不聞同鄉京兆公之有彼薦而有此劾乎宦海多波臣心如木靜聽處分而已另有兩詳以麟經誅心之法為孔門鳴鼓之攻發於中者激於外

古愚心言

謹陳被劾詳二

院詳內稱詳府詳州原稿各繕呈覽今心言所刻前四篇是也連日院詳不一狀此存其一回想此案被參起於本年四月本府為申飭計典事出具遵依多一看語書曰惟口出好與我其是謂夫又為嚴催援納事攢典劉芳聲逃走申報致府差孫標守提誣辱無禮忿將杖之標悻悻去籤差立至兩事交構遂致糾白賴何人未嘗不自艾耳心言存此後之在下位者不可不思看語錄附詩曰莫捫朕舌語曰大剛必折其是謂夫

奉 旨察查劾參情節詳稿 康熙二十八年六月

查定例地方有殺死人命知情隱匿不報者革職據田
自亮先報卑縣以究查人命在去年八月控府堂以打
死人命在本年正月先報卑縣無兇犯續則陪無辜矣
後控府堂稱打死未嘗指殺人也先是歷經卑職嚴訊
另緝真兇所不敢遽報尹尚仁等哀無辜也後此三奉
府堂研審毫無確據所不忍妄擬尹尚仁等慎人命也
檢而審審而夾夾而無可指無可招緝與詳正大光明
有何隱匿今四月府堂糾參溺職一疏內稱三河縣部

古愚心言

奉 旨察查詳一

民田自亮之子長明兒年甫十三上年八月間被人慘
殺連傷九刀此等真命至十月匿不申報并不究審草
菅人命有違定例等語卑職伏思此案若以人命隱匿
例論則當正月控府時應即題參控時若未參則當二
月二十六日審報三月二十九日覆報又三月十五日
解審時豈容稍待何以兩次詳文字字細閱疎闊密圍
疎點密點絕無應參一語數月內亦絕不親訊又查聞
三月二十二日批發糧廳後二十八日改批通州有事
關人命慎勿草草如詞犯果屬牽連者先行省釋緊要

未到者再行提審等語原卷并發四月初九日通州嚴
審原証梁大掌嘴拶手夾足諸刑并用未招未詳未結
何以突於四月十二日糾參卑職且糾參疏內又不實
指現在被犯尹尚仁父子姓名而渾曰被人慘殺又不
明晰原狀打死男命四字屍圖內頭面鐵器打傷鐮刀
劈傷字樣而渾曰連傷九刀又不實指打死月日及正
月批審月日而渾曰至今十月匿不申報又不將歷審
疊詳直指失出入而渾曰並不究審夫以現在府堂
批審未結之案與從前卑職憐恤誣陷之心有案有卷

古愚心言

奉 旨察查詳二

槩為抹殺若風聞若覺發圖圖混沌一網糾參部議革
職何辭幸逢

聖明在上幽隱畢照欽奉該撫詳察之 旨茲蒙憲檄查
照部覆內奉 旨事理即將順天府所參該縣欽內情
節逐一詳查據實聲明卑職一介寒微為部議革職之
員若仰首陞任大京兆巍巍副都憲開風屏息飲血吞
牙則聲淚無由 上聞而鑒觀何以下逮卑職伏見粘
抄原疏所參各屬玩愒成風呼喚不靈專為錢糧驛站
一奏銷言聲東擊西不幸翹直當其會耳諺所謂直木光

伐是也嗟乎天道如恢民情可畏尹尚仁七十老翁也
尹五十歲稚子也盡室繫縲末由解脫豈京兆疏內所
稱仰體愛養元元意乎自貽之禍累及平民罪通於天
卑職久患痔疾近時大劇幾乎賜漬膚裂心如灰形如
木辜負

聖恩犬馬所以矢來世也罔識忌諱直傾心血遵將從前
卷案情節備錄電覽其原卷府堂先發通州懇弔磨對
并乞憲臺垂憐俯准全敘免刪關移審明詳院察核具
題卑職先於解府詳內有尹尚仁等果殺人也歷審不
明立坐卑職以失出之罪卑職死無恨矣除詳明守道
外理合備由全具書冊隨申並一千有名犯証申解憲
轅伏乞照詳施行

古愚心言

奉 旨 察 查 詳 三

此詳通承道孟公守道劉公稿哀無辜慎人命批
審月日糾察情形無不透出紙背然非奉有原察
事情着該撫詳察具題之 旨則革職末員何得
上言以此感 浩蕩如天也心言存此使普天下
吏一齊稽首

遵 旨 察 查 詳 院 稿 庚 辰 二 十 八 年 七 月

三河縣為特參溺職屬員等事卑職遵於六月初三日
將田自亮所告尹尚仁等一千犯証申解通承道在案
蒙批仰候移解守道轉詳撫院核題繳本年六月十九
日從武清勘災回縣開案內犯証在通聽候將二十日
伏思此案必薊豐二州縣各犯証未到以致守候卑職
對此亢旱小民顛連困苦重以無辜老幼一網若非早
請歸結則溝中之鬼勢必難免再查薊州而云伊等原
案在順天府已經請發今卑職此案原卷府堂先發通
州懇乞照詳弔卷詳院原委易查等因於六月十九日
具詳通承道在案蒙批已經差催薊豐侯各犯到日一
并移解繳再查此案於本年四月二十二日以謹陳被
幼之情靜聽處分之議事具詳蒙憲批現經奉

古愚心言

遵 旨 察 查 詳 一

旨察議靜聽部覆可也同日又以謹指欺
君確據請賜委員會查等事具詳附抄冊一本蒙憲批據
詳已悉抄稿存案又本月二十四日以請定案銷查一
之門以免批符催提之苦杜絕弊竇超豁飛殃事具詳
蒙憲批前據守巡二道詳稱順天府催提所屬奏銷冊

籍不齊移文另酌定例以垂永久本院心悉各屬莫可
適從業經具題在案統候部議覆奪可也三蒙憲批洞
燭無遺茲當解審何容置喙但以六奉

特旨從寬免調之員又糾之曰希圖留用以解到從未經
訊之案又糾之曰歷經審實具題真正溺職過於耶抄
見之愈出愈奇誠不知罪所自出也緣前詳直指欺
君確據等事雖蒙批發案未經查明本月初七日又以請
驗州學牌位實指大臣飾欺事具詳學院在案理合
并聲明爲此備由同具書冊隨申伏乞照詳施行

古愚心言

通 吉察查詳二

此解審時詳院稿與初叅時瀝詳三狀同三狀痛
言之此明言之世間幽鬱而不敢明言者豈少哉
以此感 浩蕩如天也心言存此使萬世下吏一
齊讚嘆

古愚子彭鵬曰此人命誣指之案也部民田白亮
初控并無指名既而訟棍將田各庄尹尚仁等闖
門一網與飽其慾若使據狀申報卽力爲昭雪而
起解苦累守候羈留覆審夾供駁訊往復老弱不
堪命矣當日面質後徑行釋逐另緝真兇一片保

護良民苦心惟 上天鑒之惟 聖明知之部議
兩次革職皆得 寬免天高聽卑有志爲民牧者
細閱此案七篇愼毋拘畏文網患得患失忍視民
死而弗顧也

古愚心言

通 吉察查詳三

順天府禁飭遵依詳稿 康熙二十八年
四月初一日

看得私派打點影響招搖兩者皆國法所不貸也憲斧
比霜臣心如冰自無他慮況當大計尤爲澄敘之時乎
表正影直昔聞其語今見其人矣理合出具遵依伏乞
照驗施行

是年四月朔本府堂牌禁飭前事內開計典伊邇
州縣保無拮稱打點各色借題科派在外招搖等
弊通行示禁差役取具遵依予以吏果賢也平日
鍾錚豈肯以科派爲打點吏果不肖也此時慄慄

古愚心言

禁飭遵依詳稿附

豈敢以打點而科派況時已四月賢否尚費敲推
乎府差咆哮意欲何爲具看寓微詞也禍患之招
捷如影響悔在謹陳被劾之由識後下吏言不可
不慎耳心言存此後之君子應懃吾悔

流棍李付臻藉命說詐則詳稿 康熙二十四年
九月

看得李之盛李付臻是否兄弟及溺死之劉選是否舅
甥均不可知然爲流棍一也劉選浴河當七月雨後泛
激選之死也宜其問諸水濱之盛何所聞而來指告中
文敬等三人據稱當時有同鄉王大印王越親見諸河
上遂爲見証嚴訊王越始供選浴河自溺又據盛再供
鄭大僕令伊告狀隨拘訊大僕供云選係至親果死非
命豈有僕不告而走央盛告盛始僞首復供有賣蒲扇
人傳聞訊今何在則云不知姓名此與初告戲殺人命

古愚心言

李付臻藉命詳一

又供因姦擄死丟諸河同一奇幻再訊伊証李朝川即
選傭工之家也伊証唐和尚即臨河五七步之寺僧也
咸供浴河水急溺死審訊至此兩次薄責三十板揆情
按法則縱之甚者也查王越舊係土番原籍山東令其
保結逐出境外越不肯保送倉之盛逃去又縱不問以
此聊示懲創使說詐流棍不敢越境而已詎突出李付
臻又以勢匿人命久羈無辜等事控憲衆批仰三河縣
查明原案報卑職查申文敬等三人村落子遺勢匿誰
指也劉選溺水而死人命誰問也之盛寄倉逃去誰覈

也流棍赤身無賴每日偷夫盧大拷索百錢誰與也凡
付臻挺身出告無到縣而盧大久病身死尚欲起諸
鬼錄其爲風影詭詐恐嚇取財也明矣若非憲斧電劈
親提付臻正身嚴究將來流棍掣官害民無所底極又
三河盡屬圈地居民絕少各處棍徒充斥有一種名爲
背裕連騷擾鄉村其來舊矣又有傭工旗下人踪跡詭
秘去來飄忽查新例內載凡行踪不定來歷不明毋論
男婦不爲竊盜亦爲盜線該地方容留歇住罪同違禁
一槩釘回原籍卑職將欲遵例驅除奈當衝驛坐困心

古愚心言

李付臻藉命詳二

神交瘁無服條陳緣此案俱係流棍藉命居奇推其詭
詐之術爲盜爲奸必釀於此并望憲臺賜示斥逐容留
者連坐亦寧謐地方之一道也

此流棍藉命詭詐之案也時予宰洵新任甫三月
通承道宋商丘先生卽知予心閱詳奉有藉命居
奇刁惡已極立拏究處一面示戒之批五六年任
內此輩斂手夫豈下吏所能哉舊洵宰古愚彭鵬
後識

董應虎誣告人命查案詳稿 續前二十六卷

查得康熙二十五年十一月初八日董應虎先以完典
弟命事告白二等本年正月十三日有寶坻縣人董守
亦以完典姪命事具告一誣告已結一刁訟未審虎
又以完典人命事赴通承道捏控蒙批查原案報卑職
伏思詞內有作作受賄等語不勝錯愕念自洵河墮落
以來每至檢屍非但以目兼以手剔垢洗痕慎之又慎
作作者誰三河縣知縣彭鵬也今控受賄若據案申覆
無以誅其心落其膽而犁其舌隨喚犯証查訊羅三承

古愚心言

董應虎誣告詳一

者虎証也劉世祿者虎故弟董三婦翁也堅供當日索
布錢口角杯茶算清并無交手劉藥包虎兄董大所延
醫也供十一月初二日按脉霍亂并非吐血劉庄頭供
十月二十一日僱虎弟董三拉草車上京二十五日方
歸而虎猶稱曰臥床吐血不起日重一日豈二十一日
拉車別有遊魂乎夫劉庄頭劉藥包猶可証以偏徇若
原証羅三承前後叠供絕無打架董三婦翁劉世祿亦
云面紅并無血汚則對証鑿鑿矣且詞指白二奪錢屢
訊世祿屢供董三腰纏四貫無恙愈鞠愈明又應虎告

被毆在十月初八日白二訴討帳是九月十八日賁諸
伊証羅三承與白二同夫致死何事而月日參錯至此
乎查虎居旗庄住旗房種旗地負大力者出爲請卑職
初不以証告律之法紕矣彼以爲失意必喉之上告卑
職不能復紕薄懲虎十板咆哮如雷若不仰顧親訊虎
而翼也不擇而噬未適止耳除董守義老耄釋放外於
二月十三日將犯証詳解通永道親訊蒙批董應虎証
告人命久經該縣審結復敢赴道妄控細閱審訊情節
甚晰但止應詳報結案何必又行解審致滋拖累耶董
應虎指屍居奇法應坐誣姑從寬政已經本道責懲釋
逐矣此繳審結在案詎董應虎又敢妄捏上控憲轅蒙
批卑縣查案報卑職遵提一千犯証虛公研訊各與前
供無異卑職查此案刁訟不休實係某某上之也彼徒
知應虎爲庄頭佃戶而不知白二爲朝廷赤子彼徒
知下吏爲草芥小臣而不知縣買匪庄頭奴隸應虎誣
告而不坐以律法紕於情問心有餘憾焉白二無辜而
必加以刑理矧於勢反已何可爲也仰首青天衆咻聽
之而已合將審檢原供并通永道審逐結案緣由備錄

古愚心言

董應虎証告詳二

中復除將董應虎召保候詳外應否律擬卑職未敢擅
便伏候憲裁

此奸民董應虎仗旗藉命誣訟之案也控縣釋逐
喉而控道控道責懲喉而控院蒙院批查案報備
錄中覆隨批董應虎誣告人命律有正條仰卽妥
擬詳報再批董應虎如詳從寬責二十板枷號半
月示衆以儆刁訟繳當年又有楊某幼子被人打
死兇手無踪妄告入庄賣油人恐嚇取財斥不得
遂恃其殘疾赴院控至再蒙院發青苑邵明府通
解回籍取收管一枷一通習染稍清不知者以爲
宰執法使然噫宰下吏耳爲之上者若當反噬朝
案長奸執法可長恃哉心言存此識遇也

古愚心言

董應虎証告詳三

殺命誣命解部詳稿

康熙二十五年三月

看得已故楊奇即劉奇旗人劉某之義子民張四之女
婿也劉某以亟究男命事控張四以打死人命控據某
詞則劉奇屢行偷盜去年十一月二十六日押送伊婦
翁張四家四恐誘窩事覺當夜謀死矣據四詞則是日
更關伊僕高金王道扶掖到四家寸肉寸傷當夜絕命
矣正在拘審間而張四狀告通承道衙門蒙批查報審
訊劉某狠打高金押送與張四控詞及庄隣人金天璧
口供一一符合隨帶件作李進忠相檢驗實鐵器傷七

古愚心言

殺命誣命解詳一

處左右腿木棍傷二處胸膛脚踢傷一處縛傷一處劉
某以棍傷非鐵殺辯嗟乎執而縛之死於鐵與死於木
均死也殺人以槌與刃有以異乎而况鐵傷齜齧紫紅
乎知其必死而嫁禍於翁婦卸擅殺之辜爲誣殺之局
於律兩犯若張四之女已死據供奇不成人早已拒絕
矣又供去年十月十五日奇盜驢一頭錢六千四知卽
送歸早已報明矣而欲誣以誘窩可乎高金王道係伊
叔劉庄頭家人分居各主當夜雖送楊奇然出自劉某
意聽使而已他非所知也原証張二吉張四車子

到案現有庄隣金天璧供証鑒鑒已將訊明口供解赴
通承道當堂取供外查劉某係廂黃旗觀音保牛衆下
投充人外官不便審擬發回解部等因蒙此擬合錄供
并屍圖連入申解大部審奪施行

此殺命誣命之案也是時宰洵甫九月劉某擅殺
其義子反以誣其婦翁兩罪并列鐵筆不移劉某
大惶恐張四以解部拖累爲苦姑從衆請處分免
解法雖未伸而遠近聞風者無不瞻落劉某隨病
死莫謂無冥誅也已死不書其名有叔劉庄頭亦

古愚心言

殺命誣命解詳二

旗人善類也因主而箝其僕爲作善者勸舊洵宰
彭鵬識後

代旗婦白氏爲因活命詳稿

康熙二十六年十月初五日

三河縣爲報明事案查康熙二十六年七月十二日吳逆眷口車一百六十輛一時奔至四路僱覓有西來趕車人楊六稱係旗下毆打馬夫楊自有自有一豎子耳力非匹敵反致楊六傍晚身死次日車職送車前同檢無別傷惟有腎囊一點青色件作喝報毆傷自有供稱被毆者急踢他難辨風業今受不能爲豎子寬也已於七月二十七日招擬解憲親審在案茲據順義縣北耶中庄住的銀白旗雷繼宗牛衆下人楊應祥投遞伊母

古愚心言

代旗婦白氏詳一

楊白氏稟詞爲鑒憐下情恩准詳憲援例斷結生死均戴事內稱氏年近七十老邁多病賴有二子長子楊應祥務農次子楊六趕車料於本年七月十二日趕車送差到三河地方因換車起囊與車馬夫楊自有口角互毆致死法應抵償但念事由前業情願解釋且聞楊自有家無父母兄弟妻子止有八十餘歲祖父伏牀垂斃亦覺堪傷叩乞俯准詳憲從寬援例斷結案等情卑職以已經招解令其自赴憲轅呈明隨又據稱下情不能上達切懇代詳我母親仍命我赴保遞去又有同祖

古愚心言

代旗婦白氏詳二

兄楊大亦係旗人同稱救人如救火速詳免死等情卑職看得白氏係已死旗人楊六之母也長齋繡佛一片婆心又得解脫法門前寃宿債釋釋冰消不意巾幗中具此願力再查楊自有果爲孤子有祖八旬顛連呼吸應祥母子無所利而亟爲請且願往保叩憲轅弗憚匍匐白氏爲善女人應祥承命母違爲其孝子誠今時所未易觀者卑職先憐楊豈不幸被毆失足誤傷但人命至重何敢失出今得楊氏母子呈爲囚求生卑職囑囑則有咎弘開一網出自憲慈又非卑職所敢輕請也除屍親楊應祥親赴憲轅聽候查訊卑職已於九月二十五日具文差役資投至十月初四日道過去役同稱役同屍親楊應祥至定興縣地方楊自有已發縣在途所有公文帶回未便投遞適卑職奉本府堂調取武關外兼入京夜宿高碑店乘燭不寐細繹職語字字哀矜雖法無可貸而好生之心透溢紙背卑職祇承憲慈伏思此案或未棄題死生須臾間耳夜漏三下繕文固封四鼓遣役星飛額陳乞賜詳院俯從屍親所請救活孤子一綫楊氏之嗣世世勿絕知憲臺大慈必肯破格行也

爲此備由全具書冊隨申伏乞照詳施行

宿高碑店挑燈作此膳時漏三下蓋印緘封呈通
荷巡道胡公卽准援孤子侍養例詳院楊氏一綫
得不絕心言存此識當日居上者之仁也然此夜
旅次若以疲倦稽遲詳至無及矣閱白氏呈內云
救人如救火此語當官者願各書諸座舊三河令
古愚識

古愚心言

代旗婦爲因詳三

蔣富山庄民失盜逐賊詳稿 康熙二十五年
閏五月

看得蔣富山民段自明家於本月二十七日二更失盜
報稱步賊四人潛入強出劫去衣服等物甫去而庄衆
鳴鑼追逐東方將亮見嶺上有人行走齊追上嶺賊持
械格鬪生擒二人其一負重傷至滴水塘斷氣其一現
細擡送卑職公同三河營守備會訊賊姓名孔應舉喘
息將絕卽不能復供驗其遍身木棍刀背血痕重疊如
鱗未便加刑合卽收監先行申報俟調理微有起色訊
供招解再查蔣富山南北庄係卑職新編東北路信一
鄉第六保保長庄長甲長及本甲居民協同逐賊擒賊
情形一并叙明具冊隨甲伏乞照詳施行

古愚心言

蔣富山逐賊詳一

此庄民協同追賊擒賊之案也保甲新行而民同
心同力不肯坐視卽以此庄爲先聲然予閱報呈
內所稱二更失盜詢去時甫交三鼓庄衆追賊見
嶺上有人則東方將亮也嶺上距蔣富山庄不數
里賊何所滯滯而於嶺上逍遙乎疑一再問呈內
報賊四人而嶺上格鬪只二人卽謂彼兩人善奔
而此兩人窘步然窘步者亦未有自三鼓至黎明

賊走四五里者也且就擒時又不見贓物疑二車
職親詣其庄問其家人婦女賊何時入屋供與報
呈同親登其嶺問及庄民老幼賊何時就擒供與
報呈同隨至滴水塘視死者倒細面伏地刀棍匪
傷青紫與現送孔應舉同疑三是日天氣炎熱即
令收埋擡於甘泉寺對面高處安其屍臨其穴愀
然而嘆曰此前業也因取大磚硃書於上願汝來
世諸惡莫作衆善奉行三河宰彭鵬筆回署作此
詳不敢以所疑叙入蓋叙則拘執擅殺難免敵推

古愚心言

蕭富山選賦評一

且邑屬八路十五鄉聞之謂擒賊有罪而欲責以
守望相助也難矣詳到蒙撫都院批行獎賞爲保
甲長勸予晨夕視監囑家人作糜以時飼孔應舉
毋致死一片苦衷不諒者遂有相風水壅賊之謗
而吾家奴且出怨詈謂不逮斃而全活朝朝問康
何憫嗣是予病暫假以監獄委捕官適雨災壞墻
孔應舉脫逃去聞者莫不嗤笑予自恬然也既越
獄限滿部議降一級調用欽奉 特旨從寬留任
既緝盜限滿部議降一級調用欽奉 特旨從寬

留任兩荷異數使當日違心遽速諸獄令其斃命
則失主所報賊四已獲其二死者既爲鬪傷斃者
援而支飾無監斃人命之嫌有獲賊過半之倖豈
不巧便而開心暖昧以視邀 恩自天欺慳爲何
如昔吾友平陽邵子昆先生以侍御擢直隸守道
嘗謂官員出首行賄者例得加一級但行賄與遇
付之人俱議絞以二命換一級諒廉且慈者所不
忍爲訓屬通示嗟乎首殺行賄人而得加級與殺
疑罪人而免降級慘毒一也因此案而并節錄吾
友示語於後後之君子觸類旁通或於心言有採
焉閩中古愚子彭鵬盥手謹識

古愚心言

蕭富山選賦評三

蔣家庄盜案証指九人詳稿 康熙二十五年八月

看得盜案不容少貸人命難以徇情慎之至也今查本年八月十五夜郭一位家被劫十七日其子郭得強報縣訊及火光月影中並無認識當日其妻惟疑僱工人王三前二日索備錢忿去遂向城守馬尉訴以賊由王三本營白守備至其家亦訴訊其別有所認則云無有以是防汎出境至薊之金水馬房獲王三郭得強不肯認三爲賊比及會訊王三是夕果在張庄頭家釋放之後未聞郭家以認賊報者三月矣十月二十一日有董

古愚心言

蔣家庄盜案詳一

四來訪一位四與一姑舅兄弟也告以賊由劉進進爲四族兄弟妻隨嫁子也先是四月一宿郭家僱工人高路飲四以酒而進預焉因是識面指賊由劉進者高路其人也夫高路在郭家六載不爲不親矣果認賊豈能忍待須臾今據郭一位供曰我刀傷不省然其時其子得強無恙耳據高路供曰恐彼走脫未敢造次報然其時以一王三調滿漢官兵越境而不畏其脫而於劉進不敢造次何也且賊由劉進語雖出自高路然得強口供鑿鑿亦曰扳窓戶確認之矣夫確認其面識其姓名

古愚心言

蔣家庄盜案詳二

一又有董四可物色其居何以三月默不言若非十月二十一日四到其家抑不知何日而語此高路供劉進在門外變出語音又供進入室明火拾錢夫變音於外而明火於內豈真見有金卽不見有人乎此劉進三審三夾棍槩無供招而欲坐以死法可乎問成富頭角疤痕有李五庄頭可証夫庄頭猶恐私也若劉士秋先告李庄頭格鬪傷其股成富爲李僱工人助毆有案今士秋供結成富頭疤係康熙十九年被州差一扁擔劈開以此知片言傾人至死雖夙恨者不爲也又郭家被劫於八月十五夜今指疤痕問成富則有李三道確供是夕與其子李宗先及師傅四人同飲指大僕袁松蘭則有紀文秀供松蘭患便毒瘡臥炕五十餘日是日扶至藥王廟焚香夫李三道紀文秀猶恐私也而隔別取供覆審無異以赴廟請禱之夫與在家會飲之人術非離魂分身而出憂憂乎不之信也必欲指疤痕爲問成富指大僕爲袁松蘭則凡有額疤與夫頤而大者皆可縛而送諸官又若張池晒馬糞者也張中南其孫也李春城孫富增呂二俞有四人池所僱晒糞執役者也日給食

月儲錢六百其人率皆單衣不蔽鳩鵲戰慄設使戮刦是實郭庄頭家銀馬衣服分贖而去彼獨不能購一完磅乎此數人非賊百口可保旁觀者尙以不鍛鍊不鉗網爲憾微色發聲隨有旗僕資書至開函首以光天化日魑魅公行譏卑職以婆慈責卑職以模稜僕死久含冤趣復書行卽鳴諸西府卑職不報但傳失主証佐赴城隍廟重訊焚香拜曰神道設教吏之恥也郭得強硬指劉進閭成富袁松蘭三人是賊六人取保得強執弗許推其心非決不待特則羣羈而斃之然後快夫主爲

活愚心言

蔣家庄查案詳三

僕弟爲兄父母爲赤子其所爲均也無故而殺九人是良非盜則殺我赤子也殺赤子何忍而彼爲僕爲兄使無罪之鬼九泉聚訟可乎其主何所見何所聞而毅然欲殺之此必有以誤其主者然後其主毅然請之而無疑不然豈以影響殺人而反恨卑職不能殺人責以縱盜責以模稜乎三河管守備白璞每言城守尉見事閱人多矣見事多則善裁斷閱人多則能游揚卑職非不虛心降志而動關民命見不同而議卽異白守備教卑職以圓通云前任會審時前尉意欲夾苟非其罪密囑

活愚心言

蔣家庄查案詳四

行刑者毋重卑職謝其教但念同城相易以義相孚以信如此是陷彼以過也是交相欺也而况微示此意鬼隸胥役視吏爲何如人也又受刑者不察將曰夾棍無甚害盜聞之玩三木不虛設乎此一舉而三不可勉欲行之抑又難矣夫刑者不得已而用者也以人皮膚供已情面彼此兩分過而况殺無罪者絕人之嗣寡人之妻其禍更慘烈者乎伏思此案先惡彼婦之口則王三鬼錄矣今憑一紙之書則劉進閭成富袁松蘭冤魂矣卽張池等亦從而逝矣卑職敬慎爲心除張池等六人徑行取保外據張池呈報俞有一名在外病故卑職盛以棺木暴以被臨其穴哀無辜也袁松蘭先已發出因郭得強堅請隨又提回今病奄奄取保在外調治其劉進閭成富二名現在監禁皆非卑職本心吏至此一傳衆咻釋之不敢羈之不忍亦甚負此百里也仰望憲臺高天厚地提審詳院批示釋放形跡稍可議卽坐卑職以失出之罪卑職甘心矣

此一案也據庄頭郭一位妻所疑則薊州金水馬房王三皆盜也據郭得強董四所指則在京金魚

池張池等皆盜也王三徑釋張池等又徑釋心知其非盜也詳至巡道胡存人先生批云據詳足見該縣慎重刑獄殊可嘉尚張池等准釋放其劉進門成富袁松蘭三人俟開印日審明取供妥擬解報繳嗣後郭庄頭賢主洞悉此詳鑒諒予心絕不復置辭亦心知其非盜也然非巡道批允則前後十數人起解往復必盡累斃豈獨死者劉進門成富袁松蘭三人已哉此與武清陸二命案平反皆胡先生好行其德下吏何力之有焉大盜案與命案生死呼吸間耳有司承問命案自不苟且獨至盜案緝限既滿卽有降級調用之虞未免附會所以心言首載蔣富山一案不忍違心而兩議降調兩奉 特恩詳在蔣富山詳稿識後後之君子以己之功名與人之性命較孰輕孰重未有不悚然者矣而况進退自天得失有命如之何弗思舊洵宰古愚彭鵬盟手書勦

古愚心言

蔣家莊盜案詳五

會審薊州馬道莊盜案詳稿 康熙二十五年
會看得行劫馬道莊已獲馬賊安三先於二十四年十一月二十八日據三河營把總房運泰拿送到縣并送首狀一紙照例會同城守尉納冷額麻哈練阿蘭斌等帖式得成等會審不加刑訊一一招承查房把總係本年十一月十三日巡路西版間有騎馬四人兩帶弓箭一帶烏鎗一帶腰刀道遇城守尉巡路問及帶械騎馬者何往尉告以東去矣併告以東去者爲巡鹽之安三矣蓋因關達子卽長哥素與三熟識口稱巡鹽此則安三西來未行劫時遇城守尉披甲露面之始也及把總巡赴新集聞說河北有馬賊劫路卽率馬兵唐三暗子等窮追遇失主驛夫曹萬相於橋北訴以纔遇馬賊四人兩帶弓箭一帶烏鎗一帶腰刀劫去被套等物此則驛夫與把總覲面之初也是時把總卽令兵丁帶住驛夫急自追奔城守尉聞亦踵後賊棄賊道旁當爲披甲布兒哈納所拾嗣後把總傳萬相認賊稱係紙客門成宗物成宗先已赴石門差兵同驛夫往傳於二十三日始至滿洲章京衙門認贓給領十一月二十六日房把

古愚心言

會審馬道莊詳一

總帶唐三瞎子等先入通州石各庄獲安三獲時自首於二十八日解送三河車職查首狀內開王四達子王八落到胡靳三宋二道凡五人而失主遇賊披甲認面把總尾追止有四人疑其妄扳再鞠安三始供同夥只有我與靳三宋二道趙二四人我騎紅馬帶弓箭靳三騎青馬背烏鎗宋二道帶刀騎紅馬趙二騎我家青馬帶弓箭蓋趙二原首所漏而王四達子王八落到胡靳今供所無也分別報明在案向所不引披甲爲証者一總首狀滿口招詞無容蛇足明矣奉本道批通批蒯賊

古愚心言

會審馬道莊詳二

即改供又蒙批通蒯三會審賊亦改供及根實於披甲長哥卽關達子與布兒哈納兔兒納外庫三人質認明確且有安三相逢問訊關六爺好麼一語安三始俯首伏地曰衆証我我何辯我自當死然後律擬隨蒙檄行通蒯三州縣覆審一一研訊仍照原招憲臺矜恤疑獄以審未承認具詳撫憲勒批原問通蒯三州縣覆審遵檄赴通時傳知州已經離任詳明在案本月二十三日蒯州知州楊天祐晉通州州事州同知陳俊民三河縣卽縣彭鵬公同訊鞠失主披甲及拿賊房把總口供無

異惟安三突稱方把總因買馬有警披甲長哥因借銀積恨明屬役飾備錄口供仍粘連原招呈報蒙本道庭訊電案通蒯從前取供印冊內安三皆稱與把總披甲無讐無嫌以此嚴鞠安三通稱當日着迷又詰以三河初供不加刑訊何以承認據供滿漢文武會審有房把總在旁懼怕承招是實隨喚各披甲面質而安三問訊關六爺一語封口鑿鑿各供愈確噤至此已無疑義矣但狡口變幻非惟首狀不肯自認卽房把總披甲沒讐兩字歷供在案亦改稱有讐又查賊三原供王四達子

古愚心言

會審馬道莊詳三

王八落得胡等口角夙嫌扳誣洩忿通蒯三州縣印冊申詳口供炳據突亦改稱方把總指使今經本道親訊尙敢改口不移合無律擬姑照逸賊同夥未獲監候俟斬三宋二道趙二獲日質審將一千人犯并失主閻成宗把總房運泰解赴憲轅親審其長哥等四人係滿洲披甲未便起解各自聽候一併詳明至於誣扳之落到胡王四達子王八姜二等似應早釋免致戾斃出自憲慈非卑職等所敢擅便也

駐明証確無如此案且爲京東所指名者當時欲

出之謂紙客囊中賍無幾罪可差減嗟乎獄問是非不計多寡豺狼日搏一牛亦食日搏一兔亦食所搏有大小其爲豺狼一也而通薊三會詳監候夥賊獲日另質爲囚求生道耳得毋縱乎其後逢赦果脫去家在州境近縣界時時譏察頗自新不可謂非從類死中回頭云爾

古愚子彭鵬曰宰洵五六年每遇盜案不縱不枉心言存此充類舉隅思過半矣世謂古愚專言不忍是未知古愚也昔嘗條議上撫院于公有誅真

古愚心言

會審馬道莊詳目

盜一條內云殺之飛霜烹之乃兩上天好生之心在夫刑罰之當與不當不在夫寬與不寬也卽此意

寶坻新集盜案番役証指六人詳稿

康熙二十七年十一月

查得寶坻番役楊九平鄭有明等無緝盜掛號之票無拿賊殊標之牌突如其來手執片紙內開今二等五名云係行劫新集典舖案賊住本縣黃莊地方現有首賊人孫進祿在卑職飛差卽拿西發鐵而戌回話以三與寶誼相關切耳據孫進祿卽孫傳子初供十月二十七夜三更臥聽喧嚷開門見對街曹二家火光假托吃煙有更夫李二張八馬二孟大等在內曹二餽某小錢五百買囑戒口則是門外喧嚷進祿爲聞所聞之人也及

古愚心言

番役証盜詳稿一

曹二等到縣凡八人內三人係旗下皆彼夜值更同供是夜在孫進祿屋裡烤火出門巡街黑影像有人追逐出庄不見回庄拾一錢袋貯小錢七千五百文卽付孫進祿家進祿強迫分錢隨交曹二家次日進祿仍向曹二索五百文去所以報縣只有七千文則是巡街拾錢屋裡付錢進祿爲見所見之人也以見所見之人作爲聞所聞之語以強迫分錢之人變爲買囑給錢之語一經對質俯首無詞番役等亦莫以對據法據理皆當詳充薄責進祿所未便通詳者投鼠忌器故也番役等大

照得忍而受之臨去仍折錢一千待飯有賞帖卑職於
隣封三有禮焉不意楊九平等敢行報憲反云三河縣
知縣趕回給錢一千若以卑職爲代賊買囑者也蒙憲
檄親提隨又批審黃庄旗民保甲長赴轅控告又蒙批
審不意寶坻王令忍捏護賊抗憲具詳是又以卑職爲
通藪者也蒙批河寶會審查此案於去年十二月十三
日又有寶坻番役王倂子宋倂子手執硃票到卑縣劉
家白坨地方擅拿本庄牌頭陳萬章亦稱係行劫新集
案賊抄家奪去錢二十三千看家弓一張字箭五枝撲

古愚心言

番役誣查詳稿二

頭箭一枝鐵尺一根擒至新集又有寶坻趙番子解縛
放歸錢物索而去萬章告在案擅拿擅放流毒至此小
民何所措手足所未敢遽報憲者亦投鼠忌器故也今
王令突於卑職有禍心伏而思之護盜罪不止失出也
縱盜罪亦不止失察也有一於此皆不可一日爲民牧
是非無兩立彼此各一見卑職慙直不知所裁再查寶
坻開提係正月十五日到隨卽差拘各犯赴通至正月
二十四日再奉批審自無交給寶役之理不知抗憲二
字何所指也又孫進祿一名先交伊房主旗人潘大保

回嗣稱逃走查楊九平等稟憲原詞有幫差趙二係孫
進祿友人此趙二卽趙倂子王令自認番役彼既爲進
祿友跟要自出反欲以慮罪脫逃誣卑職爲掩沒種植
狗庇勢難虛公叩乞憲臺垂鑒下情親提迅訊對鏡分
罪直窮到底若卑職護盜是實抗憲果真立卽詳辦爲
漸職者戒伏乞照詳施行

此番役誣良爲盜破面之詳也查寶坻新集典舖
被劫一案番捕誣良指不勝屈而以鄰爲壑執票
拘縣屬劉家白坨庄牌頭陳萬章抄家飽索者番

古愚心言

番役誣查詳稿三

役王倂子也分肥解縛放歸者趙倂子也無票到
縣指拿縣屬黃庄民李二等五人者番役楊九平
偕流氓倂子孫進祿也誣指五人比赴訊則旗民
八人若非當堂對質則本庄巡夜所獲之錢袋誣
爲鄰邑行劫之賊贓矣而流氓孫倂不俟報縣強
分小錢五百文反誣爲更夫給錢買囑矣嗟乎誣
良至此小民何所措手足乎薄責孫倂子以流氓
不入家甲也清錢折飯賞楊九平等以修鄰好也
不虞寶坻而反以護盜申報是時東路總捕廳武

公批云據曹找等拾錢情真並非行劫贓物何捕役楊九平輕信孫進祿一語誣指爲賊又有王倭子指稱牌頭陳萬章爲盜奪去錢物中途釋放種種不法該縣已得其情本廳卽當提訊但未據該縣與實抵會審明確不便遽爲定案仰卽審明妥詳具報繳原詞並發心言存此後之君子遇此等案聞此輩語不可不三省古愚識後

古愚心言

番役誣盜詳稿

寶坻番役誣民爲盜會審詳稿

康熙二十八年三月

會看得捕役楊九平王文明等所稟黃庄更大拾錢一案疑爲盜匪出自流氓孫倭子卽孫進祿之口也劉家白坨庄民陳萬章所告梁花子王倭子宋倭子詐錢一案得錢釋放出自幫差趙二倭子卽趙成貴之手也今趙倭孫倭脫逃無踪比訊一千犯証各供與原詞歷歷如一則七千文爲巡夜拾得之錢報縣在案委無可疑而二十三千文爲昏夜嚇詐之贓有人可質應究入已但二犯俱係流氓棍徒爲鳥獸逃矣各犯均屬無干查事在康熙二十七年十月二十三日 赦前應否免究出自憲慈非卑職等所敢擅便也

古愚心言

番役誣盜會詳一

此番役誣良爲盜會訊之案也前詳破面而陳會訊平情而止鋤惡之心終不勝睦鄰之誼耳其後二十九年九月十二日偶見邸抄吏部題爲舉報事覆都憲管直撫事于 疏叅寶坻縣承審番役楊九平誣指姜萬良爲盜以致身死一案招解違限照例罰休似此則番役楊九平之誣良也不知凡幾番役誣良之似楊九平也又不知凡幾時吏

路總捕廳武公批云據詳曹找等係拾得之錢非有受賄縱盜情弊仰將貯庫前錢散給巡更八人以爲奉法勤事者勸其趙倭子等一犯既係流氓遠遁無憑拘究應將原詞立案候結繳心言存此爲普天捕役提醒天理人心四字

古愚心言

香役証查會詳二

會審寶坻王民聚告盜案命案詳稿二 八年

會看得寶坻縣民王民聚以刑斃三命控院一案蒙憲臺親審取供後委卑職會審因王民聚等身死日期寶州孫刑房楊禁子與民聚各供互異必得同監賊犯質訊方爲信據隨卽請憲轉關巡憲在案茲蒙檄發關到賊犯馬登雲甄那太才小子張二四名今張二已死於保府旅店現在發審止有馬登雲甄那太才小子三名遵卽隔別研訊馬登雲堅稱並無行劫寶坻新集地方

古愚心言

會審告案詳稿一

所扳王民聚等一時受刑妄指非實供也訊甄那太才小子堅供王民聚係馬登雲所扳彼不知也登雲質供皆不諱及訊以王民聚毆三姜五卽宋三斃命日期則曰某等監禁東屋民聚禁西屋不知彼死何時隔別三訊無異詞比喚當日公保四十二人止有李振一名而民聚庭斃日亦稱不知再喚失主賀嘉禎亦不到而原告又稱民聚斃命委係八月二十五日有領屍手本逝在寶坻縣雖未曾牒前而手本存房現據寶州報身死月日迥隔呼籲不已卑職等細查失主賀嘉禎居住新

集則寶坻地方也公保李振等四十二人多寶坻新集
居住旗民也王民聚有無領屍原稟據稱亦在寶坻存
房也伏讀憲檄內開前任保定府方知府詳稱此案誣
良致死之處請檄寶坻縣就近傳喚王民聚質對明白
蓋以寶坻之官訊寶坻之案案關接緝採訪必真誠溯
本窮源之論也除將賊犯馬登雲甄邦太及扳供之才
小子送回通州收監訖一千犯証原解押候合請憲臺
檄發寶坻究質明確就近妥擬伏候憲裁為此粘同原
詳具申伏乞照詳施行

古愚心言

會審告案詳稿二

此卽新集典舖被刦之案也王民皞之非盜也新
集旗民咸爲呼冤矣賊犯馬登雲甄邦太才小子
自供鑿鑿矣民命至於三豈敢苟哉是時在薊州
天齊廟偕玉田令穆君會訊後隨繕此詳鬼如不
昧應知苦衷古愚子識後

撥兵緝捕捏誣生民詳稿 康熙二十八年五月

看得彭志祿被刦一案既苦番捕弋緝未見又苦屍親
矢口惟一臂殺盜殺歷訊皆無據卑職至此鼯鼠技窮
矣正提覆審聞三河營親詣邑署爲言馬尾乏庄民彭
守富係陳家府彭志祿之姪備知兼悉賊住址傾吐於
馬尾乏撥兵趙成有本營緝捕韓士良可詢比詢士良
言之鑿鑿飛提守富到案隔別分訊守富茫不知所對
隨訊屍妻侯氏以四月二十八日有無送信至庄者云
汝庄將被刦又訊屍姪彭守才屍婿劉捲牌鄰劉大印

古愚心言

撥兵緝捕捏誣一

李化義等以四月二十九日爾庄誰家宰猪設酒請閑
庄人預爲救護者氏與才等茫不知所對再三窮詰愈
唾士良士良語塞曰有撥兵趙成在立差役稟營同士
良飛傳趙成至請三河營會訊守富堅供從無與撥兵
交一語櫻訊以頭搶地曰趙成殺我罷復訊牌頭劉大
印等如初供以不得情爲恨飛提陳家府庄民王守才
方進孝高周李天培李天才桂大周大蒙守義劉大印
李化義李化隆李可 蔡進忠十三人到案訊以二十
九日庄中宰猪設酒者爲誰衆同號曰天早年饑救死

不贖安得此且獨不憶點牌長時閤庄亦貧無一堪者
三河營訊後亦無以自解但曰報我者馬尼乏撥兵趙
成也是日趙成供先問守富半遮半掩韓守良供守富
鋤地呼不至卑職兩詰之始供守富無見面伏思盜未
發而先送信果發則舍送信者誰問乎甫聞信而宰猪
預請庄人使盜非入彼家則失盜者寃詰盜源有不以
預請救護爲証乎兩者雖至愚不爲也況如閤庄所云
歲早年饑誰家能辦此猪酒語不煩而情事了然又守
富爲叔復讐侯氏爲夫雪死何所顧惜而不肯告所謂

古愚心言

撥兵緝捕捏誣二

聽言以理者此也三河營遽因趙成一語面詰云云會
訊守富至櫻反曰趙成殺我侯氏與閤庄人皆爲呼冤
而撥兵緝捕仍指守富不實吐若非憲臺親提嚴鞫則
疑城滿腹載鬼盈車均非地方之幸也緣此案事關重
大非批發卑職與營訊所得圖圖完結除一面申詳通
潞廳并職揭申送查核轉送外伏乞照詳施行

此撥兵緝捕誣良之案也賊未行劫而通信者先
至庄與賊未行劫而聞信者先自危卽備猪酒請
閤庄人預爲收護此語雖三尺童子信之乎而三

河營緝捕韓士良首之馬起乏撥兵趙成証之信
而不疑原其輕聽皆由盜案處分着急嗟乎處分
長吏降調也同城罰俸也降級罰俸與民命孰重
輕心言存此垂戒也

古愚心言

撥兵緝捕捏誣二

看得隆平候庄旗人李滿倉家呈報竊盜存案一案報
呈者滿倉遇呈者伊婿旗人顧騰鳳也報被竊而卑職
失物累崇失主又不到案訊騰鳳則曰滿倉老矣孫尙
幼及傳其孫李應魁至則又昂然丈夫也訊賊數則曰
兩人詰以失物多恐賊不止此又曰摸量門內外有五
六人且云左膀被毆青傷袒而示種種疑城卑職所以
有盜案據實報明失主支飾可異之詳蒙憲檄令卑職
會同城守駐防究訊有無勒改報呈賄買情弊據顧騰

古愚心言

李滿倉報盜詳一

鳳李應魁同辭以對萬無此情問以失單實數匪特騰
鳳供稱不知卽應魁亦以常在主家當差家裏物件知
不甚悉問以賊數如初供詰以五六人云何供是想像
摸量語問以膀傷供稱我爺叫醒起撞見賊是拳是棒
未分明問以短柳木棍二根又供賊所撩也問以是強
是竊堅供非強隨訊隣佑東隣正白旗李之達也西隣
鑲白旗蔡文炳也咸供當夜被劫不聞復訊鄉長凌汝
會供離庄四十里訊保長賈從仁供離庄八里當夜亦
不聞有本庄牌頭周化鳳同西頭庄頭李思功赴報先

訊失主強與竊皆不明言卑職忝爲邑吏知其竊而報
以強是拂人性也疑其強而報爲竊是違己心也且隆
平侯庄東庄西皆旗人庄西編牌庄東獨抗卑職於
正月內隨天津鎮查界與三河白守備偕行經過是庄
再三勸誠而仗旗藐聽今欲以盜案制長短報曰竊而
口吐故游移示以青傷一處遺以柳棍兩根阱設機伏
甚矣哉卑職遣典史繆綸面稟城守馬尉曾否收其竊
盜存案報紙尉語以報紙已收漢字我不知也則是此
案覺發時悉府宰於卑職矣何時何事不思罷斥而必

古愚心言

李滿倉報盜詳二

以諱盜罷乎通卑職巡路獲夜犯扳供順義旗庄多人
又駐防城守三河營拿獲僕首主盜者口供皆疑似以
是將起獲衣服等物使應魁騰鳳識認恐或冒焉難以
已衣翻閱供非其贓又獲驢皮一張以屠家皮數張問
之皆不認卑職於盜案慎之又慎與衆共見不敢諱亦
不肯諱無如失主堅供是竊何然當夜毆傷當堂袒示
失單叠叠世有探囊發篋之夫以挺傷人席捲而去絕
無顧忌如此盜者乎斷弗之信若非憲臺准賜親訊關
移巡憲別白詳院以定此案竊恐聞者訛而指曰失主

報竊吏必報強吏愚且妄愚與妄卑職所不甘心者矣
緣奉批查事理合叙各供備由全具書冊隨申伏乞照
詳施行

此隆平侯庄失盜後予巡路至楊家橋離城數十
里夜闌聞近庄五道廟有人聲下馬喚詢內一人
稱係楊家橋民孫貴富小名雙頂其餘十人稱係
河南省民隨身各有斧鋸刀鑿等具執而歸隔別
細訊孫貴富既住本庄何不宿於家而宿庄外廟
內又有此同宿十人據供現住順義縣小店庄楊

古愚心言

李蕭金報查詳三

家橋係丈人劉木匠家今日張各庄趕集路遇此
十人問及鄉貫道是河南彰德府人小的過去祖
父原籍彰德內有四叔說我父名字姪兒叫雙頂
相同相認因向衆人道同到楊家橋留宿款飯到
時昏夜不敢呼開柵欄權宿五道廟是實再訊一
人供姓名孫盛章彰德府武安縣丁村人木匠生
理同夥出來覓工將往密雲縣今日張各庄遇雙
頂兒認是我姪與孫貴富供同又喚一人供姓名
趙行與孫盛章供同次詢各人姓名有孫六子張

瘦子趙毛核桃瞿二毛頭張旺張五刁彈張成各

供皆同覆訊孫貴富曰近日隆平侯庄旗人李滿
倉家盜案現在緝拿爾等夜行同宿係無夥賊乎
若不實供卽加刑孫貴富供前月黑夜是劉庄頭
爲首打劫一家不知是否此庄訊同夥幾人供有
王禿子并小的四人其一甫識面訊住何處供劉
庄頭住小店王禿子住高各庄皆順義地方詎
家集齊供集齊在劉庄頭家訊緣何入夥供欠他
錢債要扯女人去故此着急訊何器械供劉庄頭

古愚心言

李蕭金報查詳四

騎黃驃馬帶弓箭帶刀王禿子騎紅驃馬拿短鎗
入庄馬拴戶外我步行拿閃桿甫識面者拿鎗把
風訊分何贓物據供我分光緞藍裏袍一件值銀
五六兩初一日在楊各庄典鋪當錢二千訊當票
騰何姓供是王姓又藍布外套一件在張各庄當
錢二百訊當票供在小店娘母家藏後牆裏又藍
布被一牀小的娘母收又白紬裙一件銀簪子兩
枝楊家橋小的女人收又驢二頭擦了一頭他們
賣了一頭小的沒有分錢訊這孫盛章十人有無

戶從供意欲招他上盜尚未合謀贊訊十人呼冤
隨各寄倉是夜爲二月初七日躬率馬快六人民
壯四人帶孫貴富領拿王禿子至則鷄鳴矣聞其
室燃楷爲光擒獲并收其衣服等件紅騾馬一匹
領奔小店劉庄頭家東方將亮擒獲并收其衣服
等件黃騾馬一匹隨至貴富母家牀上果有藍布
被命從者收之再索當票其母呼天搶地以死鳴
冤貴富反噴其母曰楊各庄當票早還我自作自
受何怨此與初供無動刑一一招吐又同隨帶

古恩心言

李浦倉報查詳五

赴順義楊各庄取閱典舖流水號簿二月初一日
實有王姓青緞夾袍當錢二千與初供同立取緞
袍驗看裏係白紬又與原供藍裏異隨帶赴三河
張各庄典舖查閱流水號簿初三日果有劉姓藍
布外套當錢二百文隨帶繞回楊家橋坐觀音堂
傳喚伊妻劉氏到堂而訊并收其家衣服物件驗
看實有白紬裙銀簪子又與初供同訊劉氏裙簪
從何來泣稱這短裙是出嫁時穿的簪子是嫁裝
男人赤窮只剩此隨問以有無移居順義小店泣

稱我婆婆改嫁旗下我與婆婆向同小店住因貧
借小店劉庄頭錢時時伺我男人出外卽來欺負
我因此我回娘家訴未畢兩鄰如雨嗚咽不能言
先予至小店有三邑民投旗僑寓彼地請予至舍
喫茶因爲予言孫貴富妻頗有姿庄頭劉某屢調
不從與劉氏所訴暗符再詢劉氏汝男人平日穿
何衣服泣稱藍布單衫現已取來訊還有別的泣
稱一冬耐寒只有藍布外套初四日拿去當錢隨
傳甲長供孫貴富原住楊家橋劉氏現在娘家是

古恩心言

李浦倉報查詳六

夜回署先訊劉庄頭供名世鼎鑲黃旗賧良牛衆
下主子擺牙關東人因吃酒常在孫貴富家閒坐
以致懷恨誣扳次訊王禿子供名王相鑲黃旗建
良牛衆下庄頭孫貴富借錢逃躲後來遇見索債
毆打以致懷恨誣扳訊這馬匹毛片如何與彼初
供不差據供他常在小店兩家馬匹豈有不見等
情予審思之四人同夥夜劫亦未有馬步各半者
也夜深屏左右獨訊孫貴富矢口不移呼至膝前
語之曰強盜得贓不分首從立斬汝知否貴富低

頭又語以挾警誣人至死死者訴聞君地獄刀山
罪無赦汝知否貴富低頭又語以此十人與汝同
宿解賊必同解解必累死死者訴聞君畜道輪迴
汝知否貴富頭低至地放聲大哭忽供劉庄頭欺
我女人說給我葢房給我地種百般誘誑我不從
王秃子我借他錢一千俸筭三十千借他高糧三
斗俸筭一石八九斗我恨他兩人前供委想害他
實無盜情我從來井無非爲放聲又大哭又云楊
各庄典舖內青緞袍非我典物也張各庄藍布外

古愚心言

李蕭翁報查詳七

套乃我舊衣也楊家橋所起裙簪女人嫁裝也與
劉氏親音堂泣訴及劉世鼎王秃子口供暗合以
氏與世鼎秃子兩次取供貴富押諸外不聞不知
也回想前供予心疑之矣詳內所稱巡路獲夜犯
者扳供順義旗庄兩人是也是時縣屬雙相庄又
有旗人蕭仲祿家旗廝小八兒向駐防出首伊主
窩盜二月初四日有不識面人送褥套一青布袍
一錫一青氈一將驢賣與何大荷屠殺駐防同三
河營自行起賊并屠家驢皮送縣卽詳內所稱據

送僕首主盜形跡疑似隆平侯庄盜案者也兩事
奏合同城間然咸謂獲真盜起真贓在小八兒尙
無指識而孫貴富初供盤駭匪特順義庄頭劉世
鼎王相不得脫卽所獲同宿河南彰德府十人亦
必一網而後已輾轉反側示期審鞫是日駐防披
甲盤城中旗民擁觀予將起獲衣服雜以署內各
衣令隆平侯庄失主旗人李應魁顧騰鳳當堂自
認皆云非是又將所送起獲驢皮雜以屠家皮數
張亦不認衆聞始息而孫貴富之胡供劉世鼎王

古愚心言

李蕭翁報查詳八

相之非盜孫盛章十人之無辜洞若觀火矣此十
人者遠方窮民無故羈係累日殊可憫惻各給盤
錢慰諭遣去兩庄頭啾啾誣指時予將以誘姦民
婦俾估旗債致孫貴富讐口怨毒叙供解部報院
聞之悔罪有同庄民馬成張良珮庄頭陸邦順李
廷齡張義德劉成德李朝相李承業葛宗堯等連
名僉保所收衣服馬匹具領領回孫貴富釋放去
事有萬無疑城亦不可遽信人有自尋死法而必
求其生者此案是也若使信其初供卽喜得情一

經詳報認則坐辟不認則受刑刑辟兩悞冥冥中
執簡而奏昊天罰及身罰及子孫則皆輕信之心
爲之也凡輕信者忍視人死則皆護功名畏參罰
亟亟銷案之心爲之也詳書附後後之君子當官
座右幸各書一道閭人彭鵬盟手白

古愚心言

李肅倉報查詳九

旗人毆斃饑民誣盜詳稿 康熙二十八年七月二十四日

看得乘夜進院跳牆與夜行偷盜田野穀麥菓皆盜
也而情形異矣罪亦迥殊據北張岱旗人王可道可觀
報稱本月十三夜南張岱民岳之富等糾夥進院聞鐃
急奔追而擒獲而於就擒毆死之岳之海則曰跳墻跌
足而擦有弓矢也嗟乎之海斃矣鬼不能語之富一餓
夫耳泣供數口不舉火也與岳信岳之海及海之子景
登卽小五兒四人同出近北張岱將里許偷王家棗耶
以療饑富持一半截口袋海持一短口袋一小鈞長四
五尺小五兒持筐信持一籠夫道與觀所指者弓矢也
富所供者袋與鈞筐與籠也道與觀所指者進院也富
所供者離庄里許也又道與觀所指者夥賊脫逃也而
富所供者其弟岳信其侄景登也比拘岳信岳景登到
隔別細訊止此四人所執袋與鈞筐與籠各供無異詞
彼三人者豈於偷棗時逆料被擒預爲同供以待獻乎
卑職詣庄查訪不特北張岱合庄甲長咸云是夜不見
弓矢卽訊本甲甲長王登禹本夜更夫王景亮亦云擦
下弓矢聞之而未見也此則之海已斃可道可觀假此

古愚心言

旗人毆斃饑民詳一

其共罪爾獨不思屋上望見跳牆夜色迷離何以辯擦
弓者爲之海也又西牆不過四尺卑職自登之甚易跳
者何爲而跌也卽跌矣亦奚傷而肯棄其弓矢束手就
擒乎若口果傷何以又能奔也可觀狡甚供云先於庄
西獲之海獨不思可道伊兄也原供迫至半里一時同
獲語自矛盾乎且夫北張岱與南張岱茅舍相望岳之
海又爲王姓戶中婿也以其爲盜親與隣可勿論獨不
思所竊者衆又已就拘執乎嗟乎之海之死也四人夜
行耳使可道得以夥盜藉口若非詣其庄入其屋登其

古愚心言

旗人段斃饑民詳二

牆細加察訪備觀情形及周五聞鑼出聽庄人拿住偷
盜賊一語則死者死耳生者三人不幾與強盜已行未
得財者同科乎檢之海身屍左右手腕左右胳膊皆粗
繩所縛左右腿木棍疊傷青紫色雖非致命然據之富
及伊子景登所供三日不揭鍋乃嘆饑人枵腹奄奄直
速之斃忍哉嚴訊牌頭王登禹實供縛與毆皆王可觀
下手可道在旁不之阻耳歷其鈎與袋篋與籠而誣以
弓箭道等實自護而不知其陷人也除逐一取供外合
將旗人王可觀王可道二名及拘到岳信岳景登二名

羈候其先獲送負傷岳之富年老垂危飲以粥漿三日
纔得生氣暫保在外又旗人王可行供無幫毆亦另取
保合并聲說詳請憲示解轅親訊爲此備由同書冊隨
申伏乞照詳施行

此旗人段斃饑民誣竊爲強之案也若非親詣其
庄入其屋登其牆備觀情形細加察訪而庄人所
聞拿住偷盜賊語無從得知不特之富死者吞聲
卽之海等生者一網矣然是時大饑之富父子兄
弟晝夜同出若引已就拘執擅殺之條則盜賊蜂

古愚心言

旗人段斃饑民詳三

起矣且之富饑夫垂斃耳檢傷非致命亦非可抵
心言存此揆情與法殊費苦心嗣而公請斷埋再
詳結案民自不冤旗人得不死孰謂拘宰於旗民
寬嚴異用哉舊洵宰彭鵬識

馬廐假報盜案詳稿

康熙二十八年

看得孫應魁父子皆江白旗佐領某某庄頭也阿都齊爲佐領馬廐放馬三邑榮家庄主於應魁家者也應魁以走失馬二匹報縣存案係二十八年正月二十四日據稱阿都齊過寬兩日供不可磨矣今阿都齊改走爲奪自護其一時放失之罪誠如孫應魁父孫翔鳳所供誑主也查孫應魁父子三人其次子應元現在佐領家當差佐領先聞阿都齊語何不遣應元馳至庄詢其父兄是否被奪遽以馬賊四人步賊二人綁縛奪馬二匹

古愚心言

假報盜案詳稿一

報一盜案夫奪自何地鄉解何人一詰無難皆置不問輕聽細說而貽地方官弁無妄之叅罰誑部也誑部之過浮於誑主雖孫翔鳳疊稱伊主委不知情堅爲分過卑職下吏也含忍非一案亦甘受其愚而自安於愚但自三月初五夜傳喚應魁訊明平明即偕其父翔鳳到案曰阿都齊謊報主不知也乞寬三日限回覆比及初九日翔鳳從伊主家來又曰阿都齊謊報主不究也詰以誣報應罪所云不究者爲誰汝母謂縣令皆土偶耳且報部咨院現取職名不究由汝談何容易翔鳳乃恐

佈亟曰外法司事例主不知也乞再寬三日回覆至十二日不到值十六日通路總捕廳潘東旋卑職星傳孫應魁先赴夏店聽候親訊如初供又曰我父子初十日同赴京十一日我獨回庄十二日主子拜墳十三日進衙門赴部抽檔若不可得托人以懇且曰我主子指阿都齊當過殺乞寬二日我父翔鳳即回覆從其請今又遲至六日卑職充無欲害人之心非不姑待靜聽惟是捕廳有三日踰限之批護院有奉部題叅之檄勢不得已也且盜案無論真假駁查之嚴吹求之力倍於防

古愚心言

假報盜案詳稿二

盜萬一應魁各爲其主忽然改口么麼孤立百喙無辭禍隨踵矣所以初六日應魁父子親供帶於邑東關帝廟祈雨壇會同固山大馬章京吳筆帖式德及三河營守備馬公訊問邑士民咸在示衆聽也初九日孫翔鳳回覆公同固山大馬印在東關通衢滿洲公衙門內取供示覆訊也十六日總捕廳訊于夏店并伊弟應元在旁亦取供示三覆也有閭邑士民有同城滿漢有總捕廳明聽申職告之曰訊及三拜日非我私公見公聞縱汝輩或能蔽空而縣令尚可撥雲與言及此所望憲臺

爲日月爲雷電洞然震怒詳院各部痛除積害爲下吏
伸枉吐氣屈而受之卷舌吞聲必發狂疾安川噫噫爲
哉

此旗斬假報盜案之一也詳內所謂卑職下吏含
忍非一案舉一隅爾竊聞失主報盜毋論真假有
買靜之法有央求之術皆非我骨鯁人所能急而
爲此議者遂有鐵項之日噫乎鐵可點金吾亦爲
之吾豈樂蹈虎尾而涉春冰哉

古愚心言

假報盜案詳稿三

順義天柱村盜案詳稿
康熙二十八年十月

查得王三宋大遇盜一案從無片紙報縣卽順義縣與
順義營駐防尉亦無隻字關移今奉憲檄粘抄部文內
開順義駐防申稱本年九月十八日失主王三宋大遇
賊在三河縣張各庄西北空處遵卽會同三河駐防尉
馬筆帖式得三河營守備白帶領失主指認地方自張
各庄西北遇大桑渠庄小桑渠庄凡十餘里一帶槩不
認自桑渠繞而西南至龐里山將與順義分界矣指曰
此失事處也詰以原報張各庄云何則曰我不知也夫

古愚心言

順義盜案詳稿一

龐里山路南有大山可指正中有石橋可指路北又有
龐里等庄隔山一里可指何以舍此而遙及十六七里
之張各庄又虛指張各庄西北之空地揣其意以爲張
各庄三邑內地也龐里山順義交界也直指內地則三
邑不得辭然以失主今供駐防原詳較之則已大相刺
謬矣且置勿論卽所發金長柱李士雲等七人隔別審
訊訊天柱村也撥什庫李士雲保長吳國佑牌頭夏應
魁等賊進金長柱家曾否目擊雲供同庄聞而後至也
作供張八報而後至也應魁供賊去後披甲等同李把

總係縲而出也撥兵張八亦供賊從彼牆而入不知順義駐防尉報部所稱屯撥什庫保長牌頭供有賊進長柱家見其穿青布袍藍緞掛出時更衣褂等語何所聞而然也隨訊長柱原供有送賊出門一語長柱大呼冤細訊張八據供賊跳長柱家是已時長柱恐燒房赴京告伊主是午時賊揮刀解圍是酉時當賊奔出之時長柱在京又不知順義駐防詳稱長柱自供害怕送賊是實何所見而然也再訊失主王三宋大曾否赴天柱村宋大供未過河而返王三供至李家橋而歸今撥兵張

古愚心言

順義查案詳稿二

八有宋大王三騎馬至天柱村之供嚴鞠又供係宋大之弟情詞閃忽再查天柱村南同驛達子追賊者有鸚鵡庄撥兵于三後來操弓登長柱屋者有委溝撥兵田三雖張八供十三到庄卽赴縣請兵而田三則與張八同在長柱屋上者也查訊當日屋上又有委溝二人與田三偕來而報部內何以漏此三人請兵之于三改稱張八又失主所報者馬賊兩人一帶刀一帶瓢奪去車上錢八千口袋一十八而今驛達子所遇者一賊乘馬一匹并棄褲子褲套細褲紅毡血布鞍轡等物賊馬與

行李均弗顧尙腰纏八貫負此十八條口袋而走乎然猶可飾曰一馬未獲也至孫侯河賊馬又陷棄去此二賊馬并獲獨不見錢八千口袋十八條瓢一個卽使獲賊認贓已非原物然則以駐防所詳之張各庄與失主所指之麗里山前後互異則桃代李儼矣以失主所失之錢與袋與驛達子所獲之縲與毡彼此不同則張冠李戴矣且張八供稱先追天柱村南只遇驛達子并不見賊追過馬連店沿孫侯河賊馬陷於河奔回天柱此如困獸窮猿驟入人家非必有所擇也夫以棄馬窘步

古愚心言

順義查案詳稿三

投穴就釜之賊張八田三于三不能擒之於路及其負嵎相視碎易賊甫奔出悞入死衚衕乘馬踉蹌滿兵綠旗兵並至瞬息間聽其殿去而不之追反於保長牌頭地方諸人縲縲之以卸過焉則猶以鄰爲察之意耳再查順義會審夾訊金長柱在九月二十五日今駐防詳部改爲十九日賊馬丟在孫侯河今詳內云賊在長柱家更衣棄馬此一案也詳文口供字字虛捏卑職逐一敬慎所不敢欺天地而負幽獨者此也合卽叙供運人仍解憲轅聽候電審綠綠旗兵張八旂人金長柱牌頭

夏應魁一路病劇喘息奄奄恐起解赴保封印日近發
回匍匐不支將欲生之實以速之斃除另文申報外卑
職恐違憲限具揭申送則有憲臺之燃犀也

此案情形詳內描寫殆盡至康熙二十九年二月
二十四日准順義縣關開拿獲賊犯許盛供我同
吳二兩人騎馬從將軍關下來於二十六年九月
十八日在平谷這邊三河官的地方石橋東截了
過路車一個馬還有幾串錢五六條口袋到了李
家橋西舖子裏吃扁食小的見有馬來了往西北

古愚心言

順義縣案詳稿四

跑驢達子用鎗打我一下我拿刀砍了一兩下被
套都掙了跑到天柱村金大郎金朝柱屋裏他捫
用箭射我拋了死奔出來到徐茂公家換了袍子
在他家住了三四日就走了等因展開來關悉與
順義從前報部之文大互異心言存此存疑也先
是天柱村牌頭夏應魁病劇詳請免解即死於洵
邑白浮岡地方代為棺斂給錢昇歸順義應魁順
邑民也以當牌頭累斃哀哉

覆遵化州關提邑民稿 康熙二十八年
十月二十日

看得賊犯誣扳往往有之然未有指鬼錄之名影响飛
噬如劉二之異者也查邑民劉豆腐即劉登住居夏店
於二十五年物故聞今四載矣本年八月二十九日劉
二行劫石門地方扳為同夥先准票差費役王好賢拘
提則鬼能為盜矣誠如伊子萬厥所稱事果合夥人必
還魂是也隨於九月初四日費役押賊劉二來縣本縣
詰訊言詞閃忽肺肝如見另有貴州小票一紙內開劉
豆腐住夏店街北有妻子有兄弟一人年二十多歲本

古愚心言

覆遵化州關提稿一

人年三十多歲面白微鬚查劉豆腐並無兄弟伊子萬
厥年四十二歲萬倉年四十五歲保甲冊十家牌開載
甚明與票內所列年貌不符今十月十九日又准關提
劉豆腐本縣無術捉鬼伊子萬厥萬倉勢必波累自念
率洵五載稔彼素行最醇謹現為坊市社老人此本縣
赤子也赤子被陷入井為父母自當手援不待閭邑老
人張應詔等以身命公保白其無他而後代為詳也緣
係斯民直道未便抹刷理合備敘幸逢貴州秦鏡高懸
剪奸培良自有同心希准免提力究指使之入庶鬼域

技窮平民安枕則不勝荷庇爲此合牒貴州煩爲查照施行

此隣封賊犯誣良之案也當日遵化關提三次子
喚劉萬厥萬倉兄弟潛赴後堂雜皂快四人站班
隨傳遵化捕役帶賊犯劉二入訊以曾否識認劉
豆腐據供劉豆腐年三十多歲面白微鬚有弟
人同夥熟識隨令於站班中認識有無劉二仰觀
口稱誣盜豈天理所容予卽伴差萬厥萬倉出潛
入跪劉二背後伴詰二只稱劉豆腐同夥矢口不

古愚心言

覆遵化關提稱二

移喝令回頭指曰劉豆腐身死四年此其二子也
劉二驚愕失措始叩頭遵化捕役旁觀語塞子退
作關覆當日東路總捕廳潘公私語遵化州云彭
令立心慈祥見事精細慎勿擾後予聞此案劉萬
厥兄弟爲人所愚尚於遵化捕役經承費多金嗟
乎盜案誣良其害可勝道哉心言存此舉一隅爾
舊洵宰古愚彭鵬識

初編洵邑八路十五鄉保甲詳稿

康熙二十五年十月

爲弭盜首嚴保甲旗民勢必均編等事伏見普天以下
各司其地各子其民者邑宰事也獨至洵而旗民雜處
宰不得而盡問釀禍叢奸匪一朝一夕之故矣今奉憲
遵 旨保甲均編卑職不恤多口不畏浮言躬詣村庄
量度道里分邑爲八路正東東南正南西南正西西北
正北東北路爲十五鄉名之曰親睦禮讓仁義忠信正
東路親之鄉一東南路睦之鄉一正南路禮之鄉一西
南路讓之鄉二正西路仁之鄉二西北路義之鄉四正

古愚心言

初編洵邑保甲詳一

北路忠之鄉二東北路信之鄉二親一鄉爲保七睦一
鄉爲保十禮一鄉爲保一十六讓一鄉讓二鄉爲保各
十仁一鄉仁二鄉爲保各十一義一鄉爲保十義二鄉
爲保七義三鄉爲保十二義四鄉爲保四忠一鄉爲保
七忠二鄉爲保十信一鄉爲保十三信二鄉爲保九親
之鄉一凡七保二十一庄設守望樓二十八睦之鄉一
凡十保三十七庄設守望樓五十三禮之鄉一凡十六
保六十八庄設守望樓九十五讓之鄉一凡十保四十
六庄設守望樓七十一讓之鄉二凡十保三十庄設守

望樓四十三仁之鄉一凡十一保五十一庄設守望樓
五十二仁之鄉二凡十一保四十三庄設守望樓五十
七義之鄉凡十保六十二庄設守望樓七十五義之
鄉二凡七保三十四庄設守望樓四十七義之鄉三凡
十二保五十三庄設守望樓六十九義之鄉四凡四保
一十六庄設守望樓二十二忠之鄉一凡七保二十五
庄設守望樓三十九忠之鄉二凡十保三十三庄設守
望樓四十九信之鄉一凡十三保四十四庄設守望樓
五十八信之鄉二凡九保二十八庄設守望樓四十八

古愚心言

初編洵邑保甲詳二

計庄五百九十一計保一百四十八計守望樓八百零
七處每樓墜旗一大書守望相助傳鐘接應旁書給某
路某鄉某保某庄樓上各置金一鳥鎗一器械二每夜
照甲內成丁勾派二人值宿謹防盜賊甲有長庄長率
之庄有長保長率之保有長鄉長率之白相聯屬互為
稽查如庄內多旗人有管屯撥什庫另編旗甲牌以屯
撥什庫率之先是阻撓扞格怨詈忿怒而未肯降從者
及此皆革面人無有不善夫亦可自反矣乃進八路十
五鄉鄉保長等咸至於庭敬授

聖諭十六章漢書清書命以木牌登掛旗民各戶門首隨
所到日親為解說一切保甲事宜俱載鄉保長庄甲長
照牌內不為粉飾不為煩苛漸而化之習而安焉或以
幾於親睦禮讓仁義忠信而無難是則今日名鄉之微
意云爾為此先將鄉保姓名村庄更樓細冊具文申報
伏乞照驗施行

初編保甲日庄村投冊寥寥即有冊而舛錯漏脫不
可枚指及詣各庄不曰本庄某旗某牛衆下人也即
曰本庄投充某旗某牛衆下人也不曰此庄某旗某

古愚心言

初編洵邑保甲詳三

庄頭所立也即曰此庄某旗主某當家所招也俟見
候閃爍無如何乃騎馬夜行自昏達旦挨門清查連
夕不假寐告以奉 旨均編原為兩旗民自保身家
并非苦累遵者獎之不遵者責之鞭之兩月以後聞
風革面遂按道里聯庄村編為八路十五鄉先濬壕
次築牆次各設守望樓樓計八百處相率樂成其後
二十七年戊辰

皇上駐蹕洵邑侍衛傳 旨召見

上問臣不一事臣一一奏對

上問及河邑交界地方臣奏正東至段家嶺二十里薊州

界正西至煙郊五十里至孤山五十里通州界正南

至楊各庄三十里香河界正北至胡家營六十里密

雲界

上又問至平谷幾十里臣奏東北至平谷縣四十里至巖

山頭交界二十五里

上問至順義幾十里臣奏西北至順義八十里東南寶坻

縣七十里西南馬家廟香河界三十里

上問至密雲縣幾十里臣奏至密雲縣一百一十里

古愚心言

初編河邑保甲詳四

上問地方旗下庄頭何如臣奏臣賦性慇直從不徇私四

載以來毫無姑容旗人皆諒臣心一一遵法載在臨

洵 召問恭紀內若使洵邑保甲不行道里朦混旗

民雜採當時

大語下詢臣何辭以對舊洵宰臣鵬謹識後

爲洵邑民婦驅妖詳稿

康熙二十八年五月

看得李家庄民李從禮妻王氏爲妖所附自言能治病

村落傳聞遂有病不求醫不服藥彼婦是問者亦見效

漸而京東一路絡繹接踵車馬問門而李家庄僻壤商

賈日聚矣卑職恐致煽惑也急爲之救微服步行入其

庄庄如市入其戶戶內外男婦屢滿入其家婦坐一室

問者焚焚於窓隙密禱卑職乘間直入妖附婦語治病

活人未嘗擾此方何苦相迫叱而收之鎖而示於衆取

黃紙硃書八卦蓋縣篆貼諸柴扉留從禮八十歲父守

古愚心言

爲民婦驅妖詳一

舍氏與夫帶至縣觀者擠擁馬首不得行人人咋舌歸

署牒送邑城隍以職受

天子命神受上帝命治明理幽驅除此種自有同心不知

者以爲神道設教云爾次日仍提回署宰自治民終不

以事權旁落聽命諸神也將從禮夫婦鎖於縣堂左右

柱遲一日而訊之婦曰妖去矣遲三日而訊之婦曰心

醒矣今訊霍然矣遣役詢其父曰祟不至矣此一行也

彼婦不渝於魔斯民不惑於怪光天化日之下安厥攸

居使由出者咸知妖誕之不足信此亦正人心之一端

耳王氏夫婦應釋放寧家所有原檢喪貯清錢三十三
千除從禮家祿稍買紙本錢外餘卽看病人所給先付
保甲長具領擬送充邑城隍蓋廟用神如曰絲毫吾何
取則非卑職所敢以貨贖也應否允從聽候憲裁緣事
關地方恐風聞傳訛爲此合行備具書冊隨申伏乞照
詳施行

邪說惑人仙妃神母之稱噴噴滋起矣叱而擒之
歸牒城隍以神與令陰陽分理者也三日提回又
不專聽命於神崛強得毋甚乎是時直隸巡撫于

古愚心言

爲民婦驅妖詳三

先生批予狀曰據詳邪魅依附民婦該令以正氣
臨之遂令霍然誠足驗正人心之一端矣餘錢以
之修廟則不足况係李從禮自首姑仍發還本人
可也署巡道瞿昌道許公批畧曰直道驅邪明理
不惑通永道孟公批畧曰愚民惑於崇魅該縣能
以正祛之具見留心風教殊可欽向東路總捕廳
潘公批畧曰文告韓溪鱷魚遠徙巫投漳水河伯
無靈除民害而正人心風教攸關原非淺鮮據詳
王氏被魔煽衆該縣力爲驅除足徵清白格天精

神及物已上批語總不離正直二字近是正直豈
敢當哉妖去偶然爾心言存此內自省也

古愚心言

爲民婦驅妖詳三

投旗人剗瞎折傷功兄解部詳稿二十五年

閏四月

看得梁全忠乃梁國版國倉國庫同懷叔也其子國芳與版倉庫大功弟兄也同住邑屬霸王庄國版兄弟投旗知爲夸蘭大赫家不知旗色與國芳同牆之日久矣據忠泣稱國版等誣其子至孤山大府庄擒到張家墳以鐵打斷右腿肱骨血噴髓流又剗右眼灰擦左眼仍倒拽橫拖而付諸忠曰死便一債卑職聞之疑其庸懣批卽昇赴驗全忠老矣無一手足之力霸王庄居人皆不敢昇隨令梁國版住房人昇赴官給錢四百蓋旗庄

古愚心言

投旗人解部詳一

住房者非該庄庄頭莫召也昇至訊供全忠兩涕交垂曰國芳親子也國版國倉國庫親姪也夫何言但乞驗傷訊國版推不下手國倉自認爭地蓄忿是實卑職查國芳從前爭地構訟前任歷案皆以芳係衛民營賣身旗下又稱道士梁無以本縣墾地斷給惟有內令斷地一項版具退狀忠具領狀國芳弗聽版等寸土仍無失有何深讐而至斯極卑職驗其雙目將瞽去褻肱肉見骨蛆蟲滿地狠哉國倉獨不念其父與叔一母所生乎親尚如此他人可知也緣係投旗人外官不便加刑除

梁國庫逃躲外合將國倉國版申解再給本庄人錢三千文昇國芳赴驗質訊伏乞大部審奪施行

同祖兄弟而至於剗搽雙目折傷肢體同庄住人而至於不敢代昇赴驗俗之壞也殊不忍道起解時全忠懇從寬聽其調理姑從所請鎖國倉於堂柱十日曰不俊終置諸法又動以天性漸亦自悔人性未有不善者也其後國版每見必稱德國芳亦不復聞前訟心言存此敢曰中孚吉

古愚心言

投旗人解部詳二

禁飭旗債銷案請示詳稿 二十七年二月十三日

看得重債俾估久爲民害先蒙本道陞任山東按察司今陞江蘇布政宋曾於院憲諮訪利弊事條陳內有本銀七折八折利息九分十分計日加增利又作本每銀數兩而至數十兩或錢數千而至數十千私行拷吊立逼準折痛切言之矣院禁在案幸逢憲臺星臨爲福檄誠屬員時時稽察勿致殃民卑職奉行惟謹得諸見聞如某某劉二找子等恨未有告發之者去歲有正白旗人周二青存住因俾估濫算被投旗人梁國厥控告武

古愚心言

禁飭旗債詳一

總捕廳批審卑職必律擬之青悔罪輸服旗民公保去卑職咸告旗民曰邑中如某某廉訪已久若不悛改當除害實指某某劉二找子言也何意歲暮益熾夥得魁借銀一兩已奪其馬怒而毆之拔其辮髮逐入縣堂出警以理咆哮大無狀縣堂至此於村民乎何有時值封印報憲在案茲奉催審解部據楊天富等連名以懇恩轉詳免解大部以廣弘慈事咸稱某某悔過劉二找子逃竄住提姑從所懇代爲申請若蒙寬宥乞給示再將旗債一切禁止仍嚴勅劉二找子不許潛住境內益劉

二找子倚某某狠假虎也某某得劉二找子爪添翼也城狐社鼠未易去逐一劉二找子使爲狠爲翼者稍知歛跡耳其夥得魁辨拔見血髮盡無髻出入恐未便合并聲明存案爲此備由具冊隨申伏乞照詳施行

重債俾估每銀數兩而至數十兩或錢數千而至數十千敲拷準折逼承道宋商丘先生無微不燭矣普天以內實繁有徒民安得而不窮且蹙也前詳懇一耳心言有此書某某而不書名者以具詳後合懇免解自悔過後此大有悛心孰謂人心之

古愚心言

禁飭旗債詳二

不可以格哉舊洵宰古愚識

越城竊盜賭博請示禁飭詳稿

康熙二十九年三月

看得閩某和尚皆鄭某家壯丁也家住西關越城偷竊若非失主庄頭劉振業家分路追獲其力量又不止匹敵則民間告發而旗豪咆哮誣良爲盜訟滋起矣洵城自地震後僅一土坡耳惟是司城有鑰夜行有禁彼自外入卽越城也城內尙敢然村落可知種類實繁流毒何底極乎閩某實供同夥係伊主家壯丁和尚久慣積賊拘到不肯認某証益力比及伊主鄭某面稟具呈爲籲恩盡法究處以杜後害事內稱僕人閩某和尚素不

古愚心言

稿查賭博詳稿一

守法屢行偷竊戒飭不悛是和尙爲盜其主不惟舉之於口而又筆之於書若非親筆則下吏究訊而旗豪咆哮誣良爲盜又滋起矣茲者再三火懇從寬但不知先是請盡法者何心今此懇從寬者何意夫法者朝廷之法嚴與寬豈可私意行之耳且因偷竊而供及賭博因賭博而供及旗人姓名而知其爲故印子錢舖三者皆犯法執而問之側目閩爲株連置而不問肆膽益無忌憚與使肆膽毋寧側目但旗廝非卑職所得伸其法也姑將黃夜糾夥越城偷竊壯丁閩某和尚二名贓獲

証確遵例解赴刑部聽候嚴訊發落伏思夜行無畏多出旗廝小則爲鼠大則爲狼遇之卽曰我某家人也今必請嚴禁更闕以後無故犯夜者拔其尤惟解憲轅治罪彼知解轅法伸法伸則畏縮而不敢妄動又此輩爲盜雖不同然各有所恃如竊在旗則獲贓之後各私其類回護而代爲銷此一恃也竊在民則資緣請託顛倒爲良然後快此又一恃也卑職非但爲此案發耳敢請憲臺賜示嚴飭以懲爲戒震雷霆之威未有不落魑魅之膽者矣爲此備由另冊具申伏乞照詳施行

古愚心言

稿查賭博詳稿二

旗廝因盜竊而供賭博因賭博而供放印子錢舖相因而吐法皆不可縱獨於黃夜越城偷盜照例解部而賭博放印子錢置弗究客謂弗究則偷盜一案懇從寬釋既解部又詳院是亦不可以已乎予應之曰賭博印子錢未告發也越城偷竊已擒獲也解擒獲而未告發者知儆矣網開其三也請飭禁者榜而示之欲其格而又從而格心司牧之不忍盡法者多類此舊洵宰古愚又識

假銀橫行覺發請示禁飭詳稿

康熙二十九年三月

看得行使假偽閃忽詭秘若以施之識面者絕無瞻顧此與白晝攫金何異今旗人段之賢則賣錢人王國祥等所熟識者也旗人鄭六兒又典舖人司三太等所熟識者也同日赴寶坻新集以假元寶假錠贖當換錢六兒贖不足而索找之賢一不飽而至再蓋彼所恃者旗耳覺發可以力制隔宿可以辭賴幸即敗露追至伊家當物歸還矣找錢欠三千司太無何六兒幾漏網使聽孫弘章議交還王國祥等二十千此吞聲而彼飽整矣

古愚心言

假銀橫行詳稿一

造物者故使奪其魄使之刁延致有此控司三太補狀而新集集上分路行使合夥共謀已無遁情而况同旗一居六兒賣之賢妹婿也之賢巧於自護曰妹夫六兒使我錢交妹夫訖又巧於護六兒曰六兒不能動履今隔別取供突訊以二月二十九日曾否新集趕集不覺皆實吐隨詰以同一日也同一新集集上也換錢何以病贖當何以愈再令質對叩頭皆請罪及追典舖內取回假元寶一塊堅稱無有再查六兒歷來取當還錢不還票以誑騙之術蓄訛詐之奸流毒久矣不知者但以

錢已交還喋喋請息名謂解紛實則助惡耳所當窮其

爐座究其行使追其假造剪其黨羽務絕根株為地方細民除害如鄭道係其本庄鄭三與之同行均應究擬但係旗人又非卑職所得伸其法者也已將鄭六兒段之賢及原告王國祥司三太併假元寶假銀連人批解刑部尚有原告魏世敏染病臥炕不便解赴又有講事人孫弘章劉溥出外未回一并聲明在案伏思新集為通衢屬目則僻地無人可知也典舖及賣錢人皆識面則素不相識者可知也同日同時兩處行使將三十兩

古愚心言

假銀橫行詳稿二

則積日積月積歲可知也拿獲到官咆哮無狀彼不肯認卑職亦不肯縱私自認還贓明証確紛紛者必請創案則小民受害無敢控訴吞聲飲恨可知也又假元寶兩塊一式非偽造另有其主則造與使皆此人可知也鄭道僉云長齋人若鄭三與鄭六偕行雖案內罔究然非善類縣可知也地方大害此又其一敢想憲臺准據卑縣詳文給示嚴飭犯者毋論旗民立解赴轅畏雷霆之威又未有不落魑魅之膽者矣為此備由同具書冊隨申伏乞照詳施行

新集寶坻縣所屬也洵邑旗人行使假偽流毒寶
坻與在洵同解部之後重請院示使此輩不敢越
境發行耳客有謂彼於洵畏法矣越境而治之尸
祝越樽俎可乎予應之曰有分土無分民客何所
見之不廣也客唯唯

此案與旗廝越城盜驢一案同日詳院蒙撫都院
于先生批卽出示嚴禁矣詳內所謂稟電雷之威
者未有不落魑魅之膽心言存此在上位者又不
可不知

古愚心言

假銀橫行詳稿三

旗民董清張義隆等告地詳稿 康熙二十八年
十二月

看得彭城衛歸併後冊開王三元地一十三頃一十畝
王三成地一頃八十畝及徵糧則香河縣旗人董清是
也嗣董清以逋租告張義隆等隆等以霸地控清清曰
先奉順天府咨部斷給有案可據隆等亦曰先奉順天
府咨部斷給種地三十五家令其抄案對質隆等杳然
矣王三元未聞出訴據義隆等供順天府告詞亦無三
元其人則是墾地非獨董清不得而佔卽三元亦不得
而有也今王三成出告遵批研審察情度理當年開墾

古愚心言

旗民告地詳一

王國壁總攬耳墾地悉報已有謂國壁蓄謀席捲則可
不可謂國壁全無墾者也國壁有子三人長三元投旗
次三成又次三全皆民卽使此地全屬國壁三元與其
弟亦宜剖而三不應三元盡典諸壻卽使盡典而董清
顧及叔丈人亦不應奄有其地而况張義隆秦山張萬
春等數年許告以爲彼實同墾者也今除王三成冊載
地一頃八十畝令其自行管業外其王國壁名下地十
三頃一十畝內割地二頃與王三成王三全兄弟撥地
一頃二十畝還張義隆又撥五十畝還秦山六十三畝

五分還張萬春尚剩地八頃八十六畝五分應歸王三元增董清收租輸糧元與清翁婿情深此地是送是典三百兩是虛是實姑置弗問若清所執典契并書王三成名字則憂受乎其假也不待訊及僉中孫之蟄供稱茫然不知而後信之至於張義隆所稱墾地三十五家今除隆與泰山張萬春外傳訊呂應隆夏萬金等僉供佃地是實則無可吹求矣王三成歸併後槩未輸糧卑職五載治洵從不催科捏稱包課血比乞批州廉喪心誣訟法應究擬念彼恨之無知亦置弗問實惟仰體憲臺愛惜元元至意爲此備叙各供粘同批詞具冊隨申伏乞照詳施行

古愚心言

旗民告地詳二

此旗民爭訟墾田之案也董清彭城衛投旗人也王三成張義隆等衛民也許告六七年不休及歸併三邑又赴通永道衙門告物不得其平則鳴至是得平如詳照斷結案旗民允服亦可見平情之易耳

地棍勾引說詐商民詳稿

康熙二十六年七月

看得張孟夏劉旺泉皆山東人蚩蚩抱布客臨洵虎視者日就就焉奸民郝三機角商小宇旗棍李三王三朶子爲虎之翼飛而噬以李睿思之子李自元爲餌誘入李家誑以羹帳將飲之酒酒未酤而日已暮羣棍擁入藉口姦盜搜出門而把總卽帶去據訴拷掠夜繼之日雖不可知然張孟夏傷痕先紫色今黑色三月血不消若非李睿思自首其子赴憲控告則彼二人者吞聲卷舌忍痛含冤以得脫虎口爲幸豈敢直斥其名自奉憲

古愚心言

地棍勾引詳一

批審後郝三機角商小宇民也遁去任漢陽布客也以母死回東省所獲者旗人王三朶子旗人李三耳商小宇在逃圖出脫囑牌頭代王三遁呈公保一訊而牌頭四人盡吐矣郝三機角有逃其父郝某代任漢陽作誣力誣李睿思父子爲其子出脫地一訊而任漢陽盡吐矣隨喚本學門斗傳郝某至令認自元歸期誘其書狀筆迹與漢陽訴狀符乃知房弁移會內有庄頭金某告詞及把總看語皆出郝某手且以和息之郝德明商之魁卽申詐之郝三機角商小宇據旗人王三朶子旗人

今三咸供設計誘騙皆自商小宇郝三而任漢陽質供亦云張孟夏銀一十五兩交給商小宇餽弁卽同夥郝三亦供小宇代餽不意魍魎爲伍白日公行至此劉旺泉先供銀五兩錢三十二千五百文審時只認銀八千交給商小宇餘錢任漢陽代出今不取前後供互異此必有爲旺泉解釋者矣先是耆民王之臣請代處卑職弗允至夏店白衣庵訊張孟夏供云金庄頭勸其罷息息銷後代分帖三十紙每紙人助百錢東歸聞之咤異以是力疾又赴城隍廟逐一細訊纖毫畢見任漢陽審無訛詐免懲商小宇因病薄責十五板呼李某而問曰爾子李自元聽人穿鼻罪當處否曰處宜重卽予二十三板請憲乞解網呼郝某而問曰爾子郝三機角爲弁鷹犬爾舞刀筆罪當處否曰處宜重卽予郝三機角三十板郝某年老曾列子矜請憲乞解網呼王三朶子李三而問曰爾以旗棍勾營訛詐平民當解部念爾爲從實供不諱照例各予二十七鞭速改過請憲亦解網金庄頭上善公司平劉虎王起隆係把總移會內或稱和息人或稱具保狀人或稱公忿告狀人皆混蒼鼎深

古愚心言

地棍勾訛詳二

究所有詐銀三十兩除劉旺泉今只供八千認還外張孟夏一十五兩授受鑿據斷令商小宇賠還一十兩郝三賠還五兩房弁因串楊可用捏報盜案在通應審未回又係去任應否寬宥與各犯應否免擬出自憲恩非卑職所敢專也卑職但欲於奸民再請柳示爲勾引訛詐者鑒爲此條由粘連原批全具書冊隨申伏乞照詳施行

此地棍勾引訛詐之案也入已之匪悉歸弁彼商小宇郝三機角王三朶子李三旗民無知特鷹犬

古愚心言

地棍勾訛詳二

耳先發踪而後搏逐法之經也然此時弁已緣事去匪無從追迫諸商小宇郝機角以還孤客早得還鄉法之權也屢請未減者以既賠贓再加責法止此耳投旗人王三朶子李三事雖與謀贓無分得實供不諱照例各鞭予以自新無敢徇亦無敢縱卽屢奉嚴駁此詳終執持案內牽連多人情有可原一槩宥釋郝某庠士也諱其名心言存此寧爲寬勿爲猛

申報道役張聯登詐索稿

康熙二十九年三月

三河縣爲欽奉

上諭事蒙本道孟憲票准守道任開前事卑職遵將發回冊結照式更造十七日繕寫甫畢憲役張聯登忽將經承鎖拿至新店地方邑民王三錫勸放聲稱薊州現帶承行造冊禮豈有空冊白送之理錫懇回縣延至酒舖需索仍不休卑職聞之如數交里民張應詔禹綸等親付銀已入手仍復覓尋里書咆哮殷雷卑職恐違憲限先將造完冊結差舖兵通投在案伏思饑饉獨免

古愚心言

張聯登詐索詳一

聖心視民何啻如傷憲臺奉行宣布諄諄勸諭無非仰體皇仁豈容藉口造冊冒名索錢紛紛擾累且憲票內並無鎖拿經承字樣擅鎖擅放作威作福擒縱自由不過恐嚇取財而已胥窮無所出問之里民里民窮無所出仍出諸窮令令窮被騙止數金何敢輕贊憲聽但新店離城二十里爲京東通衢一路鎖項嚇拷口稱薊州有承行造冊禮比例追勒絕無忌憚非所以令道路見且聞也據實以報必爲羣小目側口詛詛亦有損側且不測然仰恃憲臺之明與其嘿而下墮無寧語而上聞彼如

日誣之也新店道上懸放鎖則有里民王三錫廟內交銀則有里民張應詔禹綸邑署付銀交給里民轉付則有卑職夫飽彼之橐猶曰可也乃以彼之橐而稱爲代承行者之手承行者身在憲轅遠爲所污亦未有能甘心者矣爲此備由具冊隨申伏乞照詳施行

張聯登薊班也此輩一奉差遣情態卽異眼中胸中豈復知有百里宰官哉獨以獨租奉文取冊橫索太無狀據事直詳吾行吾愾然憶二十八年四月爲府差孫標詬辱激欲杖之而不果立遭顯

古愚心言

張聯登詐索詳二

禍下吏不識時務如予豈非頑石原稿心言存其略識悔也

回覆通承道差提經承里民稿

二十九年三月二十三日

卑職遵奉憲檄應將里民王三錫等同經承餉解赴憲帳候訊奈造報賑濟冊籍之時戶胥三名一在保府奏銷一患汗病僅存一名服役現在星夜繕寫委難分身里民王三錫等貧蟻又苦起解哀懇免趨伏思此銀係卑職交給里民轉付非在外科欵必待對質而始明也但詐入止三金耳似不宜申報卑職所以報者因其鎖拷大道通衢咆哮大無狀不敢守嘿以負憲臺諄諄廬剔與民休息至意一申飭懲戒足矣所望憲臺嚴中

古愚心言

承提里民回詳稿

寓寬俯從所請則不勝厚幸

此飛提第一詳也其後硃標電檄不一次懇者之悔嗟何及

覆查通同誣陷張聯登詳稿

二十九年四月二十四日

查得張聯登索銀係卑職代給并非里民私派而與之也因其咆哮想及道憲申飭至意遂至詳報發不及覺非為擅鎖邑胥而然也業蒙憲訊聯登不認隨蒙批發憲臺公同通州會審登不認如故而交銀里民王三錫等又有代送飯費之供以為飯費於情亦可受矣且為數無幾訊至再於法亦已盡矣恭逢

古愚心言

覆查通同誣陷詳

皇上肆赦之時恩開一面予以自新解網之仁不得不向憲臺代為請也若檄內所抄通同誣陷一語通同則造意者卑職也主謀者卑職也誣與陷匪獨作偽心勞抑且反坐加等矣忝為屬吏身在覆轡而敢為此喪心之事乎思之思之口吐心悸伏惟鑒照

此二十九年四月二十四日回覆東路廳通州牧稿先是本道審時通訓永三班擁擠告退以激上怒當日抄奉原檄遂有通同誣陷一語捧讀之下毛骨悚然幸而五月初二日欽奉特旨行取原案得銷有志司牧者慎毋易言為民輕言則肅存此垂戒後之君子不可以不察古愚識

訂華勾旗鄉耆劉某稿

康熙二十八年正月

看得洵邑圍投殘匪彰彰非下吏所能然卑職率洵五載兢兢以正人心爲本善不在大惡不在小只辨此心故凡旗惡嫁禍與奸民飛殃者皆爲有心害人從不姑息今有劉某卽劉某係邑中鄉耆與天妃廟尼僧相地細故小有嫌隙不憚百十餘里赴京城至旗人家苦其徒爲伊家投充人陳自立之妹老尼師徒與立皆拿去立妹羈留立歸忿而毆劉某太史公所謂怨毒之於人也甚矣哉初陳自立毆諸市被其衣逐至縣門前劉某

古愚心言

請華勾旗詳一

奔告收而執之並執其同夥同行同旗之張廷傑訊供未之信比及老尼具訴劉某對質始無遁情至聞立妹五歲病垂斃送諸廟實棄之耳撫得不死稍長落髮今一十八歲老尼聲嗚咽恨無髮之指夫劉某鄉耆也上不能顧名思義表率里閭次不能排難解紛持頤扶危亦常曲謹自好毋負朝廷給以頂帶優待之意奈何造孽至此此其處心積慮尙忍言哉查康熙二十一年十月內前任本府堂張爲盛興教化以隆

聖治事疏稱耆老之設所以敷教也徇內開載甚明豈容

敗類滋膺茲選定繳原劄聊以云瘳也念其老悖無知格外寬宥恩出憲天則不勝仰企爲此備由全具書冊并申繳劄付具詳伏乞照詳施行

此京兆尹理學先生新任之時也蒙批鄉耆爲一鄉表率非素履端莊何可任使劉某如此敗類法當究擬該縣又念老悖僅追劄仰將從前保舉者重懲枷示以警將來仍具文報奪繳當日想望澄清徑行吾愚未旋踵而撫拾糾紛一而再賢者不可測噫古愚識後

古愚心言

請華勾旗詳二

投旗邑民捏訟行提詳稿

康熙二十五年二月

查得張某邑民投充也同居兄弟叔姪有矜有監種類不一然以彼先屬邑民則卑職爲彼官也以彼新有矜監則卑職爲彼父母也民之訟官子弟之訟父母或者官與父母實甚卑職誠不知其所訟緣去歲七月十二日入署見署與城連城無垣可踰而入城外無居人前任余知縣被劫以此至冬東邊築土房方廣八尺容身護印召土木匠只有閭閻一人來十一月二十三日出南關目擊築舍者匠手如雲次日卑騎出騎至彼地諸

古愚心言

投旗捏訟詳稿一

匠升屋喚之充耳勒馬帶同九人詢住址取供不入家甲內有任大一名係山西人流寓二年語無狀薄責十板是時直上縣堂者生員王某口稱係伊姻家作室卑職亦不細詢卽釋次日傳云張某遷怒始知爲某某家也某家離城二十餘里重門廣廈豈知又於南關而壑斷乎且任大木匠也流寓彼庄於彼何與焉置弗聞嗣而鄉耆張文光托云馬房蔣庄頭偕光將設席卑職以從不赴席辭十二月初旬又有孫庄頭同張鄉耆入署明言設席孫家與某某解釋卑職細思任大不應薄責

而責之此席傳自某某意則令愈得罪也任大應責

薄責之此席傳自令意是某某無厭也令誠卑亦叨一

命藉杯酒合席之名行肉袒負荆之實世間男子何地

不能全活安能折腰至此耶卑職語孫庄頭詞氣徑直

某某卽有此訟夫設官治民責一木匠半載聒聒必訟

而後快焉若使役車稍間片息得閒實奉功令清旗民

緝保甲逐流棍均差徭則遍地如響令之髮可勝擢令

之肉可勝食耶且卑職百鍊之剛亦嘗化柔矣去歲照

例致送新曆彼一門庄頭矜監原帖并不報今復行捏

古愚心言

投旗捏訟詳稿二

告夫邑人妄自夜郎習與性成其所由來舊矣獨生員

王某用意造謀何甚卑職半載臨洵催科不責一板二

十四年附社錢糧尙欠四百餘兩揭債先墊履水飲藥

竊爲可告無罪忍料酷虐丁命出自彼口夫信義可孚

豚魚卑職自反而已况當極衝極疲之區命若涸魚人

似浮漚而必綢繆尺地防患安身誠愚且慧致有此訟

卑職又自艾而巳自反自艾夫何言但以薄責任大出

自卑職卑騎親帶面訊卽隨行人役絕不與知而王生

員教唆詞內妄云惡役木匠閭閻索騙不遂串同左營

家登稟將任大重責二十板卑職忝爲下令反因令而
禍及匠卑職苦爲窮主反因主而波及僕忍然吞聲向
何俛仰覆載間乎又某某詞稱并伊壯丁張二亦責二
十板壯丁旗人也擅責旗人例降調若果情理難容義
忿不顧雖降調自干然卑職棄此如敝屣耳乃查當日
口供只有張應秋供係正白旗人并無喝叱突爾子虛
試問登堂侃侃者非生員王某乎有無張二曾否并責
此可質而鞠也王某名厠邑庠素行不知云何卽此一
事必使民訟官子弟訟父母鼓舌舞文張膽而無忌憚

古愚心言

長旗控案詳第三

其爲宮牆敗類可知矣伏乞徹底嚴訊有一與告詞符
卽律卑職以妄責處卑職以疎縱并究卑職飾非文過
之罪無是則請出看語明白詳覆以見光天化日之下
亦有王某其類者若卑職民牧也則惟自反自艾如易
所稱中孚吉又何較夫下訟上哉緣奉憲批事理連人
解報伏乞審報施行

宰洵甫兩月因責一流寓泥匠十板而挑訟者特
距二年事經半載必上控而後快積習使然固無
足怪此詳出而控者自銷案訟之九二象曰不克

訟歸道窠也是年遵憲奉 旨旗民均編保甲董
之勸之相感以天罔有不孚中孚象曰豚魚吉信
及豚魚也豚魚且然而況於人乎詳內所以有自
反自艾之詞心言存此後之爲民牧者願爲孚不
願爲訟

古愚心言

長旗控案詳第四

查覆駐防銀米通詳稿 康熙二十五年十二月

二河縣爲支給米石等事卑職遵奉憲檄通計駐防歲需銀二千一百零五兩俸餉米二千六百零五斛具覆呈報外撥什庫披甲等催若電雷不知此二千一百餘兩出自何項二千六百餘斛貯在何處以駐防數十年之人一旦變例與通人以死而弗顧者也伏望憲臺俯察殘邑荒年無處可買衙驛缺額無項可支恩賜客部照舊領發兵民均便若以舊例赴京自領忽爲今日就近支給量沙點鐵兩無術必貽悞部文朝至則卑職朝去夕至則卑職夕去去非得已然猶愈于死耳緣事關駐防俸餉難緩須更爲此激切哀鳴備由同具書冊隨申伏乞照詳施行

古愚心言

覆駐防米餉詳一

採買在官本有不在民者也時勢可行官與民何辭之有獨至殘邑荒年無處可買部價視時價又減倍忽變數十年京倉自領之例就近買給所謂無益於兵大累於民情理甚明民呼籲而官何忍無言自此以下詳稿有六篇皆不忍之心爲之也至於自具職揭再請題叅隨奉部議降三級

戴罪督辦而不忍之心仍相爲終始當日各憲備諒苦心惟以俸餉銀不肯赴保府代領爲膠執嗟乎以國投之區當饑饉之日恐銀代領而米立起里社子遺有死而已民累至死安用司牧者爲哉悉在各詳中舊洵宰古愚彭鵬識後

古愚心言

覆駐防米餉詳二

詳請駐防照舊例支領稿

康熙二十六年正月十三日

卑職甫捧憲批恩准詳院下吏與子遺均戴及讀採買等語心膽墮地矣舊例三河駐防歲需米石定限二八月散給赴部自領所不與實抵駐防同者以實抵地丁殷庶錢糧歲額一萬一千二百餘兩除存留三千餘兩外盡行起解可以撥給可以採買非若三河地不過四百頃人不過一千丁驛站尚缺額二千三百兩存留尚缺額一千四百兩民間糶賣集場不過擔石戴負者比駐防披甲等真知灼見與民相安數十年於茲矣案查

古愚心言

詳請駐防照舊例一

康熙二十三年新設筆帖式一員初任請就縣支給俸米四十斛俸銀四十兩其時知縣冉德力陳其難卽蒙各憲洞鑒筆帖式亦雅不復請原案炳據夫以四十斛四十兩其難如此而況二千六百斛二千一百兩者乎且夫採辦者在地購買之謂也現催歲荒粟米每石價將二兩若照支應行糧內部核准算銷則每石應賠一兩一二錢不等計二千六百零五斛應賠銀一千五六百兩責之官則卑職自康熙二十四年七月到任百凡揭墊重利俾利如墜落深淵奚堪加石責之民則三邑

社屯錢糧僅三千兩撥補地畝三分有二集無差徭一

旦採買坐賠竊恐本年全蠲沐

朝廷之恩者一而受駐防之累者二卑職迂謹每事不敢累民兩載苦心一旦失之斷斷弗爲也又披甲五十名月給銀一百五十兩歲給銀一千八百兩城守尉兩章京筆帖式春秋二季共支俸銀三百零五兩向亦係赴京自領今悉令赴保代領夫三邑距京師百里披甲且以爲遠豈卑職赴保四百五十里獨以爲近乎以赴京按期而發稱爲未便豈往復逾時望眼戒心而以爲

古愚心言

詳請駐防照舊例二

便乎本月初九日撥什庫披甲等坐索去臘今春餉銀并催辦春季俸餉米聲若殷雷卑職引刃出見曰吏自顧救死且不服又歲饑矣採買安所得米如相逼請割吾頭去夫下吏困以驛復困以兵八面交攻一身孤立瞻仰昊天云如何里所望憲臺鑒憐詳院咨部仍照舊例迅賜行知民之戴德厥惟永哉又非獨下吏一時而已爲此備由全具書冊隨申伏乞照詳施行
洵吏困以驛又困以採買困以饑饉萬無如何詳內痛哉言之矣當日朱椒蔭先生批云該縣地處

衝苦本道久已洞悉然爲 朝廷官身任地方責
所難辭惟勉力供職以圖後效水道必不相負勞
吏也心言存此以見守道之慈下吏之慙嗟乎慙
豈得已哉後之君子應諒予心

古愚心言

詳請駐防照例三

再請駐防照舊例領餉詳稿

康熙二十六年二月初六日

查得駐防披甲米石一項已奉檄知照咨部在案檄到
之日宣布憲慈子遺加額共二十五年俸餉銀兩令卑
職於領回站銀內那給敢不遵依奈苦當衝驛終歲揭
墊加以地丁錢糧未完奉蠲至於臘月纔蒙撥給瞬息
還債登時罄空後至者多唾罵去安得餘剩以供滿餉
勢必揭債先墊夫以彼按月赴部現發之銀不肯自領
必令卑職墊應賠利何所利於彼而爲此乎又本年春
季勒卑職赴保領銀遵卽辦文選差兩次移會駐防迅
遣披甲一人同縣役赴保回日就尉衙門服全折封據
稱領銀係卑職職分不肯偕行伏思俸餉就縣支發以
銀出縣庫也縣官代領以弁井端設也若三邑錢糧缺
乏百凡仰給自有城守尉以來皆自赴部請發又尉係
特設衙門當時領狀只憑清檔尙無推諉况今頒有印
信與三河營一例三河營俸餉馬乾等銀本營具文自
赴通永道衙門邑吏遵例監散而已未嘗代爲請也往
聞尉所轄披甲每領餉時在京藉手旂戚甚便也今欲
變數十年成例舍距京百里之期發令赴保府四百餘

古愚心言

再請駐防照例一

里之遙，遙望榜延頸殊不可解，所以撥什庫披甲等至相煎甚急，卑職誓不移恭捧憲檄責卑職以違悞，又責以膠執膠執非得已也。違悞自引咎而已，又蒙憲恩教卑職以身爲地方官，勉爲其難，卑職末吏也，一身策應八面，支撐其不敢畏難趨易也，明矣。獨於此項非披甲同領死不從，蓋無故而欲更張無益於彼貽累於人，必滋禍心，不遠辱不知幾難乎免矣。卑職卽乞歸矣，幽隱之情統惟洞鑒除一面申請通憲外，爲此備由全具書冊隨申伏乞照詳施行。

古愚心言

再請駐防照例二

餉銀支領舍 京師百里之近而赴保府四五百里之遙，遣役獨行保無他慮，所謂無益於兵貽累於吏情理又甚明，具詳未到當日守道將二十五年十二月俸餉并二十六年春季俸餉差員齎送到縣硃書牌後曰：該縣圈投地方錢糧無出軍需原難傍辦如採買米石已經兩請咨部矣，未奉部示其駐防錢糧總於道庫動給照領分散并非難事，因去冬奉文時歲暮封印恐差役往返稽遲該縣適有領回驛站各項行令，那應豈期膠執抗延

動爲割頭無賴之詞，該縣讀書學古自應明理知法乃執拗如是，是明理乎？是知法乎？本應特揭詳參姑從寬一次，以後恪遵憲令，按期赴道請領毋以本道差役解交卽可爲例，慎之慎之。牌至南向四叩首謝過隨卽具文略曰：前詳已盡，每云就刃非甘無賴勢使然也，請仍照舊例撥什庫等赴部自領呼領之情另容申報，心言存此以見當日守憲之慈，下吏之慙，嗟乎慙豈得已哉！後之君子應諒予心。

古愚心言

再請駐防照例三

採買遵憲領銀并詳閩邑情形稿

康熙二十六年三月

查得二邑駐防官兵歲需俸餉米二千六百零五斛計米一千三百零二石五斗本年二月分遵照部價每石九錢五分查明實數出具領收差役資送憲轅候領採買并請照式頒發烙印官斗分別民斗以杜紛囂但念去歲水漲五穀不登現今粟米民斗每斗價銀三錢每石價銀二兩重以三春不雨麥苗焦枯高地至今不能下種米價日騰日湧未知所終前詳內云民間磨蝗爲漿購雜作糜實繪圖也近有採擷柳葉炮熟充饑互相

古愚心言

採買情形詳稿一

爭鬪者比比矣昨村民張自有妻杜氏擷榆錢餬口彼此各爭輕生自縊許告在案又卑職每於黎明親行見民間老幼婦女鳩形鵠面遍地手拾苦菜委不堪命蓋三邑子遺所存地畝除遷安河間撥補外閩邑開墾退出等地不過四百餘頃樂歲惟恐不贖兩年必致死凶所以買米一項他邑或可衆擎而三河獨難竭蹶他員或可設法而卑職獨難再計也據士民朱之藩李光祖等爲採買勢必累斃子遺冒死哀號迅賜再詳以甦殘喘事連名赴保具呈今照部價發買則里民沸騰若欲

白捐難貽則窮員莫措洵海陸蹙萬一

聖駕東幸士庶以連歲饑荒呼天以短價勒買額

天威不測執吏而問曰蠲租爲民反以採買米累民豈罪當誅卑職不能默鐵不能量沙語亦罪然亦罪認罪於語嘿之間寧語不敢嘿合將閩邑情形備叙具冊隨申伏乞照詳施行

洵邑地不過四百頃丁不過一千人地則退出不

堪種之地也丁則極窮不堪命之丁也士民赴保

哀呈邑令領銀採買忍乎不忍乎故於領銀之文

古愚心言

採買情形詳稿二

備寫情形之慘與幸或免詞愈蹙而心愈苦矣議者謂不發諸民未免姑息嗟乎彼亦知商荒餓殍救死自不贖乎舊河宰彭鵬識

荒歲變例採買詳請罷斥稿

康熙二十六年五月二十九日

為駐防變例採買荒歲兵苦民危額 題罷斥以謝兵

民事查畿輔原設駐防一十三處獨三河俸餉米赴京

自領以圈投已盡無土無人恤民窮也今突請本地支

給部價每石米九錢五分奉文到日正值饑饉哀此

遣或購糠作糜或焙蝗作漿或擷榆錢或採柳葉苟且

充饑相爭致死服油自縊告案不一蓋自本年三春不

雨至三月二十日遵憲齋戒設壇凡六十餘日始降麥

已大無蝗又蠢動村落斷煙家家菜色搶奪之勢已形

古愚心言

荒歲變例詳稿一

撫字之心彌苦以是羣情洶洶赴憲轅一訴再訴衆

撫憲軫念地方荒殘米糧騰貴各部主三今又請循康

熙二十三年通行定例照時價折給官兵或照舊例仍

令赴京關支伏讀通諭衆聽涕零比部咨檄縣作速採

買再延揭泰卑職先請捐賠自糴一百石倡給續俟民

間隨買隨給不許再請會詳自僱車輛煩撥什庫等或

赴京倉或赴通倉領出代運到縣不許只以違悞告發

卽徹 宸聰爾罪匪輕切兵民一體欽奉 赦詔內八

旗兵丁銀米外作何賞賚又凡不便於民者准督撫具

題駐防尉當思

皇上蠲租愛養元元至意況值大旱無米之時民不得買

兵不得食理勢相困民害而兵亦苦矣違悞軍需非卑

職悞之尉使自悞也而反以慰卑職甚有幾揚民間者

云遷怒作此舉使卑職無以解於兵又無以解於民集

木履水難乎免矣夫米從地產採買必問有地今三邑

退出查出墾荒井受補河間遷安等地共壹千捌百餘

頃現在二十社屯只有地肆百伍拾頃其餘另立名色

曰附社向不行差一旦分給採買嚴限期米未得而

古愚心言

荒歲變例詳稿二

怨已叢即以三邑首社論坊市社只有地肆拾伍頃而

駐防披甲李某買附坊市社地至捌拾餘頃以一披甲

而有一社之地者倍諸如此類萬無如何若卑職處此

不肯圓通妄思干譽罪當死又採買官民必賄補卑職

窮至骨立三載墊債剝無膚安能多賄除賈捐外悉照

部價分發駐防先卽牌示通衢曰採買爾民無與也今

分諸民異時指使刁強以此陷卑職在憲臺口月高懸

自然洞見但恐深文密網禍機不測身名俱喪辱已辱

親與其誣伏於後毋寧明黜於前而况庚癸一呼倉卒

死非命使兵有暴發之悞吏有輕生之羞兩罹於禍皆非大地覆載意也久病奄奄神理銷亡相煎何太急叩乞破格垂憐迅將採買苦情題叅罷斥骸骨生還爲幸若隱忍苟延兵民交誦而忌者愈毒攻者愈迫死與去皆無名安能制憲轅而鳴叩九關而訴乎爲此灑血瀝情備由全具書冊隨申伏乞照詳施行

此二十六年五月通詳乞請題叅稿守道批云此

項兵米該縣屢次具詳無微不盡本道屢次轉請

撫憲屢次咨部豈不知三邑百姓窮苦採買艱難

古愚心言

荒歲變例詳稿三

爲地方官民大累亦豈不知此米原係駐防官兵

赴京自領之項爲數十年來奉行舊例但大部

屢覆弗允無非從軫恤窮兵起見近且奉有該縣

殊可痛恨之行所以本道屢檄遵照採買支給毋

悞軍情舌敝額禿乃該縣惟爲地苦歲荒難買呼

籲與城守尉齟齬甘以遲悞罷斥是請本道亦無

可如何仰候具文轉詳題叅然該縣爲朝廷印

官吏癸堪虞速當一面設法買給一面候憲具

題爲是未宜膠執自悞仍候撫院批示繳又署通

永道事永平府太守盧公批云細閱詳情具見苦衷本道殊爲扼腕既經通詳院道必能洞鑒爲之裁酌仰將撫院守道批示錄報繳心言存此又以見守道署道之慈下吏之慙嗟乎慙豈得已哉後之君子應諒予心

古愚心言

荒歲變例詳稿四

採買開具職揭再詳情愿 題叅稿 二十六年六月

爲開具職揭詳請 題叅事查得駐防採買米一案查荷恩詳蒙撫院咨部三大部咨且未允卑職么麼也而敢抗執是從井之救無救於人而徒與俱死也先奉嚴檄重之以開諭劉肇委曲石亦點頭何敢頑不如石乎所以本年四月初六日蟻役領銀到遵卽通知士民赴邑隍廟公議除卑職分領指墊自買作倡外其餘散給購買里民甸節憲轅者再呼無一應五月初十日駐防以卑職只給部價不照時價致里民觀望故延呈報大

古愚心言

採買再詳題叅一

部則是部價給發駐防早知之矣買米維艱駐防心悉之矣細閱披甲赴部原呈皆以京倉支領腳價艱難爲辭部咨撫憲亦以披甲運腳不便卑職愿自捐車價拉運到縣措執弗從以是卑職不敢擅詳詎意牌示通衢反有部價採買與民無涉係三河縣自欲累民等語則是必勒卑職自買迫卑職以坐斃且每次羣閱後堂兵臨於頸今憲牌計粘抄咨內有披甲云知縣變臉將我們所帶刀靶拔出拋命然則情形呼吸不待卑職訴之矣嗟乎卑職昔嘗闔閭以死拒僞保此髮膚僅忝一命

又奚足數然亦安肯與匹夫匹婦自經溝壑者比誠以法無可設乃至此本年五月以駐防變例採買荒歲兵苦民累情勢懸危額詳題叅罷斥等事星通在案仍一面通詳外展轉思維三邑不通河路又圍投已盡地蕞民窮無販賣糧食之家自

本朝定鼎以來設立滿洲駐防歲需銀米駐防自行赴部支領與他府州縣例各不同歷任城守尉遵行無異矣於年饑民困日請本地支給採買累民卑職頭可斷官可去血比骨敲不可爲而况比誰堪比敲誰堪敲法無

古愚心言

採買再詳題叅二

可設俸無可捐債無可貸非一死以快之則一去以謝之而已其飛殃之始嫁禍之由備在五月二十八日通詳內矣今奉檄飭立即自具職揭呈送 題叅夫人孰不愛其功名孰不愛其身家然以性命與功名較則性命重也一路與一家較則一路多也卑職又何悔爲此備由同具書冊隨中伏乞照詳施行

還記是年五月詳請題叅後守道終不肯卽詳遲至六月始差役取違悞職揭來役諭意云揭叅非本道所忍爲自今倘能勉力採買可不具揭予聞

之淚下敢不勉惟是部價與時價懸絕一倍窮吏
剝膚無可墊里民徹骨無可賠仍卽具揭送去守
道始照例列揭詳院讀其詳曰三河駐防數十年
來餉米京倉支領未聞有苦累兵丁之處卽如固
安良鄉東安昌平順義與永育里各城駐防米亦
現在京支領與三河駐防相同今特變成例改撥
本縣支給以衝疲繁苦之地加以米糧每石二兩
內外之貴價止令照每年准銷七八錢之數貴令
一極窮知縣買辦支給欲其不累百姓不悞軍需

古愚心言

採買再詳題奉三

雖月叅一官日處一吏亦萬萬不能之事此該令
所以不顧功名甘心罷斥再三呼籲其一段爲地
方百姓激切苦情良可憫惻本道目擊艱難情形
敢請憲臺一併題明聽部核議或仍令官兵照舊
赴京支領或照二十三年定例照時價折給官兵
自行採買或以官兵赴京路遠改令通倉支給總
使三河免其採買則已後官民頂祝靡旣矣是時
撫院題疏略曰駐防米於四月准到部咨發銀採
買三河縣知縣彭鵬挨延至今難辭遲延之咎用

應題叅但查直屬採買一事既有累於官民而實
無所利於防兵若三河縣地衝民疲較之各屬尤
處萬難勢不能兼顧兵民自必胥受其怨此該縣
知縣彭鵬所以不顧功名甘心罷斥詳請題叅也
臣伏念地方利弊民情甘苦無時不厯 聖懷臣
既目擊累民之事曷敢不據實入 告仰祈 睿
鑒勅部確議或照固安等處現行之例仍赴京倉
支領或改令通倉支給免其採買則官民無賠累
之苦而駐防兵丁亦無遲悞之虞隨奉該部議奏

古愚心言

採買再詳題奉四

之 旨部覆毋庸議仍降三級戴罪督辦時守道
以公事出山海關道經河邑駐防尉率披甲環請
照倉斗折價每石一兩六錢除現領部價算折三
百八十六石六斗零尙缺額二百五十四石五斗
零詳道詳院找給院批斷不能有逾部價每石九
錢五分守道憫予捐助六十金其餘予自竭也樂
不忍問諸饑饉垂斃之民心言存此又以見各憲
之慈下吏之慙嗟乎懃懃得已哉後之君子應諒
予心

以上六篇痛哭流涕爲殘邑荒歉遺子採買萬難故也當日既愿自捐賠米價一百石其餘盡發諸民有辭於民無憾於兵亦何至降三級戴罪督催與時齟齬哉所不忍發者以此例紛更永爲民累且累民而無益於兵揆情度理呼籲而不容自己嗟乎使洵民尙堪支撐孰不代買則真慇矣使洵民不堪支撐而竭其頂踵於駐防官兵少有利焉孰不代買則亦慇矣予真慇哉予不得已也其後自駐防尉諸公以及撥什庫披甲等咸諒予心然例如轉石矣可奈何舊洵宰古愚彭鵬又識

古愚心言

採買弄詳題奉五

駐防採買米價通詳稿 康熙二十八年七月二十九日

三河縣爲米價與部價懸絕駐防採買萬難請轉詳免候兵食事查得春夏久旱米價湧騰綠旗兵以銀折米米貴價少苦有兵也駐防兵以銀買米米貴價少累在民也然洵民子遺樂歲且不忍累况兩年平案查駐防滿洲官兵春夏兩季共需米二千六百零五斛向例自赴京倉支給康熙二十六年請就本地採買是年春季米價騰至二兩部價每石只准九錢五分吏民相顧失色遲至五月內卑職以駐防變例採買荒歲兵苦民

古愚心言

駐防米價通詳

累情勢懸危籲請題奉事蒙陞任守道朱詳院有衝疲繁苦之地責令一極窮知縣買辦支給欲其不累百姓不悞軍需雖日叅一官口處一令亦萬萬不能之事等語又蒙陞任本道朱鑒憐勸令設法遲至六月內卑職以法無可設亟請題奉嗣奉部議降三級督催蒙陞任守道朱洞鑒窮蹙令卑職與駐防馬尉等面商折銀自買除將部價折給外尙少米二百六十四石零遲至九月內蒙陞任守道朱捐俸六十兩其餘幸當價平卑職揭墊勉應回想是年春季米至九月始完官累而兵亦

大困矣今二十八年秋季部價每石七錢八分與時價
 懸絕卑職無庸可剝無肉可剝又不忍剝刻無庸無肉
 之民安得此數百金墊賒免呼庚癸乎前鑒不遠正在
 詳請開蒙撫院准宣鎮監谷開備陳米價日增等事通
 行查議除另行議覆外再將駐防採買米價痛切具陳
 叩乞憲臺迅賜詳院裁酌題請或暫照舊例仍赴京倉
 關支或准照康熙二十三年通行定例依時價給發此
 項駐防米出自採買與綠旗給銀自買又不同且發價
 採買米賤既經核減米貴自應隨時情理甚明又非卑
 職之敢於竇也為此備由具冊隨中伏乞照詳施行

古愚心言
 駐防米價題詳二

因查議綠旗兵米價不敷卽念及駐防採買米乘
 間條陳念念不忘民累也奉守道劉公鈞批採買
 非止一處未便獨異至兵米價值可否照時價增
 估現在查議俟覆到蒙詳院奪繳嗣而撫都院于
 具題欽奉 特旨每石准照時價一兩五錢欽遵
 通行找給予是以有宣布 皇恩浩蕩文武兵民
 均戴之示顧安得粟貴金賤時盡如斯日心言存
 此敢以告諸司牧者古愚識

古愚心言
 閩中莆田彭 鵬無山自編
 第八冊目次

詳

投充有無查檔再覆戶部稿
 邑民投充無檔出結冊覆戶部稿
 錄黃帶子哈哈駒縣署問話詳稿
 假黃帶子姚士秀取供解部稿
 報押送吳逆眷口拷索車夫第一詳稿
 報押送吳逆眷口拷索車夫第二詳稿
 報押送吳逆眷口拷索車夫第三詳稿
 報押送吳逆眷口拷索車夫第四詳稿
 追賠車馬工料詳稿
 洵驛極衝請免調撥詳稿
 報三邑得雨日期詳稿
 遵查邑屬饑民詳稿
 遵旨賑饑詳院稿
 韓各庄旗人攬庄勒賑詳稿

古愚心言
 第八冊目次一頁

條議

應撫都院于諮訪利弊條陳十八事議

應詢調劑衝僻條議

應詢革巡役條議

覆均驛站衝疲議

請民捐倉穀發賑條議

洵邑均田制里條議

告示

刊布 聖諭頒行教訓示

古恩心言

第八冊日次二頁

實革火耗示

實革陋規自行捐俸示

洵邑審丁示

諭各衙門差役示

驅除土番水番示

三衛歸并立社示

先考妣誕諱日不視事示

實行保甲示

申飭旗民窩逃示

申明保甲勸示

申明命案示

申明盜案示

嚴飭訛詐示

人馬同誓示

欽恤牢獄仰體好生示

採買領銀曉諭閭閻邑示

勸諭旗民息訟示

墊道造橋均役示

古恩心言

第八冊日次三頁

頒發洵邑實在地畝易知冊示

荒年禁戢搶糧示

勸輸正供示

特旨留任示

禁飭儒童冒籍示

欽奉 恩詔養老示

頒賞老民宜揚 聖恩示

庠門禁示

駐防俸餉米照增價散給示

口北賑饑勸示

禁飭胥役包買粟米示

遵 旨開倉減價賣米示

照牌

給洵邑十五鄉鄉長照牌

給洵邑各路保長照牌

給洵邑各庄庄長照牌

給洵邑旗戶照牌

古愚心言

第八冊目次四頁

投充有無查檔再覆戶部稿 康熙二十八年十一月初五日

查得此案先於本年二月十五日部牌行查張九思張學孟張五兒三兒四兒馬二張大五十兒等果否係民編審人丁冊有無戶口名氏有無納過地丁錢糧之處隨傳里季牌隣人等一一查訊後竊以張九思等曾否投充自有大部之檔難以磨滅若按丁口冊則坊骨社二甲內現無伊等名字卽據四兒母尹氏泣供亦云係坊骨社民前因窮不會報丁是實查律載漏脫戶口全不附籍自有應得之罪未聞漏脫者盡屬旗也今查丁

古愚心言

投充查檔覆詳一

冊似不如問部檔爲確據耳張九思是旗是民一查檔而瞭然在目矣於二月二十二日申覆在案今十一月初五日蒙部牌內開隨查檔案止有張九成夫妻字樣並無張九思張學孟姓名與卑職遵查親族牌隣人等食供張九成係投充旗人絕戶無嗣張九思係民學孟爲九思之子張五爲學孟之子九思之孫兩無疑義矣再訊張學孟所供學孟係故五六年以今計之年逾六十矣查九成投充在順治三年學孟果係伊子彼時年已十八斷無不入部檔之理而況張有才母喬氏現年

六十八觀記分明學孟的係九思之子矢口鑿鑿者乎
然以大部數十年之檔炳若日星尙難折服葛藤兩載
又何有於里族隣之供與結且當部牌未到之日惘疑
恐喝殊可寒心卑職戴天履地至察至慎於冬至日赴
皇陵廟逐一嚴訊明有 國法幽有鬼神示無偏也卑
職所據者此耳秦鏡高懸翹首大部非卑職么麼所得
置喙耳合將親族牌隣各供備叙并甘結五紙一併具
文申覆爲此具申伏乞照驗施行

此案旗告投充人張五等持刀傷主也張五供稱

古愚心言

投充查檔覆詳二

伊弟張四纔奉刑部查檔祖父榮無投充姓名斷
出爲民隨咨戶部查檔定案部檔果無其人矣無
檔而欲以投充律之此必不行之勢也當時復查
有無丁口在縣納糧行差似舍檔而專問諸籍矣
部文到日予晝夜輾轉乃引漏脫戶口全不附籍
自有應得之罪未聞漏脫者盡投旗而此案遂不
移矣自二月遲至十一月復取結直截具詳毫無
瞻顧聞張五家有女數人鄭收爲妾久假不歸遂
至此此亦愚民平日依附之覆轍也哀哉

邑民投充無檔出結回夥八部稿 康熙二十九年
五月十八日

查得民人投旗記檔此不磨之案也先於二十八年十
一月初五日蒙部牌內開查檔止有張九成夫妻字樣
並無張九思張學孟姓名至十二月二十一日又蒙部
牌內開部檔亦無張九思父子姓名則張五等是民非
旗從可知矣查康熙二十七年四月內爲咨送事張五
胞弟張四兒已經大部查檔并無投充釋放爲民將鄭
五捏稱四兒係伊家投充人投遞逃牌理應議罪援赦
免議行知順義縣在案茲奉取卑縣印結鄭五族戚動

古愚心言

投充無檔出結一

稱印告

御狀公私恐嚇在在有據是不以大部無檔自反而反以
卑職邀結歸罪怨毒之甚何所不至卑職明知結出而
禍隨之然以大部查檔絕無而族隣甘結確據張五的
係張學孟之子張九思之孫與張九成無涉矢口如一
若畏威懼禍瞻顧不敢出致使一千老幼三載守候有
負大部取結結案之仁卑職俯無以對民卽仰無以對
天矣合將張五親族生員張古訓民張禹孟隣佑民張
有才之母喬氏生員王廷選等手押甘結粘連卑職印

結現在申送爲此具申伏乞照驗施行

此前案奉部取具印甘結之再也是年臘月二十八日從口北賑饑回道經都城外入城訪予友比部郎朱雪崖臨別雪崖語予曰封印時有部文一角發洩必張五一家有無投充再取印結此結再出則無救於彼徒自陷耳予咲而去除夕至署果見部牌印於次年元旦初試筆作此詳并繕印甘結開印第一號用此發行九印而告諸天曰張五一家男婦一十五口不出結而部斷歸旗是可忍也不出結而將無檔投充人照奴婢毆家長不分首從皆斬立決七八命是可忍也孰不可忍也嗣而六月部覆奉旨以滿斷歸旗漢斷歸民兩議處分而予出具印甘結邀恩獲免張五等部議亦只斷還而不問罪心言存此願普天下司牧者遇此等案舉筆關人命慎之哉洵令彭鵬盟手識後

古愚心言

投充無檔出結二

錄黃帶子哈哈駒縣署問話詳稿 康熙二十七年七月初十日

三河縣爲報明事本月初十日未時有一人持名帖到縣內開弟了藍恭拜腰露杏黃帶子先向衙役說有機密話向縣官面講卑職以病辭又向典史尹章說我是欽奉朝廷密旨有話向縣官面講即同尹典史再至縣堂路坐典史旁站觀者如堵辭以果奉密旨當具香案匍匐跪聽欽宣豈可輕易口說堅以病辭據稱我欽奉密旨緝拿尤棍隨又說縣裏有四子許告命案曾否審結尹捕傳覆仍以病謝弗見隨到捕宅吃飯晚宿木里廟帝廟卑職因他屢稱欽奉密旨甫出都門如此招搖聞風恐差役差役請入署力疾面詢據稱我是黃帶子又是哈哈駒子本月初六日奉

古愚心言

申報黃帶子詳一

主子密旨因于巡撫密奏此時京城光棍懼怕聖明多潛往京東西誑騙人又湖廣武昌等處反亂失了幾府恐旗人在外爲非作歹地方官不敢禁止必差內裏要緊人四路察訪所以本月初六日就差我到三河薊州玉田遵化豐潤灤州六州縣訪緝徑送刑部卑職語以湖廣亂兵旦夕就擒爾既是宗室近侍如何虛話煽惑

人心據稱 旨意并差我體訪一路州縣官行事貪污清廉欽限八日回奏問他明日住宿那裏據稱就宿那均問以奉 旨住四限八日那均是薊州地方離縣四十里何爲卽宿據稱

主子十六 幸園備十六七日行糧回來啓奏不遲又語以既奉 密旨拿光棍又私訪地方官賢否何以私入縣堂縣署將來回奏時說知縣好不好若說好是見面時買囑爾若說不好是見面時得罪爾據稱

主子說三河縣知縣是個清廉勤慎的官近來有同子命

古愚心言

申報黃帶子詳二

家查彭曾否審明卑職乃告之曰此案先奉通永道批

結未結已經三月餘他是赴撫院衙門再告批道轉行

通州會審原訂初六日因我病重初五日二更纔差人

赴通州談遲兩日

皇上明照萬里難道本日本在 楊春閣就知道我改期隨

問你來騎馬騎驢拴在那裡據說我僱腳驢來恐怕人

知又問這纔是密行但腰裡露着黃帶子口裡又稱哈

哈駒子是何意見據稱難道我黃帶子是假的問你家

有何人據稱我父親是告老二等侍衛我哥死了還有

第三兄弟同家住何處據稱禁城外住在十王府後街等情隨差役密取關帝廟內行李逐一驗明暫貯仍將了藍泰羈留縣署廂房俟詰訊的確是卽甸赴齋詳并詳撫憲外緣事關詭秘有無詐冒未得真實合將勒見情形并初見問答節要叙錄先行申報

古愚心言

申報黃帶子詳三

假黃帶子姚士秀取供解部稿 二十七年七月二十日

三河縣爲報明事本年七月十三日蒙本道孟批據詳
丁藍泰語言詭秘行跡可疑除呈報撫院外仰縣細心
盤詰務得確情飛報本道以憑詳奪繳案此卑職復爲
窮詰詰以既是黃帶子即不得擅自出境若又是哈哈
駒子密訪亦不該勒我見面今稱是撫院密奏我便解
撫院解部丁藍泰大怒說部裏巡撫如何骨得我就是
宗人府也骨我不得叫你知道縣親送我去面

主子便罷毫無懼色隨於廂房內自書紅紙一條內寫

古恩心言

假黃帶子解詳一

思禍至因惡盈兩誠明知逆上行將龍莫當魚蝦視天
心不與利徒同後面又有滿字行半擲在案上卑職收
看告以便是宗室也說不得龍字但既通漢文現有細
註大清律內載詐僞兩三條請細細看他接過又怒說
我豈不知律例恐你知道縣到頭悔不及了登時催逼送
他去卑職想他行囊內有小摺子殼面上寫姚記突告
以纔飛馬訪回你姓姚你自稱密訪現在我署內我不
管何等入便照光棍問就動起來棍他大笑說我是黃
帶子哈哈駒子知縣多大的官敢擅動刑卑職說我火

姓姚的了藍泰詞色遽失措卑職急口嚴鞫始供我道

你是蠻子官要來降你誰想你是硬直人降不住騎不
得我原是正黃旗胡牛條下人實姓姚叫姚士秀詰以
你定要見我說有機密話明明只爲楊回子所告命案
據供我並不認得楊回子詰以既不認得如何拋命假
冒宗室詐稱近侍骨他開事又詰以這回子告案誰說
給你知事到楊回子店據供我初八日住通州李二店
得詰何事到楊回子店據供我初八日住通州李二店
內次日問尋戲館李二說楊回子隔壁有箇太平館去

古恩心言

假黃帶子解詳二

時未唱隔壁果有楊回子驛馬店隨衆暫坐見一箇騎
驢人東來衆呼姚二爺有小回子問那官事如何姚二
答云會審原訂初六日今改期未定衆回子說三河縣
耿性不聽情這官事怎處我想天下無有不聽情的縣
官查三河縣是南方人胆必小裝扮內裏人來試試因
入京時關東菓子公爺的管家叫蘇四央我代買黃帶
一條我出通州三十里就繫黃帶到縣裏先住關帝廟
寫箇丁藍泰名帖來拜說有機密話腰裏露出黃帶想
衙役們報知定是見我不想再三辭不見因此冒黃兩

三次致請候入署內是我自尋死原沒有受楊回子囑托財物詰你是胡牛衆下人現住那裏據供原住瀋陽大西門外本年二月二十六日進關三月初一日到京看我母舅曹鳳麟在他家住住了四箇月零七日詰以母舅住處據供住在十王府後等情隨自寫供狀一紙據此則姚士秀假稱了藍泰詐冒黃帶子詐冒哈哈駒子雖無扶騙誑騙然自供假冒已知而故縱之則卑職所必不敢者也再查供內先住通州李二店卑職扶病赴通稟明李知州連夜帶本犯至牛市領拿李二并前供

古愚心言

假黃帶子解詳三

之楊回子是夜病劇李知州臨寓公訊據李二供店裏逐日登記粉牌還有他名字尚未洗去卑職着李二取牌公驗果有寫上初九日御前了藍泰通州買貨李知州令與楊回子對質兩供不識李知州再問你回子告命案是誰告訴他據供姚二進店來原是衆人閒問官事那不聽情的話原是有心想他聽見委無人告訴詰以姚二是旗是民言語含糊是夜楊回子店拏獲兩人一供商文世一供商文輝三河縣小南馬房住訊以姚二曾否認識供云不認時有商小宇係馬房民新串

營弁訛詐商民現奉憲批解到未審隨與商小宇訊以商文世商文輝是何人據供商文世是親兄弟分居又訊以認得姚二否初供不認嚴鞠始供姚二天津衛人賣身旗下先同一主子姓趙名起粒泰是廂白旗和尚牛衆下小的贖身四五年姚二轉賣刑部江南司朱先是工部屯田司不記是正紅旗廂紅旗前日到小南馬房即以今地方不比往年你面上刺字住不得辭去又供還有箇兄弟在後宰門出家那姚二常到寺裏去是實詰以姚二住家據供現住西城石姥姥衙衛又訊以

古愚心言

假黃帶子解詳四

認得通州楊回子否供認得原是燕山右衛民歸併本縣今挈家住通州開驛馬行等情先是楊回子隱諱姚二旗色住址今於商小宇口供不覺吐露據此則姚二揆聽命案審期出口入耳必非無因可知也所有了藍泰改稱姚士秀首供一紙詩清字粘卷理合敘供連人并黃帶一條青冊子一本了藍泰名帖一張摺子一箇及行李等物批差任國良彭一榮聞崇禮唐繼端於本月二十一日解赴刑部一面報憲詳院具題爲此具申伏乞照詳施行

此案初報通永道衙門聞者莫不咋舌訊供至此而詐冒皇親詐稱內使悉與律符若縱而使行一經覺發豈不知情同罪乎所以毅然報之而弗顧也是年戊辰十月十二日

聖駕駐蹕三河縣城中傳

旨召三河縣知縣彭鵬進見侍衛引臣至

御前旁跪

天語屢詢一一回奏奏畢

上問前日拿解黃帶子一案命臣詳悉奏聞臣一一

古愚心言

假黃帶子解詳五

回奏

上曰無知光棍原該拿他臣奏仰仗

皇上聖明纔敢拿解仰瞻之時

龍顏有喜恭載召問紀畧內此條凡百四十餘言計九

百字以見

堯舜在上嘉意吏治雖一事一人無不體察周至百爾臣

工卽此案而知

聖心慎毋遇事咋舌如聞者舊三河縣知縣臣鵬出手百

拜識後

姚士秀假冒黃帶子假冒哈哈駒子明明爲楊文煥所告伊父命案恐嚇取財比及訊供肺肝如見楊文煥卽楊圃子通班快役也聞士秀解部日飾供委非楊圃子囑托等情試問兩人素不識而乍見乍聞挺身代嘗試亦何所利而爲之乎前詳通永觀察孟公顯白明悉然終不忍直窮到底使有死法此古愚之心也其後會審仍斷埋葬一十二金飽其所欲此非古愚之心也心言有遂有不遂兩存誌慨

古愚心言

假黃帶子解詳六

報押送逆眷拷索車夫第一詳稿 康熙二十五年 二月十三日

三河縣爲報明勒索車夫獲贓取供現據事由職甫任
三河半載官如奴隸身卽馬牛亦安敢爲民請命以哀
額天今本月十三日未刻奉兵部火牌內開發往黑龍
江安設驛站人役六十戶經過卽撥車六十輛應付蒙
此除本驛額車外僱覓西來車三十六輛安置縣內聽
差本日酉刻有押車披甲黃某跪坐縣堂唱傳車夫每
輛索下車清錢二百文裝入兩口袋共得大錢七千二
百仍勒索次日上車錢數卽下車各車夫哀聲洶洶卑

報押送第一詳一

職從馬廐潛出柵欄緊閉伺共去攔其袋錢披甲將清
文三角山海關關文一角清票部牌擲于地曰若奪我
清文卑職袖而入僉呼我等西來六十輛城外二十四
輛先放每輛清錢二三百已索過五六千今縣堂上橫
索與城外同我等何依卑職出而訊內三人李大王大
宋鬍子口供平谷縣藍旗下人車三輛索去清錢六百
內六人馬大馬二姚文冒張白貴李大張文起住寶坻
縣李村白旗下人車六輛索去清錢一千二百又三人
寶大龔大李大豐潤縣人同在豐積庄住又一人茅大

古墨心賞

報押送第一詳二

住豐潤縣正白旗下人共車四輛索去清錢八百又二
人唐大皮大通州人車二輛索去清錢四百又三人李
二洪四劉大香河人住駝頭車三輛索去清錢六百又
五人張二胡二孟大馬大李五薊州上倉人車五輛索
去清錢一千又二人丘大王二玉田人車二輛索去清
錢四百又四人馬大張大張三等係庄頭家人三河縣
新家庄住車四輛索去清錢八百又三人張大佟大李
大京城正藍旗人車三輛索去清錢六百又四人楊大
田大戴大徐三供住香河縣正藍旗下人車四輛索去
清錢八百實數賍錢七千二百殊封貯縣仍自發錢每
車照數給還車夫清錢二百文是夜索錢披甲留宿縣
堂有衆策馬擁柵閉不納夜半押車官呼門以夜行非
公不納至十四日將驛卑職押車出城押車官煩城守
尉筆帖式同至縣謝稱不知取清文清票部牌去卑職
卑職監送騎而前行則後者斷後騎而後護則前者攔
前白晝攫金不見有人車夫前後叫呼卑職首尾奔應
申刻抵薊城謁楊知州備述民痛各車夫馬首環訴曰
甫至南關大索錢我等誰以三河縣至乃云與我小錢

三百使罷內有通州車夫腰纏小錢一千文奪去八百
會薄暮不便往爭策馬抵邑雞既鳴矣縣役通州探報
工部發拉簾繩車四十二輛戶部發拉顏料車三十一
輛卽日到又第九撥黑龍江站車六十輛同日亦到計
此一日用車一百三四十輛僱覓必弗給若上車下車
勒索清錢四百道上又索腳價盡非所有遠近裹足宰
斯土者處無可奈何之時抱莫敢明言之隱縱依阿隱
忍搖尾叩頭俸而有免然以仰對天而俯對民安乎忍
乎不安與不忍此卑職所不能以已者也合將貯縣賍
錢並各車夫口供先行申報應否詳部卑職未敢擅擅
叩乞憲臺察核轉詳勒石革弊毋俾周道視爲畏途維
吏與民均荷覆幬矣爲此備由同具書冊隨申伏乞照
詳施行

乙丑七月甫任二日卽有發遣吳逆眷口往黑龍
江安站車輛沿途應付至則鞭箠如雨送車者拷
索車夫上下車錢乍見茫然視其飽噉而無以救
於心大弗忍嗣查後至絡繹守凍者春明又發此
係丙寅春二月第八撥到縣拷索如前回憶當年

開柙奪其賍策馬渡至薊夜歸具詳聲淚齊下蒙
通承觀察宋先生卽有據文關移巡道詳請新院
核奪之批閱勞吏恤役夫仁人用心此其一
三河驛之苦從前幸茲上者咸痛哭流涕言之矣
至予而苦十倍卽此一詳而役車甫去接踵者同
日一百三四十輛後詳皆似此此特其繁耳車則
僱覓價則墊應匪獨木牛流馬無其材抑且點鐵
爲金無其術迫維既往尙覺神悸心言有此永思
報舊尚令彭鵬識

古愚心言

報押送第一詳四

報押送逆眷拷索車夫第二詳稿

康熙二十五年二月十八日

三河縣爲再報勒索車夫事本月十一日申報押送黑龍江等處第八次安站 飭飭索車夫發計等情在案今十六日又有押送第九次 於十七日黎明各車夫泣稱沿途勒索拷打人云 弊。請先何諸南關土坡逐名取供親送押車官二說 謝子 查究卑職尾其後不出數里押車官前行各拉甲於石 地方鞭笞交下每輛索上車清錢二百文時報工部發 處車到車職勒馬回匆匆應付飛追進前又先何諸節 處關

古愚心言

報押送第

截柵欄逐輛訊拷索實數據正白旗劉大劉四供
牌樓五條衙衙車二輛通州下車清錢四百三河上
清錢四百據鑲白旗張大世住通州樓下車一輛
州下車清錢二百三河上車 錢五百據鑲黃旗李望
生供住薊州田家庄車一輛 下車清錢四百三河
上車小錢三百據正白旗陳大楊大杜大俱住樂州開
平賽家庄車三輛三河上車清錢六百據正白旗張聯
德佟連仲張四供住玉田縣北三樂臺車三輛三河上
車清錢六百據鑲黃旗陳守榮陳守華供住平谷縣通

古愚心言

報押送第二詳

州下車清錢五百三河上車小錢二千據鑲黃旗孫二
供住天長草廠車一輛通州下車清錢二百三河上車
亦二百車上另索清錢四百據正白旗李天貴供住三
河雁村車一輛三河上車清錢二百據鑲黃旗蕭一虎
戴三供住遵化水門口紀家庄車二輛通州清錢四百
三河亦四百據鑲白旗王四供住齊化門內車一輛
州清錢二百三河清錢一百據正藍旗李時登供住寶
坻張家庄車一輛通州清錢二百三河亦二百據正白
旗胡二鄭大供住三河新屯車二輛通州三河清錢各
四百據正藍旗張自成供住寶坻老鼠塚車一輛通州
下車清錢二百三河上車清錢二百又據崔三供住豐
潤旗下王家做沽車一輛三河上車清錢三百據麗三
供三河民在雁村住車一輛三河上車清錢二百據李
盛隆供三河坊管社民車一輛上車清錢二百奪去又
口一條據張文亮供寶坻民狗頭庄住車一輛三河上
車清錢二百據王仲金張九王十供寶坻民王家庄住
車三輛通州清錢六百三河上車六百據朱成名供豐
潤民沙河十佛寺住係旗下張庄頭家車一輛通州清

錢二百三河上車小錢一千據衛所民至二供住華河
 屯庄車一輛通州清錢二百三河上車清錢一百六十
 供吐鑿鑿亂鞭鞭起申職夫而指曰此城下也彼商安
 施執筆訊如故版甲奔告押車官地司申職時請訊完
 以實南關上坡上語據氏見明等供薊州民住邦均西
 寒坂車二輛通州下車清錢四百三河上車小錢九百
 五十據許百萬供豐潤民住七里庄車一輛通州下車
 清錢二百三河上車清錢二百據正白旗李大李三等
 供住三河張筆庄係郎老爺庄頭家車三輛通州下車
 清錢六百三河上車清錢六百押車官見薊民衆日如
 射車夫衆口如沸拉去伊住宿處所謝不知又云至王
 田查究時已過申申職忠申上人符停車宜開乘機脫
 逃不已含忍罷仍謂楊知州復訴民痛隨查本日下午車
 免索錢晝夜回縣結据等候戶部發去總繩車輛兵部
 發大第十撥車輛念此僅覓晉至衡驛勢已必倒重以
 上車下車拷索水益深而火益熱下吏處此未有能生
 者也萬感交集去志益決但寸莠尚在何甘畏縮緘默
 自貽含影羞理合再行申報爲此據實具申伏乞照詳

古愚心言

報押送第二冊三

施行

申報押送逆容第八撥車輛拷索車夫此二日
 五日事次日十六日第九撥接踵拷索上車錢仍
 舊子迨至薊州西關截柵訊明各車夫實數所免
 者下車索錢耳連日奔命良苦夜歸再具詳專役
 齎投又蒙通永觀察宋先生傳喚去役有據詳已
 關但此後車撥實繁親送勞苦何堪之論憫勞吏
 恤役夫仁人用心此又其一

古愚心言

報押送第二冊四

報押送逆眷車輛第三詳稿

二十五年二月

三河縣爲報明事本月十五十八等日押送黑龍江安站去的第八次第九次車輛沿途拷索兩詳在案今十九日又有第十次安站車六十輛照牌應付就道各車夫聞風奔回聞然欲散車職隨即親自護送比至薊州邦均地方押車官巴姓馬姓下馬細詢隨傳安站去的畢千總李千總至面詢各車夫有通州民秦大薊州民鄭二等口稱今日只有坐車人每車私要小錢二三百不等押車披甲要錢我們沒給是實內有三河民羊皮

古愚心言

報押送第三詳一

襖被車上奪去追還訖計程邦均距薊城尙三十里押車官力勸卑職回縣卑職仍尾其後護至薊之南關重懇押車官及坐車二千總務體

皇上愛民之意痛絕上車下車陋規一一許諾隨喚衆車夫再三寬慰始趕回料理本日發到工部簾繩車倉皇歸馬渴而飲失足納溝半身淹於水下體淋漓夜深抵署扼腕問天適啓憲封係卑職十五日詳文蒙批仰候據文移關巡道詳請新院核奪飭禁繳挑燈徘徊破涕爲歡又念第十撥索錢十減其八乃嘆天下無不可爲

之事無不可乎之人願力行何如耳所望憲恩先行申飭仍俟新都院福臨迅賜切詳勒石永禁毋俾行者動口覆轍迢迢驛路僕僕征夫叨庇獨一洵哉

此二月十九日吳逆眷口第九撥車輛僱覓應付予又親送至薊是日披甲並無拷索惟坐車者每車私要小錢二三百文而已押車官巴姓馬姓皆賢者也夜歸具詳又蒙通永觀察宋先生有已據前詳二次移關巡道矣新院蒞任在邇仰候巡道轉詳示奪繳憫勞吏恤役夫仁人用心此又其一

古愚心言

報押送第三詳二

舊洵令彭鵬識後

自十五至十九日親送三具詳三凡車夫見聞第十撥僱覓車輛由洵往薊按站七十里得腳價七錢免鞭篋無需索漸願往矣時予曉示通衢曰眷口車本縣護送至薊州交卸願東者聽之不願東者仍帶西歸有索爾上下車錢本縣樂賠還出矢言因思第八撥車騎監送騎而前行則後者斷後騎而後護則前者攔前舌敝神昏不勝其困乃設二面大牌取黃紙大書奉 有嚴禁騷擾驛站

旁細書押車官三河縣知縣彭鵬卿前行一面後
護一面各隨以金前拷索則鳴金而後應後拷索
則鳴金而前應車夫齊聞散又每車五輛差民壯
一名騎驢手持小黃旗內書押送第幾撥又每車
十輛差馬快一名乘馬手持大黃旗腰勒弓箭撒
袋予帶從騎二人首尾策應驛路肅清以是車輜
僱覓願往者衆矣當年大差幸毋悞匪惟爲民亦
白爲也後之君子不可不知古愚又識

古愚心言

報押送第三詳

報押送逆眷拷索車夫第四詳稿

康熙二十五年
五月廿三日

二河縣爲衝驛騷擾難堪下員誓死除害駐明証確顯
憲亟詳事自吳逆眷口發往關東以來每撥需車接踵
僱覓或一二百輛或百餘輛押車披甲等需索車夫道
幾埋輪卑職螳臂不避雖嫌怨利害弗計也本年二月
內疊以報明勒索車夫等事詳憲關移巡憲轉詳撫憲
已蒙咨部內開三河驛當畿東孔道最爲繁苦今發黑
龍江第八次第九次安站人役至縣僱車應付押車披
甲拷勒上車下車清錢各二百文不等似此橫索遇有

古愚心言

報押送第四詳一

車差各車夫畏恐不前貽悞匪輕既據該縣訊報車戶
被索供詞並見獲贓錢貯庫請部嚴飭行知在案奈此
輩逐逐就就而有司委蛇蛇姑容習性罔有悛心本
月十三日午刻奉兵部火票內開吳三桂家口起發盛
京撥薊車八十八輛本刻卽奉兵部火票內開內務府
咨送入官人口並造房人二百八名撥薊車五十二輛
又奉本州初差趙起隆劉尚禮再差孟養志到縣守提
來車不許重僱次日黎明先發五十二輛就道其吳逆
家口車八十八輛現備薊車并僱覓車裝載替換不料

押車被甲拷勒車牌王應春銀壹拾兩頭裂血淋抬至宅門各役號泣借買命錢無奈發出紋銀二錠五兩銀餽益咆呼車夫開散車職水漿不進五六日扶臥破轅拉至南關將丟下車五十輛僱人代趕纔及錯河橋離城未二里鞭箠兇毒各索二百五十大錢下車勸救幾觸鋒嗟乎民命大鷄縣員蠅蟻至斯極也入薊西關車職偃臥道旁各役死守原車拉回十五日押車官尚李等查明披甲鬍子勒去車牌銀送回二錠等較五兩不爽是時楊知州堅留四十七輛卽令兵房汪映清張景

古愚心言

報押送第四詳二

車牌張仲金姜雲具結結得今有三河縣拉送人口車輛押車索上車錢車夫拋遁三河縣自押八十八輛到州蒙本州面請借移空車四十七輛至玉田車輛馬騾如數星夜趕回一有倒斃者等自認賠具結是實夫以通薊兩州之大四達之衢僱車且若茲其難也而況三河西屬通東隣薊車差猝報西則通臥其輪東則薊投其轄卑職近奉撫憲咨訪利弊條陳十八事其第十四曰恤僱覓蓋已痛哭言之矣本月十七日又據薊州兵房張景車牌張仲金等爲呈明存案事呈稱本月十四

日有入官家口車五十二輛又有吳逆家口車八十八輛到州本州僱覓不及將三河縣親押車輛內有空車四十七輛換夫移送玉田交卹景等州堂通具計結本日車輛歸縣車夫各來議認每輛照定例八十里價銀八錢逐名散給各還代僱掌鞭到玉田及代買草料清錢共叁百文此外押車勒索上下車錢景等代賠叩乞存案隨傳通州差役趙起隆孟養志等公同薊州兵房車牌張景張仲金等赴後堂又傳典史繆綸進署東坐車職席地訊問各車夫丟車云何咸供自通州出浮橋

古愚心言

報押送第四詳三

披甲按隊勒馬箠鞭每人清錢二百五十文短底須補無一得脫稍遲告減拳踢橫施波及馬畜逃去是實卑職詰以如何給他回稱他在縣裏還要車牌子銀十兩打至腦血噴湧如何抵對卑職聽之與酸顏汗隨逐名取伊住址隣佑父母兄弟旗色姓名及車下騾馬毛片在案次早唱名令其背念姓名住址毛片符合照定例按站七十里給還至薊車價各通領狀在案仍各令其人右手三指自蘸墨印紋綳上爲憑造冊申送在案又據公通領狀通州民賈文進張一德劉西安麻二旗下

陳大等今於與領狀事本月十三日蒙本州僱覓進等
旗民車八十八輛押車披甲卽於浮橋外勒索上車清
錢二百五十文箠打無地所以到三河丟車逃命致本
縣將空車四十七輛僱夫自押到蘄又蘄州僱夫押至
玉田今送回縣我等各認原車蒙而喚查點准本人自
領或本庄人代領每輛給按站銀七錢其沿途披甲索
上下車錢及進等牲口百四五十匹日夜草料錢俱係
縣主代出不扣一文又有空車在縣馬喂縣槽車夫出
認蒙按名給盤費二百文人馬沾恩所領是實計開通

古愚心言

報押送第四詳四

州車夫姓名及本州來差趙起隆押號代認在案卑職
已於十八日具文並過蘄車四十七輛在縣車一十四
輛悉送赴州荆請查過站違例專指驛遞額設而言也
若伺候大差僱與覓原無此疆彼界之分今車戶逃去
以披甲之索錢也使七十里得車價七錢必有憐憫赴
之者不杜其源而徒兵房車牌子是問恐民逃站倒爲
憂方大耳卑職竊聞驛遞首禁騷擾未聞設有上下車
錢名色此曹多則清錢三四百少則二三百爲車夫者
家不遑恤口不白餬惟此一車馬噓或二或三亦須稍

留涓滴以供芻黍計被押車每次八十輛以上部車給
草一百二十束代爲數馬多不過四五十匹撥什庫披
甲等多不過三四十人每日料不過二三石供億不過
三四兩每車夫捐清錢六七十文足矣且彼之官各自
愛豈肯爲此此曹以爲宰下吏也何敢言卽使言之則
誣以誤差恐先報部藉此相抵耳或度各車夫星散証
証無人堅供匪未入已盡法以懲一鞭而止彼所敢吞
舟自恃漏網者此耳今此案各車夫衆口同供又自三
至蘄畧無停緩又有通州皂役蘄州兵房車牌兩旁十

古愚心言

報押送第四詳五

目公見公開通供通結甚明又指其地咸在過浮橋外
每輛勒索清錢二百五十文甚明核其數則吳逆家口
車八十八輛每輛二百五十文計每站得賄銀一萬二千
文逐站計程得賄銀二三百兩拷民之髓剝民之膚並
奪馬驢之食而置諸死甚明卑職因二月申報勒索一
案只開車夫某州縣人而不辨其何隣何庄及其父母
兄弟未免茫然所以昨取口供有身有家有隣一一詳
慎爲對勘地且騷擾拷騙在車牌子私相授受猶口口
說何憑而押車官公追交還則已手授確據至於十四

日三河騙銀十五日薊州追贓爲隔宿越境而追非登時立地之吐卽欲委諸贓未入已也難矣方今

皇上比隆堯舜口惟民生疾苦是念院憲以

皇上之心爲心憲臺體院憲之心以心

皇上之心凡屬下僚敢不仰體憲心以祇承院憲爲

上爲德爲下爲民之心叠見東方諸驛騷擾大害無如彼

何茲者有贓有証畏禍卷舌浸假勢會其極有如本月

十三日日本轉瞬兩奉部牌撥車一百四十輛次晨卽

奉部牌又給黑龍江水石口袋車二十輛相距甫六時

古愚心言

報押送第百詳六

接踵一百六十輛本州差提於前而不准過薊州遮

留於後而不得歸三披甲故爲作威而弗利其行車夫

苦於輸錢而莫肯以往當斯時也計無復之血濺車輪

負憲臺生成培植之恩貽同輩決絕溝壑之恥致車夫

車馬車牌有人畜借亡膏血俱竭之恨則卑職下流邑

宰臚顧敝祿忍視不言之咎者也緣驛站上下車索錢

沿習隨波妄稱爲例非藉撫憲具題請

旨無以落其膽而褫其魄除車夫丟下空車三薊白僱押

送一路拷索不開外合將通州現在車夫口供手印領

狀及薊州結狀存案狀一面飛詳巡憲一面備由全具

書冊及清冊三本請憲關移詳院具題審明飭禁東

方車馬庶有瘳乎卑職滿目痼瘼誓死請命其不獲請

積憤沉疴狗馬朝露必囑河民暴尸南郭以洩呼搶萬

一云爾爲此力疾滴淚激切具詳伏惟照詳施行

此詳奉院咨部通行京東州縣驛站查明有無騷

擾僉以樂無拷索回詳則是他州縣皆無三河獨

有也幸而滿漢諸君子洞燭矜憐不加虛無之罪

勞吏至此顧影凜然自有此詳後而眷口車到

古愚心言

報押送第百詳七

縣親自護送一切欽哉卽他項役車從前咆哮亦

皆觀感漸化偶或踴張必爲委曲苦口不聽則常

按其箭撻其鋒而弗顧所以五六年來實省往來

車夫被拷清錢不計自京東抵山海關盛京一

路無不知有三河驛互相告誡人性之善也越乎

大同於此益信初撫都院于先生蒞任日諮訪利

弊予條陳首曰重廉耻專爲衙驛疲站需索誦辱

言也奉批查議是時守巡兩道會查定例內差使

馳驛行走官員遇州縣驛遞經管官辱罵毆打索

諸財物領去官員革職如係撥什庫差員等拿交
刑部從重治罪通行在案因日久地方官因循不
能振作致無忌憚殊與功令背違應如該縣所陳
將前例於有驛州縣嚴加申飭榜示通衢庶旗人
不敢肆行而衝驛得有起色隨蒙院批如詳通知
設使同心同力彼此無異定例何至弁髦榜示何
至龔督哉噫

古愚心言

報押送第百詳入

追賠車馬工料詳稿

光緒二十六年
三月初八日

三河縣爲咨明事本年三月初三日蒙通永道朱准巡
道胡關棠撫院于憲票准兵部咨覆前事即將原設車
馬照數裁撤仍追二十三年九月以後支領過工料銀
兩照數報道移覆轉院咨部卑職捧讀之下以頭搶地
曰工料按日按月飼馬備車膳役今追諸馬乎追諸車
乎追諸役乎追諸馬馬必腹語曰憊矣晝夜雨晴不停
蹄日食料六七升草二束鞭之策之出汗三四斗追我
忍乎追諸車車曰憊矣晝夜雨晴不停輪奔而軼也脫

古愚心言

追賠工料詳一

輻破轅需工需材日易月換非我罪也追我忍乎追之
役役有辭矣獸尚如此人何以堪然則馬與車與役皆
不可追不忍追則惟追諸剝膚骨立欲死不得求活不
能之下吏而已嗟乎吏如馬如役賤矣今且馬與役之
不如所以仰首籲呼語不擇音急之至也卑職於康熙
二十四年七月到任此項車馬工料銀兩前任丁憂知
縣冉德先已撥領一千兩訖至本年冬計日筭還只收
四百兩當時新舊交代但知驛衝差繁加設額車十輛
不知爲前令余學昌申請添設與遵化州同時也查二

十四年除額車二十六輛應付外冉令僱覓車價銀三百二十兩車職僱覓車價銀四百三十七兩零通共僱覓銀七百五十七兩比及二十五年除額車二十六輛應付外僱覓車價銀一千五百五十餘兩較之二十四年揭墊僱覓苦維倍幸蒙撫憲軫恤准十分給六車職具領時緣巡憲以遵化州車馬工料無容撥給詳院蒙並查卑縣增車十輛並牛車十六輛改爲馬車將領過銀兩作何開銷緣由分別詳報以是卑職兩年僱覓車價皆弗獲照例撥給已於去年十一月內痛切議報在

古愚心言

追賠工料詳二

案茲奉通永道檄行追解遵查二十四年七月十二日以前係冉令任內事自七月十二日起至二十五年十二月終止卑職任內共收領過銀一千三百兩論支給則從前逝波論長墊則現前負債一旦使飲冰茹蘗臥薪嘗胆剝膚露肘之員追賠此數剝骨爲灰灰不揚刻肉爲泥泥不貲壯夫氣短况三邑當諸路之衝車轍如織卽今南來逆眷需車大約每次一二百輛通在西薊在東東西僱覓以待夾乎東西者洵也存此十輛聊以云救耳若並十輛而裁之復並一十六輛改馬爲牛倉

卒倒站難乎免矣且查當日勘三並請獨准三河以差繁車少時時見告不獨爲陵工設也先蒙巡道爲通查驛站以整郵傳事別衝疲均勞逸酌議調劑卑職詳覆因馬及車畧曰本驛額設車二十六輛一車一馬定例也今差使每車需馬或用二或用三時時勉應用其二則合額車二十六馬只得行車十三輛用其三則合額車二十六馬不及行車九輛裁僻補衝誠天地大公之心也何意請添未允議裁候至工料已給者迫未給者止止則賠賠而無所措則身危迫則比此而莫以完

古愚心言

追賠工料詳三

則身辱瞻前顧後忝受一命而適以斃命也案查二十三年前任知縣冉任內僱覓車價代墊銀五百六十餘兩二十四年僱覓代墊銀七百五十餘兩卑職坐至四百三十七兩二十五年年卑職僱覓代墊多至一千五百兩母論揭墊獨慘卽此額車盡用每次兩馬墊已無美矣卑職所以屢有衝驛肆應難支窮員救死不贍之詳也幸逢撫憲洞悉疾苦栽培有加不已瀝血哀鳴叩乞垂憐東方疲邑五路通衢工料毫無虛耗車馬萬難裁撤再賜咨部免追准留卑職苦海得航卽過去未來洵

吏食德聞風感且世世矣

馬車二十六裁其十又改馬爲牛牛何堪命卽易牛而坐車差使亦必弗行且以一十六牛肩諸路晝夜雨晴之差除額車外無不出於僱而任內兩年苦多發遣吳逆眷口需車數千輛每輛按站僱價七錢悉出墊應所望者半歲後十分給六耳今自二十六年裁車裁馬并二十四五年已經奏銷支應過工料勒令追賠經胥吏將應領僱價緊指弗給予作此詳時曰東方疲驛八面衝衢工料無可追賠車馬斷難裁撤而催繳電雷兩不得請當斯時也聞吏之不降於死也幾希心言存此亦痛定思痛之意云爾舊洵宰彭鵬識後

古愚心言

追賠工料詳目

按此項車馬工料與遵化同奉追賠今丙子偶閱邸抄見遵化尚在接追先聞僱覓之價歲歲仍給而予於丁卯年因經承勒指具文卽扣賠計賠一千數百兩因思往事斬釘截鐵不肯向此輩委曲乞憐性如古愚其異於木石也幾希意

洵驛極衝請免調撥詳稿

康熙二十八年四月十五日

爲衝驛騎馬不支據實抄案歷陳乞鑒懸危批免調撥事竊惟三河以一驛當京師盛京陵寢山海關喜峰口黑龍江索倫烏拉高麗諸路之衝以額設驛馬五十匹當無晦無明無寒無暑無雨無晴如梭如織之差每至於急大聲疾呼不曰勉力支撐則曰謹慎供應否則慰之曰該縣衝疲素所稔悉而已夫宰之兼驛不敢不勉亦不敢不慎惟當無可如何之時必懼萬不得已之誤則卑職所近憂而遠慮也卑職不飾文字不訴疾苦只抄案証據爲憲臺陳之案查康熙二十八年閏三月十二日蒙通永道孟爲欽奉

古愚心言

輕省免調撥詳目

上諭事內開俄羅斯來使以番驛多羅等於本月二十內進喜峰口每站預備馬車五十輛馬八十匹俟理藩院耶中伊到卽應付遵奉在案本月十七日又爲公務事內開部統郎渾班達爾善護軍統領馬喇等於本月二十二日出喜峰口照前武昌振武將軍瓦岱荊州將軍巴爾代給過驛馬之例如俄羅斯同日相遇馬匹不足飛調營馬應付遵奉在案同日又蒙差票爲公務事內

開恭遇

皇上謁 陵安塘速備壯應馬匹在站伺候共部筆帖式等到即應付遵奉在案查伺候俄羅斯來使等蒙撥雄縣安肅縣協馬三十匹恭候

皇上謁 陵蒙撥玉川懷柔平谷順義協馬四十匹各候供差一匹不能通融雖伺候俄羅斯及都統等部牌內有驛馬不足營馬調用等語而從前三河營調用每於大差到日兵目挨延臨時牽出馬匹先云馬不堪跑見者仍向卑縣迫索獅吼電掣迫而不死者幸耳今聞護

占愚心言

極簡免調發詳二

送俄羅斯來使有綠旗官二員馬兵四十名該營必以護送推諉遲悞之罪仍在卑職亟詳通永道轉移通協調撥隨蒙通協准撥二十匹交三河營守備馬玉駿協應調馬未至而都統郎於本月二十一日到縣照勘合火牌自都統郎肅章京馬固山額真班理藩院員外郎格理藩院筆帖式奈撥什庫德勒兔計騎馬六十六匹外加引馬一十五匹通計騎馬八十一匹止用三河營馬九匹至二十七日探報俄羅斯來使抵遵化二十八日宿薊州二十九日到三河先已預備馬匹等候又照

勒合火牌自理藩院郎中暨筆帖式撥什庫下至親丁

跟役計騎馬八十四匹外加引馬二十二匹通計騎馬一百零六匹除巡道撥協三十四匹通協撥二十匹再加三河驛額設馬五十匹尙多六匹是日理藩院郎中染病暫住三河南關自閏三月二十九日至四月初三日起程宿煙郊初四日到通州仍將車馬拉過楊家開交卸計先期車馬伺候三日又留住伺候三日送至通州楊家開伺候兩日回縣一日前後共九日額設驛馬五十匹額車一十六輛時刻不敢離計自閏三月二十八

占愚心言

極簡免調發詳三

日四月初一初二初三等日凡往來官員差使乘騎馬五六十匹悉出僱覓驛馬禁不得用隨而兵部勒合火牌給禮部左堂工部正堂工部郎中筆帖式禮部筆帖式理藩院郎中筆帖式內務府總管大人欽天監工部銅匠石匠工部匠人奉天將軍撥什庫寧古塔將軍撥什庫等騎馬五十四匹外加引馬一十九匹一日共騎馬七十三匹噫衝矣疲矣至於斯極案查康熙二十七年二月內恭逢蓋造

太皇太后暫行永設宮殿官役絡繹需馬通州李知州詳蒙

陞仔巡道胡酌撥文安固安二縣馬二十匹協濟伏思
通三均衝也而三尤甚卑職亦以衝驛差馬不足額恩
一例撥協事中請內開去冬十一月二十九日兵部勘
合火牌給本部員外郎筆帖式理藩院員外郎等一十
二起騎馬四十三匹外加引馬一十四匹驛馬五十匹
盡矣次日即十二月初一日兵部勘合火牌給理藩院
員外郎監察御史刑部員外郎奉天將軍筆帖式等騎
馬七十三匹外加引馬二十二匹連日通計用馬一百
五十三匹本月初九日兵部火牌勘合二十起共騎馬

古愚心言

極衝免調撥詳目

一百三十五匹外加引馬二十一匹一日通計用馬一
百五十六匹部牌內原有驛馬不足營馬應付等語查
兩次三河營給馬七匹悉出卑職攔截馬車僱免以應
幸而無悞者天也今以五十匹應諸路之差應請行永
設官殿之差岌岌皇皇倖豈可再具詳在案蒙前任
巡道胡鈞批前准通承道關請業經移覆轉飭該縣勤
慎供應矣嗟乎衝同協異絕不恤卑職之有此請也再
查康熙二十八年正月初六日蒙前任巡道程檄調馬
一十匹定限趕赴雄縣安塘卑職挑選馬匹星飛訖隨

於本月十二日以衝驛馬少不支下吏情急呼籲事具
詳巡道內稱今當脫馬既去之後何思衝驛難支之苦
不已泣陳伏惟三河驛額馬五十匹追風接踵毋論他
時即以本月初六申刻調馬日計之初七日黎明即奉
兵部火牌差往白土場理藩院郎中俄奇禮親丁一名
跟役六名騎馬九匹主事岳蘭親丁一名跟役五名騎
馬八匹筆帖式達蘭泰跟役二名騎馬三匹撥什庫莫
克達披甲一名跟役一名騎馬三匹義氣滿洲老爾達
跟役一名騎馬二匹并引馬共計三十六匹次日黎明

古愚心言

極衝免調撥詳目

即奉部牌差官溫希龍往朝鮮國騎馬一匹護軍統領
翰林院侍讀學士博拿執事人役騎馬八匹奉天將軍
差六品官沙哈亮跟役一名披甲三名騎馬五匹撥什
庫阿哈達打牲人三名騎馬四匹并引馬共二十一匹
通計兩日內騎馬五十七匹額馬五十匹盡矣額外尚
多騎馬七匹此其確証者也又毋論他時即如去年臘
月二十六日恭逢

聖駕謁陵回京駐蹕河邑本日另奉兵部火牌光祿寺
壘即格騎馬一匹理藩院撥什庫達石跟役騎馬二匹

理藩院撥什庫哈喇哈跟役騎馬二匹理藩院撥什庫
顧西跟役騎馬二匹外加駝馬一匹理藩院正堂阿披
甲跟役騎馬十匹理藩院右侍郎溫跟役親丁騎馬八
匹理藩院筆帖式本錫跟役騎馬三匹外加駝馬一匹
理藩院員外郎桑格親丁跟役騎馬七匹理藩院筆帖
式傅海跟役騎馬三匹理藩院撥什庫班達跟役騎馬
二匹理藩院撥什庫克什退跟役騎馬二匹光祿寺壘
卽格騎馬一匹欽天監九品博士段以相跟役騎馬三
匹光祿寺壘卽格騎馬一匹理藩院撥什庫麻色跟役

古愚心言

極衛免調撥詳六

太皇太后梓宮五月
皇上謁 陵驛馬晝夜驅馳甫自

皇上恭送

鳴畢盡於此

此已巳宰洵之第五年也驛累痛哭流涕屢矣古
敝筆禿付諸空言所以不用文字據牌抄案較諸
監門繪圖更覺慘惻然所乞者免撥調耳且不可
必得噫殆哉次年庚午宰洵之第六年也援遵化
州復馬車例爲額請添設車馬一視同仁以救衝
驛事蒙撫都院于 題疏內稱三河衝要需車甚
繁請照舊添設馬車十輛又牛車一十六輛改爲
馬車部覆如所請甫奉 旨而予離任行矣先乎
予者余君冉君尙有馬車二十六輛後乎予者張
君張君卽復馬車二十六輛又奉 旨添設驛馬
二十匹數馬舊額五十匹外計添四十六匹獨予
任內衝驛旣裁馬又裁車工料旣停給又追賠赤
手四應而吳逆眷口車輻絡繹踵至又二十七年
二十八年恭逢 享殿陵寢運送麟麟接軫視前
後諸君困苦繁難十數倍從無私派民間少資緩
急當年之不倒站豈非天哉心言存此瞻天九叩
舊洵吏彭臨識後

古愚心言

極衛免調撥詳九

報三邑得雨日期詳稿

康熙二十八年六月

查得三邑去冬無雪春夏不雨耆無麥矣又書無禾

於二月二十七日設壇齋虔步禱至四月初四日另

壇於關帝廟初八日率士民同祈於顯山東龍潭下

步一號十步一拜以哀籲天初九日辰後一雨未及一

寸地燥難耕秋禾尚無播種其間有一二已種者烈口

蘊隆苗則藹矣至五月初十日又遷壇於邑隍廟朝夕

步叩於縣北靈山龍神祠及邑內外各壇廟詩所謂靡

神不舉靡神不周者也五月十三十四兩日微雨二次

十八日寅刻驟雨二十二日半夜大雷雨一次俱不及

一二分至五月二十四日酉時雷電大作頃刻立收挨

查東西界內窪地約有四指雨高地二指雨往南五六

里外未得雨往北窪地有四指雨高地二指雨亦有一

二指不等未能耕種節次申報在案卑職仍齋壇叩禱

以祈普遍霑足嗣於六月初四夜雷電大作縣城東至

段嶺有三四指雨不等縣南南庄念頭等處有二三指

雨不等西北二面無雨十一日卯刻細雨一次十三日

午刻驟雨十六夜雷雨十九日申刻暴風後細雨至二

午刻驟雨十六夜雷雨十九日申刻暴風後細雨至二

古愚心言

報三邑得雨詳一

十日酉刻雷作

農務之各鄉鄉老

庄雙嶺日溝北果

作無及只有蕎麥

內開恭蒙

皇上特差兵部大人親

具題在案

聖心憂民惓惓無已合將現在得雨情形再行飛報為此

具申伏乞照驗施行

古愚心言

報三邑得雨詳二

遵查邑屬饑民詳稿 庚辰二十九年

三河縣為欽奉 上諭事卑職自隨口北賑饑日見鳩鵲人形悉邀全活 天高地厚莫以名言茲者遵奉憲檄恭繹

上諭則凡真正饑民家無尺土者皆得於 蠲租之外邀恩矣則凡流離困苦身無丁差者皆得於流寓之內被澤矣查三邑圍投已盡除受補河間遷安外境地一千四百九頃零以通縣本境計之止有地四百四十六頃零而此四百四十六頃內尚有旗戶一百一十七家在

古邑心言

遵查饑民詳稿一

縣納糧地一百二十七頃六十畝零合通縣計之民戶止有三百四十八家僅存退園退墾等地二百一十頃五十八畝紳衿戶止有六十六家僅存退園退墾等地八十七頃八十九畝又二十七年奉文歸併金吾燕山彭城三衛村庄民戶止有一百八十五家僅存退園退墾零星等地六十九頃三十七畝合通縣及歸併三衛計之有地民戶紳衿戶止五百九十九家其他則皆寸土卓錫無有者也貨旗房種旗地地租無分豐歉房錢算及錫鉢報災無可報之壤奉 蠲無可蠲之項敬敷

友爰仰命於天又合通縣三衛計之現有丁差者止一千二百一十人其他則皆各屬流寓靡有定處者也去年自春徂夏大旱秋七月乃雨民間有地者急種晚穀蕎麥麥每斗至小錢千二百文揭貸播種見天氣尚暖猶盼少收不敢報災且以二十三年奉 蠲二十五年又 蠲二十六年預 蠲雖

古邑心言

遵查饑民詳稿二

皇恩浩蕩有加無已而食土踐毛終不敢為無饜之望此則民之實情也又恐報後委員重勘萬一地有根株卽為虛捏趨趨噤噤且以納糧縣地衛地零星四散除旗戶外僅存三百六十七頃為數無幾若照定例報災十分九分蠲十分之三報災八分七分蠲十分之二報災六分蠲十分之一應蠲有限造冊報冊實繁情甘不報此則民之隱情也去年八月初二日據情申覆在案自申覆後秋陽燥烈不雨又終風晚穀蕎麥穉者不長長者不秀秀者不實時過秋分序將寒露欲與有收難矣伏讀

上諭惟以秋獲失望惓惓

聖懷則是一夫不獲非所以仰體

皇仁宣布汪澤者也申告閭邑乃報民戶被十分災地二十三頃九十九畝零被八分災地一百八十頃五十七畝零被六分災地五頃五十四畝零紳衿戶報被十分災地三十七頃一十七畝九分零報被八分災地三十九頃五十一畝八分零被六分災地二十四畝旗戶在縣納糧民地報被十分災二十一頃五十五畝四分零被八分災三十八頃二十七畝零通共報過災傷地三百三十六頃八十八畝零尙有一百七十九頃零未報災者屬旗屬民屢傳不履畝勅云照例蠲分數自願了

報非忍於遺也先已遵照頒行式樣造具冊結於八月十七日咨送在案幸蒙慈鑒議者莫不以再報爲愆而殺然行之者實非爲此數百家有地被災者蠲免地額計也亦非爲此一千二百一十人有丁未完者蠲免丁銀計也實痛念夫卓錫無有者賃地賃房與夫流寓之徒靡室靡家當此大饑大饑顛連困苦而不忍不以災陳耳按三邑地方分爲八路十五鄉合正東東南丁南西南正西西北正北東北計之計庄六百有七計保一百六十計牌一千五百八十除旗戶將三千家外計

牌計戶尙有土著流寓民戶一萬三千家查康熙二十七年恭逢

太皇太后梓宮經由三邑南北路墊道口與八路十五鄉之民胼胝雜作流戶貧人早已心識之矣去年九月恭逢大行皇后梓宮經由蒙

皇上軫念歲艱民苦只墊道七十里職日與八路十五鄉之民胼胝雜作見其竟日枵腹身無完袴貧人饑戶又已心識之矣且時時親查保甲老穉男婦頗爲周知當茲村落蕭條民生艱食榆身爲糜遺皮盡制槐實堪責有角皆空甚而喫莠喫糠豕鷄爭食幾乎餐風吸露煙火絕炊水耗和泥溝中競掃蓀花帶梗磨裏苦辛膏之惟有斷腸見則何能下咽幸逢

聖主特加賑濟憲檄星查自應照家甲冊內饑民姓名申送速解例懸但自十一月二十一日奉憲調隨口北賑饑十二月二十九日黎明回縣側聞各庄老弱輾轉少壯逃亡有耻者鬻子無賴者典身原冊不可問矣遵奉憲票內有毋致遺漏冒濫一語不敢不再爲請庄慎加稽核緣八路十五鄉地方爲瀾未易遽飛恐稽 欽限

職久稔情形量報戶口請於一萬三千戶中十分報入
每家只准一名口卽有萬餘人饑萃原無彼善賑恤姑
擇其尤仰首待哺急當厄也應否稟題聽候憲裁俯容
另造村庄花名細簿以報

此詳幾如繪圖矣若使當時災傷姑聽里民情詞不
敢毅然續報則雖日後奉有未報成災州縣饑民着
照該撫所題賑濟之

旨而顧後瞻前囁嚅苟且如此數千命何司牧之一言一

念仰承

古愚心言

遵查饑民詳請五

君恩下拯民命可不慎哉

遵 旨賑饑詳院稿

康熙二十九年
四月初十日

三河縣爲欽奉

上諭事康熙二十九年正月初三日蒙通承道孟准守道
劉關蒙憲票內抄康熙二十八年十一月二十六日內
閣大學士伊等口傳欽奉

上諭直隸地方亢旱小民粒食維艱其被災拾分地方已
經蠲免錢糧兼發帑金倉粟及准輸助米穀賑濟至被
災未及拾分之州縣雖經蠲免錢糧內中下無真正饑
寒之民流離困苦朕心仍切焦勞着該撫速行查明具

古愚心言

遵 旨賑饑詳一

奏賑濟務使均沾實惠各得其所所以副朕軫念民生至
意特諭欽此欽遵到道行縣告示抄粘蒙此該卑職初
奉查賑通計流寓土著核報萬餘人至二月初八日霽
雨普遍東作方興皆得備工餉口從而核減至二月十
五日部堂按臨親查後卑職公同通州州同劉惠宗又
從而核減僅核鳩鵲不堪大小男婦名口二千五百四
十七人報明在案比及臨賑有稱在外甫歸者有稱身
雖備工家口呼吸陸續量賑大小名口三百二十三人
又據本縣儒學教諭王澤久訓導武世弘聯爲見殺苗

年窮士失所籌法

皇恩事計開本學廩增附生員七十九人公同劉州同核
查真實寒士楊春芳等二十九人各准給一名中有貧
寡尤甚每名量加一口共賑寒生三十八名隨於竣事
後四月初二日具報通永道略口發賑仙自

君恩救饑實關民命雖旱前雨後時勢各自不同而此往
彼來陸續亦所難免以不忍遺之心行不敢濫之事多
寡間有分殊初終本無二致口詢而驗悉情形也分日
計程免守候也官放民受杜侵漁也臨賑焚香日率男

古愚心言

遵 旨 賑 饑 詳 二

婦童叟九叩首使民遍德也賑畢臣如初禮代民祝

聖也家給領票一紙實填大小男婦名口刻殊字印一內
載自二月初一日起至四月終止又刻殊字印二每大
名口給倉斗米三斗六升領訖再小名口給倉斗米一
斗八升領訖又刻殊字印一內載每穀二斗折米一斗
大小名數粟米實數較若列眉也唱名令庄甲長保長
從傍識認代領必註某人姓名防頂替稽重複也另給
印票各貼門首出入由戶觸目銘心且以便清查也又
恐風雨損壞每庄現發冊一本有庄長者給庄長收藏

無庄長者給甲長收藏慎之又慎以期無負均沾實惠
各得其所之

聖諭而於孤獨鰥寡尤加意焉王制此四者天民之窮而
無告者皆有常饒漢文帝詔曰方春時和草木羣生之
物皆有以自樂而吾百姓鰥寡孤獨困窮之人隣於死
亡而莫之省憂爲民父母將何如夫常饒王制也省憂
春和也憫怛慈愛且如此况當無年乎又聞國家養民
必先養士澤及卑寒等而上之也間有細流羽客鶴髮
雞皮形影自吊藜藿不飽亦與高年貧苦之民同一憐
給推而廣之也再查洵地盡園所屬村庄六百有七今
冊報饑民內有零星有地被災村庄二百十九處無地
村庄二百八十一處本城四關共七處另有前報今無
者雨後一經部查所稱稍可自餉是也

古愚心言

遵 旨 賑 饑 詳 三

君恩如海 聖德同天必至廣被然後愜而有加無已吏
不敢與民亦不敢受非遺之耳卑職已照守道頒發冊
結式各具四本套詳明通永道轉報外今再繕冊一
本按本城四關樂善里同善里親睦禮讓仁義忠信八
路十五鄉分別挨序某庄某庄長甲長保長各註冊戶

內有年老鰥寡孤獨新病殘疾者各註冊某戶某人代領者各註冊流寓年代久遠者不註其餘某省某府某州縣人各註冊此皆先奉憲檄遵而行之也再遵憲檄將賑遇各村庄照式刊刻長單內填饑民老幼男婦姓名通計五百七紙差役胡永良齋投憲轅乞賜慈照印發實貼各村庄守望樓前家喻而戶曉也念當大饑大饑村落殘黎未肯輕去其鄉卽或一二仇離在外覓食聽聞發賑曰歸曰歸仰惟

皇上浩蕩全活乃得此不獨一洵邑然也奈茲不雨又終

古愚心言

通 自賑賑詳

風皇皇岌岌設壇以禱心之憂矣云如何里然以

聖天子仁愛亘古希聞瞻卬昊天歲不終早又不待禱而降也卑職惟有心齋日省內白靖而已所有繳回領票式黃帖式因未奉頒之先已自印刷大同小異似無庸另換合并聲明爲此具冊隨申伏乞照詳施行

初報萬人臨賑核減只二千九百八人不忍遺不敢濫者下吏之心也然非撫院原諒則先多後少既減又增反覆駁查悚慄正未艾耳書此識感感豈以私哉

韓各庄旗人攬庄勸賑詳稿
康熙二十九年三月十九日

看得賑饑

聖恩也仰體浩蕩之仁斷未有甘爲殘刻之事者也倘以卑職念念痼痼反爲旗棍在在囑害愚民當饑饉之後廉恥心微易隨穀中吠影吠聲不自忖度多曰我獨匪民奚爲後我發蹤穿鼻實繁有徒特未敢暴發而張有良挺然身爲禍首查韓各庄除旗戶外民止六家以部堂親查註冊不准賑而勒卑職專擅行之登堂咆哮動稱上告詢以汝旗也與民何預艱然而應曰此庄吾家

古愚心言

旗人勸賑詳稿一

所自立者也張東張自貴高良李養貴孟大五戶吾住房種地人也若不得請卽報吾主將來遇 皇差與今現行巡更勿復問夫以 朝廷赤子視爲旗屯私丁恬不知怪一至此亦曾思邑屬計庄六百有奇莫非種旗地莫非賃旗房藉此煽惑得則曰我旗下庄頭力也不得則曰有司罪也有司者雖家置一喙以自解民亦不信書曰怨有同是叢于厥身六載苦心一旦敗之反覆痛恨禍首如張有良者萬萬毋容以縱此非卑職意也勢也解赴轅門嚴訊後發回或解部或解院統候憲裁

又有旗人劉二先以盜案議辟監候秋後逢赦得生與其弟旗人劉三同住大東關地方近者詣庄查賑見劉二在旁詣視其家土屋二間雖無所有然甚潔淨論以此較牢獄何如勉爲善而已相距未一月劉三丈人馮應登因傭工韓庄頭家扣賑乘醉遷怒於保長李自榮揮拳褫衣二亦在旁比訊榮以未曾動手曲徇充其所爲恐或不悛嚴飭釋去將劉三候解甫出而鳥獸逝矣現在嚴拿合併報明伏乞照詳施行

賑饑不忍遺亦不敢濫使民戴

德非吏市恩也

古愚心言

旗人勸賑詳稿二

有所挾而請者弗許張有良之勸請攬庄劉三之代請遷怒一解一詳匪獨旗人歛戢而愚民仗旗冒領聞亦消阻不知者以吏爲刻嗟乎冒則濫濫則不公不公則有力者負之而走哀此貧獨其得實沾 天澤也鮮矣舊洵宰彭鵬識後

古愚子彭鵬曰因查賑而見赦犯旗人劉二親詣其家諄諄勸戒比因邑民馮應登傭工扣賑劉三遷怒逞兇二亦在傍懲創其弟無非爲劉二示儆望其革心凡爲司牧者不可不知此心

應撫院于諮訪利弊條議

康熙二十五年五月

爲諮訪利弊以資政治以安民生事賜甫海儒寒負戴天履地之身曾遭閭閻變存任絕粒不下床者三歲保此髮膚思以此身報 國家也久矣屬者甫授洵河如淪苦海一身墮落萬念成灰忽聞憲臺奉

天子命節鉞畿輔草木知名如羸者之思起暗者之思語仆者之思行也今承下諮竊以安民生無所謂興利也除弊而已約陳十八事曰維廉恥曰嚴旌別曰重人命曰治盜源曰誅真盜曰嚴誣盜曰緝旗庄曰清疆界曰

古愚心言

應訪條議一

復城垣曰修墩堡曰烙私馬曰禁軍器曰停長送曰驅土番曰減協馬曰恤僱覓曰飭附社曰甦衝疲每事必推其由譬諸治病者必審其病之源而後參苓黃附皆可投諸劑而有功即弊除而利自興之謂云爾狂瞽無知謹條如左

其一日維廉恥夫下吏之喪氣由廉恥之掃地廉恥之掃地由衝驛疲站差日接踵而吏難剝膚也邑令爲國家小臣爲憲臺末吏爲斯民父母匪爲往來人作馬牛奴隸奈地當其劇咆哮積習除勘合火牌內口糧草束

車馬刻至刻應外勒索無厭不見則飄磚擲瓦甚而衝
墻見之則搭掌揮拳幾乎批頰雖騷擾奉有飭禁需索
准卽申詳而此往彼來循環如織又有同日并擁滿堂
闐然胥役竄遁當此之時指不勝指詳不勝詳忍辱不
校遂以爲庸懦可欺必底於極而未屢耳然其上亦有
仁人好德慨嘆欲絕彼蓋灼見真知窮員涸鮒而至此
而咆哮者流不知一切墊賠百凡苦累動云酒肉飲食
之需芻茭糗糧之餽於令也何有一拂其請出口惡聲
自令之祖父母父母妻孥辱罵慘毒甚於刀鋸凡人卽
卽且吝甘呼牛馬甘受中慙亦何忍以祖父母父母日
供嘗辱惜此阿堵誠痛心束手惟有抱臂呼捨而已鵬
聞人也半生耿耿不過全此羞惡今一縮墨綬羞惡喪
盡俯仰天地慙負何如夫么麼奚足數耳所憂者京畿
近地旗人雜沓視令已若贅疣又日見夫叱辱似狗卑
辱如螻欲使其起敬起畏相與遵法也難矣幸逢節鉞
特簡星雲仰瞻末吏聞風皆各抒芻蕘以酬諮訪鵬一
介迂疎首以維廉恥陳益禮義廉恥國之四維也維廉
恥所以勵官常勵官常所以培國本也敢請勅示滿書

古愚心言

應訪條議二

漢書榜諸四衢不許往來撥什庫披甲人等當堂當路
凌辱職官并示以衝疲之地吏困力竭迫之已甚必致
捐生場以利害而動以惻隱孟子曰至誠而不動者未
之有也伏惟憲裁

其二曰嚴旌別旌別之不分由彰瘴之不行彰瘴之不
行由講約之虛設與夫下邑有司而不能以身先之也
今日約講期會辰而聚之午而散之聽者惟恐或臥去
者惟恐稍留問以講何章通何句則曰我不知也夫以
化民導俗之書視爲遵例具文之事良可慨已周書曰
旌別淑慝表厥宅里彰善癉惡樹之風聲則禮一不率
則移之郊再不率則移之遂請於講約中寓彰癉法城
郭置約正副二人擇一尚德者爲之長講之日問有孝
子悌弟仁人善士與夫力田務本勸訟止鬭者有則以
告有司者揖而進之酌以酒再則旌其閭爲國人矜式
其有子不孝其父母弟不恭其兄兄亦不念同氣生大
不友於其弟與夫武斷鄉曲教唆詞訟勾旗訛詐窩盜
窩逃窩賭窩娼以衆暴寡以強凌弱以卑凌尊者有則
以告有司者麾而退之跪於庭又記過焉再則撻諸鄉

古愚心言

應訪條議三

三則榜諸申明亭甚則榜其門改過者去其榜選善者又揖而進之有而不告者縱惡蔽善長與約正副均罪其在東西南北四鄉量遠近合大小總設一講所茅舍土廠可坐而聽按月各約正副輪值焉總擇一齒德者爲之長如有司之勸懲也循環申報有司者不時單騎入其境而稽核焉坐約所課農桑講禮讓查逃盜一舉而數善備焉昔人鄉約與保甲并行有以也三邑絃誦無聞現在縣童子試再三勸駕不滿二十人細民比戶絕不識字亦不知尊親敬長爲何物管子曰父兄之教

古愚心言

應訪錄議四

不先子弟之率不謹其是謂與聞舊時聽講寥寥幾人今必使各甲長如期趨赴年十二以上者令之聽士農咸集老幼畢至擇其中子弟可教者卽於約所各立塾學請一通曉文字者爲之師官給館穀有能另出脩脯者聽之仍請此法行諸旗庄准有司悉如表閣榜申明亭例子弟願學者聽入塾相觀而化消其凌厲之習馴以禮義之途風漸近古在有司者先之而已伏讀

御訓首章曰敦孝弟孝弟者愛敬之原也明祖分爲二章皇上括以三字人人親長而天下平盡之矣管見蠡測謹

註一編義取易簡凡民所見者寡講惟求其易知人情久聽則疲言惟取夫簡要蓋易則聲入心通而簡則神專意會也容另繕呈伏惟憲裁

其三曰重民命夫民命之草菅由旗人之倖脫旗人之倖脫由窮丁單戶怯於解部守候困苦顛連而急以請罷也伏思

皇上好生之德與天地同體凡在覆載中有不與被堯舜之澤者皆以爲憾今民被旗人毆死者呼天搶地詞未發而旗人逃矣不曰伊主之差遣則曰主家之未歸且

古愚心言

應訪錄議五

有閭庄皆旗詢其旗主是何牛糸皆謬不知比及差役血比旗人弗出不得不獨帶苦主往檢嘗自標知縣彭鵬拘而屍場待鞠弗出如故甚矣下吏之負天地而愧鬼神也比及具詳例以旗人命案外官不便審問仰卽解部苦主聞知聲淚齊下曰死者不能伸冤今起解則生者累死是以一命而斃數命也俯伏乞罷一不聽則環庭而哭再不聽則跪道而號迫則遁去無影無踪勢不得不代爲詳代爲詳而兇人漏辟矣嗟乎民命之死輕若犬豕亦烏知上有好生之

主如堯舜者乎所以日夕思過衾影自對而不遑以寧也
恭惟憲臺代天布德爲民造命之初敢請具 題著爲
令凡旗人真正毆死人命卽苦主懇恩免解亦須錄供
咨部未減定罪以謝死者若卽聽其罷彼殺人者知在
外例不得審起解民又畏途何所憚而不橫且暴乎緣
人命含冤恐干天和伏惟憲裁

其四曰治盜源夫盜源之不息由窩主之居停窩主之
居停由地隣之含嘿畏威懼禍而莫敢發也窩有二或
饑寒而不自全相依爲命或城社而無所畏憑藉而行

古愚心言

應諸訪修議六

鵬所謂莫敢發者城社之奸與饑寒者盜同而勢異也
今馬賊時見告矣世必無不飲不食之賊亦必無不芻
不秣之馬突如其來馳驟數十里外飲之食之秣之芻
之其不能空中樓閣也明矣非其馬出後槽人自爲盜
家自爲窩則必神奸巨棍力能制縛人居停無畏防口
卷舌若細民之家所敢窩者步賊而已一有乘馬挾弓
矢佩帶刀鎗者宿宿信信四隣環視而起無重門深屋
彼欲藏奸得乎請於保甲中勅查真窩有猛如虎而毒
如蛇者十家隣密首地方官密詳立置如法孟子曰國

人皆曰可殺然後殺之故曰國人殺之也仍請官給十
家隣印烙遇以飛禍中之者免坐如是則人人敢言而
盜賊無托足之所矣伏惟憲裁

其五曰誅真盜夫真盜之漏網由隣封之推卸隣封之
推卸由叅罰之念繁而自護之心生盜賊之無忌憚職
此也書曰殺越人於貨閉不畏死凡民罔不懲漢法殺
人者死傷人抵罪 本朝律載強盜不分首從皆斬誠
以法嚴則人不敢犯書曰辟以止辟乃辟今盜有於隣
境擒獲一一供承及至失事處所動輒反招所司者指

古愚心言

應諸訪修議七

原問爲喪心譏初審爲誣盜夫無故而殺一物仁者皆
知其不可況人命乎然鵬不議放虎歸山縱以噬人者
爲仁乎抑見兩頭蛇毒能殺人撲而理之者爲仁乎經
云殺一闔提可供五百羅漢梵云闔提譯云惡人盜乃
惡之尤者也故凡緝盜緝逃者同名爲緝而緝逃者無
休連別州縣之理而緝盜者無曲徇他州縣之情蓋逃
休蔓則禍出無妄而盜徇護則毒流無邊也大利人之
財戕人之命兩者相因今以人之性命與己之功名較
孰輕孰重而況窮通得失冥冥有主安能一一逆料事

事彌縫哉惟有循理去私不避嫌怨成敗利鈍聽諸天而已合請申勅各屬隣境獲盜慎諸初供證以失主供明證確毋俾免脫書曰要囚服念五六口至於旬時大斷要囚誠以爲囚求生而不得而終不能貸以死耳議者謂刑期無刑宥之三夫殺之飛霜烹之乃雨上天好生之心在於刑罰之當與不當不在於寬與不寬也伏惟憲裁

其六曰嚴誣盜誣盜之戕害由於真盜之漏網真盜之漏網由於平民之寬招盜日以縱而民日以蹙也鵬所

古愚心言

應訪條議八

謂誣真盜者指律內所稱贓證明確及當時現獲者言也贓證明確則真不明不確則多誣當時見獲則真事久扳供牽連又多誣誣之禍非一或番役私自弔打及武衙門擅用非刑拷勒成供之誣或設限嚴緝緝捕畏比見平日匪類者不論此案有無卽指爲盜之誣或捕役不擇而噬或慣盜挾仇而扳之誣或營弁自顧罰俸州縣自顧降調隨聲附和般煉鉗網之誣夫勒拷成供與卽指爲盜爲噬爲扳過一慈祥精明吏力爲開釋終無死法至於般煉鉗網隨聲附和而惟自顧則民斷未

有生理者矣鵬初至洵洵番役進言盜案銷法每於他處獲賊將成招時遣人陰至彼處通同刑書藉口有無別索銀官覆訊又密賂彼處捕役禁卒誘賊微利賊自如本案招成覆訊卽再供向時解部銷案多以此今歸外法司州縣皆可通融鵬喟然而歎曰彼招者吾未知其果真也萬一失真吾重以誣則冥冥中吾與彼分罪且此盜代銷則真盜聞之肆然無忌反指本案爲枉問廈誹不免又吾爲爾民牧未能弭盜未能捕盜而以他盜性命爲銷案甘與爾等小人陰謀自損天理此何忍爲亦何可爲言者消阻嗟乎誣盜者獨一鬼蜮銷案云哉爲今之法惟有凜遵條例贓證明確四字可以保民可以治盜是在憲臺諸誠之慈克類之盡也書曰欽哉欽哉惟刑之恤哉伏惟憲裁

古愚心言

應訪條議九

其七曰編旗庄夫盜賊之不戢由保甲之難行保甲之難行由旗庄抗違包管而無罪也查定例地方官不立十家木牌者處分甚嚴現奉憲臺申明保甲鵬敢曰難行鵬之罪何所逃然所謂行者牌上故事紙上具文云爾若以實心行實政必實陳其難行之由請卽三邑陳

之三邑旗庄十居八九每編保甲不聽稽查猶口我旗人也旗丁也乃有一家在旗而僱工傭工之在旗者咸影射而不得詢一庄在旗而賃房賃地之在旗者咸遮護而不肯報夫僱工傭工皆民也不聽稽查已爲化外若夫賃旗房者納房租賃旗地者納地租彼之身家與旗人何與焉丕乃敢大言曰我某旗住房人也我某旗賃地人也不聽稽查豈彼之敢於冒旗抑各旗庄之沿久成習恬不知怪乎查從前遵憲編行但曰我等自具甘結自承管逃盜覓發不涉邑令事爲邑令者習聞其

古愚心言

應訪條議十

語吞聲屏息勉批存案一旦疎失據結而報卽彼承認如前而溺職推卸恭罰隨之況乎其未必承也嘗攷周官有縣正掌其縣之政令而賞罰之則凡一邑之事惟縣正得而行之若使家自爲政人自爲主則亦惟所欲行又安用設官置吏爲哉合請憲臺嚴飭旗庄悉昭民例每家將僱工傭工人分別流寓土著明白註牌另編旗甲以屯撥什庫爲庄長聽地方官不時稽察諸凡賃地賃房在旗庄內另編民甲每十家編一甲長不足十家者爲畸零戶庄長屯撥庫攝之此法行則逃盜事發

得律庄長以連坐縣官雖受累分咎亦所甘心舍此而無稽察之權有失察之罰難乎其爲令矣轉喉觸忌伏惟憲裁

其八曰清疆界夫盜案之推諉由疆界之不清疆界之不清由先時之不查臨事而聚訟也三邑夾兩州之間攷諸輿圖東至段家嶺中央薊州界二十里南至香河界三十五里西至烟郊通州界五十里北至胡家營雲縣界五十五里最易辯者也歷查又有東南三十五里與薊接壤西南五十里與通接壤西北四十五里與

古愚心言

應訪條議十一

順義接壤又一處四十里至龐里山西古封墩處與順義李家新庄草廠籽粒地接壤東北二十里與平谷接壤又一處與平谷撞頭墳西地畝接壤其他州縣犬牙相錯僻地散處未易更數且與衛屯多毗連京衛例無緝盜之責各衛悉在圈佔之餘旗民雜居每有盜案輒誘諸州邑遠客行人不辨畛域亦惟向州邑而報焉夫常無事日偶一勾攝尺寸稍踰動稱越境一旦有事此疆彼界不復認嫁禍飛殃索懸而盜亦莫由緝蹤縱養孽勢必然也聞從前清查會勘開明四至勒石今巡查

交界石少槩見或者惡此而仆之乎竊以編行保甲之日卽查某社與某地壤錯某庄與某屯毗連其夾空游移必令現住旗民白書某地某轄某庄某屬准於本州則申詳於他州縣則開牒於名徇則行移咸造清冊交互用印彙造總冊詳憲蓋印頒發有事出此較若列眉又州衛縣員新舊接代以此授受蓋石可移碑可仆而印冊在官必不可滅也去歲因薊州掠馬庄失盜一案地與民皆推三河鵬以分土分民推諉與冒認均罪詳請會訊訊諸寺寺有鐘有標題鑄年月士民皆書薊載

古愚心言

應訪錄卷十二

鐘而歸待叩而鳴爭益甚凡累月其後窮十餘日力翻檢敗楮殘葉忽得薊州撥補三河地畝村庄印冊有道印有通薊州印蒙本道復攷州誌此庄屬薊其案始定又是年十一月有庄頭張存仁報盜一案問其庄從無編人保甲問其人則曰我帶地投旗者也問其地則曰衛地也夫地屬衛則人屬衛盜案自屬衛恐其往復推卸致干諱盜含冤受之以載籍無稽故也合請憲臺俯賜採擇互清疆界州衛冊縣爲用印縣冊州衛用印通詳印發各自存案如是而疆界正矣疆界既正然後外

而聯唇齒之邦聲援互應內而篤隣封之誼式好無尤固圍而和衷或庶幾焉耳

其九曰復城垣夫城垣之不復由繕修之無力繕修之無力由地震盡塌盡傾而無可繕無可修也易曰重門擊柝以禦暴也查邑墉久崩向年議修以費繁不果至康熙十八年地大震較之通薊蕩然前任知縣余學昌見木稼熟時旗廬四出蹂田乃拾破磚因土坡而擱焉康熙二十二年縣署被刦賊由坡入夫無崇墉而盜賊生心奸人窺伺前墜不遠初抵境滿目蒿萊城內未及

古愚心言

應訪錄卷十三

百家非駐防披甲則各旗庄頭每遇銀勒住宿撥夫支更并保正不及四人終夜不寢率衙役環馳漏盡方息外無可倚之垣內無可守之衆何恃而不恐所恃者庭如水而釜生魚耳然強項弗屈創目者衆豈無他慮屢蒙前憲嚴檄遵

旨捐修茲奉憲牌各屬設法修濬城池敢不力行伏念設法不外於捐捐者合衆力之謂也三邑地圍則無土民投則無人無土無人將誰捐乎又修者補其缺增其薄之謂也三邑地大震則基壞基壞則垣傾垣傾基壞將

亥修乎此所謂捐未吏數百世之俸竭此生一丁足之
勞無裨萬一螻蟻爲山精衛填海前詳屢陳之矣是在
憲臺察例捐修擇其可行者特疏 題請重三輔而壯
藩屏爲外國往來觀瞻匪但固吾圉也若未卽行請於
三邑四門舊址增高上築土房置炮一金一鳥鎗二各
自分宿東門在三河營署旁帶以南門三河營兵宿焉
西門滿洲坡甲宿焉北門快壯自巡宿焉其先蓋城下
窩舖被裏傳籌夢中待漏沿久而習爲常盡行拆去每
日各門撥馬兵三人更番登樓瞭望見舉烽及傳鑼聞

古愚心言

應訪錄卷十四

炮卽放炮爲號披甲綠旗兵每門出馬二匹并力飛追
馬步兵繼其後亦古者守望相助之一策云然非憲臺
檄行而欲指臂腹心也難矣伏惟憲裁
其十曰設墩堡大墩堡之不復由村庄之寥落村庄之
寥落由圍佔之餘形卑力竭興造難而禦侮更未易也
古者傳烽燧有墩避寇盜有堡所以備非常防倉卒也
今昇平日久兩者皆無慮而囑以設墩堡請得毋非所
急然竊見夫白晝截道黑夜入庄所在見告雖盜案緝
畏文武處分甚峻與夫隣佑協拿者給賞不協拿者杖

八十法至密也而截道之盜多由於岐路曠野比及失
上報縣報駐防報營烏飛獸逝已不知其奚往緝限滿
而罰俸降調隨之可奈何若強盜入庄更闖人靜明火
持刀劫者在內堵者在外交失主非拷燦卽細縛四隣睡
夢無由知卽知而誰敢開門挺身嘗試其鋒而自贖軀
命此協拿者實不協拿者杖與賞皆不能以儆不能
以勸每思賊之出也必有來路有去路登高而望遠則
無不見攷邑誌所載東西大路馬起之一墩泥窪舖一

古愚心言

應訪錄卷十五

墩夏店一墩白浮圖一墩東林一墩錯橋一墩段家嶺
一墩凡七墩今請增烟郊交界一墩柳河屯一墩去附
城東林墩凡八墩墩增高一丈四尺厚三尺上設烽燧
臺置炮置金下可容七八人每墩三河營日撥步兵四
名馬兵二名輪值登臺瞭望遇有騎馬帶刀鎗弓矢者
不必窮詰鳴鑼爲號沿墩接響落其阻遇盜失主就近
報本墩舉烽放炮各墩放炮不舉烽馬兵各帶步兵二
名隨舉烽墩兵窮追凡近庄保甲長屯撥什庫率其丁
壯協捕更於厰里山下往來山路設墩二撥馬快二名
民壯八名輪值瞭望遇失主報盜舉烽放炮鳴鑼協捕

窮迫如東西大路例所弭於白晝截道者此也又請於
邑屬六百四庄設柵挑濠外小庄設更樓一大庄二樓
上樹旗印刷守望相助傳鑼接應八字置金置炮炮墩
臺例以庄內旗民多寡輪派守宿遇盜將入柵值宿人
鳴鑼放炮本庄衆登屋吶喊隣庄砲應各率丁壯救援
半爲設伏截其去路所弭於黑夜劫庄者此也亦脩復
變通墩堡之遺意云此而本庄不吶喊隣庄不救援乃
以縱賊通賊論保甲長皆究處夫人情難於慮始非奉
明示則地屬旗庄民住旗室能保其不陽爲奉陰爲撓

古愚心言

應請請修議十六

平若本城披甲五十名及綠旗官兵調度策應則非下
吏所敢知所敢請耳伏惟憲裁
其十一曰禁軍器夫軍器之公行由私藏之違禁私藏
之違禁由旗人莫可稽詰而盜賊藉爲虎翼也今箭無
字者犯罪鵬去歲在都門見五城察院示禁民間不許
擅放鳥鎗夫惟箭與鎗殺人於百步之外賊之害人人
之畏賊以有此具也每報盜或帶刀或挾弓矢或持鳥
鎗間得遺箭皆無字竊以軍器不禁是授猛虎以翼而
賊以弗飛噬者得乎幸逢憲臺肅清救寧佩領帶牛行

且去矣鵬獨致詳於此者何遵明問弼下愚也稽古脩
閭氏禁以兵器夜行者合請嚴勅旗民之家有弓刀鳥
鎗皆盡數報官箭則書姓書名書旗書地刀則刻字於
背鎗則刻字於桿通具甘結發於墩堡內自留用非逐
盜巡路不得擅帶議者謂行旅給以本州縣印票旗人
下屯給以本牛錄印票一路驗票放行是矣然通衢大
道稽察不勝其繁法莫若於奉公差遣者本衙門給以
印票歇家查驗其他往來旗民鳥鎗弓箭禁行禁止彼
將曰吾以自衛也幾見佩鎗挾弓矢之行人而能與賊

古愚心言

應請請修議十七

格鬪乎夫無格鬪自衛之長徒滋影射禁之誠便其有
奉公人印照模稜語言柄鑿兵器不容盤問許地方官
申報得情者律無赦審虛者詳無罪以落橫行之胆而
作敢言之氣或庶幾乎伏惟憲裁
其十二曰烙私馬夫馬賊之無別由私馬之不烙私馬
之不烙由旗人雜沓影藉廐養而因以爲奸也查定例
凡人惟捕役准養馬火印帶牌此外乘養馬匹馬入官
責罰有差又查兵部會議內凡民人違禁騎養馬匹被
首者不必解部動支貲庫賍罰銀五兩給賞馬入官驛

通克用遵行在案夫馬禁之嚴爲盜賊而設也今庄屯有馬之家皆稱旗主芻牧所寄也庄頭廐內借乘也查之不勝查執之則曰是多事也縱之則令甲領行先不行於輦轂養奸誨盜如國法何合請通勅境內所屬旗人每家馬幾匹本旗主自印烙驗諸官互相保結不願赴本旗者就近地方官印烙旗人乘馬出入必告庄長暨本屯撥什庫註冊存案民間有馬明弛其禁

題請亦准印烙如弓矢鎗刀之書字鐫字馬可以代耕可以禦盜漢初勸民養馬其時內郡之盛千百成羣宋

古愚心言

應訪錄條議十八

祥符四年王旦請聽民間畜牧市以本直昔人已行之明效也法惟於印烙文到限幾口內悉報不報者以私養馬匹律之如是則旗有保結之文自爲覺察民有印烙之驗不致妄行盜源清而人情順民馬蕃似莫便於此者伏惟憲裁

其十三曰停長送夫長送之逐撥由道路之戒嚴道路之戒嚴由瞭望巡哨之無兵驛衝差冗之無馬也三河接畿甸近陵寢又爲盛京山海喜峰口烏拉高麗黑龍江諸路衝衢品物犧牲之所致木石金錢之所輦

王帛之所資貂皮之所貢魚鹿之所供逃犯家口之所出官弁奉差披甲換班之所經兵部火牌奉天清檔趾相錯也每撥馬兵護送自數名至一二十名查三河營額設馬止三十二匹送差步兵不用間有一日而一至再至三至者管隊窮蹙無告折乾到手而放之歸名爲撥兵其實輸錢也馬兵至輸錢是日將弁召之則以送差對將弁明知亦不忍其出財又出力也以是巡路馬兵絕少夫臨洶西爲通界東爲薊界南之界在香河寶坻北之界在順義平谷密雲懷柔交六縣而夾兩州錯

古愚心言

應訪錄條議十九

衛連屯疊密複嶂易於遁逃即使河營額馬分布汛防且有鞭長不及之慮而况日行差撥汎無專騎即以步卒瞭哨馬賊一至抱頭鼠竄早知其無能爲也又即使掩飾耳目近坐通衢賊知馬兵止此必從間道出遇行人過客截劫而去比及聞之甦起鵲落遯乎不可追矣竊以長送之虛名不若設撥爲實事也計自通界至薊界卽五里計墩已得十四查舊誌墩堡西自馬已乏一墩泥窪鋪一墩夏店一墩白浮圖一墩棗林一墩東自段家嶺一墩錯河橋一墩只七處今西截近城棗林墩

添設烟郊交界一墩柳河一墩在在設炮處處置金每墩步爲正馬爲奇逐撥接護禦免撥送雖僻壤要隘亦發遊巡與墩堡犄角隣封聲援古詩云九州道路無豺虎遠行何須擇吉日必由此也若長送必不可停或於鎮轄營汛內擇僻地無差量抽馬兵一二協奏三河營馬兵二十名匹分撥巡界賊亦畏憚而不敢視爲無人之境議者又謂通三薊皆衝也送差則同然查通之右營汛地不兼防現在兩營尚請添馬查薊營馬兵八十餘名獨三河絕少既顧汛又顧差顧汛則誤差顧差則

古愚心言

應訪修業二十

誤汛寧甘誤汛必不敢誤差蓋誤汛而倖免或邀而誤差則顯禍立至也夫他邑以上滿爲喜三邑以土廣爲憂東西七十餘里南北一百三十餘里盡圈盡投無辦賦辦役之家有爲奸爲宄之藪保甲不容稽察疎防坐受揭參汛遠兵單權輕任重張空拳於白刃之下豈不難哉夫庖人治庖尸祝不得越樽俎而代之何多言然常憲臺牧寧嘉意遣弁四出下吏身在地方頗悉情形而又不肯以嘿伏惟憲裁

其十四日驅土番夫土番之騷擾由無賴之混名無賴

之混名由藉口巡緝而陽爲行乞陰恣奪攘者也其名不知始自何時初到任日相沿有土番隨衆點卯董之者舊設有土番頭東西南北分四路問之曰此何事也則云捕盜與有力焉數月以來訪其行狀其人悉皆流乞無恥自稱曰坡下衆呼曰背搭連按月村庄索米索斗則斗索升則升或於集鎮上遇有商販暗竊則出其不意明取則公然撾街甚而窺探虛實指引夜劫新例所謂盜線是也藉巡緝名色實繁有徒夫三邑卽乏人奈何令卑田院之流充入緝捕乎此輩實與流氓勾連

古愚心言

應訪修業廿一

去年八月流氓棍李之盛從通州入境藉命訛詐邑民申文敬等指彼土番王越爲證繩以法棍黨李付臻捏控本道蒙批審付臻遁無踪具看畧曰李之盛李付臻是否兄弟及溺死之劉選是否甥舅皆不可知其爲流氓棍一也劉選浴河當七月雨後泛溢選之死也宜其問諸水濱之盛何所聞而來指告申文敬等得非恃坡下土番王越等幫訟乎慮罪改供兩次責之盛三十板送倉逃去置弗問於法有餘憾焉突李付臻以勢匿人命久羈無辜等控蒙批仰三河縣查明原案報查申文敬等

子遺勢匪誰指也劉遜浴河溺水而死人命
誰問也之盛發倉私逃誰羈也流棍赤身每日倉夫索
百錢誰與也且付臻繫無到案而倉夫盧大已死其爲
風影訛詐恐嚇取財無疑矣三邑居民絕少而山左等
處有一種流氓騷擾下邑禍非一日又有旗下傭工人
踪跡詭秘去來飄忽查新例內載凡行踪不定來歷不
明母論男煩不爲竊盜亦爲盜線地方容留歇住者罪
與違禁同一槩釘回原籍今此案流氓迭出推其訛詐
之術爲盜爲奸必釀於此并乞賜示驅除亦寧謐凋殘

古愚心言

應訪錄卷廿二

之一道也蒙批劉選既係浴河溺死李付臻李之盛等
借命居奇刁惡已極仰縣立拏李付臻究懲一面出示
嚴戢繳奉批遵行不意流氓棍中復出王志明等捏詞控
道蒙批通州查報遁無踪之兩詞者兩告兩遁縣不赴
審青天白晝中魍魎公行一至此夫敢於投匿敢於誣
告其人皆有什百梟獍之羣羽之翼之案查去夏冉知
縣丁艱何縣丞署篆時有坡下背搭連人在馬房集上
強奪瓜菓庄頭蔣撫民面折其非卽率久病黨羽擡至
蔣家勒死圍賴病者不肯死次日土番頭下帖請闕決

雌雄庄衆執帖稟縣何丞委捕論止此亦輦轂下一大
異聞者也合請憲臺勒示電雷照例釘回敢有居停者
旗棍准申解屬南人雖弱然除惡務絕不敢不力耳伏
惟憲裁

其十五日減協馬大協馬之多撥由衝疲之不分衝疲
之不分由一時之參錯沿之再而或以爲例慮之不先
患未遏止也竊惟京東諸邑之苦惟三邑最畿內衝驛
之難亦惟三邑最以圈投既盡無土無人而畱一邑置
一宰邑者驛也宰卽丞也數馬以對僅五十匹而已每

古愚心言

應訪錄卷廿三

差多則乘騎百十四次數十匹甚而同時並至兩路夾
來馬未解鞍而人已接踵且牌內有馬則回馬引馬又
二之一馬羣遂空所以甫到口稽查馬廐俛首悲鳴若
不堪命者去年四月

聖駕幸古北口外州縣調馬安塘三邑忽撥二十四匹以五
十四匹而剩三十則一馬兼兩馬之勞一日兼兩日之役
竊自嘆曰馭馬與馭民一也馬力竭矣而策之不已馬
必斃民力竭矣而責之不已民必死其後三十四匹少有
活者古北口馬歸以差繁不息戴星並日皮毛見骨殘

乎馬尚如此人何以堪對之不勝百感之集焉將加芻而努力乎馬謝不能食抑多購而分勞乎吏謝不得錢馬與吏兩相視則兩相憐索查前任知縣余學昌時調不過五匹當時猶以爲難合請憲臺鑒憐極衝疲極難極苦以後勅行派調量撥三四匹羣馬若能語必號曰來蘇也再造也鵬司牧百拜稽首曰圍人何敢忘伏惟憲裁

其十六曰恤僱覓夫車輛僱覓之難由大差猝辦之苦大差猝辦之苦由上車下車拷勒車夫而至於不敢御

古愚心言

應訪錄條議廿四

不能御也三邑額設車二十六輛一車一馬以供往來裝載之需以運陵寢祭祀之具每車須馬必二匹車輛馬蹄日無寧暑大差抵站除現在額車應付外名曰僱覓奈邑夾通薊西則通覓隻輪弗至東則薊覓片輻莫來此時若無木牛流馬之才斷未有不坐困者矣鵬與車夫四出覓車角多寡定賞罰不遑自暇逸比及通車到應嶺者換應爾者雷押差披甲方案上下車錢車夫重創死不肯往必至以命相徇然後得投其轄而唇舌已敝喘息欲絕矣又復恣其兇毒必帶馬牌去聯必

親送至界或過界知不可刦乃放歸本年黑龍江安站及簞繩油鐵等車苦尤劇至吳逆眷口第八撥押車披甲者坐縣堂按名搜括取懷而予伺其出攔取其錢俾各車夫供認奪其原贓封貯於署自給錢還衆是日送車至薊白晝搜金前後無忌夜歸具詳本道次一口第九撥至大索如八撥次日第十撥至咸送至薊有索有不索歸而具詳并前凡三益灼見其不奪不廢大不忍於中而不顧撓其鋒觸其網蒙轉關巡道看詳撫憲各部在案夫以叛人眷口遣發生全誠

古愚心言

應訪錄條議廿五

皇仁如天之謂也又恐其服鷹未盡化心復未盡馴騷擾斯民使官與披甲押送之爲民慮者無不周今押送先自穰奪爲之官者縱之乎抑失察而不知也或披甲調自各牛牖其勢不相統攝官雖有言而莫肯聽聞也果爾則焉用彼送爲哉取現獲在庫之匪證會同台道之口誰曰不宜其或從寬取請示禁勒石驛路通衢鑒以前車母蹈覆轍庶東方可免倒站而小民不致理輪矣伏惟憲裁

其十七曰飭附社夫附社之創名由撥補之規避撥補

之規避由業多易主地多賣旗與夫有力遠處者而易於通也定例春糧二月開徵秋糧八月開徵去年孟秋蒞任尚有未完春糧六百四十餘兩延至八月陸續帶徵比及九月秋糧并弗納具詳本道守道在案延至本年二月整應奏銷以副考成再詳本道在案悉出附社附社之名何自始始於圈地之時撥補遷安河間等地民無力遠種賤售於旗人有力之家自立名色曰附而市恩者每於臨去悉聽其附流弊遂至此極查三邑社屯地寥寥附之者間出其右指大於厓殊可怪也甚且

古愚心言

應請訪條議廿六

有本社地畝不收不除移甲就乙亦名曰附夫以一縣錢糧盡抵一驛支用僅得三千餘兩而此三千餘兩中附社三居其二雖其間亦有存心尚義見窮令而哀者然通計附社各戶歲額去歲春糧欠六百兩延至歲終則春夏站銀先墊六百矣秋糧欠四百兩延至春明則秋冬站銀先墊四百矣重債支驛即使續完而利息負累十去五六况一迺至今平驛站計日而授枵腹以待萬萬其難蒙微諭各州縣驛遞額銀不足准於正項動支所不足准於起解甯抵在憲臺恤驛之恩有加無已

豈此方抗逋之性習慣弗悛乎定例抗糧處分甚嚴若買民產逋官糧度非所貸合請勅示洵邑各附社者曰有田必有賦有賦必有役賦役萬世之常經也今托附社而無丁又依附社而逋課據實報明前罪并發當未有不惕然思翻然醒者若鵬任內不許再附升斗為逋逃漏數則已咸告有衆矢諸天日恩怨非所恤矣伏惟憲裁

古愚心言

應請訪條議廿七

其十八曰甦衝疲大衝疲之最苦由驛站之大累驛站之大累由缺額之請領未至附社之正供不完僱覓之銷算無日揭債還債估利行利而靡有極也鵬一介窮儒坐席未煖當茲吳逆眷口發遣輪蹄如織聞聲胆落查去年七月至十二月止除額設車馬應付外另僱覓通葡車五百八十七輛車馬牛百三十八匹隻計銀四百二十餘兩是年秋冬未領復二站銀三百八十餘兩又行糧三百兩半甯秋冬供應絲毫未收已上計墊過銀將一千兩悉揭旗債每月坐利百餘金瞬息惟倍又附社錢糧逋欠將四百兩奏銷代墊以副考成至今年四月尚逋其半又存甯缺額應支八百兩遲至十二月

二日始發從前縣揭墊竊見前冉知縣離任赴保有三
苦三痛之訴所以先申守道有一日甚於一日後人復
哀後人之語紀實也查本年正月十一日至二月十九
日止奉工部發烏喇修船裝載車二次共一百六十三
輛奉戶部發黑龍江安設驛站人役車共六百輛除額
設車應付外計四十餘日已墊應三百四十兩零比諸
去歲秋冬實甚此真點金無鐵量米無沙時也貨則路
絕債則生迫輾轉反側自顧更不如奴出不如處生不
如死未嘗不流涕沾襟曾捧巡道覆看復二題畱一案

古愚心言

應諸訪條議廿八

內有良鄉姚令累斃之慘河間張令自刎之傷竊恨其
去而不早辱身辱親爲天下笑所以本年二月內以窮
員無肉可剝備驛拷隨難支籲天代詳立賜罷斥以甦
殘喘以免倒站事具詳本道終之曰骸骨返首丘世
銜結若稍可支撐尚能揭借畏難避苦矯情求去明威
立極蒙批三河地處衝疲供應浩繁正藉才能勉力支
持何得遽萌去志仰仍拮据供職毋悞公務繼且面勞
之曰勉俟院憲至泰山之望不崇朝而天下雨引領延
頸首捧憲牌准將起運錢糧暫抵驛遞不敷以省領解

思至渥也洵邑起解項下惟河關夫銀二百一十九兩
解有限期別無可畱亦無可抵揭墊息盈得邀查項量
給幸矣查洵有車馬工料之項有驛站缺額之項有存
畱請領之項有行糧供應之項有僱覓銷算之項一一
仰命勢必托諸書役書役一去動云某項少待某項相
機遲則乘官之急而因以射利速則貪天之功而攘爲
己力自今以往并請示欵項定期發春以某月秋以某
月印發俱上旬吏無重跼至爾之困自是少欺官免望
眼成穿之勞庶幾周急夫陳利病而繼以此竊以舍此
則誤差悞驛雖欲忍辱含垢飲水茹荼以勉副萬一者
勢不能也伏惟憲裁

古愚心言

應諸訪條議廿九

是歲丙寅春三月奉新任撫都院于諮訪利弊內
開欽承 天語諄諄惟以民生疾苦爲念凡利所
當興害所常除各抒實見毋隱毋諱又蒙守道朱
檄同前事務必通達剴切一面報道一面詳院毋
襲毋庸蒙此宰洵言洵如上列欵奉撫都院批據
詳地方供應民生凋敝俱已痛切敷陳允堪採納
除編甲業已具 題其乞丐勾盜私養馬匹已通

行嚴加禁飭餘候守巡二道確議報奪繳又奉守
道批據詳添切時獎該縣之才品於斯可見本道
不勝嘉與仰候會議酌奪仍候撫院批示行繳心
言存此聊以識一得之愚一時之遇也而六載洵
吏顧言顧行於此尤加凜云舊洵吏彭鵬謹識

古愚心言

應請飭修議三十

應詢調劑銜條議 康熙二十五年

伏惟四通八達之謂銜力乏財賈之謂疲兩當其極而
有司莫敢以告卽告之而輸音登天也難矣本年又四
月十七日本道准憲移檄行到縣爲通查驛站事軫念
今時勞逸之有不同原定銜條之未盡善酌議調劑讀
未竟而嘆曰有是哉天地大公之心左丘明所謂起死
人而肉白骨者也先爲通飭驛遞事出具遵依申覆略
曰三河驛馬無停蹄勢難伏櫪痛以執契一令與僕僕
五十匹痛相似也卽使壯應就路強有力者爲之鞭策
而瞬息追風急喘流汗筋力已竭若以棧芻扣剋工食
障時馬瘤瘕夫疲瘁則受其捶面者不在馬而在令矣
此三河一驛四應困吏獨慘斷無有倒斃可不補錢糧
可侵欺如憲檄所飭今奉諮詢而不激切條陳但曰銜
極似洵疲極似洵憲臺久知之矣毋庸言則凡蹈水火
者仰首仁人亦毋庸疾呼望救但曰仁人也吾忍俟之
乎夫水火而俟之既溺與焚卽欲望救於仁人也晚矣
所有額設馬車二十六輛每車一馬今差使用二用三
一率以爲常數馬行車用二僅行其半用三只行其九此

古愚心言

應請飭修議一

又於驛馬之外計及車馬不得不於裁辟補術時并請
調劑者也

此宰洵未及一年應詢調劑驛站衙僻條議也是
時洵驛尚有馬車二十六輛每車一馬數馬二十
六匹呼籲弗堪命忍料次年裁車十輛收馬爲牛
一十六輛追賠給過車馬工料錢糧在其後乎心
言存此拾卷三嘆

古愚心言

應詢衙僻條議二

應詢革巡役條議 二十六年七月

弭盜責之巡役風斯下矣夫以防汛有弁目有馬步當
茲昇平清晏戰兵無事於戰守兵無事於守分路巡遊
凡爲攘爲奪爲奸爲宄聞風自遁若巡役寥寥一二力
何能爲以無能爲而名之曰路快恐弭盜技拙而擾民
術工所以痛除而絕不一遣者也惟有身自率先旦夕
馳驅馬背不言憊問或捕官出某路則撥馬快二名跟
行付以某路某鄉號號一硃書嚴禁生事四字諄囑慎
無擾又於鄉長保甲長時時詰誡在在勸勉令其謹察
勿少懈雖小民之能止此下吏之心之力亦止此然終
不以巡路之權旁落致生他慮爲有識者所笑今保定
府呈詳前事蒙批查議巡役可否永革敢曰革之便永
革之便

古愚心言

應詢革巡役條議

覆均驛站衙疲議

卷二十六

伏讀憲批因井陘縣請添設腰站卽首念夫直屬各驛額設馬匹途衝差繁不敷供應并及夫所解錢糧裁復不均通查妥詳則是井陘申請者險遠不支而院憲鑒恤者衙疲最苦耳苦莫苦於三河驛馬雖有善者一入斯廐未有不連之斃者也而況在車馬奉裁工料行追後乎先是陞任山東按察使司原通永道宋爲請獎勞吏事有績左州縣最爲衙疲而三河一區尤稱凋瘵等語蒙守道朱憲牌行同前事有河邑衙疲孔道等語又

古愚心言

覆均衙疲議一

蒙巡道胡爲獎勵事有差繁役困夙號衝途吏茲土者拮据艱難等語又案查康熙二十五年六月本州爲越站行差事卑職據實中訴蒙巡道詳院鈞批有據詳備悉該縣勞吏之苦等語嗟乎途之衝也差之繁也供應之不敷也無待卑職之賡陳也又案查康熙二十五年十一月十八日爲衝驛萬難支撐額憲速關飛調馬匹伺候 皇差事本月十九日恭逢

皇上謁 陵安塘需馬所有本驛馬匹先已盡數差出未同各驛協馬又未到卑職恐悞 皇差將本日答應勘

牌未回馬匹照數開報以明底空蒙陞任通憲宋批已准巡道移關撥協矣仰縣勉力供應毋悞繳嗟乎途之衝也差之繁也供應之不敷也卑職又早歷陳之矣伏見他驛有額馬百十餘匹存留工料不下萬餘兩較衝較疲萬萬無出三河之右者彼亦人也彼亦馬也其他是衝是僻洞然憲鑒中矣卑職緣去年六月染病給假值兩災壞墻脫逃盜犯孔應舉一名卽日降調分宜守默然非自爲計也蓋痛念夫衝驛揭墊重債難還前任丁憂知縣余學昌有三年不得奔喪之恨前任丁憂知

古愚心言

覆均衙疲議二

縣冉德羈留一載臨行哀控各憲有三痛三苦之詞後之視今亦猶今之視昔當茲憲轍行催若不確議妥陳額關詳院彙 題添設馬匹工料失此一時將來洵吏必以府辜卑職所不敢緘嘿者此也

苦莫苦於三河驛況在車馬奉裁工料行追後乎一筆寫盡矣瞻前顧後無限隱痛議亦不行其後二十九年撫都院于特疏始具 題心言存此亦痛定思痛意也古愚識

請民捐倉穀發賑條議

康熙二十九年正月

竊以民間樂輸自捐之穀爲凶年自賑之需貯諸社者無異藏諸家也饑而食者可使飽而輸也自有司者報入司農拘畏繩墨逡巡不敢發民見有入而不見有出矣此遇大饑奉文不責以急尚督以償有司者慮其不能償則發非當厄之人責其必於償又累非原貸之戶古人良法美意無有存焉者客臘隨憲賑饑口北見各處倉穀盡數賑給出自 特恩有荒歲無荒民惟

聖代爲然也三邑圍投已盡之區歲一不登民命如縷聞

古愚心言

倉穀發賑條議一

上諭察賑皆延頸翹首須臾願無死縣屬八路十五鄉真正饑民不下數千家擇其垂危者子輿夫子所謂窮民無告是也所爭呼吸間耳現有前年民捐積穀高粱若得推廣 汪澤計口迅發可活數百家垂殘之喘案查康熙二十四年任知縣任內報過民捐穀三十七石高粱四十一石至十八年地震悉化爲泥賠在官與賠在民皆不可知然爲數止此至二十一年前任知縣余學昌任內報過旗民捐穀四百八十六石八斗至二十四年孟秋鵬宰洵甫一月卽奉前撫院崔牌委武清縣丞

向桂盤查前任知縣冉德恐怖云余令交代時執有官捐官收民捐民收之牌只取里民收領爲據蓋所捐者紙上之名卽所報者亦紙上之穀也何丞先署築三月諸務不能受代備嘗冉令苦力勸鵬出結丞亦具結以已經查盤報院二十五年歲大無二十七年秋始獲進父老子弟而勸之曰積穀自爲計者也豐收歉散必先有其實是秋旗民陸續照前題捐自輸題而不輸者亦無如何蓋以學昌之托鉢貽鵬以聚沙從無而有不可謂非旗民之勇於義也今閩邑遠近苦饑殆甚使窮民無告者皆先得被 堯舜之澤盡數賑給不責以償豈非大幸伏聞

古愚心言

倉穀發賑條議二

皇上惟民饑是念不遑暇食近時大司農日攷數常平倉義社倉原委所以爲民謀者周矣鵬民牧也目擊顛連痼疾及身反覆思維敢不稍竭惻誠每讀大學衍義補至恤民之患丘瓊山云常見州郡凶荒朝廷未常不發倉廩之粟賜內帑之銀以爲賑濟之策然往往不及濟其故何哉遲而已矣今惟憲臺奉

天子命親自巡歷如救焚拯溺民無奚後全活者衆猶以

迅賜請者以此穀報農部往復待吝勢必濡滯是在破
格行之而已議者若曰此積儲也但可免息貸以餬口
至秋補還嗟乎邑民輾轉羈縻不忍去者率皆人無尺
土欠租負債使二麥咸收諸穀大有尚恐食不能二鬴
又安能望其償乎與其追於日後徒費催科不若賜之
目前悉邀鞠育且以民之捐賑民之窮彼知自捐而乃
以自救也年穀順成好義之夫聞積貯令下當未有不
觀感相勸者矣所謂饑而食者可使飽而輸卽此意耳
況今

古愚心言

全發發賑修議三

聖主嘉意斯民每動動至數百萬每賑動至數十萬視此
太倉一粒耳全活數百人言之而可行又非若矯詔開
倉異常創見鵬亦遠巡而不敢請

爲刊布 聖諭示 康熙二十五年五月

爲刊布 聖諭頒行教訓家喻戶曉身體力行事伏惟
皇帝聖諭十六章頒行天下臣民講讀或月或季罔敢不
遵但講讀之時城郭公所多不過一二百人少不及數
十人鄉村寥寥已集午散殆以爲例而已今洵邑於實
編保甲內分別民戶旗戶欽將 聖諭漢書清書印刷
頒行懸掛旗民門首出入由戶常目儆心本縣不時詣
庄稽查仍與爾父老子弟掣要口說以家喻戶曉之勤
望身體力行之切其於首章敦孝弟尤先務焉朱文公
曰善事父母爲孝善事兄長爲弟人能孝弟則心和順
和則不犯上順則不作亂此百行之原而元善之始也
詩云父兮生我母兮鞠我拊我育我長我育我顧我復
我出入腹我詩云雖有他人不如我同父自今遇不孝
不弟者爾庄甲長保長鄉長多方勸戒勸之弗聽戒之
弗俊然後赴縣報明誰非毛裏誰無手足而忍以不孝
不弟自干國法自外人倫則本縣不能奉行
聖諭化民成俗之過也本縣敢不日諄諄特示

古愚心言

刊布 聖諭示

實華火耗示

康熙二十五年

爲徵收錢糧實華火耗事照得私派加耗官與民習爲固然也久矣本縣上對青天天下對赤子除一切私派暫行杜絕外而徵收地丁錢糧悉準部頒法馬憲較戡子釐毫不取美又遵例銀七錢三錢價隨時照依民間不加一文先經出示城鄉在案恐窮販僻壤細民未盡通曉一二里胥保無欺誑等弊今刊刻納戶印票內在告示有知有不知至納票則家家人人有目共見矣爾等秤收時若涎錙銖覺發一釐一文皆治罪思之慎之毋慙法必行也特諭

古愚心言

實華火耗示一

憶宰沟第四年爲康熙二十七年戊辰是年

皇上駐蹕沟邑 召見首詢出身次 詢耿逆變亂時不受僞職情節次詢有無私派臣奏私派二字不惟不敢有其事并不敢萌諸心

上問從前縣官及現今京東一帶州縣官有無私派臣奏堯天舜日之下豈敢近 光誰敢不遵 功令

上又問臣家鄉如何臣以離家日久對復次下詢不一事臣隨 問隨對金蓮刻寸乃 命臣出臣下階叩頭

上再命至前 詢臣祖父兄弟曾否出仕及臣家有無田土臣趨進再對

上云朕訪爾徵糧不取火耗爾家既食三河地方又苦如何自給隨 賜金三百兩養廉載在 召問恭紀內心言存此示約錄前紀臣所謂

天高聽卑後之司牧者不可不自省舊沟河宰臣鵬監手識後

古愚心言

實華火耗示二

洵邑審丁示

康熙二十五年四月

爲曉邑丁額不增筭賦人數宜實諄勸公報替換免累
事照得五年審丁少者宜升老者宜退逃者宜核叅者
宜除 國家所以爲斯民計至周矣今康熙二十五年
丙寅屆期本縣蒞任日淺雖未周知民數而鳩鵲之形
時時觸目查通邑社屯有田民戶不過三百四十三家
有田紳衿戶不過六十六家原載丁冊九百八十丁以
田爲經以人爲緯此法不可行矣先已面諭老人十季
至再至三昨赴城隍廟誓神申告心無不盡比審坊市
坊管二社并不見一人升退核除只懇仍舊隱情殊不
可解隨停五日細訪現丁中尚有六十以上亦有逃亡
死絕皆無可替間有一二瞻顧喘喘情甘承認包賠似
此則審屬虛名欺已欺天殊爲惡負爲此勸告各社屯
人等知悉速將應升應退應核應除四項各據實報明
但求不缺額不包課而止若于額外虛增浪博能聲本
縣誓弗爲也信之諒之毋生疑慮特示

是年丙寅洵邑只增原額二十丁自以爲無累于
民矣其後閭邑尙有包賠六十五丁查出歷歲自

古愚心言

洵邑審丁示一

非敢知聊旣吾心耳心言附識

古愚心言

洵邑審丁示二

代納以贖吾過又康熙二十六年奉文彭城衛燕
山右衛金吾左衛歸并洵邑人丁一百九十五丁
據稱內有包賠一十九丁查出亦自代納以免民
累計八十四丁每於清查保甲及凡詞訟姓名內
在在留心應升應退應核應除預擇其稍可項補
者暗識於冊卽古者鄉大夫以歲時入其書遂大
夫以三年大比登下其死生之數意也自丙寅訖
庚午陸續識百數十人審丁尚未屆奉 旨特摺
在京師日原冊殊疊細註密致新令張君行與否

諭各衙門差役示

康熙二十四年十二月

爲差役往來如織里民膏髓難堪一切自招特頒誓約
事照得各衙門差役下縣供給需索夙成陋規本縣蒞
任數月每遇某衙門某差到該經承卽具票一紙着各
社屯老人答應詰以何事據稱舊例隨事大小派錢自
十餘千至三四千不等名爲盤費錢因思此事亦私派
之一也豈有堂堂縣官代爾出票科歛民錢之理自今
禁絕敢再賣稟定將該經承以通同論罪枷號三月示
衆本縣與爾等約大事到縣賞錢三千中事二千細事
一千悉出本縣剝膚奉贈如仍前科歛從中扣剋是奪
爾以自肥也或減數給發原派里民是藉人以要譽也
奪爾者天必誅藉人者神立殛爾有耳吾誰欺特示

古愚心言

諭各衙門差役示

驅除土番水番示

康熙二十五年六月

爲驅逐土番水番以靖地方以重廉恥事照得三邑向
有外來棍丐自稱坡下衆呼背搭連排門索米升斗惟
命稍不如意咆哮迫人甚則撾街鬧集結夥爭鬪從前
隸爲各路緝捕朔望點卯名曰土番而地方之禍久不
可言矣又有異棍挾妓開窩南店段家嶺等處地方從
前聽其波靡仍巧立名色名曰水番每歲令水戶私供
捕役銀二十四兩甚而供應迎送鋪設瓊縵等項而廉
恥之衰又不忍言矣且夫盜線盜源皆此兩種人爲淵
藪至於窩賭窩逃窩盜窩娼妓家最便又使少年遊蕩
子弟失身敗檢無所不至爾等旗民貪涎微利賃屋居
停絕不顧覺發日身家受累該保甲隣佑畏威卷舌寧
甘受禍而不敢首報者比比然也自示之後限五日內
盡行卽出縣境歸回原籍取結存案如敢私自容留該
保甲指名密報不報者以通同窩隱論罪雖悔何追特
示

古愚心言

驅除土番水番示

三衛歸併立社示

康熙二十五年七月

爲立社聽從民便事照得彭城衛金吾左衛燕山右衛地丁奉文歸并三河另自立社情理允協突聞各糧頭藉立社名色希圖科歛隨經密訪拘審各花戶堅不承認從寬免究就近分撥本縣坊市坊管各社屯內杜奸弊也今據爾衛民僉稱久聚情親分析勢離聽之惻然特召爾衛民赴縣署屏去糧胥將憲發歸并印冊與爾當面妥議新立爲吾山社爲彭城社不忘所自也吾山社分爲南北南吾山地一十二頃五十八畝應徵地畝銀一十五兩三錢六分零北吾山地一十七頃七十三畝八分零應徵地畝銀三十三兩五錢一分零彭城社地三十九頃五畝四分應徵地畝銀五十八兩五錢一分零吾山社實在上中下則人丁六十五丁上則徵銀三錢中則二錢下則一錢應徵丁銀一十兩彭城社實在人丁一百三十丁上則二丁下則一百二十八丁徵則同應徵丁銀一十三兩四錢據吾山社稱有包賠二丁彭城社稱有包賠一十七丁俟清查保甲日另奪再查南吾山社地有每畝徵銀一分一釐九毫零者有一

古愚心言

三衛立社示一

分二釐者有一分五釐者北吾山地有每畝一分五釐者有每畝一分二釐者惟有退園中地四頃每畝徵銀二分九釐有裁并忠義前衛開墾老荒九十九畝零每畝徵銀三分再查彭城社有每畝徵銀一分二釐者有一分四釐者惟存剩中地一十二頃四十二畝退園上地五十畝自首上地三頃二十二畝零每畝徵銀一分八釐爾等自具冊報徵至三分者甚多從前錯悞相沿不必窮詰一一爲爾照科則改正又有開墾未及六年者亦來輪納悉與爾開示墾荒納糧年限以布

古愚心言

三衛立社示二

聖恩自今而往春秋徵收地丁錢糧照憲頒戡子與邑屬社民一例秤納不加絲毫火耗本縣先有刊刻納票付花戶收執倘庫書乘爾未諳或爾糧頭舊習未除多收分文該納戶立行鳴鼓稟知毋論多寡責懲追還凡加派借辦名色一切誓絕邑民通知特於爾新歸并時申明所有三衛村庄聽候本縣單騎挨庄查照親編牌甲濬壕築甬設柵設守望樓擇保甲長庄長務須欽遵上諭第十五章內聯保甲以弭盜賊與邑中八路十五鄉旗民永行遵守可也特示

先考妣誕諱日不視事示

康熙二十五年

八月二十二日先考誕日十一月二十八日先妣誕日是日也終身哀慕忍以仕殊凡六房應辦公事槩俟次晨彙進有客責臨陰陽生暫為婉辭本縣不忍以含哀見人也并祈垂諒

九月十六日先妣諱日九月二十五日先考諱日是日也終身之喪忍以仕殊凡六房應辦公事槩俟次晨彙進有客責臨陰陽生暫為婉辭本縣不忍以有喪見人也并祈垂諒

古愚心言

先考妣誕諱日示

實行保甲示

康熙二十五年八月

為奉憲遵 旨實行保甲革除陋習事照得保甲行而弭盜賊緝逃人查賭博結 究均力役息武斷睦鄉里課耕桑寓旌別無一善不備焉行之不善則民累滋甚矣如舊例朔望鄉保赴縣點卯守候一累也刑房按月兩次取結索錢二累也四季委員下鄉查點供應胥役三累也領牌給牌紙割悉取諸民四累也遣役夜巡遇梆鑼不響即以悞更恐嚇餽錢乃免五累也又保甲長托情更換俟張倏李六累也甚而無名雜派差役問諸

古愚心言

實行保甲示一

庄長庄長問諸甲長甲長問諸人戶藉為收頭七累也其他苦累實繁筆不勝書今與爾八路十五鄉人等約不點卯不委員不取結保甲長不聽情更換凡一家牌十家牌百家總牌自買紙印刷付保長親領不費爾民一錢巡夜非本縣親歷凡皂快人等藉稱查夜許爾庄長甲長扭稟假冒者懲責得賍者重處計通邑六百庄村每夜即親歷二三十庄歲不過一庄六至怠玩以生所以每有一庄連夜連月冒雨冒雪而數至示爾不測不過欲爾等加意守望為相安無事之計現奉撫邵院

請旨編雖旗戶旗庄皆當凜遵而况爾民乎本林
一切事宜刊載鄉保長庄甲長照牌內已經造冊通詳
在案為此再示通曉使爾等咸知實行保甲有益無累
行之日久風移俗美拭目俟之矣特示

辛洵六年以公事赴通潞皆夜行初至交界馬起乏
庄庄中盡填人住房賃肆雖民亦旗也天寒索火閉
門無一應次年保甲實編時時以

聖諭十六章提要解說勸告旗民咸孚其後深夜往來先
期探聽寒則熬酪暑則煎茶迎則荷戈送則執炬闔

古愚必言

實行保甲示二

一邑人情舉此繫見戊辰丁巳兩次墊道搭橋按八路
十五鄉居民照牌甲就近分工子來趨事不似從前
偏累有丁者千人而已時滿大司空蘇公少司空徐
公齊公以及各都統內大臣各部司見之嘉嘆每召
一二十人限時無後期大司空問何以得此於民也
又任內無一逃人潛踪匪類托足回思往事所謂行
之日久風移俗美其在斯乎此示今存心言內願普
天下司牧者慎毋曰民頑俗刁而不可爲也舊洵宰

彭鵬識後

保甲之法必去諸累而後可行憶辛洵時叮嚀告誡
猶有快手馬某假稱夜巡需索悞更夫未遂帶至
倉夫劉某處恐嚇取財予聞行查倉詢之訖異立傳
馬快手責四十遠通通知衙役欲毆甚哉耳目之難
周也爲民牧者不可不親省舊洵宰古愚又識

古愚必言

實行保甲示三

申飭旗民窩逃示

康熙二十五年九月

爲申飭窩逃事照得三邑旗民雜處又距京師百餘里爲逃人最易淵藪之地惟稽察嚴則聞風者畏足不入而民之窩隱吏之失察庶幾免矣近解逃人閻得亮并及居停胞弟閻得明查得明晉人妻蜀人盤頭穿耳在南關錯河橋河邊當鑪不入家甲不由稽查抗言身屬某旗旗主住玉田現住三邑多年倚靠各庄頭踪跡詭秘與閻得亮一轍槩行解部解旗犯非解窩主也將藉威靈震其魄而落其膽乃置得明不問以擅解窩主題

古愚心言

申飭旗民窩逃示

參例降一級開爾旗人中遂謂自取參罰後當悔艾不思緝盜查逃本縣事也豈因降級而畏縮懈怠爲爾等所玩乎除閻得明部發不究外爲此申飭閭邑旗民知悉凡有旗人至本縣地方或住家或種地或有谷或無脊如閻得明類本庄旗戶自行具結不具結者照例鞭二十七取結立案其本庄并無旗戶庄民妄自勾引私自容留察出兩罪并治仍將旗人照來歷不明拿解本縣但知爲地方除患合例不合例皆非本縣所能趨避者也特示

申明保甲勸示

康熙二十六年二月

本縣爲汝父母宜撫汝寬不宜待汝嚴惟清查保甲稽察值更二事爲汝身家受汝護汝而汝積習懈怠乃不得純用吾寬殊非汝父母本心今與汝約曰百家爲保十家爲甲有外來人移住及僱工人不卽盤詰具結庄長甲長兩隣各責外人逐出境鄉保長失察責有差如本庄居人爲盜窩爲盜線毋論旗民定以通賊治罪庄長甲長兩隣失察各責枷示鄉保長失察責有差三名以上皆嚴究又與汝約曰本縣夜巡至庄更夫熟睡必責樓上鳴鑼閭庄人不卽上屋吶喊救護者各責近庄

古愚心言

申明保甲勸示

二三里內間鑼不卽接應協同追捕者小則責懲大則以縱賊論凡爾旗人有馬之客各宜率先有能擒獲真賊一名者亦毋論旗民捐俸四兩延至縣堂披紅勸酒給賞仰承撫都院于爲 國爲民至意本縣早夜辛勞不避嫌怨務期盜息民安盡爲汝父母之道爾等亦當曲體汝父母苦衷相與力行汝父母目擊凋殘痼瘼吾身汝愛汝護何忍稍用嚴也汝念哉

人馬同誓示

康熙二十五年八月

爲現價平買人馬同誓事照得本縣日用所需至簡至淡悉詢民間價值現發絲毫罔缺又本驛驛馬所需豆料稻草與爾旗民市糴斗秤平衡勦兩井合無羨乃作矢言曰日用價短闕若人遭殃草料取盈一廐馬盡斃是之謂人馬同誓爾買辦陰陽生及斗戶及衙內執秤人咸凜此意毋自作孽自千天譴特示

古愚心言

人馬同誓示

欽恤牢獄示

康熙二十六年六月

爲欽恤牢獄仰體好生事照得一人入獄閨戶啼號凡輕罪從不暫羈婦女從不暫寄囹圄空虛吾願也不幸而入非盜犯則囚犯一念之錯一時之忿法雖莫貸情實哀矜而況有疑案未招有奉 旨緩決乎夫未招者問官尚爲之求生而緩決者

仁主不忍其卽死若使饑凍顛連坐臥臭穢致其庾斃何能少待所以每日人給米八合薪菜照常着爾禁卒代爲炊爨另給口糧與爾酬勞爾其冷熱隨時毋虧毋忽

古愚心言

欽恤牢獄示

其柵欄內灑掃潔淨盡行鋪石防潮濕也石上加板夏覆以單蓆冬溫以厚草無襦給綿染病延醫本縣時詣查視每於暑夜寒宵坐土坑談果報苦口勸諭無非欲汝從牢獄中猛省回頭萬一逢 恩肆赦保全首領將來遷善改過得爲 聖世良民何幸爾禁卒與三班值監各役誰無婆心同起聰聽特示

採買領銀曉諭閭邑示

康熙二十六年三月

為採買曉諭事照得駐防俸餉米變例在縣採買本縣為民父母代詳豁免者情也請而不允差役赴保領銀先傳士民公議作採買者理也牌暨通衢何曾有累民按畝苦丁六字但採買必出諸民目前荒歲饑饉米價騰貴民間餬口弗給欲於春季內採辦駐防米石累乎不累乎雖三尺童子知之矣爾閭邑皇皇洵洵可奈何但令爾等自赴駐防衙門哀懇以士民皆朝廷赤子為國為民彼此應有同心而駐防牌示反云三河縣知縣自欲累民將誰欺乎又閱牌內突有縣令以興利除害為事未聞送車奔跑視盜悠悠以為能也嗟乎逆眷遣發需車絡繹披甲勒索車夫幾乎埋輪送車非得已也忌之者欲中以禍宜矣若夫道路村庄白晝行劫凜遵功令報明自甘參罰不敢諱盜釀害地方鞠躬盡瘁晝夜不寧反指為悠悠爾士民有胸有心有目有瞳又將誰欺乎若許本縣以除害則爾士民所欲陳而不敢與本縣所欲言而未便定當如尉見教為爾士民誦命也爾士民其毋咥嚚

旗民息訟勸示

康熙二十六年二月

為勸告旗民息訟事照得旗民皆國家赤子也撫之教之本縣毫無偏徇向因旗人或係投充或係就屯習染行事未盡平情所以再三誥誡如約束驕子弟而不少縱容而愚民無知遂將遠年舊事翻新裝詞訐告一經庭訊槩行釋逐是爾民捏訟之無益也明矣亦有旗豪白知因風生事不由縣控誇張為幻徑赴上司衙門一經批發盡行敗露是爾旗越告之無益也明矣欽惟聖諭第三章日和鄉黨以息爭訟第十二章日息誣告以全良善願爾旗民聰聽聖訓和氣致祥息心為福歲無凶荒人無饑饉未有不由此者也特勸

墊道造橋均役示 康熙二十七年二月

為恭修道路橋梁事照得普天率土莫不尊親恭逢

太皇太后梓宮經由修道搭橋凡屬臣民皆當竭犬馬之力

以稍酬 高厚之恩昨奉部牒隨蒙部堂各位大人蒞

縣指示叮嚀敬慎本縣自揀餉杆率先所有南北路及

大小橋需用民夫照保甲冊就地附近勻派丈尺按日

應工凡士現試儒童凡民真老真貧真病真殘病瘵不

派夫外自十七歲以上排門輪值不似向時專累有丁

千人而已如有奸頑勾旗請托希圖自免除不准外仍

古愚心言

墊道造橋均役示

行提究再查康熙十九年一切供應俱派社屯經承以

舊簿呈進立即斥去本縣惟有酌水茹茶朝出暮歸盡

力小心聽使遵命他非所能也幸逢部堂破格優禮此

皆爾民之幸爾八路十五鄉鄉長保長庄甲長照派定

地方更替分管南路寬三丈二尺兩沿領高一尺北路

寬一丈六尺兩沿式同橋梁寬長另行頒式道自通接

簡直如矢平如砥各聽本縣區畫本縣與爾如家人父

子未有父勞而子敢逸者急公終事父母自不忌特示

頒發河邑實在地畝易知冊示 康熙二十七年二月

為頒發確查實在地畝易知以便徵輸事切照本縣自

康熙二十四年七月到任本年錢糧各社至今未完四

十餘兩悉出墊賠二十五年未完錢糧奉 詔蠲免二

十六年奉 詔全蠲彼時本縣蒞任伊始查徵糧官簿

與上年奏冊由單總數相符今二十七年照例二八月

開徵爾各社多謂官簿所載地畝徵糧數目彼盈此縮

隨令爾各老人里書十季將官簿內地數逐項查對果

有參差屢着老人里季將現在地畝自行冊報親為磨

古愚心言

地畝易知冊示一

勘冊開與原冊又自矛盾詢其由來皆因三河地畝歷

年圖佔開除未清之故耳本縣將全書奏冊內各項原

地確數逐項摘算某項原地若干與二十三十四兩年官

簿及各社開報冊按名細核稍有互異即傳老人里季

業戶一一面訊明白悉為改正另造官冊一本開列縣

總社總某項原地若干今實在業戶名下某項地若干

註明應徵科則較若列眉每社各發給一本與官冊相

同明白易曉嗣後遇有過割收除老人里書即資原冊

當堂與官冊一同更改如敢私自增減地畝糧額與官

冊互異卽是作好或告發或查出定以紊亂冊籍重處
特示

此冊查實頒發後從前尚有溢額二十餘兩相沿
不察樂爲豁除自是額額悉清矣乃嘆每歲刊刻
易知單故紙耳陋規需索適足滋累直隸撫院干
公請 旨永革其便於民也遠矣舊洵宰彭鵬識
後

古愚心言

地畝易知冊示二

荒年禁戢搶擄牌示 康熙二十七年三月

爲彰善癉惡以靖地方事照得荒年周急鄰里常情白
晝橫行王法無赦今據東北路石家庄石唐氏男石國
英狀告爲糾衆搶奪事已經審明取供一夥二十八人
除將兵目四名移營旗人宋二張國敬張弘道三名照
例鞭責尙有饒白旗人楊如百抗提不出務必拿獲其
庄民李景春李天才劉文秀等分別責懲外隨據馬房
庄頭蔣撫民而稟無雄寺有旗人一起聲言糾衆將搶
小屯周庄頭家又據夏店保正張義而稟有三庄人聲
言要搶梁庄頭家嗟乎惡不畏死實繁有徒本縣密訪
不止此三處也必俟其覺發日親率馬快擒捕但念冥
頑無知未曾曉諭不忍使陷於罪現將石家庄一案分
別善人一名惡人二名一彰一癉并劉弘秀父劉登科
因其縱子革去木鐸老人不許復充爾等須以善爲勸
以惡爲戒若敢恃強糾夥搶奪無忌毋論諸色人等定
將爲首者網解撫院贓門盡法重處爲從者按律嚴究
決不姑息倘縱釀成地方之禍計開善人一名何天保
據劉大亮卽何二供庄衆往石家庄要糧有木鐸老人

古愚心言

荒年禁搶擄示一

之子劉弘秀寫我名字原欲同去我父何天保痛責阻
止隨訊各証供何二並無同去是實據此則何天保忍
饒教子不致犯法本縣特行破吹披紅獎賞頂補劉登
科木鐸老人所謂以善爲勸者此類是也又惡人二名
周一相王仲金據供二百戶民一夥營兵旗民二十八
人率往石家庄石家要糧是實據此則多人糾搶罪不
止鞭責但本縣先教後刑將周一相王仲金枷號押發
八路十五鄉遊庄三日仍發南關通衢示衆一月釋放
餘犯改過自新所謂以惡爲戒者此也特示

古愚心言

荒年禁搶糧示二

是時鄰封旗民多糾夥連勢擁入稍能餬口者之
家名爲借其實奪也三河境內強暴者亦勃勃欲
動矣此案有旗有兵有民以石家庄爲嘗試耳告
發日立即擒捕分別責處而獎一貧民何天保使
導而歸宣言於路曰以能教子不隨衆搶奪乃得
此又革一老人劉登利使隨其子自呼於路曰以
不能教子隨衆搶奪乃至此又將周一相王仲金
二名枷示通衢先押發遊庄使強暴者見之不致
生心境內乃安聞自關東來者沿途傳此事考周

禮以十二荒政救萬民共三日緩刑其十二曰除
盜賊盜賊之起始由於縱世以緩刑爲姑息每置
搶糧不問養奸誨盜其亦未遑夫周禮荒政十二
之意也夫舊洵宰彭鵬識

古愚心言

荒年禁搶糧示三

勸諭正供示稿 康熙二十七年

五月

洵令千書告爾旗民咸發良心同起明聽本縣宰洵四載衝疲揭墊萬苦萬難然錢糧從不比較誠痛鑒夫催科無善政也又實行革除火耗列入照票家諭戶曉不肯多收分毫并停止押差聽納戶自便爾等亦當曲諒今查本年春糧應納一千五百餘兩附社三分有其二每戶至今或全欠數十兩或二三十兩不等不恤本縣剝膚之慘不顧本縣燃眉之急殊為飲恨而爾二十社屯士民團投已盡恒產寥寥本縣素所軫念但以春糧五百兩至今五月已盡尙欠二百兩丁糧三百餘兩至今只納一十二兩爾等試思本年二月開徵爾請寬限十日即勉爾從自寬限後恭逢

太皇太后梓宮經由墊道搭橋不忍催科與力役並行槩停

催徵嗟乎本縣以兒女視汝而汝不以父母視本縣天道好還恐繼此為汝父母者汝難乎為子矣又書諄告附社曰本縣二十四年七月到任後是年爾附社錢糧拖欠四百五十餘兩墊副考成至次年四月始行補納尙欠四十餘兩已四年矣再查二十五年至九月中旬

古愚心言

勸諭正供示一

爾附社拖欠至一千三百兩本年悉 闕次年全 爾是爾享無稅之田縣官受賄墊之累借債還債俾利佔利日積月盈何罪何辜而至此極本縣臥病十餘日勉作此書限六月初二日全完如再抗玩民量責懲旗定申究不能久吞聲也其從前尙義急公者本縣心識之矣并謝

古愚心言

勸諭正供示二

特旨留任示 康熙二十七年十一月

三河縣知縣彭鵬為微臣疊被

皇恩事本年九月內因鑲白旗庄頭宋科葦子庄遇盜一

案限滿部議降調本月二十八日欽奉

特旨從寬留任先於十月內因鑲黃旗庄頭戚維麒葦子

庄遇盜一案限滿部議降調本月初二日欽奉

特旨從寬免調用又正白旗庄頭高應魁至柳河屯遇盜

一案限滿部議降級調用本月初七日欽奉

特旨從寬免調用又小屯庄正白旗投充人張能仁家被

古愚心言

特旨留任示

盜一案限滿部議降級調用本月十二日欽奉

特旨從寬免調用伏念兩月之內四沐 殊恩十日之間

三邀 異數自念涓埃莫報惟有敬慎修持慎終如始

誠恐一二胥役革而未革心幾微貽憾保無覺察不周

之虞願爾多士爾民有聞必告務須道義相期骨肉相

念毋以此輩情面而於爾邑父母膜視之也特告

嚴飭儒童冒籍示 康熙二十八年正月

為科試在即嚴飭儒童冒籍事照得士之發軔必自童

子科始爾洵士初赴縣試報名僅一十九人皆由圈投

後不能自餉絃誦之聲今昔迥絕耳本縣建義學置膳

田延義師代爾束脩諄諭父兄送子弟讀書無日無時

而不誘掖獎勵幸而漸至四十人以四十人三年科歲

中得進二十四名稍能搢觚者不患不青其矜矣若旗

戶冒民他處冒籍賁緣勾引為通逃蔽保無孤寒灰心

改業之慮特示於衆曰查投旗人混入民戶應試現奉

古愚心言

嚴飭儒童冒籍示

部行處分最嚴又各州縣籍貫不容紊亂部頒學政條

約稟如也本縣添司提調各有專責遇此兩種人或暗

賂保廉朦結或混稱院試投考冒進洵庠定將發到印

榜停掛星赴通州面稟學院除名補額斷不使藉才銅

臭已將矢言矢諸先師廟爾洵士保廉互相譏察儆之

慎之十年教養起衰可期莫謂洵無人也

是歲有鮑重赴院告考黃緣保廉混稱洵童學院

以無本縣用印不收因語洵學博王君曰彭令直

而剛

欽奉 恩詔養老示

康熙二十八年三月二十日

三河縣爲欽奉 恩詔事本縣遵於所屬八路十五鄉細查保甲冊名數正在核實攢造復奉署院巡道程檄行確實查明某里某甲某年編審開除退出老丁且日從前編冊各有申送卷案可以核對如敢虛冒一經察出胥役處死查定例六十退丁若以退丁之年計之必按康熙五年編審冊方與八十以上相符但本縣二十四年七月到任次年二十五年編審目擊退丁者多有鶴髮龍鍾年近八旬詢之皆云子遺無可替代者乃知

古愚心言

欽奉 恩詔示一

三邑之民退丁者未必盡六十耳除康熙五年底冊無存無憑傳詢隨查北宮社止有張來弘劉留哥兩丁又二十五年編審底冊按年以長查實八十以上者英城社崔秉公北宮社楊二毛王會社彭道兒軍一社張明舉南三社蔡明金與營社李成智共六丁再檢康熙十年編審底冊按社屯逐名傳詢皆物故現在八十以上惟有英城社李光祖張魁元順慶屯李六兒共三丁再檢康熙十五年編審冊逐一傳詢皆物故現在八十以上惟有李村社高明亮南三社王思強二丁又檢康熙

二十五年編審底冊逐一傳詢或物故或歲數與 詔欽

不符現在八十以上者惟有坊市社梁魯子倪四坊官社張洪業李村社羅冬兒英城社鄭來聘軍二社劉大榮南二社王好學共八丁通計現在八十以上共二十丁悉遵憲票所開某里某甲民某年編審退丁是也惟是照例六十退丁爲始匪獨康熙十五年二十年二十年開報老丁皆可駁核卽康熙十年退出計歲亦止七十八止有康熙五年張來弘劉留哥得邀恩賞然五年底冊又無存稍或互異駁核不免恐一邑無一老者

古愚心言

欽奉 恩詔示二

與被堯舜之澤非所以推廣

皇仁也本縣詳之至詳慎之又慎不敢開混冒市恩之門亦不敢負 朝廷養老之典除按社屯編審冊核查按老人里書公報按名親詢驗實八十以上者自康熙五年至二十五年造報二十丁所有賞給聽候憲批外其從前八路十五鄉照保甲冊查明或土著或流寓皆不在丁冊內現奉憲檄嚴切未便造報致干冒濫特示

此示出而民報八十以上真然自失矣念其道遠年衰來者量贈錢三百文慰勞遣去悉出已捐而

忌我者乘機蜚語以已捐爲官錢遂捏尅減五倍
之謗恨之出出寧英之知後示所以作也心言今
并存

古愚心言

欽奉 萬曆二十二年

頒賞老民宣揚 聖恩示 康熙二十八年

三河縣爲欽奉 恩詔事伏讀 詔欵內開軍民七十

以上者許一丁侍養免其雜泛差徭八十以上者給與

絹一疋綿一觔米一石肉十觔九十以上者倍之欽此

欽遵隨紫守道董通永道孟票行遵照署院巡道程檄

行查實編審退出老丁開報以杜混冒遵卽逐年查核

現在八十以上老丁倪四張來弘等二十名造冊申送

批給在案謹擇本月二十二日爾耆民倪四等各備衣

帽赴文廟泮池前按名分給每名絹一疋照署院定價

古愚心言

頒賞老民示一

銀七錢棉一觔照定價銀四分肉十觔照定價銀三錢

米一石照定價銀六錢查米價與時價不敷本縣量加

一錢聽候核減計每名共給一兩七錢四分紋銀庫賫

親自授受不假胥役之手已具印啓各一函令社民各

家寅請不另差役糜錢至期本縣朝服設香案爾等子

弟扶侍父兄早到敬聽宣布

皇恩受賞之後叩頭謝 恩生當盛世遭逢曠典願父老

毋忘浩蕩子弟彌敦孝敬人人親長而天下平引領望

之矣再查三邑鄉耆內有高峻極一名七十九歲馮有

慶一名七十八歲雇肩皓齒康熙二十六年因本縣越獄一案限滿照例降級調川兩鄉耆年皆龍鍾與父老子弟赴保定赴通潞又赴銀臺匍匐乞留瞻瞻良苦但按年未及八十以上前冊未便并列所謂不敢開市恩之門者此也其不在編審退丁冊內者一聞恩賞開報不下數百人博愛則朦混核實又無稽大抵皆年久不附籍者也爾之壯也既避丁徭及其老也反邀賞資是恩勝耳國家大典必裁以義與其恩勝毋寧義勝此卽署院巡憲嚴飭意也今但於保甲內民毋論主客年七十以上侍養准一子槩免差徭八十准此另刻帖付照帖面印刷龍邊內有 天恩浩蕩四字爾民執帖什襲華封祝 聖自有同心再讀 詔款內開各處養濟院所有鰥寡孤獨及殘疾無告之人有司留心以時養贍無致失所欽此欽遵凡遠鄉僻壤或爲本縣耳目所未周爾八路十五鄉鄉保長庄長據實報明以憑仰副詔旨區區寸心非徒發諸言想爲爾民所共鑒特示

古愚心言

頒費老民示二

庠門禁示 康熙二十八年二月初日

三河縣知縣彭鵬謹告伏見我

皇上重道崇儒先幸闕里 御書萬世師表四字刻石印

紙頒布天下學宮天下瞻仰 宸翰益知孔子之道如

日經天凡屬臣工自當叩體

聖意嚴禁廝役不宜向 聖廟啓聖祠東西廡儒學爲借

宿之所且三邑自地震後宮牆丘墟無有過而宿之者

鵬一介窮吏茅茨粗成悉出已捐未嘗募人一錢罰人

一銖稍竭涓埃敬副

古愚心言

庠門禁示

皇上隆重學校至意若以新有祠廡致來駐宿設竈繫馬是賜尊奉師儒之心反招褻慢聖賢之罪惟有閉門弗納萬祈鑒諒鵬再拜書並藉手同城德君翻譯清字通知

駐防俸餉米照增價散給示
康熙二十八年十月

為宣布

皇恩浩蕩文武兵民均戴事照得康熙二十八年秋冬兩季駐防俸餉米部價每石只准七錢八分苦罹饑饉薦臻米價湧騰不敷本縣儲里民先自捐貽攤賠銀二百五十四兩茲蒙撫都院手為米價日漸騰貴特疏題請酌增等事本年秋冬每石米請復一兩五錢荷聖主軫念直隸地方米穀不登特旨着照該撫所請增給欽遵在案除先領過外每石找銀七錢二分共再領

古愚心言

駐防米增價示一

銀四百六十八兩九錢扣還捐貽攤賠外所存增給銀二百一十四兩九錢交還固山大馬章京吳章京蔡筆帖式德暨披甲五十人自行收訖為此示諭兵民人等知悉此項補找銀兩悉照給發法馬絲毫無缺民則本縣當堂親發兵則駐防眼同自收兵當荒歲既有飽騰之歛民遭百年又無賠累之苦

聖恩高厚惟與爾遠邇窮黎叩首向闕同聲蒿呼謹示

兵民實沾文武均戴此示出而頌恩如天叩心

似水矣舊洵宰彭鵬識

口北賑饑勅示
康熙二十八年十二月

三河縣知縣彭鵬為欽奉

上諭事本縣奉院檄訓出居庸關隨至永寧衛延慶州懷來土木等處散賑比及沙城又回賑永寧衛屬東西北三鄉准永寧衛造移饑民戶口公同詣莊到門爾民男婦舉出少長咸集鵲衣菜色目覩神傷毋論有無丁差每大名口遵給銀壹兩小名口遵給銀伍錢若衛冊所載流寓正東正南正西正北延慶州永寧路延慶衛懷來衛各地方及旗下菓園地方別屬叢雜亦必詣莊到門取本衛納丁官票為據驗汝真竊照大小名口給發間有零星流寓原冊未載爾饑民手執永寧衛某所某所丁票請賑驗汝真竊亦准給發又有并無丁票爾民罕稱原屬永寧衛人細訊比隣矢口如一念汝形鳩面鵠喘息欲絕亦准給發此實仰體

古愚心言

口北賑示一

皇上如天之仁毋使匹夫匹婦有不與被堯舜之澤者也間有所歷流寓村屯各州衛住民已經州衛賑過者新罹亢旱還覺顛沛本縣例無再賑冰雪寒員觸目自周急不敢以發賑之全為市恩之事若從前里甲造報時

爾民在外赴食雖原冊無名挨門訪實今回仍給凡此
惟公惟慎失諸天日皆與爾永寧衛和衷商酌期無苟
且愧忤而已每賑一村屯畢三河縣

特旨畱任十次降級知縣臣鵬永寧衛掌印守備臣中履
中率村屯男婦童叟向 闕行三跪九叩禮恭謝

皇恩仍告汝以蠲免錢糧兩歲令計一年又告汝以撫院
面述拾月貳拾日伏謁

天顏欽承

上諭內有朕在深宮俯念民生困苦永食艱難宵旰焦勞

古愚心言

口北賑示二

時欲痛哭流涕天語慈悲天心仁愛爾民父母兄弟妻
子保全性命得免流離髮膚皆

君賜也口北寒瘠益當勤儉自餉忍耐窮冬矜盼春和深

耕易耨從此有生之日在鄉爲好人在國爲良民感召

天和雨暘時若室家相慶必由此耳如或頓萌盜心爲

強爲竊上負

聖主浩蕩之恩及犯於罪國法難容天網不漏何嗟及矣

本縣一勸一誠尚明聽哉查閭衛賑訖惟有左所屯西

畝兩處饑民未給隨與爾本衛沿門再請每家先給印

票一紙內註銀數賑銀到日爾民執票赴衛自領本縣

行矣臨去躊躇恐爾民卒歲有奚後之嗟一夫抱向隅

之泣又不忍遽去逗畱兩宿分守口北道董差賁至本

縣得與爾民親相授受寸心斯安惟汝衛多士先通院

呈批東路廳查賑爾多士見本縣至止環請就近酌給

本縣咬斷菜根備嘗痛苦非不曲體情詞省汝寒士往

復懷來二百里奈事疑越俎又值賑銀未到亦莫能待

委曲致辭今據諸生吳戶弼和用中張弼辰王化普王

承憲侯正孕王恩普等連名呈爲貧儒苦遭荒旱歲暮

古愚心言

口北賑示三

交困饑寒等事內稱惟士民均屬赤子即告給亦厠贊

門遵赴本學請詳乃以封印未便哀茲凋謝早索枯魚

轉移惟在須臾生死即爭呼吸等情嗟乎發倉矯詔昔

人所行今數十名寒士急待舉火無能便宜而行豈不

慙愧伏讀部覆奉有賑給饑民關係緊要著將戶部庫

銀撥給三十萬兩卽差官解交與該撫速行賑給之

旨欽此

聖恩浩蕩惟恐後時不揣飛關州學移冊查原呈寒生七

十四人先隨撫院親賑過桂可攀等一十八人未賑者

劉自沛趙麗中梁科等五十六人卽今州學所移原冊是也另有任之祥任廷舉李發蘭李發馨聶英幾聶能聰等六人原冊所無卽今州學所移續報是也承州學呂先生札云諸子真貧引領賑濟本縣一一代賑賑畢另文報院并報東路廳存案當茲救荒恤乏蚤斟調饑東路廳聞之必喜諒不以越俎見訝也爾士爲四民之首感被

皇恩父語其子兄語其弟里閭族黨互相告語每飯不忘毋習澆漓力返淳厚卽規爾士將來爲有用書生適聞

古愚心言

口北賑示四

衛城有明經任君廷相媳某氏忍饑孝養地義天經反出巾幗特爲式盧恭致薄俸二金文曰三河縣知縣送扁風有衆也白隨撫院二十日初宿延慶州南關州民李家次劉家給賃租玖錢兩至衛城初宿南街坊店李家給賃租三錢次借住西關郭鄉耆家送賃租壹兩伍錢並無自住民房在永城晨出暮歸惟有白草窠趙吏員家一宿平明給銀叁錢溝兒舖午膳郭鄉耆家送銀伍錢並無以口腹累人又監同賑餼例有地方官造移細冊本縣念衛經承陸士學窮蹙給銀壹兩紙筆小費

亦不忍相累所有院發元寶照官戲封給外每百美壹兩餘凡遇僧道餓草孤孀量增不另報悉取諸此生逢堯舜嘉意元元撫院爲封疆大臣宣布

皇仁凡在屬員敢不恪恭靖白少荅

聖明以母負院憲分委慎重至意若夫敬天之威戴

上之德相勉爲善身體力行則在爾士與民矣此見一二覲顏變服脅肩乞賑必爲反覆開示冒領者欺

上假貧者瞞天欺

上瞞天義不可與本縣秉心如矢愛人以德知我罪我聽

古愚心言

口北賑示五

之而已臨行書此聊當贈言須至勸告者

賑餼詳與條議與示畧存七篇惟既厥心矣而詳

之中有攬庄勒賑示之中有禁戕搶糧司牧者又

不可不知

禁飭胥役包買粟米示

康熙二十九年正月

爲嚴禁胥役包買粟米捐納以活饑民事照得常平倉所以備荒也今奉文開例捐納粟米各有差廣爲積貯伏讀院憲疏內有每處設倉於四鄉遇水旱災傷一面申報一面發賑誠籌畫荒政而預爲之備然捐納之家各圖其便米粟遠輸無木牛流馬安能不脛而至必將陰托市儈挾金潛至本地方購買地方豐稔以粟易金積儲與貿易兩得豈不稱善奈洵饑饉粟米乏絕之時也集場多一粒民間延一綫非若他處行商坐買

古愚心言

禁飭包買示一

陳陳相因萬一購買搜括價彌湧而食彌艱爲憂滋大已於開例通行到日傳諭胥役敢有包攬捐納代收粟米致饑人升合維艱者發覺法必死畏死之心恐不勝趨利之心爲此再行曉諭各宜凜遵毋以身試法也昨蒙本道面諭就近代購一項卽將此意痛切稟明豈肯於爾胥役輩少行寬假至夫收納粟米悉照原頒倉斗鐵木相見不計稍多升合敢有藉稱耗折名色定將該經承斗戶枷責示衆不貸特示

是年開例洵邑所收粟米照倉斗鐵木相見升合

不取羨而包攬者遂有就地買米居奇之想若無此示則逢集盡入其手饑民欲買升斗難矣時同官有貽書折價較諸市價十羨其一且云通例勿峻拒予抄前示復之乃止至於面辭代購回想當年開口時此面鐵乎水乎亦自覺其慙矣然不慙則示爲空言嚴於下而媚於上如此饑者何

古愚心言

禁飭包買示二

遵 旨開倉減價賣米示 康熙二十九年四月十二日

爲欽奉 俞旨減價賣米救饑賑窮事照得三邑與河
路不通寥寥子遺並無囤積糧食每集肩擔背負爲數
有限苦值饑饉後米價湧騰禁之愈遏先以豐稔之地
宜收宜貯災荒之後宜收宜散痛切具詳在案茲蒙撫
院爲事例本以救荒具題欽奉 俞旨恩准將捐納粟
米照市價量減糶與窮民餬口每人槩以三斗爲率此
救饑之 天恩而平糶之深意也查本年春季分各項
捐納人員實收米一千八百六十倉石穀六百倉石內
除動支賑濟本縣饑民外現存倉石米一千一百一十
二石九斗八升穀六百石遵奉憲行請 旨事理照時
價每倉斗酌量平減銀七釐以一錢四分八釐出糶查
倉斗倉升較之集市每斗只八升升只八合除照集市
斗升逐集減價出糶每人一二斗至三斗外本縣出見
丁男老弱平明挑菜負薪入城及上市賣工之人鳩形
鵠面最爲困苦仰體

皇仁於每日辰時發米在縣前出糶令本家人自行經手
仍用街市升每人准買三四升至五升爲止非極窮極

苦者毋得貪延減價去來混冒察出未便特示

查本年四月十二日起至本月二十五日止糶米五
百九十七石八斗每倉石價銀一兩四錢八分每集
自一二斗至三斗爲準每晨自二三升至五升爲準
而晨賣之米皆係拾柴饑民及上市窮工多買者不
過二三升以是旦旦全活較諸逢集更爲周急而
天恩所及人人沾被矣心言存此後之遇荒者爲
上爲德爲下爲民或於此意有取云爾舊洵宰彭鵬識後

古愚心言

遵 旨減價示一

古愚心言

遵 旨減價示二

給洵邑十五鄉鄉長照牌

康熙二十五年
冬季

告爾某路某鄉鄉長某其明聽本縣分邑爲八路親睦
禮讓仁義忠信欲汝曹知命名之意寓化俗之心路分
十五鄉選爾爲某路某鄉鄉長自保長庄甲長以下聽
汝提命凡保甲事宜已頒諸保長庄甲長矣爾總其要
不時稽察毋私毋怠自更樓柵柳羅器械號旗等件
督催整飭免致拘查得以省事寧人最便如或奸棍勾
引線索毋論旗民立即會同保長庄甲長密首有本縣
擔當勿生畏心該鄉長惟司保甲他事皆不爾累本縣

古愚心言

給洵邑鄉長照牌

加意優禮仍免爾本身差徭及爾父子兄弟悉與保長
一例今給某路某鄉冊一本內載村庄坐落保長庄長
甲長姓名好自收藏遇姓名更換執冊赴縣改正所有
一家十家大小門牌本縣自行買紙印刷騰寫照春夏
秋冬四季分給其朔望點卯遞結盡屬虛文陋習一舉
豁免爾民稱本縣爲父母本縣視爾如子有話隨便即
稟不拘早暮也須牌

給洵邑各路保長照牌

康熙二十五年
冬季

告爾某路某鄉第幾保保長某其明聽十家爲甲十甲
爲保保甲所以稽查逃盜且寓出入相友守望相助意
也本縣選爾爲保長免爾同居父子兄弟差徭分居亦
准免與鄉長同爾受茲選宜慎宜勤親到各庄稽查更
樓有無號旗柳羅器械等項與夫旗民家僱工人係何
籍貫曾否上牌槩毋踈忽爾欽將

上諭十六章內聯保甲以弭盜賊一章時時說與庄衆通
曉做覺爾詢庄甲長曰庄甲內有新來移去及借稱親

古愚心言

給洵邑保長照牌

朋或暫寓或往來或騎馬帶械踪跡詭秘毋論旗民有
則必報有而不報者法連坐又或各庄內有神奸巨棍
慣爲盜線亦毋論旗民爾即密首以憑立拏但不得假
公濟私妄圖報復也爾爲保長惟管逃盜與外來不明
之人及舉報不孝不友賭博酗酒光棍詭詐等事其餘
絕不相累違則稟究今付爾村庄坐落庄長甲長姓名
冊一本遇有庄甲長更換執冊赴稟本縣代爲改正毋
違須牌

給沟邑各庄庄長照牌

康熙二十五年
冬季

告爾某路某鄉第幾保某庄庄長某某明聽爾為庄長該庄旗民皆爾所得稽察有屯撥什庫則稽察旗戶撥什庫事也凡爾之庄有勾引匪類藉稱親朋往來信宿騎馬帶械者爾即報有素行不端及游手好閒出入無常者爾即報有貧家窮人陡然衣食充足形跡可疑者爾即報有倚仗住旗房種旗地及旗人不肯一體輸徭巡更者爾即報有外來傭工旗民擅自收留不具甘結不入家甲爾即報聽候本縣親提應責治者責治應驅

古愚心言

給沟邑庄長照牌

逐者驅逐應註冊者註冊如或更樓崩塌墻壕倒淤柳羅器械不全者汝與甲長速即協同本庄人修理置辦以上爾約實心奉行免爾本身差徭及爾父爾子不論同居分居俱准免以示優待今給該庄家甲冊一本內載各甲戶姓名生理遇有搬來移去及甲長更換執冊赴縣稟明代爾登註不用具呈多費紙筆錢其有小庄只一甲或未滿兩甲者以甲長統攝責任與庄長同優待亦同須牌

給沟邑旗戶照牌

康熙二十五年
冬季

本縣遵奉撫都院于請 旨均編旗民保甲設立十家牌除甲內旗民雜處聽庄甲長稽查外該庄現有某旗某牛采下某官管屯撥什庫某某應將該管人等另編旗下牌開註男婦名口弓箭馬匹并僱工姓名籍貫牌付該屯撥什庫收以便遵 旨稽查凡遇搬移旗戶及外來傭工人本屯旗戶回明撥什庫執牌具結報縣登註容留失察皆連坐爾屯撥什庫咸告有衆聯保甲以弭盜賊欽惟

古愚心言

給沟邑旗戶照牌

皇帝頒諭煌煌今又奉 旨均編不遵者以抗 諭違旨論畏之慎之同起敬聽須牌

古愚心言八卷

浙江巡撫
採進本

國朝彭鵬撰鵬字奮斯莆田人順治庚子舉人康熙
甲寅耿精忠叛逼脅受職凡九拒偽命卒得不污
賊平後授三河縣知縣後官至廣東巡撫其平生
以氣節著故集中多誓神之文其他奏疏案牘亦
皆辭氣侃侃無所撓屈官三河時與妻子書皆以
清苦刻厲相勉足以見其爲人其他詩文則率臆
而成字句皆不入格矣鵬行誼本末具載

國史至今婦女孺子人人能道其名固不必以文章
傳也

聊園詩略十三卷續集一卷

文集一卷

〔清〕孔貞瑄撰

中國社會科學院文學研究所藏清康熙刻本

照刻本

附《四庫全書總目·聊園全集

十五卷》提要

聊園詩集序

詩之傳於刪也夫人而知之也然則三百篇之傳於刪也
曰有之而無當於吾

夫子言詩之旨云爾 夫子之言詩不一而莫詳於與觀羣
怨四言後代作者體製不必盡規風雅而要其卓然可傳
於世必於四者之旨有合焉不然風雲月露之詞即連篇
累牘而識者以上直視之故言詩而不折衷於孔氏吾未
見其能詩也吾友璧六孔氏之裔也而善於詩客歲冬杪
與余邂逅燕邸一見如故交杯酒唱酬相得甚歡一夕盡
出囊中詩命余商訂可否余筆燈細讀每竟一篇輒稱奇
者數四間有一二字之疑亦直言無所阿附且賞且評漏
數刻不能止余既服璧六之弘博而璧六亦不厭余之狂
言也居兩月璧六將東歸過余言別謂詩卷具在子柰何
斬一言余惟璧六之詩有目共見無假於余而余讀璧六
之詩則悉矣喜者雲開而月朗怒者霆擊而電飛平者野
曠而沙明奇者濤驚而壁立快者風便帆輕而瞬息千里
幽者夜淚雨冷而寂莫孤燈可以興可以觀可以羣可以
怨舉近世喧囂則襲險澁寒暄之習屏棄無餘而違符三
百篇之遺法信乎璧六之善於詩而言詩之必折衷於孔
氏也璧六目光炯炯意不可一世談古今成敗如指諸掌
雖上公車不過而英偉秀發之氣終不可掩抑其異日所
表見不僅在詩茲以詩論也故不暇多說

庚戌仲春吉南宮連佳胤克昌氏題

詩序

序

天地之氣不能靜而不宣於是發而爲日星河嶽以運行不忠其於人也亦然人之心有動有靜有寂有感不能靜而無動寂而無感也於是根於性發於情情不能自已言以宣之言之變化而簡與者易也言之精一而昌明者書也言之恭儉而麗密者禮也言之嚴正而微隱者春秋也至若言之溫厚而和平委蛇而善入令人可歌可泣可法可戒者尤莫如詩然而難言之矣竊嘗取三百篇而讀之見夫君公大夫忠臣孝子以及勞人思婦怨夫游女或托於一物感於一事而有言其間貞淫正變不同要莫不根於性之所近發於情之不容已以抒寫其胸中之所欲吐

詩序

三

若有迫之使然而不得不然者非必於襲舊標新考多而闢靡也則其矣詩之爲教微而用意遠也迨周以降變而爲騷賦樂府排律近體行歌絕句雖其藻采繽紛光華發越要不逮三百遠矣非其才力不侔亦時會之推遷氣運之通變一如折讓之變爲征誅忠信之變爲盟會雖造物者亦無如之何君子讀詩至此寧不動升降之感耶吾友壁六以東晉世裔後余十許年令大姚未相謀而然耳其志操甚稔後會於郡之德風寺邂逅定交頗傾倒叩其學業其淵源有自遂成久要未幾余還秦中別二年及復來漢則壁六以抑豪酋獲罪去官寓見池乘暇哀訂其遊漢草及舊集之未梓者屬余悉正余浣讀之見有若崩若峭

百嶂巉巖元者矣見有若急湍驚濤一瀉千里者矣見有
若鶴唳空山鶯啼斷岸者矣見有若月冷蒼梧烟寒瘦竹
者矣見有若端甫垂紳金含玉珥者矣見有若周鼎商盤
班駁光怪者矣見有若綠字丹書古藤樸茂者矣嗟乎是
殆可以駕漢唐而追三百矣向使置身廊廟以此鼓吹聖
明揚於休美吾見被諸宮絃播諸政教當使風俗和樂人
心醇古以大展其生平之所負豈非盛事奈何數奇不偶
小試輒罷竟自放於山巔水涯之間淪落於寂寞寬閒之
野僅托情於晦明風雨寄興於鳥獸草木而甘與勞人思
婦怨夫游女以自鳴其懷抱也抑又思之壁六世所間鍾
之逸才也而其詩世之所不好也以間鍾之逸才而爲世
所不好宜其窮耳雖然窮何病窮然後見君子是爲序
康熙甲戌孟秋上浣關中劉志德常吉氏題

序

四

序

余年來寓金陵從事松壇諸選縱覽鍾山雨花牛首樓殿
諸勝雖曰登眺之常然對景興懷不能不令人動樂園秋
竹古時烟之嘆也太史公謂古詩三千刪爲三百此

先聖人開萬世詩教之宗無非欲人得其性情之正而已第
三頌而外風雅已有正變流而爲楚辭樂府亦其勢然也
唐人變樂府爲七言絕句被管絃而歌之其時惟王江陵
與太白爭勝毫厘今浣讀壁六先生金陵諸咏清新俊逸
率獨出手眼不拾殘響至於大中官商細叶微羽皆原本
于性情益今我想見其淵源有自非獨開元天寶間作者
得稱敵手已也余故樂得而誌之并代爲命梓雖全集未

序

五

能樂舉亦窺豹一斑之意爾

皆

康熙乙卯季春四明同學顧二榮人正題

序

余自癸卯歲司李刊上藏壁六于平山堂讀其南遊小草輒許異日必稱作者其時年甫及壯也後壁六數奇困頓就祿太安與高僧祖珍黃冠隱吳雲相唱和詩多高古雅健與七十二峯爭低昂高念東先生唐豹岩山綸霞諸君子交稱之不置口余與契濶二十年乃復會於濟南則壁六爲郡祭酒數譔接得縱觀所著太山紀勝大成樂律全書操縱新說琴瑟諸摽輒者採入省誌信其必傳既而遠任邊邑萬里炎荒異水奇山新其耳目猶風俗恢其才思所爲詩益富且工渙素患苦士孽尤以不阿豪酋著譽而逆致見愠于上官鯁直不回以至解組姚民尸祝之鄉

聊園詩集

序

五

大夫出使滇南如畢鐵嵐李漁村吳在公咸謂其不愧吾黨然則壁六之所重于時者不僅在詩而詩則已重矣昔有明風雅盛于七子或以布衣或以長史皆與王李分壘爭衡豈關名位之崇卑哉壁六之小試輒蹶天固將窮極其遇以發其聲華蓋嘆屈而鯁仲之也屬令嗣西野及余子同官畿南繼世好徵予言因憶舊遊爲之序

康熙丙戌仲秋上浣

新城王士禛貽上題

序

詩之爲道難言矣古詩三千 聖夫子刪而存者凡三百篇十一而已有唐以詩取士三百年來作者不可紀筭至今傳者王楊盧駱諸公其最表表千古者李杜二公而已浸淫至於有明王元美李子鱗而外未易更僕數也詩豈可易言哉我 朝文明啓運操觚之士雲蒸霞起較前代爲盛名公大家自當推爲辭宗主盟至咕嗶瀝瀝拾殘唾百家雷同或爲邯鄲婦或爲洛下生或肆酒罵座或無病呻吟災黎禍聚只可覆瓿那堪供玩言詩至此蓋又憂乎難之矣余方弱冠從陳徵君蘧庵先生遊卽與聊園同硯席花朝月夕時復拈弄而聊園天資高邁早已拔幟

聊園詩集

序

六

先登矣乃就祿奉符歷下於山見秦岱之高於水見溟渤之大峭湖之旁北海新亭在焉是少陵太白之所遊覽而于鱗之所爲瀟灑潑墨處也流連吟詠詩囊固自不檢及連任大姚過荆沅歷黔滇其間奇山異水嵌崎竒與絳亘數千里所以開拓其心胸震盪其耳目者不知凡幾登臨顧盼興至筆隨皆成宦樂詞壇共見余不敢溢美一語以阿所好獨是聊園以五斗米折腰荒僻忤豪酋幾陷鉗網至于品隲山川鼓吹風雅此則上官文法之所不能禁也及謝事歸來余亦罷病家居與二三老友刻畫花鳥游宴園林搜羅簡牘遂已成帙爰授之梓聊園曰吾將以爲瓦盆梧栴藏諸廢簞傳之後昆作田家法物非敢以鳴于世

也余亦不揣固陋而漫爲之言

康熙戊子仲春 同學里人陳見智力庵題

聊園詩畧

七

聊園詩畧前集目錄

卷一 古雜體

沂舞春 五章章四句

地靈 五章章四句

沙原 四章章八句

巖高 三章章六句

聖廟迎送神曲 四章章五句

太山仙人影銘

溫泉銘

聊亭銘

卷二 五言古

聊園詩畧 目錄

古烈六首

買書

華軒過

有夢

紅山

聽卓然和尚講經

過漢高祖廟

磨盤山

醉翁亭

宛陵道上值霧

十月一日有夢

夫子手植樹 六章章四句

有松 三章章四句

我車 四章章四句

大風 三章章四句

讀山海經集異賦

古琴銘

題劉將軍像贊

介石銘

山居卽事

答客問

五墓五首

由淮隄過隋苑有感

金陵送家世尹兄北歸

張良墓

范增墓

關山

觀奕

過敬亭山未登

滄州道上

通州回空糧艘	聞中
泰山擬古六首	卜宅
崇實	秋郎
登琉璃塔望鍾山石城	邯鄲才人嫁爲廝養卒婦
過昭理擬明妃前曲	漫題石堂禪室
卷三 七言古	
擬明妃後曲	暴雨
地靈紀異	田家行
立春日奉答連克昌人日薛城歌	
戲馬臺	彭門
讀李供奉集	春草
聯園詩舉 目錄	
同勛翁訪石堂禪師	石堂篇
四穗嘉禾篇	放歌行
卷四 七言律	
雲亭山夜讀書	雲亭懷古
落花六首	平山堂
金陵	紫荊山二首
有感	江寧偶成
除日	元旦
元宵	十六日
閒步	村居三首
元宵宗公招飲樓上	壽大宗公翊宸太傅

恭賀宗公太夫人封誥	泰山十八景詩
宮山	遊雲巖
送朱石公太守入京	題韓寧子詩卷後
釣突泉	汎明湖賞蓮二首
同孫西山王朴公遊湖	蘭門雜咏四首
上和早朝	
卷五 五言律	
泰山二首	登岱遇雨
建岱頂聖廟同勛翁相宅	送勛翁之太平幕
聞勛翁著書采石有作	村居二首
田父	秋夜
聯園詩舉 目錄	
早行二首	晚行一首
舟行二首	弟行一首
早發武城	題虹橋園子
題承恩寺因寄問都門舊	送王次沂歸深陽
閒愁	登登嶺樓賦得秋色老樹
東阿道中	天津糧艘
河西務	壽某縣令
肥城海棠五首	丙辰下第時值西征出師
卷六 七言絕句	
新柳二首	秋柳二首
金陵二十首	濠梁十咏

有懷田園二十首

園中

關中二首

舟中

雨花臺晚眺

金陵卜寓

慈湖

登采石樓古一首

十月朔日筵拜

岱陰穿路二首

憶觴翁舊題有作

贈石堂禪師

卷七 五言絕句
五言排律

晚行

寓承恩寺題壁二首

晨登采石磯二首

蚊

蠅

蝎

鼠

雪月五首

柳園詩集 目錄

四

流年嘆二首

六一泉

岱頂重建聖廟同吳
觴翁相宅二十韻有序

擬花朝應制十二韻

柳園詩畧後集目錄

卷八 五言古

歷下別王秋史

次保安驛却寄葉令

新野留別邑侯顏去非

渡江

過澧州

山塘驛

沅州道上

江西橋

飛雲巖

大風洞

普安道中

白河觀瀑上關嶺

山象鼻嶺過頂站紀異

歷十馬咨問疾苦

送丁雁水使君離滇 有序

哭張滌園詩 有序

送駱子幹陞任桂平

祭竈

柳園詩畧 目錄

五

謝客

別家綸錫

九日

黃白謹

歸程

別琴隱萬處士四首

苗稼

觀化

遊憑虛洞

謂比明

悼亡

哭宋敬止 有序

頌蠅紀異

哭絨三世尹

卷九 七言古

相見坡

高山流水大字歌

哭畢鐵嵐叅議 有序

送府憲劉繩其

贈萬處士爾梅 有序

龍山花王歌

諺語詩	綸錫以端視贈別賦謝
清谿洞歌	普安縣催行
武勝關仙人影	再過相見坡
聞鷓鴣催歸爭鳴戲題	縮地歌百八十首專行
卷十七言律	
寧陵道中	荆門三首
武陵道上	武陵呈勞重軒邑侯
白馬渡	沅陵道中二首
家慶兆令盧溪溯江過之沅州道上	平溪衛
晃州驛偶成	雞鳴關
清溪衛	
油榨關	重安江驛
清平縣道中	楊老夜景卽事
平越葛鏡橋	神留字宙處
黃絲驛道上懷歷下諸友王杵關	
新添衛	貴陽道中二首
貴陽呈田綸霞中丞	安順道中
鎮寧州	白河瀑布
鸚鵡嘴	普安道上
滇南勝景	交水
小關嶺	順忠公廟
楊林	雲南會城

關中夜雨步韻二首	關中秋玩月步韻二首
金沙江	題綸錫詩卷後二首
壽人八十	送藩幕朱錫三東行
黨令閑假居停賦謝	送荆人歸里
過楊升庵故宅十首	九日和綸錫韻二首
和綸錫月下二首	補敝裘
和綸錫首尾吟二首	象棋
閒存	周生有序
和綸錫祝詩	立春張社錫饋北釀賦謝
除日家綸錫通五金度歲乙亥元日占易得韻之訟	
元宵雨雪	別丁張二副戎
早發交水苦寒	將出滇境自慰
次多羅海擬探清溪有作題滇南勝境三首	
檢裝	雲南坡
次普安州計程	軟橋道中
普安縣道中	再題鸚鵡嘴
黔道雜述八首	江西坡
老鴉關	盤江橋
早發安南	過竹林坡梅子哨
過頂貼	頂貼道中得家信
關嶺二首	過嶺二首
雞公背	再題白河瀑布二首

安順過顏太守戲呈 嘲詩四首

郡齋待子基不至 戲題

談雲貴髮俗 安順雷霆紀異二首

途次修琴 琴病

蘆荻哨遇雨 去思碑

貴西道中漫成 雨發貴陽赴龍里二首

雨中聞鷓鴣 雞場馬市

有感 楊老道上遇雨

再過華嚴洞 將出黔境漫成

振遠府計程 振遠佩舟下武陵

舟過蕉溪雞哨泊棉花溪過平溪遇雨

事類詩目 目錄 九

過磚城峽 泊舟晃州岸聞催歸

歷便水遇漁舟 過清天星灘

次沅州橋 泊鷺鷥灘頭

舟發紅岡下辰溪 野泊見麥熟作

經楠木洞望楚人避兵處次盧溪懷舊尹家夢兆

過辰州望二酉山 泊清溪口

早發清溪過界首 白馬渡訪桃源洞

再題桃源 武陵阻雨待從人未至

曠觀 武陵苦雨再題二首

楚風 入境

抵家 過洛陽賦得洛陽三月花如錦

宜陽 涇陽道中聞駕將幸華嵩恭紀二首

解州謁崇寧宮 追和高山顏見懷之作

新安被水 詔截漕減糧由天津過趙北口如新安

奉懷王朴公兼悼宋敬止聊園雜興五首

聽謔詞 諧俗

卷十一 五言律

別高山顏 雨晴

桃源道上四首 辰嶺關

界亭驛道中四首 別家夢兆由桐木坳赴船

早發辰溪道述霧 辰溪縣

懷化驛 馬公坪

事類詩目 目錄 九

次便水驛却寄沅郵家錫平溪衛

蕉溪 鎮遠道中

鎮遠府 華嚴洞

偏橋衛阻雨 興隆衛

楊老店 漫成

龍里 又寄家信

威清衛 平壩衛

水橋屯 安順道中二首

苗俗 新舖

盤江鐵鎖橋 安南衛

老鴉關 江西坡二首

新興縣一首	普安道上
平炎衛二首	白水驛二首
馬龍州	昆明海上望碧雞金馬
下直却十馬撫微髮糧二結文二首	
獨坐二首	<small>于基來滇再往返計程幾三萬里矣詩以勞之陳敬庵小飲對奕論梅花詩因各言歸計即事</small>
壽綸錫家糧憲	別王唐侯守戎
壽張社錫	又別滇友
別同鄉諸友	慰別綸錫四首
催歸二首	題澹園水明樓詩後二首皆郡齋待子基來滇不至
郡齋漫題四首	夜景
事園詩事 目錄	十
與澹園話鄉井舊事	興隆衛冒雨二首
次澧州擬赴江浙不果	過順林驛即景
過公安題寇公竹二首	宿花閣登順林韻
渡荆江過水師營二首	荆門二首
早發建陽驛	過園林舖
新店	夏日
棹輿夫	由小河口泛江下襄陽
襄樊	過新野懷顏去非
過光武故宅及鄧禹里	中州
過光武廟題扳倒井	古葉縣道中冒雨
李膺墓	消川

朱仙鎮	過陳晉懷陳力庵太守
儀封人	望河堤
渡黃河	至單喜晤朱武林姻盟
秋宵二首	琴瑟
過石珍春亭別墅即事二首	高王葉李四生招遊明湖古歷亭
臘梅二首	
卷十二 七言絕句	
榮辱	窮通
成敗	恩怨
洞庭二首	觀音洞
羅漢松	雲南坡二首
事園詩事 目錄	十一
<small>過清溪村不知其中幽勝與夫適有失之慨然有作</small>	易隆驛聞書聲
板橋	紫薇堂觀滇人賽雜劇
荳蔻江 有引	和曲道中
安寧湯泉	即景
十月一日成絕句三首	夜起挑燈獨坐
聽滇人談軼事	滇中風物
讀土酋詩紀異四首	<small>丁丑秋復遊歷下塘高山顏承祿王秋史</small>
鹽池題薰風臺	傳慶二首
園中紅藥可賞賦得霜葉	石船詩 有引
紅于二月花十首	
八角爐 有引	七十口號四首
秋日同陳力庵飲西園兄	壽力庵七旬有三二首
郭內小樓和韻二首	

從友人求金鑑僅得二尾賦得囊空恐羞誰一首

題宋文貞公墓二首

卷十三 五言絕句
五言排律

亦資孔二首

客詩有引十
八首

北園十景十首

貴陽呈田大中丞二十韻家西園兄新堡觀蓮六韻

補遺

上和五色牡丹韻十二首

聊園詩集

目錄

士

聊園詩畧前集卷一

新城王阮亭

兩先生鑒定

德州田綸霞

同學陳力庵先生評選

男尚
基西野
較

古雅體

沂舞春

先侍御貞白祖有舞雲春詠集
行世述其意作沂舞春五章

周道兮砥平山川萃秀兮魯城杏壇尼席兮春滿絃綬兮

希聲

兩酌兮魯原雲樹翳兮沂村文杏謝榮兮春莫雨淨塵

埃兮日暄

聊園詩畧

卷一 古雅體

岸草兮如羅沂水兮素波童冠怡怡兮容與無懷氏之

民兮來游來歌

柳苑兮烟拖舞雩臺兮風和嶧峯玲瓏兮接翠洙泗安

流兮分沱

道窮時兮業隆古顏賡歌兮仲持干羽息鄉猶存兮哲人

云遐六代禮樂兮盡在魯夫

夫子手植樹

六章章
四句

文檜一章左旋其理厥體斯宜厥影不倚

文檜三尋萬木亞其尊天挺厥幹地厚其根

手澤恒新世其稿之振古特立神式保之

潤以雨露泮以風霜木支萬億永庇無疆

樹之楷模貽之準標運有滄桑兆之枝條
靈樞警俗奇詭震聞莫敢或託之匪子所云

地靈五章章四句

大哉東海萬派朝宗岱嶽降神萬世是崇
絃麟兆祥禱尼啓聖道德以降性命各正
山抱二龍峰環五老繞室降庭鍾靈匪宵
二儀既成五行迭生含元葆化天縱孔明
嶧虛象硯防阜如藁洙泗西流銀漢同轉

有松三章章四句咏歲寒也

有松在岩其陰皛皛雪霜薄之不淪其翠
有竹在澗既直且繁斧斤尋之不聞其節

鄭園詩事

卷一 古雅體

二

有梅在原疎幹素影衆芳葵謝厥香逾冷

沙原四章章八句咏農圃也

漠漠沙原言播之黍稷溉維時獲不盈管植德孔固天集
厥福薄功厚饗匪樂伊辱

芟彼靡蕪言藝之瓜荒蔓不剪鮮實多華葉過其漸福養
其萌持約祝大徒碎屏營

麥秀漸漸颺花不雨秭則登塲實不充庾微天難倖福基
在身周德十世慶流千春

園有嘉栗敷陰繁髮其容則厲其心孔甘惕惕躬行溫恭
無佞愆尤未遠知止有定

我車四章章四句候別也送內

我車既駕我馬維驪之子之遠我神不怡

我徒既戒我馬既銜之子之遠萬水千山

車投其轄馬脫其轡我僕痛矣我心如醉

我馬未秣我車未膏僕夫告瘁且緩崇朝

巖高三章章六句咏君子有行

巖高百尺梯短一似進不可登旁不可凭君子託足云何
不慎

河廣九丈梁缺一尋听不可縮木不可伸君子欲渡毋哉

逡巡

岐路三叉夷險畧同指南無車莫適北東君子攸往利在
從容

鄭園詩事

卷一 古雅體

三

大風三章章四句咏風

大風起兮揚沙水逆流兮滄沱嗟滄沱之逆流相迴波兮
維舟

大風起兮鳴條塵冥冥兮車塵嗟塵車之冥冥望康衢兮
安停

大風起兮雲流塵馭奮兮輕騶嗟輕騶之馭奮悵所如兮
焉合

聖廟迎送神曲舊曲雖便備易之已刻入大成樂律全書

氤氳滿庭香八音六律間官商犧牲豐備榮盛良慶澤長

聖客於穆來帝鄉

氤氳滿庭香禮容秩秩樂洋洋執事恪恭共趨瞻慶澤長

明神錫嘏享壽以上二章送神

佩靈滿庭香爐鼓淵淵管簫蓮豆餅粢肅將慶澤長

神保率歸儼徜徉

氣氤滿庭香爐開優見氣懷愴公尸嘉告明禋臧慶澤長

用綏后祿永無疆以上二章送神

讀山海經集異

慨九門兮銷沉於開見兮信心撥遺經兮觸類廣物象兮
討尋有神物兮海西東駕飛車兮從風服吉良兮馳驅龍
蹴玕琪兮餐玉榮採僻竹以為明兮繕尋木以為燭比伯
龍以作輶兮獵鄧林而射鵬情燭龍為照夜兮命空玄其
計程飲崑崙之玉井兮辟九關之開明援龍骨兮鑿蓬鼓

聊齋詩集 卷一 古雜體

倩驚歌兮鳳舞挾豈比兮二女翔翔乎大遺之野折若

木以為輶兮葆積羽以為翳肩甘祖以為梗兮酌玉膏之

溶漓浴皓鯁於常羲兮畢陽烏於神昇泛沙棠于弱水兮

襲炎山之鼠纈何見吾之制玉兮君然解也聿巴蛇之吞

象兮易如芥也靖人著焦僂之履兮病其汰哉長翟遊大

人之堂兮苦其隘哉噫嘻遑矣靈均問天兮天默默其不

語皇極經世兮世茫茫其如許扳龍揖兮莫微疑心目兮

終古亂曰嚙丹木兮赤實望瓊臺兮瑤室憫特衛兮理海

請夸父兮逐日將元化兮難窮抑道大兮無外維賢哲兮

博物豈至人兮語莊

泰山仙人影銘

天冠闢寶會昌萬八百形影張神生象化流光去不思顯
若康造物功妙難量若有人山之陽薜蘿衣雪霞裳西
極凌東竟立岱阿指扶桑丹葉就形凋傷類影在劫不戕
人間世日促忙嗟終古自徜徉

古翠銘在漢得聊康
節琴銘之

雲和之材神蘭之綸規天矩地是藹是紉質枯不朽色黢
且沈曼無彈緩激不厲活性情罔忒剛柔互克岳高不亢
附平不側蹇斷水紋光瀉瑞霽官商廣大羽徵廣密角音
得半正變協則洛水名賢手澤拂拭永言保之壽考萬億

溫泉銘

榮如珠潤如玉色似月波氣勝花覆不濯體垢濯幽獨

聊齋詩集 卷一 古雜體

題劉將軍像

真將軍矣其天人乎德則龍也威則神也模乃貌古乃心
氣若靜機若沉淵淵度落落襟襟焉遠瀨焉深謀壯懷
帶臨迫召虎軼迄今丈夫子玉為林授之經不貽金智將
歟福將歟何不竟其大任僅以儒將示其典型而為世所
欽耶

聊亭銘

迹近意遙處卑寄高拳山均水石船鐵篙孤亭就樹小閣
橫茅甍牖竹几无鐫葛槽一爐清篆數盞濁醪蓋宅心不
可以苟而居室無妨于聊富貴不羨傲岸非驕老不忤少
靜不厭鬱不知世路之坎壈不覺胸中有牢騷非敢瀾儒

家于仙釋庶可號城市之漁樵

介石銘

拙取其介竅象其通介不立異通不苟同不滯於實不流於空與天同始與地偕終

聊園詩畧前集卷一

聊園詩畧

卷一

十雜體

六

聊園詩畧前集卷二

五言古

古烈六首

朝發崑崙金暮得五千車借問渾不諱開局鑄莫邪彼
烈陽魄煉此寒月華韜之龍暗吟飾之珠涕淚已能氣冲
天誰知光隱地尋常叱咤人離離何足試

其二

障泥簇簇縷騶嘶紫驄駟雕鞍文青玉珠纓瓊金縷縹虎
楊貂毳臂襲珊瑚韉往過田光舍還借將軍頭道逢彈筑
客神光兩相滅戰手話生平一笑傾肝胆恍惚既許身不
避履虎險黃金非所懷意氣良足感

聊園詩畧

卷二 五言古

其三

怒髮指白虹悲歌激寒此如何副此行不用擊筑子胥充
三尺圖濡血七寸七光怪透面關倉卒急變起秦庭無待
醫六國幾雪恥等閑然諾矜知遇形骸委感慨易水清長
懷古國士

其四

鄙夫矜尺帛動色無所指壯士芥千金一擲不復顧投袂
欽敬局形神如其素袒襟過酒胡高踞呼濯具非里屠狗
人重枉王孫墓但令色養終心交久逾固噫言買駿骨肝
膽一相付

其五

非關德仲子有氣橫天地平生怨不平君仇我裂毗利劍
既在掌易敢越厥志節短機欲沉泉搏無空臂却笑伏虎
人文身學塗厠異哉巾幗流亦復列高義雖頗傷崎行烈
烈均堪記

其六

膳夫羞玉饌急電隱魚腹相知無新故劍術有紆促解
多棘經斬絲無糾繆濶目寡密視高蹕不步局掩卷緬古
人長歌當痛哭恩怨古相尋江河去不復

山居卽事

擬陶

牧童持短簍水草逐山村客來呼不至倒衣自應門客言
羅新穀頗惹城市塵還依山亭憩迨余釅釀醉登堂下收

聊園詩畧

卷二

二

桐爛熳信天真不知籌策利農桑雅相詢春苗擬當偏夏
繭縱幾純就婦謀有羹佐盤需時新同疏手自摘香露落
指痕薄言穡之歸襟裾餘清分醉醒無拘忌移樽向西園
坐愛花陰厚倦厭鳥聲繁牛羊日夕下牧笛隔林間相送
遂忘返閒步嶺頭雲

買書

少年矜壯志望氣掘豐獄稍長頗改向賣劍買書讀石渠
萬卷餘一笥不盈掬懷寶三十年持售多不售曝之鮮烈
陽積久蠹生腹筆底千斛珠不抵一釜粟返將問達人易
術學干祿鄰家肉食久顏色轉慙感還共處士謀藜藿克
所欲富貴由命賦貧賤匪余獨矢願荷多營豐吝肯不足

人生不聞道空美如冠玉不爲天庖鼠老死作廢麓

答客問

風有三湘夢無由一至之輕帆引客與恰值秋風時相逢
都人士強半話相思正襟謝太雅何從遠見知道宗東魯
舊新仰北海詞君言或有以吾未信于斯我魯敦儒素虛
譽非所期傳家唯忠恕仁孝爲之基經術與經濟出處各
有宜藏必有所卷用必有所持風雲與月露恐不中施爲
未窺七言與敢稱一字師浮名滿天壤身世兩無裨母寧
全高寄真契結山水世荷無知音定不歌巴里豈挾照也
瑟鼓向齊門裏所以狂簡人聖人思不已巾亦頗落落虛
懷靡所底謬感有道重用厪好名恥

聊園詩畧

卷二

三

華軒過

幼見軒華過道路爭稱美冠蓋輝九陌慕從黑如蟻云是
讀書客金多名亦偉平時藐諸孤開之心竊喜稍長轉自
疑人言殆可鄙宇宙好功業當不如是止既達魯一儒古
道相激砥聞見開未曾絃轍從茲始人間未見書古今絕
續理道通天地外數窮元會起遂薄舉子業置之不足齒
擬坐三十年探源泛其渙白首朱文公邂逅孫武子引杯
聊談劍跌宕或踰禮禮結客先業盡蕪穽斯恥中途忽易
向機臂趨朝市時命化相敵芒挫氣亦靡三走狹斜道未
得斗升米譬之書中蟬擬向書中死書劍雖無成于今志
未已行不出今人意類古狂士礪溪近無魚河清其可俟

聞有抱關吏願從問厥指

五慕

孤生何所慕慕彼反哺鳥危柯巢未安風雨行柳榆桑土
結戶牖手口良辛幼瞻彼出穀雛毛短身亦孤鋪覆傷羽
翰嗷嗷仰煦濡肌翮漸豐滿猶幸無虞完巢無毀卵毒
風失徙軀倏然蒙霧露誰與待斯須啣食歸舊林顧影自
嗚呼

其二

孤生何所慕慕彼雙鵲鳴文彩遙輝耀同氣得異形飲啄
恒相呼飛鳴互叮嚀獨鳴音淒楚獨飛影伶仃守望防罽
羅接翼栖林垌遙憐失行雁笑笑立渠汀

聯園詩畧

卷二

四

其三

孤生何所慕慕彼朝陽鳳矯翼五采張引吭六律從微險
增高奮丹山雲氣重鵬鵠各翻飛孤棲觀羣動梧桐敷清
陰海日發朝夢曠世一來儀德輝空凡衆

其四

孤生何所慕慕彼錦鷺驚河洲得並戢雲路亦雙翔素質
濯湘漢文羽曜秋陽婉孌季女意蕭蕭君子行濟漣舞清
影荷菱襲餘芳和鳴適所願安知鳳與凰

其五

孤生何所慕慕彼兩黃鸝受采得中色鳴春占上枝清嘯
欺鸚語紫質薄鶴安交交從爾類睨睨懷所思逸轡穿葉

亂流韻度花遲山谷聲相應風雨莫遐遺

有夢

孤生命不辰運數避屯蹇日月倏晦沉天地五災沴方孩
失攸怙皇嫡奄凶殄端陽越七日崩迫毒千斬十室九呻
吟啼復問冷煖所幸慈幃從六翼覆一卵軒巢內外難體
脆羽毛短見矜思嘉實其如甲拆緩酸辛飽能嘗藥飯足
相益仰視反哺鳥啄得重鮮沈命利欲途一往溪難返
傷哉蒙霧露欲報悲已晚停厝隔林樾宅兆俱未善爲人
鳥不如是恤容膝編感此中夜與淚溢江河滿

由淮隄過隋苑有感

離宮三十六珠戶玉簾梳桃花漲綠水楊柳搖香風舟牽

聯園詩畧

卷二

五

蜀錦紅橋出卧水紅松鬟雲擾擾脂膩玉溶溶樹宿金鷄
鶴池開繡芙蓉倚儀從步輦美人躍青驄江都去不返葉
柳如菱紅輕塵暗綺疏涼月掛梧桐迷樓巢翡翠桂殿砌
玲瓏徵歌團雲隊按舞煖玉叢麗空臨春院儉視節婦宮
沉香幕紫驚羊車鳴榔琤恒酣日難給頻見龍樂窮可憐
長夜曉好夢惜未終野鹿驚楚炬焦土飛恹恹平山佳麗
地歲歲長蒿蓬

紅山 在儀真境

我行大江濱紅山何燥灼輪囷紫雲連烟燿朱禽託玕琪
結赤實草木長紅藥憶昔元會始火氣相磅礴偶與玄冥
會積重成丹壑疑有火浣錦鼠獮楊朱糧燭龍隱林霞雙

珠廚飛燭流覽馳無色半壁夕陽薄想當女媧時煉此補
寥廓豈獨赤城山光彩炫藥禽

客金陵送家世尹兄北歸

霜壓金城柳憔悴倚依依繫馬執其柯斜日影差池何事
愴心甚客中送客時風流當搖落况復惜別離解裝急買
酒與君斟酌之願言承今夕一卮互相持同此樽中物滋
味遂參差無因後期遠反蹙相見眉人生非鹿豕奚以常
聚爲明朝東門外茫茫道路岐

聽卓然和尚講經

佛法來西域秦莽極中州雜處爭此民滋蔓不可禦我來
獻花岩旅懷積煩憂欲謝遊俠子稍通衲士儔大師擁寶

聯國詩舉

卷二十五言古

六

炬拔紫照十洲舌端懸江海子史爭奔流談經天雨花聚
徒石點頭吾道平如砥玄虛非所求偶從優曇會與聞柏
子秋不有觸毛悟何知內外遊能作如是觀水炭亦相謀

張良墓

昔有李太白過圯懷英風我來徐泗上偶經湖陵東云是
子房里墳在留城中無恠風雨來匝地起長虹聞諸漢太
史厥貌不稱功如何六國後高勳避難同晚從赤松子早
識黃石公納履足受之踞甚挫英雄博浪一椎後鋒銳漸
消融強秦孽不殄報韓亦無從擇木得赤帝風雲助飛龍
運籌若無意決勝何從容搏腕乾坤轉卷舒造化通楚猴
不可冠用漢以成功明哲全高寄絕影寒山獨

淚宇宙數尺封未須銘短碣斗嶽共始終

過漢高祖廟

昔日劉季子龍潛泗水邊東南天子氣遙與咸陽連始皇
東厭之職隱芒碭嶺道斬白帝子截劍山河偏不須階尺
土空手直搏天笑罵雷霆震強忍鐵石堅量與海天闊明
並日月懸大智合天下羣力屈衆賢承殷周後英圖宋
唐先我行荒山中偶到荒祠前狐鼠竄古瓦風雨落楹桷
廟貌傾圯甚神光尙蜿蜒恍惚瞻瞻準動惻惻氣益虔憶昔
宴父老起舞舞潑潑潑遊子故鄉意雄心轉悽然千秋豐沛
水常與夢魂旋待乞南徐吏爲君續香烟

范增墓

聯國詩舉

卷二十五言古

七

項羽曠代雄范增亦名世當其壁卽卿鳴嗚千人廢既斬
宋冠軍隨奪三秦勢一戰霸諸侯萬里從其制雖則勇絕
倫實惟亞父計自燒咸陽官所爲日以暴況復內間行心
靈明斯蔽空扶國南資而無擇木智歟名貴須時委身何
容易拔劍撞玉斗身亡羽亦散增固人傑哉所愧新城義

磨盤山

一入磨盤山旋轉復上下上如青螺垂下有曲溪瀉卷阿
結短茅蕭然鄰並寒曉行露未晞林麓清酒酒依稀白雲
中似有臥雲者願結塵外契幽棲未肯假

關山

關山懸壁雄夾道繁陰長風受松林隱隱平青口與蒼

絕澗黑猿蛇自來往不見溪水流但聞溪流響巖下叩僧
扉探幽素朝爽犬吠白雲中雞鳴青霄上但恐瑯琊限奇
勝未能做所恨歐陽公無文心獨賞

醉翁亭

嘗讀醉翁記心擬白雲外今來醉翁亭恰與白雲會白雲
自往來紆迴山一帶溪水少直流溪風聲噦噦路轉數峯
合寒泉分雙澗中有方畝原洞壑清無賴老梅幹欲枯孫
枝生復大樞桂倚斷岩香霏青鸞風流廬陵史選勝獨
得最遺文久愈新孤亭誰能害願與白雲盟白雲無根蒂

觀奕

諸葛隆中時高卧不談兵太公老聃溪六韜向誰呈當其

東園詩畧

卷二 五言古

八

未當局天水何空明一入玄黃地遂令陰陽爭曙星初歷
落羽檄乍縱橫神閒如厭戰鋒藏不見形乘取無堅壘義
動無留行先後得勝美功名指顧成箕踞屈錦布輟洗揖
鄭生尊食奪趙幟蓄銳下燕城除閹假外權閹蛇引大鯨
梁皇養景纂禍伏封爵輕既分高下手成敗焉得平危劫
贏天下機露鬼神驚帝王與將相得失共一杯何如收兩
奩地寧天永清

宛陵道上值霧

霧塞宛陵道班馬鳴蹕蹕二氣交不應散漫無拘束氣比
烟而細性兼濕與煥燭龍埋其照濛濛隔輕轂茫如醉未
醒暗若夢欲覺漭沅似水勾不辨林與麓茅店索居酒早

行忌空腹

過敬亭山未登

露香閣北樓背古巖

一人宛陵道擬醉敬亭隈敬亭欣在望風迅舟難迴螺絲
雲中媚芙蓉鏡裏開空飲香閣露未展北樓懷玄暉固遠
矣太白亦修哉百年會有後去去約重來

十月一日有夢

色養慚終天時製復於邑寒楓忽已丹颯颯輕霜集黃花
覆亂塚秋螢宵光急露白林影疎葉枯橡可拾西風久蕭
索蚤語亦漸澁慈顏來入夢有衣未成襲緒幣時當化絮
酒誰爲執幻夢出真淚旅枕覺猶濕明發心骨悲隱隱如
沉疾浪遊安所爲倉皇理歸笈松栢近榮梓悵望更欣泣

東園詩畧

卷二 五言古

九

滄州道上

遠無限封山近無表道樹四望天垂青一逕白墳路散花
野風吹斷壘閒雲護翻翻搶燕雀僂僂聚狐兔竟日不逢
人臨岐遂多誤薄暮見炊烟恍與家園遇主人莫漫誑往
來漸成故

通州回空糧棧

邊城風氣殊四月霜滿地播播孤帆影慷慨征人淚農夫
空腹耕候卒枕甲睡漕納百川水堤連三島翠朝發尾相
嘲暮泊鱗爲次廩盈歸棹輕鄉夢今始遂

關中

腐儒老塲屋時命不從心危牆戴短棘險峻等欬吟風急

鈴杵亂鳴薄露盈襟燈火移午夜星流若散金班聲雷震
動牙伏鬼神隔人曉音難辨巷窄舊可尋三卧風簷下夢
屈如潛蟬窮達須分定流水付鳴琴

泰山擬古六首

紆折天門路盤輿御風行澹雲扶兩腋習習羽翰輕獨立
最高頂遊目窮太清四海如明鏡方儀一浮萍振衣一長
嘯萬谷劃有聲不雨山長潤無風松自鳴却顧始來逕紅
塵日管管朱顏漸凋謝白髮颯已生何當就金液學仙久
未成

其二

七月上泰山雲物何清警松栢階層巒時露猿鶴影雨餘

聊園詩集

卷二 五言古

十

幽徑滑日轉秋陰靜微風宕遠嵐林端峯延頸却望九女
巖窈窕雲路永石骨長綬毛古木懸瘰癧玉栢失蟬脫金
井得斷縵尋真意不慙遇勝心已領石壁絨秘詮發之了
不省惆悵採藥人丹爐猶未冷

其三

饌餐曉霞榮渴飲流月輝飄飄白雲端天風吹我衣松篁
爭斷壑空嶺何罪微雪暖伏苓秀石潤紫芝肥飛瀑播漢
影玉露墮珠璣紺殿散雲衢鸞旂近可依舉手開天庭金
栗香穠穠織女隔河津彷彿聞杼機太微忽西沈仙樂聲
漸稀蓬瀛坐相失流陰日暗飛

其四

朝登越觀峯暮採後石塢風傳鐘磬清雲霽松杉古洞幽
深淥月噴缺明霞補曲藁捲秋嵐列屏開畫譜樹杪海急
湍巖罅青雲吐怪木盤危巒嵌崎互撐拄寒泓映石蓮蓬
鬚繁可數忽遇方壺翁種藥已成圃玉麟刷黃精白石和
露煮夜靜過飛仙空山聞笑語

其五

七十二高峯面面有瀑懸飛流下深淵空翠濕遠天去雲
平接海騰颺蹴日旋遙望八仙岩藤蘿張輕烟茅屋簪曲
巘小洞帶紅泉斷壁餘鳥跡題疑鶴上仙洗苔山隱字徑
仄難寅緣安得五色羊騎之銀臺迺願結塵外契千載方
來遲

聊園詩集

卷二 五言古

十一

其六

泰嶽表東荒齊魯分青靄靈氣帶雨流直與寥廓會曲洞
入歸雲裂石發天籟揚袂拂星光放眼收浩大攬裘待初
曉積霧散空濛馮陵日觀上呼吸海門風徐生東入海百
寶實巨縹姹女顏如玉窈窕綠髮童窮島成小聚露盤望
已空弔爾謫仙人振古氣如虹蓬萊終恍惚飛揚好自雄

小宅

潦倒四十年不辨金與鐵豈不懷安與謀生性所拙先人
有敝廬結構依城闕總此嬉遊嬉祭亦無缺一行作抱
關風雨久机巢夙昔所綢繆朽棟亦折食日盡新圖烏
鼠識巢穴委巷有安宅樸素無華稅堂堯顓堅完井甕復

靜紫鑿池清流激縞茅嘉樹列爲謀客膝安不情心血竭
事軒輿大厦涼德匪所執勞勞風塵客依栖類蠨蟻天地
總逆旅何事苦嘔咽

崇實

古者民有疾愚直秉諸生雖復不可瘳名實得其情時俗
工便佞詞色假且輕強泣無痛淚強笑無惟聲小巧淪素
樸無根長華榮捫影終無迹蹈空安可行何如守吾真愚
不失令名

秋邸

客思清似水明窓淨于雪蕭蕭松壁外虫聲無斷絕夢迴
憶底事徹骨清愁發欲渡舟無柁欲駕車無軌歸心思動

東園詩畧

卷二 五言古

五

早醉度中秋節弱心不盈咫豈堪百愁結夜長人不寐更
起看明月

登琉璃塔望鍾山石城

入山不厭深登山不厭高高深無餘憾心目爲之遶陟塔
極絕頂亦復寄興豪振衣沾空翠指顧亂雲苗青天爲四
壁尺五是絳霄斥鴳人烟裏龍奮天之腰一息法界外頗
覺利名勞

邯鄲才人嫁爲所養卒婦

楊升庵謂說燕節武臣
者他卒不足以當之

邯鄲有才人羣卉秀孤芳生本良家子少小自矜莊十歲
讀詩書十二織流黃十三擲錦瑟多坐學鳳凰亂離失金
屋娟麗畧散亡趙女入趙宮十四掩空房成徒掌封建六

國互侵擾燕趙均新造唇齒自摧傷武臣遭繫虜舉國解
忠良所卒起陳賤奮袂畫策長二賢蓄權詭陽求陰欲成
與其抱空質毋寧與廢邦抵掌燕臺下一說返舊王歸來
仍爲御意氣何揚揚英風先漢楚妙笑壓陳張陳修實

傾府庫寶玉溢篋箱富與共富貴豈敢愛霓裳君王謂才
人此卒異尋常混身牧圉間雄辨儀秦強無以酬厚勲子
其爲我行新妝簌羽翠瓊館鎖鶯鶯淑女配君子貴賤兩
相忘所卒問才人出處幸見詳才人前致詞尊坐聽行藏
生本良家子少小自矜莊十歲讀黃十三彈
錦瑟吹笙學鳳凰趙女入趙宮十四掩空房我王身陷虜
舉國俱皇皇公說行燕邸舊主返故疆無以報厚勲巾櫛
促妾行危常爲君死恩當爲君償一日君臣義百年夫婦
網生死君恩重白首永相將

過昭君里擬明妃前曲

之子何清姝家近易水濱生本良家子華作漢官人咫尺
紅日遠長門閉青春自負女中俠不與魚貫倫冠龍皆工
媚矜貴難致身一朝天子召疑承恩露新奈何垂五餌舉
朝主和親名字行千里眷戀枉經句辭關光生殿去官恨
空羣却憐畫工枉繪形難繪神紅顏多薄命許國心乃純
月明南天雁日暮塞北雲昭君乎昭君可堪沙白霜苦驚
戰慄夜半邊聲風四起往事新歡俱莫陳檀槽哀絃彈清
怨中有離情不可聞此外安邊無餘策多少懸牙建蘇臣

漫題石堂禪室

古今本摩耶百歲何倉草智術長憂虞一往催衰老餘霞
散黃昏金鑪叫清曉鍊形乃癡貪勞心思蓬島幾石煮雲
英顏色終枯槁但領靜中要澄心如月皎元氣滋榮衛無
憂卽佼好晉楚非蝸角曠觀齊大小螻蟻與侯王所成各
了了釋家過去踪跡虛如掃打破大影泡快樂悔不早
一十三萬年天地難自保

聊園詩畧

卷二

古

聊園詩畧前集卷三

七言古

擬明妃後曲

建美出易林

漢宮佳人清且婉出殿光華四射遠洗粧一醉漢宮春暮
登香雲雙鳳總遶隨漢節度燕然義帳烟籠鼠鬬煖一曲
琵琶醉單于酥酪光浮琥珀盃不須譯使翻鳴笳自有慈
心通連塞泉甘水冽綠草豐平林觀獵絲韁緩龍笛驚
按部還春郊試馬紅沙軟繡幃文犀懸辟塵爲有諸王擁
玉釐自昔辭掖庭六宮無顏色可憐絕代姿一失難再得
有笑不傾城有色不傾國但令邊國安妾身何足惜得君
無妍媸失意無南北長門諸貴嬪望幸頭已白

聊園詩畧

卷三

七言古

暴雨

西南雲起風聲惡黑霧如山摧城脚滂沱乾坤忽價飛
電掣電相激薄雨斜注地如決駑鴻懷一氣若啓蘆沉沉
迅雷殿不止陡爾暴靈克欲搏驪騰萬馬帶甲行喘息晚
潮挾風落頃刻畎澮大川平活活流水如急柝大風驟轉
雲如掃一輪紅日流飛燭

地震紀異

戊申歲未日乙酉方儀決裂驚暗吼滂沱乾坤誰抑掄欬
震滄溟覆星斗號如殿雷起天門直走東南海水翻倒
數峯平埋谷安問城堞臺與垣恍如身在危船怒濤走其
下又疑萬隊伏兵齊鳴赴敵鼓泉湧敗井相噴薄風雲

木五撐柱孟家樓閣與雲連柳棟折盡壓焉孟氏居焉
墟里老人挾紙筆册報傷亡亦可憐造化樞機秘難猜
古云惟德天可回九重勤下竭卹詔變理還須問鹽梅

田家行

紅女擷芳桑沃若川浮春蟻柔條落開說亞旅滿疆原臂
罷行机儘夏穫夏農隔陌漫呼羣雉伏鵠立雁序分曲鉅
近風耘綠水扁廂和日捲黃雲貪聲嘈嘈日卓午草笠蒙
茸飛熱雨待倩薄霧生微涼野歌掉臂不知苦水蕨雪梨
金巨羅輕紉素腕影婆娑尙嫌無風驅溽暑汗洒焦壤可
奈何

立春日奉答連克昌人口之作

聊園詩畧 卷三 七言古

帝城春日飛輕雪小院梅花開更歇擬將雪金錢寫春愁
東顧和愁轉欲結熒熒青燈照旅人異地驚花不是春十
生爲玉三朝楚季子何書十上秦十年饑走長安道落落
賺得風塵飽篋底剩有治安編曾中原無封禪草故人意
氣壓青雲錦綬雙疊紺雪紋氣噓春叢凋綠葉嚙進玉屑
落紛紛君不聞杜陵老少年還須致君登漢朝休儒善資
身執戟空倚金門笑君不見東園公紫芝食盡名始通若
使執鞭能求富也應有文可送窮

薛城歌

薛公巡秦飢欲顛門下食客腹便便食如巨壑飲吸川曳
裾齊頌主人賢雞鳴狗盜客三千曾無一士重諸田長飲

高歌市義還只因君祿懷君權魏使一去幾千年宗廟已
墟祭器遷一片殘闌夕陽遶寒烟斷續荆棘連雍門微吟
涕泗漣於今惟餘破窟傳信陵公子致翩翩約車欲死節
卿前竊符救趙暫時專功高五霸心歇然借令馮子相後
先可與夷門作御旋毛公未許爲執鞭

戲馬臺

白門城外秋風裏黃茅山下赤光起砌玉金鞭百寶鞍驚
龍繡櫺五花旗臺下烏騅驚飛電臺上楚姬爭却扇拔地
劈空上世鬼美人齊進洗塵盃忽聞會兵灘水渙夜半埃
前血戰回離筵摧壯懷泣下更悲歌虞兮奈若何酸風射
金羅那堪提劍遠帳細聽楚聲多

聊園詩畧

卷三

三

彭門

戲馬臺臨試劍石黃茅崗對黃樓春鳴鶴仙已其楚聲遠
青山猶作漢時碧日月相推人自老洪波滾滾無今昔

讀李供奉集

秋露清春花穠金鏤新溢玉芙蓉滂沱元會何終始乾坤
無根似懸蓬偶然遊思八極表却恠彈丸是化工瑤池借
得青鸞羽雙結翠葆驂飛龍回頭笑問丹丘子先到蓬萊
第幾峯東過扶桑折若華饑餐元氣飲流霞手扶雲漢銀
河瀉更煉補天五色堊天爲宇海作戶舉手捫天與天語
脫劍舞風亂星芒振筆撥雲明月吐清歌激楚斜陽暮珠
璣啼迸瀟湘雨贏得才名與世長遶爭人間三尺組姑孰

城外片石青欲迫此風風已古

春草

督亢繡野連千里
堆畔雪消麥初起
燒痕過雨出嬌青
花嫩質如聚蟻雙
龍欲化斗星文
白水中心流野逕
分征鞭遙指汝陽
樹驕尾猶拖代北
雲開道故園新雨
足池塘芳草曉尤
綠陌頭柳色濃於
染村口花明錦如
簇射策金門初轉
驂北溟有風好苗
南夢裏春醅鄉社
近回首雲山幾處
嵐

同舫翁訪石堂禪師

滿天風雨重陽近
門掩青山泉石潤
山中雲榻倚空懸
山外紅塵隔俗分
紅塵遮莫迷古今
悠悠一片白雲心
療貧

聯園詩集

卷三 七言古

四

賤賣梁園賦
詩俗翻成祇樹吟
祇樹孤秋陰薄
芙蓉露重凋紅萼
偶從微夢開清梵
漫焚薜蘿掛松壑
松壑流水穿雲流
却似德星聚頴丘
七十二峯皆劇峭
懸崖撒手敢輕投

石堂篇

石堂堂外秋雲繞
石堂石上秋風掃
新月過山窺石堂
石堂之水凝清光
簇簇烟霞如錦帳
綠峯面面森相向
何處老宿講法華
闍然清磬出松丫
松風嵐氣相駘蕩
心傳一燈徹凡障
空花妙彩金光含
過雨青蓮幻優曇
手種優曇親見果
山中三才天地我
我去我來時問訊
天地無言難憑信
急須賣印買芒鞋
石堂深處待心齋
心齋三千日

登石堂復入室門外
望塵轉奔實石堂
開後乾坤劃爭起
吁嗟乎石堂堂
堂隔蒼雲到處山
靈總能文借君九
曲寒塘渡一潭人
間熱中之沉疴

四德嘉禾篇

禾黍五十韻
先應張南溪集

玉燭長調金甌圓
和風甘雨際堯天

天子勤民清蹕傳
龍旂蕩漾開閭閻
公卿力穡歌大田
農安畝畝盡胼胝
胼胝祝歲望不愆
太史類書大有年
東國有賴膏澤偏
嘉實合穎迎風懸
穗程覆雲阡陌連
一本四穗寶粒駢
春陵佳氣鬱芊芊
漁陽麥秀猶芟芟
社鼓逢逢報賽虔
婦子盈車聲歡闌
天和穰穰萃齊川
穎粟懸黃好且堅
父老驚傳聞見鮮
食德應知開府賢
公言

聯園詩集

卷三 七言古

五

天貺予敢專封製飛章奏

御前

帝曰都哉神麻縣
三時無害歲功全

廟登饗實豆遵緣
若珠璣香於荃
椒芬式燕肆几筵
羣工醉飽舞仙仙
太倉紅積歲十千
扶杖欣開租賦蠲
桑柘夜月大安眠
金土同價米三錢
東極扶桑西虞淵
南盡交趾北燕然
亘古莫盛此幅輿
華表鼓腹便便盛
世繼文聲教重
澤源湧積素風
邇里巷雍睦無輕
儼窮販處處有歌
絃太和洋溢滿八
埏四民樂利業不
遷天降慶雲地隴
泉五星順軌安度
慶瑞麟奇木貢聯
翺治化真秋漢唐
先義農虞夏堪比
肩帝豐履豫樂無
邊持盈保泰

有秘詮藉手願

獻治安編

放歌行

承平日久不知兵章句儒生漫得名忽聞鼙鼓思將帥空
嗟書劍兩無成潦倒歲月時將暮放歌游行行復住回頭
灞上黃塵惡微徽旌旗寒月度寒月度鏡歌揚將軍號令
肅秋霜飛騎醉摩敵壘下列妓徵歌血戰場戰血乾社醅
熟何當賣劍買春憤北窓一枕羲皇夢檻外瀟瀟雨打竹

聊園詩畧

卷三 七言古

六

聊園詩畧前集卷四

七言律

雲亭山夜讀書

駐蹕遺墟汶水湄堂空人杳月沉時燈分漢影龍蛇動劍
拂霜華星斗垂海岳窮經探隱奧前書閱世嘆精奇鵲談
寂寞虛窓冷雁字徒傳碧落碑

雲亭懷古

汶水西流無盡時幾朝封禪到今茲金函泰岱迷秦篆玉
檢雲亭有宋碑輯瑞燔柴元古禮求仙秘祝又何爲探巖
焚却長卿草高卧惟吟梁父詞

落花六首

聊園詩畧

卷四 七言律

一

鶯語關關柳綠芳菲次第入眸空栖遲巧趁鳩聲雨避
迨爲綠蝶翅風檀暈雙殘忘舊態彩雲孤映隱新紅先凋
幸及春融候不與寒梅競異同

其二

幾番花信逼春徂春色殉春望欲無輕逐香塵清露重軟
辭芳樹暖烟扶洗粧懶作修眉嬾嘉趣寧懷短馭吁爲採
明珠零翠羽綠華憔悴紫雲癡

其三

榮謝同沾雨露思非關春信通江村香雲已入襄臺夢深
賦誰招漢浦魂墜月無聲空度影粘苔有艷尙留痕悴容
猶恐封夷妬倚徒迴欄深閉門

其四

赤霞零亂照春山，過隙春陰追不還。
蘭省有羹烏白髮，長門無賦駐紅顏。
處囊終與三千伍，絕影遙空十二閑。
留取餘香歸造化，懶從登比照人間。
登比女照人有尤

其五

遲日圓林景正妍，殘紅帶綠殿春還。
乍陰乍霽梨花雨，輕暖輕寒楊柳烟。
悴色猶存香未遠，芳魂欲斷夢相牽。
臨風不用增惆悵，三熟滄桑幾變遷。

其六

寶祿綵樓飛燕粧，凌風誰挽欲仙裳。
勾眉不爲新歡斂，掠竹還增晚節香。
暫卧烟霞成出處，偶然頻笑亦文章。
君思

其七

難恃紅顏減得意，漫矜舞袖長。

平山堂

離宮落莫梵音清，石棧梯空一綫橫。
板渚蒹葭霜凋悴，柳雷塘夜雨鎖荒城。
重翻玉樹今風景，猶印金樞古月明。
羅綺何能當一炬，江都好夢幾時成。

金陵

六代風流去不還，繁華猶是舊河山。
倚天王氣千秋迴，限地長江萬里環。
鐘阜東來金作壘，石城西峙玉爲關。
青谿楊柳今如許，白下笙歌未解閒。

紫荊山

鍾山東走佩江湖，瓜轉迴龍取勢遙。
一帶星峰隨伏起，千

年王氣尙招搖，傳時久閉三官女。
典守猶存八座貂，御水明樓俱寂寞。
獨尋樵叟話前朝。

又

萬頃杉松掠翠鬟，綠垣鴛瓦總欄斑。
長江遠帶從龍水，金井深連卧虎山。
猶有玉衣颺匣外，幸無梁梔到人間。
年來朝典隆禋祀，象設何庸更苦顏。

有感

夜深天籟本無聲，偶爾風波激不平。
因誤成非捐甌走積勞，生怨泛輶鳴魚藏。
星霧終難蔽鼠覆，銀缸轉自驚何似忘机，稱了悟長空雲淨水虛明。

江寧偶成

有客有客滯南都，歸與歲欲徂。
壯懷遯莫凌牛斗，旅夢猶然遯越吳。
對酒何嘗少花鳥，歸思各自有尊醕。
俯昔番老仍彈劍，豪氣元龍近已無。

除日

乾坤無柰忽羈身，異地俄驚換歲頻。
委巷紅粧懸綵勝，高門綠字報宜春。
虛翻新曆尋歸日，實畏殘書謝路人。
客興已同時序改，可堪椒酒強自親。

元旦

舊歲燕山行玉盤，今年柏酒醉江干。
孤踪動輒三千里，半世曾無一日安。
雲霽南天春已麗，風高北地氣猶寒。
何當便理淮陰棹，故園梅花開未殘。

元宵

江南風景春增麗
羈客眉頭暖未舒
凌厲月星窺旅夢
迷離花柳媚窮居
草黃久羨吳興棹
接浙猶慚門下車
良夜迢迢人盡醉
挑燈起坐自翻書

十六日

春到客邊感易增
吳宮廢礎入荒塵
浮沉若夢忘機臥
歲序如流拊髀興
月上東陵初見魄
花明西冶欲收燈
非無斗酒消長夜
愁對銀河低玉繩

閒步

接離倒挂側披襟
散步郊園藉綠陰
雨後蜻蜓春翅軟
風前簾幕翠痕深
提壺有鳥爭催酒
流水無心欲入琴
浩蕩餘光餘逸興
好攜童稚恣幽尋

村居

架有詩書可潤身
圓儲魚鳥豈爲貧
蔓瓜經雨荒難剪
熟果無風落自頻
新蘭未纈旋向市
嘉禾綽入半歸人
閑中事業雖堪酒
山外浮雲懶問津

又

初結圓梅青點點
已殘榆莢白紛紛
新虹忽斷飛來雨
細電還藏欲去雲
歲兆西成欣有望
老分南畝任無聞
間移竹榻風軒下
坐近花欄手自耘

又

新成小橋接清溪
野卉無名草徑分
蝶扇微風沐花氣
魚

吹細浪汎漪紋
峯巒近海朝懸雨
松檜當隱夜山雲
散步惟同田父語
時將村酒慰慙慙

元宵宗公招飲樓上

九華連炬放南山
金鳳銀蛾各一班
柑宴花燈輝上界
虹橋笑語落人間
星流萬點移紅萼
鰲峙雙峯照綠鬟
今夜廣陵風月滿
沸天絲管醉春閒

又

傳柑簾幙瑞烟籠
雲母屏開暖玉叢
舞袖繽紛凝素月
歌喉宛轉度輕風
蟾蜍光吐艷青天
白燭影流霞綠樹紅
珍重春陰頻盡醉
還將樂只頌元公

壽大宗公朝宸太傅

耶蘭壽

卷四 七言律

五

遙遊緬麟發聖祥
玉虹衣德賴君彰
雙貉猶隱雙龍氣
五福全歸五老堂
升階收客浴治道
青宮側席論文章
祝公不羨三洲遠
尼岫高高泗水長

恭賀 宗公 太夫人 封誥

周人愛咏公之子
漢帝喜稱聖者孫
吾道不隨元會盡
斯文長與日星存
潔如秋露三千載
藹若春和六十門
共慶仙源雲氣重
任姜齊拜鳳綸溫

泰山十八景

按岱史八景曰岱廟朝雲祖徕夕照明堂松栝秀漢柏凌寒其輕重去取微須審定居岱

既久不遜岱廟取其二益以十二共成十八景繫之以詩州人士競屬和焉增入州誌其龍洞甘露義同岱雲應陰秋稼未詳處所姑闕以俟後之君子審焉

其一 俗名對景

俗宗之上水潺湲晚霧潛通滄海灣爲蒼生霖雨望不
教溪谷懶雲開千峯欲動神生象萬壑忽平山收顏待得
寶瑤優渥後肯留浮影滯人間

其二 俗名對景

徂徠佳氣鬱蒼蒼岳平臨主客雄雨過山容清若沐霞
明谷口炯如虹雲定合全身隱近日翻成半壁紅迴暮
莫須生感慨桑榆猶自勝方中

其三 野堂春柳

明堂何許佔東偏開自成月明數遍簾簾遺聲空鳥語翠
華馳道但荒煙觀光獄牧猶稽顙下殿天王乃射肩興廢
事關詩畧 卷四 七言律 六

於今成底事春深柳柳護鳴泉

其四 汶陽秋稼

汶陽渡口晚煙浮齊魯遺封縱目收官道都亭通水澳平
原禾黍上山陬滄桑未變人非古天地無心水自流禹稷
獨勤飢渴志蒸民萬世仰先疇

其五 日觀望洋

望海樓高積霧重扶桑一氣水溶溶欲從午夜迎紅日撫
得連宵枕碧峯義馭湧波光可多蓬瀛在眼邈難從微茫
尺寸成千里遶莫激空走爛龍

其六 龍池泉瀑

白龍池上瀑雙連雪浪崩奔騰遠天雷過晴空兼歡助江

飛斷澗和風懸銀河倒影珠璣爛仙掌高華瀝露圓雨後
遙看嵐氣重流光一縷縹輕烟

其七 石塢松濤

石塢積松萬頃陰盤紆一逕人尋霓凌晨海霧平青澗半
夜江湖落碧岑嶮刺陽崖藏藥圃涼濃幽洞有鳴琴斑文
溜南貞心古金馬銅駝久陸沉

其八 竹林雨

竹林深處碧山重峽口全憑宿霧封雲過微開巖下寺雨
來忽夫澗前峯風飄嵐氣衝書悅泉挾松濤落苑鐘草樹
摩挲橫烟動縹緲雲物與春容

其九 微來晴雪

雨子孤峯積雪高峻峭幽壑長銀濤千岩凍羽翻饒鶻十
里晴郊縱獵焚劍戟倚天光的燦畫屏張野影颼颼前村
若有真安道定對寒溪起鬱陶

其十 吳門雜馬

夫子岩前紫氣騰聖賢同此躋雲登天光浩蕩金甌小秋
色蒼茫玉宇澄江上虛明綵是練吳門浮動馬如蛇於今
杖屨迷塵逕堂有層階誰解升

十一 香湖鳴泉別安定後書潤石介侍立石

投書古澗抱山斜風雨十年不問家函丈高賢德星聚天
邊剌啤紫雲遶開襟汝泗流琴操放眼尼防滿杏花侍立
還踪卷石上鳴泉冷冷出烟霞

十二 竹溪霜月

泰岳南臨東海西徂徠別谷寄高樓謫仙何術能馴鳥巢
父由來善樂機茅屋微霜凋落木清宵明月滿寒溪只今
蒼竹倚倚盛六逸風流未可齊

十三 飛仙幻影

神似篙工形是船形神之外見先天早知到岸終辭去不
着檣帆片影懸自有歸無渾入道山虛得實意非玄願言
飲氣餐霞者試上西峯一問仙

十四 摩空書字

八分唐世推韓蔡挾筆憑虛紀勝遊枝脚峻峻連石瘦骨
鋒圓硬入雲道捫天鵲字龍蛇動蕪海書空烟霧流摹勒
耶園詩畧 卷四 七言律 人

猶堪藥鼎配無文秦碣莫漫求

十五 秦松隱霧

三觀危峯穿霧斷五松浮影墮雲涼虬枝翠局龍搖動銅
幹橙杆石髮蒼秦帝繞廷巡七百大夫免冠謝風霜合無
封爵還追覆有爾兒孫長侍陽

十六 漢柏葉集

陰森古木苑山隈武帝東巡勅使裁假蓋遙通雲漢影結
根元自栢梁臺雙叢欹欹流寒霧十月殷殷隱迅雷疑是
靈光神鬼聚濃香翳勃拂空來

十七 未觀天書

七十二君遠莫論宋家三世事柴燔冥搜只許親臣共秘

錄難憑信史存封祀壇墳宿有象行生天地久無言金函
玉簡空溷沒神語何從問帝孫

十八 陰洞潛水

陰崖挂地積水生六月猶存玉一莖開盡流波成砥柱稔
經炎世始堅貞寒光迸落千峰靜暑氣全消五夜明開道
凌人掌鑒鑑節宜愆伏見裁成

遊官山同新泰項尉夜過牛處士莊

官山即古新甫一名蓮花山九

漢帝離宮臺太清蓮花萬丈發奇榮敢稱華注為孫子遂
與天孫作弟兄瀑斷危巖分積翠雲連幽洞隱虛明招携
幸有梅仙尉同步東陵訪邵平

耶園詩畧

卷四 七言律

年

遊靈巖行

靈巖行時游脫天成
未到名山意早萌今來不復計歸程巍巍在象雲邊臥隱
隱靈獅天際行洞外烟霞能結癖林中鹿鶴解要盟漫言
三島皆虛幻瓢裏乾坤即境成

送朱石公太守入京

丰標孤潔氣如醇道義交情久更親三觀峯高君作主五
松陰冷我為隣飛空金紫加黃霸夾道謳歌借寇恂聞說
太山餘惠政循良猶自有傳人

題韓寧子詩卷後

心期古處真癡相手把君詩起悵吁看破浮雲無富貴稔
知斯道有憂虞生耽意氣黃金賤飽歷風霜白眼孤但得

簾飄能自樂，舉藝集許郎。吾徒

釣泉

秦嶽之陰，萃秀多靈泉。裂地出飛波，三株珠樹搖秦觀。一
派瓊瀾入淙河，發脉原來通海穴。騰光直欲透雲窩，最宜
明月清秋夜。獨把綸竿老一簑。

汎明湖賞蓮

新荷獵獵試歌航，玉盃調水沁脾涼。嫋嫋茶烟浮短棹，盈
盈花氣入流觴。紅粧映日飛空艷，紺蓋搖風過水香。醉裏
不知花港盡，渾疑一夢到瀟湘。

又

柳滿長堤荷滿塘，芙蓉面面簇新妝。麝含曉露驚心蕊，羞

柳園詩畧

卷四 七言律

十

弄輕風，透體香。靜欲發波眠，夜月嬌。思出水閣，朝陽忽逢
急雨連珠碎，雲過浮陰匝地涼。

向孫西山宋敬止王朴公廣文泛湖

明湖五月水雲和，十里荷花足棹歌。北極浮烟搖落河
山積翠隱青螺，歷亭結構今增麗。名士標題古遜多，惟許
鄭虔同載酒，奚囊小艇帶香過。

荷門雜咏

篇落遺規久，莫論神京氣象古。今尊滿毫珠玉輝，三篇泥
亦幾繇列萬屯。背倚層山連地軸，南臨瀚海見天根。殊方
金葉來重譯，繹絡車塵接荷門。

帝城風物最芳菲，咫尺威顏望不違。村近杜葦紅日麗，

隣冠蓋翠華飛。肆羅珠璣輝天市，錦沸笙歌徹太微。聞道
樂與臨上苑，紅光一派滿京畿。

紅雲隱現明光，連綠水迴環。落行交馳，道花嬌迎玉仗。
繡堤柳媚動龍旂，地連複閣紅霓繞。人在瓊樓翡翠巢，寶
馬嘶嘶遊天少。春風驟落，鑊金鞘。

蓮葉乍飄，鬱蒼蒼。紅賦綠波，漲御墻。花市燒燈，星有並西
河。聞錦霧生香，風寒袖。憶對珠燦雲掩，湘簾新月。藏良長
輕黃春飲半時，因折柳過平康。

上和早朝

霞明春殿柳初舒，身入駕行紫氣扶。花露將晞沾玉珮，香
烟欲裊鑲金樞。文擗鳳簾聆溫語，色舞龍光仰睿模。仙樂

柳園詩畧

卷四 七言律

士

遙聞天際落侍臣，擬進萬年圖。

高念東先生讀泰山詩有贈

天門極目影岩巖，喜向文通夢裡描。詞客登臨宜作賦，
諸生賸濟更聞韶。金闕史筆知相待，玉帛仙人豈見招。
東望蓬萊眉睫近，筆端雲氣已飄飄。

蒲川高 珩題

聊園詩畧前集卷五

五言律

泰山

二氣積高厚神山盡太清俯疑摧地軸仰恐碍天行雲窟
蛟龍蟠風障雷電生自從分四象極力鎮平成

又 轉確共高梁父更連
夫子自衛反席之歌

泰山何鬱確元化力無邊嶂嶂過天隘盤根歷地偏東溟
倒影入北斗借峯懸拱揖嵩華上穆然太古先

登岱遇雨

泰嶽風候異四序有奇觀稔見陽春雪未聞伏暑寒陰雲
失林麓紅日麗峯巒游日青霄上滄桑瞬息看

聊園詩畧 卷五 五言律

重建岱頂聖廟同吳舫翁隱君相宅

凌晨登日觀缺馬憶吳門遺址層雲護荒祠斷碣存探奇
隨哲彥卜吉問天孫共願千秋后智慧知所尊

送舫翁之太平寨 吳說黃冠

之子南陵去天風送遠行拓弦俄鳴叫彈缺能鳴放眼
三洲近高怀五嶽平陰符姑賀酒爛醉莫談兵

聞舫翁著書采石憶舊游有作一日登日觀峯舫翁
山眠也 附石上箋謂余日五

高枕泰山眠也

每憶黃冠隱真同魯仲連俯窺東海日高枕太山眠龜息
五龍秘鶴聯雙鳳驚謫仙樓上月著作定堪傳

村居二首

為使泉石性長嘯竹林間花落疎村靜鳥啼白苔閒
盈細柳溪翠染春山沂舞今猶在古風追可還

又

築依郭郭疎鐘障素軒溪聲清入夢山色翠臨門歷亂
禽啼樹蒼茫雨過村客來無顯貴雞黍暫開樽

田父

老農無雜業日晏落柴扉閒課雨淺淺旋觀牛瘠肥開雲
樵曲和和露製荷衣偶過隣家飲頓忘石與歸

秋夜

愛此清秋夜移床坐竹蹊流星驚定鳥明月誤背雞露重
呼新茗燈殘檢舊題有懷欲獨磨銀漢絡窓低

聊園詩畧 卷五 五言律

早行

夢裏催歸鳥殷勤勸客還明星初戒曉殘月尙留山墜露
沾清興回風欺悴顏迢迢村青曖曖悵望似鄉關

又

曉起乘朝爽驅車復問津輕風蘇曉夢暗露戒前塵月導
荒谿路雞催古店晨相逢莫問訊半是利名人

晚行

行邁輪蹄鳥羣棲噪晚曛晴山明遠電新月印清演蛛網
懸秋露雁聲下暮雲烟波迷遠望惆悵念榆枌

又

倦馬晚駸駸懷人隔遠岑悠悠明月感戚戚暮雲心未落

山容瘦霜嚴水氣沉烟漲聞犬吠燈火逗疎林

舟行

解鞅淮陰道揚帆石渡陂舵鳴驚瀨險岸轉識舟移魂夢
秋風度相思明月知倦懷三徑菊客與宛凄其

又

歸夢虛難繫軟如馬脫銜迴風遲短棹驟雨落輕帆悵望
極洲浦依樓傍翠巖游人傷薄暮清淚點春衫

暑行

風擬南薰盛日行北陸偏陽窮陰晦道金伏火當植塵沒
千年道雲收萬里天却思松澗外高枕聽流泉

又

東園詩集

卷五 五言律

三

行邁遠殘暑炎威尚蒸騰蟬鳴深樹黯日射亂塵紅策馬
追浮翳開襟受好風猶餘泉石興不與熱中同

早發武城

夜起凌寒渡徘徊悵路岐風嚴山欲動霧重馬爲遲避月
星微明近霜烏暗移不知賜谷馭何事久猶夷

題虹橋園子

小樓依綠渚朱檻望晴空竹蔭殘荷岸虹生疎柳叢黃花
開曉露白雁唳秋風十里笙歌滿誰憐隋故宮

題承恩寺因寄問都門舊知

旅况清如水怀人落月虛一身千里外百感五更餘夜發
江南夢幾城南北書意長言不盡動定問雙魚

送王次沂歸深陽

抗懷思古處何事老風塵利合餘同調素交難久親黃金
增氣色青眼情精神歸卧深陽月悠悠行路人

閒愁

愁城攻不破百慮正紛拏金柅一身繫觸藩諸事差小眠
驚醒夢失意怨鳴鴉橫江滄賦班荆刺錦花

登堽嶂樓賦得秋色老梧桐

東池古跡

登樓懷小謝秋色有無中淡淡浮雲影蕭蕭過雁風疎枝
含露白密葉中霜紅倚徙東池上曠懷今古同

東阿道上

小憩旗亭近過溪春水消桃花芬驛路楊柳護官橋野色

東園詩集

卷五 五言律

四

隨輪轉遊絲牽轡遙前村新雨足彌望綠迢迢

天津楊樓

雲漢忽西折天國集萬艘舟啣江上水帆引海門風民力
誠堪念軍儲未應空東南勤輓運慘郵制宸衷

河西務

曲堤連古戍遙聽吳歌野曠遶聲起風高牧馬過近京
紅日麗傍塞白沙多久客無歸計房蘇奈夢何

壽茶縣令

最愛風流宰鳴琴復種花綬紵通雨露桃李燦雲霞調鶴
移公案裁詩罷晚衙漫言起推迅勾漏有丹砂

肥城海棠

爲愛金牛曲家家足海棠水澈澄夕霽雲錦艷朝陽帶雨
春曉曉迎風夜有光虛牕塵事遠心靜得奇香

其二

東風遊冶地細雨養花天嫩蕊輕烟放清香滌露傳精神
含玉潤情性發春妍紺雪成佳咏就眠錦瑟邊

其三

族光賜視日居
讀出宋玉賦

國色由來重幽香祇自知嫉光流雪艷極量低風垂彼美
情何似余懷蕩不怕最憐妃子醉含怨送春遲

其四

星槎隨漢使毓秀自河源錦幃行雲暖明璫壓露繁湯胎
如有贈蘿藉但無言只合金園野未應車馬喧

聊園詩畧

卷五

五言律

五

其五

羣卉紛爭麗淺濺映幙紅海棠修且潔含笑立春風習習
烟開葉落落月滿叢芳情莫爛熳留取供詩筒

丙辰下第時值西征出師

累書出帝京風雨送孤征花老紅辭樹柳深青近城兵
符分隴右官錦下承明投筆非吾事儒冠誤此生

聊園詩畧前集卷六

七言絕句

新柳

朱樓細柳綠烟垂剪剪柔風着意吹忽啓珠簾出纖手不
知攀折爲阿誰

爲拂水紋玉蘭光一絨封濕到漁陽灞陵驛道黃塵裏嫩
柳烟絲間綠楊

秋柳

謾道秋溪風雨頻清宵露重也傷神千金莫買長門賦餘
韵依依尙可人

寶馬嘶風戍未歸泰娘憔悴不勝衣清霜涼月聞寒杵帶

聊園詩畧

卷六

七言絕句

一

比青春減一圍

金陵二十首

桃葉渡江不用楫江風冷冷吹桃葉何人盤樂待行雲烟
水茫茫聞響屨

灩澦明湖嚙石城朝雲已散晚烟生莫愁遊後愁還劇空
向綺羅浪乞名

相逢不用更談心但聽曲中龍鳳吟一自梅花三弄後人
間久絕廣陵琴

斷劍沈戈濯玉鯨華陽放馬久銷兵夜來波溢寒財水一
派浮光爭月明

青谿楊柳青如莎柳外紅樓沉素波舊院名姝今白首女

郎從乞步虛歌

雲飛江面寒水結雪壓層巒嵐氣滅爲解金龜買濁醪早

梅已應傳柑節

翠嶽屏開積雪凝遠來擬往未成登徑荒莫辜遊山妓恐

有金人泣茂陵

襟帶長江古剎開天風吹浪海門來遊人競問西城路爲

拜靈根千歲梅

古剎寺梅千歲有拜梅軒

雨鎖寒江海暮昏林樾烟抹淨無痕朝來霽日明松雪一

朶芙蓉照白門

風送江雲迷曉月日排宿霧退朝嵐華林園畔臺城柳酌

冰觴賓興亦酣

聊園詩集

卷六 七言絕句

二

白鷺雙飛白鷺洲輕帆柔櫓漾中流時平莫問龍驤舫萬

里商航繫上游

風摧蘆荻帶霜乾雪浣青螺遠黛殘却憶陵陽明月夜中

流放艇一翥竿

石城秋色滿寒汀雁宿殘霞凋玉翎天地浮雲雙鬢晴江

湖夜雨一燈青

燕子磯邊絃管繁松風帆影蔭清樽不知客久歸思冷翻

羨來多釣石溫

長千古道接崇崗水落寒塘黯白蘋醉過冶城歌舞地相

逢猶是採珠人

秋風西度秣陵關秋浦白雲客閒揮扇渡頭凋白羽穿

劉機上梓紅顏

絮光風散香芬復法雨舌懸花簌簌士女爭尋祇樹園傳

經孰與宵行燭

日射紅樓欲有痕青谿綠透雨花村臺荒莫問金陵酒憑

吊猶傷望古魂

西冶烟濃春草生後庭歌舞久無聲盈盈夜照秦淮水惟

有東山古月明

風墮寒雲凍不開雪花如掌壓江梅歸來却訝虛舟重爲

載秣陵烟景回

淞梁十詠

萬山星拱帝城重江北淮南天地衝一自柏潭濯纓後幾

聊園詩集

卷六 七言絕句

三

多熊虎起從龍

鳳城宮闕煥龍彪雲滿中天五色浮古道斜陽西引頌離

離禾黍見宗周

誰向湖心識異雲更從牛斗辨星分再傳已失上侯表隔

代猶存鐵册軍

雙笏未卜命先癡烏降欣逢止泣僧北倚烟雲皇覺寺西

來風雨泗州陵

帶礪河山錯繡連君臣相保兩無慙欲從杯酒收兵柄徧

賜臨濠養老田

爲憐信國老臨濠白髮歛歛語舊勞寧罷殿前宣賜綺更

因營洛見功高

隱居原

異火飛空兆梓枌偶因同井見推分兩家世典山陵令一飯難忘義惠君

揚雄已盡傲霜柯登道橫張取烏羅翁仲曾無金狄淚可堪荆棘蔚銅駝

開天風氣似西京翔業於身見太平燕子荒磯新築館尤梁舊戍近抽兵

麥秀殷墟汨滿裳西風殘照慨興亡驅車遠向隋堤去莫過鐘離古帝鄉

有懷田園二十首

西郭先生骨相清柴門跋履看新晴風飄弱燕參差起雨咽鳴蟬斷續聲

聊園詩集 卷六 七言絕句

生因性癖結幽遐不過南隣卽北家凌鍊時人惟酒政高談竟日但桑麻

乾熬醞釀強名酒露剪竹枝也當茶市遠庖厨兼味少微君莫笑野人家

牙籌會計我無能深坐忘機似老僧虛癡拓放墮哀雁莫須奮劍逐流蜚

雨過鳩鳴四月天山村處處脫新蟬閒巡瓜圃誅荒蔓更把筠籠摘小鮮

農務村村不後時疎畦細隴綠參差時開布穀來催種旋有紅裙喚絡絲

閒來散步歷林樾長纒能勝簪冠異鳥輕呼皆就掌菓

須飛彈走金丸

濃槐如幕柳陰連雲外新虹綃遠天雨歛遊塵風日靜青垂樹樹和絲懸

手把長竿上小鱸得魚沽酒呼鄰翁夜來舒膝成酣睡晨起日痕蒸壁紅

閒圍燭處惜人情誰遣梅花撲鼻清無賴春風揭書亂顛狂芳草入庭生

新霽園林意興清轆轤高挂小梁平妖淫紅棣風前尊紫詔青蛙雨後聲

堂前小檜漸離奇門外柔槐煤種立學圃十年真有得巧移香襟接新枝

聊園詩集 卷六 七言絕句

小麥初黃大麥枯葵羹藕飯餉農夫兒童不解綢繆苦更上危巢探弱雛

一灣積水遶村流不忝交風綠浪浮日暮老農良太苦肩犁呼犢更驅牛

年來課木長新叢桑葉黃時諸務茸雲徑砍松開積翠風圓打東落殷紅

暖暖桑榆返照明農家望氣識朝晴任昨良已酬錢去得食雞豚漸入棚

晴雪平郊雉兔肥下拳鷹隼掣耕飛農家老馬追生懶短棍長豎也合圍

蕭散荒疎不出村間黍魚禾課兒孫官糧既畢完私負圃

帽青衣不到門

曉有清酺俎有芹安排歲事待鈞金媒姻折簡來粉社拈
取連宵酒病深

園中

雨過園林綠欲齊幾區花畝間香齋枯樺不動春苔滿黃
蝶飄飄徧紫畦

園中

東壁無雲紫氣迎韶音一派奏中天蓬萊有路何山到月
底河山清影懸

又

薄縣曲竹小燈籠鼻鼻紫風一寸紅燭盡三條春夜曉數

柳園詩集

卷六 七言絕句

六

聲遶號陣雲中

舟中

秋來何處最銷魂婉婉漁歌石淺村極目烟波迷遠望一
江風雨近黃昏

雨花臺晚眺

雨花臺畔祠堂前九曲龍城萬井烟雲外三山邛落照江
帆一片倚空懸

金陵卜寓

金陵城外轉輕帆儀鳳樓頭日半銜詞賦多題邀笛步冶
遊遲傍獻花巖

慈湖

江山絕勝武陵高峻峻漁村小港紆秋去雁來歸路永片
帆挂雨過慈湖

登采石懷古

輕帆擬泛慈湖水乘月宵登李白樓采石江頭憑吊久不
知烟霧失來舟

又

十九勦虜帝眷長冠軍名宇震三湘橫江一戰摧堅壘世
重開平吳姓王

十月朔日遙拜

野徑黃花落葉深蕭蕭霜露透楓林北風歸路雲山滿一
炷清香萬里心

柳園詩集

卷六 七言絕句

七

俗陰穿路

俗陰佳氣鬱離愁日映明霞澗壑紅樹隱危巢春鳥語山
藏茅店酒旗風

兩行青嶂穿空竅一曲春溪帶綠萍計日望山家已近苑
欄立馬看雲生

訪翁舊題東澗詩石堂禪師謂有仙氣偶憶之有作

海陵書澗寄高真方外仙詩妙入神無意白雲隨去任自
來明月侍幽人

附財翁詩高人愛傍高岩栖記在海陵書澗西報道白
雲來賜訪約回明月侍前溪

贈石堂禪師

阿師高卧俗之濱胸隱著義太古文坦書胸腹無餘事飽
喫山飯看山雲

聊園詩集 卷六 七言絕句

八

聊園詩集前集卷七

五言絕句

晚行

人行草杜月家在暮雲屯歸路烟波重大聲何處村

寓承恩寺題壁

夜色湛虛涼禪樓百慮忘讀書分佛火覓句步僧廊

又

避塵居上院意味近禪僧撼撼三更雨熒熒一寸燈

晨登采石磯

遠壑魚鱗次江流燕尾分日痕穿曉霧展齒沒深雲

又

聊園詩集 卷七 五言絕句

松溪晴帶雨波動山如浮欲砥中天柱終古不隨流

政

着體輕無力凌虛微有聲貪心容易屢利口最難平

蠅

黑白憑君變薰猶任爾營周收無好況歐賦有真評

蝸

物性猶人性機深禍亦深毒鋒原自銜殺氣轉相尋

鼠

既饒穿窬才兼負兩端智三歲貫盈時一家無噍類

雪月

雪月交相輝皎然奪夜色了知歸夢幻無寐坐亦得

月傍銀河流雪滿大江清最是養柳天溶溶來艷吐
雪映千嶂曉月散一材波月落雪欲霽將奈清狂何
故園亦此月故園非此雪對雪有寒暄明月無離別
明窓皎于月客思淨于雪併入清夢裏淡然自怡悅
流年嘆

射潮江可同揮戈日可返流光中年餘輕車馳峻坂
寒暑相推轉日月相繼明何與人身事華髮白數莖

六一泉

不飲名泉水不知淡裡真會心何必遠魚鳥自相親

五言排律

岱頂重建

聖祖廟同吳舫翁相宅 有序

聊園詩集

卷七 五言排律

二

岱頂聖廟舊在翔鳳岡久圯江西高隱吳舫翁與
楊柘翁太守倚寓太安謀新之謂翔鳳岡風高改
簏于孔子岩下揀著得吉遂定基焉賦二十韻

函谷來高駕盛言太守賢抗懷追古處雅志振遺編希聖
心能至爲山力欲專靈光星斗近紫氣尼防連吾道乾坤
大斯文日月懸田餘汶水渡練繫門門烟建表碧霞上開
基青帝前玉虹飛畫棟鳳彩煥金楊海嶽羅葵門和風奏
管絃羣峯環七二列宿象三千慕義鍾離意孤鶩魯仲連
躡蹤思杖屨飲水念源泉鑿石裁空翠築雲駕遠天四科
紛陟降十哲共周旋蒙發千秋夜功施萬古先六經常照
世五典在心傳衣德思絕武紹庭愧行肩欣從鴻彥後同

賦岱高篇堂構復無際靈區小一舉平明臨越觀并得望
洋遙

擬花朝應制

應宮定山文宗

清暉凝上苑百卉艷春和履泰宸勞減時平樂事多
綈籠曉仗宮柳蔭長河麗日晴花露文魚泳錦波龍光輕
玉珮虎衛但珣戈飛蓋遮天麗遊絲掠地拖西清成綺咏
太液醉金羅微雨輕塵靜惠風淑景氤泥香歸燕剪柳浪
擲鶯梭急節繁絃沸輕轟御輦過華筵張碧落文簾坐青
莎元老行忠獻卷阿繼載歌

聊園詩集

卷七

五言排律

三

聯園詩畧後集卷八

大宗子翊宸元公鑒定

闕里孔貞瑱璧六著

世子振路儲公

評選

姪尙任東塘訂

支宗西銘太史

男尙基西野

聚寶山

五言古

歷下別王秋史

王生負簡狂駿影軼千百孤賞失驪黃世眼任青白讀書
慕清流奉母擇窮僻賜飲灤源水俄耕歷山石甌無宿春
糧架有散帖積新詩絢明霞素業探幽贖由來跣跣士不
復任繩尺貧也原非病時命恒相逆悲然登我堂風雨朝

聯園詩畧

卷八

五言古

一

伊夕疑謬借司裁鄙吝得水釋會有萬里行薄宦同遷謫
遺我青琅玕荷皇色輝赫論交心盟固談經清夢隔願言
各努力修期無斁

次保安驛却寄葉令呂俊山

我行汝水濱緬古結遐想神禹畫九州豫土分壤廣械樸
王化行人材先育長迨今俗猶淳民風堪教養葉縣有賢
侯好龍成真賞與誦皆心聲溢口非由強平野滿甘棠召
父堪繼響相期茂循良令我心嚮在

新野議事臺省別顏去非邑侯

漢炎燔式微蜀魏爭雄霸豫州曩未伸斗城栖孤駕君臣
一德乎決策分中夏居然伊呂儔議事崇臺下我來訪遺

蹤奪日見華榭深荷主人賢至情篤姻婭解素澗客絳授
雲適館舍鼓予萬里行無復倦欲能獨餘望古懷臨風增
慨詭

渡江

江村野如雲江水平如鏡方舟衝素波帆輕午風正潦水
經冬涸我行當春令程紆驂馴開雨數塵埃淨西南小邊
邑斗粟折腰脰恬悌信有時遠邁亦惟命荆楚近抽兵暫
援旋復定流民業盡歸歲稔田功盛跋涉雖云勞道塗潔
無淳安驅入三姚介修全吾性爲幸希原思貧也何足病

過澧州

湖北近中州風物猶樸陋荆南入楚深山麓漸惹秀松風

聯園詩畧

卷八

五言古

二

灌耳盈嵐瀉浸日勾曲道盤若棘澗哇錯如繡輪激水逆
行雲披山容綽平林照遠天烟縷綠相轉江蘭當春發芳
苗入夏茂夾道葉行囊芬散浸衣透悵然念王孫有懷莫
予就

山塘驛

山塘好烟樹密松瀾空際泉石鍾雲苗融結成佳麗曲巘
疊青螺擾擾掠髮髻林影沉雲綠曉暖正蔚微風動洲
灣晴霄當盡曉山懸鮮登臨村巷迢樾雞繡幃太復香錦
水何溶溶藤蘿澹烟張澗壑風篁細竹籬依岸編行旅就
陰憇疑有餐霞人採嵐佳蒙翳爲賦小山篇裁雲製荷芳

沅州道上

沅山綠參差松杉如髮景沅江無潮瀾漁艇輕一葉攀崖
動雲根石齒巉如鐵不知與夫勞矻矻礪屐屨遙瞻羣岫
環星拱疑城堞却怪泉壑異媚麗入眉睫谷虛蘭桂盈嶂
缺烟霞接長途貴安行幽討戒莽獵早眠息倦軀強飯利
登涉計程楚地盡黔道慎蹀躞

江西橋

山行多偏仄到沅開生面峯遠松影疎土衍稻秋便曲吟
逐方員繡錯勝芳甸珍禽分樹鳴好音何耽現異哉江西
橋跨江起飛電剪浪安熬足劈空築雲棧堅完查化工見
斧何能繕保無蛟龍噴陸海滄桑變王制重與梁音構幾
曾見銀漢迥昭同鵲橋豈容擅西望梁子關羊腸分一線

飛雲巖

飛雲巖

飛雲巖

退荒鍾異觀突峰何岸傲奇巧飛雲巖靈窟真天造玲瓏
似刻鏤窮奇誰疏鑿層嶂紛倒立虎豹爭踞跳列泉滂雲
根空竄山岩竅綠蘿濃幕垂紺宇輕烟罩松楓黯沉沉寥
沈清浩浩翠瀟沁解涼盛暑消煩燥參立二小峰左右飛
驚濤清音激笙竿黛色裏窈窕中有煉霞流素經幽要妙
月潭失玉棺金井遺錦甃謝家鐵屐穿未必窮隱真即欲
辭丹青化工誰能肖我來重徘徊解衣舒長嘯雖非選幽
行邂逅適吾好

大風洞

黔道富雲霧踞踞尋空谷中有大風巖軒敞類華屋伏呀
紛鉤距俗訝互眺眴石龍響聲張風虎爪牙縮深入聞聲
歎噫氣何森肅暗渠引飛流激湍穿山腹源懸百里餘洞
達崗陵複有人好幽探蛇行畫乘燭襍橋平沾塗足踣用
復揭溯洞多窳安嶮巖輒躬鞠明晦見罅穴晴雨變寒燠
未遇種桃人糴匪數經宿大道貴昌明奇奧曷須囑却怪
山僧誑急去莫予毒

普安道中

梁州土青黎黔山色特異星峰亂五行龍脈迷向竹彌望
無畔涯心神皆眷昧鸚鵡高啄天象鼻低捲地晴碧碧玉
嶺白河雲濤沸四圍岩谷合破虧如闌闌磽確無粒土童

飛雲巖

飛雲巖

四

髯髯嘉卉捲簾野苗男女難區類爾足少芒屨括髮無
冠髮生長髮叵問安知康衢利普安信宿程羣蠻如潮退
獨推關嶺尊延袤百空際

白水河觀瀑歷雞公背上關嶺

異哉白水河飛瀑懸長練怒濤挾風雷奔躍掣急電斷峽
雲物昏疑有蛟龍戰時空雨氣濛噴薄襟裾濕澗浪趨盤
汪迅如脫機箭崎嶇雞公背層巒博危棧迴互萬峰合鳥
道通一線雲梯疊翠巒繡褶堆羣龍過雨如膏沐肌膚皆
婉孌聯袂紛委蛇扶曳生顧盼璀璨如瓊瑩爇燭藏光焰
球圍雜圭璋錯陳無膺玷巖峻如崇墉雉堞互隱現烟火
集萬家埽塵羅香符迤邐如迎營麗日明戟劍分合幻風

鄭園詩集

卷八

五言古

五

雲聚散迷正變或高踞如箕倨蹇恣驕慢或旋曲如螺僂
傳增美善或軒輊如車轍輶相拽牽或繫綴如珠的爍成
貫串逸如馬脫銜卓如筆離槩肅如儼正笏欲如醉側弁
壯往如先登却立如後殿頤頤如仇敵招携如奔戀如翦
翠初損如芙蓉欲綻如青萍方磨如綠醅新釀橫橫如簾
陳滾滾如波旋髮髮如髣髴灑灑如黛歛宮闕鬱鬱義王
帛盛享宴路寢闕清肅禮樂繁登獻複香勾萬曆銘結渾
一片斷屬各有情濃淡色相間闕闕諸象全美滿無虧欠
久行厭山重顧此生餘羨方將辨起伏其如心目眩想當
洪濛初大造費陶鍊積重成堅凝神斧莫能創世謂雞口
尊願勝牛後賤開局既已佳取類良不僭行過大凹坡奇

由象鼻嶺過頂站盤江抵安南紀異

黔土元壯濶山勢隘大荒峰巒海潮湧拍空波浪狂如何
元會始徧地鍾陵岡井里難區畫幅幘不可量陰晴變移

歷十馬咨問疾苦

忽時序亦平張初陟象鼻嶺漸覺風氣涼會日冷頂站行
旅添衣裳繞過梅子哨阪峻墳墳黃下至盤江河潯熱如
沃湯適口需冰蔗便體輕絛良更訝安南衛肅肅似凝霜
篝火急難辦做裝苦在篋頃刻百里內寒燠輒不常始知
地氣勝力能挽乾剛大哉坤職載博厚信無疆

送觀察丁雁水使君離滇詩并序

公諱維閩晉江

鄭園詩集

卷八

五言古

六

余任姚以爭執庄人民案忤土酋禍幾不測公爲
守力措千金益以倡捐二千餘金補其虧墮免余
於難時已光復觀察之秩去滇叙其事送之

東鄙魯諸生章素傳家世壯志懷京塵十載青瑣敝頽顏
領專城鉛刀試荒裔崎路苦傾仄毒濕繁瘴癘此邦不我
殺故園猶可憇爲慕使君賢竟阻遂初計斗山欣依歸玉
尺叨裁製豈知忠難交性命得攸繫臘土病瘠削民生日
凋弊會計關持籌出納失量劑貫朽紅腐空虧墮良匪細
補直三千鍾家索身當罄苦節不可貞傷哉迂拙吏使君
惻焉悲俠氣空天際曰余獨屑之違言力不繼爲善期始
終見義無濡滯素交賤黃金揮霍如做筭引手焚溺中教

然垂施濟祝網開其三執德無貳由來聖賢心其仁同
天地一柱砥澆漓古道今可企徵應有皇極福德昌萬嗣
康骨報深知負山蚊翅脆願言語後昆世世常省記

哭張滌園先生詩并序

公令昆明廉介之操全滇稱最與不佞交非久要
獨以僻性質直有針芥之合余雖禍就訊未至會
城公預爲圖維脫犴狴之困假居停之安時時暗
問資其匱乏又以虧墮鉅大罪且不測倡義募捐
俠氣所感上下響應千金立集鹹生苟全公之力
居多焉歸期未卜惟賢主人是依一旦永隔重泉
莫起萬里孤客輒竊哀援滇民老稚哀號如悼私

鄭園詩集 卷八 五言古 七

親余亦傷吾夏之忽頽而兼爲斯民慟也述其畧
而哭以詩

良朋難再逢涕淚感今昔几筵故依然笑語不可即天涯
知己少惟君敦金石誰知訣百年謝客不三日憶予觸禍
機罪服就鞠贊自分委義命君心重於邑曰善人在難雖
飢不違食既爲脫網羅兼之謀居室鉅漏如海精衛難
補塞虧墮法不原性命懸呼吸俠氣鼓先登逢人勸周急
義聲迅感孚指顧千金集用甦涸轍鮒免待西江汲廷獻
出入交割雪極周悉患難資忠告千慮不失一始信益友
情不啻骨肉力古道挽近今薄俗薰厚德方幸地主賢
人叨卵翼何意厭塵埃長逝不關疾縱無三世醫詎有二

堅偏前日坐公堂猶自理久繫薄暮促歡讌和樂儀不忒
夜耽華筵夢展捧修文數鐘鳴雞初唱整衣忽遶陟四民
巷罷市雨溼焦土濕况復范張契存歿永無極更爲蒼生
痛豈禁羊曇泣

送駱子幹陞任桂平公爲姚橫亦忤上官余被謫營
其力兼舊家累今陞去送以
詩

記在青蛉河聯舟逆風波我檣已傾仄君楫亦蹉跎披我
亟登岸幸免飽龍龜思難交情見提誨古道多投膠久逾
固斷金不啻過君今陵霄漢予亦脫網羅聞石烟轡秀南
湖水雲和壞僻簡吏事賦簿省催科 聖朝超擢迅利劍
且淬磨余歸伏款款逃聽麥秀歌

鄭園詩集 卷八 五言古 八

祭龜日

五祀重明禋方士陳左道祀灶可致福善媚不於輿世俗
祖其法虔禱邀覆冒隨君說是非殆甚三彭告冷衙閉孤
客殘爐濕薪燎買傷具清醑欲祭忽失笑孔墨老于行跡
同各有好墨突不得黔孔氏今無竈

謝客

有客來叩門問余何索居當春冶遊盛百戲闢城隅士曰
往觀乎女曰其我須行樂貴及時况復風景殊願言隨子
去交臂入通途臨出顧慚沮却坐更躊躇言嘯難辨市
井行恣睢緼袍混執袴恐爲人挪揄還念處吾寂閉戶守
殘書揮手謝時賢君行不可俱

別家綸錫

共君滯絕域五載茹荼葉寒煥互慰蕭艱虞資扶拽我之
簿領才君亦度支抽補天傷鐔大埋海嘆力竭重以路嶮
蠟駁蹄亦顛蹶况連驅輟驕露爪相攫留此邦不肯殺君
道合机臬食日燠燠道不利孔家轍那堪落中又作天
涯別我鼓息鄉操君賦陽關倦鳥巢幸在神廟轉未掣
歸擬見春令急難說解結計日待君還同醉東山月

九日

客裡過重陽竟忘登高興幸有碧雞峰飛鶴來相贈手把
酒一壺還就菊花徑共醉少孟嘉獨咏亦清勝

黃白誰

聊園詩集

卷八

五言古

九

銀苗產騰越金生麗江潯黃白無臭味香艷薰人心五行
得秋氣兵刑害相因食人多敗類動以身名殉六計不問
廉三品祗資金大官費不貲小吏又苦貧小以什伯計大
盈千萬鈞權比錢神重愛逾阿兄親暮夜入紫闥恍如君
父臨局鑄防怯篋妻孥亦生歎金盡親戚離金多世人歛
病可買醫藥死可置棺衾綺畝連阡陌華堂結構新聲色
恣身奉珍寶貽後人所恨難長保無爐自銷沉驅車再過
之宅第已被侵試問主人姓傷哉昔非今

歸程

祖道金馬限更飲板橋餞計日過清谿關嶺微在眼踴躍
盤江河蕩漾洞庭險買鞭下荆門桑麻見豫克

贈別琴隱萬處士

起典皆國中風物

殷殷紫油葉艷艷佛系花託跡近城市結根在幽遐爲君
拭素琴隱絃出古華臨岐潯無言揮手各天涯

又

漉漉黃果實漓漓樹頭酒滋味雖不濃真意淡能久贈子
以素心祝願不在口努力崇令名歲晏見黃耆

又

貽我木瓜梨報以芙蓉桃華實雖不同色味頗俱饒蓄意
既重疊贈送亦牢切雲山自萬里夢寐未爲勞

又

絮以攀枝榮飲以雞茵瓊瓊菌既滑澤攀榮復蒙主送我

聊園詩集

卷八

五言古

十

河橋上珍重衛晨風晨暮携餘響半在昆水東

苗徠

五載苦瘴烟既去猶神怖怒江多狂瀾陸山復破鎗中宵
盛風霾白晝屯毒霧遺有直蘭城羅妾互盤踞漢吏甘其
賂却教猱升樹容頭輟過身詳楊升卷介持或見妬過嶺
卽黔疆溪洞滿紫孤苗徠氣類同羣犀曾多忤三世業抑
虎頭死亦已屢豈不畏咆哮雖猛猶可捕

觀化

不究山川情不知清濁理造化餘滓漉流峙各得體萬衡
與泰華樓榭列地齒江海無消息瀕洞乾坤底氣朔有盈
虛陰陽多伏倚大象空內外大數忘起止世運何升沉元

會何終始至大乘至神難測倚如此人情法天地險阻時
復起境界皆順適一往誰激砥胞與以爲懷言大勢難全
若其真達識最要莫如已飢寒切自庸疾痛非關彼前後
億萬年中間只寸身飛潛與動植各自成其是身外皆餘
物兼全能有幾異哉杞人流日月壑墜地苟從化外觀二
儀亦微塵

遊惠虛洞

聞說惠虛洞奇奧自天成巧比華嚴最清愈清溪清未至
輒擬往誤過悔恨生却走三里更作還幽行山僧急求
炬導入深箬柳象迎門嘯龍虎亦崢嶸一柱撐華蓋層
層綴玲瓏層層羅戶牖綺繡刺簷櫺巖巖然下鐘並扣

東園詩集

卷八 五言古

十一

之鳴折木擊石柝竟似警嚴更深入窮隱與巖鏤逗天明
山行恣探討莽躡木得精鈞宛若茲登躊躇滿生平出洞
獲指吼震如闐鼓鯨鯢刺刺有水聲

謂昆明

幼子名璽生于滇

爾之應賦日吾已屆耳順及爾成立時恐吾儉矣甚小字
最演池誌吾方見擴聚土錫嘉名一簣與其進賢也何須
期不賢奚容問莫漫憂黃童白髮歲月迅

悼亡

爲妻宋氏作

之子何命薄少小遭坎柯賦質既清婉秉性亦安和十年
執箕箒從予歷山阿會有炎荒役萬里徂風波速吾獨
機妻孥傷離難與婦同心德患難矢靡他野樓昆海上場

雖有鵲巢自發楊林驛已遷二壁魔身暑八千里山川帶
病過與馬既勞瘁嬰兒苦累拖及予賦歸來風病已沉痾
醫藥百無效體骨漸消磨明慧猶如故語言鮮頓踈恬然
竟長逝可囑亦無多憐爾如知命愧我思未煩哀年丑紅
顏悔恨將奈何遺嬰荷成立幽魂頗慰麼逝者莫予怨壽
夭本如梭世則青春婦幾見長盡瞻卜兆祖塋側耐墓待
遷那霜風拾橡子花露藉青莎先後終歸盡馬羣土一窩
滿墨表幽貞長慟寄短歌

哭宋敬止

有序

聞宋敬止卽世夢來話別若遠行者覺後汨淫淫
濕枕簾慟而成詩

東園詩集

卷八 五言古

十二

平生素心友除君更幾人與爾爲兄弟頗勝骨肉親心迹
冰雪爭不染世作塵交視范張厚知較管鮑真及我同癖
病一芥輕千鈞多君豪氣甚失口不言貧余有滇海役歷
下重遠巡萬里繫念慮報書規戒頻歸來憐白首枉駕泗
水濱風雨十年事行藏兩迥迤人有天倫樂悼君獨不辰
尊公遊不返母視厝尙新無兒傷伯道中饋虛主頭似君
鍾間氣英邁迥絕倫胡爲遭偏暗天光照不勻霜風摧玉
樹梁月夢傷神覺來推枕起血淚洒空旻

頌蠅紀異

余家有小樓高聳瞰城闕稱子處其上當暑避炎熱最宜
暮雨涼兼愛晚風冽忽而遊蠅聚一日十見蠅孺子爲余

言此物真奇絕粉壁新堅塗何處有孔穴予急促之下莫
受厭出嚙是夜樓忽頽墻傾棟亦折小子免壓焉琴書任
毀缺因而頌此虫雖毒不爲孽舍生以救患孰有此義烈
無惟杜少陵照牆反見悅杜照墻初見嘆息謂孺子汝命乃遺
子苟非力爲驅三命已成血二童作自今所餘年見此無撲
滅物理有反常聖賢誰能說

哭緘三世尹

傷哉賢世尹無疾忽長逝前日接羽觴惟燕來雪霽壁上
筆紋琴案頭名山記二三老賓客笑語無拘忌漁鼓唱謔
詞荒誕恣怪異何處有神仙雲外結道契公言歲兆豐預
作元宵計家弟潁州株相金購官戲絳蠟一百筋春燈三

耶園詩集卷九

三

十隊星橋火樹合簫鼓遊街肆兒童相聚觀父老亦嘆慨
近追竹林七遠慕商山四者英盡白頭唯有君實未名位
雖不同鄉里推德器暮景耽風流俱頗饒高致忽聞叔夜
遊愴惶出不意曾無二際隔溘然遂棄世雅會間無人嘉
筵從此替好鳥賀三春名花空四季老朋感遺恩巷哭聲
罷市况復舊在交安樂羊曇涕悲君不盡年淚滿江河溢

耶園詩集後集卷九

七言古

相見坡

大相見小相見兩山拱揖皆側面亂石嶮峻路天邪旋螺
曲折羊角轉繞過崇崗到水滸如逢好友湖嶺賔陡爾當
前番峻阪駢驢抗轅重遠巡與入竭蹶氣如吸疑坐危船
勢杌杌間道黔山高人雲盤辟微險誰容峻畏途少見川
廣平十里晴沙照眼明南荒雖遠觀光近尙有殊方九譯
行

高山流水大字歌

魏三省書

關嶺山下陵陂長清溪一帶遶崇岡巨壑削壁刮磨光高
山流水字非常縱橫句曲不可量神理完聚體氣康直中
繩兮矩萃方色澤晶瑩銜圭璋矯如鸞鳳雙軒翔道似游
龍伏騰騰枝脚嶮峻爭陣紅筋骨圓硬黑飛揚揮灑風雨
變陰陽驚雷急電走大荒管城括盡中山芒他蘸五斗松
烟香將欲舉搗藥纒纒玉版須磨澄心堂精光四射難磨
賊散入雲漢爲天章倉頡六書神鬼傷下逮八分石紛張
何物魏子太微仙敢與蝌蚪爭低昂果然腕力開泥茫手
挽長虹寫瀟湘秦篆漢隸俱隨庭醉張顛水相屬偃

耶園詩集

卷九

七言古

哭恭憲畢鐵嵐先生

公奉檄勘流土案誓神持正姚民德之余罷官許
助百金及病危易簪猶手書遺囑以俸貲交藩庫

踐約誓曰君凝直不回乃山東男子也

石有嵐嶽無嵐鐵心石腸而相涵照土民生一力擔黃金
重賂誓不食流土定案堅如山不與強悍恣肆迂直下
吏類羶蠶裂冠棄組自所甘感君見許魯國男引手挽掖
出深潭非私桑梓怱凝惑正擗扶將登雲鶴何期一旦厭
塵寰惟餘浩氣塞兩間搖搖尹旒隨雲鶴三尸祝徧滇
南

送府憲劉純其

東平自昔有劉生結客燕齊舊知名謀身不識黃金重赴
義頓覺形影輕閩南豪士真其匹十載飄蓬不問室促膝
雄談勝七發探胸奇計饒六山同來滇池尋舊盟關心忻

萬壽詩卷九

七言古

威據中誠感君意氣爲君舞匣中寶劍躍且鳴不知近日
狹邪道雲雨訂交何舍草縱然抗手別河梁綠水青山終
不老

贈萬爾梅詩并序

萬君爾梅琴隱滇南制臺范公禮重之庚午秋
趨蘇園之役因奉憲委修聖廟雅樂請符與萬
君共事慨還調之中絕山管窺備著大成樂律全
書相與商確五音旋宮有二十五音其音止於性
理配以瑟之二十五絃適合唐宋以來創爲中絃
不用之說遂致失傳二千年禮失而求諸野樂亡
而求諸俗試以雅俗樂器琴瑟及笙簫箏箏之屬通

之得其解過半矣萬君心是之稱善莫逆也屬

制府介弟淳庵公亦精音律因以愚所定瑟調與
萬君研究探索循楫按在知其皆合始自客窓夜
話以及平沙大雅漢宮秋夾席對鼓月琴叶瑟取
音要妙大譜律呂宮商細不遺於吟猱綽注四曲
既成推之千百操猶是矣相與喟然謂瑟調失傳
孤琴無偶二千年判璧復合如仇儼久睽得聚豈
不亦快事也哉鄭世子及文獻通考諸家羽格立
調皆假人爲非出天巧迄不可用八音絃最微細
小應聲氣之節大通天地之和拘儒罔執見聞風
影理器非博雅君子思精手敏神明其意烏能通

萬壽詩卷九

七言古

之譜成制公雅志復古賞鑒裁定亟命付梓公
之天下後世知其必傳萬君之功不溲矣竊得附
名簡端與有幸焉故序其事而賦贈之

萬子高樓老南天枯桐冰絃久忘年一彈虞舜薰風至再
奏鈞天元音全唐宋以來絕操縵朱絃雖設無人按絃測
偶爾發其端不逢萬子誰一貫二十五音由天成中絃不
鼓見未精清濁自然生六律正變由來配五行制府好賢
兼博古亟命釐定琴瑟譜鳳和鳴冰乳融雅調不與俗
樂伍合璧書成信必傳皇初遺音斷復連由器入神出妙
想因數見理是真詮編殘泰始簡已盡秦秦飛灰多膠固
六十旋宮洞本原憑君一正千年誤

龍山花王 牡丹一株高丈許花如斗

龍山牡丹怪英同四十七頭共一叢驚心富貴方爭麗又有茶花相映紅凌風炫日各絕世恍如石家王家步障豔圍空滇南異卉紛難數如此奇葩奪天工枝葉扶疎陰盈畝何被桃李敢言穠人間榮華豪舉終須盡遮莫力窮造化發奮欲爲天下雄

諺語詩 楊升菴讀諺語堪入詩庫作

籬頭罽粟三九數捱過春寒四十五甲子夏陰船入村暮虹虛轟朝雨早霞晚霞占行人仰瓦轉弓風雨頻蟋蟀一鳴驚嫩婦江豬纔渡傾河津中秋最忌雲遮月重陽不雨冬無雪桑葉黃落參正中芒神科跣弄冷熱人生百歲

鄭蘭詩

卷九

七言古

七

世希聞寒燠陰晴晦夕分欲燒冷灶無火伴免汲甕井有水囊

家綸錫以端硯贈別賦謝

貽我上巖一塊璞形神古拙無雕琢想當結精元會始水土之氣相磅礴千邪百膜總膚滑孕成子胎不盈握煥煥雲邊生火霞的的鵲眼藏光燦細研只容噓氣潤沾毫但覺吃墨薄自從牽拉入宦途侵凌橫被刊筆虐冠玉有價空碌碌介石無媒自落落感君持贈期古處携歸同我老岩壑薄言襲之謝時珍周贇爲函漢玉郭從教銅殿無所用猶能吐氣滿寧廓

清溪洞歌

易降復馬龍交水連白水理展過平髮清溪何幽詭清溪

之洞詭且幽一別五載夢相求與君相值復相失遲迴扶刺不輕投我抗塵容走俗狀君馳烟轍下丹丘與君結契自時昔君眼還青我白頭頭白眼青豈終睽天長地久更相謀我不知君筆開墨嬾省多事君不遇我烟霞空老蟻荒阪洞口雲開風掃徑鹿鶴迎我入深湫前洞琪花開滿樹後洞湫流可放舟四壁雲庵羅劍戟當中華蓋綴旌旂蚺蟠盤羣鸞鳳翥獅象踞攫蛟龍道扣石鼓鐘發清響恢空日月透巖留秉炬欲入深無際恐有神物生噴尤聞說遙道紫泉洞曲折十里難窮搜與君相知期終古遲早誰復計春秋風雨雖隔盟愈固見君肝胆非凡流輕薄之交

鄭蘭詩

卷九

七言古

太

難久要意氣平合有道荒山靈敷我我下拜我去山靈轉夷猶去往西崦山應笑還踏東海山亦愁從今不負長生約流水桃花日悠悠

普定縣催行

普定縣卒來相問火焰信脚壓碌印此邦不可舍流人上官飛檄風霆迅歸心日夜望敝廬豈復行野賦蔽樗商君也犯無驗禁李斯空丁逐客書遲遲不願出歸歸忙忙却似喪家狗接浙但教春有糧噤聲敢於舌在口久厭西南巖峇多那魯桑麻風景和秀看鳬鵲釣文水頗勝簷下過

真何

再題武勝關仙人影

武勝關前仙人影造化刻鏤何工整神留絕巖瞰大荒辟
蘿衣紫雲氣冷俗言夜雨滴金橋一往深峽不容迴想是
此水通蓬萊層樓幻化成虛景神仙有影不可求徧尋曾
無寸砂非瓊內豈果有乾坤祇是閒中日月永何不控鶴
隨我歸太山放疎仙人久引領太山放疎峯亦有仙人影

再過相見坡

薄暮從人隔斷澗相見坡上不相見來時苦迷去忽醒委
蛇一逕東北轉長阪遙接油榨關兩壁深峽通一線夾峰
懸雨雲氣流傾崖欲崩風光變明日沉江片帆輕山程未
盡又水程湘楚烟波濶無際際交桑田勢漸平萬里一息
百年迅誰合風塵畢此生不如一琴一鶴急歸去從此一

卷九 七言古

九

碑一簣石郭半頃課深耕

閒鷓鴣催歸爭鳴戲題催歸即杜宇

人生行住苦難必從人從已均有失江上躊躇立多時絮
語更被鷓鴣通杜宇只言歸去好鷓鴣又說行不得一鳥
相爭何太憚令我心神益輾側緣行不得故歸來兩言元
來俱不忒君子行藏貴自主豈關鷓鴣之語嘿自古勸人
宜從風何事疾呼聲太急

聊園詩畧後集卷十

七言律

寧陵道中

征鞭早發海東偏西望青蛉路遐邇
絲囊裡孤琴爲伴侶匣中長劍壯行
轡芳園楊柳輕烟合驛道桃花細雨
連曠志不因遲暮感等閒萬里似階前

荆門

荆水荆山幾萬重雲連野寺遞疎鐘
凌晨宿霧迷宵渡亭午炊烟接暮春
囊遊僕夫多告瘁程嚴家累免爲客
非甘遠涉窮流覽愧忝南天小附庸

又

聊園詩畧

卷十 七言律

一

聞道蛟江去路遙嘶風班馬日蕭蕭
歌當慷慨聲還歛氣到沉雄志莫驕
湘水濃烟籠曉樹楚山澹霧繪晴霄
欲問昂藏何處是夜郎元勝古焦僥

又

麥秀鬢髮溢隴青綠蘋紫荇艷芳汀
十年旅食耽會慣萬里長征苦未輕
竟豫流移方鴈集荆襄戀土尚鳩形
朝顏下蠲租詔父老懼迎扶杖聽

武陵道上

濃陰匝蔽水淙淙百仞青山萬頃松
禾稻徧盈清澗曲人家多住翠微峰
雄風已往猶談劍冶俗雖貪解作客
欲訪先秦嘉邇處桃源有路碧雲封

武陵呈邑侯勞重軒

韋冠布素魯諸生老去天南領一城途次膏車煩故舊旅中慰藉累似荆編茅容膝堪停駕刻簡盈箱句紀程楚水黔山何日盡飄飄萬里似鴻輕

白馬渡

津頭同渡幾時休伏櫪年華事壯遊綺樹千章浮水動炊烟一縷亂雲流橫江白纜牽塵騎夾岸青山護客舟澤畔漁人知醉醒何從詹尹謬相謀

沅陵道中

千山蔽互開層嶂一水迴環滯客程灌木龍蔥深澗合亂峯蒼翠斷雲橫欲經七澤酬湘女擬賦三招起屈平瑤瑟曲終江寂寞汨羅依舊湛孤清

又

參差雲外亂峯青綠樹蒼蘿點遠汀似有明珠貽漢渚如聞清瑟鼓湘靈傍溪舟逐桃花入下澤車依柳浪停忽爾飛來松澗雨却嫌濃墨浣虛冥

家夢兆令盧溪乘舟溯辰江過之

西南邊際到滇窮遐勝搜奇自楚中曲澗松濤滴輕翠層巒花朶隱深紅雲苗霧靄山容動石髓融融雨氣濛濛欲問盧溪休沐地片帆宵挂汭江風

沅州道上

繡畝如圭和水耕隔溪時作曼歌聲松風一派澗中生雲

峭四圍盡裡行誰採明珠樵翠羽欲紉沅芷佩江蓠賴與渾似凌虛過澗底高楓殿齒平

晃州驛偶成

學裁美錦試鉛刀王事有程敢告勞體便輕鞍嫌枻慢生居平壤愛山高和歌久已忘燕市弔古猶能續楚騷六詔風煙饒瘴癘鬚毛已倖莫頻搔

平溪衛

地阻重關置遠郡奇峯繡疊暮雲收高楓綠谷參差起清峽東江宛轉流纏放平途虞顛躑步逢巖險喜遇將康時貢道無荆棘白鷺何煩候望稠

清浪衛

萬里凌風雁影翻深山到處有啼猿烟籠林木雲生岫蘭撥江皋正擷沅峒俗獷獷寬化外蠻姬媚麗學中原迢迢一水分黔楚雨苦淋漓晴苦暄

雞鳴關

梯空一綫似弓彎萬里長江百仞山擬刻重巖通桂棹更堙深谷走雲輶旗亭渴澗蘭英紫茅店飽管玉筍斑履險裁詩猶未穩輿夫蹶蹶過前關

油榨關

行邁每嫌亂岫環萬衛常時豈容刪馬安全掌方登險與去襁褓好看山懸壘如刀裁峻壁橫峯似戟擁重關若非神力開荒遠王會曷由歲往還

重安江驛

羈馬敝車九決旬迂儒孰合老風塵
麤麤雨淅苦毛滑齒齒雲乾石髮
皺古逕全荒靡草亂前岑半沒曉烟
勻擔簦賴有山苗健却怪華民役未
馴

清平縣道中

郵亭與馬日紛紛宛轉樵歌隔峽
開野艷難名香馥道亂峯無數翠連
雲三苗不川干戈竄六詔還須禮樂
文南海無波重譯至遙知中國有仁
君

楊老夜景卽事

抱關廳事綴花鈴社鼓齊嚴警遠
洞遶屋流泉疑夜雨關河燈火似晨
星蟾光穿霧紛紛白風氣浸雲灑灑
青行到耶園詩畧卷十七

平越葛鏡橋

長橋一柱砥狂瀾

長橋一柱砥狂瀾翠峯劍戟橫巖巖
黑怕聞山魃嘯潭深疑有老龍蟠雲
連危棧心神悚雨過陰崖毛髮寒客
路辛勤強自慰晚餐嵐翠爽香蘭

神指宇宙處

絕壁有仙人影衣紋如繪戴華陽笠
執筆題宇俗謂夜雨滴金橋

參差雲岫削如簪烟草萋迷水蔚
藍蹊仄僅容牽馬過峽深不可放舟
探飛空題壁仙指影攝霧開岩佛置
龕更有謠傳奇絕處晴宵寒雨滴金
潭

黃絲驛道上寄懷歷下諸友

馬首岐嶇路渺漫暮年空嘆遠雞
壇展臨奇險成詩易衣

解僻村實酒難朝露流寬侵緩冷午
晴炎日整顏酸前期偏愛蕉雲侶舊
製蘿裳莫厭單

玉杵關

爲愛青山山外青山陰乍霽淡烟
停擬調雙鶴舒長嘯更倚孤琴掛小
亭洞裏鳴泉堪潑墨岩間峻壁好鐫
銘松杉交陰塵囂遠人世浮雲未許
經

新添橋

除却師行異吉行如何百里數分
程言囑俗雜難區類草細花繁莫辨
名澗曲偏容浮梗轉山高不碍塞鴻
征回頭忽訝天門遠南極藏星透海
明

貴陽道中

耶園詩畧

卷十七

五

戀鄉誰信是仙鄉爛熳琪花百草
香剪得雲英糝桂棹將嵐瀟染霞
家焦桐已斷水紋隱難離鶴漸馴雪
羽張漫擬吹笙綏嶺上雙鳬來去過
瀟湘

又

栩栩飄鴻歷遠汀深漸閒鶴刷修
翎殷勤細州迎輪碧生受好山送客
青花霧淶風香馥馥雲苗腹雨水冷
冷幽芳擷盡誰遑佩病驥蹢躅未許
停

貴陽呈田大中丞綸霞

黔疆墟落隔重雲綏靖全憑撫字
勤都鄙有章成萃處漢苗無犯自
羣分陋風漸變奢寧儉大塊還淳
貞勝文竚看懷柔兼六詔名高天府
策奇勲

安順道中

蒼崖紺壁競嶙峋，空玲瓏百象陳。崛起孤峯酷似髻，高
踞危石儼如人。好山不借松楓秀，與境翻開嘯傲新。劇郡
鐘靈真豁目，素琴清靜自怡神。

鎮寧州

古寺疎鐘促遠行，峻嶒亂岫阻兼程。兩頻偏覺山增態，艸
軟方知路有情。洞醺烟痕迷望眼，泉驚石罅動心旌。若教
添入陰符註，變化風雲未易明。

白水河瀑布

千尋飛瀑引長風，白晝中天墮玉虹。展海光搖吁可怪，龍
門雷轉將無同。疑傾銀漢穿雲窟，誰挽春江浣素空。十二

聯國詩集

卷十 七言律

太

山川封滌後，夏書還遼瀋。排功

鸚鵡嘴

鸚鵡高峯啄紫烟，名符列宿井參連。四圍雲岫懸無地，一
路松風吹上天。靈羽須煩丹穴浴，好音還自隴山傳。若教
振翼芳洲去，春草晴川悵謫仙。

普安道上

岩巒欹逕轉山陬，路到黔西分外幽。與峪久行如靜坐，層
巖長夏似深秋。歸窠清瀨拖雲入，出壁飛泉越樹流。洞裏
桃花開落盡，何從一放打魚舟。

滇南勝景

碧雞金馬隔烏蠻，漢使徒聞望祀還。西眺滇池開廣漠，迥

瞻黔嶺脈躋攀，頗餘險阻難行路。小有峯巒未盡山，風雨
多偏因間氣，擬將神鑰啟天關。

交水

即舊益州

溪抱崇岡小徑紆，勞人日望履康衢。迴轉曲似三垣拱，亂
石潭如八陣圖。山過平曩猶未盡，境開交水勢全殊。雲屯
村落平蕪遠，二麥懸黃禾稻敷。

小關嶺武侯盟蠻處

丞相平蠻此築壇，遺祠迥出白雲端。功成惟恃心盟固，謀
定何虞口血乾。捷伐非關南服稷，綢繆還爲北征殲。雙松
已老蒼鱗瘁，猶似託孤志未安。

順忠公廟

聯國詩集

卷十 七言律

七

甘泉戰地湧清溪，道路爭傳飲馬關。一代勳名遺漢史，千
秋俎豆秩滇山。聲靈全倚先登振，意氣偏因戰勝閒。一嶺
岩巒稱伯仲，餘威猶自懾羣蠻。

楊林

道傍

處士豐廷瑞詩，枕上詩成喜不寐。起尋筆硯旋
呼燈，夢裏題取浸梅花。水已波新風凍作水，墨在

五月楊林風氣偏清和，還似早春天。灩澦湖光如月滿，溶
溶山色與雲連。松圍樹句藏孤嶼，柳護漁莊繫小船。聞說
隱淪盡處士，梅癡佳興有遺篇。

雲南會城

滇海綠波浸碧空，遺墟猶見宜蘭宮。漢皇不用開池較，蜀
使何煩擇幣通。萬里車書同綰句，一朝聲教浹蠶叢。西南

永莫邊靜結頌雅雅禮樂崇

聞中夜雨感興步李漁村太史韻

碧雞雲物暮虛廳雨黯秋燈照眼青座暖花磚香細細更
嚴風拆夜冥冥文裁錦繡金光煥品重圭璋玉屑零萬里
輶軒真不負採珠南海見藏星

又

烟鎖重門閉晚颺南山豹霧隱深青欲雄文陣嚴宵鼓振
放筆花燭夜冥滿袖天香凝復散隨車化雨止還零南荒
雖遠瞻雲近望氣應占聚德星

中秋聞中玩月步韻

爲愛晴宵素月明沾衣玉露墜無聲色浮滇海涵光遠虛

郭園詩集

卷十 七言律

八

映水壺鑑影清早絢春葩張上苑更流秋魄照邊城車書
萬里同文軌俊又何嘗擇地生

又

月近昆池分外明娟娟疑聽步虛聲襟懷洞若水壺朗款
睡潔如玉露清紫氣遙臨金馬地青燦偏照荳蘭城一時
賓主成嘉會共慶名賢應運生

金沙江

南連十馬北接四川楊升庵謂即武侯渡處據南征記距弄棟四程今姚城是

武侯遺渡長葦葭一帶晏村抱岸斜縹緲蜀山明積雪蒼
蔥滇樹見餘花會川南接鈴河道弄棟北連瀘水涯漫道
窮荒風物陋麗江隨處有金沙

題家綸錫詩卷後

儒術由來忌濶疎飽嘗世味腹猶虛心知墜石無完甕眼
見迎風有覆車堅守素衷還自許漫持直道欲安如東家
舊有真根業非爲窮愁始著書

又

少年虛願酬青史蹉跎功名已白頭盤得藩羊猶可悔夢
迴蕉鹿恐難求秦坑有畔遂巡避吉網無綱汗漫收看透
世情活如水樂天知命又何憂

壽人八十

八十老翁體氣輕商山賸有紫芝榮童顏不借稱航潤健
步猶能舍杖行穎水名賢占德曜洛陽雅會見耆英鳳毛
麟角森成列嬉笑牽衣不辨名

郭園詩集

卷十 七言律

九

送藩幕朱錫三東行

西南天際邈悠哉祖帳驪歌莫漫催井棟星峯多北拱蛟
江流水欲東迴處囊終露千尋韻借箸羣推八斗才異日
蘿溪游冶地期君鼓棹共啣盃

黨令聞假居停賦謝

關西豪傑迥超羣聊試法椽借策勲愧我行藏空似水多
君意氣盛如雲斷金共信心無滓罪玉獨推齒有芬不假
清陰集倦翮漂漂提何處望榆枌

送荆人歸里

五月廿四日

同來先返意還巡果孟何嘗苦厭貧故國猿桑從爾願
方烟瘴寄吾身旅懷還繫將歸舫鄉夢還繁久客人相囑

預調琴瑟待暫時傷別莫沾巾

過楊升庵故宅 名商曉在滇海碧雞之間

楊子宅留見海南流徽猶自說升庵文章聲價千年重風雅權衡一力猶見水遠涵澄似海雞峯孤峙削如簪鶴人望古悲同調風雨還期鼓柁探

二

議禮當年互短長盈廷聚訟更譸張不有昌言提北闕何由麗藻變南荒筆花璀璨螺盤秀墨藩淋漓金汁香流寓新添楊太史滇人猶自侈餘芳 螺盤山名金汁河名

三

丞相家風餘澤在狀元名字久無慚封章為感君恩重辭

鄭國詩集 卷十 七言律

十

關共知吾道南半世身流雲萬里一家言就書千函至今私叔人文盛猶向高峽訪舊卷 升庵著書四

四

批評今古定誰真震世才名只累身蘭省難指簪筆史海隅忽有論詩人文章共識千年貴遭際何妨一代貧廢園雲荒徒極目心期莫負見池春

五

名賢游處水雲和一帶青山抱碧波海色平連雙塔遠人烟直上五華多城樓雨過御殘照漁港柳深足棹歌白首傳經文僻陋兵戈甫靖有吟哦

六

遙望太華翠黛低影影飛影照澄溪乘時燕雀榆枋笑襄德鳳鸞枳棘棲楊子宅荒秋雨點杜陵堂廢晚烟迷招携欲問高峽圖報道柳林綠水西

七

先正園亭載酒尋連峰隱隱海雲深碧雞矯翼凌霄漢金馬軼塵到水潯獨說萬言雄七子誰能一字易千金遺編雖在芳踪遠但有啼鵲共客吟

八

荒徼誰題白練裙漁村窮野柳堤分揚帆夜泛滇池月開牖晴飛玉案雲夢斷南天遶問室心懸北極敢忘君文皇若憶梁王傳金碧虛談莫上聞 玉案山名

鄭國詩集 卷十 七言律

十一

九

遐瀝流芳屈亦仲夜郎元有誦仙人高吟未答貴官禮問字偏共初學親時託放歌成跋扈非因玩世恣嶙峋聖朝萬里同文軌須信天涯若比隣

十

西蜀名家筆有神丹鉛百卷露華新昂藏謾忤張平敬著述應傳尹道真天地浮身非獨我古今相望已多人臨風不用增悲吟何處笠簑無隱淪

九日和家綸錫韻

菊滿東籬裏露香登高懷遠意茫茫極窮猶抗孤鶩志垂老未聞處世方對酒惟應談幻夢裁詩切莫恨流光人生

榮華花開落勁琴何嘗鎮日張綸錫偶
談新夢

又

屈平幽憤賦離憂宋玉三招繼唱酬連客移文方獻謝懷
人間酒又悲秋處窮堅志君無愧豪詎和顏我更優佳節
共舉芳菊佩非將荷荷傲王侯

和家綸錫月下二首

擬持神鑰啟天關自信癡同介石頑鄉夢已繁蒼檜月歸
心久厭碧雞山生明生魄圓仍缺狂狂歌劇復閒愁裡
渾忘秋欲盡聊憑濁酒潤衰顏

阮籍何須怨路窮生涯擬問祝雞翁縹緲魚書隨北雁飛
揚蝶夢限西風秋來天末原無意月照離人亦至公其奈

聊圖壽考卷十七言律
士二

旅愁時復劇如同秋月南下南中

補做葉

滇南天氣每如春九月無衣不笑貧蘇子黑貂真敝盡孟
嘗孤白已輸秦負薪未許資文繡披釣只堪伴隱淪為愁
北歸風雪厲還將一腋補如鵝

家綸錫得曉窓清快得秋多之句頗自欣賞做堯夫

作首尾吟數章敬和之

曉窓清快得秋多百斛珠璣玉一窠自訂殘篇探廢麗更
拈新韻發長哦謝家鐵屐全無齒羊傳銅鞮尚有歌安樂
先生烏几隱曉窓清快得秋多

又

曉窓清快得秋多閒賦楚騷初薜蘿風露於今獨鬢早山
川自古任人過食薇共道食繁死酌水還令顏色醜何似
高眠忘毀譽曉窓清快得秋多

與客象棋

八區橫直象方州勝算終歸局外優一着先時摧壁壘兩
雄扼處限鴻溝制形非恃車徒眾握要全憑幃幄籌規畫
漫矜盤石固伏機還慮發當頭

閒忙

萍滯西南幾度秋襟期自信等虛舟良辰生受花當眼獨
坐屏營詩遣愁軍令方嚴行酒政心機欲化欽杆休人生
閒劇均勞碌相看年來盡白頭

聊圖壽考卷十七言律
士三

周生係山尉于某被劫江右周生云吉客寓與于無
素誤註名彈章淹繫半載以近付見示畧無怨
尤題句慰之

年來天末見聞新名字誰防忽誤身魚網鴻雁堪佐笑桃
僵李代莫生嗔稔知公冶原無罪却道曾參解殺人手持
君詩增惋詫豐城寶劍豈終淪

家綸錫賜祝詩用勾漏麻姑事戲答

萬洪遺洞瀟湘臺蘿欲問丹砂奈遠何談劇弄琴聊古調酒
酣拔劍莫悲歌寂寥雲水新成契薰灼門庭舊壘過癡念
麻姑指爪妙塵心只恐喫鞭多

立春日張社錫饋此釀

律吹太簇已飛灰有胸陽春大地回客夢能尋歸路去好

春疑自故園來醉心醇釀鄉中水到眼韶華旅舍梅厭見
官庭懸綵勝前期只待杏花開

除日家給錫通五金度歲

灶中雷爆濕新添挺瘦醺難不可醺客味偏嫌椒酒苦辛
盤終遜故園甜朱門賤士無空刺綠字宜春有壁黏明假
鈞金營歲事祀先祇賴水晶鹽

乙亥元日癸亥占易得鼎之訟

歲亥建寅癸日臨晨與樸策問升沈六親應世京房傳四
象生扶焦氏林學易餘年期算過藏神早信見天心尚新
衍出金鉉利貞悔還憑內訟深之卦變訟疑有訟事
故以見過內訟當之

元宵雨雪

元宵雨雪卷十 七言律

十

天妬元宵雨雪偏五華烟火望中愆王孫選勝妨行樂農
父占祥願有年新市初聞珠減價綺筵誰見月爭妍孤燈
寸焰光生壁羈客原來得景全

別丁張二副戎

冠軍年少卽封侯絕塞報功寡府秋百代麟藪存姓字一
時鈴閣見風流每共幃幄談詩禮常臥鼓鉦緩帶裴異日
勲成思退步期君同訪赤松遊

早發交水苦寒

交水春寒曉不禁霜風到面復侵襟雪兼清霧先成戰雨
驟輕烟更積陰見有歸鴻傷鐵羽未聞去婦恤遺砧徘徊
蘆渚思梁笱猶弋于今尚恫心

將出滇境自慰

滇南之道苦嶮巇堅石誰期旣復完斷脫寧忘股有痛醫
瘡應愧體餘癢宦途地主官多易旅壁題名墨未殘五載
險巇成往迹好歸信報平安

次多羅海距清溪洞十里前誤過還擬補探有作

清溪之洞勝滇南萬象天成一洞涵誤過渾如前日事重
來穩擬詰朝探法幢不動風生寶繡像有嚴月照龕近得
麻姑書信至百花釀就醺山嵐

題滇南勝境併紀風物

勝境嘉名謨不謬天門萬里隔雲深漢官誰是西河長羅
漢雅耽北鄙音厝火眼薪終灼體養難內饒恐傷心玉關
生入班生老從此不憂瘴癘侵

又

方產只堪克下庖不毛豈任責包茅松紋石累莎羅布野
鷄山藏孔雀巢茶樹茶花真麗物竹雞竹鼠亦佳肴河西
元數姑藏好孔喬於今難解嘲

又

學吃檳榔苦味辛石灰菓子也燒唇傲舟不帶鈴河水買
輻休沾雙道塵碧海涵天留客夢青山滿路送歸人烟馳
驛路移文至世外閒雲待此身

檢裝

書半寄昆池西頗似伏波下五溪帶葉檳榔欺普洱裝

車意似勝文犀壺中剩有樹頭酒厨下曾無鴨掌難設道
靈官行李儉清風明月已全携

雲南坡

我行已過黔西境此地猶名雲南坡雲南之坡長十里關
嶺東望鬱巖巖風生砌底空嵐動雲霧山失積翠多從賦
小山招隱去洞中烟水爲誰和

次普安州計程

避地爲嫌毒霧蒸湯溪回首冷如水雞公背幸距無介象
鼻嶺今馴可乘嶽斷白河龍叫踣橋懸鐵鎖鳳飛騰行行
鼓櫓尋漁父湘楚新題次第增

軟橋道中

軟橋之嶺太崢嶸陡爾兩山遮面傾蹕險方驚紫霧轉絕
崖忽訝墮澗行危巘亘古無人上懸棧久摧葺未成黔道
一坡連五堡重來懶復紀新程

普安縣道中

十里烽臺五里亭層巒虧蔽路全屬嶺頭遠望增松栢澗
底幽尋隨鶴翎空翠亂零遮日黯孤峯直上逼天青黔西
不是山陰道爲少名流曲水銘

再題鷓鴣第

三板橋西鷓鴣寺羊腸一綫轉千峯纖塵不起聞清梵空
籟時鳴梧曉鐘嵐氣欲流松減翠溪風纔動竹增容隴山
自有青鸞侶不戀芳洲草色重

黔道雜述

清路雲山鬱不開日衝青嶺少塵埃方憐驥足摧金掌更
戒與夫慎石苔謝傳耽遊絲屐折王生此取命車迴畏途
嶮巖常相值信免人間熱徑猜

又

贏得無官百慮刪此身不減嶺雲閒海霞流影紅千樹溪
深涵香碧一灣餘有素心銘白水留將好句贈青山長途
萬里遲遲到懶慢誰能責曠繇

又

方外知交號廣成烟霞無恙足吾生品評風月權衡大進
退雲山藻鑑精滇水過清鱗不有黔山太濫岫無名觀人

閱世均如此虛願徒傷老向平

又

西南地道利承乾氣象方嚴鎮大千羣岫四圍無尺土中
間一隙是青天盤江瓶建衝全楚關嶺泥封失半滇最是
乾坤奇特處行人莫憾化裁偏

又

崎嶇世路本天成豈我獨行怨不平疾美任愚應勿藥命
沈詩酒可忘生眼前知遇難求倚夢裡家山省計程若更
揆著防悔客門庭不出得元貞

又

逆命有苗近若何盡言干羽勝干戈殷宗尚用三年克漢

帝難遇一紙和鬼國名賢經見少夜郎遷客古來多偶披
輿誌懷前烈勝蹟惟存馬伏波

又

三苗六詔號玄魔南海微颺便起波地勢無如盧鹿險徒
繁只有狝家多聲傳銅鼓雷轟谷福禱龍潭女跋河 掌
陞屢勤優恤詔杞人還嘆手無柯

又

盛朝恩減徧南天榮瓠遺風格未全羅鬼翻嫌黔首狡豪
曾善攘漢官權沿溪女餽紅藤袋出洞苗纏白蠶繭任課
六條書下考不知何處飲食泉

江西坡

鄭園詩集 卷十七 言律

太

江西有路不堪行十里迴波兩岸傾地挺重巒連遠道天
增露雨阻長征遙峯松嶺浮雲亂深澗流澌積霧平此段
崎嶇嫌已甚前程何有更崢嶸

老鴉關

峻嶒一綫老鴉關鳥道千重霄漢間西望昆池明似鏡東
瞻關嶺曲如環板輿蹶躓紫風上鐵屐蹣跚折霧攀連客
自傷顏色悴不堪重對去時山

盤江橋

盤江十里絕重淵兩岸高山蔽遠天雲過石梁皆豹霧風
搖鐵鎖動龍涎清濤九折趨荆楚濁浪一支滙蜀川近日
尋源勞漢使乘槎可得似張騫

早發安南

早發安南碧岫連黔西一帶好風烟濯纓不碍溪雲起題
宇恰同嵐翠鏤懸瀑如簾珠濺洞亂峯無樹綠瀾天若憑
妙墨圖幽勝只寫琴書襍被還

過竹林坡梅子哨

梅子關前風日和竹林坡上發狂歌問同屈子捫天問幻
學長房縮地過方訝危峯懸似棧旋臨深谷曲如螺前途
漸履康莊境嶮巖世情閱既多

過頂站

東來關嶺碧重重溪澗迴環積霧封川上不稱無本水山
中只咏最高峯野塘過雨添新漲危巖宿雲盡古松竭蹶
鄭園詩集 卷十七 言律

九

由來因急步車輕馬健也從容

三月八日頂站道中得家信至

魯地封題方臘月巒鄉開闕已春餘來經百日幾魚信真
抵萬金一紙書看罷平安投澗水不知風雨毀山廬歸家
若憶南中事只可逢人說索居

關嶺

再過嚴關意惘然窮途舊識只山川會通交綯中權地保
障西南半壁天重譯來騎頂站馬星輅下帶盤江烟黔驢
雖欲提封遠不用九泥限幅輶

又

滇黔扼吭象金湯不減嶢函四塞強地鎮重關衛中夏天

開一嶂表南荒豐碑剝落莓苔滿廟貌巍然俎豆香戎備
轉輸資內賦 皇朝益重此巖疆

過嶺

嚴關雞唱促行裝盤筍衙烟八杏茫不信孤蹤猶異域却
疑過嶺即家鄉暮春儘可臨沅水盛夏方將下漢陽實數
歸程餘兩月強如夢裡度瀟湘

又

曉嶺欲下且暫停小憩啞泉讀廢銘雨過乍添千竹翠雲
消忽見數峯青迴瞻鳥道皆成字俯視烟村半失形百日
驅馳憐病驥蹢躅落盡蹉跎釘

雜公背

本國詩事

卷十七言律

辛

方枘規圓與世宜峯巒刻盡少參差嫌他馴象無羈勒愛
爾鳴雞盛羽儀生怯登山陵谷險願言浮海水雲奇蓬萊
縱有風波起卧看滄桑變不知

再題白河瀑布

亂山凝碧遠天青雪浪忽翻海若靈非是玉虹千白日定
疑銀漢墮繁星陰晴雷電爭噴谷晝夜蛟龍戰宵冥誰見
懸河跌千丈正須重注酈元經

又

官道游塵關意興桃源流水是平生市城屢變山無恙
鎮任更水有情一曲鑑湖宜我借數椽茅屋倩誰成何當
便就禪樓隱日對飛流賦濯纓

安順過顏濟園太守獻呈

澗曲崖懸日陽攀前程何處寄行軒山多難復尋龍脉流
連誰能問水源小憩深憐溪草細久行不厭嶺雲繁長途
過謁黔西守笑指蘿松有繫援

嘲詩

詩酒一生真大累文章敗厄未為雄漫題只是林泉與墓
體全乖雅頌風多藝容知少時賤無能難送老來窮免冠
中翰猶多事衰姬纖纖學愈工

又

行處疎簾節日影賦成破硯起氣氤氳踰巖得詩千首羞
蒞還慳錢一文新稿斷難污白眼故人人久已隔青雲紅塵

本國詩事

卷十七言律

主

漸解欺衰景途次閒題盡可焚

又

廟廊金石皆成響巴里謳謠不出村名士定從當世重
文幾見至今存作詩未必窮偏好延譽終須達愈尊免俗
未能聊復爾還同曝日展牛禪

又

人間聲氣貴無垠風雅何嘗廢樂羣花鳥咏題渾小草廟
堂廣和乃鴻文批評只許山雪誦裁鑒敢煩顯貴聞四十
學詩今老矣殘篇不待子孫焚

留郡齋待子基來滇不至

天涯回首素心違魯甸空餘舊竹扉白水河邊風浪湧
在時

且蘭城外海雲飛于在非關黔嶺風烟盛定是黔雲青
信稀須大自老遊塵身已病何堪遊子又忘歸

戲題

人說旗黔程萬里看來蹊徑只尋常盤江潤壑非天斷關
嶺丘陵未大方木窮山強索似帶坡長路短橋如房倘逢
仙侶招樵牧只用一鞭起石羊

談雲貴彞俗

西南釀亂說唐朝形貌侏僂習性蠻滇史山傳九隆探黔
疆洞滿五花苗星回盛節明松炳俗風墓遺規見骨銷黔
流土設官元有等不應名器假焦僥

安順雷聲竟夕聲中嚴鼓之節紀之

黔嶺山中聞異雷神車奔擊較相摧般如變鼓中天動迅
訝燭龍海上迴嚴威雖震元非怒音節減和不是災貫屬
無停終永夕電光一迸混濛開

又

鼓撼震來自化生黔疆忽遇異常行暴霆乍裂兼山動飛
電急掣逼夜明疾似湧潮無迴勢曼如嚴鼓不停聲較延
長跪欽天變七地誰能勿震驚黔嶺關太守
從唐說禱

途次修琴

三尺焦桐綠綺文訂交十載未離羣游共泛秦淮月遠
宦携看滇海雲顛倒行藏懶有是中和情性不如君知心
雅勝投膠固音響豈容世浪聞

琴病

客裏鬚毛霜漸侵長途告病到孤琴囊裏苦雨昔生錦瑟
黯亂塵土蝕金海水移情憐獨往高山入弄鮮知音期君
莫負箕山約共我支離已到今

蘆荻哨遇雨

蘆荻荒陂野澗東深泥沒竹漬行竊兩行綠水浮烟外一
路青山細雨中鳥護危巢當客路雲歸岩岫趁溪風星躔
鬼度坤維會陰霽何由得至公

去思碑

滇黔之道莫遼巡名利難求半繫身脫險方知傷去晚衝
塵又遇巫來人華民流落淪棄爰邊吏照濡但假仁蒲路

黔嶺詩集 卷十七 言律

圭

豐碑鏤去思謳歌漸遠漢唐淳

貴西道中漫成

常行一月三千里此道九旬七十程千祿過勞增白髮立
名已倦怨青萍山川似滅來時秀行李還同去日輕五柳
先生真有見只營三徑罷長征

雨發貴陽赴龍里

細雨淋漓過貴陽重經龍里野雲荒陽明舊蹟詢郵宰太
白遺機問夜郎歷險能題方是癖離憂不賦未爲狂從教
霖霖連三月敗輻拖泥已到鄉

又

雨過深山淨客塵飛來嵐翠滿衣巾澗蹊雖曲無歧路洞

經空幽少逸人斷峪高低分水細遠客濃淡得烟勻此心
久謝繁華道遮莫長途滯此身

兩中開鷓鴣

客夢年來繞二東鷓鴣枉自說途窮還鄉廿月經旬雨去
國仍乘萬里風任爾暫行音韻好鷓鴣音行不得詩哥不如歸去語
盲忠如歸音不從今莫復啼深樹恐學蜀鵲嘔血紅

雞場馬市

雞場大市占荒岑伯樂不聞生近今絕影惟應長勒馭空
應曷用短筵臨駑駘有價登天廐驥馱無媒放遠林烏啄
殘瘡痛已透收藏駿骨賣千金

有感

京華故舊久離居宦海誰知風信虛三輔郡侯多晉秩兩
河節鎮不生除祇問屢拜還官表不見來唁失位書新貴
少年英氣甚更持華策過矜余

楊老道上冒雨

積雨連山霽復生黔天難見淡旬晴英英雲起峯嶺隱淡
淡烟橫澗壑平人滯夜郎家在魯詩留羅鬼步遊京古來
遷客逢淹蹇半滯山程半水程

再過華嚴洞

望裏松篁蔚遠陂華嚴重訪是前期塵纓不許溪中濯靈
窟只容方外知敢與雲岩爭勝槩隨令風洞失幽奇山靈
問我今焉往清竊歎悵別離

將出黔境漫成

謾說炎荒道路長風烟萬里不盈筐筆峯較比山峯銳墨
嶺全含嵐瀟香泉石清怡觀未壯山川雄肆興偏狂文章
不是憑虛構題目半饒羅縷鄉

振遠府計程

扼控漢蠻居要會鍵關黔楚劃西東山臨振遠客方欽江
過洞庭勢始雄流水不須蘭楫渡辰溪竟可石梁通倦遊
無復淹梁宋鳬嶧蠡蒙在望中

振遠儼舟下武陵

山行纔罷便水行千里武陵信宿程斷峽合時知港轉懸
巖開處見天明漸添積雨逢灘少岸鮮荆榛過纔輕船到

聯園詩集

卷十七言律

五

桃溪尋鹿洞仙源漸動故鄉情曲阜古名仙源

舟過蕉溪雞哨泊棉花溪

迢迢綠水帶青山樵徑漁莊翠靄環雞哨得魚沽灘酒蕉
溪轉棹過棉灣躡岩斫竹輕千仞依依編茅只半間一笠
一簑均可老誰教跋涉滯重關

過平溪遇雨

清峽東江深不流孤帆短棹日悠悠入辭滇海霜欺鬢重
向武陵雨打舟辰嶺林巒遮目黯洞庭烟水接天浮何當
亟下襄樊道便渡黃河是故丘

過磚城峽石壁如磚砌仄線分明延袤江岸

千尋峻壁似連城脂膩花磚剝削平氣象巖巖層堞現廉

隅翼翼麗熊明攻堅姑緩三都隨乘瑕誰共百雉爭造物
肖形何不有金湯原自貴天成

泊舟晃州岸聞催歸音不如歸去聲江岸甚急

歸心已劇又催歸雲戀故岩鳥倦飛湖海烟波人易老鄉
國書信見常稀江風蕭颯迎孤舫嚴雨廉纖點客衣感爾
叮嚀良意厚不如歸守舊漁磯

歷便水遇漁舟

柔櫓呀呀轉碧灣奇峯滿岸厭躋攀流鶯聲裡聞機杼芳
杜香中拾佩環波浪有文惟楚水松杉無際異黔山但恐
忽逢漁父問澤邊憔悴逐臣顏

過滿天星灘

鄧園詩事 卷十七 言律

主

揚舲飛過滿天星天限繁星飛滿舲駭浪得風晴欲雨激
濤蹴日晝常冥上灘如奮摧鋒鼓下灘俄驚出峽霆湖海
風波饒已慣猶自心神震不寧

次沅州橋

小艇無帆順水流輕橈一夜下沅州江皋芳芷遠堪佩漢
渚明珠不可求辭賦漫期逢屈宋風規非敢短曹劉此行
更不謀詹尹歸去長從沮溺遊

泊鷺鷥灘頭

黃昏莫下鷺鷥灘巉石槎枒濁浪寬露泊維舟當峽口風
樓假寐聽驚湍星光閃爍牽波動嵐氣陰森逼夢寒見說
年來無虎患山腰况有短茅攢

舟發紅岡下辰溪

曉發紅岡日正曉辰溪不盡一帆風遙知辛女峯前路只
在沉香船畔逢二酉金函全鑰啟五溪銅柱半銷融功高
又碍椒房貴皓首儒生合遇窮

野泊見麥熟作

蠻荆二麥也懸黃風候漸知近故鄉東園農桑當五月南
來跋涉阻三湘江山不抵口圍勝蘭芷爭如黍稌香野泊
暫依蘆荻岸暝烟無際水茫茫

經楠木洞望楚人避兵處

荆楚亂離昔未平倉皇何處寄餘生匪巖支木猿難絕削
壁成巢鶴亦驚展嶺關前屯戰騎武岡城下置連營桃源

鄧園詩事 卷十七 言律

主

久閉秦人洞與嶺連江且避兵

次盧溪懷舊尹家夢兆以憂去

昔石大江日北流盧溪賢宰有遺謳三年憂去懷新綬萬
里人歸憶舊遊桐木均邊飛雨點沉香船畔積烟浮世途
若更無艱阻宦海風帆未易收

過辰州望三酉山

強秦烈焰到荆蠻千聖薪傳一日刪聞有遺經藏魯壁誰
將墳典貯名山鴻文只利逢時用蘓簡難追古道還二酉
窮搜真誼汝石函久閉五溪灣

泊清浪口

清浪灘頭泊野烟斥堠蘄卒候江邊夜深只共漁人語港

辭幸同估舶連夢醒忽驚浮纜動枕欹應信短橋偏不開
刁斗嚴宵警惟有青山護客船

早發清浪過界首

青山宛轉護江流到武陵古渡頭深峽爭同三峽險惡
難殆甚九灘稠峯藏重霧全埋樹石激驚濤半入舟會過
鹿門尋舊隱不須重問洞庭秋

白馬渡訪桃源洞

仗劍尋師遠扣門其如鬼谷不開關少聞遊俠偏成契老
見青山已厭煩世事渾同浮翳過人情大似倚潮翻何當
便向桃源住洞裡漁舟不出村

再題桃源

每過桃源輒問津傳來仙蹟信難真但須實識雲霞異何
用虛矜聞見新山水俱疑塵世外風烟果勝近今淳方知
荆地多奇興到處幽村可避秦

武陵阻雨八日待從人未至

武陵源畔問湘靈四望山懸雨氣青只道重關淹後驕誰
知靈潦漲前汀千峯飛瀑歸雲夢萬頃浮烟失洞庭九十
嚴程行過半早分河洛是門屏

曠觀

西南萬里壯觀窮放眼須教大地空到處人情無甚遠世
間奇險總相通高峯冲漢餘焦徑濁浪翻雲容釣艫時會
變遷今古異征誅揖讓半雷同

武陵苦雨不止再題

行與林巒熊繯封澗洲一望水淅淅氣蒸七澤雲常變烟
鎖三江雨正重家在夢中連夜到愁當客路竟年逢歸程
萬里能餘幾任爾靈霖遞道濃

又

湖南湖北雨翻盆常德兼旬雲物昏漢浦烟迷道珮清桃
溪漲斷避秦村江邊估舫行山半城裡漁罾挂縣門擬弔
湘君追楚些洞庭無畔汨羅渾

楚風

荆湖自古盛波濤蘭芷幽芳滿漢臯烟景應推桃洞勝文
章共遜漆園豪採風常惜偏遺楚作賦誰能更續騷自是
南音多激越恍聞湘瑟間雲璈

入境

萬里歸來逐客身故困風物半如新烟村仍是曾遊地道
路頻逢舊識人適口欣沾鄉井水振衣盡去異邦塵滇南
多少還家夢此日還家定已真

抵家

日日言歸今日歸欣奔衡宇望柴扉舊開幽徑荒埋屐手
種柔條大可圓愁病老妻還拭淚驚疑稚子欲牽衣耆年
烟薰多凋謝白首歸來故舊稀

過洛陽賦得洛陽三月花如錦

花事年年興不孤况逢伊洛舊名都我來正值春三月萬

紫千紅錦繡鋪道堞廢磚留漢篆荒郊斷碣辨周諫北邱山下多禾黍隆古繁華迹已蕪

宜陽 阿彌陀佛

韓魏兩和使未還秦兵日夜出函關巖城難恃屏山繞敵壘反憑洛水環恩據盟壇今寂寞宜陽雉堞久爛斑戰功方立名旋朽勝蹟惟傳灑澗間

崑池道中聞 聖駕將幸華嵩 詔飭煩民恭紀

郊廓元來古帝基山川猶自見遺規西周全盛通灑澗東漢中興說崑池河洛安瀾迎玉仗華嵩飛謁待龍旗 綸恩疊下煩民禁臣庶何由答 聖知

又

南園詩集 卷十 七言律

辛

巡狩虞書稽古帝車攻小雅頌周宜龍顏曉望天池水御仗青龍少室烟鏡建洪河東入海門開伊闕北朝天閭閻疾苦動 清問供頓惟需內府錢

解州謁崇寧宮

聞道武安起解梁崇寧宮殿栢蒼蒼恥安全蜀分三陽擬奮偏師克兩強一代威名餘赫奕千秋俎豆正馨香英雄成敗皆天數漫惜草廬畫未長

追和高山顏寄演見懷之作

惟有讀書事易訛顯榮幾見腐儒多困緇未慣乘風雨病軀端應在尉羅冷飯鄰度憑笑傲熱場陶令遇噴訶不如共醉明湖月濃淡世情奈若何

新安諸邑被水 詔截漕米減糶便民時季姪令新安偕赴天津領運紀事

老去備書煩更疎齋門時復見爰居九重 睿慮周民隱

百爾臣工畏簡書 天囑甫能分一粒閭閻從此慶三餘

聖恩深厚舟難載何有關津權未除時抽船稅

由天津過趙北口如新安

天門直與海門連臺築黃金玉種田估勛千般帆照水漁村一帶柳搖烟督亢膏盡今如在易水悲歌俗尙傳過市誰能矜貴倨爲聞屠狗有英賢

奉懷王朴公廣文兼悼宋敬止

英流聚散憶齊門雄辨羣推稷下髡老去逢迎憑几杖貧來家計問兒孫懷人時下羊曇淚作賦難招宋玉魂賴有東萊王祭酒逢人猶辨我爲昆

南園詩集 卷十 七言律

壬

聯句雜興

南軒向暖北牕涼宜夏宜冬一草堂蔭座竹松風古淡克盤筍蕨飢家常臥臨水檻翠梅澗行讀花間字句香魚鳥會心真不遠更從何處問羲皇

城隅僻處似山中領取荷香十畝風花作簾籠編錦繡石成巖洞看玲瓏詩豪酒霸輸年少放誕疎慵任老翁門外

實賓休見過竹林久已熟山公

刺水殘山罷遠遊一丘一壑自風流賽酌方熟花當檻良友清談月滿樓酒政苛嚴客我老詩思雄放讓君優流光

非獨催衰髮後起英髦也白頭

老年安復事詩書
湖海元龍氣盡除
草沒硯田慵更理
苔侵花畝每親鋤
丹苞綠蒂墻邊果
脆葉香鬚井畔蔬
寓內青山遊未遍
逢人只說愛吾廬

閒閒小圃倚城阿
矮矮茅簷挂薜蘿
篆篆常牽花霧縹
松風時帶鳥聲過
文雄不必驅窮鬼
夢穩何須祛睡魔
茶沸旋聞嘉客至
好來相和採芝歌

聽唱設詞

莊言經訓共誰論
且聽荒談恣不根
誕慕吳剛揮玉斧
誰同曼倩笑金門
月中丹桂連根斫
天上蟠桃帶核吞
聞說齊諧能誌怪
翻騰江海倒崑崙

詩集 卷十一 七言律

五

諸俗

何須卓犖與時乖
虛願平生半未諧
宦海風濤無畔岸
行踪萍梗少根荄
彈成絕調琴宜破
看透人情劍欲埋
多少英雄稱志士
力爭氣數費安排

贈族孫 乙酉科掄魁

吾家福蔭自先基
學古恒傷得意遲
賴有文章華國運
莫將溫飽隘襟期
王猷自昔無偏黨
仕路于今有正奇
族裔年來多困頓
新硯銛利自逢時

聊園詩畧後集卷十一

五言律

別高山顏

十載金蘭契好懷
勝季昆風流推棧下
名士擅齊門悵別前期在
感時古道存
蛤湖遂初後持贈楚江孫

雨晴

江村新霽好雲縷
若逞天嵐濤濃如染
岩花舊可憐百川方盡楚
一嶺漸通滇不作窮邊更何由歷廣堪

桃源道上

紆折桃源路人烟傍綠溪
清宵無吹犬亭午有鳴雞
剛爭供常計牽蘿待客栖
依稀大堤曲只在漢皋西

詩集 卷十一 五言律

一

又

簞筍衝霄露從闕入苑林
濃陰遮道隘空澗
貯雲深徑曲隨山麓
橋斜卧水潯最憐春谷
晴不辨百禽音

又

計程三數月輕騎過湖湘
風條分行翠山花
引路香蕊蘭藝成團雲岫
聚爲莊莫問迤秦地
仙源近杳茫

又

輝日篩松影溪風顛酒旗
景新難給賞逕曲易忘疲
漸覺笑囊重誰虞空囊
舊東西兩天際鄉夢
愴迷離

辰嶺關

倚空懸斷壁鑿逕破嵌岑
巉石怯微雨傾崖礙冠
簪溪生

異色卉谷嘯難名禽轉眺西岑路松杉交影沉

界亭驛道中

耽看春山麗莫嗟行路難
輒香薰徑暖翠瀟瀟
滴永寒懸嶂逼天
隘盤研失地寬
旗亭無久憩前岫正雲繁

又

驛道轉山隈
鑿蹄破草萊
林深巢鶴鶴谿淨閑塵埃
叢桂何須佩疎松不用栽
我行無倦色小憇惜與儓

又

年華嘆逝矣道路復悠哉
迴五千山合盤陀一逕開
有峯皆隱秀無樹不生苔
昨夜漁船至道從雲夢回

又

方吟清溪遠漁莊翠岫環
湖雄矣地繁升富故山還窄
捫蘿過崖懸躡霧攀莫言登陟
悴前路似弓彎

別家夢兆由桐木坳赴船溪驛

盧溪家茂宰遲我歷雲曉
村僻訝駒從蹊荒問野樵
板橋歇澗曲茅屋隱山腰
鳥道旗亭近前程去尙遙

早發辰溪道迷霧

辨方嫌宿霧行過聽晨雞
地軸驚輪轉天文變攝提
揮戈日返含砥柱水流西大
麓無雷雨誰令七聖迷

辰溪縣

辰溪江若佩翠霧霏崇墉
舟帶洞庭水巖得辛女蹤
潯隱因斷澗卜宇挂高峯
更愛層巒外連雲滿種松

懷化驛

橫茅山脚下共此曲溪風
分沼通魚笱結離隔笋叢
烟樹無管業花月最圓融
不信炎荒地偏宜蘭蕙豐

馬公坪

楚區何衍與綏靖順時康
田賦兼山科梓材論谷量
石梁飛雨黯沙岸野雲荒
夜宿忘局尸晨齋不計糧

次便水驛却寄沅郵家錫譽

宗望沅亭長名流隱抱關
家傳韋素舊聲籍賢豪間
結客傾囊去郵倚得句還
風塵欺面目雅調在高山

平溪衛

蠻鄉繁瘁瘴風物轉清妍
襟袖入空翠簾與破曉烟
賦山多柏樹科畝鮮方田
荒服皆王土包茅到日邊

蕉溪

黔江淺可揭黔嶺峻難捫
林靜後啼夜月昏虎觸簷
山懸竈隔笑谷鳥學人言
不叱王陽馭南行定北轅

鎮遠道中

嚴關當楚要取道入盤叢
峽斷江疑涸草靡山漸童
緇塵微雨沅油編烈場烘
鐵鑿馬蹄健曉屨利琢礪

鎮遠府

雲岫千層迥鍵關百雉強
重江成微塞因險鑿金湯
樓櫓傍岩起驛屋依水張
道通笮竹外一輪啓南荒

華嚴洞

儒宗黜異說隨地見虛靈大巧無雕琢真空有色形葆幢
連石繡香篆帶雲局却怪鴻鈞力扶幽攝廣庭

偏橋街阻雨

馬瘡愁路永行急罷登臨偶滯黃梅雨暫棲綠水滂有懷
頻問酒無寄亦鳴琴奇勝飛雲洞詰朝快討尋

興隆衛

民葵安僻陋驛道自煩衡草短飛烟細山童疊翠重裴軒
籃筍迅馬倦轡銜鬆服役家苗慣得錢不計儲

楊老店

勞人停駕晚野店息燈時秣馬需稅穗膏車用桂脂薦紋
鋪紫綺嵐障灑青瑣遮莫旅愁攬羈樓近酒旗

鄭園詩集

卷十一

五言律

四

漫成

午憩思蘭漿宵春聚桂嶺山同青玉潤草勝紫芝香側弁
當風快開襟過雨涼緩行無蹶步險阻亦康莊

龍里

仲春方去魯盛夏始臨黔常恐膏粱味不勝笋蕨甜嘉粒
秋旆旆燕麥秀漸漸風物自清美何當旅恨添

又寄家信

裴輕如曳絮輿便似揚帆林遠烟全沒巖傾日半啣短策
裁葉製尺素帶雲緘但得平安字不須更啓函

威清衛

遐陬風物古似與素期諸野沼粼粼淨閒山衮衮排岩花

京紉帶潤草露香茅不織芳州路潮洞問水涯

平壩街

新建安平治障開結局寬雲屯烟萬灶風戛玉千竿龍井
深無底聖泉流不乾誰知荒裔地到處有奇觀

水橋屯

羣峯拔地起巖壑密如籤筆股管城額臂拱水玉尖芙蓉
春欽髻翳翠曉開奩欲得烟巒意蘸雲染素緣

安順道中

豈但流風異兼之方類奇穉兒蠻姬夜括髮野苗癡屯衛
新更縣開閭舊狎桑含生欣並育覆載本無私

又

鄭園詩集

卷十一

五言律

五

威清抵安順信宿兩三程羣岫如潮退周行似砥平地多
墳壤起道鮮棘荆生越日度關嶺輒斜之字行

苗俗

荒服初歸版鳥蠻半占黔峒丁工織被溪女解腰鎌飲食
甘穉穉衣襦解素緣武侯銅鼓在有路怪峯筍

新舖

林子名
竹林坡名

陰霽片時異山川亘古同康纖梅子雨淡宕竹林風松澗
沈雲黑旗亭落照紅荒村權繫馬意味頗從戎

盤江鐵鎖橋

翠山羅險塞萬水注盤江連綆懸危棧鑿雲植鐵椿南交
企葉表西域雪蹄繫神力通天塹聲靈警異邦

安南衛 改縣

黔土分疆隘山巒得獨豐
嶂嶸爭地氣刻畫盡天工
旅舍從人聚道經羅鬼叢
勞名利客辛苦畧予同

老鴉關 絕壁有朱書

紆折鴉關道勢如虎負嵎
盤空千曲轉插漢一峯孤
峭壁鏤雲綫怪泉裂石膚
兼驚風候異寒暑變斯須

江西坡

雨黯荒坡道人行積霧中
二儀成混沌一氣接鴻濛
方玩雲烟變轉防瘴癘攻
盤叢儼在望登嶂隔西東

又

東魯音書達西江陂又重
烟迷羅鬼道雨過夜郎封
板滑

聯閣詩事 卷十一 五言律

六

泥侵野澗深雲溢胸行行
昆海近悵望五華峯

新興縣 尾酒地名猶華言水下

烏巒元鬼國窮奧似雲窩
山到荊荆盛雨當尾瀝多
巖關金呼峭峻嶺轉名坡
豈是傭書倦凌風叱馭過

又

苗俗無遷業繼姬解力田
刷山開積霧剝竹引飛泉
稜餉紅藤笈巾纏白瓊瓊
芸生均有適誰憾化裁偏

普安道上

絕谷如探井板崖似躡梯
羣峯多拱北萬水轉流西
城郭包山起町畦帶雨犁
地荒人苦儉待客有鹽壘

平彝衛

路入滇南境新詩須更妙
風聲鳴洞壑雲彩絢平郊
卦配坤離會星分井鬼交
兩遙驛土曠物產近稱饒

又 兼得街對對對野羊血愈百病

松平將斷壑風掠欲歸雲
觸景驚新見披圖驗舊聞
方言疑克豫習尚近河汾
其艷嬰兒錦耶尋黑獐獐

白水驛

坤維安靜理翠岫欽崢嶸
沃野西關塞松風湘楚清
青苞珍紫荔黃綉蘆香橙
人說滇南路不同偏仄行

又

雲叢荒裔地烟景轉清舒
松引雲漢經竹迎水到渠
四時盛花木一雨變居諸
玉斧雕輕畫山川其真余

聯閣詩事 卷十一 五言律

七

馬龍州 三省分路

巖疆連蜀粵要路扼山城
繡嶺松濤沸澄溪霞彩明
石門街遠翠龍峪闊深箐
絳靜茂樓迥猶虞行旅驚

昆明海上望碧雞金馬

裏聞滇海魚其大可端車
今過昆明水空濛薄太虛
山霞方士致禱祀茂陵書
雞馬依然在漢家時已墟

下直却十馬撫徵桑糧

聖朝聲教遠庸吏似邊才
鳴角山重應揚旗瘴霧開
穠囊穢米至壺榼帶錢回
素壁無文告吳獬盡子來

又

官方嚴考課安得轡銜紆
刊木通行騎剗崖便版輿
桑

恭土賦保婦餉樓閣聞古循良吏不徒尙煦

結交

熱交情始劇昵若兩來舟偶觸石尤怒爭將錦纜收江河
流日夜勢利信沉浮待得風波定還能就我謀

又

雅道崇浮素真如松在岑結根非附勢藉畫亦無心明月
閒來往白雲自古今歲寒交不變一任雪霜侵

獨坐

避煩耽獨坐幽賞莫余同檻竹兼亭翠簾花墜雨紅論文
四美少作賦三都雄素業東家舊服膺得固窮

又

鄭蘭詩事 卷十一 五言律

人

羈客交親少幽棲恣討尋花間行得句賦就坐鳴琴對酒
情當劇懷人念莫深渾忘清鬢改一任歲華侵

子基癸酉春來省難繼北歸由江南入都甲戌夏復

來迎家歲餘再往返計程幾三萬里矣詩以勞之

風塵三萬里北海極南天孤影千山過寸心兩地懸顧余
淹蹇甚憐子服勞偏願慰克家望莫成裕盤桓

壽綸錫家糧憲

逢君嶽降日共滯天涯時伯以南山酒兼之小宛詩知非
希仕哲俟命兼先爨還擬歸田後同塞角里芝

陳敬庵小飲對奕論梅花詩因各言歸計卽事

霰集錦雲堆濃陰卷瓣茶花開有花非是瑞無雪不書灾

罷奕聊談劍裁詩一問梅南州高士約携手賦歸來

壽張祉錫張年四十四有五子就傳故祝語及之

行年四十強五桂白眉良題戶無凡鳥傳家有義方八龍
荀氏里九世張公堂多福多男子壽徵正未央

別王唐侯守戎

軍容旗海壯吾黨舊書生鑿沼兼裁弁談詩不論兵時平
旗鼓假宴劇管絃鳴惜別天之末梓桑逢繫情

別同鄉諸友

萍聚天涯外土親情倍深三春芳草夢萬里故人心悵別
憐孤影東裝臘一琴倘傳幾鯉信定不致浮沈

又別涼友

鄭蘭詩事 卷十一 五言律

九

雲南歸化寺恭明洞城聲金馬軼街去碧雞引吭鳴情深
覺語淺途遠利榮輕別後逢賓雁豈容荒舊盟

催歸

擊筑將誰和吹竽意久慵羈愁緣白髮老淚滴青鋒獵獲

生麟脯影空病驥蹤東山風月好歸計莫從容

又

墨檄衝硃印吏呵迅若霆身辭演海碧妻近魯山青世事
皆泰粵天涯本戶庭誰無鄉國望憲語太叮嚀

四首

驥歌金馬下萬里送歸人翻恐歸心遠或傷滯客神爲君

遲信宿勸我慎風塵去婦顏回首生慚遇舊親

又

滇海盛波濤泗濱開桔槔分秋各天際相望兩鬱陶我才
難借箸君阮未辭條若遇齊公子無忘三沐勞

又

鄒魯風烟好滇黔道路長相看同潦倒欲別且徬徨夢醒
猶餘怖皮完尚苦瘡秋分重握手去任兩神傷

又

此杯不可勸此行豈容暫勿以別離意交增去住愁樂郊
無賴鼠粉社有巢鳩往復增悲惋三春忽變秋

題潘園水明樓詩後

鄭國詩集

卷十一 五言律

十一

來就陳蕃榻暫分照壁光紆程移酒病消日賴詩狂慰我
蕭騷意讀君琬琰章長城推五字風格逼初唐

又

主人期會去發笥得珍編金石鬱輝赫聲華何蔚然一麾
君出守三稔我歸田雖復行藏異好詩許共傳

留郡齋待子基來滇不至

白水流郭郭青山入郡樓羈縻三月暮世事兩奮收客裡
憐舊客遊人憶遠遊天涯重隔越望盡海西頭

郡齋漫題

歸心前歲動歸計決今春花柳開長道風烟隔後塵重遊
新賓少異地故人親淹留期信宿眷戀動經旬

又

郡齋新雨後深院扇春陰花露沾書幌竹風涼壁琴牕間
嵐氣入庭際嶺雲沈沈無那催歸鳥時時感客心

又

素志今搖落新詩動有神劍花埋更澆薑性老逾辛通籍
異登醜罷官敢後貧書成當日雲彩綢高旻

又

不窮千古興難競一時新筆退禿方健墨藏淡覺真三唐
風格麗二雅體裁醇近世多名士典型憶古人

夜景

鄭國詩集

卷十一 五言律

十一

閒齋清不寐幽興莫余同庭下峰頭月開收溪澗風漏沈
羣動息心靜異香逢自有形骸累浮生半轉蓬

與潘園話師并舊事

親戚悅情話勝如玉屑新龍灣雲樹茂兔園風烟渚後進
英聲繼前賢模範親清談夷甫最雅論遜今人

興隆衛冒雨

重陰鬱不開盤筍長青苔一逕穿雲過四山積雨來前邨
岩霧隔後騎洞風催欲問羈縻地行人指水隈

又

尾渡黔南地靈霖號漏天雲苗荒遠道雨脚下平川利涉
憐霜首畏途願息肩栖遲依古戍遶屋響流泉

次澧州擬赴江浙不果

潯州當楚要兩水夾城隅新藕蓮花蒂鮮鱗腹腴霧迷雲夢澤風迅洞庭湖虛擬乘帆便秋初下越吳

過順林驛卽景

江村當夏月雨霽翠迷天稻浸蓮塘水樹籠墟里烟綠雲沈遠嶺白鷺點平田欲採芳蘭去離根繫小船

過公安題寇公竹

兩過公安道湖邊寇竹青葉凌風个个幹表節亭亭臣悵全天植輿情協地靈鎮南歸旆後鎖鑰更誰局

又

萊公遺澤遠綠竹鬱朝烟嶺表歸靈輻荆南挂紙錢枯枝生雨露新葉長琅玕方信孤高節猶能隔代傳

鄂園詩畧

卷十一 五言律

三

宿花關疊順林韻

芙蕖艷綠野雲樹點江天湖漲連宵雨林含半露烟開帆飛遠浦野水灌平田欲向花關宿隔溪問渡船

渡荆江過水師營

欲渡燒雞浦輕舟凌曉開波從白帝下人自夜郎回兩岸浮烟動中流急雨來江陵形勝古殘壘近城隈

又

荆鎮雄諸夏水師控漢湘浪恬餘壁壘風靜偃帆樯分汛接樊口順流下建康軍中無戰備打鼓賽蓮塘

荆門

漢水連湘水荆門向鹿門江流無盡夜客意變晨昏日炙

容顏悴風凋髮髮見天涯一回首烟瘴萬重屯

又

鴉肢三十里遙接虎牙關長坂隔西嶺荆門帶北山蒙惠饒泉在襄樊一望間知非炎瘴地復見亂峯環

早發建陽驛

早起乘新霽建陽古驛邊微風啼野露深樹起炊烟結佩紉香草問津近釣船五年滇海客歷盡楚江天

過團林舖

楚天寥且濶炎日下團林行旅憂煩暑長空惜片陰中華風候正荒微烟瘴侵若更寄滇海何知入夏深

新店

鄂園詩畧

卷十一 五言律

三

楚北佳山少我詩聊紀程荒烟迷驛路鉤棘梗人行江到襄樊緩途臨豫兗平屈指金伏日輕輶洗塵纓

夏日

聞說趙宣子不如衰也文日躔行北陸暑溽畏南薰表道無嘉樹高天少片雲歸飛苦鵬鳥何日蔭榆枌

悼輿夫

輿夫李文錦

悲夫常德子冒暑任肩輿微利豈堪死殉名殆不如晨猶矜躅健暮已棄溝渠及爾離秦越斯須一慟余

由小河口泛江下襄陽

中流乘風便一葉下襄陽濁浪層雲起輕帆半扇張岸添新雨潤橋蘸曉烟涼日望中州近今朝盡楚疆

襄樊

萬里衝炎暑三旬滯楚湘樊城遺堞古一水限襄陽身逐
漁人謫賦成鵬鳥翔欲將峴山淚來叩習池狂

過新野懷顏去非

舊邑侯已擢部

故人登顯要羣憶邑侯賢余有炎荒役君分清俸錢五年
勞夢寐萬里隔風烟今日白河上臨風意惘然

過光武故宅及鄧禹里

以鄧陰兩后產此又名貴人鄉

羣聞東漢際鍾靈在此方今知文叔里近接鄧侯莊白水
真人出赤符傳會荒郭陰相繼后亦復貴其鄉

中州

英賢中土聚應運豈無徵德星占頤水佳氣望春陵鄉以

鄧園詩

卷十一 五言律

十四

椒房貴盛山高隱稱自從炎漢燼正閏幾朝興

過光武廟題板倒井

道旁板倒井東漢著奇聞立馬臨深堦傾泉濟萬軍地靈
知義舉天意屬仁君井底公孫輩誤參圖識文

古葉縣道中冒雨

夏行無雨具靈潦最欺貧書篋濕增重劍花淬益新頓消
炎暑氣似洗瘴鄉塵雲外有龍挂葉公好未真

李膺墓

炎漢運將燼風獸司隸優摘奸摧合杜禮士共仙舟智遜
徐孺子圓輪陳太丘豐碑汝墳上墓草尚含愁

涪川

渙渙涪川水纔能勝小舟乘輿傳惠政採訪記春遊深樹
連雲黯濁濤和土流猶餘王化在人士說成周

朱仙鎮

強金師屢屢武穆績垂成聲震黃龍府心懸五國城金牌
飛驛路扣馬候書生古鎮遺碑在千秋意不平

過陳留懷陳力庵太守

旅食陳留道有懷陳太丘故人今擢郡此地有遺謳憐我
十年困瘁君萬里遊新詩擬早寄半帶瘴烟愁

儀封人

賢人有吏隱仰止識攸欽詞令謙然下中涵靜以沈德輝
親聖範片語見天心望氣同關尹耿光不數臨

鄧園詩

卷十一 五言律

十五

望河堤

記在滇黔道傷心萬里遊未遑思魯句且復憶中州舉目
黃河近更懷清泗流洛陽花自好不是舊園丘

渡黃河

仲春離瘴海大暑渡黃河早喜家園近猶虞歸夢訛智疎
逢雀鼠法恕緩鋪羅舊有衙門在欣奔意若何

至單喜晤朱武林姻盟

單父朱公叔及余舊締盟五年成間濶萬里繫深情愁裡
小兒女樽前老弟兄猶疑滇海夢仔細看簪櫨

秋宵

新安署中作

秋宵愁不寐孤館意屏營故枕風聲細透幃露氣清三更

兒女夢十載宦遊情百慮皆如洗銀河竟夜明

又

殘暑秋猶劇閒庭趁晚風天船初見影河鼓正當中簾領
非吾事鄉園有夢通懸知歸去日弦月尚如弓

琴志

備書毫末倦執筆罷鳴琴理軫塵生玉按徽上餘金久忘
流水調誰續廣陵吟但識陶公趣無絃也會心

過石珍春亭別墅即事

聞君千里至避地遠塵囂過從三徑相看惟一壺非關
輕袞見雅志在林泉風雨十年事談譚氣尚豪

又

聊園詩事

卷十一

天

使君開意園策筵故人來較我芝顏盛輪君豪氣恢情同
花爛熳意似水潏洑欲作歸田計美哉泗水隈

高王葉李四生招遊明湖古廡亭

夙有明湖約重尋歷下亭標題新易篆邂逅舊橫經對酒
頭爭白論文眼復青猶餘望古意白雪問滄溟

臘梅

選地層岩下栽梅曲榭旁金苞藏素蕊玉蘂迸寒香淡宕
幽人意蕭疎逸士腸含情如有贈佳信動春陽

小梅當竹牖玉骨映冰姿素影搖青幌幽香入酒卮簞消
霜白夜雪霽月明時芳潔誰共賞蒼苔自詠詩

聊園詩畧後集卷十二

七言絕句

榮辱

功成更校中書考權罷方知獄吏尊榮辱倘云皆素定浮
雲有蒂月留痕

窮通

冠軍不敗由天幸飛將未侯爲數奇富貴若憑人力致英
雄困頓更餘誰

成敗

無忌義高難霸魏荆卿事濟豈亡秦當機不復權成敗便
是天生有用人

聊園詩事

卷十二

一

恩怨

千金欲購將軍首寸七幾堪皇帝胸燕趙何由多國士暗
中感召有機鋒

洞庭

洞庭春水拍空浮明勝常驚風雨秋漫道波瀾狂似海君
山一點砥中流

空濛瀟瀟望洞庭烟吐納長江滙百川不有海洋吞八九幾
旋地軸倚周天

觀音洞

萬壑驚湍一洞收虛中如瓢隱龍湫不知何處穿山出帶
得桃花片片流

羅漢松 老松久枯猶以名地

徧山蒼翠接雲濃
道路猶傳羅漢松
却怪旃檀苗裔盛
何從再見老龍鐘

雲南坡

廐馬敝車萬里程
層波歷盡隰原平
滇南勝境猶三舍
已聽輿夫笑語聲

十里崇陂墳壤黃
黔山已盡望滇疆
不知曉路行多少
落金蹄拾滿筐

過清溪洞不知其中幽勝輿夫過行失之悵然有作

路逢奇勝輒停軒
不許山靈謂折轅
見慣漁人勿遽誤
余咫尺失桃源

鄭國詩集 卷十二 七言絕

易隆驛聞書聲

誰道遐荒鮮哲人
山川靈秀與時新
欣逢大化南行日
負笈應傳尹道真

板橋

板橋回首憶鄉關
魯殿靈光隔夢間
西望碧雞眉睫近
不知已過萬重山

紫微堂觀滇人賽雜劇 五月十三日

竿頭欲進掌中身
縹緲初姑結束新
若教瑤臺雙步月
臨風飛下玉香塵

苴跋江 卽蛟江有引

滇境多山世謂黔山十之九
滇山十之七雖大都

會郭郭不過十許里
仍有沓岡複嶺錯時其間姚

邑北鄙苴跋江兩山夾岸下
視江流一線如墜九淵

凡九十五里登北岸亦如之
羊腸鳥道紆迴百折

歷楚黔及滇山行數千里
未有如此崎嶇偏仄者

乃今羣民漸剗削之稍通輿
馬行人稱便矣猶之以酒作詩記之

和曲道中

苴跋江邊瘴霧浮
兩山萬疊束江流
爲驅羣獫狫開奇險
不惜金龜減杖頭

鄭國詩集 卷十二 七言絕

安寧湯泉

天下溫泉首擅名
坎離消息一元生
不知勾漏丹砂液
何似金盤玉露清

泉元自出佳山

卽景
籬花蘭蕙盈盈紫
嫩柳柔槐裊裊青
此地風光何所似
暮春每舞浴風亭

十月一日夢抵家謂荆人曰
今番歸非夢矣覺來失笑

因憶時當展墓成絕句三首

幽夢無端逐遠風
一時笑語一家同
鮮能夢裡說非夢

恐夢醒是夢中

殘秋已盡冬初吉孤客忽增風木悲遙憶緬軒城北道老
寒携幼掃林時

萬里新歸宜省墓况逢此日栢衣成南天尚有野人淚望
斷雲山洒上塋時荆人自漢先歸三月矣

夜起挑燈獨坐

披衣起坐一燈紅冬夜苦長况客中鄉夢九千八百里更
傳二十五聲風

聽滇人談軼事

昆池一勺豈滄溟蒙段公朕敢不庭鄉曲哀永遺老在猶
談往代小朝廷

聊園詩集 卷十一 七言絕

四

得馬有時傷北塞羊誰意觸西藩姑蘇麋鹿啣春草冠
蓋猶尋安阜園

滇中風物

年來烟火五華多錦簇香霏盛綺羅賽劇惟聞提水調觀
燈羣唱採茶歌

霜後豆花爭銜紫春前麥秀已浮黃冶遊城畔打窩女歸
去却言秋稻忙

讀士儔詩紀異

斯道由來許共傳能測海管窺天自從寰海同文後寄
籍發羅也聖賢

胥井老蛙沿堊行決喉脹腹出新聲危脈何自聞鐘鼎眺

月吹簫亦善鳴

西洱河邊得似雲學詩怪說號空羣若教流入中華去海
外文章說異聞

時髦有句輒期傳痼疾着人久未痊大疫于今流轉變奇
方合用暴秦烟

丁丑秋復遊歷下晤高山顏兼懷王秋史

十年不到歷山阿華嶧依然枕潒河王粲入都高適老濟
南名士已無多

塩池題薰風臺

塩池百里水冲融襟帶層臺古帝宮岳牧九官今已遠早
財猶自待薰風塩花南風始結

聊園詩集 卷十一 七言絕

五

傅巖

一代明良以夢傳夢前夢後豈徒然後王果有求賢夢也
應飛熊兆渭川

結想元來在夢先夢蕉得鹿也非懸漢文誤解高宗夢致
令寢區愛鄧錢

和

園中紅葉可賞綸錫爲賦霜葉紅于二月花十首敬

竹牖茅簷處士家楓林一夜着丹砂不知春色歸何處霜

葉紅于二月花
霜葉紅于二月花園亭處處錦雲遮天公爲恐羣芳悴晚

抹朝霞賽晚霞

漫言秋實護春葩霜葉紅于一月花暫假酡顏同爾醉莫將搖落怨年華

芙蓉零落雁行斜霜葉紅于一月花疑是函關來紫氣不知何處逐仙車

朝暾遙映赤城霞霜葉紅于一月花草野何知楓陛遠紫雲一派捧宮車

漫誇閨苑有奇葩霜葉紅于一月花忘却秋深楓樹改翻疑春色在吾家

霜葉紅于一月花非關歲序有參差冬行春令尋常事况復清秋爽氣嘉

會聞紺雪出仙家霜葉紅于一月花饒使大風飄落盡也

應布地作金沙

老去流年似轉車杖藜日逐酒旗斜醉顏賺得兒童喜霜葉紅于一月花

霜葉紅于一月花蒲團絳雪豔明霞誰將贊化調元手野卉挽成上苑葩

石船詩有引

石船東鄰人家得之山路間移里門外兄坐具風雨之所剝蝕牧豎傭夫之所摩弄過者蔑視之未嘗以爲異也余購而置之小池中題以四絕見者乃賞其奇相與扇和遂成卷帙茲石一時之際遇何幸哉夫寶劍在獄美玉在璞銅藏則湮沒已耳

振而發之而後光彩爛然此借乎人者也若其果足以自見頑如石頗有所賴識者賞之況人而可自棄乎哉或曰好事者之所爲有道不取亦姑聽之

愛住浮家張志和輕帆日弄五湖波得魚沽酒陶然醉自有樵青解棹歌

生涯半在五湖中鶴夢只容鷗鷺通賺得桐江千頃碧一綸明月釣秋風

曾把直鉤下急湍還擇石舫逐狂瀾人生容有風波險世路其如心地寬

一卷一勾卽湖山大液太華都一般欲渡迷津無鐵杵姑留石棧在人寰

入角爐詩有引

功名富貴聲色貨利爲八角爐煎熬盡多少英雄世俗以酒色財氣括之如鐵壁銅城攻之不破撞之不出汨沒者終其身焉人至七十可以稍淡矣

爲誰詩十二章

七十老翁何所求爭王圖霸有時休英雄半向中年盡多少營謀未到頭

七十老翁何所求少年科第幾番休文章自有新花樣書墨重翻誰更收

七十老翁何所求石崇豪侈綠珠愁黃金難買長生藥奴

輩原來與富隣

七十老翁何所求官登極品是竿頭子房辟穀非虛誕爲
謝淮陰與鄼侯

七十老翁何所求曼絃急管雜清謳黎園驚散漁陽鼓花
萼寂寥凝碧秋

七十老翁何所求玉肌香脉最和柔紅顏轉盼成衰醜
枕幾能共白頭

七十老翁何所求明珠美玉砌成樓兒饑不飽寒增劇懷
寶山來世共尤

七十老翁何所求蜀山特賜鄧錢流蜻蛚不救黃頭餓銅
臭于今讓未休

聊園詩事 卷十二 七言絕

八

七十老翁何所求呼盧豪飲足風流兒童久識朱顏誤且
許公容數酒籌

七十老翁何所求呼朋挈妓憶登樓座間縱有紅妝在誰
把容光媚倦眸

七十老翁何所求蘇秦屢困傲貂裘何當一綰黃金印庸
免歸來妻嫂羞

七十老翁何所求揚眉吐氣卽王侯英雄氣短千秋快輸
盡人間庸碌流

又七十口號

人生七十古來稀何事勞心苦用機回憶從前多所悔過
茲以往未之知

人生七十古來稀麟脯瓊漿吃不肥縱令屈仲能導引清
臞肌骨也支離

人生七十古來稀二十年前早知非假令更過三十載終
輪頽家少亡兒

人生七十古來稀騎馬能如年少時醉後發狂無檢束詎
譚時復落金卮

秋日同陳力庵飲西園兄郭內小樓和韻

老年誰復賦悲秋且上元龍百尺樓幸有元方同載酒相
看白髮也風流

老來情興似深秋肯負庾公月夜樓但聽村童說二老不
知何代有清流

聊園詩事 卷十二 七言絕

九

壽力庵七旬有三

詩境通君老更狂祝君壽過百年強稱觴歲歲無餘物尙
有新詩三十章

詩境較君拙且慙祝君八百太癡食誰能待得蟠桃熟百
歲已過七十三

從友人來金鯉僅得二尾戲復

自非遠信寄雙魚空有開池負那居聞說尙餘絲鬚種莫
須獨賞錦梭如

賦得囊空恐羞澁杜意獨一錢以看守空囊非自恐羞澁也

囊底何須啻一錢金錢十萬可通天空囊無個錢看守縱
是錦囊也惘然

玲瓏做囊可飾風中有一錢便不空常見隣家多百萬等閒買得子孫窮

題宋文貞公墓

正氣如公無間然襄南勝地產名賢有唐一代稱良輔惟許曲江可並肩

華北鳴蜩瘴烟狂開元盛治賴誰襄然一抔藏麟骨千載猶傳梅賦香

聊園詩畧

卷十二

七言絕

十

聊園詩畧後集卷十三

五言絕句

亦資孔

轍環曾未至何爲美其名得毋蠻荒外亦資吾道行聖教原無類釣陶盡海隅有生欣並育斯世皆吾徒

客詩有引

光陰過客天地遽虛嘆隙馬之難羈感棲萍之靡定客言客况客意客知作小詩十八首

客身

幸追轅轅繫漫勞將伯呼殷勤謝明月獨照客身孤

客思

聊園詩畧

卷十三

一

米鹽籌碎細烟煙疲逢迎事事關懷抱執如客思清

客夢

黔山兼楚水魯甸更齊城歸路雖迢遞其如客夢輕

客味

熊丸茹勝藥醺酒飲如醉甘苦脩管後無如客味辛

客牕

紙破類飛蠅風聲似裂繡幸餘烏几在獨對虛牕凭

客燈

月色潑疎檣霜風不可聽相慰孤燈影熒熒殘焰青

客帷

窓虛涵素月帷薄入淒風挂壁無棕拂淡然百慮空

客筆

顧此中書賴半推金鏤鋒不題鐘鼎篆但寫烟霞容

客鬢

棲泊任流年鬢毛知歲月黯然能幾時燦燦雪花殘

客榻

移床遠俗客戀榻待高人自愧徐孺子誰稱座上賓

客枕

篆消香穗燼寂寞對孤燈凝結鄉園夢囊琴當曲肱

客酌

樽餘樹頭酒離有菊花聲獨酌松岩下舉杯勸月明

客茶

烹泉蟹眼沸碾玉鳳團香七碗風生腋興酣顚酒狂

鄭圃詩集 卷十三 五言絕

二

客遊

不泛金河水卽登玉案峯欲尋太華寺雲外一聲鐘

客座

息機聊罷奕無寄亦鳴琴隱几忘煩慮嗒然太古心

客交

愛讀滑稽傳更交詆譏豪裂殘吳國縞折却呂虔刀

客途

主人不知姓雞黍洗征塵邂逅非阿堵誰能更款賓

客歸

買鞍金馬北解鞍洞庭東桂槳三江月蒲帆萬里風

北園十景

古堞朝霞

古堞高百雉晨起見朝曦不知城市裡疑是海東村

蓮塘暮雨

香雲暖細雨徧湖泳花氣試問採珠人可得百斛未

介石藏雲

介石古且拙雲物隱窟窟九天風雨來時聞龍虎嘯

孤松梗日

亭前一古松銅骨鐵爲容不因雷雨至白日起蛟龍

層臺玩月

高臺鬱崔嵬峯巒萬嶂開清宵無伴侶獨與月徘徊

鄭圃詩集 卷十三 五言絕

三

曲沼觀魚

清淺曲池水活潑小金鱗但得溪梁意魚鳥自親人

梅塢鳴琴

梅塢香初熟靜坐一鳴琴不求知音賞悠然太古心

石船垂釣

我有一石船鐵篙重難掉不作烟霞遊只學任公釣

茅亭雪霽

量力營小亭只須茅一束三冬雪晴時盈園積爽玉

柳浪鶯聲

遶牆百株柳苑彼成茂林晨鐘發清響入夢有鳴禽

五言排律

貴陽呈田大中丞綸霞二十韻

蕭然任簡士，舉此坐匡牀。紫荷如茶苦，青檀似水涼。顏榮一命邊，邑試鉛銕豫。楚風烟盡黔，漢道里長故。入腐帝眷開，府鎮南荒山。碯田寡民，辟苗顛強。撫綏需靜理，網紀慎愆忘。清譽域中滿，仁風境外揚。登臨裴帶緩，譔寢瑟琴張。貢禹彈冠慶，王陽叱馭。珠光分壁照，蘭譜襲餘香。霄壤飛鵬鷁，誰遑序雁行。窮販牛馬走，抗帆望扶將。駭夷嘶良御，見吾蹤。薛囊聊期剽，犀象不復問。驪黃野看拔，茅起三台虛。廟廊

家西園兄郭內新墅觀蓮分賦

郭園詩集 卷十三 五言排律

高人多遠寄，不必在林泉。小築依郭郭，棚樓奪市廛。當應千疊岫，遶砌一渠蓮。妙哉文泉水，陡成瀑布懸。琴詩君獨最，博奕我猶賢。可許清秋月，連床夜不眠。

補遺

上和五色牡丹韻

奇文日漸多，輪囷五色錯。異彩霞瓊瑤，錦濤水滂瀉。姚王僧魏后，相瑟鼓丹索。懸知白雪客，紺雪醲醲粕。五雲變態多，正間色參錯。朱紫競富貴，蓬瀛隔滄海。世眼分青白，義取任輕索。却思黃鶴飲餘瀝，沾仙粕。天香雲漢多，靈樞莫認錯。深紅飛空艷，輕碧涵澄瀉。帝孫製霓裳，鮫人縷水索。願聞黃白秘，綠字映紫粕。織組功未多，機杼休教錯。濃淡香發，淺深水滂瀉。青紫勞行拖，黃白費摸索。何如遊綠園，紅粧倚春粕。大巧不雕琢，何用他山錯。朝霞炫紅酣，春波湛綠瀉。白鵲謝樊籠，香年掣鞵索。赤松與黃石，妙道遺糠粕。煉石補虛空，洪爐豈錯錯。蓬萊雲物變，滄溟瀾氣瀉。青黃紫白綠，綺繡欺線索。紅霞作天衣，玉液醉芳粕。大地增物華，化工妙綜錯。欽苞香冉冉，放蕪露瀉瀉。一元含四象，隱顯誰探索。花王共酒聖，臭味勝蘭粕。春風畫錦多，金紫如繡錯。奇葩上苑珍，貢自西海瀉。丹堊爭間氣，元黃戰戎索。待收仙掌露，醲就百花粕。文章盛事多，錦繡雲中錯。鉛白帶丹灶，姚魏潤滂瀉。南箕代鶴馭，仙音靜絃索。柳汁衣微染，清瀝餘綠粕。至文不在多，瓊英石爲錯。赤烏兼白羽，羽衣濯清瀉。花霧紫鳳凰，香風動鈴索。太素起黃鐘，元酒無糟粕。

隋苑綸緇多裁剪煩金錯何如造化功園冶無滓瀉青鸞
啄黃竹白紵舞雲紫試看綠叢裏紫鸞雙桂柏

乾坤發精蘊五行無繆錯水土秉木氣榮滋得沉瀉赤黃
應運道玄白窮丘索但吸穠香露不羨天厨和

附仙題五色牡丹

純陽元韻

文章別樣多青紅綠相筍白絲紫黃絹綃深柳淖瀉綠欄
求特幸明燭映絃索花影動白鷗草色凝香柏

太白和韻

古今文章多青白紫交錯草色洶瀾瀾竹影泥瀉瀉叶律
鳴黃鳥調琴動朱索深綠涵綠柳流水沉瀉柏

聊園詩集

卷十三 五言古

余園中有五色牡丹常嘆清平調後鮮佳詠會長清高
述庵諱代善請凡呂祖臨箕余祝求五色牡丹詩濡墨
立就繼請大白和韻亦如之題難韻險成于俄頃居然
初盛之音非中晚所得彷彿亦非凡近所能假託也蕭
然驚悚者久之不揣固陋齋心仰和得十二首俱邀仙
評頗見許可附之卷末聊以紀異非敢收齊諸滋惑也
併附小詩誌幸

雅頌遺音尚可求文壇近代幾名流學詩自恨無唐句
初盛何緣得唱酬

自識

自跋

古今之善於選政者惟 聖天子一人而已矣其選詩也
體格甚寬凡例甚簡去取甚平恕而嚴且精體格者何風
雅頌是也凡例者何賦比興是也然風雅頌從乎作者之
所成而非以爲律也賦比興任乎作者之所託而非以爲
例也雖謂夫子之選詩不定體格不立凡例可也至于十
五國風二雅三頌不矯之使同不襲之不變兼收而並傳
之初未嘗尊頌而細雅重雅而黜風也斯不亦寬簡而平
且恕乎乃一言以蔽之曰思無邪則嚴且精矣夫思之爲
言情也是知夫子選詩主乎情而已矣古人言情恐其盡
後人言情恐其不盡故盡情之詩無餘情不盡之情有餘

聊園詩集

自跋

詩也知此則無論貞淫正變要不離乎情之真者近是情
之真者萌于性始流爲天籟有自然之聲音節族未嘗一
發而不可繼子曰關雎樂而不淫哀而不傷皆言其不盡
也情莫切于哀樂二端而哀樂之精又莫切于父子兄弟
夫婦之間即君臣朋友以義合者亦莫不有情焉以貫乎
其中人知里巷男女相慕怨之爲情而不知山川草木鳥
獸昆蟲荷其意之所託皆與吾有相爲纏綿不可解之致
亦情也人知燕樂憂憤之爲情而不知朝會征伐祭祀感
格之無非情也今謂風之言情人知之矣謂雅之言情則
信者半而疑者半謂頌之言情也則信者一而疑者百
荷頌而非言情也將古之和神人格天祖者不必實有其

誠直可以體教之敦厚高潔當之曰頌之格局云爾也恐夫子在所必刪也故棠棣之篇詞調美矣而情不摯雖有文而軼之華黍之什聲氣和矣而情可通雖無文而錄之一主乎情而已矣然則詩不論理乎曰非然也理之不存情于何有易主理然六十四卦無理字而無非理也詩主情然三百五篇無情字而莫非情也乃夫子繫易曰知鬼神之情狀明乎理而陰陽之情見矣猶之不離乎情也論詩曰思無邪得其情而正變之理著矣猶之不離乎理也是一貫之道也至唐以詩取士故有應制之體起承轉合繩規井然初盛諸人猶神明變化于體之中而諸格生焉體不立不足以爲準格不分不足以盡變一起也或直起

聊園詩畧 二 自跋

二

王陶謝可盡刪也宋人謂唐無文後人又謂宋無詩亦論古者輕于持議之過矣今詩學以唐爲主理學以宋爲宗而其淵源繁置不講不幾于尊父忘祖乎故論詩而不得夫子刪詩之意則詩以道性情之旨宜于古而不宜于今今則惟體格有合焉斯已矣將優孟貌叔孫之衣冠而肖可以相楚東施效西子之捧心而美可以傾吳也信乎詩以風雅頌爲歸而盡于思無邪一言思之爲言情也情不正則刪之故三千而十存一焉苟情至矣雖無文亦詩也譬之律令科條然從其寬簡可也吾故曰古今之善於選政者惟 聖夫子一人而已矣

聊園詩畧 三 自跋

三

按唐律如體有三一字拘一句拘一聯拘字拘如句風聲隨玉舞步共沐恩波鳳池裡之類是也何拘如排律內五字皆以五字皆平之類是也聯拘如黃鶴樓觀遠洲之類是也大約平仄少變而多寡適均高整于亂化板爲活錯用則非律矣

聊園孔貞瑄自識

聊園集序

予小子讀吾師壁六夫子聊園集三復撫卷曰昔
今彭澤在官入十日餘皆優游衙宇高枕北窓至今其人
可想而任廷之拜武威太守帝戒其行曰善事上官無失
名譽則又何說焉吾師學富黃虞秦漢六季唐宋之書括
毫揮霍才氣汪洋少歲魁庚子鄉榜司鐸岱陽旋遷歷下
作興敦率一本躬修多士稍有畸行對之頓生慚然其嚴
俾威發有如此更攷訂大成樂律器數聲容編定秩然悉
奉臺憲頒奏廟庭復見韶箒遺響至瑟調失傳心解神摩
按之絃綬脗合譜出於創無殊於因而有無不出口榮利
不繫懷肯藉闢千久而彌旨曾何折腰之辱樊籠之拘哉

聊園續集序

嗣是越宰大姚繼徵炎荒民雜焚保官半酋長多金肆虐
功令罔遵上官難之此可以賦歸田矣乃孤踪天末毅然
擔當抗成案畫圖籍如奪生人虎狼之窟世世總其噬吞
其於上官也不惟生憎眷轉鞠脆而正不假依違將順焉
三年來問愁走馬則鬚之霜也戮牘巡簷則心之血也以
至獲戾而不顧投刻而自怙夫亦何損於名舉哉抵里後
長公西野筮仕沙河日給俸錢掃廛迎賓探囊不澁勿子
黃山追隨几杖歌咏盤桓自樂其樂則又何必斤斤八十
日解組而退而後稱爲一代高躅哉茲以聊名園非悔也
非傲也富貴聊也功名聊也憂鬱坎壈亦聊也以聊寄身
以聊卒歲也卽搜輯散佚藏之名山蓋不欲爲無聊不自

聊者以汨沒其聊焉之興也若夫詩兼初盛而生新文駕
八家而饒麗高渾不雕跌宕自如海內嘖嘖關里宗工詞
壇老宿固已久矣倘曰皆其聊且焉已耳猶是側身門外
咫尺與褒美富其誰窺哉謹爲序

康熙辛卯秋日濟南受業門人高瑾拜手撰

聊園續集

序

二

聊齋詩集續集目錄

卷十四

詹事海棠

和力庵太守贈歌者作

東塘邀賞風折美人梅和

讀田綸霞黔書有感

竹枝詞四首

秋思迴文二首

詠古二首

題節孝朱氏

園中

刈萊種花歌

買花二首

諱幼子

題王秋史草堂

北園十景七言律十首

古樂朝霞

蓮塘暮雨

聊齋詩集續集目錄

介石藏雲

孤松梗日

層臺玩月

曲沼觀魚

梅塢鳴琴

石船垂釣

茅亭雪霽

柳浪驚聲

輓西園五首

開林二首

龍邪

挂劍草二首

黃梁夢

邯鄲二首

鉅鹿

王耶城

光武新石人處

讀史臆斷十六首

夾谷

兩觀

隴三都

趙所許世子

前侶後恭

分美

負人負我

賭堡

喋血

和戰

難風

議禮

紅簷

闢禍

甲申

沐猴

少子添丁

知命二首

輓李孺人十首

讀書析疑十四首

天地人皇

元會運世

聊齋詩集續集目錄

中和位育

一貫忠恕

人鬼死生

鬼神德盛

莫戰莫破

為飛魚躍

仲尼日月

天下歸仁

知天命

百世可知

千歲日至

仲尼焉學

聊齋載入關里名勝誌

聊齋十宜

宜春

宜夏

宜秋

宜冬

宜雨

宜晴

宜月

宜雪

宜琴	宜基	題 聖祖墓誌幸	芙蓉二首	王生	漫興二首	題岱麓三賢祠	庚寅祝陳力庵	題一線天傳奇四首	追和石堂十二時歌	讀石堂三教圖歌憶舊作	同姓東塘遊石門	與止止道人 <small>論南華經有贈</small>	輓單父朱公子繼庵	尼山	嶧山	和陳健夫韻	賀鄒令	者會約法	自題小像	臘月立春 <small>日雪似宋人筆</small>	題郭林宗墓	過古英雄相遇處	題皇陶墓	贈文登劉石嶺明經	平陽署中壽家葵仲太守壽訖山隱兼題卷後	九日過汾水	過古借錢廟戲題	贈沅湘家錫譽兼呈采光	太行	廻車嶺二首	淇園懷舊	途次修武自壽	八十自壽二首	壽陳力菴太守八表	願緹怡軒遺集
----	----	---------	------	----	------	--------	--------	----------	----------	------------	---------	-----------------------------	----------	----	----	-------	-----	------	------	----------------------------	-------	---------	------	----------	--------------------	-------	---------	------------	----	-------	------	--------	--------	----------	--------

聊園續集卷十四	關里孔貞瑄壁	詹事海棠	詹事海棠二百年開花燁如霞麗天天挺奇葩驚絕代人仰遺徽緬前賢前賢遺徽真不替光華韓韓陰蔽帝近與壇杏助芬芳遠從鐵檜連根蒂世間榮謝萬不同間氣鍾靈奪天工嶧桐岱松遜其艷何彼桃李敢言穠春華能共蒼木壽名賢手澤元不朽年年挈樽看海棠本支百世同悠久	和力菴太守集北園贈歌者作	春風一曲醉流觴有美家常淺淡粧雅會幾同耆社盛詠	譚肯遜竹林強詭歌不識山王貴按拍猶推稱阮狂賴爾風流窮太守纔頭惟有短詩章	東塘邀賞風折美人梅和韻	斗室仙葩不用多惜花如昵奈情何欣同名士歌騷雅况倚美人醉綺羅芳結似通還隱笑流波欲語帶微醺從今不恨閒風雨為賦陽春侑素娥	又	妬花風過水雲鄉小院梅花開未長幸有瓌餅藏素艷不須龍腦潤天香芳鼻髮委湘妃珮總室猶窺飛燕粧夢向羅浮同一醉空留餘韻歸詩腸	讀田給霞照書有感
---------	--------	------	--	--------------	------------------------	------------------------------------	-------------	--	---	--	----------

經生當年任往往債且假高誠羞管晏淵月神陳張一朝
 撥事變緩急備劑量權衡迷輕重提挈失領綱國脈與民
 命亂方輕試管內則病心膂外亦悞封疆故人田都憲開
 府鎮蠻荒寬猛互克濟德威遠屬揚帖耳伏紫狐折筆牧
 牯羊下俱苗名八番連九股攸佬共狎犢狗耳龍馬鏡黑羅鬼
 紫藍峒俗仲家悍土人朱氏良民苗安靜理遐邇順時康
 問君絃靖畧黔書紀載詳鍵鑰關四省叛服元不常不享
 一茅貢內地勤輓將時平絕伏莽猶復慎維防自公離憂
 去苗類互侵擾嗟哉黎平守措置稍乖方激成流土案漢
 吳兩敗傷撫軍縱騎速提鎮飲藥亡不意黔城火延作泣
 池殃土酋以黎平之案曾上言草金如點指余回念布衣交雲泥忘低昂現言
 事蹟續集
 猶在耳勿藥愚且狂昔過貴陽公戒予為官忌好再檢遺名立異余後忘其規及禍
 編讀明訓何琳瓊引此良友情感舊淚沾箋
 竹枝詞建錄少時作六首
 波敲如綺柳如烟裾曳香雲是水仙隔浦少年輕薄甚故
 移簫鼓近前船
 又
 溪邊遊女木蘭橈不唱採菱唱採蕉錦纈乍交花港轉淺
 勞眉語與心招
 又
 即心汎汎與舟輕妾意盈盈似水明舟去水寒夜如洗可
 憐孤月傍潮生

又
 君家門對越溪流妾住越溪流上頭溪中寫個相思字流
 到君前字始休
 秋思迴文
 空庭曉露墜楓丹落葉霜梧暹月寒風語亂蛩吟細草窮
 秋九怨泣江蘭
 又
 明月奏簫紫鳳鳴夜風輕散桂香清英皇寄怨秋江晚情
 繫暹天雁影橫
 詠古聖妓
 秦兵百萬壓江關安石風流選伎開危切一杆麻小謝聲
 事蹟續集
 雪不借八公山
 又
 唐朝上將李西平列伎徵歌節度營何事失權張僕射輸
 他康蘭兩成名
 題節孝朱氏
 欲表幽貞傳閭範每嗟史筆錦模劄女孫純武於今烈氏
 烈女弟婦承家自古無俗為世尹氏掌家政茹藥能隆三世業飲水
 更撫十年孤自從巾幗持門戶多少鬚眉愧丈夫
 閨中
 卜築依城關濯園十畝間松生巖背水竹開逕迎山有客
 連宵話無營竟日閒道書欣有悟紫氣近函關

刈萊種花放歌

樵尼釣酒野老家不種萊麻只種花
轆轤高挂常抱甕培角枯損蕙蘭芽
偶聽隣家機板動也懸羅經登水車盈圃
珍蔬廿七品嫩滑溜匙肥且嘉食芹正美
曠肯晴忽而殊微飛官衙脆葉香
綴連捆載青壘紫莧和根掘園內風雷
交加至門前縱橫射虎譚十畝町畦如錦
錯須臾復籍紛天表婦子聚哭園土鉅辛
苦終歲餘冷嗟雖有旨畜何所用近將飽
飼老艾殺我亦遶巡畏吏者漫持長饒刷
山涯蕪穢南郊莫種黍問說推酤免稅茶
滇海茶花大如斗移來中土稱奇葩爲語
園丁須檢校且緩秋實養春華

買花 曹州牡丹

老氣猶豪興轉奢漫憑狂醉足生涯
吟詩不作寒酸語佐酒常栽富貴花
麻沼蓮開君子里疎籬菊綻逸人家
花王獨憶龍山盛濃淡凡葩莫浪誇
龍山牡丹一林號花王

又

身入曹南錦繡中兒姑萬種開春風
少時行樂拚常醉老眼看花須滿叢
麗色豈綠傾國好天香元與化工通
憑君購取三千本越歲共看十里紅

語幼子

語爾童年弟子行天人理數好參詳
人情仇富富而吝天道福謙謙則光
惟有量衡難矯矯縱能賢聖只溫良
身同欲畧持須正莫似余羣老痴狂

題王秋史廿四泉草堂

半頃脩篁一草廬百泉潄帶水雲居
元龍豪氣今除未借米分燈只著書

北園十景

古堞朝霞

曲阜元來少皞都元公胙土有遺模
壁經檢校哀衣老偶築荒園占一隅
朝旭分光騰漸角赤城炫彩狀蓬壺
自聞衆發千秋後信有燭龍照夜珠

蓮塘暮雨

一灣綠水遶城隅細幽香帶艾菰
風裊紅蕖搖砌錦雨翻翠蓋碎連珠
青湖原許狂臣借白墮漫從逸士沽
提買

小舟遊曲港倩誰爲寫愛蓮圖

小舟遊曲港倩誰爲寫愛蓮圖

介石藏雲

愛爾孤高耿介心飛來華嶽象嶽
岑雙峯直上冲霄漢一柱中流砥
古今山岫雲看膚寸合作霖澤沛
隰原深不須追琢憐荆璞爲賦小山
續楚吟

孤松梗日

鬱鬱園中百尺松盤擎偃蓋翠重重
怪形疑作蛟龍舞勁質鍊成水鐵容
浙浙秋風節影碎炎夏日蔭陰濃與
君相對成嘉侶笑爾龍鍾億似僂

磨臺玩月

獨步高臺意若何清宵嘉興庾樓多
凌虛自覺青天近舒

嘯如聞白雪歌暗露冷星有暈明河耿耿月流波房皇
欲乞長生藥爲叩蟾宮問素娥

曲沼觀魚

園畔雪消春水生
鴈山新甃小渠成
岸盈筠簾連空翠池
孕鯢苗見底清幻比丙淵乘赤鯉
思滄海駕飛鯨我知
魚樂君非我誰解
濠梁物外情

梅塢鳴琴

阿誰與我爲三友
繞屋梅花共一琴
雅調不隨時序變幽
香何慮歲寒侵舒懷漫作頽唐句
寓意猶存太古心中散
已亡笑類遠世間無復廣陵音

石船垂釣

聊園續集

木

陸海揚波盈石船
滄田無恙任推遷
挂帆歷盡風濤險繫
纜還同鷗鷺眠
餌中鯨鯢須慢下
鈎連川嶽莫輕牽
古來惟有桐江叟
偶脫笠簑動象躔

茅亭雪霽

草亭一捧圓如笠
堆石爲山小似拳
洞壑玲瓏鵝卵砌簷
牙歷落蛭毛懸
頗愁風捲層茅盡
最愛雪晴霽景鮮
筌得
某征連茹起園翁
更以數椽傳

柳浪鶯聲

聊園園外柳絮聚
新雨初晴風日酣
漱澗湖波縈似帶
差雲岫削如簪
嚶其鳴矣簧音嚶
宛彼柳斯碧影涵
欲滌
詩腸煩鼓吹好携
斗酒醉雙柑

哭西園四兄文靖先生

典型日淪謝惟君稱後凋
與君爲兄弟情願勝同胞
嬉遊自總角怡室至垂髫
君撥狂士阮我吹浪子蕭
跋扈無檢束禮法久遁逃
多君能樹立冠首迥孤超
生長本執務雅志絕矜驕
家岸執牛耳族諸長宗祧
盡錦雙峯閣奇構勝林阜
巧石疊芳沼怪樹隱山坳
小伶擁檀板絃索動雲璈
裁笑綴綺曲擊鼓度香醪
聲籍公卿間戶牖滿題標
余自炎荒返相看慨二髦
開樽常永日話舊動連宵
彈琴琴瑟穎吟詩追柳陶
不知軒冕貴豈任俗氛
驚忽思返自然鶴馭自逍遙
耄齡已遐享時復計壽夭
所悲音容杳景物頓寂寥
烏几塵將滿寶爐篆亦消
乳犬無人飼難剔誰解調

聊園續集

七

亭月虛夜夜樞花空朝朝
迴廊臂蛛網幽榭墮蝠巢
徒餘梁月夢無復西園招
二三耆舊在誰免失聲號
留將羊曇淚數向西陵拋

挽西園四章

雙峯閣自迥不見閣中人
坐榻席猶暖爐香灰尚新
珍禽知問主嬌大解依宸
每過西州路悽愴動淚旬

又

聞君西園裡重來自啓關
藤花猶覆檻石丈自迎門
桐淚滋然滴鳥啼聲漸吞
自從安石歿誰復共開樽

又

素亭華樹在但少主人臨
寂寞呼僮僕傾斜搗藥砧
種花

羣失艷芳樹亦無陰自絕廣陵散誰傳太古音

又

吾愛素亭更真非時彥倚襟懷欺野鶴意况頻浮鷗商臥
布夷子前知康節流一宵耽蝶夢遠近慕莊周

開

閉戶高懸白笨車癡將嬾慢足生涯澆花種竹春耽酒坐
月吟風夜試茶聊自樂畦成藥圃何勞煉氣問仙家醉時
軒騰潭無夢寐倩麻姑住處爬

坐

春正芳菲二月時花香習習人添厄中年揮酒餘狂典老
去情懷少艷詩考數烟霞權獨擅品評風月鑒無私開居

事蹟集

更比當官劇庶免人間遊惰膏

龍卵

聞道乾坤似卵形一元化育秘難扁何來靈物驚聞見疑
有神龍戰脊冥冥降王庭逢祖醺好從天漢奮雷霆孕成
定作鱗虫長不必窮搜山海經

挂劍草

徐君遺塚上挂劍草青青千古欽高義一誠感地靈心盟
非市信神契不關形雲雨訂交者在奔車未停

又

顧此吳鉤冷重來墓已荒君情明有曉予隱匿難將但聽
匣中嘯莫輟地下尤名賢持贈後草木亦生香

黃栗齋

五鼎食難饜九章已殺封神仙知此理漏盡悟晨鐘瞑目
聰黃石擅拳打赤松黃栗齋已熟好夢賸方濃

邯鄲

六國謀臣少武靈氣槩孤能關遊說口一破會盟愚輕騎
現秦塞飛身返趙都叢臺遺堞在俯仰見雄圖

又

異人不得志大賈起陰謀販國居奇貨借巢淵鵲鳩瑟音
代北善芳步趙姬留往事皆波逝濁漳流未休

鉅鹿

楚軍援鉅鹿叱咤動風雷諸壘徒堅壁強秦勢頓摧咸陽
烟未滅城下戰方回可惜虞兮死英雄氣亦隨

王郎城

文叔巡燕代王郎起草中築壘成蟻聚奮臂逞蟾雄神靈
難虛捷天心豈偽通百靈知効順河水有奇功

光武斬石人處俗傳光武夜行聞石人語問道不答斬之
石丈承天問云何不對揚致煩刺象劍小試斬蛇銅白水

其人出赤符漢運昌却憐翁與仲狼籍路傍僵

讀史應勝十六首

夾谷在祝其山近顧神鎮越青石關之險鳥道二十里主客勢懸尚有要挾好會不終故設武備以防其變冠裳之會輒驚其人威信懾于強鄰折衝不貽樽俎是謂神武非兵家所能祖述若夫一劍封豨帶濁河可爭于池澤不可爭于庭五步滅血蘭生可爭于池澤不可爭于

土音此
會霄壤矣

忠信之衰講會盟誰將禮義作干城陰符簡盡無人檢聖
武由來不侍兵

兩觀

聖量寬仁如天至其斷處亦如天變迅烈不可
同沮以大之貴時諸市朝朝士不敢援國不
不敢議何哉世間惡易見隱惡難除少正卯
非而澤後世唯王安石皆有之惟無聖人見微
杜漸重之刑典一旦得權禍人家國流毒天下
後世蓋優柔暴戾其弊累等漢唐
莫季病多坐此非聖人孰能振之

肅殺有霜怒有霆聖心仁愛期無刑爲除一蠹安天下姑
息元來失不經

三都

夫子三都三都以李氏之強不敢抗及成不下
遂止此聖人剛柔互用與時消息若壯往不
同或臨多事非時中之道漢中士首爲地方
惠親民之官動相抵牾楚雄守曾公大升曰

必讀錄

爲民司命驥貨賄固不可但力能爲爲之
不能爲則已變直取賊是亦有過焉觀孔子
三都之事可見已余初
未深信後幾危身乃服

當年攝相三都仲氏登陴夜授徒假使益師誅逆命不
幾除疾更深乎

趙盾許世子

晉趙盾弑其君左氏曰惜也越竟乃免
此爲盾所欺也董狐據其罪委書已定
亡不越竟有所待也返不討賊預聞平
弑也不但越竟不能免雖許世子亦不
免司馬昭之殺成濟是已許世子亦不
免小過耳遂坐以弑君則枉甚矣左傳
記其寔曰飲世子止之藥而卒夫君父
有疾責之良醫乃自進不經之方夫無
妄之藥以致其死雖無其心而有其事
矣聖人據事斷獄不問其心之有無凡
人皆可原情唯君父之前不可以原情
末戚也春秋一字褒誅豈有枉縱乎

許子無心有其事趙宣無事有其心褒誅一字成經訓豈

有深文枉古今

前倂後恭

蘇軾六國相印從車千乘歸里門父老
情宮除道兄嫂迎迎伏大輪關安涼與
世俗無異嗚其嫂曰何前倂而後恭也
得氣揚其失答曰爲季子位高多金冷
片語爲熱病中涼藥一劑五和雖貴重
當愧謝辭席加禮焉斯婦亦悍而辯哉

悍機豈爲阿叔屈矣涼原不問親疎金多位重今非昨善
誼淳于恐未如

分羹

楚置太公問上謀不能贊勇不及施抗則陷
出諸口豈非當權
神辨出于天授

楚鼎湯翻爐火紅謀臣昨古勇無功若非雄辨由天授爭
把阿翁當若翁

負人負我

博道負後強爭先與處事絕用博奔
之道故人負我後起者勝我負人先手者
負人負我

必讀錄

強皆權術也至事我負人與人負我人人
有此心人人不肯出此語惟孟德最爲之
復敗心之不惟不自隱其惡且盡暴天下
後世凡劣人之匿其視儒言雖行嘯嘯不
肯告人
者遠矣

與人負我博居後寧我負人基占先惟有鼻雄心胆異直
將隱匿告人天

賄堡

謝安實無策主石俸賜符泰自
賄天也若以爲功未免貪天

秦兵百萬斷江流安石登山事冶遊天意若非延晉祚幾

同夷甫誤神州

喋血

秦門喋血微德介胃持矛
人衛上皇謂非威骨不可

唐朝基業半由秦天策元功逾至親撥甲持矛稱入衛
焉誰敢更生嘆

和戰金人劫質滿宗父昇天埋人情宜為親屬觀子孫而過忘天下可見秦檜主和國知其必勝也丘嫂山是秦檜未必無見

武穆功高秦相撓盈庭和戰兩嗷嗷檄欽帝后皆為贊庸主何能作漢高

難風香陽之戰劉基驚起揮手曰難風過更舟生未安前舟為敵砲所碎按風角有難風生不及起敵至史作難風誤

番陽水戰圓轅幢決勝誰能識難風不有赤松傳秘奧定從黃石悟參同

議禮明世廟繼統非繼嗣推尊所生禮也舉朝抗之欲其廟孝宗何哉漢成太獄卒陷非分諸君子亦有過焉

一命之榮及所生固違宸志豈人情折衷應有持平論莫謂張璠傳會成

紅篋高皇若奮乾陽立燕使秦晉為太伯仲雍避文為伯邑考諱取非之號寂運全善類多矣

高皇神識在幾先莫怨齊黃莫謂燕紅篋早知藏殺運聖期孰與竟傳賢

聞禍嘉宗尸位生殺惟聞賢臣只合遜荒養晦難以為力爭乃致善類傷殘國祚因之惜夫

聞禍殘明烈漢唐賢臣端合遜遐荒可憐楊左同黃筆善類拚隨國祚亡

甲申明末災疫類仍五星亂度書曰慘淡光不射目者累月流彗驟降大妖有歸

殘明運盡甲申前變惑亂行黑霧纏草昧變成銀世界一春真兒鼎三遷

冰猴左兵屬瑣櫛宇將焚燕雀軍方且遇妙伎假龍皇皇不及俄而大軍至俱捕矣

阮馬沐猴巢未安寧南飛檄震江干蛾眉詭曲歌聲咽銀甲裏絲隔院彈

少子添丁時墨兒十歲也

大化流行波推不已勿謂髮燥老已暮齒惟汝稔年成人未幾弱冠歡二距壯一紀熊羆乃夢素人告喜子職未諳

為父伊始啟後唯德式穀其似接物欲謹行已有耻敬禮仁賢祛遠儂鄰阿姐病廢舍飴且旨我產肅賓飭潔豆七祇益桐枝敢慶麟趾易哉慎旃亦既抱子

知命

我生七十能知命凡聖相差二十年理數安排難等分三由人事七由天

入角爐中鑄錯身五倫未備也為人通盤算子收將起年月日時在丙申功名富貴聲色貨利為八角爐

曉李孺人十首

猶記早年遇閨孤兒孤女未成童一從總角諧佳偶不識我翁與若翁時八齡俱失怙

一燈爾紡我觀書共我食貧甘載餘縱有失權慈侍下豈容漫瀾損賢者

畢世資儲苦未豐輕財重義畧余同縱令朝爨炊無米失口何嘗怨展空

痛佛長齋惡婦多閨中賢達不隨波心輩口素蒙訕貶過廟何曾禮密陀痛人素不佞佛每說口善心惡者

醉時豪氣壓山低嗜酒那堪更滑稽髮甘爲狂士婦齊
眉仍作太常妻

語怪談神顛不經天書遺習惑幽冥七年羈迹惟流覽不

向碧霞安乞靈

居俗七年未嘗建醮祈福

瘴海迢遙萬里程旅中慰藉累叙荆平居多少金蘭契思

難方知伉儷情

鵲巢鳩育太關情加意恩勤迥所生不始由來稱至寶况

兼卵異此其笑

歸來相看兩頭霜恩比青春意更長事共期毫釐願重

余無泪暗神傷

方食祿養及生存况復桐枝更有孫料是萬全神所忌不

聊爾錄

古

客五福萃吾門

讀書析疑十四首

天地人皇

史伏義神農黃帝爲三皇有人與事可紀者也通鑑前編天皇氏地皇氏人皇氏兄弟各一萬八千歲此荒謬之說按皇極經

世子會開天正會開地寅會生人各一萬八百年于蓋百之說也仰子集堯舜已會

歷卯辰及巳巳三萬餘年無文字失紀載矣今正當午會

十有一運也

天開地闢及人生元化誰排作弟兄茫昧卯辰難紀載運

逢午會正文明

元會運世

皇極經世一元十二會一會三十運一運十二世一會三十年一會十二月一會一月三十

日十二三十三相間而推至千無極其數不盡如九章等法有不盡之數用約分約之

而不止蓋可止則生理息矣此必古有其書失于秦火沛子或見之藏簡帛文或聞

皇極一經非異聞素灰已冷未全焚能從什一知千百猶
有蒼幾太古文

中和位育

每讀致中和天地位育萬物育焉以爲疑聖人乘時得位自能極中和位育之量士庶

人有其心無其勢安可以若是其幾也謂

惟君相能之則理格謂士庶人亦能之則

語焉何以爲中庸大全衆引皆未嘗暢言

之及陳微若獲庵先生說書謂有天下者

欽明光被地乎天成萬彙咸若其爲位育

無倫已至諸侯有一國之天地萬物大

夫有一國一家之天地萬物上得其君下安其

民則一國一家之天地萬物上得其君下安其

父母下有其妻孥亦一身之天地萬物也止

孝止慈而位育亦盡矣但各致其中而已

共成其位育故曰

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

中庸盡人可能也

季路問事鬼神曰未能事人焉能事鬼敢問死曰未知生焉知死以爲未告也而告

已盡矣蓋人鬼死生一理也關隔不如論其明要終不如原其始然神經魂爲變知鬼也及其繫易曰精氣爲物游魂爲變知鬼神之情狀原如雲終則知生死之說斯又言之曲盡矣且夫生有能爲人者有不能爲人者忠臣孝子能爲人者有不能爲人者取多則弘而爲厲稟厚精凝而爲靈是能爲鬼者也行傾邪而氣游沮質庸弱而神耗落是不能爲鬼者也不然生而不息則盈天地間皆人矣息而不化則盈天地間皆鬼矣春秋俗猶近古幻化則盈其後禱祀之事輿輪迴之說古人神雜採巫史詭誕風俗日敝禍及家國不可救止聖人不輕言之知流弊之必至此也蓋其憤哉

夢醒一頃分人鬼
盡夜元來象死生
神怪不言非故悶
久從繫易洞微情

夫

思人多家于鬼神之說不知鬼神之何在
 中庸曰鬼神之爲德其盛矣乎視之弗見
 聽之弗聞體物而不可遺蓋天地間氣之
 所至皆鬼神之所至無物不有無時不然
 豈不誠盛矣乎程子曰鬼神二氣之良能
 也朱子曰以一氣言則鬼者陰之靈也神
 者陽之靈也以二氣相發而始盡其徒之
 返而歸者爲鬼二氣相發而始盡其徒之
 說甚精蓋氣形而下者也理形而上者也
 鬼神不離乎陰陽而亦不雜乎陰陽形手
 上下之間者也一器物耳外爲神內爲鬼
 動爲神靜爲鬼一時口耳書爲神夜爲鬼
 晨至午爲神未至暮爲鬼下至一草一木
 一飛一潛莫不有鬼神存其間若夫宗廟
 祭祀率渙之道也感格尤易祖考之氣自
 在子孫之身亦或流行于天地子孫積誠
 以致之應念而聚乎此見其德之盛昭
 有不慎爾愆見者乎以此見其德之盛昭
 明輝赫非怪慳杳冥之事也可
 不敬哉然要亦中庸之理耳

媚神說鬼誕如頗誰識鬼神清現前有中庸傳盛德不

莫戰莫破

聖人亦有所不知之義也。爲之語曰：大衆無
 內外，大數無起止，不誠，皇極書不可鮮。
 我不得而知也。雖聖人亦不得而知也。此
 內此語，所始一莫能破之義也。或問：曰：非
 杪忽清淨虛無而數終不盡，所謂其小無
 又人會運世年月日時由大推小至毫系
 氣何所極論此語大天下莫能載之義也
 閱皇極書或問邵子：天地何所附麗？曰：氣
 能破雖有詞詰，所說終不洞然。於所謂及
 破中，庸至謂大天下莫能載之義也。

天地虛懸何附麗一元闢化何終始兒童問聖聖無言上
智安能窮此理

三

爲人處治潑潑地知此可識有
字書知此亦可讀無字書矣

南華一部盡爲魚飛躍元來只自如莊列文章空遠寄天機動靜不關書

仲尼日月

日月貞明者也。以此况仲尼，非徒推其高莫喻也。亦謂其萬古爲昭耳。曰：陽體中實影在外，月陰體中虛影在內，外影容光必耀，普天飛潛之象，沾其光被，內影無隱不照。普天山河之象，在其天涵，天行過日而有氣盈，日行會月而有朔，虛盈虛相乘而聞生焉。變化之所以無方也。是時中之義也在天莫大于日月，在世莫倫于仲尼。皆南修月之誣，均無所損益于日月者耳。

麗空日月有常行德掩三光豈過情不有大經常照世千秋長夜幾時明

天下歸仁

顏秀功先敏爲中翰在閣中魏栢嶠先生問曰天下歸仁如何解對曰仁之理原

然大公合天下以爲無私有已以聞之遂
打格而不純一日克己私即復還天下
爲量之體故天下同歸于仁之內耳紫陽
謂天下與其仁爲教之速猶淺乎言之也
所能盡稱善者久之余聞之考功云

天下與仁無間矣紫陽註脚猶難批何由天下許其仁私
盡元來已復禮

知天命

聖人言命多兼氣數之命而言若止謂天道
流行之賦物者以生知之聖不待五十而知
之素矣夫子早年氣壯欲行王道與東周
追唐虞三代之隆近揚周公遺烈方將造天
下之命而不爲氣數所拘者其願何盛哉故
栖栖道路馬牛車敝而不知止既而小試輒
所如者不合風塵半世而不知道之終不行也
乃曰命矣夫蓋曉然于天之一途也至此則望
絕矣豈天縱之聖而底於一途也至此則望
手則氣數爲之也所謂氣數者一天地無其
全之數也天欲西北地陷東南聖人不

窮理盡性

大

其位大賢不必得其壽其賦物也予之齒者
去其角傳之翼者兩其足蓋不全猶有待
全則無餘也一氣化有不齊之數也周天三
百六十五度而又四分度之一皇極分會一
萬八百年而成數也而有奇零不盡之乘除
九章達九而變則歸一而有零分盈虧之錯
綜蓋既齊則不生不齊則能變也數與理相
齊而命之權始重數與理相乖而命之說始
著也五十知命雖聖人與詞要亦上智之事
也若夫中智以下當五十之年方馳騁于進
退得失之途而無所底止必憂水已拱始進
思從前富貴貧賤順逆困亨莫不有一一定之
理與無定之數相勝相和于其間不可以思
議預備者然已後聖人之幾先萬矣若過
七十而猶茫不識其所
謂命則下愚而已矣

聖人五十能知命凡家及知己暮年理數安排難等分三
由人事七由天

百世可知 至誠之道可以前知猶曰見于善則動于
西體也子雲問十世可知子曰雖百世可

至聖前知非炫奇天人理數足徵之打開泡影看世界不
煩尚識與龜著

千歲日至

日至所歷之次歲歲而差之非其舊度曰
歲差唐虞日至在牛斗近世日至在箕尾
四千而差三宿矣宋註曰推曆元只是
求其故至千歲之日至可坐而致自是下
推將來千歲之歲差方見其智若仍謂上
何難推本安
事從推故

窮理盡性

大

長至山來有歲差周天踰度轉如車千年赤道經行處推
驗何煩問曆家

仲尼焉學

至古聖人無言可說而聰明天授之故創
而無遺焉中古聖人典藉明備矣而亦
天縱之聰明不假見聞則神家之祖耳唯
至聖聰明府智生知安行而抑以學自
居口述而非作也雖謙已論人于要亦有
必由于學者如問官問禮入廟適周每事
必問亦何損于聖乎然則仲尼之學上而
墳典丘索下而童謠里諺皆入心通聞一
知百不足以及之故賢者其師也不賢者
亦其師也大者其師也小者亦其師也師
曰師不必賢于弟子弟子不必不如師
非師其人師道也其斯謂聖人之學乎

入言聖學最高深天亶隨處討尋佛老何緣傍門戶妄
援師授很相侵 佛者曰孔子吾師之弟子也
老者曰孔子吾師之弟子也

聯閣載入關里名勝誌 東塘續修

大隱侯城市小園勝邑乘黜仙崇道素寫佛慕高僧舊稿
從魚蠹新詩賴友膳登臺舒遠望會意若無凭

海岱鍾靈地聖賢勝蹟多尼防卓筆樂所測漾文波爾園
增新築長吟續短咏晨星歎故舊醉舞自婆娑

聊園十宜

聊園最宜春春風不起塵塵空花似錦藉地草如褥杖屨
從子懶疎狂任客嘆天地容我老盛世號逸民

聊園最宜夏素簟松陰下無事此高眠有客一飛竿小詩
壽花王豪飲推酒勸既醉仍起舞何妨兼卜夜

聊園最宜秋秋風動客愁唯有園居叟不懷羈旅憂遶樹
虫吟砌移床月滿樓時復憐宋玉空悲意何求

聊園續集

手

聊園最宜冬萬寶告成功雁書傳紫塞霜信中丹楓晴窻
破寒玉霽雪綴孤松若個詩書裡添入老龍鐘

聊園最宜雨雨抱葉良辛苦荷珠翻翠盤金鈎躍芳渚徹夜
聽蛙鳴侵晨看燕舞命奴補敗垣後溪漲幾許

聊園最宜晴天空氣亦清遠山臨戶牖近水到簷楹漸語
藥石性稔覺利名輕自饒栗里興懸車謝向平

聊園最宜月哉生傍城闕共指弦上下真問魄圓缺永夜
與徘徊散髮坐林樾大易戒幾望持盈希往哲

聊園更宜雪襟懷共皎潔淺澹利欲途易使中情熱乾坤
還太素清興冽水鐵高唱白雪篇不爲塵鞅絆

聊園更宜琴冷然太古心調高水戛玉音激石鏗金自傳

箕山操久絕廣陵吟流水猶入弄鍾期何處尋

聊園更宜基均平以爲期若萌食與伎品識定已卑一誤
全失據兩雄豈相持危切莫輕試祇應局外知

題 聖祖墓誌幸

皇古有老人三樂自矜肆萬物人爲靈乾道男爲貴以此
介大年更逢雍熙世三者得于天此外安所冀余生千載
後頗留渾噩意偶與隆古方三樂猥加二生來稱聖孫聚
族居聖地宮牆間見親私淑音徵易讀書檢壁經排禮傳
車器奏格樂節和對越禮容秋世運幾滄桑誰能歸奕嶺
近已失朱杞遺復渾渾城如畫鎬久圯墟山陵半蕪雜獨餘
泗上原松栢彌空際廬墓室已古駐蹕亭何麗七十賢墓

聊園續集

主

錦方方曉塋砌草滋滿蒼苔剝落難辨識頗怪史荒唐秦
皇蒙詔厲何嘗盜抔土坐牀側家承天下惡歸焉沙丘詛
暴斃兩間一佳城乾坤同位置祖聖共宗賢迥與他裔異
二幸繼三樂習久忘省記爲語我族賢本之交勉勵繩武
與元宗萬年期勿替事類古逸民擊壤歌聖治

芙蓉

候至深秋雁影翻芙蓉並蒂綴芳園風寒翠幙新霞燦月
耀明璫墜露繁色不爭妍微隱笑情如有贈靜無言祇應
深貯金闥裡遮莫樽前絃管喧

又

小園嘉卉豔芳叢香膩玉肌映肉紅輕欲步虛眠夜月嬌

思出水立秋風仙姿不競穠華旋遠相偏宜澹霧籠無那
寒來霜信早邊將離思語有端

王生
秋史微辭自喜意不可一世古之於任者沈歎
本非及門獨以文字知已折節下之於三十
既登第執弟子禮益恭校刊子集過爲推翔于
不樂請各公之獎鑒而以能爲黨良免嗣宗之
白取爲重
也請答之

聲氣滿天下定交願所安受知張賢易傾服狂士難王生
名稷下奇氣雄雞壇使酒灌夫反罵座爾衡酸舌齒何鉅
利筆墨橫擊彈背逢齊市裡見子老挺鞍折節輒下拜雅
志洽金蘭潤絕三十載行藏兩改觀驥裏登天虎駿蹄仍
踴躍不救王孫餓誰憐范叔寒相看雖潦倒頗不規瓢單
獨言各有清愁秋互阮瞻知君微覲其難許單無端汗不
阿所好訊許獨于寬近時盛標榜詳如市人誰但清阮籍
取勝彈貢禹冠

漫興

山意惜卷阿孤亭抱小溪近巖紅日黯遠樹碧天低買石
兼雲躋數花帶鳥啼兒童知好異漸次厭家貌
自聞莊妻論一任德支離取醉憎醺醺消閒厭敵其聽人
談妄事騁筆寫荒詞風有於狂病庸醫那得知

俗麓三賢祠久廢黃崑圖先生視學山左捐俸新之
徵詩關里有作

七十二峯高聳天三賢隔望逼雲連德輝共擬光前聖道
統猶能開後賢太山徂徠兩君子羽翼麟經闢微言執經

換杖相追隨芳踪依然留俗趾投書古洞隱烟霞風雨十
年不問家湖學獨盛關國運豈共蜀洛紛爭誰憶謀斗升
棲巖麓短筇蟻屐偏陵谷數尋松堅問遺祠草蔓烟荒亂
樵牧場來廟貌一朝新棲櫺嶺煥爛豆陳斯文由來無終
替理學端賴有傳人曾聞登眺小天下千里吳門辨練馬
希賢原爲入聖階振興何慮私淑寡名賢間生自鍾靈運
際明其樹典型快視天章摘漢藻更瞻使節慶文星

庚寅祝陳力菴

與君成二老同號八十翁安布百年壽未免食天功頗覺
體貌異君強我龍鐘怪我髮盡白羨君顏尚童君更跋扈
其詩理獨稱雄不類南郭子却似東園公昔苦某根淡今

壬

題一線天傳奇

迂濶遲時魯一生叔孫強拉不同行何當勉慰蒼生望再
起東山一論兵
一劍飄零迥出塵隔中墟畔乍相親誰知紫沐登床者猶
是憤裾濕器人
在哉寸鐵逼霜寒貨舍香魂認主難不有赤繩生死繫幾
今鳴劍向新官
仕路由來有正奇任將粉墨染鬚眉趁他鐙鼓轟天響最
苦收場人散時

追和石室和尚十二時歌通素所不解唯石室

和石室曰吾于釋教信其七耳不若崇儒道之為也今已國化倘機遇樂德之和其歌

鷄鳴丑雄劍劍藏匣不吼少不如人壯無聞延年進德吾

何有器晚成交耐久沈吟法詩共酒一生書劍兩無成

設言硬吞猶赴赴

平旦寅昏寐寤覺猶欠伸開關混茫二萬載氣化氣血始

見人天尤漏地氣新且晝結亡滴其真不有晨鐘發清響

汨汨利慾死纏身

日出邪讀書聞道苦不早希聖希賢俱未遑學仙學佛空

棋檯方寸地勤滌掃免使良田鞠茂草本來福利非外求

一點素心還自實

讀石室

青

食時辰門前馬嘶車轆轤世外野雲綠千頃熱過昏黃十

丈塵功名念利祿身市朝何自有人若以浮雲視富貴

夢裡榮達恐未真

馬中已人多接臂趨朝市村裡白髮老農夫掀笠呼獵還

負耜志無他業在是自當心力圖終始看盡世間富貴人

更不妄求煩禱祀

日中午歲歉屢經塵生釜稔知大賈善買還學仕不與登

壘伍昔遊齊今返齊修明周樂與韶舞誰知垂老傷孤獨

田家瓦盆徒自鼓

日朕未園亭木石須位置欲刪叢竹出遠山屋滿藤蘿池

荷菱藕繫足屢經趨遊俠有時難杜季縱任詆諧似蘇軾

曾不吟詩觸時忌

哺時中綏離倒挂側披巾往時顏甲渥如丹近日鬚戟白

勝銀懸車久不速賓譙游曾無顯貴人時復樂飢對魚鳥

貧窶何有室人嘆

日入西暮氣將乘力須斗香穗漸銷罷鳴琴養靜凝神忘

機久錢餘囊米盈曰不向黃頭漫開口身既隱矣焉用文

實存何須名不朽

黃昏成羣動俱息晝務畢縱使十愆真去九可能千慮不

失一陽九變謀六吉常若積功餘隱疾逆禍福如影隨

賴有於穆能陰騭

人定亥鐘鼓二聲鳴廳廊倦軀熟睡軒如雷夜客實行此

耶爾續集

三

時最慎禦防休恬泰燄原端山星火大駿蹄蹶蹶在坦途

嚴備多以無事備

夜半子萬事皆山黃鍾始嘯竹一律起初陽元會周復無

息止室人愁存天理聖狂夢覺判于此千聖自古有心傳

六經原來無異旨

讀石室三教詩歌憶舊遊有作

昔指厨中羹餅冷徒步直登太山頂高吟一曲海水翻四

顧無人諸峰靜西江高士隱黃冠吳勳符講學江右人

余同過招提境萬竿修竹翠如雲九曲斗壑深似阱大師

賞余更非俗猥稱新句頗清警三賢芳躅在山阪草蔓烟

荒無人省共訪遺徽臨北澗更折鐵屐越西嶺儒禪與道

號三流一時同賦俗陽秋共擬繪高留岳麓妙墨那得顧
陸儔阿師放歌立林丘追隨不減虎溪遊溫溫道氣駭肩
動更覺水明山自幽舊聞廬山傳三笑三教尚歌亦絕調
縫掖緇黃迹雖殊心同何妨不同道袈裟昔得近龍旂珍
編曾煩誓御求聖駕臨俗命侍衛取其詩歌成雷動山谷應七十二峰
爲點頭

附三教尚歌 併引

予欲謀丹青作三教圖願二十餘年竟莫能果中秋
既望同孔壁六聖裔吳三堂翁黃冠隱半景賢石上
東山紅照之中西風黃葉之內太空仰開一張極寬
大紙不用丹青擲管童子研墨而天然一幅三教圖

題三教圖

美

露自其中矣所欠者惟少一解人在傍爲題贊耳泰
山當前飛雲書字正寫題贊者也爲之作歌
泰山山前三教圖三人面皆具眉鬚夫子原姓孔老子
却姓吳釋迦不是瞿曇氏振振姓共漢相如景賢石上
斜陽裏憂心悄悄俱莫已夫子乃無言老子亦不語釋
迦撒土仰天問當初是誰開混沌三教聖人若生不
知斯道憑誰論有何仙來有何禪有何天後與天先山
何爲而山川何爲而川雲何爲而雲烟何爲而烟景賢
石何爲而石景賢何爲而景賢於是牧童聞而扣牛角
歌曰牛分牛分汝亦有斯耳之卓卓兮聞石上人言而
亦能樂兮牛分牛分汝亦有斯角之昂昂兮聞石上人

言而亦能思之體之而終身不忘兮歌畢三笑同步高
山共指流水

三笑圖傳于廬山三教圖傳于太山師誠無愧于慧
遠但不知陶陸可得彷彿否中間有孫明復石徂徠
胡安定三賢一祠輝映後先故侍立石投書澗俱足
千古蓋地固有以人重者吳雲勛翁原評

同東塘姪遊石門

我行滇黔道逢山多于屋登或穿雲霄下乃絕深谷大似
海潮湧波浪兼天蹴非不豁異觀終苦賦心目長途兩瞠
踣何由快幽躡家園有佳山龍脈接俗麓不同五岳尊獨
窮造化窟峻嶒羣峰環逶迤折岡嶺復行過蒲劍溪氣象何

題三教圖

主

清穆岩內滴空翠匝地藤蘿覆砌道藏積水沁解寒生栗
開闢諸象全的煉劍戟轟獅象爭踴跳龍虎爪牙縮枝脚
紛鈞鉅尖凹互肌胸溯流尋名泉一嶂開東嶼花木爭斷
壑開雲霧山腹疑有餐霞人丹灶灰尚煥朝陰映西嶼山
容如新沐骨相既不儉豐艷無多肉帔帶絡錦屏關谷香
芬馥蛇行人寘變噫氣轉森肅還想張氏園高隱有遺蹟
夢想五十年欣賞得信宿意愜如有會與劇反不足我求
當初夏風和暑未溽招携無俗士童冠五七六與山有夙
盟烟路捧檄讀誦我走俗狀風塵久碌碌歸來髮盡白考
槃永不告辭酒酬山靈與君交不辱

閒坐聊亭與止止道人論南華經有贈

無能賺得老來閒望古情深只此間千頃千尋爲氣量一
卷一勾卽湖山功名陣裡無全壘暫街機中有轉環近讀
南華欣有悟依稀紫氣到函關

曉單父朱公子繼庵

翩翩丰采耀明霞湖世信陵莫漫誇自古交游推杜季更
誰博物勝張華千金買笑真豪舉八斗量才擅作家惟有
范張情誼重奔車酒泪向山涯

尼山

古今一至聖宇宙此尼山勢尊雙龍冠峯翠五老環文星
羅四外靈氣蘊中間洞泉通海脉沂水洗滌浸憶自故麟
始成麟動天關素王繼師表範人寰日月無能踰崑

崑崙與班拱揖泰華上萬世絕躋攀

嶧山

兩儀初未判滌沆茫無紀鴻鈞爲甄陶造化餘澄滓清濁
漸以分流峙各得體嶧山受異形碗然成那壘七竅鑿混
沌彫鏤乾坤隨萬峯盡碧空櫛比如駢指餘衍逗鱗穴竄
突深無底嵐變巖欲傾雲靈洞將圯擬上五華峯肘倚膝
更倚危哉踞龍洞重足難駐展心目震眩極魄休神爲融
還憩仙人棚磅礴堪倚徙南觀林壑閑東宮泉石美撥花
香襲杖散溪寒冽齒仰看頭上山翠嶺穿雲起勢與中頂
顛爭峯鱗次比氣骨雖傲岸客度解裾都素倚主賓稱祖
徠昆季視遺體盡玲瓏獨許蓮花似卽官山折股罷登臨

喟然嘆觀止

和陳健夫韻

座鮮紅氍毹綠莎荒園掃軌卽岩阿詩成跋扈君今少醉
舞歌號我素多倦聽魯儒談曲禮欣逢燕客一高歌自非
垂老懸車久載酒西峯許數過從夫有西峯草堂

賀鄒令

帝簡循良理劇煩惟騰鄒魯迂文軒魚懸壁上水同鰲鶴
步墻前露正繁徧野桑麻農有慶成蹊桃李士無言民安
吏畏真堪頌春滿寒廬戴日暄

耆會約法有引

袁中郎瓶史云瓶花取近而易致者然必名品花

約法

乏寧插竹柏不使凡卉濫入雖無老成人尚有典
型猶皇父氏充隱不與賢社也余善其意爲耆會

約法

約法三章自漢時耆英會例亦如之貴驕富吝鄉評賤任

含靈通美采頤

竹林誰解鼎山王散誕偏容嵇阮狂耆會何嘗拘爵齒但
憑鄉論作三章

自題小像

少賤故多能老安緣寡慮宦途失顯名鄉曲獲常譽至道
槩無聞矜言偶有著德無大踰閑過或微成誤欲括滿城
鐵冷爐將錯鑄

書畫有別

石堂禪師有云出盡書畫道盡天性斯三言
盡南華一部矣故知性外無道也

素皇何自敢焚書造化元應生靈魚出盡書兮書盡道達
天盡性道無餘

臘月立春日雪傲宋人禁用體物

春入殘冬雪滿城詞人白戰禁操兵敲詩但覺寒雲墜扶
醉何須暖玉漿虛夜夢迴聞委珮素臙燈盡見微明欲從
無始知真始肯許浮文流大清

又

城頭戰集雪雰雰支杖獨吟孰與葦天地太和資保合陰

耶圖續筆

陽元氣借氣賦成梁苑思枚叟棹轉刺溪憶戴君白髮
猶能冲笠起紅縈綠蟻助顏醺

題郭林宗墓 介休

炎祚燔式微官戚爭燭寵羣賢勵風節駢首殉末造枕傾
桿已推厦厨支無料太丘方規則司隸剛失冢遺哉和不
沈獨餘郭有道義聲冷京國汲引得同調可惜同舟時介
通殊所好頗賴徐孺子寓書存忠告明哲得慈遺見微議
機要身世兩無尤相與成先覺道旁一荒阡松栢清瀟瀟
千載仰餘風駐車恣憑弔

過古英雄相遇處 靈石

王佐間生豈偶然兩雄各欲著先鞭倘非有美流清盼蓋

世英名也不傳

過懷讓祠 趙城

常人遇國士國士亦常人英雄別具眼義烈本無倫禮賢
不以貌感恩在知心遇漢期厚報猶以土煉金非爲知己
死溝壑棄其身智伯上人氣技士乃得真漆身復變啞身
名甘俱淪五起雖不中斬衣氣已伸媿殺販國者反而難
爲臣

題臯陶墓 洪洞

名法見功近仁恕化漸遠但聞刑書鑄不見欽恤條聖朝
崇寬政雍熙追虞姚法吏黜酷烈習俗絕儼讞但須滿爲
杜安用筆作刀道旁荒墳在傳是古臯陶松楸何蒼鬱碑

耶圖續筆

圭

豐馬鬣高尚覺祥風滿廬去鳳來巢寄語文深更刻數氣
亦銷中韓與黃老擇術各有操好生推大舜知天頒帝堯

文字錄

羲封只兩臺虞書十六字夏商猶崇質周典文始備自從
刪定後軌一無改致降自戰國末處士滋橫議聖道漸蒸
蕪百家鳴衰季不經大廓除泛濫何憚忌方知秦家烟厥
功良匪細所幸灰燼餘六經常照世頗怪蘇聶公信筆忘
緯避非但詩成獄幾復儒被焚焚滅守東壁垂象吁可畏

贈文登劉石嶺明經 冠軍九次未遇

東海文章伯盛名稷下傳後賢誰繼武前哲久隨肩二戰
翰曹沐一書重寄連願余衰頹甚愧許訂忘年

平陽署中壽家桑仲太守 壬辰孟秋

居官清譽定誰真
草萊遺風不患貧
數近天顏瞻露色
幾承溫問沐恩綸
飛空金紫加黃霸
夾道謳歌借冠綸
共說駿聲軼西晉
東家可幸有傳人

壽沈山隱兼題卷後 守式諱一樹湖州人能詩善書

湖海元龍氣未除
生平一劍五車書
稔知曼倩訴家世
戰金門恐不如

過韓侯嶺 靈石

我行韓侯嶺
秋日薄林藪
亂石埋荒墳
草枯骨不朽
慨想興漢功
維侯十居九
捋挽乾坤動
呼吸風雷走
劉項聽軒輊
如持左右肘
壯哉劇敵謀
牛後寧難叩
受恩不負心
甘

題韓侯墓

重

爲鬼死狗智勇絕古今
反隨孽虜手千載恨不平
氣盡仍冲斗大風
思壯士四方誰爲守
漢真少恩哉
遺育今何有
振土弔將軍
天道君知否
心畏惡厥能
安往得無咎
但看蕭與樊
將相時被相
獨有張子房
辟穀差能久

九日過汾水

太禹鑿龍門
懸溝千丈跌
我行汾水上
溯洄亦百折
自笑老猶豪
白髮耽登涉
策車滿繡塵
病驥困蹉跎
道旁見黃菊
知是重陽節
酒待王弘使
帽同孟嘉脫
故園羣子弟
更會紛拖拽
感此怨物華
時序如梭撤
觀姑射在望
麻姑書未接
更過飲牛溪
撥棹箕山月

韓園 洪洞主人亮宇天工

一入韓園真如觀
綠野園名花繁錦砌
高樹森雲衢
吟詩追漢魏
題字逼歐蘇
風古人崇儉
蓬瀛此地孤

過古借錢廟戲題 太谷

有馬可借乘
有財宜通用
古廟今鼎新
貫朽充華棟
聲祀自何年
博施能濟衆
對之發大噓
因爲薄俗慟
五銖興漢業
九府職周貢
青蚨飛來經
纒浮水動賴
此養命源
舉世鮮飢凍
割肉爲補瘡
其如切膚痛
豈無對道山
未遇黃頭豪
崔家爵已崇
杜氏囊屢空
下簞萬錢輕
出谷百錢重
阿堵諱其名
孔方姓轉閑
某夜入樞門
榮辱隨所控
雖復透重關
十發九必中
無奈牧豬奴
戲作六博弄
追至索乏極
鑽穴苦無縫
將伯執助予
同胞甚隔從
緩急會有時
有

題韓侯墓

重

無誰許共古道
今已邈厚德
猶可頌願言
賽錢神三揖窮鬼送久假敢不歸
幸逢子母奉

重尋韓園題壁 均休

主人東海去
檢校向書家
省婦福山王司農家
尋約來金谷
庭塔滿落花
筆架松窓靜
植鐫竹院嘉
歸期問園吏
前句寄情餘
贈沉鄒家錫
譽兼呈采光
俱浙族孫
族雋沉亭宰
名流隱抱關
家傳韋素書
聲籍賢豪間
結客傾囊去
都簡得句還
風塵欺面目
雅調在高山

太行

聞道太行險
人心將無同
爲砥中天柱
屹然劃西東
礪偶燕齊隘
秋連秦晉雄
位華昆季列
嵩恒主賓重
星島羅衆

外江湖視掌中權衡華夏要關釗地天通能分三洲秀不
成五岳崇十載淹梁宋徧歷代雲封老山多故舊邂逅但
賓鴻獨此懷契濶尋盟悵未逢寒日孤征况板橋驢背晚
自笑狂無似八十猶轉蓬放歌太行頂病驥還嘶風世路
多險阻性地只春容峭壁自洞壑坦蕩自心曾若求平世
界還須問鴻蒙誰能揮大斧削却崑崙峯

題車嶺

我過車嶺低徊思聖情三桓方柄魯六國未歸羸惟有
宗邦晉猶資霸業行東周絕望矣空復憶西京

聖道原無外車迴教已行微權之所感雷動不聞聲三晉
多英俊七雄有顯名自從揚激後堂堊太和生

洪園

看

我愛洪園好風烟何蔚然村村籠竹樹戶戶繞流泉人真
中和氣語無方土偏俗淳需靜理富教會當全

洪園懷舊

瞻彼洪園竹茆然冬尚青葉凌風个个幹挺節亭亭衡園
多君子武公貽典型如逢遽氏使尺素問安寧

送次修武自壽

花甲週過半海籌從暗增養生希有驗靈世愧無能兒女
簞笠舉祖宗聯未登抑詩毫不倦前範乃休徵

八十自壽

癸巳立春日

八十老翁學笑嬉機鋒磨盡轉如甌全無名想唯耽酒偶

有爭心只問棋筆聚誰能真壽世瑟琴幸免浪投時冷爐
藥鑪平生錯流水行雲無盡期

八十老翁習性真髮白髮透冠高最憐夸父奔波苦更
惜吳剛勸骨勞經世難窮皇極理問天誰續楚江騷終人
倘復迷年庚甲子還須訪大撓

壽陳力菴太守八表

與君成二老俱號八旬翁借米共朝餐乞燈分壁紅壯齒
欣有助暮景得無同家計兒孫事酒盃莫放空

題朱方來綠怡軒遺藁

日星高舉滿天涯航務風流莫漫誇自古交游推杜季更
誰博得勝餘華千金買笑真豪舉八斗量才信大家惆悵

廣陵音調

看

調過遺編猶自絢明霞

聊園集序

予叔父璧六公宦轍嘗遠凡所遊歷名山巨川輿境勝跡
與所交時人傑士偶會予心莫不有抒寫贈答之言及放
廢歸來已百不存一二塵積篋衍中蠅子檢閱予每過請
益開舉數語問其全篇多不記憶噫士生而老牖下耳目
無所聞見心思無所觸發遂至于泯漠無傳固可慨已幸
得爲東西南北之人如太史公足跡半天下兼有其手筆
而窮愁伶俜又足以助之亦可謂天縱其才使馳騁于八
代之後也乃更跋艱涉險出風入波凡發乎錦繡者無不
委諸荒澤掃又犬足悲已雖然我孔氏以文學著魯者在
秦漢邇世有文通君子魚褒成侯子國著經傳作叢子述
家語闕里之學賴以復振自後數百年未聞繼起者唐之
穎達著名于其北宋之三仲與二蘇齊名則江右產也南
渡後有若古公著六帖及杉溪集乃衢州寓賢而吾魯寂
無著作蓋千餘歲矣我公崛起近代倡爲風詩及古文辭
尙珍情其墨單言片語亦足以鼓舞四方增泗水之清而
壯尼山之秀矣况乎洋洋纒纒積成卷軸與韓柳歐蘇駢
肩並趾今雖殘缺泯漫半飽蠹鼠之腸存此一二尚能與
九家頡頏豈可聽其漫滅而不惜耶公方屏跡聊園撫松
壺石時花劇藥所謂高人有不急之務者殆日無暇晷乎
屢辭繕磨始傾諸篋中零星斷紙皆爲清理且錄且讀且
以意評之曰詩不拘格興到格成文不限體情生體具得

韓之奧而不強得柳之奇而不僻得歐之暢而不膚得蘇
之趣而不巧公每謂吾老矣屏跡聊園凡事聊且爲之不
足傳也予曰作人作事用意者多僞左傳世說皆傳其聊
者也故序

康熙己丑菊月下浣姪尚任拜手撰

聊園文集

序

二

聊園文集目錄

自然亭記

禮俗正記 冠婚喪祭四則

官山記

徂徠山記

靈岩記

青雲山記

重建岱頂聖廟記

齊山雜記

山林富貴 連珠

聊亭小記

聊園文集目錄

梅花亭記

封禪論

方員論

富貴貧賤論

古文論 讀徐文長集作

方人論

金錢論

石堂集序

文畧序

東塘急事約跋

濟南旌土情形論

淇海軼事引言

渡瀟考

變產解

淇海軼事紀畧

豫楚黔滇行程紀引言

豫程總論

楚程總論

黔程總論

滇程總論

自述

大學還原約註引言

操縵新說

答古翁禪師論紀勝書

聊園文集目錄

報劉秋江書

一線天演文序

題白相基小像

題高且園風虎圖

李孺人墓誌銘

泰山紀勝 前刊別載說終

大成樂律全書 前刊別載山東省誌雲南通誌

好名解

聊叟小傳

聊園文集

闕里孔貞瑄壁六甫著

自然亭記

欲構亭而無其資園中有老松樹高丈許垂百年所矣離奇若榱桷亭午陰圓童童若翠蓋因名之曰自然亭時就而憇焉環視其旁亦隨無弗自然也者蓋竹梅若籬籬藤蘿若簾幙槐柳若廣庭大厦其隙受日月之光任薰風花氣之來往若崩曉霞若丹夜雪若聖鳥啼蛙鳴若歌吹兩部佳客至則命小童摘朱櫻桐子蓮實刷笋蕨佐以池中之小鮮鮒鮒實率用其所自有而不忤其所闕其亭之主入自少而壯壯而老歷困亨順逆之境亦祇循其自然而無所於強固以外波翻雲變風驚塵迷更盛迭衰皆於亭無與不問也亭之畔花若卉爲富貴爲隱逸爲君子爲春華秋實下至蘭蕙荊榛或榮香可佩或鈎棘難親亦復各成其自然而無攀附異同之迹琢石爲几可栗可奕主人謂其不煩吾慮置吾財而怡然與吾意會也置茶鐺酒榼枕簟其中醉而寐寤而興展然悟曰天人之理一也自然者逸勉然者勞矯然者病悍然者滅自然之亭樸而文儉而不陋也不度不斲不采不給以其了爲茨杖爲橡幹爲梁柱葢設爾翼爾亭亭爾以成

禮俗正記

闕里聖教超化之源四方觀禮焉古今異宜禮有損益生今反古不可也襲訛踵繆亦不可事之無害於義者從俗俗之有戾於禮者從義出可施於政處可教於家無其權存其議顧與鄉先生有道君子質之庶幾言之無罪聽之不忤焉

冠禮冠禮不行久矣三加之儀繁而難復今當畧做其意弟子十五歲爲製弁服告廟而加之祝詞元子以繼承宗祀書後此成禮宗族親黨備儀稱賀開筵作樂冠者庭見賓客長者執爵而醺之曰棄爾童心變爾初習勉德懋行以達於成人之列隨字冠者非父師不名次日遍拜尊長

聊園文集

二

及父之執友使知敬老尊賢之義亦古之遺意也婚禮俗俗親迎猶爲近古六禮舉其三不爲簡畧聘幣粧奩稱家之有無擇婿觀其氣質相女問其德性年齒欲其相當貴賤欲其相敵貧富欲其相伴年齒不相當妨於生育貴賤不相敵屈於繫援貧富不相伴困於酬應男家雖貴不早畜媵妾恐失冢婦之和女家雖富不侈用金珠恐生子媳之愠喪禮喪與其易也寧戚吾族猶守此訓不尙繁文縉紳家多不用竹道禮頗知經懺超度之妄也愚俗累七追薦引緇衣黃冠直近堂厨轉慢間老婢婢媼雜沓爾伺甚或作倒頭法事熱爇未殮孝子孝婦擗踊哀慟之不暇而且輟爇拋杖檢點飲食

供養僧道此在愚人無所責焉若士大夫家四民之所觀型亦有隨之波靡者豈不貽有識之訾哉 古有招魂之禮訛爲 齋湯陋習各省俱無山東亦惟兗屬十餘處行之向年惟婦女詣廟進漿孝子或由或否近則賓客大盛傾城而往夫輪迴地獄之幻不必辨其有無獨是平生無其罪重孽而謂肉身尚在冥司受享魂氣依草根求食何其料亡親之薄也族行亦有數家不行者可謂狂瀾砥柱君子是則是做焉於識爲卓於禮無失矣 梓燎盆不知載於何典昉於何時世習以爲孝子之大事爭繼嗣家產者甚或指此爲據此不可解也抑末矣 送盤纏爲亡者祖道頗有意義二十年前唯孝子家人自行之近則賓朋

聊齋志異

三

畢集舍驗未畢孝子尚未收髮著履被跣應客終夜不休或值嚴冬手足凍裂無所加於正禮而有所苦於主賓竊以爲不若折儀當賄舍之助中人之家於喪主有濟而客情亦展也 三牲之奠非不省便獨盛暑非宜市間猪首有限多家爭買爲艱購之他處經宿腐敗神亦不欲亦不若神食果盤或折儀爲便 林中棚幄率用席箔布疋儉樸中禮久之或慕青齊之奢華紬緞結構重樓陳設古董寶玩其舊家子孫有坐此致貧者不可不鑒也 葬禮用棺槨磚石灰格足矣登萊富豪家開隧道築冥室借越已甚吾魯地狹人貧習尚敦素不但詘於資力亦且限於禮分誰敢效尤 祭禮始祖大宗祖皆宗子主之支宗不敢

特祀士庶人祭其先有職者假借行之上及三代歲節忌辰廢子從嫡子祭祖稱於廟而別祀其生母於室 墓祭非古也十月朔清明送寒衣掃墓天下通行之始於漢明帝史臣不敢議焉何也廟幸神氣墓安體魄求之廟無形求之墓有方故廟祭生敬墓祭生使人子之至情不可已也可必矯以古禮與 神非祀典所載及有功德於世者皆淫祠也如佛寺庵觀之屬不可祭併不可拜祭之誨也拜之愚也士大夫居官后鄉情然爲之祇以重流俗之惑向奉部文通行毀淫祠各處或行或尼唯吾閩里毀十王廟明決果斷不沮不撓差強人意而時人方非議之識見相懸何遠哉 季氏不可旅泰山今愚夫愚婦羣趨若鶩

聊齋志異

四

焉雖十家之村無不脩醮事者閭閻之窮半由於媚神風俗之敝多感於說鬼作苦力農之子朝一山而空終歲之資藏任昨逐末之夫脩一醮而殫數月之辛苦不如改脩醮之社爲積糧變朝山之會爲完賦其於公私虛實福利何如耶亦不煩禱祀而求矣 尸巫尼媼尚以祈禱祓解誑誘婦女念佛誦經遊廟燒香或名僧說法或教頭聚會男女無別晝夜不輟邪說穢行不可聽睹始於鄉村小戶漸及名族貴家甚有清白良民衣冠士類入會求師附身邪教重罹刑辟破家殞命爲世大戮聞見不逮足爲殷鑒凡皆禮教不明流弊至此辨其訛罔不正害斯遠矣

官山記 古新甫俗號蓮花

漢武東巡其雄心濶目固將傾洩四海踴躍五嶽乃獨瞻
瞻於此建離宮何居曰彼有取爾也新甫著於魯頌以離
宮故更今名九峯如蓮因號焉世祀大士香火極盛士大
夫遊者輪蹄輻輳名山湮鬱如斯趾之士不遇知已使孤
標自賞不亦惜乎山東西有兩候城迷罔視嶺蜿蜒延
連山環衛勢如登機北眺九峯攢翠蓮嶺半吐如天水蔚
藍精華在隱見之間及山麓諸勝皆歛不露轉訝亢直不
愜所望陟天門忽開異境始知大美中涵層巒曲澗百折
不窮過快活三登蓮花坪觀石梁飛瀑嘆為奇絕蓋山腹
結穴要地彷彿御帳崖而深險過之及漢五丈夫松虬枝

聊園文集

五

嶠幹龍脊蛟若欲與泰松爭衡者長生池上下兩塘潏
相淮注下塘金鯽或欲行出上塘頗有禹門登龍之意其
上與雲洞外狹中濶可布几席夏秋雲從洞出滴露如雨
開小渠引洞外激流有聲觀音白衣兩巖萬嶂插天離奇
天矯有天然石屏隔座如同官其腰絡突峯如乳如
鼻如脰如臍如龜如麟如鳳時如龍蹲皆錦疊錯錯有層
次而雲溪風隧中怪砂帶水枝脚橫生如獢牙如噬嗑如
錐如戟如梗如樵如虹飲澗如鼠尋穴如杓投鑿如杵入
臼皆棘矜跌宕作鉤距閃撲之形蓋其山皆抱胎水知戀
源立則有懷去乃不驟所謂直而不倨曲而不揭極窈窕
貴矜之勝致矣西北天河水源藏雲根曲沼承之若淨甕

白雲洞人祖廟挂斗巖縹緲天半山懸運轉上界斷橋深
壑隔絕塵緣牽鐵練猿跳而過建新甫絕頂峯巒巖峭百
里外望之空青不盡杜詩齊魯青未了豈獨望岳云爾乎
山四週有朝陽洞仙人橋仙人洞老虎窩麻塔塔白雲菴
末子坊三閭懸流之勝樂離宮在山之陽秋千石柱猶存
雨後或得遊錫諦觀新甫宛肖岱宗非比肩之兄弟定繼
體之宗子但泰山古穆新甫秀麗品其骨相蓋其體而微
者與聞山底莽莽諸洞天嵌空玲瓏俯有流泉仰見日
月配時人多入之近如武陵之迷逕也按嶧山最為玲瓏
由山腹可達絕巔遊者快談之蓮花玲瓏鮮有聞者則衝
僻之偶異而山靈固不為之顯晦也

聊園文集

六

徂徠山記

徂萊居羣山之中祖太岱昆新甫金牛青雲石門九仙子
孫儼列尼防括蒼東蒙金牛通爲賓主雙汶絡其面背瀝
於西南如帶結於禎山峯巒巖峩星體俱備四向開壘砂
水相繆龍脉去來莫可識別山週百二十里由興掠震入
礫石峪進若卷荷退若剝蕉有廣石瀑布跨斷山腰峪之
所由名也巖宇隱松楸之中溪流藏藤葛之下風栗霜柿
綠苞赤實綴若繁星巖阿偃仄障於朝山逾西溪溯流而
北山形始暢另闢洞天林木葱鬱溪水淙淙隨處堪爲魚
浴蓮塘下瀨汎行出山外水冬夏不盈不涸蓋山得斯峪
也始幽峪得斯溪也始秀已過溪山山腹趨二聖宮淵壑

聊園文集

七

嶙峋不通屐齒或岷石表其往來之向跨三嶺咽而北下
深峪而西出二聖之背如頽脫囊底官卽樂貧巖其乳山
結體尊嚴開局正大岩溪多竹骨以藤蘿外有轉珠山常
谷口關欄嚴密闕然風迴水渟矣徧訪六逸遺址故老鮮
能言之者相一山之勝此爲弁冕其爲竹溪無疑也得元
時殘碣文剝落不全大約記夫子老聃講道事土人謂以
袁郭二仙名官者誤矣距太平頂三十里爲徂徠絕巔雙
峯顛頭一平一峭平可結廬峭可築壘峭非平不大平非
峭不奇勢固有相濟而不相軋者乎其下紫源池極瀾闊
諸羽士產葛蒲葢九節云西南十六峪幽僻絕塵踰澗繞
懸珠山十餘里始達從太平頂落脉正對汶水與東北趙

州廬遙相照應據山之坤艮爲兩別谷山陰顏崖遠谷多
前賢題勒沒于蒼苔未辨是六逸筆蹟否嗟夫探奇索隱
愈深愈幽遺憾愈多達者觀其大畧取適吾心而已矣

聊園文集

八

靈巖記

岱西有長城鉅防巖洞純岱百餘里兩山夾道一水中
流深澗百折異鳥奇芳足人耳目中靈岩谷虛中如瓠路
盤旋若磨山曲道斷澗怪石齒齒似欲嚙絕塵世輪蹄者
有石梁可渡緣陸村落彷彿輞川峯巒作百獸率舞其最
肖者卧象行獅天鍾之奇象作朝應獅爲主山厥形左碩
首尾聳揖迥然生動令人怪嘆化工之巧林麓松栢外多
白榆廬廬寺有積鐵世傳達摩鐵袈裟東北甘露泉佛堂
中鑿池得源砌以文石泓然淵澄中懸琉璃燈映之洞見
九淵翔飲肌膚皆冷心塵頓淨潛行出亭前引爲曲水分
注時有松蘿流去人間見者疑是武陵桃花也獅口啣蘭

聊園文集

九

若下臨石棚鳥雀皆馴老僧撥飯食之百鳥喧爭飛集肩
背不避生客始知李白居徂徠山中鳥雀皆能呼而弄之
於掌非虛古名賢筆跡在湖山都會者非缺則殘唯靈岩
以僻獲全完好無廢損之足成大概文獻無徵其求之野

青雲山記 金斗山附

青雲卽磬山金斗肥枯青雲瘦潤筆客傳削翠色可摘借
若芙蓉疊巒與華不注如出一稗有桃塢松林龍門飛泉
之勝至觀音坪寺僧例勸止焉曰否否爲山九仍功虧一
簣此止境非盡境也緣石縫仄行入山陰洞定喘仰視絕
頂四圍剴峭垂鎖延登坂峻墜澗俗呼閻羅鼻險可知也
異在石成一片無斷續接落之痕堅光縝栗臨風遠眺東
蒙雲物飛入襟袖欲下目眩魄奪始信昌黎華山技藝之
事按碑記崛起平阜矗立天表旁絕倚麗奇象傲特益震
方之芽苗岱宗之襟帶可謂善于名狀矣

聊園文集

十

齊山雜記

華注西嶽之小影蓮花岱宗之後身齊山九點斯爲巨璧
五峯如指千佛似繡錦屏綺艷鶴嶺清癰龍洞有透山之
奇鵲山饒啄日之勢河傳雪浪略號桃花鳳岫儼風駝岡
負子虎窩共鵲窩雲滿石後與石馬蟬聯七十二峯顯碍
長空七十二泉潛通渤海泉推釣突燦珠激天峯稱獨秀
卓筆出地歷山起千載之孝思明湖壯一城之勝覽坎水
連良震嶽承乾宗子端巖去天伊邇故能拔此孤標羣孫
羅列進侍漸遙始克受其秀氣六嶽之戴既已舉其一隅
八駿之遊尙期遍夫四嶽匪效尤於靈運實雅志乎向平
鑲管難工山靈莫諄

聊園文集

士

重建岱頂聖廟記

岱宗聖廟厥蹟最古見于岱史及碑碣可考者在日觀越
觀二峯間屢建旋圯神罔攸愆王峯楊公霖自轉運遷秩
駐節泰安登岱訪聖蹟而慨之尋入京時江西高士黃冠
隱吳舫翁雲在公幕爲賓師與公之長郎部山謀復之馳
書于公公曰吾志也嵩力任之予同舫翁部山登山相宅
卜地于德星之岩揀著得岡之晉遂定基焉爲殿三楹周
垣門廡咸脩肖正尊四配爲石像五率州人士饗獻作樂
如丁祭禮告成事焉夫禮祀岱宗載在正典其後香火寢
盛奔走天下濫矣大抵先碧霞元君而後青帝至于望吳
門小天下之芳躅隱于斷澗層巖之外荒烟蔓草之中士

聊園文集

士

大夫遊者或一憑弔而輒去之愚夫愚婦空終歲之藏竭
嘆息之力惟徼福祈報談神語怪已耳烏所知仰止景行
之慕乎乃于風鶩雲迷惶惑惛惚之際忽覩所謂聖也殿
者曰是網常之主名教之宗也君臣父子夫婦兄弟朋友
之倫之所取正知能行習吉凶惠逆之理之數之所以爲
準而不爽其應者也倘亦憬然有所感發而返求于身心
乎是亦振蒙覺惑之一助矣豈獨補岱典之缺畧哉小子
忝末裔就微祿于茲土快睹公之能振于吾道也于是乎
記

山林富貴 歐陽修

春笋肥於肉霜梨甜勝餚石榴半街珍珠芍藥偏鋪綺繡
墻端綴瓊果丹苞綠蒂種出上方井畔剪嘉蔬脆葉香鬚
品分玉膳暑卧石床冰簟冷寒裝輕絮孤裘溫文鳥鳴林
聽艷歌遠樹金鱗躍藻看錦被籠池曉汲清泉以充芳醑
午餚小餽以常大烹綠柳搖風舞女翩躚獻媚紅藥蘸露
美人綽約爭憐姚黃王魏紫后苑宮幃之炫麗黃金帶白
玉簪儼冠珮之雍容竹雨調簧韻若傳來縱橫松風鼓瑟
聲疑寫自湘靈湖山作畫屏寶氏空煩雕繪藤蘿爲步障
石家枉用織組紫薇類貴賓百日爲期黃菊真勝友三秋
慰望列事實藉芳草以爲褥醉流觴蔭茂林以作蓋品評
聯屬文集 三

風月擅專判之權進退烟霞結兼司之篆蛙鳴爲兩部鼓
吹何須急管繁絃花氣如百和異香雅勝龍涎難舌非必
有令聞令譽以華身聊可云無辱無憂以當貴富貴非真
總天假貧窮有命豈驕人

聊亭小記

聊之爲言且也賴也人生願望過奢而不克滿志則多鬱
鬱不自聊之況賦云心煩憤兮意無聊取以名亭何居泰
去其無聊者以安于聊熙石爲山烹泉作沼種卉藝蔬編
竹結茅皆聊且爲之不求美備意曰無以娛老若將於此
有賴焉云爾繫之銘曰迹近意遠處卑寄高攀山均木石
船鐵篙孤亭就樹小閣攢茅甍崩竹几瓦錯葛槽一爐清
篆數盞濁醪蓋宅心不可以苟而居室無妨於聊富貴不
羨傲岸非驕老不忤少靜不厭靜不知世路之坎壈不覺
胷中有牢騷非敢洞儒家於仙釋庶可號城市之漁樵

梅花亭記 沙河代作

昔人謂宋廣平忠肝義胆鐵骨石腸而梅花一賦艷麗如許豈獨取其文詞云尔乎如僅以文詞而已則高唐洛神上林子虛艷麗莫加焉有道君子不亟稱而樂道之何哉然則梅花賦非重其文重其人也非貴其詞貴其品也當其勘昌宗之謾而絕逆萌直元忠之枉而激義氣孤立羣邪之間抗往不回犯天后之顏行而起其敬憚則不待裴開元之盛治而已知爲有唐第一流人品矣至其艷而不靡麗而不佻生平之鯁直相業皆可以擲管時決之墓旁舊有梅花亭歲久圯敗無遺址 不俟 猥蒞茲土捐俸新之刻其賦于石匪以表一時詞賦之宗聊以作千古忠直之倡尔是爲記

封禪論

巡狩之於封禪其同乎曰異哉曷異乎爾異之以其用心也其用心之異奈何曰虞舜時巡同律考度協時正日修禮憲器懋德典庸褒諸侯朝之方岳明其慶讓而致積乎民其心無非爲民事也然後燔柴瘞玉告虔於天地望秩山川徧於羣神因巡狩而祭告舉焉非若後世登符獻瑞粉飾飾功求神仙搜圖識謝天書祈福利治馳道快遊觀黃進獻盛冠從耀甲兵煩供億小民輟耕罷紡趨瑱圻之役百執事殫命棄職問警蹕之次空瘠海內怨謗繁興方且與一二從諛之臣西虛詭之文薦矯誣之詞將以潤色太平炫赫奕襍嗟夫曾謂泰山不如林放蓋巡狩勤民以敬天封禪誣天以病民虞舜歲周四岳而民不勞秦漢唐宋曠世一行而天下敝何哉其用心有毫釐千里之異也而佞夫儉人方將草封禪議禮儀聚訟盈庭逢君之意而顯啓其機以光武之賢不能勝羣臣之請則中主以下無讓矣蓋莫麗山河帝王之盛節刻畫丘壑儒生之餘事豈取相如封禪草安石萬言書洋洋纒纒使人謂斐然大章類能流毒天下後世哉

方員論

天地之理方員而已矣天不員不足以周萬化地不方不足以正四維其於人也亦然首員象天足方象地首容直足容重也其於物也亦然本乎天者親上多員本乎地者親下多方上道行下道止也智者外員而內方仁者體方而用員聖人知方員之不可易也爲之規矩以準之知方員之不可執也爲之規不離矩矩不離規以運之語曰方如行義員如用智又曰智欲員而行欲方皆是物也古者夷方惠員無論已在漢賢之遇閻宦也則李方而陳員元禮破柱摧奸太丘會葬屈節在唐賢之處權倖也則宋方而狄員廣平持節斷佞梁公戲博褻裴然而善類賴以保

聖國末集

七

全唐詐借以興復皆用員之效也用員而不失其方之效也他若晉之陶侃謝安宋之明道伊川方員亦各有所主要之不散于正則一也若夫削方爲員以投時員擊方柄以忤世小則喪其身各大則禍人家國明乎規矩而不知方員之理溺乎方員而不知規矩之變也况氣朔盈虛之度勾股少廣之數皆不離乎規矩而妙乎方員之用者安得起聖人而與語規矩方員之至也哉

富貴賤論

生人之欲惡莫大于富貴賤以其道得之去處易擇焉惟得之不以其道而命數之說以興君子曰富貴賤亦何常之有田舍翁有田百畝歲收麥數十斛溫飽無求官稅私負不擾錢盈貫則結其緡金滿百則掖而瘞之其容悍其腹便其氣揚居恒抗顏摩腹盛氣以雄于鄉里此亦富之至也陶猗何加焉乃竹林之賢如王戎財與國敵日夜持牙籌計算無寧晷甚至鑽核鬻李與萊傭無異究之孫秀收石崇石勒排牆壓夷市波皆及之雖謂窮困以死可也諺云童子入庠喜不寐尚書不遷憂不食雖謫語乎亦貴賤之大較矣嘗見驛巡尉倖竹仗殊徽雷行風馳居

有臨呼有應尺隸而旬見之聲惕息而頭搶地不可謂非

太

貴矣而都門大輿前棍傳呼過市街點流丐羣譟晉之其體尊而量宏不問不幾失其貴矣乎况復有趙孟之所不能貴而能賤之者乃知貧富不關財之豐高貴賤不係位之高卑用百錢而懷爽則不貧擁萬金而刻鄙則非富猶夫居台鼎而屈辱綰半綬而顯榮亦復貴賤易視矣苟以莊氏齊物論之大鵬之摩天鷗雀之控地壽若靈椿天如朝菌一而已矣乃吾所見富貴賤之變有不可勝窮者其貴而不驕富而不侈貧不諂賤不踰勿論已見有因富得貴者矣又有因貴而致貧者焉見有由賤得富者矣又有名貴而實賤者焉見有雖富忠貧者矣又有實貧而名貴

者焉常變無方不可執也得失有會不可倖也命以主之數以限之舉世勞攘顛倒于其中而不得休息何哉有能達觀順受者乎吾樂與之處富貴亦可與之不去貧賤也耳矣

讀徐文長文集論

古文以大家名世者別乎小家者而言也家何別乎大小曰別之以其氣而已矣其氣之別奈何曰天之賦是使同也人之受是使獨也賦氣同而受氣異于是有厚薄廣狹盈絀奮戢延促之等倍蓰什伯之相越而大小以懸著而爲書各名其家百渾而一傳蓋其難也典謨訓誥作自聖人元氣渾穆勿論已左國而後百家代興而其氣各有所行南華以神行卓矣班馬行以史實董行以策屈宋行以賦李杜行以詩韓柳歐蘇行以文才有偏長格有遞變而均之可以大家名世則一也然而莊之氣放馬之氣鬱班之氣舒董之氣醇賈之氣揚屈之氣悽宋之氣蕩杜之氣沉李之氣逸韓之氣宕柳之氣歛歐陽之氣暢蘇之氣豪氣不同而氣之圓滿流動非義襲而取之如子輿氏所謂則無不同俱非詹詹小言之所能望其項背而問其藩籬也今試以英雋觀古人不類也而以藻筆觀古文其類乎蓋古語可以窮奧險澁而似氣不可以淺著薄樸虛蹈浮剽而充也大家云者學貫天人識窮今古力移海嶽而氣塞乎天地發之于文灝灝落落潏潏蕩蕩造端不知其所始結穴不知其所終明朝開國大制作始于宋學士濂方正學實受其業故其蘊厚而聲宏指遠而體峻不爲鍛鋒之細響亦不飾纖靡之艷色而文品自貴不易測其畔涯與淺深至其末季袁中郎爲巨擘而特推徐文長爲異人

文爲異書何哉蓋其爲文也發軔陽谷歸宿西馳電起猶陽雷歇岱陰如神龍隱現雲霧中莫能端倪其首尾其取材也如易牙主饗不惟江瑤海錯卽芹菹葵羹皆成異味又如盧扁泡藥參桂丹砂與洩勃互用並奏奇效其氣味之宏肆真足籠罩一切凌駕千古惜其幕隱終身困厄以歿而韜光歛耀星燦劍氣終不可掩過豈非一代文章之雄哉故曰古文以大家名世者別之以其氣而已矣

方人論

子貢方人子曰賜也賢乎哉諷之乎抑譏之也曰皆非也聖人不方人賢者不可不方人何也聖人若以人方已是絕爲善之階也賢者不以已方人是失爲善之鑑也貌之妍醜不自見借于鑑而始明品之高下不自知衡以人而始定世之中人居其半而賢不肖分居其半焉苟不甘以庸衆人自安也于其上下必有所處焉宜求其倫以自鏡乃比于古之以德業光史冊者不類也無已則比于今之以名行顯當世者又不類也而倖倖焉不屑以庸衆畢其生平將日趨于驕慢忿戾之歸而不自知也無他識闇而自是其愚量隘而思逞其妄皆不能方人之過也然則子貢之賢不以方人曰益乎子曰夫我則不暇重盡已也豈以方人爲病哉意若曰太上盡已其次方人方人爲學之要道君子何讓焉而諷之也

金錢論

賈書三品貢金周制九府鑄幣統謂之財財者資身以養命人所賴以生者猶人身之有血脈也而可輕乎哉然而流則通壅則滯血不流則疾疾生小疥癬而大癰疽矣財不通則災禍至輕獄訟而重盜劫矣達者知其然故不貪不吝無而有有而無盈虛消長與時因應無不自如故處困而亨遇否得泰也最憐鄙夫者流得之力耗而心勞守之神怵而膽悸失之魄喪而魂奪終身在憂抑愁鬱之境而無一息之快愉患失之苦甚于未得可不謂大哀乎堅持所有如奉拱璧不肯輕用鎔鍊未幾有善用者出而繼之發其藏而空其聚故曰驕悍之父定生房子慳嗇之祖必有侈孫天道之不爽如此聞之金性堅凝而善化遇火則銷燦矣錢象蟄蛻而能飛得風則颺去矣財動物也而必鎮之使靜匿之不出彼安肯埋沒其精華韜光隱耀以成爾腐鼠之據哉亦將尋隙與波破械而逃決堤而潰耳迄今郭家金穴石氏金谷驅車過之祇餘瓦礫跼迫銅山聽人鼓鑄而黃頭耶久已餓死世有思積金至斗日賽錢神以邀福者可返已

聊齋志異

卷五

石室集序

異哉古翁禪師之託於釋也予就祿位下餘三年未嘗往交焉然耳其名稔矣曰道林惠遠者流也夫失一道林惠遠何足為病況於儒墨之殊趨也後從友人得其菊園詩數章讀之見其風格蘊藉輒頗疑其不凡曰異哉其託於釋也有由然焉非僅道林惠遠者流也殆不可失然猶以儒墨之殊趨也未嘗往納交焉既而豫章三堂居士過予為言古翁禪師深遠矣蓋逃儒名而歸於釋者也夫儒豈可逃儒足致名則逃之名亦豈可逃名足禍儒則逃之因亟請其石室集而縱觀之不覺惘然色動而喪匕也曰古錄其俗吏我矣念自結髮遨遊賢豪間其於曠世軼才出塵高士未嘗不夢契神交欣然於時地濶絕之感豈其咫尺失之然而聚舍者終離晚成者交固予與古翁處三年而後定交亦以見相知之不易而久要之可以不忘耳今誦其文終卷無烟火食一語真所謂石肝霞腸玉骨雪髓耳納松風月飽月華餐流霓飲朝露眠積雲駕輕霧翔翔乎無何有之鄉凝神乎先天之先與夫後天之後者耶而特以山深林密浩然自得不使影響得聞於人而人亦無從知之者噫釋之道吾不知已其於儒則象山陽明白沙之風展義似之然後知古翁之於釋非歸也寄也寄之釋而仍不離乎儒也豈惟不離乎儒而已視夫世之侈言學術經濟寄籍於聖賢借經於詩書不啻冰乳瓊膏之於橡

聊齋志異

卷五

批卽有古癖書淫曠達隱逸之士亦未易步武其風規而
窺尋其聲光語曰登泰山而小天下高也自今七十二峯
得古翁爲不孤矣予愧得交古翁之晚而幸居士之發吾
覆也於是乎樂表其略以自文其陋如第謂古翁微內典
而悟上乘衣鉢有自淵源非偶則猶未識古翁之託之異
也

文畧序

余與陳君力庵王君柱卿從蘧庵陳徵君遊共筆硯年相
若也學相似也才質亦頗相埒也余庚子歲先二君領鄉
薦十年未敢以小倖自異異事二君猶故也及酉戌間陳
君聯蜚成名進士亦未嘗以大捷自雄其異事王君亦猶
故也乃王君試輒不偶迨余兩任舉選一領選邑陳君再
由賢令擢部游陞黃堂前後幾三十載余自炎荒被放力
庵亦罷守金華歸來鬚髮俱已蒼然而王君皓首窮經困
阨猶昔甚至硯田荒蕪賣文爲活嗟夫予三人者昔之相
同既若彼矣今之不同又若此何哉豈命之果足以限人
與抑英雄自立世固不得以成敗論也然王君之文爲人
所借刊入房選者多矣而沒其名其所著小品行於世者
數集俱已贈多人口最後有十八篇之刻尤爲奇構妙絕
後先十八篇分三格一格分六題只用數字轉換變化無
窮謂一篇爲六篇可也謂六篇爲一篇可也謂三篇爲十
八篇可也謂十八篇爲千百篇亦可也不獨開益後學神
智爲之津梁卽名公鉅儒讀之未有不解頰醉心者然則
王君所成乃傳世之業其與藉手科名邀福選家不數年
而爲塵飯土羹者其輕重何如耶從來業八股者以登第
爲歸宿稱滿志焉倚於鄉爲半途猶有憾至僅以明經終
老則羣嗟其不遇焉夫不過而窮者命也遇而仍不免窮
者亦命也王君窮而爲文鬻之聊以贍其數口余與力庵

家累數百指歲小歎嗷嗷苦機火日不再舉舊壺簡盡售人不值一錢視王君之文大有資於身世者殆不如焉是余三人者年同齒居同閨學同師業同詣命亦不得不同窮也世有學之富也文之工也命之窮也如王君者乎皆可以王君之窮自解矣何也窮而濫毋寧茲窮而固也噫

跋東塘急事約

世儒侈言經濟輒欲昆尚父季卧龍薄房杜韓范而下不屑爲及梓當事變神搖氣奪驚惑顛倒而不知所措如殷浩王夷甫其人者比比矣不知實見諸事爲經濟空談其理爲經術既濟未濟之謂也經不易而術無窮經以正術之源術以盡經之變故仁術智術權術詐術其流各別仁術智術聖賢之事也權術詐術梟雄之事也謂聖賢不用權梟雄純用詐均非知經濟者也卽非知經術者也夫經術經濟大用之而效小用之而亦效大之邦國天下小之一鄉一曲而無不效隨在可以講經術亦隨在可以施經濟從姪東塘宦蹟所歷朝野交稱其能今家食奉母經營

菽水外思與宗族姻里同其福違其害著急事約二十則以防水火盜賊之患若曰士大夫立品出有爲于國處有益于鄉方不塊然作天地一蟲故有不費之功德有無權之勲業人人可勉與世同之若必握符擁麾銘鐘勒鼎而後稱名世號通才此爲志士終無時矣愚謂此係家睦鄰之常道亦厚風俗寓教化之微權也然猶有說聞之天道虧盈人情仇富驕且吝神或災之負且乘盜思奪之嘗見守錢虜厚自封殖素不識比閭爲何人任卹爲何事一旦有急人嫌其壙垣之峻望之而不前益幸其局鑄之固負之而疾走又安有匍匐櫻冠之救哉雖有其約恐亦秦越視之士直置之矣然而杜漸防微有倫無患小學劃可以

窺其大經繪細節目可以覩其大綱紀胥于此約見之矣
故勸其梓而漫跋之

流土情形論

滇在禹貢屬梁州維時四海大同後分彝夏與中國或隔或通人皆變獯官惟酋長互相吞據戕殺不已漢唐而後漸格王化及宋祖以玉斧畫棄之不取至元乃歸一設官置吏同於內地明立屯衛僉發各省軍民以實其地本朝教養生聚人文物華加盛矣以十分計之軍居三藝居三土著之民與客民各半居其四總科民屯丁賦併九井鹽課共銀三十六萬兩而各鎮兵餉乃歲支八十萬以他省協之是國家歲費四十萬金以固此圉也豈非以壤接外國風吹草動內地皆搖故不享其一茅之貢而寧糜金以繼之此聖王有道守在四裔之義也滇中土司大者如府衙小者丞巡土舍散居州郡身既安於樂富藝民積弱常苦其侵暴不其愛戴難與爲非稍有逆萌衆叛親離旋及于敗赤族之禍立至故勢不能造逆而幸亂助逆則其常性如後漢雍闓反孟獲助之庠吐番入寇異牟尋助之近吳逆反蒙酋佐之收川事平天誅不及獨逃法外先時數十家不相親一明沐氏鎮之多年帖然即逆藩任威亦制伏若犬鼠力分易馭故也浸假而大併小強吞弱地廣者漸橫人衆者日驕其繼世之賢者或有之而不可藥見類多殘虐其衆誅求無藝專殺不仁藝民田產妻子下及雞豚皆不自保動被吞沒故藝民衣惟大羊之皮食惟批釋之屑寃結無告乃心附有司莫得如武定府改土

隸流之例者卽撥雲見日其情亦可哀也已故楊升庵論
封建引証謂今有議復土官者則其嚆之矣乃苗既飽養
於撫探復斃心於軍民凡美田宅婦女意動則必獲之牙
爪羽翼又從而達其惡漸及客民探其篋而漁其貲未已
也更必壓屬其人使之不能自拔衣鉢相承徃爲之不以
爲怪故滇中但得土酋不侵職不擾民則害去過半矣土
酋之禍地方者其大端有二一在司捕民村土官之司捕
苟能約其募人不爲盜竊足矣乃使之轄制民村俾得假
察緝之名造孽滋事動肆拘繫榜掠罔其身而利其有甚
或草菅民命莫之敢愬夫逃盜之考成責在守令土官越
而代之乃失察之罰則仍坐於有司而土官不與有羅織

聊園文集

辛

之權以濟其威無處分之例以戢其暴故其煽虐至稔也
一在擅改宗圖土官之宗圖苟能辨其世系不致紊亂足
矣乃私將餘吞土舍之世業庄產與養食國家之疆域
編戶增入其中憲司不察於承繼之會一爲達部遂據爲
典故迄不可奪夫丁賦之版籍藏於天府土官貿而配
之以無稽之家乘混有常之國典故其蓄毒至深也間
有告發則邀福於錢神黃白佐之動以鉅萬非其公正存
心爲國爲民不甘其餌而爲之役者幾希矣酋之不賢者
如此其最賢者祖孫相誡勿爲難育棄變附勢勝則獲利
敗不及禍局由誅滅漸而小合於大民淪於彘幾成尾大
不掉因而容頭過身西南其有隱憂乎然則如之何而可

也日上官不賈貨養癰則家酋有所憚而墜人之術窮
民得歸流去土則逆黨無所資而幸亂之萌息蓋滇探與
黔苗不同黔募家苗近漢野苗難馴滇募則漸染民俗農
業語言與編氓無異滇酋亦希慕華風讀書學禮共士夫
爭榮故易變也史言唐禍釀於西南果爾則不得謂邊裔
僻遠無煩廟筭也

聊園文集

壬

滇南軼事引言

閱歷世情皆學問也久而見道焉又久而知命焉人事盡則天事出蒼天各居其半也余自滇回識加進迴思萬里雲山五年顛躓如同夢中然莫非前定也故入其中始可以言閱歷也出其外始可以言學問也入其中而見是焉出其外而見非焉故加進也彼土官之稔惡習性然也而必欲其進於善進之不已斯仇之過已當事有爲調停之舉者未必全非也而必欲違其意違之不已復激之抑又過已皆入而夢出而覺者也若能見可知難則庶幾先覺矣余不逮焉及於此則閱歷未深學問有所不至也其於恩仇則頗憬然識所輕重焉九世之怨可平一飯之德

聊齋文集

聖

當報理也憶商之尙惟滿蓄怨毒戈矛相向誓不俱生者一在天之南一在海之北聲影不相及邈然如隔世亦可渙然水釋矣獨怪人咸謂世風日下今人斷不能如古人何其量斯世之薄也如丁燕水畢鐵嵐張滌園駱子幹諸君子敦氣節崇信義拯急恤困翊正摧奸死生患難不相背負直欲置身三代以上薄漢唐而下虛談聲氣者不爲繫獨非今之人乎哉或則謂其立異好名心不古若將未施盡化鬼魅矣其不成人之美亦甚哉愚不識今古之同異以受思深者爲有德謂之仁賢可也謂之豪俠亦可也德可忘而德勿敦亦猶存古之心也夫噫鐵嵐滌園已從古人遊燕水子幹天各一涯時往來予懷莫置也閒居檢

次成軼時復展省恍猶身復入其中奸猾賢豪交集於前相與磋商酬應用爲閱世之一鑑爾非仍有所不平而鳴也因之重有感焉處世無萬全之術立身有一定之方余以愚直受知諸君子賴以獲全坎坷一生而得六字金丹故欲貽之後昆曰巧詐不如拙誠此不佞閱歷學問而能者也約而可守施之無所不宜也推之不可勝用也見道知命可漸而幾者也故曰天人各居其半也

聊齋文集

聖

渡瀘考

按瀘水今莫詳其處或古今異名若水經曰繩水孫水施水瀘水大渡水會爲一津東流入馬湖江則武侯所渡之瀘水與宋太祖玉斧所畫之大渡河皆指金江也楊用脩居滇最久考核稱確其丹鉛錄謂卽今姚安之其却音土金沙江也據南征記瀘水距天棟四程天棟卽姚地今大姚縣北至其却二百里其却北至矣資江口一百五十里正符四程之數其却大姚縣北鄙之村鎮也爲十馬之統瀘三姚之藩籬古與來縣之墟有大姚縣衙署文廟縣屬錢糧半在十馬舊例秋冬之交縣令親臨撫徵彙糧則駐其却謁廟講書而後視事其却與大小蓮花池卧馬喇龍王箐及級末柳樹塘十三村明朝屬沐府勳莊本朝賜吳逆爲藩產康熙二十六年奉旨編入歸正里甲爲民當差十馬則皆葵村其大村曰馬頭草附之小村曰馬脚一者車馬一與來馬一路唯馬一矣資馬一王朝馬一谷其馬一沙喇馬一三毛的馬一尼舊馬一石腊馬皆緣金江一帶而居又有越古的土州外扒喇原十二馬被侵沒其二只餘十馬而其脚亦復不全舊屬土縣丞尼氏土州同高氏兩家今皆併於蒙所故十馬頭多尼姓而外扒喇仍存土州之名今州同僅有爵而無土縣丞則併其爵沒之矣余庚午冬下葵村咨省疾苦徧歷十馬凡十有六口路有不便輿馬而步行者水有一程而過四十八河者

荒僻甚矣然北隣獐狍西界蒙番爲西北二面之保障亦重地哉其田有賦無稅其民有條無丁錢糧詞訟屬於有司而歲輸馬於土官謂之年例土官不得專戮利欽而又資金江之利故十馬義民較他處爲有生氣夏月微有瘴不足爲害非若滇義所傳之甚王朝之東及者車之北亦有渡口惟矣資渡口正衝會川入滇孔道其爲渡瀘處無疑至武定之渡口距弄棟則遠矣余觀矣資江而淵里許水清駛時方嚴私渡惟有獨木廢艇實之江干兩岸望蜀山之積雪明滅隱現若近若遠弔武侯之遺風山高水長雖去猶存低徊無盡悵悵者久之惜無片碣之可尋蓋荒微鮮好事之人而官斯土者又罕至焉余雖至之亦未敢

五

變產解

致富之道官也賈也農也而以官貧者有矣以賈貧者又
有矣然則莫如農乎乃語有之地過千年易百主則又何
也曰是不可以聚論也夏殷周三代曆各數百載漢唐宋
亦然享國可謂永矣乃前五代率數十年一易姓運祚稍
延後五代不數年而鼎遷步改矣何其促也意者初業難
守成亦不易乎然則以祖宗之功德與子孫之賢不肖徵
國祚之延促而舉不可為準也况夫縉紳士庶之流或以
廉仕起家或以力苦興業而欲奕世長保也能乎蓋以非
道得之及身而止倖已否則或一傳而失焉或再傳三傳
而失焉狡悍之父必生孱子以損其愆刻吝之祖必有侈

耶圖文集

卷

孫以漬其藏非貴官大賈寸積銖累勤劬以殖之如鵠巢
燕壘然啣木啄泥手口拮据歷歲月以成而未敢肆體以
安焉迨其子若孫以常過敗落者飲博惰婦以異禍傾覆
者盜劫獄訟而尚奢華矜意氣以致空窶者不與焉蓋盈
虛消長之數機不暫停勢不中立無漸拓之機則日削之
勢其能不流不涸錮守而及百年者未有也子族宗公而
外他紳勿論已以所見前後百年間屈指世尹之家四世
不替者鮮矣適從孫某以陶故起禍工匠役人林連蕩產
祖父無甚失德子孫愿謹相承多歷年所一旦釁生幾微
遽爾顛越事出意表災非无妄蓋蠹虫伐樹蟻穴决河萌
藥不剪致尋斧柯星燹不滅燎原奈何非甚明智烏能見

微杜漸哉要之人無貴賤業無大小成敗久暫非慮所及
也秦皇遠期千萬世至于無窮二世而亡光武不敢遠期
十年十二代始衰劉漢繼之最憐守財廣求田問舍墮址
爭尺寸隴畔較毫釐德薄而望厚器約而荷豐未幾鼎折
灶夷巢覆卵毀而莫之能卹此又與于不智之甚者也予
家祖遺產雖不厚亦七世矣窮無所損達無所益予幼罹
凶殄長淪宦波幾破壞者屢已幸而苟完亦將變而通之
盡吾餘景以順時之推移而避造物之忌子孫輩或稍能
通籍干祿或尚務章句不解賣身亦姑聽之不慮也倘可
免馬牛之誚而稱達觀者否乎

時祖產實五百金完負已
且歲抄也

耶圖文集

卷

廣南軼事紀略

蘇莊劉沐氏采地 國朝賜吳逆為藩產吳逆反誅無所
蘇莊 首編入歸正里十八府皆有之在大姚者十三
庄曰甘却大小蓮花池卧馬喇魚鮮村柳樹塘繳末萊園
新村久為土酋所踞屢訴未遂先與柯令構值陞任中解
以兼金美女唱署署幾得之郡守丁公煜梗之停案未結
值余蒞任時丁公署臨安逆以書貽之曰勲庄開疆土民
生幾為署君所敗君聖人後諒必不阿但首善權藩謹防
之余受而秘之首託籍廬陵稱高柴後余與書曰君與余
俱聖賢之裔祖宗同堂曷弗親睦君之家法曰愚余之祖
訓曰誠誠與愚一也使高子克其愚之量安知不為曾氏

聊圖文集

卷

之唯乎君與余但各半其祖訓相與有成一洗流土不和
之譏豈不滇中一快事哉首得書甚悅相得頗懽所以結
余者情文曲盡余亦時以善規焉學使吳公聞而善之余
旋奉檄入文武閣就留修樂四閱月竣事首乘間越府藩
由泉私請於制撫得允勲庄十三盡歸土轄矣奉文流土
立碑取結余查康熙二十三年奉 旨勲庄變價諸色
人皆得買惟土司不許恐疆土人民之淪於藝也今以為
私分奉之丁口錢糧籍藏 天府數千家生靈陷為樊
擇田產子女盡為首有世世不能自拔非親民之官不知
其害首道腹黨焉謂意有所陳拒之申文覆請藩司于公
三賢偕丁守力爭之得以翻案掣牌抬碑時舊泉已陞記

過龜符山懲檄恭憲畢公忠吉如姚覆勘更立七款碑式
疆土人民仍歸 朝版而土酋十萬金錢付之流水矣首
忿甚割髮辭職以脅上官據款具許誓不俱生而余知不
免矣時雖挽効罷官罪不至死但錢糧虧蝕法所不原賴
丁公倡義官民公捐三千餘金補苴粗完无全歸里絕處
逢生天作也此滇南軼事之所由紀也

聊圖文集

卷

豫楚黔滇行程記小引

嗟夫舉世勞勞風塵間跋涉道路流覽山川其情固有異乎名利之途紅塵十丈林泉之徑綠雲千頃田桑之衝赤墳黃壤坦坦蕩蕩有富貴之遊有風流之遊有窮困之遊仕宦工賈逸客騷人成卒繭夫莫不夜寐風興登山涉水披星戴月沐雨櫛風或馬蹏車賃足蘭神疲而不止所業所欲在焉故羣往而不恤近遠富貴之遊仕宦工賈以之懷榮利心風流之遊逸客騷人以之結烟霞癖窮困之遊成卒繭夫以之餘愁怨氣程嚴而罷登臨心憤而失鑒賞此比然矣矧黔黔之區盤道如棘曉石若礪萬水千山彌年淹月人未有越萬里而挽勝搜奇者故逸客騷人畏足

聊園文集

畢

不前風流之遊罕聞惟心平富貴權乎窮困者至之非不能已則不獲已也苟能以遠翠澄泓稍濟其榮利結轡錦波自釋其怨愁斯不負黔黔之遊已抑山川之靈秀何必滇黔天地之文章有藏必洩造化之神巧賦物皆工如徒侈言遊觀將必蹶穆王之駿傳奇掉詭於瑤池折靈運之屐鑿山堙谷於吳會而一丘一壑一泉一石一琴一鶴一樽一卷曠然天空海闊浩然義皇以上者爲而端終身乎故滇黔之遊當存建觀偶撥行程次第聞見先後以及全滇邊腹景物緬甸交趾道路遠近併六詔逸史撮其要畧撰次成編公之好事者用當卧遊非欲與諸家紀遊較工拙也

豫程總論

率洛天地之中故名中州道路康莊連車方行土地平衍田桑蕃茂人情風俗敦厚淳良蓋充豫略同也汝墳王化之遺猶有存者邠鄘會朝之盛如將見焉過許都之墟弔橫槊賦詩之豪雄而梟訪南陽之廬仰羽扇談兵之偉人也龍行過廬靡望古情深

楚程總論

洞庭雲夢湘江漢江海內之水莫大焉湖北形勢恢宏人物繁盛通巴蜀連吳粵扼黔滇控河洛荆楚之雄風鄴郢之勝槩匪今伊昔借王而桓文不敢問定霸而劉孫爭據之鑄劍鐔用用武之遺常德水陸交會換舟易輿豁咎烟

聊園文集

畢

霞秀麗窮深故桃源鷄犬武陵桑麻奇詭之說出焉大約湖南山林與交迥迥坐偏側乘只篋筇馬鑒金堂宸沅問難以五溪峒蠻狡鸞難馴言咆風悍亦甚矣然而鼙鼓湘靈弔英皇之哀竹書成楚學撥屈宋之芳蘅亦放歌作賦之藉也

黔程總論

黔境壤地山勢奪之葵多漢少民弱苗強馴者任吐擔簪俾者盜攘劫質時平猶然變亂勿問已榮孤之種類不一漢人以家苗苗樂之山川形勝造物鍾其奇麗世俗謂之隔堡山無松楓而自秀草非蘭蕙而皆馨故余有山同青玉潤草勝紫芝香之句到處峯巒疊嶺潮雲湧萬狀

俱備山靜而不動者也乃象變而不常豈非宇宙大觀也乎哉洞壑之異處處幽奇水有盤江懸橋白河葉落洞推伏嵐宏遠飛雲奇巧至關嶺天塹雲霞咽喉則世之依聞也還諸名流李太白王陽明遺蹟咸在猶堪憑弔

滇程總論

滇西南一大都會也形勝道路視黔爲寬坦然山亦居十之七會城有其南故墟前昆明海連西湖右碧雞山接太華山水色相涵映蔚藍無際左金馬山培塿耳在歸化寺後寺有王褒移山堂檄文楊升庵跋四十字篆甚古漢時望祀信方士之誕也通省十八府南隣交趾西控緬甸北接吐蕃內地則東貴州比四川東南廣西山之大者曰點

點

聖

蒼曰蒙樂曰烏蒙曰雪山水之大者海曰昆明曰西洱江曰金沙曰瀾滄有鐵嶺倚日怒江曰黑惠如盤龍蛟江之類皆細流矣洞壑平曠之清溪爲奇省城遊玩則花紅洞板洛則曹溪之湯泉清潤如玉液無礦砂氣稱天下第一物侯方言之異於腹地者冬無嚴寒夏無酷暑風雨多霜雪少衣夾單廢裘葛井出鹽水孕金獸有豹禽有雀孔介少蟹與無鵝樹之佳者紫油木交枝相卉之美者茶花芙蓉桃四季丁香香嶺則謂之坡堡則謂之哨湖則謂之海河則謂之江集市謂之街火炬謂之明鞋謂之夜孩謂之雞廟產金銀銅三品花木四時繁盛正月盡則桃李謝榮矣亦可謂人間之福地也

自述

不佞八歲失怙歷辛巳酉癸甲申四華母子孀孤艱苦備嘗幼輕優好嬉遊居近閭閻絲竹飲博無不爲也市僧有徒無不交也稍長益狂放不檢雖就傳不樂章句愛讀陰符孫子兩家言聞天文風角之說輒欣然慕之學觀星至廢寢習握機至忘食然粗知其略而皆不能研其極年十八暫出試童子科偶冠家庠愈輕自負謂天下無難能事然洊經兵燹先業漸凋落自顧無所似轉自刻責日無賢父兄之教天制之無良師友之助人爲之志高而識短持約而祝大非立身成名之道終不免爲妄人而已矣聞徵君陳襄庵先生講古學往從之遊預聞性理經術之要隨

陳襄庵先生

聖

厭薄舉子業不爲而盡心於古七年凡詩書易禮春秋四傳百家子史以及皇極經世九種秘書之類靡不獵其精而茹其華嘗問於徵君禮樂書數皆成人所有事古人以爲小學何也曰童而習之皓首不能盡也爲講禮樂源流以及九章算法六書精蘊下至韻學之淵微下筆之緒餘悉博究而淹貫之絕意仕進殆將終身焉徵君曰有母尸妻不爲祿仕罪也能如和靖以善養乎年廿七始應庚子科鄉試獲倖辛丑中副車妄意取青紫如寄矣會策論經藝制履更六上春官僥得僥失者三終不獲一第壬子就祿太安與高僧石堂禪師江西黃冠隱吳舫翁多唱和禪師爲三教圖歌一時賞其奇謂與三笑圖並傳居佔七年

若泰山紀勝更定泰山八景爲十八景繫以詩州人士增
入岱史已未遷濟庠承官定山先生命脩雅樂著大成樂
律全書瑟調久失傳而復得之刊行遠近購求劇家獲
厚利宋牧仲高念東王阮亭田子綸諸名公率鑒賞而重
稱之唐豹巖大史編入省誌旁及平原商河德平臨清文
廟樂皆身親修之一時聘教習者不之闕里而之濟南蓋
會城之樂通省所數觀故也庚午陞大姚令奉憲檄入文
武關卽留修樂四閱月告成丁鴈水先生修雲南通誌彙
入禮樂藝文誌焉任姚三載因爭勲庄百姓及流土疆界
忤土酋中以危禍投劾去官其功罪日在地方是非自在
人口無容自刻惟是太守丁鴈水先生抗節湖湘之變執

聊園文集

聖

耳騷雅之聖節義文章一代冠冕其由楚臬謫守三姚知
土酋稔惡不免不阿每以公義激砥屬員受名賢知顧益
用自勉及余羅禍公以義憤泣涕焚明誓死生不相背負
時已光復臬秩將行力措千六百金益以倡捐二千餘金
補其虧匱免予於難而後離滇南中領丁公之義不哀而
亦憐愚劣之不爲仁人君子所棄蓋如此平生無所自許
惟操縱新說多出獨見爲前人所未發者爲語譜大司馬
范公今琴隱菴君爾梅同介弟淳庵推廣其法講成大雅
藏宮平沙客牕四大曲爲琴瑟合璧行世弁言頗歸功焉
亦謂其庶幾於古有合焉云爾行年七十矣無一善堪自
信小道可觀姑以此解嘲其可乎

四書原約註述言

昔同里顏考功光敏嘗語余謂大學格致傳未嘗亡錯簡
在聖經內物有本末知止有定等句是也聖經三綱領八
條目詞旨聯貫連入知止定靜安慮幾於太深故先正謂
當是格致傳文也余曰此見甚卓但朱子序二節於此蓋
爲知所先后句承上知止起下先后二節至綱領下忽入
知止兩節後乃言條目則固嘗問於蘄庵陳徵君先生矣
日古人文章錯綜未可以淺深擬議也宋儒定本世宗之
已久輕立異議恐駭聽聞考功遂止然余終服其卓見惜
莫與同又竊疑聽訟章獨立本末一傳亦所未喻而格致
傳幾闕亡亦不應無數語之存及在滇有舊姚令秦人劉

聊園文集

聖

常吉龍官倫昆明多藏異書雅善余得縱觀之見有抄本
四書約註其編次乃與顏考功所見適同聖經綱領直接
條目格物致知傳首物有本末次知止次聽訟結焉熟讀
詳味與八傳文體水乳無痕斷以經一傳九而無所謂釋
本末者其朱子所補之篇乃移入聖經格致註疏中令讀
者啞然莫逆庶幾傳註各得其所豈不千載一快哉至論
孟各以事類相從分爲卷目互有後先便於講誦要亦無
害於元本詢其所自乃故秦中十縣令皆名家宿儒因公
被逮於長安其成之不著名籍其註多仍紫陽汰冗存精
如陳恒章先發後聞之廷談泰伯章讓殷之偏見刪之正
之而後備樂明快開附已意要言析理述而非作亦可知

諸君子之好學深思虛公無我非欲詘朱儒而自標赤幟也夫考功彙纂於東魯而十人書成於西安居不同地仕不同時而見若符契非偶然已今考功已九原難起而十人者又軼其名余竊嘆夫高世之識有十數名宿之合焉亦畧可信矣因不避立異之罪輒手錄之將用質於澹園學山考功兩太史併以俟後賢之考究焉惟中庸載於禮記問政詳於家語原無錯簡又非若論孟之各自爲章可以移動其於哀公問政篇分爲三章自子曰好學近乎知爲二十一章凡事豫則立爲二十二章未免割裂據家語成功一也下有公日子之言美矣至矣寡人實固不足以成之也故下復以子曰起此固不必紛更而仍舊貫者耳

聊園文集

吳

僭爲改正加還原二字註中有字之魚豕句之贅闕者畧爲參訂亦猶深體十君子不膠已見於一家言之意云爾

又

宋儒朱陸之辨當時已有異同至象山講喻義喻利之章晦庵亦心折之雖德性問學各有所主可謂之相發不可謂之相悖也朱子補格致之篇嘗自謂其文不類固知註疏與傳體之有間也故凡所撰次皆曰以俟後之君子非敢遂謂其易也迨其後宗之者如護法詆之者如罵坐膠固之漸流爲黨禍而世道關之可勝嘆哉語云文章天下公器况聖經賢傳之在世如日星在天非可一人一手障定天下後世之耳目不容別有見聞今此書用朱註者十

之七參已意者十之三經傳原文不敢損益半字其改定篇章若一本於固然不立凡例不加議論不著名氏若曰此非一人之私言也人之知不知也書之傳不傳也藏之天下後世而已矣其識確以卓其心虛以公豈獨不戾於經傳抑且有功於朱儒所開發後學者良非淺鮮至中庸分增二章之誤則亦不可阿其所見也纂而述之非苟以立異也倘得與大全輯畧諸家之論姑備一說並存於世亦未有害也已

又

按明初浦陽鄭君濟仲辨受學太史公朱濂預聞其說更定太學正文次序併從東發黃氏董葉玉車諸公之說及

聊園文集

畢

蔡虛齋所見益精方正學節義經術一代大儒亦深避之請以策書題其後且謂聖賢之經傳非一家之書其說亦非一人之所能盡也千五百年之間講訓言道者迭起至近代而始定而朱子亦易嘗斷然以爲至當哉故亦以待後之君子耳世之嘵嘵然黨所聞而不顧理之是非者皆非朱子之意也明顧憲成大學通考自宋以前有戴記本石經本備載原文各次序不同後二程本亦互異合觀二古本戴記錯簡猶少石經錯簡更多故朱子序次聖經及戴正脩齊治平傳並從戴記惟明新止至善三傳則畧從石經較二程所定益精矣所未安者惟聖經內知止物有本末一條及禮記一節與夫闕格致傳耳古本既經傳錯

亂各家不同不知紫陽序次更定何故不於錯簡原文內
畢格致傳遂謂無一字句之存並此謂知之至也之明文
而衍之宜後儒之疑議也此董文靖方正學案夢弼王文
憲蔡虛齋諸家之說大有關於經傳而不可湮沒者乙亥
歲余自滇歸里訪於考功家得其遺藁備載各古本異同
知朱子更定去取之由來然後可以互考其得失而要于
至當考功定本格致傳先知止次物有本末終聽訟蓋遵
董葉方黃之說也今約註定本先物有本末次知止終聽
訟以此謂知之至也結焉蓋宗蔡氏之說也愚意亦以
蔡說為長故備錄而重較之嘗以約註質於考功兄澹園
太史曰古大學想應如此今止宜訂正大學至於中庸原
無錯簡語蓋亦無後先不必紛更既又質於考功弟學山
太史曰自天子以至於庶人二節在聖經亦未安愚因尋
釋全書竊謂當在脩身傳末此謂身不修不可以齊其家
用反結語意未盡緊接自天子二節厚薄句又起下文齊
家之意血脉貫通更無遺憾矣

聊園文集

聖

操縵新說

瑟調之中絕久矣其為器也重且鉅非宗廟不可常設常
人之家安措為難非若琴提挈收藏之便也卽有通儒博
雅留心音律備之不存將焉取正無惑乎其失傳也竊嘗
聞瑟調太古與中古不同清廟之瑟朱弦而疏越一唱而
三嘆有遺音者矣是太古之瑟其聲甚簡也漢光武使桓
譚鼓瑟愛其繁聲是中古之瑟其聲近繁也楊惲云妻趙
女也雅善鼓瑟必其操之而成調數之而成曲也以是思
之斯過半矣又聞一史工於瑟二子爭傳其業分而付之
故名曰筆說雖近誕大約筆者瑟之遺制但後人習用之
流於鄭衛故經生家鄙棄不道禮失而求諸野土君子學

聊園文集

聖

古通方得其意之所有變俗歸雅古音雖亡可復也酌乎
繁簡之中通以琴笙箏笛之意而思又過半矣歲丙寅丁
卯間余方承官定山學憲命修樂從事于八音之器者一
年乃悉通曉其畧惟瑟宗闕里所傳黃鍾調一字一聲歌
吹長而絳音短病其不稱忽得鄭世子律呂書載有瑟譜
驚喜以為庶幾可得其詳也時程君穎菴支君丕生成集
二子皆精於琴乃按其法以笙定子午二琴以子午琴定
瑟其一弦定中黃鍾十三弦定清黃鍾二十五弦定小清
黃鍾既成如其所譜詩章彈之右手彈外左手彈內無吟
猱凡歌吹一字彈一律之弦十六聲從頭再作得三十二
聲搏拊十六拍次字亦然其大畧也使皆四字樂章則可

矣苟句有短長音節有遲疾之異又曷以用焉今一字一
弦鼓三十二聲準之太古之瑟則煩促而無文理考之中
古之瑟則陋而鮮變化既失清廟之遺復不遵歌曲之
用曷取乎爾因相與嗟嘆聲音之道微矣非實徵諸器手
口親試之將紙上文章口頭經濟茫無實用難以傳信類
如此今所定旋宮瑟因五行自然之數得五宮自然之音
先天五音左旋順數皆隔八相生後天五音右旋逆數皆
隔六相生左旋律有定位如經星轉以五音合之右旋
音無定位如緯星逆行以律呂準之自一絃至五絃爲官
官五音得宮之官官之商官之角官之徵官之羽自六絃
至十絃爲商官五音得商之官商之角商之徵商之羽商
之羽自十一絃至十五絃爲角官五音得角之官角之商
角之角角之徵角之羽自十六絃至二十絃爲徵官五音
得徵之官徵之商徵之角徵之徵徵之羽自二十一絃至
二十五絃爲羽官五音得羽之官羽之商羽之角羽之徵
羽之羽官五音極濁商五音次濁角五音半清半濁徵五
音次清羽五音極清凡音皆有七調瑟瑟管簫笛一也
官商角徵羽少官少商協律爲合四上尺工六五絃音絃
之內外猶竹音孔之上下也合六一律分爲二律四五二
律同爲一聲而有尖塌之異變一調則移官換羽矣蓋樂
七調而正音全加一凡二調而變音亦全一者由上入五
之間音凡者由六入工之間音故每調只用九律無論絃

孔多寡疎密總不越九音餘律備而不用者自然生不到
散也此出夫巧不假人爲非可自憑意見辨格立調也今
姑存鄭世子定辟趙調之法以備參考復爲先天律呂五
音旋官之圖圖於前音隔八相生不必難以隔六也律呂
有定位五音無定位先排定律呂各以五音就之如列宿
三垣爲經五星二曜爲緯也又本蒙引有隨各律以爲五
音者之說立定弦起調之法爲後天律呂五音旋官之方
圖於後皆隔六相生亦不必參以隔八也五音有定聲律
呂反無定位先排定五音各以律呂就之如棋盤四勢子
爲經羣黑白子爲緯也先天旋官圖如官在黃鍾則徵在
林鍾而在太簇羽在南呂角在姑洗如官在太簇則徵在
南呂商在姑洗羽在應鍾角在蕤賓皆隔八相生也左旋
順數有六十調之變後天旋官圖條蒙引云有隨各律以
爲五音者如黃鍾之律自爲其官則仲呂爲徵無射爲商
夾鍾爲羽夷則爲角皆隔六相生右旋逆數亦如易先天
乾兌離震巽坎艮坤後天乾坎艮震巽離坤兌亦有六十
調之變但蒙引語之不詳後人隨畧之祇知隔八不復知
隔六之說即鄭世子云下生隔八上生隔六亦考之未確
也致此一大調之妙用不彰可勝惜哉又爲琴瑟七音瑟
弦七音協律之圖於其中証其若合符契而貫三分損益
五音相生之圖於其首大約先三五音順數隔八逆數隔
六後天五音逆數隔八順數隔六似相反而實相成爾

五音先天後天之說前賢知之而未發相生隔八隔六之辨前儒昧之而未詳蓋先天隔八相生之大五音合也而生後天隔六相生之小五音分也如八卦有先天後天而乾又生乾之乾乾之坎乾之艮乾之震乾之巽乾之離乾之坤乾之兌而坎艮震巽離坤兌亦各生八卦也其異於鄭瑟者不全排律呂耳然所以不全排律呂者天也非人也若每調全用律呂是器也而非調也亦非鈞也所謂鈞者謂一旋官而六十調各得所分之數數惟鈞也一黃鍾二太簇三姑洗四林鍾五南呂是為正五音之五均二十五調其餘七均三十五調可類推已官既旋則清濁與之俱旋常用黃鍾而不用別調者以黃鍾調清濁大小皆得

鄭蘭文集

卷

其倫而別調不免清濁易位大小易序如韓非書巨情之所云以小弦為大聲大弦為小聲是細大易序貴賤易位也鄭世子辨其非而不識所謂易位易序者漫謂上古瑟制周時猶存韓子蓋據當時所見者如此故為尊君卑臣之喻此則鄭未洞然於旋官之變故也以巨情此語証之益知此調之不辰乎古矣每調十二律用者九不用者三或一二律是考古今參雅俗而得之唐宋以來誤認君絃謬定中聲以十三絃為君黃其色而不敢用不知君絃在第一絃官之官得黃鍾第十三絃乃角之角得姑洗不可為君朱子所謂即其始而用之以為宮若角雖當五聲之中而非衆聲之合且以七鈞論之又有變徵以居焉亦非

五聲之所取正故不可為君是也中聲者謂萬事起於黃鍾衆聲亦起於黃鍾六陰律方終六陽律始動是冬至子之半時也乃氣化陰陽之中非聲音清濁之中也角為足以當之所謂君絃不用者指一絃官之官蓋商角徵羽四官皆有君絃足代其勢矣官之官可以閉而不用是君逸臣勞之象非必不可用也學士明其理不能通於器伶工通於器不能明其理瑟調失傳二千年病源在此太史公曰好學深思心知其意舉世是非之而不為勸沮拘儒固執見聞風影理器非望明撲窓即隔靴搔癢其不能知形上形下之無間也固宜

古樂譜有正應和同之說而未詳其用余以尚為琴瑟言

鄭蘭文集

卷

也琴散音為止實音為應間絃為和撮為同瑟散音為正隔六為應間絃為和撮為同樂曲歌吹長絃音短衆聲未歇絃音已斷病其不稱以正應和同四聲配歌吹之一聲而不離乎一律以搏拊四拍節之庶依永克諧而美聽矣八音之器極鼓為全樂綱領固已起調用祝祝象斗取藏貯之義擊用夬夬決也連底桐之發決所藏而出其聲音也畢曲用圉圉狀如伏虎為其背有二十七坎可擺也擺用帶帶拂也掃除衆音而使之淨盡也起音用鉦收音用磬所謂金聲而玉振之也搏拊熟革為之實以據端節琴瑟使之有聲而不甚響恐壓絃音也執鼓制小而聲微亦此義矣笙管簫笛鳳簫埙篪孔數多寡而總之不離於七

音故皆可以協律該之笙生也生衆音之萌蘗而繫其聲
革也管絃也聲最洪所以結攝衆音而使之齊一也以細
竹並兩而吹之抑其壯而使平也洞簫洞通也所以通衆
聲之壅滯而使之疏暢也笛滌也所以滌衆聲之煩穢而
使之清朗也鳳簫五管黃鍾正音爲五音之所取正而至
率乎衆音者也餘律退而不用仍設之者備其數也塤箎
皆五孔有正無變其音鳴鳴所以合衆聲者如樂中之甘
草也蓋八音得塤箎始和純如之謂也又聞樂以頌德舞
以象功今文廟舞宗闕里誌所載各字有式大約皆揖讓
進退周旋磨折之容與古舞不同按樂記大武樂六成始
而南出象觀兵孟津發揚蹈厲象誓師牧野舞亂皆坐象
也

郭園文集

書

答古翁禪師論紀勝書

拙紀閉中筆墨偶爾多事過蒙揚厲許以八長還自審視
蓋無一二焉譽之過毒於毀將無慮爲知言之累耶紀成
士林見者率謂是子厚永柳山川遊紀體也幼時嘗一涉
柳州集未嘗深究有趣不能強記至作紀勝時絕不復有
永柳記一字在胸中矣既因人言檢讀之見其精工空絕
後先使早憶之勢必剽掠英華刮拾汁滓否則筆端而不
敷下矣雖然柳州紀遊也而山川附焉紀勝紀山川也而
遊附焉體固有相似而實不同者故拙紀閉中筆墨偶爾
多事初非敢望古人後塵抗軼而爭工拙也然而紀勝非
作也山川面日精神不可損益四時陰晴晦遇之當前
取諸固有正如小兒描畫點畫雖千百紙未嘗有鈎索之
苦彫琢之勞此於山川所謂抄勝者也長白會仙心嚮往
之而未嘗至也不敢懸爲寫照後得仰止當敬增入不然
卽附師說以補闕漏耳

郭園文集

書

報劉荻江書

讀尋常詩如先武迫于淳沱河暫憩燕華亭食豆粥麥針
極爲快意既登太寶享天厨燔豚炮羔肥膩溢鼎亦不過
適口屬臚而已及磨子陵釣桐江得小鮮鯽羞而進之光
武甘焉稱異味不啻辨麟脯消花蕊麻姑佐飲蔡經采願
其芳養之蓋仙品芳潔不假人間烟火覺海錯山珍猶褻
味也豈許凡人夢想指掌哉况家常羹飯爲農夫牧豎朝
夕咀嚼厭吐者直塵土置之耳余于荻江之詩有異焉詩
忌平庸矯而新之又淪怪僻必異不戾常奇不入晦如端
麗名姝幽閒貴媛不事矜飾神韻自遠庶不失初盛之意
與雅頌之遺荻江風格峻整詞華敏贍而不靡麗而不
馳時露激楚鵬鵬之氣如怨笛風咽雄劍雷吼蓋曠世軼
才其生不偶其出不常伯樂相馬只取神駿不問驢黃遇
合時也窮達命也丈夫磊磊落落交游徧海內有一二知
已可以無憾已又何細行之矜而大志之鬱抑乎然而通
儒立身處世於道德功名富貴三者必有所主主道德者
功名不足移其心主功名者富貴不足提其志主富貴而
已者亦無所不至矣苟學無本末行昧名實雖文雄班馬
詩衡李杜亦不過爲文人詞客而已矣豈志士之所自命
哉不佞起自孤苦拓落不羈幼有狂簡之志壯多歧路之
行學宦不達園林自廢老景頹倦于將迎賢豪過從往
往獲戾小者數種錮之廢麗傳于家庭不敢問世猥承金

聊園文集

書

玉之投報以老礫應酬之禮宜然比之村譌俗諺不足鄣
削幸勿曰此亦闕里一老詩人也

聊園文集

書

一線天演文序

聖夫子刪定六經三代禮樂之遺盡在東魯學士家業易詩者有之至尚書昌明春秋微隱從事者蓋寡書之體博大詳核事據其實文匪其舊無所避忌雲亭山人之桃花扇似之春秋則異是添其文詞矣用筆曲廣其義類矣寄旨遠哀鉞不形于腕底褒貶但存于言外一字爲經片言成訓自游夏之徒不能贊况晚近淺陋經生猥矜著作者能笑窺其藩籬乎乃吾于一線天遇之漫翁之爲是編也蓋身歷乎窮達順逆之境目擊乎炎涼喧寂之變意有所寓書不忍盡言事有所觸言不忍盡意淡淡白描而仕途之正奇官場之好醜俱躍躍紙上使人服其忠厚忘其淋漓

鄭國文集

卷

海益名高而成党禍才盛而起詩獄雅人智士臨文若斯之難且慎也至其寫閨情則香艷流于悽惋狀義俠則悲壯出以沉雄是以搏象之全力制以房龍之利技調猿筆挾風雲思入幻香世謂史記足繼麟經何其許腐遷之過也予謂一線天堪追史記庶幾可謂知言乎大抵吾魯著作淵藪不獨經學理學史學具有源流卽稗官傳奇詞曲之小道亦各有所本非四聲猿十種新書之類悅人耳目漫要才子浮名者可同年而並傳之也

又總評

大才人作尋常事必異尋常大文人爲游戲筆定非游戲是編點染純用間色構結皆成幻彩悽惋時則哀絲怨笛

之嗚咽沉雄處則殷雷暴霆之迅厲諸不傷雅直不戾時曲高和寡寧使廣陵散失傳調絕知稀不必開元部浪演

鄭國文集

卷

題白相小像

吳會名區人文稱盛雖百工曲藝之流以一技成名者其衆率能棄故標新厭常取與蒸氣萃江山之秀巧鑿造化之窟故鼎物出蘇製者世競尙焉人爭珍焉其於歌曲之道亦然南北風氣不同音響亦異北音多直南音多曲曲近雅直近陋上古鼓腹擊壤明良喜起其聲簡亢無論已漢初大風瓠子之歌凱音亮節氣雄一世曹大家作琴曲漢官秋月之屬皆平腔北調下逮唐立法曲諸部倣古長嘯遺音曼引曲折抑揚盡致而崑山之響出焉因而化陋爲文變俗歸雅其不得不爲世所尙者勢也又有騷人韻士廁乎其中相與殫精逞材節族潤色之文愈加文焉雅

聊園文集

李

益加雅焉學士大夫川以快聽睹陶性情幾不覺爲卿術之靡而適成乎法戒之藉其不得不爲俗所尙人所慕者又勢也夫檀板絃索事之最賤者耳有人焉身親齋雅志託襟琴其眼光襟次固將醉祝公卿夢視王侯下之如優孟阿丑以諧嘲謔浪寓其諷諫上之如雷海清直以忠義著聞千古是尙可以卑遇之乎然則仙人吹緱嶺之笙以絲竹程品則王惠賢於匡衡狂士搥漁陽之鼓以箠罵行文則正平不減曼倩其言茲若人之倚與

題高其佩風虎圖

威蓄而不用則其測文養而能變則有成故取象於大人而雄長乎百獸易曰雲從龍風從虎龍虎之于風雲類相感氣相應也問之善繪者月能繪其明花能繪其聲雲能繪其行風能繪其聲杜詩云山木盡亞洪濤風然則且圖先王之風虎其殆庶乎

聊園文集

李

李孺人墓誌銘

孺人曲阜廩生濟東公之季女歲進士諱茂梅之胞妹八
齡怙恃俱失兄姊皆幼伶仃無依挾一小婢來歸余亦僅
八歲父嫡繼亡生母尹太君暨兩庶母金張同撫養之若
弟姊然尹太君性嚴孺人雖弱齡能伺顏色委曲承順十
四歲成禮余幼無父兄之教游蕩不檢孺人每規不納反
加詬厲亦無怨言余弱冠始折節讀書孺人操井甕勤紡
緝估之食貧者七載年廿七始領鄉薦孺人未嘗色喜勤
劬猶故也後歷俗陽歷下及遠任炎荒夷險共之雖顛沛
患難亦無得失之愠交謫之言及子基仕進有名祿養頗
豐乃雅志田桑不樂隨任迎養至署數月即返卧病半載

李孺人墓誌銘

李

只艱步履言笑嬉怡不改常度不意其遽舍我而逝也余
嘗梗概孺人之懿行可述者五孺人性儉樸未嘗以珠翠
飾首飾縵華身雖薄有之只供婚嫁之用布素絲絮終身
不渝一也孺人慈惠好施任卹姻里拯急救患期於當肥
必速必豐有求即應窮親疎族終年不絕於往來二也余
用財頗輕數致窘乏孺人輒傾囊倒篋以繼之未嘗有私
藏匿不予助雖屢空不悔三也平生不佞佛持齋居倚七
年未嘗語祀碧霞建醮祈禱每譏愚婦之心輩口素有四
也妾宋氏產子墜於溟浦一齡孺人襁褓提携雲山萬里
跋涉而歸宋氏病歿孺人身親鞠育愛逾已生辛劬倍至
以及冠婚生子恩勤不替余反譏其溺愛失教至病殆垂

危呻吟床褥間猶顧戀不已不使刻離目暇始釋撫庶
聲見稱於宗黨推爲嫡範蓋天性之合出於自然非違妬
忌之名五也五者皆其實行不敢溢美兒輩苦塊不文代
爲述狀卽以鐫之墓石以記歲月非敢云誌也孺人生於
明崇禎七年八月初五日子時卒於康熙四十九年五月
廿四日申時享年七十七歲男二女四孫二各婚嫁家世
另詳不具載瑄及孺人結髮七十年將屆耄期亦可謂白
首偕老矣蓋焉先逝數也老忌神傷豈敢過慟善行數則
亦婦德之常不敢邀靈貴官名卿棟筆之寵爰自登棺而
銘之曰人生如寄富貴榮落如繪壽夭如夢寐一膜盡棄
夫妻子孫如敝簪老情如醉老眼無淚有血不能酒地長

李孺人墓誌銘

李

歌當慨孤鴻哀啜苦青片石以爲壙砌用貞夷禱

泰山紀勝自序

別載說
於新編

暨年登岱未能領畧其勝歲癸丑就祿泰安旋以計偕往來長安道上席不遑煖五月既望蕭子天木安子貞吉微予登山携酒餌作二日遊始得與山水作周旋雲深塵遠怡然會心思有以喻之於言然詩歌拘於聲律題勝乎文雖古人避之弗擊也於是隨其所歷名勝紀以質言以備異日展玩使不忘於心非敢質之士大夫曰可以當卧遊也

又

山嶽之勝陵與谷各得其半焉鬱確其高畧可識已而謬隨窮窅未極流覽之快猶登堂而未入室也居岱茲久探

聊圖文集

齋

奇索隱頗無遺憾而青雲蓮花五峯靈岩雲亭徂徠錦屏崔華之與岱宗脉相通勢相連者咸入賄記亦附焉

大成樂律全書序

全書發行別載
東有誌雲南通誌

不佞少頗習於洞簫盡七調之變因悟三分損益生上生下旋相爲官之說至於元音發乎天籟中華出於人心則莫之能定也古律與權衡通元音中聲倘亦如輕重長短之各有其中而不可執與不然太和之理自在天人從其自然者認取之而不違矣固非隱僻之事也昔夫子語太師但論其音非遺本而取末乃迦流及源之法也後世惟元音中聲之是求考古器數傳疑成繆往在固而難通嗟乎雅樂之不復可知已丙寅冬蒙學憲官捐三百金修明禮樂郡刺史蔣亦雅意贊成之捐四十八金徽不佞禮聘聖府教習十二名館之於學集所選青俊儒童二百四十人分部教演寢食於律呂間者幾一年所乃於八音諸器皆粗能會於心而應於手然教排髣髴童子所務者象數聲容之節而曷暇深及焉其始終條理則本之闕里也其節族潤色則參以鄙拙也既成而奏之清濁高下不失其倫亦既粲然成文雍然就理矣元音中聲姑存勿講則今日之雅樂竊附乎叔孫縣哉之禮倘謂得其粗而於精者未必不暗有合也則不敢知也爰綴述所見者爲編而繫之銘曰樂主於和發之聲而寄乎器通造化之關塞達人之心之鬱澹可以感神明貫天地而節宣其氣飛葭或膠累黍亦滯不泥於簡編之斷說不流於世俗之淫厲淵哉微矣中和之遺朕幾乎翕純嘏

叶去聲

好名解

求士于三代之後唯恐不好名名者實之實也實之不存
名于何有君子表後世而名不稱焉名實未加于上下談
仁義者少之世之奔走于得失之途波靡瀾倒而喙息不
進者皆爲名驅者也然則求名固有道乎夫名亦不一矣
尊經術曰名儒儒名則坊表之語事功曰名宦宦名則狙
豆之論聲氣曰名士士名則標榜之世之名儒不概見而
名宦輩出名士則接踵于天下矣噲何名士之多也夫曰
名士則未有不明于義利之辨者也乃名利兩端相衡而
張而義利兩途又相背而馳其不相謀也而好名之計細
矣名虛而不可牟利必託乎義以成之託乎義則近于名

聊園文集

李

而遠于利將變計而之利謀利則又遠于義而妨乎名將
何術之撿而兼全而無憾乎乃吾嘗見夫世之求利者矣
農也工也商賈也皆求利者也而莫降于騰仕之家吾又
見夫世之求名者矣詩也賦也詞曲也皆求名者也而莫
重于制科之文騰仕之實厚矣保無軒冕其外而龍斷其
心乎制科之名顯矣保無章甫其躬粉墨其面乎然則汨
于利者無論矣有資于名以市利卽有資于義以市名而
罔利者是名者利之所假途也義者名之所借道也詎知
利端者奪義襲者敗而名者世俗之所爭而造物之所忌
也名索則易涅名峻則易墮名完者易毀不獨立名非其
者不可以終日卽盛名難副者亦未可長恃也然則如之

何而可也宋廣平云名義至重易曰利者義之和也是名
與義利之合也何以合諸曰崇實

聊園文集

李

聊史小傳

史行年八十餘未甚園亭皆名聊因以爲號幼孤積苦兵
燹凶疫能成立暑年遊泮未壯舉于鄉六上春官僥得失
者三一副二備三而不獲一第兩任寒逸一宰邊邑仕無顯蹟
處無惡譽澹如也介不忤俗和不徇物博學而健忘多藝
而不精臂三復遠暴慢三言聲色不過厲而威重然諾而
施不濫交廣而有別于恕不爭而傷則較言貌拘謹不在
賜予之科而戒躁鄙絕巧令性樂易而戲不虐人愛之而
不敢褻近焉之人也高或遠于賢哲卑不墮于鄉愿每以
鄉黨自好者爲期許而不邀譽于國人聖門童子羞比管
晏東家逸老亦耻稱名士門人高瑾名稷下贊之曰富貴
聊圖文集

李

聊也功名聊也憂虞坎壈亦聊也聊以寄身聊以卒歲也
所歷境順逆不一常覺忻愉多鬱抑少益不欲以無聊不
自聊者以汨沒其聊焉之興也至稍或留意歌詩古文詞
只以自娛曰爲聖人裔孫業當有事筆墨間不可自棄於
斯文也亦其聊且焉爲之故曰聊史聊史云

聊圖全集十五卷

山東巡撫
孫道本

國朝孔貞瑄撰貞瑄有大成樂律已著錄貞瑄少遊
江淮旣而官泰安濟南繼乃遠宰大姚所歷山水
頗多炎荒萬里狃俗苗境多所記載故軼聞逸事
多散見於此集中其文則奇逸之氣往往不可控
羈而頽唐潦倒之處亦不一而足云

葉忠節公遺稿十三卷

〔清〕葉映榴撰

山西大學圖書館藏清康熙刻本

附《四庫全書總目·葉忠節遺稿十三卷》提要

蒼巖先生有詩如干篇曩與李梅崖先生同姓既序而行之既而先生官湖廣布政叅議督糧以死事聞

天子軫惜贈工部右侍郎賜諡忠節廕其一子又二年子粦來青除知荊門州事將行手一編泣曰我父以死勤事天下莫不聞先生尤知我父者嘗為序其詩矣今遺文在乞仍為序之方武昌之告變也始于剝殘飢餓之卒上官處置失宜因以生亂當其時城中文武大吏或被羈繫或踰牆垣爭先去以為望而公無師旅之寄獨蹈白刃為城捍禦至不得乃捐其身上報

葉忠節公遺稿序

天子其光明磊落之槩後容慷慨之義可不謂偉歟向使上官調劑一得當則荷戈持挺之夫必不亂亂而有以脩之亦不至旬日之間蜂屯蟻聚如此之橫也賴

天子仁聖威武命將授算不三月猖狂之衆遂以撲滅而先生則既死矣悲夫公之節不待此區區之文以傳而其子痛其先公之沒也謀欲刻之與其詩並傳於世可不謂孝乎荊門之州在公殉難之境來青往矣觸事增懷心思所以無負先生之

節書所云世篤忠貞者來青其勉之秀水朱彝尊

葉忠節公遺業序

葉忠節公遺業卷之一

芳

男 蓐 編輯

子房

文

延長縣重建文廟碑

今天子御極之十有八年春二月余銜命校士
次延安甫下車坐定郡守率諸屬吏庭見甚恭一
令前揖致辭曰某令延長者三年矣窮邊下邑疊
罹兵荒百度具廢學宮茂艸積有年所某某竊不
自量其時紬舉贏也首捐貲百金復走書於邑紳
安徽臬長薛公大寧尹馮君得二百五十金爰庀
財鳩工倡其始乃勸諭諸生量力出粟助工鼎建
大成殿九楹兩廡各七楹戟門五楹櫺星門三楹
啟聖祠額矣重闢之泮池陸矣鑿而石甃之復葺
明倫堂五楹成德達材各三楹鄉賢名宦祠各一
區學舊無署亦補建一區魁星閣一塞門一延表
高廣如制經始于康熙十六年之秋迄今康熙十
八年春三月告竣例得撰碑記勒貞珉使士民有
所矜式敢請先生一言不朽之余聞而歎曰異哉

令賢哉令也今日而能祀孔子之祀者即能道孔子之道者也余不敢以不文辭越日躬至其邑齊沐肅衣冠考鐘鼓集吏士瞻拜已周視殿廡堂祠巋然翼然高下俯仰列嶂然廊宇徘徊聯屬貫珠然雕繪拱桷朱碧翦爛雲霞然噫嘻何工之速制之宏也微斯令延之人不獲見有廟貌者不獲誦法聖人矣乃進吏士而告之曰易傳不云乎有天地而萬物生焉是生萬物者天地也生萬物而聖人與之俱生迨聖人生而天地間君臣父子夫婦長幼尊卑之分定焉是位天地者聖人也然人知天地之能生聖人而不知聖人之能位天地者正所以生天地也何也我孔子生春秋時去中古未遠維時日蝕星隕山崩川竭列國之諸侯大夫篡弑其君父以及走灰奔亡者不可以數計人心或而天理滅天地亦處于欲奔欲裂之勢孔子起而作春秋維王道而亂臣賊子懼天下後世知亂臣賊子之不可爲而天地之心不至于息故曰聖人之能生天地也然我孔子亦有時而厄秦之焚漢之溺厄矣而未足以厄孔子佛之空老之誕厄矣而未足以厄孔子厄孔子者孔子之徒也夫佛

葉忠節公遺藁

卷一

二

老之徒各師其師孔子不與也自佛老之徒不師孔子而又盜孔子之書反其義以文其教而孔子厄佛老之徒復誘孔子之徒而師其師而去孔子如敝屣將必相習于無父無君之教以亂臣賊子爲不可不爲是則孔子之大厄也且天下大矣其間五步一寺十步一廟者非梵宮則道院也翻貝葉擁丹爐目眈眈而口喁喁者非緇衣則黃冠也愚民無知毀肢體竭囊篋焚香膜拜乞靈于土木者以萬萬計甚且由孔子之道讀孔子之書而身躋通顯有君可事有父可事而甘心師之或至剝民之膏以輸之佛老之徒者不知凡幾及登孔子之廟庭而見頽者圯者欲丐其一木一石而不可得非吝也彼其心實有所不欲以爲甚迂緩而無足煩吾力也嗚呼孔子亦何負于人而仇之若此哉昌黎有云不塞不流不止不行蓋深痛佛老之厄吾孔子而知今日之能祀孔子之祀者即能道孔子之道者也延固禰邑而介于邊其土瘠其民貧其士餬口之不暇數十年來不戒于歲則戒于兵爲之令者能撫循而長養之足矣民未嘗冀令之導我于學也士未嘗期令之興我于學也上亦

葉忠節公遺藁

卷一

三

未嘗懸一令以課令之修舉夫學為殿最也而延之令獨汲汲焉修之舉之惟懼孔子之祀一日不舉孔子之道一日不明而能率其士民子來趨事以觀厥成令顧不賢哉由是延之士民瞻其廟貌深其誦法發邊陲未發之神智振百年未振之士風秀者升諸朝樸者安于野衆喻于作忠作孝之心而不奪于無父無君之教是令能體孔子生天地之道以生延之士民於千百世在此舉也其功且與距楊墨者等豈直一令之良吏已哉余故樂得而為之記

募修平涼府文廟序

前孔子而聖者史冊所載皆德彌天壤功垂來葉然廟食止于國都甚或湮闕不世其祀後孔子而興者以功以言在捍患禦災之列亦祀止于其鄉耳若乃萬國同享與天罔極孔子而外無聞焉何也前孔子者詩書禮樂得孔子起而修明之而吾道不墜于地後孔子者亦或能修明孔子之教然立崖岬樹異同其所論著未必皆光前絕後之業以故當時尊之後世弗與也我皇上稽古右文臨雍釋奠四海之大煙霏霧集蒸然向風守牧之長以教化興行者為最則是孔子之祀曠古重光端在今日乃平涼疊罹喪亂文廟學宮漸就淪圯余銜命至止肅瞻廟貌用疚於懷及今不革風雨之所剝蝕狐兔之所窟藏日見頽頽斯固士君子之恥也而守佐毛君邑宰仰君共篤志文教惻然憂之推余倡其事而漸與同郡邑之長吏縉紳髦士落其成余曰是役也惟余之責也何敢以不敏辭因捐薄貲如左而復為數言普勸同志嗚呼黃冠緇衣鳴鐘食鼎琳宮梵剎飾玉塗金豈天下之人視吾道遠不如釋老二氏乎願破羣迷以返

于正謹序

葉忠節公遺集

卷一

六

募修隆德縣學宮序

披隆邑學校志文廟凡三建勝國神宗時遷郭外之東南隅惑于術家之論也吾朝郭令復舉而歸之舊址常令則起而落成之此兩君者不已有功斯道歟然廟以妥神學以課士地弗爽塏則規模不閱觀瞻不肅且基本汗下卑濕輒修輒圯不至委諸灌莽也幾希邑宰曾君惄然悼之排形家之言擇高明之地議移建縣治之東於城為土中也嗟乎曾君可謂知所務者矣第邑故荒殘煙火可數顧安所得餘貲以興大工而曾君不遑計也傾

葉忠節公遺集

卷一

七

其家素為之經始博士生徒感其德慕其教稍相與附益之余校士河西途出茲邑見門廡粗立翼然有容大成殿材則猶有待非姑待也創之不易成之綦艱余司何事而可漠然耶搜行笥得三十金襄其工而所缺者尚夥非一手足所可辦竊尋學宮之制與天地同其不朽者良以聖教鴻遠宇內芸生罔不漸被不特誦讀詩書者乃為聖人之徒今釋道淫祠遍天下豈二氏負土斷木自致此巍奐耶愚民惑于禍福輸財如恐不及耳間有寸椽片瓦粒粟尺布以新吾文廟者乎嗚呼甘剝肉

於惑世誣民之教而怯拔毛于經天緯地之人則惑之甚也余故倡脩工值并勸此邦之願為聖人之徒者各體曾令之苦心成吾黨之勝舉是為序

黃憶溪來諭堂詩序

諱肇熙國孝廉
時為京州郡丞

人情樂示其所長而亦易奪其所嗜非人奪之其心復有甚于所嗜者則不覺移所嗜以嗜之是以嗜奪嗜也士君子少而受書得其解者莫不有所嗜然而榮落萬境升沈俄頃處利達則以功名為已任甚且以聲色自娛樂矣如其閑窮則憂憤顚頓悲苦愁歎求與得失之念橫于胸中嚮之所嗜久而忘之又久而棄之矣其嗜不專故其所嗜者亦不能成名以見長於世憶溪黃君長于詩者也然非生而長于詩終其身嗜詩而長于詩也觀其自束髮以至盛壯自諸生以至服官登臨贈答有詩簿書期會之中亦有詩退食燕笑有詩馳驅執掌之時亦有詩古與稽今與居咀宮嚼徵調陰叶陽盡變其閨中幼所熟習之聲韻而諧之鐘律非深嗜焉而能如此乎不然以彼其才卿相不難致也而通仕籍二十餘年栖遑邊郡不見有憂憤顚頓之容不聞有悲苦愁歎之語而日取古人之詩與已所為之詩而刪之訂之何為者乎其所嗜者不可奪也有美在室悅之情也復見一美而悅之而彼美且漸疎而漸見惡無他其說移也嗜酒者

無朝夕無衆獨而飲之飲至嘔吐狼籍病憊不能
起起則痛飲如故而弗之悔天下稱之爲酒人嗜
在此而名成彼如形影聲響之不能離黃君之詩
亦若是而已謂石爲虎射之洞開精之至也積歲
解牛砉然游刃習之久也天下有非所嗜而精焉
習焉如李廣庖丁者乎今黃君之詩具在海內詩
人當必能因其所長而知其所嗜者

葉忠節公遺業

卷一

十

文廟祝文

謹焚香再拜昭告于 大成至聖先師之前曰登
賢育才 朝廷之鉅典奉公守法臣子之素心況
今日秉衡之學臣即當年應試之寒士甘苦自知
好惡與共不持冰蘖安得參苓伏念某生本孤根
識非冰鏡幸附蒞珠之榜獲窺飛白之堂茲者恭
膺 簡命視學全秦惟操血心以勗髦士 先師
先聖實鑒此言且漢興士子淪溺數年幸沾解澤
之恩各有漸鴻之慕振蒙發滯人有同情罔上行
私誰任其咎如學臣昧心昧目採稂莠而刈芝蘭
葉忠節公遺業 卷一 十
或溺職徇情借贊官而營壘斷天刑國憲兩無所
逃至若諸屬員私郵密札暗投暮夜之故人各生
童躁進邀求共走終南之捷徑凡違法而違心同
是糾而是極謹告

辛酉闈壘序

秦風自昔雄天下而其後稍凌遲衰微者無他士子安于媮惰習爲模稜影響之言轉相師尚謂非是無以取科名也某承人乏銜命至止思有以挽之而淺見薄識不足模楷多士時以先輩大家作文之法諄切勸誘疑信參半耳不有名主司之法眼鑒衡而進退之顧安所得翕然信從乎今年秋筇菴許先生東川汪先生上特簡而取士於秦大中丞某暨藩臬兩臺肅境內以待某私心獨自喜以爲此兩先生者海內所推爲君宗也其知葉忠節公遺藁

卷一

士

人能得士挽文運於既靡者可知既局闈竊慮士子之不盡信余言也而以向者模稜影響之言進則怒然憂之榜未發之前一日又竊慮士子之過信余言也萬一見擯落爲秦之士大夫譏笑詆斥數前此苛于論文之罪則又惴惴焉思之乃榜既發而所錄姓名一一可憶士之進者慶其遇退者服其明通國之吏民欽其公且慎而某更幸其取舍之昭合焉越數日兩先生出闈牘示余見其爲文皆根極理奧高古雄渾盡變其模稜影響之習而此四十人者如出一師之門無絲毫齟齬於其

間某於是手舞足蹈舉往者怒焉惴焉之憂懼渙然釋矣乃兩先生亦神怡氣暢舉手相慶幸曰余知秦風之靡舊矣所冀得一二佳士者以事君然初入闈而憂士之染於習也深未必其當程式也既閱卷拔其尤者四五人又懼一榜之不得爲全璧而辱君命也逮事竣而所得四十人無一不當吾兩人意則擊節歎賞喜此行之得以人事君之道也我兩人者憂懼甚于君而喜則與君等君不可持吾牘以謝秦之士大夫乎某聞命踴躍服先生之識知先生之苦心幸先生之挽秦風而一葉忠節公遺藁

卷一

士

變至道以廣聖天子之文治焉故質言以跋之簡末

辛酉題名碑記

今上御寓之二十年歲辛酉秋大比掌垣許筠翁
太史汪東川先生董其事得士如額文風則軼歷
科而上之多士循往例採石題名雁塢而屬余一
言為記余因是重有慨焉佛經云佛滅度後一日
夜役鬼神造八萬四千塢而阿育王塢其一關中
漢唐舊都名勝億計而巍然為魯靈光者雁塢其
一夫造塢者由趾跣以至合尖如為山者由一簣
以至九仞寸寸而累之日日而積之止則我止進
則吾進故夫子以為山喻學務積累尚自強也今

葉忠節公遺集

卷十

十四

多士積其宵旦誦讀之勤自鄉學而升省闈主司
錄其名以獻天子始基之矣從此而登南宮策
大廷上一層矣又從此而為侍從為臺諫為牧守更
上一層矣又從此而居侍從以文學顯名臺諫以
忠諫稱居牧守以循良著更上一層矣又從此而
循良忠諫文學兼美盡善以匡贊聖治黼黻太
平更上一層矣噫嘻登高自卑勿畫勿隳聚沙成
丘勿怠勿休殫精竭力積之累之以至於合尖有
如此塢則是碑之名且不朽昔公孫弘以元光五
年舉賢良國人鄒長倩以芻一束素絲一襪撲滿

一枚取三物之義題書遺之古贈言意也余不敏
忝一日之長即以塢喻亦行古之道也多士懋哉
易哉視此記

葉忠節公遺集

卷一

十五

補立壬子題名碑記

聞之採玉於山採珠于淵地也玉視氣珠視月時也非地與時而勿能良今夫秦大國也河嶽無恙也疆理如故也然而士子之棲村落者沾體塗足力田而困於徭賦家城邑者服賈居積逐市井什一之利而不之耻其砥行潔修專心誦法聖賢者大抵剝切一切土羹塵飯以果空疎之腹而文風日下壬子之役余奉朝命貳太史汪念弘同年校士于秦拔其尤者四十人竊謂秦風美矣觀止矣例得以其名題諸雁塢塢工勒石者維士屬詞葉忠節公遺藁卷一

而題記之學使者職也用是勿獲觀厥成越七年而余視學茲土重遊慈恩踐瓦礫披豐艸而讀諸碑刻諸科畢具壬子缺焉嗚呼可慨也又三年歲辛酉大比主司許汪兩先生得士如舊額亦循例乞余言而壽其名于石既成索閱書讀之高者秀削如岳溪者淵渟若河較余壬子所錄之文加美倍焉因慨歎夫地固秦之地也士猶秦之士也而文則非復秦之文何與壬子風氣未開士子沿習舊聞終不免于剽竊故其文靡今則曉然于剽竊之不足學而各出機杼性靈以抒發之故其文粹

時為之非地域之也余惜不過其時勿復使壬子之文爭衡辛酉然猶獲見秦人之盡變故習而得有辛酉之文亦厚幸也嗟乎計壬子至今且十年矣見舊禮闈者僅四人三使能以壬子之文一變而為辛酉之文則相玉採珠者當必共決所欲得而誇其地慶其時以為秦闥子百得人獨盛不亦休哉故捐貲伐石補其缺失而樹之碑俾讀是文者觀感而興起焉

葉忠節公遺藁卷一

七

本縣官師志

國家得才吏易得循吏難才者為政雖能移易耳目騰譽近遠然擾之非安之也在西東里西門穎川蜀郡其所以庇民調俗十倍後賢而不以才顯獨以循著居可知矣我皇上煥發德音御書清慎勤三字宣布中外臣工蓋謂百爾有位修此三者故全也大哉王言與孔子所稱道德齊禮將無同乎上海自升縣迄今長吏項背相望政績可紀者六十餘人已爾甚哉循吏之難也而且教養既分師儒充位語云經師易得人師難求自古

葉忠節公遺業

卷一

十六

憾之矧今日乎故官斯土者名氏爵里無弗列其治狀洵美有實效者目曰名宦使後之君子觀感而興起焉作官師志

選舉志

科目 辟召 薦舉 封贈
錄 經 儒士 武科

選舉之途其類有八大約立德立功立言三者得其一皆足以名世夫賢良方正孝弟力田漢法盡善以施於今弗效也科目一途明洪武初旋廢旋復而名公卿大夫多出其中積而畸重殆銓注者失其平也我世祖章皇帝下詔新進士毋授部曹先試民社虞廷之敷奏明試何以過茲今哀集諸途分類詳列封廕附焉夫姓氏得與于茲編士大夫之榮也試循名以責實不當憬然擇所立以名于世乎作選舉志

葉忠節公遺業

卷一

十九

人物志

名臣 獨行 文苑 隱逸
流寓 藝術 列女 仙釋

王者君萬國子萬民一日二日萬幾緊良股肱是
賴然廉平守職無所短長者衆矣若夫清風亮節
彰著朝野上倚以重下托以安雖崇卑中外有殊
焉其功在社稷一也故首名臣于是宣風導流停
澆激薄自士君子以至委巷細民奮其孝義廉節
之性為史策光君子于以觀風俗焉次獨行爾乃
文章之士山林之叟含咀六經畋漁百氏或歌咏
太平或抗情肥遯不容以語嘿軒輊之次文苑隱
逸而且類聚羣分聞聲而來樂土一術以行箕裘
葉忠節公遺集 卷一 二十

墨者作人物志

藝文志

自漢噓秦灰魯壞孔壁而載籍漸顯孝成帝使謁
者陳農求遺書于天下命光祿大夫劉向步兵校
尉任宏主之後向子歆嗣其父業著為七略大凡
三萬三千九十卷魏氏代漢秘書監荀勗分為四
部合二萬九千九百四十五卷至宋元嘉始廣為
六萬四千五百八十二卷齊梁以降隨聚隨散故
隋開皇三年奇章公牛弘陳說五厄表請購書每
一卷賞縑一疋至唐而大備計四部目錄合一萬
四千四百六十六部有八萬九千六百六十六卷
葉忠節公遺集 卷一 二十

宋逮元明秘閣無專官零落猥雜莫可稽考矣嗟
乎自有書契迄今世數如此其久天下如此其廣
而藝文止此況區區一邑乎昔周易失說卦三篇
得之河內女子古文尚書二十五篇濟南伏生所
誦止五篇相合梁鄱陽嗣王範得班固漢書真本
獻之東宮命劉之遠張纘到溉等參覈異同具異
狀十事以知承訛襲舛者比比矣今按舊志所載
續諸新著分為四部以俟論定云

越山春曉圖題跋

簡翁老父母史侯之宰我海邦也三年於茲矣仁恩翔洽封內外懷德畏威而尸祝之者百萬戶而於我石筍里之紳士耆庶禮遇尤篤平時餉一瓜一蔬輒謝不受有偵知今月十六日為侯誕辰乃聚謀欲循躋堂故事而為文以壽之余曰古之民頌其賢君侯者有詩有歌有謳有謠有頌皆單詞隻句出于士女之口采風者上之天子書其績而褒異之末俗濫觴往往恣其雕飾盈篇累幅假朝貴姓氏為光寵是使賢者與不賢者同貫非所以

葉忠節公遺藁

卷一

五

變史侯也是宜為圖僉曰圖若何而可余曰昔米元章作楚山清曉圖氣韻生動至今寶之吾侯越人也仿其意為越山春曉圖可乎僉曰圖之意云何余曰侯之德文不可形而以繪形之于山仰其高于水挹其清于雲煙知其能澤物于林麓卉木之蕃茁見其和而且春暉乍舒蒼翠欲滴山翁開酌漁父扣舷皆欣然載其樂生之心非侯德敷咸曰善若可圖乎余曰可於是清河張某具絹素沛國朱某致丹青隴西閔某穎川陳某安定程某供繭紙藏墨而余猶子某出其外祖家所遺名蹟為

粉本使某為之圖河南陸敬峰聞之扁舟造余曰某雖家華亭然與史侯善慕其多最績而樂與諸君共頌之知頌侯德者不第君一邑已也授余筆酌余酒周旋一堂而吾十三人者或論位置或議點染或調水墨青紫或凭几捉椅而觀凡十日而圖成因相與快樂謂此圖足以頌侯之德而稍自遠于佞諛也某不計工拙撮同事斯屏者之姓氏而識其端

葉忠節公遺藁

卷一

五

平閩記序

竊聞諸侯守封域王者無外故禹貢稱東西朔南示無外也 皇朝式廓區宇九州內外無思不服一統之盛自有書契以來未之能匹乃海島游魂逋誅數十載瞰三逆之煽亂乘間竊發使七閩吏民囂然無所措其手足我 皇上恩不遺于昆蟲艸木而况濱海之赤子乎赫怒選將獨出睿謨制詔少保楊公爲之統帥公感激受命慷慨誓師忠發寸丹勇卓毫髮於廟算神略之外籌畫機宜一切征調之遠近用兵之緩急攻守之情形事必請

葉忠節公遺藁

卷一

高

請必從蓋惟知之深故任之專也至于親王大將軍及制撫提鎮諸公和衷密計可否不阿求利國家而已若不與以故溫陵之役克洛陽橋焚陳家壩而泉圍解漳南之役取江東橋拔萬松關而賊奔遯不敢逞遂合兵搗巢破賊玉洲等一十九寨而海澄下分兵高浦扼其要害乘勝長驅而金門廈門平由是奉宣 皇威逆首內附手提閩海百年之逋寇入版籍爲王人 天子嘉公之功進號昭武將軍特授世職將吏敎高勛子弟布朝列恩寵綿繹世莫尚焉天下之人延頸跂踵皆謂公用

兵如孫吳勲名等李郭竹帛鼎鐘傳諸不朽不亦偉哉某于役關中周歷邊塞經古戰場而思古名將風烈以爲聞之不如見之而何幸遂得見公也公道貌古心愛樂文士一見傾接不異素交因得受平閩紀略十三卷讀之自奏疏箋啓以及教令榜示累累數萬言剴切周緻煥若神明某始憬然曰公之戰勝攻取見諸行陣者勇也公之憂國奉公形諸章奏者忠也人臣事君惟忠是視無此書不能民公之勇然無此書不足傳公之忠何也兵不知將將不知兵危道也公請江南勁兵二千人

葉忠節公遺藁

卷一

二十五

以往他人慮客主之訐而公不疑公爲統帥水陸並隸焉公請專設水師而身督步騎他人慮事權之分而公不忌舟師聽忽陸兵堅整公請以陸兵樹舟師之聲援他人慮功過之互譏而公不猜及乎事定功成乞身引退 皇上溫旨慰留重泣南服父老歡呼如得慈母而公不伐以是知公之謀公之勇皆公之忠運之也在昔賀若弼有云楊素猛將非謀將韓擒虎關將非領將史萬歲騎將非大將弼意以大將自居愚謂不然大忠如公而濟之以謀勇其足以當大將而無愧也夫故快讀是

總而發附一言于簡末

葉忠節公遺集

卷一

三六

陳廣陵詩序

詩文小技也然古今來兼工盡善者代不多得非特資性互有短長而工力或有至有不至故張說徐堅共論近世詩文瑕瑜不掩使倣慕者有所折衷焉况吾輩少習舉子業窮年屹屹何暇問詩古文辭即頗能旁及者大率習之不專則所致亦淺便聲律者以華詞害義嗜詮解者以陳義害詞昔蘇長公云凡人精力有限不能兼收盡取譬之入海而市百貨蓋誠身試之而知其難也然資敏而篤好者積日累歲造之無不可至於兼善余遊于

葉忠節公遺集

卷一

三七

四方獲見先生大人之詩文多矣顧皆見之于成名之後臆測其少時之資性工力必有大過人者而吾廣陵陳子則親見其幼而敏長而好學積之二十年而始得有今日之詩文也廣陵解悟神警能柔克沈思年十三善屬文十五事場屋專心為制舉義者十年而舉于鄉其後驅馳南北與所善諸名碩登臨贈答發為詩歌篇什甚富猶自謂未善不以示人遲之今秋乃悉發所秘手自去取僅存若干首將以問世而屬余一言噫嘻余不知詩而獲交能詩者之人余不能詩而竊聞作詩者之

論者曰詩有體裁有骨力有風神弘斯三義琢句鍊字歸于大雅詩之至也余執是說以觀古人之詩起漢建安迄晉永嘉又由東晉建武逮唐之元和雖體裁數變風骨小殊而其間崛起振拔各極所詣江左未嘗無魏晉之音中晚有高出初盛之句同揆大雅殆無間然迨宋元明季分宗定派嗜憎淆雜嗟乎詩言志耳聚腋成裘範金為器以我運古成一家言豈不甚快而徇他人之憎嗜以累古人固矣今讀廣陵之詩俯仰正變升降之際抽靈發蒙煙霏雲動始知笑曹劉者不盡非學鮑葉忠節公遺業

卷一

三

謝者不盡是也非其資性開敏烏能於從事制義之暇深知篤好工力兼到如此耶今廣陵計偕北行矣際右文之代如楊綰故事于制舉外加試詩賦冠領士林作千古佳話不亦偉哉廣陵於余為內兄弟其詩文具在識者當自知之諒不以崔昂婦弟見譏思道云爾

重修三原縣學宮碑記

今之學校由古制也而今之所以教所以學者非古法矣三代之時以意行其法學記王制諸篇皆導之使學而蒸蒸相長于德義三代而降以法存其意必鄉黨自好者乃束身俛首以從事而通儒大臣胥于是焉出由是士無賢愚罔不瞻眺泮宮翹首頓足以取世資而階榮寵故猶足以陰繫天下之人心而不墜是學校者化民成俗磨鈍厲世之本也然而郡邑長吏往往忽之風雨摧其宇茂艸生其庭狐鼠窟其宅而不之省者十且八九焉

葉忠節公遺業

卷一

三

非故忽之也以其無切于已而重惜勞費也稽周禮惟國學有司樂司成專主教事外而州閭鄉黨之間其長各屬民而讀法考其道德糾其過惡而勸戒之吏即師也秦漢以後治民則郡守縣令教子弟則博士文學吏事其事則業其業若冰炭之不同氣圓方之不同用其忽之也固宜三原縣之有文廟也始于元成宗之大德十年重修于明憲宗之成化十二年明倫堂則邑丞仰山即洪福寺基改創之溫恭毅公從而葺治之又建尊經閣購名書以實之年月垂久剝蝕相仍殿廡堂舍頽圯

朽敗百餘年來莫之舉也邑令葉君顧而慨然曰
余民牧也邑之農桑于令待養邑之教化于令待
成邑之祀事于令待享且文廟大祀也譽髦秀民
也令弗之舉而謀其事貸其力于他人者謂民牧
何乃計值捐貲庀材鳩工由門而廡循廡而殿殿
折而閣閣趨而堂堂徑下而齋舍厚其基敞其宇
深其地易其朽敝葺其頽落卑者崇之陋者廓之
繚以重垣藝以卉木飾以丹雘不數月而工成巍
然煥然一似古未有而今初之者嗚呼令真無忝
于民牧矣吾 皇上好古右文孜孜弗怠即頻年
葉忠節公遺藁 卷一 三
用兵萬幾殷集而經筵日講寒暑不輟故閩粵楚
蜀以次削平滇黔清蕩九有晏如干羽兩階之化
有由來也方且戢戈橐弓開辟雍修禮樂以弘文
治而三原廟學之成適與時會謂非偃武修文之
明兆歟且三原為古左馮翊陝右重地俗淳雅而
士勤學鉅公名卿代不乏人將來翊文運而黼黻
太平者有不從此出乎邦之光也令之惠也余不
敏奉 命視學于秦者三歲今秩滿瀕還矣愧無
以興起教化而猶及見盛事之告成也是則余之
幸也故為記

漢中張氏孝友序

我國家以孝治天下文行並收才德咸敘薄海內
外蒸蒸向風體是意以發幽振滯彰明風教學使
職也今奉 命視學于秦輶車所至樂得篤行君
子而矜式之歲辛酉巡試梁州過陳倉聞邑有熙
如張君者以孝友著聞能世其德秦中士大夫與
宦茲土者無論識與不識咸稱道其懿行不衰有
過其廬而詩焉者有拜其墓而歌焉者有應其子
若孫之請而傳焉記焉者倡余和汝遂成全帙余
撫卷而歎曰張君之行果若諸君子言是亦足以
傳矣嗚呼夫人之立德立功立言並垂不朽如君
內行純備不求聞達為鄉黨清議所許者幾人乎
而况聞其風者發為詩歌傳記以傳其事何德之
劭也潛德幽光彌久彌耀不特家傳載之郡志載
之他日者輶軒採風而登之青史以表醇風挽薄
俗是立德即以立功豈藉立言以垂不朽哉厥孫
儀仲式仲請一言以彰祖德余忝風教之責樂其
篤行之可以光孝治也故贈以詩而並序其簡端
以為孝友者勸

題李梅堦臺山日記詩冊

歲癸亥之吉我 皇上將臨幸五臺為民祈福也
山徑逼仄不能受輿命泣斯土者刊山堦谷去險
即平以通輦路于是平梅堦先生有臺山之役是
役也勞費倍常等先生徒步經晝寢食俱廢十八
日而告成斯時跋履營度之不給奚暇登臨歌咏
哉雖然俗吏目前有山水而胸中則無文人胸中
有山水而目前如寄故其紀行諸篇即景象以寫
情事與寄深遠筆墨淋漓當與潘岳西征張績南
征二賦並傳千古若徒以康樂始寧之遊山居之
業忠節公遺藁 卷一
賦擬之殆非先生紀行意也梅崖展卷微笑曰子
誠解人

題茅叔玠像 茅以武升致仕

茅子之庭有鶴有梧鶴鳴子和梧棲鳳雛茅子之
室有枰有爐枰閒勝負爐煮醍醐干將不試手握
陰符科頭趺坐遊心五湖故不貌凌煙之閣而偶
成行樂之圖

歲寒亭記

真定之為郡也自秦昉也郡之有治也自元中統
壬戌歲昉也歷元泰定迄明正德堂宇乃大備署
寢之東偏有阜焉高可三丈許阜之西有亭亭曰
錫慶中有碑碑鏤南極圖并贊旁書漢孝文皇帝
壬戌元年春王正月吉日右丞相周勃立石而亦
不具贊者書者姓名今太守趙公于吾 皇清康
熙十有七年受命蒞斯土越五年歲壬戌則別構
一亭於阜之東廣狹視錫慶樹以松柏繚以女牆
而錫慶為不孤今年冬余奉 簡書叅楚藩經其

葉忠節公遺藁 卷一

地趙公不以余為不文而屬之記并請名其新所
構亭余因得請觀之乃由署寢之西入折而東有
榭曰後樂有軒曰仰止竹大疎密得理又折而北
登阜乃見所為兩亭者相望如松柏森然女牆翼
然碑石堅膩無剝蝕痕于是縱目四眺炊煙寥寥
率多灌莽蓋此土之殘于兵者久矣相與咨嗟循
級而下見阜之坡有石刻松嶺二字余笑謂趙公
曰公植松于阜意不在茲歟即以歲寒名亭可乎
余曰善余退而考府志絳侯固未嘗官真定也讀
其世家則曰絳侯誅諸呂立孝文帝位右丞相月

餘謝請歸相印歲餘丞相卒上復以勃為丞相
十餘月復免相就國孝文帝十一年而絳侯卒絳
侯果未嘗官真定也惟從高帝擊破盧綰定上谷
右北平遼東西及漁陽諸縣絳侯在軍意者于此
時往來其間會有南極之瑞立石紀其事歟然從
高帝時事耳而今曰孝文之元不可考獨是絳侯
之立石也以壬戌郡治之創也以壬戌而趙公之
構歲寒以儷錫慶也亦以壬戌何古今人之不謀
而合也又史稱勃從高祖起于沛為人木彊敦厚
高帝以為可屬大事卒平諸呂定國家難匡之于
葉忠節公遺藁

卷一

三十四

正今趙公以從龍之胄性敦厚居官仁而廉百姓
愛之如父母其勲業名位將與絳侯等而假片石
以為之兆吾于三壬戌之巧合徵之矣

頌于制府德政詩序

功名者道德之餘也教化者理亂之本也自古好
立功名之人其勲業足以炳旂常耀史冊而必不
能移易天下之風俗故賈誼以為俗吏之所務在
刀筆筐篋而不知大體夫大體者教化也禮義廉
恥是所以為教化之具也然天下之迂教化為不
足言者蓋身以禮義廉恥為桎梏而自決其維欲
以化民不亦難乎我制府于公之治吳也持大體
於簿書期會之外而躬先禮義廉恥之行以率其
下故吳之吏民始則憚之久乃敬之今則習而親
之夫教民而令民知所親是大化行風俗同矣董
江都有云教化之情不得雅頌之樂不成今黃童
白叟樂公之教頌公之德者萬口如一非為佞也
輿人之頌三代之直也豈有佞于子產哉

卷一

三十五

重修息波亭記

在昔良有司之治其疆土也必盡力于河渠溝洫而旱澇不為災蓋水不為利即為害也上流宜蓄下流宜洩蓄洩得宜民用豐給魏之劉元穎鄭文公晉之鄧士載杜元凱有焉若乃當水之衝湍急奔迅則惟捍禦之疏殺之期于無害而止傳祇之沉蔡堰夏侯夔之蒼陵堰是也臨城西面皆山其嚙城而數為民患者相傳為泚水泚水之源或云出敦與或云出封龍或云出中丘皆不可考獨是地處衆山之麓夏秋霖潦山水驟發百里瀾漫馬

葉忠節公遺藁

卷一

十一

騰雷駭無論非泚即泚亦莫辨為何水矣勝國世宗之初邑令党承美為築土隄至穆宗時水大至隄決城潰漂沒民居數十家邑令鄧之松始改築石隄尋圯其半神宗六年邑令余啓元因鄧隄而增築之越二十年水復大至邑令程鵬搏相度水勢拓基一丈加高三尺隄始堅完乃建亭其上名曰息波所以幸安瀾重民力也功不偉哉又越八十五載為吾皇清康熙之二十一年澄溪宋侯來治茲邑政寬民和水不為厲歲乙丑七月積雨浹旬水之自諸山下者震盪驟忽勢如建瓴吏民

怖伏宋侯肅衣冠止亭中陳牲醴再拜祝曰令之不德于民何尤願委身此波以答天譴祝畢令民縛柳為埽如治河法投之急流水觸埽而勢漸緩雨亦霽止水退隄完城屹然無恙於是百姓羅拜亭下曰微令君吾其魚鱉矣是歲大有年宋侯感神之貺鼎新斯亭會井陘觀察李公按部見之嘉令之績手署其額懸之亭而屬余為記因憶漢書載王延世為河隄使者以竹落盛小石兩舟夾載下之三十六日隄成賜爵關內侯今治河之埽即倣此法乃治河者不效而侯一用即效良有司之感召豈偶然哉維時積雪初霽寒樹迷離夕陽橫山煙波映紫於是舉酒屬客相與賦詩而別嗟乎自有此山即有此景願他令不暇賞者無以回天變而民氣不樂也今日之景天以娛令而令即以之娛客豈真為遊觀之地已歟是為記

葉忠節公遺藁

卷一

十一

葉忠節公遺集卷之二

芳

男 勇 編輯

子房

文

壽祠部任梁河文 代李望石作

梁河諱瑛山東乙未進士望石諱贊元與任同鄉同年官督捕侍郎

夫吾鄉爲古青徐兗三州之域所稱沐大聖人之遺化而好禮樂之國也士生其間漸磨仁義服膺道德家詩書而戶絃誦自昔已然漢興招致天下

葉忠節公遺集 卷二

方正賢良文學之士言詩則申培生轅固生言尚書則伏勝言禮則高堂生言易則田生言春秋則胡毋生一時雲蒸霞蔚鼓吹休明大率不在魯則在齊故司馬子長曰齊魯之間于文學自古以來其天性也矧躬際右文之代家世衣冠父子兄弟自相師友如吾梁河任老年兄者耶任年兄與余少同里閭長同科名憶曲江座次梁河年最少人皆歎羨曰是年不可及也曾幾何時而今且五十矣鄉之人奉觴稱祝屬余一言爲壽余曰是固宜壽也而或者疑之禮云五十少進士假令梁河至

葉忠節公遺集 卷二

今日始擢制科禮猶爲少乃弱冠通籍服官二十餘年而年僅五十與以賜祝爲余曰此其所以宜壽也士君子束身修行以爲世用欲使猷略在廟廊利澤在四海功名在竹帛必養其才堅其力閱家國民生理亂休戚之故胸有定識學無偏端一旦出而任天下事如聚米畫沙不可搖惑是以古來遠到之器未始不由于鄭重功名之人使天下仰爲有用之學吾梁河既成進士濡遲二十餘年之久由鄉學以遷成均由成均以晉版部由版部以擢容臺其于才力學識無一不可自信從此或

主銓衡或入臺省取素所蓄積之具發爲事業五十其始基之矣而又與難弟繡衣公比肩同事揚輝典章以佐太平而垂不朽是邦家之光而吾黨之榮也余故曰此其所以宜壽也而不寧惟是昔申公之徵也年八十餘轅固伏生之徒皆九十餘而天子心嚮延用爲千古美談今梁河甫五十而置身通顯異日年等申轅濟南其功業彪炳必非與諸公同類而比觀也明矣都人士欣然謝余曰擬人必于其倫如公言甚當請即以言爲梁河壽

壽許母鮑太宜人文

代張少宰士彥作
許諱書江南進士

蓋貴賤貧富各親其親天倫也而子有一日不忍忘親之心則天性繫焉每見田夫牧豎身不出戶庭足不窺朝市自挾提以至終老日率其菽水之恒而天莫之靳若夫策名仕途游歷中外于祿養之道則然而晨昏溫清之節蓋不無少闕焉此非大故靳之也立身揚名親以是期子移孝作忠君以是期臣故人子往往不能自必其身之不違膝下而天亦不得而司其權雖然亦顧人子之心如何耳心乎親者天性所感不能必天之遇合天之

葉忠節公遺藁

卷二

三

時以成天倫之至樂余生平敬之慕之欲庶幾一遇之而不數數見也乃于浣月許年翁壽母之觴幸見之浣月以南國名流少年擢高第起家涑令舉循卓異等召拜中書舍人三遷至儀部尚書即蓋二十年矣每心念太宜人春秋高身不得問寢膳奉色笑為鬱鬱者一日不少置戊午春奉有司權南關之命關固貧瘠而浣月以前資高等學使一席在指顧間今亦以奉使故遲拜恩命衆共惜之乃浣月獨欣欣自喜揖余而言曰余今而獲借權使之傳拜吾母于堂下者天也余母系出司

葉忠節公遺藁

卷二

四

壽母之地矣母以萬曆辛卯閏三月為設悅之辰計八十八年來惟本朝己亥一遇閏而茲歲適再遇之是天賜余以壽母之時矣以壽以地以時極人子尊顯其親之心為不可必得者而幸得之敢乞先生一言以為老母榮余躍然起肅然敬欣然握管而歎曰噫嘻若鮑母者固賢母而浣月可謂仁人孝子矣方母初生不知為八十八歲而遇三月之閏也方母勵子以服官并不知八十八歲而獲見斑舞于堂下也即浣月望白雲而思子舍亦不知何地何時而為母稱八十八歲之觴也假令奉使僻遠山川間之不足為母榮即近在南服而時非三月之閏觴祝之禮家庭固常不足為母慶而天必葆蓄其休和紆徐其歲月以巧全之

母之慈而曲成賢嗣之孝非浣月天性所感以成
天倫之樂未易遽此余不敢歸承乏春卿與浣月
周旋久敬其人耳其事而茲且艷其遇也故不敢
以不文辭是為序

乞言引

家母姓吳氏世有隱德先外祖有知人鑒生子女
數人皆目為常兒不之教而教家母獨嚴以故嫻
習內則動遵禮法及長歸先大人為繼室是時先
大人宦遊楚豫先王母在堂老不能從任家母自
請留侍綜理家務色養弗怠迨後先大人遷江右
右藩擢同卿歷廷尉以至憲長家母間一省視見
明政不綱門戶鼎峙先大人孤立其間母特隱憂
之乃不數月而果為門戶者所排舉家惶駭母曰
此得罪黨人耳無大患久之事白即家兩召為大

司馬家母力沮其行得不拜居亡何我 皇朝定
鼎先大人超然世外隱居里門教愚兄弟三人長
某次某為前母倪淑人出家母止生某一人幼而
善病撫視鞠育必親然不以病輟教數歲時欲某
蚤起因即佛前蟠香量更刻度貫錢其上承以銅
盂火焚刺處錢落錚然母促起披衣誦讀以為常
先大人見而笑曰古有警枕今乃有香漏乎歲乙
未先大人參分資產以授愚兄弟母曰田宅唯命
簾金余不受也母令君有愛少子名於是悉推與
兩兄宗族里黨聞之無不嗟賞歎異者及某幸干

辛丑成進士備侍從再調尚書郎母至京邸輒述
先大人服官時言行為教今某承乏關中數遣信
迎母母謂高年不任與馬勞因不果行在家以課
紡藝花藥禮誦佛經為樂體或患苦醫所不效者
嘗夢授神方以濟故至今耳目齒髮完善無少衰
家母恭遇康熙十四年 覃恩誥封太恭人今年
春三月六日為七旬誕辰某私擬秩滿見代猶得
速歸奉觴也而新使不時至遵例候代勢不能及
期拜堂下以承老母歡用是慙懼怵惕略舉懿行
之什一仰丐大人先生一言為壽俾天涯遊子得

葉忠節公遺藁

卷二

七

奉名公琬琰之章以成觴祝之禮某也幸甚

潘母王太君壽序

余讀張士簡所撰婦人事百卷及諸史列女傳大
率以才令見稱者容每略之不則稍附于若父若
兄若夫子之本傳其能以節孝表見者必揭而特
書之蓋以彰王化維世教史家法也昔余承乏史
館後官于秦獲與于旌表忠孝節義之責故凡郡
國所上必撫實屬辭而獻諸朝至慎極重操管激
揚之際私心竊愾慕焉而況近若吾里賢若潘母
王太君敢不從諸父老親友之請展一辭以侑八
十之觴乎太君系出瑯琊幼而端慤長而勤敏及

葉忠節公遺藁

卷二

八

笄嬪于潘君開之能修其職而輯其家里黨以為
賢開之力學數奇齋志泉壤時太君年三十餘耳
一子一女粲然在祿潘氏不絕如綫太君撫藐孤
躬耕織教誨而婚嫁之母而父之席遺產持門戶
謹其出納而不困于踐更內兼外也嫺族之不給
者周之婢僕之不率教者勸誡之外侮之出于不
虞者情理禦之巾幗而丈夫也以一女子而成良
人百未竟之緒以一手足而啓子孫數十世之基
若太君者可不謂賢歟故哲嗣維城耕食鑿飲醇
樸老成一凜母氏之教能繼述先志而光大其序

鄉之人謂有萬石君馬少游之風焉三孫濟美林立膝前長者事懋遷少者工文翰四民之業遂兼其三今太君年且八十矣齒髮堅完耳目全善起居不異壯時意造物者曰斯人之立志強固持節堅貞若此慰其良人教養其子孫數十年如一日若此自必康其身益其算需其後人之昌熾以食孝養之厚報俾史官書之彰王化美世教焉則二十年後知必有紆青紫捧鸞誥臚陳尚方之粟帛為太君稱百年之觴者今日筐篚之所承賓朋之所祝猶未足為太君侈大也於是諸父老親友樂

葉忠節公遺業

卷二

九

余是言也而謹書之屏

徐蘭亭七十壽序

吾里仁里也處斯里者耕讀半之命達則取科名位通顯而不敢以富貴加于其鄉即數奇者必修身篤行潛光晦迹于隴畝市廛之間不染矯激詭隨之習往往有古隱君子風焉余生也晚又僕僕道塗者二十餘年不獲日接鄉之父老而矜式之惟吾蘭亭徐某翁則余猶子某婦翁也知其為人耳其素履甚悉今年且七十矣而樂善不倦治家教子冲簡肅穆綽有古風里中識與不識皆以管幼安韓伯休目之翁家世耕讀少時學書略觀大

葉忠節公遺業

卷一

十

意不屑屑為章句儒故澹于榮利泊然無營長而操計然之術以遣無聊之歲月非其好也生平愛樂文士識族弟謙六先生于微時所以供億慰存之甚至及謙六貴而翁絕口不言歲時伏臘宛然布衣昆弟之歡不因入熱其天性然歟家居舉梁孟之素嚴義方之訓故賢子傳馨苦心力學甫弱冠而名籍藝林行將飛鳴以繼謙六之武焉翁弟徜徉林泉種花蒔藥翛然塵外而獨全其天視其貌則鶴髮而輔猶丹也問其起居則強飯善飲如河朔少年也翁若不自知為七十而人亦相與神

之疑其有服食導引之術余謂不然夫青漆丹砂
熊經鴟顧葛洪吳普樊阿之屬類皆能之抑末也
莊子之養生曰順嵇生之養生曰和蓋言順義命
和形神不以悲喜傷其氣不以窮達動其心無心
于養生而自無不養然後上壽可期神仙可致易
傳有云和順于道德而理于義窮理盡性以至于
命二子之言殆本諸此翁今安行而暗合之其享
年也有由矣從此而耄耄而期頤僉謂吾里隱君
子修身篤行如徐翁者可爲後之養生者法則楚
丘先生之對薛公未足夸也書示余姪某以上翁
葉忠節公遺集 卷二 十一

七十之觴

題張蒼左壽屏

今人年五六十以往里黨親通並爲詩文以介壽
者之觴是亦詩人岡陵之義也然詩咏之而不必
圖繪事未興也今圖之而不復咏蓋以蒼老善詩
不挾所短敵所長也吾鄉滄培嚴子工于畫畫中
未嘗無詩因相與延致之整研席拂絹素以待嚴
子瞠目仰天若有所思既而狂飲號跳脫巾濡墨
移日而就雲山煙水生動寥汰噫技至此神矣是
何異吳道子作嘉陵山水三百里一日而成乎既
成示余余贊歎久之因高吟賈曾渭水晴光終南
葉忠節公遺集 卷二 十二

圖即画家所謂意在筆先景生意外不必盡以終南渭水目之也何也晉隱君子宋令父年八十餘篤學不倦酒泉太守馬友造見不納因銘詩于壁曰丹崖百丈青壁萬尋奇木蒼鬱蔚若鄧林噫嘻此圖之晴光佳氣不即令艾之丹崖青壁乎至若縮地量山畫波測水則渭濱千畝無竹以栖鳳雖高山流水之間無清音以寫吾弟兄三十餘年同心之雅亦畫者之缺略也余詩不及蒼老當以詩補之

慎安論壽李芝石八十文

余性迂而愚迂不諧俗愚能好書然數以遠遊故以其書又貧不能多得書偶得數編讀輒盡盡則快快當暑炎歊晞髮洗足無聊賴因檢故笈取余婦翁張太常公文集讀之見有所為壽李翁芝石文中間溯世德敘交誼樂翁之寬仁嘉翁之樸茂而重然諾詞約意長潛光四映噫嘻果能是芝石非所稱篤行君子與因是喟然歎曰夫鴻鵠爭高鵲鶴棲卑鴻鵠之志非不遠而鵲鶴永無害適所安耳瑤之瓚玉之組纓之尊光曜驚俗或有時缺

折而易稱藉用白茅蓋言慎也是知物必樸也而能慎人必慎也而能安若李翁者可為知所慎矣方其羅墳典操鉛槧束脩揣摩何難與菽林爭席而試有司一不得志輒棄去慎世名也及既謝筆墨出高貴計贏絀亦足與程卓分簞桑孔並駕而意每夷然不屑慎罔利也以故棲遲浦濱韜韞歛躬若無意于世而世之人多樂就之或發魯連之矢而非武斷或參伏伽之席而無文害自士大夫以迄鄉曲之童叟無不嚴重昵愛如彥方伯休者慎樞機也惟慎之至故進不迂俗退不違世以洽

賓朋以睦黨族以飭家庭砥之如周道而措之如泰山安孰過焉以視患得失競錐刀苟且眉睫之聲勢者為何如哉在昔傳季友之著論曰演慎王仲宣之著論曰安身余有感于李翁之立身行已而括二論為一名之慎安用識高風且自警也乃論成不十日而翁之哲嗣聖襄為余良友即持太常公壽翁五十之文示余而乞余言以介翁八旬之觴噫異矣余生也晚且遊于四方未嘗睹翁之道貌悉翁之生平以讀太常公文想見其為人而為之論何論成而適與翁之八旬會也舉昇聖襄葉忠節公遺集卷十一

主

知翁之積行醇篤基於慎而極于安其壽殆不可以數計子若孫必有起而光大之者請以此論為左券俾余燕辭藉翁不朽則季友仲宣亦必許余為善讀書者矣

祭宮詹蘇老師文

嗚呼吾師斯文在茲天之將喪吾其誰師生雖寄耳死安所之山頽木壞雷鳴斧炊歲非辰已哲人其萎識無羊兔碩果其摧悠悠長夜寂寂空幃音容遂杳杖履難追絳紗易縞血淚沾縑孤兒婢踊弟子含悲嗚呼吾師德盛才奇德唯古處才與時宜厥惟先世渭水熊羆券銘丹篆印賜金龜伏波標柱燕然勒碑我師孤苦畫荻分糜十行俱下萬卷博覽旋登藥榜遂上彤墀螭頭畫直龍尾宵馳溫公之史供奉之詞文章報國水旱憂時藜光夜葉忠節公遺集卷十二

六

兒問誰學禮問誰學詩哀哉吾師翟第孤嫠琴彈
鶴別瑟鼓鸞離哀哉吾師縞紵分攜素車入夢絮
酒盈卮哀哉吾師桃李無姿小子奚述先生何之
憶公初病候師起居白皆新鬢驚非故肌執手不
語張口而噫一朝永訣再見難期善人不祿天道
無知官清不要臣朔常飢樓臺無地清白堪詒大
衍餘八壽末期頤然公有子足繼鳳池庭訓在耳
傳經在笥槐庭蔭茂蘭砌華滋鳳毛日映鵬翮風
吹公之後福天之報施某等廿年函丈十載追隨
恩深國士誼切師資壁環圖報基劒留貽感激知
葉忠節公遺集卷二 十七

遇慙負恩私撫躬腸新搔首淚垂春風長謝秋陽
無職殷楹式奠靈光遂圯雪門漸遠碑影空移馬
嘶伯樂琴張鍾期嗚呼噫喜痛入心脾拜然香帛
跪獻牲醴神靈不遠師其歆之

祭嚴太夫人文

嗚呼母遽舍我而長往耶母忍不一訣我而終不
復相見耶某今日之棲屑他鄉不得一見吾母宜
也使某歸而獲一見吾母其可得耶其不可得耶
豈丁巳之夏陰雨之朝坐我於東牀勞我以酒食
或悲啼或言笑顧我而歎歎者為永訣耶抑疇昔
之夜旅夢之中或前或却前若有所語却若有所
避低迷隱見而不可即者為永訣耶如以是為永
訣也某將終不得一見吾母耶嗚呼天之壽吾母
也七十有八不為新矣而獨靳此兩年使吾母不
獲享八十之觴也天乎母之視某也如子某身受
三十餘年之恩勤而不及躬湯藥含殮之職長跪
一訣撫棺一慟也謂母忍乎謂某忍乎嗚呼母必
不忍于某而某竟忍于母乎天乎憶某年十七而
就甥館也母憐愛之逾于已出母敬禮之異于諸
壻見體之弱也憂其疾見家之約也憂其貧見志
之怠也憂學不早達而名不早成嗚呼母之視某
為何如耶辛丑之幸售南宮也母樂之不三月而
墨誤左遷矣母又憂之甲辰之入都改補也母樂
之歷六載而家徒壁立矣母又憂之乙巳而先

人初舉一子也母樂之不半年而母子俱殂矣母悲之痛之椎心嘔血幾不欲生以哭之入之慰之者曰女亡壻在壻不負母猶女在也乃壻固在而母安在乎嗚呼母能見女于重泉而壻不能拜母于堂下矣母昔見壻而悼女之早亡料今必見女而恨壻之相負矣嗚呼痛哉猶憶癸卯之秋某與先恭人暨兩尊舅諸孫甥輩從林立膝前雁行旅進爲母祝六十之觴穆穆雍雍歡顏四顧母誠喜也越十年而先恭人偕二舅相繼即世某從京邸製柏梁體詩貨杯紵爲母祝七十之壽母則悲矣

葉忠節公遺集

卷二

九

乃今又八年而母之距髦壽僅二年耳私心以爲秋滿歸里近在明春雖骨肉親故存亡聚散非復如母六十歲時而某以母素所鍾愛之壻二十年欲見不得見之人一旦追隨萊舞之末登堂執爵母必轉悲爲喜較之癸丑七十相慶之辰母乃差勝而孰意母竟不及待矣向者之情景不可追而今且悲喜之類俱不可復識矣嗚呼痛哉母之性肅以和母之德直以柔母之治家撫子女馭僕妾有恩而有禮平生無疾言俗容不形喜愠于辭色體亦無大疾苦間有小恙輒強起躬紆績年七十

餘乃髮未白齒未落耳目完善人從家來某必問此以卜母之強盛享壽久遠也而孰意忽焉長往耶嗚呼痛哉母生二子一女今所存以侍疾視殮竭蹶從事者止吾大舅蓉左耳蓋自我二舅先恭人之云亡晨昏定省以承母歡甘旨溫帛以適母體分憂共喜以養母志母子相依十五六年如一日也母何忍舍而去耶嗚呼母之愛某不異于愛蓉左某之事母不能如蓉左一日之事母嗚呼某非木石獨無愧于心乎其將何以報吾母乎嗚呼痛哉某聞母訃于岐山之驛亭哭母而爲文于池

葉忠節公遺集

卷二

三

陽之行署驚悽痛悼悵悵恨酸辛吞聲周道之旁揮涕几案之上摧肝裂心一字一淚而終不得復見吾母甘苦慰勞若前日矣嗚呼自計即某歸而陳牲設醴一拜一哭亦終不得服侍吾母問安奉膳若前日矣嗚呼自計生平所憐愛敬禮如某者有幾人而能不悲乎即母之平生所憐愛敬禮如某者有幾人而某獨荷斯恩也能不悲乎使某而曰歸里門周旋晨夕致一日之養承一日之歡已矣即不然而親聞彌留之一言身與祖虞之一祭已矣而今皆不可得矣能不悲乎嗚呼明靈在天返

魄在淵諫文在懸絮酒在筵憶音容于身後誌恩
養于生前乃哭終而不見懷長以百年

席母周太淑人墓誌銘

余受朝命較士于秦者再矣內外劾誌不獲徧識
秦之賢士大夫也憶于都門一識大方伯竺來席
先生私心竊敬慕之以爲秦之典型在是乃甫一
載而方伯公謝世余爲位而哭之禮也今年春長
公元鼎以其王母周太淑人之喪不棄弇鄙而屬
余一言以銘其藏余既慨方伯之未展大用天不
憖遺也復歎長公之克孝繼序能述先志以揚母
德于勿替因刪輯其所績行實而爲之辭太淑人
姓周氏大尹菊庭公孫太學泰宇公女也幼婉靜
葉忠節公遺集 卷二 五
工敏有成人之量及長嫻內則勤女紅贈君維縉
公聞其賢而委禽焉既成禮志益敬貌益莊行益
順事舅姑如事父母盟漱櫛縱左右佩問衣煥寒
疾痛疴癢怡聲下氣罔有所拂而後安醺醺酒醴
羹饁唯所欲葢粉榆免蕘必嘗小不豫則悚惕
潔齋然香籲禱願以身代族黨內外哀其誠孝而
樂其賢婦嘖嘖歎賞不置時贈君方下帷事舉子
葉太淑人實總家務巨細必躬不欲以煩靜養霜
鐘夜篝機杼咿唔聲相續也乃贈君數奇不遇太
淑人撫方伯公而慰勞曰吾聞讀書積善者後必

昌君纔未達于若孫其有與者乎以故教方伯公益嚴告誡勸勉與贈君之課誦講解功正相等及方伯公薨然兩榜迎養汴浙官署中燕居庭訓不以祿養為榮諄諄以服官清正為教性甘儉習勤責而彌勵或以珍錯綺繡進者麾不顧曰人生當惜福吾意所安在彼不在此也內外嫺戚貧弱不能自振者太淑人周卹拯濟無少吝遇子若孫以禮內慈而貌嚴馭僕妾以恩時勞逸憫飢寒使人人無不自得由是閨門之內雍雍肅肅儼如朝典三秦士大夫之家咸取則焉長公元鼎為余言吾

葉忠節公遺業

卷二

三

王母年雖高而體素強健無他疾苦經兩叔相繼去世每鬱鬱愁歎及聞先方伯公之訃悲悼纏綿垂白寢疾以至於終嗚呼若太淑人者以德介福以福永年賢母之遇良不為薄而有孝孫以成喪禮表懿行使與東海京陵之名並傳千祀太淑人其可為全而歸者與太淑人以子貴于順治八年覃恩勅封孺人十四年覃恩誥封恭人十八年覃恩誥封太淑人生于萬曆辛丑三月之二十一日卒于皇清康熙二十年辛酉正月之初三日享年八十有一生男三某某今卜本年十月之十六

日附葬于城東北光泰里之新阡余故述其始末如右而繫之以銘銘曰巍巍西京篤生女英克勤克儉以靜以貞曰歸君子淑慎敬止潔爾塗盛薦爾甘旨家政用勩黽勉勿康當機斷纖舉案相莊乃生令哲卓乎人傑義以為坊禮以為節射策大廷拖紫紆青維母之教為國之屏帝曰母績錫以緯翟鸞章紫封魚軒朱澤貴乃益謙富乃益賢皂綈大練吾全吾天維歲在酉言附靈阜銘之以辭其昌厥後

葉忠節公遺業

卷二

四

文學沈寅工墓誌銘

朋友居五倫之一乃僑札杳矣張陳之轍今古相尋無他徵逐于酒食賄勢之途而不以文章道德相砥礪勢固不能以終日故延陵之劔歐陽頤之金紀瞻之營護孤寡皆以不負死友為足千古友道顧不重哉乙丑冬余受命之楚過恒山謁井陘僉憲李梅崖先生先生固今世所仰為龍門者也語次出其哭亡友沈寅工詩六絕并具道其生平之坎壈晨夕之切劘淚淫淫承睫不止因索余一言以誌之嗚呼余文亦何足為寅工重然使其鄉

葉忠節公遺集

卷二

三

之父老子弟見余文而知梅崖之篤于友誼若此寅恭終身不得志晚年而受知于梅崖若此可以愧天下之為張陳而不為僑札者又烏容以不文辭嗚呼寅工之為人其中表井陘令周君言之詳矣少年工文章負節氣為海內名公所推重然貧不自振十上不收生三子皆不才女賢已嫁而孀不得已遊京師年且六十無一遇知其人蓋落落少許可非徵逐酒食賄勢者徒也梅崖一見異之攜之官署未嘗以素牘溷君寅工亦自知其未を得于聲律之學盡毀其兔園舊冊惟梅崖之言是

聽晨鐘夜篝文集日高各自恨相見之晚乃不兩年而以風疾卒未卒前三日猶挑燈坐譚不倦故梅崖詩有靈前一點書燈在不似前宵對讀明之句蓋實錄也卒之後梅崖哭之慟經紀其喪惠存其女今且歸其旅櫬梓其遺藁題其墓曰詩人以不朽之嗚呼寅工貧老落設不遇梅崖而歸遂首丘則尹班永夕之談范張下泉之契寧有望乎故哀寅工者重梅崖重梅崖者幸友道也寅恭諱亮采號山燈浙西海寧之硤石人其生卒年配氏子女具行狀乃為之銘曰有芬者蘭其華孔繁哀

葉忠節公遺集

卷二

三

此空谷淒淒歲寒維山有玉既溫且淑待價無時而美輶橫於惟沈君才高品醇文憎其命學益其貧栖屑不偶託身良友悔而學詩老而虛受日漸月磨既耐且歌如谷斯應如樂斯和爰顧賓席家不如客感平生恩着幾兩屐悠悠蒼天不假數年燈牕未曙朝露溘焉維友投分千里歸櫬封窆樹碑揚子餘韻

祭少司寇訃卷四兄文

嗚呼維台耀輝德大功巍見龍澤物威鳳覽輝昭
諧五位模範九圍一朝晞露通國霑衣矧繁雁序
少長相依琴亡夢斷心愴神飛嗚呼吾兄山川間
氣藝圖恣遊道腴耽味出史入經履仁蹈義至德
可師君子不器空世人龍長衢天驥競附君宗羣
推塗堅憶昔丁酉鶚翩初紆某慙薄劣同列賢書
一門孝望千里舟車章皇慎重覆校直廬瀛臺
一賦紙貴皇輿文章經國梁棟是儲帝十六載
歲維己亥咸蕩澳池恩彌洱海頓網以羅席珍是
業忠節公遺集卷十
待遂著先鞭獨披宮綵天半臚傳殿前雲鬢譬彼
鹽梅用和鼎鼎鼐鄙哉宵人勾校纖塵舞文持法刈
蘭為薪一釐逋責三載沉淪曲迴天鑒還侍丹
宸操茲柔翰仰副絲綸真為學士無愧名臣而其
自好不隨不矯如水斯澄如月斯皎味澹聲希言
坊行表日手一編分陰是寶博擬邊張靜師黃老
立儒廉頑千秋同調天子曰咨斯文在茲王國
之翰百僚之師爾長三館以勗俊姿爾攝宗伯以
董庶司爰集羣彥濟濟鳳池式稽五禮雍雍陞堦
帝嘉乃績秋官是陟欽哉欽哉惟刑之卹嘉肺無

冤平反盡職徃行烏巢若盧州碧刑措可幾太和
將溢于公釋之何難與匹嗚呼兄乎為德已多君
明臣直拜手賡歌華年猶駐顛髮未皤閭高可待
受福不邪豈期遘閔夢徹春婆夜臺長往天道伊
何憶某奉使于今五祀別兄于郊送我于溪悲歌
過雲贈言盈紙塞雁河鱗往來如咫尺宦倦遊言
旋桑梓有客遠來謂兄已歿聞訃痛傷泣下霑裳
自春徂夏元季雙亡墳窆咽響荆移摧芳飄飄丹
旒蕭蕭白楊上天降割能不悲惶嗚呼仲氏其誰
能似在貴能貧在官不侈廉若道生儉逾晏子不
業忠節公遺集卷十
涅不緇如砥如矢家有遺經國有信史吾兄生平
大槩如此然而吾兄身沒名榮尚方與祭享以大
烹謚之文恪名以行成青細克紹烏衣滿庭此堪
不朽雖或猶生與兄式好永言涕零敢酌清醕並
採芳蘅靈其降鑒用慰哀誠

祭大中丞白公文

嗚呼天之生公者何心而歿公者何意乎天道之不可問如是乎使天道可問公之享期願不難也即不可問公之享耄耄其常也嗚呼公而死矣天道其可問乎今天下庸夫野老悠悠忽忽無所短長於世而享耄耄之年者不知凡幾矣天之報庸夫野老者何厚而報公何薄也嗚呼天道其真不可問矣某聞之春秋列國之大夫聘享人國類以進退升降舉止應對之間占祿祥失生歿十不與一蓋以人事驗天道也某之周旋于公所者半載

葉忠節公遺集

卷二

五

餘矣公貌必莊容必和言必寡舉動必有常度其于人事無少繆戾也而公竟死矣天道如是其不可問乎易傳曰天地之大德曰生好生者天之心人而體天之心行好生之事天必委曲愛護之誠欲活一人以活千萬人也公甫弱冠持憲西曹西曹大命所關也時制度草創律例紕舛或小有不當掾史意則深文危法以中之公虛心平反全活者以千百數迄今律凡數更而其間寬大諸條皆公所手定故公雖去西曹而二十年來賴公以活者無數乃公之活人無數而天竟不能活公豈天方

行肅殺之運不欲活公以全千萬人之生而故歿公以絕千萬人之望乎嗚呼天道之不可問夫何至此極也且公由侍從而簡少宰由少宰而總度支焦心勞力轉東西四百萬粟以資京師而京師自宿衛以及里巷仰公一飽雖水旱不為災是公足跡所至無事非活人事也而天反靳公以年天乎公之食報宜如是乎公性恬退慕二疏之為人時以知止知足自勗以故家食四載上侍太翁下督諸子若無意人間事者及滇閩告變羽書旁午天子念江右為四省之門戶而黔南又為四

葉忠節公遺集

卷二

三

省之咽喉非公不克勝是任乃起公于田間而用之公忠義激烈灑淚登車衝冰雪疾趨而來既入境知賊之以割辦脅我民而民皆陷賊中其能自拔者又以其割辦而艸菅之公飛章上請寬其脅從之罪使得人人自新而民得不陷于賊即已陷于賊而慕義來歸者不可以數計是江右數萬戶皆公活之也而且四境失業之民襁負至者屬于道公捐賑無虛日憶公與某曰我為此者非特卹民隱亦以靖亂萌也夏五月十日不雨公憂之又十日不雨公愀然曰天欲殺吾民耶旱則薄收薄

收則穀貴穀貴而民之飢寒死者半慮歟而化為盜賊者半矣乃率僚屬步禱中夜詣壇場自暴日中勺水不入口者匝日而甘霖隨之是公於愛民之中行其靖亂之方略如此嗚呼公之求活人者如其專且切而天竟漠然不為動乎公乎天之報公宜如是乎豈天之生公也僅畀以五十一年行其活人之事而後且靳不之許乎嗚呼天道其真不可問乎雖然某知之矣天之賦質也有賢愚而賦形也無賢愚人之氣血筋骨止此數耳愚者用其力而無所用其心筋骨雖衰氣血未耗也賢

葉忠節公遺業

卷二

三

者用其心而不必用其力氣血雖耗筋骨如故也乃公以性生忠孝之人處疆圉多故之日憂勞備至心力並竭譬之薪盡而火不滅者幾希矣嗚呼公知有國與民而不自知其氣血筋骨之已竭乃以氣血筋骨已竭之人而天欲活之不亦難乎不然豈天道果不可問乎嗚呼公年雖不永而天以公未享之年益太翁以公未竟之才錫賢眉以公未盡之福福子若孫夫而後公可優游夜臺釋憂勞而歸極樂已乎嗚呼某何人乎公遇某之禮如賓友視某之情如子姪今天奪我公而某感恩知

已之報何時已乎感公之至痛公之深哭公之哀能自覺其怨天之妄乎豈天道終不可問乎生芻在筵絮酒在尊公其歆之

葉忠節公遺業

卷二

三

葉忠節公遺集卷之三

芳

男

編輯

子房

書

與宮宗衮

卯春言別彈指三年尺素一通夢逾骨月及聞年
長兄改授臺班心頗不憚然諦想侍從一官讀書
為職今日既非讀書之時則翰院芸編不若烏臺
霜簡為有用經濟也隨賦二章遙寄而戎馬危疆
葉忠節公遺集卷三

鱗鴻不度惜懷至湧滅不可復讀耳今春抵南昌
閱邸抄始知馳馬桓公又作轉輸蕭相人事推移
何有紀極可為扼腕但敝郡前輩如沈繹老亦曾
移北門之席看嵩山之雲而宸眷自天旋登宮傳
侍書香案驟乘銅龍繹老今日之殊恩當即年長
兄異日之寵數從來百鍊英雄類皆策勲中外幸
勿以一麾介介也某久困圍城一身如寄狼煙盡
黑笳吹宵聞匝歲驚憂貧病交并春仲跳身矢口
之下出九死而一生夏杪入都故交面目俱改回
思與年長兄風雨論文情事如昨安得立促舍人

之裝把臂快談傾此積懷念之望之

與佟儼若

天涯聚散吾徒常事理無足悲所可異者意中不
欲見之人往往無端而合又無端而留荏苒歲月
不能遽別而意中所甚欲見之人則一聚忽散艸
艸數言茫茫後晤良可悲耳弟別後于十三日直
上螺川蒙大中丞先容之札湖西使君艤舟以待
風濤不驚布帆無恙皆洪庇也前過廬陵徧觀營
壘土墻高築玉帳低垂畫舫朱顏平沙綠醕戰場
風味不謂如斯乃福薄書生見聞未廣憤欲投地

葉忠節公遺集卷三

二

悲來填膺不知帑藏幾何民力幾何而經如此坐
耗也我輩弄三寸柔翰與夫長鎗大劔者勞逸勇
怯固自有別不容妄談然殊不意名實背謬至此
每思右文之日儒臣執經天子平決雍雍觀德
甚盛難幾而有等豎儒乏晁董之經濟無江陸之
才華自命文臣陵轢師武至罵為老兵不齒人列
千古不平莫此為甚今茲右武何獨不然夫擁堅
陷陣奪纛舉旗出身命以分朝廷憂吾輩當歛容
屏息敬事之若僅坐守閨闈恒舞酣歌而高視濶
步一見吾輩目為書獃嗚呼此何足以服書獃之

心哉大抵今日之人視名利重則視氣節輕弟生平鄙拙頗以廉恥自勵以唯諾為恥往在曹署與人時有異同不致靡靡繞指今身歷危疆事不關涉處不得不唯諾之時作不得不唯諾之官惟有撫躬長歎涕泗橫流而已幸抵會城夙疾陡發特懇制臺稱疾免去與先人營葬畢即投老荒村為農夫以沒世耳過蒙老年兄惓惓之意且知吾年兄為負氣節人故一傾區區以誌同心之雅他日揚眉驟首砥狂瀾于末造建弘績于聖朝使野老扶筇喜泣亦吾兩人一生嘉話也語過半騷心

葉忠節公遺藁

卷三

三

原忠厚勿等諸集音而棄置之尊詠和成奉政外得雜詩二十首容異日却寄臨風瞻溯

又

天下至不可解者朋友之誼然或有密于握手造膝之時而此後聚散不常至面目俱不復記憶非情易竭也所與定交之始仍有格格未化之市心耳某愚拙性成不妄結納而一見年兄竟如形影之不可一刻判別乃年兄交滿天下而亦不以鄙人為迂勤懇懇同于肉之著骨意即少陵所云文章有神交有道乎長至前捧讀瑤華愛逾常等

至所陳三事善于某之自謀某也何人過蒙高厚如此耶太夫人已抵虔州官衙奉養起居順時家庭至樂也大中丞竭心力以起瘡痍西南半壁屹然金湯汲富諸公何足多讓尤望過庭時備陳為國自愛之意大司農愛弟同于子姓其愛年兄又同于愛弟每晤必談及注想乃大札竟未蒙付下想封識時遺失耶或來人先已投納也後有便鴻尚望留意

上佟大中丞

葉忠節公遺藁

卷三

四

晚某自分薄劣豎儒無足比數乃蒙老祖臺不加擯斥屢邀三接之榮別荷百朋之錫而又千里走書丁寧慰勞非甚關切計不至此忽忽自思感激生愧夫感恩最易能令知愧則感之之中必有所甚不敢當者以是驗施者之厚不在尋常汲引推解之數矣比聞老祖臺膺功令聞朝野艷美蓋指今日江介廓清嶺嶠底定世俗之就事論事則然也而某獨于節鉞甫臨之日竊窺舉動雖當笑言晏衍之時有屹然難動之勢此種沈機定力為古大臣所難而老祖臺充然若取攜而易者昔王文成車勒開府縛岩滌之黨猾而虔南晏如至今傳

爲佳話乃老祖臺力扼四衝計殲羣醜使戈船下
瀨之軍過師祗席之上化離鴻鵠之輩延命黍谷
之中空天無雲江險如塹以今方古功相萬也惜
書生才福兩薄不獲執珥珥筆譜饒歌作露布與
鐘鼎同其不朽耳

又

月初乘敝同年新喻令吳年兄之便肅函祇候情
事頗詳及此月望後從郵使處拜領手諭纖悉關
心眷注倍切至讀二世兄來札具道老祖臺鑒拔
隆情始則不遺葑菲收之藥籠之中繼則俯諒鄙

葉忠節公遺業

卷三

五

私任其麋鹿之性以汲引之高舉寓憐才之苦心
某雖暴棄然銜恩如此肯自同於木石耶每念少
未讀書倖博一第爲郎十載懶性較添迂愚駭聽
初不知天壤間何者爲巧宦何人爲要津而登必
元禮之門遇必孫陽之目故此番薦辟三事而上
屈指及某無不同聲獎借譽檇櫟爲棟梁比鸚鵡
於鸞鷟某感之德之然猶謂在都十五年與諸大
老周旋久憐其愚拙不惜齒牙未可知也乃某與
老祖臺聚首孤城不逮三月傾蓋交談遂如千古
昔魏勃掃相門之塵褊衡漫懷中之刺杜少陵投

匱獻賦而曰唯願吹噓送上天俱有唯恐不得當
之慮某何人斯而漠然四千里外他人求而不得
辭而不得者皆適如所願坐而致之故雖自愧不
才而又自幸遭逢有莫知其然而然者一片感恩
知己之心無可報塞惟有倣古人紀遇之體恭詠
數韻如謝宗伯者謝老祖臺耳此後或可効頂踵
之勞者矢之五內隨遇圖之知老祖臺不視某爲
有胸無心之人也二世兄當已就道快聚非遠不
及另啓西望鬱孤九頓陳謝統惟崇照

又

葉忠節公遺業

卷三

六

夏初接讀手札勤懇之情溢於毫素自分小艸末
材猥蒙風愛過深感極翻愧每念鬱孤片月同照
長安章貢分流原趨北極而睽隔載餘罕奉顏色
瞻溯之懷時共夏雲飛越也老祖臺威靖百蠻智
殲羣醜西南半壁屹若金湯江介遺黎重登祗席
不特崇鐘鼎之勲而百萬生靈之命脉絕而復續
較之王文成撫虔方畧功相萬也忝屬知愛榮幸
何如晚某權使一局部文止行制府現經題覆可
免葛藤承大疏於王老先生交代缺額案內遙爲
呼應知今日之不甚周章者賴此數語爲之根底

耳且蒙注念殷切刻不去懷感激恩私真有心可
銘無口可喻未敢作套語言謝也茲有啓者新喻
令吳年兄諱李芳者爲晚辛丑同譜誼如手足其
才品皆十倍於晚而新喻以貧瘠之區邁兵荒之
後吳年兄手口拮据平定安集以仰副上臺愛養
殘黎至意統在老祖臺犀照中不暇具述伏祈垂
念屋烏俯憐能吏凡可以憫其勞鼓其氣教誨而
生成之者老祖臺倍爲留神俾得一展所負以圖
竿頭進步則吳令世戴高厚固在尋常屬吏之外
而晚之同沐休光者不啻身受矣昨詢范衍公知

葉忠節公遺藁

卷三

七

二世兄於四月望日起行入都計即日便可把晤
預爲欣幸故不及作札并及望風懷想不盡願言

與王柿菴

舟次樟樹遇貴役旋度雨夜挑燈艸勒數字別緒
離懷百未悉一想老先生當能鑒宥也前過螺川
道路坦然夫船便易歷觀壁壘平沙綠醕畫舫雲
鬟別有春光全銷兵氣讀古戰場文得毋欺我乎
立馬躊躇但高吟寧爲百夫長之句而已昨抵會
城徧晤諸公各如命道意惟家兄切念老先生榮
任過遲爲慮且奉迎貴役祇候三月有餘衣糧俱

竭願望情殷愚意六橋桃柳較之五嶺煙嵐景況
差勝老先生當速遵成命以慰竹馬之迎也廿九
日生即拜辭制府起行矣回想高雅不忍去懷肅
函誌別神與俱馳

復陸孝武

綠酒澆花紅牙度曲吟白雪之章無金谷之罰此
時此景僉云至樂而弟謂更有樂者蓋以弟與年
翁素未謀面扁舟渡浦適值花時乃蒙年翁降高
才令名之意氣俯而問迂愚荒拙之鄙人竊自驚
異比時一得尊卷讀未終篇如華月當秋如夜珠

葉忠節公遺藁

卷三

八

照乘如花枝之映水如劒氣之燭天光芒不可掩
映及買舟北上屏去煩囂出卷細讀知年翁之才
識風骨有大過人者近來操觚家論文不曰平穩
則曰綿密曰圓熟究之三者之弊不流爲陳俗拘
牽不止年翁心細而局大調古而句新故僭評數
語原以第一人相期迨榜發獲售頗慊鄙懷然隨
流平進誤落人後似與前言不符豈造物者以才
與財爲枘鑿而故厄吾輩耶伏祈年翁守此勿失
則元少之座指顧可登矣兩蒙札示見索弁言弟
何人斯豈敢靳此但賤性愚戇別白文理出語傷

時且于古文一道淺究數年未敢自信故遲遲有
待年翁春殿花香之日弟當操管以記盛事也不
備不莊統希原宥

又

研席弟兄重以姻婭即同處鄉園恨隔帶水况關
河冰雪遠送斑駁嘉節葦桃移懸青翰乎初擬買
舟渡浦話別紅亭無如度歲之艱日近日迫求人
之苦愈親愈疎閱此情形言動蹇澁末由躬餞獲
戾茲深仰恃素心乞垂曲宥老先生親家鋒車前
促崎陲旋升春明花發之辰正夜召膝前之日幸
葉忠節公遺業 卷三 九

儲鼎鉉毋厭承明也至弟出處一局情勢兩難欲
出則戀垂白之高堂欲處則無坐得之甘旨心口
自問魂夢不寧者一載於茲矣大約來歲夏秋之
交方判行止之路此時擾擾未能預定都門故人
倘一念及望致此意以剖所疑仍冀時通信使以
慰鄙私禱切禱切薄贐出自貧家儉陋殊不中禮
奉博粲然以犒後者臨啓無任馳戀

與桑

擁經教胃議禮趨朝廿載以來無違昕夕同官合
志唯吾兩人乃弟一麾西出疊唱陽關聚散之感

非淹可賦及聞老年臺榮命量地授材銖兩悉舍
忤舞之私同于已得將使尼山俎豆秩準陽秋闕
里鼓鐘聲還太始三千七十之徒復生于今程門
馬帳之談適形其陋耳弟誠庸鄙遠歷窮邊兩馬
一車僕僕道路教無可施貧乃日甚永言名實深
愴于懷老年臺登日觀而望扶桑臨之杲而眺蓬
島興酣耳熱時亦能回憶舊遊折若木之一枝以
當梅花之寄遠否耶茲承都閫頗年兄榮任之便
肅勒荒緘敬候道履頗年兄英傑雄才名于邊郡
今來河濟晨夕從遊當有沆瀣之合也臨楮跂望
葉忠節公遺業 卷三 十
未盡願言

與柏河東

天涯岐路歷數舊遊相知之深孰如吾輩乃倏聚
倏散如雲影從風萍踪逐水去來不能自主後晤
尚復難期渺渺予懷一辭莫竟所以臨尊相顧淚
涌聲吞直視無言酸鼻腸斷甚至滿堂絲竹猶帶
哀音前哄興臺各擎淚眼論別非江淹所能賦語
情則汪倫所不能過也獨念年長兄孤標聳峙有
德無鄰凡諸設施倍宜珍慎處懷期物尤擴含弘
遠大之基或由于此弟本儉荒難語閱世然忠告

之道當不以人廢言耳別後意況心思惡甚難忍
昏暮抵靈州憊不可支因留信宿特作數行以申
謝悃至於話別時所及彼此同情不復贅及反致
愴懷也沃意濃情淪肌沁肺又非往還尺牘所可
罄書長兄當能諒之繆友及党王三君希叱致

與沈繹堂

飽德飲醇歷有年所匆匆揮手悵悵倍常長至後
乘祁都閫令弟之便艸附數行以慰懸注乃不幾
日而長安令持尊函見示備悉老先生起居佳勝
且蒙遠念關切最深此情不敢一日忘也閱邸抄

葉忠節公遺藁

卷三

十一

知陳學士以憂去而老先生猶戀宮端一席理不
可解得非遲其會以厚其報耶某于十一月之杪
校試奉天坐寒煙霜艸之中對鵠面鷄衣之士衰
敝不堪付之浩歎然賤性迂愚不忍坐視講解提
命為冬烘先生所不屑為積勞一月夙疾有加藥
餌服食殆不能辦幸藩臺以故交憐我時稍濟之
慮不能繼耳夫貧病煩勞義命不安也特一片苦
心無可告語當事者亦或以庸衆人遇之則苦行
頭陀未免喪氣老先生知愛有素何以教我切望
切望試卷選刻未竟所喜者于二十人中得一奇

士其文足以壓倒江浙名宿俟刻完寄呈知某言
非夸也嘉平廿三日復得一小子想聞之色喜人
便附候不盡縷私

又

昨歲夏五旋里親友往還舟車如織應酬之苦倍
於在官秋冬以來經營先君葬事一手拮据儉不
中禮過承老先生親臺遠惠豐儀光及泉壤存沒
之感毫楮難窮惟望北九頓而已老先生親臺才
為帝眷位正宮端驂乘入銅龍之門簪筆侍玉
輝之上綸扉虛席清泰可知但聞親母夫人之訃

葉忠節公遺藁

卷三

十二

眷懷淑配悵撫冰絃悽悼必深料多患苦然兩公
即老尊伯純孝篤誠致哀盡禮幸稍節悲思為
國自愛八令即自昨夏迄今不時惠顧冠宇固佳
學詣日進今遵嚴命入都自携照社之英親承過
庭之訓課誦倍勤雲霄不遠念切望切所慮長安
酬酢甚繁老先生公冗少暇若非鍵關習靜恐徒
驚聲華有疎實學惓惓之私惟此為囑當能亮其
誠而恕其妄也晚某才拙性迂時命多舛望實兩
喪貧病日加已絕榮利之懷不作春明之夢前段
云云視如逝水有虛屬望雅懷不勝愧感敬謝敬

謝茲有切懇者先君舊與吾郡唐存翁先生金石
至交故去冬拜乞存翁手撰墓誌情事明確無喻
此文意欲勒石永藏不墜前緒而既得鴻章亟需
名筆恃愛冒瀆乞乘公餘如式揮賜使先君宦蹟
鄉評藉以不朽而墨香毫綵下徹重泉豈直晚某
叔姪世世銜恩而幽壤神靈叨榮無既矣百叩上
懇歧待德音肅勤申候未盡頓言

與施研山

頽行辱承餞貺以僻遠久稽報謝然而極目秦雲
回瞻西爽覺天際故人可有思而不可即之憾其

葉忠節公遺業

卷三

七

為念想飢渴不是甚也春來景福當與日偕新惟
有望風遙賀而已嘉平之杪張又老騶從過乾接
讀手教過蒙垂注感戰何如弟命蹇性迂雖得善
地無益然體不缺衣食目得見佳文亦足自樂乃
兩無一獲而勞勞道途貧與病并為不知我者笑
為知我者憐不良苦乎老年親臺何以祛吾寒藥
吾迂也謝瞻老先生所示自當留意但厚望其辭
達不則此心難昧諒愛人以德者自有同心也弟
鄙性碌碌此中不存秋毫苟且久當自知耳初會
試卷選刻未竣夏五專人入都奉候起居寄呈台

覽并悉縷私

與鄭山公

弘農道左邂逅回鑣雖片刻笑談頗慰飢渴想入
都以來起居佳勝欣忻無似弟抵秦後徧讀諸貴
門人佳墨或古藻紛披或清空一氣全秦之人食
謂歷科未見得毋風氣使然弟進諸生而告之曰
才不擇地玉不待剖文章之風會大約以秉衡者
之取舍為趨今科兩主司黜卑靡登古雅故爾諸
生得見有古雅之文假令取舍反是則羣習于卑
靡而黃鐘大呂湮沒于斷煙荒艸久矣若輩何從

葉忠節公遺業

卷三

十四

見之又何從效之以是知鄭俞兩公之大有造于
爾土也及檢舊案則賢書之所登率皆洪君之高
弟因憶道左之言良非虛語弟學淺性迂竊不自
揣而欲仿此法以相士評閱詮次絕不假手一人
甚而講解提命喉舌為枯三家村冬烘先生所不
屑為者且甘心為之如是而可昧心營私以抗顏
諸士之上乎所幸校試奉天於二千餘人中得一
奇士可總韓元少翁寶林兩先生之武此行亦不
虛矣老年臺知我愛我敢舉以相告如謁大中丞
暨諸老祈不靳齒芬使知天下仍有至愚極迂之

人如弟者雖凍餒亦不之悔也但世路悠悠無可告語倘以逢迎未工而與庸衆人同類而訕笑之則苦行頭陀徒自苦耳初場試卷付刻未竣即當馳寄仰候郢裁

上吳大宗伯

竊某資性卑鄙才命蹇鈍不煖木天之席浮沈卽署之中越數歲矣往者備員屬司奉職無狀仰荷洪鈞矜其不能許以有造逮逢推薦曠典蒙太夫子磨光刮垢首及微名雖某不才橫自暴棄而知已則甚于感恩也客冬銜命辭行太夫子錫宴贈

葉忠節公遺藁

卷三

五

驟寵之以詩某何人斯當此隆遇今春復蒙振拔執簡親奏恩註上考雖什百于某者不得比肩而並驅焉自念才不前人曲荷噓植綴矢捐頂踵猶懼慙負恩私而況無萬一之報稱乎中夜起坐愧感橫集非尺幅片言足喻此意秦省素號荒殘加以軍旅重之以輓輸士民救死不暇卽省會要區而煙火可數官署數椽家累無置足之地典質服罷僅廣六楹苟且栖頓其他可知至于士氣文風頽然索然無復人色某受事後歷考四棚勉竭心力諄諄講解評閱銓次不敢假手一人不敢因

循一切天鑒在茲良心難昧雖甚飢寒安于義命不敢強也所望太夫子憫其困阨鑒其迂愚卯翼造就而始終之某固不忍自棄以負長者耳

又

伏念違離函丈涼暑載更瞻企斗微羽鱗一度履河冰而色戰略塞月以神愴曠節愆情烏得無罪積憂茹苦良亦有懷側聞往來之辭頗招異同之論指包茅以問罪假圖籍而深文智掩法驅夫誰可免殘疆末吏尚復何言乃蒙太夫子開初日之照砥橫流之瀾如見肺肝持以獨斷顯示繩墨發

葉忠節公遺藁

卷三

六

其良心引墜而升傳肉于骨比聞此信如返於幽以悠悠之心仰巖巖之象思無以尚言詎能宣此某所以崩角雲霄洒淚壚壤挾九迴之腸不過一綫投七尺之體莫報二天也仁者之壽安有窮期弟子之懷永祈珍攝竊念某輪囷腐朽生本孤根偃蹇單寒身連萬里雖從前暴棄自斷丹梯然夙願駸癡妄希青簡以故受事迄今間關跋履霜風透骨一飽為艱流塵浹肌勺水難致覩穴處鶉衣之侶坐荒陬篴屋之中徒使青衫笑人不知絳帳何物矣而某屏嗜浣華甘荼習勤不憚手口之

不假親通之助擁敝裘而講解剪官燭以披吟皓首黃童引致函席朱甲黜乙口與譏評雖曰勞煩幸聞當事內而制府藩臬外而靖逆奮威禮遇增輝齒牙流郁因斯感激義不顧私年來家累苦貧日賦不給每指稚子之腹時牽嬌女之衣而遠相誚責多所怨尤此境此情不欲聞之垂白之母而敢訴之長者之前乎良以太夫子之愛不肖甚于不肖之自愛而不肖之舉以告太夫子尤望太夫子之見憐何也某自愧幼嬉失學而尤慮末世無稱是以澹營利簡將迎心死雕蟲目枯縹軸妄欲

葉忠節公遺藁

卷三

十七

耶伏冀太夫子俯察豚魚之誠弘頒藥石之論使得奉為蓄策永獲瓦全則被德周軀沐膏到髮片晷寸穎寧足殫乎瀝素披丹長箋當泣別有衷言具諸左幅

又

秋中人到接讀手書垂愛有加感恩無地且知春遇日隆攝養彌善惓惓鄙私藉以益慰至世翁長先生變出意外天倫篤性痛悼可知但修短在天徒悲無益在昔延陵習禮葬於贏博之間修仁抑哀亦修答客之喻疏觀達識當有同心盡慟傷

葉忠節公遺藁

卷三

十八

懷母乃過苦辛以禮節情為國自愛某三年以來繁苦艱辛久蒙洞鑒近以禁旅凱旋絡繹於道應酬之苦百倍往往時目下炊絲業將不繼歸程資斧何所從來惟恨生命之不猶雖怨尤以何補今秋兩主司冰鑒精嚴甄收暗合榜首兩人為客冬特拔新進之士餘皆一等前予其遺不得售者不過二生耳以故功將軍與中丞藩臬及秦之士大夫悉歸功不肖三載苦心不隨逝水此番保薦或由此來某素族孤根澹然營利當日博學一科荷蒙太夫子虛公汲引唯恐實不副名甘心暴棄致

恩眷餘可類推若矯前而競後舍易而圖難其雖甚愚未必至此但在外以無心得之在內以奇貨居之則某寧安拙分不樂苟得也太夫子知之有素故敢輒肆狂言伏祈於名公大人之前別白鄙悖主持公道則一生品行藉此無慙感佩鴻慈曷其有極

上楊少宗伯

伏惟圓行方止金剛水柔合如節符違則枯鑿物各此性人無異情每念悠悠不勝眷眷某自叨屬末久伏提携違離以來寢興結想而北指烏延西

葉忠節公遺業

卷三

九

喻張掖朔方孤懸于河外梁州遠跨于巴中兩馬一車僕僕萬里曠情愆節遂隔載餘顧影懷悽能無惕若比晤徐茂州得去年老夫子遠賜一書渥意冲辭濡毫潤楮讀至末行惋惜之語既自悔當年之暴棄復重貽長者之離憂不覺發汗浹背零淚交頤愧舊感之未填悵新思之叠負忽忽竟日如觸風病狂不忍動默也永言宵旦其何可忘國事勞繁倍祈珍重近者側聞多口輒恣深文如某不才固宜獲咎乃蒙老夫子靜照平衡推懷援手紐其將絕拯其欲沈此在鱗羽之微猶知環珠之

報窮某何心寧不知感嗟乎某之為某良已苦矣忝承先蔭僅續書香迨入士林屢遭世忌以故深知命薄幾與侯白同官而猶未斷名心欲使張融無相受事二載持戒六時雖鑒別未精取舍頗慎倘昧心頭之天便非衣冠之伍過蒙撫制藩臬以及靖逆奮威具鑒苦心每加優接老夫子垂愛既深聞之當亦色喜也無如西塞苦寒北門多詠既無長袖能免青蠅委曲護持止憑直道伏祈老夫子矜其朴誠賜之金石使得免當門之鎌刈遂幽谷之枯榮則恩成終始感並覆幬矣

葉忠節公遺業

卷三

二十

與汪昭采

分携以來涼暑載易昂首北眺唯見五雲老先生物望久推天才艷發際右文之世抒作史之長進退是非絜綱張目表記志傳含英吐華將成一家之言用垂不朽之業文人樂事何以加茲弟一車兩馬徧歷窮荒藉苦單寒有懷難訴耳目所觸發為已辭不過抑鬱無聊之言無當清廟明堂之作未敢請正大方以汚法服茲付試牘一冊伏祈鄙政倘有一二可取乞致選家編之簡末幸甚

與米紫來

分携迄今瞬息兩載仰井絡之末輝望奎章于日
下不特以蘭譜關情增其離索而并念黎光所燭
別有奇文攬轡臨風能無慨想老先生年兄才華
門地冠絕士林應文明之期當著作之任運河岳
以爲氣咀經史以成言將使三長兼於一手海內
政足引領以需遷固之文盼若日星急于稻粱也
不審何時慰此飢渴貴鄉延表萬里險遠艱寒非
筆可繪弟謬叨此席命實爲之自愧學識奔駘不
足模楷思皇然取舍之間頗持冰蘗天日式臨差
可自慰謹呈試牘奉政大方

葉忠節公遺集

卷三

三

與李子靜

自達台範已垂六年瞻企岱宗宛在天際回憶昔
時瘴寒吹燠之恩不勝落仁被義之感但以越在
西鄙遙隔中台徒增馳戀之心莫遂晤言之願引
領者三廻腸以九閱邸報知老先生榮晉三臺風
高獨座衮補青蒲之牘霜飛柏葉之珠百憲以貞
中朝具肅某夙叨譜誼舊忝屬僚佇望朝陽不禁
怵舞秦中風土荒涼人文弁鄙加以險遠困之
以轉輸士氣既頽文風何望某驅馳萬里落拓一
官雙袖垂風寸心茹蘗命途乖舛夫復何言獨是

雖無精鑒頗解憐才取舍之間矢諸果果愛憎之
口聽之悠悠惟老先生手握朱絃心操冰鑒敢呈
肺腑用丐齒牙倘邀一字之品題敢忘二天之銜
結

葉忠節公遺集

卷三

三

葉忠節公遺葉卷之四

芳

男 專 編輯

子 房

書

與孫將軍

曩在寒牕讀管樂武侯衛霍韓范諸傳以為良將
用兵如天運風雷颺忽震盪動合氣機其法莫傳
其人難觀及比年在都方張天討屢見捷書獲聞
將軍血戰之勳制敵之智低回慨慕私心願一見

葉忠節公遺葉

卷四

一

之使白面書生得以證據燈牕記誦然而燕雲龍
樹觀止末由歧望高麾猶之想象管樂諸公可聞
不可見也幸於茲夏銜命渡河樞衣鈴閣之下親
識令公之容貌毅而恬心仁而勇漢文所云真將
軍者殆不是過乃蒙不鄙豎儒殷勤三接推懷慰
勞忘分下交開玉帳而肆瓊筵投金卮以當折柳
藏鈎博醉把袖傷離真所謂一日之情重於九鼎
矣而又曲賜溫噓過承隆獎直使相駑駘者忘其
蹇劣聞解推者亦假羽毛憶王粲之依劉少陵之
寓蜀情禮雖優未必至是將軍見待寵渥超古

今自非木石之軀敢忘蛇雀之報乎七月既望肅
勒蕪絨稍陳謝悃然途次匆匆未抒感憶于萬一
也邇者楚蜀既平滇黔垂定較百戰之庸錫五等
之爵茅土河山行當首屈指于將軍矣丈夫際會
若此榮烈休光焜耀史冊豈鄙生叔孫輩所敢望
也某素族孤根迂愚無狀謬叨鑒賞報塞無期祇
奉寸箋以誌知感

又

龍驤塞北虎視河西鈴閣坐春風劒氣上干牛斗
瑯戈橫夜月陣雲坐落機槍十三篇家有傳經萬

葉忠節公遺葉

卷四

二

戶侯朝初賜爵玉門老將凱歌齊唱梁州錢甲雄
軍嚴令惟聞都護誠閫外之功超衛霍而軍中之
卧過范韓者也憶自庚申夏季瞻拜旌麾辛酉春
初猥蒙批荅既感齒牙之延舉更叨珠玉之入懷
辱愛至斯何言可擬迨後南趨梁漢北抵烏延雖
僕馬風塵殊疎問訊而鬱思西結無日去懷近者
及瓜侯代襍被將歸薄宦三霜故人千里曳離旗
而色動嘶送馬以魂銷人孰無情誰能遣此久擬
遣走叩辭并陳謝悃緣協理兩闡之公務且酬應
旋北之凱師起處不遑音書用曠反蒙遠頒雙鯉

辱賜百朋捧讀心銘拜登顏汗俟定脂轄之期容
申叩別之緒也

與顏六齋

吳越畫地而居然煙水相接文物語言土俗嗜好
不異比鄰也吾生也晚憶先生戾止敝郡時未獲
奉道貌聆教言竊嘗恨之乃不意眼中欲見之人
忽遇之絕微無何有之地幸矣而領蓋一談甘苦
慰勞如生平之歡始知投分有緣不以久暫也節
承雅誼文酒笑言不去心目一別差池又經旬月
每當霜鐘欲斷風鬣長嘶新月初規雁聲過耳未
葉忠節公遺業 卷四

嘗不流緬風儀高吟霞瞻言同志當共此心七
月既望肅有寸箋敬謝將軍暨我先生雖荒絨短
句寒素家風而知已感恩行間耿耿想能諒之弟
薄植孤根宦遊顛顛翔回萬里雙袖空垂營一買
山之資而終不可得未審投報當在何年也朔雲
嚴寒諒無虧攝臨毫吹墨屬有長懷

又

春初脂轄南赴梁州於子真谷口之間得秘書手
削之牘情文既摯筆墨皆香但過荷謙光殊深愧
負耳日晤黃憶溪詢先生動定綏暢著作益富何

不遠示吉光使得奉為楷模也今秋大比兩文衡
鑒別甚當取舍高下與弟不謀脂合惜涼州王生
以目疾不能終場而莊浪王生闕牘則盡棄前日
所學一趨時文俗套以致擯棄是彼自棄吾末如
何想先生亦當共為慨歎也茲承敝門人劉孝廉
之便肅勒附候劉生才而貧公車將發襟肘堪憐
幸先生凡可為之地者一賜吹噓如身被大德也

與王芝廬

客歲行踪驟忽靡定肇舉嘉禮簡率無文乃蒙老
親臺鑒此荒遠不加督過式懷汪度愧感何如往
葉忠節公遺業 卷四

在夏初停車握管肅復蕪絨當塵清覽或能俯亮
也公即名家令器而又束身敬業雅好讀書近所
揣摩遠逾前製披文欣忭諒有同心茲以試期在
邇脂轄南旋復念往返長途風塵良苦并携小女
同歸亦是一勞永逸之計但弟遠滯秦中未能躬
送而寒舍別無親厚可與代謀恐從前之疎畧未
贖而此後之荒陋愈多熟商一法暫寓別庄明春
弟秩滿言旋身為營辦龐得成禮于歸德門似屬
兩便想高明俯鑒至情必當首肯耳筆所未宣公
即自能口道之也不腆伴絨統希鑒茹

又

昨歲秋分家鄉信到驚聞太翁之訃震悼淒惻淡
用疾懷念高門以世德壇承冠領南國簪紳氓庶
仰爲泰山今天不憖遺溘然頽養此非直密戚銜
哀永懷碩果而亦都人悸魄悵失靈光也老年親
臺先生至孝純篤毀瘠哀慕必倍怙情而聖人之
教不容減性況以胡果出羣之年楊彪耆舊之望
雖神遊帝閭而名芳史牒年親臺躬續文獻之任
寧得不稍抑悲哽以慰靈爽乎弟忝附親行誼應
引綿寒舍雖隨班冀酬而弟以道遠疎失竊用愧
葉忠節公遺集 卷四 五

又

廿年違隔相照寸心猥以新姻迴思舊雨切圖快
晤榮抱栖襟耿耿素懷非言可狀客秋回省始發
雙魚承老親臺垂注爲謙情溢毫素緣無便羽遂
滯報章惟冀汪涵曲恕疎略老親臺孤俾物表秀
聳霜崖侍養忘榮悠悠泉石孝思高行邈越世情
罕與儔俗同年而語哉弟樗材瘠福蹇足屯塗以
官而貧爲鬼所笑今翔迴萬里俛飛知還自顧嗒
然羞見朋戚通承老親臺使命遠迎手書慰勞開

織讀罷感愧殊深賢即資稟天英學由家授語其

才力不難自致青雲而聯蹕副車或由素絲易染
乃老親臺冲辭降氣歸功鄙人惡款慙惶何可勝
道茲雖六月之息而轉盼三年昕夕趨庭自成大
罷想松蔭蘿華各含榮暢也小女孺僇弱齡未嫻
內則獲配君子惟懼慙違而蒙尊嫜眷惜差免過
尤永矢鴻慈舉家欣幸見諭令孫偶恙倍宜調攝
且賢郎錦旋在通徐俟新涼同來聚慶老親臺謝
酌盡善敢不祇遵弟亦以久客乍還尚稽虔謁容
躬送小女歸第之日拒拜華軒并代家母叩謝也

葉忠節公遺集

卷四

六

遠承珍祝謹登二種以誌弗緩外附爰爰嫺不中
禮仰希清鑒留稿從者肅勒敬謝臨啓翹瞻

與王懋京

華胄名家不棄寒素千里致雁遂締良姻乃老年
臺以友愛忘其勞瘁遠至關中觀成吉禮奈弟奉
職巡行經年跋履既未能掃徑持牀修主人之敬
而冷署荒涼百事簡略在高門或能鑒宥萬一弟
則惴惴不自安也及大駕言旋正值多費之後素
手空囊祖饒菲末罪何可言太翁之變行道銜哀
矧屬周親能無心戚業致辭香稍展寸臆矣茲乘

令弟南歸之便爾候新祉有懷未罄臨楮展馳

與陸集生

某生也晚不獲望吾鄉先達之後塵摘藻挹芬增飾神智惟憶昔年課誦之餘先君子斂容危坐恣談時賢云某也富於學某也工於文某也居官仁而廉動默分途圓方異用各有得失理不相妨獨予文定公先生少晚仕學之志趣未嘗不歛髯擊几三復歎盡善焉辛丑正月偕計北上獲交於先生斯時春風猶厲凉月在牕把盞擁爐譏評今古壯激端嚴微披象罔竊謂與先君子所美文定公葉忠節公遺業

卷四

七

絕類某因携卷就正而先生吟賞再四獎許踰涯在昔邇愛仲宣約憐何遜不足過也歲月遷流奄忽廿載中間暫一相晤而先生燕吳晉豫南北其猿求如往年風雨之夕歡譁歌呼了不可得去秋銜命視學關中屈致長公商確文翰霜晨總轡暮驛挑燈每顧英標何嘗不眷而况手揣蘭莠目檢金沙如鳳儀之宴會八音辟雕雲之自成五色鑑別品題纖毫不爽遂使鈍眼生光爭明秋月拙工操斧誇得鄧林益友為功夫寧淺渺獨恨秦中風土涼薄清虛日來繁費橫生奚囊垂盡見河之

乾而望井之溢勢固不能力有所限用是周旋兩

載空持寸心舉鴻毛以報泰山操榆莢以酬和璧

自知菲褻慚負良多夙忝素懷或能鑒宥客秋遠

頒翰教兼示鴻篇寫心血於已牋繪舌蓮於紉扇

直令道和齡石不得專尺牘之名靈運延年自貶

為五言之輔不有深情烏能爾爾吟研歎服敬拜

下風矣復承遠念飢渴別惠珍新釀九英以為膏

丸全鹿以為藥梅含清味鹿取和鳴二物遠投周

行斯寄豈惟適口實足銘心敬謝敬謝伏念先生

以前輩之君宗為後生之模楷謝情天閣寄跡雲

葉忠節公遺業

卷四

八

和聳孤秀于霜崖發清暉于日觀花扶小閣草護

長堤策杖提壺疏泉蔣藥鶯穿新柳以翻歌燕認

舊巢而坐語對景清吟機忘骨換何必計于支看

齒髮哉某學荒蕪苑志隔情塗落拓一官陸沈廿

載夢松楸而洒淚言菽水而摧心萬里翔回長貧

如故半生執掌少賤依然不見許於俗人求自安

於愚分倘於此歲獲免愆尤必解組捐簪栖貧待

老還其風素樂此餘年慮岫遠烟迷故推懷而預

訂

復江

蘭譜同心聚散靡定山河綿邈瞻望為勞雖結契
幾二十年而快晤不兩三面與言離索悵也何如
老年兄臺局罷空時才識艷發歷聞清績分榮甚
多茲幸並駕西陲同瞻井絡造膝接談近在旦夕
忭暢可知也猥頒翰藻過示撫謙敢感懷慚非筆
可狀弟迂愚弁鄙難豫榮伍忝銜使命相士全泰
以蚤負山未足為譬唯冀金石素心匡所未逮注
望誠切諒不鄙遺且聞年兄興禮教義兩序鼎新
斯誠邦家之光微獨泮林之幸吾道不墜當由巨
靈持之緬溯文翁功相萬也就教在邇肅素先馳
葉忠節公遺藁卷四 九

復王藻如

憶自分携至今殆將數載悵望南雲同于葭露老
先生體自名門官亦仙品今日玉堂人物非不雲
靄煙霏風流飭郁然而僕射青箱太保家法繩繩
遙嬪者老先生而外指不多屈昔沈少傅有云吾
少好百家之言身為四代之史自開闢以來未有
名位蟬聯文才相繼如王氏之盛者以知雙丁二
陸未足謂人也弟某質凡才陋跼蹐霄淵蟻大一
官負郭二頃分非烏衣之遊敢方馬蕃之巷乃承
高華不棄遂委禽焉俯仰踟躕無乃非匹茲蒙賢

兄敦諭令姪遠來旅署蕭蕭草草成禮凡諸簡陋
統冀汪涵至於茂翁尊伯誼切鵠原不憚跋履行
將入都謁選弟愧寒薄稍展寸芹當蒙鑒宥於萬
一也嘉貺遠頒謹登志德土物二種奉表葵私非
曰報瓊籍佐遠札耳臨楮惶悚心與言馳

又

江浙文才工力悉敵舊章以陪京故獨開使院不
及浙也我皇上從文運起見爰咨在廷於文學
侍從之中公舉才行優異者而首推老先生叔翁
聖天子知人善任中外艷傳不特大科得人將在
葉忠節公遺藁卷四 十

此舉而老先生操昌黎廬陵之才識唯曾鑄顏使
錢唐上下萬九百里風行草偃壁墨一新進賢受
上賞所以繼文肅公相業者千載一時也忝附葭
草分榮是幸憶往歲嘉平追陪清譙觴政縱橫笑
語芬郁會幾何時兩更歲籥緬尋良晤知不易得
耳

與任梁河

昨年除夕接讀手教注存獎借厚意溫詞流溢毫
素知愛如年長兄者幾人哉盛暑煩歎惟冀加攝
西陲之苦日甚一日此行蕭瑟之況言之可羞今

兩試告竣一切冊籍依限齎投幸年長兄告語同
事稍寬文法以積陰功弟性本木強兼無丹術浮
沈廿載望實皆虛榮利之懷掃除淨盡若圖作美
官則前此之罣誤可辨比來之曠典不辭矣所望
霄漢故人憐其孤露憫其固窮俾獲以全人歸老
菰羹麥飯上侍老親月竹風蘿次開鬱抱倘邀祖
父之庇豚犬長大授以一鋤力田逢年得免凍餒
於願已足了無所牽誓不向此中作生活也弟才
質雖凡志尚不下作此語者夫豈矯情自知時命
難強奔競無益耳高明以為然否先此肅候并附

葉忠節公遺藁

卷四

十一

短章即日小价來都令弟年兄前尚容專札叩候
也又布自補試之後高臥不就科試末如何矣非
敢與前言矛盾幸鑒之

與金長真

自都門往復以來瞬息四載遠懷渠鑊恨不能飛
越嶠函一親芝柳素心丹契此情無乃同之乎治
弟於前歲入秦承乏三年輪蹄萬里不遑啓處南
訊杳然旋聞老祖臺簡擢新資樂如身得即欲虔
申賀悃而仰止末由遙睇蔣山之雲輒憶建康之
酒雖室遠或可見原而疎節則難自這也老祖臺

文名吏治卓越空時爰執廷平引經而斷縱張于
復生豈能方駕從此拾貂超棘在指顧間耳弟才
疎識闇瘠福孤根屢此殘疆飽嘗荼蓼倘幸告無
罪言返故山獲造戟門握手慰勞摩挲雙眼當與
江上諸峰共青也茲秉羽便肅貢寸函兼將遠敬
幸勿以輜輶拒之附啓者弟胞姪高淳教諭楠數
奇未遇勉就一種冷署閒員意况良苦所仰藉於
大人先生者不淺伏祈俯推分誼鑒憫寒微凡可
為之地者多方覆翼之高厚之恩同於身被矣

與金式巷

葉忠節公遺藁

卷四

十二

昨歲兩至武成料當快晤乃值老年臺經理軍前
緣慳一面倘悅徘徊如有所失過承賢郎將迎逾
禮感愧益深迨後脂轄東旋由朔方義渠而南歷
鳳漢北抵延綏僕僕車塵無從遠候芳訊八月之
杪黃郡丞分校出關賁捧瑤函得聞近履殷殷垂
注情溢乎辭西望長雲增其慨慕老年臺才績勞
資甄敘已久將來卿月高懸出入瑣闥未知何日
得話舊西牕也弟落拓一官回翔萬里食風茹藥
荼蓼備嘗幸今賢書所登悉由優拔雖或差告無
罪而弟之貧病殊不自聊奈何奈何蘭州劉生

蒙賞鑒今幸已着鞭亦可上慰知己特是原憲之貧過於顏子公車所需百無一備所以仰望慈恩者不淺老年臺當能終始玉成之也

與王子厚

拜別以來遲至三載素心淳德洽膜填胸然而依關塞之月光望掖垣之梧影注瞻徒切問訊末由疎節之愆其何能贖伏惟老先生摘星漢於詩文挺松霜於諫艸聯端鳳羽士望龍門此誠天下所逃聽而共欽豈直鄙人所親炙而私慕也弟才凡命舛履此殘疆萬里輪蹄三年荼蓼人非子敬徒

葉忠節公遺集

卷四

十一

老青氈地則扶風堪羞絳帳張空峯而搏虎舉枯吻以餐風非身嘗者不知此苦非目擊者亦勿信此言也猶幸主司兩先生戾止校士量如玉尺察及秋毫選衆拔尤若合符節雖隕越之罪或免人言而齒牙之芬猶望吾黨不識老先生能遙鑒而俯憫之否茲承許筠老先生復命之便肅將寸版遠候起居試牘俚言附呈教削臨楮禱切不盡願言

與李公凱

憶自戊午冬季銜命到秦一瞬三年孤踪萬里

雖永言蘭臭目極心懸而自愧泥污負芒顏汗乃蒙老先生不棄疎賤遠賁瓊瑤展箋而揚仁風引杯而醉淳德寸心感戴言詎能宣弟資性卑凡命途蹇舛如散材生於瘠土貧兒乞於荒村欲其扶疎饜飲抑亦難矣所幸汪許兩先生水鏡冰壺拔尤選雋今日歐公門下之士皆吳差山中之人十不爽一頗無愧心然獨醒獨清者察察之身可惠可跖者悠悠之口仰丐齒牙以存直道賴有雲霄舊交耳諒老先生不惜餘論也茲因汪東老便道歸觀故肅復數行敬附筠老轉達典籤試牘俚言

葉忠節公遺集

卷四

十四

并呈教削

與張南溟

入秋以來三聞寵命遙瞻卿月竚望台垣忭舞光榮同於已得及筠老頒示手札愛諒深情溢於毫素寸心感戴實倍尋常特恨鈍拙無可報塞耳弟自春徂秋南北其轍公事雖竣貧病日增計三年之中神耗於丹黃力疲於輿馬貲竭於應酬蟻大一官羞見老母家無擔石饑累癡兒此所以忍淚不敢瞬強笑不成聲也猶幸兩主司先生鑒拔精嚴取舍暗合今日歐公甄錄之士皆年來賤工

治鐸之人新進得售者四而榜首及次名居其二
一等前茅皆得售者二十有四而領批居其八貢
監得售者四而錄科首拔者居其一二等前茅得
售者四遺才得售者亦四而就中二人則未與科
試者也副車八人首名亦係新進餘皆一等三名
之內以故秦中士大夫頗訝為異事然非兩主司
之法眼冰心未易得此但世事悠悠可惠可詎仰
冀齒芬使都門諸老知至迂極拙如某者可與論
文則貧有餘榮感且不朽肅勒敬復

與陳廣陵

葉忠節公遺葉

卷四

十五

一月中信使至再年來書問未有如此之數也開
閱追摹神顏俱展然而孤吟淺酌觸緒增懷極望
長川書不盡意想兩心如月同此虧盈耳南土炎
歎童時所習乃濕風若霧着體淪肌宛在瘴鄉大
不可忍吾兄釋俗澄思納清蘊馥當無是苦也年
齒類函一冊錄奉此出幕客奚囊沿訛獵腐殊不
足觀正當以急就篇目之第所輯史論一編龐耗
心力緣多間輟至今未成時得賜巨觀刪刊定
本欲仰借高名附傳不朽亮勿棄也秋中得暇敢
訂湖心波月以為盟主外致畫片二幅實雲間時

手之最未及裝潢寄呈清賞呂康老處亦即日送
去也并及

又

春中晤林岫兄知吾兄於正月朔日即移省寓下
帷董子當年勤不至此樓頭萬卷不足供兄讀破
也弟浪遊兩月所遇成空囂囂之言殊誤人事今
苦者不獨滿船明月而無奈徧體瘡瘍腕甚於身
右甚於左至着衣與飯藉手他人亦生平未經之
苦如何如何今侯小愈即至吳門一謁新撫兼商
起文赴補之事擇期奉報也比來聞問久疎先此
葉忠節公遺葉

卷四

十六

肅候諸容面悉

復曾羽皇

兩世托通家之雅數齡辱有造之褒此不第孔李
關情而實與沈何同契用是每臨研席便憶舊聞
或踐冰霜永懷碩果文章知己何容暫忘乃一行
作吏廿載違鄉夢中泣已拱之松楸望裏媿必恭
之桑梓驅馳牛馬踟躕霄淵客冬苦搜貧橐奉妥
先靈復承先生敦念故人遠來會葬顧在樽之絮
酒同入夢之素車緬此古風增其愴感緣比來多
病拜謝尚稽正欲齋葉墮門搏額頌德而忽接來

函獲聞近履三煩題屬已恨緣慳擬登龍又知
疾作天厄吾輩何甚酷耶及諦觀哀痛之手書不
覺沈吟而腸結欲飛莫奮覲面為難然曾竊窺德
體自具道腴年高雖易達和仁者固宜多壽勉進
芝石弗厘憂思微資稍助刀圭幸勿訝其轄簡先
此專人馳候尚容面領教言也

與耿

憶昔同事秦疆甘苦差共倥傯一別荏苒三年每
睇隴頭之雲如映淞江之水韻懷摯誼奚忍暫忘
乃不謂子駿一星朗然若上也昔令狐守湖尚躋

業忠節公遺業

卷四

七

宰相况老年寅臺人門政最直出其上者乎夏間
曾至會城需駕到一晤而聞前旌遽發未慰此懷
秋水蘋風能無曉想來春握手或可期也茲啓者
敬年姪張道孔名家美器才足有為歷練既多頗
諳治體但書生初試未免迂踈非藉洪鈞恩滋預
越幸屬宇下備荷嘉矜彼舉家所以銘佩不忘也
弟念敝同年一綫藐孤誼頗關切敢通羽言仰希
煦日惟終始曲成如被德惠矣

復馬見五

壯不如人齒復加長浮沈望實之外淹纏流伍之

中攬鏡生悲當秋增感何期良友遠念賤辰睹翩
翩公子之來耀悠悠行路之目瓊華玉屑禮溢情
深月引歲長心沾海潤敬誌素交之雅藉璧珍緜
之施草勒附謝別馨衷談臨楮瞻溯

與史簡菴

治某才鈍性疎落落寡合慙無文筆仰佐高明祇
有迂愚博人訕詈乃蒙老父母獨出巨眼謬愛過
情適館授餐禮隆意渥而又為足瘡所苦倨延車
騎重褻尊嚴感愧無狀十七日昏暮抵家危坐旬
餘至初一日始能強起正擬專函頌德兼候興居

業忠節公遺業

卷四

六

忽文翰下頒篚篚遠錫以在襍之狔犬而承長者
之瓊瑤非特分不敢安抑亦誼不容受無如使命
諄諄因是重違台指拜登數種用戴雲天在愚父
子既身沐高厚之恩即彼親鄰亦竊被榮光之照
矣肅勒附謝尚容虔叩臨楮感切無任依馳接唐
舍親來札知老父母俯推薄分溫辭厚餉超出尋
常彼之感激氣誼淪肌洽髓使治某藉以告無罪
於良友者皆明賜也九頓再謝

又

風荷雲情有加無已乃復慈被從犬玉登瓊華

焉交至吉暉異采灼爍蓬門正不知黃口小兒何
福消受也敬謝敬謝鄉曲俗儀例以湯餅齋果相
贈雖尊嚴不容褻用而恃愛或可鑒原物薄意誠
統惟笑茹

又

竊惟官之最繁者莫如邑宰地之最劇者莫如敝
鄉自吾朝迄今才者未必賢賢者未必才蓋循卓
若斯之難也恭遇老父母年臺操絕纖塵才周肆
應弟雖久客乍歸未嘗謀面而童叟謳吟萬口如
一及躋堂上謁獲奉教言暢論興除洞知民隱以
葉忠節公遺業

卷四

十九

與張素存

客歲除夜捧讀報章兼蒙遠惠知老先生貴不易
交古情醇量當世所希能無感激及聞榮命欣愉
舞韶甚於已得既而竊歎積學力行如先生者遲
之今日而甫陟此階不為早矣然古來班馬賈董
諸賢非不天才艷發忠愛繼繼而名位不進鬱鬱
終老以知先生之才與遇並高出古人一等也况

從此坐論密勿在指顧哉久擬申賀而踐墨守閑
不敢造次得毋訝其疎落而督過之否某孤根瘠
福驚足屯塗三年以來奔馳二萬餘里神耗於丹
黃力疲於車馬貲竭於應酬婦當炊而歎兒指口
而啼甘苦孰知辛酸自咽此有官不若無官之樂
也而且責北海之餽遺則文法隨之杜洛陽之請
屬則衆口鑠之廉吏可為而不可為信哉某承先
人餘緒可耕可讀進退綽然自罹塵鞅至貧不能
自振抑何愚也今秋兩主司得人最盛秦風改觀
一榜四十人之中新進得售者四而榜首及次名
葉忠節公遺業

卷四

二十

居其一一等前不得售者二十有四而領批居其
八貢監得售者四而錄科首拔者一二等得售者
四遺才得售者亦四而就中兩生則未與科試者
也副車八人首名亦新進餘皆一等三名之內以
故大將軍與兩主司及中丞藩臬以至秦之士大
夫皆歸功不肖三載苦心不隨逝水亦不幸中之
幸也但世路悠悠可惠可詬齒牙之芬還藉吾黨
不審老先生能俯鑒而噓植之否

又

往在關中叢勞集怨是處乖違所深知痛惜送抱

推襟者老先生一人耳夫直道古情世不恒有而
其獨躬遇之得一已足不憾其少惟仰眺台垣早
調商鼎使文章事業輝赫古今吾道廓如朝野咸
泰某素族孤根忝與榮伍然才藝無當於時褊狹
不容於俗故匿影窮村栖貧待老倘不即填溝壑
獲奉色笑於午橋綠野之間爾時快幸當倍昔年
也側聞老先生特荷主知專領史局綜三百年
之政刑人物而是非進退之將必麟遷轅固成一
家之言傳萬世之信稽古之榮孰大於是豈淺識
豎儒所敢置喙乃偶閱婁東王文肅公請儲瀝疏

葉忠節公遺藁

卷四

三

見其持論甚正用心甚苦好事者不察以神宗三
王並封之中旨歸咎於積誠幾諫之老臣是可忍
也孰不可忍竊觀當日建儲遲難神宗之意未必
無屬特顧清議而不敢為耳緩之則漸寤急之則
變生情勢然也且父子之間人所難言以留侯之
智而假手於四皓千秋之忠而托言於白頭老翁
賈文成之思劉景升袁本初父子語如謔而太子
遂定以知大臣立言自有深意必若賣直貪功之
徒奮其筆舌與人主抗是以國本為孤注也故王
文肅秉心愈堅措詞愈婉調護於密勿之中收效

於歸田之後驛馳手勅傳慰元臣其心事亦大白
矣今觀葉文忠夏考功之紀述本末甚具老先生
澄懷卓識必能破羣疑標獨斷如陽秋褒貶非他
人能贊一詞而某不揣闇劣敢效區區者蓋以有
明中晚朋黨滿朝操輿僉之術飾君子之言者不
可以數計即如先君一生清慎孤立門戶之外見
忌羣小構局深文幾致不測雖後即昭雪而宵人
發難之章厥衛羅織之語俱非實錄今搜檢廢麓
遺藁繕寫將成容即馳獻先君名位遠遜文肅而
謠詠之寬頗亦相等惟大君子博觀細按指示載

葉忠節公遺藁

卷四

三

筆諸公暴白而表揚之列為傳贊不第兩姓忠魂
銜恩爐壤而幸吾朝有信史為萬世存公道功垂
不朽慶流子孫某某等泣感高厚世世以之矣北
望五雲臨楮九頓

又

某百叩啓言先君自縣令起家洊歷中外積敘勞
資獲遷憲副因凜持風紀孤立門戶之外卯辰間
為宵小所構幾致不測幸得昭雪然此時彈章口
供俱出仇家廝役之口並無實跡可據先君抱恨
入泉無從辯理某為人子每切痛心今幸老先生

以遷固之筆秉衮鉞之權直道在人沈寃可白故
敢撫拾從前被論及事後申理章奏并行述墓誌
三冊封投記室伏乞老先生全閱來章重開寃魄
使持法守正之孤臣不為羣小所汙礪勒成信史
垂之無窮不獨某家世世子孫力圖犬馬先君骨
肉雖朽亦銜結於九原也臨啓哀怨泣血之至

葉忠節公遺業

卷四

三

葉忠節公遺業卷之五

芳

男 專 編輯

子房

書

與李梅崖

酉春令兄年翁到秦接讀韋箋五雲縹緲隨附短
札佐以寸芹非敢云報聊致勿諼耳弟自歸臥荒
村窮愁萬狀不出門一步不接對一人故艸野姓
氏無由上達非落落有遐心也側聞老先生吏治

葉忠節公遺業

卷五

文懷歲高月富據奇險之區得山水之助此宦途
真樂欣羨無已臨城宰宋舍親諱廣業門地人文
吾鄉無輩郵筒每到稱述老先生知遇之恩超出
常格舉家感頌不去心口弟謂水乳針芥不期合
而自合於物有然况大雅相聚一堂乎諒交久愈
敬無俟鄙言也蕪詞四章伏祈省覽惠教丘遲不
敵王令今昔同慨幸勿失笑臨毫神往未盡願言

又

昨在家鄉聞老先生政學兩優不以新資替乃幽
賞此種風致當於古人中求之故前寄短章頗及

一二適接翰貺即此一卷冰雪之文重於珠貝而復飲以醇醪寧謂此粲粲者不足君所乎惟有愧謝耳弟浮沈廿載望實皆虛投老之言流諸肝膈乃原憲長貧尚平多累迫於老母之命不得已而復入春明今吳興一席既得旋失目下寓居蕭寺坐守無期竊自悔矣如何如何和章率就因來人行迫裝潢未成稍遲就正外諭合劑之舉誠所樂聞但珠玉在前小巫氣索今附到拙刻數紙不審此式有合台指與否其詳悉之山農紫中偶檢行篋存扇環二種自哂寒陋諒不爲素心所擯也別

葉忠節公遺藁

卷五

久念切臨毫惘然

又

昨有小冊短箋致山農轉付信使不審已塵清覽否遙想芙蓉亭畔吟嘯秋空此樂實不易得旅人健羨恨無雙翼如何如何沈舍親字建有昔年會同秦隴之遊爲弟益友今共載入都適有武強一紳邀與敬業聞去貴治甚近故艸勒附俟此君文品醇瞻於詩古文留心積年前讀見惠卷翰欣然願接清光此真老先生文筆感召自有神應氣求者晤語必有水乳之合也山農倉卒鼓南歸之槎

矣當所共懷故并及之雲結氣淒伏惟自愛冗次祈恕不莊

又

鄙性迂愚落落寡合歷數生平友誼親情如老親家者百未一遇也乃睽違四月夢寐之中如在芙蓉亭畔飲嘯聯吟及鐘動攬衣而夢境亦不可得真堪腸斷比來老親家暨老親母兩尊舅綏吉可知但臬席兩虛捷者先得雖雅人高致無動於中而關切如弟不無悵惘耳目下推陳致新諒必契合幸一示之弟於仲春二十二日到楚公私應酬

葉忠節公遺藁

卷五

日無刻暇無論行笈殘編塵封盈寸即欲作一信寄家而停筆者數四以知同爲外吏又別仙凡矣而且積案如山欠逾數萬目中所見無非猶我大夫面目無詩書之氣語言皆僂巧之詞終朝接對如坐針氈真不可一日久居也爲之奈何茲因進棧人便肅候起居苦况滿腔寸函難罄總俟五六月間專人馳候以悉均州復啓并刻附上貴屬趙焦徐丁各年翁統祈一一呼致實無刻晷作書容日另啓

復顏翼超

昨歲春初讀賜復之札寫別緒於八行厓離思於千里高誼堪銘雅懷難繪弟自審無狀不知何以得此於先生也昔青蓮登郭帥之堂少陵入嚴公之幕非作參軍實為揖客以視先生真能遠匹別來南轅北轍委頓風塵回念知己銜杯披襟岸幘此興了不復得鬱結之思時填胸臆捧讀大教過蒙獎借自揣吳下書生有愧文家宗匠雖欲力返秦風歸諸正始而枯腸鈍吻未盡挽回他山一集適足供人覆瓿耳至於拙藝數篇不過乘興偶拈藉以消遣就正大方尚有餘愧弟三年萍梗秩滿

葉忠節公遺藁

卷五

四

將歸雖及瓜期爾爾匏繫蕭瑟之狀不堪縷述久辱知己之感未得遣走奉辭殊多疎節而返遠承瑤翰兼惠多儀感激慚惶非言可喻謹登珍果以味道腴尚容專函謝別以展風忱拙刺續當奉寄也西望姑臧不禁神往

與桑

初謂年長兄瀕行必見過一別離亭樽酒情不容廢乃重圍遙隔音塵寂然及遣人探問知前旌先一日長發矣耿耿之懷形諸夢寐不審抵宅後果擇何日啓行也老年兄新矧知看最績弟仲夏即

有浙西之命不謂當事建議裁扣至今索居蕭寺坐守無期覺年兄此行真有登仙之羨茲以陳舍親入粵之便附候起居公餘勿惜數行惠示也陳舍親字山農品醇才卓兼多藝能游京師有年諸老無不欵洽今以昔年曾朔一大功德事志力未竟有導之一謁吳制臺者崎嶇遠來情非為利如通刺求見幸推薄分一優接之此君詩文書畫固精尤明醫理與談可忘倦也眺望嶺雲不勝馳切

與宋澄溪

月餘坐擾樂以忘疲感激戀惜之懷具在臨別二

葉忠節公遺藁

卷五

五

章之內途中得句今并奉呈不謝之深于謝也弟于二月廿二日到楚三十日尊紀南來接讀台翰知老尊伯而下闔第清和未了之局又經安妥忭慰忭慰毛兄今尚未來當掃徑待之也楚風慄悍載記共聞今日所經尤出意外而且往來似織案牘如山以數年從未交盤之錢穀責成於坐席未煖之新人度勢揆情苦乎不苦目下簡帙塵封頓成俗吏回憶宛在軒楹真是神仙洞府矣

與成仲謙

雅人深致東晉西京密坐張燈南蔬北酒欣四

之既具何三爵之足辭於是聆梁魏之音色授魂
與展鍾王之卷心摹手追客既醉而忘歸主多情
而卜夜屏風六曲心裏玲瓏獸炭三更鼻端煖活
亭亭珍卉學月影以俱圓裊裊名香襟花枝而並
郁遂使弘微失餽白墮鋪槽北海停樽東山撒妓
適生忘花木之譜桓家藏書畫之船固知調鼎自
有家傳召客不無良法也酒未及醒書以言謝

與王瑁湖

歲月馳飛津塗綿亘時地所限疎曠實多自奉函
書又更京暑歧懷結想言詎能宣老先生世臺啓

葉忠節公遺集

卷五

六

沃講筵編摩史局操千秋之袞鉞成一代之典章
將把遷固之袂而奪其重席矣何時一讀宏篇以
飽儉腹望之望之某驚足屯塗茹荼集蓼惟知奉
職遑忍謀身目下禁旅凱旋應接不暇辛酸自咽
望實兩虛命之不猶難與造物爭也獨幸許汪兩
先生鑒拔精嚴甄收暗合得士甚盛秦風改觀差
足自慰耳今公事麤完靜候考覈齒牙之芬當所
不靳伏惟留意

與王儼齋

三年契濶馳慕為勞昨歲人歸開函心寫比來又

更京煥結想未抒疎曠之愆惟冀以地僻神清之
耳老先生世臺剡纓天閣論道御筵不獨文議芬
華仰成君德而闢邪扶正功在聖賢昔昌黎推尊
孟氏謂其距楊墨正人心功不在禹下以今方古
夫豈尠儔封事遠騰儒冠生色欣羨欣羨

與高謨園

去年尺書往復稍慰離愁快讀詩篇如漱珠玉此
後遠歷極邊動足萬里結想後殷無羽可附回憶
聚首都門文酒笑談宛然心目今遠離許久悵甚
難言每當霜鐘欲斷涼月初規雁過長空葭橫淺

葉忠節公遺集

卷五

七

水未嘗不流緬風儀慨然馳戀也

與遲默生

前歲冬初弟巡試弘農承令姪年翁面致台翰楮
上毫端如見舊交面目既聞景福之盛兼荷垂注
之深數載濶懷為之一慰每憶同事版曹連鑣接
席琴觴往復歡譁忘疲揮手迄今已成陳迹素心
丹契此情毋乃同乎老年臺文名吏治卓駕空羣
內而矜卿月之光外而膺上游之節回翔顧盼綽
有餘榮可勝欣羨弟蹇足屯塗食風臥雲集萬苦
於一身填百憂於方寸貧病之况羞為知己者告

不審何時得望見顏色一訴苦懷也令姪年翁英年偉罷作牧彼都美名藉甚始知王謝子弟迥出尋常萬萬耳

復陳六謙

都門一晤瞬息十年使命所麾東西其轍初不知荒疆冷署密邇花封也老尊舅華胄名流低眉作尉才人借徑自古為多望中條之雲酌白墮之酒興酣岸憤句就揮毫料姑射神人許為知己况異才挺出遷擢在指顧乎忽承垂念賁示尺書以姻戚之關情辱瓊瑤之下逮垂注若此愧感何如弟葉忠節公遺業卷五

復張穉恭

東川南邁筠菴北還文酒筴謠雲流波逝猶冀復見先生一清心目而鶴羽回翻鸞音岑間悵岫遠以誰來思美人而不見乃繹賓筵之罄歎玩毫素之風流愴怛於中低迷欲夢始知研席之交足移余情也日遠惠瓊章中瑩外潤篆刻之妙目所未

經把玩甫終作荅陳謝而銀鹿跋跋追不及復非敢妄自簡倨惟鑒諒之畫家三品氣韻為神超凡為妙諦觀佳製二者兼之昔范仲立遊秦而得山之骨法董北苑多画江南山水幽情婉思意外筆前先生手握華蓮目空江水宜乎吮毫落紙無際可尋耳雖儉荒不知至理而寶此墨香重於拱壁矣弟落落孤根非茶伊藥視文章如性命以貧病為固然雖瘁如斯亦奉職應爾比聞貴鄉顯要謂弟論文太苛執持過峻此誠求備之辭抑亦中病之藥倘若早聞不若是憊矣先生知我聊一及葉忠節公遺業卷五

復張履貞

前蒙垂注遠辱尺書隨奉報章想已久塵清覽昨歲跨千南還亦有數行申復彼中情況當稔悉之矣老年臺雄姿偉略坐鎮海疆人地相衡不無小屈然而積攸勞資超擢定當不次也弟蹇足屯塗僕僕萬里邊塞苦寒人所共憫歸程資斧皆賴二三同事義援獲濟抵家僅數日行塵未洗馬汗未

乾親姻問勞未畢乃忽蒙老年臺遠念珍貺瑤章
從天而下非知愛最切者無能如此神速也謝謝

與蔡鵬揚

憶壬子春初接對於梁公呂齋頭此後弟兩入秦
關一至豫章車馬勞勞奄忽十載側聞老先生養
重東山而弟亦倦飛棲息帶水盈盈尚慳良晤回
念昔年先師相與先大夫契濶夷險推襟抒襟金
石非喻未嘗不流緬風徽潛然下淚也今老先生
振翮鳳池圻開黃閣繩繩濟美榮慰何如謹白者
先兄子聞舊榻高齋曾忝研席及老先生冠領羣

葉忠節公遺藁

卷五

十

彥承寵綸扉長安簪笏榮先生之遇者每念先兄
疇昔之交借采分輝已有年所今溘然遐逝悲動
藝林舍姪等長貧守分無藉顯揚欲懇鴻章以光
泉壤然雖叨世講未謁龍門轉免寸羽先容賁狀
拜懇老先生古道敦摯當必有以慰之并祈惠示
片葉使草廬夔牖窺竊容光尤切感佩臨毫馳戀
未罄願言

與莊天申

西堂清讌重費主人乘夜解維恐煩投轄然竟欠
登墀一謝禮法之士當不若此愧負何如別後日

嬰塵俗無計自免渴望文旆東來周旋談笑滌此
煩襟不審年兄翁能惠然否也冬間經營先君葬
事例有誌銘自愧迂拙清貧不敢攀緣顯達惟存
翁唐先生與先君道義相期積有年所尊齒論交
似宜乃爾已決計懇之矣又念存翁高年養靜無
暇構思若假手捉刀諒無佳誌前在高齋得見日
千先生所著逼類先秦衙官兩漢先君立身大槩
妄想得日翁之文而傳則弟可無愧為人子而晨
夕永言未敢啓齒者以求日翁自為文則可求日
翁代存翁為文則不可也故與舍姪細商幸托年

葉忠節公遺藁

卷五

十

兄翁肺腑之愛倘日翁推年兄翁相成之意俯鑒
寸丹嘉與微願亦忠厚長者所未必靳輒令舍姪
親造叩祈代懇伏惟留意又前承日翁手教指示
詩學折服感佩非言可喻原擬肅函謝復因所懇
之事鹵莽非分恐干誚讓故未敢通名如蒙慨允
另容躬拜几席也薄贄些微用當羔雁并乞鼎致
冒昧竇陳統希鑒宥尚容專謝罄瀝積懷

與陳亮工

舊戚新姻纏綿終始懷兼幽夢見即開顏慨念素
交金石非喻老叔臺曠度逸情內醇外朗兩方一

阮競秀聯葩對亦分榮別有餘慕但初造高墀兩
露華譙鄰於放誕竊用慚惶不止為口腹言謝也
秋暑漸退涼月欲圓擬專東屈駕再聆塵談

與王印周

夫崇臺經始材亟梗楠大樂待調罷資金石然其
初蟠根空谷藏耀虛川雨露強其幹冰雪試其貞
清端媚其姿泥沙黯其色歷乎顯晦蓋千百年用
之廟廊將億萬世故觀雲構者嘉棟梁聽箭韶者
歎美善而不知其材與罷久養故鬱久鬱乃舒也
伏惟某官人門並高資業兩茂早釋巾褐慨布經

葉忠節公遺藁

卷五

十一

綸然而仕不擇官官不擇地可內可外亦劇亦閒
曠廿餘載之遲分陝以東之任朝寄既深士望攸
屬愚者羨其榮識者嗟其晚矣比從遠邇聽風
猷知某某下車以來春日秋霜涼暄應序約已豐
國華質從宜將移風以嚮道疇懋賞以報成天地
廓如吾道良泰又竊念 皇朝迄今鄉達雲起簪
紱爛然而節鉞猶少老先生今與研翁先後授麾
連疆開府飲河洛者知與汶齊同清登泰山者咸
謂嵩高維嶽豈直桑梓之慶夫亦史冊之輝某質
凡運舛于役關中度隴行邊所如堪慟聞笳見雁

是處生愁悵望親知如在霄漢唯於涼州寄研翁
一札即承惠復於烏延因吉安陳太守之任之便
寄老先生一札川原綿邈未審浮沈也今倦羽投
林栖貧待老鍵戶不出業已半年偶一念及宗兄
名時秀者作令闕鄉素蒙恩植感甚生成春間某
曾經其地見縣小而衝俗龐而悍時秀雖無他才
然勤於撫民而峻於馭吏每自言我為令奉公有
餘自為未善蓋深慮豪猾所中也今不悉其近狀
若何故專函奉懇兼候與居倘老先生親臺俯念
某孔李之舊誼推憫時秀陽城之苦心詔誨其闕

葉忠節公遺藁

卷五

十二

失誘掖其微瑜曲成之德如身被之矣不勝伴絨
伏祈鑒茹

復唐子恪

日承冒雨東來心目俱爽雖周旋信宿而荒村雞
黍盤格簷疎深慙地主但不審玄裳縞衣者頗翻
翩然入夢否也

又

住在關中與陸玉兄昕夕晤對語及年兄翁品誼
清醇文酒雄暢懸揣志趣妄謂同符夢觸神馳情
非一緒如聞西子之名者雖未識其貌而愛慕隨

之矣夏間旋里親串填咽塵務猥繁願見有懷登
龍未果日從婁東迴楫知年兄翁不棄庸俗遠渡
申江翩然而來悵然而返使鄂州有訪戴之棹席
門得題鳳之賓且計往返相違不越一舖而覲面
失之豈天忌石交慳我良晤或故艱今日之遇堅
異日之好乎乃至開緘展箋暢詠新篇墨挾蘭香
字翦孔翠纏綿惠好情溢於詞弟何人斯膺此殊
獎旁皇慨惜不知措裁今偶入郡城過詢敬老知
年兄翁命駕玉峰而弟又抱疴東渡商略晤期當
在春仲矣率勒數行專奴叩謝奉酬之什恨未預
葉忠節公遺集卷五
成績當呈教臨毫悵惘未盡願言

復閻康侯老師

某不敏髫年蒙特達之知昨歲承恩羈棲燕邸每
當風雨之夕回念文章知己如吾老師真令人感
而欲泣也自愧國士深恩報稱無地即修素書遣
一介輕三千里而致之左右不謂轍迹靡定浮沈
石城以致疎失開罪撫心滋愧耳遙頌台札長跼
開緘捧讀之餘泣數行下嗟嗟以是才品而淪落
不偶不肖輩尚何言哉獨是私心自揣今天子
用人良有深意所望老師覆盆早雪不問何途

可進取倘得奮志立功揚眉青雲之上凡彼宵小
悉可登几俎而問之也不肖如某雖叨一命實乏
三長笑笑伯夷豈桺詎敵耶客冬先君大故風木
之悲千古同憾臘月抵舍經營襄事心血為枯兼
之奇荒異窘上迫追呼私衡子母貧病之態途之
人亦能道之安得不向成我者告乎幸老師不吝
珠玉教之一言使不肖得進尺寸之階圖報異日
庶勿負數年來提命盛心耳或能遺冗過我把盞
論心則從前風景恍如一日也不腆侑絨未脫寒
儒本色念其道遠至誠以戒庖廚欣荷無既蒙所
葉忠節公遺集卷五
贈遺謹誌明德尚容九頓以謝

與陳

東南民力竭矣昔人云緩之則難為上急之則難
為下微老父母調其緩急神其張弛蚩蚩編氓有
生不若無生之樂也邇者國課之功令綦嚴役務
斷難刻緩草莽遙度惟有修園一法可以速成而
無妨目前之徵比今老父母已先得之利國便民
兼舉並善可勝慶幸弟以國喪留郡未獲數聆塵
教而飲德日深報稱無地後來大審在立良法提
充貴合人情一亩之中業戶之貧富異田畝之多

寡異當事豈能家至而戶詢之勢不得不假手於
畝書而取裁於公正然書正非愚民所樂任也地
方之桀驁利口任焉富者田廣賄則繼之貧者田
少懦則及之此賣富差貧之一大弊也又如各畝
之田不必盡為本畝人之產客畝人亦或有之非
擇土著殷戶承充催辦其不為免脫者寡矣乃書
正徇戚里之私庇土著而役客戶主客之情枘鑿
不入賠累之苦膏血俱枯在民則竭蹶無濟在官
則呼應不靈此賣近差遠之一大弊也又如各畝
業戶家有消長田有去留或勉充前役而力不繼

葉忠節公遺業

卷五

十六

或田已別售而名尚存書正所熟知也力不繼者
與為休息田別售者與為更定亦書正所易為力
也乃利其消長去留之不同緣以為奸窮民手足
無措此罔上行私之一大弊也釐弊則利興利興
則課足從古興利之方即在除弊之內誠能盡祛
前弊一意澄清如理亂絲解其結縉緒不引而自
出矣如疏流泉決其壅滯水不導而自行矣況以
老父母宏濟之才理彈丸之邑總大要於上而吏
書畝正承流於下直咄嗟立辦耳

與信豐劉令

戎馬生郊羽書旁午弟雖忝開曹無與民社然樽
前撫劔紙上論兵氣亦勃勃况老年翁之身膺重
寄者乎貴治壞錯粵雄郡南門戶馭兵撫民要在
誠信此不特傳家方略而老年翁大才已優為之
前以人心風鶴念及大閭僑居專人一候動定此
知交常理乃蒙手札慰注懃懃滋我愧矣弟瓜期
已及路梗繁抱寂寂空齋無人可語因思先令公
若在移燈促膝聚米晝灰必不以書生見外今故
人已往風景頓殊肝膽向誰笑啼不敢撫今追昔
愴感何如別懇者弟舊掾章炯檄理貴治捕務年

葉忠節公遺業

卷五

十七

富才長勤敏忠慎敏關所推為文無害也茲庇厦
托昕夕承顧左提右挈惟老年翁是賴幸叨厓烏
曲賜青睞驅策而卵翼之俾得少少生色炯固不
忘感恩知己之報而弟亦收薦陳說項之功矣臨
楮翹切未盡願言

與學亮兄

諱方恒時
清寧河道

比來署務煩猥十倍疇昔短材劇職起處弗遑吾
兄特膺不次弟雖聞命踴躍未得肅緘申賀欵欵
之衷有懷靡已想吾兄以碩畫新矧肩此重任正
志士盤錯之會才人展布之秋也鄭當時寧渭之

河漕粟溉田人稱為便杜欽薦王延世為河隄使者三十六日而隄成史策所書匪異人任知吾兄自足辦之忝在手足與有光榮茲荅者鉅野河簿余兄士貞新安名家子因同寅吳五老年兄至咸常獲周旋往復其才敏練達頗有聞於人吾兄素愛才俊自不以卑員忽之而彼以親奉麾策之吏仰丐頻笑杳若雲霓敢奉數言使得脫頴諒不以為干瀆也率勒附候諸所欲言容于四兄家報中續佈

復許

諱盛

葉忠節公遺集

卷五

六

日者老親臺乘鉞徂征某抱恙杜門不獲引轡遠送悵何如之昨聞捷音虔城內外白叟黃童歡聲動地咸頌老親臺身先士卒之功出百萬生靈於湯火之內及接手教知摧鋒破敵克復全城若疾風之振槁高屋之建瓴何神速如是也某愁鬱半年一聞此捷慶幸敬愛之懷有心可喻有口莫宣遙想軍威遠播小醜披靡計日可待而某忝辱至愛敢進芻蕘蓋謂逆賊連踞三城固守吾兵鉅萬莫敢誰何而老親臺不辭勞瘁不計功賞踊躍爭先操必勝之具出萬全之謀首建膚功材略無二

宜急乘此時分兵守險速下泰和長驅以聯張家渡首尾之形順流以成蹀躞子山犄角之勢則老親臺連復二城合圍吉郡省來大兵勇氣自倍彼賊孤城援絕非死則降不特開虔州之門戶而並導進廣之咽喉銘鐘垂帛誰與爭功語云兵貴神速又曰大夫出疆有利國家安社稷者專之可也豈必稟命數百里之外以奉命承教為恭耶若云軍事至大持重為先試問半年有餘不加一矢深得持重之要着者功効為何如哉某書生不宜侈口軍旅然閱古今用兵行師之道多矣形勢利便如葉忠節公遺集

卷五

九

出一揆諒無他策也惟高明裁之至如某羈旅半載等於贅旒雖從大夫之後不得與聞國政者久矣過蒙老親臺不我鄙遺詳示手札遠慰旅人其為感激又出尋常萬萬也肅勒附謝并俟凱旋敬申賀悃

與蔣晉侯

長安冠蓋方殊性別知心無幾間有一二升沈聚散恍忽不常離亭一尊草草別去或通聞問或聞問不復通者獨弟與年長兄相知最深周旋最久乃一旦分携遂已半載引領青原憶舊遊而懷舊

友不自知離魂之黯然欲銷也計榮任當在暮春地雖衝瘠而以年長兄長才遠馭三月已可所以平定安集使鋒鏑子遺忘其昔日之慘酷年長兄指顧優爲之不徒以出境之虎隨車之鹿誇耀史冊耳弟棲遲冷署况味可知幸叨遠庇體頗平善春間薦辟曠典諸老推轂甚殷弟自愧無文而又家貧親老博深源一日之虛名留仰事俯育之遺憾毅然力辭不忍以彼易此往復遜讓幸脫網羅不意終撫軍手諭遠頒亦復不免賴先有辭謝薦舉拙韻遙寄早達得遂鄙私蓋十洲蓬島原非凡

葉忠節公遺集

卷五

二十

俗所宜居人間煙火與我有緣不合退避年長兄開函目竟當必拍案狂叫亟稱此子襟期高人一頭地也然否然否權事昨已題覆幸無葛藤但未審上意云何耳際斯先兄積勞以沒孤苦萬狀年長兄可爲力者幸不靳援手惠如身受新藩臺睿懷特簡至公極明爲弟十八年老友固仁人君子而幹畧宏遠出人將來與年長兄必有水乳之合弟已特疏大名專以之矣并及風便肅候冀惠復音二舍姪一項過荷包荒感愧無地今已清結與否念念

葉忠節公遺集卷之六

芳

男 勇 編輯

子房

啓

復顧介石啓

辭賦西京典型南國九經學富五雲之姓氏猶香三異政聞百粵之崇陰尚茂快讀驚人詩句落雁峰高欣看命世瑚璉藍田玉暖榮分桑梓慶洽葭莩某幼非了了長更庸庸初筮仕而得塞屯鉛刀

葉忠節公遺集

卷六

一

曷試爲讀書而失溫飽微祿堪羞自謂淹滯寒僚不若沈淪終老而以功令所迫因之拜別未遑遙須雙鯉之緘言皆玉屑過損百朋之惠情甚綈袍乃猶念切薦蘿復枉烏衣之駕甚且心關雲樹再投白雪之章益送遠情多原不識桃花潭淺深幾許而臨歧話促應莫問楊柳條長短如何憾會晤之尚遙愧瓊瑤之未報茲者關河千里御李無由而况京洛孤踪薦雄誰是黃金臺畔孰思有用之才碣石宮前不長無根之艸蛩吟敗壁月冷虛牕鳥亂停雲鐘催殘夢時而牀頭金盡飄零季子之

襄時而客館尊孤冷落青蓮之酒晨夕何堪晦明
益甚兼之新絲新穀縱十雨五風尚煩吏議況乎
不耕不織雖四目兩口何暇身謀萍梗北浮心旌
南掛伏祈春溫一語厦庇萬間分煥噓寒免灑窮
途之淚引繩切墨得披明月之光則故人之私從
之少慰而長者之德戴以不忘矣

上白撫院啓

業茂夔龍名高燕許關中挽粟舊傳蕭相之豐功
城下林香再見曹彬之偉略任兼將相卓乎輕裘
緩帶之風地控粵閩展也尊俎折衝之烈烽銷南

葉忠節公遺藁

卷六

服潤滿三江恩溢西陲碑懸五嶺已見壯猷之曠
世行看寵命之自天某才難勝任拙且守株昔隸
版曹慚菽麥之不堪今司儀部愧禮樂之未遑茲
承乏權關獲覲清光於咫尺幸舊叨屬吏敢托厦
庇于萬間伏祈俯鑒庸愚曲賜提命獲沾造就之
德即同高厚之恩矣道遠濡遲稍稽晉謁心深瞻
戀先布微忱

賀李副使啓

伏以龍章日麗恩深銀漢之波鳳羽朝陽彩映碧
梧之色讀循吏傳祇誇增秩賜金際全盛時堪羨

析圭儋爵星輝兩郡潤洽三江恭惟台臺秀毓金
城名傳玉樹朱輪帶雨全銷嶺外烽烟白鹿銜花
共識閭中芝艸政成橫浦珠還合浦之濱亭愛綠
陰錢送山陰之叟蓋惟才經百鍊明揚之典不虛
而況詔出九重側席之思乃慰當年驚冕近綰雙
符舊日龍門新施三戟某等欣瞻燕幕逖阻鳬趨
牙節建而干雲歡聲動地隼旗開而就日爽氣橫
秋折嶺上之梅花青陽南指騎街頭之竹馬紫氣
東來薄貢蕪絨敢云作頌兼摠葵悃以等獻芹

復李刺史啓

葉忠節公遺藁

卷六

龍門品藻供奉風流郡重股肱黼座寄金湯之任
屏標姓字江城回黍谷之春宣德惟三已舉帷而
露冕治平第一行增秩而賜金曉曙雙龍人思執
御薰風五馬士望登仙某才愧蘭絲學羞蠡測關
前望氣莫陪明月于庾樓江畔持籌幸接清暉于
晏府方秉槎之無便徒瞻斗之有懷乃珠玉紛霏
先施忽責更雲霞燦爛嘉貺遠頒何德以承璧惟
慙于藉手附言稱謝感已切于銘心莫罄塵棕祇
希霽照

謝江右董制府啓

伏以秉鈞分陝世傳元老之勲名仗鉞專征代仰
令公之威望五百年而生名世川嶽鍾靈廿四歲
而位通侯風雲適會師中錫命 聖天子爲地擇
人樹下論功大名臣匪躬報主三江波靜五嶺烽
銷朝野歡騰軍民慶洽恭惟老先生閣下中朝柱
石奕葉簪纓維翰維屏展也一十三年方岳允文
允武果然二十四考中書貫日橫霜陶威公之忠
義輕裘緩帶羊叔子之風流不效晉人獻傲庾樓
之月佇看漢相丹青麟閣之圖某智窮韜略才拙
典墳謬忝權關幸托萬間之庇過承垂盼獲邀一
葉忠節公遺業

卷六

四

顧之榮自揣葑菲擢櫟之材奚堪栽植乃蒙飲食
教誨之德曲賜優容識韓之願已酬御李之私益
切伏冀出賡常武入佐太平從此閩粵滇黔人人
衽席行見桑麻燕雀處處生成則畢散不足誇而
臯夔端再覲矣

上董制臺中秋啓

伏以霓裳夜奏初分月殿之香仙掌雲開普湛金
莖之露九秋方半千里同風一鏡新圓雙江如練
恭惟老先生閣下胸懷霽月品擬秋陽既手答而
口酬不效元規清談遠且乃文經而武緯重逢言

甫爲憲萬邦仰結魄之清輝應上千秋金鑑湖銀
河於碧落如看一片冰心將使嶺嶠烽銷駐夜光
於不夜行見湖湘浪靜留清影以長清朝端賴玉
燭之調黼座佇金甌之卜某光如爵火明比囊螢
霧雨常昏幸竊容光之照樓臺近水自誇得月之
先緣羈職守于抱關難隨雁羽謹對篋筐而泥首
薄貢葵忱幸鑒微誠俯垂賜納

賀黃驛鹽中秋啓

恭惟台臺江夏高名溫陵巨閭花飛驛路皇華無
雨雪之詩霜滿半盆軍國仰魚鹽之利循良既最

葉忠節公遺業

卷六

五

陳豫章已拜新綸邊境日寧寇潁川仍留本郡智
珠日握如看一鏡常圓朗月入懷况是九秋方半
某明如一隙照竊末光愧非益部使星移來天上
幸覩堯年卿月常照人間雖有屋梁之思其如帶
水之阻肅函魚素兼致芹誠不盡鄙懷統希崇照
賀李按察年伯中秋啓

伏以九秋方半天風吹桂子之香一鏡新圓仙侶
按霓裳之舞牙冠玉律清映冰心柏署霜威氣乘
金令三尺與朱弦比直雙江偕碧漢同清恭惟老
年伯閣下梁苑文章太丘德望司隸而爲廷尉

門即是千門玉樹而總靈椿謝氏不殊竇氏引經而斷獨持天下之平得情則矜必求灰中之活允矣中天卿月誠哉一路福星某照乏藜燈明如燭火雖非文舉謬託通家私幸慈明舊會執御通者旌麾咫尺私欣得月之光乃以帶水阻修尤切瞻雲之想肅將雁羽愧童子之無知潔貢溪毛幸長者之弗拒統希霽照無任冰兢

賀邵學道中秋啓

伏以使星遙蒞幾衡開東壁之輝卿月初圓珙珥映西江之色擬秋陽之皜皜至德可師看冰鑑之

葉忠節公遺集

卷六

六

焚焚容光必照題標明水墨帶天香心在玉壺星躔斗宿恭惟老先生年兄文章華國理學傳家滴露研硃註就堯夫之易上書諫獵艸成司馬之文銀管兔毫新翻出畏吾奇字金蓮歸院晚披來蜀嶺官袍乃操筆削之權曰是曰非皇史窺班班不朽復受輓輸之任餘三餘九太倉粟陳陳相因用是世號通才朝稱國器遂振尼山之鐸路繞匡廬爰乘采石之槎帆移章貢借寬裳于天上如聞馬帳笙歌折桂子于月中不羨秋門桃李而况豫章才數作滕王閣序定有奇文抑且甌越名區觀徐

子亭碑必多佳士八代仰昌黎之望一時美元禮之門某文愧夜光識非月旦登第早年同座主武接班行含香三載共卽官頭低簿領慨自明光殿裏不留視草之人猶幸安樂窩中得拂談經之塵春風楊柳喜隨青翰之舟秋雨梧桐罕接紫芝之宇望江東而惆悵雲樹空懷經嶺上而踟躕梅花難寄茲藉因風之羽敬陳落月之思惟願文盡連珠士皆照乘不遺駿骨目空驂駟之羣自有藥籠收盡蟾蜍之窟則文明以貴化成歸壽考之君追琢其章樂育慰思皇之士矣潔貢溪毛仰希海納

葉忠節公遺集

卷六

七

賀佟布政中秋啓

恭惟台臺心映冰壺量涵霽月智珠在握以三五之皆圓心計如神爰出入之無闕不須秉燭布算爲勞自有夜光秋毫必悉功高輪輓寵渥絲綸

復信豐劉令中秋啓

恭惟台臺朱虛華胄越石高才不願京朝遠謝常參之列自甘民社請爲保障之臣如朗月之入懷容光必照儼冰心之映玉秋水偕清而且百里花封密邇將軍細柳每見一雙鳬舄常牽萊子斑衣報愜君親行全忠孝拭目循良第一佇看寵眷無

雙弟照之藜燈明同燭火見縣門之桃李如看桂
子于月中聞境內之絃歌似按羽衣于天上雖冰
輪乍湧慙無玉杵玄霜乃雁足傳來惠此碧梧金
粟恐以不恭開罪對使肅登尚容熏幣修緘端人
將敬先此謝復不盡縷私

答謝際斯四兄祝壽啓

恭惟四兄大人才真國器秀毓家珍當士衡入洛
之年賦高雲端乃天聖傳臚之日袍惹爐香對仗
讀彈文世頌朝陽之鳳避人林諫州獨吟左掖之
詩茲雖九府借才暫輓鄭侯之粟行見八騶前導

葉忠節公遺業 卷六

旋登高密之車棧夢分榮荆花生色弟生也庸庸
幼非了了憶自髫齡就傳慚六甲之未通洎乎弱
冠登朝愧一籌之莫展十年荏苒駒隙頻移七尺
昂藏馬齒加長幸假卽官之節獲聆伯氏之墳而
又水隔雙江望鵠原以千里因之雲深五嶺如雁
序以同飛況昨日登高未續子安之韻乃今朝烹
鯉忽來康樂之詩蒙注念乎賤辰已過三十而未
立益感深于同氣恐逾四載而無聞長跪開緘撫
躬滋愧祇登字爵用誌恩施臨楮不勝感激依戀
之至

賀劉刺史啓

三晉名家九峰仙吏分曹版部依然常平使之理
財簡任鳩司展也遠鄉侯之德化茲者褰帷露冕
爭看按部之車他年渡虎反風定晴偶然之對望
朱檐而極目想芝宇而迴腸佇候璽書行頒金秩
治某袍繫十年愚無一得同官卽署敢云二妙齊
驅託宇堂皇竊幸萬間可庇同屋梁之落月未遑
剪燭西牕遽鴻翼之因風敢云致辭南斗桑麻既
藝始終永賴生成松菊猶存昕夕冀邀雨露倘蒙
垂注不忘京洛之舊遊獲接寵光悉感雲天之高
誼矣

葉忠節公遺業 卷六

九

候山西謝學使啓

秀毓蘭除名高柏署烏衣揮麈首開江左之風流
繡斧乘驄獨振朝陽之神采建牙三晉四牡雲蕃
輓粟五原六軍宿飽天子乃嘉成績畀以薪樞
思皇待以持衡比之水鏡憶昔班心對仗三臺諫
艸紙貴中都卽今絳帳掄才八代文章目空一世
沐已沾之化雨合坐春溫撫待叩之洪鐘高題月
旦徵特士林之幸實惟邦家之光弟竊慕丹鉛未
操衡尺憶裴徊京雒得御李君者有年乃荏苒風

塵不見叔度者許久念粉榆之舊好十載離思望
姑射之神人五雲縹緲而況古晉表裏山河人材
淵藪自版蕨夢卜代稱傳相之鹽梅及桐葉戲封
俗尚叔虞之禮樂茲當執經問難之日用弘起衰
扶弊之功奎宿重光千里絃歌自韻山谿頃關公
門桃李爭榮得分梓里之光敢展溪毛之獻欲圖
良晤敬俟他年

復武功陳令啓

鄂渚名流樊山雅望紹太丘四長之烈績最關中
坐元龍百尺之樓目空江表暫借楚材而秦用頌

葉忠節公遺藁

卷六

十

三輔之神明行看鳳城以鸞簪沐九重之雨露遙
企琴堂不勝雀躍弟自慙寡陋猥奉簡書欲借大
方之水鑑藉手得人不謂金玉之遐音未遑覽正
初朝撒棘深冀一識荊州後欲踵門聞已言旋花
縣方憾交臂而失之何乃烹魚而如遶函詞繾綣
益深仰止之思式貺殷隆更切負芒之愧通蒙遠
念不敢自外吹噓對使拜登用以永矢明德蕪緘
率復并申謝私翹企崇墀曷勝瞻戀

侯甘肅華撫軍啓

帶礪元勳鹽梅碩輔經文緯武全秦沐雨露之恩

尊組折衝分陝大屏藩之績旗懸秋月風清如水
之門座繞春雲律轉回陽之谷砣作中朝柱石紫
到函關全銷塞上烽煙青歸龍樹久矣帝心之簡
在行看寵眷之自天某吳越末學冷署微材猥奉
簡書擬賦自慙于明水謬操管見觀風幸審夫夏
聲鑰闢半月方緡校之未遑撒棘以來亦應酬之
罔暇仰瞻榮戟千里而遙欲領塵談寸心如織雖
識韓無路悵公孫之閣道里阻修而御李有懷望
空峒之山景行彌切不獲躬陳其款曲寧敢自外
于門牆望風九頓肅勒八行薄貢葵芹用申羔雁

葉忠節公遺藁

卷六

十

上余大中丞啓

伏聞抱松柏之心者亭亭直上志鷹鷂之擊者落
落無徒故漢儀特設三臺唐制專領六察惟盧弈
之清節三世其官必傳咸之方嚴獨專此坐誠天
下想其風采斯憲紀藉以激揚恭惟云言蔚道
華行端吏表指朝章于掌上明辨秋毫持政體于
牒中暄逾冬日曉看烏署心軫哀鴻夕整牙冠聲
同鳴鳳維龍衮之是補將犧鼎之待調某素族孤
根短才瘠福積勞資而得貢卦舉驚足而涉屯塗
始則新穀新絲遂煩吏議今且呼牛呼馬猶畏人

言振羸骨以冒風霜黯今三年苦行剖心血而矢
天日蕭然萬里空囊雖吾老甘貧著官箴以自勗
乃臣飢欲歔作客難以誰憐嗟乎蚤達奚裨浮生
常省固窮不濫心逸日休若使圖作美官便與昔
年實錄之選或欲倖邀曠典不辭近來博學之科
先生素知迂癖當不訝為矯情也今段云云實出
望表得毋垂愛頗費齒牙乎但恐朝貴誅心疑由
搖尾而得胥徒責賤必先諧價而行此毋論力所
不能抑亦誼所不出老先生相信最深故敢輒肆
狂吻伏祈主持公道別白鄙懷寧可目為至愚守
葉忠節公遺業 卷六 七

拙之夫不使等諸噪進干祿之輩則賤有餘貴俯
不忤人所全非渺為德已多極知風紀森嚴罕通
私札但就中情事皆可對人冒昧竄陳統希崇照
上黃大冢宰

伏以六大首崇冢宰綜領六卿九官咸隸端揆銓
衡九品持鈞秉鑑賓筵祗風月之談離渭分涇都
省屬衣冠之目故黜陟幽明之寄必清通簡要之
人式鑒前謨三銓獨重於維元老千古間生恭惟
云玉鉉以節金鏡同清高吐握之風才不遺乎
管庫審通塞之路品必副其人門體 聖天子立

賢無方之心得古大臣以人事君之義用是朝頒
纁幣吏捧蒲輪起安石于東山蒼生待命還城陽
于左選天下稱公甄拔標題遠勝山濤之啓區分
品藻慎逾季重之箴在昔歷兵農禮樂之司廻翔
六府乃今作舟楫鹽梅之用指顧三公誠斗南之
一人實台端之上相某質凡才劣宦拙名微世守
一經猥登龍虎之榜運輪二頃遂奪鳳皇之池分
一甕于石鼓之旁六年教胄低雙眉于簿領之內
十載為郎自揣庸流祇安愚分力辭宗伯之薦不
就博學之科亡何秩滿當遷一麾西去裝輕易發
葉忠節公遺業 卷六 七

萬里孤征兵燹子遺地乏詩書之澤輓輪重困士
無誦讀之工遂使清渭就枯岳蓮失秀雪山逾冷
羌笛徒悲并無首藉以饌先生安得參苓以擬弟
子然而人臣奉職義不謀身多士嚮風文頗近道
今年秋兩主司搜奇拔異如冰鑑之高懸故諸孝
廉洗髓伐毛亦陳言之務去得士可為獨盛秦風
藉以改觀老夫子鑒閱闢書參觀試牘當必許其
斐然不致斥為迂誕也某承乏三年凜遵百度守
閒踐墨罕通片羽于長安故疎節略情未展寸衷
于函丈茲公事告竣積懷可伸敬熏素以陳辭

垂青而賜覽伏願土田早錫名壽日躋百年之計
樹人薦賢受賞九命之加被袞贊拜不名若文路
公之相四君坐而論道如于新野之為三老跪而
乞言則黃髮在廷簪笏慶明良之遇赤心可繪丹
青生史冊之光矣

復李天生檢討

竊聞孤貞守道富貴逼于時來大孝顯親菽水高
于祿養謝太傅丘壑之樂夫豈放情陳希夷毫楮
之役當亦有意故我較子佩曾寫冰絃藏羽隱簫
終歸珊瑚網況乎以空世之學應側席之求而眷戀

葉忠節公遺藁

卷六

古

松雲謝懷軒冕使中朝史局輟鑪管而晤思海內
士人睇蒼生而歎息誠獨善矣如時望何恭惟老
先生道闡西銘名高東觀兩到之質一覽便通二
劉之才五事同舉兼什百之智手補袞而雕蟲綜
三五之書學山經而入史用是採紫芝於商洛致
文鳳于岐周將使西漢文章遠駕龍門之筆北門
學士近分宰相之權乃初入綸扉未分章纈而載
懷子舍終戀萊衣此高人以盡孝為忠而君子謂
雖見如隱行見鋒車之名早趣舍人之裝某愚不
適時拙而廢學頑金未鑄知無脫穎之期朽木不

雕久絕向榮之望每憶瀛洲艸綠初沾涓滴之恩
乃緣海國田荒遂逢鈞檢之使一官落拓魂銷石
鼓龜魚十載浮沈計拙金臺桂玉謬承人乏來叅
大邦笑孫郎之文何勞旦旦負邊生之腹未必便
便兼以癖性徑情難合簪紳之意孤根素族誰借
齒牙之芬萬里空囊百道酬接臬神如不速之客
窮鬼若應門之童寒鈍分然怨尤何益獨是廿年
斷梗既乏買山之資百口歸孥兼無脂轄之具此
所以忍淚不敢下仰天而無如何也伏承老先生
賜之月旦坐我春風初晤梁山竊有同舟之幸夜

葉忠節公遺藁

卷六

五

談蕭署如讀數年之書從此分攜遂更歲籥將期
款聚時切心往不謂說說于道旁宛欣欣而良覲
如置鄭莊之驛冒雨相尋若啓羊欣之關後花自
碎居然訪戴不啻迎任賤子何修先生良苦而又
錫以大序冠此拙篇藉高文典冊之表揚為後生
小子所矜式其利已溥欲謝難名近者公事告成
塊然愁坐念契濶之良久懼郵客之復生乃白雪
飛來明月在抱欵然珠玉至五百字之多憑此火
爐將九萬里而遠輸枋燕雀襲彩鳳之羽毛下廐
騶駘被鏤金之鞍勒雖僉荒未解聲律而癖好甚

于珠璣不審何時獲親蘭臭敢希別指用慰葵心

又

春寒乍解天心漸舒晴雲自飛空翠欲滴此居者所及時為樂而行者則對景含悽也在昔趙至將行為書敘別王維送遠釀酒傷離挹彼深情江潭猶淺景其高致華岳為低而況合志同羣居然千古難聚易散若我兩人者乎老先生學誼已崇情寄故遠挺松貞于絕澗吐蓮艷于孤峰希心聖賢澹然榮利影纓天閭義不後君晞髮家山孝以將母真可謂動嘿無間進退綽乎者矣某少長海濱

葉忠節公遺藁

卷六

十六

聞見寡陋間從師友之末席略窺竹素之遺文雖源流小殊而思理若契是以石函綠字揭日懸星玉圓珠川驚心眩目西京賈董掌握靈蛇東漢班張口摘顰繡當塗高七子之體金行啓六朝之風唐自開寶以後不施羈紲並驚雲津宋當南北之交雖有拘牽無疵雅韻其間才人傑士操筆荷囊或秘省行臺飛馳詔檄或花時酒夕占屬詩文莫不叩鐘石羅蟲魚抽靈思振芳響極一時之美垂千祀之觀彬彬乎郁郁乎於斯為盛蔑以加茲用是移情前載跂足時賢四十年來庶幾旦暮而名

不出于一里足未徧于九州傾蓋良難盍簪奚望吟孤易倦抱恨空天岫遠誰來此生若夢乃不謂荏苒垂老興竭學荒而始得遇先生也憶自相識以來迄今三載接論則膝席俱前寄懷則往來如織室遠人邇形隔意親周旋未終離索伊始遙頌毫素兼惠瑤華情如弘讓之書詩續文通之賦直使已舒新柳待折猶顰臨去班驩欲嘶還咽開緘淚迸讀罷魂銷夫賄世俗交尚知惜別文章知己能不關情竊附素心用布衷曲某後到貴鄉略無善狀堅持冰蘂自致飢寒以官而貧為鬼所笑非

葉忠節公遺藁

卷六

十七

索醉而典春衣欲脂車而書乞帖情事至此迂拙可知然愚者所譏君子不責也獨是終南陸海無乏名材下里巴人偏嗤郢雪束經書於高閣啜糟粕于枯腸人同其師師同其教某苦心指授雖愧齊人而退舍揣摩終移楚咻勉思盡職未喻所懷首路沈吟以此為恨老先生躬盛名扶絕學視其鄉人不啻子弟開示易入領悟必多幸鑒微忱曲為留意行矣先生請從此別車馬既發關河邈然他日荒村陋巷之中獲聞清廟明堂之作則毫端簪目自足傳神句裏宮商無殊傾耳白雲在天丹

誠在抱臨毫悽咽知復何云

又

蓋聞百川皆洩望海為歸萬彙各昌徂秋乃實故
君子大受誚鼯鼠之飲河賢者晚成惡槿花之暮
萎珠玉善藏而世寶蛟螭能蟄而用神物理固然
吾道可見老先生積行立名嘔心成著腹函經史
之液口發騷賦之香服匱錚鈇世稱博物雕龍玉
海人誦傳書此王仲寶之所為心折而蘇令綽之
自謂不如也乃獨淡然榮利厭鶯聲華將欲終焉
離垢之園敬謝文林之館高風亮節邈矣誰儔坐

葉忠節公遺集

卷六

十八

月孤懷遙情莫寄想老先生憫其行役或不以疎
懶責之而未造張陸之宅罕接恭緒之顏不坐春
風難邀月旦此中悚仄言詎能宣其闇識短才孤
根瘠福人不稱地命復憎文棲二豎于弱軀填百
憂于方寸冷風萬里兩袖空垂投月千川三年如
夢擬著勞生之論自悔其愚曰歌歸去之辭已覺
其晚而況醫方剗肉難博上下之歡心傾腹叩囊
不益生徒之神智咀含茶夢跼蹐霄淵悵望秋旻
徒滋悼歎老先生澄觀越俗卓識空時必能鑒此
苦衷故不憚為知己告也今幸公事粗了倘邀大

芘獲免愆尤便當投老松阿銷音穹谷娛親課子
以懺前非何苦而勞形敝神望實兩喪乎某年來
薄有蕪言分宜就正但處非蕪境哀類蛩鳴竊恐
靈鞠之文見嗤王儉孔昭之賦取誚魏收

上巴撫軍啓

伏聞荆玉在璞必泣血以相明鴻毛遇風乃干霄
而直上故前莫之挽動足登天進有所憑投竿縮
地在昔沈太傅得詩題壁王子知名崔司徒駐馬
呼閭高生驟貴非附青雲之士何來朱紱之榮此
古今重有狄公人物每懷任昉也恭惟云肅肅

葉忠節公遺集

卷六

十九

在位休休有容控萬里于掌中河山生色撫子遺
于席上童叟安眠既疾惡以如讎見楊湛謝游望
風解綬更求賢之若渴令王陽貢禹相慶彈冠凡
我庶僚罔不畏愛顧惟賤子尤荷生成伏念某性
資懦緩門族單寒自出承明之廬已絕清華之望
茲膺視學之命漫無銜鑑之功竭心目以永三年
飲冰霜而滌方寸愧一齊人之傳無益于楚大夫
幸雨魯生之名獲聞于漢天子藉吹律而冬暖讀
啓事而春榮聞寵若驚感恩欲泣附蒼蠅于騏驥
之尾不待飛簫假鷁雀以鸞鳳之毛自然燦爛從

此尺寸之進步無非提挈之鴻慈受長者之德已深同于憐載執弟子之禮甚謹莫報涓塵惟朝夕辦香八口三祝生生世世常如師保之式臨子子孫孫永矢環艸之後報而已分宜匍匐崇階頌揚恩造乃時當兩試之既畢例無千里之遠行足趨趨而不前心悵惘而若失先肅寸稟遙拜高麾伏冀俯憫至情曲恕簡略明歲頻行尚容辭謝

祝已撫軍壽

桓驄新泣霜蹄開塞艸之青騷鶴初來仙羽帶關門之紫吹黃鐘于天水萬戶春臺食石膽于秦州

葉忠節公遺業

卷六

十

八荒壽域風清鈴閣共聞韓范之名樂奏雲璈不度伊涼之曲邊城喜溢屬吏權騰恭惟云黑頭元老赤縣行仙舊領三臺人擬朝陽之鳳新資八座思加常侍之貂計治秦者七年平反度支竭口酬心計之力乃分陝而萬里折衝俎豆真文經武緯之才雖悵旌節于西陲幸親星躔于南極前半月為重九籬邊叢菊好汎金尊後八日而小春笛裏梅花如聞白雪而况崆峒不遠廣成子自在人間驚鶯常來王母宮尚存山上遙知隴頭艸木盡開瑤艸之花故應塞下丁男共上華封之祝笑登

騎省春秋甚少乃見二毛慕范長生服食何方竟登百歲岡陵豫祝几杖將膺某才非早慧器不晚成弱冠登朝比荀中郎之年已老一行作吏較王僕射之位甚卑每羨高密封齊八騶前導茲見闕宮頌魯三壽作朋雖門下顏繇少孔子者兩歲而太原王又知魏舒者十年徒感國士之恩未介公堂之壽用是虔脩脯棗敬效葵傾料西極自有瑤池不羨南山之酒乃北斗仍臨太乙敢忘東道之情伏冀體天不息應地無疆仁覆六州手捧太平之歲月恩隆九命足生上相之風雲遂使紫塞黃

葉忠節公遺業

卷六

十

河或如帶而或如礪并見青羌白翟莫不貢而莫不王則臣朔雖飢獲賜風聲之木愚公亦智可移王屋之山壽貴何可名言功名於以不朽矣熏沐奉書升恒是祝

太夫人七十壽啓

六甲周餘七旬大慶值上巳之月春晝方長遇太平之時華年未艾雖兒非萊子每思斑綵之娛孫愧蘭芽亦產階除之末况當正誕敢後稱觴詎曰賢勞不遑將母乃某一官匏繫廿載萍浮曾奉板輿莫遂晨昏之戀虛言祿養并違菽水之歡見烏

哺而感懷聆鶴鳴以惆悵瓜期雖屆朝懸候代之
條星使未臨例謹私歸之罰天各方兮千里去住
由人腸一日而九迴進退維谷情出于至不得已
勢處于無可如何先遣來奴及期叩祝衣履虔備
屏幃續成金銀之器一雙以介眉壽珊瑚之珠百
八用禱遐齡遙祝時維春仲承歡必在夏初伏祈
母親垂霽慈顏俯矜遠役頤神以介王母之福寬
懷以俟遊子之歸重酌霞觴彥深朝服而跪更施
錦悅文若繞膝而嬉則家庭之樂方多而母子之
情兩慰矣

葉忠節公遺集

卷六

三

復楊昭武將軍啓

恭惟老祖臺將軍閣下尊全三達勲耀千秋肇
天子磐石之基功能壽世體丈人地水之象德以
容民儒服東遊躬習杏壇之俎豆戈船南下手剿
閩海之鯨鯢封郭令於回中三軍唱凱借寇公于
江左萬里安瀾朝野仰如歲星竹帛宜稱尚父治
其未諳六甲莫展一籌驚駒隙之頻移分陰是惜
憾馬齒之加長伏櫪猶鳴方顧華戶桑弧難弦秋
月忽接雲鸞玉簡如惹天香乃盥露而開絨敢望
塵而叩謝慙非揖客荷衛敬侯之先施媿許詩人

辱嚴鄭公之寵賚何德敢承藉手以璧容趨鈴閣
敬謝雲情臨啓無任感激瞻戀之至

又壽楊昭武將軍

恭惟大將軍老祖臺閣下與天爲徒得中而應屹
如仙掌捧日月于千秋矯若游龍走風雲于萬里
憶樓船之舊號家世梁侯收橫海之奇勲欽遲漢
將已見圓首方足共仰歲星行看彩筆青編俱尊
尚父茲當王母欲來之夕適逢汾陽乞巧之辰鈴
閣尊開看織七襄雲錦柳營月上親迎五色輜輶
登九階八座之班斡三老五更之選六軍多算萬
井同春治某少未更事壯不如人愧同蒲柳之先
零喜見松柏之逾茂月高夜靜應聞笙鶴于山頭
雨霽涼生定產芝苓于閩外擬鼓申江之棹躬祝
三多猥有海昌之行致稽九頓用是撚鬚搖膝吟
蟋蟀于巴箋潑墨濡毫寫岡陵于吳練物輕一羽
誠切三熏百拜上書九如是祝

壽昭武楊將軍啓

立功不朽多壽無疆七孔針神巧應汾陽之識百
齡使相城題羅結之名而況裔出戈船一代元勳
無匹近復誕膺華袞九天御墨猶香已勒鼎鐘佇

須几杖治某智窮多算拙惜分陰蒲柳驚秋盼松筠而色動簡編度日閱竹帛以心怡茲當上元甲子之期得逢陸地神仙之壽欲揚國瑞愧乏家珍敢借天上之機絲織成雲母偶寫胸中之丘壑景落屏風

答楊昭武

域中元老天下達尊年九十而仗鉞秉麾名齊尚父壽百歲而投桃報李謙甚武公矧倚長天秋水淬芙蓉之鏐旗懸明月彩旄翻楊柳之風已看南下樓船直繫無諸之頸復見東歸鏡吹喧傳朱鷺

葉忠節公遺業

卷六

二

之歌屈指橫海勲名遠勝馬援銅柱快讀平閩方略何如韓愈碑詞史冊增光江山生色治某駒隙頻移馬齒加長雖逾不惑尚未知非秋浦潮生頗喜尊鑪味美晚村月上徒看烏鵲飛還魏刺葉以難成羨孤楊之獨聳何當長者俯念鰥生笑弧矢虛懸已無天地四方之志幸瓊瑤遠賁頓開田園三徑之荒翠織輕綃色借青鸞毳羽金泥小篆香分丹桂天葩陳曲几而望屏山如羅星斗出露尊而撥漢藏似飲醇醪既有緣而聞夫子之文章伊何德而勝上公之梧杓

葉忠節公遺業卷之七

芳

男 勇

編輯

子房

啓

復上海史令

譜傳周商望重越山攜琴鶴以東臨擁圖書而南面簾垂畫永心關四境之飢寒麥秀花殷時沐一天之雨露繼家風于鄴下我令誠賢歌政績于梁州公來何晚羣稱傳聖世傳理縣之書共羨裴君

葉忠節公遺業

卷七

朝推獨立之號而况龍文驥子並出高門金友玉昆對臨大邑佇俟楓宸之特簡欣看棣萼之聯芳治某樛櫟散材風塵拙宦十年作客備嘗行路之難萬里思家莫遂奮飛之願所幸父母之孔邇獲沾高厚之鴻慈願見有懷調飢難喻但念昨非今是欲稍補久闕之晨昏兼之遠客乍歸將徐理已荒之松菊有稽晉謁方切悚惶忽蒙金玉之下頒更荷匡筐之遠賜函詞繾綣如聆謦欬于雲霄珍貺殷隆尚愧瓊瑤之投報謹銘寸抱敬璧連城刻日三熏造塔九頓伏祈丙鑒不盡寅恭

壽魯郡侯啓

生應初陽升如朝日獲雙琮於石匱曾訪仙蹤易
五字於金門遂成名士若作舟楫三江資端佐之
賢與爲股肱千騎肅外臺之表蓋自漢以後產于
越者必名世之才由周而來封于魯者皆聖人之
裔當五百年之時數將八千歲爲春秋治某六甲
未諳一籌未展投林倦羽畏聞朝市之喧被德閒
身愛讀循良之傳邇逢嵩誕擬祝華封仰體冰雪
之清心不以筐篚爲庭實九如三祝文莫猶人尺
幅雙危儉不中禮伏祈鑒茹無任光榮

葉忠節公遺藁

卷七

又壽魯郡侯

嵩神初誕玉琯旋調于時爲冬歲寒知松柏之節
在卦爲復陽生見天地之心蓋立德立功立言傳
諸不朽斯多男多福多壽頌以無疆最績觀成華
年鼎盛治某仰企岡陵自慙蒲柳雖無曆日欣逢
道長之時幸有歲星知是甫生之月

報汪允升納聘啓

九月四日

伏以碧月新眉漸作團圓之景黃花到眼共嘉長
久之名舞玄鶴于山頭風雲勢合考素鐘于樂府
琴瑟音調爲公子裳者此時賜百官羅者今日杯

中菊酒猶分金粟之黃頭上萸房似借楓林之紫
而况碧虛如拭雁字雙飛秋水始波經書疊至讀
陶詩而知九月之吉操陳策而卜五世之昌永以
百年諧我二姓恭惟尊親家老年臺天才雋拔士
望高華自漢迄今龍驤以游宦卜居邑推甲族由
唐而後越國以元勳拜爵代有名賢山號齊雲秀
出風塵之表齋名愛日雅稱禮教之宗不誇三語
掾之風流自遵萬石君之家法一門七業既父子
兄弟之相師四代五公見蒲穀躬桓之並貴用是
先生雙射產皆照乘之珠日暖藍田種得連城之

葉忠節公遺藁

卷七

璧蓋神童衫袖本出高門則少傅簪纓今歸世適
永惟先澤之遠欣看後起之賢某蓬茅素族章句
鄙儒華胄遙遙羞檢崔盧之譜獨行踽踽漫希秦
晉之姻繁赤繩以何緣撫青氈而自哂猥蒙不棄
冰語遙傳更辱先施儼皮遠賁顧惟某之次息爰
及弱笄未嫺中饋曷潄曷否全谷師氏之言無非
無儀敢曰閨房之秀若乃靈芸鍼線神巧難摹道
韞詩詞清新莫和故但祀八蠶于苑窳徒聞七誠
于班姬媿此愚蒙懼難爲匹茲承寵命敢不拜嘉
深羨有子克家良由陳太丘之德竊慕惟賢是與

遠師戴叔鸞之風韻燕雁之在庭魏瓊瑤之莫報
伏願施于孫子宜爾室家藥綻黃金花發羅家之
菊堦浮白玉庭開謝氏之蘭中春翠于雀屏皆成
錦繡博秋風於鵬翼直上雲霄將見白雁書來早
列題名之塢紅綾賜餅如膏食祿之饒源深者流
長汪汪千頃根榮者枝茂葉葉三珠豈直兩家門
戶之輝遂行百祀詩書之澤姻盟若此欣幸何如
臨啓無任歡忭蹈舞之至

候文宗李維饒學士啓

天上文章舊侍紫薇之座人間武庫新爲絳帳之
葉忠節公遺業

卷七

四

師百年之計樹人在取之精而儲之豫九方之識
相馬必略其貌而鑒其神當觀文成化之時膺守
先待後之任西清望重南斗輝流恭惟云人門
並高才識兩茂根蟠隴右扶疎自帶仙風家住文
江曲折皆成古字羅鄴侯之綢帙于書無所不窺
懸孝廟之珠簾此樓固應重建庚子而開甲子之
文運冰鑑當空庚戌而續壬戌之科名薪傳無盡
蓋儒者文章報國分宜以人事君而天子聖賢
爲心不暇爲官擇地特咨岳牧精簡學臣僉舉名
公克當上意掬鳳皇之池水灑化雨于東南抽

戟之霜毫第諸生之甲乙將來入歐陽之選者定
有奇才而及司馬之門者必多實學兩江何幸親
炙百世之師三歲及瓜竚擢中台之席道風遠暢
士習丕新治某質凡才下足蹇途遙一麾去承明
之廬十載伴曹郎之署浮沈中外愧無尺寸之長
周歷邊陲謬博公明之薦然而阨于數奇長爲俗
吏今復累糧遠適踏京洛之軟塵隨牒候銓望山
雲于子舍有懷莫吐何面向人伏祈回憶舊遊曲
賜青盼雖分淺晤稀無緣得御而春明花發不言
成谿倘獲一奉德音敢不勉圖報塞臨啓無任翹
企瞻戀之至

葉忠節公遺業

卷七

五

又

文興福齊位以人重詩兼供奉之美具有其才文
如永叔之雄不因乎地今帝心之簡在真道統
之君宗朝寄固深士望攸屬治某半世吳蒙兩遊
秦土想鍾河岳之氣綽有奇文曾爲帝王之都尚
存餘韻然而不經法眼連城之血淚空彈就鑄洪
爐干將之光芒勃發日承鐘如先生寄示秦關全
墨體裁既正風致橫生老先生扶弊起衰之功不
在昌黎下也及按所拔諸賢大半往年熟識同知

文章聲價鑿鑿可憑治某雖未識韓而欽仰瞻戀
所藉以爲神交知己者在此一帙矣

東宋長洲啓代

伏以宴錫朱櫻內廐給翔麟之馬湯溫翠釜闔門
賡調鼎之詩考月令而均琴瑟樂其有節順天行
以居臺榭高而不危在卦曰離際文明之期事資
贊俊于時爲夏躬變理之任道在扶陽瞻喬木之
陰濃已定百年之計幸新莢之連茹豈惟多士之
光榮榜珠聯玉堂簪蓋恭惟某官閣下道成人已
鉉節剛柔賦裏梅花自挾冰霜之氣燈前竹簡猶

葉忠節公遺藁卷七

六

餘翰墨之香忠愛視房公讓功名而不有勳猷如
洛國處富貴而若無蓋三公惟其人而大臣必以
道彼後世誇救時之相望逐才輕惟我公當坐論
之尊位以人重仰巖巖之象如景泰山窺休休之
心若觀滄海憶昔公車待詔東廊繙甲乙之書迨
後天子臨雍北面決異同之論以故金門詞賦
奇字皆丹至今石鼓蟲魚古痕猶綠而況曾司九
府陋不知錢穀之陳平舊總三臺儼數言得失之
貢禹翺翔四部出入兩朝繹不貳廷匏之言榮名
素澹詠無地樓臺之句神骨都清不知身爲臯

而獨心乎堯舜用是少翁早達終傳韋氏之經雖
鳳先飛克振謝家之羽屈指域中之三達維我斗
南之一人某等章句小儒單寒後進學慚寡陋不
知遷固云何智東觚稜妄解孔顏如許濫與木天
之選幸聯玉筍之班倍瀛洲學士之員俱遊藝苑
半尼山弟子之數同侍聖門譬之百穀蕃生咸資
蔗藁五金在冶有待鎔錘敢承函丈以誠祈跂俟
高軒之戾止伏願烝我髦士錫之山川益高吐握
之風得人則治旋膺劔履之賜贊拜不名將見人
主用人皆出允文之材館相門有相依然仲寶之

葉忠節公遺藁卷七

七

傳家若鄭公之在貞觀凌煙待畫如涑水之當元
祐汗簡流芳黃髮在庭慶明良者有一乃心之頌
丹葵在抱勒鼎彝者垂三不朽之名矣

壽張靖逆啓

侯以三月
三日生

春爲太皞虞淵開若木之華西有長庚升土駐轡
蓮之景路公八十二而再相久則徵羅結一百七
而賜歸仁者壽况乎書傳濟北後赤松以何難抑
且地近崑崙望瑤池而不遠斗星燦若輝流八陣
之圖仙骨珊珊然節按五禽之戲六軍多算萬里同
春恭惟云尊全三達頌叶九如聲天子啓

之基功能壽世體丈人地水之象德以容民爾公
爾侯茅土之分親盟帶礪多福多壽星月之下遙
見輜輶豈必老子青牛詵是東來之氣竊幸將軍
鐵馬真抒西顧之憂以是朝野仰如歲星竹帛稱
為尚父茲當蘭契適值椿齡羽扇綸巾對茂林修
竹之勝酤顏鶴鬢為流觴曲水之娛固知塞外桃
花定由仙種亦聞軍中樂譜不異靈鈞將吏視子
孫分朋獻酒番彝雜童叟還拜隣堂本是謫仙何
須辟穀不羅換骨自足長生超九階八座之班并
三老五更之選某少未更事壯不如人血耗芸編

葉忠節公遺藁

卷七

八

漸作二毛之騎省肉銷冰署羞稱五鼎之中即縱
早達以奚裨冀晚成而誰恃青燈顧影真同蒲柳
先零玉帳瞻光喜見柏松逾茂蓋紫胞駢脅生不
尋常故綠鬢方瞳壽何紀極況瞻瞻元老為朝廷
千萬里之金湯則蹇蹇世臣即廟堂數百年之喬
木自知才少難歌黃竹于黃臺實感恩深敢憑丹
心于丹鼎伏冀三城再築萬戶重封手把玉鳩歷
數太平之歲月世藏金券永貽餘慶于蘭蓀將見
史贊虎臣立功而兼立德身圖麟閣書姓則不書
名遙分莖露之杯近笑相如中渴親捧冰桃之挾

遠羞方朔三偷貴壽安有窮期榮名于以不朽矣

又壽張靖逆

與天為徒得中而應屹如仙掌捧日月于千秋橋
若游龍走風雲于萬里韋懷文之督戰六尺板輿
劉武威之辟兵一丸螢火蓋自來兵法實始陰符
故從古將家多傳真訣內視返聽少伯所以成功
辟穀採芝子房因而得道在昔竊窺緇帙千古美
談乃今親見景星八荒壽域福田本瘠慧業多荒
藥無松柏之脂未諳鍊氣生非鼓角之相難覓封
侯幸到西涼獲瞻南極月高夜靜時聞笙鶴于山

葉忠節公遺藁

卷七

九

頭雨過春和常產芝苓于闐外開管別戟森然上
將之壇看劍引杯邈若神仙之府會見日邊使者
乘車頒几杖之恩忝為門下諸生操筆上岡陵之
頌物輕一羽誠切三熏百拜上書九如奉祝

謝張靖逆啓

伏以河西四大郡當西域四萬里之衝天上五諸
侯應上古五百年之運一軍取號靜聞鈴閣清風
三箭成功坐對天山積雪繫龍媒而作樂安用貳
師挽銀漢以洗兵無煩博望蓋天生李晟以為社
稷必朝有裴度而寄安危恭惟云生感孤星名

高華岳書傳黃石王者師自有家風詔討烏孫中
即將獨明方略自擬隆中之管樂誰誇紙上之孫
吳梁甫吟成諸葛君豈非名士令公來矣汾陽王
果是大人而且絕塞霜花未點少年青鬢所慮凌
煙綠筆難描一寸丹心悔不得為史官與公作傳
幸而既見君子示我周行媿小子之何知蒙長者
之不棄敬熏翰墨敢布腹心

侯田文宗啓

士望君宗文家正鵠泰山五岳之長無得而踰渤
海百川之歸故成其大樓名萬卷家藏節度之書

葉忠節公遺藁

卷七

十

口授一經世寶子莊之易竚薪傳于齊魯待人而
行瞻砥柱于歐韓非公奚屬綸扉判事五花生五
色之箋粉署持籌九賦準九州之貢迨後兩遷起
部手是指南憶曾分校鑠闥目能空北負盛名而
矜絕唱居然題柱仙郎抽敏筆以運靈思不數制
銘才子于是資超選格簡自帝心爰顧南雲實居
東壁星值斗牛之分珠緯經天水涵江海之流文
瀾湧地然範五金以成器功藉洪爐求大木以為
宮事需匠石幸逢三代之盛親炙百世之師出王
仲寶之巾箱分曹隸事授袁德章以塵尾豎義驚

人注史釋經一洗六朝之香豔登歌讀法獨修兩
序之威儀遂使紀換星雲人坐春風而不覺亦遂
嘆成桃李物沾化雨以無言舉二曜以闡幽容光
必照張四維而坊俗至德可師宜乎麟鳳之來遊
會見夔龍之畢集某才拙操觚識窮相士漫說齊
年文學何敢望回雖叨同拜班資故應推沈况先
生官以人重觸目琳瑯乃不肖事與心違委軀灌
莽閱其貌則鳩形鵠面宛哉名士風流聆其言而
信語蛙鳴邈矣高文典冊徒使白頭博士長食紫
塞之風可憐絳帳生徒誰是青雲之器言之於邑

葉忠節公遺藁

卷七

土

對此茫然惟願老公祖年臺以人事君薦賢受賞
使東箭南金之美盡上公車西征北伐之章並宣
史館將見朱衣捧日文昌列帝座之傍黃閣延賓
宰相佩通侯之印文明至此榮幸何如敢馳尺素
以言懷薄貢一縑以通賀不盡寅恭伏祈丙照

賀督撫端節啓

向日如葵披香似艾懸桃符于閭外掌運風雷採
梅子于枝頭手調鼎鼐火官司政飲冰不異金莖
晝漏初長測晷時看綵縷惟動物而布薰風之阜
故感人不在于夏日之威茲者節屆天中時名地騰

已慶麥秋之大有又看半夏之初生乳燕聲和語
叶五絃之韻新蒲風動涼吹九節之香搖團素干
碧牕午陰消暑酌玻瓈以紅友卯酒微醺際此芳
辰良云勝事行見齊紈賜出不殊蟬翼之輕遙知
蜀扇分來莫若櫻桃之熟某職忝文衡明非離火
悲我生之偃蹇愛讀楚騷幸重邁之太平獲聞虞
瑟然而綠肥萱艸難用忘憂抑且青乏藜燈惟愁
揮汗進臯羹而辟惡奉揚霹靂之威續命縷以明
恩用誌纏綿之德虔修赤版肅貢丹誠仰冀麾存
曷勝榮忭

葉忠節公遺藁

卷七

七

復榆林李總戎啓

運當聚斗位已登壇飛將軍之名無雙漢世真宰
相之器獨步唐朝出自將門繼西平而靖亂良由
人傑與汾陽以齊驅王者好生生故推轂于閭外
天子善將將爰命于師中用是手握牙璋言辭楓
陛身先鐵騎馬駐榆林大劔長鎗獨筦北門之鎖
鑰輕裘緩帶屹爲東夏之金湯行見龜鈕貂蟬赫
奕公侯之府亦且虎頭燕領丹青臺閣之圖邊埃
無煙天顏有喜某力怯彎弧智疎借箸讀書記名
姓耳矣以文爲聞聲思將帥焉未嘗學也因銜

簡命以衡文偶憩征騶于彰武未能投筆縱觀七
萃之師先辱賜書兼荷百朋之錫徒滋愧汗惟有
銘心聞韓經略之名自能色喜眺徐光祿之塞徒
切神馳藉壁厚惠之先施幸宥蕪函之後至望風
九頓臨楮三熏不盡謝私統希清鑒

復延安周參戎啓

筮叶占熊詩稱矯虎甲兵數萬藏范老子之胸中
功級五千立馮將軍之樹下在昔閭門春綠曾開
細柳之營于今塞堠烽青雅賦采薇之什心蘇七
校鷹隼騫雲坐築三城麒麟待畫允矣金城之老

葉忠節公遺藁

卷七

七

壽督糧李少參啓

將宜乎玉塞之通侯某力不勝雖學慚窺豹毛雖
久禿難誇筆掃千軍竹箭將枯敢說射穿七札茲
者秋開文陣欲看全勝于關中因之暑駕征車試
演偏師于紙上乃稍遲脂轄未參君子之軍而猥
辱投醪豫飫先生之饌謹飲醇而飽德旋贈縞以
定交先肅謝忱續陳賀版諸惟丙照不盡寅恭
仙骨姍然詩名藉甚轉輸同于蕭相功在全秦鈞
石定于張蒼壽宜百歲誕逢仲夏見半夏之初生
渴想三秋值千秋而遙祝慶茲鼎富之歲敢忘觴

祝之情某未遇時來不知老至婆娑雙眼時憂五色之迷落拓一官難望十年之調竊幸班荆之投贈得同采石之仙舟間值萬辰禮須華祝乃緣操觚之未竟致稱觥之不遑敬詠九如虔書帛竹之紙肅遣一介遠貢斗山之姿伏冀鑒存曷勝忭舞

壽陳太君啓

伏惟黃竹歌成西極見長庚之曜玄霜杵就東籬開君子之花竚朗月于萱庭霓裳欲奏生涼風于桂樹鸞羽初飛王母暫來將傳丹訣阿環再拜上問起居恭惟云六甲方周五福咸備敬亦如光

葉忠節公遺藁卷七

十四

不舉庶間之案秀非遜謝獨饒林下之風弗誇錦字才華浴蠶待續自製椒花雅韻獻頌承歡篝火宵分共稟夫人之教丸熊夜課早成穀子之名多福多壽多男固其宜也封鄉封郡封國豈有量哉某生而不慧宦乃長貧謬以我為衛郎慙非玉潤竊自比于劉子苦乏金盤所幸萬里西巡拾得冰桃之核一尊南祝尚餘叢菊之香雖纖塵無補于泰山而寸誠或可以蒿祝敬摹釵脚用繕八行遠傾葵心願過百歲

賀杭撫軍啓

伏以三載考績夔龍光協帝之庭六謁著官雲鳥紀昭陽之盛詢事言于政府建官惟賢拜車服于天朝知人則哲五百年而生名世重看分陝之勳廿四載而位通侯共羨從龍之佐久為帝心之簡在新膺寵命之存加蘭閣生風吏民色喜恭惟云功高二華德曜三台建節鉞于雍梁允文允武齊勲名於張召不猛不寬憫內史之飢荒時分祿賜恨西京之烽燧夜算軍需睇中澤以傷心顧四郊而動色籌邊樓上常懸李相之圖喜雨亭中爰讀蘇公之記以故煙銷塞上望終南之佳氣復

葉忠節公遺藁卷七

五

入樓臺人滿關中瞻渭北之晴光重歸艸木功名既醉慶賀斯行益三百六屬常參官無如京兆故二十四考中書令獨有汾陽辟李固於荊州天下第一推黃香于江夏國士無雙倚與元老之壯猷展矣聖朝之殊寵職某十載即官兩逢京察稽虞典三考之法罔辨幽明讀周官分職之文未知董正所幸版曹畫省偶蒙嘉士之品題竊愧玉尺冰壺恐負作人之雅化然而身依蓮幕三年時坐春風則是籍著槐庭片善總叨月旦望栽培之不淺感高厚以何窮伏冀坐論南牙銘功西極列

掌外朝之法義取赤心宣麻押內殿之班名垂青
簡不特三秦屬吏爭誇桃李門生行見四海蒸黎
胥頌太平宰相矣

賀杭撫中秋啓

心映冰壺量涵銀漢智珠在握似三五之皆圓朗
月入懷爰妍媸之畢照旂翻鈴閣風清如水之門
秋到烏臺節勁凌霜之樹屹作中朝柱石紫入楓
宸全銷塞上烽煙青歸柏署茲者九秋方半天風
吹桂子之香一鏡新圓仙子按霓裳之曲金莖露
湛玉杵丹成秦嶺雲開漢江波靜行上千秋之鑑
葉忠節公遺藁卷七

佇看九命之榮某照乏藜燈識非月旦攬餘輝於
東壁難搜秦漢雄文校多士于西京敢說歐韓虎
榜惟是不欺暮夜願公以生明而尤仰藉容光使
圓而不缺瞻庾樓于天半伴魚素以秋毫薄展寅
私希垂丙照

上徐立齋學士啓

竊聞天下星雲爛然青漢而景慶則稀人間鸞鷟
近在丹山而飛鳴不易故名世運符五百惟聖主
夢賚一人伏惟老先生閣下苞靈挺秀體方用圓
貞松無枝高雲獨往際乾德之昭昭叶明良之穆

穆地侔乎人名允其實躬茲隆遇不已休與然而
六相之職職以六事五正之官官以五行析為羣
司祇靖乃位揆之大德何所不該今閣下以第一
流之才品綜三百年之是非羅七略四部之英酌
六書十志之體先食貨則朝會可省謹薄蝕則天
官必書經表紀于中天緯志傳于列服將使彪固
悔其疎拙蔡范慙其艱繁以之方駕一百三十篇
櫟括六萬四千卷不亦照朗春華寶同秋實哉極
盛難名有懷斯吐竊念某才謝敬通而遭逢不偶
性非孝綽而忤物已多一麾去承明之廬十載作

葉忠節公遺藁卷七

主書之吏聲塵寂寞貧病淹纏茲者周旋河嶽之
間不覺山川之助特以其中人士猶被餘芬故到
處絃歌尚多逸響某比年所得之佳士皆老先生
舊日所鑄之顏淵也仰藉教思獲申緒論

上李容齋學士

竊聞龍馬之文不爭蟲篆離微之韻薄為繁音故
川岳出雲御景風而爛熳岡阿挺幹滋華露而菁
葱良由材以遇弘位因人重也老先生秀竚孤霞
神流遠漢高八俊之目享六絕之名揮煖玉于風
雲回豐貂于閭闔明明穆穆聖主良臣郁都洋

洋鴻雲麗藻緯曜于焉澄霽典策所以流芬豈如
當世不識東家將使千秋仰爲南斗昨歲遇槐里
之令得蘭亭之書雲動煙霏珠聯璧合不羨五雲
于韋絃如留三素于羊權報謝之章想經垂覽矣
某不識不知無才無命未煖木天之席爰趨建禮
之門薄有詩歌放言落紙慙無文筆輒牘寢毫猥
積數載之勞資濫膺全秦之教鐸將謂兩生故在
餘燼可噓乃自受事以迄今茲涉大河而周列郡
搜窮陸海絕少三珠斲破藍田曾無片玉而且輪
蹄險遠人遊虎豹之羣土俗悲涼士戴鵠鳩之面

葉忠節公遺藁

卷七

六

贊心茹蘖咽淚飡風行萬里以多岐懷百憂而誰
訴雖取舍之際精鑒殊難而衾影之間初心不改
與徐健菴春坊

夫榮援聲金六英偕奏望舒開照五緯齊輝故鳳
羽不他巢而芝田不移植老先生人門若此文采
如斯日下英英足誇兩到人中爽爽奚止三何此
多士所以傾心而千秋傳爲嘉話者也憶自都下
分攜忽經六載前則奉使于雙江今復承乏于三
輔凡諸聞問邈不相關一切禮文闕然未備乃屢
承華翰曲荷注存遙望五雲惟有三祝總由八都

之羽必匝歲而一行故裁報之章雖十成而九廢
江海之量當見涵容也某資才凡下時命乖違履
此凋殘苦同投畀而且荒陬絕塞奔鄙無文叩空
腹于經師冀點頭于頑石諒不可得亦未如何謹
呈牘牘請政大方伏祈公餘省覽不靳齒芬倘一
字可褒將三秦生色

答張荅城啓

竊聞辛壬癸甲啓生不用桑蓬南北東西孔轍徒
勞脂秣以故栖栖屑屑不知歲月之遷流踽踽涼
涼常感親朋之聚散而况初秋菀柳未霜至而先

葉忠節公遺藁

卷七

十九

零閨月黃楊得日多而偏短方嗟遲暮忽賁瑤華
實感慙慙敢抒丹臆恭惟云樂山靜壽應地安
貞性只耽書不剪蓬蒿之逕人皆載酒每盈松菊
之廬少年歌板彈絲羣羨周郎一顧老去韋編著
州時聞邵子孤吟冷眼看人不著雌黃之色霜髭
吮筆猶生金翠之香回思高屐風流居然十年以
長之輩今想纏鬚姿制豈似六旬以外之人用是
玉鏡臺前不受老奴之詬烏衣巷裏喧傳小鳳之
名身雖翠壁丹崖詩則白雲黃鶴斯爲真樂可卜
長生某少無規檢老更癡頑方朔常飢爲乏偷桃

之技相如病渴因無取酒之資幸學易之有年愧
工詩之何日但瞻箕斗常簸糠粃雖有稻粱不爲
雀鼠然而孤鴻嘹唳長空僅飽霜風瘦鶴伶俜月
下自梳翎雪今猶未是安知前此之非去者苦多
始覺將來之少而且衰顏蒼髯相識者翻爲異縣
之兒童華袞霞觴遙祝者偏是故鄉之親串讀高
文而色喜謂是知心對庭實而顏頰得毋傷惠輝
煌金幣幾經追琢纂組之功旖旎情文一洗筆落
藍樓之陋物來千里貺等百朋九頓拜嘉八行申
謝

葉忠節公遺藁

卷七

二十

謝慕漕臺啓

南登孔望舊是聖人之遊西訪崆峒真有神仙之
府蓋寰區靈秀稟諸天者鍾于人民力普存產于
地者歸之國萬里仰東南之畜千倉資三九之餘
穀乃民天仁能壽世恭惟云兩朝元老當代達
尊吳郡桑麻舊沐中丞之雨南中秔稻仍漕計相
之舟借仙掌以持籌已勝漢唐心計鑿龍門而輓
粟何如汶濟安流惟大臣視國猶家故兆姓望公
如歲茲者日在婺女序屬嘉平維嶽生申恰遇王
侯之臘吾君夢說倚爲舟楫之臣湛然冰雪心胸

豈徒似水蔚矣松筠節操真可凌霜百歲張倉功
存釣石九旬向朗志在詩書蓋名世之生也必五
百年而大椿之壽也以八千歲其六甲未諧一籌
莫展虛糜升斗不知歲月之遷流忙閱居諸但覺
風塵之鞅掌每見八騶鄧禹廿四封侯自憐一命
楊雄十年執戟幸託喬松之蔭小州爭榮雖逢集
霰之時寒梅獨發銘恩入骨頌德無文伏願上公
九命君子萬年虞階賡拜沛如綬壑之魚周曆千
支多于在庾之粟將見庭前蘭玉盡是雲 鼎裏
鹽梅皆成瓊液佩十還九轉之丹竚三老五更之
葉忠節公遺藁

卷七

三

之祝

又壽慕漕臺

恭惟如松寒勁似菊晚香吳越楚黔四國崇陰萬
里屏藩節鉞九州鴻績千秋回思入洛之年才華
誰匹今紹有邵之職名位何其月在旂常律中大
呂陽生日至之後繡線添長星回春到之前珠璣
乍轉考亭小學此歲成編羅結高城將來待築况
乎海甸已鄰蓬島淮濱亦有桃源躬播穀之官何
須辟穀具太羹之味乃可和羹萬寶冬藏八荒壽

域某幼而未學壯不如人方朔常飢爲乏偷桃之
技馮唐易老因無乞火之人所幸南極一星晉照
渚宮之夜楚江八部皆分淮水之清粒我烝民見
倉箱之盈止介茲景福如金石之彌堅留此不朽
之勲名常享太平之歲月欣逢鶴算敢進兕觥遙
叩公堂以介眉壽

· 答蜀撫姚啓

恭惟台曜經天文波浴日魯臺山上獨開菰苑之
先益部星中兩見使車之至采遺編于東壁不讀
秦漢以後之書判公牒于南山每薄申韓所行之

葉忠節公遺業

卷七

三

法蓋仁恕誠由天性而才資已簡 帝心用是曉
直黃扉濡毫駁奏夕居青瑣假寐憂時對仗讀彈
文共羨朝陽之鳳避人然諫艸孤吟左掖之詩三
遷而獨坐南臺一舉而建牙西蜀遙想令公戾止
看成都萬 舊時竹馬兒童因知耆老歡迎見
節度雙旌 日甘棠父母招流攜于兵燹之後
襁負來歸 土田于荆棘之餘井疆漸正每懷清
獻常遊清白之江有慕文翁大啓文明之殿海棠
樓下花木長春廣莫亭前江山生色固知老成開
濟五百年定有其人密勿調元廿四考更誰可匹

某才下質凡時屯宦拙後大科之兩歲偶獲一官
從先生者三年如遊萬頃今來珂里濫竽漕司惟
瞻天上之斗箕不作倉中之雀鼠况庇仁人之宇
雖幸寧居已披君子之風尤思親炙乃錦官黃鵠
千里而遙白雁文鱗經年不度悵瞻依之徒切愧
候問之未遑何意九天忽霏珠玉兼承別札遠錫
瓊瑤深知不却爲恭轉復傷廉是懼肅詞藉璧鏤
骨銜恩臨啓無任翹切之至

候江藩宋啓

恭惟希世逸才出塵仙吏石渠經義仍由宰相家

葉忠節公遺業

卷七

三

傳洛苑詩詞獨讓臺郎妙選禮風嫺于文雅名久
擅于梁園固宜簪筆承明身侍 玉皇之香案何
乃分藩閭闔手提太府之銀章良以才無不宜自
覺官皆可任况乎山塘簫鼓堪填柳七之詞鄧尉
梅花可續廣平之賦借牙籤于鄴架便可持籌效
煅法於嵇公何難鑄幣誰云王令只擅風流應笑
陳平不知錢穀小試才人之經濟竚司 天子之
絲綸豈直階榮實欣道長治某濫叨升斗但覲嫌
批舊爲不學之吳蒙今作無情之楚舞湘潭雙淚
只弔靈均越客孤吟可憐莊舄回憶旗亭賞酒

我齊天樂府曾許知音更思旅舍鈔書借君花州
粹篇猶能闇誦何期風雨晦明之友皆為東西南
北之人不見十年相通一夢雖中書行省近在父
母之邦乃即官故湖遠若仙凡之隔而且終朝抱
甕江上誰人近日亡猿漢陽無樹網鯨而鮓盡摘
瓜而蔓歸當所稔聞諒為心惻也敬修尺素薄展
寸丹伏冀鑒存可勝榮藉

葉忠節公遺集

卷七

十四

葉忠節公遺集卷之八

芳

男 勇 編輯

子房

謝語

臨潼贈君周祚永崇祀鄉賢看語

孝行弓裘才弘黼黻濯清流於渭北八水秋澄標
峻節于關西二峰雲聳捧檄而喜折腰同負米之
心解組曰歸北里樂飲醇之量被鄒魯之教身依
俎豆宮墻斥佛老之書心薄丹爐貝葉花封畫永

葉忠節公遺集

卷八

長留下相之棠陰月旦春溫屹作中流之砥柱卻
懷金於暮夜清擬楊公邨在祿之孩提慈同賈父
觀其事功學問皆本聖賢故爾廊廟江湖無非忠
孝況乎後賢輝映曾叨三錫之榮洵堪當代表章
用配千秋之祀

延長薛氏兩贈君崇祀鄉賢看語

孺慕性成友于天植堂前嬉戲效老萊舞綵之歡
陌上春遊合程公折柳之對讀書而窺堂奧名滿
秦關攬轡而志澄清恩流楚甸瀛洲學士舊傳三
鳳之稱竹逸騷人立辨千言之論考其世德

家風至於吾翁若翁不愧薛包高義兄子已子何妨伯道無兒感舊解衣應念一寒之范叔捐金熱券無勞市義之馮驩以至執掌匪躬盡瘁涪州之役間關扶輓魂銷蜀道之難資孝作忠允恭克弟占當年之星聚難弟難兄應今日之貤封是父是子德既允孚於輿論禮宜并祀乎鄉賢

富平賈節婦看語

苦節可貞冰心不化何彼穠矣奄無賈午之香迨其吉兮嫁得王昌之壻定婚燕邸月雙眉曾畫西山歸省嶺頭雲百兩遂將好時下車廟見榛修蕭

葉忠節公遺藁卷八

二

新婦之儀視夜星明鳬雁警良人之夢迨乎所天無祿身是未亡有子方畝死難同穴悲啼辟穀豈慕赤松之遊勢面偷生恨違白首之約於是永懷從一盡瘁撫孤一摠明月照流黃莫乞鄰家燈火十斛暗塵生破甑不灰巧婦炊煙其事姑也以婦代夫堂北種無憂之艸其教子也以母兼父階前看手植之花睦妯娌于閨中一樹荆花灼灼撫兒孫於膝下盈除蘭蕙森森飲藥茹荼飽受貧家之苦凌雪傲雪寒聞晚節之香計十七歲以迄今茲念嫠婦百度春秋一生節操歷二十九年如昨日

博史官千年翰墨兩字恩榮人無間言禮宜旌表

一門兩節婦判語

名家閨秀望族女宗機上流黃曾伴書牕之火廡間井臼相莊食案之肴鸞鏡分飛痛葉姑之長往柏舟誓死矢天日以靡他白髮姑嫜苦心同侍青春妯娌淚眼相看雖著雨之荆花已為腐艸而凌霜之竹節不作瓊蕭燐火陰風修文即夢魂常到晨炊夜績未亡人心血為枯而且脫簪珥以葬姑稱有無而中禮難乎一門之競爽百二關幸此兩人異哉二姓之同心四十年如其一日允宜旌表

葉忠節公遺藁卷八

三

以勵世風

孝子楊長看語

至性根心天倫備德童年誦法即知天經地義之書壯歲承歡獨遵夏清冬溫之訓觀其間關負米實無愧于昔賢迨至擗踊終喪已克全乎孺慕宗族咸稱其孝鄉鄰不間於言宜有褒揚用光孝治

薦舉南鄭令韓維新城固令徐令祚看語

官分庶職吏最親民故樂只之詩歌諸雅什循吏之傳載在漢書莫不騰實蜚聲賜金增秩良以善有同好人恥蔽賢也本道司衡文之任無察吏之

權然查學政全書內開云今南鄭縣知縣韓維

新城固縣知縣徐令祚邑處四衝之地時當兵燹之餘蒿目瘡痍留心弦誦子遺待撫起白骨于荒原絕學方興沐青衿以化兩賑窮簷之饑饉萬井炊煙蜚孔道之糧芻六軍宿飽屏偷驢摸犢之跡枹鼓不鳴憫賁兒貼婦之情脫驂以贖因之四郊襁負各返故廬頓使百里殘區還成大邑至於捐修文廟見泮宮芹藻重生灌莽之塲遴聘社師令藝苑衣冠復續絃歌之韻家知忠孝革面革心士樂詩書中規中矩凡皆有功于名教真堪總美于

葉忠節公遺業

卷八

四

循良輿論允乎實政具在伏冀俯垂清鑒遠慰輿情使尹鐸文翁得居上上之考將召父杜母亦成赫赫之名矣

名宦于臬司看語

才不世出清畏人知辨水火以鑄書誰嗣子產學春秋而用法重見于公況乎刑乃一成獄成非易法惟五聽色聽難惟得情則矜必求死中之活斯引經以斷獨持天下之平雪孝婦之覆盆秦人感泣幸長孫之更律唐法崇寬民自不冤艸滿若廬之獄刑無失入鵲樓廷尉之門觀其飭勵官万

凜凜數言可入名臣之錄以至振興士類殷殷三

接依然弼教之懷憫內史之飢升斗錙銖思推老弱下乾符之令弓刀鼓板威靖荏蒲以故一樹棠陰去而益詠百年緇好人有同情雖紳士恭請于前在上臺以年湮事遠慎惜繁纓而良吏觀型于後稽大典之酬德報功宜邀華表且遺愛既可徵而可信去思以愈久而愈真在昔叔子遺碑淚墮峴山之石厥後方平畫像香焚蜀道之僧非實有造于此邦孰任再三之讀或為可傳于後世慰茲億兆之心芳型堪擬前賢崇祀堪推名宦

葉忠節公遺業

卷八

五

馬雷覆看語

葉砧早逝冰蘖自持感妯娌之同心藉貞從一奉姑璋以沒齒節孝成雙寡鵲孤棲不負九原抔土幽蘭空谷堪留百祀餘芳雖五旬方滿之時窮簷無由自達乃六甲已周之後公論歷久彌彰

薦鳳翔蕭令

扶風舊域東井雄疆地固要衝民亦孔棘自軍興以來師旅雲屯糗糧日饋郵驛疲于供頓閭里困於轉輸村窳涸魚學宮茂艸不有循吏整頓末由乃談縣蕭令積序才勞來領茲邑悉心經畫盡力

綏懷振將絕之文風作已衰之士氣顧瞻 聖廟
堂廡荒頽捐貲庀材聿新輪奐遂使泮宮鸞嘖壁
水芹香譽髦蒸然尊鼻肅若本道較士彼邑禮謁
先師虔瞻廟貌歷觀俎豆之容親觀翬翼之美爰
遊齋舍旋講典墳而見明倫一堂軒敞弘麗棟宇
維新蠲潔清幽鼓鐘式序博士生徒歸功肅令萬
口一詞不謀而合因合詞咨稟冀聞憲聽仰丐洪
恩本道忝司文教端藉相知情惡蔽賢恐同譏於
文仲職非越俎效啓事於山公

名宦華州州同張應陽看語

葉忠節公遺集

卷八

六

看得故華州州同張某志切農功水利憫旱
勞之害稼灌溉無資操畚鍤以鳩工胼胝不惜履
行州境舊有兩河南距惟山北流入渭東連太白
西接石堤性湍悍以靡常逢夏秋而為厲民厲其
厄力難自全乃故州同張某相泉源之高下因地
勢為節宣不莖不乘竭經歲之勞頓隨疏隨築利
合境之黍苗遂使舉趾者無抱甕之難築場者美
如雲之美上同鄭國之懿號渠以張名近方杜預
之芳稱里名張里去思益永遺愛猶存在昔白公
賈侯傳竹書於奕襖許陽王煥享廟祀於千秋

其功在閭閻故得榮分俎豆我 皇朝悉心民隱
加意循良不有所褒其何以勸況彼都人士蒙利
賴者六十餘年今公舉紳耆頌豐功者萬口如一
再查應陽係故明萬曆末年在任之官故公呈援
許登仕康熙四年入祀之例官雖隔代澤永今茲
合無比照州倅許登仕之例俯順輿情躋之名宦
俾黃童白叟獲慰戴德之初心庶尹百僚益勵親
民之實政

臨潼王宦入祠看語

葉忠節公遺集

卷八

七

飲源珠泗分席關閩遊萬石之間家人嚙哺共三
姜之被兄弟怡怡奕世箕裘允矣專門之業中閨
琴瑟穆如在御之音學博而精品高而正能言距
楊墨功在聖賢願學惟程朱言惟法戒至於妖變
皆息共知徐孝克之誠棺櫬並營今感蕭建安之
惠其然券也原非市義即誨人也亦豈要名往者
秉鐸淮南一甕雪冷迨後懸車畦時舉坐春溫惟
至德之可師故傳經之弗替槐庭晝永看玉砌之
芝蘭楓陛春深降恩綸于霄漢寡尤寡悔允為鄉
黨之楷模以德以言宜享春秋之俎豆

靜寧州慕氏兩贈君崇祀鄉賢看語

看得已故慕宦誥贈通奉大夫江南布政使司布政使某學擅儒宗行為世法翠屏挿漢秀鍾河隴之陰營室分宵族衍新鄉之胃櫛遺風于曾閤堂上椿榮眷同氣于姜田樓前萼韡雖青雲路杳共憐十上之才華而白鹿名高羣仰六經之鼓吹振敷城之鐸清音如繞雲溪鳴宓子之琴元韻長流洛水往者黑山青犢雲擾金明木箭紙翎瓦全上郡方其捷書夜奏真成一戰之功不謂大邑新除未綰半通之綬用是懸車栗里博聚生徒築室婁湖廣施親故通津梁以利涉投藥石以活人泮水

葉忠節公遺業

卷八

碧芹香髦士上好音之頌村煙茆屋斷餓夫思饁粥之恩惟仁如其仁乃孝以反孝故贈君通奉大夫江南布政使司布政使某學舞斑衣重逢大被居廬毀瘡豔傳白雀之雙樓同爨離和爭羨紫荊之重發負三郎責盡舉然之拾幼安金一揮不顧至於馬少游之處世鄉里稱為善人魯仲連之射書東海名之義士良由世德夫豈矯情更異者封豕薄城衆踰數萬安平養士立散千金焚祝告天霧隱髯公之陣策勲飲至烽消月氏之城此真可謂筆掃隋何劔寒絳灌者矣以故美報不於其身

餘慶克昌其後誕生元輔洊歷上公擁旄節于三江百城飲福接簪纓于八葉九命追榮是父是子肯構肯堂乃祖乃孫允文允武久膺廊廟之絲綸宜享宮牆之俎豆允孚物望實愜輿情

華州陳贈君崇祀鄉賢看語

看得故宦陳某璞玉輝山峽蘭秀谷孝養華黍家門沿萬石之風直擬朱絃間黨重二荀之論悼及泉之比化負土靡辭卹在祿之化離分荆不萎以至旅魂泣月重歸故國青山迨夫弱息飄蓬再返舊家烏巷早觀光於半壁穆乎鄒魯遺風久蜚譽

葉忠節公遺業

卷八

九

於前矛展也王楊逸藻檀溪居士立館延賓栗里先生為詩命子於是叩便便之腹經笥晨開顧朗朗之山墨莊晚築果獲三珠於厭火先鳴兩鳳於朝陽看閭苑之花天上碧桃勾萌仙挾紆大邑之綬縣門棠樹連理靈椿鸞詒雙銜酣咏太平之日鹿車自挽逍遙空谷之年允媿仲舉之清高如觀太丘之長厚以故生為黎獻人欽月旦之評自宜歿奉儀型世配春秋之祀瞻宮牆其不遠肅俎豆而居歆國典攸彰人倫永式

雜文

條諭

為勸實學以振文風做諸竅以造後進事照得學
古有獲尚書所稱緣木而求孟子所戒故教亦無
類而士惡面墻雖通塞之運或不繫茲德業之基
良亦由此況以近揆遠攬古於今確有同風了無
異趣我 皇朝啓運文命誕敷戶競藏修士爭鼓
篋以故奎明東井墨燦西園尺璧寸珠往往而有
雲螭霧豹無地無之卯辰之間八股中廢酉戌而
後旋即施行道以暫鬱而重光運且方興而未艾

葉忠節公遺藁

卷八

十

凡吾髦士敢外同文本道銜 命來此一載于茲
矣睹軋茁之成風憫懦薄之難振雖才謝往哲而
志屬羣英故巡試所至扣囊傾腹面命耳提夫豈
矜炫已才取誚識者良欲化邊陲椎魯之習弘
天子格被之風也乃西履平涼徧閱多士貌誠猥
鄙文更空疎不曰業廢于貧寒則云功輟于徭賦
嗟乎古今文士不盡膏粱天下寒儒豈皆駑劣橫
經負耒耕讀之事理不相妨志道觀光遐邇之人
情無所擇漢樂暴秦之灰燼而賈董方總班馬挺
生唐承六季之波靡而王魏先驅韓柳並起公孫

舉于牧豕亦通春秋李密雖騎黃牛猶讀漢史以
知士貴自立豈關人門若但藉口單寒母乃暴棄
且爾平涼豈緊僻陋七序之作昉于梁竦潛夫之
論著自王符皇甫謐帶經而鋤奇章公獻賦而遇
士必固貧乃達人不擇地而生揆之昔賢何容多
讓本道憫爾放棄易爾自新披瀝丹棕用告遠近
尚鼓朝氣毋歎暮轅

勸賑江右難民教

竊聞蒙難去鄉民罹大劫瞻災拯急人有同心故
矯詔發倉罪獨寬于河內汎舟輸粟誼不絕于秦

葉忠節公遺藁

卷八

十一

封而況水旱洊臻又濟之以盜賊流移載道實得
之見聞者乎邇者小醜陸梁公行剽劫因之大師
雲集到處烽煙野渡舟橫萬室妻孥同一哭荒村
竄冷四郊樵牧斲斷千山轉徙途窮盡洒阮生之淚
化離中澤如看鄭俠之圖憫此哀鴻疇無廬墓田
園之念傷哉土著皆為東西南北之人富已無家
貧且奚仰夢杳樓臺何所露宿沙眠悲籌耕鑿無
期鵲衣鳩面嗟彼瀕危老弱蟻聚江干堪憐在祿
兒童啼殘夜漏困乏王鳩之米瘴逼飢腸鐫無陸
羽之茶炎蒸枯腊飢而死非其正命病且疫共有

隱憂用是撫鎮以及司道府廳各衙門蒿目焦心捐貲救賑籌畫已備無俟贊襄但本部銜命來度目擊此厄從大夫後應切同舟分朝廷憂敢辭越俎業已薄捐清俸不過少潤涸鱗然私念來者源源瑣尾未歸于故土而助者眇眇盤食何補於飢夫自非聚沙以成丘何由救熱而拯溺因思滕甫之席屋先約富民近如周忱之賑荒亦賴大賈本部職司權務豈不知商旅之疲勞而心忍流民又欲丐仁人之涓滴蓋以爲貧爲富財力各不相侔而成已成入惻隱吾所自有用是不揣鄙陋

葉忠節公遺藁 卷八 十三

妄襲老生之迂談無非想望安全暫效頭陀之苦行擬于季夏之朔就東西兩廠置甲乙二筒凡扁舟抵關輸斗米備賑穴孔受物用杜侵漁編簿書名示無擅美樂助者多不傷惠緣固隨心守約者量勿過愷數求毋儉每至月終悉出買米計所受之數給無告之民嗚呼乞鉢兩于弘羊則白骨生肉但吹噓于鄒衍則寒谷回春仰藉慈航共宣德意庶免夫獨爲君子之恥以自解美一籌之譏倘謂爾指公以苛派敬謝人言或疑我掠美以市恩有如皦日

詳稿

謹陳裕餉之末議曲全被脅之諸生以新文教以濟軍需事竊惟用兵之地莫切于軍需而供億之勞莫甚于秦省皇上愛民如子不忍加賦絲毫惟俯允廷議廣開事例鼓舞于功名之途而推行爲飽騰之用如江南總督阿有請定復額捐輸之例九卿會議童生捐銀一百兩准爲生員又安徽巡撫徐有請旨事一疏九卿會議除照十五年以前額數進取外其餘文童每名捐銀一百兩准爲生員將此例再行科試兩考又廣撫金請旨事一

葉忠節公遺藁 卷八 十三

疏九卿會議嗣後武童亦應准其捐納有願捐納者每名捐銀五十兩准爲武生皆奉有俞旨自在遵行率多成效此皇上洞鑒人情精思國計深知捐納之上可裕餉下不病民故朝拜章而夕報可也本年月內據提學道詳請有階文兩當徽成五州縣遭被逆居數載文武生員曾經僞官考試若徑行收考恐有違碍若一與竣拒念各生脅從苟免勢非得已隨咨請禮部查示去後及准禮部咨覆查閩省云在案臣一見部咨不覺咨嗟歎悼甚憤其一時迷惑自棄微名而又深憫其不

幸脅從自新無略及聞邸報見廣撫傳一疏云

已經奉旨遵行臣細繹此例之得以先行者蓋由偽取入學之童生本是朝廷編戶之赤子故雖脅從既能急公捐納即可刮垢自新耳今階文兩徽成五州縣文武生員乃歷經提學道考取紅案有名之人既非偽取入學者之比而亦不盡如閩省舉人林茵等之已受偽札為官者也且階文等五州縣生員既不便考試則漢興之生員自當遵照此例亦不考試矣查階文等五州縣文生共八百八十餘名武生共二百五十餘名漢中府及

葉忠節公遺藁

卷八

十五

所屬九州縣文生共一千七百九十餘名武生共四百六十餘名與安州及所屬六縣文生共五百六十餘名武生共一百五十餘名統計文武生員四千餘名除中過偽榜及領過偽照出貢受過偽劄為官者不議外其餘文武生員雖經偽官考試而非係曾中偽榜及偽貢偽官者合無比照廣撫傳所請之例准其捐納在諸生瓦全原有之功名在朝廷坐收數萬之軍餉誠公私兩利之謀無溢觴培克之患臣愚以為凡被脅偽考之廩生每名捐銀六十兩增生每名捐銀五十兩附生每名

捐銀四十兩青衣社生每名捐銀三十兩俱准復原廩增附青社生收學肄業照常考試凡被脅偽考之武生每名捐銀三十兩准復武生照常考試此等情願考試者俱令具呈提學道查明前案並無斥革緣事違碍等情准其在原籍州縣照數納銀該州縣出給實收并捐過銀兩姓名文冊印結呈送臣衙門造冊報部將此銀兩即起解司庫候撥兵餉不特多士歌詠堯天而戎行亦可宿飽矣再查此等四千餘名之文武生員其中貧老病廢不能捐納者多不過數百人其餘一聞此例惟恐

葉忠節公遺藁

卷八

十五

自錮於清時勢必爭趨而樂就約計捐納多寡不同合算可得銀十二三萬兩況此例一開推而行之新恢復各省大省生員少不下四五萬小省亦不下二三萬生員既多捐納者亦多合秦蜀滇黔楚粵而計之可得兵餉百餘萬兩議者或疑新復殘疆地荒民貧力必不辦此言似是而實非也天下之無意功名者即擁厚貲一毛不拔至於英年有志之士家雖貧薄甘心拮据以求見用人情盡然況此等回念本來原有之功名偶被脅從終身廢棄內無以慰父母妻孥外無以對鄰里親戚

不能觀光而取名位退不能改業而事農商有不
竭蹶以圖求復故物者乎其樂輸之情一也今蜀
中新復需餉浩繁已移廣東事例在四川捐納而
急公者寥寥蓋因各省之人移貲遠納率多畏慮
險遠故裹足不前今以本府州縣之人即于本地
捐納易便較多其樂輸之情二也又近日捐納童
生非不黽勉從事然其中猶有逡巡疑慮者蓋由
文理未通不無歲考劣等之患今此等生員歷經
考試其樂輸未復之人皆懷才待試之士有何疑
慮而自暴自棄乎其樂輸之情三也且或人少而
葉忠節公遺藁 卷八 六
捐納者微臣何容多開此例抑或罪大而法無可
追臣又何敢妄作是言今就秦論秦人盈三四千
捐可數萬兩若行之他省又十倍之所裨于軍需
不為微矣原係舊取之生員未受賊中之偽職捐
貲以當贖罪准復以予維新揆之于情法不為縱
矣 朝廷獲無碍之兵餉士子復故有之微名聽
其樂輸而非聚斂示以浩蕩而兼獲人才上佐軍
興下寬民力因時籌餉此言不無小補故敢據竭
芻蕘仰祈採擇伏祈 睿鑒勅部議覆施行

表

擬 上以長白山發祥重地 特命禮臣議

加封號永著祀典羣臣謝表 康熙十七年

伏以 帝出乎震肇東方長發之祥 王配于京
咏西土受天之祐我求懿德溯 祖宗統緒所由
來天作高山與嶽瀆公侯而並重莫舉莫廢著之
祀典八千歲以為春秋有報有祈錫以嘉名億萬
年垂之史冊神人胥慶秩禮兼隆臣等誠惶誠恐
稽首頓首上言竊惟伊耆姜水姓隨育聖之居顯
項高辛名繫興王之國推景毫之景命燕祀高禩
葉忠節公遺藁 卷八 七
歌豐鎬之豐功鳳鳴岐麓夢黃蛇于廊衍史稱上
帝之徵獲靈寶于陳倉城建夫人之廟由來山岳
必有神奇自古帝王類多瑞應至于新豐雞犬太
公自愛屠沽即如舊社枌榆高祖惟祠羊豕三神
山上共譏海市之迷萬歲聲中莫悟嵩呼之誕名
山五千三百地不皆靈封禪七十二君禮無可考
虛勞漢使祭碧雞金馬之神遠笑宋儒誇紫雲黑
龍之瑞不知鬱葱佳氣定在春陵潏沔龍池自開
興慶然未有孝思水木極報功崇德之隆禮酌古
今得錫封秩祭之正如 今日者也茲蓋伏遇

皇帝陛下節宣二氣懷柔百神蒼璧黃琮式奠清寧之位龍旂鼉鼓肅將俎豆之誠愼乎聞愼乎見覲謨烈於羹牆不欲數不欲疎凜春秋之盟薦

六龍飛蓋徧謁 諸陵乙夜齋宮永言 列聖念

守成而思創業謂人傑之由地靈乃長白山瑞啓

東陞 寶曆資其呵護氣連 北極山神宜有褒

崇 專勅重臣載觀奇蹟經額赫訥陰之地一嶺

朝天遶五府虎石之旁三江入海鶴鳴雲外如引

使星之車熊立池頭似接從天之 詔乃誦 綸

音而瞻拜雲霧初晴爰躋靈境以盤桓峰巒似畫

葉忠節公遺業

卷八

十六

土培白樺不讓大夫之松露潤黃花疑是姮娥之

桂登其麓則五峰圍繞移來匡頂香爐陟其巔見

一水澄泓絕勝天台雁蕩而且茂膺神貺受賜七

鹿以歸因之拜別山靈回望五雲不見真神奇之

莫測爲史冊所罕聞 特諭禮臣會同政府詳稽

載籍務合典章流覽唐宋之名封博搜元明之祀

禮正封王謚帝之謬名統一神除興國弘聖之文

祀如五嶽牲醴惟部臣是問庶饁則將軍制之盛

典徽稱精誠達于九有報功介福仁孝永之萬年

臣等職司方望禮味靈沈愧學山未至山景行彌

切不與祭如不祭彤璽維虔然觀五禮之事神祇

以享以祀亦奉兩珪而祭山岳或假或懸恥頌東

封敢效輦于司馬願爲小相竊附驥于公西伏願

磐石爲基岡陵作壽仁樂山而心若谷靜而能虛

外備物而內致嚴禮以將敬有孚顒若無忘神道

設教之心仰止高山爰繩燕翼貽謀之緒將見蓬

島仙雲時依 宮闕終南佳氣自近樓臺綠石丹

砂遂致諸山之銀甕金泥玉檢常騰半夜之神光

油然雲沛然雨率土兆太平之象文作豐武作鎬

萬年開有道之長矣臣等無任瞻 天仰 聖激

葉忠節公遺業

卷八

十九

切屏營之至謹奉表稱謝以 聞

葉忠節公遺葉卷之九

芳

男 勇

編輯

子房

詩

次滁陽贈金驛傳長真

去年剖竹別京塵
芍藥紅開兩度春
一自羽書勞
廟算直將魚契付
才人麥岐翠接江
潮潤艸色青
隨馬足新道左
忽逢如有約
舊遊文采得重親

讀何元表詩類靖節依韻答之

葉忠節公遺葉

卷九

病起樂招尋閒中笑語深
憐無一擲膽幸有百年
心老去工詩律
狂來誦酒箴
曠懷由日落對客且
披襟
客歸還是客
從客聽陽春
傾蓋人如故
初秋月倍
新話偏更漏急
釀獨酒杯真我意
但如此誰能來
往頻

酬方念博昆仲四首

而翁而祖舊南牙
六代風流譽望賒
富貴家園銷
貝錦賤貧文字尚
籠紗手中塵
拂桓公玉筆下詩
開江令花莫歎客途岑
寂甚相逢孔李盡通家

夢回忽忽幾曾醒
今夕何緣聚德星
對月莫愁銀
箭盡開顏忍令羽
觴停嚴城獨夜蠻
煙黑急雨空
江野火青讀罷長
歌拚一醉不須掩
淚說新亭
漫說當年侍從臣
簿書銷歇上林春
病攜本艸供
高枕秋憶鱸魚待
釣綸醉乏郎中桑
落酒賦成公
子洛川神君家舊
有孫弘閣何事栖
栖遠問津
蕉影蘭香蔭綠榕
喜緣大鳳識雙龍
欲然佛骨心
原壯一上雞壇與
轉濃輝映萼樓花
韡韡神清秋
水夜溶溶獨慚絕
唱真難和擬向高
齋日過後
飲虔州上佐顧輿山暖雪亭四首

葉忠節公遺葉

卷九

江湖蕭瑟共萍踪
吾黨風流仰顧雍
曲檻似移家
裏屋層樓欲奪郡
前峰談深酒力消
涼雨夜靜山
光隱埃烽十載宦
遊難此夕兵戈幾
得故人逢
多君逸興未全無
暖雪亭開對鬱孤
樂部翻新歌
水調尊羹依舊出
行厨秋風倦羽悲
三匝暮雨連
潮急五湖慚愧東
軒鹽酒務比來牛
馬任人呼
更移銀燭話平生
漸覺歌聲雜雨聲
萬里間關空
歲月一官遷謫忘
才名著書自挾風
霜氣詣壘全
銷艸木兵倚馬不
須誇作檄由來伏
獵位公卿
虔州高會擬河梁
不學齋宮周太常
步輦告身謁

者監牘傳府帖羽林郎疑光夏屋然山麓薤露新
聲出妓堂都入長康聞見錄日鈔一紙貯奚囊

聞宮定菴庶常改授侍御二首

侍從新恩拜裏行六街人望繡衣迎文章舊自兼
忠愛風采今看動聖明民力已窮猶轉餉中原
何日可銷兵需君早定安危計莫但空言吾輩輕
惆悵空梁月影遲別來風雨共相思解頤詩記連
牀夜痛哭書成未遇時報國好憑驄馬使傳經何
必鳳皇池朝回莫便然餘艸好寄東軒慰所知

詠史五首

葉忠節公遺藁

卷九

三

羽葆桐珪上將壇至尊推轂出長安令懸朱邱春
雷動劔擬諸侯夏日寒人醉葡萄飛輓急馬甘苜
蓿過江難荆門天險真堪恃壁壘千尋仰面看
特牲告廟誓兜鍪萬騎從王度隴頭政府尚思開
蜀道邊書又報失梁州欲分處仲無君謗故遣鐫
羗就父謀兩將可憐膏野艸骸間白骨有誰收
花門別部騎如雲飲馬西湖落日曛綠酒自澆蘇
小墓青碑却碎鄂王墳千村燕壘荒林見八月潮
聲午夢聞天使無諸真授首酬功可及李將軍
中原財賦大江通特借賢王坐鎮功遂有蛾眉陪

曲宴可憐猿臂怯雕弓田荒吏酷三丁盡賊去兵
來萬室空牢落新亭杯酒後更誰揮淚說江東
飛猿嶺上夜鳴笳野哭江村淚掩沙八口賊中猶
望活全城兵到已無家平臺寶玉門成市明月歌
鐘女簇花便復豫章歸版籍不知何地種桑麻

同王夢航前輩登虔城四望感賦二首

城頭遲日散輕煙歷歷江村思黯然二水合流高
岼岼四山如抱一城懸鴻飛不盡監門畫笳吹頻
過下瀨船望裏陣雲消未得賣刀補屋是何年
愁來徙倚女牆邊百雉周遭顧影圓江水橫流新

葉忠節公遺藁

卷九

四

戰血馬蹄平踏舊桑田朱旗青角城頭月碧樹黃
雲嶺外天重顧文成開制府不將形勝幸安全
虔城東偏有八境臺臺有蘇文忠公八咏余
意臺不足傳以詩傳也及奉命司權獲
登斯臺雖輪奐宛然而題咏不可復問因
錄郡誌所載原唱勒之片石并和八章使
後之觀者知臺以文忠八咏而傳非余好
事謬附古人也

江流依舊遠層樓戎馬誰分南顧憂憑弔更憐蘇
學士難將詩酒博封侯

千山雲樹送春還風起江樓作暮寒獨坐漫生今
昔感推牕極北望長安

蔽城春水浪花堆遠浦漁舟不開只有上流笳
鼓急帆懸明月過江來

波光嶺樹望中明對酒難誇吾獨醒皂蓋不來樓
寂寞聯拳鷺立自亭亭

此間何地可安禪極目千村思悄然樓上春光樓
下少傷心應在繪圖先

霧氣晨收艸樹中四山無雨亦濛濛何因二水爭
歸北不似長江只向東

葉忠節公遺業

卷九

五

晴沙曲曲抱高臺面面疎櫺鏡裏開只此幸存宜
眺望鬱孤遺跡已蒿萊

樓頭顏額字參差名士風流總未知留取寒山一
片石從人細讀長公詩

雙瓜燈

丙辰秋七月余客虔州時差期已滿會粵
東告變廬陵失守歸路中梗羈栖官舍者

四閱月矣風鶴頻驚夢斷圍城之拆家山
在望眼穿子舍之雲胸結千愁閒無一事
是夕余僕剗瓜作燈鏤以詩畫懸之亦蘇

堂亭柱頗為可觀因戲占一律

及瓜猶未代幾望乃重華獨拔嫌疑地雙懸詩画
家熱中心欲碎繫我食還賒寶炬何為者青門舊
種瓜

雙江秋月行

雙江秋寒潭空翠輕煙流雙江月後人所見自圓
缺雙江今夜秋月明霓裳無聲戰鼓鳴月亦如人
遇離亂陣雲圍老姮城城潮州鱸魚南海鯨張口
爭欲吞天星天星散落夜飛雪城南山下光熒熒
十八危灘水波惡古渡無船水亦涸月光半斂慘

葉忠節公遺業

卷九

六

不舒似畏離頭風浪作我思此月懸帝鄉未央宮
殿流輝光君王深坐應歎息南征將士侵風霜風
霜瘴癘遠相惜思婦樓頭眠未得空庭水浸擣衣
砧却似江干望夫石此時明月亦暫圓人人相顧
心悽然幾處埃烽催鐵騎數聲清怨入冰絃夜闌
自笑我奇絕不因我愁可無月將軍乘月擁如花
一曲新歌淚流血

九日贈別溫秀才之安遠二首

多才長作客踪跡似羈縻肝膽應誰向文章莫我
知悲涼慚孔李感激笑秦儀但憶初相見還勞別

後思

聚散吾徒事平原不足論處囊應脫穎有缺豈無
揮帽落茱萸宴驪歌燕雀門遙知灤水上懸榻待
陳蕃

酬佟儼若

有序

長至後三日哲鎮帥邀集少宰舒公大中
丞佟公暨諸僚吏之城南汎舟觀魚爲樂
余獲同遊俯仰煙波忽忽如醉俄見一舟
溯流而上顧其人頽而長文而秀者爲大
中丞公子仲也心竊異之已而雜坐共食

葉忠節公遺集

卷九

七

各爭腹尺馬嘶騶哄喧然旋歸而余適與
公子並轡因爲余具道八年前雍中講肄
時頗有稱許余久不及憶而公子云無一
日忘之隨承過訪投詩三章以誌其事讀
黃絹之辭逢青眼之客擊節長吟樂可知
也敢曰天涯戎馬闌筆輟和乎步韻奉酬
如左

落落真難合孤懷只自知何緣豪上酌獨傍謝庭
枝指水翻文浪伸虹作釣絲殷勤重話舊猶記執
經時

歸路斜陽裏搖鞭笑語親八年猶憶我一見已驚
人世俗輕柔翰江山感聚榛多君相慰勞千里亂
離身

投我新詩好芙蓉映曉陽言情如繪景聞誦若含
香意氣真同調形骸欲兩忘對君將起舞自謂我
非狂

寄內

時寇阻
虔州

拙宦羞微祿貪來萬慮空不緣君命薄自歎我途
窮別淚啼春雨驚魂溯曉風此身歸未得搖落亂
離中

葉忠節公遺集

卷九

八

一年江水斷知爾倍銷魂嘔血占歸夢升堂拭淚
痕嬌癡兒女果疑信路人言辛苦憑誰訴柴門烏
雀喧

索米長安久艱難不可支驚機爭夜漏珠珥續晨
炊孤露無如我分憂更有誰故園雲樹外慰勞是
何時

我豈甘遊宦烽煙感鬢華松楸繁旅夢菽水愧田
家有翼如歸鳥投簪便挽車好除三徑艸同種邵
平瓜

壽沈葉師五十初度二首

曲中郢雪歎知希便著羊裘上釣磯自著萬三千
字序原無四十九年非絳帷算歷慙高第冰署挑
燈羨少微莫訝休文消瘦甚從來仙骨不勝衣
學易忘機臥薜蘿長貧端不羨鳴珂河汾處士文
中子洛下先生安樂窩舊日詩篇誇積玉近來書
法換籠鶯天涯戎馬猶如此歸去名山業正多

雨中邀佟儼若同沈業師看君子堂顧見山
壁面復登樓遠眺淺酌深談久之別去儼
若投贈四章隨依韻答之

日日含悽對翠屏客過尊酒話飄零家園夢到愁
葉忠節公遺業 卷九

銷骨人吏稀來雀滿庭十月圍城多眼白一牕苦
雨共燈青無端清角吹寒夜又逐霜風度曲櫺
兩年華髮換西州自笑真同漆室憂未必有才真
欲殺何如將老便歸休人逢多難詩逾瘦暑比空
山雨更幽與爾憑高瞻眺後可曾作賦擬登樓
君子堂成人化猿虎頭墨蹟照東軒怪來肯構無
餘地看罷關心為故園烏鵲夜飛三匝倦魚蝦市
貴一溪喧爭如十畝方塘畔高臥長吟著法言
珠歌翠舞席兼珍談笑還輸吾輩真瘴嶺尋山無
片石旗亭畫壁只三人長卿貴進偏工賦東老酣

餘不厭貧把酒與君商去住兵戈滿地惜逡巡

丙辰五日虔州官舍

一生佳節半生孤四海風塵逼老夫倦倚鎖廳看
處燕苦從戰壘摘新蒲丹砂漬酒添紅淚彩縷懸
裳媿白鬚莫笑圍城無敵愾營門早貼辟兵符

虔中雜詩

佳節重圍裏銜杯涕泗橫軍聲思北府歸路斷西
京戰伐乾坤小流移骨肉輕還聞二千石間架稅
孤城

賊騎東西合軍心艸木愁輕肥堪大將功級耻通
葉忠節公遺業 卷九

侯壚落爭投足衣糧責賣牛遺民復何意蕭鼓賽
龍舟

壁壘真生色新懸帥字旗先聲嗷早計持重在多
疑外府需錢易中軍刻印遲緣知趙充國方略未
全宜

乘驄趨幕府推轂下江津重鎮矜新拜微詞避舊
人棕櫚無益智湯幸有茵陳得婦兵戈裏相看麥
子親

龍驤南下日身使後車隨氣奪無諸量功輕新息
碑千山聞杜宇一舸載峨眉共訝班師早不知勝

負誰

落落南征將逢人色慘然吏偷裴度印糧逐呂嘉
船卷石封庾嶺懸軍守甕天回看灘水隔跼跼墮
飛鳶

信布稱兵日番君忠愛多恩光浮綠瓦誓血指黃
河亦欲爲天子居然作尉佗羽林驚象戰移帳失
干戈

孫恩圖竊據嶺暗百蠻氛遂有長生號都憑娘子
軍番黎騎白象旗鼓屬紅裙汝父今如在焉知不
負君

葉忠節公遺藁

卷九

十一

將略徒知己風雲善屈伸全師真得計能走即忠
臣河上堪持狄山中且避秦空城羅雀鼠慚愧說
張巡

四面烽煙逼孤城一綫懸未聞求劍術但解括商
錢白著爭皮骨黃巾任歲年軍中誇大將自筦度
支權

太守身殉國樂樂志不移得釋孤子淚何忍上官
知雅好垂黃綬虛文笑墨衰書生不曉事腸斷補
亡詩

戰馬悲鳴去偏轅夜遯寒雕弓蓋月上鎖甲共花

殘有恨提袍鼓無聊把釣竿重尋食炙口甃勉乞
盤餐

意氣今朝盡居然歎數奇依人看色笑含淚拜偏
裨一青應憐汝孤軍又屬誰莫嫌江路斷聞詔且
需時

節鉞從天下孤城化日舒欲前曹沫耻俱上李陵
書埃火消寒雪桃符厭故廬橫行諸將吏對此意
何如

白下江頭路重圍風鶴驚多憑李常侍直取蔡州
城殺氣堙川谷軍聲別姓名可知飛將少今古不

葉忠節公遺藁

卷九

十一

常生

膽略大於身漁陽拜後塵兩城無立艸千里有行
人神速先驃騎風流愛角巾論功休樹下儒雅自
恂恂

八部螺山戍圍城隔大江飛濤橫畫艦燎火照軍
幢未戰皆輕敵相持似受降鳴笳催月上兒女話
船艎

梁王堅壁壘飛炬挾風雷賊騎銜枚入中軍踏雪
回覓旌橫野艸玉帳付寒灰只有孫臏智收兵戰
勝來

軍書馳晝夜徵調徧多方回紇黃沙箭良家袴褶
裝幾曾當戰陣日與送衣糧步擔者誰子衝泥淚
萬行

白鷺洲前望書生意不平九重空帑藏一戰惜身
名師老輕民命田荒藉寇兵依然春殿上唯諾是
公卿

却寄佟儼若四首

十載爲郎老大回將迎巧宦愧無才獨憐同調天
涯別一舸悽然帶雨開

送別新詩續渭城桃花潭水故人情石尤偏是春

葉忠節公遺集卷九

十一

來急似解離愁杞遠行

青帘紅杏故園春歸去來今少戰塵他日艸堂頻
寄州今年人日和詩人

侵霜倚劍戰場過顧盼誰爲馬伏波君若趨庭勞

問訊文成曾此誓山河

過螺子山口占懷儼若

紅顏綠醕戰場春高臥何年掃戰塵回首虔南三
百里談兵還讓讀書人

寄懷佟儼若

虔州城南崆峒山青濛點點蟠螺鬟虔州城北章

貢水煙波渺渺愁彼美山高水深道阻長懷人不

寐淚沾裳牀前霜月思誰見天外歸鴻字幾行憶

我此監鹽酒務重圍埃火連朝暮戰鼓雷鳴白鷺

洲羽書風捲芙蓉渡紛紛將吏心計窮得失孤城

呼吸中中丞匹馬開江路方州十部披春風偶觀

水塘到江止割鮮行炙鬪牙齒座上爭誇櫟里侯

衆中獨識佳公子歸路因談夙昔心肯將郢雪許

知音一燈風雨敲詩細兩月琴尊惜別深共畏亂

離商去住一江寒雪余先去此際分携倍黯然把

酒低頭訝無語只今爲別半年餘羅勝葦桃又歲

葉忠節公遺集卷九

十四

除書去書來言不盡人南人北恨何如近聞中丞

掃攬毒君才往往耽箋牘疏上監門帝曰俞軍

中露布人傳讀如此才華名未成那堪嘖笑與人

爭不耻短衣隨獵馬每因長袖惜繁纓老儒偃蹇

爲卽久敝褐緇塵牛馬走怪我遭逢笑我愚愛君

文章與君厚噫嘻終生今人生何必才上林長楊

安在哉夜鬼哭殘蒼頡字馬矢高于昭王臺不如

黃金白壁走燕趙高牙大纛衣錦回

送錢越江南歸

鶯花共憶故園春客裏分携倍愴神路出去年同

宿處馬催芳艸獨歸人上林已獻猶懷璞舞袖雖
長又積薪且候江鄉桂花發好隨明月上秋旻

呈謝吳大宗伯四首

有序

歲次戊午節屆中和 天子御甲乙之帳
敷金玉之音博訪儒臣用襄文治並宣宰
執得共明揚於是我大宗伯吳公少宗伯
楊公不以映榴爲不肖公疏徵名擬陳
當宁榴聞命震驚疾馳敬謝三返獲允寸
心始安嗟乎一官落拓楊雄每歎其窮再
命偃僂孔子欲持其滿雖吾生多幸得出

葉忠節公遺藁

卷九

十五

狄公之門乃小子何心敢謝李君之御憶
自殿頭三唱曾上瀛洲迨後仗下一麾便
淹蘭省目斷枝頭靈鵲怪底重棲傷心去
後桃花笑伊前度況乎賦慚五色史乏三
長學不前人年隨流水設問建章宮千門
萬戶畫地何以成圖倘校秘書監四部五
經刊訛不可勝數恐有妨於薦鶚願自返
於屠羊然而吾子謫仙會呼供奉此君小
異獨識參軍說項斯者誰人士固伸於知
已逢伯樂也何幸恩豈待於成身桃柳春

風記得捲簾之處參苓藥籠終爲立雪之
人長者絕子乎誰能遣此先生教我矣何
日忘之矢報塞以有懷實感恩而欲泣短
章見志謝此日之品題長劔倚天冀他年
之拂拭

乙夜天書出禁中舉朝人得薦楊雄欲分四庫搜
今古直與諸家夾異同 聖主好文丹穴近羣公
交辟皂囊空無才恐玷山濤啓甘老江干喚阿蒙
春風歸燕蹴泥香珍重珠簾捲畫堂夫子識原工
相馬小臣意自返屠羊齒牙餘論堪千古桃李公

葉忠節公遺藁

卷九

十六

門亦一莊宵把雙環讓黃雀銜來還貯舊巾箱
敢同嚴助展承明九灰圍城博一生夢裏松楸遊
子淚堂前菽水故園情狂貪詩酒緣多病貧不交
遊失盛名只讀父書三四卷漫勞乞火到公卿
如公直道繫人思一代斯文已在茲手洗甲兵雲
漢裏身勤吐握太平時科名原系門生後涕淚真
因知已垂辜負品題雖自棄百年終感魏無知
呈楊少宗伯

詔傳天上綢羣英夾袋先疏賤子名博豈張華堪
顧問歡如羊陟慰平生走書從索菰廬草癖性真

虛長者情猶幸社前歸未得傍公門戶好飛鳴
甘泉羽獵賦新詩猶憶當年侍後時可歎謁來牛
馬走那堪重到鳳皇池衰親白髮倚閭倦荒穰蒼
苔復上遲敬謝丈人非得已一雙青眼寸心知
高山流水幾知音千載風期想玉琴奏賦長楊天
子德留賓東閣大臣心遠慙武庫才原少獨識參
軍恩更深若說逃名甘自棄十年前已合投簪
落落後無掃相門故應憐我自孤根馮唐白首誰
知已毛遂傷心但自言千里燕終棲大廈一株桃
得傍名園沈吟擬副梁公薦不獨心銜國士恩

葉忠節公遺業

卷九

七

亂後歸金陵重晤金長真留別二首

與君言別處猶記醉翁亭詩卷心常憶兵戈目未
經蠻煙隨地黑人眼看誰青辛苦重相見應憐兩
鬢星

到此真如夢相看更黯然峰青重入目頭白舊忘
年雕鶚逢君健風塵倦自憐乍逢今又別雲外望
江天

壽進士范莞公母夫人

莞公遺腹子也

清宵孤月照鳴鑾玉燕初投別鶴號回首縞衣懷
繡祿那知白髮見官袍閨中母獨丸熊膽池上人

爭譽鳳毛楔飲乍過蒼州綠錦堂画燭宴葡萄
鏡臺塵厚舞鸞空成立孤雛淚眼中親檢殘編催
午夜教憑手澤認先公冰霜飽歷松逾翠雨露新
沾花正紅六十童顏五色詔一雙綵袖引春風

酬和杜讓水孔目

武庫真堪作史臣編摩歲月彩毫新甘為李杜專
門學耻說機雲同郡人野耐勸君偏苦口嗔魚食
我不批鱗故園風味天涯得莫指雕盤羨八珍

戊午春暮同錢陶雲員外恭送

孝昭皇后梓宮宿豐瞻村劉氏莊二首

葉忠節公遺業

卷九

六

凄然龍輅別椒房一代坤儀萬國傷路哭殷雷天
亦淚陌錢飛蝶艸如霜皇英地下悲相訴堯
舜宮中夢斷腸祠祝小臣隨挽紼素車白馬宿荒
莊皇英謂仁孝葉昭二后堯舜太皇太后也

青山如画抱孤村水漲桃花直到門綠野千畦沾
雨露白頭五代見兒孫鬱葱時望昭陵樹湯沐
應推故劔思真羨田家多樂事一宵鄉夢合銷魂

戊午暮春宋牧仲偕諸君子遊祖氏園亭賦

詩見示余不及與因憶丙午舊遊酬和八
章

十年花信匆匆過見說南園憶舊遊記得故人聯袂去一觴一咏亦風流

十里芳塵馬足經兩堤煙柳接山青入門苔路盤紆細行盡迴廊是水亭

湘竹屏風紅板橋一池春水映花嬌踏青人過驚沙鳥隔岸香來翠袖招

畫簾開處水雲涵花氣侵人酒易酣好景滿前應得句不須重唱望江南

爲愛山林肯賣書少陵遊興較何如城邊一步南塘路自悔尋春蠟屐疎

葉忠節公遺集

卷九

九

敲詩灑酒在高臺曾與名園訂後回一樹桃花三尺水都應怪我不重來

誤人遊屐恨無端回首當年強自寬新種好花君得見幾株老樹我先看

況是春遊不厭賒此時多有未開花藥欄紅吐茶蘼放料得相逢在酒家

酌酒與馬三坡

馬從粵西歸

依然話舊帝城春相視相驚鬢髮新回憶六年風雨夜同經萬里亂離身沅湘賦就文憎命祠祝官閒性愛貧莫笑浮沈甘吏隱只今不敢羨山人

且傾斗酒莫論詩今日真如夢醒時客裏見聞堪換聽亂中歲月較常遲君辭刺史爭身後我揖將軍笑數奇華頂白雲無恙否兩人冰雪久相期

和李容齋學士 詔舉文學原韻四首

八紘珊瑚敞清虛全盛文才古不如有詔兼收詞賦客誰人獨上治安書烽銷島嶼投戈後夢別江湖勸駕初龍口曲通西太液雨餘花蕊出長渠廟院紛然詣主司故應纁幣起鴻辭清時大雅真堪作小輩單詞安足爲牧豕孫弘需更選輸邊卜式悔高貲箕山此夜空明月松桂新香滿鳳池

葉忠節公遺集

卷九

十

比戶爭彈貢禹冠圖南鵬翮到何難一時名士風流盛千古君王禮數寬應念蒼生資坐論豈拚白首博吟安東山事業高江左不獨清談競舌端太平郊藪鳳麟遊枉致千金駿骨求不復傳王憐賈董忍將洗耳責巢由三公吐握同聲薦兩漢文章一代收兵氣漸銷羗笛裏樓頭思婦薄封侯

五日集金魚池

時從江右園城中間道入都

客心爭良辰芳讌卜清晝深樹含涼風方塘迴碧溜鬢華露葢鮮蘭根土香瘦亂離所見花入眼如故舊回首異山河撫懷驚節候茲偕勝侶遊盤桓

忘粗陋藉艸傾蒲觴丹砂笑勾漏一擲喝卷波十
巡誇射覆掬水擾遊鱗腮鬚炫金繡投餌荇藻開
徘徊若避就魚知人樂無吾從惠莊後談譚清興
移酒渴晚汀漱披襟連臂歌岸憤緣溪走肴核紛
道旁酣呼雜老幼佩萱游女歸鞍馬如輻輳釵符
壓輕蟬朱索牽衫袖歌舞喧城隅啁啾和猿狖長
安矜繁華荆楚猶戰鬪杯酒醉左徒獨醒世所詬
慷慨誦離騷誰爲後來秀天涯詩酒懷芬芳同蘭
臭雙鬢不易青一醉塞機竇斜陽樹杪催弦月女
墻逗歸鞭指西爽蒼然滿煙岫

葉忠節公遺集

卷九

三

雙槐行

長安火雲連炎荒熏灼炙手煎枯腸偶尋小園暫
遊憩陰陰夏木生清涼中有雙槐鬱相向接葉交
枝青步障掩藹仍分偃蓋形屈盤亦得虬龍狀蒼
然新翠臨亭臺霜皮斑駁滋莓苔扶桑無權暑不
到清蔭坐深風徐來同人欣賞共相顧沈吟此槐
尚孤露佳話空傳玉樹名結根未入陳思賦我聞
九陌連狹斜天街兩畔稱槐衙下走朱輪上鸞鷟
干霄翳鬱凌青霞又聞開寶尚書省月明華露飾
清影天火落絲竹聲一夜簪紳盡引領爾生

不朝明堂乃忘榮悴栖東牆輪囷百尺竟誰見何
平自起爲棟梁雙槐黯黯然盛衰雙黛枝翻葉飛綠陰
碎爲問睢陽建始中開花結實今奚在

夏日東主客李梅崖

海色浮羲輪光景赤于血大地同鬱蒸無如長安
熱屋壁爲熏鑪焦灼流汗竭青蠅緣鼻端瓜果恣
吮啜童子不因入冷冷嚼冰雪李侯靜者心顧矜
杳同列慷慨談平生促膝難爲別示我生徒文以
意定工拙目無五色迷相視笑奇絕開尊坐濃陰
衆芳惟所賴清談生涼風情至語激切文章益我
業忠節公遺集

卷九

三

貧世路忘曲折與子神理親敢曰矜氣節蘭根忌
當門蟬聲不在舌窈窕花影移冰蟾玉壺徹烟蘿
媚澄潭潭水甘以冽氣共秋旻清何爲傷并滌置
身詩書林俯仰足怡悅長袖修蛾睂豈爲吾輩設
卷舒視孤雲翛然謝塵轍

喜雨

早豈乾封意郊原百州黃輕雷初隱隱遠樹忽蒼
蒼舞石將雛乳披蓑眩女妝當牕飛瀑急出岫斷
雲翔屋壁除塵氣軒盈覺雨香點隨風勢落溜與
漏聲長不辨雲山色都涵水鏡光碧波澄太液幽

興濯滄浪煙曠林花重神清枕簟涼虛檐低燕雀
新漲沒鴛鴦青入垂楊岸秋生薜荔牆魚蝦喧小
市父老話前莊握裏輕珠玉天邊下稻梁我勞無
抱甕有歲足輪糧作省眠耕犢潮平信野航空濛
陰潤物隴隰漸含芳埃火銷應盡兵戈洗欲藏開
顏看鶴垤携杖課農桑真得田家樂幾將帝力忘
湛恩歸造化何以頌君王

露飲 五月晦

客裏尤深故舊情追陪敢負竹溪名画堂讓燕雙
棲穩小院開尊四座清風送晚涼消酒渴衣沾花

葉忠節公遺集

卷九

五

露暗香生論詩賭墅堪幽賞只恨今宵無月明

秋日書懷

暑亦有時退涼隨一葉生天空容雁度日瘦逼江
清河漢千門影關山萬里情銜杯無可語高詠答

秋聲

夜靜天如拭含情曄素惟迂疎漸早達貧賤悟前
非杵急蟲聲斷烏驚樹葉飛甲兵猶未解思切老
萊衣

口別尊簋味於今十五年書緘來往淚人病夏秋
天暝色催歸鳥溪聲憶釣船南飛憑一夢爛醉北

聽眠

但得買山貲歸休及此時手還慈母線兒誦老夫
詩月砌眠花影風潭汎酒卮野心何所託秋浦狎
鸕鷀

秋日即事

俯仰盡今古悲來不爲秋萬方同水旱羣盜自王
侯月落疑弓影晴雲結蜃樓何如蘇門士長嘯碧
山頭

宦况竟如此欺人作美談無錢供退食借馬去朝
參乞帖書千紙春衣換一酣兒曹饑不慣亦解憶

葉忠節公遺集

卷九

五

江南

咏王太常瑁湖寓齋小竹

龍月含煙數尺餘蕭疎點綴子猷居此君舊是君
家愛一羣當窓伴讀書

節疎籜直影橫斜不學柔條宿晚鴉吹徹九天看
跨鳳莫教挿戶引羊車

慈姥移根翠色連數條寒玉一爐煙騷人賦就題
僧壁定有黃門寫碧鮮

荆揚篠簞貢難通矢石紛紛醉眼中若產東南堪
作箭不妨投筆便彎弓

宣房一閉盡淇園夢向羅浮未易言把酒對君真
不俗居然塵外綠筠軒

綠潤檀欒陰小庭隔牕疑是翠雲屏好留霜雪千
尋餘編史成時待汗青

酬主客李梅崖病中見憶二首

閉關何地不山岑門外車塵與霧深貧病幸逃名
士目迂疎偶合道人心画梁秋燕起歸思露艸寒
蛩誰好音記得舊題詩句說同官同命到而今

知憐同調絕憐余暫別俱嫌踪跡疎但向離騷尋
藥艸錯看貨殖是除書艱深詞賦原無賴汗漫交

葉忠節公遺業

卷九

五

遊定不如六脉兩人都病癩那堪秋雨滴階除

官詹蘇夫子挽詞十首

一夢依稀莫兩楹高山梁木竟頽傾從今立盡程
門雪無復尼丘振鐸聲

秘笈微言續五經夜牕刪訂一燈青考亭正寢看
遺跡多是先生座右銘

乞歸綽有二疏風松菊柴門望眼中還正堂前星
夜隕更誰駢轡護言官

史局初開盛典墳不應地下作修文蒼生絕望東
山起一哭荒郊空暮雲

漫漫長夜更無春漠漠窮泉獨問津若到 孝陵
朝玉座應憐公是舊儒臣

劬履無聲鶴不還白雲黃葉滯秋山絳帷高捲生
徒散遺挂凄然在壁間

荆花半灰舊庭前五樹經霜淚泣然只有芸牕書
帶艸青青猶鎖碧山煙

學易忘機與道深布衣蔬食了塵心一生清白留
青史却笑牀頭有賜金

椒漿滴不到泉臺悵望秋空咏八哀天意未應仇
吾道好將雨露植三槐

葉忠節公遺業

卷九

五

玉棺從此下陰房燐火年年燒白楊余本康成門

下士一聲薤露淚千行

葉忠節公遺藁卷之十

芳

男 勇 編輯

子房

詩

戊午七月乾清門引見時奉命視學全泰

蓮漏初停闢九重湯隨啓事觀 天容珮聲人語

當軒靜殿瓦宮花浥露濃講幄臨風歌七月醮壇

霖雨慰三農後今日遠長安近得句應題落雁峰

曉行

葉忠節公遺藁卷十

聞鐘相顧起起趁月光行寒露艸頭重吟身馬上

輕村炊開宿火雞唱定殘更鄉國日漸遠秋風吹

雁聲

風勢曉來緊前林曙日收樹翻巫峽浪塵捲大河

流山暝路難辨馬驚嘶不休冷然疎雨過又度一

程秋

上谷道中

艱難淡泊稱平生鞍馬勞勞認舊程豈有才名堪

世用只將心力與天爭縱橫燕趙輪蹄跡遠近秦

吳母子情但去願逢書未盡莫言文筆可銷兵

伏城驛遇雪

歸鴉樹樹宿寒枝行客栖栖尚路歧未是灞橋驢

背上一天風雪早催詩

獲鹿道中望積雪二首

千仞陰崖凍雪乾不吹玉笛早梅寒山靈恐負西

遊興先放春花過客看

百里人煙斷續間斜陽積雪水潺湲興來欲借關

仝筆寫盡今朝劈斧山

己未人日醴泉令移尊夜話

相逢人日對辛盤猶有天涯故舊歡寒夜論詩窮

葉忠節公遺藁卷十

正變殘疆同宦惜艱難薄嘗春釀愁中醉遠憶江

梅夢裏看聞道北山猿鶴侶爭携彩筆向長安

夜雨論文二首

夕陰寒峭逼窗紗玉屑霏微靜不譁半世食仙揮

麈尾幾人談佛雨天花但留舌在空千古焉用文

之著百家雖少庾公樓上月掀髯絕勝聽琵琶

濕雲擁樹影濛濛合榻挑燈辨異同莫惜齒牙冰

鑑外却霏珠玉雨聲中少年宣室誰前席學士金

蓮羨後官明月碧簪晴翠迴再移講座話春風

邊城較射二首

亭障連城闕邊風吹雁翎弦開月影白箭落草痕
青磨看人原少穿楊史不經寥寥射鵰手悵望幕
南庭

榆陽遊俠子意氣萬夫雄臂健風鳴鏑心調月上
弓高低人眼裏勝負鼓聲中今日分圍處遙天斷
塞鴻

延長孫令重建學宮告成余至其邑瞻拜并

作碑記上石率賦二律贈之

荒城斗大亂峰間儒吏雍容翰墨嫺芹藻暗香新
壁水鼓鐘重振舊尼山民栖陶穴風逾古鶴聽琴

葉忠節公遺藁

卷十

三

聲夢亦閒清絕縣門當澗道一雙鴻鵠自飛還
崇岡叱馭竟忘疲瞻拜神清愜夢思棟宇久頽離
亂後官牆重見太平時辛勤化蜀才輸爾慷慨過
秦論有誰自愧老儒章句拙曾無黃絹勒青碑

橋陵

大荒浮黃雲象山失故黛畫然川原開蒼翠出煙
靄居人爲余言橋陵在矣內下直梯征塵屏息顚
再拜古柏參青霄校葉爲堊瑩黃帝禾仙時此樹
乃先在其餘二千株環陵而向背陵廟與樹連雲
氣時變隼沮水流其中觸石響清籟懷古有餘情

瞻眺得大槩當年神聖興制作史具載採銅首山
巔鑄鼎荆山界鼎成龍下迎其說近迂怪左徹不
能從抱弓致忠愛鑿山葬衣冠廟祀崇百代且戰
且學仙漢武發深慨至今祈仙臺芳艸尚掩藹候
神幸緱山採藥巡海外封禪何紛紛徒爲公孫賣
余意帝至尊不仙亦何害緬彼垂裳時今古所嘉
賴不死今有冢此言良大快惟有柏長生風雨勿
能壞

乾陵四首

梁山北望暮雲黯述聖豐碑字半淹泉下何人堪

葉忠節公遺藁

卷十

四

控鶴陵前無地可垂簾園荒石馬苔花飼夜冷珠
襦艸露霑雙闕久爲狐兔窟一坏新土更誰添
野艸黏天野火熱脂殘粉污不堪聞金輪南面昭
儀貴白馬東來愛子分長夜漸回鷄武夢舊香還
惹石榴裙只今樵牧經過此掩口羞稱武后墳
當日更衣侍玉樓真人望氣軫先憂霜摧仙李移
孤幹露種蓮花變並頭貴主上書誇面首齋娘陪
輦見宸旒風流入土難銷歇贏得桑榆又點籌
歎息松楸付劫灰蒼茫憑弔盡深秋月明華表歸
何日風滅魚燈照不開翁仲艸間無面目麒麟塚

外臥塵埃獨憐二聖還同穴不及餘香葬馬嵬

馬嵬驛三首

天然色藝占開元亡國沉冤不可言錦襪香囊零落盡一丘玉骨葬荒原

翠輦西巡悔已遲雨淋鈴夜淚空垂上皇辜負長生約南內春深更有誰

殘碑讀罷轉傷神杯酒澆墳哭太真漫說夏殷褒姒事少陵不合喚詩人

鳴咽泉

綏州夾圍水大理而居文屏山屏其南循

葉忠節公遺藁

卷十

五

山而西為雕山故以雕陰名雕山之巔扶蘇塚在焉時有白虹出塚中去塚不五里有泉曰鳴咽相傳為扶蘇自裁處泉流斷續餘哀怨聲名之鳴咽甚稱己未夏余校士至綏公事畢州守于君吳堡令李君邀余遊徘徊久之感慨係焉于李二君屬余記而賦之余應之曰唯唯憶昌黎有言凡物不得其所則鳴然鳴亦各異其或忠能折檻穎不處囊獨排羣議抗論朝堂其為鳴也激昂其或才人扼腕思婦關情青衫

雨淚紅袖吞聲其為鳴也淒清又或權佞

嫉才忠良去國憂讒畏譏吟騷賦鵬其為

鳴也哀蹙又或俠客愁深孤軍援絕易水悲歌龍沙飲血其為鳴也悲切而茲泉不

然如簷之溜如石之漚無瀑布之可懸無珠簾之可織荷承露而乍傾雨將歇而猶

滴水與石濡石為水蝕噫嘻此其所為鳴咽者歟聽之冷冷挹之榮榮若泣者之中

哽如歌者之不勝欲鳴不可不鳴不能噫

嘻此其所為鳴咽者歟方其初授軍麾含

葉忠節公遺藁

卷十

六

情未絕牽衣請留以止北轍於時可鳴也而不鳴泊乎祖龍已死奸臣矯符真偽未辨上章理誣於義可鳴也而不鳴即謂父不可違從容引決一言而死以極讒孽於情可鳴也而不鳴而乃聞命銜悲撫劍飲泣引經自裁流血成碧鬼歎鵲啼風雲變色寫怨臆於清泉激哀音於白石聞萬古兮千秋恍聞聲而於邑噫嘻此其所為鳴咽者歟乃為之歌曰

雕山巖嶠州城南岡巒森秀紛煙嵐吁嗟忠孝俱

葬此公子扶蘇與蒙恬蒙恬墓道沙飛雪扶蘇塚
菊泉鳴咽塚上長虹白亘天峽裏泉聲暗流血泣
諫阬儒難悟君一麾北監長城軍沙丘片紙倉卒
下掣劒呼天天不聞公子既死李斯裂子嬰誅高
秦亦滅忠魂哀怨寫鳴湍萬古悲腸猶百結泉流
觸石聲淙淙千巖萬壑吹陰風颯如寒雨滴梧葉
懽如敗壁吟秋蛩碎佩叢鈴共淒切珠凌斷澗自
摧折欲哭不哭時吞聲如與三十萬人訣我行聞
此摧中腸長歌入雲思激昂絕父子茂忠孝無
道未有如始皇嗚呼阿房一炬清渭竭驪山銅泉

葉忠節公遺藁

卷十

七

泉亦洩牧童失火燒其陵唯有此泉流不絕

曉發宜君由同官至池陽四首

十程荒艸雨綿綿忽換晴山到目前嶺斷谿回青
不了此間別有艷陽天

馬頭煙岫鬱蒼蒼曲澗平疇萬柳莊風過黯然驚
客思江南花艸斷腸香

笑別山君金鎖關高低螺黛簇雲鬟從今好辦丹
青筆莫畫倪迂水墨山

盤迴山盡見人家斜倚桃門望使車鬢髮縞巾梳
掠好輕蟬紅壓石榴花

白蓮花

鏡涵初日照芙蓉獨洗紅妝見親容明月六郎披
鶴氅晴山玉女倚蓮峰風來水殿迴香遠露浥花
房墜粉濃莫笑孤根甘淡泊冰霜歷歷淨心胸

方前輩同諸公子手談即事

雨歇萬山低招尋晚過溪開尊遲落月話舊憶然
藜奕罷仍瓜葛愁深共鼓鼙不嫌五斗俗剌燭再
分題

苦雨四首

日月杳何所凄然但雨聲曉窗猶夜色燈火當秋
葉忠節公遺藁

卷十

八

晴舊井無人汲新魚繞砌生蒼茫如野渡只少釣
舟橫

驚心看醉壁扶病坐垂堂硯潤常如礎衣熏獨耐
香欲行愁蠟屐暫臥數移牀莫訝人踪杳空天少

雁行

千家亾四壁萬室竟同廬木末看飛鷺街頭學釣
魚濕風吹幕重沉霧動窗虛猶恐天河竭蛟龍失
故居

一雨竟如此天心不可知市空薪米貴吏怒輓輸
遲城版憂終浸河聲或夜移悶懷同醉夢彷彿見

堯時

寄蒲城尹李寅工

晚窗風雨作秋寒夢憶重山

山在城南

李叔翰九日輕陰

誰戲馬一聲清磬又接鸞

漢王阜治蒲城有鸞集亭宮殿臺榭鸞自飛舞

獨看花

影人如菊但酌巖泉味似蘭

縣有蘭泉

吏局正修循吏傳

知君姓氏滿長安

六盤山積雪

萬里空濛氣黯然荒原盡處碧山懸

無影玉袂凌雲勢捫天上路輪蹄來有跡下方難

犬去何年且須一醺澆寒色不學神仙學酒仙

葉忠節公遺集

卷十

九

過皋蘭八絕句

皋蘭山色足繁華碧樹紅樓十萬家

閣閉借人雙眼看名花

無才如我命還憎半似貧兒半老僧

可憐邊穿擯鼻那堪定後坐孤燈

關心香艸賦湘靈絕塞相逢眼倍青

千古風流嫌吏俗

好花開不向郵亭歌板彈絲憶季長

東京文物半銷亡

祇留數幅紅綃慢禁讀周南採苕章

綠萼紅英開滿林笑他一馬換千金

奚囊匹綃堪

應辦羣玉山高隔萬尋

謝客巾衫柳七詞一生多有斷腸時

眼看淺碧垂深綠

怕是前身杜牧之

生憎今日又芳辰

艾虎釵符壓髻新讀罷離騷因

叫屈塞脩兩字屬何人

萬里黃河百尺虹

含情西去恨匆匆

天邊真有支機石不用靈禽路早通

摩雲嶺二首

一上不可止煙巒破宿冥大河衣帶白

遠樹艸痕競輕舉疑無地

空花時見星泠然御風善揮手

謝葉忠節公遺集

卷十

十

山靈

盤紆高欲盡曲曲護煙蘿

侯吏雲根立軺車鳥背過險從千仞下

遠甚百程多足穩一回顧雲山相

疊磨重經渭南

貧緣生世結秦州舊句重看感昔遊

山截大河仍北向心隨清渭欲東流

奇文未逐風煙燼巧宦知難筆

墨求殘雪夜聽期一醉但堯堯磊不澆愁

涼州曲

涼州城南花離離風沙長養繁枝垂粉光

熒熒艷

香雪紅于小唇青，眉主人開筵無俗客，割鮮行酒數離席。桑落新篳瑁，珀光櫻桃初熟，珊瑚色歌喉怯怯啼嬌鶯舞。飄飄隨落英，曼聲長袖一時舉。滿堂傾耳雙眼青，須臾酒酣客辭起，主人挽衣立門裏，請移銀燭坐花茵。好撒珠簾試新伎，新伎新翻絃節分前溪。唱罷歌歡聞就中，何曲最腸斷。萋萋青豕王昭君，昭君腸斷更無語。一曲琵琶淚如雨，別有明妝馬上人。眼穿關外臨岐處，此時賓主興轉多。洗醖更酌相笑訶，揎袖卷波賭勝負。一奉一飲金叵羅，有客消渴不勝酒。三復致辭醉欲

葉忠節公遺業

卷十

十一

走主人笑指紅氍毹，能此鬟未唱雙垂手。雙鬟雙吹雙鳳簫，重勾紅粉披霞綃。綃結束身腰楚宮小，輕靴窄袖金步搖。邠娘羯鼓要娘戲，冬兒唱曲紅兒記。入破情濃兩不知，羊家靜婉腰垂地。邊樂從來足，殢人生花活鳳一筵春。夜深留髣髴，不應餘香剩。粉隨芳塵歸來空，房見殘燭欲燼未燼。燈花綠金翠，丁香香夢回擁衾為度涼州曲。

庚申夏至日起武威至張掖得詩六首

地截黃河到海西，大荒亭障雜羌氏。泉聲鬼哭愁人耳，石路魚鱗滑馬蹄。但怯衣單忘夏至，不知野

曠覺天低驚鷗入，幕吹沙起一片陰。雲萬里迷

寒暑無端曆不經，重裘五月過邊庭。州黃牧地牛

羊夕雲黑龍湫雨，電腥羗女亦知羞。跪拜道人何

法咒雷霆當年戰骨，今塵土日落燐飛點點青。

平沙漠漠石稜稜，馬力全銷不耐乘。瘦日黯疑霜

夜月停雲寒凍一天水，試看顏色山仍舊。山即騰嶺山若

具舟航水或勝地有弱水訪試不驗憑弔蒼茫詩思竭，披衣還

就讀書燈。

雪嶺千尋積不消，煙嵐萬里斷耕樵。野田六月青

稞熟沙磧終年馬矢燒，尺水寒棠人過海層冰慘

葉忠節公遺業

卷十

十二

土歲成橋何緣笑語猶華俗，舌帶南音韻易調。土人

涼為海又聲似江寧

一綫長邊隨日盡，兩行列障象星羅。山無雪處皆

紅土水過蕃來有黑河，并護車師開幕府。擬城大

宛製饒歌時平不用青，驄馬彷彿籃輿栗里過。

武帝功成吏守邊，傷心天姥是居延。人家板屋風

聲裏思婦寒衣淚，眼目前驚燕支愁見月。檀浮銀

漢渡經年慙余不作征西將，藥囊書囊信一鞭。

贈郡丞黃憶溪二首

閩之侯官人先大夫曾宰此邑

東南舟楫共春江，萬里西來話客牕。雲路飛鳴看

累百卷中文字數無雙青羗獨月吹蘆管紅藥堂
階撲玉缸漫說葡萄能醉客一生愁重酒難降
旅夢牽衣見我翁還憐長樂荔枝紅桐鄉有吏思
朱邑司隸多情問孔融一月兩回經聚散三年同
宦隔西東相看腰組將投筆吾輩曾無尺寸功

贈顏六展

涼州鎮
帥幕客

寸墨淋漓看上磨檄書艸罷製鐃歌六經家世細
囊舊五嶽煙戀蠟屐過流寓偶然如杜甫將軍况
復勝常何與君傾蓋旋揮手數點青山隔大河

輓醴泉令吳虞升十四韻

葉忠節公遺業

卷十

十三

歲歲春游到依依鄉土情隔牕聽舊雨殘夢感新
驚莫惜官榮悴所嗟人死生旅魂悲獨返歸櫬傍
誰行甑破添長恨囊空悔好名不堪商去住漸覺
少逢迎故署仍吹角虛房但哭聲印朱遺燐黯塵
榻斷琴橫花木鄰移植圖書吏暗更一官辜百口
九死坐荒城啼笑看人面饑寒滯客程飛鳥何處
下化鶴幾時鳴托鉢憐孤子題詩悲之京舉杯澆
宿艸雙淚已盈盈

連雲棧道中十絕句

萬里春風聽杜鵑一生遺恨落花前小牕書帶爭

袍綠無那秦灰到處然

五仞高旌七尺車年年祇見路旁花深顰淺笑知
何意應道征夫不憶家

大散關頭怪石橫不因路險斷人行軟輿細馬爭
先後誰聽春林杜宇聲

斗絕危峰路七盤雞頭開口石噴岼巖花澗艸春
無限人馬驚心不敢看

雲合煙霏斂翠嵐一天花雨滯征驂此廬不是寒
山寺金碧居然繡佛龕

山根細路曲隨谿身上前峰後嶺低閣道二千三
葉忠節公遺業

卷十

十四

百級當年何處著雲梯
迴合藤蘿若竹塲藥蘭桃塢水田秧誰人偷仿新
豐樣便改他鄉作故鄉

瀑布雲巒百丈懸露桃風柳接村煙三秦萬里難
容足只有梁州是洞天

秀絕峰巒俯漢濱晴雲宜笑雨宜頻文章漫說江
山助如此江山助幾人

先入關中得漢王陰謀燒絕信張良祇緣曼脫儒
冠溺從此辛夷不復香

叢城張隱居

其先河南靈寶人家
世依佛兄弟同居

廉遜中間結州廬回頭關令宅為墟江流好灌田
家樹谷口新成鄭子居晚赴佛燈繡貝葉曉收崖
蜜製園蔬衡門真樂同張仲裘馬翩翩總不如

代人追悼二首

悵恨離鸞哽素絃檀奴情事路人憐春風留珮環
成玦夢雨催花玉墮煙試檢嫁衣香未舊緣知病
眼望應穿傷心客裏驚聞悼不道分飛已半年
歎息貧家娶婦難新衣故劔兩心酸巢空乳燕將
雛別風定殘花帶淚看歸去更誰知冷煖夢來相
見難悲歡孤燈獨夜迴身照與影成雙人自單

葉忠節公遺集

卷十

十五

壽奮威王將軍二十韻

彩筆雲臺冑煙簑渭水熊羆圖爭尺寸劔氣佩雌
雄跳盪千人廢橫行萬里空先登標赤幟轉關躍
黃驄刃接飛霜白戈揮落日紅單軍摧蟻賊匹馬
開蠶叢波靜三巴合烽銷六詔通江山仍秀拔州
木漸青葱南顧因安枕西來遂挂弓深林聞杜宇
密箚隱多融颯颯分樓雨雍雍大樹風角巾歸舊
第天意鑒孤忠羽檄還徵調丹心誓始終據鞍思
戮力振臂復從戎半壁金湯寄全家血戰功將門
生奉叔兵法授英公爵列諸侯上勳垂信史中壯

猷難與競元老更誰同仙骨期頤壽輕身矍鑠翁
嵩高今獻頌玉璣酌郛筒

奮威特在蜀

樂城苦雨二首

煙霧低迷慘不晴山風吹雨積荒城青連屋壁苔
痕厚白湧江潮鷺羽輕樵徑雲封容鹿臥釣船依
岸看魚生推牕笑指平階水可有文瀾洗甲兵
濕雲蒸暑晝冥冥浙瀝空簷似建瓴漢水南浮添
漲綠梁山西望失遙青新巢語燕嫌泥重深樹鳴
鳩喚夢醒應是此間通蜀道張微還唱雨淋鈴

出都口占慰家人

微制蓮雲

葉忠節公遺集

卷十

十六

羈旅百不愜青天空歲華十行新使命二華舊煙
霞爾苦為行路我歡如到家鴻都珥筆者何日夢
生花

病宿文安驛大象寺二首

驛舍卑栖陋琳宮衆造華鳥馴齋磬食鼠拱佛燈
紗土薄偶生樹泉清誰煮茶此方常苦旱何日雨
天花

野寺憑荒麓山門占澗濱泉聲寒瀉月樹蔭遠招
人貝葉隨僧句藤床與佛親明朝病良已前路又
緇塵

金鎖關觀泉感興二首

出山不相待赴壑如有爭噴雪飛還舞從風送不
迎滌洄洄石角迅激奪人聲車馬勞勞客誰知爾
獨清

雄關鎖不住孤往向人間但共冰霜冷何曾晝夜
閒派分辭碧漢石礙赴沙灣欲與長江合安流到
故山

贈殺初令雷之采二十韻

令工醫術
明地理

瘠土兵荒後年年竭澤漁人家鳥獸散城郭虎狼
居天意同民患循良奉詔除入門咎疾苦閑閣酌

葉忠節公遺業

卷十

七

盈虛何處求芻牧甘心盡拮据飢分汲尉粟早鑿
白公渠寒到憂襦袴春來計侍儲課蠶眠耕業引
水種秔畲聽事終頽圯宮牆久灌墟經營誠屹屹
堂廡見與與嘔血為良吏開襟讀異書學成醫國
手識妙指南車味愛廉泉淡溫從黍谷獻園蕪猶
拔薤廚冷尚懸魚用一無頽尾餘三凜衣如山川
添秀麗艸木漸扶疎襁負遷新井村炊滿故廬裴
君真獨立傳聖更何如最績全輸爾儒冠覺悞余
愧無清德頌揆藻上金輿

輓家五兄芑園兼示瞻存姪

葉忠節公遺業

卷十

六

落月沈邊城霜鐘杵寒夕衝風雁失行悲鳴形影
隻昨烹雙鯉魚發視絨題白上書兄亡期下書嫂
疾革曾不數日間俱為長往客讀終肝腸摧淚湧
氣中逆吁嗟吾兄今生年甫半百少壯期雲霄辛
苦探墳籍十上不見收數奇困縫掖小堂松桂香
吟唔荅泉石甥氏陳謝才椒柳艷巾幘釵腳摹八
分迴文繡方尺幽棲有同心相莊若賓席機紅圖
史青此外徒四壁未嘗蔗後甘獨味山頭藥以貧
永其年彼蒼亦何惜梁孟相繼殂龍蛇信茲厄孤
雛憑血心兩棺填空宅餓鼠窺芻筵蛛絲罥華簪
魂兮招不歸一片飛煙隔嗟余汗漫遊廿載連族
戚諸兄零落盡羣從久離迹所存我兩人庶幾慰
岑寂憶從豫章歸墓田薦新麥與兄餽祭餘意氣
共酣適舉杯酬阮孚能荅幾兩屐匆匆兩三言一
旦成今昔開函檢家書三為故人迹入夜雖夢君
知非平生覲明年余歸來荆花早狼籍坐無同輩
人酒向新墳滴俯仰睇霄淵晨昏逾踟躕嗚呼吾
兄長不歸從子皆同脈遺書在牀頭詎勉珍手澤
嘔爾一寸心慰此九泉魄讀書無所成徒悲竟何
益爾父身後名翳惟小子責余悲不成文長號

肝膈和之以淚珠書之以素帛一哭秦雲飛悵望
遙天碧

凍雪

雪凍從鴉噪官閒睡起遲諱貧飢忍淚憶夢病裁
詩醉覺乾坤大衰憐兒女癡孤松清見骨零霰白
垂絲身世轅駒局年華過鳥知寸心如木石羣從
但耘耔門戶將何寄游閒卜幾時霜鐘催樺燭殘
夜耿餘思

上靖逆侯張將軍三十韻

皇威於有赫塞土廓無垠地險需飛將天生屬

葉忠節公遺業

卷十

十九

聖君玉璫垂釣得兵法圯橋聞米聚山川勢戈開
虎豹羣拓弓聲霹靂占角動星雲朔雪三更入江
風一炬然昆明俄鼎沸河隴忽瓜分灑血丹心壯
投醪鐵騎欣所摧秋篠掃立解亂絲紛直舉通身
膽旋收百戰勳實封加萬戶異數賚千緡元帥中
書令通侯上將軍名高能折節武偃好談文左傳
耽成癖茶經味勝芸虛懷培小艸遐矚借微矚嗟
余孤蓬轉頻年一硯耘賓僚非杜甫科第愧劉蕡
許吾衣冠謁煩公吐握勤敢誇交縞紵相與挹蘭
薰蓮幕推金玉雷尊話典墳贈林車馬厚說項齒

牙芬卵翼今如此醇醪安足云別來更歲驚想到
似朝醺自笑姑臧長真同大首續曰歸栖薜荔何
處覓衫裙國士羞瓊報已吟待郢斤倦禽飛杳杳
遠夢夜慙慙汗簡行將續凌煙望更殷祁連冰浙
厯太華氣氤氲獨倚防身劒寒宵看紫雲

酬簡計李天生五百字

猗歟古鎬京禮樂盛先進凌遲至暴秦詩書為灰
燼漢唐歟其餘往往富才俊大雅或中衰鐘鏞鬱
遺韻我皇啓文明心傳接堯舜遂使邠岐郊斯
道絕復振終南艸木蕃涇渭魚龍奮靈秀之所鍾

葉忠節公遺業

卷十

二十

仙李挺華潤讀書非求名筮易謝梅杏孤清耿秋
霜超忽杳神駿躬畊好時田游學淮南郡矯矯離
塵埃不緇亦不磷天子竚席珍入山採瑜瑾鶴
書下頻陽強起資顧問鹿巾而褐衣執經修拜覲
爰咨璣衡圖推策置時閏載賡省畊詩屢豐勞田
畯宛然策天人欽哉抒忠藎詔謂惟汝賢簪筆
侍清禁勝國紛簡編繁爾史臣任稽首退直廬思
母欲歸訊泣陳烏哺私情切淚霑衽至尊雖憐
才色養無所靳驅車尋舊山薜蘿轉清蔭萊衣娛
北堂啼笑宛童齒嗟余吳下蒙君子不我擯長途

回高軒郵亭屈華韜相視各動容投契醉芳醞別後無停輪萬里自奔迅河外遠於天朔風利如刃荒丘狎虎狼旅食換顏鬢歸來滿屋愁黔婁誚余甚月昏花影沉寒入琴聲噤超拜壓泥塗盤餐沾餘餒吞言末由申垂涕不敢投病卧鳥雀喧飛雪已盈枕豁達襟抱開置身覺千仞文章通精靈氣誼無遠近少長交荆楊壯遊揖秦晉作者人人殊如君良足信而我懷好音三載不一瞬曷致象罔來探君胸中蘊拙宦辭西陲棲貧老東汶行矣戀故交含詞詎能詡君誠遭遇奇一官特發軔將母

葉忠節公遺集

卷十

三

亦有懷置身亦有分山川資出雲不徒尚孤峻菽粟戒棄餘未聞惡饋賑况今書軌同朝野慶大順請歌卷阿篇光翊佐明運

雪珠

玉女牕扉啓明璫落翠微輕圓疑瑟瑟冷艷故霏霏亦照梁王乘頗分趙后輝三奇變下華架九芒圍處處探驪得人人解佩詩步游鹿較少咏絮覺全非董偃知難賣隨侯獲還希不因川獻媚直是蚌能飛好去空山卧無勞按劍威豐年兼此寶莫羨謝莊衣

別李天生五首

把君詩卷到更關慷慨重歌行路難未免有情俱下淚不堪言別勸加餐慈烏好向春林哺越燕終思故壘安明日班騅穿柳過一雙青眼更誰看憶辭建禮入秦關悽絕龍沙鳥道間穿棧百盤臨漢水披裘六月過天山不知馬首行何托但著征衫破未還試唱古來邊塞曲有誰聽罷獨開顏萬里經行虎豹羣蕭然一杖逐孤雲山頭黃蘗留餬口榻上青氈賣犒軍差喜清貧全似爾獨慚詞賦不如君此生若有王戎癖不待相逢覓已然

葉忠節公遺集

卷十

三

秦火燒殘漢律吹西京文筆至今垂名山豈少藍田玉衆咻難爲絳帳師吾道漸孤離別後此言莫負晦明時知君鄉土情尤切亭外生徒樂問奇詩步

東門

東門追餞眼婆娑曲曲清歌喚奈何不躍不鳴甘待老一丘一壑許誰過稻畦得隙兼蒔藥漁浦猶煙便著簑雨歇鹽生梅子熟寄公商鼎待羹和

葉忠節公遺稿卷之十一

芳

男

編輯

子房

詩

賀前輩唐存我周甲科名

唐以前辛酉舉於鄉至今上辛酉
科年八十於後起者稱先後同年云

慢亭良夜敞秋雲老竹重樓鸞鳳羣月殿舊香臨
晚發賓筵餘韻隔朝聞從看座主猶時輩便作同
年足冠軍三徑好誇陶處士比來松菊有蘭芬

葉忠節公遺稿

卷十一

滄江高卧得閒身回憶驚還六十春白髮轉憐簪
挂日玄都不記種桃人塵封舊譜聲華寂老見長
裾面目新坐客戲談偕計否公車遲發待蒲輪

贈昭武將軍楊公

大漢通侯裔神唐使相權學書兼學劒能戰即能
仙左右彎弧滿縱橫取陣圓多才方管樂有骨傲
洪仝威略真難敵雲霄遠待騫問誰堪大將咨爾
笈中堅東海風重表陰符法早傳城看廣武築盟
憶汶陽田蟻賊緣塵合龍驤受命專三軍鳴鼓勝
萬戶解衣服帝念南垂重公因北固還潮生欣

得月烽息久銷煙忽報鯨波動還提虎旅前開營
屯細柳被甲上戈船轉關千帆駛摧鋒一將先功
成膺異數凱奏扣歸旌峰泖旋生色替紳但祝天
新京來碧落朝爽駐嵩年豫有青鸞到遲迎絳節
縣愧無銘勒石圖畫當燕然

曉行

曉角吹星滅蒼然見翠微露光停葉醉山勢趁雲
飛清冷欲衝面煙嵐時薄衣倦游兼病渴對此已
忘機

賦得暗香疎影

葉忠節公遺稿

卷十一

涼月澹庭景迴風薰客衣推牕得虛白穿徑識清
微水動花疑落煙霏露欲晞翛然林處士殘雪掩
柴扉

題畫壽魯使君十首

新培松菊掩柴關漁浦寒煙隔往還遙識仁侯心
所樂一牕晴日寫嵩山
山色空濛靄翠屏虬枝百尺敞雲亭桃花莫漫誇
春曉得似貞松帶雪青
青接煙霄帝座通劃然一氣豁鴻濛出雲是處分
天潤長在蒼生仰望中

中峰林外響風端觸石穿雲瀉月寒清絕不須冰
雪擬臣心好作画图看

看徧蓮花與岱宗山山靈秀削芙蓉知君泰華層
巔立笑却雲間望九峰

峰迴路轉隔深林花鳥還應僻徑尋莫訝松梢無
老鶴鶴飛官閣聽鳴琴

琴在高山流水間清風入指訟堂閒曲中彈出仙
人引瑤島煙波日往還

還思神品李營丘疊嶂層巒一筆收况是山陰多
好景敢揮尺幅擅風流

葉忠節公遺藁

卷十一

三

流傳緘素笑空廚丘壑龐安謝幼輿異日凌煙貌
良相知公類上定何如

如此岡陵上綺筵遠漸米芾早成顛躋堂應笑無
春酒一幅生綃值幾錢

陳敬之閱小詩見贈一律依韻却酬

雲水道遙足故鄉十年雙膝破繩牀自拚江雨岐
中角獨摘山薇貯錦囊大雅有懷追屈宋小巫終
愧逼齊梁相逢不厭題餽字重對黃花醉夕陽

疊前韻卻寄廣陵仁山巨高三兄

龍頭幽夢繞江鄉歸拂東廊舊坐牀快讀茶經驚

綠筆時廣陵以所著茶賦見示俄拋江賦解青囊仁山巨高讀書通術數如看
積玉遊玄圃却望初珪照画梁拙宦自甘陶令隱
他年送酒訂重陽

頌制府于公六十韻

皇帝廿一載太歲在壬戌干羽舞兩階玉帛致重
譯乾坤無塵氛明良比琴瑟維帝眷東南財賦
所從出赫祝開御屏指顧竚良弼曰維于公賢治
行稱第一建牙畿輔時清忠沓無匹詔書促鋒
車宴見入宣室慷慨陳民瘼當軒語移日初賜千
黃金再賜五言律精鏐出尚方奎章爛神筆公

葉忠節公遺藁

卷十一

四

拜稽首言天恩深到骨寶墨君所貽投醪臣所急
須臾散卒徒受者皆感泣開府控大江萬里通呼
吸兼領古豫章跨郡二十七銜命方陞辭含淚復
造膝言臣母在殯請歸事私卹追榮及窮泉忠孝
兩無失介馬臨江津移檄告諸率禮賢春風溫逐
惡秋鷹疾謝游解綬歸裝俠升階立驕兵守營門
豐狐去城邑石壕不夜呼官鎧無覆笠下教禁華
侈琢雕還我質漁舟罷經鱗崖嶺停輪蜜以儉作
民先以廉為吏帥尤念江海衝荏苒伏豪黠按籍
誅里魁編門置魚契風翻鈴閣旗犬臥荒村月乃

引父老前登堂示緇帙 制書十六條牖民誠孔

切朝服披瓊函疑義許難詰講解每終篇情詞細

毫髮獲聞仁人言頑儒並心豁大化暢百城踴躍

砥名節百司景高山惴惴思隕越奉公甘飲冰遇

事思嘔血遂使耕鑿安獄市載寧壹淳風扇古懷

蔚然盛儒術芹藻芬閤宮鐘鼓鏗雅什穆如聞薰

絃太和已翔溢不有濟世才在理安可必公也希

聖賢讀書先名實曲折試盤根百鍊躋顯秩靜閱

艱難深動持經緯密期年風化行敢曰非人傑童

叟相歌呼謳吟聲不絕或被絃而歌或磨石為碣

葉忠節公遺藁

卷十一

五

引領眇歲星提壺候車轍熙熙太平時所見各歡

悅賤子窮一經性迂因宦拙倦飛投空林揮手謝

朝列榮利非所懷嗜古忘飢渴兀坐黯聲華閉關

杜趨謁幸居東海濱取蔭得庭樾暮承花露滋曉

汲山泉潔灌園有時閒浩歌終一闕輟軒採詩還

聊補青史闕願公壽無疆仰副知人哲

頌江蘇撫臺余公八首

漫說東南久太平十年兵後廢春耕憂先秘殿咨

民瘼 詔出中丞代朕行面上冰霜開氣象馬頭

人吏斷逢迎聞公笑指長江水不著金焦萬里清

控江到海建高牙鈴閣風清靜不諱舊讀書多諳

土俗近傷穀賤飭繁華山塘画檻誰觴月屬縣公

門盡種花雨外一聲牛背笛青郊是處長桑麻

久習朝章百鍊堅欲回霜雪入薰絃銘箭不設桃

生稽刁斗希聞月滿天批荅每遲蓮漏下拜章如

到玉爐前公卿自古通經術感歎申韓未足賢

春月娟娟照太湖清光滿目映冰壺不從佐吏登

樓飲但給山僧調水符稅減魚鹽平市直漕無雀

鼠出官租建康酒號新傳美容得村民盡夜沽

朝野相推重楚材况公家世領霜臺武溪三諫詩

葉忠節公遺藁

卷十一

六

傳讀賴石雙旌府舊開分陝東西真使相大江

北倚中台敢誇韋宋曾同直憶奉清塵笑語來

當年執法政從寬判定南山在筆端兩部無冤來

澍雨十行乘傳躍雕鞍不妨才子棲郎署幸遇清

時作諫官封事百函都報可直聲早已動長安

引領東巡表大風令先負弩士彎弓平難熬雪兼

沙白曙日翻旗射海紅檄到鱷魚連夜徒劒驅颶

母一天空從容部署當清晏可許詩人不避驄

大臣報 主不求知如此勳名更讓誰父老感恩

垂涕看生徒掩卷望風思時時花外聞成咏往往

山頭見勒碑寄語輜軒莫相笑二南千古在周詩

雨中雜興四首

閒來誰共語懶極不勝衣風月探懷有江山入夢
非久陰燈燄小沈醉髮尖肥吾老兼狂狷中行未
可希

早達咄紈袴貪棲羨布衣逃名師阮裕同傳得韓
非雨歇花猶淚春寒艸不肥風驚激高響和者料
應希

閒愁因病肺春盡著冬衣僻性知誰合清陰恕昨
非身爭節竹瘦腹忌蠹魚肥寂寞陶居士聲塵萬

葉忠節公遺集

卷十一

七

古希

青霄看健翮白髮戀儒衣此態終今古斯人各是
非蝶嫌花底濕蘚奪樹頭肥黯黯春垂暮虛堂鼓
瑟希

錦帶詩贈上海史明府十二律

正月

之子能歎谷條風散積陰凌鱗冰鱗泳鏤勝鏡前
簪清絕孤梅影懽然百州心望春春始到萬戶臨
鳴琴

二月

琴罷行春去倉庚拂曙來耕田均舊賦勸墾勞新
醅擁牘花前判故詩月下回夜來微雨過閣外隱
輕雷

三月

雷雨分天潤通津起涸鱗野蠶自成繭戴勝在催
人葉葉春衣薄星星燧火新回思蘭渚宴少長隔
江濱

四月

濱海多磽确思添土性遷兩歧新麥穗一雨舊桑
田漏箭初迎夏官廚尚禁煙自携日鑄茗文火煮

葉忠節公遺集

卷十一

八

山泉

五月

泉甘休改井土潤好栽秧白扇搖風爽黃梅帶雨
香有官能續命何事感沈湘艾酒家家熟從君盡
興嘗

六月

嘗蔗知先尾含冰愛獨清苦心調五味攝息慎三
庚電挾風雷壯鷹期羽翼成北牕涼蔭好解帶臥
桃笙

七月

笙簧激清籟樓閣斂輕霞露井飄桐葉秋風開稻
花蟬聲寒更雪河影望猶斜莫漫誇牛女因誰保
室家

八月

家世蘭臺長官閑性愛儒吾鄉先得月大海少遺
珠仙藥兼霜杵天香帶露濡請看荀令座何必換
熏爐

九月

爐香薰白袷霜信到芙蓉刀尺憐貧女瓜壺慰老
農籬邊菊蕊細雲外雁行重兄弟登高會年年共

葉忠節公遺業

卷十一

九峰史令兄宰
妻縣故云

十月

峰隱寒雲裏梅飛早雪中蟻行迴北陸戶瑾任西
風夢憶維魚兆詩歌我稼同然香報 天子上瑞
是年豐

十一月

豐穰今頻遇天心似獎廉乾爐開社宴履襪貢新
縑共覺堯年永何爭繡線添朝來望雲氣黃紫透
重簾

十二月

簾垂官閣暮送臘耿餘思歲月公私盡飢寒父母
知民心欣有托帝賚夢何時野老歛齒已因成月
令詩

和孔秀才衡自壽四首

學易忘機自寫心風流少府舊衣簪獨醒羞著甘
泉賦通隱休逃苦竹林剩有吟身堪放浪喜無長
物歎銷沈童時手種冰桃核今日看來歲月深
逸興誰勝老大悲閒情無奈寄江蘿種花得藥身
常健穴壁藏書世莫知許許達夫為後進談傾夷
甫作餘思獨憐小戶難豪飲辜負高陽白接羅

葉忠節公遺業

卷十一

十

興到臨摹魏晉書能將筆力關專諸人懷一紙誇
三絕名逐孤雲騁六虛不慣遠遊安斗室有時行
野命中車只君已是神仙侶慚愧瀛洲學士魚
江湖是處好垂竿濠上偏知魚水歡當暑調冰澆
塊壘舉杯觴月愛團圓不依大柳徒工鍛自製輕
衫待紉蘭一畝艸堂三徑外鳳雛棲滿翠琅玕

讀南園倡和詩口占

快讀南園詠天然翰墨香秋花空色界明月怨清
狂夢裏驚蝴蝶江邊賞驕驕追陪差未晚剔菊待
重陽

九日同人登丹鳳樓燕集

曲磴危闌俯市闌暮煙橫處恨無山風前一笛漁
舟過水上三沙雁陣還各出杖頭消斗酒誰將題
目睹雙鬟餘歡不盡登高會歎惜名樓舊署顏
夕陽秋浦見潮回欲下層樓細雨催戲馬何心爭
勝負題糕無說避譏詼晚香容得黃花傲沉醉還
携翠褥陪禮法豈為吾輩設良辰都不厭深杯

寓唐亮臣高齋

真隱真能做紱簪自移東石向城南居然廉讓中
間住莞爾暄涼委曲談霜為養花驅菊虎香知惜

葉忠節公遺業

卷十一

上

字辟書蟬徧看几榻都清絕不信偏容俗士騷

輓內弟陳仁山

遙天一雁度霜風六翮初成墜碧空自欲騷鸞遊
島嶼肯隨軒鶴戀樊籠長沙早世何勞鵬靈寶聞
聲恨失雄今日豈徒悲聚散此生永別半年中
憶君初見未勝衣早慧深藏識者稀一別參商勞
想像十年面目識幾希自推祿命無人及頗笑文
章舉世非天帝愛才宣召急玉樓簫罷鳳隨飛
彌留忽忽悼恩勤白髮扶牀喚不聞買藥手調還
暗祝抱孫泣問欲何云殘英紅墜春前雨孤月黃

昏午夜雲宿艸更憐陳仲子二難把臂下新墳

脫屣家園上玉京空惟長劄讀書聲機殘尺錦文
難續詩恨方塘艸不生慚愧素車他夜夢悲涼絮
酒故人情魂今欲慰高堂願黑相孤雛及早成

東侯臬長金長真

時金小
卷在告

十載清名護玉函才高望重象巖巖一官雲水看
垂組萬里邊庭剝破衫月夜有懷邀笛步春風虛
挂上江帆多君愛我情如舊五色巴箋自署銜
香風吹下五雲箋字少情多倍黯然花信到來應
勿藥訟堂深處好鳴絃江心釣月魚驚餌旅夢莚

葉忠節公遺業

卷十一

上

鐘客悟禪寄問画簾何日捲似曾相識燕堪憐

贈祠部馬尊乾奉使淮關

萬里征西將家風本伏波還軍修禮樂乘傳控江
河百貨籌添舊千帆吏唱過笑他桑孔計無那賈
人何
憶昨同遊處秦關絕不堪別來通夢路書到得心
談土暖花宜好情深六亦甘重逢或天合莫負在
江南

恭賦 御書清慎勤署額一字為一律上兩

江于制院

漸海連江萬里涵空明佳氣竟東南畏人知處天
堪問似水心如鏡在函有味中冷推第一自生新
月起初三請看 御筆親題賜一字先教寶不貪

右咏
清字

莫誇栖燕語呢喃阮籍深藏志不凡朽索驚心看

六馬金人有口合三緘白茅是物都堪藉禁樹休

言好避讒珍重濡毫成二字可知交傲在民君右咏
慎字

太平日月萬方瞻身作元臣百慮兼風雨空齋宜

運甓篝燈中夜每投籤分陰能幾堪虛擲一線憑

誰許見添絕勝玉堂飛白署三言寶墨帶鉞右咏
勳字

葉忠節公遺藁

卷十一

十三

送余開府內擢憲長

元運天開子台星夜照吳喬雲期噉鳳湛露植高
梧 特簡恩尤重知名望久乎法冠三易牙臺署
再看烏魚水當平世經綸得大儒丹心涵宇宙黑
髮位公孤獨惜攀轅衆真聞捨地呼感君能活我
忍別已非夫百鍊金爲範千行淚寫圖冰霜威屬
吏飲啄慰羣雛微市官無擾程鷹戶自輸來旬同
召虎小察笑離夫一盛心原迤神閑貌不癯典裘
分犒士傭汲僅供厨清慎勤兼得天人古與後兩
年忘歲月一去遠江湖中外俱蒙澤東南獨向隅

裝輕舟易發詔促馭前驅擁旆爭羅拜凝香塞九
衢行行稷契到窮亮駕唐虞

壽內兄張蓉城六十初度

吹琯調鐘候陽律天雞三號五勝極絳臺亥字書
作成薛公生時前七日滿堂賓客攜壺觴羅拜壽
君年六十因茲感歎憶少年少年幾何老垂及爾
我異軀無異心酒酣耳熱余能述太常艱子晚得
君不著牀茵著懷膝秋眸剪水窺父書笑指之無
我舊識長游燕趙交公卿他無所嗜嗜文筆擁書
萬卷供探搜以此酣淫易酒色五言突兀長城堅

葉忠節公遺藁

卷十一

十四

三影踰躔盛名出別譜新詞授念奴回頭一顧官
商翕張蒼膚澤張華髭姿制風流杳無匹十上不
收耻見憐一第才名銷未得吾愛吾廬長閉關校
讎舊文藏秘笈畏風莫致珣璃屏百幅藤溪障牕
黑蓬蒿不除塵滿牀左陳圖書右琴瑟指繁產薄
恒苦飢高吟課婢當機織成詩就雲錦華世誰
敵此工與力旁逢方岳該衆長自言獨善君平術
端策授著豁羣疑大笑下簾不受直聊城解圍亦
偶然公孫奪氣新垣紬汎愛交稱馬少游恕懷共
許婁師德春風雖難冬日溫於人無忤故無嫉子

弟皆賢羣從佳烏衣新量芹泥濕憶坦東廂初見
君各矜文采經過密白水青松指誓心緩急相周
患相恤三十餘年聚散多夢魂萬里同歌泣嗟予
倦飛歸故山瞻然一翁馬前立入門執手驚且疑
逡巡向君未敢揖坐定知君新白頭頭白顏酡神
轉逸即今猶作蚊蠅書霜髯滿腮汚丹墨流連宴
賞忘其疲手數古人口甲乙小戶偏矜豪飲名每
持勺酒誇一吸綺情流艷入毫端金翠丁星恣收
拾後生筋力徒爾為開場關健知誰給置身典墳
天地寬長揖羲皇機寶塞幽情勝舉高入雲俯視
葉忠節公遺業 卷十一 主

和呂既閒遊弘濟寺

船憑風信此淹留消息無因訪莫愁江岸蠡旋村
舍隔山梯磬折上方幽北來鐵騎傳松箭東下煙
波打石頭白髮老僧栖一衲笑他王謝不風流
贈弘濟寺蒲菴和尚

名勝當前好共探山隈古寺大江涵空濛一壁寒
煙暈偃蹇孤根鱗石舍只許彌天誇絕對更誰開

口作清談浪花雲片尋無跡憑仗西來佛法叅

寄懷井涇觀察李梅崖

七載真成別逢人間起居官閒勤賭墅性懶健看
書梅雨千村足松風兩袖虛西屏山色好欣賞定
何如

每憶同官日經過但白衫忘形雖爾我比道已仙
凡揮手忽萬里關情信一函知君懷舊切山亦號
蒼巖 井涇有蒼巖山
余別號偶合

自笑經行處寒山石可談叩囊空筆舌善謔愧青
藍狂態長貧減人情久宦諳投林差幸早侍母在

葉忠節公遺業

卷十一

六

江南

屈指中朝士如君才命兼賜婚年未弱早達性能
謙白雪飛官署青山觸画簾來詩頗有味莫惜水
精鹽

贈江撫王公純嘏

梁州天府國潼川作東杆一峰屹長城三江駛修
岍名世鬱相望有堂美輪奐維公挺異姿遂為今
古冠我 后知公深運除迴常算睠然軫東南財
賦天下半天風吹楚雲遠潤吳疆早旌節過大江
歌呼喧井閑憶公早致身翩翩富文翰緡校直西

清著述積東觀秋蘭竟體芬華爛霄漢賤子通
籍初問奇造几乘休沐輒往還秘書資講貫飄忽
廿載餘理得無聚散歲丁癸甲交吳淞首發難昆
明翻狂瀾奉使何所憚以氣折逆臣孤忠慰宵旰
歸筇中樞權咄嗟平禍亂來旬古豫章絲粟躬校
勘了如掌上紋劃如田間畔實兼房杜才開敏善
謀斷建牙黃鵠山激昂恢局幹清節高申徽威名
儼陶侃皇哉 聖主恩賜公活塗炭仰視牛斗間
榮兮光華旦嗟予守一經宦遊成汗漫窮愁歲序
阻偃蹇榮名落吳下阿蒙耳其誰起焦樊感公舊

葉忠節公遺業

卷十一

十七

知己慨然陳鄙謬此面如此心試開青眼看

讀張觀察家慶詩卷題後

宦遊時見白雲飛便脫朝衫疏乞歸母子錦堂同
鶴髮兒孫蘭砌總斑衣板輿花木家山看秋水萼
籬日饌肥讀罷前賢舊題句慈烏繞樹戀斜暉

和方瓢原韻

方瓢者張處士齋名也

卜築依然君子鄉柴門松菊領羣芳先朝象笏甘
棠比春社烏衣舊壘香家有賜書華古碣口吟雅
調謝詞場但聞姓氏堪神往目斷蒼葭水一方
桃源有徑曲通橋魏晉真忘秦漢遙灌植久諳風

雨信鷗鳬閒趣往來潮龍文奇字容人問鶴踏寒
枝遣婢樵卻笑壺中天地小結壚聊借許由瓢

欠山詩

欠山張別號也取二水宜家只欠山意

只占虬江水一灣月明時唱棹歌還橘州悵望無
千綯爭得餘錢去買山

別業幽深水石閒輞川一卷重人間他年若西江
橋宅只畫溪雲不畫山

東望蓬瀛不可攀九峰煙黛有無間尋思恐被愚
公笑別號後人喚欠山

和瓶荷四首

葉忠節公遺業

卷十一

十八

已斷柔腸未斷魂露苞猶暈小桃痕銅甕若有玲
瓏藕可許冰絲續故根

盪漿人人得採花一枝並蒂屬儂家碧泉深貯長
供佛瓶口多曾誦法華

欲留即面到新秋移傍菱花擬唱酬但要同心須
守口莫翻水調作歌頭

當年曾侍晉安王七日紅鮮未解裝留得苦心諸
子在不須持柱憶芳塘

喬蓼懷五十雙壽

甲子二月

春暖花明愛日遲吉梁雙燕欲栖時錦囊寶護家

傳硯翠管吟聯祖德詩舊畫黛痕青到案新看鏡
髮綠無絲知君自有千秋業且醉平分百歲卮

夜泊斜橋懷內兄張蓉城三首

張時病鼻幼

霜落潮平月上遲人間何事不堪思誰知今夜持
螯飲只憶張生捉鼻時

白首如君興轉豪重陽未到早題糕鼻頭出火原
非病涉獵應同射獵勞

霜髭一抹染明霞紺唾紅洩學趙家料是怪人呼
老婢閉關深坐聽琵琶

賀內弟陳乾齋及第三十韻

葉忠節公遺業

卷十一

十九

上元甲子冬 皇帝東巡狩岱宗申虞禋河流行
禹舊酒醑鍾山陵秩加孔林豆爲道屈崇嚴皮弁
虔九叩所過蠲田租每見斥雕鏤 皇仁霑海隅
書契曾未覩回鑾撫昌期側席思孝秀手絨黃紙
題親乙賢良奏重瞳日月明一榜羅天宿就中數
賢人帝以賚我 后陳君天下才落筆紛錦繡經
傳公孫弘書法太史籀鐵心磨研穿青燈煎骨瘦
十年揣摩成一第宜領袖君家人門高歷歷簪纓
胄勢位非不崇科名更誰右莫嗟湖海豪誤落機
雲後余也獲落人儉荒成學究重過春明門偶及

鶯花候絲絲宮錦衣冉冉天香透持此娛雙親喜
極憑添壽人生稽古榮於理非遲迨時平方右文
睿智且天授六經懸中天萬象麗清晝置身雲霄
間德言期兩懋况君富春秋才力空宇宙千里騁
驂騑九天飛鸞驚丹地待參知蒼生仰函覆古來
繡衮人委蛇事功就衰遲幸見親援毫忘鄙陋

寒食次下相

驚心寒食到一望一潸然短髮看簪桺荒墳亦掛
錢炊煙仍不斷蠟燭更誰傳夢逐東風去關情是
墓田

葉忠節公遺業

卷十一

二十

宛平王相國招飲城南別墅

相業高深萬象涵近營綠野 帝城南街連甲第
堪携具徑繞沙隄好駐驂傑閣去天真尺五曲池
如壁可涵三朝回開闔延賓從風月霏微一塵談
坐久涼颼起碧潯滿庭花氣滌煩襟牕間方空遙
青動樹底圓陰積翠深萬軸 賜書先世澤一泓
止水大臣心追陪酒半饒清興更上層樓望遠岑
極目煙霄瞰九關參差宮闕五雲間溪泉隔樹流
銀漢几案當牕列翠鬟即景不須圖北苑此身如
已踞西山曲闌處處都凭徧爽氣蒼然拂醉顏

日轉槐庭晝漏平一簾清影愜幽情龍文喬木皆
梁棟寶色家珍是鼎鑄濠濮會心知不遠蓬壺有
路許隨行自慚俗吏無仙骨憑借風雲足下生

許時菴招同諸子雙林禪院觀荷步壁間韻
勝侶尋幽剎芳筵對水張宿紅窺鏡影高翠捧珠
光雨後人尤愛觴傳我亦狂相看塵士氣俱付碧
雲鄉

淨域原無染紅顏不似張幾番香霧雨一片綠雲
光敵手知誰勝吟情問若狂得從玄度飲未暇憶
江鄉

葉忠節公遺業 卷十一

和朱聲求念功昆仲雙林禪院觀荷四律

東風吹雨過蓮西蠟屐衝泥到虎溪初日映花翻
錦浪曲橋蔭柳接青霓垂竿幾尺魚來餌携榼何
人坐繞堤奕罷酒香催就席碧煙深處有蟬嘶
僧院通融作醉鄉風流敢效謫仙狂貧窶積玉饑
能飽老愧愁蛾画不長但略形骸如鄴下便無簫
鼓亦山塘輸君一艇衝波去煙水低迷見雁行
湖光新霽絕纖埃為有芳苓載酒來露宿小苞香
未散風吹淺靨笑全開不辭河朔千杯飲恨少菱
歌一棹迴手把碧筒催遞吸倘承仙掌更誰陪

凭檻高吟對夕暉芙蓉新句奪春菲迴颺過水花
香細當暑調冰酒力微共羨紫衣年最少試乘青
翰醉方歸嗟余本是煙波侶悔別家山舊釣磯

天寧寺秋霽

清霜拭太虛顥氣滿庭除墻勢秋雲破燈光夕照
餘旅懷憐燕雁詩韻叶鐘魚蟬怨徒聞蟬螢乾不
映書砌聲移蟋蟀杯影得蟾蜍曉曙蛛仍網苔空
蟻復居一看明月上共訝古槐疎佛火燒金字心
香引翠裾風偏穿蒜押星故落犀梳別有關情處
雞鳴酒醒初

葉忠節公遺業 卷十一

酬井涇李觀察見寄

明河亘天霜滿野旅客孤吟古槐下匹練飛飛落
我牀謫仙詩句米顥寫笑指緘題若不來燈花昨
夜何為者欣然朗誦心目清的才名不可假七
言神韻入香茫寸墨香痕致瀟灑問我吳興得去
無可憐慙下長嘶馬中丞絕怪白蘋風笛步宵邀
桓叔夏一杵鳴霜破葛衣五更送燕歸秋社名場
自昔類飛蛾世味何曾如食蔗倦眼思看讀過書
天大京城無處借短袖危冠不稱時游行巷市人
驚訝酒闌拂拭雙吳鉤耿耿煙空寒影瀉相思極

望隔漳沱聞道靈泉出官舍芙蓉亭子擬家園兩
岬嬌紅粧不卸曬腹知從北牖眠分朋好向東堂
射今日風流屬使君尋山莫憶臨川謝執筆沉吟
欲見難幾回促命嵇生駕羈愁牢落不堪言四壁
啼螢況秋夜

葉忠節公遺藁

卷十一

三

葉忠節公遺藁卷之十二

芳

男 勇 編輯

子房

詩

長安憶別十二首

有序

廿年京洛萬里邊庭藉輶多窮朔飢欲死
念小子不堪用世無事解嘲乃老母易以
代耕依然捧檄悵遠定省別路雲飛遠荷
親知離亭悵飲當秋感憶坐月孤吟獨夜

葉忠節公遺藁

卷十二

絨題因風却寄

風力推雲結曉寒絲絲春雨沐紅蘭舊遊煙水孤
帆穩慣客江河雙眼乾數語寄回慈母聽兩行不
作醉人看世情冷笑懷中檄毛義原來解麥官

是日
辭家

起程明旦大雨
連日歸復老母

雪後隨車又十年行前一刻許流連楫辭龍竹看
船尾檣轉驚堤憶柳邊挂剩半綸羞後進賣錢二
頃愧先賢遙知暗悔燈牕下鑄就顏淵不值錢

是日
沈案

師追送舟次
一揮而別

追送輕橈疊鼓催煙堤晚泊看殘梅烏衣畫棟知

誰主白首青松盡此杯蘭襖未逢諸謝在竹林同

醉阿咸來銷魂最是彎環月憶別無雙已六回

貞同內兄若木又白連袂黃為功舍姪子法
飲王氏梅園若木素不飲是日獨盡一杯

一束行裝寄董惟也題名姓別朱扉綺筵但作將

軍客岐路不逢太守歸水驛煙開移釣艇江村花

暖脫棉衣眼看簾幙東風足自笑孤蓬背燕飛

董蒼齋昭武將軍嚴席以待又郡守魯
使君訂自江寧時晤余道諸妻東不值

君因請急暫還鄉迎送津亭共一觴自古冷官惟

博士如今拙宦是中郎貧憐子女遲婚嫁醉數行

藏互短長雙燭淚珠通夕雨心花滴破杜鵑香

葉忠節公遺集

卷十一

二

為高淳廣文請假歸
送雨夜談心達旦

為訪王郎約共行存心真見渭陽情泉臺夢斷憐

渠妹血縷恩聯只此甥掩淚歌筵看後漢關心棋

局賭全贏別時白盡君頭髮別後如君髮漸生

先室張恭人兄也恭人出一女適妻東王氏
因同往視夕演白免記舟迴對奕竟日故云

山寺曾經翠輦臨石場春駐劔池深恕臣中聖

狂成古馳騎廉空醉至今湘竹燈籠花夜月靖寧

殘子酒人心衣衫褶處香痕在一種風流不可尋

是夕飲梧石軒待月借經竹紗籠懸之
麻廡又內姪楚望贈靖寧殘十故云

重開祖帳試新歌情到汪倫十倍多楊柳小詞空

舊雨牡丹香夢瑞春波一牀珠串誰能和兩岸雲

裳不忍過二月山塘好風景酒醒無那別離何

九升數日前已張超餘別是
日復饒山塘訪齋演牡丹亭

人間小宋本風流攜妓尋山作勝遊雙鶴林逋來

鄧尉片雲姑射上羅浮僧留竹院供茶葺屋仿蘭

橈載酒甌絲管夜闌人醉起霏霏香雪滿衣裳

存招同鄧尉詣子觀梅薄
暮飲山家半艇水齋故云

吾生心事子能諳欲遣閒愁倚半酣酒底詎諧常

累百年頭瞬息便過三懸竿續鼻行將曬束易塵

牀孰請談共有高堂垂白母偏余身不在江南

葉忠節公遺集

卷十二

三

孫作也仲春言別今
已新秋故云續鼻事

扁舟衝雨送行塵七里芳塘柳色新枕被客中仍

共覆琴書忙裏亦隨身酒兵拔趙先聲壯狎主留

髯醉眼親爭奈六郎頗見慣燭花影底賺羅巾

望秋佩青扶昆仲同攜親饒送粉中圖
書滿牀楚望又乘于酒六郎為青扶也

帳望軒楹歎魏舒嘉賓風調近何如雨連春淚悲

飄梗雲對秋空憶倚間思入飛煙吹夢香鐘催殘

月照牕虛更憐玄度無慘甚劔裏寒泉可得魚

翁同表弟洲序饒送
洲序師許聖思在焉

乙閣詩贈楊給事覺山

長安塵舍填城郭尺壤寸椽不可拓卜宅豈容無
樓臺胸中要自有丘壑先生朝回拄笏看北隅一
樹當籬落土僅容根枝出蒼縱橫屈誰拘縛閒
裏經營忽會心繪圖名匠謀工作諺云借地不借
天飛甍峻宇蟠空廓關山宮闕羅目前劒佩圖書
欣有託拂席揮毫寫諫書精誠呼吸通元漠肇錫
嘉名只紀年丁卯橋頭事如昨君不見官街甲第
營千區何似柳梢安乙閣

和余大司徒新齋落成原韻

余公詩小築茅齋不數椽公餘午夢片時

葉忠節公遺集

卷十二

四

妍填詞真愛臨川本一曲清歌一曲眠一

朱樵掩映碧牕紗活水品題陽羨茶偶簡

牙籤隨意校雲間二陸說南華二兀坐跏

趺納晚涼拳然小石白如霜深簾半控風

悄悄送入階前抹麗香三思向軟塵且避

喧廳除半畝即南軒隨時點綴紅泥跡何

處繫心是故園四

位置花間八九椽風庭露蕊帶秋妍知公憂國心

如醉拂拭平泉對月眠

公退從容掩碧紗吟酣猶憶虎丘茶莫愁難覓中

冷水一片冰心貯井華

鏡檻簾開四座涼月波衝瓦澹含霜到來已是芝

蘭室况復新詞發古香

結構清嚴遠市喧六街塵不到周軒朝回燕坐緒

圖史卻勝溫公獨樂園

倒用前韻

屋製依然仿故園迴廊百折拱前軒不須西塞山

頭望南燕爭棲繞棟喧

火宿宣爐小炷香宋元人畫舊煙霜眼看四壁都

清絕月透疎櫺枕簟涼

葉忠節公遺集

卷十二

五

越巖承露浸蔓華堪與歐公巧鬪茶秋水註成清

心骨藥苗香影上牕紗

吟安七字夜忘眠玉茗堂詞失故妍轉覺新齋几

席小難容燕許筆如椽

壽萱歌壽汪太宜人八十

關中碑版盛名蹟秦漢晉唐羅一室諸家八體互

爭奇玉澤珠光耀星日就中何碑稱出羣壽萱兩

字儼神筆汪公至性開精誠一見欣然動顏色為

言吾母年八旬此字生徵契胸臆不徒樹之堪忘

憂誰其書者壽金石寸丹所感開必先昔賢留以

貽有德婆娑手拭蒼苔痕幽洞龍蛇奮鱗翼千年
神物遇知己百幅藤溪蘸香墨捧書衣綵乘傳歸
升堂拜母前造膝不將楚舞侑霞觴自譜秦聲調
錦瑟是時八月秋高清天香古馥紛瑤席猗歟母
如鍾郝子曾何奇踪靈貺神所呵青碑綠字光不
磨尋常筆墨安足多

冬十月 乾清門引見

鳳曆頒冬朔龍衣捧壽觴九州成萬寶六律肇初
陽日近風猶暖宮深漏覺長星雲將曙色花木小
春光鐘動開魚鑰班分逐雁行承恩隨啓事伏闕
葉忠節公遺集 卷十二 六

見垂裳穆穆天容睟巍巍聖道昌燭裡虞典合俎
豆孔林香宸翰輝河嶽熏絃解雪霜巡遊兼補助
親策舉賢良館局編謨烈郊壇正樂章文思四表
格神武兩階望萬國置三會三驅服夜郎吹欬能
偃艸煦育共扶桑崇德元茲指懲奢士用臧太平
憂水旱明旦覆羹盞心云信堯舜功何論夏商淵
泉看浩浩訖茲登養幸信時方泰應知禮自坊
清勤臣子職表之嘉言
扇開簾捲座當陽奏欣隨駕驚行萬象氣清天
一碧四方風動史重光宮花近日先春麗正朔頒

時應曆長自愧小臣叨遠畝願抒精白報 君王

昔劉蕡得同白尚書和元學士深春二十首

皆用家花車斜四韻余十一月出都由上

谷至衡山連日遇雪一望空明林巒如畫

且喜暗梅煙在近也因做其體得十二首

何處偏宜雪偏宜名士家紙牕寒映字相管凍含

花頗足容僊臥無勞挽汲車從他明月上疎影不

橫斜

何處偏宜雪偏宜豪士家雕翎穿柳葉馬汗浴桃

花錦帳初行酒金貂又擁車迴風吹暖耳微覺帽

葉忠節公遺集 卷十一 七

簪斜

何處偏宜雪偏宜內翰家挑燈五代史出殿滿衣

花梁苑誰前席相如在後車開牕瓊玉重松偃竹

枝斜

何處偏宜雪偏宜游宦家明宜塞外月香憶嶺南

花馬上時看画雲端忽逢車迢迢寒樹杪風颭酒

旗斜

何處偏宜雪偏宜廉吏家瀘泉烹廟芥銚薦護園

花暫沃生塵甑將乘載吏車皎然孤鶴羽不逐雁

行斜

何處偏宜雪偏宜良友家碧牕皆玉屑青眼共燈

花天與照肝膽人誰歌笠車剡溪飛棹去不畏月
昏斜

何處偏宜雪偏宜大帥家營門當玉馬角韻落梅
花昨夜回三舍今朝見五車紛紛白雁羽空外受
風斜

何處偏宜雪偏宜小隱家百壺不醉酒數本未枯
花但有先生履全無長者車蓬蒿荒徑沒吟罷夕
陽斜

何處偏宜雪偏宜貴要家妓翻江左曲火種洛陽
葉忠節公遺業

花鶴擎神仙服瓊人雲母車那知當戶冷沉醉日
西斜

何處偏宜雪偏宜漁父家疏畦清臘水巡圃接春
花一笛催歸犢孤豚祝滿車漁船打冰過燈火暮
煙斜

何處偏宜雪偏宜思婦家關河凍殘夢刀尺惜團
花待掃三條路將迎四望車征塵吹不起唯見朔
風斜

何處偏宜雪偏宜閨秀家苦吟翻柳絮巧剪闌冰
花寒不侵瑤閣香還滿鈿車故應裙衩上對對蝶

飛斜

和丁景呂雪牕二律
諱弘海江右人獲鹿令

氣壓同雲凍不飄玉塵寒挾北風驕偶移人世為
三島若擬仙根亦九標孤客自求詞賦敏濃情肯
放酒杯消漢唐事往空垂柳詩思何曾在灞橋
雨露當年潤髮膚鹿泉今不欺無襦相看同調皆
寒士莫訝空山有餓夫守白但能全白壁選青何
必羨青蚨多君貽我陽春句前路堅亦坦塗

贈真定趙都督

海甸銷兵日河山誓爵年丹青標畫閣鏡吹譜宮
葉忠節公遺業

懸分陝威名震征西委寄專龍沙屯虎豹狼燾定
黔滇勝算常摧敵奇謀在講堅鸞章褒將略貂

錦賜行邊秬鬯優元老彤廬賜象賢儒衣推袷襜
武庫本神仙橫梁詩篇秀臨池筆法妍承恩聞密
詔對御拂華箋鳳尾呈書覽麒麟受寵偏一軍

皆取號百戰獨當前
星移益部壁壘肅全燕風捲長淮雪春開細柳
煙令公真盛德尚父笄中權欣接平原席兼叨上
客筵磨厓思片石高勒賀蘭巔

小飲李梅堦觀察署中見其賢子年才六齡

亭亭獨秀又能識艸書喜文筆覺義獻鳳

莊遂有其匹余以小太白呼之因用清平

調原韻作詩如其數以贈

石麟頭角鳳姿容睂目清疎髮不濃十乘珠光映

明月長庚可但夢中逢

天然風韻帶蘭香珠玉精神錦繡腸他日殿頭催

應制莫翻舊調刺新枚

過庭詩禮足承歡手點之無座客看百尺仙根蟠

砌下一枝玉樹出闌干

葉忠節公遺藁

卷十二

十

芙蓉泉亭曲

雁門西來水盈科滔滔直走渾沱河河流東去勢
不返城中安得霑餘波供奉騎驢到鉅鹿人面枯
塵若新沐官閣誅茅鑿小池泉聲一道飛寒玉色
清氣冽味且甜大珠小珠疑織簾相傳廉吏有神
異此泉天欲名為廉隨源疏淪成巨瀆兩岸芙蓉
媚書屋寒光已逼娥影清綺紋似割鴨頭綠了却
公事無他營臨流擬濯滄浪纓自製江南書畫舫
錦袍獨坐遊蓬瀛好景當前許誰說飛箋招我逢
初雪曲堤處處落梅花高閣我我覆官纈敲冰放

棹衝雲堆張燈把酒繁絃催行行火樹天不夜聲

聲爆竹殷其雷冰光燈影共明滅遠笛新歌聞遞

闕當茲佳境只宜詩有此清輝不須月舟回半醉

上泉亭藥闌曲折芸牕青綠綾火剪堆紗字花艸

如煙剔墨屏忽然又度迴廊去手撥烘簾邀我住

矮簷親署見山齋斗室人題讀書處蕭蕭几榻無

纖塵焦琴閣帖羅華茵滄洲滿壁書滿架位置高

下如君臣使我胸次一朝豁並坐銜杯語刺刺此

君乃可稱風流吾輩何曾不曠達後凋偶得丁固

松作賦猶傳宋璟風高論極歡忘齷齪逢迎簿領

葉忠節公遺藁

卷十二

十一

都雍容客主相看兼四美客不云云主唯唯眼中

之人無要人局外之鬼皆新鬼因知謫仙真神仙

泉亭雪夜非徒然君曾采石看江月我勝山陰訪

戴船

雪後同沈建有漢雲登真定隆興寺大悲閣

二律

千年崇構接青霓攜手同升磬折梯雪霽故疑瀛
海濶雲開忽覺太行低僧徒耳食誇遺像碑版苔
痕蝕舊題指點河山說興廢蒼涼寒日又沈西
感慨隋明浩劫因虛勞傑閣護金身梵音難醒雷

塘夢佛力偏蒙土木塵高棟至今棲燕雀危闌自古俯城闔煩他千手從頭數誰是生天慧業人開闢

皇年建明天順重修廣興記誤註宋開寶建入閣有千手觀音故二詩云然

贈趙三公子

平原往事可重論肝膽風流此尚存茂遠自應誇愛弟季方原不後諸昆緣知名士皆人傑尤喜文才出將門愧我道途棲屑甚得逢雙壁共琴尊

贈真定趙太守瑾字子瑜

趙分茅土古諸侯愔蓋君仍控上游貧憶括蒼山水勝衝當鉅鹿簿書稠八年時雨常無旱萬井春

葉忠節公遺藁卷十二

三

溫不覺秋今日飲醇揮手去馬頭却望是并州

雪後飲息波亭二十韻

寒風凝夕陰微雪衆山曉聯鑣出城西初日懸樹杪一水浩空明長隄五天矯崔嵬息波亭勢欲接飛鳥吐納雲外青控排秋中潦晚霞映層冰隔岸見煙艸地迴市無喧情親客皆好當杯容我酣振策恣幽討口如洪河懸氣與諸峰杳水偶乘徊心神遂縹緲况吾賢主人興寄棲羣芳琴清聲不繁賦就梅開早作意挽頽波中流鼓輕棹頓使狂瀾安稍以潤梁稻獨惜亭四隅碑碣徒擾擾風流

豈無人殘墨堪一掃敘語未及終斜陽在山少林巒卻望遙空翠猶了了大醉得人扶據鞍忘我老千家燈火光不覺山城小

宛在軒詩

澄溪宋子出宰臨城三年以來修舉廢墜吏民安之會歲大飢倣蘇公忠築堤救荒之意即其治後隙地肖舟製屋屋纔三楹首尾畢具鎖牕映碧雕闌如畫舫東湖石亭亭不減雪浪西有牡丹臺紅白數本古木參差如岍凭檻扣舷不知其為屋也其

葉忠節公遺藁卷十二

三

尊人御翁先生手署其顏曰宛在軒以視羊祖忻之通梁水齋孫德璉之汎江置酒風調豈相上下哉余偶過其地澄溪挽留數日飲而樂之忘其在客為賦十章

萬里乘風仗此航一篙香水憶橫塘碧紗開處湖山好暫泊西灣似故鄉

空濛不見錦帆涇況是殘冬密霰零卻賴西風吹得穩蓬牕已對牡丹亭

大雪初消煙霧清要乘月夜剡溪行解維不用黃頭擢船尾曾無打鼓聲

書画移來貯此中玉簫金管朔春風晚晴好繫垂
楊岸樹裏梔燈萬點紅

陸海無潮水不鹹終朝倚棹傍雲巖他年若告江
東假不向長康借布帆

回頭披舵欲如何志在澄清擊楫過宦海浮沉憑
一葉急流終不畏風波

船頭闌楯似高臺可是昆明習戰來遠望卻如天
上坐桃花春漲不教開

江南生長羨漁家簑笠衝風壓浪花此地偶逢新
雨足可能移棹釣魚蝦

葉忠節公遺藁卷十二

古

十丈長編踞上流朱闌碧檻看來浮憑他多力渾
如弄敢說生平善盪舟

門外全無車馬喧青山兩岸不聞猿陸居非屋船
非水只合名為宛在軒

乙丑除夕二首

今宵恰恰在春前花信先後漏刻傳客裏看人忙
到夜鏡中笑我暗添年同為游宦逢賢主共見新
星換舊天一醉不堪誇守歲青燈留燄照孤眠
此身無歲不天涯今夕燈前轉憶家料得老親思
彩袖因憐新婦頌椒花弄孫雖有含飴樂遊子難

將視膳誇南望故園千里外太行山外白雲遮

丙寅元旦二首

時寓臨城

醉裏微聞曉漏催薰香猶撥舊爐灰雖無衽服追
年少但掃華顙及老來萬國此時隨仗散一鞭深
望及春回謂望梅崖他鄉風日頗晴暖三徑梅花開
未開

客中冠珮不朝元徧揖親朋似故園萍梗因風依
北道韭花入饌得南殮偶開倦眼為游戲欲脫冬
衣且負暄此夕賓筵思壽母遙擎柏酒祝春萱

贈臨城趙廣文懿源

葉忠節公遺藁卷十二

十五

才華卓絕冠羣賢絳帳晨開手一編篝火談經常
達曙生徒算曆欲忘年盤炊首宿和羹美句艷芙
蓉映日鮮借問風流誰得似平原時譽舊翩翩

贈臨城孫廣文省

芳蘭竟體口含馨領袖諸生校六經雙硯尚分淮
水碧一甌遙接太行青籠中多採參苓貯帳後能
翻樂部聽今日幸窺孫綽賦相將回首息波亭

性存第二子出見年甫六歲拜揖禮耳白過
面下垂如珠因以貽之

因訪而翁得見而春風變化有鯢鯢他年雲路垂

天翼定是趨庭大耳兒

蘭茁堦除滿室香休誇童子奉車即從來小宋魁
天下記取君家政事堂

贈真定焦同知映漢

字雲漢陝西武功人時攝樂城縣事

暫攝銅章綬組添海棠溪上舊垂簾風流不賦車
鄰什儒雅常懸鄴架籤經授平津兼筮易姓非叔
度亦稱廉行春巷陌褰帷過共指參軍羨美髯

贈高邑令劉瑜

字志善隨其叔官廣東今遷兩浙鹽運判官

泚水清漣潤一方訟庭花艸入春芳衣衫常惹熏
爐氣笑語猶聞蒟醬香自昔謝家誇玉樹從今潘
葉忠節公遺業

卷十二

七

縣有甘棠西湖到日堪吟賞畫舫歌聲駐夕陽

漢松

在臨城文廟庭東云是漢時所植

一枝西向指斜曛勢欲騫騰徑入雲風逆霜皮枯
墨皺苔緣錯節碧螺紋得依漢曆誇年代幸免秦
封漏斧斤千尺孤根蟠壁水好憑雨露長龍文

唐槐

在臨城城隍廟大可四抱蓋然一物云是天寶時所植也

但言天寶已堪哀傾國花魂葬馬嵬此地結根非
建始問誰移植向蓬萊婆娑猶自含生意臃腫都
應是散材無奈里人喬木思青碑勒字號唐槐

留別宋澄溪

余以乙丑十二月廿三日到臨兩寅正月十一日立春後乃別

飲饌常供數十人一食能令主翁貧火添商陸過

殘臘酒送屠蘇又早春醉裏生平多說盡客中肝
膽轉相親臨歧愧汗兼珠淚併下沾濡馬足塵

不知別後各何如南北音塵看手書風月我思雪

浪石江湖君羨武昌魚一官清白憐同調千里家
園念倚閭相訂宦成齊解組山塘佳處結茅廬

雪浪石

石在介齋中庭余以其形似也遂以此名贈之

奇巧青山色玲瓏白石盆定州移到此猶帶太湖
痕

也足誇坡老真堪拜米顛介齋看玉立應不讓平
泉

卷十二

七

丙寅正月九日夢後追悼

是日即張恭人亡日也

恨隔重泉二十年夢來無跡去翻然霑花紅淚千
枝血落筆青山兩點煙繡像挂時同受歲玉釵緣
在合生天祇存一女呼先母遠嫁何曾到膝前
搔首晴雲又早春當年此日斷芳塵不緣夢汝方
思汝可歎新人已舊人一語未交空對面五更初
覺悔翻身風吹香影歸何處慙負神傷不似荀

再咏唐槐

偶得蟠根古廟中成陰結實待秋風記年何幸同

仙李入囊偏能做井桐承腹枵然誇老大虬枝笑
爾不玲瓏但留此榦堪鑽燧迸出寒冬一點紅

贈樂城陳廣文垓

鱸堂校訂禿霜毫雪裏紅芽郢曲高食我春盤非
首荷飲君雅量勝醇醪手栽桃李花常滿心戀琴
尊興轉豪同是中秋懸六矢可知明月屬吾曹

留別李梅崖四律

丙寅正月
上元與梅崖聯姻

砥柱存吾道相看德不孤浮沈宜拙宦煙火笑凡
夫心事青燈在談鋒赤幟無十年松水誓管鮑又
崔盧

葉忠節公遺業

卷十二

七

爾我心相照清輝百歲圓生時同月夕文定恰燈
筵九陌千花燭三巡萬管絃他年看子女觴祝兩

翁前

我老偏誇少君廉曲諱貪編纂忘櫛髮賒黃髮留
賓每薄尚書諂都逢丞相喚可知李太白翻是獨

醒人

往來風雪裏情暖不知寒
口口難言只回頭且對
看春煙恒嶽遠秋漲漢江寬
鱗須頻寄唯傳一寸丹

臨城令宋澄溪偕趙宣二廣文及老年家喬

百一譜明經上舍茂才饒飲蒼巖祠即事
賦謝

醉來輕欲別臨發重分攜班馬心馳北離筵日漸
西一聲無故咽雙眼忽然低幸是春初艸王孫路
不迷

蒼巖祠下別杯酒饒蒼巖碩果客誰剝同心合筵
咸古情溪水淡世味鮑魚鹹無物堪留別牋詩手
署函

將至沙河縣口占

帳飲傾城夾道看酒醒馬上各含酸更愁前路皆

葉忠節公遺業

卷十二

九

如此別淚如何得再乾

過沙河縣感舊

荒城當古驛迎送不知頻赤地三年旱黃雲萬斛
塵輪蹄惟過客煙火斷居民舊日偶經此曾逢賢
主人

城市今初盛炊煙萬井深犬肥羣吠客吏隱自鳴
琴社燕營新壘雛鶯忘舊林馬頭斜日在猶照故
人心

黃梁祠

若黔若皙丫髻郎懷鉛揖讓升書堂或啼或笑誦

黃卷皆欲置身登廟廊偶得一官志未遂綠衣墨
綬羞卑位長吁終日手書空問何所求唯富貴可
憐富貴不易求眼前嗔笑後君侯掃門三月竟誰
見追送百里徒汗流捶胸擢筋嘔心血十囊五囊
事要結花底秦宮幸見憐閣前宜祿因通謁入門
長跪捧衣襟義兒無物將丹心北珠纓絡裝冠子
鈿合蒲桃綴粟金在天爲翁作秋鶴在地爲翁營
兔窟不愧中書笑拂鬚翻使娥眉羨無骨明廷一
且宣白麻北門仍許坐南牙公卿伏地曹郎怖印
纍纍若鄉黨誇朱雀桁開八騶擁每啞鄧禹無光
葉忠節公遺業

卷十二

子

寵後房珠玉夜生輝門外金銀氣成汞猶恐人間
留有餘凌軋老生如豎儒口蜜腹刀曰余智人愁
鬼瞰何其愚嗟嗟如此讀書何足重今年歌管他
年慟不信功名不到頭請看此榻廬生夢

王公新柳詩

從天摘得斗南星夾植周行儼翠屏千里並霑新
雨露早春時節已含青
千章喬木盡龍文江左聲華奕葉望夏羨名家多
玉樹移來一路有青雲

長楊奏賦早揮毫濯濯煙絲映碧桃想憶上林游

宴日一枝曾染舊官袍

百頃蓮塘間白蘋秦淮行署委香塵爭如移植龍
池種垂蔭東西南北人

西江桃李舊芳菲玉筍仙班滿絳幘樹木樹人關
國計眼看此樹欲成圍

孤子宣房廬主憂先生一柱砥中流河平不用千
金埽眠起從他在陌頭

東海于公判浙西訟堂春到州萋萋至今猶自舒
青眼卻做隋隄作汴隄

九府輸錢饋羽林笑他榆莢與桑樅陶公課地無

葉忠節公遺業

卷十二

主

遺利待看秋垂萬縷金

幾經盤錯到公卿爲政風流州大崇莫訝霜臺惟
種柏看來疑是亞夫營

沙隄一望鬱蒼蒼絕勝長安萬柳塘分陝政成行
入相中州無樹不甘棠

贈磁州守任塾克家

當年辛苦共公車急詔頻傳悔讀書春雨詩成還
奏賦秋江戰罷又歸漁

已亥京口海警
時余下第南歸

雖通仕籍貧如

故每憶達門淚滿裾十載重逢青白眼

克家能爲
青白眼

君新賜紫金魚

任守新
舉卓異

大梁懷古

賊騎如風捲浪痕千年城郭大河吞路傍沙土埋
鷗吻地下人家見州根紫陌爭誇新井邑朱門誰
是舊王孫信陵已死侯嬴老何處能逢國士思
前臨京索後教倉此地因名古戰場偏有賓游留
翰墨問誰富貴愛文章兔園失秀山川恨雪苑無
春艸木荒寄語鄒枚詞賦客買絲只合繡梁王

深柳堂感賦

堂在道署西偏

煙絲如画裊空除影入芳塘水榭虛雨後風流爭
似昔眼前蕭散不如渠官廚猶索長安米箕歛羞

葉忠節公遺集

卷十二

三

看貨殖書遙憶故園池畔柳此時愁黛可曾舒
巾箱書卷漸疑塵簿領成堆欲等身批答未除章
句習驅馳頗似利名人江帆風正思歸棹檣燭花
開夢老親已是別離驚改歲那堪梅雨更兼旬
雲葉煙條映綺櫳辛夷花落訟堂空曝餘古画蒸
雪白掃破蒼苔漬水紅穀賤偏無千日酒雨多只
望五更風已爲俗吏公憐俗閑課陰晴祝歲豐
歲蕤魚鑰鎖重扉樓上晴光靄翠微但見印硃汚
毳服有誰刀尺剪春衣潛身敢羨蜘蛛隱中飽頻
愁鼠雀肥那得癡兒公事了手持官板送斜暉

雀尾香爐手自熏蠅頭箋牒有難分丁年蕭颯驚
青髻子舍迢遙望白雲花事一春忙處處過江聲萬
里枕邊聞懸魚已久嫌腥食野鶴空羈鸞鳳羣
閒看潭影繞前墀鼓角沉沉白日遲吳地水鮮應
出水楚山簳笋軟垂枝故園客到偶行酒殘夢覺
來猶咏詩莫訝逢人多白眼此心原不合時宜

送毛會侯歸浙江

十年學易悟盈虛笑別花封返故廬折簡耻求韓
衆藥嘔心貪著傳玄書問奇屢滿因多酒作客歌
關不羨魚歸去美囊何所有一篇游記與詩餘

葉忠節公遺集

卷十二

五

只今臨水送將歸采采江蘼悵落暉此夜曲終誰
畫壁到時春盡恰更衣身能出世真名士論得勞
生解息機一聽越吟愁欲絕那堪雙槳去如飛

棘園唱和

歲丁卯秋八月汪掌科涵齋馮內翰大木
兩先生銜命來楚論鄉國之秀以登於
朝典鉅禮隆中外勅忠中丞張先生以先
達重臣董其事方伯廣受崇允各循例奉
職於內某司儲俗吏分不得與惟執牘呼
名揖士子鱗次入已耳既撤棘大中丞出

聞中唱和詩二十六篇見示且命屬和欣

珠玉之當前媿沙礫之在後遜謝不允爰

蜀塵慮虔綴蕪詞敬獻宗工仰祈郢削

奉和張大中丞酬丁廉使中秋前三日原韻

二首

楚天兵後關文明鎖院更殘正曉晴自笑當關如

趙卒當關即關吏也特司大門執旗呼名故云幾忘摸索在秦京壬子余主試關中呼名

目送羣英入閨析心隨百感生同是昔人辛苦地

好後雲路問鵬程浣由大門折而西道有坊曰雲路

狂瀾既倒待東迴時望因歸肅政臺唐改御史臺為肅政臺今指中丞公也

葉忠節公遺藁

卷十二

親向穀中傳射法中丞公作程又九篇相將囊下惜琴材今年貼卷甚寬

見續者少紫雲一曲吹霄漢明皇遊廣寒宮有紫雲曲金粟千枝出艸萊

試上層樓看夜色五星今已聚三台

奉和張大中丞中秋夜聞中聽雨二首

悵望良宵興漸闌風簷疎雨隔牕寒催詩幾片雲

初合燒燭三條月一般唐制舉人試日既舉許燒燭三條故權德輿戲之曰三條燭盡燒殘士子之心

恐濕霓裳應罷舞若登天三條燭盡燒殘士子之心楚江只有魚龍樂添得

微忽命道童曰可降這果登天柱峰玩月及至月明如畫飲罷還舍風雨依然

秋濤海樣寬

雨過蕭然四壁秋桂輪藏處碧雲浮南朝金粉天

波洗北渚煙嵐帝子愁條佐共依王令暮歌譚何

必庾公樓漸余不與東堂宴宋王公與歐陽文忠同知貢舉有十五年前門下客最

禁今日自顧原非管樂儔

奉和張大中丞中秋雨夜即事

月殿花新發容誰帶雨攀驚機嫌舊樣盧氏雜說云宮錦坊舊匠云花

線不同且東歸玉鏡失春顏老覺名心淡貧知世路艱應官

唯聽鼓何地可偷閒

幕府開芳譙風和雨氣消恰逢折桂夜不是落花

朝香夢思綿邈清歌韻次寥猶疑玉茗曲新向月

中調是夜制府開宴演杜丹亭一折恰有中秋風雨之句故云

葉忠節公遺藁

卷十二

奉和張大中丞中秋次夜得月

桂殿幽開試晚妝一輪清照補秋光捲簾遙唱雲

和曲對酒羣歌月出章先得自應誇近水有懷初

見落空梁絕無點綴虛明甚永夕塵心覺坐忘

紀異

珊瑚搜珠集鎖闌紅雲先映省中薇爭傳太乙然

藜杖共訝榮光榮玉扉南齊永明初竟陵王子良較試諸學士天忽黃色照地衆莫能解法曹王融上

金天頌徐摛曰此非金天所謂榮光也世祖大悅荆楚自來誇下壁歐陽每坐見朱

衣只今一望函關紫莫問星輝與月輝

錢月

不放蟾蜍夜蝕殘李白詩蟾蜍蝕月天明夜已殘減前圓處一分寬

裴徊牛斗情難別悵望簾櫳睡未安花影欲隨歸

碧落蟻行忍便過煙巒停杯唱到陽關疊揎袖依

聲拍画闌

喝日次韻

霽色曾無薄霧籠秋陽出海一輪紅幸依幕府開

冰鑑不向君王乞扇工按賜音謁說文傷暑也武王自孟津還及于周見賜人王使工左擁而右扇之

小艸當階思得雨晴空吹氣即成虹晚來何處追

凉好別院砧聲落井桐

奉和張大中丞闡事竣志喜二首

葉忠節公遺業

卷十二

五

不因底事逐人忙慚愧蘇公古戰場東坡送李方叔詩平生漫說古戰場過眼

終迷日五色應見莊珠誇入殼未聽鳴鹿豫傳觴丁年漫

說同時得余以丁酉舉于鄉今已三十年矣辛苦誰能作吏忘引領廣寒

看舞袖香風過處月蒼凉

誰言海日杳難攀李白詩登高至天門海日近可攀戰勝羣雄盡入關

終局輸贏甚黑白嘔心文字血失殷按殷音煙赤色血深也看磨

淡墨標仙籍榜用淡墨榮書以示鬼神所為也頻覺天香遍楚山盧藏用詩桂樹

生南海芳香隔楚山相顧欣然公事了得分休沐片時閒

雜興四首俱奉和

楚澤騷人萬古聞更茅無處問靈氛楚辭宋玉茅以楚草今命靈氛為余占之

應知才命難兼兩何似風光占一分山曉樹青含

瘴雨秋高浪白湧江雲悠悠身世真如寄顚顚臺

即閣上芸白樂天為校書郎賦曰臺有蘭兮閣有芸

簿領閒來早閉門此心直可問羲軒讀書未徧文

誰賞對酒翻悲口自論難與平陽爭舞袖欲招子

美葬詩魂故人惟有山中月今夜熄前又一痕

汎汎漁舟一葉輕也隨估舶強孤撐江豚吹浪添

風力野鷺沙眠愛日晴冷暑不鋤荒徑艸故山遙

寄晚香英洞庭清淺楓林紫噪嘒霜空又雁鳴

詩篇不厭往來頻曾記瀛洲謁後塵細數行藏為

葉忠節公遺業

卷十二

五

善樂止談風月在官貧指南車已臨周道望北心

應上漢津竊附青雲欣有託敢言趨侍路無因王茂詩

辭慕華簪侍衡略無因

奉和張大中丞雨夜降睡十首

一籌初上水四壁正蟲吟霧氣連書幌風聲過竹

林倦偏愁裏甚秋更雨中深燈火梢頭益熒然結

寸心

有客非莊舄多才笑景差雌雄風不辨雲雨夢堪

疑獨醒誰同調孤吟恐後時挑燈開舊帙無復歎

多岐

家貧無十乘夜靜得三餘自笑蜂鑽紙還憑酒下
書揣摩憐季子消渴甚相如莫漫聞雞舞蒿萊未
剪除

身經諸劫後愁與歲俱長既不因人熱其誰謂我
臧齊風掛我
謂我臧今三湘思正則諸殿憶靈光秉燭遊何益
從今笑古狂

不寢惟聽雨青燈照卷黃竹應添醉態花偶作啼
妝漸覺吳綾暖頗嫌楚簟涼開牕看夜色一幅米
元章

擁被無聊甚家山想陸雲爐香凝翠靄詩思薄蒼
葉忠節公遺集卷十二

旻何術祈朝霽相將飲夕曛角殘牕欲曙引領望
清氛

江上蕭蕭雨偏侵花月期欲遲臨渭宴唐中宗幸臨渭
李開宴賞菊

故漲影城池文酒堪千古陰晴任二儀楚天如可
問不必弔江湄

明鏡生華髮青雲歎夙緣口脂如苦藥杜工部詩口脂
面藥承恩澤

心火竟寒煙生計中年失文清一醉蠲只祈今夕
雨點滴落公田

涉世思緘口逢人悔徑情斗筭原自小棋局幾曾
平吏職將何補微軀不敢呈韋處士不調或欲使謁已
薦之漢云恐無呈身御史

今宵騎蝶去應與白鷗盟

中流公砥柱涉險衆心凭霜刃新刳發程書舊貫
仍人人欽雅度九九獻微能吾道推燕許生平得
未曾

頌大司馬徐制院五十韻有序

蓋聞抱松柏之心者亭亭直上涵江海之
量者休休有容一德一心曠古頌明良之
盛雙旌雙節大臣兼文武之才裴行儉君
子之師廓清萬里張忠定仁者之勇圖畫
千秋金惟百鍊而彌堅玉以連城而可寶

葉忠節公遺集卷十二

在昔青編遙集于今紫氣親瞻伏惟某云
石麟頭角威鳳羽儀帝鄉同是南陽分得
乾坤之秀台座近依北斗看如日月之光
生本周正人思冬日心含春德仕則秋官
不尚霜威務得情於五聽獨持風力必準
法于三章惟本仁恕以傳家故大門閭於
奕葉表東海而治太公之履泱泱大風登
泰山而遊聖人之門巍巍峻德變齊變魯
笑管子非天下之才克清克明謂曹參乃
帝者之佐策勳東土移節南畿當中原人

滿之地租調殷繁值三方蠶起之時戈船
絡繹公則篝燈籌畫如意指麾措民磐石
之安過師祗席之上鍾山豈無艸木民不
知兵皖城亦有鼠狐吏皆守法維時滇孽
雖平楚疆未靖天寒日瘦燐火猶青雨足
潮生江流尚赤天子撫髀而思一个我
公叱馭而制兩湖爰霽崇嚴勤咨疾苦念
行間之輸金輸粟滑吏肥囊憫田家之新
穀新絲豪民蠶食法以文深而故教以兵
後而弛政欲觀成道宜善始繳繳澄潭之

葉忠節公遺集

卷十二

三

月清映冰心焚焚照乘之珠明如水鑑謂
民莠之當刈首黜里魁知伏莽之難消先
嚴保甲以刑弼教為道崇儒繫律書三千
屬之文于聖諭十六條之後育楚邦百
二城之秀為孔門七十子之英馭吏則公
而不苛故無飾喜亦無飾怒敬事則敏而
能慎故可顧行即可顧言禁網日疎秋到
有雀樓之寺蠻煙夜熄月明無犬吠之村
用是暮月三年五風十雨亂後之江山如
故域中之景物常新而尤念襁負雖歸蒼

瘼未起地連七澤田廬久沒桃花賦已三
徵村落近增攤稅遂繪圖而請命旋下

詔以俾輸功立一言恩推四海祝宜千祀
碑勒萬山蓋惟耳目心思舉念無非報國
故霜霆雨露然香皆可告天商鼎待調義
年可卜某人門俱下仕學未優徒讀父書
不是經綸之手濫登朝籍偶為出納之司
惟瞻天上之斗箕不作倉中之雀鼠回憶
西清故步已隔仙凡愁看北渚狂瀾但悲
時命所幸身雖朽木蔭得喬松江夏叅軍

葉忠節公遺集

卷十二

三

近作庾公從事丹陽令史曾為張令門人
每棄瑕而錄瑜亦解衣而推食魏舒守確
獨蒙鍾毓之知蔣琬沉酣偏荷武侯之賞
蓋成身等于生我知已甚於感思不揣無
文斐然獻頌在昔陸機入洛作賦以美張
華裴度平淮撰碑亦資韓愈某才謝昔賢
心銘厚德慙無國士之報聊效艸蟲之鳴
敢瀝丹誠敬呈青眼伏祈郛削用正已吟
堯曆當初盛周才脩後先九苞輝鳳翼一
劍淬龍淵雷電新懸法弓旌慎擇賢惟公
為士日能體好

生天五聽殷頑格三章漢約宣至今稱定國直可
配庭堅爰詔西曹掾來旬東海田按圖巡賜履置
府鑄園錢治尚曹參靜書後管子傳遂移齊魯俗
無異澗瀕年帝用嘉殊績卿真合美遷大江財
賦地七郡度支權羽騎龔行計芻糧遠餉邊寸心
調緩急萬戶幸安全控制兼三楚威名動八埏虛
懷咨疾苦匠意欲陶甄謂爾荆舒衆猶循梁晉偏
義文輕革面琴瑟在更絃鐵石存孤峭霜稜競晚
妍不私造帳布祇飲卓刀泉晝運空齋甃宵嚴漏
刺運溫獻回槁木迅擊甚秋鷗下教除箕斂徵租

葉忠節公遺藁

卷十二

三

任手編里魁狐兔散市虎爪牙卷柳色軍幢接村
聲戍鼓連雨銷千埃火霆掃百蠻煙童叟擎裾舞
材官解甲眠昇平今若此巷陌自恬然乃集衣冠
彥重開俎豆筵築廬環學舍起閣踞山巔廟竟看
如陞牆母笑及肩見來皆揖讓是處有歌筵尤軫
兵戈後頻罹水旱愆籍中多耗失稅外更方圓竭
澤憂時切焚香請命專王居因渙汗疏入已旋
乾流慶沾諸域推恩喜並蠲仁言為利溥民瘼應
期痊耕鑿資恒產逋逃返舊廛參天全秀潤雲物
迴澄鮮朝野尊元老帆檣濟巨川道高宜坐論氣

楊叶官縣賤子蓋凡骨公門濫屬員斗筭維小器
桃李亦奇緣抱狹常咨事從游願執鞭仰窺誠浩
浩垂裕故綿綿竹素標清節葵丹映紫躔勳華推
世俗風度儼神仙亭以申徽建碑同杜預鐫愧無
清德頌拜獻 聖明前

葉忠節公遺藁

卷十二

三

賦

秋月賦

維月容平暄涼始分地有餘潤天無纖雲萬邦同
軌九重右文於是啓玉堂披絳帳抽靈思發秘藏
先生蘊鮑謝之風弟子學齊陳之唱於是露井晨
吹碧梧飛葉鳳池夕澄金波如雪顧而樂之命賦
秋月辭曰秋氣顙以次寥兮仰霜空而如拭結璘
迴其宵麗兮澄水天而一色河亘亘兮漸橫波鱗
鱗兮如織光始燭于台軒度不躔乎箕畢玉露既
零庭柯蒼蒞林煙乍收驚及浮碧雀疑曉而驚栖

葉忠節公遺藁

卷十二

五

雁乘風而鼓翼騰千門之夕輝照萬里之容隙於
是騎曹常侍方鎮賓遊長吟西省高宴南樓或誚
微雲之點綴或賞咏史之清幽珠盤不定桂影常
浮霜珪自滿玉斧徒修褰露而香霏衣袂聞聲而
鶴過山頭笑宋玉之悲吳益羨謝莊之賦誰儔至
若繡闥綺羅平陽歌舞寶鏡罷臨晚粧尤嫵碧紗
凝煙画簾楚組簾捲牕開一輪方午倚瓊簫于鳳
凰酌葡萄于鸚鵡招姮娥以下來邀天孫以伴伍
爾乃譜霓裳停羯鼓吟影娥汎銀浦清光裴徊露
華髮義嗤文蛤之無輝弄夜珠於江滸若乃萍踪

旅客單軍戎邊觀江湖之飛鏡望關塞之孤圓攀
羅幃兮淚如雨枕金戈以夜不眠蛩鳴北戶雁去
南天刀鐃誰夢生入何年莫不沈吟望遠頻首巡
簷帳王喬吹笳之夜泣劉崑清歌之前又或思婦
樓頭佳人宮裏當牕自憐中夜數起顧庭州兮含
霜步玉階兮如水杵鳴榆塞之衣賦貴長門之紙
團扇委于涼風并刀落乎纖指人不同圓心隨魄
死怨莫怨兮君王悲莫悲兮蕩子他如慢亭良夜
寶婺名都或號玉皇太姥或稱煙波釣徒筵開巖
岫放艇江湖一弦月子數曲漁歌呼吸通廣寒之

葉忠節公遺藁

卷十二

五

殷欵乃溯天漢之波其時寒光四射清霜淒然游
鱗可數巖花夕妍謝眺當庭而恣翫袁朗援筆而
遷延是知風景不殊悲歡理別高會者眉揚向隅
者心結惟我堯天同輝並潔八荒無塵九有有截
樂貞觀于萬年齊太陽以無缺乃歌曰水澄澄兮
芙蓉拒霜風蕭蕭兮黃花晚香月如珪兮升玉堂
臣何幸兮叨末光賡重華兮旦復旦頌千秋兮壽
無疆

葉忠節公遺集卷之十三

芳

男 勇 編輯

子房

詩餘

天仙子

戰場烽火燒天地雲霞月黑星光翳瓜田老叟製
瓜燈清涼世風光霽玻璃盞內珊瑚麗 休算做
金蓮歸第不過是東陵遊戲開心照破世人情瓢
那裏子那裏青皮一片油花膩

葉忠節公遺集

卷十三

沁園春

壽許沈老太夫人閏
三月西湖官署稱觴

擁傳循陔路出江南身拜親闈正湖光綠膩平添
春色柳絲青繁不放春歸鳳曆餘三驚封錫九八
座夫人錦繡圍笙歌起看仙郎萊舞日映斑衣
六櫺一帶晴暉笑陟屺瞻雲色養連羹板輿乍迓
堂前藹藹霞觴親捧膝下依依恩與奇逢天留好
景如此風光今古稀春常駐又枝頭子熟玉洞花
飛

哨遍

書懷

一片雄心十載宦遊只是貧依舊且妄想讀計

然書泖峰間良田萬畝好莊園千頃方塘靠後林
巒似畫青書牖更橘柚紅垂藤蘿紫覆睡醒日色
初透觀粧樓侍女故嬌羞去汲水澆花理釣鉤檢
點芸編調就冰絃雕牕晴畫 偷昨夜衾裯不知
有箇人知否莫把韶光負駐歌聲催舞袖趁日裏
看花晚來飲酒餘酣好向沙汀漱試闌艸藏闔盈
盈笑語正是開懷時候見兒郎讀罷插牙籌把班
馬文章一筆收伊自去早朝待漏博他錦繡前程
讓我歡娛勾止須雪月風花厮守說甚白衣蒼狗
從來泉石勝公卿願老天許我消受

葉忠節公遺集

卷十三

二

日暖風柔柳鞦韆桃殷洞口春常在早起時畫閣捲
珠簾碧芊芊鶯花世界看雕梁雙燕歸後天外低
飛卻有依人態好滴露研硃含毫試黛頻首默默
誰待步閒階深院竹扉開見小鬟微笑捧茶來倚
定香肩悄問娘行梳粧誰快 猜十二金釵伊心
若箇真憐愛莫把虛辭賴有花兒須早採便寄到
妝樓那人插帶問奇酒是誰家載怕半臂攜來曲
江人醉一霎春寒難耐羨鴛鴦何處不開懷笑老
于當年玉鏡臺趁如今花朝月夕消些翠舞珠歌
還盡風流債試看射柳踏青挑菜直甚宣麻封拜

子京然燭擁如花咄嗟乎我取而代

憶王孫 四時閨詞

柳煙漠漠暈晴暉獨照青簾掩鏡悲生怕雕籠喚
畫眉撥簾帷又見雙雙燕子歸
樓頭雨過晚涼生浴罷纖腰倦不勝軟枕無聊待
月明夢難成起去閒庭摘素馨
閒拋紈扇倚牕前看到芙蓉我自憐砧杵偏催欲
暮天且孤眠莫上針樓望月圓
金猊香冷篆煙殘欲理冰絃出手難積雪空庭當
月看漸更闌瘦影孤燈十倍寒

葉忠節公遺業 卷十三

沁園春 賦得古來才
命兩相妨

天意誰知顛倒英雄雕蟲蠹魚歎十年不調官輪
伏臘三冬足用飽羨侏儒安邑豬肝長沙鵬賦千
古文人一樣愚傷心甚聽歌聲金石慙愧陶朱
如今何不焚書便吐鳳懷蛟總餓夫看唐家獬豸
何曾識字漢宮戚里早已量珠子賤奚為臣饑欲
死暗裏頗聞鬼笑訶愁無計到黃金臺下一哭何
如

三字令 無題

金屋裏羨蕭娘嫁王昌人早慧貌天香燕雙飛鶯

百轉伴鴛鴦 春到也坐紗牕領羣芳卿度曲我
飛觴月輪斜花枝亞過迴廊

惜分飛 無題

風流命溫柔性一見休題名和姓怯生生笑盈盈
停尊款語昵枕低聲卿卿 人欲別愁難說又是
黃梅雨時節拔金釵繫郎懷醉靡酒熟巧藥花開
來來

輓

孝昭皇后四章

孤鸞一

葉忠節公遺業 卷十三

四

冰輪俄缺痛鳳去椒塗人歸玉闕搔首蒼天四野
坤維垂絕試看練裙浣服感君王心酸腸結一夜
悲風苦雨落宮花似雪 況春分漸近千秋節忍
辜負今年恰閏三月想赴瑤池宴跨青鸞先別只
今清明到了斷腸天紙錢飛蝶莫奏房中舊闋聽
流鶯聲咽

鎖牕寒二

月落鴉啼雲簾低放玉衣晨舉香燈明滅照破愁
煙淚雨情分飛宮中母儀官家悵失蘋蘩主更曉
鐘長樂夜深銅箭風吹來去 無語傷心處是戴

勝桑壇星娥華渚濯龍門外黯淡春光如許憶前
年曾哭長孫昭陵隧道今伴侶料皇英不戀椒房
故翠旗雲輅

彩雲歸三

從看荇菜六宮春賁黃封虎紐龍文更雀釵瓊珮
同時授剛半載御墨猶新那知道桂宮蘭殿便玻
璃綠雲此後寢園時薦誰採溪蘋聲吞病中翠
帷聽雞鳴尚警芳晨十篇女則編就檢點鏤篋空
存早起時慈寧問寢眼見是少何人親闌近忍淚
承歡暗拭啼痕

葉忠節公遺業

卷十三

五

洞仙歌四

珠襦玉匣忽塵封雲杳秘殿無人但芳艸兩宮中
說到佳婦生前同一哭月暗風淒漏悄一聲鐘
動後萬戶悲涼都是宮人泣春曉記取舊時恩越
樣傷心誰待看柳絮花笑只指望仙裾再生來與
天子千秋萬年偕老

念奴嬌

踏青天氣暮相逢過了回眸偷覷悵恨遊人爭看
你沒箇錦屏遮護認定衣裳問明踪跡先到前山
住他來我在便教兩次相遇學個愁態迎他高

吟詩句當得分明語似解詩中情事矣雙頰一紅
心許隨著香風趁他歸路直到臨歧處羨伊小婢
貼身眼得他去

柳梢青

戲贈張即謝姬

身在中央片時言短一寸心長梨雨敲門柳風吟
絮嫁箇張郎畫眉可是無雙今相會繡幕重張
建業人來武昌魚賤見見何妨

前調

答李梅崖

想像園亭花枝露重蝶翅風輕天護嬌紅人憐香
粉紅粉前生倚闌人忒多情悲歌起花飛蝶驚

葉忠節公遺業

卷十三

六

謎語三分春光一片解不分明

高山流水

咏莊天申西堂

輕風小燕觸紅牕說家園老樹新香天際越吟聲
悠然占盡春光湖山畔弱柳修篁琴書外別有棊
枰画片藥杵茶鐺趁桃花水漲呼酒學流觴西
堂如今有佳句應不似夢裏池塘得意處花看欲
笑鳥聽知狂借彈絲譜入宮商莫相忘你且停尊
話舊帶醉思量有誰人載愁驅馬度伊涼

金縷曲

即孔燕飛賀新即也
烏延署中寄懷硯孫大姪

絕塞雲橫嶺這悲涼只緣命苦有誰心肯一曲陽

關留不得匹馬西風自領憶少小春眠難醒客到
嬾迎推酒病奈如今萬里無人境日未落樹先暝
江南此際園林景料伊家帶泥煨筍瀝泉烹茗
說著我時應下淚淚雨摧殘紅杏算半世吞飢忍
冷似急酒連催醅酌數歸期須耐三年等同一醉
立花影

木蘭花慢

塞上春思

被邊沙塞艸瞞過了一年春更四面荒山幾間老
屋萬里黃雲鬱鬱那堪久住但朦朧合眼度朝昏
偏恨江南蜂蝶又來夢裏撩人 鐘聲驚覺轉銷
葉忠節公遺業 卷十三 七
魂愁添到十分問柳汁誰沾桃門誰見鶯語誰聞
花信此番空過只衣裳還是百花熏卻怕風吹香
夫惹他秦女嬌嗔

摘紅英

雲山轉屏山卷延安一別長安遠花前淚燈前嘆
料得雙娥黛痕青細 人難見愁難遣傷春索把
殘春錢將詩謎傳詩意不情不緒此時此際

惜分釵

延川道中所見

郵亭暮桃門過馬上墻頭兩鶯顧貌婢娟態蹁躑
些些脂粉艸艸釵鈿偏偏 剛半面難重見懊惱

心情添一線野風涼野棠香何時蝶夢那答處芳
雙雙

深庭院重門扇隔斷仙源不相見恨綿綿意懸懸
風來何處月照誰邊天天 雞唱了催行早馬背
還疑香夢抱雨如塵艸如茵那堪別路又是殘春
人人

虞美人

晚晴

枝頭鳩喚詩催酒氣爽晡時後片雲舒卷任東風
幾處殘紅新綠夕陽中 桃花春漲堪幽賞回照
波光漾樓前乍見萬山晴都是連朝雨點洗來青
葉忠節公遺業 卷十三 八

越溪春

賦得流水桃花色

春暮絳桃春漲裏輕薄尚依然宓妃幻染胭脂面
賺阮郎重到溪邊返照低翻朝霞倒蘸紅浪粘天
分明濯錦晴川說甚武陵源試從前澗後澗探
取涓涓勾漏丹泉桃葉渡頭船過處茜袖掠波妍
雙調望江南 春夜雨

東風峭浙憑響空堦牕紙似人彈欲破枕函如語
聽尤哀腸斷是天涯 愁無寐早起望亭臺顚顚
明珠垂柳線盈盈紅淚闌桃腮芳徑長蒼苔

齊天樂

戊午暮春朱牧仲信諸同人遊祖氏園亭各賦齊天
樂一闕見示余不及與因憶丙午舊遊依調酬和

夕陽催散遊人，歸都歸咏齊。天樂入破，無痕開絨。
似畫寫出南塘，豁空撫今憶昨。歎沁水荒涼，輞川
零落。如此池臺，一番花信，好酬酢。年時攜朋讌
賞，曾臨風藉艸，共翻紅藥。舊夢猶香，新花不見，回
首春愁漠漠。後期早約，引前度劉郎，旗亭重酌。試
聽雙鬟，好詩誰唱著。

繫裙腰 咏裙

縷金襴縐著來圓，銀泥暈鳳絲。綠離離寶縫，香風
動，羨影翩翩。剛垂地，露雙鴛。八幅湘江春水碧，
因飛燕，號留仙。開箱背地看紅淚，怎不凄然。試新

葉忠節公遺業 卷十三

繫帶幾圍寬

臨江仙 咏衫

檢點春衫看寶篋，龍綃細薄如煙。靈芸針線巧天
然。比人新樣好，開摺舊香粘。記得著時曾送別，
手貼帶子低言。於今寬窄異當年。南窗留袖口，淚
點漬胸前。

兩同心 咏劍

圓似瓊環巧，同絲縷待看。著翠袖開時，恰鎖住守
官紅處。折高枝倒褪些兒，放下如故。敢是明皇
恩與玉奴新，估妝成約腕，却憐他睡濃替枕還拋。

去驗近來肥瘦，如何舊痕記取。

青玉案 咏枕

遊仙蓬島荒唐了，但繡出鴛鴦巧。比翼雙栖春睡
曉。兩人私語，一聲微笑，只有伊知道。近來孤另
酣眠少，倦慢欹斜，蓮漏悄。粉頸頻移和淚，禱問儂
心事，揆即音耗。好夢從君要。

江城子 咏衾

明光八尺繡鴛新，欲黃昏。麝蘭薰。斗帳春深，曾覆
並頭人。貼肉溫柔同夢穩，憐此夜，剩孤身。合歡
綺變錦迴文，近腮唇。但啼痕，擁坐不眠時。時候更銷

葉忠節公遺業 卷十三

魂莫說空牀閒一半，這一半幾曾溫。

鵲踏花翻 咏鞋

彷彿鸞靴，裹藏錦襪，巧描月樣添針線。羨他薄玉
生香，鳳嘴銜珠銀泥，裙底依稀見。瘦如初，迸笋芽
尖紅，疑乍褪蓮花瓣。小院立印苔痕，青淺瑤階
款步芳塵軟。落花深處，潛踪隄防曉露，弓底香泥
濺。有時行倦，覺鬆些倚人兒，著眼兒喘。

送我入門來 咏簪

斜綰青絲橫施義，髻晶晶。玳瑁魚須，雕碾玲瓏，綴
顆顆明珠。反腰貼地，銜來嬌更斷，酒分杯盡處。虛

就取搔頭可愛賺得官人賣弄買盡璫與笑指
金釵忽忽自躊躇磨成却怕中央折問墜地曾諸
暗卜無

一痕沙 題蘆雁圖

一幅錦書誰作夜半天風吹落歸計莫嗟蛇好銜
蘆 噫噫叫殘霜月个个踏深沙雪画裏也淒涼
况蕭湘

瑤花慢 雨中白丁香

冰姿雪膩軟鞦韆枝頭似春酣思睡馬嵬香粉真色
潤猶帶當年珠淚天然風韻著些小愁容尤媚想
葉忠節公遺業 卷十三

士

漢宮白鳳纖纖飛上玉釵如綴 分明四出瓊英
在葉底凝華清映新翠隋家剪綵剪不到如許琪
花瑤穗澹粧自好經洗盡羣芳穠麗便喚他三月
輕梅與我雨中相對

桂枝香

同人聯集孫北海公郎茂叔退谷園紫藤花下
各賦桂枝香詞金門二閣余不及與因遙和之

園名退谷憶獨樂午橋風流堪續看過三春桃杏
紫藤開足石家錦繡繁華處問何如天然花屋交
枝紅顫軟梢綠鞦韆一庭芳馥 羨君輩周旋茂叔
有繡幕當頭霞光娛目良夜清尊譜出開元新曲
慚余未到東山麓但沉吟謝傅絲竹捲簾凝望燕

掠香來破人塵俗

謁金門

春光老幾處落紅風掃只有紫衣年正少脂痕新
印小 千緝流蘇迴抱一曲玉鈎柔繞欲關齊宮
顏色好倚闌垂露曉

離亭燕

送計子山南歸

旅况好消詩酒歸興無端倥傯到得故園翻似客
枉折薊門楊柳梅雨落花風豈是遠行時候 燕
宿畫梁依舊月浸碧階如畫慙愧石尤留不住斑
馬一嘶分手雲樹隔江東鎮日看君蚪蚪

葉忠節公遺業

卷十三

士

潘陸奇文天馥虞褚健毫花簇郡國鶴書爭勸駕
偏是長卿歸遠一笑謝鴻都獨愛艸廬松菊 灼
灼海榴開足滴滴檀槽初熟脫帽披襟看泖澆洗
盡緇塵千斛菱葉藕花紅被底鴛鴦新浴

滿庭芳

答馬玉坡

小院春歸故鄉人到六載溪嶺飄零提攜詩卷到
處有逢迎赴我朝衣乍典頗堪賞酒綠燈青斜陽
外輕雷急雨洗出晚天清 涼生風過處爐煙篆
細樹杪雲平正捲波行罰刻燭催成佳客掉頭竟
去長筵撤月冷空庭沈吟久新知白首飛絮落花

情

驚啼序

對越青山填送
現孫姪兩啼

同遊幾時忍便舍水廳硯席斜陽裏匹馬空囊匆
匆別我南陌各聽說一聲珍重長堤路轉垂楊隔
恨粘天芳艸離亭近處尤碧 冒暑同來冒暑獨
去恰經年作客荆山璞泣血難明黃金用盡無色
更無端雲翻雨覆拋幾度花晨月夕夜牕虛淚眼
相看不堪重憶 伊家癡叔未辨尋常菽粟耽孤
寂頗自喜阿咸花底詩酒情濃幼度階前芝蘭香
裏余懷渺渺君名籍籍比來所事成關切肯須臾
葉忠節公遺藁 卷十五 注

春風嬌娜

送母舅兩歸

爲伊家宅相三度遊燕芳艸路暮春天幾晨昏驢
背曉風殘月一程安穩八口團圓驛玉初生髻塵
剛退鄉夢悠然落枕邊教住只貪遲半晌臨歧又
惜路三千 辛苦荒雞野店流金爍石黃梅過纔

上江船青蒲岸綠秧田侯門稚子錦袖新妍手植
山花別來無恙早潮海味到日光鮮飄零剩我望
白雲親舍渭陽情重好仗周旋

摸魚兒

題桃花源圖

徧青山桃花千樹仙乎身在何處水窮林際人家
近雞犬田園無數行且住一樣有白頭翁嫗攜兒
女喁喁細語說記得當年避秦來此春色未曾暮
只今看洞口斜陽古渡分明谿壑如故漁郎重
到迷煙霧慙愧晉人風度披畫譜須知道山間流
水花間路丹青不誤但添箇扁舟東風正好雙槳
葉忠節公遺藁 卷十三 十四

盪波去

惜秋華

秋怨

陣陣涼風把天邊片片行雲吹薄西下夕陽似催
晚牕梳掠秋山漸斂秋容瘦滿鏡粉朱零落空幃
掩淒清一枕亂蛩殘角 離恨心頭閣怕悲秋有
賦醫愁無藥望斷他鄉蕩子經年漂泊雙星萬里
銀河料今宵合歡如昨靈鵲這仙橋可容人作

鵲橋仙

七夕

秋星萬點何緣今夕只有天孫偷渡眼看雙美擅
風流難道是嫦娥不妬 癡心兒女相逢便巧也

止一年一度匆匆莫算做歡娛那別後相思好苦

前調

針穿絲線絲看蛛網乞得巧來幾許閨中情事自
關心偏要說天邊牛女 豫愁明日除非今夜莫
放靈禽飛去直將銀漢盡填平便百歲雙棲一處

金菊對芙蓉

九月十七日賞菊

風折疎籬雨荒叢菊重陽節物全非更心旌南北
馬首東西悲秋老矣還添恨恨一路水漲天低些
兒晴霽遠山仍翠霜月如珪 僥倖未過花時得
晚香數種瘦影參差恰白衣人到綠酒盈卮但斟
葉忠節公遺集卷十一
但飲思彭澤且莫問花酒愈期惺惺良友深深良
夜一醉題詩

一萼紅

幽恨

笑萍踪似天涯行脚色色總空空錫杖穿雲蒲團
坐月淒涼斷鼓零鐘却又似白頭宮監飽一眼春
到上林紅命犯孤鸞不如鶯燕飛向花叢 僥倖
乘槎到此見臙脂山下黛翠煙濃兩趙穠纖二喬
嬌小宛然人在巫峰車馬過回睥不得想倦時入
夢難逢自罵一聲薄福雙袖龍鍾

萬年歡

賀前學唐存我周甲科名

百卉秋零只貞松歲寒偏耐冰雪試看黃初耆舊
古風騷發豫折雲霄桂子比五柳門前奇絕逢辛
酉金粟重開餘芬香泚清骨 雖然世情久歇那
覓裳曲部仙響無別瘦鶴孤鸞不減魏晉人物漫
認同年小友便老輩也須結襟思今昔六十年來
兩朝花一天月

醉花陰

方塘曲曲圍葭莢正清波漱瀼瀼水起遊鱗鱗尾
紅腮可是丹砂染 醉來閒倚亭前檻把詩腸重
檢舊事觸新愁又被離騷道著人心坎

葉忠節公遺集

卷十一

七

葉忠節遺稿十三卷

江蘇周厚
靖家藏本

國朝葉映榴撰映榴字炳霞號蒼岩上海人順治辛

丑進士官至湖廣布政司參議武昌撫標叛兵夏

包子作亂映榴死之

特贈工部右侍郎

賜謚忠節初映榴嘗與李基和合刻詩集朱彝尊爲之序

映榴死難以後其子塤等又哀其遺文與詩合爲

此集凡文八卷詩賦四卷詩餘一卷彝尊又爲之

序稱映榴之節不待此區區之文以傳其論當矣

笠山詩選五卷

〔清〕孫蕙撰 王士禛 汪懋麟選
上海圖書館藏清康熙刻本

附《四庫全書總目·笠山詩選

五卷》提要

笠山詩選序

給事中古隸門下省上朝謁平尚書奏事其職王草制脩顧問獻納得失駁正遠繆自漢已來多以名儒爲之其後省門下不置而給事中分職視六曹列署禁地其司獻納駁正與古無以異士人讀書服古一旦得爲是官可謂清切矣康熙二十年滇南底定四方既平其明年遂大開言路一時上封事者甚衆而吾友給事中孫君泰巖數言事當

上意直聲動朝廷君居笠山之陽自其少已負奇氣倣儻自喜承其家學三百篇穿穴箋疏洎廬陵眉山東萊華谷諸家之說以上探六義之奧旨尤篤好蒙

笠山詩選序

莊之書久之縱橫演迤自相宋賈董馬班而下罔不漁獵數年其學大就君爲人磊落洞達見義必爲有責育之勇而坦中無城府尤不喜邊幅擺擺仲眉抵掌意豁如也自予舉禮部里居時君猶爲諸生則已知君異時必爲廉吏爲諫官爲古遺直泊君舉制科登禁近前後二十年而予言始信君讀書之餘尤喜爲詩雖舟車行役簿書期會未嘗輒廢西遊咸秦南窮既越詩日益工五言如禁烟寒食路齊雨杜陵春楓丹千嶺發山紫萬重悲爽籟午峰竹清流幽澗泉一恍涼月轉四面翠屏開七言如河聲入洛三門合嶽色來秦萬里明烏藏諸國晴時見風捲洪濤靜夜

聞黃菊候中無雁到綠榕林外有猿聲此類數十句
雖古作者無以加也而其憂天憫人之意亦間見于
篇什有皮日休農父謠元白泰中吟遺意求之晚近
不易得也廣陵汪君季角故與君談藝相善嘗論次
君詩而君以予素知君深者因并屬予論次之予之
知君匪獨詩也而詩亦其一也因敘述其梗概云
康熙二十一年壬戌臘月同學弟王士禪序

笠山詩選序

二

笠山詩選序

士君子立身為天下望莫先於氣節其人浩然以往
矯然以立斯好惡正好惡正斯學問嚴學問嚴斯度
量遠而言語有典則故觸於物而為言也必予人以
可與可慕雖有高世絕俗之概人不以為驕嫉惡好
善之懷人不以為激蓋君子之為人也峻於外未嘗
不和於內故其與人也雖凜凜有不可犯之色及相
與往復古今是非成敗得失之理天地萬物幻變消
長之數君子小人義利真偽之情則油油然無思不
入無言不酬使人人各得其正以去然後知君子之
氣節所以為世防非與世絕也又孰得而怪異之哉

笠山詩選序

吾讀笠山詩因之有慨焉笠山詩者淄川孫先生樹
百作也自舉進士領縣侍諫垣與奉使採風之作有
詩若干卷屬為序給諫自其少時即以文章氣節迥
異流俗及為吏得東南荒疲之邑人所不堪乃能用
其廉明澤其邑人以此見稱於諸大吏卒以異才卓
行升於
朝廷邀
主上之知迨領言職甫歲餘章十數上所言必繫民
情國體本乎好惡之公

天子咨嗟嘉納格於例未即行者亦多以
宸斷行之給諫感激知遇日夜深思欲圖報稱故奉

八門之路所經於吏治民隱三致意焉其氣
 如也然給諫爲人望之似難合卽之則甚溫其立
 言以期行道也無日不以天下爲己任其澹然與物
 相忘也時有登真脫屣之想余嘗入其室道書數卷
 清槩一張名藥一壺蒲團瞑目故其爲詩睥睨塵埃
 流連壯老寓蕭遠閑曠之致不知軒冕榮辱爲何等
 事復念親老時欲巾車高蹈急魚菽一日之養顧以
 君恩深重不敢卽去豈肯恃其氣節以好惡之偏數
 教與人乎長短哉嗟乎從來君子之於世也難進而
 易退也所以養其氣節以圖有用者非學道不爲力
 給諫講習有素予將屏棄一切以求給諫其有以教
 我予揚州汪懋麟序

笠山詩選序

二

笠山詩選卷一目錄

古今體詩五十五首

上之回

將進酒

董逃行

飲馬長城窟行

公無渡河

休洗紅

行路難

襄陽銅蹄

公莫舞

笠山詩選卷一

一

歸鳥

山中夜坐

山齋松竹成林有賦

月下集城樓

早秋

長門詞二首

雜感八首

山居

心谷行

古柏歌

贈高處士魯壇



柿巖呈禹年從叔

遊雲門山和介州韻

擬陶飲酒四首

余居之西偏構屋數楹四山環之顏曰萬仞芙

蓉齋高侍郎念東先生唐檢討濟武各有贈

詩和來韻得六首

過泰山三首

題晉石山樓二首

南池阻兵不得登太白樓感賦

冬日曉行

汶水二首

笠山詩選卷一

楚漢戰壘

徐州渡河

虞姬墓

曉威

登千佛山絕頂二首

笠山詩選卷一日錄終

笠山詩選卷一

淄川 孫 蕙樹百著

新城 王士禛貽上選

上之回

車麟麟馬班班張翠葆出蕭關羽林環七枝扈蹕度

千山劒拂霜花落弓開明月彎騰萬騎歡龍顏振旅

往觀兵還絕幕新置五屬國鴻名赫赫垂人寰

將進酒

停君金叵羅聽我進酒歌酒名為歡伯所以養天和

沉湎廢日月事業徒蹉跎管人樂放曠八達揚流波

誰言醉埋照識寡嬰禍多今我思衛武賓筵歌詩戒

屢舞酒入舌出言匪言山醉之言問童叟結舌防讒

心更苦鸚鵡杯深避如弩

董逃行

董逃行

千里草何縱橫指揮叱咤風雷生漢帝何顏色鞭撻

施公卿誰知隱禍生不測布乎布乎在肘腋都塢空

嗟峨臍燈曜朝夕燃臍燈人鼓舞權奸消歇同今古

今時瓦礫場昔日公侯府滿眼蓬蒿狐兔多不見胡

椒並鍾乳

無妨
痛快

飲馬長城窟行

古來英雄主人數秦皇及漢武我心獨不然哀哉二

君最愚魯秦皇蒸土作長城築愁怨民辛苦鮑魚
未載輜輳車千夫已作城根上漢武喜邊功一生事
征戰長城之外陣雲黃矢石紛飛散如霰健兒解甲
多刀瘢半作青燐夜深兒噫吁嘻長城長城費士卒
至今祇有長城窟積水殷紅飲馬驚古時血浸青苔

公無渡河

黃龍騎天風色惡倒翻高浪河流濁休言一壺值千
金誰能前與蛟龍角突有狂夫來浮舟如浮杯中流
橋傾忽不見下飽魚腹令人哀公無渡滾滾

長河日暮人心險
人人心險

休洗紅

休洗紅紅在手紅泥雨滋花紅裙重
令人憐憫令人憐無情最恨是菱花

白首

行路

攫龍鱗拚虎鬚此事易吾當趨惟有千人行趨趨刮
龜毛拔兔角此事易吾踴躍惟有人心不可度太行
孟門高嵯峨濯垢澆瀕多風波五侯七貴慎莫遇君
縱掃門常奈何

森然與地
列者不畢讀此

襄陽蹋銅蹄

襄陽女兒年十五當爐慣感襄陽買香散泥金簇蝶
裙手拋紅豆調鸚鵡翻花前舞柘枝琵琶月下歌
金縷歌舞年復年韶華忽去如奔泉深翠辭蛾黛桃
顏凋紅鮮怕見珊瑚枕羞登玳瑁筵含泪照菱花對
影惟自憐悽悽重悽悽莫唱襄陽蹋銅蹄

公莫舞

人言楚漢分定在垓下戰千言楚漢分已在鴻門宴
壯士塔前猶未來項莊忽舞蛟龍劍須臾項伯亦起
舞堂上兩條飛白練排門壯士色如鐵髮上冲冠怒
皆裂拔刀盾上割豚肩誚讓重瞳亦心折沛公歸漢

人悅鴻門王斗碎如雪漸上脫去楚已亡不待亭長

飛舟并是漢於今安在哉鴻溝割處迷蒼苔試向咸

陽高處望惟見長陵上一堆

江陵門日樂府諸篇以古詞發新
聲不獨古人字句似勝自當機矣

歸鳥

番番韻雲鳥戢翼集深樹厲聲振林端與衆不相忤
豈不友黃鸝復恐違其素有懷思舊栖猶戀復何懼
清興發晨暉還自惜毛羽

山中夜坐

性僻怡山居蕭然滌萬慮晏息願天真翠書雨不御
氣恬神已超物動力潛拒夢閒毀譽忘寂寞得真趣

空山無漏聲鵲鳴夜催曙

山齋松竹成林有賦

屏跡守墟里種竹復種松風雨參氣色霜雪屬孤蹤
傍巖兼面壑結屋來雲封願放返自然寂寞環千峰
清風日夕來餘善自茲逢幽興時獨行所役心已慵
聯彼歲寒節不羨桃李穠

二篇近
似柳州

月下集城樓

麗譙千尺俯龍湫萬象空濛夜色流詞賦競憐今夕
典風塵悔負十年遊月明烏鵲翻星斗潮漲鼉鼉撼
堞樓醉後欲攜如意舞寒雲遠雁不勝秋

空山詩選卷一

四

早秋

謾謾松花風滿牀恍疑秋氣動瀟湘呼石丈看雲
起病怯桐孫引露涼鹿踏蒼苔踪歷亂鴻飛銀漢影
微茫不須更覓丹砂訣肘後元多葛稚方

長門詞二首

盡日珠簾懶上鉤承恩誰在殿東頭夜來頻向堦前
立花落無人月滿樓

又

夜靜西宮隔御烟平陽新寵錦袍鮮君王雅重非文
藻不辦長門買賦錢

雜感八首

皎月懸虛櫺秋氣夜澄澈短檠熒熒促織鳴切切

危坐觀古今幽襟自怡悅默想徹淵潭朗照融冰雪

疑悟相循環悠然誰與說起視銀漢傾疎星半明滅

又

端居靡書城緬然思千古欽志含衆辛虛懷納羣侮

澤霧學玄豹戢影避水弩爾衡淺躁人恃才賦鸚鵡

寡識祇自戕奚爲怨黃祖

又

盤龍蟠深淵鱗甲光潛匿一朝奮驚雷雲雨障天黑

膏澤潤寰區倏忽收聲色至人含變化卷舒詎能測

又

空山詩選卷一

五

南陽昔未遠經術儲自輔潛泊蘊光華寧靜藏神武

抱膝坐隆中浩浩歌梁甫草廬英雄來意氣同水乳

籌策定三分斯言符出處

又

陽春散微和百舌啼喬木睨眈多好音綿蠻奪絲竹

節序屆朱明春聲伏山谷鳥鳴亦有時人當審盈縮

老子戒多言多言恐多辱

又

先容易爲好獎飾收輪囷君子耻虛聞前賢深汲引

元暉稱孔闇惟忘聲譽泯如何陳思王妄嘆畏人嗔

又

我愛管幼安蕭然一木榻常勝坐皆穿世事寡酬答
清襟照炯炯天空萬象納傷此席世人寸心百憂匪
擾擾竟何成不及山中納

又

金石豈不堅銷鑠日以蝕膠漆豈不固浸漬日以圻
妻妾成貝錦能令白日黑慈母亦投杼何況非親昵
止謗在白修努力樹明德

汪蛟門曰陳伯玉作感遇詩王聖明見之
曰是必爲海內文宗余謂笠山難感亦然

山居

亂石緣門小逕斜藥爐丹竈此山家千峰盡閉梧桐
雨一雁晴飛蘆荻花簾護篆烟香不散竹連書帙翠

笠山詩選卷一

六

交加樵青也會幽人意汲水先烹的乳茶

心谷行會文於此種種心字故各

坤元靈敏氣揮霍分國十二從饒寧一丘一阜有神

工龍脉蜿蜒暗聯絡我家心谷祖所成峭壁環溪結

村落數椽茅屋怕千章朝夕烟嵐互酬酢憶昔締造

多艱辛避地深山如避秦愛向雲中聽雞犬不辭石

上披荆榛高吟散步曳筇竹秋風浙浙吹烏巾至今

仙翁不可見但餘松柏森龍鱗柏兮柏兮爾生亦何

對方瞳鶴髮人

古柏歌

鹿銅駝換朝市幽林遠壑留天地中隱千尺歲寒

委歷盡雪霜晚猶翠先人有谷似白於山名其青幾
童童手親植喬幹疎柯氣鬱蔥龍得倒挂吹清風海
息常留日月靜紫烟錯出窺鴻濛幾閱飛塵動滄海
蒲柳蕭瑟如飄蓬噫吁嘻崑崙之源山無窮何怪此
柏根如鐵石枝青銅

贈高處士魯壇

祁連山雪積何年翹首榆關滿天山處那堪留皂
帽干戈猶得剩青氍長鏡荷月三台龍短髮鋤雲十
畝田桑陌椒籬瓜已盡幾回抱甕入蒼烟

柿巖呈禹年從叔

山脉走逶迤斯巖得結聚崩石爭攫拏一一森奇趣

笠山詩選卷一

七

喬木數千章勢若蛟龍怒懸崖響奔泉鏗鉤雪噴注

古洞穿玲瓏可以燒丹住先生久栖隱安心謝馳騫

晴猿守爐鼎夜讀陰符註子微嬰世羅沉沉墮雲霧

何時息機來誅茅傍巖樹

遊雲門山和介州韻

芙蓉青插郡城西躡步回看萬壑迷策杖無憚同俊

鶴駐顏何處問丹梯天門白晝乾坤大雲宿蒼藤日

月低乘興獨來登絕頂千尋石壁幾人題

擬陶飲酒四首

呖呖身若寄所營無終止百年如電奔而人將何恃
傾影獨揮杯不覺日移晷雲去孤鳥還我心澹如此

結句令人
人自遠

又

衆鳥日翻飛競羽投榮木飄風淒以厲搖蕩少安宿
盍亦念卑棲消息任往復人生有定分何爲徒碌碌
莫負頭上巾興發酒可漉

又

鷓鴣不並處衆類疾所長朝看原上草日夕萎嚴霜
何物可忘憂盈掬引壺觴一酌羣動息再酌情已忘

又

孤雲出遠岫岸幘觀天真世但急浮名傾心慕古人
有酒不斟酌何以慰我身一杯聊自適庶幾還吾淳

笠山詩選卷一

八

注蛟門曰蘇和陶詩皆臨
王帖各具本色此爲得之

余居之西偏構屋數楹四山環之顏曰萬仞峯

蓉齋高侍郎念東先生唐檢討濟武各有贈

詩和來韻得六首

天台欲賦筆無靈正整閒緣自性成野潦瀾垂虹渴
飲長林風定鳥孤鳴檻侵碧柳參天色琴入修篁學
雨聲久羨輞川無世法更攜丹竈倚茶鐺

又

書城南面倚巒嵒移却山陰座上石病劇性初貪伏
枕時違心久薄彈冠晴隱樹帶朝暉入石罅花兼積
翠寒不是子猷能避俗倦遊臥愛竹檀栾

又

孤峰騰達出層霄縹緲晴嵐午不消常欲吟詩招本
客有時沽酒酌山樵雲翻石骨含砂氣苔繡塔紋吐
藥苗穠矣艷爭韋杜曲似畱我屋桂松驕

又

菟裘舊卜碧溪東花與新栽竹數叢四壁病眠書慢
月雙螯酒近笛牀風情隨鷗鷺綠初減興在濠梁意
不窮結屋宛然同畫舫石門開處小橋通

又

巖阿杖屨發幽光林下清齋似太常避世人疑漆傲
骨買山價不計空囊橐虛未日看雲幻戶倚孤藤散

笠山詩選卷一

九

帙香晏子何心甘市宅羊元終自據筠牀

又

柴桑荒徑有孤松地僻沙迴步屨重雨過苔痕生綠
甲天空樹隙挂青峰春來門巷深羅雀亂後溪山穩
臥龍咫尺玉京非峻絕金龜乘醉把芙蓉

過泰山三首

青霄絳節護神居漢史猶存封禪書玉簡他年釐祀
典茂陵遺稿薄相如

又

芙蓉壁立阻攀躋練馬吳門望欲迷今古智愚同一
夢忽驚海日叫天鷄

又

讀盡丹經學駐顏青裙素練總無關何如結屋巔崖
裏食柏餐霞不山

題晉石山樓二首

烽火熊湘未罷戈於今計穩羨漁蓑空檐聲靜圓青
嶂古洞春深上綠蘿猿鶴但防逋客駕溪山惟放醉
侯歌科頭箕踞甘違俗林下看人白眼多

又

佛閣書檠對榻眠青雲丘壑憶年年當時煮菊同金
薤此日誅茅似玉川樹裏溪光分鹿跡籬邊人影破
樵烟更須遍植龍孫種勾引清風到酒邊

辛山詩選卷一

十

南池阻兵不得登太白樓感賦

蹙蹙倦行旅遯廬安食息明發理星輅烏影尚深匿
村樹延曙光悄然人語寒天上機槍明兵氣蔽林黑
昔人解金龜風流尚堪憶詩酒縱形骸天地嫌偏人
南池一片月千古照顏色咫尺阻登臨懷古心惻惻
悵望感時艱緩前日影直

注蛟門曰此即少陵所詠晚涼看洗馬森木
亂鳴蟬地也余嘗生臥兩日覽此恍如昔遊

冬日曉行

驚心風鶴賦南征遙指機槍斗外橫劉晏持籌千慮
切朱雲折檻一官輕奇峰背日含烟出倦鳥投林顧
侶鳴朔氣寒侵沙雁語浮雲北闕不勝情

汶水二首

畫域依宗國分支帶汶陽接輿悲魯鳳鞭石指秦皇
歎逝人將隱栖蘆雁欲翔天孫雲外出今古任滄桑

又

一派原洙泗迴瀾夜不波危橋臥虹影疊嶂映星羅
長勢曲通岱弱流分濟河特設淺夫
疏泉濟運幾經寒折柳明
滅夕陽過

楚漢戰壘

芒碭山頭落照紅天分楚漢此爭雄當年計出陳張
口鼎上危乎置若翁

史

辛山詩選卷一

十

徐州渡河

獨擊中流揖元龍氣倍豪大河開郡瀾急浪拔山高
霜華盤空壘城狐走廢塚古來征戰地落日滿蓬蒿

虞姬墓

碎斗鴻門已失時楚歌四面欲何之垓前不及田橫
島生死酬恩一少姬

注蛟門曰八下
人何處生活

曉感

青虹夜拂滄海月日氣將升動林樾斥候驚心志士
愛一時賈董齊伏闕空言誤國由書生何日請纓繫
南越

登千佛山絕頂二首

橫空蒼嶺山平阜獨立危峰興倍豪渺渺青天盤鶴
鶴亭亭翠壁挂猿猱石妨客屐排雲下松護僧寮擁
檻高浩劫溪山餘淨土探奇濟勝屬吾曹

又

浙浙天風舞雁羣移尊飛閣未全懸僧叅破寺疑馴
鳥人到空山似懶雲晴壑日懸初地靜平林風定午
鐘分思從慈衆諸緣滅碧乳香寒石窟聞

笠山詩選卷一終

笠山詩選卷一

主

笠山詩選卷二目錄

古今體詩六十四首

舟泊廣陵

廣陵寒食二首

東郭孝威

廣陵寓園

金山二首

渡江望三山作

京口

真州

秋日泊洪濟寺三首

笠山詩選卷二

阻風江上簡王汾公

登燕子磯三首

秦淮雜興三首

元日登雞籠山絕頂

承恩寺感懷二首

湧幢上人十六羅漢圖歌

雨花臺

登報恩寺塔

拜方正學先生墓

隱仙菴贈王鍊師

虎丘

舟泊吳門二首

友人見貽新篇卽和來韻

爲姜勉中兄弟題諫草樓

題思賢軒爲勉中兄弟

虎丘譙集分得微字歌字

半塘竹枝詞四首

登上方山

姑蘇懷古

題吳師邵亦安樂窩

長夏避暑山中與友人結爐煉藥

武林苦雨

笠山詩選卷二

西湖雜感二首

靈隱寺三首

天竺寺二首

坐靈隱冷泉亭得響字

孤山懷林和靖

湖心亭

廣化寺樓展拜歷代忠臣有感

爲念東先生題文衡山雪景卷

舟中寫小像感而賦此

過嚴子陵釣臺二首

登金華密印寺塔

登八詠樓

笠山詩選卷二目錄終

笠山詩選卷二

三

笠山詩選卷二

淄川 孫 惠樹百著

揚州 汪懋麟季角選

舟泊廣陵

橫塘草碧竹烟涼樹帶風烏繞蜀岡二十四橋何處

問廣陵城下月如霜

廣陵寒食二首

幾曲清溪轉風迴柳欲花萋萋寒食草青滿玉鈎斜

王阮亭
日唐音

又

春漲長潮痕落花紅簌簌一時歌哭聲散入平山麓

笠山詩選卷二

簡鄧孝威

聞君寄跡昭明寺謝客披襟文選樓却羨樓前風日

好疎林晚磬任科頭

廣陵寓園

梅花官閣香難求酒幔紅橋起暮愁路入烟嵐揚子

渡月臨歌吹竹西樓三年夢逐流螢散一葉舟同跨

鶴遊艤棹玉鈎斜外望歸鴉點點過邗溝

金山二首

襟帶南徐控上游青天一柱壓江流波間鐘梵沉雲

冷岸外烽烟傍客浮烏鵲巢懸瓜步月魚龍浪激甕

城秋登臨未遂揚帆去清夢猶迴海嶽樓

又

中天壁立倚崔嵬萬疊芙蓉映日開鐵甕舊疆山北

傾金城新築水西來僧閒夢逐潮聲穩客過帆隨塔

影迴安得相逢元發浪琉璃堆裏一啣杯

張永吉五字
不得專美

渡江望三山作

卸帆古渡頭臨江思濡足三山落我前烟雲豁雙目

下瞰洪波湧遙睇林嶺復倒影龍宮散作一江綠

萬頃堆琉璃青天插浮玉山不受綳廬江不受羈求

江山氣蕭森終古如新沐戴顓棲結廬焦先隱抱犢

何時拔脚來放歌踰高躅

笠山詩選卷二

京口

南徐開府地形勝踞吳關放棹西津雨環城北固山

朱方三楚合白日五州開滾滾岷峨水東流去不還

眞州

埋棹眞州郭逶迤綠春林方甸紛綺縠和風吹客襟

竹樹攢烟景晚眺黃鳥音潮掩菱塘澗沙迴柳陌深

舳艫如野鳥連尾曲水潄款乃聲並發晨夕變晴陰

微雨江上來桑柘帶遙岑予時適無事垂簾理清琴

王阮亭日開寶
之格陰何之體

秋日泊洪濟寺二首

躡步臨初地千崖暝氣生寺從青嶂起人踏翠微行

蟬腹憑高險，禪雲入座清。本來何處得，逝水夜無聲。

又

逶迤山一抹，象教指禪階。戶納遊人屐，鐘沉衲子齋。
疎林通曉日，暗水響秋崖。策杖招提外，江天淨風霾。

又

繁霜中夜白，孤嶼一峰青。玉漏分城柝，珠宮響塔鈴。
臨江浮水馬，捲幔閃秋螢。欲悟風旛解，魚龍夜聽經。

阻風江上簡王汲公

黑雲壓岸風色苦，白浪翻空鳴急雨。魚吞倒影影珠宮，
開龍子飛騰老蛟怒。洪波滿眼魂夢驚，十丈孤帆與
風忤。荒烟何事埋杜蘅，野草偏能沒津路。忽聞子晉

筆山詩選卷二

三

吹笙來把酒，高歌對江樹。燕子磯頭江水流，憑欄且
看雲生處。

登燕子磯三首

竹簪巖壑映蘆洲，形勝居然據上游。三楚風烟荆鄂
外，六朝文物大江流。高灘夜冷魚龍夢，絕壁空迴鶴
鶴秋。蠟屐欲探鍾阜勝，江天徙倚暮生愁。

又

巖壑烟樹舊京畿，孤嶼寒江對落暉。風急蘆花鴻失
路，霜凋梧葉鵲爭飛。千峰蜃氣浮青島，雙闕牛頭隱
翠微。多少繁華盡銷歇，平沙漠漠冷漁磯。

又

鏡鎖沉江王氣收，蕭條風色暗江樓。丹楓遠岸戎戎
市，綠浦寒烟點點鷗。秋好金陵桃葉渡，風迴玉笛木

蘭舟。名山輪却空王，子梵剎依然枕碧流。
王阮亭日三四入舊道首
風之有一唱三嘆之音

秦淮雜興三首

滿眼烽烟戰未休，青溪中夜美清遊。玉顏翠袖遶鄉
井，不信盧家有莫愁。

又

牙檣錦纜繫幽居，七度人遊建業餘。元武湖光清鑒
髮，果然水勝武昌魚。

又

拂檻春濃花氣驕，長干簾影日飄蕭。何人更理清商
曲，滾滾江聲帶六朝。

王阮亭日三
詩附錄甚深

元日登雞籠山絕頂

稜稜帝城峰，野屨排雲上山來。形勢雄江山，森氣象
水天。一髮痕坐對平如掌，川原雲物殊歷險。得幽賞
下有舊宮闕，禾黍雜灌莽。言從牧馬來，崇恩亦飄蕩。
雪霽天地清，綸然屬遐想。日角明海嶠，丹砂光混漾。
中類羽人居，期此脫塵埃。昭曠豁吾襟，興來聊策杖。
承恩寺感懷二首

石城吹角逼嚴冬，羽檄時驚斥候烽。戰艦霜明天塹

水痕圍雲暗孝陵松空江杳渺千尋鎖舊苑凄清五
夜鐘鍾阜於今多牧馬翠微何地策孤筇

又

凌空高閣晚雲稠聞道東南戰未休白羽人傳麾扇
渡青鷺地接景陽樓江天客醉添離緒雪夜僧歸話
舊遊玉塵開尊今已杳羊曇何處問西州

湧幢上人十六羅漢圖歌

鍾山如帶俯江水龍虎氣消鳳凰死我來遍踏石頭
城六朝佳麗三山市市前遺跡半空王祖堂之派精
藍寺上人亦是貫休徒機藏願粟針鋒裏滄洲寄興
幾何年圖畫之中來佛子我昔善本得唐人雲烟變

笠山詩選卷二

五

幻別衣履骨相奇特氣激昂萬怪千魔任驅使時時
飲容瞻對之十六應真其神理探原窺始見本來道
子僧跡疑是矣爲空色相靜中求此圖無乃得其似
展圖對雪滿浮白神僧變化偶然耳

雨花臺

金陵十大寺多在長干里旛影交風中鐘聲結雲裏
浮圖矗霄漢蹟自南朝始陀路漸高突兀峰巒起
前峙雨花臺競集遊人履環山插翠屏澄江疊羅綺
俯視秣陵城紛紜聚可指女牆東帶圍人烟布獵子
高僧曾說法天女散花盡昔日古琳宮於今但荒址
憑弔立殘陽蒼茫暮山紫

登報恩寺塔

南朝舊寺依然在孤塔峻嶒鳥道中日射瑤璃光的
藥風搖鈴鐺響丁東青飛山色千層繞白走江流一
線通六代興亡何處問老僧指點夕陽紅

拜方正學先生墓

金川往事不堪論落日披榛拜墓門凜凜寒松留正
氣紛紛霜葉灑啼痕千秋碧血孤臣恨何處青燐十
族冤猶有景公祠最近雲旗來往月黃昏

隱仙菴贈王鍊師

深竹宵通燈燄紅步虛聲下斗壇中松根鶴睡無人
到吹徹巢笙月滿空

笠山詩選卷二

六

虎丘

滄桑閱盡一荒丘客到支筇問舊遊簫鼓漏沉初地
靜綺羅香散野塘幽金龜跡杳經聲咽玉塵塵飛塔
影流滿壁石光騰劍氣可中亭畔月輪秋

舟泊吳門二首

萬無人烟密平江勢自雄客途聽越語鹿跡問吳宮
一片金閨月孤帆笠澤風沙鷗棲未穩夜靜海潮通

又

烟橫吳苑夕野艇泊江干戍角連雲動漁燈隔水殘
人歸秋夢老客思雨聲寒中夜猶耽酒愁懷醉裏寬
友人見貽新篇卽和來韻

浮名實俗累君子重隱淪譬彼庭中木榮蔭發初春
何如松與柏霜雪歷艱辛時序有代謝勁節常如新
羽翼未成時黃綺不稱臣軒冕世所榮不易鳥角巾
與子素心交邂逅大江濱風塵已脫脚時事休重陳
爲姜勉中兄弟題諫草樓前給事如農先生以
抗疏拜杖謫戍宣城

令子構諫草樓以繼先志

杖血會間濺漢廷孤忠旅望海雲青難回國步逃吳
市易了家緣問敬亭失序雁鴻天漠漠經時蔽蕨雨
冥冥空餘十二封章在夢繞銅駝幾涕零

又

滄海橫流付急湍當年一柱砥狂瀾額天抗疏功名

笠山詩選卷二

七

薄斫地高歌宛水寒長憶主恩開北寺當誅臣罪戀
南冠不辭黨錮人千古遼陽歸來尚故官

先生與熊公開元同時得罪劉念臺先生因之去
國空潭申救章數十上皆不報直聲愈著得此二
詩足令汗
青生色矣

題思嗜軒爲勉中兄弟

黃輿鍾精英依違數與理數奇理難窺卓爾齊生死
顏波不可回屹屹欲中砥攀援泣遺弓孤心定如此
苦節勵完人何者爲甘旨吾嗣孺慕誠視物求所是
驪山昔有聚巧琤光並美離離故園情豈類桃與李
思誠念手澤清泪如鉛水氣化有遷流天地但一指
腸我瑤嶼中爛然前賢趾篋中遺彈文夜夜白虹起

五斗方陶然商風動仰止

虎丘譙集分得微字歌字

偶攜蠟屐來吳會海湧峰頭看落暉人去故山秋漸
老客逢新月雁初飛當筵洞壑留今古過眼雲烟任
是非良夜坐深金粟影天香都上酒人衣

王阮亭日三四
如哀等之作調

又

吟樓眺閣近如何尚賴應劉載酒過老閣風塵催短
髮秋橫象緯逼高歌卮杯石上烏棲穩度曲花前鹿
夢多逸興正隨薜桂發北山竿鶴月婆娑

半塘竹枝詞四首

笠山詩選卷二

八

破楚門西接半塘賣花人住近河房繫船爭說當爐
好斟酌橋邊金四娘

又

篆傍要離氣作虹短垣圍繞樹青葱五人墓碣題詩
滿愧無穹碑頌尚公

王阮亭
日史筆

又

古柏疎篁翠靄連半塘橋下水如烟吳娃十四歌喉
滑窄袖輕搖鴨嘴船

又

吳下笙歌勝竹西酒帘搖颺白公堤青鸞油壁爭馳

逐不管城頭烏夜啼

登上方山

招提門外繞松篁秋日尋秋到上方俯看太湖開曉

鏡滿林綠橋待新霜

王阮亭日
似于瞻

姑蘇懷古

水犀軍散剝漁蓑搔首蘇臺一放歌古柏荒陵歛石
馬殘陽秋草見銅駝錦帆溼沒沙鷗起響屨廊空落
葉多莫怪胥江猶有恨夜來風雨幾層波

題吳師邵亦安樂窩

人生安得如麋鹿木石爲羣臥幽谷踪跡原同踏雪

笠山詩選卷二

九

鴻爪痕初印飛還速吳子好仙復好遊人間遍訪丹
經讀冷然列子御風行豈惟不戀佳桑宿到處皆名
安樂窩不學堯夫顏一屋開雲野鶴四天空白鉛黑
汞還丹熟時後問抄葛洪方囊中更採藍田玉他日
松根煮茯苓誅茅待我輩山麓

長夏避暑山中與友人結爐煉藥

深林淨炎燠重陰陰虛堂四牕敞洞達謾謾松風京
養幽臥湘簟消渴思元霜繡然懷王喬煮石充饌糧
青精好顏色白鳳騶翩翩蓬萊看清淺揮斥遊八荒
我友抱仙骨肘後多奇方示我延年訣燒丹開紫房
灑掃安爐鼎點檢傾藥甕抽添視火候煽赫飛霞光

歷時成九轉服食驅膏肓淮南昔上丹雞犬亦得將
唐坊棄穢鼠踰牆拖微腸石室有仙籙金丹非易嘗
下士鮮聞道大笑嗤荒唐

寄情蕭遠當是
弘景一流人

武林苦雨

南渡興亡地湖雲旅雁愁一聞連夜雨幾夢故園秋
酒輟孤山棹湖添滄海流葛洪川不遠何處問丹丘

西湖雜感三首

秋帆野澈點湖雲遙捲銀濤黯不分安得餘杭千石
酒一尊先酌岳王墳

又

笠山詩選卷二

十

飛來靈鷲野烟青下界悠悠夢未醒宦海何人知解
綬到今人說翠微亭

又

梅花落盡客情孤山翠湖光乍有無野鶴不知何處
去白雲渺渺弔林逋

靈隱寺三首

白社何年立孤標遠市朝曉霞分海樹清磬下江湖
不染看蓮葉無心任鹿蕉慚予尚羈束何日息煩囂

又

西泠銅狄易靈鷲尚巍峩蜃氣三山迴禪雲一杖多
珠林低白日玉澗隱青蘿無數忘機鳥迎舟意若何

又

寶地謝塵氛
雷鐘靜裏聞
猿啼過嶺日
松抱度溪雲
入定憐僧寂
談經覺世紛
一瓢龍象後
了悟頗無垠

天竺寺二首

舊跡青爲古
越西廻環巖
鑿護金泥甃
中高閣隨僧
臥世外香臺
任客躋九里
寒松生大麓
三天翠竹落
清谿上方迴
寂舍元氣雲
裏疎鐘日半低

又

乾坤納納此
登臨放眼招
提萬象森雙
乳峰搖蒼樹
夕一虹澗鎖
白雲深暫從
淨土分朝市
不向空王問
古今俠骨欲
尋真覺悟天
香桂子落珠
林

笠山詩選卷二

七

半靈隱冷泉亭得響字

侵曉縱清眺
爽氣生林莽
脫集映初陽
宿露滴餘響
幽討策短筇
巖壑恣下上
靈隱瞰湖光
冷然洽心賞
蘋香散汀沙
鷗汎隨蘭漿
蕭蕭楓樹林
色奪明霞朗
支公快同遊
玄言共俯仰
人生激電流
能看展幾緡
巖棲養性靈
唧唧動遐想
何時賦遂初
結屋東西瀝

孤山懷林和靖

高士誅茅繞
碧湖鏡中螺
黛一峰孤
客來鶴翻青
雲破春去梅
添白雪鋪星
隕少微山寂
寞慕藏遺蛻
樹荒蕪清風
足愧文園令
禪草何須論
有無

湖心亭

四面風來瀾
開鵲戀碧濤
晴開返照山
影半湖陰
廣化寺樓展
拜歷代忠臣
有感

天地有正氣
磅礴鍾人英
世治爲良臣
端笏趨承明
雍容富經術
翊贊匡成平
時危著節義
手扶社稷傾
虎鬚旣頻捋
龍鱗亦屢櫻
談笑視鼎鑊
浩然齊死生
丹心貫霄漢
青史標忠貞
歷代雖殊軌
方寸同至誠
在地爲河嶽
在天爲日星
峨峨百尺樓
享祀聚精靈
雲旗颯白占
廳車下雕甍
小子仰正直
展拜瞻丹楹
尚論友千載
肅肅思儀型

爲念東先生題文衡山雪景卷

先生携此卷致
祭衡山往返數

笠山詩選卷二

七

里干

吳門書手推
待詔早師東
原入神妙揮
毫腕下烟雲
生石田老子
差同調偶貌
寒山飛六花
萬峰卷翠埋
銀沙琪草瑤
葩嵌石罅噴
枝玉樹交槎
柯先生珊珊
抱仙骨披圖
疑有仙人窟
卷舒日日手
摩挲攜往衡
山峻突兀祝
融峰青雪峰
白芙蓉互對
森相射醉看
眞假未能分
仰天一嘯吹
雲坼

念東先生携此卷致祭衡山往返數

舟中寫小像感而賦此

鬚蒼如戟氣
橫秋荏苒誰
知歲月逝忽
見畫圖添白
髮低徊不忍
鑒清流

過嚴子陵釣臺二首

耿耿客星明
番番孤鴻羽
富貴等浮雲
羊裘屬漁父
哀至物漸驕
名矜道不固
長此寄沉冥
餘清散江樹
絕嘯歛暮州
奔星薄宿霧
風際叫林鴻
岸側紛清鷺
古人諒有懷
悠然矢其素

又

東漢龍興後
皎如日初臨
一時從龍者
智勇皆深沉
既不參帷幄
自應耽幽林
王良與周黨
行同志各任
先生挺高節
炯雨桐江深
巢父相與期
諫議非其心
潛德通哀壑
幽光麗清潯
春陵竟已矣
富春傳至今

王阮亭日二作
有顏鮑風格

笠山詩選卷二

三

登金華密印寺塔

古塔凌霄上
呼來帝座通
諸天朝海口
一雨臥江虹
曲抱金輪轉
高懸玉鏡空
登臨懷謝監
縹緲意何窮

王阮亭日二作
初唐之體

登八詠樓

翠屏迴合萬峰收
婺女星分古綰州
官廨閒雲遺碣
在人琴往跡大江流
西堂社燕迷春草
南浦漁郎狎
素鷗苦憶東陽清
太守苔陰滿地客登樓

王阮亭日一
結吟咀不盡

笠山詩選卷二終

笠山詩選卷三目錄

古今體詩五十九首

登開封城樓

聽琴

偶感

鄉食其故里

夜經榮澤古戰場

漳河有感二首

蘇門山

靈寶女郎祠

過澠池二首

笠山詩選卷三

旅中初度

函谷關

登太行山絕頂

遊涑水園亭三首

香山謁裴晉公祠

汾陽道中二首

龍門二首

臨晉立春

賦得桂子月中落

登潼關城樓

拜楊伯起墓

登萬壽閣望太華三峰

太華絕句四首

題王山史手卷閣

華清宮

馬嵬二首

秦皇陵

臨潼溫泉

新豐

西安清明二首

開元寺佛閣

懷歸

笠山詩選卷三

憶弟

寄內

病

秦川懷古三首

登三原城樓望嵯峨山

題楊鼎卿園亭

涇陽送沈繹堂先生復遊大梁

雨

贈王金鉉同年

贈漢中曾道扶推官

朝萊歌爲李叔則賦

扶風懷古

鳳翔贈趙韞退先生二首

鳳翔東湖賦別

笠山詩選卷三日錄終

笠山詩選卷三

三

五山詩選卷三

淄川 孫 蕙樹百著

新城 王士禛貽上選

登開封城樓

登臨臨汴水縱目意迢迢南渡餘荒壘東京想盛朝
大河連郡郭中嶽出雲霄沒梁王苑波翻點檢橋
吹臺時見月緱嶺夜開簫詞賦存華盡勲名逝水消
金隄塵漠漠玉勒馬蕭蕭濁浪蛟龍怒平蕪鼠雀驕
籌邊何事急獵騎射秋雕

通體警透
汪蛟門曰風容色澤絕類高遠夫

聽琴

五山詩選卷三

高臺置酒天風冽官舍蕭閒意澄澈絲竹纔收興正
酣呼盧大叫燈明滅夜深統統街鼓鳴河漢西流月
如雪忽聞綠綺成妙彈幽林達壑聲鳴咽勇士軒昂
赴戰場千軍馳驟鳴金鐵浮雲脚絮任飛揚又作空
山猿鶴別月月漸低聲漸稀餘音猶自繞金徽酒闌
曲罷轉惆悵清露瀼瀼沾客衣

偶感

高秋驅馬古存門河轉沙飛白青柝授簡何人還賦
雪萋萋衰草沒梁園

酈食其故里

帳外驚聞長者聲漢王輟洗禮儒生當年但說良平

計誰下田齊七十城

夜經榮澤古戰場

鳥飛獸挺不勝秋廣武山前榮水流楚漢何年爭戰
罷空留明月照鴻溝

漳河有感二首

漢祚將移日聲華魏武收生兒得不值好士有應劉
橫槊方乘運分香遽起愁只今疑冢外空有濁漳流
汪蛟門曰老驥父子賓客實
極一時之盛拈出造成異采

又

落木增騷屑西陵對逝波欲留銅雀舞那聽總帷歌
廢苑明楸棟荒烟罷綺羅騰騰思往事不覺醉顏酡

五山詩選卷三

蘇門山

驅馬衛河邊蘇門生遠翠四面羅諸峰太行踞正位
下有百畝泉脉脉涵清泌夾路蔽修篁風日增明媚
緬思嵇阮流軒冕但塵視把臂竹林遊飯暇日沉醉
一聞鶴鳳音乃覺無深智不見嘯臺翁悵然發長喟

靈寶女郎祠

縹緲仙樓似玉京蒼苔獨眺旅人情河聲入洛三門
合嶽色來秦萬里明望氣臺空芳草暮度關人去夕
陽橫孤心別寄登臨外徙倚愁聞二月鶯

三四高壯後四句風調尤佳
汪蛟門曰較義山聖女祠詩能健過之

過滎池二首

澗水東來抱郭寒成阜西拱入臂轡何年紫氣臨關
盡今日青笥立馬看驛樹微陽山色暝鄉思乍雨客
衣單雄圖割據全銷歇歎血秦邊戍壘殘

又

朔風天末起雪盡不知春破驛深防虎懸崖暗渡人
溪流環野市山色逼城闌伊洛天中地空餘百戰塵

旅中初度

三十五年彈指過百思無計補蹉跎鶯花歲月行將
老智慧風塵去已多天險驚心連上黨孤烟回首認
黃河蘇門舊跡還如昨杖策何時一嘯歌

函谷關

笠山詩選卷三

三

絕壑千年路偏驚遊子顏雪濤翻洛水霜劍倚秦山
隘地吞函谷九泥踞要關人家烽火後墟里白雲間

登太行山絕頂

太行俯大荒郡郭錯如繡遙連幽并來近逼邢襄走
莽莽東西塢兩嶺如投受對峙石門開交互呈奇秀
縱目恣遐賞伏起一何驟烟嵐縹緲間巖谷異氣候
奔流挂懸崖洩雲連斷岫氣勢增崇隆地軸力方厚
大壑翔飛鳥紆嶺挺狡獸暮烟歛平蕪晨光沒烽堠
三款行役子御風慚禦寇

近蛟門日列露
近呂寨南山詩

遊凍水園亭三首

流霞生遠樹空翠落河樓水靜魚龍穩春深日月浮
鄉心迷斷雁世事逐浮鷗檻外晴絲卷飄颻起客愁

又

倚空樓影直登眺獨徘徊細竹敲殘瓦蒼藤覆古苔
清州紛鳥毳花氣引蜂媒此日園林好疑從洛社來

又

獨步長河外悠然思渺茫潯蛟生岸浪立鷺破溪光
近驛愁飛輓乘春認故鄉登臨少羈束莫厭酒顛狂

老境

香山謁裴晉公祠

清和置酒香山嶺邃林幽澗花爭妍凍水蜿蜒繞北

笠山詩選卷三

四

郭鳴鳩乳燕飛連翩上有祠堂祀裴相溪毛歲薦還
新鮮雕甍軒敞據形勝憑高四顧心茫然憶昔蔡人
反側日元和天子方秉乾法宮日思雪前恥安容阻
兵三十年召入中書得宰相彰義節度旌旗懸賊所
不並元衡死指討何惜將身捐一時智勇作牙爪古
通恩武軍相聯兵非出奇難制勝長淮夜雪元兇眠
鷗鴨池邊十萬衆虎龍已達州城前此時縛賊易反
堂將軍迎拜建場前興安門外受俘獻腰懸相印來
朝天行軍司馬大筆至今人頌平淮篇綠野堂隨
洛水逝此祠千古含蒼烟

近義山詩

汾陽道中二首

河東郡縣帶汾河白墮春醪近若何古驛塵飛官騎滿
青林春亂戰雲多當時不川文中策此日空傳漢武歌
憑弔忽驚時序變纔經寒食又清和

通體沉鬱直聯極俯仰之致

又

玉壁高懸姑射雪汾陰城外水淙淙花殘脰上三春雨
夢入中條五老峰愁聽野狐鳴廢壘閒看水鴛下孤松
何時真學陵陽隱斫竹淇園釣白龍

高老無敵

龍門二首

笠山詩選卷三

五

崑崙割出大河通萬古安流祀禹功勢下三門吞郡郭
波翻九曲入鴻濛削成兩岸飛晴雪擊斷中流落曉虹
問渡還疑天路近試看巨浪破長風

又

靈龜一柱分秦晉濁浪千尋割畫昏欲起前人問疏
鑿滿天風雨過龍門

絕

臨晉立春

餞臘桑泉寄此身雲翹忽奏管絃新牛壇未動迎芳
節燕壘泥荒闕放人天桂峰遙雙雁影王官谷近百花
春懸知列仗青陽側應祝勾龍進紫宸

注雙門日可作
河分歲時記

賦得桂子月中落

飛空明鏡綵雲收影徹滄江萬里流誰向冰壺搖玉
樹却拋金粟墮瓊樓清光此會方承露丹葉從來最
耐秋欲向霓裳重乞舞青鸞應伴上皇遊

登潼關城樓

麗譙聲鼓黯銷魂獵獵西風日欲昏九曲河流雄塞
外三峰嶽色入中原荒涼野戍寒烟色迢遞平蕪返
照痕忽憶翠華餘恨在銅駝墮鹿不堪論

三四力可扛鼎直追
滄涼黃榆馬陵諸篇

拜楊伯起墓

笠山詩選卷三

六

驅車出桃林百道流泉注石馬何歸然關西夫子墓
風昔欽清風過此發長吁太華疊層陰渭流統官路
浩氣逼幽靈大鳥臨穴駐高名動寥廓亦有時與遇
古人非一清此身無可惜今人猶古人風節甘自汗
朱紱詎足榮期不昧吾素醇酒日西斜蕭蕭白楊樹
登萬壽閣望太華三峰

氣肅金天野望迷凌空高閣與雲齊芙蓉列嶂山如
繡松柏千尋鶴欲棲檻外風烟秦樹直坐中雲物漢
陵低當時幻指明王夢玉簡金綸護紫泥

上明太

秦樹漢陵一聯何處真難

太華絕句四首

一杖雲霄羽士蹤青天寂寂落疎鐘孤心久愛金盤露知在蓮花第幾峰

又

絕頂青冥露掌開仙人風跡隱樓臺雲間忽敞中原色俯看黃河一線來

李何高調

又

太華居人迴絕片振衣來往似雲帆虛無指點明星路濟勝先攀日月巖

又

笠山詩選卷三

七

湛然玉井汲山阿碧藕如船近若何十萬芙蓉供帝座幾看荆棘臥銅駝

題王山史手卷閣

太華金精峰峭削中有幽人起高閣閣上列宿朝羣真閣下巨靈迴萬壑雙虹朝雨飲蒼龍一杖揮雲降玄鶴蓮花如掌几席間露氣空濛散寥廓憑闌高詠秋水篇始識蒙莊得真樂憶昔酒客解金龜搔首問天傷落魄綠玉幾時朝玉京放浪名山空寄托豈如終歲傍希夷企脚利頭恣盤礴我生夢已破鹿蕉飲登絕頂求靈藥古雲濛濛護蘭寮琪草蕨蕨映松蘿縹緲疑聞王子笙高閣虛無添寂寞寂寞青天滄海

流手把芙蓉展諸諫

華清宮

舊種花千樹今餘水一泓草侵香輦暗風入野棠清斷壁雲霞護空山鳥鵲鳴溫波傳賜浴留此濯塵纓

汪蛟門日中唐佳調

馬嵬二首

華清賜浴簇金鞍露濕芙蓉晚未乾今日空山秋草裏更無繡襪稅人看

又

香魂碧血化秋螢月下低飛積蘚青最是傷心劍南路行人休唱雨淋鈴

笠山詩選卷三

八

二首不誤張祐集卷三請作可補樂府之遺

秦皇陵

鹿逐中原去龍爭漢祚興關山虛霸國風雨覆荒陵鞭石功何補求仙願未能阿房宮畔路遺恨至今稱

渾雄

臨潼溫泉

策馬萬年城驪山何截薛繡嶺紆東西亘綿形勢瀾朝元覆綠蘿華清縈紫葛一林松柏陰青蒼排戶闥棟宇則人代泉聲響活活憶昔翠輦臨峨嵋倚龍攬只今但衰草日夕叫鷄鵲興廢信有時陰陽誰爲幹偶來濯纈塵冲虛物累脫搔首空徘徊清風起天末

新豐

終南山與渭北對石馬銅人猶向背英雄百戰間河
山何事新豐築關闔當年家令賜黃金上皇不復迎
門內移來雞犬散如烟粉榆社酒嗟興廢天寒風急
櫟陽城渭水秦川空破碎

汪蛟門曰看字精悍有短衣射虎之氣

西安清明二首

修禊逢佳節三千里外身禁烟寒食路霽雨杜陵春
垂柳迷行色啼鶯慰旅人紛紛多拾翠遊子暗傷神

入唐賢御覽集竟不可辨頭聯佳絕

又

笠翁詩選卷三

九

蟻蟻墳邊草萋萋映酒卮章臺花發早杜曲燕來遲
帝里飛蓬會他鄉冷食時東來黃鵠遠何處寄相思

汪蛟門曰飽解令食五字單行

開元寺佛閣

策杖開元寺名藍御宿東塔雲遮樹綠簷雨過花紅
梵唱三山迴鐘聲九市空登臨心不住浩浩御天風

憶歸

青門春浩蕩日夜憶庭闈杖底龍孫統庭前鳳子依
思隨清渭瀾夢與白雲飛矯首瞻東岱繁花戀晚暉

汪蛟門曰東坡詩云別淚滿清顏視五句如何

意弟

天涯空逐逐賴汝奉親顏夜雨生春草晴雲憶故山
蓬蒿三徑窄書卷一峰閒自有幽棲樂晨昏早閉關

寄內

屢歲疎甘旨承歡仗爾勞文鱗應自剖錦字莫頻挑
明月空閨滿春風逆旅高行人歸不遠斟酌釀松醪

病

落拓成吾嬾那堪衆慮煩思防應接借藥理心魂
往事才名忌生涯義命尊遂初何日賦歸去臥雲根

秦川懷古三首

憶從牧馬崧西戎奄奄有重關百二雄上蔡獵場金勒
滿阿城粧閣酒車通石麟自臥青梧觀野雀還悲紫

笠翁詩選卷三

十

寗宮十二金人空在眼驪山繡谷怨東風

溫中

又

內史新豐不可求長陵王氣已全收千盤烏道歸隆
準百戰鴻溝割沐猴風雨滿天來渭北麒麟遺塚目
南丘幾經汗馬勞諸將紫塞黃榆起暮愁

又

天策奇人出晉州漢高親武若爲僞服裝昧謁圖王
會華轂峭面踞上游蜂起漁陽問簪築月沉疑碧妬
蔡侯遙憐幕府新僚佐寂寂曉日草樹秋

汪蛟門曰後

登三原城樓望嵯峨山

朱夏驕樓披豁展清眺。以星紅將歛。鱗瓦明夕照。
涇渭合遠流。天漢分餘耀。酒市沒阿城。廢址上蘿薦。
忽望慈峨峰。烟縈何窮究。其南聳太華。其北扼樞要。
縱目恣遐賞。一覽領衆妙。人客思故山。日月兩丸跳。
異俗扞襟懷。登茲發長嘯。

題楊鼎卿園亭

飄杳雲鶴蹤卽次投暝烟愛此揚子宅逶迤涇渭前
水榭連紫閣日色終南巔叢篁迷出入船藕葉田田
主人方據梧心跡兩湛然我來東溟上訪道求真詮
坐我松陰下揮麈親僊僊超忽晨慮寂昭曠夕情捐

空山詩選卷二

十一

閒庭馴機鳥疎樹鳴高蟬
霽色散遙林餘清激幽泉
暑氣方炎蒸轉盼秋序延
疑義與君析一誦南華篇

州府志

澤陽送沈繹堂先生復遊大梁

太瘦東陽守詞華迴絕塵華陰分兩戒彩筆照三秦
客裏詩囊富愁中藥裏親兔園風日好授簡又重新

雨

終日雨冥冥花林石氣腥北歸邊雁白東望海雲青
秦樹難通魯河流直入涇愁霖應有賦况是客中聽

贈王金鉉同年

慈峨山下日如年
鸞鶴孤飛入曉烟
雨砌白雲玄圃

柳花盡日閉關花
 落浦公起市遠
 意蕭然

贈漢中曾道扶推官

朝來歌爲平旦賦

朝榮古澗臨丹壑。西榮西時懸碧落。朝榮山上氣如
朝。朝榮山下人如鶴。河東好手爾文才。結廬神作
宗風湯盤孔。累細懸章。爲古文。擊將無屈足。翁
健黃犢。古堂滿堂屋。庭下晴竿阮氏。御日中。

第卅三卷

...

且邊生腹與酣大叫呼擁杯鳴鳴擊缶聲如雷飛白
雲鉤信手落天門風闌何奇哉筆底更開丘壑富
如聞風雨驟赤縣滄海思燭然一山水皆新
自安宜初結符與陵春已連春湖詩酒何能著上
歸痛飲黃公壚君家翰墨最超越掉頭曾入徂
徂竹溪風景尚依然何時共弄溪邊月

我來宿郵亭太息爲歡寡夜深蠅蠅飛酒盡停杯竿
向曉聞清猿客淚動盈把

鳳翔贈趙繼退先生二首

漸識羌雲近邊風氣似秋野塘新藕綠淮水晚鴉稠
水帶礧溪入山街太白浮興因叅佐發幾上庾公樓

又

勝地東坡蹟先生興復豪城臨清渭遠意逐雪峰高
隴石消烽燧秦川潤雨膏近聞詩格老真欲續風騷

鳳翔東湖留別

杜陽城外草如烟喜雨亭中悵暮天羸女已隨蕭史
去野人曾脫晉軍還新荷映水青蘋外獨鶴凌雲碧

笠山詩選卷三

三

漢邊祖帳酒浮吳嶽影倦遊鄉思滿秦川

江蛟門日風
致似義山

笠山詩選卷三終

笠山詩選卷四目錄

古今體詩八十首

和陶雜詩五首

秋日登南薰樓二首

衙齋書懷

弔雙烈祠

登大觀閣

挽船行

打魚歌

玉雞堂偶感

舟夜

笠山詩選卷四

阻風

湖上雜詠二首

漁舫歌用空同東山草堂歌韻贈朱澹子侍御

九日送弟約歸里四章

舟行夜泊

送友人北歸

酬友人見寄之作用來韻二首

臘上浣日雨雪有感二首

湖隄工成感賦

贈鄔廣文

雨雪夜次界首驛卽事二首

仲冬一鶴軒夜集戶外垂垂欲雪酒後率成二章

送戴帖瞻先生歸武林

贈吳仁趾

鸚鵡

題鍾生飲犢圖

南薰樓餞別晉石弟葑二首

九日三首

安宜懷歸用康樂酬弟惠迎韻五首

泊露筋祠

舟出瓜洲

笠山詩選卷四

秋日病起聞魯壇將至二首

一鶴軒與友人話青雲寺舊遊感成二絕句

感寓

清明前二日清水潭湖隄初成同李鏡月王式

如王景州歙州顧瑟如偶集舟中分賦四首

捲埽行有序

清水潭感賦三首

舟中卽事二首

安宜行

初春過高郵

花朝後同陳其相飲劉砥澗園林

文遊臺

寄懷陽江道宣叔

濬河行

靈壁石歌簡王汲公

天寧僧舍賦懷

題呂敬芝侍御家乘後

和田子綸移居詩

相國馮公以詩贈別用來韻奉呈

雷琴歌爲張晴峰水部作

恭送

仁孝

笠山詩選卷四

孝昭兩皇后梓宮歸 山陵二首

遊盤山和戚大將軍舞劍臺韻

笠山詩選卷四目錄終

笠山詩選卷四

淄川 孫 蕙樹百著

揚州 汪懋麟季角選

和陶雜詩五首

長嘯震林谷夙志慕蘇嶺處世厭煩囂結想空巾景
齊物物不齊濯熱須以冷顯晦數偶然富貴那能求
一身不自謀塊然形答影壯士懷壯心驥足欲何聘
無營理自足默默安吾靜

笠山情於老莊之學偶拈以和陶不殊支理

又

憶我方弱齡惆時每不豫逸氣日奔騰高鶩奮遠翥

笠山詩選卷四

一

韶華不吝人氣平志亦去參朮為朝餐頽陽挽難住
浮榮能幾許前途止何處俯仰時序遷念此得無懼

又

名成信有數歲序轉相迫敗葉墮濁河枯蓬拂長陌
物理盛當衰髮能不自百慮繁清晝踟躕天地窄
古今歡幾何人我誰主客湖海望渺茫蛟龍謀窟宅

又

古今嗜酒人元亮及阮嵇寧不知養生聊此託無涯
靜對適我真陶然滌我懷榮辱淡無情久之性已彌
天運多往復人事有乖離雞肋戀不相終為世所羈
勗哉賦歸來此意終不虧

上阮亭
日似陽

又

荒邑如枳棘一身異煥涼候雁互南北顧影在河梁
瞻此風物殊寧不思故鄉故鄉日已遠旅費行欲霜
望望思不極豈徒道路長

秋日登南薰樓二首

辛苦籌荒幾上樓帆檣歷歷坐中收頻年災祲憐飢
溺盡日風塵困馬牛招隱夢回青桂樹望鄉心折白
榆秋天寒水國生虛籟蟹舍漁莊起暮愁

又

一樽醉擊唾壺寒蓼岸蘆汀夕照殘明月風烏啼滿

笠山詩選卷四

二

樹空天甯驚下高灘江濱蘋尾方昏墊開闔宵衣切
治安徙倚危樓頻北望長沙涕淚幾時乾

荷齋書懷

孤城瀕長湖晴日宛如繪王龍蟠其中金隄護其外
溝洫行平野藻荇翻翠帶遙村估舶聚蟹稻此鄉最
晨光捲市蜂烟際引漁簞澤國生太陰杳杳幻雲海
但願陽侯仁璧馬非所賴

弔雙烈祠寶應縣陳容

炎祚昔將隆羣雄正紛馳縻鄉得州牧業將神器窺
西京乘皃益洛陽鐘簾移孝廉懷大義仗策起安宜
枹鼓激郡將操檠標英奇緬彼酸棗盟慷慨如在茲

四世五公人末路竟逆施擁兵據河朔睦曹與張
英雄不肯本抗節揚旌旗力窮雖屈鼠忠貞無畔離
偉哉東郡丞心跡有同規仁義爲君子寧忍復昨之
正容斥奸諂但求抒所期一時兩烈士綱維賴以持
同里有孔璋正受國士知前喻書六紙曾此無一詞
文章與風節事定別妍媸牽絲適來此懷古禮荒祠
反復誠于源本傳乃知此詩詞義嚴正

登大觀閣

爲放千里日振衣千仞閣平楚望蒼然風烟莽寥廓
長淮檻外流不復辨谿壑濁浪翻鯨鯢長空擊鵬鶚
平成此誰責天吳頻肆虐村落半成墟荒涼逼城郭

笠山詩選卷四

淮南十萬戶一飽營菴庵撫彼臨門閭慨然罷斟酌

挽船行

蕭鼓樓船帆十幅百夫牽挽牽半星屋中男婦餓不
餐船上獵鷗飽食肉屋中男婦少完衣船上健兒賤
綺殺但聞船上蕭鼓聲莫聽屋中男婦哭

打魚歌

漁人打魚戢官渡晝立官風夜淒雨壯魚如豬朋九
十拍空惡浪衝船路羣分白小細於針一艇飛帆網
漫布中流忽聽達官來擊鼓鳴撓聲震怒使君船緩
行讓撒網去打魚聊此當逢年啼兒饒女待朝餉

王阮亭曰首張王遺音讀之心胸

玉雞堂偶感

羣仕逢殘邑孤懷念憚人旗亭分戍壘羽檄杳城關
野市魚龍夜明湖薺麥春飲冰甘用拙民力正艱辛
王阮亭曰第六句佳

舟夜

洪波驚伏枕疑有蜃龍盤砧砧城空閉風帆角夜寒
星低移岸濶露冷促更闌往事悲流水孤燈鬢影殘
杜

阻風

噫氣成空賴蕭瑟欲暮天奔奔紛野馬古樹坐鳴鳶
埤垠懸秋色菰蒲聚暝烟石尤風最好帆落縱流連

笠山詩選卷四

四

湖上雜詠二首

明湖小閣靜瀟瀟酒殘花映簿書不羨季鷹歸興
切秋來滿肆列銀魚

又

白馬湖邊日欲曛高飛毛羽黑如雲自食水食謀生
理市上爭懸野鴨羣

騎舫歌用空同東山草堂歌韻贈朱潛子侍御

我來遊瀟湘城闕風日孤溪山躍龍津氣逼射陽湖
杜史菟裘營此居淪漣一水當塔趨安宜頻歲洪濤
湧蛟舞龍吟舫不動舫中時作商山曲舫中時教長
沙哭憶昔鳳池侍清禁通籍早受先皇祿一朝闕

海來戰聲五花六押登承明舍人曹郎盡召見雲中
紫泥下三殿介幘香佩指南服朝端繡斧人爭羨桃
柳樹裏窮蹄翠清嘯時踏無諸山風急梧岡難獨立
山鬼窈窕窺其側新息豪輕意微上書欲訴情惻
惻直指星潛斗女間相臺烏帶風霜色氛消海甸江
峰青路返蠻鄉瘴烟黑布帆遙簇水雲白七閩蒼生
聲欲塞一笑歸來蠟屐遊新詩題滿鶯花陌男兒得
志須乘時非但榮身在報國勇退豈徒老一丘身既
泰然名亦得挂冠神武計未疎山中宰相真良圖
舫非水亦非陸迷惘修竹一塵無君不見長河滿眼
阻風浪峨舸大艣初爲予我來獨愛舫中坐看君著

笠翁詩選卷四

五

論迫潛夫

沉鬱頓挫

九日送弟約歸里四章

長河翻碧波白日照清影握手送汝行欲別心怫怫
生非麋鹿羣聚散如萍梗汝歸奉二親早暮職定省
清儉承素風爲善力當猛嗟我宦海人展措半強硬
所遇各有時汲深愧短綆民社安敢辭義訓與俱永
東去海雲青悵然但引領

又

引領望鄉縣道路阻且長弟送兄之官岸柳條初黃
我送弟歸里相葉行沾霜春秋忽已道消息異行藏

故園登嘉禾味足敵香杭澗中數椽屋攤書可一牀
煩苦蓄智力遂豫生愚狂是可作官箴家食亦昂將
秋風正蕭瑟離緒增蒼涼

又

蒼涼欲暮天歸帆競孤鷺早識行路難轉復嗟時遇
百里安足榮危途罔蹇步義命聊自安倚伏皆天數
萬姓嘆淪胥何地容尸素砥行在清白欲成天下務
遭逢縱不偶志如金石固故山有松筠空切魚鳥慕
遙念倚廬情遙歸慰朝暮

又

朝暮歸故山菊妍酒盈樽川巖夕氣佳落葉原上村

笠翁詩選卷四

六

礪可採石茶庭仍竿犢禪心閒耕讀餘地僻絕器喧
我心愛林壑歸夢依丘樊倚嗟嬰座網前後無軒軒
一日賜百折憂來萬慮煩風波伏酒醴忠信誰復敦
處物破町畦庶幾吾道存

土阮亭曰風波伏酒醴五字深於前易之吉
風格似陳思雖白馬士作

舟行夜泊

凍雲簇一舟漁火自來去寂歷渡荒村人語出風樹
披衣隨雁久揮杯聽雞曙鳴榔聞寒柝歸夢和急雨
萬慮布帆中委任適吾素

送友人北歸

長淮二月風氣和濛濛花霧清明過南浦春漲送

去共醉當筵金巨羅黃河奔激天吳感白浪如山賦
心目崑崙山頭落照紅輕裘解向河干宿野水添杯
酒不醉欲留欲去意逡巡桑柘陰陰啼布穀柴門稚
子待歸人

高岑
之間

酬友人見寄之作來韻二首

久歎冥魚困淺波那能長袖舞婆娑縈塵陌路龍媒
盡白眼江湖鹿夢多興發欲謀元亮醉詩成難付雪
兒歌美人千里瓊瑤隔渺渺愁予奈晚何

又

一唱驪駒歲月長兎園人去憶遊梁浮沉宦跡隨鷗

筆山詩選卷四

七

影蕭緘鄉心入雁行花底放歌梅尚綠步前吹笛柳
初黃玉壺清對雲縹緲離緒還應接混茫

臘上浣日雨雪有感二首

憔悴江潭吏栖栖又一年朔風昏日雪南雁水雪天
衰發迎春色寒梅破曉烟不堪搖落意虛白映牕前

王阮亭曰
頗聯佳

又

冷寂兼寒雨青天望欲迷潛蛟乘凍匿野鶴帶飢啼
宦識虛翻淚寒容范叔綈壺腸人散後苦憶故山樓

湖隄工成感賦

頻歲黃河漲空憐白馬非蠶龍衝岸起哀雁背城飛

石勢環秋狹隄光帶夕暉勞人安作息不爲護漁磯

笠山當年
史績在此

贈邱廣文

摩笄山並金焦起萬歲樓高映江水中朝文物奮龍
驤眼中之人得吾子吏部先生重子名謂言今日薛
文清卿與公選先生爲同學
友來書有文清之目好古不知官俸薄擅鐙
伐鼓聲鏗鉤鏢水門前躍龍曲牙籤日對春波綠絳
紗絲竹後堂中日斜花落彈棋局古來風教在師儒
較然大義開生徒嚴寒酷熱衣冠肅破盡叮咛絕涼
煥射陽率厲接嵩陽白田風節追白鹿七載氛祲士
業荒斯文重爲開津梁有時惠我郢人曲三山秀色

筆山詩選卷四

八

蟠青蒼獨憐臺省踵相接廣文十月仍衣袷鄭虔官
冷需酒錢只今誰是蘇司業

雨雪夜次界首驛卽事二首

津亭風急夜寒生潮信潛通野潦平欲去雁從霜外
滅未眠人在漏中行布帆勢障星河遠短燭光分戍
火明最苦愁心侵客鬢荒村何處曉雞聲

又

荒湖濁漲一舸容市鼓開闌城熱龍鐵被踏來愁杜
甫鶴衣披處愛王恭空天雁掠寒江雪夜雨僧叅破
寺鐘遮眼尚存書一卷寒燈午夜客心慵

仲冬一鶴軒夜集戶外垂垂欲雪酒後率成

章

歲暮譙高齋揮麈飛玉竹龍鶴倦舞清夜和哀鐵
風梧垂舊枝修室明勁節戶外靜不喧歷歷皆塵潔
濁膠發奇興一酌其怡悅白眼對高天雁痕轉明滅
雲氣幻朝昏
又

昏鴉欲投林羣飛不肯下空亭集輕輶輒然歡舉筵
酒態追嵇阮好手思陶謝塊然兩忘形素交十良夜
氛霧隱朱甍寒風吹碧瓦且喜杯在手陶陶共傾寫
送戴帖瞻先生歸武林

曠世一醉儒卜築龍江側昔在養晦時風義古人式

笠山詩選卷四

九

雅化敷東魯文藻麗以則起衰振靡音六經獲羽翼
歸去臥吳峰無營機已息十年最上乘禪諦在離卽
九重需延尉感時心惻惻明允貫索空天子動顏
色內重外彌輕猶龍真不測片帆過淮南訪友吐
簪臆小子執經前相易在器識敢云吾道東願言崇明
德

贈吳仁趾

秋水懷伊人浩歌邦水曲小舟一葉來翩翩駕黃鶴
容與出新篇風格不侔俗兼具探奇才卓哉窮秘錄
精力鑿鴻濛龍藏驚雨粟冥迫史籍文石鼓方軌躅
瑞符應景龍意義合韋續分李並割程曠懷寧與屬

流派延中郎更爲聖帝辱怪石獻魏王廡下夜光綠
雕鏤技已工好古一何篤垂蕤與凌雲悠然愜吾欲
素心共往還風義期相勗

鸚鵡

多慚鷗鳥靜忘機翠羽翻騰映落暉月射雕籠紅玉
盡簾開金鎖素心違自從隴石聞與廢不向宮闈說
是非羈旅愁多聰慧損一枝棲息夢依稀

題鍾生飲飲圖

南山蒼蒼石犖確漢書一卷挂牛角驅牛叱叱入晴
烟靈藥苗生隨處斲天清野曠意澹然傲睨風塵思
拔脚眼中何處素心人把酒空林對牛酌日暮天寒

笠山詩選卷四

十

微雨來散髮收書藏青箬

南薰樓餞別管石弟約二首

晴日危樓祖帳開湖天空翠抱城來分襟最惜芳春
暮折柳還驚畫角哀枚叔乍從梁苑去惠連新自水
滄迴登臨對語生鄉思檻外清流入酒杯

又

天際孤帆背逆風驚聞羽檄亂春鴻日歸夢斷流鶯
外有客愁生夕照中俗薄從人疑仕隱時艱寧我諱
窮通故園麥壠桃花雨未了青思秦岱東

九日三首

茱萸不惜醉流霞澤國寒生發易華高隼幾回搏
落衰顏重此對黃花風霜任逼參軍帽籬落還思處
士家與客攜壺登眺處臨風矯首雁行斜

又

商巖撼撼咄咄環玕促坐孤亭酒未闌五歲霜花催舊
菊一城鴻影集新寒遺黎莫歎無家別野戍惟聞行
路難秋老荒湖人臥病驚心物候愧彈冠

又

環湖綠映射陂清砧杵秋深動旅情鶴背疎花留客
醉龍山哀雁背人鳴金華殿側茱萸宴瓠子河邊馨

笠山詩選卷四

七

鼓聲晚節甘同籬下菊不堪病渴望金華

三詩中寫菊與雁俱通出人意

安宜懷歸用康樂酬弟惠連韻五首

淮南卑濕地側身思岱峰道路知幾許霜露凋形容
冥鴻飛不下孤心誰與同何時登口觀清嘯舒此脣

又

竹懷鬱不開憂憂日在茲一身困沮洳騰達誰能知
萬感起中夜咄嗟日已馳朋輩多歡顏我獨傷支離

又

離懷托綠綺賞音緬高山沙汀鳴倦鶴脈脈情復延
風起憶尊羹幾懷遂初篇遠俗安吾拙理靜無言

又

言念浮名累雲霄歸羽遲天地匪予拘縈轉違心期
故山叢桂發冥冥攬予思抗節出南陽詎如抱膝時

又

時事統懷抱安得遊以遨高寒松已勁冰雪竹猶苞
憶昔高蹈徒性情借酒陶醉望海雲東何時釋塵勞

泊露筋祠

湖波激灩湖雲碧鯨魚跳舞乘春汝一夜西風捲怒
濤亂帆漁火紅千尺湖邊屹立女郎祠蕭颯靈旗飄
古磧庭前竹冷雨瀟瀟門外連香風策策芳節寒隨
草色青幽姿深映湖光白世間多少丈夫身失足半

笠山詩選卷四

七

爲時勢迫停帆聊爲薦溪毛神鴨飛處疑湘澤

阮亭先生題露筋祠詩句云行人紫纓月初臨門外野風聞自遠光傳幾苑久矣有此一結可以

美

舟出瓜洲

一棹晚江靜欲就人烟泊鳥邊日微茫斜照金焦落
初地動疎鐘客心方寂寞沙磧長潮痕竹樹攢江閣
放眼揚子橋已轉瓜洲郭安得故人來孤蓬共斟酌

王阮亭日似章公

秋日病起聞魯望將至二首

病起休文瘦巡檐理藥鎔時危心漸細綠減夢長清
據地成猿坐開籬放鶴行湖天秋浩蕩蕭瑟晚寒生

又

日有還鄉夢故人重此來松移心谷合石立曉雲開
歲餘愁新稅家貧問舊醅平安書札外絮語共銜杯
一鶴軒與友人話青雲寺舊遊感成二絕句

又

山雨透幽軒奔崖塵埃絕話來歲寒心如踏上泉雪
憶陟月山椒歌聲震林木索米在江鄉何如剪春菊
感寓

黃鵠薄天飛千里一回顧去啄玉山禾旋樓瑤池樹
振翮附雲霞皎皎適其素眾類不屑儔此鳥有高慕
嗟彼起榆枋嘈嘈復何如有時倦飛來扶搖力自具

笠山詩選卷四

圭

毛羽尚豐騰詎庸嘆遲暮

清明前二日清水潭湖隄初成同李鏡月王式

如王景州歙州顧瑟如偶集舟中分賦四首

和風正習習淑氣變禽音烟雨蕩空明萬象何森森

魚龍春漲驕浩淼碧千尋怨香震楚澤昏墊紫宸

心漢皇築瓠子功成壁馬沉安得歲星才乘時起為霖

霖

又

濁河千里來清流為砥柱黃鵠摩青霄差與片鷁伍
野莽蔓春郊何處收芳杜彭澤詎酒人襟期借茲吐

醉眼破湖雲微茫辨村樹

又

鼎鼎清潭淵鶩鷁若雲浮氣候昏旦改顯晦變中流
珍羽方翔翮飄然不可求之子惠然來文藻耀芳洲
傾蓋敦古歡風規濟和柔如何守一鄉不為宛雅遊

又

一艇橫湖涯野曠天寂寞屹屹金隄成綠轉接大壑
下有蟠泥蛟上有翔空鶴三五素心人遠出秦郵郭
文游臺已空風流宛如昨高唱氣激昂尊前意澹泊
目送岸柳青心與湖光濯

卷帙行有序

歐陽公論修河第三狀云河決橫隄以來大

笠山詩選卷四

古

名金隄埽歲歲增治又云今欲塞商胡使水

歸故道治隄修埽功料浩大埽之名自昔已

然矣秦郵清水潭屢潰上隄震發王

齊河尚書疏于董修日觀一埽成雷

草動費千金作捲埽行

黃河蜿蜒綿楚澤三十六湖映天碧年來楚社走支

祁七郡洪波勞力役督河尚書歲上書持籌意遂潭

千尺一日潭邊虎帳開從官騎罷雲昭回歛忽馮夸

聞擊鼓龍母騰跳鯨人哀牛酒須臾懸異格短衣席

帽埽師來埽師一埽金千數匠心慘澹營朝暮十閭

估盡歎金城靡蕪幾斷王孫路湖洲中流白露寒蘆

樂空江颯秋而最屬湖干等建標令嚴畫寂風刁刁
金鐵一聲蜃氣靜黃頭舟子無喧器穹然水面高十
丈羣靈遺跡波光搖搖師此際多紀律撒手直搗天
吳窮千夫萬夫任高低矯如倒挂猿疾又如春水
漲江湖風前細雨魚兒山西漢侯王親負薪魚沸中
原河不仁珠光已滅風色苦荒湖入夜悲青燐安得
眼前突兀見平陸免使歲歲愁吾人

王阮亭曰
後段老境

清水潭感賦三百

淮海維揚引上都侵人風物接荒湖陂連萬堞雲高
下鶴掠孤舟月有無倦厭飛流沉壁馬新營通稅盡

密山詩選卷四

五

菱蘆九重正頓存寬人預詔江南減牛租

又

廢墜殘墟隱湖天民困東南已七年轉餉漫勞農部
策持籌幾費小衙錢林間細雨生寒振野外疎鐘上
晚烟力役頗煩功不就日聽鼙鼓夕陽邊

又

驚聞草盜美池潰破扁舟日氣黃瓢子潯侵漁子
路桃花春漲夢花莊因時欲就襄廉蘭救弊垂成罪
趙張頌歲惟餘村社酒雞豚盡日賽龍王

舟中卽事二首

遠岸蒹蒲聚晚烟數聲村鼓落帆前農家茅屋連秋

浦殘照西風放鴨船

又

白蘋花疊綠波曾艤子輕浮闌採菱盡說南湖風日
好水天無際散魚鷹

安宜行

安宜罹災亦云酷魚龍竟奪農夫屋千尋巨浪漫荒
塍落日西風聞野哭水田一線纔可耕勘荒使者責
長牧征糧下令嚴催科不管貧家賣黃犢前年賣女
嘆伶仃今年賣兒更孤獨阿妻阿母還傭人豈但醫
瘡與剋肉牽牛出門牛不行空腹哀鳴何殷鯨低頭
語牛牛且前官稅差完免鞭扑我聞此語增嘆吁仰

密山詩選卷四

六

視皇天白日速嗚呼貧家母妻子女無還期誰能戀
此卑官祿

王阮亭曰
之官似元道南

初春過高郵

寒蕪亂霜集怆怆古堞臨風拆欲收十載壯懷悲楚
澤一帆斜日過秦郵疎林鐘出精藍寺細雨漸分淺
濟洲不見吾家華老宅明湖彷彿夜珠流

花朝後同陳其相飲劉砥園林初放

乍脫塵緣物外遊池塘竹樹碧於秋青樽座映花朝
雨白雪人登月下樓三徑蕭疎容謝屐一春醒夢入

羅浮何須選勝幸夸塢茶竈經牀且滯留

文遊臺

文遊臺畔引青蘿文酒登臨近若何北雁餘寒迴渚
路西風殘照起漁歌風流跡杳才名著姓字人傳氣
節多弔古祇存鷗鷺夢湖雲黯澹遠生波

寄懷陽江道宣叔

十年丘壑興難忘萬里初看使越裝迢遞羊城明翳
翠參差海嶠拂枕椰夢回瘴雨人千里書望春雲雁
幾行最憶蠻花開滿縣陽江今日是河陽

濟河行

黃河萬里浪高舉賈讓之謀世空許壁馬於今不效
靈風濤簸蕩連樓櫓憶昔漢武通車昔朝臣建議開

笠山詩選卷四

七

河渠開元以後置舍舍平分河渭稱贏餘汴宋營
分四路半作邊儲半國賦十門高城築堞城歷險
灘計生聚元人海運制伯顏引汶絕濟誠哉艱明初
海運旋亦廢會通始築河淮開年來漕渠失故道百
萬金錢任侵冒督河使者安庸人不解河防氣桀桀
鞭撻小吏嚴程則豈知舂鉏皆瘡痍縣令陳情不得
達白矜白簡吾能持柳下何曾畏三黜百姓喧呼趨
事疾一夜荒城走萬人兩月之工六日畢安宜水勢
原苦辛力役誰復嗟勞人猶幸三代直道存吾民
呼猶幸三代直道存吾民

王阮亭曰此詩蓋全日擊他日可入衡史傳中
君賴縣友宜七年水旱俱水而堂屋宇推勞七

以古今濟河將中以非法士民感憤下呼而至
萬餘人老婦負鼓其鼓河下六日夕達告成事上
其事不能詳轉焉其鼓士民為繪圖歌詩以紀
其事

靈壁石歌簡王汲公

造物搜土開鴻濛嶽嵒嶂何玲瓏瀕瀕無垠山貌
童女媧夸娥紛奏功形勢拔立凌蒼宮精氣呼吸帝
座通龍伯國人罷釣工四維最巖地軸窮良嶽建白
政和中慶雲萬態金帶蒙靈壁毓靈繼豐隆衣冠肅
對靈威翁誰劈太華分中嵩響徹三鎮迴天風廣陽
王子稱文雄膏肓泉石與我同攜來遠道磬深衷陸
衡虎穴水蛟宮置諸几案思磨礱良玉正用他山攻
一卷素書暇據榻纖銀鼎稜射晴虹儼如朝士篤匪
躬垂紳正笏顏虛公矯如飛將初臨戎昆吾斜斨繁
弱弓文章不露愛恩制對此彷彿開明聰塵埃不必
嗟飄蓬伴我山中眠竹叢

笠山詩選卷四

七

天寧僧舍賦懷

浪跡瀾朝市幽夢隨樵漁長安僦屋難寂寞僧寮居
古松列屏幃浮圖垂空虛近郊得蕭散稍與塵垢疎
西山日夕佳時復乘籃輿與盡還歸來悠然樂琴書
澹泊心無營喧寂皆晏如似息祇樹園何必承明廬

王阮亭曰得
左司之問適

題呂敬芝侍御家乘後

伊洛據天中三塗兼嶽鄙峩峩青要山渺渺玄灝水

造物鍾精靈開氣萃於此中有古幽光四世相繼起
大義一朝潰網維賴終始仁者無近名但求心所是
堂堂忠節公模楷勤仰止讀書探義根濂閩接風旨
置身樞密中等策無偏倚運會移冠氣數厄揆以理
時勢不可回名義安敢弛友于續和將烈哉得其死
節與日星明氣並山嶽峙懷古挹清塵載筆俟良史

和田子綸移居詩

茂先載書三十車志計鄉鄰成一家如何汨汨長安
市十丈奔竄如逸慶分明杜老居偈仄兒童驚指郎
官衙我來相竟談碣石凌風絮帽隨欹斜步檐狂吟
聊捉鼻零露寒濕牽牛花擊鉢攤書氣詠蕩揮戈直

笠山詩選卷四

九

欲留金鴉名士賦成推健筆何川裸體漁陽搥掉頭
東去窮濱漫說補天煩女媧

相國馮公以詩贈別用宋韻奉呈

曉日明黃扉長道稱明達議論幹陰陽壇宇邈超越
氣化歸大治未固豈豐未江海流方駛等策任搜括
一柱砥狂瀾盈廷莫可奪章賢瞻經術文史借披豁
歸歸黃金臺珊瑚供采掇妖字氣清明地維煩指撮
廣益以集思謀猷豁省闕忽憶李鷹船魚須書咄咄
雲門一峰青中可回雕剡冰宮蘭林眺吟昏曉割
我公清淨榮善抱而不脫有揆仰止殷逸興誰撲遏
東門望前驅六馬正師法褒大義鴻飛志易見

前席眷方隆抽簪情悵悵但馥馥商山芝欲采頻感類
引領五雲深載詠蕭與葛

雷琴歌為張晴峰水部作

雷氏斲琴號松雪揮絃指下泉聲冽當年路堂峨嵋
顛醉向深松聽清越雷氏琴中往峨嵋深松內聽
其聲清者伐為琴名松雪妙過
凡工逸響迴與焦桐別至今千歲留人間斷紋細逐
寒冰裂張子磊落人中英傲睨郎署神清澈平生石
友得此琴愁時彈向秋空月鶴舞魚遊比瓠巴廣陵
一曲何曾絕攜來伴臥黃金臺門逕蕭然謝請謁高
調於今知者稀目送雲連山翠結戴逵名重耻伶人

笠山詩選卷四

三

一彈再鼓風激烈

王阮亭曰雷琴詩作
者汗牛此為高雅矣

恭送

仁孝

孝昭兩皇后梓宮歸 山陵二首

素奈先符識青鳥上北初兩行分鳳翼七校擁鸞輿
畫翟雲霞暗公桑雨露疎芳名齊馬鄧彤彤管不勝書
又

鳳彩辭椒寢蟾光掩桂輪回留金翡翠碑倚石麒麟
徽號傳哀冊容衣泣侍臣 孝陵雲氣近 御輿往
來頻

遊盤山和戚大將軍舞劍臺韻

黃峪關前畫角哀盤山頂上拂雲開飛泉灑雪紅龍

隱山有紅廣漠昏沙白雁來思舞劍時千里志見題

名處九邊才衛公去後南塘香剝有凌空百尺臺

公征高麗時會舞劍於此

王阮亭曰五六突兀有奇氣

笠山詩選卷四終

笠山詩選卷四

三

笠山詩選卷五目錄

古今體詩一百三十六首

入閩雜感四首

福州五絕句

登烏石山

九日登平遠臺

譙集平遠臺放歌

越王臺

聞鼓山絕頂可望海外諸國欲登不果

蕉坑

玉枕山

笠山詩選卷五

一

白鹿峰

拜李忠定公祠

制撫兩公招飲南臺是日大閱

喝水巖

不得食荔枝感成一絕

歐冶池

金鎖江

榴花洞

螺女江

逃奴洞

水口驛

灘行二首

黯澹灘

黯澹灘石可爲硯停舟覓之

索石

灘行漫興

建寧道中

過建州有懷江令

建州茶

濯錦橋

梨嶺

夢筆山

笠山詩選卷五

延平道中

贈延平梁太守

甌寧古寺

延平津

古佛灘

自延平抵江山六百餘里日在山水間得詩二

十首用少陵秦州雜詩韻

竹瓦亭

仙霞嶺

江郎山

衢州贈李鄴園制府二首

龍丘山

贈山中老衲

爛柯山尋仙奕舊跡

蘭谿道中

姑蔑城

桐君山

桐廬

戴山

七里瀨用謝康樂韻

夜泊嚴陵釣臺作歌

試十九泉

笠山詩選卷五

七里灘

桐廬訪方干故居

渡錢塘江三絕句

西湖十絕句

謁陸忠宣公祠兼拜瀨亭嚴先生墓

吳山

于忠肅公祠

烟雨樓

訪隱者不遇

古松

雪晴吳門曉望有懷

雪後姜勉中學在招飲青瑤嶼

贈姜氏兄弟

雪霽遊虎丘

憶鄧尉支硎諸山梅花未及往遊

惠山

惠山園林懷秦留仙檢討

京口

夜泊潤州聞角

金山

焦山

鶴林寺

笠山詩選卷五

四

觀焦山古鼎歌

遊雷塘古寺

過紅橋遊覽蜀岡諸勝四首

舟行卽景

楚元王廟

漂母祠

將至鍾吾遙望馬陵山色有作

邳城

徂徠山

登岱四首

度青石關

自題逸峰園二首

題志堅堂竹爲唐濟武檢討

過畢存吾石隱園

暮春泛舟明湖

月夜泊天津

笠山詩選卷五目錄終

笠山詩選卷五

五

笠山詩選卷五

淄川 孫 惠樹百著
新城 王士禎貽上選

入閩雜感四首

八閩古名區高嶺界南服山水稱清佳盤迴亘地軸
氣暖木不凋四序錯丹綠耕織富桑麻嘉禾歲再熟
自罹兵燹來井邑少垣屋畿道民流離歸燕巢林木
燐火夜青燐哀猿嗥深谷誰爲職撫綏勗哉此人牧

又

夙懷拯濟心抗疏承明殿何況此遺黎琅尾目親見
膏血盡輸將筋力疲轉戰程程皆羽衣鰲黑盡鳩面

笠山詩選卷五

沉疴望俞扁安得起瞑眩視之情內傷惻惻心靡安
又

羣黎望治安所重在守令况當烽火餘緩輯須善政
執熱當清涼任重急安定漢代多循良皎然綱紀正
大法小則廉提若宮商應殿最有殊程妍媸別明鏡
我懷元道州不愧牧民術哀時賦存陵長歌異天聰

又

閩海蘊妖氛擾擾飛蛙蠅颶風吹帆檣樓櫓照烽影
戰士枕戈矛居民避里井禁旅互更番俱億勞踵踵
蟬臂當車輪治之有要領棄置島嶼間非同去職
休兵養民力斥城嚴備警待時舉王師一掃鯨波

福州五絕句

摩天高嶺扼霞關歷盡崎嶇水陸間其說無諸稱吳
壤果然城裏見三山

又

南越東甌望渺茫丹花碧樹少嚴霜一從跋扈烽烟
後月落猿啼萬井荒

又

雲中七塔聳嵯峨寥落前朝古寺多碧甍晴嵐遮不
斷晚鐘穿山亂松坡

字字
入書

又

笠山詩選卷五

二

臺圯新稱古越王殘碑零落倚荒岡新圖消歇憑誰
問一片樵歌送夕陽

又

潮翻銀雪海空濛所有鯨魚腹浪中指日樓船消戰
伐不教旌旆射波紅

登烏石山

昨日過危灘今日躡高頂仰視天宇清俯臨城郭迴
風日扇和柔坐喜氣烟靖三山最得名茲山踞要領
遺跡薛老峰雷雨間 騁星羅忽破碎又見數峰整
決背與蕩胸直欲穿冥淖前對九仙山明昏不一境
怪狀割鴻濛倒側時露逞散若紛有核莊若列鏡鼎

錯與綺繡連綠與簾櫳並勇士介服鮮好女明粧靚
始信夸娥功神力逼蒼冥開昔漢淮南蓄逆懷傲倖
何氏早知幾各與此山求如何異姓王敢與顏行梗
山靜海不波臨風發深省

九日登平遠臺

諸峰環拱越王城此日登臺動客情黃菊候中無雁
到綠榕林外有猿聲秦軍舊落龍山帽斥堠新懸瀚
海旌計日澎湖休戰伐一犁烟雨樂春耕

額聯

讌集平遠臺放歌

我來遍踏無諸山左旗右鼓相廻環英雄自昔伏草

笠山詩選卷五

三

莽烽烟時起峰巒間分界久絕魚鹽利七關蒼赤愁
鰥鰥好文畏法事征戰星渠精悍雕弧彎淮南僻竊
已受縛獨租詔下多歡顏海上復聞鯨鰐靜雲屯
虎豹旌旗開日來杖策縱登眺亞夫營外窮躋攀戰
後山川少氣色紅蕉紫菊空重殷三山屹立出霞表
回望城郭如鱗斑久聞此地富仙跡薛老峰下流潺
潺越王石樽尚無恙九仙兄弟何時還

意氣

越王臺

越王隨逝水臺尚倚斜霄憑弔增詩卷登臨使酒
樓烟穿翠鳥瘴雨濕紅蕉霸業今何在千秋

佳境

問鼓山絕頂可望海外諸國欲登不果

草律文

共說鼓山高出羣半天嵐翠書嵐嵐島藏諸國時時

兄風捲洪濤靜夜聞未得打興隨度鳥何時蠟屐賸

杵雲聯翁亭子空相憶絕頂松篁望不分

三四佳其
通篇老境

蕉坑

蕉溪接蕉坑產蕉供織布機杼鳴翠微知有人家住

王枕山上有枕

王枕峰青削高吟試一登路隨雲上下身共鳥飛騰

笠山詩選卷五

四

展響尋山客筇支入寺僧磨崖題未得秋氣晚憑陵

額聯

白鹿峰

白鹿峰前鹿其遊嶙峋千尺俯龍湫一聲長嘯驚鱗

甲風雨爭飛萬壑秋

拜李忠定公祠

三朝黃髮典經綸社稷安危繫老臣天外未能歸鳳

輦殿前常自逆龍鱗白麻去後思賢相公紹興青史

披時憶偉人一代偉人伏臘至今嚴組豆丹楹祠

宇尚如新

制撫兩公招飲南臺是日大閱

無諸舊國形勢雄莽大海迴天風旗山鼓山列左
右兩峰對削何著慈海島孫盧猶未靖鯨魚跋浪
龍宮嶺南半壁倚開府高牙大纛臨元戎組甲百千
霜雪耀水犀十萬旌旗紅時維九月天宇空清霜未
落丹蕉發炎方日暖好天氣節度邀我觀熊能五花
壁壘動顏色震天鼙鼓高逢逢烏號滿控夏服箭雕
鞍緩御連錢驄指揮馳突習戰國烽烟照影兇蓋中
矢石紛飛亂風雨須臾奏捷收奇功饒吹飲至肆筵
席鵝黃熊白行庖充葡萄美酒玻璃瓊鍾絲竹雜奏歌
車攻比聞滇池淨逆孽彭湖佇見消艤艤干戈載戢
放牛馬千年四海車書同

筆山詩選卷五 五

汪蛟門曰其氣獨雄
具以觀虎視之傑
喝水巖神是神師誦經於此懸木
聲喧聒喝之水逆逆流
枯禪會說雀巢頭何事神僧喝水流心靜空山喧亦
寂蕭蕭紅葉下龍湫

無言而
有禪意

不得食荔枝感成一絕

瓊香碧乳勝侯鯖十八娘紅間葉青間說多登
色無緣六月到楓亭

江蛟門曰可
入荔枝譜

歐冶池歐冶子
鑄劍地

不見歐冶劍惟見歐冶池池水淬霜鏐何處藏蛟螭

金鎖江江一急流得金鎖引鎖見

漁人掣金鉤牽動一江綠金牛去何之應在龍宮牧

榴花洞榴花一枝去而復來逐逐

逐鹿尋仙踪深入榴花洞蝙蝠驚人飛石乳滴如凍

螺女江江遼瀛氏得一螺

螺中由素女能使盤餐足惜無明月珠不似鮫人哭

逃奴洞梅尉丹成其徒竊食之

逃奴竊大丹潛向此中匿仙洞有遺踪清秋夜聞笛

水口驛

危峽束急湍怪狀擁灘路劃然敞一門石齒一一吐
春聲響奔崖人語出深樹竹屋高連雲戶戶皆嶺露

筆山詩選卷五 六

午峰接嶺前炊烟雜山霧居者如穴鼠出若翻孤鷺
作息烽火餘星散屯野戍郵傳今復增力役連朝暮
雖稱闔閭民無地謀生聚岸側見懸蘇十九無完袴
潛語問上居苦役兼苦賦海上未厭兵天遠誰可訴
灘行二首

山根觸怒流激蕩勢奔旋轉亂石間森森列刀劍
俯瞰蛟龍窟不測儼天堦毫芒若齟齬舟觸散如霰
性命托篙師心惕日常眩仰空羨飛鳥悠然動遐緬
人世多危機安得中懷晏

一灘復一灘險勝歷危棧九折雖崎嶇有逕防顧盼
涉灘不自由頃刻態千幻或上如層霄或下如深淵
迅若掣電飛滯若困羈絆長年提操舟穿石委蛇慣
慄慄逢隱人安能寡憂患我欲煩五丁嗟呀一時鏟
揚帆下奔流坦然復何問

黯澹灘

劒津夾壘嶂風物邇冥晦東嶽諸惡灘神物窟其內
懸壁立積鐵篙師入若驚濤怒噴雷霆蒼石等舟大
一折纔前行再折後復對牽挽力未施風迴忽倒退
縱橫虎蹲伏零亂星碎奔奔任疾呼不出水聲外
躋如萬丈梯駛似千軍激流透玲瓏潯寶洩清瀨

第七

從來山水窟逸興偶發以黯澹名險巖此最
徒抱濟勝心游眺反以爲何日見疏鑿快意風帆會
似少陵鐵堂峽
石欄閣詩篇

黯澹灘石可爲舟身竟之

詩思如雲涌繚繞青山頭高吟逢隱底下恐驚蛟
前臨黯澹灘湍急無停鴈佳硯山骨墨潤光如
炯炯鸛鶴眼天然謝離興揮灑借石友長夕供冥
索石

化龍津畔竹雞啼索石荒灘日半低一白葉君留
後劒南從此勝端溪

灘行漫興

四門紅綠關天工不珍花處處同更羨溪山餐
應行人盡日帶圖中

建寧道中

三衢南接古梨關迴合峰巒紫翠間夾道刺桐秋
瑟垂巖瀑布日潄潄玉梭錦濯西川水銅碾茶香北
苑山紅葉村邊開返照滿江漁艇棹歌還

過建州有懷江令

合香嵐消宿霽收山丹水碧建安遊高才未盡懷江
令五色毫揮萬里秋

第二句妙

笠山詩選卷五

建州茶

的乳茶香是建州南唐京銓奉龍樓而今不貢頭
餅綠雪青雲稻滿時

濯錦橋

江水碧於染波澄潄鮮雖無卓氏女名字小西川

梨嶺

梨嶺看花細細芬精藍碑蝕冷斜暉鷓鴣聲裏格
綠刺有山僧掃白雲

風味佳

夢筆山

遙憶文通作賦才送人南浦自生哀一朝才盡休相
笑彩筆原從夢裏來

延平道中

輅車初下復揚舲榕樹陰深墮翠翎山水窟中行十
日始知世上少丹青

住

贈延平梁太守

劍氣凌空早化龍建安從事意從容閒揮玉麈臨秋
水喜判銀毫聽夜鐘蠟屐酒尋霜候菊放衙案對午
簾峰伯鸞本不因人熱日日看雲白盪胸

曉寧古寺

笠山詩選卷五

九

古殿颺颺嘯沉沉隱佛燈一條黃葉路幾個白頭僧
碑什誰能讀樓危不可登興來詩易就吟入碧雲層

三四張文昌
買蘭仙妙處

延平津

劍化雙龍繞波沉萬古流光苾芻爍電風雨氣涵秋
異物留靈蹟人來得勝遊夜深沙月白疑是抱珠浮

起句

古佛灘

稜稜攢畫戟歎吐騰霜散駭浪勾奔雷怒濤走驚電
一瀉勢漸緩瞥望如匹練間有百丈潭懸流勢洄漩
風昔懷忠信轉折目先眩能銷利名心兼除鄙吝見

不謂狂瀾中古佛互隱現突兀出金身轉瞬狀已變
默默指迷津慈憫不欲銜安穩渡危灘眺覽神不倦

始知象教尊拯溺集衆善藉首禮空王欲采溪毛薦

自延平抵江山六百餘里日在山水間得詩二

十首用少陵秦州雜詩韻

風聞南劍路山水快清遊瘴滿侵晨怯灘高薄暮愁
人初經百粵序已過三

又

衍仙山下石齒齒帶琳宮八關猿啼迴雙溪鳥度空
晚花垂菊露殘葉護蕉

又

笠山詩選卷五

十

司空祠畔水豐歲險龍沙戰後初增壘兵餘半廢家
宿雲秋壑轉寒日午峰斜身寄黃頭子途危亦自誇

又

一片盤陀石苔痕似舊時楓丹千籟發山紫萬蟲悲
戍鼓乘秋急灘聲入夜遲南屏城下路奔浪欲何之

又

建安江令蹟山水興難忘龍窟雲初合茶洋礪正長
猿催青嶂夕鳥濕綠榕霜夢筆何年事扁舟望渺茫

又

飛棹驟驚渡逃奴去不歸變名吳市遠遁跡越山微
選谷晚昏改寒林紅翠稀到今梅福里蘿蔓自成圍

第四首韻聯五六首頭聯
寫風土語特新異可愛

又

靈源分地脉汨汨到人間日暖蛟龍國雲屯虎豹關
珍花橫嶺出異鳥觸風還此處渾仙穴何從學駐顏

又

天南新奉使叱馭此中回水落龍初蟄峰危雁不來
一帆涼月轉四面翠屏開野戍隣秋寺霜鐘午夜哀

五六佳甚
家不能到

又

水石舒清眺秋帆下驛亭枕柳陰礧黑樺撥刺峰青
野戍驚鷺盜危途閱使星一經溪壑險深思在郊坰

笠山詩選卷五

士

又

蘂篁夾徑窄帷幄綠雲繁雪嶺尋山勢漁梁問水源
松杉林外寺豺虎窟中村自古偏安地梨關是北門

不備山水間語作
者其有憂患乎

又

越王遺舊築南浦陣雲低夢筆空文藻投戈降紫泥
殊榮來冀北偏將號征西驛路多繁苦蒼生厭鼓鼙

又

邑有西洋渡斜崑列鏡泉蓋仙留洞古栢嶺接烽傳
野戍懸崖外秋花落水邊子期仙跡遠四皓竟茫然

又

盤盤術楓嶺炊烟結數家竹雞鳴斷岸清鶴起圓沙
危樓人如巢遙林橋似瓜稀疎紅翠合四序不別花

又

無復東西路維南一線天飛仙多舊跡福地有真傳
爽簾千峰竹清流幽洞泉逃名須避地高臥夕陽邊

五六不減松風吹解
帶山月照潭琴也

又

歷盡危途險崎嶇木陸間南平歸劒關東越保泉山
謝屐憑探討麗公任在還應慚行役子不耐二毛斑

又

七嶺仙霞路盤盤迴出羣雄關高扼險眾壑下生雲

笠山詩選卷五

士

形勢山南控輿圖水北分何時銷鐵甲及早提書聞

三四足振衣
下初上語

又

野花明澗口城城帶秋光兵氣高春嶺雲低拂牆
一陽回黍各諸壑亂溪堂濟勝臨初地蕭蕭百卉長

又

地僻須江路高秋客未歸寒溪行復轉野日澹生輝
戍鼓連雲動軍書入夜飛嶺邊屯細柳爭說亞夫威

又

不必魚兒險方嗟行路難澗垂虹飲渴風急葉聲乾
暗水披岸動空山掠日寒須耶人化石此地即仙壇

又

舊有徐殷宅題齋結主知山深供鹿女江穩出魚兒
濟非似軍非鄧池疑習池風鳥棲不定長此戀南枝

汪蛟門口二十首中寫山川風土
有沈著有洪染條蕭散極概陳

竹瓦亭

路險竹瓦亭紆折盤羊腸崩崖歇石危倒樹垂根長
馬蹄踐苔滑車軌不得方行人愁掉臂側足中傍徨
老僧日補斃力竭頭鬢霜有若精衛鳥填海駕船累
復似五丁鑿棧道通陳倉行行漸暝黑日落心倉皇
安得平險阻坦坦皆周行

仙霞嶺

笠山詩選卷五

三

萬里南天一嶺分雄關高險扼行雲五丁山鑿黃巢
路百級梯修史浩軍馬背俯看人最風龍將倒結樹
氣風憑臨四望真形勝廻合千峰倚夕曛

江郎山

山有峰色月倚日池
在絕頂非普通金剛

江郎山色炫朝霞高插三峰霧半遮絕頂天池人不
到罡風吹落碧蓮花

汪蛟門口持此
可登赤雁峰矣

衢州贈李鄴國制府二首

壁壘旌旗舊擅名嶺南鎖鑰倚長城功高百戰標銅
柱地控三衢駐柳營休道黃巾能恃險誰知白面善
談兵甘泉捷奏 龍顏喜始信軍中韓范聲

又

憶昔機槍未掃時湖湘闖越羽書馳折衝樽俎消烽
燧保障東南息鼓聲報國長存心似石籌邊真見發
成絲琳瑯愧乏昌黎筆高勒淮西十丈碑

汪蛟門口制府勳名炳著
彷彿晉公笠山同非私言

龍丘山

不見龍丘長九石芙蓉秀仰止挹高風微辟不輟就
鳳凰千仞翔豈屑餐腐垢石屋今猶存藤蘿纏戶牖
薛厚白雲鋪松密微陽逗響屐驚猿狖拖筇窺巖
汨汨寒泉流手掬白盥漱緬然清心魂一滌塵襟陋
贈山中老衲

笠山詩選卷五

十

愛此支公室垂松碧梧檐鉢龍雲乍起硯水頭添
續火宵翻藏疑香書下簾不知蓮社裏何處醉陶潛

爛柯山尋仙奕舊跡

爛柯山巖崿舊時名石室青霞入洞天道書盛稱述
仙人偶奕棋不異幻隱橘山樵置斧看柯爛奕方畢
仙家歲月長千年猶一日我生好丹砂逢山覓之不
山空不見人松濤暮蕭瑟

結

蘭谿道中

輕舟搖桂楫細雨過蘭谿遠寺山支閣層田水疊梯
林稀松風見烟暗竹雞啼難倩河陽畫吟詩落日低

起勢支字疊
詩更極快染

姑蔑城

吳越爭雄事有無可憐蠻觸總荒蕪當時姑蔑旗何在廢墟殘陽起亂鳥

桐君山

孤桐當日碧如雲千歲枝枯散鳳翳滿地夕陽連灌莽不知何處問桐君

桐廬

帝鄉水店映沙墟草菜京來縮頸魚竹樹蕭條開鋪繡果然滿灘是桐廬

戴山

戴顯與兄
劫棲隱處

笠翁詩集卷五

五

山遶清溪樹遶陂戴家兄弟舊茅茨雪花一片穿林去飛起前灘白鷺絲

一七里瀨用謝康樂韻

谷冥嵐氣昏微雲洩山窈窕禽鳴啾啾哀猿發清嘯聚繹宣亦幽沿澗轍征棹林深月出遲漁火互照曜緬然思古人烟雨桐江釣清節風千秋今古孰同調雲嶺人傾圮此巖獨清峭流覽豁幽襟一鼓猗蘭操

夜泊嚴陵釣臺作歌

富春山接桐山脉蜿蜒不斷雙崖坼驚波下夾三江流倒映峰頭深樹碧我來懷古思嚴陵釣臺突兀高

昏竹烟雨一絲久寂寞客星千載猶晶燭鴻鴈尤情非冥冥有足寧須來漢廷當時不共文叔臥七里溪光應更清

試十九泉

泉在釣臺下

十九泉名陸羽經煎茶應見乳花停筵應暫試頭綱餅不異中冷水一餅

七里灘

昔賢垂釣處瀾瀾七里灘石壁削積鐵水碧搖楓丹遄急猶箭馳逆上揚舲艱安得如樵風往來無盤桓澄泓數遊鱗倒影見杼機烟霽薄空翠深巖生瞑寒勞勞愧高隱俯首觀微瀾

七里灘惟觀風以為遲速故詩云有風七里無風七

笠翁詩集卷五

六

桐廬訪方干故居

桐廬為方干三拜落日停帆問故居免缺有才悲不遇白雲源外引柴車

白雲源方干故居

渡錢塘江三絕句

蔚藍天色水蒼涼白芷青蘋兩岸香潮落不須強弩射布帆十幅下錢塘

又

朝朝暮暮信潮來往事平沙萬幕開三日無潮天數定千秋興廢總蒿萊

又

八月壽生接碧霄驚雷噴雪難消往來黃葉丹楓
路未及淹留看美湖

風致可愛

西湖十絕句

湖溪山光山繞湖四圍空翠日糝糊幽懷不耐筆歌
恥一棹常乘夜月孤

又

白鼠驅馳軟玉鞭漁陽俠少酒樓前不知山色西陵
好只辦當壚買笑錢

又

笠山詩選卷五

七

最愛孤山放鶴亭白雲吹散見峰青林公去後梅花
盡千載名高處士星

又

誰遣飛來小鷺峰湖光蕩碧遠連松最宜雨後支筇
看洗出苔斑翠幾重

又

松杪南枝掃亂雲離離秋草鄂王墳只今介馬朱仙
鎮風雨猶聞泣夜分

又

漁父垂竿樂自如段橋西畔柳條疎泊舟沽酒殘陽
裏不用愁供使宅魚

又

葛嶺人傳買八哥當年遺恨未消磨食看蟋蟀金籠
鬪不念熊羆夜枕戈

又

山林殘陽一帶斜壁車馳馬鬬繁華彩雲易散千秋
恨誰是錢塘蘇小家

又

嶢嵒秋皎夜闌干歌管無聲露早寒水閣忽聞香暗
發青蘋風起白陽灘

又

笠山詩選卷五

大

三竺琳瑯紫翠間白雲跌坐老僧閒何時拂袖攜蓑
笠歸子乘春自往還

江蛟門曰樂天詩云未能拋却杭州去一半勾留
為此別東坡詩云別後新詩巧摹寫袖中知有錢
塘湖名賢之類劉於此者至矣
此令其同憶昔遊恍疑夢寐

謁陸忠宣公祠兼拜灝亭嚴先生墓

墓在祠旁

直諫名高第一流霜飛白簡立螭頭奉天詔下人皆
泣內相謀深世鮮儔碑礪碧苔烟漠漠門臨紅樹水
悠悠祠邊近接嚴公墓俯仰松前淚不收

吳山

端居意不適駕言遊吳峰嶙峋俯城堞烟靄散遙空
江湖夾明鏡搖蕩青冥濛憑高縱登眺豁然開心會

緬懷南渡日駐蹕臨安宮金闕高樓舉珠網森玲瓏
旁有玉津園華沼羅芙蓉祇今蔓荆棘狐兔藏深蹤
世事幻飛電長年思喬松仰止丁仙祠餐霞騎茅龍
願就丹砂訣冷然御天風

于忠肅公祠

出狩天王竟北征烽烟已逼鳳凰城有君我國真長
策奇貨難姑始罷兵南內邀功爭復辟西曹枉殺忠
無名最憐一事公遺恨不使前星羽翼成

字字確如漢庭老吏
江蛟門日結句爲公生平恨事

烟雨樓

樓上憑臨正晚晴鴛鴦湖碧穀紋生烟迷宿鷺凝霜

笠山詩選卷五

七

色風動枯荷作雨聲把酒正宜秋浩蕩放歌尤愛水
空明丹楓烏桕山頭亂不是荆關畫不成

訪隱者不遇

琪花洞口暗問香半掩荆扉露石牀探藥雲中人未
返青苔滿地落松黃

古松

天矯盤空走鐵龍蒼皮蒼雨綠鱗鱗蒼髯掃斷雲千
尺白鶴衝開翠幾重不受秦官原白傲欲尋毛女却
難逢何時化作青牛穩送我騎歸太華峰

結七

雪晴吳門曉望行懷

雪嶺峰爭出憑高岸角巾竹藏青鳳尾松蛻白龍鱗
欲載支硎酒堪垂笠澤綸吳門多隱士誰是賃舂人

雪後姜勉中學在招飲青瑤嶼

時被吳門
先哲圖像

姜肱好兄弟招我舊平泉池潤清殘雪林昏聚暖烟
蕭疎杯易盡委折徑難穿最愛縹緗富披圖仰昔賢

贈姜氏兄弟

其先人給事貞毅先生明末
以建言成宛陵富姑蘇

折檻孤臣後樓樓阜廡間夢歸萊子園心繞敬亭山
好客思投轄觀書靜掩關囊中留諫草猶有淚痕斑

雪霽遊虎丘

雪後葑山插玉屏高峰先露佛頭青池平碧水藏龍
劍天平罡風響塔鈴蟻屐爭來尋上刹試泉原不讓

笠山詩選卷五

辛

中冷當時曾護千年樹依舊籠烟畫杳冥虎丘老樹
連枝翹首于

憶鄧尉支硎諸山梅花未及往遊

鄧尉連支硎巖壑最幽僻浮嵐映翠間映帶碧
下多種花田布列龜紋坼土膏動青陽微雨沾露
花氣蒸衣衫花鬢凝巾幘啼鳥喚遊人雜香遶晨夕
今年春更早雪晴露山春梅花浮暗香清泉迸石隙
人皆競遊賞予獨牽物役非無石凍春未蠟阮公屐
昨夜夢羅浮茫茫月中白

惠山

小艇春移江路斜九龍山碧俯晴沙沿堤青幔客沾

酒闌樹紅爐僧煮茶謝展穿雲驚翡翠吳姬留醉響
琵琶我來只愛泉邊坐乳窟溶溶漾玉砂

惠山園林懷秦留仙檢討

山抱園林映晚暎蕭蕭離落宛江村疎梅影散晴天
雪密竹陰連白晝昏百折流泉清繞石千年老樹碧
常門題詩壁上思淮海那得花前共舉樽

京口

山勢蟠京口雄關壓上游夕陽空戰壘漁笛起孤舟
霸業齊梁盡江聲日夜流憑高無限意浩蕩集春愁

夜泊潤州聞角

孤蓬夜泊蒜山根滾滾江湖下海門何處角聲吹不

斷滿江蘆荻月黃昏

金山

水國琳宮鬢氣昏雲開金碧射朝暎一圍樹色高連
塔四面江聲湧入門郭璞墓前增戰壘中冷泉上沒
潮痕憑臨不敢舒長嘯恐有蛟龍臥石根

第四句豪健有氣勢
詩幾佛身真來儉矣

焦山

焦山孤峙海門峰破浪來尋處士蹤舊蹟雲封三詔
洞深岩苔結六朝松漁舟泊處潮方落僧磬鳴時日
下春亂石堆邊慨瘁鶴碑銘斑剝蘚千重

鶴林寺

古寺潤州西叢篁夾路迷江清堪洗鉢山翠近磨笄
石鼎焚松子僧房衆鹿麕杜鵑仙跡杳只有暮鴉啼

假對工通首
似張文昌

觀焦山古鼎歌

江上孤峰插鼉背石觸奔流浪花碎精藍突兀翠微
間竹徑陰陰畫冥晦登堂忽見寶光來古鼎燦燦堆
青黛中有錯落丹砂斑珊瑚隱映琅玕內近前不敢
手摩挲勢髯精靈見三代廻環篆籀多闕文點畫難
推意款昧老僧指點說周鼎龍勺雞彝昔同輩藏之
古寺鎮山門風雨尤能辟魑魅聞昔權相攫取歸寶
鼎公然作妖祟復返趙璧誰敢爭神物睥睨理所戒

竿山詩選卷五

圭

江流不盡山長青此鼎長共江山在

江陵門曰濟南兩王先生
此詩指揚得此足鼎時矣

遊雷塘古寺

古寺夕陽邊僧耕雲外田竹深難辨路松老不知年
板渚尋隋苑銅餅汲井泉隔江山色好翹首蔚藍天
過紅橋遊覽蜀岡諸勝四首

隋宮佳麗闢嬋娟殿脚尤稱吳絳仙今日玉鈎斜畔
過斷釵零落草芊芊

又

歌消玉樹舞霓裳不見迷樓見夕陽多少繁華隨逝
水斷碑殘照滿雷塘

又

一帶垂楊拂綠波蘭桃來往織如梭繁絃急管中流
去醉拍闌干喚奈何

又

舊舫妖姬散異香傳山烟裊抹垂楊金銀玉腕寒簾
望油壁青聽枉斷腸

舟行卽景

風吹春水綠層層畫舫輕盈似不勝最愛晚雲疎雨
過垂楊陰裏曬漁罾

楚元王廟

亭亭孤柏倚斜陽苔蝕殘碑古廟荒憑弔始知風俗

笠山詩選卷五

五

厚至令人祀楚元王

汪蛟門曰與昌黎
問學居祀廟王並傳

漂母祠

古木叢篁覆一椽椒漿來拜斷碑前投金豈意王孫
報進食猶傳漂母賢楚地數名飛落葉漢家宮闕散
寒烟昨從勝下橋邊過不見當時舊少年

將至鍾吾遙望馬陵山邑有作

馬蹄驚野鶴飛雪起柴門漠漠白沙浦沉沉綠
湖虛通日脚山遠失雲根何處鍾吾邑蒼茫

郟城

邑小如村落人烟冷夕陽橋危高渡馬沙洲

徂徠山

茅覆徂徠小碑橫野廟荒同宮遺舊蹟夫子昔皇皇
齊魯抱層巒徂徠獨橫亘絕頂劃天青雲生結春暎
風聞松柏多蒼蒼覆危磴六逸昔隱此酣歌縱幽興
明復與守道傳經互考古流風今曠觀樵蘇絕人逕
寂寂空翠中啼鳩自相應

登岱四首

遙遙望岱宗羣峰界天黑空濛雲氣流蒼翠嵐光逼
近見鳥道懸直上高無極履齒不得施荷與費登陟
一盤復一盤下視不可測僕夫足趑趄勞哉念筋力

又

笠山詩選卷五

五

怪石爭盤拏奔泉互縈轉飛鳥觸人過雲中聽雞犬
磨崖篆籀多斑駁蝕苔蘚辨認屐印與點畫半隱顯
夾道松篁幽籠烟乍舒卷鐘磬出翠微悠然動遐緬

又

睿冥陟萬仞一線窺天門陰崖積霜雪石裂垂松根
罡風生肘腋曠望飛心魂向背見齊魯海外懸朝暎
萬山羅足下俯視真兒孫但覺雲一氣不復知晨昏

又

七十二代君封禪事虛誕金簡懸榛莽玉函久浸漶
荒涼餘秦松突兀留越觀猶有無字碑嵯峨矗天半
祖龍意何深摩挲再三嘆仰天一長嘯氣作雲霞散

汪校門日四詩
氣體源本少陵

度青石關

萬嶺排天起山腰鑿石門鳥穿空翠濕人踏白雲昏
僻洞含砂氣懸岩結樹根舊傳多虎豹遺跡滿苔痕

自題逸峰閣二首

偶結蓬茅屋數椽四圍山翠撲雲烟經營未架藏書
閣寥闊先開種秫田猿洞漏天高登石虹橋跨水暗
通泉自慚物役勞奔走曾向花前幾醉眠

又

留人最愛短垣斜薛荔侵門別有家關徑掃開青蘚
路編籬扶上紫藤花燒丹斗室山全掩讀易迴廊樹

詩選卷五

姜

半遮此去日邊頻張望應多幽夢繞烟霞

題志察堂竹爲唐濟武檢討

太史藏書處修篁繞一林勢連青嶂合陰抱碧雲深
直比忠臣節清留處士心似聞風雨急夜夜學龍吟

過畢存吾石隱園

園爲大司農
白陽公別墅

知幾早辭榮屏跡縱幽討先人有平泉竹柏穿深窞
好石似米顛登山出林杪長白連豹峰晨夕翠如掃
開軒讀素書歌聲和春鳥悠悠暢遐襟耳目無紛擾
愧我日驅馳疑義相析少偶過愛林塘欣然酌清醪
暮春泛舟明湖

滿路榆錢散不收楊花如雪放輕舟筆牀茶竈隨疎

懶水榭林亭任去留遠樹一灣搖酒旆澄波千尺下
漁釣當年北渚題詩好此地曾經杜老遊杜少陵遊
歷下亭有
北渚變清
河之句

月夜泊天津

奉使天南萬里遙壯時智慧已潛消年來未遂龐公
隱夜泊津門聽海潮

笠山詩選卷五終

笠山詩選卷五

姜

笠山詩選五卷

山東巡撫
採進本

國朝孫蕙撰蕙有歷代循良錄已著錄是集爲汪懋
麟所選定詩格清麗無塵俗之氣而邊幅微狹益
才分弱也王士禛序稱其五七言詩雖古作者無
以加一時獎進之言耳

谷口山房詩集三十二卷文

集六卷

〔清〕李念慈撰

北京圖書館藏清康熙二十八年楊素

蘊刻本

附《四庫全書總目·谷口山房

詩集十卷》提要

序

素蘊雖間爲詩而于所以爲詩之道未有所窺
吾友劬菴子獨不相鄙棄嘗謂之曰夫詩非徒
以飾章句攬光景襲前人之餘響逐世間之情
事爲也古三百篇多婦人女子里巷歌謠之詞
彼豈知所爲前篇已事

諛言詭託者歟而先王
采以登之郊廟播之律
呂用之邦國良以其質
任自然本乎中發乎外
其作也非以爲人祇自

楊序

道其情之所由感及心
之所欲言故其人之性
情存焉而凡有性情者
誦之爲興爲觀皆可用
以相感教斯行焉矣吾

子雖不以詩自鳴然所
作皆直吐胸臆無所詭
飾發乎情止乎義非如
今之人因事與人以爲
詩詞雖具而情不存焉

楊序

者也劬菴之論詩如此
蘊因取劬菴詩竟讀之
雖其間不無贈答吟咏
之什然每篇之中其義
皆有所歸尤長于體物

序事或因譽以爲規或
卽物以會理刺人也而
實以風世紀事也而可
以考時咏物寫景也而
其山川風土物產俗尚

楊序

四

之美惡貞淫時會之變
遷好尚政教之得失興
廢皆可因之而得之斯所
謂不徒作而存一己之
性情可以感乎人之性

情者矣又劬菴之爲人
內方正而外踈通風流
善謔雖蚤成進士而仕
宦不達困頓輒軻自少
之壯自壯且之老矣其

楊序

五

生平所學不得見之于
世者胥于詩乎發之讀
其詩如見其人凡識與
不識莫不全慕願交焉
劬菴豈徒以詩傳者哉

乃以仕宦不爲生產終
窶且貧日奔走四方營
其脆以養其父足跡幾
遍天下所得詩亦最廣
晚年合歷遊諸集數數

楊序

六

自加芟除存者僅十之
五手寫自攜不卽付削
剗其意蓋有所未足欲
俟學問日漸增益而更
數刪定之也戊辰秋過

我晚署蘊亟請之劬菴
終不肯予蘊乃曰君攜
持行路烏能無盜賊水
火之虞畢生精力獨不
可念乎劬菴乃蹶然上

楊序

七


笑而付之蘊因得鳩工
付梓以公同好顧旣不
能如劬菴有窺于所以
爲詩之道又何足以論
其詩亦惟卽劬菴之所

爲論詩者以論劬菴之
詩而已劬菴更有古文
百餘首尤不自以爲然
蘊于武昌并請得之續
刻于後劬菴交最廣凡
海內文人詞伯莫不知
有劬菴會當有起而論
其詩若文者蘊終不敢
自謂能知也

康熙二十八年歲次己

已仲秋望日玉華楊

素蘊題



谷口山房詩集舊序

河濱李楷叔則誤

詩聲也有有聲之詩有無聲之詩辟之軒渠
於邑嘖嘖叱咤聞之而即知其性情之喜怒
哀樂不俟其詞義畢陳綢繆再四始可以得
其十之五也有倜者焉有詭者焉其出不根
於中其變遂塗乎外風雅不聞勦說二當作

谷口山房詩集

李序

者亦不能自定其何心人之聞之又焉能以
無惑夫詩至於發人志意者其善也詩之使
人惑者吾奚取焉且夫詩之作也何爲也哉
將以一己之所欲言言之則骨節珊珊旋已
成響腸轉轆轤耳中蟬緒故有詩之未發者
矣將以大地山河人倫事物時遇景會之不
齊者不可以無言則風喧雷奮鳥鳴獸語不

可以譯而可以意會者天下之人或必有先

予而言之者矣詩之爲教內淑身心外治宇

宙非己之急務與天下國家之大故可以不

作作之無益此刪後無詩之說也吾弟屺瞻

氏生平學杜陵其爲詩也不以詩其於琴書

奕酒繪畫之事無之而不以詩乙未之夏過

廣陵談詩雖俄頃予即知其淡心斯道秋又

谷口山房詩集

李序

晤于枚叔之里出其所作悉以相示予迺謹

避三舍語所知曰予答如屺瞻之年尚未有

以自立也今予過達夫之齒而詩猶在遠近

離合之間屺瞻英英直上迺欲彷彿杜陵豈

惟予哉屺瞻既與四海之君子遊其與工部

後先者今已有合後將日浚他日輿論當時

之務及古今忠孝大節政教得失學術醇駁

之故岷瞻偉議颺淑辨議詳核而無一或舛
于聖賢之指歸岷瞻於是乎遠矣予一言以
蔽之曰性情之間不爲詭托是卽三百篇之
正宗也

谷口山房詩集舊序

宣城施閏章撰

立言之可傳者本之有物出之有章而其擬
議變化要眇而不可測故簫韶之樂非一器
之音易牙之庖非一俎之味詩書六藝之文
非一言之美其所積者深以廣則其所發者
大而該也文者道之餘也詩者文之一體也

而風氣性情嘗因乎其地視乎其人昔遊京
師稱詩諸公間大梁趙錦帆謂余吳人能不
操吳音余笑曰吳音非不佳患不善吳音耳
豈必規規焉步趨中原哉然而東南之音多
失之靡西北之音多失之厲殆繇性成求其
兼長而寡病君子以爲難岷瞻秦人也余見
之孫豹人坐上其雄爽之氣勃勃矜宇而自

秦之晉南游江淮所遇山川風物寄興屬懷
情隨境移蔚焉蒸變觀其羈旅無聊不平之
作蓋秦風而兼乎吳楚者耶岷瞻春秋方富
擬議變化其進未有已嘗爲余言母夫人見
背時生甫十許日陟岷之痛抱恨終天往往
見之於詩使人不可讀余三歲喪母與岷瞻
差異而抱痛則同每語及此相對泫然不忍
谷口山房詩集 施序 二
言詩吾又嘉岷瞻之不僅以詩自翊也爲序
而識之

谷口山房詩集舊序

俞山方文撰

吾友叔則聖秋豹人杜若皆秦人也而杜若
時時向予言岷瞻之才不可一世予心識之
及岷瞻遊揚州見豹人豹人亦稱予詩不置
岷瞻謬加賞焉乙未初冬予至舊京寓城南
古刹先是岷瞻亦寓此東西僧舍絕不相聞

谷口山房詩集 方序 一

一日過中州張水蒼道相值纔通姓名彼此
驚喜岷瞻卽誦予寄豹人霜江掛席南風正
之句四章一字不舛于是兩人傾倒至矣索
水蒼酒飲之惟呼竟夜明日予偕水蒼過岷
瞻岷瞻亦具殽核出詩覽予其詞清以麗其
氣壯以激其思哀以深蓋元本于性情禮義
而出之不屑屑時趨者也岷瞻詩人哉岷瞻

曰冬春之交吾將作龍眠遊龍眠山川人物
甲江表使吾得吟眺其間詩思必有助所作
恐不止此予曰甚善前豹人杜若來龍眠與
我黨朝夕諷詠篇章驟富濱行各錄龍眠詩
一卷以傳今君繼二子後工力悉敵而年獨
少氣益豪其詩必與二子鼎峙或者較二子
更有進焉未可知也予掃逕待之矣

谷口山房詩集

方序

二

谷口山房詩集舊序

舊京顧夢游撰

吧瞻制科文膾炙海內余心企焉思見其人
不得吧瞻亦知余者至白門卽過余家不值
則形之吟咏時余方避迹而門失其刺實不
知吧瞻來也逾月伯紫札問何爲不過吧瞻
爲之駭愕狂喜意中吧瞻從天而下急走把

谷口山房詩集

顧序

一

晤歡若平生間日集翼仲許吧瞻水蒼爾止
皆在是日得吧瞻詩帙竟夕不能釋手吧瞻
詩聲調格法居然少陵也然皆有觸而發本
于情性求其刻畫摹擬之跡終不可得良工
苦心矣嘆其年力之富歲月之未深而遽至
于是是以不釋他日過吧瞻飲半醉謂余曰
詩難言之吾與子奚從應之曰虛吧瞻景

曰譬吾有身王乃神強乃骨洪乃聲充乃榮
衛猶虞不振子曰惟虛之求其何以立曰不
然昔之稱絕伎者吾聞之庖入間而牛解佗
按穴而病去龍點睛而體飛頰添毛而眉動
是以神仙宅靈必栖窅洞空青含水不處頑
石凝神屏息以造句而不予其至靈至變者
以求之鳥覩所謂精思者哉共效一體而雅

谷口山房詩集

類序

二

俗懸共用一事而工拙懸共落一想而深淺
懸所爭微茫千里萬里撫詞者實匠意者虛
實則易盡虛乃無窮善虛者不病實能以實
虛愈實愈虛愈虛愈實他人通篇不盡一意
少陵一語能盡數意是以獨有千古後人求
之于實生吞活剝而去之愈遠不知其妙于
用虛也吧瞻亮爾而起曰得之矣吾與言詩

者多矣爬非其癢口慙心仙今日于此有會
何不以序吾詩遂書其首簡

谷口山房詩集

類序

三

谷口山房詩集舊序

虞山蒙叟錢謙益撰

故御史大夫謚敏肅涇陽漸庵李公萬曆之
偉人也余兒童時已知頌公如蘇子之于韓
范富歐長而奉教于先達知公爲趙浚谷先
生之壻微言大義扣擊于浚谷者爲多余評
定本朝祭文以浚谷爲冠首行求李公之文

谷口山房詩集

錢序

一

唯流傳秦疏每爲慨嘆今年游白門得見李
公之會孫吧瞻弓冶箕裘羽儀具在不獨厓
中郎虎賁之思而已吧瞻以詩草示余屬爲
是正吧瞻之詩如陳正字行卷一日而傾雒
下何埃余言余觀秦人詩多仿厲用壯有
韓韓駟鐵遺聲吧瞻獨行安節和一唱三嘆
殆有得於兼葭白露美人一方之旨其諸風

雅之餘音乎詩曰管吾有先正其言明且清
盛明之世大人君子詒謀善物皆有溫柔敦
厚愷悌易直之流風觀于吧瞻之詩余之頌
慕漸庵爲不徒也已

谷口山房詩集

錢序

二

自序

古今不朽之事立德與功尚矣其次則疏經翼道有裨後學斯爲立言之實耳若徒以與世周旋因境會事物之交而吟詠敷陳集成卷帙其至焉者流傳後世未至焉者亦或傳播一時極之止爲文人詞客之勝技而未可以立言稱者也然當其交于外也必中有所

谷口山房詩集

自序

存乃相感焉旣感而不能已于懷作爲詩文行乎其所不得不行止乎其所不得不止事也而理具物也而道存賦頌贈答毋過其實毋戾于正或有所引喻以相規或有所表章以風世外之所著遙如其中之所感無所詭飾則仍歸一己性情之事而非將以徇人求名者其傳與弗傳皆可勿論也顧梓而行之

希冀傳聞謂非求名之事乎雖然所作卽未

能感人而一己之精神在焉雖有存稿不無水火亾失將性情之寄或身未歿而先已亾失者有之矣夫吾身受于父母剪剔爪髮猶念爲遺體之屬不忍遺失所賦于天地之性情獨聽其僅存笈簾中坐待散亾而漠不置念亦非敬天命者之所敢出也念慈幼旣失

谷口山房詩集

自序

二

學長而仕宦淹蹇糊口四方精神耗于窮愁歲月荒于道路自壯之老初知嚮學而心力衰耗不能有所造入徒隨遇應接稍著詩篇文則仕非顯達凡關繫政教民生之事未由與焉而學識疎淺于經史之文亦未敢輕爲論解所作無幾大端不越世俗應接所爲尤不足存獨念畢世閱歷精神之所寄不敢聽

其散失而無力授梓時攜行笈中愀然念之
會退菴楊中丞謬相許可慨然蠲資爲付剞
劂今而後亾失之患可以免矣中丞厚意良
可感也已至于集中所收自今以往之寓目
者或爲詆或爲譽或傳或不傳俱聽之今時
後世都置不論吾但存吾性情而已

康熙二十八年歲次己巳孟冬之吉涇陽李

杏山房詩集

自序

三

念慈題于武昌客館之西閣

讀李岷瞻先生放吟書後

龍眠方中德

余與劬菴別五年矣先是在江舟中夢與劬
菴聚首方辨色亟令家僮詢津頭秦中人彼
知余每過必咨劬菴狀爲語近自長安來時
遊吳門不久仍至邗上余大喜心動不可遏
時將之淮陰緣是暫止因海陵刺史與余有
世講誼遂適海陵以候之居凡三月餘一日
刺史忽手劬菴數行見示卽夕爲具舟楫令
其適往相見熟視急不能吐一語旋屏車騎
携手徒步出郭門登舟呼酒痛飲問答先後
都無倫次至夜半抵足猶刺刺不休臨行出
一帙授余曰覽此可悉別來情況余受而讀
之作而嘆已而復詠歌之不能已劬菴之深

杏山房詩集

方書後

於詩母俟再論獨其古摯沉激有心者讀之
未嘗不刺心者其於白髮之親平生之友纏
綿腓側致足感人余尤服其於最不得意之
時確乎不拔其志然則抑鬱困頓天固所以
成勛菴者豈渺小哉勛菴今方以知己推轂
得以展其才於當世余何復沾沾曩不得志
之時若同於悲歌慷慨骯髒牢騷也然勛菴
谷口山房詩集 方書後 二

固不以榮華易其常度者惟祝勛菴得遂平
生所欲爲爲吾鄙抒數年不平之氣斯則所
望於勛菴者甚大且重也至余兩人之情各
有不得已又豈徒言辭所可盡乎哉

讀李岷瞻遊浮山詩書後

同學顧夢游撰

岷瞻天才也其爲詩細意刻畫虛懷商訂字
字原本古人不有其才故其才畢出而與古
相當浮山六詩興會所至尤爲手調筆和今
詩家輕言頓悟閉門不必合轍輒喜上人而
工力火候究未可強請以岷瞻參之

谷口山房詩集

顧書後

讀李岷瞻谷口山房詩書後

同邑韓詩撰

猶記壬午冬與吾友長卿石子掃雪登西嶽
坐北斗坪西北望仲山雲際云其下有岷瞻
氏年少抱奇致爲吾黨張一軍者已從楊文
宗再稱岷瞻真奇士余措之懷中十五年所
而不得一見其人以爲恨事去秋得里中賢

谷口山房詩集

韓書後

一

書喜岷瞻據鹿鳴第一輩座又于都門識其
爲人始歎所得之未能盡也一日訪余虎坊
夢舫出是編相教讀之數日夕不倦及余往
岷瞻所欲與論詩而岷瞻目將策蹇以去挾
其飛鳴之業彈指三年何難破敵奪幟獨恨
以岷瞻之才尙使之逐逐道路豈世無歐陽
子雖有眉山亦不易合而岷瞻將縱游大江

以南務交其偉麗奇傳之士以觀山川人物
之秀皆能歸於詩文而益大其心靈變化乎
余卽不敢畱岷瞻矣而又使余不能措諸懷
矣安能起長聊而與論千古詩家之故哉

谷口山房詩集

韓書後

二

谷口山房詩集評

顧黃公

景星

曰劬菴五言古在選體中唐之

間其光潔不可及而無一字決于法七古
克實完暢激宕洋溢往往于結句方見筆
力蓋古人謂七言古以結處徵才所謂千
軍萬馬寂若無聲是也五七律皆以理氣
爲骨而音節深渾尤長于述事肖物不可

谷口山房詩集

集評

一

那移五排開闔鋪序俱極老到七排才氣
足以驅使法律整齊絕無逗湊五絕本以
含蓄爲三昧劬翁于最淡處最有餘韻如
空山清磬一聲已足七絕已入唐人之奧
至妙處不容言贊

又曰星嘗與周櫟園論切體音調時人多不
解叶韻劬翁集中切體無不合作先生諸

體各臻厥勝此必傳之集能不拜在

又曰詩以氣行方是好詩劬翁勝人在此

又曰細看劬翁詩逐年加工漸平漸奇漸穩
漸動火候到時方知吾說

又曰劬翁詩妙在力量深厚而神宇復爾安
和

又曰作詩必貴乎真秋水芙蓉真詩之辭致

谷口山房詩集

集評

二

也凶年菽粟真詩之骨格也劬翁兼而有
之

又曰登華詩叙山水處非不奇絕要皆溫醇
爾雅之音似少陵秦州諸作而安和似過
之

又曰憂悶詩字字勁練氣勢激昂讀之不覺
其醜縷較少陵壯遊更暢

又曰書汪五河爲母詩後中忽自叙一段至性之言令人淚落必如此方是忠孝真種子彼粉飾油水者烏能道及

又曰客長安中諸篇皆如駿馬下阪輕車熟道

又曰讀庚申元日初度作乃知聖俞務觀雜叙年華諸詩有過白香山處正以其心胸

谷口山房詩集 集評

三

開拓能貞遇知命耳

又曰荊州六首須與工部諸將五首同讀

又曰空同秋興乃懸虛而說劬翁此詩乃據實得之忠悃殷憂才力識力俱在其中

又曰軍中十四首雖起杜陵老子亦不能過胸次高深老筆盤詰有此鉅篇誰敢爭坐春日述懷詩復冲融澹落如聽松下玉笙

月中金管故知大才無所不可

又曰秋風詩四轉韻俱平而讀之不礙于口由下句靈醒一氣貫串故也

又曰先生古詩篇篇皆首尾一氣

又曰漢陽一帶詩莊重整齊有嘉隆盛世之風

又曰蜀道詩狀景寫情自然高爽老杜本宗

谷口山房詩集 集評

四

康樂而變其狹澀是以千古劬翁其後來獨步歟

又曰讀工部詩三台帝城中雲出門白帝城下雨翻盆每嘆千古奇句更難嗣響劬翁叙州城下起處春雨滴江鳴高山擁郡城足以敵之

又曰巢雲亭詩石橋渡馬寒林外木末歸鴉

返照中有能畫得寒林不能畫出返照杜

詩野橋齊度馬可畫此不可畫雖由劬翁

少年能畫從胸中境界得來然此乃化工

矣

李艾山 浙 曰劬菴四言詩俱自三百篇出如

後人倣造商彝周鼎幾欲亂真

又曰劬菴凡述懷作自道生平梗槩輒灑灑

谷口山房詩集 集評

五

數百言如大江東注不可止遏何其富于

才而嗇于遇耶然迹其詩中自訟自遣處

益實有見于道而確然能守則其不偶也

益未可以世谷得失論之矣

谷口山房詩集總目

卷之一

谷口集

詠史 村居懷友 小園款仙臺廢基

冬 日喜蘇君解綬歸借居近舍 題畫二首

雨 吟八首 卽事 爲圖 瀑園醉歌

虎 行 東湖訪費子范出近詩 訪王猿客村

人 日送杜二綠事入青門三首 題畫二首 偶見

後 看溪畔桃花 夢中絕句 王節婦詩四首

亭 構效 飲 感憤 過村翁 贈祁開西宣慰

二 首 春 早 邑 明府 滕公 梅 羹 步 禱 甘 雨 旋

出 塞 集 通 莊 西 馮 公 幕 別 諸 子 關 山 素

州 由 水 橋 上 渡 黃 河 行 莊 浪 城 西 水 聲

雜 詩 五 首 卽 時 莊 西 立 春 夜 感 懷 二 首 除 夜

中 喜 里 人 來 得 家 書 十 二 韻 古 意 憶 昔 春 日

莊 西 送 客 春 日 莊 西 看 雪 喜 雪 呈 馮 公

定 茂 才 得 舍 弟 書 二 首 初 成 課 園 丁 疏 渠 引 山

泉 入 始 放 小 飲 花 下 孟 夏 二 日 馮 公 署

冠 陌 蒲 城 清 息 二 首 秋 日 莊 西 送 客 因 寄

家 書 馮 公 署 中 望 雲 樓 歌 西 涼 雜 詠 二

示 友 阿 壩 東 山 晚 眺 題 畫 臘 月 十 五 夜

卷之三

燕臺集

路逢故鄉客 慈仁寺雙松歌 觀政
長安中述懷三首 琴鶴鳴王先生 寄上尚書
新授民部 放鶴 贈徐鳴玉 先生 七夕
四首 秋社 寄上 督師白公 寄上 尚書
中丞賈公 秋社 寄上 督師白公 寄上 尚書
公符嶠進山 寄上 督師白公 寄上 尚書
金陵賦贈 寄上 督師白公 寄上 尚書
雷別王阮亭 寄上 督師白公 寄上 尚書

卷之四

南遊集

晚度故關 道逢酒車 長安憶弟
沙河縣 乙未春自京師南下至汴渡
舟次瓜步 飲淮上酒舍 金陵訪顧與治不值
僧葦航送菊 客九日金陵寓樓獨酌止飲
送汪五河遊黃山 張修厓招飲留宿有

谷口山房詩集

效古 訪僧在遠 雨花禪房 雨花臺
贈倪開公茂才 書汪五河為其母
詩後 客夜杜舒自采石寄書至言當
來白下相看越日即至相見狂喜因憶同社
諸子情見乎辭 金陵寓中對雪客中夢
遠行與家人別 長至日書懷 至日張水
蒼餉黃柑白酒 臘粥 哭馮公宗尼 漫成
訪紀伯紫不值 臘粥 哭馮公宗尼 漫成
生問夜 江上老人歌 贈牛椿年 臘月
廿二日金陵寓中 家人至問故 懷人 移
家南舍 秋隘 特甚 心頗煩 憂作詩 遣懷 人 送
周元服山人遊淮上 初春懷張水蒼 楊柳 小
日金陵別對雪 公 銅州旅次 東王恢 傳
孤山江中放舟 通寺 廬山道上 行書
行匡廬山下 宿明府署中 夜話 山行
懷王恢 傳 閣 江上送王炳傳還里 吳

谷口山房詩集

雪別 春日 從陽別 孫子綬再送 左子直
左子直遊粵東 諸子來同酌 晚香堂別 兼送
東吳亞侯 浮山新梅 宴集陳默公 游翠
喜歸城 中時壯 看紅梅 山中喜嘲左壯
九月 左子直 贈石仲昭表叔 明府 詩馬母
飲月夜集 左子直 贈石仲昭表叔 明府 詩馬母
邀集高齋 有贈 兼索其尊公無大士繪妙
戲作 龍與諸子 游龍眠山 信宿 椒園 有
雨夜飲 郭水壺 姚明兩 三翼侯 四君 醉歌
堂同 郭水壺 姚明兩 三翼侯 四君 醉歌
圖為方爾止 悼公先生 題西陵女子 抱琴
招隱詩 贈陳默公 先生 題西陵女子 抱琴
桐城贈 石伯融 表伯 登浮渡山 江魚

卷之五

燕臺續集

旅夜 贈陳印 詩成 壬子重下第 還黃州 榻
孝廉後 題友人觀奕圖 贈成 我存 韓彥昭
病後 贈友人 觀奕圖 贈成 我存 韓彥昭
寄詩 見懷 長安 癸丑元月 贈林 幕僚 壬子
夕長安 旅寓 作 癸丑元月 贈林 幕僚 壬子
待講 得家書 廉 問客行 東風 贈客 齊弟
同年視學 江南 成 我存 韓彥昭
介係 同年視學 江南 成 我存 韓彥昭

卷之六

南遊續集

代內將登太華次嶽廟臺起愁雨

春山山房詩集

總目

四

喜雨止即衝泥入山題王玉質先生手
春開登峽坪小憩望上方曉登蒼龍巖
蒼龍巖二十八宿潭西峰經明星玉
女祠看洗頭盆登東峰望叔卿博臺登
南峰絕頂謁上官還出四眺飲白帝宮後
石上贈復菴范湘瀾鍊士抵平陽郭外
馬上望王九如孝廉園林舍定即步入孝廉
便雷小酌出吳兒度曲客寓雨後述
懷平山泉龍池夏夜急雨雲雨後
平陽蚤秋復陰將去平陽別毛錦來司
料理上太行遠遊答友人山下許梁諸
料入欲歸別走筆訊之汴渠閨同行
沈介人秋歸別走筆訊之汴渠閨同行
歸秦秋歸別走筆訊之汴渠閨同行
河決處秋歸別走筆訊之汴渠閨同行
小酌山中秋歸別走筆訊之汴渠閨同行

卷之七

南遊續集

汪生小像贈程穆倩山人程

春山山房詩集

總目

五

州判官讀夢女姪韓子十韻飲孫約人
堂歌讀瀝臺召試應制擬南苑大
雲石太守備兵榆林上漕撫蔡公奉送
過黃蘭嚴新構園林封寶應小寓一室
過寶應懷兄叔則歸舟舟中風雨飲
酒酌酒中雁舟中看新月舟中看舟中
起舟中雁舟中看新月舟中看舟中
十月一日雁舟中看新月舟中看舟中
士東劉峻度徐生小像平山堂董相祠
贈

愁室看月示約人源來自閩中北上冬
上贈歐兒夢珠長至歲暮邗上述懷兼呈
之鹽官廣陵維感後擬出塞堂饒孫豹人
汪湛若上巳梅苑卷後擬出塞堂饒孫豹人
居施鳳山別兄七十顧與治過江舟夜發
陪施鳳山別兄七十顧與治過江舟夜發
之江右山別兄七十顧與治過江舟夜發
施鳳山別兄七十顧與治過江舟夜發
歲暮寄懷弟辛丑元日宣城訊孫重過萬
金陵諸子飲集有懷林正二月二日康小
招同諸子飲集有懷林正二月二日康小
舍弟發周濂溪先生祠西風潤州金山
飲金山寺下廊還就舟中石九南渡舟飲

三

去維揚畱贈居停主人

卷之八

別南鼎伯鄧文

卷之九

居東集

山房詩集

谷口山房詩集

雷

卷之十

居東集

阿

卷之十一

過嶺集 奉贈相卿魏相公 送姜鐵夫同姚六

工匠喧雜借寓小移數側居生書舍晨起
未沐客至攜餉酒脯諸物獨坐趙浮山
見贈三詩依韻奉答施愚山副使入賀
回過齊河子白濟南往晤雪夜論文賦贈
憑愚山寄訊豹人過趙君平昆仲承具食
相爾更出家箇園琴鼓勤酒卻東君早
戲筆從趙副戎索箭從羅茂才乞酒自
羅送酒二瓶走筆嘲之施愚山副使自
九月入賀過河間見予苦吏吟垂悉近狀
見懷四首賦寄任丘仲冬竣事回過齊河子
自濟南馳驅數日後前詩方達奉和卻寄
李翁諱先生墓退懷故侍御盧德水先生
相千佛山下過徂徠山喜聞魏貞菴先生入
代公親入朝周轅轅先生行署即事時先生
尊公枚先相公妖鳥歷下因孫仲孺奉答
二日濟寧道上甲辰除夕示從者除夕前
己元日濟寧上元夕疾風愁夜懷施愚

谷中山房詩集

總目

八

卷之十二

恒臺集 新城署中病劇榻上自慰歷下送方

歸宣城長安九日雨霽梁仲林太僕邀同
諸子登高時坐有弄笛者和太僕韻過平
陽綏兒塲處張子美參政乞歸得許來白
參政入韻登舟江陵阻兵漢江登黃鶴
樓襄陽縣進謁侍讀王夫子即蒙邀登西
山訪僧樂業九曲亭雨過澤陽過彭
蠡泊南呂弔徐巨源陳士業二君雨登
南浦懷崇仁明府駱叔夜先是擬往候未
託宋其武少參致訊臨江施愚山少參署
中就亭峽江風逆萬安舟發攸鎮夜
泊庾嶺行縣曲江道上看山趨大庾雨
大庾嶺雨泊廣州城下奉贈董天因副憲奉
胡郎婦吟四首廣州城中因憲奉
祭告南海禮成寓中小亭中宵飲酒
臨江廣州奉懷施愚山少參同時奉裁應已去
民部改官後別吳錦雲瑞州司理廣州
送江九通遠姑蘇郡丞送張繼隱之景陵
幕兼託訊施愚山副使丁未廣州除夜呈
楊蓮峰司理汪漢冲彭退菴兩部曹廣州
縣別沈石友提舉十韻
觀立秋日同嵇濤園集約突泉送宋荔裳
豐原韻呈主人葉世光太學題金式菴南
伯古畱堂登萊州望海樓望海歸答陳
盛齋夏日次青楊店北諸亭看秋海棠
觀案西蜀和韻十彰和尚新移方丈

谷中山房詩集

總目

九

書至聞杜蒼舒別駕詩音 冬日濟南送李
佳木返任城鵬罷出門佳木指寺寓池柳謂
老僧曰恨不見白綿金縷當有題余日白
綿金縷具柳性中正可于水雪中想見之若
待春來是見春乃見柳也因索筆戲題僧壁
佳木和已乃行 寺夜 舊同官諸子偶集
小寓留飲即事 將去濟南別同官留滯諸
于 去濟南承同官 祖饒席上口占呈
嵇澹園 年丈

卷之十三

從侍集 涿州宏仁寺四松 漢州道中 棗園
使院中 飲玉皇宮 傍行館訪道者 邳州
涼夜聽歌 幕中感懷 黃鵬 幕中 閭鄉
涼晏起 初秋邳州送王子重歸省 邳州
過夏將之武安作 臨洛關驛舍 洛州道

谷口山房詩集

總目

十

中道中見打麥 雨夜 玉簪花 計甫
草小童送玉簪花至詩以答之 七夕 獨坐
洛州秋感 懸蓮房於壁就擘食之 秋夜 夾竹
桃 砧 懸蓮房於壁就擘食之 秋夜 夾竹
中秋病臥是夕微陰至夜分乃得見月 癸丑九月十
六夜新霽看月 仲冬日夜看月 癸丑九月十
天雄試院中作 天雄冬夜聞大宗伯龔芝麓先生
省黃州 天雄冬夜聞大宗伯龔芝麓先生
凶問詩 以哭之

卷之十四

從軍集 徐州道中將訪孫大宗刺史不果有懷
營西村 夜泊揚州東門 廣陵贈鄧孝威
秋日照梁溪贈吳伯成明府 吳門贈詩宜
園亭呈主人 吳中滯雨 至日舟發吳門呈約
梅公變

人 蘇生歌 陳生彈詞 京口 京口
音洞 晤楊賓裏 副戎雷宿即別之楚中 京口
寅除夕 江陵寺寓 風急泊黃石磯 阻風
道士 飲登西塞山 風夜黃州舟中 苦雨
春夜 飲登大別山 雨雪寒劇 春晴 維
烈 招飲登大別山 異時 阻雨 岳口 維
鹿 柴橋梓出晤即事 賦贈 荆州 初夏 荆
州 客寓喜秦雷仙太史初至 見過雷飲即事
懷王 榮 開戶部尚書米斯翰死 登荆州城
南軍中 上靖冠將軍貝勒十六韻 江陵軍
中 贈張遠公 荆州述懷 憂悶 荆州雜
興 酒寓陽前四日許竹隱郡丞王德扶別駕
置酒 寓陽前四日許竹隱郡丞王德扶別駕
中 送許竹隱同年入京 五日小集 送竹隱
還京 無題 攬鏡 荆子 復雨 夜
看月 卻晴 月光 荆南 贈張遠公 吳式平
興 有感 聞警 襄陽 軍書 吳式平

谷口山房詩集

總目

十一

卷之十五

從軍集 贈盧山斗制府 追哭郭肯綮茂才
荆州元日五十初度 元日又作 人日
初春懷秦雷仙太史 初春荆州奉邀王在
茲方伯看梅小酌是日小雨 和風 初春
荆南軍中送林宣聲歸揚州 代內 對酒
桃花 憶兒 春陰 出郭見花柳 馬上見
述懷 紀事 口號 潛江移舟就劉東阜
居同劉餘清朱海人飲集 過譚鹿柴村居
趨省江右 兼呈令尊翁 伯人 廣陵 送孫懷
儀真風逆 從紀 伯紫 聞計甫 客維揚 豐
首 寓中小臺 何雲 經招同方邵村 邵孝

卷之十六

從軍集三

谷口山房詩集

威程穆倩宗鶴問憚正叔及令姪仲發夜集	出家樂街酒盧垣先招自東門登舟訪戴	務海方田伯郭外郎邀同汎至紅橋快集觀	張即事自荆州軍中暫下揚州大韻答鄧	孝威重修平山堂落成詩和諸公韻射陵樊	仲父祁原嚴子陵題鹽城宋端射陵	枰圖贈楊翁小像贈鄧生若雍門舍人少壯	揚州贈張受菴運使題汪蛟門舍人少壯	三好小像盧坦先小像東程移倩康屠	兵備處墓詩盧坦先小像東程移倩康屠	山晴望贈李艾山贈江都駱明府秦康屠	敷五招飲尊經閣下王築夫移家海陵	讀紀肅菴菊葵秋海棠諸賦贈查二瞻處	士翁小像				
原叛帥王輔臣成撫詰孫無言白孟新	再娶程移倩七十壽鳴鑼篇題汪叔	定小像將返荆州軍中別汪舟次文學	京口夜泊中秋復遇沈舟長湖拉同諸	容權飲奏技越三日復遇沈舟長湖拉同諸	月庭王勤中招飲芳草堂並遺畫幅贈未	既庭王勤中招飲芳草堂並遺畫幅贈未	六益韓子振關若韓錢樸菴公升楊吉公舟	中飲和吉公原韻霜泊美如農先生	鏡詩萊陽給諫行雜與榮園汪汝為	尊公所營別業也自歸閑氏改易非舊近益	荒廢秋過儀真為邀往遊覽還就江湓	沽酒為別感賦真州新河口守風作泊	杪阻風儀真口值熊青嶽相公繼至同泊	揚州郡丞李廣菴治具茅肆招同夜飲	過新州哭周伯衡先生漢口送王在茲	伯歸荆州漢陽送友人暫之荆州樓鮑	漢陽月湖連飲送友人暫之荆州樓鮑

卷之十七

金門集

谷口山房詩集

京師	子將赴	兼贈近體一首有能分司業酒錢無之句時	安陸郡城寓中喜金會公廣文見過貽新詩	繩庸招飲郊居吳旣開孝廉招飲即事徐	遺判南喜劉推巷太守來晤留飲醉歌行	占八絕贈隴西行龍山行雨中秋臥病自	東歸託寄書弟集泰蕭仙寺新納吳姬口	李鏡月若金兄題武昌洪山寺千一月圖為	張司馬武昌作武昌洪山寺千一月圖為	移寓馬中丞公題武昌洪山寺千一月圖為	自仲夏借寓王松麓司馬園亭踰兩月餘	郡丞見招會大風雨渡江赴飲夜歸即事					
客慈仁寺毘盧閣登高次韻長安雜興	宋牧仲比部權開登高次韻長安雜興	康詣閣恭謝紀事長安送黃俞邵奔喪	江南長安冬夜喬石林舍人招集高齋出	其先柱史公栢溪草堂圖索題漫成戊午	長安除夕已未元日長安題漫成戊午	長安除夕已未元日長安題漫成戊午	贈姚漢陽給諫相公亦圖登萬柳堂五首	樞部曹正子部曹仲春長安雪齋房慎菴	趙元升登第寄泰補念運使天津周茂才	毛會侯戴笠垂竿小照題任梁河畫	都下寄懷田雪崖司李題任梁河畫	苔高澹人中翰以藏惜索書家欲山兄	之任斬水贈行作天門開應家欲山兄	懷二十韻里無正時命篇初夏將述	都門諸子旗亭話別答客見慰孫敦人	進衙中書值六十初度即送還山甘雨隨	人徵君南歸久早上步禱南郊甘雨隨

應恭紀 卽事 沈縉室宮詹宅敬觀
書恭紀 沈宮詹招同諸子誦集卽用賦別
姜西溟乞嚴孫友寫松樹萱草圖爲其大
夫人壽索子題詩 客有勸我還赴楚任者
走筆答之 爲尤展成司理悼亡 長安送
鄧孝威還山 述姻詩東霍邵室 獨居
出自西門行 江青園七十廬墓圖 長安
蚤秋施恩山侍講話別 張節婦謠 長安
驅車行 紀異 偷兒 蔣翁 出門行
秋出長安與葉井叔部曹話別 出都之
楚畱別長 安相知

卷之十八

放還集

秋晚辭官後出京次良鄉縣作 樂城
枉道內黃晤明府以理家兄卽別之
楚 渡黃河 許州 賴橋 裏城
朱仙鎮

谷口山房詩集

總目

卷之十九

畱滯集

漂寓 漢口景陵舊役來迎得張夏鍾
別駕譚灌村太史吳晞齋孝廉諸公手
書 思婦吟 長年歎 竟陵西塔寺
公祠 陸公井 葉僉事涵公自江陵來過
同遊竟陵西塔寺見贈長歌賦答 戴小宋
折贈蠟梅 贈吳肺齋 歲杪自景陵之京
山作 京山道中呈家蠓菴兄明府 已未
除夕京山蠓菴兄明府署中 庚申元月初
度 贈 別上人

卷之二十

行間集

應辟去竟陵作 荊州渡江入虎渡口
輕裝 舟中見花柳 馬厓湖 軍
中紀事 過壺頭 行營夕望 茅屋 軍
中口號 丹砂井 龍標城 庚申三月一

卷之二十一

行間集二

瀘溪縣 漁舟 瀘溪舟中喜晴
江放舟下諸灘感述 白溶 清浪伏波廟 辰
源縣下水至常德江望 桃源 歸次常德晚泊 桃
中自遣 霧 舟中看新月 雷武陵城北夜
泊 德山寺 崇河夜泊 值雷雨盛怒紀憂

谷口山房詩集

總目

卷之二十二

畱滯集

景陵喜王爾昌來晤 竟陵寓中病
瘥自嘲 秋日寓中海棠重放 吳廷阜齋
觀分蘭 荒菊歎 秋遇故寮酒 魯公已有

日軍中有感 沅州懷王松麓司馬漢口
不得家書 沅州軍中臥病 軍中蚤秋
沅州軍中懷秦雷仙檢討長安 夢先繼母
懷嚴孫友檢討長安 懷家容齋學士
七月十六夜病中看月 秋風 秋夜 喜
談君常遷施州 病中得秋風 秋風 喜
當至 蟋蟀 病劇自沅州幕府歸 歸景陵
舟中聞蟬 懷家兄以溫不得一見 辰溪縣
華髮 懷家兄以溫不得一見 辰溪縣
浦市 舟中辰溪觀兩岬嵌竇人家

卷之二十三

目

七

園登夢野臺 閏八月初九夜獨坐看月
十二夜陰坐待雲開望月 庚申閏八月十
五夜獨坐待雲開望月 閏中秋次夜譚
灌村侍講招同程培風江玉林戴小宋胡西
表西枝館看月時庭前桂花重開雞冠花
芙蓉喜雨徐繩庸招集郭居看臨水芙蓉
旃檀招泛舟東湖印胡西表招集齊子看
翁石題然步履頤健問年已七十八歲感其
生初猶當平世今王師肆伐太平可期此
老未應即衰當及再見因口占索筆書給之
日出寓數武登城野望獨酌有感 庚申九
招集高齋重陽後二日徐繩庸招同錢子
東湖暢飲即事 客有自京師來者官今歲七
召林弟漢陽 客有自京師來者官今歲七

卷之二十三

目

七

爲風雨所發 寓中桃花 誤小宋窗下山
茶雨中所發 寓中桃花 誤小宋窗下山
梗海宋紅杏呈譚灌村太史 項嶠雪擣具
招同小宋見龍山看桃花
雷滯續集二 春日竟陵奉邀項嶠雪錢子膺兩
小宋高士徐繩庸明經看寓中海棠雨集
河上桃林看獨樹梨花 二月十六日寄贈
前侍御家星巖弟漢陽 譚灌村太史招飲
喜雨 清明日喜雨 清明感懷八首 吳
食日雨感 清明日喜雨 清明感懷八首 吳
光其御我劉建水三茂才過飲漫成 蘭花
重集胡西表齋中賞牡丹作 春蘭 蘭花
梅行 梵放庵梅竹 孟夏譚灌村侍講邀
同僧拙文權舟義河至白竹寺信宿即事
辛酉五日竟陵書懷六首 端陽後一日吳
席齋譚灌村胡西表徐繩庸四君招同錢子
席戴小宋泛舟東湖觀競渡即事五首 錢子
贈僧拙公 庭中鳳仙花 夏夜月下獨坐
蘭花盛開連日過飲值仙花 灌村太史齋中
八韻 夏夜獨坐 庭中鳳仙花 夏夜月下獨坐
夜聞子規 庭中鳳仙花 夏夜月下獨坐
夕訪徐繩庸郊居舟中遇蟬 伏日雨寒懷
之 湖橋閣落成招同邑中諸君集賦詩時
秋早新雨晚晴 暑夜譚灌村侍講送酒漫
成 宿鄧東驛 暑夜譚灌村侍講送酒漫
宜城 宿鄧東驛 暑夜譚灌村侍講送酒漫
夜裏陽諸公招集昭明臺觀月值南風大起
作 大隄呈諸公 五亭 中秋夜集昭明臺觀月值南風大起

德公 山簡公

卷之二十四

留滯續集三

荆門州紫泉 孟冬自竟陵之鄂

中口暮潭鹿柴招宿經館即事 顯陵冬

日鄧中同錢子府明府過訪毛子震聽雪樓

望蘭臺 贈鄂州詩僧牧顛 望白雪亭 五客亭

愁村 鄧僧牧顛邀同錢子府明府攜客遊

石城西北潮音閣雲亭即事 楊客仙招

飲高齋同錢子府明府毛子震隱君對蚤梅

盡醉即事 冬日客鄧中過錢子府明府對蚤梅

樓醉吟 聞滇城克捷志喜 鄧中對雪荆覺

菴招飲鄧城元祐宮大雪 鄧中對雪荆覺

客王子晉畫蘭行 元日試筆 鄧中對雪荆覺

講五十 荆南送蔡卓菴侍衛還 譚灌村春

夜樂鄉關旅次雨雪 春日宜城道中 在

夜陽憶竟陵寓中梅花 春日宜城道中 在

憶竟陵寓中梅花 春日宜城道中 在

戎招同周竹書趙秋水飲集時各將別去 副

襄陽送趙秋水從楊筠眉副使之晉 春日

登襄陽西山至檀溪寺覽眺 使胡西表城

看壯丹 隆中 襄陽與王耕書話別 諸公

門灘 孤泊 漢江風泊 舟夜雷雨 陪錢

山道上 將之武昌吳晞齋招過鳧園陪錢

樓作 漫興 徐繩庸司鐸 避暑武昌雄楚

秋夜 赴招同作 秋晴 秋夜 同客訪僧

文車水西禪院即過浮香閣值雨觀龍挂船

晴事 復雨 寄答緩山兄見慰 龍招飲

署齋 奉訪嚴偉齋元戎團飭步韻 鄧觀

察署中疊置菊山招集既賞 奉訪嚴偉齋

元戎座舫留宿十六韻 夢翼芝麓宗伯編

卷之二十五

湘中集 荆州渡江行 滄港泊遲客不至

喜晴見新月 庭南雨 滄港泊遲客不至

望湖 野泊 沅江行 滄港泊遲客不至

里風逆 長至 日長 滄港泊遲客不至

迎催 庚辰來宮女船已抵武昌 聞

十二月十六日長沙聞雷 雪 有

元日雨 雪 雙院中 癸亥元日長沙院中

行李盡 淫維 雙院中 癸亥元日長沙院中

夜衡陽來至 衡山舟中望嶽 人物

正月十四夜泊 迴雁峰 先慈忌日 湘江

瀟湘舟中 何洲晚見 月聽舟 舟急雨 望

獨舟 衡山雨 發歸陽市 急雨 望

湘江舟中 望嶽 暮春長沙 雨 望

長沙舟中 望嶽 暮春長沙 雨 望

中沙舟中 望嶽 暮春長沙 雨 望

章至 即贈 長沙 暮春 望嶽 雨 望

當卻 返 長沙 暮春 望嶽 雨 望

寄四 暮春 望嶽 雨 望

卷之二十六

西悲集長沙郭外夜泊懷幕中諸子舟發

河逆港夜泊過訪江辰六明府悵然有懷

金沙港夜泊岳陽樓岳州武昌奉送

周澹園儀部出使安南諭祭故王武昌孫立

予立太史奉使安南諸子讌集即事同澹園儀

部暨一使冊封安南國王武昌送孫子立

歸鄂中武昌奉贈陸鶴田使君送毛子霞

伯武昌武昌奉贈陸鶴田使君送毛子霞

者白子許以神史小集譙樓看雨武昌遇日

發諸公祖道占仙可學口占贈之武昌臨

觀漢漲河薪款別音閣夜泊風雨阻行

途發中得施愚山待講問蒲荷

看兒童捉柳花懷詠畫上方黑大荆南值陶

舍值主人他出語贈胡西表招飲西園閣

飛雲顧黃公蔣玉淵游雲子小集武昌滋陽

橋納涼武昌各攜少具過譙樓阮月即事

怡菴王咸中各攜少具過譙樓阮月即事

十六夜同彭飛雲顧黃公蔣玉淵游雲子小

小重王咸中各攜少具過譙樓阮月即事

偶集看月夜王咸中各攜少具過譙樓阮月

訪君約集黃公蔣玉淵游雲子小集武昌滋

諸君約集黃公蔣玉淵游雲子小集武昌滋

卷之二十七

谷口山房詩集

總目

壬

卷之二十八

題四照和尚畫冊

蜀道集出門寶雞縣遇雪雪行八山黃沙鎮

訪馬切于不值七盤關飛仙嶺盡日

廣元成都送趙再送毓進士由重慶下湖南

轉涼赴成都吳高陽相公李夫子二首

都懷劉推菴太守里中芭蕉夜雨成

月沈漢儀對望眼有歌八月九夜成院中

同秋夜與沈漢儀對望眼有歌八月九夜成

客病原病芭蕉九月十一夜病中

起看月贈醫者芭蕉九月十一夜病中

之院中五日錦城聞雁甲子長至日

成院中五日錦城聞雁甲子長至日

見蠅漫成冬瓶雜興四首蜀道晴二首

齋參州竹枝詞友人書至自景陵吳

中諸老友遂連村及講先後俱存志傷因念

聞孫豹人近為湖廣之府延入幕中

成童冬自院後為湖廣之府延入幕中

蘇州冬自院後為湖廣之府延入幕中

菰蘆不眠鼓角病夜平才飲

卷之二十九

蜀道集

潘仲錫上作苦役行冬蕉冬抄成都喜

谷口山房詩集

總目

壬

谷山房詩集

總目

三

卷之三十

源游集

伯四首 盛建 後雜與三首 成都懷吳
野人吳天章雨詩人 得秦留仙 崇 恩免
推罷歸消息 成都院中祀龜作 臘二十
元日時爽作 元日立春 元日初度 乙丑
月二日中丞韓公家宴院中東偏草閣觀葵
僧奏技因並過射圃紀盛 款 乙丑人
日喜晴 蜀州人日見竟下芭蕉 初春出
成都北郊 昭覺寺與丈雪和尚少話 謁漢
昭烈皇帝陵 謁諸葛武侯祠 過草堂寺
杜工部浣花別墅 萬里橋 義眉 春陰
短髮 閣基 有感 枕上 睡醒 開
沈宮詹繹堂卒於京師感傷而作 暫寓
嫁妾篇 爲程翁作 出成都過萬里橋 入
縣 嘉州雨泊望義眉不得 過嘉州大佛
中吟望 江津縣舟中感興 江曉 渝州
春泊 涪州 江晴放舟 南陀夜泊 峽
舟 茅屋 過鄭都縣懷張九苞明府并及
令弟六 忠州 萬縣 雷雨 發 夔州
府 八 陳圖 遊 堆 瞿 唐 峽 白 帝 城
長 巫 峽 巫 山 巴 東 舟 中 山 半 杜 鵑 花
長 江 奔 陵 峽 山 出 峽 江 雨

承方有懷遺詩賦答 皖城訪冬嚴若得勝
承羣公枉駕 集 卽 話 別 之 楚 卽 事 從 陽
事賦贈 話 舊 雪 晴 錢 西 頑 自 青 山 來 晤 卽
晤置酒 話 舊 雪 晴 錢 西 頑 自 青 山 來 晤 卽
陽三十年 矣 春 過 停 寓 承 遠 近 諸 友 次 第 來
首 過 訪 陳 官 儀 遂 阿 山 亭 飲 不 到 從
新 移 寓 舍 杏 花 村 詩 縱 陽 寓 樓 春 晴 二
州 丙 寅 元 日 池 州 作 宗 廣 文 鶴 問 邀 飲
別 居 停 主 人 卻 下 秋 浦 乙 丑 冬 杪 皖 城

谷山房詩集

總目

三

卷之三十一

皖江集

卽 雷 同 皖 士 韓 第 七 李 文 海 張 引 大 小 酌 越
日 再 集 復 雨 舟 中 作 田 家 鎮 過 黃 州
贈 王 子 允 大 行 贈 王 子 重 史 部 皖 江 夕
泊 得 同 邑 牛 玄 斐 社 丈 手 書 并 見 懷 近 體 依
韻 奉 答 爲 徐 電 發 太 史 題 楓 江 漁 父 小 照
和 朱 孟 浦 觀 海 作 重 過 竟 陵 居 停 吳 興
中 書 館 將 去 漫 贈 帥 茂 才 尚 子 見 過 有 餽
口 占 贈 之 樊 茂 才 餽 藏 聖 寓 中 小 亭 納
京 凱 友 茂 才 贈 徐 天 植 茂 才 十 月 一 日 贈
戴 凱 友 茂 才 贈 徐 天 植 茂 才 十 月 一 日 贈
武 陵 客 寓 感 懷 冬 杪 武 陵 得 王 琴 伯 書 知
頃 已 辭 撫 軍 幕 暫 留 鄂 渚 旋 將 下 蕪 州 度 歲
丁 卯 元 日 六 十 初 度 武 陵 城 外 何 新 菴
水 樓 上 作 何 新 菴 湯 月 樓 客 寓 燕 子 至 寄
病 榻 上 作 德 山 寺 步 碑 小 孤 山 原 韻
譚 鹿 柴 七 十 琵琶亭 小 孤 山 原 韻 寄

皖 江 集 九 日 維 舟 中 下 迎 楊 退 菴 中 丞 丁 卯
舟 中 卽 事 孟 冬 皖 城 奉 懷 荆 州 司 馬 陳 景 白
舍 雪 曉 病 起 趙 秋 水 以 詩 見 示 夜 酌 呈 楊 中 丞
起 喜 接 晤 陳 游 岑 先 輩 皖 城 寒 夜 趙 秋 水
繆 乘 六 見 過 雷 飲 先 輩 皖 城 寒 夜 趙 秋 水
冬 日 皖 幕 陳 游 岑 先 輩 皖 城 寒 夜 趙 秋 水
其 舟 過 江 門 不 一 通 晤 致 方 田 伯 雨 訓 手 書 怪
苞 慮 津 液 未 克 不 能 開 拆 歎 蚤 被 摧 折 虧 物
本 性 有 同 人 事 概 然 傷 之 歎 蚤 被 摧 折 虧 物
趙 秋 水 招 過 同 諸 子 小 飲 曉 寒 枕 上 作 楊 中 丞
丁 卯 除 夕 前 四 日 奉 陪 中 丞 楊 公 退 菴 酒 後
同 幕 中 諸 姻 友 出 郭 遊 覽 酌 讓 泉 漫 興 皖 城
城 西 郭 謁 余 忠 宣 公 祠 後 大 觀 亭 覽 眺 卽 事
中 丞 楊 公 登 余 公 祠 後 大 觀 亭 覽 眺 卽 事
皖 樓 自 城 西 放 舟 下 縱 陽 門 聯 響 卽 事

讀兒至聞雷氏女歿詩以哭之 丁卯除夕

院江院中宴罷 元日初度感述 立春日

楊中丞公招同幕中諸姻友集靜觀堂

觀劇 春夜院中風雪各為一首贈之 正月十四

子蘭修歸山陰各為一首贈之 正月十四

日院城中風雪各為一首贈之 正月十四

孫豹人中倫四首 代東索姚白菴畫花并

壺盤短歌 院城春暮喜趙秋水長君函

子趨省至院旋送歸廣平 采石磯 贈退

谷口 戊辰初夏金陵贈王安節 楊退

不能從舟中遙望步中丞韻 登金山 念慈

曉明日重過集梁溪秦雷仙太史園林酬暢

惠泉 惠泉重登金山 舟泊燕磯寺僧普

楊退菴中丞遊弘濟寺夜看燈船寺僧普

賄詩有十五年來見太平之句和贈 隨楊

中丞至江寧制府署中寓西偏小院越日將

谷口山房詩集

總目

五

返皖城作 楚警 葉參議殉難 宜都

皖城院中避暑射圃高懸漫興 夏日院

中聞黃鳥 皖城院中避暑射圃高懸漫興

水自楊中丞幕府往來京口水師陳元戎軍

援勦楚北 中秋夜楊中丞移席攜幕中客

就我射廳 集重九前五日院望前客重

集雲開見月 重九前五日院望前客重

秋水歸廣平 同日又送周子世辭親暫歸

湘潭 九日楊中丞邀同客登高觀亭

卻權舟下鎮 樓宴集有懷趙秋水 院上

送楊立三西歸 樓宴集有懷趙秋水 院上

月九立三西歸 樓宴集有懷趙秋水 院上

浴室 贈醫士楊嘉玉 戊辰初冬院城

院中臥病對菊 趙秋水以九月四日別歸

廣平是月廿八卒於江寧計至皖城余適在

病中枕上成詩二首以代痛哭 皖城中喜晴

推窗延望 病中喜方田伯至惠遺山栗連

實巢餌諸物 病中喜方田伯至惠遺山栗連

臥聞檐雷有聲枕上喜賦

卷之三十二

鄂州集

從楊退菴中丞赴楚去皖城作 武昌院

中得寓西閣三首 戊辰除夕武昌院中

己巳元月初度武昌院中 春日常臥武

昌院中西閣曉望 病起見樓下紫刺盛開中

故舊書札有感 兩夕望家中來人不見

感二首 兩夕望家中來人不見 鄂幕病中

及河南諸郡雨雪霽足喜賦 五月初三夜苦熱

嘆上見月色 絕句三首 閨中憶村中

樂事詩不盡意 率筆廣之 又成七言一首

夜熱不能就寢 口占 暑夜 院中風興示

兒謙 小妻為楊夫人邀往北樓納涼 京坐以

待之 西閣望北樓呈退菴中丞四首 已

已仲夏武昌喜楊立三明府來至即值明

華誕述懷兼贈四首 武昌中丞六首 兩後

即日甘雨大沛口占 呈楊中丞 兩後

露臺自鮮 伏日有感 寓中露臺落成漫題

露臺初成 登坐延眺 寓中露臺落成漫題

雲 新成登坐延眺 寓中露臺落成漫題

六月十二夜苦熱 蘭生忽得游雲子手札並

為我繪成小像 十二頁晨起展閱率筆賦謝

答謝 院中樹結實垂當風 一篇惠贈兒謙

偶題 己巳六月廿二日立秋酷暑 朱悔

人詩律屢進 漫看四絕句 即呈暑人 六月

廿八侵曉帳中 鄂州仲秋日送劉仲雅

秋夜大暑帳中 鄂州仲秋日送劉仲雅

西歸即之河西補歲 鄂州仲秋日送劉仲雅

嘲二首 從楊中丞避暑城東南隅洪氏湖亭

即事 從楊中丞避暑城東南隅洪氏湖亭

谷口山房詩集

總目

五

中秋不遇代小妻望歸四首
中秋武昌懷

李山房詩集
總目

五

李山房詩集卷之一

谷口集

自癸申來關中遭寇躪國變之後家破心灰乃去城邑就村居以農圃自適盡來帖括寄情詩歌然初學薄弱其未可示人者不復存草間錄一二共得古近體四十二首聊記遺逢時地云爾史所稱池陽谷口去余東村尙四里許而取以名吾居者蓋欲遂躬耕養親學鄭子真以終老焉此後雖出處遊歷時地非一分集各名而總以繫之谷口山房從志所在也別有序在文集中

涇陽李念慈劬菴甫著

詠史

子房翊漢鼎厥始爲韓謀當其借箸時志蚤輕封侯

谷口山房詩集卷之一

谷口集

布衣願易足晚從赤松遊藏身良有素辟穀無所求吁嗟蕭相國功成身不休櫻鱗下廷尉明斷蓋未優誅戮雖倖免亦爲明主羞所以茹芝翁白首臥山丘
村居懷友

乘輿出深林流目矚修畛細草應時發朱實當風墮歸雲天際飛去鳥空中盡長夏收佳禾屢雨出丘蚓垣空長鵠鷗野曠盤鷹隼落日懷故人深愁發遠引
小園款仙臺廢基有感

款仙臺下月黃昏伐鼓吹簫促進尊當日風光如在

眼誰能彈鉞向朱門

五日村居蒲酒留村翁共飲

一雨連旬妨稼穡新晴相對有蒲觴行田漸見禾苗
綠登俎還看杏子黃野客到村寬禮數閒身逢節倍
清狂邊隅已喜休烽火續命何勞綵線忙

冬日喜蘇君解綬歸借居近舍

陶令歸來日寒雲釀雪初開尊傾白酒作鱸有冰魚
春暖應移竹身閒好著書爲鄰多樂事還往莫教疎

題畫

谷口山房詩集 卷之一

二

谷口集

細浦蒼厓遠近村孤烟挾雨關雲根米顛若在前溪
任應棹扁舟夜到門

其二

平沙蘆葉蒙茸出曲渚芙蓉爛熳開獨鳥迴風樓未
穩滿江秋色暮雲來

石長卿先生書屋

名士此難書高秋白露初楮桃風盡落蒹葭雨還舒
破壁封蛛網遺編飽蠹魚江南鴻雁絕吾道竟何如

爲圃

荒園瓦礫日教除溝壤編籬課種蔬已辦生成供遠
客更須采摘共鄰居豈棚筴綠驚秋蚤瓜架花繁映
月初近喜城中來往絕楚罌濁酒日蕭疎

瀑園醉歌

南家池館踞林麓青山一帶豁雙目橫嶺爲峰爽氣
浮飛樓複道凌空盡老竹撲牆十萬竿幽淡盡日無
剝啄主人邀我飲看松黛色參天竿籟重松間窈窕
轉危石好月娟娟來照客醉後和月臥松根吐出玉
花潑琥珀可憐把筆空復覈眼中山水題不得峽口

谷口山房詩集 卷之一

三

谷口集

懸濤噴雪來氣寒侵袂聲喧沍此時酒醒念夙昔紛
然萬感心崩摧

渭雨吟八首

古殿松陰裏樓遲獨倚樓身輕嗟似燕計拙任如鳩
俯仰隨人面行藏不自謀河干徒極目濁酒未消愁

其二

渭濱霜氣重爲客賦無衣懶性逢迎少貧居問訊稀
秋淡聲到枕夜暗雨交扉咫尺吾廬在徘徊未得歸

其三

梨落庭柯寂橫斜對我門撐天終有幹映月欲無痕
鷓鴣河中浦兼葭檻外村溼雲垂不斷何處望林園

其四

吾家謫仙子瀟灑惜芳辰愛酒渾成醉耽詩豈計貧
平生真磊落出處有悲辛萬事何須道凡庸愧此身

其五

青湘堂南司空舊宅也

層樓山子上道是青湘堂細草高巖綠名花密室藏
雕欄俯流水綺閣出城牆車馬今誰至空厓下夕陽

其六

谷口山房詩集

卷之一

四

谷口集

尚書墳墓在亭榭向榛蕪落日歸青鳥秋風動碧梧
翩翩辭去燕縮縮悄眠狐爲問來遊客經過墮淚無

其七

放浪平生久顛行亂所爲愁添淋雨積客與醉眠宜
蛛網牽風斷蟬房飲露垂惡聲憎赤幘起舞欲何之

其八

旅舍經秋漏中宵徧我牀寒風偏有力急雨竟無行
漲閣看魚賤囊空奈酒香家園新有夢獨坐意徬徨

卽事

不寐高樓遊子情繩牀風雨聽蛩鳴誰家飲酒吹燈
罷夜半微聞嘆息聲

秋晴

連旬苦雨新晴後坐對南山倒接離卷慢晨光纔淡
淡開窓雲氣尙垂垂城邊禾稼經霖沒河上村垣入
夜危從此消愁非一事客中杯酒須教持

訪王猿客村居

渭北霜清塞雁飛城南步履訪王維堆牀書卷盈千
帙當戶松杉盡十圍避世風規甘落莫舊遊裘馬日

谷口山房詩集

卷之一

五

谷口集

輕肥誰憐故友青門外九月天寒未授衣

東湖訪費子范出近詩

玄冥布寒冬欲老冰花一夜吹瓊島我出青門過素
滄見君手寫東湖草苦吟如聞鬼物泣纖膚習氣一
時掃世上紛紛逐埃塵輕裘肥馬安足道東湖有廬
堪共臥東湖有樽堪共倒我欲東湖把一竿坐弄滄
波對晴昊生事驅人兵馬間躊躇何日開懷抱

短歌行

把酒悲歌我思如何少壯有幾憂愁苦多輟厄驥步

漫漫長路仰天哀鳴人莫能顧山高水溪沮洳欽
阮籍不達痛哭至今月明露下笙簫鳴啞客獨何爲
徘徊中夜

猛虎行

猛虎本藏山之幽白日何來城中遊居人相戒齒指
縮頭磨牙厲爪撐腹未休朝吞人肉暮飲人血乳蟹
相從羣行蹠蹠我欲殺此虎手中無尺鐵吁嗟奈何
奈何仰天悲歌

烏生八九子

谷口山房詩集 卷之一 六 谷口集
舍傍日高啞啞鳴老烏樹頭養雛成跳枝啄屋尾畢
道騰高及遠毛羽輕老烏亦勞止幸且居巢裏雖有
八九雛一雛獨辛苦思哺老烏雨潦載塗泥不可啄
日暮踟躕西飛江漢東海隅南山豆落北麥枯翅垂
力盡繞枝啼老烏苦飢烏子心悲

題畫

其二

拂素寫青山茅屋疎林裏莫放西風吹恐有秋聲起
幽人靜無事獨坐山亭下對面香爐峰飛流一道瀉

偶見

女兒十五妬花妍金絡驕驄寶飾鞍騎向酒壚鞭自
指此壺索取幾文錢

人日送杜二緣事入青門

亂世難爲士高名乃累身清貧天所忌抱德多艱辛
羈紲就遠道況乃簪勝晨君行我則住嘆息同逡巡
鬱抑結中腸相對不能陳

其二

達人貴適志迹跡依山林我生逢世亂反覆變陽陰
谷口山房詩集 卷之一 七 谷口集
窮居拙逢迎還遭時網侵因之嘆所遇艱危迫寸心
豈惜變所守甘與波浮沈至性苟難易憂患自此深
其三
結髮覽圖籍是非常不共義利稍能識貧賤益自重
戎馬滿郊原文雅誰爲用埋首窮巷間慎茲靜與動
名德殊未立流光已如送

野菜

荒原細草綠盈陂白柄長鑱手自攜采憶佳人懷悄
怕淪憑童子送絲絲久知嘉蔬非吾分自愛藜藿頓

爾爲戰伐春來繁此物幾家曾得把鋤犁

雨後看溪畔桃花

晴後尋花出不遲天桃一樹未離披卽看倚石臨流
處忍見風吹雨打時鳴鳥漸教穿細葉遊人莫漫折
低枝憐余歸計倉皇甚爲汝還來倒接離

夢中絕句

城上春風城下水隴頭烟霧隴邊起平原極目望迢
遙一種春風烟霧裏

題畫

谷口山房詩集

卷之一

八

谷口集

古木高低影山廬次第門杖藜看暮色觸破綠苔痕

其二

日氣烘山曉松林隱坐淡行來衣定溼嵐重自相侵

送僧

僧楞庵本余里人結庵京口
今歲暫歸涇陽旋復南下

愛爾辭家久飄然得自如閒身無住著破衲送居諸

鐵甕江山合金山水月虛香臺狎鷗鷺跏坐長芙蓉

偶過鄉關道還歸淨域居袈裟隨往復天地任容與

城郭千年舊園林百戰餘爲儒長寂寞作客屢欷歔

匣劍塵全積庭柯盼易疎何如攜一鉢到處卽吾廬

張孝廉穉升挽歌

生別有逢時死別長已矣投分與君友同臭比蘭茝
君去應制科一別隔山水寧知不再見閉骨黃泉裏
讀書盈千卷名成身反毀消息來前夜痛哭誰能已
落月照空梁淒風吹涕泗悲極發高吟爲君詠蒿里

王節婦詩

張孝廉妻也

女蘿附青松纏綿不可擯與君爲夫婦恩愛牢如結
浮名促君去出門成遠別寧知永不反悲啼空盡血
仰看雙飛鴻徘徊暮景滅傷矣泉下人生死兩決絕

谷口山房詩集

卷之一

九

谷口集

其二

悲風自南來颼颼吹白楊日暮吹未已哀聲摧我腸
痛哭終無益展轉祇自傷斷我頭上髮焚我嫁衣裳
鉛華不復施流淪霑空牀

其三

浮雲東北翔客路阻且修榮名何足貴魂迷恐不收
逝水復無情嗚咽暮東流願爲連理樹閉骨同一丘
不爲獨飛鴻哀鳴宿汀洲

其四

叔也日以長伯也身為儒如姻叔且謹皆能奉舅姑
晨昏既有託可以捐吾軀投彼百尺泉九原見容儀
恐貽父母傷宛轉還自吁豈戀衾裯盟大義不可逾

述懷

朱門多豪華真率反見嗤所懷多不達罄折空爾爲
世情良堪厭歸臥北山陲丘壑適我志詩書可忘飢
人生不富貴慎勿結交知

感憤

高門促晨歡華屋窮宵宴堦墀張錦瑟中廚出豐膳
谷口山房詩集 卷之一 十 谷口集

親戚障紫幃家人席綺薦傷哉客遊子飄零異鄉縣
少小愛文章頗爲鄉里羨足未越閭閻手豈釋書卷
二十謀生事艱難歷欲徧諸侯豪貴苦非平生面
悠悠百年身光景如飛電辛苦在行役歲時已屢變
離人多感激心緒無一善悲來獨浩歌清淚隕如綫

過村翁

小隱離喧河上居板橋村路入門紆到來雪氣清人
骨坐處梅香沁客裾鳩杖步拖紅樹遍霜髯吟動碧
雲虛便當真率成高會一酌陶然返太初

春日集楊氏園亭攜妓飲餞魯慎五副戎

執手野盤桓名園春未闌青尊入林好紅袂出郊寒
聚散情何易朋儕眼共看淡愁在行色且復解征鞍

贈祁開西宣慰

小院薰風入秦城蟻泛香不須愁貝錦只合近壺觴
簪紱家聲舊藩屏歲月長河湟天顧切雨露正無疆

其二

憶爾當西極年年指塞雲一從歎分袂十載悵離羣
濁酒留良晤煩冤托聖君蛛絲休浪織旭日在高
谷口山房詩集 卷之一 十一 谷口集

要

春旱邑明府滕公梅羹步禱甘雨旋蒞志喜

步禱纔終夕甘霖沛絳霄天心鑒吏民命繫春苗
鋪逕紅全溼垂恣綠已嬌咏歌歡父老處處把村醪

山口山房詩集卷之二

出塞集

大糸北海馮公宗尼先是分巡邪乾時蒙以詩酒下文恩禮甚篤此進秩備兵莊浪時花門之亂河西甫定甘涼尚未收復時危官貧幕中親友皆辭去公慨然感嘆念慈乃請與同行自戊子冬越關山歷天木由皋蘭渡河抵莊西相與晨夕者二年餘凡涉贈答酬酢之作皆不錄僅存古近體詩四十二首

涇陽李念慈劬菴甫著

適莊西馮公幕留別諸子

河橋嗚咽亂流聲匹馬淒秋向此行短笛誰橫關月

皎長歌獨放塞雲平尊前酒盡情難別龍上霜飛客

谷口山房詩集

卷之二

出塞集

易驚它日相思勞悵望萬山淡處是邊城

關山

亂峰層疊鬱盤旋累日山行欲到天脈道馬嘶千樹

遠飛樓客臥一牀懸石橋高隱柵籬密瀑雷寒凝冰

雪堅向晚不堪西望阻邊城烽火正鳴弦

秦州

杜老羈棲處空山但鳥音驛樓霜月小客夢故鄉淡

薄靄橫高樹蒼厓俯密林到來尋舊跡悵望一長吟

社樹坪

暮投社樹坪長路旅魂驚歲盡頻逢雪燧傳未解兵谿流溪澗白村火半厓明野老驚過馬還家盡掩荆

朱園山

我過朱園山山勢連蒼昊丹厓橫百里日夕行未了風磴黃埃集冰谿清渭遶陶穴見巖頭人烟出樹杪移神矚洩雲流日送去鳥海內多戰鬪河西尚紛擾每嗟行遲遲況是憂悄悄征人苦飢疲暝色在林表遙瞻西傾青睞望伏羌小緬古懷胼胝尋幽阻蘿葛悠悠行路閒何由窮要眇

谷口山房詩集

卷之二

二

出塞集

鳥鼠山

漸近羌戎道來經鳥鼠山禹功何寂寞清渭日潺湲玉塞人難入金城戍未還轉輸民力盡愁絕見蒼顏

蘭州由水橋上渡黃河行

君不見黃河之水流浩浩勢挾崑崙掖左抱發源疑從天上來漢使空傳行已到我從長安適允吾來觀蘭州城外之匹縞驚濤怒瀉千里碧世間河水皆行潦況傳冬至凍輒合大冰峙結成堅晶行人履冰如履地輿徒絡繹無鉅小蛟龍亦復爲民用聖人望秩

草草我聞至德懷百神山川效靈獻其寶大哉四
瀆古所欽此理昭然詎難曉

莊浪城西水聲

塞水流兼石灘聲日到軒夜溪聞更切月下聽空煩
拂劍青萍吼橫琴白雪翻西園閒獨立却喜隔城喧

雜詩五首

客愁無漸次沉痛結中腸去去二千里悠悠天一
方歲月忽已易道路阻且長不殊舊風景忍見新戰場
村落半丘墟野日寒無光荆榛塞當路豺虎啼我傍

谷口山房詩集

卷之二

三

出塞集

燕膺再三嘆涕下沾衣裳

其二

南國有佳人獨立青雲端容華豔桃李左右佩芳蘭
我欲往就之路遠阻狂瀾誓言凌江渚浮空乏羽翰
歲暮獨辛苦凝望淚闌干

其三

采采蘭蕙花日暮歸山陂美人阻遠道采之欲遺誰
馨香滿衣袂攜持心獨悲何以雜佩之蘅杜與紫芝
常恐秋霜零芳華中道萎

其四

朝出城東門送客還鄉里附書問故人長情柰短紙
叮嚀再三四語咽心未已歡樂當及時何爲隔山水
歲月不我淹少壯安足恃浮雲東南翔淒風道中起
掩袂涕縱橫悲哉遠行子

其五

客從遠方來遺我雙鸞結綵絲綰同心感傷久離別
上有淅淅淅路遠化爲血撰成相思曲當戶理白雪
一彈再三嘆曲終絃亦絕

谷口山房詩集

卷之二

四

出塞集

莊西立春夜感懷

皎皎關山月淒涼亂後看誰憐投遠客獨酌憶辛盤
畫角催年盡鏡歌起夜寒但令烽火息離別未爲難

其二

日有西來信甘州未解圍城分猶轉戰兵久幾時歸
刀斗連邊動軍書入塞飛客懷無一可愁絕盼春暉

除夜

歲盡青燈夜天寒獨客情劇愁家萬里無賴月三更
椒酒愁休酌山泉冽可烹故園應悵望飛夢向邊城

己丑元日

今年塞上逢新歲，哀亂情兼悵。遠遊畏聽鉦，鏡喧部曲。惟拚風雪臥槽丘，風塵久厭劉琨舞。生事真同杜甫愁，桑野全空征調急。將軍何日取甘州。

正月五日見月

新歲看新月，淒清只自憐。一尊關塞外，半榻客窓邊。山迴銜光細，溪清落影纖。故園今夜裏，還向碧窓懸。

憶昔

杜子^{謂蒼}

齋中有高樓，憶昔共飲樓上頭。瓶中有花

谷口山房詩集

卷之二

五

出塞集

尊有酒，日射臘梅香。浮甕君家諸弟皆琳瑯，爲我行酒坐我傍。雙眸炯炯，人語左顧右盼，不尋常。池陽正月柳欲青，家家置酒集門庭。清歌妙舞拚沉醉，五十六誰忍醒。西市街南遊女坐，綺羅衣裳照鎧火。吹簫伐鼓夜未闌，一丸素月當空墮。莊西地寒春較遲，黃沙漠漠邊風吹。更聞悲笳起清夜，對酒不飲杯空持。卻憶池陽遊悄悄，使人悲今多思君意何已。青天渺渺各千里，何日高歌對吾子。

病中喜里人來得家書十二韻

抱病他鄉久，思家別夢淡。苦因魂黯黯，況是首涔涔。

欹枕開虛牖，當軒望遠岑。那堪春尚冷，愁說曉仍陰。故友來吾里，羈人望好音。含情開短札，強坐擁寒衾。翻閱收雙淚，平安慰寸心。囊軀如陡健，喜氣發微吟。留客還相問，烹茶且對斟。別來剩舊舊，亂後各消沉。會面顏年少，窮途二豎侵。因君成慰藉，忽欲攬衣巾。

古意

前日送君時，折柳河中渚。柳折還更生，君行無覓處。

春日莊西送客

谷口山房詩集

卷之二

六

出塞集

邊雲塞樹遠微微，一曲驪歌淚暗揮。最是傷心難遣處，方春客裏送人歸。

春日莊西看雪

蕭蕭風雪下千巒，客裏相看淚不乾。欲典羊裘沽好酒，却愁明日更春寒。

喜雪呈馮公

一冬未雨雪，寒日徒杲杲。嚴霜凍四野，黃塵迷行道。顧視隴畝中，草苗并枯槁。兵後歲更饑，民命那可保。昨夜忽同雲，六花被霜草。登樓望城外，連山白如縞。

田連朝耕荒逕勞晨掃春筵喜官僚蘆酒歡父老
逢偶得飽食羈客開懷抱道路庶清平言歸及春蚤

夢馬來西

時大同兵亂來西正
在少參楊公幕中

昔別何匆匆送汝攬征轡今我亦羈棲孤踪兩如寄
昨夜夢見君執手道前意瘦骨如平生顏色尚頗頽
相見既倉皇相別何造次路遠山川深夢君亦不易
起對窓外雪拂拭眼中淚遊子依人難志業苦不遂
山水遠千重別後無一字聞道雲中亂憂君出涕泗
寄語問訊君書札久不至丈夫輕遠行半爲貧賤累
谷口山房詩集 卷之二 七 出塞集

不得馬來西消息

三晉軍書急憂君思獨勞依人共漂泊作客且牢騷
叛帥資邊實微生陷賊壕寄書問消息何日返臨洮
懷朱元定茂才

元定爲楊少參公妹
倩往每依楊公宦邸

郡國繁兵馬邊隅阻雁鴻清貧應共念生事與誰同
爲客如王粲依人得孔融東來消息急愁汝在雲中
西園蔬畦初成課園丁疏渠引山泉入

塞水流沙近分來一勺清徐看穿圍入細作遶離行
幾處花根溼滿園春草生畦蔬如不乏亦可抵蓴羹

得舍弟書

知我歸難料書來再四探腸從春日斷貧對夜燈
閱世汝兄拙讀書吾弟堪孤踪只漂泊遠愧鵲鴒函

其二

絮絮關心語搖搖善病身短絨空墮淚愁緒好禁春
客跡寧辭苦家書不厭真我歸寧有日問訊汝徒顏
孟夏二日馮公署中海棠始放小飲花下

海棠塞外亦非遲四月寒輕發滿枝睡足不教春鳥
喚開殘卻使夏蟲知風翻碧葉紛紛亂雨溼紅絲娘
谷口山房詩集 卷之二 八 出塞集

爆垂此地見花真不易銜杯每盡夕陽時

莊西看月

塞月團圓白山雲淦淦連到來頭照影已見五圓圖
離別得無淚淹留空自憐新知微款洽尊酒共嬋娟
聞北寇陷蒲城消息

聞說延安寇南來禍不輕烽烟連渭水屠殺盡蒲城
書信關山阻鄉心羽檄驚客貧歸不得拭淚看機槍

其二

三月來牟熟關中羽檄馳兵屯鷄犬盡農廢室家飢

舊空千里依人困一枝愁懷無可訴獨坐夕陽時
秋日莊西送客因寄家書

送客平明冷敝裘短絨遙寄淚長流親朋故國尋常
念戎馬他鄉日夜愁野戍烟清官舍曉浮橋水滿大
河秋叮嚀厄酒留斟酌莫似殷公過石頭

馮公署中望雲樓歌

天上孤雲如壁壘移時散亂似流水遠勢直同秦塞
連奇峰疑自滄溟起北海馮公孝友人備兵分憲來
邊鄙政洽莊西十三城夢繞雲門千萬里層樓見野
谷山房詩集 卷之二 九 出塞集

雲霏微綺窓東啟含晴暉盡日凭欄望雲物朝見雲
來暮雲歸邊隅風緊鴻難度慈烏夜叫東城樹高堂
有母正倚間登臨神與蒼茫去此時切切懷故鄉憂
思百結千迴腸乞歸翻愁大吏怒行吟聲苦心憂傷
官貧濁酒粗能具共倒青尊話情愫相看對酒當爲
歌況復登高能作賦我和公詩心如賈代北關西尚
酣戰家園親舍烽火邊落日看雲淚如霰

西涼雜詠

秦時紫土映山紅萬古誰憐築塞功城外烽墩明夜

大帳中絃管入秋風十年邊戍繁兵馬八月天山斷
雁鴻回首長安何處是白雲遙在隴關東

其一

萍踪已渡大河西又向西涼信馬蹄故國交遊渾在
夢他鄉風物總含悽黃沙古磧行人少白草新邊落
日低客況年來誰得似斷雲明月夜烏啼

阿壩東山晚眺

騎馬望東岑萬綠渺無數夜來一片月挂在長松樹
朝行陟峻坂荆榛雜雲霧及巔日始晴憑高散余步
谷山房詩集 卷之二 十 出塞集

黃河暫天來陵谷錯迴互長林忽響籟落日邊風怒
極目望大荒風沙千里暮海內有戰伐邊功此馳騫
良馬千隊連猛士百金募列戍臥冰霜轉粟犯寒露
殺傷豈復論勛名競題柱我來經戰場鬼火照空素
黃羊奔沙磧亂鷹趁狡兔窮荒計已疎和親事亦誤
持觴弔往古慷慨一回顧寄言守邊將莫漫矜都護

題畫

寒江蕩空壁日見帆來往看弄漁舟人悠然生遠想

臘月十五夜示友

莫訝身如寄須傾酒若泉君看今歲月更得幾回圓

閨情

粧成獨立轉生慚顧影看花懶上簷底事春來簾不捲妬他雙燕語呢喃

醉歌行贈馮公

莊浪四月海棠開置酒花下坐青苔姑蘇歌兒好詞曲一曲須傾三十杯馮公豪飲與不淺接離倒著還崔嵬醉中自拂端州硯取酒和墨伸素練淋漓衣袖飛作花落紙揮毫同掣電小或盤盤大如斗一行直落中山房詩集卷之二十一出塞集

谷口山房詩集卷之三

燕臺集

丁酉冬再上公車戊戌春忝側禮闈成二甲進士會新例一切授外任又觀政非

滿三月不得出自五月到總司晨入午出略無事事日惟奔迫軟塵中營就屋賃僕之費而已幸與同年汪君文王阮亭輩倡子和汝差堪遣發轡問及秋杪出都凡得古近體詩二十一首

涇陽李念慈劬菴甫著

路逢故鄉客

知是故鄉人都忘呼姓字相逢客路間彼此俱回顧

慈仁寺雙松歌

慈仁寺裏雙古松枝柯剝落如青銅蟠拏詰曲援地

谷口山房詩集

卷之三

一

燕臺集

起體勢不與凡松同我來岸幘嘯其下白日颯然生雷風咫尺卻愁光怪出歲久當有神靈通凌霜溜雨幾百載支撐對立儼壁壘突兀偃仰意恣肆搏雲攫地不相待君不見前朝宮闕半埃塵二松亭亭貌未改疑是神龍厭溟渤化為老樹至今在不然都市安得有此物佇立蒼茫問真宰

觀政長安中述懷

清晨騎馬出不知竟何為顧我同年友奔走交中達舉手倏已別揚鞭各有之同曹八九人列坐共笑噓

相顧無一事且復弄酒卮幸免廢廩祿足以解嘲譏

其二

旅食白日長家書久不至獨坐一室中沈吟煎百慮
昔我別庭闈冰霜嚴在地春夏奄若馳秋螢已照砌
俯仰鮮常策所愁非一事思淡多紆折顛倒在夢寐
仰視浮雲飛顧我乏雙翅一官未有守胡乃如匏繫

其三

秋陰鬱不開入夜雨轉急羈棲憂思繁欹枕聽淅瀝
檐溜無停響鈴柝聲俱寂苦蟲亦何訴秋秋在空壁
谷口山房詩集 卷之三 燕臺集
吟詩不終篇憂來無窮極

羣鶴篇

羣鶴海上來聯翩翔高風延頸發清唳逸響落碧空
皇天假軒翼居人望翬朝飛芙蓉殿暮繞蓬萊宮
和鳴不暫離徘徊心和冲豈意驚飈吹塵沙起濛濛
天路一相失分散各西東回首念儔侶涕落枳橘中
故巢不可識卑棲憂忡忡忡忡亦何爲更須慎爾躬
共受乾元覆東西理亦通前有飢啄鵲後有泥棲鴻
所當寶孤特食息毋苟蒙幽谷繁灌木高岡生梧桐

氣類難終乖神物會當同

汪茗文新授民部

詞人新判度支章入直清秋列宿光通籍久爲唐進
士分曹猶是漢仙郎中原輪納真煩促南海鯨鯢尚
陸梁民力軍儲勞 睿慮蚤摠籌畫答 君王

放鶴

人有繫鶴以市者友人韓燥之買歸養月
而終得適君子以全
其性因感作是詩

養嗣懷君德交雲戀所依暫畱三徑息終傍九霄飛

緱嶺他時見遼陽幾歲歸銜書應有報爲認舊柴扉

谷口山房詩集 卷之三 燕臺集

贈徐鳴玉先生

先生以前明明經應選已卒以
詩酒自放其子之凱與余同年

簡出非耽隱全身衆未知艱難南渡日慷慨北征詩

離亂存書卷乾坤付酒卮仰鷗滄海上蚤晚見安期

七夕

把酒問牛女秋期信有無曝衣還舊俗摘藻任吾徒
別恨淡河漢歡情想珮褕征夫與思婦感激盡踟躕

其二

雨餘炎氣歇萬葉入秋光置酒臨芳節披襟愛小涼

登吟聞玉砌螢火度銀牀何處彈華翫綢繡正未央

其三

尚阻尊鱸興誰堪此際愁火流七月夜星漢九霄秋
玉漏嚴韻下清砧搗未休閨中知有恨雙泪落鍼樓

其四

已被微名縛淹留奈若何露將愁裏白秋入故園多
弦月升高樹纖雲點絳河不須空懷望爛醉且長歌

秋砧

何處征人婦砧聲隔院過搗霜寒歇少度月夜闌多

谷口山房詩集

卷之三

四

燕臺集

別恨如憑訴鄉愁奈爾何裁縫應寄遠幾日到交河

寄上督師白公

秦晉天下樞所在屯甲兵縱橫一萬里刁斗與雲平
天子左右顧咨公在上卿賜以七萃士總以兩藩
屏往者西山寇禍亂楚甸生羣議轉軍儲騷動關中
氓公也抗疏出秦民得無恤山川阻且濶轉運息何
日過澗不委身登棧亦碎膝直爲國本爭不使民命
失幸且罷遠輸萬戶始清謐國靜人好言言當築塞
垣靡費千百萬何益於五原川嶽盡懷柔表裏無一

藩邊界不易開民生不易存再拜上書辭報罷如轉

環忠誠天可禱郊田猶虛報臨輦練餉虧追呼極

暴兩事一乖張天地皆震悼公亦請于朝蠲免成慰

勞一夕陶穴安展轉歸耕鑿爛然德化新郡國再逢

春側身義皇宇竊比擊壤人我文慚相如我札愧子

雲笏皇寄短頌慶幸難具陳

寄上尚書中丞賈公

尚書在中朝才名聞童稚建牙出中州美政多可記

先皇不盡用斟酌遺哲嗣維帝念西陲疆大號

谷口山房詩集

卷之三

五

燕臺集

難治保釐須重臣謂曰維汝寄登車恤我民首先肅

羣吏正已倡屬僚大小各欽位賦歛惟正供豪猾知

憚忌維南則漢中楚蜀控所自萬山盤曲磴艱險鳥

難致厓斷撐危橋狹仄臨無地行旅艱白昔人馬多

失墜我公出緒策驅火燒林萃巉壁崩烈燄周行乃

平出來往載仁途逍遙少顛躓連雲八百里古難今

何易江山效異人神功螭首冀矧彼百度貞湛恩沃

庶類林林四關中萬口頌無二願公比山嶽吾民永

受賜

贈邑明府王公書年公鎮江丹徒人

江山有勝概潤州氣開敞金焦砥中流海色騰秋朗
我侯鍾靈秀俊拔千人上才鋒韜衆鏐道氣淩夙養
策名蚤天府入宮見清議守道或違時進止迂回枉
爲邑歷三筮初志堅無爽涇民重困後流離弃沃壤
奮然釐久弊澤鴻乃負襁大體一以正惠澤日滋廣
悠然民氣舒政平歲亦穰我歸快樂郡顧盼生慨慷
四海尚瘡痍微求竭粟鎡安得盡若侯處處解羅網
少叅徐公符嶠進山東觀察寄贈

谷口山房詩集卷之三

燕臺集

清時識大賢高風負軒翼明公當世傑丰神何孤特
秦蜀用兵日轉餉亦孔亟此時豪猾胥盤據方侵蝕
筑焚關輔民終年力穡穡歲荒穀麥減曾不給兵食
我公攬轡來辛勤布恩德軍儲漸以充閭閻少催逼
今春計典行海內大黜陟天子嘉懋勤擢公按
東國齊魯畿左掖振拔資風力其俗高彊勇暴客常
充億秋淡禾黍高道路恣鉤弋令長不敢詰左右多
巨測亦復健大訟無情肆支飾而刑數百人顛倒相
羅織所貴聽讞明此風或可塞我公秉亮節素不尚

溪刻廉明威斷生操行爲民極如彼衛嘉禾要先去
螟螣行見衆志畏不獨羣盜熄政成報當宁巖廊
借整飭當令四海清生民共休息

武蘭石大叅之金陵賦贈

江左風流地金陵形勝區列侯邦錯繡啟監必鴻儒
我公晉陽秀志在清皇塗諫垣國樞機抗疏多嘉
謨天子念重地命公出此都中外皆王事公毋
厭馳驅鉅細咸總理身勞民乃蘇遠駕賴絕足利割
見湛盧行矣懋乃庸努力念丞徒

谷口山房詩集卷之三

七

燕臺集

賦得愁多不可曙

愁多不可曙繁思從中來中來殊未已攬衣起徘徊
月光在屋角銀漢插城隈夜色凝窈窕星辰自昭回
昏曉遞代謝滴漏無停催人生百年間鬱曲胡爲哉
古來賢達人秉燭命尊疊縱適獲至性結束非良才
且復遣愁去放歌傾酒杯雞鳴聲羣動朝氣遍九垓
、秋杪西歸留別王阮亭

君不見王十一詩家筆勢今莫匹秀骨逸情自天授
高音雅調如鸞激少年才大意更深觀書真見古人

心禮闈第後不遠仕三年歸臥青丘林羨君學成謁

至尊慈也悠悠何足論射策共出青瑣闥為見同

趨金猊門

乾清門有金鑄雙臥後視

長安寺宇多瀟灑君住慈仁

松樹下每逢月夜過君談便坐松根弄柸竿九月秋

高天氣涼與君俱治歸里裝君家泰山麓我家涇水

旁相去四千里譬彼參與商况復作吏易分散相思

後晤愁茫茫

谷口山房詩集

卷之三

谷口山房詩集卷之四

南遊集

自甲午冬杪偕計北上乙未春下第即自京南下淮揚歷秋及冬渡江至白下淹留

改歲

丙申春溯江道九江入豫章秋却出彭蠡下桐城停寓稍久冬再遊金陵迨丁酉春始北

歸至里門凡得古近體詩一百一十一首

涇陽李念慈劬菴甫著

晚度故關

孤障盤天險高樓隱夕雲星臨井鬼盡路向晉燕分

陣火當山見城鐘入峽聞及關重濕下寒月白紛紛

道逢酒車

谷口山房詩集

卷之四

一

南遊集

何處風吹滿路香油車推逐送瓊漿問君肯否零星

賣石畔開封借一嘗

長安憶弟

汝去迎妻今隔歲計程應已到庭闌關山寒望雲同

遠塞路春看雁並歸射策已今成浪擲遠遊仍欲效

蓬飛紫荊花發偏相憶何日偕披戲彩衣

沙河縣

十里流沙白環城望若波雨收村舍見風急浪痕多

稼穡年年沒官徭日日過徵租猶計畝誰為緩催科

乙未春自京師南下至汴渡河有感

東裝辭北闕驅馬入中州
度遠燕山曲來經汴水頭
帆從天外落河向濟南流
雨漲沙崩岸風輕鷺下洲
遠烟橫驛路落日照行舟
歲月容疎放行藏任去留
出門且羈旅在世共沉浮
驚浪開奇思長堤縱遠眸
南征依地主西望起鄉愁
處處聞春鳥搖搖歎敝裘
山川還故國風物異前遊
向晚多憂思風塵慎所投
飲淮上酒舍

扁舟向酒家綠花錯如繡
他鄉遇里人相懽飲醇酎
谷口山房詩集 卷之四 南遊集

高天敞素秋涼氣澄清晝
迴風振葭影浴鳥凌波皺
佳人來何遲林間曳廣袖
雅歌絕俗響短笛復迭奏
陶然坐及夕放談話故舊脫巾入歸艇
湖光動列宿
淮上寄別族祖

吾祖遠服賈流寓淮市東
晨起寄短札海日方矇矓
他鄉悅故舊情好日以崇
况我共一本骨肉誼當隆
出門數十年故園夢亦空
登高後二日眼見霜葉紅
客思正蕭條颯然生涼風
今茲別淮上去住信孤蓬
異地各遙遠努力念宗功

舟次瓜步

江行勝車馬披覽有餘閒
卷帙動能載詩篇行自刪
日入鼓雙棹進舟瓜步山
參差望遠岫紆曲入清灣
維纜依人處古柳柳繫攀
隔江見新月挂向碧雲端
波動聞擊汰漁艇自往還
孤清不成寐欹枕聽潺湲
潮生夜已淡慨然念鄉關

客夜

客窗讀書罷涼月入高樓
夜色遙江浦秋風滿石頭
僧房清磬歇佛閣晚燈留
當戶聞蛩語啾啾不肯休
谷口山房詩集 卷之四 南遊集

金陵訪顧與治不值

高名累爾閒居少徒步愁予拜訪稀
直爲過從霑緒論不辭趨走叩柴扉
江邊作客情殊惡座上論文願屢違
未敢題門聊獨返畫橋流水照人衣

僧葦航送菊

客裏看花事已殘
數枝分贈抵琅玕
移從籬下青霜在
綴向檐前玉露漙
故園晚香勞遠夢
石城秋氣動高寒
由來此種黃金色
好與頭陀面共看

九日金陵寓樓獨酌

秣陵一片秋砧砧山下落日照大江層波紛影射
客子來歲晚梵宇聊假借令節感易生羈愁不可瀉
他鄉一尊酒舉首弔王謝樓居抵登高東籬事可罷
挑鐙讀漢史寂寂江天夜

止飲

並飲惜時日專精讀詩書古義茫莫辨此生良亦虛
帖括取功名巍然乘軒車耳食襲常談胸中多空疎
朝投東門刺暮飲西鄰廬昏昏醉夢中歲月已批除
達者用酒隱豈面麴蘖餘莠苑有奇賞盛名不易居

谷中山房詩集

卷之四

四

南遊集

展卷得我心其樂當何如

送汪五河遊黃山

新安君舊里勝蹟有黃山幽峭誰能盡藤蘿騰可攀
何時攜杖去幾處得詩還儻遇青精飯留餐駐客顏

其二

太華雄吾郡躋攀想昔遊雲連恒嶽渺河帶大梁流
寒雪真難住幽巖未盡接此歸重有興春日坐峰頭
張修厓招飲留宿有贈

吳酒經年釀千錢買一卮傾多燈燼落坐久月華移

稚子爭看客家僮解點碁無才愧陳榻盡醉復何辭
效古

少壯難可恃爲樂當及時遊子輕遠行悠悠在天涯
日夕不再中花落寧返枝美人不可見歲月奄已馳
念我羅衣裳又被秋風吹客思多鬱煩素心少所宜
何當生兩翼凌空見容儀

訪僧在遠雨花禪房

久負城南約今過開士居
僅籬圍野綠竹影上窗虛
市遠塵囂隔心空樂事餘
坐來忘禮俗客意亦蕭疎

谷中山房詩集

卷之四

五

南遊集

其二

別院連山腳香厨汲澗泉
殘碁畱客話霜月照僧眠
霜傲無拘束徘徊數往還
自貪幽興適不必解逃禪

雨花臺晚望

細路通諸刹高臺俯一城
浮雲橫野斷返照入江明
第宅皆新主山川遶舊京
登臨凝望處冉冉暮烟生
贈倪闡公茂才

南國新知衆過從見子頴論文忻有合投分契無倫
未脫囊中穎初爲席上珍
相期致寧靜莫漫畏清貧

將母須臾祿持編可負薪霜蹄真易蹴健翮豈難振
大業無諧俗浮名足累身莫矜聲籍籍日事走踈踈
祇合三冬足重開萬卷新行藏吾偃蹇骨格爾嶙峋
作客羞彈鋏思鄉苦憶尊總因愁俯仰不擬混風塵

書汪五河爲其母輓詩後

汪生手中一編詩將詩示我淚如絲自言哀傷爲其
母泣向知交乞輓詞汪生純孝復多才三年廬墓長
干隈一時贈言皆名士就中李生心獨哀吁嗟乎汝
母棄汝孫繞膝我母棄我十四日懷中呱呱不解痛

谷口山房詩集

卷之四

六

南遊集

容貌聲音那可悉我父語我泪沾巾母死實由生我
身因之名子曰念慈終天此恨常酸辛人生甘脆隨
所計風木北堂安可繫將來應亦霑微祿墓門木拱
復何濟汪生汪生聽我終斯章努力明德流爾芳古
來顯揚皆有道無爲徘徊悲泣心徒傷

客夜杜蒼舒自采石寄書至言當來白下相看

越日卽至相見狂喜因憶同社諸子情見乎

辭

有客有客采石來買舟看我青溪隈燈前一見各狂

喜高樓大叫金尊開此夕何夕何地霜天月照石
城寺書來已足破人愁况復相逢疑夢寐憶在池陽
名士繁君家閣上梁氏園招要價價無虛日佳句高
文共討論只今分散復東西到處山川音信迷生事
苦人好會少故鄉回首情淒淒

金陵寓中對雪

南國天寒客未歸高樓獨對雪霏霏泊愁惟有杯中
物一日開箱一典衣

客中夢遠行與家人別

谷口山房詩集

卷之四

七

南遊集

夢裏辭鄉何所之家人相送涕交頤不知身在天涯
外猶向尊前苦別離

長至日書懷

至日陽生客尚淹溼雲挾雨灑前檐思親夢逐浮灰
動憶弟愁隨弱線添虛閣題詩懷謝眺高門乞食愧
陶潛江邊梅樹看將發欲寄天涯霜雪嚴

至日張水蒼餉黃柑白酒卽招趙翁主僧同醉

漫成

故人白酒餉無聊更有霜柑慰寂寥飲去顛狂忘歲

傳來風味近春宵
隔籬老社時相見
共寓鄰翁夜
自招便可登樓同一醉
年光回首颯風颺

訪紀伯紫不值

倚水柴門隱者居
問君不值正愁余
天寒猶插繁花架
巷僻應回俗士車
江上詩篇知最富
人生良會苦多疎
他時乘興還相訪
好趁秦淮雨雪初

臘粥

臘粥依鄉俗
客中聊爾爲
栗黃冬筍亂粒白
曉霜欺屢祭懷農祖
臨餐感歲時
庭闈當此日
閣著一愁思

谷口山房詩集

卷之四

八

南遊集

哭馮公宗尼

江上驚傳訃
潛然涕滿襟
官貧身共歿
琴在響俱沈
有子風流續多才
魑魅侵雞籠
舊遊地長恨積蒼岑

其二

扁舟淮上別
豈解是長辭
猶記徘徊處
空留倡和詩
扶棺憐老僕
嗣業望冲兒
有母霜鬢在
爲聞恐不支

夜坐

一雨江干連十日
寒蟬映碧忽明樓
因貪倚檻中宵坐
不畏開窗萬里愁
南國知交頴問訊
天涯蹤跡任

留招提旅寄年來慣
暮梵晨鐘事事幽

閨夜

客衣典盡敝囊羞
日日鐙前取醉休
聊爲飲酣能少寐
況逢歲暮正多愁
三更殘夢家千里
五夜孤吟月一樓
身在江南憶江北
輕帆何日過邗溝

江上老人歌贈牛椿年

君不見江上老人牛椿年
朱顏霜髮隱壺天
七十無兒不解戚
百錢拄杖日頽然
醉後時時唱吳曲
高歌且舞意踴躍
一聲亢爽入雲際
四座色動驚睍睂
世谷口山房詩集

卷之四

九

南遊集

臘月廿二日金陵寓中

去年此日別家園
今年此日客思繁
故鄉路遙夢不到
樓頭清淚日潺湲
十年奔走隨塵土
面目向人心
茶苦飢憐軼軻徒
爾爲耳熱狂歌空自舞
江邊歲暮春又來
感時曉起心徘徊
忽憶別離益惆悵
獨對寒梅傾酒杯

家人至聞故居賃人移家南舍秋隘特甚心頗

煩憂作詩遣懷

貧到今年典故居移家新住道南廬苔深頗滑高人
屐地僻仍煩長者車破屋從教斜受月繩牀不礙日
攤書窮愁著述宜棲此慚愧無才賦子虛

其二

卯齋舊築纔容膝合室今依此是家遶屋垣墻低竹
樹凌人風雨溼桐花窮居結客心猶劇亂世求安願
豈賒歸閉柴門讀商頌吾生端不任豪華

谷口山房詩集

卷之四

十

南遊集

送周元服山人遊淮上

扁舟送爾正霜天把臂經時別共憐世事只今如奕
局清流誰復善詩篇厚顏作客吾徒爾華髮依人君
尚然江上繫舟逢賭墅不須重用買山錢

乙未除夕

江上逢除夕淒涼對暮鴉爲儒甘偃蹇作客擲年華
濁酒將排悶新詩代頌花辛盤吾懶對談笑聽鄰家

其二

歲序愁中盡飄零恥壯年比來還自笑常是受人憐

苦思天涯外孤吟蠟炬邊阿咸呼不得聊復一酣眠

丙申元日

客中元日如常日晨起聊爲試筆詩俗累都無差可
喜清齋獨坐亦相宜天涯人長馬牛齒江上春歸梅
柳枝行樂那能須富貴疎慵慚負壯年時

人日對雪

新年六日皆晴霽此日愁看雪覆隄不爲飄零傷旅
食正看戎馬念熬黎寒侵閣夜淡淡入白壓梅花故
故低良友辛盤宜就飲莫辭雙屐踏春泥

谷口山房詩集

卷之四

十一

南遊集

初春懷張水荅蕪陰

別爾兩句成隔歲相思終日望蕪關磯邊舟泛青蓮
月江上詩題謝眺山時序易催雙鬢改登臨好趁一
身閒鳳凰臺下梅並發須挂輕帆計日還

將去金陵別僧韋公

客子江上來霜葉紅淡秋客子江上去梅花開正愁
客寓久蕭寺獨與吾師遊過從無晨夕詩詞相倡酬
有時雪月夜攜酒上我樓相對便斟酌澹然無所求
此去寧易別清淚爲一流我行探故舊潯陽江西頭

上下同一水思心日悠悠人生營身家去住各有謀
感君送我情徘徊立道周且復盡杯酒爲君少淹留
銅陵曉發

客別秦關已二霜天涯無處不思鄉銅陵江上春風
起又送征帆入豫章

楊柳

紅雨溪邊迷舊路寒香隴上寄相思春來多少傷心
樹不獨垂楊管別離

小孤山

谷口山房詩集

卷之四

三

南遊集

沿溪十里見崔嵬突兀凌波接上台峭壁垂藤喧鳥
雀晴江倒影見樓臺天竺怒管中流出浪打崩崖四
面回勝蹟欲探愁日暮何時卻挂片帆來

江中放舟

廬江城下發凌晨暮指潯陽近比鄰迅似征鴻初奮
羽捷于奔馬不生塵岸山好處看還失村樹微時望
已真自詫一帆何太易翻憐愁殺守風人

江州旅次東王恢傳

孤館風寒冷不勝吟詩獨對一檠鐙多情惟有春江

雨伴我金陵到歷陵

其二

千里懷君便擢舟相違咫尺反淹留蕭蕭檐滴空階
上不信人生不解愁

其三

一從分散各天涯使得相逢不是家今夜江州雙墮
淚斷腸曾未聽琵琶

其四

宦途客路總堪憐坎壈風波浪播遷爭似故園春釀

谷口山房詩集

卷之四

三

南遊集

熟玉壺提向杏花邊

行匡廬山下

匡廬山下識春暉斜擁籃輿入翠微滿磴松雲寒客
路低空嵐氣溼征衣翩翩小鳥銜花去款款輕鷗掠
水飛景物都從閒處好市朝須信見來稀

宿圓通寺

石乳峰前日欲曛老僧留客意慇懃禪房月皎終宵
話竹徑春寒靜夜分院裏高松並巢鶴門邊遠磴忽
屯雲曉來鼙鼓逢逢發乍擬輕雷入峽聞

廬山道上

遠岫生雲帶野烟微聞人語隔清泉何由得到山中
往來往春畦亂水邊

虎溪

虎溪春水浸春苔想像當年一笑回此日山僧迎客
至募緣先過石橋來

王恢傳內兄明府署中夜話

他時未信爲官苦見爾煩難感最深亂世功名真破
膽暮年祿養柰關心供輸屢見貌貅過出沒還防寇
谷口山房詩集 卷之四 古 南遊集

盜侵五斗消來渾不易窮愁何計可開襟

山行書懷

入山常苦遲出山常畏早豈不憚險艱奇勝愜幽討
性本耽丘壑塵網苦相惱辛苦營飢寒行役窮遠道
仲春過匡廬流覽契懷抱崇嶺杳雲中蒼巖氣鬱瀨
鳴鳥轉新聲迴風扇微燠感時懷故鄉還顧路浩浩
緬彼終南山連峰插蒼昊長松挺霜姿飛泉曳素縞
看雲良自怡茹芝可宿飽誰能久風塵至性爲枯槁
友朋足娛樂言歸尋夙好

登滕王閣

帝子高樓去不回中丞重構倚城開九江波遠匡廬
下百粵帆隨贛水來世代幾更空弔古山川無恙且
銜杯天涯爲客王郎似愧爾登臨作賦才

江上送王炳傳還里

束裝待明發送客還故鄉故鄉四千里遠望但蒼蒼
子行到有日我歸安可量去住同是客相思道路長
憶昔少年日嬉戲每相將及今二十載時勢日蒼黃
各有身家謀墮此奔競場東西與南北離別如參商
谷口山房詩集 卷之四 古 南遊集

天涯偶相遇歡然道中陽忽復別我歸萍聚本難常

茲地送君去後會更何方勿爲後會念但盡手中觴
今夕不痛飲明日異帆檣苦無達者識徒效愚者傷
在世皆逆旅何分是他鄉且復陶然醉世事任茫茫

吳城阻風

舟行資帆檣飄風固所賴我船自南來乃與北颺會
十日坐湖邊維纜依叢蒼驚颺吼高樹奔浪生淺瀨
買人困馳驟君子或長嘔團團新秋月皎皎挂松檜
此景差可樂開尊對蓊蒨海滯豈不苦怨尤良亦昧

往來各有營順逆通否泰幾暑時未退蕩滌須靈籙
天地復何心人情自襟帶任運得所適達者遊物外
出湖口弔強立參孝廉強同邑人先是溺死于此生時每與園基
湖上秋陰畫不明北風吹浪賈船驚蛟宮何處埋精
衛楚客經過弔屈平波底樓成應有賦岸邊木拱豈
無情爲君淚灑中流急憶拂西園舊奕枰

江魚歎

魚以江水活乃以江水煎當其在江時豈不任自然
一朝遭網罟待烹翠釜邊饒湯無停沸竈突有餘烟
谷口山房詩集卷之四 其 南遊集
人魚何相及香餌固其緣吞鉤不飽腹鱗鬣難自全
寄語江中魚相攜入溪淵

桐城贈石伯融表伯

伯也不羈才放懷大宇宙任俠過五陵藩籬那可圍
吁嗟時未會驂驅困馳驟至今千里心不屑顧櫪廐
憶昔童子年垂髫走親舊紛紛同輩中訓余獨穎秀
嗣茲屢見器情親及婚媾傷哉蕙草摧徒感此意厚
伯出遊廣陵廿年未一覲及今見南中忽復滄桑後
仲叔早飛騰江邊綰墨綬年極苦辛嘉猷行可奏

故園丘隴存親識况輻輳攜家念土輕斯言或亦謬
相期返舊居庭草未全茂

登浮渡山

萬綠蒼山下莊嚴佛寺開雜花緣路植野水到門回
茶藥供僧隱巉巖對客杯勝遊思秉燭秋月逐人來

其二

山氣晚氤氲陶然引夕醺虛檐平逗月高殿俯過雲
螢火林中見松濤枕上聞置身諸界外何處有塵氛

其三

谷口山房詩集卷之四 其 南遊集
月落千林曙凌晨到上方諸喧過嶺寂重絮入山涼
徬壁撥題字登危見石牀多時癖疎懶及此發清狂

其四

絕頂覓誰引蒼藤乍可攀偶然臨福地不信在人間
湖水遙通艇江光日浸山東南百戰後登眺淚潺湲

其五

石嶺蒼龍似天池玉女如比來客子恨不得故鄉書
落日蘆筒酒秋風渭水魚幽居還可樂誰復羨軒車

滌岑招隱詩贈陳默公先生

石氣根青竊山麓入城來幽人耽朝葵卜築類徂徠
小樓倚翠壁啟牖接高臺樹並行偃僂石觸路紆迴
乍登神已曠屢陟限更開龍眠何率律桐溪自滌洄
烟生萬戶曉沾村暮聲哀主人催命酌童子擎尊罍
烹鮮膾鱗炙鹿割仙胎是時方九月涼月照石苔
霜重秋在林梢傍倚檻裁論文花影際引燭牙籤堆
著述盈一尺高名日崔嵬詞賦供忻賞山水快追陪
幽棲信所適高臥世無猜回首歎塵網逐逐空氛埃
題西陵女子抱鴛圖爲方爾止悼亡

谷口山房詩集

卷之四

六

南遊集

越女天下白楚客千古狂如何中道別生死兩相望

其二

暫別常懷憶長眠奈若何知君傷往淚秋雨未爲多

其三

開軸君先痛披圖人盡憐飛霜真太惡六月倒池蓮

其四

明李夢陽夫人左氏卒有結腸詩集中載其事爾止夫人先卒亦左氏也

構患雖外家伉儷君自篤須有結腸詩攜持同一束

七夕

天上還睽隔傳聞定未真年年當此夕空感別離人

秋日孫皆公招飲晚香堂同郭水壺姚明兩
三翼侯四君醉歌

孫子開筵當清秋諸君踵至同綢繆吾儕交結非神
合安能一見若舊遊文犀之杯注老春晶盤玉筋行
錦鱗把臂極盡新知樂何用禮數空逡巡燈明月白
不可孤擲殷賭飲呼臬盧病軀對此意飛動力疾從
君傾百壺庭前桂樹爛漫開西風吹香入尊罍他鄉
好友能醉客離愁于我何有哉酒闌耳熱更放歌卻
思人世還幾何那能磨眉偃蹇待富貴坐傷去日疾
谷口山房詩集

卷之四

九

南遊集

如梭但當肆意飲美酒莫教少壯成蹉跎

雨夜飲姚經三齋索畫

憐君詩思清無敵繪事還看奪化工萬態烟嵐生筆
下三春花鳥出胷中家纔足稻常畱客堂僅容人不
送窮我亦含毫寫丘壑輞川能事恨難同

九日客桐城有感

纔驚江國梅無賴又見山城菊可憐兩地看花同夢
鹿一身作客任風驚愁淡家弟分莩日俸損賢侯送
酒錢節序感人鄉恨切登高回首肅霜天

杪秋與諸子游龍眠山信宿椒園

皖桐郭北萬峰青野館幽尋快未經入谷烟雲渾黑
羃環門松竹盡亭亭崖根波膩鴨頭色山腹皺開鬼
面形處處林園可招隱不知誰是少微星

其二

春遊期與故人偕此日躋攀願不乖夜靜溪聲喧峽
口山高星影落天街秋潭石馬瞿唐險晚釣金鱗丙
穴佳痛飲狂歌休更惜須教一枕到無懷

其三

谷山房詩集卷之四 辛 南遊集
山中信宿澹忘歸憑着芒鞋出翠微飲處回看雲已
合到來猶及蟹初肥行行躑躅依芳樹故故淹留坐
石磯松際遙憐人去後月華空照薜蘿稀

椒園戲作

種椒人去幾時還尚有秋紅映石斑一自公麟圖畫
出至今常是李家人

龍眠遊歸喜方田伯位伯見過至夜邀集高齋
有贈兼索其尊公無大士繪妙

相逢有酒卽成歡對爾鄉愁可暫寬家世詞華窟二

西弟昆才思比雙難歲時又值魚龍臥江海空隨雁
驚餐大士畫圖聞絕代從公乞寫一峰寒

月夜集左子直內齋限韻

流蘇帳裏篆烟焚戶牖籠紗結綺文斗酒原供良夜
酌輕歌偏稱曲房聞琴臺何幸容淡坐金屋難忘縱
薄醺怪得先生常晏起朝來留滯一牀雲

其二

鏡臺蟾影關妖嬈竹葉尊開寶瑟調自有延年工度
曲况聞羸女善吹簫香奩得句吟香閣絳蠟生花映
谷山房詩集卷之四 壬 南遊集
絳綃玳瑁雙棲真妬爾天涯多少可憐宵

孫皆公內齋小飲

遠閣開清酌移鐙過曲廊烹茶擎淺碧剝栗見淡黃
細篆香生座繁花幔覆牀此中夜應短客舍漏何長
桐城贈石仲昭表叔明府

露下江天菊有華龍眠仙窟碧雲遮詩成山署秋調
鶴訟簡公庭畫放衙王子何年飛玉鳥葛洪有日就
丹砂開尊恰對茱萸節爛醉從教白鬢斜

壽馬母

馬子磊落士豪邁今無耦縞紵十年餘澹泊交情厚
前春遊南紀遇我大江右共棹向皖桐客寓日握手
龍眠霜色淡步履尋秋柳耳熱談縱橫淋漓傾百斗
此方名士繁好客十八九傾座一見君投分爭爲友
君言歸思切高堂有老母本爲甘脆出所遇多不偶
以此成羈縻流蕩天涯久往還淹數旬念母常在口
諸子感君孝詩詞贈多有君攜仁人贈歸爲北堂壽
未審陶家郎奉觴有此否有子傾名流華廡亦其後

九月左子直宅看紅梅

谷口山房詩集

卷之四

注

南遊集

今年歲暮多暄暖九月朱梅又見開菊畔瘦窺高士
楊霜前紅葷女兒腮頰看玉竿招邀去小挿銀瓶折
贈來作客經秋無好夢羅浮林下故重回

山中戲嘲左壯于趨歸城中時壯于新婚

遠峰著黛勝新粧每到林巒便欲狂何事龍眠左仲
子入山不及出山忙

宴集陳默公滌岑喜吳亞侯自浮山來同酌卽

送左子直遊粵東

我遊浮渡山頗愛山崔嵬吳君山中住幽居寡尤悔

攜詩出青真博與窮探採鑿下過岑樓開尊出珍醢
賦詩送客行挂帆向南海嶺南暖氣饒冬花若翦綵
萬里誠壯遊前驅得令宰嗟余別故園裴葛忽三改
去秋聞歲饑妻孥恐凍餒冬初期日歸霜風不我待
它鄉復送客愁思增百倍君去早言歸桐江聽欵乃
樓中有少婦相思夢芳牋

龍眠將發諸子祖酌晚香堂留別兼送左子直

遊粵東

客病因愁劇情親惜別忙那堪衝雨雪獨自上舟航

谷口山房詩集

卷之四

注

南遊集

北去雲山迴南征道路長臨岐思縱酒檢點只空囊

出桐郊承諸子攜具相送留別

挈榼霜棚下提壺綠水邊何知三月客偏得衆君憐
裏敝風全入情淡馬不前素交同骨肉歸去亦潸然

次樅陽別孫子穀再送左二子直

君住大江口我來大江頭維舟便過訪同調忻相求
握手訂交好旋復命金甌我向城中去愁吟過一秋
棹返重把臂下榻高齋幽雄談數日夕尊酒頗綢繆
亦或肆辨難夜分不肯休羨君年力富已見學業優

憶昨重九日同過陳氏樓席間吟佳句敏捷氣不浮
以茲爽朗才策名豈所憂何當簡應接暇極討誇
古人勤夜讀鐙火帷中篝學成心愈下疑義多咨謀
鳳池君故物努力在一收客行當十月雨雪驕敝裘
木落林黯黯江寒風颼颼是時左仲子亦有粵東遊
共此鐙燭夕同上木蘭舟分袂自茲去相思各悠悠
雪

北風颼颼動衣裾山下孤村雨雪初憶別家園三見
爾每逢飄落一愁予梅堂夜冷堪傳竿麥隴春來好
谷口山房詩集 卷之四 南遊集

荷鋤願得長貧休浪跡茅檐淡映五車書

春日三首

終日言歸未得歸二處空忽芳菲祇應高臥憑春
盡忍使看花淚溼衣

其二

耽僻無營只閉門野塘花落又黃昏更懸明月青山
上照引香醪坐竹根

其三

日日高歌倚寺樓亂花繁萼滿芳洲春光爛熳供人

醉底事寬胸更著愁

清明

幽臥都忘節序更傷人爲說是清明三年拜掃遠經
許萬里飄蓬對石城春雨定霑村路溼江花偏照客
愁生風帆每日看應盡腸斷歸期總未成

金陵將歸喜杜公履至得家信

知汝遠來到京口無由便見只顛狂漫開書札真愁
思細問生涯轉斷腸舟楫橫江飛送客鶯花夾路急
還鄉頻年縱使垂空橐預擬趨庭意興長

谷口山房詩集 卷之四 南遊集

金陵舟發別顧與治

流浪渾萍跡三年此日歸知交離思重去住寸心違
曉岸舟將發春城花正飛欲行聊復泊惆悵兩依依
其二

其三

南國推詞客論交最重君忘年呼小友抱璞近先民
譽毀從時俗才思思鬼神衰年常臥病藥餌正須親
家計盡羣侮無營生事艱只今罷三累終日掩柴關
炊食愧孀女著書有好顏新詩休散失珍重貯青山

憂旱

別家忽三歲時時念故鄉况復聞大旱赤地接甘涼
一春絕雨澤原野無青黃千錢買斗米閭閻皆驚惶
嗟此貧窶民何以充空腸兵火逾廿載民窮非一方
人情習反側安能守紀綱歲饑變易生憂心更皇皇
三月渡江水趨歸省高堂遊囊亦薄劣救飢非所將
詩書雖滿篋豈堪易稻粱侵星逐行旅畢景陟崇岡
馬上望雲物杲日方荒荒每食生歎息對酒不能嘗
何當遣壯士一爲倒滄浪

谷中山房詩集

卷之四

五

游遊集

憂旱不眠

竹外月嬋娟愁思夜不眠舞雩聞處處屏水日連連
稻莢依乾土河流滯重船民生何日息徙倚望高天

途中苦熱書所見

茅屋誰家大道東披襟野老坐當風依依楊柳垂門
綠的的榴花出院紅戲引兒童看乳鴨閒排碁子喚
鄰翁路傍行客緣何事亭午揮鞭赤日中

將曉過商丘北門

碧天殘月落獨馬過梁園鳥語繁爭曙牛歌緩出村

微鏡緣郭路未覺近城喧負米慚無補馳驅不敢論

宋中遇雨

杲日照梁宋毒熱鍊金石關西維我里傳聞地盡赤
秦俗重麥秋焦卷不盈尺農務貴親勤我倉久罕積
今年大饑僅倉皇少計策歸路畏炎暑中宵起行役
逢人西北來動問惟雨澤四月已將半行行宋中久
野雲忽縱橫微雨灑廣陌道路少清曠暮天仍空碧
屢經兵燹後萬姓未安魄苗乾賦猶在豪猾况需索
零鼓道相望蛟龍竟脉脉流離行滿眼盜賊且充斥
所悲在四方不獨八口厄焚平與暴虐此事古無益
召珍或有原傷哉誰爲白

谷中山房詩集

卷之四

五

游遊集

寧陵曉發

城頭猶擊柝客子已宵征堤柳垂垂暗村烟漠漠平
愁心繁夜色歸路逐鵲聲萬事催行役勞勞送此生
歸自南中上韓幼公先生

十載風塵客沉淪久低昂迷途逢藻鑑手植向宮牆
嘗彼草木質曷和待東皇沍寒顏色成乍得親春陽
枝葉雖未茂向日有輝光千秋一爲別北去歷風霜

折羽事南征，踪浮江湘家。貧傭仰困况，復嬰歲荒。
行役代負粟，懷刺走遠方。厚顏投所知，人情多蒼黃。
懷歸歸不得，留滯空江鄉。輒軻古皆有，何足繫中腸。
獨念三載來，未登夫子堂。夫子賢豪人，分符值瘡痍。
時方高浚欽，視民獨恐傷。以此催科拙，灑然解銅章。
勢屈道乃伸，遷次復何妨。橫流賴君子，蒼生悉所望。
會當思良牧，簡擢入拜展。脫茲守令苦，九遠任徜徉。

谷口山房詩集

卷之四

天

南遊集

谷口山房詩集

燕臺續集

新城罷後生計無聊壬子秋北入京師
依黃岡夫子幕下樓邊困頓閏癸丑至
甲寅會保舉撤赴軍前乃出
凡得古近體詩六十五首

涇陽李念慈劬菴甫著

寓定

飢來求飽困求眠，盡日無營手一編。
頗喜多時鄉夢絕，不教千里客情牽。
學疎愁恐虛來日，戰勝肥看異去年。
但使老親供養足，此身窮達任茫然。

送王子重下第還黃州

谷口山房詩集

卷之五

一

燕臺續集

不謂長安裏，秋深送子歸。
暫將鵬共息，恰與雁同飛。
斷筍閒關遠，趨庭心事違。
學成寧患達，霜重慎霑衣。

其二

轉眼六年別相逢，各自猶君今落第。
去我是罷官來，故國俱回首離筵。
一舉杯脚踟躕盡，醉莫負菊花開。

榻成

土塋從燕俗，因禮卻夜寒。
多愁常不寐，將老但求安。
忽忽年華暮，悠悠道路難。
棲遲何所事，獨坐意辛酸。

述懷

貧賤寧吾患淒涼爲老親養生聊自託結客意難伸
骨肉仍分散生涯困米薪何時饒白粲堂上日留賓
壬子長至客京師作

三年真免倒衣裳屢歲逢冬只異鄉昨夜吹葭陽又
轉誰家刺繡晷初長嘶風病馬懷春草帶日寒鴉散
曉霜醉後顛狂君莫笑桑乾西望斷人腸

旅夜

將老迷生事失意走京華因人且飲食故鄉望轉賒
長安多朔風歲暮揚塵沙一室閉寒威支牀因土苴
谷口山房詩集 卷之五 二 燕臺集
鄰屋多久客板壁相間遞五更霜氣入展轉聞客嗟
容嗟亦何爲各自思其家嗚呼逆旅情有似難棲鴉
俯仰鮮長策我客安有涯

出飲

長安繁華地陽春艷冶時羣生各有適我愁獨無涯
伊昔對彤廷名次亦非卑廟情服官日學行或有施
一改理瀛海再改令東陲民貧賦多逋無米誰能炊
頗爲蠲荒請經營活殘黎事成身不待令甲促程期
一官已微末去我忽如遺雖復更應任拙性不營私

瘠田破百畝荒弃長蒿藜妻孥何足念老父暮苦飢
以此歸未敢騎驢走京師但思傭筆墨聊用給粥糜
吾師惻然念召我館榮之遣愁夜微醉畏寒起每遲
臥起一室中歲月潛已移愧乏尺寸効飽煖益可悲
拜訪弗能絕會飲多招攜所慚齒老大坐次多見推
覲顏僭尊貴隱年柰衰髭誓欲屏來往畏人反怪訾
貧賤應自責使驕豈其宜怡然還赴飲且得把春卮

詩成

將隱詩難廢應知尚近名途窮還自遣歲暮屢相驚
谷口山房詩集 卷之五 三 燕臺集

俯仰疑身世幽愁送此生伴人惟底物那許一無成

霜月

霜月寒逾白流光夜正清多從愁裏見偏向客窗明
故國思千里華筵散二更踟躕眠不得獨步有餘情
得晤姚彥昭孝廉

贈陳印倩處士

倒屣及清晨聞君在近鄰相逢頻拭眼話別轉傷神
時命晚應達交情老漸真牽衣酒樓上細問舊遊人
西山寒翠鬱岩巖上國松陰迴未彫洛下文章騰玉

風髯中霜雪照青霄從遊自昔傾台省大隱何妨倚
市朝獨見少微依北極青尊玄草坐相招

贈成我存給諫

先生清節照寰中矯鶴孤標迥不同瑣闥晨趨雙簡
白書窗寒對一燈紅驚人氣岼原家學名世文章仰
國工梧掖自蒙優詔入幾籌邦本達宸聰

病後

中宵何事意酸辛藥爨烘爐苦趁人客路經年殘臘
至天涯獨室一燈親多櫻病疾知衰老畏觸風寒奈
谷口山房詩集 卷之五 四 燕臺續集

題友人觀奕圖

支頤冷眼鬢鬢壁上軍意正酣審勢全贏應更
慎輸人一著不須慙戀觀乍擬畱王質疾下何妨著
李愁解得局中都是幻宣城玄保久抽簪

遣使

使去身畱又一年封書欲付淚潸然飢寒驅我
客窮達隨時莫問天堂上嚴親望京國閨中思婦老
秦川嬌兒生未窺耶面衰病何時到汝邊

聞韓燦之齊中梅花盛開作詩貽之

聞汝齋頭蚤放春白于玉蝶絳如脣須畱官閣香迎
客莫遣羅浮夢損神

答燕客自歷下寄詩見懷

來詩用河之水

歷下樓遲近二年與君相倚實相憐因知慷慨悲歌
士千載流風只在燕

其二

落拓孤行漸老身半生急友不憂貧寧將漏激徇知
已恥作悠悠世上人

谷口山房詩集 卷之五

五 燕臺續集

其三

我去君畱會未期纏綿情緒兩人知殷勤爲賦河之
水嗚咽應無斷絕時

其四

人事人情盡可哀孤鴻獨立在燕臺素書月在皆
束半是山東寄得來

長安冬杪贈林幕僚

憶昔相過興每乘藕花池上月輪昇弄芳備喜
雨釀酒應還記老僧幕府清風吹短髮帝城殘雪

近春燈重來不用傍檮散舊事回頭已不勝

壬子除夕長安旅寓作

最惜流光逝不還客窗獨坐意凄然他時除夜懷茲
夕明日今宵是去年半世行藏三已後萬端心事一
燈前孤踪萍梗何當息短髮星星早上顛

癸丑元日

元日忻逢暖氣饒墨池書幌凍全消窗間試筆迎新
旭戶外鳴騶散早朝閱世那應常道路謀生只合傍
漁樵長安車馬多尊貴獨有春風向寂寥

谷口山房詩集

卷之五

六

燕臺集

米鐙

鎔料成絲勝鑊水穿珠乍擬露華凝米家更有堆紗
巧盡使朱門厭浙燈

探春

卷枝簇萼最先春錯玉蒸香氣色新獨有長安雪中
見煖簾溫室最宜人

呈計甫草孝廉

寓居喜與汝爲鄰削跡相看老大身數頁觀書聞薄
壁扇爐分火共清晨文當疑難爭常急話到行藏語

最真每是夜深撥飲罷同歸各別歎聲頻

春夜看月

雲薄天清萬里長中庭客散月留光總非逆旅還愁
思不是春宵也斷腸何處樓中貪泛綠誰家機上怨
流黃長安酒肆堪眠臥檢點曾無舊鷓鴣

贈容齋弟侍講

時自司業遷入

紫禁春還到邇英僊人供奉玉班清卽看討論膺宸
眷從識文章重國楨太液池臺觴處厚園橋弟子思
陽城吟詩夢遶藏書閣草滿橫塘綠盡生

谷口山房詩集

卷之五

七

燕臺集

得家書

客至頻聞信今晨喜得書老親相慰藉絮語及田廬
因識新年健真聞舊疾除旅愁爲暫釋未敢計歸與

問客行

客從故鄉來言曾過我廬長跪動問客老父近何如
答言行步健下階不用扶兼能善飲食潤澤見肌膚
大端亦已慰中心轉躊躇我父平生好多爲貧乏拘
所好在賓客無以克庖廚好騎良馬出病後愁少平
肩輿愛烹甘泉淪苦茗無錢那得多蓄儲有弟在外

但狂遊慈也負米長往遠室中不肯學姬侍扶持早
夜惟庸奴况復舉家繁食指籌畫日計多勞劬瘁困
未盈百畝餘委奴不治日荒蕪春秋有吏在庭戶所
人不償公家租賦天生我胡爲乎自憐不如反哺鳥
倚日粗足米與蔬餘錢兼可具酒脯歲時召客爲歡
娛長使老親志意舒

東風

東風亦自好風急盛塵沙春冷難晨起年衰惜歲華
酒人招屢去花樹坐相遮爲指西山裏碧雲路不賒

卷之五

虞天玉同年說學江南

花飛鶯語送星輶 簡命新膺出絳霄天下文章江
左盛衆中光彩君僥升堂化雨陶羣彦退食看山
憶六朝肯念故人違宦遠長安旅食近無聊

成我存懷垣招飲

姑射仙人海鶴姿遙開春暖把春卮飽看修竹掖垣
迴遶重楊映馬嘶原道文章天最近畏人清節
至先知長安此去花無賴拚醉從遊杜拾遺

送郭介繁同年視學淮南

早年林宗後視學赴昆明仕宦至方面位卑亦非輕
職司况文章遠勝錢穀訟牘紛填并最績 召還天
闕下十年當可至公卿卽今遠邇皆 王事振興文
教賴持衡慈也失路走 帝城鼓刀未可還筆耕膝

下無人甘脆缺徬徨不得返柴荆豈無親識稍顧念
往往德色見豆羹蒙君憐我如弟兄送君遠邁搖心
旌汾陽將吏驕且橫意輕王臣勢莫撓束以文法驟
豈平漸摩疆項用至誠事濟寧須名崢嶸瑣細要難
盡激爭願我廢棄言莫聽心念此事憂悻悻君去敷

卷之五

九 燕臺集

敦惟廉明劑和大吏功可成感君真率異世情不惜
懷抱爲君傾

送前侍御召林弟謫令信宜

抗疏文章百代看春風匹馬出長安誰教鸞鳳違朝
日若爲松筠試歲寒雙鳥自能朝魏闕孤忠真欲障
狂瀾嶺南風土吾曾習到日先嘗玉露團

定西侯唐太夫人六十壽

茅土勛庸舊萱堂閭閻高長筵傳鼓角列戟綴旌旄
南幕膺崇錫潘輿下九臯龍旂恩屢紀燕賀喜常叨

策嗣承簪笏諸君並俊髦領州蘇萬堵視推出千艘
甲子週還始期願至不勞綵衣孫子列紫誥鳳鸞褒
文武猷同茂昇平箭永張年年長此日淪菊進香醪

擬瀛洲亭應制

十二層臺御苑西華亭春敞接丹梯應知方丈瞻天
近只合僊人跨鶴躋多士來遊紛劍珮同官既醉散
鳬鷺侍臣親與昇平宴簇指雲中彩仗齊

擬瀛臺召試應制

鳳紀鴻猷盛龍池太液春九重開旭日萬里靜風塵

谷口山房詩集

卷之五

十

燕臺續集

卻月朝光收凌雲嶺新石文勞 睿鑑核實進詞

臣閣學宣題目 王言煥綽綸自 天瞻穆穆就列

肅彬彬露湛霜毫潤瑤頌玉版伸齊霑恩有渥莫頌

德無垠御柳交垂翠瓊樓迴照銀那能窺遠海真擬

到天津鎬在同靈囿汾歌和水濱豈因張麗藻直是

勛臣鄰夏諺懽遊豫堯民仰 聖神時聞講軍實兼

可洽朝紳待從同應召芻蕘得竭陳小臣忝殊遇何

以答尊親

擬南苑大閱十二韻

二月春風滿建章旌旗獵獵出長楊 君王廣運
神武上將深謀祇肅將弧矢威行臨薄海梯航使在
震殊方瞭鷹臺下千營列秣馬堆邊萬騎疆格遠舞
千迴虞舜自天錫勇頌成湯大風歌奏饒吹競吉日
車攻士卒良七伐無愆嫺步驟六師不戰自張皇如
山勢屹誰能撼若月旄懸詎可當黃鉞自麾行列校
瑤弓親挽帥諸王聽螺惟凜天威近解甲還霑 御
酒香士氣齊騰雄帶礪民生永奠固苞桑春蒐豈但
親兵出耀德恭添萬歲觴

谷口山房詩集

卷之五

十一

燕臺續集

喜聞家鄉雨足

以雨今是也望望柴荆我田雖不治萬家得春耕
田巷多收粟日食亦易營既辦五十米當作南畝氓
風塵塞道路胡爲日遠行逝將捨此去適我田野情
二月氣暄暖春苗齊發榮攜童出村落倚樹聽流鶯
種秫希陶潛鋤瓜憶邵平樂志無他慕庶幾遂此生

雨

畿輔三春早今朝始沛霖雲雷咸 帝力仁愛見天
心耕鑿吾將老飢寒忍更侵故鄉亦霑足歸興正

處士歎呈孫豹人

山澤多餓死麟鳳遊京邑豈不傷至性所急在芻粒
我從山東來罷官行乞食顧見長安中處士亦羣集
相逢塵土裏顏面多倉卒我友孫豹人遠自邗江入
是時方十月北風鼓寒慄瘦髮垂素散髮不掩膝
慰勞未及罷喟然發太息爲言苦別後生事更蕭瑟
妻子飢欲死身老敢自恤我本爲親養奔走遠汲汲
子獨須諛佞欲語常苦塞懷刺半磨滅在轍聊煦溼
谷口山房詩集卷之五 主 燕臺集

贈孫豹人

邗江一別五經秋燕市相逢淚暗流病鶴低空君可
念飢鳥繞樹我何投多因老困催衰白豈爲妻孥急
這遊滿眼鶯花非故里長天春望迴生愁

其二

拚老江南有定居重來洛下意何如吟詩莫信悲歌
慣入世真愁禮法疎青眼故人還詫鳳朱門食客久
無魚鰓蟲閑戶猶行邁腸斷天津一紙書客臘約人自天津寄
書有當鰓蟲閑戶時

長安東曾庭聞同年

曾先是薙髮入山今復稱太夫人命借計入都

白髮頭陀棄笠瓢數珠挂頸住僧寮科名苦道因親
出偏性惟應對佛消楊柳汁濃堪染袖桑乾霜白憶
題橋關門避客仍禪定肉食何由得見招

谷口山房詩集

卷之五

主

燕臺集

難

長安喜晤劉淑止孝廉話舊并及近日仕宦之
少小同遊各盡懽故人今已半衰殘公車見爾偏生
喜旅食愁予早罷官短袖登場垂手盡洵溝把樽掉
頭難春融上苑花千樹好向東風著眼看

紀夢

夜夢姬人持贈三物莫得其解詩以紀之

作客常有營不敢懷鄉縣奈何所懽人忽向夢中見
乍似寄人居高堂連溪院我馬有行色促入一相晤
頃頃怕變顏流淚被滿面進前疑有請欲語意先眩

救難雪梳玉梳紙封牛手中持此物顧視若爲
含情終無語垂首應多怨物理固難解夢境亦屢變
出門還上馬疾去如掣電丈夫久四方不爲兒女戀
頻年困征途辛苦難汝瞻吟非歎白頭事異悲團扇
別離可相忘飢寒能勿念

客歎

我生亦有家胡爲日大涯食指仰一身焉敢緩營爲
家方競有得守拙數每奇譬彼飲露蟬辛苦抱一枝
官場異喧寂仍復相追隨笑語非吾懽宴飲敢辭疲
谷口山房詩集 卷之五 古 燕臺集

違心承人意顏面多忸怩如此希升斗病豈減夏畦
長年困羈旅終難給薪炊薪炊皆心力家人那得知
有感

客行總樂不如歸况復窮愁日掩扉學愧年衰求解
淺懶添春困喜交稀本同拙婦寧辭棄已是飢鷹敢
浪飛聞道野人滄海上輕鷗無數盡忘機

因姚彥昭寄懷方田伯

龍眠好友見公車問訊平安但索居愧我日求五升
人空寄數行書頻年飄泊故鄉遠萬國窮愁生

計疎知爾更多婚嫁累那能高臥穩田廬

思歸行

生不逢懷葛與羲皇誰能飽食無憂傷長安貴遊多
年少自慙罄折形倉皇文章未可裨緩急安能趨走
空踉蹌君不見雲中有鴻雁山中有麋鹿彼豈能風
儲芻茭與稻粱一飽不知來日事未聞紛紛餓死道
路傍豺虎攫人腹常果家狸善媚食乃夥豪彊諂佞
皆飽煖落落誠知吾計左權貴門前多長裾魚肉滿
堂食客坐飢來驅我思變策還顧航驪復不可故里
谷口山房詩集 卷之五 古 燕臺集

幕中讀書歎

憶昔年少猶如昨所見能爲矜穎脫精神健旺常有
餘鄙事紛馳供娛樂基枰畫筆日在手文章經籍翻
高閣瞬息中年困衣食漸次服官遭束縛坐惜少壯
成拋擲忝竊虛名心內忤卽今衰老無一就所事空
慚競弩末圖書披閱那復記詩句手刪悔嚮作已覺

暮眼光暗兼苦憂傷心力弱飢驅誰能免奔走病
侵恐便填溝壑希進忍投去病門懷恩且就鄰生
西歸難堪吟見朋北來日見行垂棄骨瘦長逢時
嫉才拙寧關世態薄常侍才名晚始達杜陵官職
寂寞古來賢俊皆如此况我疎頑少壯略伏櫪應
同
上阪馬凌霄敢羨鳴臯鶴攤書讀罷一長嘯極目高
其意寥廓

清明日同友人出飲天寧寺

出郭正逢百五日攜朋恰共兩三人且須對酒開愁
谷口山房詩集卷之五 六 燕遊集

眼莫漫行歌損客神隔歲聞催花信早近城勝入柳
條新風光過野吾初見老大真傷負好春

送張公振孝廉旋里

長安客歲見秋鴻喜爾名高桂籍中親戚快談逢北
上東聲重起望南宮霜蹄偶蹶非關戰雲翼行轉稍
待風歸日傳言君外姊黔婁父餐已成翁

宮怨

自少金錢賂畫工難將顙額怨宸宮蝦須垂處門常
掩燕子來時信未通細草空餘承露碧飛花亂憶著

枝紅相如總惜千金賦不擬高唐赴夢中

春日

茅堂向日還巢燕老樹逢時亦著花笑殺休官客
宰年年春色在鄰家

新婦

新婦容顏比蕤華粧成心擬衆人誇阿婆藍襖無兒
女偷借鄰燈夜績麻

使至

使去邇來道路長家書今日到他鄉畏聞生事真多
谷口山房詩集卷之五 七 燕遊集

累喜說親身近稍強旅食頻年愁米貴嫁衣終日爲
人忙長安春色彌天地盡逐流鶯入建章

聞滇閩粵三藩告老各允歸安插

惟 皇御極十二年九州四海少鳴絃鯨波伏莽俱
已靖轉輸無憂憂懸危王擁兵過百萬南北協餉
尚騷然四方六軍六府有老弱豈盡免顛連接括利
孔無遺剩鎔鍊亦入公家編蠲租之 詔雖屢下天
下百姓無一錢泉刀不流征求急穀賤傷農更可憐
卽今百貨亦俱滯本末困敝交相煎時平養兵應有

法 朝廷亦多請屯田下議諸方無一應始事豫畏
責成嚴近聞三藩各疏入自求歸老釋兵權從此兵
解餉亦緩賦歛得薄民息肩滇南閩粵反側地彈壓
正須計萬全往者 君側跋扈在膽粗頗憐東南天
相維亦藉外重勢 廟算自有命世賢愚拙計短安
丘經日高無事且晏眠

懷常靜伯內弟

聯棲每望家鄉連垂老常思骨肉親錦字遙傳初獻
歲梅花空寄又殘春應愁婚嫁多爲累須信文章困
谷口山房詩集 卷之五 無盡續集
有神惆悵吾生逢晚近命途窮達總休論

寄婦人

望夫涕淚尋常涸哺子辛勤日夜難總使歸時人未
老也應憔悴不堪看

長安送程然明代李子靜閣學將眷歸吳卽之

楚赴其幕下

程五齋頭乍見聊論文把酒定交知桂林出守無消
息卽程五洛下逢君慰所思鵲舫將家敦友誼龍圖
籀何濟 王師長安折柳情何限楚水吳山有後期

壽梁仲林司空十二韻

司空獨立表清時經國心勞費未絲庶績庸尊魏
闕萬年純德莫嘉師老成淵略真無匹文采風流近
在茲畫手煙雲 三殿重建言風節兩朝知詩篇工
部原光燄節鉞雄藩待保釐 帝簡久歸 天下望
臣清寧結 禁中兒能貧自昔公何忝數拙于今我
吏奇南郭未忘操翰墨西園猶記把花枝常寬禮數
容疎放許接芳筵觀委蛇四月微薰吹盡閣百壺醉
酒際昌期大椿堂上雙增慶雛鳳階前並有儀已捧
谷口山房詩集 卷之五 尤 燕臺續集

龍顏翊景運須承旭杖慰麗眉

長安送王子允歸省

時于允侍父養在京會湖
南兵亂急歸黃州將奉其
太夫人遊地交湖中恐
有小盜且不宜以輜重往

三春將母兵戈裏萬里趨庭雨雪身聚散無端來意
外征途各自念江濱倘逢梅使須傳信不是桃源莫
問津混跡林泉憑道力好牽蘿薜護松筠

谷口山房詩集卷之六

南遊續集

通籍後里居年餘念從此一行作吏則山水友朋之緣不復得暢適志庚子

春遂治裝出遊登太華而後出關北渡黃河訪同年毛漢公司理于平陽遊典顧適秋乃越太行自襄陽至王元亭為司理四方詞人多有既室時同集王元亭為司理四方詞人多有至者往還謙集頗盡詩酒朋遊之樂酣暢月顧自平陽攜來友頭揮灑略盡薪米迫人冬抄乃渡江至金陵停居度歲庚子正月下吳會至雲間訪梁大將軍天夏買舟入越訪舊詩名大官石門間將為西湖之遊會選法改易詩名大已及張然返樞還至白下以閏七月納溪米兩旬却到金閨返謁錢牧齋先生復下松江晤別梁州取金陵卷已遂選授河間信乃趣掉返至去廣陵之官共得古近體詩二百一十八首

谷口山房詩集

卷之六

南遊續集

涇陽李念慈翁菴甫著

華州道上張伯式邀餞江置

細路春畦裏危亭注八邊石林疎繫馬柳渚曲張筵

勸酒歌頻發尋幽坐屢遷平生真率意見爾復流連

其二

悲歌思往日石室在長安寶氣交重運清狂同上官

長懷解衣惠不忘飲裘寒小肆今非舊經過每數看

其三

去路千山遠交情十載新相看霜入鬢莫惜酒沾唇

脆剖溪邊藕鮮烹坐處鱗愛君耽野趣真欲老垂綸

其四

亂石青峰北風潭數里幽空濛洲渚合明滅夕陽流
遠岸宜疎閣臨溪思小舟異時如有此亦足慰沉浮

贈別代內

五嶽遊裝束已成晨朝將發妾心驚山魃慣有迷人
技莫向天台僻處行

將登太華次嶽廟早起愁雨

夙夕戒僕馭昧興理遊裝濃陰紛四布春雨忽淋浪
名嶽期必到愁為泥淖妨此行入世網歸日誰能量

谷口山房詩集

卷之六

南遊續集

况復陟險峻當及精力彊咫尺一相失終恐隔青蒼
幽懷鬱不愜竚立獨徬徨

喜雨止即衝泥入山

忽報天休雨幡然逸興豪狂遊真此日勝事假吾曹
藥裹包征糗奚囊載濁醪出門遺伴侶詢路入蓬蒿

題王玉質先生手卷閣

元龍小閣碧空峙太華亭亭當面起遙天碧映削成
寒一朶芙蓉浸秋水閣中何有足書史閣下春華放

紅蕊憑欄爽氣撲人來手攬芙蓉入室裏先生臥此
意爲落胸與華嶽相盤礴十年閉閣向圖籍按羅與
秘嶺丘壑只今四海困未蘇朝廷側席求經學百
姓望澤如望雨大儒豈合耽丘壑我願先生捨此出
立登廊廟展大略手携芙蓉頂上雲一爲霖雨灑寥
廓

安蘿坪小憩望上方

絕麗憑巖玉殿開入門臨懸小徘徊峻峭壁窺人
座片片山花點石苔峽口煙雲隨岸噴上方樓閣對
谷口山房詩集卷之六 三 南遊續集

衝杯南峰行到應昏黑興發無勞倚杖催

桃林坪

幽芳不識名叢生綴石腳寒谷感陽春各自逞綽約
中有千歲桃的的耀丹萼云是桃林坪欲進且還却
恐有避秦人曠懷思寄託竚立久不見山花空開落
馳情緬幽渺神遊契寂寞

青柯坪

十八盤行未覺勞平臺少憩俯晴皋喜無雲氣妨高
眺已有嵐光映短袍玉霄垂厓飛素練黃冠迎客擊

雲歟品巖題壁真吾事鑿碧樵青奈雨曹

登峽

南出茅龍菴束帶脫長裾西峰阻當面凝望空絕壁
大雷引東北梯磴乃歷歷手縋踏石穿中情良怵惕
一志鼓前邁如期克大敵千尺亟趨攀少焉出溪聞
附緣亦徒然奮登在壯激懦夫寡真見仰高徒戚戚

宿嶺下

日入山欲暝我行何僕僕龍嶺當我前蜿蜒下山腹
疲足畏險艱聊就嶺下宿月色照荒窈樵火明溪谷
谷口山房詩集卷之六 四 南遊續集

中夜啟北窗清曠愜幽獨

曉登蒼龍嶺

曙入道院明晨興上龍嶺尺磴俯兩壑心目常耿耿
初涉膽尚怯半度力乃猛俯顧瞰荒谿撒手拋垂綆
賞奇怖畏忘疾行逐朝景

登蒼龍嶺

過此人應少雙臨萬仞谿雨晴雲窈窕春冷日凄凄
漸覺三峰近回看衆嶺低嚮非盈尺磴嶽路只終迷

二十八宿潭

選勝青峰曲清流處處涵曙光明飛瀑星影落幽潭
何日能長往臨溪結小庵名牽與家累空使鬢髮繁

西峰

西峰聳拔碧雲回雨後松林返照開放眼川原隨坐
得澹胸詩思逐青來迅飛白日終難繫混跡黃塵已
覺催世事樊籠千古恨暮天搔首一徘徊

經明星玉女祠看洗頭盆

君不見明星祠前洗頭盆狀如石曰沒鑿痕山高氣
凍春未解堅冰白結似瑤琨戴祠巨石大徑畝虛懸
各口山房詩集卷之六 五 南遊集

祇疑無本根土人言是神龜飛來折羽乃住此其說
荒唐難具論予觀此石頰荷葉審視下有根蒂存造
化幻奇何不有元精一氣相吐吞石祀玉女自何代
世遠茫茫無記載客來不見神人持玉漿但見飛幢
曳霧紛晝晦咫尺東峰萬株松風回勢鬢聞仙珮我
聞西方盛陰氣金母正與木公對玉女疑本此
吁嗟世人徒附會

登東峰望叔卿博臺

山勢何奇幻峭拔行愈出東峰在我左突兀還崢嶸

石勢皆南奔萬松生叢密逕轉向北上及巔憩石室
東南望博臺纚纚見垂綯鈎梯法不傳臨溪空惴惴
坐傷奇勝隔中情紛洋溢

登南峰絕頂謁上宮還出四眺

衆山祖崑崙五嶽茲雄長峭壁出層雲巍然俯羣衆
高標五千仞赴天迴孤往窈窕玉女祠髣髴巨靈掌
竭盡筋力能馴致青冥上短衣謁白帝問源竚仙仗
偃仰天池側回顧受森爽極目窮寥廓乾坤真浩蕩
海雲東南生夕日下林莽學仙事荒唐思聊自廣
各口山房詩集卷之六 六 南遊集
何當營茅茨灑然遺塵網

飲白帝宮後石上

山頭把酒愛斜暉春日登峰願不違予丙申在南中
曾有此歸重有
與春日坐嵐迴只疑天路合風高應是雁來稀欲題
名勝愁才短爲問真源歷翠微拚取沉冥愁絕賞萬
山松暝未言歸

贈復菴范湘濱鍊士

我登太華經西峰攀藤附葛躡芙蓉好山處處惱人
眼佳句不成悲填胸逕轉東下還南折前有茅屋翳

青松石榻木几圖籍列徘徊知是隱者蹤隱者何人
范鍊士少年力學窮經史長將筆墨侍青宮勞勤輔
導聞天子玄黃戰劇天地昏龍升蛇走紛崩奔西入
華嶽成長往鑿石結廬坐蕭爽懷中離騷與老莊高
峰夜讀聲琅琅哀猿感嘯陰鬼哭月寒山色久低昂
我來屋下不見君長吟竚立向天雲日夕遇君大峽
下握手欲語情紛紜君兮君兮更努力黃精青飯鍊
顏色滄海黃塵那可蹈此心耿耿無人識爲君作歌
心跡踟仰視諸峰暮天黑

谷口山房詩集

卷之六

七

南遊續集

抵平陽郭外馬上望王九如孝廉園林舍定卽

步入孝廉便畱小酌出吳兒度曲

客行愛林莽駐馬入名園步履無通刺濠梁許倒樽
鹿眠芳草細鶴舞落花繁雅意休來往臨城未覺喧

其二

興發吾無賴狂遊爾不嗔攤書耽地僻愛客任天真
小逕藏溪竹清池縱錦鱗相看幽意愜傾蓋得情親

其三

地迴邀春住廊迴引步遲把荷憐楚客度曲得吳兒

笛轉聲融竹箏調手應絲平生習疎放達暮不知疲

客寓

爲客天涯慣僧房到卽家曉隨金磬起暮對石幢斜
雨砌看移竹風檐課煮茶比鄰來往熟濁酒亦能賒

雨後

大旱二麥空歲事望秋實五月未播種郡國皆戚色
毒日陵天街客寓况逼側流汗無停揮執熱煩胸臆
好雨東北來沾灑忽如織坐愛土膏香晚涼竭病息
間日晴色佳出郭履溝洫萬畝齊秉耒田歌互揚抑

谷口山房詩集

卷之六

八

南遊續集

侵畔青苔深發耜黃壤直喜見民事興他鄉且飽食
萬寶自茲生我貧豈無極

述懷

十年九作客踪跡任浮沉生事苦相逼奔走常踈踈
覩顏滋內恥飢烏敢擇林隱忍營苟得所事違本心
徒知固窮節驅迫感至今人情矜豪勝世俗重多金
紛華豈有極快意終難任古昔甘貧士曳履有好音
永圖在儉德憂哉聖人箴多負憂方大逐機害亦深
年長行不立坐使二毛侵撫躬痛自惜涕下橫衣襟

平山泉龍池

半畝方塘冷噴秋土人爲道此龍湫
霑郊不用雲雷急十二官河自在流

夏夜急雨

中夜雨傾盆軒楹上水痕疾聲奔萬騎
黑霧壓千門乍畏高天漏還愁厚地翻
鄰家聞倒壁鐙火起相喧

雲

片片浮雲去含愁正望鄉東風吹汝急
幾日到咸陽四月淹平水移時入大梁
天涯任飄泊親舍日微茫

谷口山房詩集

卷之六

九 南遊續集

雷

坎坎驚雷發轟空裂厚坤壯心隨激越
浩氣欲飛翻山澤驅潛魅江湖起化鯤
遐方有幽滯爲望更崩奔

平陽早秋

羈棲畏搖落縱酒緩淡愁一夜商飈發
江山入早秋家書遲飛雁客淚盡登樓
淹滯非吾意新涼病不瘳

復陰

雨歇望山青陰雲去復停歌添風浩浩
愁與霧冥冥曩盡尊空覆限多戶每屆
客中無惡况誰敢怨飄零

將去平陽別毛錦來司理

客來遊河東訪舊聊委蛇毛子爽豁才
明刑汾水澄哀矜多平反藉甚有聲施
投刺一相見握手情怡怡居我金碧剝
餉我陳醪劇飲移春晷篋中出新詩洪
響憂鐘鏞古色列鼎彝長歌氣浩蕩颯
颯雄風披君今理名郡簿書亦紛彌文
詞何轉富下筆饒精思我將謁天官行
橐但垂垂旅食情態惡愁思成支離苦
吟詩乃工舛此貧不辭辱君鮑叔知捐
囊相餽貽季世誰能爾感激心轉悲結
交貴知心古風今見之

谷口山房詩集

卷之六

十 南遊續集

永矢不敢忘沒齒以爲期

上太行

木落太行秋斜陽漠漠愁摩天隔三晉
倚杖識中州勤想周流蹟雄傷合從謀
黃雲高不動千古莽悠悠

遠遊答友人

策車出廣陌聯轡遵芳洲齊心同遠適
雅志結綢繆采芳不獨佩得酒必共酬
我懷惟坦放君情澹無求私衷誓永久
豁達謝怨尤朝發黃河渚暮宿恒山頭
引領望前路山川正阻修丘陵多險峻
谿谷莽溪幽

苦霧障人面叢棘生道周
扳襟涉崇坂褰裳涉寒流
遐思方浩蕩世塗任悠悠
眄彼求友鳥和鳴聲啍啍
古道相勸勉結交適所投

山下詩

南下太行原鉅綠疇數村
烟冉冉千畝竹修修
暮靄牛羊下高田禾黍收
軟沙蘇馬足縱轡復何憂

其二

水竹一川足周行十道通
人家青嶂下行李綠陰中
童子工批篋村姬業織籠
卜居宜此地蕭風萬愁空

谷日山房詩集

卷之六

十一

南遊續集

渡黃河

西風吹旅客日暮渡黃河
平野梁園近高墳宋碣多
搖搖終浪跡滾滾歎滄波
牢落乾坤裏生年已半過

緣河諸村

芊蕖如荷碧柿林勝橘黃
野田連密黍官路出長楊
處處催河賦年年赴築防
汴東新又決千里沒農桑

汴渠

山行馬足疲渡河沙較輟
東來得一水小艇足游行
曲折隱平疇但見帆檣轉
河水達南中舟行誠安穩

便欲舍馬去據鞍復繾綣
平生壯奮志最苦行偃蹇
舟小厭幽棲流細畏淤淺
何若跨驕驄到處騁流眄
飛鞚出長楊鬱懷或一展

聞同行沈价人欲歸別走筆訊之

辭我西歸意果真天涯獨客倍傷神
懸知去後添愁臥病骨惟應藥物親

送沈价人茂才歸秦

已分常飄泊秋期敢望鄉
翻因送歸客真欲斷離腸
水落鱸魚美風高燕子忙
應須到吾舍憑語寄高堂

谷日山房詩集

卷之六

十二

南遊續集

秋日寄內

歲歲常爲客今秋又不歸
可憐人兩地不及雁雙飛
獨宿朱顏改長貧生事微
他時或相守只惜少年違

汴州竹枝詞

二十年前歷汴都重來風物總相殊
舊時好景猶能記說與今人見也無

其二

周府當年全盛日丹楹碧瓦照青霄
千端羅綺裁歌障十斛明珠選河嬌

其三

其說王宮樂事頡清歌妙舞曲通神繁華只有中官
見傳向民間總未真

其四

碧流清淺遶城湟脆藕鮮菱蒨荔房溪叟挑來街上
滿童兒擎去手中忙

其五

八月風高放紙鳶竹弦吹激吼鳴蟬夜懸鐙子青天
上一顆明珠賽月圓

谷中山房詩集

卷之六

三

南遊續集

其六

屋大風箏入夜喧秋來持放盡王孫狂飈吹急青絲
斷飛落人家不敢言

其七

紅油車子賣蒸羊啟葢風吹一道香數罷青錢隨細
割擎兒先得幾星嘗

其八

丈五高丘對府門自從水過迴無存卽今平地高丘
上反指淤泥說舊痕

其九

磚城前表進賢坊老府今爲取士場舞女黛消縫掖
入後宮山子祀文昌

其十

大蘇歌吹本吳伶奏向黃公賣酒亭昔日內庭深處
教新聲那許外人聽

行汴東河決處

森茫彌望白汗漫捲諸村聞道洪波下突衝淮泗昏
汴東深澤國臺邑浸城門翠柳傾猶活華堂溼易蹲

谷中山房詩集

卷之六

四

南遊續集

萬家蛙產竈千里穀吹根魚鼈羣離宅蛟龍怒圻藩
滔滔昏墊接滾滾浪花翻婦子盈中野攜持倚斷原
秋高霖雨急日暮哭聲繁堤岸成村落蓬葭假屋垣
短籬兒女出露釜爨煙燔道路傷災異經過長鬱煩
兵戈餘井逕沉沒盡雞豚長吏親奔走中丞屏蓋軒
年年給麻柳歲歲壞居屯供納羣黎怨農桑幾處存
偷生還苦役何路顧高門三哀鴻雁悲歌答斷魂
行藏愧庸碌漂轉任乾坤無力援胥溺吟詩弔楚魂

旅店

旅店秋風裏停鞍已夕曛營營豈學賈逐逐似從軍
蔬飯親燈食村醪假客醺昨簷下秋月破壁見溪雲
不寐心逾苦多愁思更紛蛩吟寒自切馬齧夜常聞
對面惟僮僕吟詩望侶羣去程尚多有何日到江濱

野雞岡

秋水灣頭客路斜野雞三二欲棲鴉六年前過曾經
宿細雨停驂是此家

虞姬墓

虞姬塚上草猶似指彭城歟死恩難報悲歌氣未平
谷口山房詩集卷之六

淚團朝露白愁織暮雲行爲說炎劉後于今代幾更

野曠

野曠風來緩方塘水氣清晚荷鷗外碧落日鷺邊明
穫稻村村急築塲處處平他鄉井穀日且得飽香秔

小酌

小酌愛淡紅提壺碧樹叢野添幽意豁醉遣閒情
朱擬旋高枕淡煖送薄躬草堂一雨溪晚氣清涼

村女坐春米吳牛行負童周遊鄉國遠土俗異方通
柑落粉園實杭收驗歲功江船依岸葦秋色着山楓

壯志顏看劍高吟數倚篷興闌月更上吟罷思何窮

中秋無月旅次獨酌

客有無月還淡坐悵望層雲未肯收萬事絮煩增內
熱一年萍跡又中秋清砧急搗誰家婦長笛橫吹幾
處樓櫺榻酣眠憑酒力暗飛烏鵲迴添愁

南中

南中八月小搖落客行盡日轉山岡彌野青蒲亘千
頃驚人白鷺飛一行跣足腰鎌刈稻女科頭負索牽
舟郎路出豪梁有所思高天無極秋茫茫

谷口山房詩集卷之六

田歌

擊壤有遺音乃在梁宋間農夫耕且歌風颭隔清灣
其音和以永天機發愚頑客子思至治聞聲頗相關
千戈未偃息征求尚多艱天子方盱食大臣或痼瘕
何當罷戰鬪民氣得安閒四海樂南畝我亦辭闕闕
晨朝荷耒出及暮驅犢還耕田長兒女高枕看青山
盱眙山上憶所見六年前過此有所觀今客路
收易舊地亦不復可識矣立

馬悵望不勝低徊

主人牆裏憶相遭玄穀長衫約茜條幽徑不防行客

見新篁竿子打櫻桃

其二

路傍凝望喜牆低舊過重來跡已迷綠竹園林芳草
徑依稀還在北峰西

其三

橫態含嬌望不真牆邊久立轉成雲到舊地今難
識碧水青山思殺人

寄懷王恢傳內兄徐州判官

爲官遷謫判徐州念爾離家七見秋我總頭顱非昨

谷口山房詩集

卷之六

七

南遊續集

日一寒仍擁舊貂裘

其二

瓜州乍面旋成別屈指流光又五年人世幾何常契
濶那能相憶不妻然

夢女姪韓子十韻

冰玉精神似聰明掌上珍客中那見汝夢裏暫娛人
別日方三歲離居又一春終年苦思憶千里隔風塵
急側矜行疾清冷學語真喚人聲刺刺遶膝走踈踈
失母深憐小多啼未忍真漸知避賓客已似愛珠珉

隨姊時牽袂非男亦慰貧含飴今日喜詠雪異時新
應許知文字淡憑悅老親飄零兼困厄何日遂歸秦

飲孫豹人慨堂歌

生不得與子皇塗同佩散經綸海內參密勿又不
能與子丘貉同放浪縱酒醉齊得喪胡爲踪跡兩
相離我在秦中子邗上前時客裏一逢君論文壁壘
不相讓江頭作別四年餘故人未寄一行書今我命
駕還南之握手無語出新詩讀罷徐徐問生事始知
頻年貧更勸園林已典他人居清泉老樹成空虛九

谷口山房詩集

卷之六

六

南遊續集

月合家衣未授忍寒兒女色躊躇坐我慨堂中飲我
廣陵酒兒女出拜我歷歷言親舊兒婚女嫁復抱孫
見之使我嗟歎久吁嗟平兒輩儼爾頭頰白雄才空
老真可惜歸鄉何日計不就流落天涯過半百回頭
囑君女亦還囑君兒貧窮雖良苦遣之夫何爲汝翁
豪傑士義不事詭隨若使肯富貴立見綺紈金翠相
追飛登山已云險世途更嶙峋然履一失所陷阱隨
其身我實知此事中苦爲養親汝曹且安貧勿向爾
翁嗔君不見大儒往往先困厄皇天不苟貧庸人

讀漑堂近詩

不見孫郎久相逢有好詩長貧工著作久客罷愁思
健爽驅風雨光明走魑魅漑堂陳列國評論慎文辭
饗人死

爲客重加餐饗人職頗急老僕有阿護忠朴信所及
事我雖未久食性已能習沍寒與酷暑未嘗怠所執
時復理水漿幹濯及袴褶從我到維揚忽焉遽虐疾
藥餌投罔效十日絕米粒我行向淮陰畱汝事調息
病瘥念當補參朮寬其給詎謂行未遠泉路竟早入
谷口山房詩集卷之六 九 南遊續集

事理古難窺行好奈命澀勤勞未有答念之一悽惻
高郵夜泊

沙際蚊雷喧日暮岸邊螢火照秋淡細聽寒柝孤城
夜獨宿扁舟萬里心

九日淮北舟中

重九飄搖數轉蓬登高無地且舟中崇朝嘯倚孤帆
疾連日渾勞百丈功預擬故人淮上晤定攜尊酒夜
淡同閒身尚許東西便儘載霜毫問國風

上漑撫蔡公

三城淮安有晴色五雲邊七道風清節制連漑指七省
南紀供輸憑著畫黃河粟米轉樓船封章氣載湖山
壯帷幄心同海日懸積計盈還召入只今寰宇息
烽煙

奉送任雲石太守備兵榆林

白門薇署春宵聚座上淡聽玉屑霏交阻彥升常夢
想治傳汲黯最光輝海民臥阻雙輪發塞路翹瞻列
宿暉西北兵徒天下勁控邊端賴劑恩威

九月十四夜看月

谷口山房詩集卷之六 十 南遊續集

江上渾無夜傳杯盡二更林鴉棲不定草露照俱明
秋望顚移處霜天獨遠征故園在西極炯炯正含情
過黃蘭嶽新構園林

湖艇曾秋泛遙城有一關如何臨綠水突兀起青山
曲折藏花竹蕭疎遠闌闌卻愁天下望如爾未容閒

寶應小寓

小寓環流水西鄰范相祠疎庸吾自惡往詰若相規
僻宇宜高臥清秋可賦詩船喧聞載稻歲稔樂蒸黎

一室

一室終朝坐寒鐙靜掩屏鼠聞牀上墮梵放夜溪歸
書卷堆狼籍爐煙裊細微伴人惟底物相對久忘機

過寶應懷兄叔則叔則字其手請

文人爲政多佳蹟墨藩風流處處存昔日詞華照淮
海他時嶽望見崑崙倒源獨腕同江注逐影羣賢枉
電奔秋過射湖憶彭澤柴桑菊酒臥山村

封船行

兵船南交黃河生河中十日斷行旅拿船載兵軍檄
急賈船散逃無處所被拿倉皇催起載狼籍裝堆

谷口山房詩集

卷之六

三 南遊續集

岸渚船火載兵不得發持火向宿船煮成被奪
兒女啼還恐兵聞肆筆楚

風雨歎

捨舟坐空堂底免均攀苦那復值連陰愁風還愁雨

其二

愁聽三更雨還驚徹曉風心搖眠不穩猶恐在舟中

其三

高樹聲還急虛簷鐸未安空牀已無寐猶爲送秋寒

飲酒

飲多畏脾淫飲少愁無寐一飲何多端銜杯費籌思

酌酒 客寶應作

日就岸上坐夜就船中宿船中非吾廬岸上豈我屋
客子事遠遊常年別骨肉故里涇河邊西風有叢菊
回首歎遼渺馳情傷荀處本挂揚州旂却看安宜竹
動止非由人因緣信轉逐孤城帶五湖木瓜秋釀熟
澄波滌煩襟秋天可放目老僧掃大榻邑宰分微祿
酌酒還吟詩聊用齊久速

榴花

谷口山房詩集

卷之六

三 南遊續集

秋盡行入寶萬木葉墮揮如句煙瘴嶺一花開的爍
結實誠已難神色淒損削霜風日夜吹居高豈其托
雖有丹赤姿非時終蕭索士生亦有然感歎涕橫落

歸舟

十日城中坐今宵又到舟蕭條辭八寶倏忽盡三秋
散帙燒殘蠟開箱檢敝裘射陂寒浪濶渺渺急子愁

舟中

不經岸上勞誰解舟中逸生世百年間舟中還幾日

其二

舟裏身無事心憂復萬千萬千無一濟何用苦相煎

舟中晏起

客倦連宵酒船開半夜風秦郵行欲到猶在夢魂中

秋盡

漸覺霜颼力江寒急落楓客行兵過後秋盡夜愁中
行李添南酒音書滯北鴻無錢愧僮僕敝袴忍寒風

舟中看新月

扁舟日落維荒渚新月光生慰寂寥水裏細翻金冉
冉蘆邊曲射白蕭蕭亂檣徹夜繁燈火孤夢移時數

谷口山房詩集

卷之六

重南遊續集

動搖卻念故園人悵望玉鈎清冷照無聊

舟中看月

光明常不寐清冷欲摧顏相對終相愛篷窗夜不關

夜行舟中聞雁

增繳滿天地冥冥夜或宜如何更嘹唳若爲說哀思
猶苦家書阻空增獨客悲勞勞君亦爾寧有稻梁期

露筋作呈孫豹人

有露筋女祠土人卽以名其地

舟行露筋祠欲拜露筋女當日堅貞人擗生在茲渚
藁砧雖未託大義已自許肌膚良所愛嫌疑終當去

衆口復何爲筋露名乃巨嗟哉守身者當境宜審處

我來黑夜中景仰費延佇棲泊兵舟繁不知祠處所
憑弔空復情吟詩寄孫楚

放舸

南征百里是高郵蘆荻風生兩岸秋放舸今朝疆放
馬揚帆一日到揚州

十月一日

孟冬當初一秦俗修二簋感時霜露繁寒衣薦宗祖

游子事行邁湖邊阻兵艣晨起正徬徨窗前復密雨

谷口山房詩集

卷之六

重南遊續集

追遠誠大節連年違鄉土我母早棄世孤墳今宿莽

伊時襁褓中通喪亦虛數廬墓久繫懷此典終未補

歲時祀祭疎悲傷因貧窶我生殷憂中仕路方險阻

痛此祿須干誰敢輕華膺入官已有期奔走營資斧

覲顏向親知往往遭厭侮假貸亦云易長安多大賈

迫索太無情勢急或妄取忍辱與爲貪兩事此猶愈

寒冬十月交獨征歎踽踽今晨况觸憂懷惶腸內腐

逝者已遙遠存者終厄苦遭遇良如茲有恨彌終古

雷大伯顚見過

大儒代絕誰當續愁眼江邊見此人文雅交遊千里
合亂離情話異鄉親一編明志甘荒野廿載全身把
釣綸困頓無聞吾最愧吟詩小技未堪倫

贈王築夫處士

名巖本長安
流寓寶應

史學從來歎最難王郎彩筆老江干千秋疑義論常
著萬卷傳書貧自攤寓處垂綸同渭水鄉心落日望
長安藜羹裋褐今時困勁節雄文異代看

芭蕉

芭蕉寒不死霜打正離披爲爾傷遲暮愁人奈歲時

谷口山房詩集

卷之六

五 南遊續集

青雲紛失色翠袖久無姿獨坐看榮落物情盡可悲

贈僧半山

髮去名猶在家拋累竟空爲庵仍別業冥識入宗風
繪事人多乞詩篇老自工愚山來往熟畱客已公同

平山堂

歐公政暇傳觴處遺趾荒涼夕照中藉草尚畱杯影
綠把荷常憶舞筵紅江城文矣誰當續世網稀疎那
更同安得昔人爲之三還樽翠柏颺春風

董相祠

一代大儒空寂寞祠堂零落倚邗溝寒天急雪侵碑
蘇軾日清江颯客愁道感兩藩真自得名垂千載豈
相求紛紛功利爭馳際展拜頤教涕泗流

東劉峻度

君家內子工文藻笑我耽書更苦愁歎息步遲明月
下呻吟聲出短牆頭庭闈奉養無甘旨世路艱難盛
盾矛四十無聞生計拙那容懶惰信浮漚

徐生小像

北風吹酒醒江畔徐生揖我索像讀我未見像獨見

谷口山房詩集

卷之六

五 南遊續集

君落筆無從思汗漫看君神情有寄托七尺骯髒意
諸誰一生蹤跡在歡場半雜公卿半丘壑憶昨汪生
邀共飲酒酣耳熱清歌作夜暑潛隨緩節移梁塵細
逐哀音落聽君一曲暢我情十年激憤中忽平但當
日日快意與君飲何必勞神苦思求榮名

方佳客擊鼓

撾鼓夜三更淵淵氣不平洪音融雜吹促節赴哀聲
雷發雙蛟闖湖歸片月明知君有壯志落腕太縱橫

谷口山房詩集卷之七

南遊續集二

涇陽李念慈劬菴甫著

汪生小像

此子真丘壑家僮畫壁人書編閒獨把茗椀坐相親
畫裏容顏好尊前意興新蕭疎雲石畔棲託總天真
贈程穆倩山人

新安程子擅異才胸中廓落行奇恢文章崛奧意獨
得自視今古皆塵埃有時與酣握禿筆紛然圖畫山
谷口山房詩集卷之七 一 南遊續集

崔嵬荆關董巨夷不屑筆法自闢黃海開工按六書
窮點畫昆吾錯莫鏤金石卽看此事誰匹敵作者如
雲都辟易可憐世論難可詰往往還遭俗眼嫉感君
貽我雙銅章頓令箋軸生輝光手攜著作盈一尺颯
然出誦當風霜兩人相顧還命酌蕪城片月落清觴
吁嗟砥礪勿復道門前車馬空茫茫

程穆倩索題郭恕先畫滕王閣圖

帝子在洪都建閣章江中下基礮水府上勢摩晴空
西南山川千萬疊凭高覽眺測冥濛閻公嗣此會賓

客王郎詞賦照今昔後來頽廢過無存但見江流浩
浩搖空碧我昔章門過行李突見層樓岸上起知是
中丞蔡公締構復鮮新綺窗三面臨流水程生過我
雪霜天手持閤圖珍拳拳筆端纖髮工如織階磴可
履簷牙全齊紈扇面徑尺圓高臺飛檻森迴旋研視
不見筆墨跡忽如置身巍閣凌蒼煙西山南浦指顧
間揚舲維纜萬里船檣烏渚雁紛往還耳聞江水聲
濺濺誰爲此者郭恕先筆精煇耀幾千年屏營把閱
懷高賢名圖盛事永流傳

谷口山房詩集卷之七 二 南遊續集

愁

客久忘逆旅起居若故常有核稍具辦賓至便命觴
笑言復詠歌歡樂難可當夜夢忽還家覺來知他鄉
定省違萬里浪游况無方奔走何爲者枕上涕悵悵
憂愁汝何物淡入斷人腸

廣陵送任叔源來自閩中北上

萍跡都無定相逢亦偶然客牀連雪夜別酒把江天
駿足堪千里公車困七年漢庭徵對策今識董生賢
冬夜慨堂看月示豹人

孤月牆頭上高懸處士堂團圓羞照影清冷畏流光
海內交遊薄江邊歲月茫無錢吾共汝相對惜空觴

溉堂臘梅

顆顆含苞發臘梅雙樹黃霜中看漸大寒日迴能香
樓泊成高臥淹留數舉觴相憐慰愁思不必映吾堂
米盡

歲暮大江干羈棲氣不懽愁中看米盡病裏怯風寒

萬國徵求急天涯道路難蒼生異時望何以勉加餐

席上贈歌兒夢珠

谷口山房詩集

卷之七

三 南遊續集

十分春色五銖衣度曲嬌鶯恰恰飛只恐風前吹却

去湘簾一道更教圍

其二

小史殷勤勸客杯向余欲進復遲回受風輕鷺差相
似一顆明珠夢得來

歲暮邗上述懷兼呈王貽上司李

悠悠殘歲徂客心盛愁思經時滯江鄉自哂亦何事
廣陵大道邊賓客所羣萃宴會與過從朝暮紛填委
奔迫酒肉間逐人成勞勩三月無一錢僮僕色顛顛

薪米良瑣屑乞貸忍詬誶敝裘亦已典謀畫及襪被
膏斷妨宵讀爐寒追夕曬南酒豈不佳空囊難取醉
綿綿冬夜長欹枕常少寐親知過寓居顧此發長喟
禁網正殷繁君也稱廉吏吾道有窮通敢爲良友累
躁情泥遠圖君子重居易苟得誠非難當機審義利
努力平怨尤古德未云墜

邗上長至

萬國陽初轉吾徒道欲亨艱難對寒雪踟躕望春明
閒覺詩篇進愁看歲序更長貧累朋友耿耿念平生

谷口山房詩集

卷之七

四 南遊續集

冬夜溉堂餞孫豹人之鹽官

歲暮客旋歸念子方遠征罍空乞米急常格亦所輕
子廬非我廬我居君反行兩人貧各甚觀者傷其情
置酒鐙燭下相視飲無聲四海少稻梁飛鴻復安營
飢餓或偶然終期守令名

廣陵雜感

邗溝繁華地大賈氣揚揚金錢擁富厚親戚皆輝光
客子獨顛顛慨焉成憂傷歲暮雨雪急行李色淒涼
賦詩一千首不能充飢腸仰空久竚立身世事茫茫

其二

處世忌太潔含垢良亦難當境試吾學鬱鬱心力殫
虛舟觸石角跬步成峰巒世情固多妄毀譽豈無端
寡識自貽戚敢謂行最完是非久當定君子居其安

其三

齊統沾垢汚淋濯感清澤玉石邁良手始得稱球琳
我今有過舉良友相規箴拯我迷惑中愛我比南金
德義幸未虧其樂難可任

擬出塞

谷口山房詩集 卷之七

南遊集

為儒終困厄國步况艱辛投筆從戎馬出門當良晨
回頭顧婢妾送我涕沾巾大笑遺之去勿為念舊嗔
嫵婉及少好努力事夫君封侯歸無期空閨負青春
丈夫有壯志焉用誤他人

其二

男兒憤國愾辛苦事戎軒橫舟下東海長劍倚西崑
幼出老還歸頭上霜雪繁生妻已去室煢獨聲自吞
出門二十載未能報主恩生當死疆場何必有兒孫

雜興

清晨獨高臥幽鳥鳴前軒霜葉乾未脫微聞雪聲繁
起坐當窗牖散裘氣不溫還解身上衣換米煮朝餐
米色爛如銀當食念二親故鄉三千里游子在江濱
詩書滿几案與義何淡醇虛檐自把讀聲高聞四鄰
努力愛微軀天下久風塵

其二

漢興輕儒術絳灌稱老臣孝武負雄略取士首躬親
董生良大儒三策爛然陳論治必根本原道及天人
大哉正誼學頗閑可等倫熙隆未當奏相藩跡酸辛

谷口山房詩集 卷之七

南遊集

正己感驕主抱德終未伸此人竟寂寞誰當秉大鈞

題汪湛若上巳梅花卷後

湛若園梅先是上巳後重花羣公贈詩

成快予最後把卷慨焉夫梅有幽貞之姿豈
宜與桃李競發然若乃為予言自是年後流
寓播遷遂不復得窺此園嗚呼非時
之榮君子體之干斯益信矣因賦

霜姿不自守忽似愛春陽竟逐李桃發其如零落香

名園禊事急官閣燕飛忙無限繁華裏相看意轉傷

江舟夜發

河口輕風生日暮扁舟欲泊復揚舠千村過岸門皆
閉孤枕聽濤客獨醒遠渚月明出皎皎寒江夜色流

冥貧窮轉徙微軀賤腸斷秦關憶濁涇

燕子磯

磯勢如飛墮空江滾滾奔興亡前代閱樓泊暮舟繁
短日斜亭景寒潮落石根登臨無限事感激對津門

紀遊

驅馬出關門駕言事遠遊平陽唐虞墟沃野曠悠悠
雁門在其北中條遶南迴固關實東戶蒲阪壯西陲
其民尚勤儉古風至今留鹽鐵與煤井美利隨處優
惜哉戰國王攻取自相讐雄資不善用殘民重悲愁

谷口山房詩集

卷之七

七 南遊續集

合從一解散吞并遂秦謀客來畏炎暑坐淹春及秋
東上太行巔四顧豁遠眸面對嵩岳岑俯視黃河流
成臯想漢壘洛邑緬成周昔在有明末盜賊實所投
風塵一騷動干戈變九州閣干傷往事雄武啟今猷
問舟榮澤口秣馬武陽疇吹臺無李杜賓客少枚鄒
慷慨復南下攜劍過商丘搖搖經梁宋迴迴指邗溝
西風聲已厲天地忽蕭颼登高鍾阜巔濯足長江頭
乾坤何寥廓南土風和柔流覽恣所適浩蕩銷我憂

哭顧與治

昔我遊南國豪飲愛詩篇投分交君子一日數往還

西歸咸陽去離隔歲五遷鴻書斷空際翹首蔚藍天

重來君忽沒耳聞心愕然胸中無限泪迸落夕陽前

悠悠秦淮路冥冥石城烟逝者不可作素心失此賢

手持一尊酒酌君鍾陵邊吟詩不見賞惆悵九重泉

過亡友顧與治舊居 居在新廊

顧叟懸樓在新廊忍更過淒涼想文采黯澹向山河
存友收零稿空堂盛壁羅洲田真自累遺恨委江波

鳳羽兄七十

谷口山房詩集

卷之七

八 南遊續集

治家如治國幹事貴精勤任人兼無失大業鮮不振
吾兄本良材志氣蚤嶙峋十三躬負販出門走通津
東南懋遷地獨征歷艱辛雜苦非所尚億中妙如神
選擇廣付託運用若身親分財撫諸弟營甘事二親
江海及嶺阪舟楫更車輪專壹感蒼昊風雨為相因
貲贏到南畿築室秦淮濱潤澤被閭里質直無緇磷
交遊多巨公車馬常在門垂老意無懈禮數益精純
聲色少所嗜儉朴意自珍以此神健王疆固保天真
只今年七十顏朱髮未銀家成身亦潤此理近先民

生世苟有立何必垂華紳宴樂比鴟毒自用良小人
我願將此事陳詩告王臣

鄧元昭先生萬竹園奉陪施愚山副使卽席賦
太史幽棲地詞人佳興同雅集連日夕追隨許微躬
開尊對綠水啟牖納輕風秦淮佳晤最宣城詞賦工
古堞過殘照清言豁愚蒙眼中有泉石城隅卽牆東
送倪閣公茂才還之江右

我昔到南州意在登廬山塵緣苦相迫空往復空還
眼望雲際寺馳情成鬱煩吾子雄傑士蚤得遂遊盤
谷口山房詩集卷之七 九 南遊續集

林巒發灝思麗藻何翩翩暫返石城道還泛彭蠡烟
將我一片心因君寄遠天爲謝五老峰終期窮躋攀

鄧元昭先生招重過萬竹園飲同施愚山副使
風軒不受暑水檻迴生涼萬竹環戶牖亭午發微香
誅茅開幽徑伐石貼方塘地僻塵事減心閒道味長
髣髴裴公墅還如謝傳莊詞人來敬亭連夕共清狂
而我獨何人屢升君子堂接塵聆高論列坐飛清觴
夙仰一以慰永言依輝光

戲柬訊孫易公晚香堂菊

秋晚堂邊嫋嫋枝昔過曾是菊花期間君一種東籬
艷金色還能似舊時

歲暮寄懷梅杓司宣城二首

我來潼關西君到大江陽萍跡非一處相見邗溝傍
少談情已合出詩各一囊蔬果設小飲留連孫子堂
時子居停約人慨素交無新故質論竭衷腸愛君清
堂值梅過卽留酌迴作古體尤擅長蘭草抽幽思瑱璠發堅光作者維
多有雅音久蕪荒努力反正始君才詎可當

其二

谷口山房詩集卷之七 十 南遊續集

相知纔幾日相別上江船君言倦流寓歸老敬亭邊
後會竟難卜惆悵黃花前嗣遇施副使尚有作不徒
然格法君或敵顧我慙比肩依人良自誤散盡囊中
錢故人虛文辭客寵斷炊烟觀此遊無恨快心交二
賢達念宣城道歲暮鴻書傳

與家兄舍姪守歲金陵

殘冬繁雨雪守歲復江城對此一尊酒還令百感生
升沉離亂後骨肉異鄉情萬國風塵滿何時見罷兵

辛丑元旦

男兒幼志學及壯當聞道其次樹功勳維風進熙皞
我生長碌碌閱世空潦倒三十過四歲年齒未爲老
所愧學術疎出處甘小草江城度元日齋肅禮蒼昊
蹉跎韶華馳恐此負大造春氣漸發揚梅花綻欲好
吟詩雖復多于世輕如縞長嘯出層樓江風吹浩浩
正月二日康小范孝廉招同諸子飲集有懷林

二史孝廉

南國過從復新歲別離却憶屢經年暮雲每望江東
日秋夢曾驚海上船雨雪乍晴圍坐處梅花欲發把
谷口山房詩集卷之七

十一 南遊讀集

杯前天涯萍跡看仍聚獨念林生意黯然

與歌兒

友人蓄歌童數輩甚憐愛之命以佳名席上各書與一詩並呈主人

碧葉著秋色天嬌望若霞自貪楓樹好不復愛桃花

樹紅

其二

應是種藍田誰將貯金屋不誇莫瓊樹錯喚劉碧玉

玉綠

其三

皓質因風起輕花亂眼飄賞心異紅艷珍重比瓊瑤

素雲

舟發

輕裝發揚子搖曳入空濛茗煮春潮水帆懸曉岸風
漁磯習颺颺村社鼓逢逢連日晴皆好江鄉卜歲豐
江泊看月

輕帆轉石城月皎維舟夕春晴過上弦澄江應潮汐
小舟少板屋水宿覆片席孤光對欹枕流寒著背脊
披衣出短艙久立愛清魄冥冥山色蒼濛濛江氣白
四顧意寥廓幽賞寄空碧

谷口山房詩集

卷之七

十二 南遊讀集

西風

春水一江活春船片葉輕西風富持席淅淅爲人生
行李臨鐙夕飄零去石城金焦看已近興發扣舷鳴
潤州夜泊憶舍弟

江色暮冥冥蘭橈近郭停桅檣繁夜泊鐙火亂春星
小酌看蟾兔羈縻念鶴錫潮生舟泛泛水宿客常醒
周濂溪先生祠

先生依渭陽讀書此山隈種蓮堂階下相對清芬開
我來肅拜謁步履破莓苔舉世競功利理學久塵埃

荒祠徒遺蹟棟宇多摧頽尚有碧池水日暮涼風來
咫尺鶴林寺金碧耀樓臺懷古一歎息耿耿中情哀

竹林寺

萬竹編山逕紆迴到寺門兵戈從倂擾鐘磬自朝昏
清梵聞松杪春泉出石根空巖幽興適短髮欲全髡

金山

突兀一峰浮澄江四面流寺樓臨北固塔影落揚州
橋櫓過千舫雲霞變十洲水鄉猶戰壘登覽暮懷愁

飲金山寺下廊還就舟中小酌南渡

谷口山房詩集

卷之七

十三

南遊集

孤嶼出溪江中流得石磴步盡飛巖巔攬擷江天勝
落日當荆楚長湖識寶應海風萬里來吹我微醺醒
欲去復命酌石欄臨江凭舟楫俟山腰鳬鷗到竹徑
載酒暮江清舟飲有餘興

舟飲

妙高風色碧流涵縱飲觀濤半已酣日暮小舟堪對
酌却攜春酒過江南

焦山

幽山如處士獨立大江中日見千帆影巖棲萬木風

海門溪突窺秋色混冥濛靜覺浮生幻耽奇意不羈
焦隱士祠

先生難可見姓氏重青山憑弔空陳跡風塵赧客顏

江晴龜出曝林晚鳥飛還幽勝堪招隱何時此閉關

嘲石尤

妬女風狂阻去程扁舟欲發浪崢嶸不知對面辭家
客却挂輕帆盡日行

丹陽道中

乘春下潤州山寺愜冥搜又挂帆檣去真成汗漫遊

谷口山房詩集

卷之七

十四

南遊集

石橋通過舫斷岸入橫流計日臨吳會攜觴問虎丘

春日梁溪舟中看雪

正月已下旬江南雪盈尺旋風落未休船頭見委積
呼童事卻掃出望飄墮跡千林交亂瓊平囑仆廣壁
冥冥梁溪暗莽莽錫山白三農紛已動萬卉待甲坼
凍風滿郊原勾芒失德澤兵戈正多艱民生苦蹙迫
時令一何乖春田滯難闢豈無蘭陵酒欲飲情格格
憂思浩然生不獨感行役

錫山雪泊

節過上元還五日錫山急雪打維舟已淤泥淖妨春
事更進風寒颯客愁何處蘭橈乘夜色誰家羌管醉
高樓蕭條又向松陵發回首江關憶舊遊

雪晴

鳥飛夜將曙舟子報朝晴卒起催進發高帆日脚生
篷窗背風啟坐聽榜歌鳴積雪照行色天地何晶瑩
盪盪吳山秀泠泠春水平搖漾娛心意蕭然萬慮清

阜橋

我愛梁伯鸞高隱偕賢侶夫婦到吳門流寓伯通廬

谷口山房詩集

卷之七

五

南遊續集

甘心執賤役厲志辭華膺舉案婦之常儀刑茲焉取
閨門接阜橋維纜依環堵懷想問遺事緬邈中勞苦
榮華有衰歇此風竟千古

沙湖盜

舟過沙湖口有盜夜劫人賈船遭劫泣向我陳
傳來漸急我心爲驚我目四顧手持兵念七尺之軀
何所迫胡爲深夜向此行
二解 漸漸流水朦朧秋月
交舟而馳相遇倉卒我飛櫓薄賊賊勢爲屈縛其魁
來檢視舟中纍纍皆賈人物
三解 縛賊急賊且告

我身是中丞兵有籍在標左我欲聲之淡有未可
解 嗟嗟汝曹歲有餼月有米養汝弭盜汝反爲此我
今有汝汝遵我指劫不可爲改將無死公行而劫伊
豈獨爾
五解

青浦道中

扁舟下青浦百丈逐長堤處處橋當戶家家竹障溪
野田通湖水小艇取河泥何日成吾懶爲園效此棲

松江舟中

松江過吳會一道得安流旭日檣鳥動和風岸草抽

谷口山房詩集

卷之七

五

南遊續集

近城先見塔入市盡通舟柔艣春衫把吳姬倚柁樓
松江寺寓十韻兼呈梁神天大將軍

金剎碧流邊僧房可偃眠海風朝更急江雨夜相連
下榻燈初舉扇爐茗續煎客心碎檐滴歸夢隔春天
暫喜離舟楫急將發簡牘平生悲過隙失學惜流年
揖客爲君重傾心愛士偏文章空自好飄泊竟誰憐
虛譽猶叨竊微官欲局攣江湖有微尚不待雪盈顛
春日張友鴻招飲家園索董子度曲
時友鴻將
之任與南
愛汝園林迴貯春板橋流水碧鄰鄰疎梅照影斜臨

檻好鳥啼聲側向人萬里壯行須縱酒三都擅賦莫
憂貧多年不聽秋郎曲且醉尊前一闕新

送張友鴻司理滇南

萬里昆明道脂車騰欲經滇南正新造君去慎輕刑
江雪寒行色梅花落驛亭懷柔咸 聖澤須使念

朝廷時平藩專制滇方
不復知有朝廷

客中見海棠有感

它鄉又見海棠開故國花前燕子來苦憶庭闈趨侍
坐共憐芳影月徘徊繁紅匝樹垂應好獨客頻年滯
谷口山房詩集 卷之七 七 南遊續集

不回吳水秦山四千里生涯節序莽相催

吳六益池亭看花

戀坐花前奈爾春池邊一樹最留人多傾沈碧開青
眼更惹飛紅臥絳芳

其二

春來閒卽到君家不看桃花看李花賓主全忘無禮
數少錢買酒也須賒

其三

松江十日九風雨無雨便因花事忙野水板橋籬舍

外醉將跣足踏滄浪

徐文在西余山居

修廊百級曲逶迤步到山腰總未知三泖澄光搖放
眼九峰碧色對銜巒穿階竹筍青青出綠木薔薇的
的垂地主能文兼道氣看雲取醉更何疑

信宿董得仲東山草堂 在松江余山下

夙昔聞吾子常年臥此山水光遶茅屋峰翠落柴關
著作應能富花時迴得閒到來貪勝賞累日未思還

雨臥

谷口山房詩集 卷之七 七 南遊續集

連雨食晨臥陰泔黯日華僦居常在寺久客豈無家
苦竹低垂葉辛夷晚著花夜來千樹溼愁殺未棲鴉
雨不絕懷友人浙中

淫雨如愁緒纏綿無已時佳人隔吳越千里重相思
高臥過旬日春陰滯百爲江湖泥淖滿飄轉况多岐
晴

旭日九峰晴檐前亂鳥鳴今朝還早起興發爲春明
殘霧晨光溼遙天碧色生青郊應得出流覽放吾情

軍城雷雨晚霽

朝雨軍牙暗橫斜萬道飛奔雷翻碧漢激電驟金輝
稍覺城陰散還看海氣歸天心迴仁愛向夕更春暉

登秦駐山看海

萬水走東南積流蕩坤軸言登海上山一放空中目
二儀忽混合島嶼紛噴沐茫茫何終極浩浩見容蓄
蓬萊三仙人凌波騎白鹿舉手招我遊欲去身多肉
回頭顧城市攘攘傷局蹙願從狎鷗人開襟洗煩燠

其二

秦皇并四海飛劍騁雄略窮極世上欲還希神仙藥
谷口山房詩集 卷之七 九 南遊集

長城既西築驪山亦東作輦圖思萬世民生咸蕭索
巨橋那可成臨望心旁礪輶車載臭腐馳道空寂寞
徒令鶴上人大笑入寥廓

秋日客石門却懷雷霖公明府因及鹽官泊處

停居借雨行春舫十日淹留大海邊萬戶臨溪開水
檻千錢損俸給魚鮮明粧幾處浣衣女采吹誰家迎
婦船回首高秋思正切孤城風物總依然

得家書

邇上家書至慈親病未瘳問安身恨遠縮地術無由

樂餌貧難得違離歲又秋何當起盧扁誰欲覓公侯

憂舍弟

高堂胡不念所事屢堪哀身範真吾愧徃任負汝材
艱虞此何日憂患伏多才痛哭關弓射圖終冀一回

辛丑立秋日述懷

春光曾幾時秋風忽然生嘯鳩不在耳寒蟬樹間鳴
前日新綠葉腐落爲流螢二曜不相顧歲序潛代更
客行覩此物耿耿使心驚人壽少至百在世各有營
我生隨其閒一事尚無成懽樂邈無攀愁思常與并
谷口山房詩集 卷之七 十 南遊集

閏七夕

天上烏橋應更駕人間鳳曆又新秋千家乞巧重陳
果一歲穿鍼再上樓露重碧天氣欲下月明雲漢聲
西流吾生幾度逢今夕且把青尊蕩客愁

金陵納妾夜坐鐙下有感

弟疎仍失學母病苦難支嘗膽愁無補爲懽豈此時

貧家更益累良夜轉多思萬慮煩胸臆遲迴鬢欲絲

其二

無兒過少壯親意急徵蘭卻念閨中婦牛衣泪未乾
錦衾遲不就華燭坐將殘多病臨邛客橫琴彈一彈

閨夜

玉竿殘雙酌青鐙照二更人歸錦衾臥月上綺窗明
述別

石城有好女十五方盈盈歸我未廿日別汝事遠征
行李亦已具分手在斯須含羞不成語微顰整羅襦

谷口山房詩集

卷之七

王

南遊續集

纔爲鴛鴦旋逐萍與梗心折合懽花目斷孤鴻影
懽娛良可念王事亦有期及此趨就列豈敢戀重
帷朝登木蘭舟暮泊城樓下古堞隔新懽氣黯江天
夜高樓吹玉笛字字斷腸聲一夕清溪曲相思白髮
生

西風

別離已昨日往路去如梭吹我帆檣急西風奈若何

擬閨情寄行人

聞到秋江口停橈未挂篷郎舟總不轉妾感石尤風

停舟毘陵與友人別

梁溪秋色好與子且同來此地仍分袂何時更舉杯
微吟雙泪下細雨一船開悵望孤帆沒鄉心賸欲催

與小妻寄秋衣

有客金陵去緘衣寄汝邊離居念寒夜獨處惜芳年
世路今如此男兒竟可憐閨中那盡曉只恨不言旋

虎丘值友人泥飲

虎丘遊冶地來此及秋光與爾忻相值開尊卽故鄉
哀歌激流水急管發清商誰忍扁舟裏空悲秋夜長

谷口山房詩集

卷之七

王

南遊續集

秋氣

秋氣橫南國蕭森萬木悲正當離別日又是斷腸時
獨鳥歸林遠孤帆落照遲征衣寒漸薄搖落負佳期

舟夜

吳酒綠無賴孤鐙紅可憐悲歌當子夜長嘯入江天
身世干戈裏舟航風雨邊蕭條雙劍在倚酌伴無眠

奉贈錢牧齋先生

當代文章伯歸然魯殿存崔巍瞻嶽表浩蕩挾河源
譽望千秋重乾坤一老尊虞山雲物好詞客簇金尊

其二

秦淮倡和日回首六年餘椒酒迎春至梅花照歲除
書生霜緒論長者枉高車嚮往懷真切重來願不虛

青浦舟中

吳水過青浦清冷喜殺人客心有如此雲月坐相親
繁藻澄堪摘魚鰕見最真鬚眉苟不愧對此可垂綸

十四夜舟中看月

秋水江湖白省征厭苦辛扁舟今夜望華月異鄉新
歲歲看皆好輝輝意獨親高明牘相照應亦愛吾真
谷口山房詩集卷之七 重 南遊續集

復到松江贈徐武靜四首

去茲忽五月每憶共春杯棲泊成吾懶艱虞惜爾才
交情期可久人事日多猜且趁尊鱸美相思更一來

其二

苦思徐孺子磊落萬人豪一見淡吾愛經時念汝勞
心胸狹湖海賓客到蓬蒿痛飲應埋照蕭蕭有二毛

其三

只應日高臥與子看青山親老寧辭出交多亦累閒
負簞千計拙喪亂一身艱歲月風塵裏空令損客顏

其四

山居仍不易世路亦多岐憂患常如此吾生更幾時
浮沈憑造物坎壈付銜卮斯意君應解凡庸盡可師

中秋至松江太保梁大將軍招同諸子宴集待

月是夜天更澄霽余明日即別未忍遽言故
日乃老 人情淡劇懽終不勝難思坐上成一律越
御寄

幕府秋高桂影團華筵集望雲端莫愁苦霧三更

溼自有清輝萬里看光射嚴城青嶂出燦銷滄海碧

天寒笙歌永夜須沉醉明日相思道路難

谷口山房詩集卷之七 重 南遊續集

中秋夜有憶

故園家舍在西秦桃葉高樓寄水濱兩地月明何處
好都將秋思向離人

中秋野泊看月卻寄呈梁太保公

萬里中秋月經天迴獨行卻移綃幕照來傷戍樓明
善下容光入無私衆望傾雲霄圓滿處翹首不勝情

秋夜舟行畏盜口述

江湖羣盜正縱橫短棹中宵向此行飄泊孤踪千慮
拙蕭條行色一身輕催寒勁颼清秋急多病高堂白

髮生書劍半船堪自笑爾曹應不愛浮名

瓜洲夜行

渡江日已暮覓舟瓜步口渡頭兵方集得船大于斗
置身行李間轉側時礙肘乘月下維揚竟夜牽維走
仰臥看星辰歷歷皆可數岸黑盜賊繁弓矢持在手
白露下如雨重綿寒不厚辛苦與險艱出門歷亦久
君親未報答此身豈我有

風急

風急江聲惡將歸復此行雙橈迎浪弱一葉付身輕

谷口山房詩集

卷之七

壬午南遊續集

安穩漁人宿飛騰雁鷺驚途險過此耿耿念平生

再到邗上畢國兆招飲席上作

廣陵秋色好與子共金杯去茲忽周歲又隨秋風來
故人一祿食遺我如塵埃吾子意何厚惓惓獨愛才
黃花垂欲放編籬開古梅我過華軒爲我出藏醅
夜闌霜月上耳熱清歌催感此殷勤意頓令懷抱開

冬至

冬至邗江上陽回客未還思親無限夢夜夜入潼關

寄贈王思齋納言

聽漏趨青瑣題書上紫微秋晴封事案香滿侍朝衣
獻納賢無尚夔龍任不違公餘吟詠積略識諫章稀

贈劉彥度

禹處大江間蕭然遠闌闌茅堂過碧水書榻隱青山
結客紛馳譽爲儒迴得閒濁醪新釀熟此物駐朱顏

其二

昔過蘭水道常憶五泉遊瀑雷千巖落繁花萬木稠
舊家在河上逸興滿揚州致主年初壯功名在一收
去維揚畱贈居停主人

谷口山房詩集

卷之七

壬午南遊續集

停茲不謂久忽然兩月餘三人未會面高樓借我居
淹濡不見迫臥起得三徐虛明俯環堵開窗展素書
坐延華月好嘯入江天虛願慚王子猷種竹成森疎
高義固難忘臨去爲躊躇

山口山房詩集卷之八

苦吏集

赴遊江南意興頗適以選法忽更寄滬辛丑冬尋授河間在邦上聞除乃遣使歸取身事南往就停寓開封候以之任自殘臘及上春途中及旅次間有與友人倡和之作迨二月抵滬即則案牘填委筆墨塵間以至癸卯丁先繼慈憂謝事止七首而已吏事苦人性情室塞于此亦可見矣先後凡得古近體詩二十四首

涇陽李念慈劬菴甫著

蘆龍雨宿次王築夫韻

時自邗之任河間

旅舍天長道征車信宿安夜寒雨來急人語夢回殘

疆學攜青帙登車畏素餐長途好朋友淒冷未為難

谷口山房詩集

卷之八

苦吏集

雨止曉發

天長寒雨歇鞍馬度孤城泥滓凍猶合清霜人蚤行

寒林棲鳥起初日曙烟平五斗消非易馳驅念此生

汴城

稍覺塵廬集茅檐淺構同泥淤猶擁塹沙起易隨風

荒畝耕科稅長河漸罷工此方冬少雪蒿目歎哀鴻

泥沙

水去泥沙在因風撲面任天中變荒漠日氣易昏黃

節序迎新歲淹留復此鄉茅茨聊假寓故老說江鄉

汴城守歲

守歲復中州荒城客滯留行藏照殘臘心緒入春愁

去路猶迢遞官場易悔尤此身漸拘縛回首羨輕鷗

壬寅元日開封初度

時將之官河間俸此待家信不至

堤柳春風起河干曉日紅蹉跎初作吏轉逐欲成翁

客跡年年慣椒盤處處同家書遲不至徙倚望來鵷

初月

初月挂檐前纖纖劇可憐開雲纔此夜照客又新年

憩止當殘臘家書望上弦生明尚微細容易隱青烟

谷口山房詩集

卷之八

苦吏集

穀日開封作

人日穀日晴皆好私喜民生卜歲華四海征求愁郡

國廿年兵火廢桑麻河邊雨景來黃鳥雪苑春風起

白沙豫兗江淮潁水旱流移多有未還家

春日開封思親作

一別庭闈道路長況逢春日倍思鄉遠辭江水臨河

水近望涇陽隔洛陽

春日開封懷杜蒼舒南中

君言歲暮向江湘我獨登車次大梁時時把酒望吾

子處處逢春非故鄉飄泊每憐生計拙馳驅且喜客
身彊久貪彩筆凌雲氣莫負青山對草堂

春日開封雪晴都平倩招同孫晶如李于郊飲

集

雪霽大河濱陽和節候新風光來伴客天氣漸宜人
勝友忻聯席春盤厭五辛持觴弔枚馬舊蹟半沈淪

小獵荅王築夫見贈

雕弓初燥紫駟肥雪盡平原好合圍狐兔成擒聊復

縱豺狼若在未應歸

谷中山房詩集

卷之八

三

苦吏集

中途

薄祿催行役中途留至今矜莊對人吏束縛減登臨
詩思隨春發鄉情較宦深何時遂疎放丘壑恣長吟

不回

咫尺秦關道中途竟不回一從馳使去終日望書來
令節春燈逼荒城暮角催宦情吾懶散棲泊意遲迴

春日平臺懷古

草綠平疇濁酒香荒臺一望斷人腸孝王去後空陳
跡賓客誰還入大梁

客夢

梁苑昏鴉集歸雲未可攀鄉心當落日客夢入嚴關
應接從時態愁思損故顏腰躬垂欲折回首媿青山

春日開封故周藩後山子晚眺有感

為鄉關地山子正當其後望見一城

故國青山在登臨客思繁頽城猶斷續孤塔自朝昏

茅屋歎新聚棘闌因舊垣太平曾及覩烟火此中原

肅寧道中

碌碌無才吏勞勞善病身真應信朋友貧不贍家人

谷中山房詩集

卷之八

四

苦吏集

小縣銀桃熟平疇玉黍新經過問父老恐此有冤民

歲杪蚤發靜海

小邑發凌晨長河望若銀霜風急殘臘頽柳未含春
厚凍堅過馬方牀滑度人屢逢催案牘飛檄自天津

陳都閫座上集同陳謫公醉歌

對爾能無醉高齋即故鄉那知近愁思忽發舊顛狂
祿食身何補江湖意不忘若冠偶欹側非敢擬襄陽

其二

易酒涓涓淥春鐙的的紅將軍真好客談讌坐生風

新月來池上清歌發夜中全忘身作吏罄折此腰躬

外簾役歸新城道中逢九日有感

天涯又見菊花開處處看花旅鬢催廿載爲儒慙下
駟一行作吏罷登臺燕山秋老西風急故國魂銷北
雁迴聞道荆襄新戰鬪萬山霜角夜吹哀

春日擬得寄喪里門

秦雲應日近傷哭路紆迴竟被微官役空遺罔極哀
杯棬傷再廢祿養願終乖老父愁相望登樓日幾回

別南鼎伯郡丞

谷口山房詩集 卷之八

五

告吏

豈期瀛海郡與子得同官話舊時聯轡開觴不著冠
交情新廿載別恨赴千巒熊軾行應蚤重逢問謝蘭

時鼎伯冢嗣
未立故云

谷口山房詩集卷之九

居東集

丁先繼慈憂奔喪有日以在任時平反之
件波廷不已復徵赴河道總督審結甲辰

二月却赴山東承辦及至者咸願異刀告其
爲直在復批駁來往濟兗間至乙巳春竟狂
定讞會京師地震 內庭 肆赦 詔下遂一
切註銷乃得謁 聖廟登岱嶽復歸河間寓居
經歲居東幽憂患難悉見于詩雖小吏微末不
敢託風雷自況然孝婦之冤致旱三年亦不可
謂非冥冥中降鑒有遺也先後一年
間凡得古近體詩二百一十四首

涇陽李念慈劬菴甫著

赴鞫山東濟寧道上作

又有山東役春歸計復停予西歸有日忽有茲行行藏慙岱嶽

谷口山房詩集 卷之九

居東集

世事問滄溟魯酒過清汶楊花落濟寧仲連如可作
吾與共郊垌

杆聲

杆聲殊不惡札札鳴茲堂敬問汝何人勤業乃不遑
荅言本遼籍先朝移此鄉主人有官職中年謝戎行
及今雖云老筋力猶骯髒在朝多舊知富貴盛輝光
屢招入旗下仕宦立可將主人大室礙辭言鬢已蒼
門戶終蕭條守此有何臧流寓四十年薄置田與莊
辛苦事耕鑿屢屢遭兵荒連歲幸豐稔差徭急莫當

穀賤鮮好值吏來輒倉皇命我執此事又非玄與黃
織棉作粗布賣爲賤者裳五日成一疋十日兩疋
歲熟布亦賤所獲誠有量爲計良已拙主命不可忘
我聞此語笑此豈汝所明

東土

東土如吾鄉民食重小麥大磨重十鈞盤轉聲若若
得寓鄰斯房朝響夕未敦傍有機杆鳴交亂成紛
客至語不聞顧笑感其額僮僕苦喧聒謂當急遷易
我呼僮僕汝輩見識窄人生資羣作衣食況本策

谷口山房詩集

卷之九

二

居東集

不見兵火方男征女罷耕有機但倚牆春杵亦閒擲
此邦生聚繁幸未遭壓迫各得勤職業豐豫由斯積
兩者信良聲我聞心轉適入室開攜帙一卷手自擊
巡檐行且讀高聲出金石以茲差相答昏黑未忍釋
倚戶更吟詩月高虛窗白

芍藥

芍藥雕欄裏君家盛幾叢折來猶帶露注處迴留紅
坐愛明燈夕看傷泪眼中故園應盡落小閣有薰風

櫻桃

齊上櫻桃熟紅千客泪多思親忍嘗此欲致遠如何
驚著青荷葉分貽玉匣羅傳頌懷近古蕨飲散鳴珂
登李太白酒樓

狂風吹行李東到酒樓邊酒樓何所在乃在濟寧南
環之東偏朱丹如霞空中起綺疏盡棟凌飛烟青
巖石世無有吟詩百篇酒一十四明狂客賀知章未
飲醉顧盼臨八極俯視蒼茫盡芻狗賀守誠青眼太
白骨絕塵世人那得似號曰謫仙人謫仙弄月騎鯨
谷口山房詩集 卷之九 居東集

去此樓得名常高竊我來懷古拜遺像欲呼與飲不
得語賀公歿亦久鑑湖那可求自攜一尊酒來飲樓
上頭左攬泰山色右瞰澄湖流遠望漕河橋艣連千
里近視南池碧水清悠悠任城內外百萬戶往來樓
樓各有謀百年曾幾日哀樂紛紜投風塵袞袞素化
緇顧我在中何時休願將前池變美酒澆我胸中萬
古愁

南池

杜老詩篇垂萬古留吟當日此城隅清狂裘馬今誰

是浩蕩風流世有無官客張筵喧鼓吹野人憑弔愛

菰蒲行歌日晚還溪坐倚望高天片月孤

鐵塔

在濟寧城內鐵塔寺土人傳爲海眼先歲連雨數月遂訛言某日水當從塔下發民

間皆具從以待云

何代銷兵處丰稜鐵塔存蛟龍迴氣勢風雨鏽苔痕
層檻如堪陟高標迴出藩可憐傳妄者測海惑源根

居東

在疚身仍客居東事可哀眼枯知汨盡家遠阻書來
影直偏遭射珠明或見猜三年常道路日覺壯心灰

谷口山房詩集

卷之九

四

居東集

大風

大風欲拔木山雲駛于馬東雨迎客來衣裳盡沾灑
衝泥行十里暮宿岱宗下那遑檢行李且復問杯盤
村店茅覆屋齊俗豆作簞敢辭湫溼逼聊免風雨打
時方尊荆棘世久賤梧櫨直行良已愚學疎識蓋寡
攀芳徒滿掬采萱不盈把舊林儻得歸有廬在東野
雨後宿岱下新莊

向暮及新莊山村四月涼到門收草笠秣馬間牛羊
亂石泥牆穩新椒入饌香憚人初復業有吏計開荒

其二

茆屋低巢燕山溪曲起人祇因長道路不敢賤荆榛
白酒開藏醅青葵借比鄰岱宗當戶碧雨後更嶙峋
濟南道中馬上懷張梅菴太守南鼎伯郡丞

不敢念榆枌孤征背夕曛鶴巢高樹見雉雒麥田聞
瀛海同官好交歡一歲分濟南千里外回首悵離羣

答主人

朝讀聲出戶夕讀鐙照帷主人驚相問讀此更何爲
愕然謂主人胡乃出此詞聖賢有至理典籍森昭遠

谷口山房詩集

卷之九

五

居東集

淑身及濟物其道咸在茲晚世習帖括視爲科名基
一朝登仕宦弃之忽若遺入官欲行道豈爲好爵靡
我本廉吏後幼攻書與詩頗親名理趣敬業日孜孜
所恨貧窶迫不得窮撝披親老需奉養祿仕焉敢遲
效人作闕牘幸錄郎署司新令忽外授出爲郡士師
前年任瀛海其郡號衝疲十田九被圍百姓絕生資
良者爲傭佃劣者爲偷兒黠者事隹角健訟無已時
人家儻饒裕羣起詐剝之谿壑一不飽貝錦立可期
竊逃與匿盜任意成飛辭獄吏畏其鋒貶法相詭隨

善良那得直忍創獨含悲我性太迂梗按法悉繩治
窮民稍安堵我身乃轉危竟被含沙射經年逐拘提
身名雖未玷威儀豈盡持反躬懷往哲濟難或異斯
誅卯未遘患阨陳不終飢豚魚亦可格兇頑寧俱有
必先安厥身廼可濟蒸黎一出逢顛蹶終焉學有虧
以茲常黽勉永言企令規

移寓

不獨避炎蒸喧煩性豈勝書聲宜在寺蔬飯每同僧
爲客殊王粲畏人比李膺艱難淡道力疎拙竟何憑
谷口山房詩集 卷之九 六 居庸集

其二

夕照下城頭僧房暮景幽吟風雙樹老遶屋一泉流
難斷杯中物思爲世外遊問知薪米價既賤復何求

紀事

僮僕來市上今朝米倍錢薰風方四月霜打濟西田

其二

二麥欲登場一霜盡垂頸怪彼廿四朝重棉猶覺冷

五日

甲辰五日客濟南卻憶十年此日癸卯在
保定壬寅在天津辛丑在湖州庚子在平
陽戊戌在京都丙申南昌乙未淮安惟丁酉
己亥兩歲在家耳且丁酉亦在江南前一日

方歸至也屈指十稔八年于外白
雲觀舍獨節興懷益不勝愁慕云

濟南僧舍逢端午回憶前時耿歎嗟處處蒲觴從土
俗年年萍梗滯天涯庭闈迢遞愁無奈歲月飛騰
欲華何日耕田少盛迫斑衣摘進石榴花

奉贈前諫議孫忤庭太常 時太常家居

水閣微涼進山堂永晝遲榴紅方照酒荷碧更盈池
燕集雲霞客天人姑射安屏題久標列家食誓委蛇
偉議羣推陸歌風獨命夔勛追三古上交際太平時
玄髮釣應乘朱顏駐可期鳴惟從旅進頌德愧蕪詞
谷口山房詩集 卷之九 七 居庸集

趵突泉

名泉何突出噴雪射高城濤湧三堆壯珠聯萬竅并
伏流培氣力搖漾怪晶瑩地軸吹應轉蛟潭瀉不平
諸村霑灌溉盡日聽璫珩萍藻三冬綠風雷五夜驚
降臨迂仙客吟賞集公卿薈沒前賢碣題繁近代名
總多歌騰沸誰與表澄清坐愛滄浪晚空然愧濯纓

白雪樓

中原顧盼他年盛白雪高樓剩水濱詞賦薪傳千載
才名身際太平時滄溟日月過窗急泰岱風雲入

樓遲書散樓空春寂寞荒郊蔓草不勝悲

泛舟明湖

湖在濟南郡城內西北隅大數百頃居民分有之種荷營利各樹蘆以爲

畔域可行者止官河一道繞容小舟由河至北城下玄帝廟基最高可望一城及城南諸山

灋諸泉匯輕橈一道行維牆園亂綠蘆吟礙空明

魚藕千家利風涼五月清新篁誰院落纖艇有餘情

其二

高臺祠北極登覽繫遊艦廢府殘紅壁連山疊翠螺

荷花浮鏡出雲影掠湖過一曲如容乞爲塘紫白鴉

谷口山房詩集

卷之九

八

居東集

寄懷周元亮先生青州兼有所託

名臣領節青州望繫

朝廷舊遠猷持憲無端遭

左謫能文有意砥中流雲山虛白當高署東雨吹涼

入海樓更酌甘泉調藥物駐顏豁日復何求

其二

治下臨朐馮副使

公字宗尼諱士標臨朐人公同年友也

昔監三輔有

清音邊城並馬吟詩苦

念慈在其幕中

湖海騎鯨

歲月濛濛後還聞以連遊西有母尚存霜雪鬢知君不

易死生心一縑遠奉無他物藉致桑村碧樹林桑村馮所

也居

不雷

高天乖號令五月未鳴雷颺颺遊無畏蛟龍蟄不回

炎蒸苦相逼岱色青悠哉氣暍山東道浮生大可哀

夏日候鞠東郡答小妻索單衣效香山體

欲製單衣待一金徹棉作袷汗淫淫今年月閏遲節

氣且耐初炎到夏深

就寓黃沈洲草堂

驕陽午不轉觸熱經高丘毒蒸灼肌骨病根滋可憂

谷口山房詩集

卷之九

九

居東集

官牒有程限焉能少憩休蹇驢疲欲臥策叱乾我喉

千林木葉靜微風那可求竟日百里餘向夕及城樓

黃子遣使者伺候迂道周左手牽我驢右手指東頭

土人有草廬命我相邀畱愧之大厦宇聊可繫行騶

板扉進行李淡巷避喧咻用情困厄中斯意良獨優

解衣趨且進喘定氣平柔灑掃糞穢積似祛煩熱湫

縷割窗紙密頗納疎風幽飲茶清香進臥簟喝病瘳

偃息快志意如寒得重裘終思刷勁羽矯焉凌清秋

茉莉

客寓歸田江船茉莉花買看愁眼破置映月簾斜
素小宜簪簪清香屢試茶數盆春載去曾否到山家
春時曾以
數本寄家

濟寧聞蟬

飲露誰憐汝吟風空復煩厭聞當暑熱獨坐憶林園
身世同置免憂思泣檻猿卑飛仍不免緘默任乾坤
蟬

愧無騰遠翼不敢望聞高急響如多訴哀鳴祇自勞

凝陰風正急抱葉影須韜旅寓增煩熱繁聲奈爾曹

谷口山房詩集

卷之九

十

居東集

偶作

山鬼上天門諸神爲奔走射工變蛟蛇赤雲駕蒼狗

有懷邑西劉氏書屋昔遊諸子卽東淑止肯獲

河邊書屋同懽笑年少清狂頗一班宦跡羈身何日

罷風光娛客幾人閒環門綠遶潺湲水壓屋青來嶽

樂山開酒聽濤如昨事那容相見各蒼顏

濟寧僧恒公募修藏經閣成

恒公杖錫歸行淡願滋廣傑閣募重新規畫加始初
檻升東海日窗攬南湖漲丹碧耀古今風雲幻奇狀

如聞龍象吟千秋護真藏

霜

四月霜倒稼六月霜殺苗下民莫肯畏天怒何時消

其二

騎人正揚揚帝憎伊誰者禾黍亦何辜盡伏嚴威下

夏日羈濟寧汪惟肖吳璧如舟之三子邀出郭

蔬飲

故鄉不得去寸心容千憂素冠逐徒旅蛛絲織未休

好友憫我疾邀爲出郭遊疎豁開帝眼高楊蔭碧流

谷口山房詩集

卷之九

十一

居東集

竟免溽暑逼還尋梵宇幽蔬飯慰我飢青尊澆我愁

方期話及夕吏人走相求倉皇入城去騎驢脫轡頭

三子色爲悵心感焉能留丈夫遭羈勒動止那自由

相戒爲仕宦直道非良謀東海有達人飽食狎輕鷗

蝗

飛霜自北至飛蝗自南來青苗一夕盡野田起黃埃

其二

農夫走倉皇臨苗囑汝蝗此田新丈過寸寸有租糧

其三

種田禦我飢成苗反飼汝我飢猶自可租急需兒女

其四

東有捕蝗人西有捕蝗人蝗多捕不得哀哉東方民

荷花煎

飛荷亦自好根委恨不全窗風一披拂灑落琴書閒
晨起掃我几未忍竟弃捐煎食雜蔬飯色香勝諸鮮
無由致老親把筯意惘然

李變五州守招飲值雨賦謝

李白樓高俯碧池任城能守此相期深情好我居東
谷口山房詩集入卷之九 三 居東集

日清酒開筵喜雨時織錦含沙那足恨看山臨水正
相宜新詩未可明公賞盛節須教許簿知

雨

城上青雲怒忽繁乘風行雨灑郊原薨飛蝗子應教
伏蝗到處生子乾土中旱十半死禾苗儻可存南國

萬艘困輪輓東邦千里長煩冤何當舊路尋霑足農

唱弦歌慰至尊

濟寧驕寓喜計甫草至

今朝何太幸快友入門來失喜成疎禮邀留便舉杯

詩窮工力苦別久鬢毛衰吾道無常偶艱虞未足哀

其二

無限吾徒事同傷歲月馳飛騰他日遇摧折長年悲
天豈遺驛壯人猶染素絲岱雲高不落相對一銜卮

示甫草

吾生學聖賢功業當不朽所期既多乖文詞豈云後
有言皆藹如足以觀所守吾子富才名論人頗不苟
蟲吟謬見推匪自通交后既見旋成別七年如卯酉
當我官河間君過反疾走追及憂患中枉存話喁喁
谷口山房詩集入卷之九 三 居東集

說詩必真率諮諏到矇瞍人生真相知那能無薄厚
近今視一概彼意各有取結交爲聲譽本不爲朋友
方其旅進時何意計好醜紛紛吹聲者目不辨可否
奔走好名家希潤榮杯酒論詩動盧王稱文盡韓柳
諛者旣妄稱作者忍自負一朝失勢利反唇相擊剖
我遇此輩稱心輕顏有忤昔與孫豹人責善稱敵手
辨論苟未服厲聲卽在口後遇施愚山撻瑕亦多有
兩君信益我心感乃永久願子更直言我望如瓊玖
濟上見西風有感

西風昨夜灑郊原每見西風憶故園儻荷 君恩許
歸去菊花時節到柴門

甫草貽墨

辱贈藏烟如璧圓漆光堅好象文全端州紫玉磨秋
水學寫黃庭道德篇

三絕句示計甫草

精淡久愛施叅政疎辣無如孫豹人甘苦自知千載
事論文直率正須親施愚山閩章
孫豹人枝蔚

其二

谷中山房詩集 卷之九

築夫養氣如傾甌雷大刊華必祖經灝博河濱苗才
廣可憐此道比星辰王築夫嚴雷伯顏
士俊李河濱楷

其三

少年鄰事偏馳驟老大空殘未學悲生理茫然須薄
祿讀書聞道嗟何時

過恒土人荷沼

恒公子同鄉人

恒公結茅屋疎豁倚城陰碧沼無塵院蓮花不染心
清時逃世網鄉語念同岑坐覺浮生幻空知海岱深

驕寓二首

驕寓他鄉遠三秦使未歸自春遣使代
省至今未返炎蒸罷人事
久客掩荆扉雙燕踰蹊去孤雲自在飛劇愁愁不得
真坐忽忘機

其二

小簾竹牀橫攤書六月清詩將日俱積心與道微生
愁愕過無著榮枯遇可平夢回窗月白唧唧壁蟲鳴

其三

風檐一卷開身世何悠哉獨坐瓶花落微吟山雨來
坦懷真自適愁髮任相催故國他時返躬耕臥草萊

谷中山房詩集 卷之九

午眠

故鄉落日際客病滯滄洲一身在羅網萬事莽悠悠
艱虞非所畏恐遺老父憂東土雨足禾苗長河間苦
旱那可當寄寓僕妾繁食指歲飢何物克空腸雖有
舊僚給升斗口腹累人豈可常况復房租又滿期催
索那免聲在堂古來聖賢多局蹙餓死非罪豈我辱
痛哭無益徒自傷把書高枕北窗讀微風動樹日亭
午書落胸前睡已熟

贈高生

高子柴門老貧病挫心神脫略遺世法澹然契我真
文章猶爲貴者貸一生未遇獨酸辛偶然相見豁秋
眼未須往還效衆人

立秋前一日王蘭垓水部招集署齋二十韻

司空開宴近秋天玉盃冰壺清可憐大部分曹籌濟
築澄湖積水濟樓船堤金高砌千尋岬噴玉清流七
十泉北舸連檣爭盪漿南舟銜尾共鳴舷當關令簡
心無擾都水官閒竿屢傳憶在繕司觀政績卻逢沛
水誦詩篇招要爲謝軒輿縛傾倒忻從禮數偏雲自

谷口山房詩集

卷之九

庚

居東集

岱宗寬雨露地當鄒魯聚才賢天倫美擅蘭亭盛弟
子名高馬帳寨時在座計子甫歌度吳歛聲宛轉酒
行南釀色清連芳園更故延佳客桂館重開醉謫仙
曲沼幽通翡翠屋名花嬌映水晶簾投壺日日乘佳
興揮塵時時入妙詮賤子愧聯工部座華筵劇費水
衡錢青雲惡夢繁陰下素幔傷心落日邊時余方丁
以被誣不聞世悔尤傷在昔禁愁心力弱今年文詞
得奔喪坐美千金賦武勇兼開十石弦水部氣力絕倫才器
能開十石弓如公當努力佯狂爲念李青蓮

立秋日濟寧作

此日秋風動井幹羈心鄉思共漫漫坐貪明月遺殘
暑卻倚微涼愁迥寒郡國樓船催轉粟江村鮭菜憶
垂竿蓮花仙掌金天外岱嶽青青實飽看

七夕愁雨

踟躕不得歸。室困俯仰。北風吹寒雨。夜滴空階上。
出門盡泥塗。此步阻來往。連綿到七夕。霖霖更莽莽。
竊恐漲波吹。大河滋漲。廣牛女不得渡。佳期空悵悵。

獨坐

谷口山房詩集

卷之九

七

居東集

雨氣交虛碧繁陰礙日光今宵好明月斜景入蕙堂
暑溼潤殘夏星河低上方多憂渾不寐獨坐納風涼

天河

居高不潤物斜影亂青冥四序渾能轉晨光自隱形
亘天飛匹練含雨阻雙星何日乘槎上雲霄瀉建瓴

登太白樓

粉堞青雲裏朱樓白日邊才名虛震世詩酒悞羣仙
岱嶽高終古滄溟納萬川壯懷多感激牢落夕陽前

雨

暮雨何微細冥冥赴客愁羈身交暑溼病體望清秋
僮僕情類異親朋問蚤休催眠懷酒德禮法是吾憂

濟上秋興

海濱百里禁人烟廿載軍興閭越連夜月千村明瓦
礫時近海居民皆徙內地村舍丘墟秋風萬壘伺樓船將軍列幕皆
崇秩郡國飛儲委逝川聞道銅山新掃蕩漁鹽廬舍
幾時還

其二

潤州扼隘事全非養寇憑陵到采磯
峴梁公三素谷口山房詩集卷之九
大居東集

略奮清江國一戎衣捷書宵奏回驚駭飛舸星追挫
鯨威氣奪遊魚惟釜穴論功爵土亦應歸梁化鳳鎮崇明調援
江寧破海寇千白土山旋又勝之海中僅進秩提督

其三

連雲戰格列荆襄秦蜀兵屯萬幕疆餉檄屢飛騷郡
邑欵書新奏入明光島邦內附真無外歲幣西歸亦
有量薄海只今齊解甲閭閻騎馬豈須防時禁民間乘馬又方

用兵
西山

其四

千山蕭索急風嚴蕭索無光此勝禮數新敎衆術
霍官方潭欲付曹蕭荒蒲白露還愁溼叢桂秋原蚤
見招回首寒空天萬里歸鴉無數碧雲高新更定文武備注又
吏員有保舉得為印官一例性轉

其五

早荒徐克罷農功閩楚災傷報疏同禾穗萬家乾隴
上漕河干艤困泥中憂思淚盡看雲目破屋茅飛落
木風道路已聞多草竊時危真美白頭翁

身世

谷口山房詩集卷之九

九

居東集

身世緣爲累經年事此行狂愚悲往日憂患試平生
高枕休人事淡居見物情交遊應漸省福性畏多撓
可憂

可愛渾在眼萬感入秋繁殘暑蒼蠅出高牙欲更尊
海雲朝變霧山鬼夜窺藩歸夢秦關遠空迷旅客魂

微雨

微雨風涼進清秋客思淡亂蟬無意緒獨雁有哀音
笑語供人面艱難驗道心望鄉歸不得行坐一長吟

桔槔

橫木施高竿垂梢連素綆規石墜其根引瓶出碧井
軋軋鳴痰院颺颺凌朝景抱甕亦何人身勞機乃省

感物

皎皎蘭蕙花香烈異羣芳移植乖所宜迎秋見凋傷
殘絮一何盛離離生我傍蔓延矜雨澤著花繁且黃
回頭看兩柏挺幹更偉長高標知氣肅慘澹愁清霜
亦復結苦實盤俎非所將終得雜蕭鬱苾馨達穹蒼

懷汪荅文指揮

荅文時謫官任
兵馬司指揮

風雅未衰熄鼓吹容我徒汪子文章士其行希醇儒
谷口山房詩集 卷之九 五 居東集

三年居謫秩都下城北隅簿領到瑣屑薄祿養妻孥
職小頗易稱萬卷開自娛日斜關寓門書聲聞街衢
同調復數公切嗟事操觚力學真爲已見道乃良圖
仍須善匿下高名亦禍樞我今在憂患終然被狂誣
往來濟竟問飢餓身卒瘁恐爲汶陽瘞不得奉楷模
書札久濶絕知君平安無相思一引領流涕聲嗚嗚

夜熱

湫室熱無寐終宵坐鬱煩微風城外來喧呼聞開船
憶昔遊吳越畫舫泊清川篷窗夜不閉月照羅幕眠

雜花垂作毵皓魄相與圓涼颼入臥內芳香襲枕邊
四更逐羣舸緩吹纜徐牽平江無風浪日高睡猶涎
自從爲官役舍此踰三年今茲遭更奇厄苦相糾纏
一身如膠舟欲動不得前其樂恐難再淚下心茫然

漫興

野人甘藜藿飽食無羈束高門競紛華奔迫自驅督
歷觀治亂原實惟奢儉屬古帝惟書帙先賢飯脫粟
胡爲逮吾儕危身逐嗜欲意氣矜揮金高筵誇饌玉
美觀與競勝諛羨相荼毒時流窮奢忙君子守儉足
谷口山房詩集 卷之九 五 居東集

其二

佻佻聰明士論道漸秋毫裨塵生風雨博辯誰能撓
所行乃多忤曩說何其繁不結實回首愧蔚蒿
古有抱朴子聲希德厚言是行在踐履虛辭枉騷騷
當境忘審處我心有鬱陶

偶坐

薄雲弱于綿秋風吹娟娟高空行不礙影滅暮天邊
身如泥絮鬱鬱經歲年無由附汝去撫景百慮煎

遣懷

不敢死憂憤高堂有老親宦拙生事澀罷職食更貧
猶然遭遠羈提攝走佚佚秋風日夜起吹我泪眼昏
東向濟南道回首望西秦行直誰爲白中情莫能申
僕妾猶爲累得非自苦辛在家所好客急難無一人
顧爲汝輩役營營喪我真菽水可致養耕田樂四鄰
無爲求榮顯櫻觸危其身

其二

北風吹古寺客子色顛顛行坐但一室俯仰增長嘔
谷口山房詩集卷之九 居東集

平生七尺軀顧盼有壯志如何遭羈勒轉折由羣鼻
檻猿不敢啼輒驥無能事憂來匪無端沉吟知有自
衆人工苟容我實爲拙吏信道乃違時初悔知文字
時還手一編窮愁老才思世俗少知己歸山興更亟
梁肉及軒裳回頭等敝屣

林公行

中丞有林公獨肯達民艱督漕過下邳目擊切憂患
千村但荆棘百里無人烟驚問此何故一老涕沉瀾
舉手指荒野先年皆良田自從苦兵火死亡無半存

遺地少人耕征徭猶未蠲存者累復逃閭里皆空村
我老不得去守死待殘年猶復應縣役有時遭笞鞭
今年大亢旱蝗飛來蔽天所至木葉盡菽穀豈能完
有兒牽兵舟前年死河干婦孫賣已盡我命亦暫延
不怨我生苦所悲縣令冤積年久荒賦累重如丘山
徒然待叅罰東海寧可填我公聞嗟歎吏隸爲辛酸
我昔見此地數月易一官頗怪官守曠今知勢所緣
苟不急蠲貸民命等弃捐毅然爲疏請越俎不辭難
所陳流離狀繪圖奚啻焉雖然奉 嚴綸切責非
谷口山房詩集卷之九 居東集

至尊凜凜疏辭在萬國激心肝

秋宵看月

秋宵還酷暑不寐坐前楹天宇無窮濶月光有底明
飛螢猶浪出宿鳥自多驚往路真難測誰憂阮步兵

物候

物候何相逼高秋客易傷螢流隨大火蛩語入清商
睡自愁來少詩添病裏忙顧慚未羞澀只有此奚囊

看雲

痛哭還何益天高不肯聞那堪將淚眼終日望歸雲

蟬咽愁辭樹鴻孤獨念羣病身驚物候愁思急紛紛

遣憤

秋風吹濟水客子滯東都是夏閏季月新秋涼有餘
颼颼北颼勁木葉將辭枝天地微蕭瑟羈人淚溼衣
茫茫泰山道狐狸向我啼回首望舊鄉欲去不得歸
天網失賜鶚雉乃罹其維直道莫予助沉冤心最悲
卽事撫微躬竊恐墮矰機有弟尚狂走老父暮何俟
哀吟聲一動流恨滿天隅

遣懷

峇口山房詩集 卷之九

寄

居東集

城樓夕日在荒寺掩柴門萬類皆秋色涼風自故園
幽房僧學吹淡樹鳥爭喧留滯傷烏頂憂思見兔爰
悠悠看碧落耿耿對黃昏靜覺詞華費閒知日月奔
頽魚困濡沫病鶴憶飛騫茅屋風雷卷天門虎豹蹲
病吟聞蟋蟀愁坐念黎元何日傾江海周天洗鬱煩

二柏歎

亭亭牆外柏當我北窗前寒風連日夜蕭蕭吹汝難
我來四月初及茲迫歲寒朝欲塞此牖爲汝復盤桓
坐愛後凋姿誰忍遽相捐秋色動天地窮陰蚤見端

造物豈不仁氣往莫能還努力嚴霜中勁骨答高天

復晴

雨過天仍碧新涼著袂生弱雲飄亂絮高鳥入疎清
生理何甍恃憂端屢變更飽經渾不怪忍悉世間情
蜘蛛

巧異春蠶用謀生託一絲飛揚蟲有礙羅網爾頽爲
雨架垂還裊風檐破又施物情殊好惡撲埽任童兒
螢

不自慚微照秋宵欸欸飛乘陰稍騰上化腐暫光輝
峇口山房詩集 卷之九

寄

居東集

秋風

旅食交遊絕端居頗愛閒賞心惟白日獨步見青山
宦累生涯盡愁催鬢髮斑秋風更相迫颼颼爲摧顏
涼風歎

涼風歎

涼風日夜至處處急征輸西南有戰鬪百萬荷戈爰
竹山布營壘道險鳥難逾轉餉騷秦楚負荷出崎嶇
十石致一鍾百金募一夫顛越道路旁多是鄰郡徒
運米良已苦留滯况多痛驅之探賊穴不敢少踟躕

進退同一死或變爲豺豕嚴檄更僉點中途多逃遁
縣令親押行夫逃令被辜聞昨五六月喝死半溝渠
客過何所見寡婦啼路隅今茲秋雖爽飢寒更可虞
此役已兩年干夫白骨枯若復遲掃蕩民命豈有蘇
安得干戈靜萬方安其廬我亦歸蓬門淡耕樂荷鋤

洗水

濟寧人烟滿有井皆鹵斤市塵雜污穢浸淫昏地脈
淪茗香味減玉枕失顏色攜童出西門逍遙尋清瀝
小河衆所汲及多泥狼藉歷歷望高柳持瓶更遠適
谷口山房詩集 卷之九 居東集

雷

急電破玄夜風雷忽用壯勢拔茅屋翻天地皆震盪
格格裂紫霄殷殷掇遐曠天怒不可無翹軀氣悲喪
愁顏乍飛動鬱屈若爲放恨之凌空翻迅逐青雲上
聊爲拔劍舞快意激所向

谷口山房詩集卷之十

居東集二

涇陽李念慈劬菴甫著

寒衣至

秦地書難至河間近不歸艱難傷故舊迢遞望庭闈
去燕輕巢壘征鴻避伏機時猶憐小婦斟酌寄寒衣

畏人

賸有成河淚畏人那敢啼五年還濟上終日望關西
世路何深阻民生厭鼓鼙哀絃急垂絕短聽恐常迷
谷口山房詩集 卷之十 居東集

對月有感

孤月團團白經天轉戍樓愁思困長夜讒構隘清秋
流俗真爲累飢寒豈我憂扁舟橫吹好飛興著滄洲

使絕

故鄉非異域使絕欲經年患難身無主憂傷只自憐
寄書秋雁後臥病魯人邊萬里寒霄迴空悲素月圓

雨行

三月坐憂旱出門秋雨來艱難似相待懷抱若爲開
道行將遍秦關夢屢回征鞍何日罷愁病日相催

雨過寧陽西門

行旅稀逢黑霧屯寧陽晝日掩城門怯乘瘦蹇泥塗滑凝望前村雨腳昏萬畝生塵苗少坼三秋荒野草空蕃那愁行李渾霑溼且喜農民慰子存

雨宿

西風吹透素衣裳昏黑投村下石梁行李蕭條茅店雨江山寂寞暮秋霜林疎黃葉間紅葉路上南岡見北岡來往屢驚時物改故園寒菊爲誰芳

過岱下諸村望嶽

谷口山房詩集

卷之十

二

居東集

過此當炎暑重來八月涼寒風收棗栗秋草茁牛羊屢近升高路空知采藥方且將飽愁眼遙望萬峰

秋夜

東國秋風晚禪扉靜不溫哀蛩寒更切歸雁夜多聞爲吏真無術憂時但著文愁心如落葉終日急紛紛

夢覺

五更誰鼓動秋天尚未明歸夢驚初覺萬愁自此生幻語如可續攬衾知遠征疎窗進風利薄帷入寒輕已看歲將暮何由慰客情

感懷

將衰歎無兒生計况蕭瑟有女年十八衣垢首無飾前年字顯族齊大非吾匹奩具罕一備不得歸其室婿家屢見迫我貧但躑躅古人重婚姻今人重妝束吁嗟儷皮初文少實已足奈何徇世情坐使吉期失賣犬無愆禮衆笑詎我辱轉愁兒女心黯淡戚顏色慚慚爲人父空然帶簪紱臨風一浩歎蒿目憂待終

贈醫韓翁

我向濟南來憂愁苦駢集窮秋陰氣乘沉吟動虐疾

谷口山房詩集

卷之十

三

居東集

三句臥牀榻半月絕米粒韓翁善醫藥用意洞精密一七除我苦再七進我食良方宣壅滯快論豁關隔宿病頓皆釋瘦顏轉悅懌其法先元本徐焉及鬼賊圭撮妙神理所用匪殊物明決無疑試驅使少牽拂吁嗟王道功治國豈異術兆人惟邦本本固邦乃謐歎息中古後漸使乖本末法令多如蠅民生日蕭索官方雖異敏拘制隳其職辟若療久病顛倒迷緩急豈之良參朮用違爽氣力回首祝朝堂此理苟無失

濟南長至日

濟上陽生客未回天時人事暗相猜殊方稔見霜風
惡何物堪教泪眼開 北關情牽添繡縷東山心死
想浮灰春來廬塊容歸寢藥餌扶生任草萊

千佛山高頂

在濟南郡城南五里

南登千佛山步履慙幽蹤窮冬闕城市幾烟青重重
萬家各生事我胡久此中荷菱刈皆盡湖水明冲融
名泉七十二一一相流通卓哉華不注孤高表天工
蓬萊去幾許扶桑大國東赤日夜中起萬古開鴻濛
三過岱宗下結想滄波紅今朝放志意勁思生長風

谷口山房詩集

卷之十

四

居東集

浮雲若爲開颯然豁心胸春來倘得歸還上蓮花峰

曉起

乾鵲俗云喜慈鳥反爲凶鳴噪通相集聒子曉睡濃
起來搔短鬢僧院春日紅萬類各生意任天難彊同
達觀咸自得嗒焉忘我躬

故馮宗尼副使郎君曦伯自青州來晤

歷下逢君白雪來竹爐圍坐一尊開天涯會面非容
易莫厭相過到百回

其二

訓使騎鯨去不還郎君情好尚依然相逢卻憶前時
別屈指驚過十六年

阿綏彌月信到濟南

愁裏兒生家信來夢中祥叶果無災小妻飼乳初彌
月老父開顏抱幾回

寺僧丹堊殿宇工匠喧雜借寓小移殿側居生

書舍

移居不出寺別喜有柴門小榻承身穩茅檐向日暄
新知通假借久客易養飧懶性幽棲慣童兒解厭喧

谷口山房詩集

卷之十

五

居東集

晨起未沐客至攜餉酒脯諸物

草榻眠初起虛窗日已高直因避風冷不是困香醪
何意來佳客今晨著敝袍艱虞慚飽食多餉恣食饕
獨坐

貧盡休人事無營意轉饒悠悠虛白日炯炯望青霄

懶惰時應弃艱難骨未消柴門寒晝掩側耳聽風颺

趙浮山見贈三詩依韻添答

歲月愁催老衰顏鏡懶看孤吟還自賞長鋏好休彈
急難貧交合冰霜客路難息心練時俗獨坐審憂端

其二

綴雁行中斷君讐那可忘三年攻盜賊百折愛倫常
肺石推何數素冠行自傷賈生還慟哭不敢望歸鄉

其三

假寐愁還覺踟躕望落暉微名真自累薄俗未應非
報主才猷劣憂時願力違直行吾豈敢尤悔近知
稀

施愚山副使入賀回過齊河子自濟南徑晤

雪夜論文賦贈

谷中山房詩集

卷之十

六

居東集

使節朝天此路回相思遙駕見城隈寒空月冷荒

山雪小驛燈明濁酒杯未喪玄文還共賞多愁白髮

太相催莫辭夜漏聲垂盡明日天寒客來

施愚山寄山人

寄語邗江孫豹人家多兒女奈清貧莫遣憤詩盈

篋須酒忘憂酒著唇

過趙君孚昆仲承具食相留更出家僮圍碁鼓

琴勸酒

愁來放步竟誰同曳履頻過十畝宮伯仲高風聯世

妙梧楸雅技出家僮真愁尉醉前街黑敢盡君懽夜
燭紅到處留餐成食客恰宜彈鋏向山東

卻東君乎

逢場取醉近佯狂真放癡愚費較量吾子憐才渾不
怪世人欲殺也應當

戲筆從趙副戎索箭

禪關後院小開張病已消愁試挽彊著地竟多摧亂
石因風直怕過鄰牆將軍大羽曾霑血童子趨求肯
出房潦倒只應投短筆日隨魯較獵長楊

谷中山房詩集

卷之十

七

居東集

從羅茂才乞酒

雲密風寒釀雪天圍爐撥火煮清泉君家名酒甘如
蜜不把雙尊到客邊

其二

屢沃牀頭榘液清傳聞荷露更冲瑩丈人去日曾親

許公子開壘可大瓶

羅送酒二小瓶走筆嘲之

細腳銀瓶製作殊飛來玉液勝雙鳧相如渴久思吞
海足得寒宵一醉無

施愚山副使自九月入 賀過河間見子苦吏

吟垂悉近狀見懷四首緘寄任丘仲冬竣事

回過齊河予自濟南馳晤數日後前詩方達

奉和卻寄

拙宦人皆弃惟君意獨憐詩成瀛海上書寄暮秋天

慰勞渾真切才情妙自然藏身吾有愧書中惠教有龍一蛇藏

身之哲 敢道直如弦詩有直性 忌如弦句

其二

高帆向彭澤憶別在鐘山先生之任江右時予客遊白下得與別筵貧得

谷口山房詩集

卷之十

八

居東集

詞華老清聞廳事閒先生近作有詩 庭滋碧草句

才名遲宦達羈

紕悔疎頑隱忍從時俗空令厚客顏

其三

旌節過柴荆嗟予尚遠行小兒蒙問訊老父被逢迎

魯道留良晤齊河閔使星論文兼勗勉因悉古人情

其四

多累矜身健將衰嚮學忙素心存氣誼白雪愛文章

五載今相見千秋意不忘舊交滿南國憑語寄江鄉

李滄溟先生墓

慟哭斯人歿空經墓下田亂山還白雪先生讀書 白雪樓

相向青天盛世文章貴高名日月懸豐碑纏蔓草猶

蕭後時賢墓舊無碑施愚山視 學山東爲刻石表之

追懷故侍御盧德水先生

先生不可作悵望杳愁予酒德鄉人說文章學道餘

全身引瑕垢狎俗到樵漁生理悲行路空然愧廢鉏

千佛山

頑壁何年鑿蒼厓幻佛身石壇鐘磬寂陰雪歲時淡

白日泯泯下紅塵攘攘人乘桴吾未果慚問海東濱

谷口山房詩集

卷之十

九

居東集

其二

冠蓋尋幽勝題詩破綠苔病思他日健愁許暫時開

峻絕愁歸鳥陰深恐蟄雷老僧時獨立十里見人來

徂徠山

徂徠山在何許謫仙人嘗隱處六逸賢一竹潛辟不

就孔巢父歿已久吾誰與望不見泪如雨

喜聞魏貞菴先生入相

北使紛來說 朝廷相魏公斯文還主宰吾道豈終

寤拜 命光三殿傳聲慰二東感恩蒙注念失喜意

恩恩

歷下過周櫟園先生行署卽事時先生代觀

入朝

尚覺文章貴今晨登此堂丈人真磊落敷奏有輝光
冊帙貧裝豪詩歌老擅場更聞用龔魏相對喜如狂

龔芝麓司馬
魏石生相公

妖鳥

賈生未前席鵬鳥曷來過憂患吾無愧飛鳴爾若何
幾年傷暴奔去日只蹉跎父養愁遲暮君恩奪薛

谷口山房詩集

卷之十

十

居東集

蘿身危凡慮拙歲暮烈風多疎放終填徑狂愚祇渡
河詩篇猶不廢文法久相磨時欲拋儒素誰令觸網
羅達生覓物理長嘯仰巖阿

歷下因孫仲孺奉答尊公枚先相公

相國羣僚上滄溟衆竒趨升庸當聖代德業富醇儒
澄叙持衡在調元秉軸須褒綸虛內閣明詔起
東都賤子慚微技刑官理療衢過旌榮展謁隆禮逮
狂愚馬輓懷高盼蟲吟感大巫謬稱詩獨步敢論道
三謨家世文章舊郎君頭角殊高秋來尺素良覩見

英模下問勞停騎庭聞慰向隅無由報知已坐理日
榛蕪

有感

直躬真自委泥塗辛苦飢寒到海隅顏面厚藥時俗
薄馬牛婉應吏人呼三年道跡形骸黑萬國水霜鬢
髮枯故里雲山淡愧汝好將丘徑待潛夫

寒婦怨

夜雪空林冷著肌念郎寒冷妾支離新人薰麝溫如
火郎自不寒妾豈知

谷口山房詩集

卷之十

十一

居東集

除夕前二日濟寧道上

此道頭來往流離信轉蓬人渾識驚面天豈察愚衷
惻黑燒山火埃黃出谷風平心禁世態淡喜得磨礪

甲辰除夕

竟歲緣何事回思只自慙
身堪此夜愁眼向春天
萬慮三更後孤燈獨客邊
心憂夢復藉無路到園田
示從者

歲月過三序驅馳遍二東
世情墨絲變生理阮途窮
多辭傷吾厚常征竭爾忠
勞人渾草草不敢念微躬

乙巳元日

萬事趨新迴獨驚任城譙鼓動新聲
愁人歲月終還始送老年華閱又更問學徒慚虛往日行藏真自愧
浮生衰親病婦何聊賴藥裹詩囊歷客情

濟寧元夕

樂事還任國春鐙表望閭喧喧交雜吹冉冉度香車
公子然銀樹佳人失玉魚太平多景色只恨隔吾廬

疾風

疾風吹彌月不雨晝常昏春色迷芳甸爰書入國門

谷口山房詩集

卷之十

三

居東集

市人憐直道僧衆餽饔飧杳杳青天下誰招楚客魂

愁夜懷施愚山先生卻檢其偶存草細讀有感

四海論知己先生獨古人艱危不相見鬱曲爲誰陳

拙宦丹心破商歌白髮新把詩深夜讀讀苦淚沾巾

春寒作

連夜嚴霜雪暗飛繁陰黯黯失春暉高牙大纛纒纒

急勁草萌生向日微北闕布和那得遍東山驕客

幾時歸任城水泮吹仍合欲問梅花心事違

夕坐有感

物態驚心淚眼前昏鴉過盡暮雲還傷春孤客真憐
拙得意時人各自賢道路祇今嗟鳳德朝廷何日
斷龍泉楊雄識字身難免萬古空傳舊草玄

曉寒

童子驚來報今朝太劇寒重綿知凜冽不信是春殘

春閨

昨朝來燕子今日見黃鸝處處傷春晚行人總不知

荅客貽花枝

鮮葩照綠杯折贈一枝來始覺愁人外春花各自開

谷口山房詩集

卷之十

三

居東集

濟寧南市藤

市上蒼藤貫石生狀如虬結復龍行相傳二百年來

物閱盡興衰在此城

出郭

沙暗高城不見春今晨出郭喜無塵天邊白日如過

鳥湖外青山似故人放步郊原成獨賞閒看車馬競

通津家園桃李開應遍幾處風飄點綠茵

火

濟寧連日火毒燄趁狂風千家盡頃刻哭號動長空

骨肉迫攜抱男女雜相從視人還羞避趨步無常蹤
或挾衣被走意急迷西東河水不可挽官民空恩恩
烟障春天黑燄射城牆紅寺宇同灰燼龍象失尊崇
朝爲千金子暮投人家傭萬壁俱焦立慘淡春日中
指點掘瓦礫破碎出釜鐘陰陽夢不理灾厲禪無終
哀哉季世民空然罹沴凶我行不忍視憂傷心冲冲
施救竟無力凄然嗟薄躬

棄婦吟

恩淡奈命薄與君爲結髮讒言起無端中道生離別
谷口山房詩集 卷之十 西 居東集

離別勿復道憂傷銷人骨念妾有舅姑饋餼久潤絕
念君家未豐沈憂無時歇讒口若浮雲君心若明月
弃擲非由君恩情豈當闕妾身已疎遠妾夢猶聞闕
抱此區區誠望君終識察

見行人有感

濟寧郭外邊亦有歸鄉路終日見行塵羈人不得去

對酒

此身那置處獨對一尊前人世餘榛莽吾徒欲棄捐
哀歌空費日愁眼屢橫天得意兒童輩春風上紙箋

風惡

連晨風更惡凜冽失春溫萬物暗無色千家寒閉門
空然求雨澤不復辨朝昏二月披裘坐看花憶小園

東山三章 傷行役也

東山有杲灤水有澄我行惛惛維天不造云胡可道

其二

東山有霖灤水有洄行乘他隕亦往亦來莫知予懷

其三

青青者麥亦既穫今有喝行路亦既勤今皎如日月

谷口山房詩集 卷之十 西 居東集

莫不蔽斷也 今繫獨無家不得逝今

童烏四章 思親也

有童者烏亦從其鞠 養也 不遑將父我心則恤駢今

栖兮靡終窮也匪公匪家胡茲行也

其二

棲遲棲遲亦孔之久五歲于外不遑將母及茲凶咎

憂心有紐云胡不偶

其三

陟彼泰山瞻望潼關潼關遙遙憂心孔勞豈無旨酒

不能遊敖

其四

陟彼岡矣瞻望鄉矣我心傷止如見堂止父兮咨嗟
跂予望止歸及陽止釋予惶止

鴻雁五章 念弟也

鴻雁于飛其序不忒永念之子弗鮮其德我躬不臧
俾爾狂惑懷哉懷哉何日歸哉

其二

鴻雁于飛矯其羽矣永念之子罕令譽矣我躬無良

谷口山房詩集 卷之十

十六 居東集

俾狂顧矣

其三

棣之華矣輝其左右我之索矣卒瘞其手匪子卽愆
責我孔厚戚也父母瞻天其誘庶無狂走

其四

靡室靡家亦寔且勞我躬之疚憂心忉忉終焉其淑
式歸式敖維天有怒曾不崇朝和樂陶陶

其五

往水有洋維山有嶽迢矣之子忝哉無越歸哉歸哉

我心則說

流湘三章 憶內也

曉彼流湘有鳴鴛鴦胡不懷歸雨雪雰雰亦有采絲
粲粲縫裳念我同勞德音不忘

其二

睢之委蛇靡適其難行邁遲遲念我同飢德音不違

其三

我出自家芍藥其華王事靡遑歲月既遐念彼同心
我心則嗟

谷口山房詩集 卷之十

十七 居東集

伐棘四章 紀憂且引咎也

伐棘伐棘刃傷其手人之無良俾我蒙垢百爾君子
亦莫不後已焉哉嗟予獨適患哉

其二

日昃于天莫直匪影巍巍軒車碩人之乘憚也遂遂
不我以省已焉哉嗟予獨適艱哉

其三

謂子有傾直其繩也謂子有菁晶其瑩也靡端靡倪
胡予痼也匪無朋友亦莫不悞妄言則作忠言則却

其四

鑿冰冲冲不如春風願言咎躬誰適子寤憂心則融

融風四章

代內望歸也

融風維和楊柳傴僂君子歸哉遄駕有輶婉兮縈兮
衣裳澣兮亦既期止云胡遠兮

其二

蘭蓓華矣有蓬其實君子歸哉式好且懌時既易只
翁既企只云胡滯兮我心則惴

其三

谷口山房詩集

卷之十

大

居東集

總筭之歸言笑依依靡有風夜執紉及炊以莫不
井木有菱女心傷悲君子好德不我遐遺

其四

山有松柏蘿則縈之人之惟良我則從之廿載于家
終解我同匪不我同室家不封君子歸哉和樂且雍

靜夜

月氣蒸雲白輕陰合夜初窗前親撥火鐙下獨掀書
到骨貧何畏觀心歉有餘十年交物役蕪穢未能餌

夜坐

天邊一病身實畏歲華新慘澹看春色淒涼向衆人

愚應罹世網懶欲老垂綸獨坐高雲晚回頭見月輪

復晴

垂野雲初溼號空風忽來可憐白鳥外又見碧天開
處處泉源涸潁潁棟宇灾漕河千萬舸夜起望雲霄

出郭尋花

一逕出長堤繁愁散郭西雜花迎客笑嬌鳥向春啼
倚杖看雲白逢人問面鰲郊原容步屨差可慰羈棲

橋西

谷口山房詩集

卷之十

尤

居東集

旭日小橋西文流碧映堤花嬌含蕊燕喜趁春泥
村女攜筐篋園蔬長町畦天濤無恙下築欲臨谿

雜興四首

畱滯三春盡看天枉自豪驕憂千象緯旅食感劬勞
身病須佳藥年荒減濁醪行藏難可問風水任相遭

其二

身世自箝爐逍遙愧野鳬才名真是悞生理迥相驅
白日低城角黃雲暗海隅故鄉千里外春色在蘼蕪

其三

年芳綠水濱野實及燦春筍竹成新友青松儼老人
幽懷思種樹晚計欲垂綸未得歸田舍空令羨負薪

其四

放意失籬藩銷愁出寺門專危心不擾道在世何論
夕日迴紅靄春天照綠尊鍾儀空自戚四海一吾園
河西種花人家

散步愛春初尋幽到野廬花田滋雜樹井液溜清渠
隣壤堪時藥沿溪可釣魚租餘兼酒釀方法足閒居

挑河溪

谷口山房詩集

卷之十

汗

居東漢

挑河溪溪有尋往年歲挑淺夫趨今年挑河盡民夫
嚴冬泥凍堅如石鑿冰負泥寒裂膚我民王民事
王事不辭此役苦但愁歲成例淺夫有歲食皆自我
民出挑淺用民人淺夫汝何爲吁嗟淺夫汝何爲千
萬金錢食者誰

牽夫

千夫閉一廟摩肩相倚立暫坐無隙地安望食與息
方春氣暄暖蒸噓生病疾徵夫牽兵船局鎖防散匿
五日上一閘河乾船淺澀夫閉已半月船過尚無日

安得船行速我役言歸及春播春麥

怪風

二月怪風聲轉急樹枝吹折河水立飢鳥退旋不得
下行人閉眼行顛側黃埃十丈天地黑朝日昏慘春
無色神靈幻怪急難測陰陽播越失紀律閉門堅坐
忍偏仄重窗破裂塵沙入三春驕亢絕雨澤草根刮
死野無麥瓦飛茅捲亂頃刻男嘸女呼救不得萬民
奔走心惶惑天高聽遠無消息我欲籲天病少力戾
氣中身益痛疾何日時和罷盜賊各使蒼生安稼穡
谷口山房詩集

卷之十

汗

居東漢

覽物三首

孤雲何皎潔風吹疾若飛一從出山嶽狼藉不得歸
仙人乘黃鶴天門上徘徊棄擲不見馭青冥逝何依

其二

紫燕輕千里及春遠來歸高門施珠箔沉沉日夜垂
呢喃想舊巢籬隔深難窺養雛無處所感此陽春時
侍兒重捲幔主人那得知銜恩不忍去巢君庭樹枝

其三

鴻雁自北來高飛青雲端恐有故人書佇立久相看

云去不我顧回頭汨闌干君自畏燈繳遺弃安足歎
敢志絕遙想天路鬱漫漫

被枉濟寧會 朝廷以星變地震肆赦中外喜

賦

聖詔三春布臣心百挫忠竟能出羅網真欲返飄蓬
浩蕩宣無外風雷事偶同猶然冒瑕垢回首意冲冲

濟寧將歸感劉五興過贈芍藥

兩度任城看芍藥卻當來日是歸時飽驚人事渾無
定稍喜家園見有期眼倦繁華春欲盡心傷攀折淚

谷口山房詩集 卷之十

三

居東

如絲留君一醉還同賞來歲重開知對誰

將歸詣曲阜恭謁 聖林

患難堅吾素將歸謁聖林海山環至德日月避高陰
喬族繁森木清風想玉琴楷廬依墓道猶見昔賢心

聖廟

道大治千紀堂高式萬方典章存禮樂黼黻備皇王
老檜傳榮落斯文豈喪亡齋心觀祭器感立向蒼蒼

經兗州府北

我過魯城北不復見青麥樹皮割剝盡千榆夾道白

盡行見流民夜宿多空宅擔頭鬻兒女草間弃骨肉
居者罕固志行者定安出跪人乞餒糧轉身遭饑寒
死亡在須臾禮法詎可束誰能繪此圖上達 九重
目急蠲當年賦大發近倉粟活此子遺民明年辦賦

納

剛成屯

夜宿剛成屯一老負其孫兩面俱菜色手持樹葉餐
苦稱窮餓極乞食活朝昏爲我數鄰里十家九不存
月終雨如雷盡去空此村亦有好室廬捐弃隨人奔

谷口山房詩集 卷之十

三

居東

民生習危亂歲飢有變翻居恐逢迫脇相隨遭戮冤
不如之他方展轉草樹根餓死免惡名猶幸爲良魂
聽此詎忍盡感歎莫爲言

登泰嶽

果遂升高願從前五度過驚心睨世路舒眼愛滄波
地勢東南坼山峰晉蜀多故鄉四千里杖外柰愁何

岱嶽

岱宗高不極突兀俯羣形雲氣蒸寰宇嵐光混窈冥
層巔通御氣畢陟想雲耕赤日騰滄海銀河落戶庭

關山生氣勢風雨振精靈出震雄諸嶽當危表列星
乾坤盡追覽齊魯剌空青碣石當明鏡崑崙盡翠屏
磨厓空翔伐勒篆匪箴銘望越知橫練瞻秦憶建瓴
不成趨虎觀未擬草云亭泥淖愁窮轍長空那縱翎
高間終可問廣樂豈迷聽更欲浮秋水乘槎看四溟

秦時石表

方石類削圭立在東嶽巔相傳秦皇置孤高凌蒼烟
漫滅絕文字無乃結繩前封禪事幽閼奄化無留連
好大軀四海流弊毒萬年七十二朝代踪跡同茫然
峇山山房詩集 卷之十 寄東
頌銘徒爲耳身沒見愚賢民口不可防况乃欺皇天

日觀

碧海升初日虛空引大光漸看周郡國已覺破滄浪
天地還相始羣生盡欲恡有爲分舜跖莫待恨榆桑
平原道中

客行平原道忽覩播黍稷喜覺馬足滑笑指行潦漑
嗷嗷飢餓民種此詎卽獲聊繫著土心暫免流亡亟
我今去此邦視民憂轉集傷邑猶九旱道路多菜色
微聞請蠲疏覆議有沮抑鞭朴當何堪窮瘁生反側

歸至河間寓居

客行匝歲歸寓居非舊時蓬塗到北巷問人知柴扉
夕日照蓬茅入門鳴鳴啼老父喜我返命食慰行飢
小妻迎相視換我身上衣南鄰餽魚肉西閭攜醢醢
恭敬道辛苦念我脫冤羈稍稍詢始末戚歡各有辭
請客勿復道相與盡此厄

別沈備菴將軍

石壘將軍報我真高齋清事盡宜人坐銷煙鎖問金
峇山山房詩集 卷之十 寄東

甲高擁圖書映綠尊歸去青山紫夢思常將白雪擬
心神更爲後晤應須念恐有霜華點鬢新

懷終南山

我家四關中前有終南山山形巨楚蜀氣冥霄漢間
仙人坐石室玄豹守其關玉函藏寶訣紫芝駐少顏
夢想空有日鬢髮忽將斑逝欲自茲始躡屐窮追攀
青真一去千萬里拄杖看雲未擬還

谷口山房詩集卷之十一

過嶺集

補官秦州萬里之任自丁未正月出都道晉中入潼關迎先大人偕眷累同行至襄陽登舟過江陵下鄂州九江泛彭蠡過南昌訪施愚山于臨江乃上十八灘至南安過大庾關六月乃抵廣州以前官因事留任停居需次旋選裁缺博散間君滯留貧賈至戊申三月間改授山左之新城今四月出粵凡在

一年共得古近體詩七十四首

涇陽李念慈劬菴甫著

奉贈栢鄉魏相公

世代逢亨運 朝廷相巨儒百僚承亮采萬物仰昭

蘇諫草留青瑣台星照白榆人倫過晉簡家學啓唐

谷口山房詩集

卷之十一

過嶺集

模論道歸元老爲霖灑萬民從容察密勿變理用羣

謀化速行無外和室遠近無異搜窮古訓雅體正秦

趨法老諸家後材成器卷浪波瀾隨處好工力近時

無一字金難買道無銀不如三秋澄暑令一德契高

衢世望推平格天章作孚如灑露末座既醉洽奉

愉

送姜鐵夫同姚六康明府之石埭

姜同姚方剛五代史

去傍仙鬼遠裝書照早秋細商千載事間共九壑游

國士傷交晚長江賦別愁憑君問陶菊詩思向東流

送梅濤老遊北海郎歸宣城

羨爾才思奮西風振羽翰新知天闕下舊族大江干

倒竿情初洽吟詩興不關心傷詢故舊悼杓司氣合

比芝蘭辱贈聯篇好論文許與寬素心忻可託人事

恨多端清老許同予入粵以其友某涕淚而止南望思尊萊東行急馬

鞍離筵尊酒綠客路亂楓丹海國知多咏雲山好細

看回頭還有憶秋色滿長安

長安九日雨霽梁仲林太僕邀同諸子登高時

坐有美笛者和太僕韻

谷口山房詩集

卷之十一

過嶺集

雨歇仍佳夕荒臺更一尋交言分列嶂浮白有同心

斜日隨杯落高秋發興淺何如籬菊下寂寞對寒林

過平陽綴兒殤處

瘞玉傷心地重來淚滿縵生生去懷抱小小憶聰聞

恨藉年華暮窮愁晚計輕總然少傳業我輩

涸河阻風待渡

地在黃河北屬晉之蒲州去潼關十里

一水分秦晉蹄途盡太行岸沙留雪白河氣射雲黃

野肆春醪美山田細草芳望鄉真咫尺風起正顛狂

贈何雲子參政八韻

飭憲清關石名臣舊補六

柱世間

江國風猷在台班心事違坦懷

振亮節轉朝

西土臨真幸三秦衆早依幽豐歌雨澤宰牧肅霜威

氣沛三江瀉神清一鶴飛 朝廷有大議會召汲公

歸

張子美參政乞歸得許來日渥中

今日論高致何人脫要津張公寔挺出灑落離風塵

雅量由來尚高標世所珍聲名動朝野學業表人倫

衡士聲聞越籌邊總懋秦藏身依藥餌乘興著隨車

卷口山房詩集

卷之十一

三

題

鳳蕭丹霄之

襄陽登舟

襄陽今日到遠郭一江清自此辭鞍馬從人間水程

花明游女渚春暖大堤城且食鱸魚美輕帆趁曉晴

其二

漢水東流到楚涯未酣習池酒數問峴山碑

暮雨懷珠珮春情繫柳絲空多妻子累未果鹿門期

江陵

蜀道通三峽巴江匯衆溪蕭條屈宋宅悵望水雲迷

津國疲輪輓軍城急鼓聲吾生胡未達終日嘆樓

阻兵漢江登黃鶴樓

時將之官粵東

黃鶴磯頭黃鶴樓嚴城屹立幾千秋神仙有跡雲霄

遠江漢無情日夜流兩郡人家平岸接三湘州雨拍

天浮陸公祠下兵帆集何處堪容使粵舟

武昌縣追謁侍讀王夫子即蒙邀登西山訪僧

樂叢

夫子猶堅臥依劉奉義高傳家聲藉藉留客與酒滔

簪校傾中秘絲綸出綵毫盛年辭館閣暇日步林皋

卷口山房詩集

卷之十一

四

題

德溥仍勤種文成轉自輻大人真碩輔公子盡譽髦

侍側慚驚足開筵接鳳毛豈惟追杖履兼得把醇醪

過寺逢尊宿登山失衆鸞清談隨塵拂機語雜風騷

樊口雲屯壑蘇堂雪決濤醉歸塵埃淨江色上征袍

九曲亭

樊山下蘇東坡題又坡與秦觀書稱樊口潛生者善釀酒

九曲亭猶好樊山縱馬踏人經赤壁水燕帶雪堂泥

憑吊誰詞賦江山厭鼓鞀潘生遺釀在拚醉過橋西

雨過潯陽

去國秦關遠浮家楚澤清經過三澨水卻下九江城

暮雨濛濛暗春帆葉葉輕柴桑今在眼望古獨含情

過彭蠡

昨畏北風狂今喜北風利棹轉向南征百里行何駛
檣師狎溝濤放舟如縱轡四月未蒸潯湖光正明媚
盪胸洗塵櫻照眼涵空翠大孤忽左迎匡廬復右視
去岸驚飈馳來峰訝奔恣未識石鏡山徒想松門寺
乘茲破浪功道遠豈難致中流戒舟子橈楫慎位置
挂篷勿盡繩人生戒滿意

泊南昌弔徐巨源陳士業二君

谷口山房詩集

卷之十一

五

過嶺集

昔我遊南國寄寓城東園素心有陳徐結交情好敦
汗漫少拘束踪跡滿樊丘得句卽相覓有疑必討論
去茲忽一紀重來叩君門三人皆已歿痛哭傷心魂
憶昔同遊日淡情託芳華每恨蘇武子未及共晨昏
蘇名桓有俊才蚤歿二君每爲予道及相與悲昔
今爾亦俱逝文采誰爲言
人非金與石易絕如蓬根在世罕至百我生豈常存
所願修名立庶不遠元漂誤爲在道路終歲常惛惛
眴彼章江流雄濤日夜奔去日盡如此竊恐負乾坤
雨發南浦懷崇仁明府駱叔夜先是擬往候未

果託末其武少叅致訊

我向南荒去君棲汝水東那堪六載別未許片時同
經術懷虞集江山得謝公章門相憶處客思滿青楓
其二

咫尺情空阻舟車路苦分政傳殷季子書想右將軍
江漲經時雨帆梢度浦雲離心憑宋玉寄語可曾聞
臨江施愚山少叅署中就亭

江右茲亭著心閒道自尊主人多政暇上客問詞源
山色過城堞江流遶郭門詩成干氣象律細共誰論

谷口山房詩集

卷之十一

六

過嶺集

峽江風逆

青山對出一江流江上山城雉堞稠百丈牽行日數
里南風只送下灘舟

萬安舟發

扁舟浮潁水一葉入層巒久雨裹裝溼多憂心力殫
簞淡常畏虎江滿不知灘百丈牽頭斷真歌行路難
攸鎮夜泊

到岸繁燈火荒江百丈牽村喧新過虎沙淺數移船
盜賊爭昏夜風波聽長年路危常不寐山月出娟娟

灘行

衆峰相迴盤一水中蕩滴行李託扁舟坐臥時礙膝
崩石欹危岸荒山繁竹倚舟子緣嵌崿牽簾入叢密
高灘瀉急流逆上如挽鐵盤渦隱石角轉折防觸厄
并力爭尺寸羣命懸一縷有時遭斷絕顛危生倉卒
疾下類脫矢收功倖彊未失色相顧間驚定還奔迫
况復兩厓間尤多虎豹窟憫彼貧窮子終日經鬱壘
賈賤同一命有身豈異物給米聊共餐同舟幸相勸

灘泊

香山房詩集

卷之十一

七

過嶺集

曲折隨山轉全家在一舟艱難上高瀨容易逐洄流
孤泊依沙岬荒江仗戎樓危灘兼盜賊心力盡磯頭
南康縣舟中趨大庾

大庾嶺

小舸卷躬入雲溪路欲迷彌山叢竹合夾岬鷓鴣啼
近嶺江流淺連陰雨腳低迎人嵐氣重五月著重綈
到此俱回首中原萬里餘鑿厓通鳥道逼漢度肩輿
海戍兵屯衆田遷井邑墟嶺南饒富地民力近何如
其二 過嶺數里山石草木形色秀潤耳目爽異亦一奇也

其三

百里分中外紆迴石路遲稻長齊綠葉松細裊青枝
巉壁含烟潤霾雲挾瘴吹眼前風物別初識是天涯
水鄉車馬絕百裏盡擔夫斷續緣高嶺往來競一途
山雲蒸大潒海日下天隅冉冉長征色空悲歲月徂

榕樹

榕樹橫江側長根亦太饒蜿蜒蟠岬石繁盛過枝條
暑日何妨息炎方倖後凋不材容老大無意謝風飈

曲江道上看山

香山房詩集

卷之十一

八

過嶺集

羣峰忽湧出怪異難具狀拔地愁或翻親天勢爭上
覆鐘圓突兀挽髻疊高亢嗟峨互睥睨丹碧森背向
有虞昔南巡聞此駐仙仗簫韶既九成和風被崑嶂
雅音久不作俯仰一惆悵

湓江雨霽

十年困一職萬里過庾嶺輕舟下淺瀨高帆凌暮景
荒江賈舶稀淡峽林影靜陰晴幻朝夕寒暄變俄頃
多病櫻珠俗遠遊同泛梗勞生非一端羣盜况多逞
俯仰悲行役生涯奪箕穎浩歌激中流鼓柁發湓省

雨泊廣州城下

鹽浦江頭急雨催，佛山渡口亂雲堆。
岬邊朱荔盈筐集，海上青尊薄暮開。
蝦子筍依河汊密，蜆人船趁落潮回。
嶺南職貢今非遠，尚有梯航譯使來。

廣州奉教後作

窮年在道路，萬里赴炎方。
六月達廣州，廉山尚渺茫。
一官未得任，聊此憩行裝。
且喜釋舟楫，賃屋背城牆。
釜餽及鉶饌，次第須周張。
舉家三十口，一一需稻粱。
故舊稍有餽，魚米雜鹽菜。
煮信芳美，暫飽安能常。

谷山房詩集

卷之十一

九

題嶺集

干請性故拙，竊恐戾紀綱。
動色難苟得，忍飢繁富鄉。
未幾蒙汰令，亦可辭遠荒。
事勢有需待，不得問舟航。
猶然事泰，謁覽人旅。
送顧成一笑，何以命行藏。

廣胡郎婦吟四首

胡郎婦者，博羅令胡君宇泰之妻也。其父副軍苗公幹。

臣亦任粵東女字，胡氏其敬自泰來娶。既婚，適其生一子，而胡以疾逝。女哭號失殉，或進之粥藥，皆弗飲。病七旬而歿。其翁哀之，為立狀中有云：生有長子之孤死，許胡郎之婦。予摘其語以名篇，復廣其意成四絕句。

秋山桂樹一枝摧，福薄應知命裏來。
九死寸心寧可轉，再生期續始成天。

其二

緣慳好合只週期，亦有他年共穴時。
去日無多來正遠，何如過死即相隨。

其三

九重泉路可相依，七十黃昏尚恨遲。
連理樹生猶杳渺，與郎陪襯一雙歸。

其四

誤郎遠涉歿殊方，一死相從未足償。
無憾妾心惟自矢，那知身後有流芳。

谷山房詩集

卷之十一

十

題嶺集

奉贈董天因副憲奉命祭告南海禮成

聖主弘初服，乘乾攬萬方。
普天瞻禮樂，薄海被文章。
奉使惟人傑，懷柔禮谷王。
花廳辭北闕，彩鷁下南荒。
耆碩原華國，嵩高舊降祥。
新歲蒞真憲，度萬里薦芬香。
月秩占霖雨，星軺歷雪霜。
瑞雲新歲蒞，齋舍蚤春芳。
珪幣稱殷禮，寅清祇肅將。
魚龍潛稟聽，鯨鯢遠輶藏。
仙藥如將遇，洪波永不揚。
德馨光受命，千載洽梯航。

寓中小亭

半畝園林借作衙，暫時行坐即吾家。
亭邊冬月兼春半，畝園林借作衙。

月不斷當歸桂枝

其二

雕牆虛映琅玕竹，鏤檻疎圍玉蝶梅。雨輕雷還捲去，畫眉嬌鳥自啼來。

其三

風吹簫鼓度城牆，使節宵過有底忙。客子起來無一事，小爐閒試海南香。

其四

花枝花朵總堪憐，無酒還應坐村邊。每遇天晴饒受，
谷口山房詩集卷之十一 十一 過嶺集

中宵

窗角留殘月，沉沉碧幕垂。夢回燈燼後，愁復酒醒時。
南國空飛鵲，長林蚤折枝。家人滿眼在，且得慰棲遲。

飲酒

畏人笑我癡，偶然攢兩眉。懶性本無愠，閒居適與宜。
藜藿甘自飽，遇酒便盡卮。山公在官日，常醉習家池。
我今閒不飲，有愧襄陽兒。

廣州奉懷施愚山少參同時奉裁應已去臨江

痴公官亦汰，應蚤去江城。夜冷瀟灘月，春閒閣
命俱逢宦拙，天獨縱才名。何日虛前席，君王召賈生。

殊俗

殊俗崇淫祀，荒隅禮制微。盈城喧鼓吹，列肆薦神衣。
山魃見風潮，島浪飛民生。今更感福澤，竟何歸。

廣州改官後送郭介藩內擢民部

珠江秋水照雙旌，爭盼仙舟曉浪行。粵吏望還如化
符，同官俱汰美遷鶯。東南民力供多壘，天下軍儲計
未盈。蚤算海濱屯近旅，更敷霖雨慰蒼生。

谷口山房詩集卷之十一

十一

三

過嶺集

改官後別吳弼雲端州司理

才名聞自昔，相見忽端州。同列吾真友，刑罰最優
蘇臺留舊澤，母國煥新猷。判牘風霜疾，詞江海流
升沉齊夢蝶，聚散幻浮漚。出幸司司任，先驅促薄遊。
那知比揚馬，空自望應劉。欲學忘情法，全身仰白鷗。

廣州送江九通愚姑蘇郡丞

全與江同年通愚

例改推官江得高州余得河間比余再補應
州前至即直裁缺將改作令江幸先遷得免
改補升沉聚散
之感畢集一時

通籍初投契，論交十載淡。奉綸辭粉署，就郡別

岑麗水懸衡鑑瀛洲閱釜鬻千秋期共勉萬里卻相尋
粵嶠留嘉績吳江望沛霖悠悠聚散哀哀歎浮沉
丞負名賢念才優薄俗欽艤舟遭汰兀會面惜分襟
之子浮仙鶴同官散盍簪乖情念多累因見古人
心

送張雛隱之景陵幕兼託訊施愚山副使

君去青山漢水春
替蘭楫獨傷神
天涯別酒同爲客
郢上吟詩定幾人
抱道正宜陰善俗
多才好記密藏身
宣城書問如相及
爲報全家尚海濱

谷口山房詩集

卷之十一

七

過嶺集

丁未廣州除夜呈楊蓮峰司理汪漢冲彭退菴
兩部曹

歲去愁仍在春來客未歸
無端留百粵終日掩雙扉
過嶺交遊少攜家生事微
應憐還壘燕輕向故園飛

其二

屈指殘今夕禁愁又一年
已知過少壯不復惜嬋娟
海色連銅柱江春發木棉
殊方累多口迢遞限山川

其三

旅寓若爲家椒觴亦頌花
燈八昏夜雨喧吹宰官衙

世事何時了吾生自有涯
祗應拚沉醉來往任年華
其四

連夕雨冥冥添愁動客聽
嶺雲迷北望春色暗南溟
冰月尊無綠諸君眼獨青
華軒過不厭每醉到忘形
廣州

蚤戶漁爲業遷民艇作家
四時稀見日終歲有開花
官壁泥螺殼商船稅象牙
遠遊廣聞見幸不負年華
廣州雜咏

粵民舊利在洋船錫礦銅
山况罷煎貧殺南人供億
苦半鬻兒女不論錢
其二

谷口山房詩集

卷之十一

七

過嶺集

鹽場遷阻大洋濱界內餘田剩
幾畝煎油盡憑沿海
戶算緡原是外江人

其三

海濱民食最堪哀萬頃腴田棄
草萊近日紅黏糴更貴
梧州新阻稻船來

其四

春山欲暮鷓鴣催瘴雨蠻烟鬱
未開二月江頭賣新

麥清明林下有黃梅

其五

攀來解荔一船懽帶葉連枝滿玉盤旋促侍兒當面
剝絳紗囊裝水晶團

其六

飛騎紅塵一笑開瓊漿瑤顆至今推甘香李子元相
似蓮物偏珍異國來

其七

佛桑千朵映朱樓浪許佳名炫異州猶是中原朝槿
客口山房詩集卷之十一 五 題謝集

質獨饒紅艷照新秋

其八

荔枝新釀剝紅菱坐待中秋海月升滿市香風薰絳
蠟萬家爭挂素馨燈

其九

十月梅花放滿枝天桃一樹亦離披卽看新綠蒙茸
盛未是江南花發時

其十

一林青葉四時鮮盡似江南二月天日出簇冬堪御

葛雨來長夏欲裝綿

其十一

女兒十五盛新粧了髻橫簪茉莉香百遍粉勻還照
鏡婿家昨日送橫櫂

其十二

蠻姬背上襍馱兒力作相從未暫離跣足自矜油履
好效人粧束只青絲

其十三

劫舶攻圍踞客津居民慣習半黃巾飽餘卻弃舟航
客口山房詩集卷之十一 六 題謝集

去高價山中待贖人

其十四

穠桃蒸豉啖香杭滿市黃鱸未解烹細切芽薑調蜆
汁冷斟鮮酒潑魚生

雷雨

嶺外常多雨中宵更倒盆聲驅羣蠹徒勢挾巨潮奔
雷電終年有蛟龍近海尊酒鱗猶滿轍何日見飛翻

盜賊

蠻俗還相害連宵數劫圍盡燒兵壘去卻打渡船歸

將之任新城縣別沈石友提舉十韻

把臂嗟交晚將離復此筵
征途向齊魯客夢遶山川
詞采休文著名緣李廣偏同
逢熙洽日各在海雲邊
看爾猶樽散如予未足憐
浮沉違宦達疎拙愧才賢
條制南人便梯航譯使連
大猷原和鼎崇績見浮天
三仕親牛馬頻年飽瘴烟
相思寄書札好在落鴻前

谷口山房詩集 卷之十一

七

酒樓集

谷口山房詩集卷之十二

桓臺集

改官後自粵東之任以戊申八月抵新城
荒政凋敝滿目樓其城北腴田半被小溝

河決水淹沒民不聊生通賦積至三萬有奇十
二年並徵今日以徵比爲事自風與每踰夜分
舊令綠累去官羈雷不得歸者有七人在焉皆
舊衣囊面日食不繼里民強半逃亡存者鵠面
鳩形忍飢餓以應徵比賦朴何忍在任幾二年
甘以儒科之批報罷勞瘁感傷簿書之外了無
暇晷筆墨塵閣僅作詩七首而已嗣後因在任
所上除荒率未竟新令不能悉其故仍雷壓下
爲之經營詳覆訖題允方去雖身不在邑而
實爲邑事遲留故總繫之桓臺集中自戊申秋
至壬子秋先後凡得
古近體詩二十八首

涇陽李念慈劬菴甫著

谷口山房詩集

卷之十二

一

桓臺集

新城署中病劇榻上自慰

支牀餘傲骨百日此牕邊
職廢將何補身存且自憐
多吟懼遺累無子免相牽
略識生如寄幽愁盡可捐
歷下送方田伯南歸
田伯留我桓臺幕中年餘
以迎其尊公無可大士還

浮山別歸杯酒
相送情倍黯然

勞苦相從見素心
那堪杯底卽分襟
迎親義重畱難
住急友情淡滌不禁
萬里還山忻繞膝
一官叢棘計
抽簪江湖二月多
春水莫惜魚箋寄
好音

其二

微舍爲衙感慨同日伯與余初至新邑田伯有到萬

端辛苦一年中郎官祇剩盈頭雪幕客先歸兩袖風

霸國荒臺曾戲馬新城縣有齊桓公戲馬臺野田於澤盡哀鴻

君話向江南友道先應學固窮

歲杪出桓臺舊治漫興

一官再奉改萬里越岡阜凜膺民社寄敢辭牛馬走

到日見瘡夷愀焉疾我首千室聲若懸兩湖星在甯

荒城半瓦礫廢治餘培塿故縣治在戲馬臺遺址上就屋作廳廡

駢驢行畎畝通積檄帖繁徵求動襟肘鞅掌簿領間

本口山房詩集 卷之十二 二 恒

自寅常到丑頗思寬民力志不苟五斗奈何事勢格

漸使初意負催科信無能忻然解墨綬罷斥君恩淡

畱滯民情厚今當返故鄉舉袂別童叟呼僮庀行李

鎖屋還主守藥囊與書卷此外復何有朝來天氣寒

就墟一沽酒長嘯策我乘逸興著林藪

出新城作新邑膏田被孝婦河決水淪沒者數百餘頃以此民逃賦通于爲力請蠲

荒修河雨事未得竟故詩及之

飄然野服出羊腸寒月梅花帶雪香通籍廿年初作

令荷 恩三褫放歸鄉民艱終愧圖難盡政拙猶慚

補未遑鄭谷有田堪送老齊門無計爲除荒

其二

長白山前客路紆桓公臺畔漫踟躕流離痛念窮黎

庶株守貧憐士大夫華表人歸千歲鶴雲中屣敝一

雙鳬宣房未築諸村沒誰挽橫流落雁湖

出新城遇雪馬上作

鏤冰剪練舞漫漫萬樹瓊瑤馬上看去國壺觴情眷

戀登車父老涕洟瀾手中雞擲空筋肋海上鵬迴振

羽輪好問梅花過瀟水不將蘭楫試風湍

本口山房詩集 卷之十二 三 恒

春晴

柳外飛綿如白絮花間好鳥勝黃金朱顏覽鏡年年

改蕩子不歸夜夜心

歷下雜詩

歷下重來忽七年孤踪又寄鵲橋邊城隅行步添新

宅席上逢迎異昔賢白鯽飽嘗畱客膾青尊日就泛

湖船城內有古明湖喜將宦累拋初盡那復閒愁到未然

其二

姜池西門外有姜池亦濟南名泉酒家就以爲肆春暖出銀鱗身到黃墟

興新痛飲酒徒如敵國暫拋家事即閒人行食
與衝紅雨坐倚餘酣藉綠茵醉臥花前魂夢穩不知
客寓隔重闌

夜坐李佳木遣童子送絳碧桃花各一枝

山面清童暮叩門手貽繁葉蕩春魂瓶中位置親添
水鏡下開愁自倒尊

憶窗前海棠

故園窗外海棠枝歲歲花開只自垂魯道不歸春又
老東風紅雨褪臙脂

谷口山房詩集

卷之十二

四

相臺集

北渚亭和曾南豐原韻呈王人業世光太學

渚上危亭可卜鄰水天光景半輪君城中簫鼓明湖
舫檻外樓臺佛岫雲亭正對千佛山蘆荻亂迎清興舞交符

香帶夕陽薰脚躡懷古情何限醉別柴門月色紛

題金式菴郡伯古留堂

古留乃式菴新安祠居
衆名公今僑居淮上

以名堂念祖懷
古于斯見之

聞道黃山下清溪遶一村俗傳上皇代花滿武陵源
地易麗風在堂開祖德尊文章兼孝友似續裕垂昆

其二

舊里新豐社依然在一堂官今唐刺史人是漢循良
繡曳鳴珂里名高君子鄉宦遊常記取政績自輝光

登萊州望海樓

東海濶無極積流涵八荒不知天水外曠莽是何鄉

浩淼幻潮汐汨沒變青蒼浮天含萬有浴日騰初陽

十洲在何許扶桑幾許長但見芙蓉山山在海中正與樓對泛

泛臨我觴遠瞻遼水碧如靚歸鶴翔疊巖三冬伏天

吳白晝藏求藥想漢帝勒石紀秦皇斯人皆已矣吾

意正蒼茫

谷口山房詩集

卷之十二

五

相臺集

望海歸答陳塵齋

不盡登臨興空教到海回直愁霜逕滑還畏暮潮哀

樗散容吾懶伴狂惜爾才二勞兼蜃市有日或重來

夏日次青楊店

村舍青山下高楊急暮風人家藏樹裏鳥語異城中

翻浪黃初刈連雲綠未空道中見兒童爭拾穗立馬

喜年豐

其二

解鞍投旅店冰簟展荆牀瓜菜偏生美山風藉甚涼

長燈火夢欲到義皇高處都無著蕭然身世忘

北渚亭看秋海棠

春睡何曾足盈盈艷色流叢卑知有恨質弱不勝愁
如月樓陰晚陂塘檻影秋向人如欲訴綽約此亭幽
立秋日同嵇漪園讌集約突泉送宋荔裳觀察

西蜀和韻

冰突出氣雄哉梧葉初零落照開白雪樓中人不
見青雲閣下鶴重來泉上有呂祖閣來鶴橋驚秋上客能詞賦

薄宦餘生狎酒杯十載相思重會面清狂肯厭數追

谷口山房詩集

卷之十二

六

恒臺集

陪

其二

詞人秉節暫來過勝地招尋樂事多席趁月明傳素

竿簫融泉響入清歌是夕移席橋上看月池中夜湧看珠樹有泉

三出各涌劍外秋溪聽玉珂錦里浣花饒舊蹟須乘

暇日醉烟蘿

十彰和尚新移方丈

遠公飛錫偶林泉疎柳長橋古堞邊未是禪心隨住

著應知人地有因緣倚前新壘茶甕院後先除種

吳君且安居吾欲去五湖明月蔚藍天

家書至聞杜蒼舒別駕計音

好友如君少頗傳計竟真傷心聞壞棟扶眼屢更巾
少小騰羣舉魁梧表衆人觀書驚敏捷得句必清新
投分無雙契論文見獨親談淡常盡夜居近若爲鄰
自昔攻儒術相期作國賓蹉跎年漸大鬱曲志難伸
別駕紆除目公車困積薪歲時勞攘攘南北走踈蹤
書記初營室驅馳祇患貧漫交疲應接窮大竭心神
征邁還依附狂愚屢歷陳聲名空藉甚生事各酸辛
谷口山房詩集 卷之十二 七 恒臺集
行者將之粵歸與暫到秦過從衆數數慰勉最循循
一別成遼濶多時歷蹇屯每懷浮白墮豈意隔黃塵
嵯峨奏中丞惜許謨獨坐詢撫年傷管輅把牘憶陳遵
關筆知音失愛時大雅淪響沉哀綠綺贈晚泣純鈞
零落同時輩妻妾後死身齊名潛自念聯璧恨誰因
佳弟能媲美嗣兄爲奉禪門庭朱戟絕閭閻翠眉舉
竟瘞崑岡玉空啼蜀鳥春驚鷗折蘭桂溢露滴松筠
泪竭鮫人室聲吞濟水濱臨風一鳴咽蕭瑟滿青蘋
冬日濟南送李佳木返任城觴罷出門佳木指

寺高池深老僧曰快不見白綿金縷當有

爾題余曰白綿金縷其性中正可于冰雪

中想見之若待春來是見春乃見柳也因索

筆戲題僧壁佳木和已乃行

戶外長條袅細微方塘寒影掩征衣春來飽見青烟

鎖暖日還看白雪飛遊子行時忍攀折佳人別後想

臉圍山僧未惜風流絮一任黏泥怨落暉

寺夜

自賃老僧房半間銍前酌酒遣寬閒瓶花映窗外翻

香口山房詩集

卷之十二

八

恒齋集

見蓬戶無客晨猶開醉去終宵酣惡臥飢來一卷破

愁顏東風歲歲吹行李明月何時落故山

舊同官諸子偶集小窗留飲卽事

東西南北各情親文雅風流刺海濱不厭過從消白

日那容愁思負青春都成一醉無期會旋具壺觴最

率真惜別何年還此聚坐看客鬢半如銀

將去濟南別同官留滯諸子

子自春期行至秋
方遂同時南北各

去者有
三人

三載東都住輕裝此日西散如風振葉留似絮粘泥

世態誰能免吾衰眼恨迷飢寒常浪跡何處更栖

其二

宦夢初拋枕浮生未息機家貧良可念親老久應歸

干祿今如此依人事亦非爲農吾願足筋力恨多違

去濟南承同官諸子祖餞席上口占呈嵇漪園

年丈

遲回塵網久知非傾倒離筵未忍違我已及春還千

舍君真何日到庭闈漢家羅裏鳧全逝宋國風前鶴

盡飛諸子皆已拚醉花邊從此別馬蹄驕軟踏芳菲

香口山房詩集

卷之十二

九

恒齋集

其二

洛陽西去是函關仙掌雲開紫氣殷釀酒須教牀注

具吟詩堪忘鬢毛斑蕉中鹿幻醒何戀海上鷗輕去

不還家本秦人能擊缶擬裁新曲授雙鬟

其三

五湖烟雨待輕橈二月歸心著大刀短輓何須留駿

馬卑枝今已失鷗鷺壚邊坐滌相如器柳外行伸靖

節腰別後只應各努力莫教渴病日蕭條

谷口山房詩集卷之十三

從侍集

新城官罷生事蕭條壬子冬復北走京師
吾師黃岡夫子時以侍讀督學順天留侍
幕下癸丑夏從出較士順德廣平大名諸郡
冬深仍從侍還京先後在試院及道中凡得古
近體詩五十二首

涇陽李念慈劬菴甫著

涿州宏仁寺四松

昔遊金陵寺數禮長干塔最愛六朝松扶疎指閭闔
五月出長安炎蒸路難越赤日焦顏面黃塵沒短髮
長林翳古剎眼望心已達進門失烈暑旋行解短褐
谷口山房詩集 卷之十三 一 從侍集

更入得四松銅柯白蘚匝對坐恁偃仰塵襟一洗豁
老僧言若遺任客性所適手戈滿山澤喬林多翦伐
如何大道傍猶得見此物託姑難具考增崇萬曆末
巍然留蕭森母亦仗佛法殷閣金碧存廊宇規制濶
感懷百年前太平寬民力征途方冉冉緬維神超忽
安得據胡床長此看明月

涿州道中

此道昔來往前驅候吏迎經過漸就幕卻避畏知名
東縛隨駒蕩淒涼閱旆旌屢空陪侍在愁長魯諸生

棗彊道中飲玉皇宮傍行館訪道者

其二

駐馬清風逼入門埜趣深琳宮傍帶驛翠柳列垂陰
窮老征途淚驅馳倦客心經旬初得此暫可豁煩襟
灌木深堂後疎籬細栢香軒車門外閱情識靜中忘
赤日憑誰繫青山笑客忙始知喧寂界分手即滄桑
邢州使院中槐

夏日多亭景流炎正苦長偃側一室中氣暍那可當
誰能突此際灑然子清涼綠槐五丈餘挺生庭宇旁
谷口山房詩集 卷之十三 二 從侍集

幕中感懷四首

暈陰遮我牖迴展儼清商官署偶相值病身得穩床
庇者良有緣植者今何方受德念所自心感詎可忘
遲暮形容鬢已絲漫游原自少前期重棲燕市三冬
後卻到邢州五月時鄉里夢回嘆鳥喚功名身罷看
人爲豫公不二心徒苦旅進誰膺國士知邢古襄國
城內有豫

其二

八年飄轉豈無家負米行勞未有涯下走故應安阜

樞羣英多自致清華偶鄰別院聞調竹閒倚深堂聽
放衙行路只今難倍昔未應蜀道負侯芭芭邢人

其三

食力寧辭廩下春半生多口一身供田荒本自無餘
畝硯稔終難較上農玉酪傳觴驕素醴華筵列鼎笑
青葢舊廬粗有攤書地歸倚柴門看碧峯

其四

論成論敗只吾身到眼榮枯盡是真放逐行藏真信
命衰殘顏面苦看人酒壚何意還過蜀藥肆應教促
谷口山房詩集卷之十三 三 從前集

向秦宦海客途無一善誅茅鋤逕劇須親

黃鸝

黃鸝汝何訴百轉太清勾頗怪音傷巧其如語動人
不眠聽徹曉多病臥經旬卻憶村居日初嘗麥飯新

幕中聞蟬

客跡何常處聞蟬復此州自多妨短睡容易動深愁
狼藉生涯晚飛騰壯志休氣衰遭暑逼徙倚望清秋
旅夜聽歌

聽歌胡不樂歌苦淚霑襟奈此短長曲偏驚離別心

新愁添白髮久客盡黃金終老江湖外空勞陟岵吟

夢先繼母

母恩永念淚霑裾違訣終天恨未舒夢裏慈顏千嶂
外釐頭宿草十年餘弟狂徒切劬勞痛父老仍嗟奉
養疎負米兒身還似昔更誰凝望倚門閭

幕中作

從戎既不易干請羞趨謁側身從幕府聊免苟肥膺
此行爲親養妻孥兼存活舉家賴溫飽在事須陳力
况當受恩地涓埃亦報答觸熱登修途驕陽爍病骨
谷口山房詩集卷之十三 四 從前集

騎馬騶從閒揮汗濡絳葛吾師雖精密猶恐有微

闕人或工承指我意豈敢訥所言卽未當要當盡吾
識一飯非徒然努力効微末

蚤涼晏起

苟安實吾患蚤涼睡正濃傳聞昨夜雷雨灑蓬鵲峰
爽氣襲客榻夢酣失疎鐘遙想濕處翠色含青松
偃仰悲身世羈棲憎衰容失學恨自昔遲暮氣更慵
衣食倚奔走閱世况未工蹉跎送餘年生成負天功
猶憐骨未挫防身寶固窮舊簾失寒滑毛刺棘微躬

蠅乘其時羣飛方吾攻起坐把長劒寸心憂忡忡
赤日汝何勤蚤起滄海東義和縱六轡軋然行空濛
流光照吾室洞達開心胸願言附雲馭萬里凌長風

初秋邢州送王于重歸省

季札貴公子位高視乃卑卓哉披裘公曠目不拾遺
人生重氣節安能效詭譎獄王仲子實惟用世姿
文章蚤淹貫六經肅履曾作賦舞象年入洛振羽儀
才名動京國庭聞况在斯慈也忝世交問字披師帷
追隨蓮幕末微忠效所爲顧慚同列人多態顏忸怩

谷口山房詩集

卷之十三

五

從詩集

愚拙終自守方鑒或圓規君能具青眼氣合無乖離
秋風吹大陸念子行當歸將母敢辭勞觸熱經山陂
臨岐何所贈願言崇德輝昔賢重典學豈徒富文詞
男兒飽經術當在少壯時莫學谷口翁遲暮空傷悲
邢州過夏將之武安作

淹此亦何意秋風又入行總有夢不到武安城

臨洛關驛舍

黃梁夢
在道中

驛路臨洛水嚴關倚太行因人宿官合作客信他鄉
沙樹年年改星輶日日忙有身還是夢不必問黃梁

洛州道中

官罷知交態年衰困薄遊雨荷翻注淚風柳亂行愁
洛口唐屯古洛關漢縣秋經過爭戰地慷慨未能休
道中見打麥

畿南過端午小麥齊登場嘉粒猶在秸暴曬趁酷陽
千村慶有穫婦子同一忙感此節候同慨然念故鄉
村居郭門外族里鬱相望日入休衆作場圃逐夜涼
聚談較所入勤苦庶茲償瓜蔬列盤盂濁酒亦盈觴
達此二十年私心常悵悵今雖罷官守猶然事四方
谷口山房詩集 卷之十三 六 從詩集

何日免狂走父老共徜徉

雨夜

洛州環水澤七月氣蒸溽引領望時雨庶幾釋煩燠
溼雲暮油油東雨來何速散襟納微涼狂叫開心目
豈知茅屋漏疾下如決瀆我前滴胡頻我後聲相續
北窗濕書卷東隅沾衣褥苦蓋怵手足奔救走僮僕
夜分不得眠仰視費燈燭始知快意事利害皆倚伏
顧瞻還自笑真心待朝旭

玉簪花

神女何年去遺簪著碧芳最憐含曉露幸不及秋霜
琢玉愧留跡雕渠輸有香客窗空採摘憑付阿誰旁
計甫草小童送玉簪花至詩以答之

秋花白玉簪采擷出美人素手挹清露擷輝及良晨
曉意感幽獨持贈若爲親皓潔比容華芬香動衣巾
閑誠益自檢密意難可申知子意良厚何以答知音

七夕獨坐

離家已多歲別恨遇秋深最是穿鍼夕尤憐望遠心
鷓鴣鳥欲散雲暗月初沈獨坐悲天漢空令感越吟
卷之十三 七

洛州秋感十首

西風淒淒已屬百草雕華滋亦知春暉漸蕭瑟觸我悲
亭亭松栢幹矯矯霜雪姿慘澹蟠高岡勁節終不移
雖無搖落感亦無榮華時抱此區區心敢慕事自持

其二

歸棲意不慍念我平生親素交半零落相知復幾人
少壯不自立尤悔叢一身端居疚往事業使來者羞
習習谷風涼凜凜秋氣深征雁無停翼立踟躕哀音
客行寡儔侶引領獨傷心

其三

朝騎驚馬出訪舊過南鄰蚤市紛已集喧沓隘通津
車馬塞衢巷百貨燦然陳人生無貴賤各自役其身
競利日不足炫巧相鮮新古今同一轍老幼遞相因
百年會幾時勞生何其勤

其四

昔我適會城路出咸陽原古冢何累累松栢無一存
石獸臥橫畝狐兔避人奔古來英雄人永寐無朝昏
聲名雖復有在世罕子孫我生既須臾又不乘輕軒
卷之十三 八 從侍集

胡不日宴樂空令長鬱煩

其五

涇許有佳城實維我祖塋樹木何衆多昔見猶崢嶸
青松森後衛翠柏翬前旌高楊周四圍垂柳夾道生
自從變亂來翦伐及榛荆吁嗟明德後衰弱不復榮
觸目傷心意俛仰涕沾膺

其六

我母棄呱穉不及見我長劬勞繼母恩亦已歸山岡
新阡祖塋西荒壟缺周牆八年逮拜省宿草歷嚴霜

其七
養已莫速矧茲終窶傷顧身賤如此泣下沾衣裳

其七

祿食雖微薄迎養忻相守自昔送親歸忽已三歲久
促織吟草根秋蟬鳴深柳沈思高堂上寒風薄牕牖
室中無一人當戶累多口我行在四方飄零日不偶
行役非王事胡不休奔走永念屢空迫近淚頻回

首

其八

在世爲兄弟一本天所親富當同宴樂貧當同苦辛

谷口山房詩集

卷之十三

九

從侍集

胡爲各一方阻隔吳與秦爾昔出奔日我方入官新
刺促一相見于今十二春垂白堂上父甘旨缺難陳
歸來及此日聊與同昏晨

其九

我今客河朔爾猶棲江關奄忽駘景馳日月如轉環
以我鬢髮改知子非壯顏秋風吹蓬轉歲序迫已晚
逝水有迴波子行獨不返人生豈素絲一緇難再染
圭璧尚可磨衣裳亦可澣無爲紐遺行古德庶茲纘

其十

秋雁亦有侶雙雙凌空飛萬類各儔匹夫婦亦有宜
自非得神仙誰免念其私庭中雙海棠春暮揚光輝
我行十年遠凄風滿故枝榮華不及采空知黃落悲
亮無凌風翮何以慰相思

武安感懷四首

楊柳垂垂綠荷花面面紅人家森木裏城郭聚香中
日月過唐壘烟霜想趙宮只今慷慨士誰復曩時同

其二

湖光碧四圍夕日漾清暉蔬圃依隄岸官亭立釣磯

谷口山房詩集

卷之十三

十

從侍集

帶房蓮子嫩出水鰱魚肥旅食仍彈鋏深漸怙昨非

其三

西風滿河朔搖落衆芳知未脫囊中穎還同鄴下羈
川雲思含燕井露憶園葵倚劒看雙鬢空悲負素期

其四

淦水通鷄澤叢臺接兔山青雲他日合白壁幾時還
棲託難高枕風塵且厚顏秋陰連故國客思滿函關
鳳仙花

爛熳秋多有嘉名忝鳳姿風叢搖翡翠雨片墜胭脂

子性生成急奇功淡最宜

一槿三考入
藥能透骨

佳人和露搗

紅甲坐調絲

夾竹桃

勁葉非含籜疎花稍著緋開多緣木末落未點春衣
煖室藏宜密幽廊兒亦稀何須繁勝錦遲暮有光輝

砧

清砧秋月下纖手搗寒衣絕塞愁將寄征人歲不歸
關河鴻去盡雲雨夢來稀夜久聲還歇涼風透薄幃

懸簾房於壁就壁食之

谷口山房詩集

卷之十三

上

從侍集

蓮葉蓮蓬盡有香朱絲粉壁挂新房匡牀睡起閒行
過露頂蜂兒手壁著

秋夜

河漢終宵見乾坤萬里秋客心如大火日夜向西流
已識浮生理還牽送老愁望鄉思有賦力倦怯登樓
中秋病臥是夕微陰至夜分乃得見月

秋半輕陰合良宵錦宴張人今愁病臥月亦惜光
雲歛三更後天青一鏡傍笑言聞醉客獨恨倚繩牀

十六夜新齋看月

秋望過三五澄光倍可憐那知經障翳仍得見嬋娟
碾碧開千嶂騰潮印百川霓裳宛轉曲幽思在誰邊

其二

皎皎如團扇暉暉送夜涼湖光明遠澈竹影入深堂
無累病還好得歸貧不妨此時天萬里愁緒許同長

十八夜看月

桂闕馴虧影蟾光未昃輪已看節序隔還照露華新
酒力輸長夜砧聲惱近鄰不眠常獨坐惆悵濁漳濱
癸丑九日天雄試院中作

谷口山房詩集

卷之十三

上

從侍集

九日不登高踟躕在茲堂想望大伾山忽欲攝我裳
衛水西北流趨海交清漳秋山涵帝靈朝歌緬殷疆
龍比英風在蘧汲丘壘荒古人骨皆朽俯仰生感傷
清霜被魏州野菊吐芬芳憶我別閭里八見秋花黃
陟岵常西顧秋色空蒼茫豈無茱萸酒兄弟各異方
骨肉久遠別對之焉能嘗聊爲清商曲起舞聲琅琅
鳳凰翔千仞蟋蟀鳴閨房吾生各有涯任運且翱翔
仲冬日天雄送朱菊廬歸省黃州

抱德江湖遠文章薄世名人皆畏孤冷吾意愛真誠

急省衝霜雪長驅爲友生江臯須蚤出莫待亂啼驚

其二

因人亦有道枉直寸心知貧妻吾何恨肝腸汝見之
親衰遠侍養計拙滯歸期難附晨風發空令感夢思
天雄冬夜聞大宗伯龔芝麓先生凶問詩以哭之

慟哭斯人歿乾坤莽寂寥哀聲齊晉祔卹典下唐堯
筆墨傳終古精靈翊聖朝惟餘感恩子垢臆立寒

寄

谷口山房詩集

卷之十三

十三

從侍集

其二

悲風動河朔凶問邸鈔傳士類聲同失村春杵竝懸
菁華返山嶽氣魄定神仙吾道何堪問哀歌盡暮年

谷口山房詩集卷之十四

從軍集

甲寅保舉奉檄赴湖廣軍前卻枉道過訪
如交營辦查斧七月自京南下過徐州歷
廣陵至吳下冬抄卻上江寧度歲乙卯正月赴
楚二月到武昌三月至荊州遂留荊州軍中樓
遲擣散旅食艱難丙辰春乃自請檄催餉下維
揚過夏八月暫下金閶踰月即返仍還楚往來
荆鄂間至丁巳八月補景陵令在任九閱月賦
述民刁軍需孔亟拮据勞勩無復意興至戊午
五月遂蒙薦舉得釋邑事七月乃
去楚凡得古近體詩二百二十首

涇陽李念慈劬菴甫著

徐州道中將訪孫大宗刺史不果有懷令弟豹

人卻下維揚

谷口山房詩集

卷之十四

一

從軍集

楚城旁領四諸侯禾黍連阡穡事秋齊魯雲山環北
障江淮舟楫溯南流交馳羽檄方多難按堵生民未
識愁乘興東來還卻去便尋難弟下揚州

中秋夜次王家營西村

長淮直接大河流河上新村古渡頭明月共憐今夜
好濁醪獨對異鄉秋誰念民生苦轉粟猶煩國
計愁客跡浮沉真自惜軍書南北正多憂

夜泊揚州東門

輕風微雨下灣頭燈火連橋夜色秋鄉國夢飛何處

去客行今日到揚州

廣陵贈鄧奔威

昔我適東粵得君過嶺詩攜持舟楫中常恐蛟龍窺
南上十八灘還下滇江谿山川相映發光茫出篋笥
把詩愛秀色儼若對容輝豈期再相見復此邗江湄
巍巍文選樓廢爲選佛基帝儲去千載與君忽相期
時倚百尺欄雜陳列國詞如踞太華巔坐攬羣峯奇
我不見古人來者亦如斯薪盡火不滅賴有後世知
何幸當吾世評定協前規大雅賴維挽慎勿混瑜珉

谷口山房詩集

卷之十四

二

從軍集

秋日梁溪贈吳伯成明府

聖澤蠲租賦居人樂耦耕扁舟隄岸外香稻水雲平
歌滿安仁縣秋深泰伯城東南民困甚此地獨豐盈

其二

江南文物地叢脞亦堪憂才大無繁劇官閒得宴遊
愛酒追山簡能詩嗣隱侯公餘高興發曾未減滄州

其三

鄭驛風何邈孔尊事亦稀君情真邁古客至久如歸

北路

王師逼時入浙王師已次邗關

南天羽檄飛惠泉山水

好茗椀且相依

吳門張詩宜園亭呈主人

主人愛幽勝闢地卽林泉巖坳生咫尺曲池漾清漣
我來秋江上艤舟入市廛舍館儼丘壑散步心悠然
西閣快登眺虛窗凌紫烟江山供欣賞庶免鄉思纏
東吳遊冶地秋色况可憐爲語丹桂花且勿隕風前
明日入虎丘山塘艤舸船

姑蘇九日示舍弟

他鄉偶聚已傷神况是登高物候新九日分萸今共

谷口山房詩集

卷之十四

三

從軍集

弟多年逢節獨思親吳宮臺榭餘秋草越渚烽烟接
上津北客江湖淹歲月可知張翰憶鱸蓴

贈吳醫梅公燮

昔有南昌尉辭榮稱隱吏上書不見納遁跡吳門地
卒徒良已賤道在各甘棄高風被千載君身豈其裔
丰稜見峻骨寄託歿神智賣藥聊自給賦詩取快意
我行近干祿道遠兼燧燧感君真隱情覩頰心內醉
願乞肘後方刀圭存晚計飄零李賀囊灑落韓康肆
緬想鹿門翁俯仰人間世

吳中滯雨

冬霖無意緒漸瀝失嚴更客聽愁難寐風吹斷又生
漢南頻轉粟江國盡屯兵行邁何淹滯懷鄉空復情

其二

荆楚何時到羈心黯暮雲一江吳晉壘百寨呂陶軍
拔擢無幽滯棲遲愧侶羣兵前多妙選歌舞日紛紛

其三

榮華非我分將老卻從戎隄外調新馬尊前引角弓
揚帆思夏口乞食困江東行雨迷朝暮空疑自楚宮

谷口山房詩集

卷之十四

四

從軍集

其四

晝眠休哺食多病畏連陰暖藉粵州桂溫須遼海蔭
還方飛赤羽此物比黃金難倚扶衰力蹉跎遲暮心
至日舟發吳門呈豹人

蘇生歌

蘇生欺歌曲至老癖益堅爲我奮逸轡行雲遏楚天
少小喜南音離鄉走江邊天性既篤好用心况窮年

吳中稱善謳未或與比肩梁溪美酒旨且溫主人延

客養醴尊清音一動驚衆賓共言有耳未曾聞瑩如

雪晴殿閣檐溜落珠聯玉筍斷續勾矯如神龍掉尾

九霄上渾淪轉側力萬鈞象板高持久未下嚮迴凝

聽情紛紜小憲兒女語清新調高氣滿四聲純抑揚

曲折各盡神鮮淩脆藕無滓塵秦青一去不可作生

也母乃其後身我欲從之陶性真等閒富貴如浮雲

移情寂寞海水濱微風蕭瑟拂白蘋吁嗟有日突然

遂此樂誰能戚戚世路常苦辛

谷口山房詩集

卷之十四

五

從軍集

陳生彈詞

陳生工彈詞其音峭而折欲斷急還續似墜潛已揭
鏤冰三縷弦脆滑仍淒切微聲裊春絲曲赴指下節
義本羈旅人聽之感離別屬生且休彈勿使腸斷絕

京口

此路通吳越年年輓粟遙只今增萬壘何日格三苗
漁艇秋牽纜江船夜趁潮客踪正狼藉愁眼向金焦
京口潮音洞晤楊賓襄副戎留宿卽別之楚中
浪打崖根跡未磨洞門猶向舊山河淮揚地勢尊前

盡吳楚帆檣檻外多幕府何人推陸遜軍中有待將
廉頗相逢忽又驚離別廿載風塵鬢已皤

甲寅除夕江寧寺寓

雨雪尼行路淹留又歲除寺樓還舊寓江國且安居
天屬親雲鳥民生困轍魚故鄉兵馬集消息斷來書
風急泊黃石磯

此身無百年胡爲日萬里東南用兵地我行方赴此
朝發皖城邊溯江行頗駛驚風暮放顛高浪斷行李
落帆黃石磯問途鄰舟裡往者湖口盜殺人據江汜

谷口山房詩集

卷之十四

六

從軍集

三月無行舟估客困欲死日前王師來拔營盡內
徙楚船連檣下草中無流矢微聞瑞信間窟穴接衡
澧道路雖暫通此輩仍根柢朝廷妙籌算帥師用
長子搜勦定有方旦夕靖彭蠡九江門戶地防禦休
輕弛我今往荆岳水陸各壁壘借箸非所能聊將備
任使西北雖偷安民勞比頰尾任人貴推心過別亦
徒耳誓欲叩閭闔踈遠言如紙循分期黽勉本清末
自理

阻風道士泐登西塞山

西塞山前妬女風杖藜騁望翠微中楚江忽觸危磯
轉越舸初看錦纜通汭溜深藏龍窟黑茂林高隱寺
樓紅故園燧火層雲外目斷春天少北鴻前時寇據湖口江路絕阻

風夜黃州舟中

楚岸風威盛江城夜聚船驚心還起坐側耳竟無眠
軋軋風搖舵逢逢浪觸舷行裝親戰壘鄉信杳春天
親舍誰溫清王師未凱旋微軀寧敢惜樗散送流年

谷口山房詩集

卷之十四

七

從軍集

苦雨

江柳含烟細江雲阻望低非時蚯蚓出終日雨鳩啼
山堞留深霧軍營困濁泥陽烏沈蔽久天路恐長迷
春夜風雨大至

雨雪寒劇

中夜風威勁高樓欲動搖雨傾愁破瓦木折異鳴條
江漢雲厚鯨鯢破浪驕楚天春更漏旭日未終朝
江皋春欲暮白雪入高樓圍坐顚添火開箱自著裘
世情真可詭人事日多憂昨夜風聲惡沙邊有覆舟

其一

雨時行寒凝雪片明亂飄江岸白密下楚天輕
柳絮元同色梨花落又生兵戈陰氣積春冷岳陽城
春晴載酒烈招飲登大別山

大別峯頭種雲回登臨一望楚天開兩山中斷岷江
下萬戶雲屯漢水來南紀樓船虛歲月兩關烽火遠
蓬萊濟時豐沛多賢俊與爾還傾燭酒杯

異時

白水新稱亂龍門亦動搖顛傳殺長吏何計緩征徭
谷中山房詩集 卷之十四 八 從軍集

榛莽猶多伏豺狼豈聽招異時猜忌少諸將翊 中

朝

阻雨岳口邀談鹿柴喬梓出晤卽事賦贈 鹿柴
先生 友夏

子

直憑三日雨坐待故人來短札邀晨騎清歌動夜杯
語多前別悉風轉去程催喬梓深情並寧辭隔日回

其二

海內推壇坫各家舊竟陵園廬存澹泊似續新鸞騰
白髮彈箏慣青尊醉客能風流真不墜窮老亦堪稱

荊州

蜀漢江聲接苗蠻瘴厲侵輕帆走吳會野日下湘陰
戰伐何紛紛山川自古今棲遲倚多壘展轉白頭吟
初夏荊州客寓喜秦畱仙太史初至見過留飲

卽事

楚天終日雨入夏有餘寒踟躕一室中浩然發憂嘆
翩翩秦太史來自漢江干繫舟枉我寓促坐共盤桓
斗酒夙所蓄蔬蕘克盤餐率爾供上客所恃同艱難
小飲盡日夕款語豁心肝論文干戈際母乃笑愚頑
谷中山房詩集 卷之十四 九 從軍集

明當詣街市賣書買馬鞍還思古昔人未遇猶泥蟠

董子對天人賈生策治安此物有時須焉能舍所權
稽古見雄畧豈必把旌竿君看治粟尉亦得議築壇

燕

楚燕乘春色呢喃入客扉不辭新戰地來向舊巢飛
故里空梁棟征人困絡鞵關山盛豺虎羨爾得輕歸

聞戶部尙書米斯翰死

近接中朝使司農捐客初度支今更困聚歛竟何如
搜括民生盡逢迎 主眷餘天心迴仁愛禍本爲先

除

登荊州城懷王粲

世變猶今日依劉亦此方大江流不盡鄉國意難忘
城郭更離亂樓臺跡渺茫登高一悽惻愁思向蒼蒼

次韻和許竹隱再登王粲樓

風雨經旬暗未收乍晴失喜更登樓三分事業隨烟
燼萬古江聲遶郭流閃野旌旗新戰壘連天烽火舊
神州依人未得如王餐飄轉無心任滯留

荊南軍中上靖寇將軍貝勒十六韻

谷口山房詩集

卷之十四

十

從軍集

授鉞親賢出臨戎帳殿開風雲迴氣象江漢動昭回
智濬皇天錫功崇玉牒推究參星緯秘體備武文才
英覽窮千帙淵謀動九垓受書韜豹畧分仗得龍媒
立見機槍掃行看版宇恢三湘收貢賦七澤靜氛埃
蜀嶺休燧燧滇池掩劫灰還朝呈雅樂別苑啟平臺
鄴下弘文園淮南獻壽杯道風鴻寶爰麗藻洛川材
令德承楓陛虛懷接草萊小儒慚賈董末學異邵枚
坎壈微官縛沈淪短髮催河清思換頌錫玉贊郊禋

江陵軍中贈張遠公

江上然藜閣軍中借箸人老成憂國鬢歲暮耐寒身
竹葉嬌如酒松枝偃若輪夢花生綵筆望氣得純鈞
玉牒親邊事金甌倚老臣五城羊祜壘一鶚呂蒙
屯花萼輝高陞芝蘭向蚤春威戎兼附衆千載翊
尊親

荊州述懷

漢陽接江陵鄰壤非異地兩月行始達客踪何還次
苦雨日淫淫烈風尤縱恣茅蓬薄板舟水宿懷驚悸
三夜泊城邊搖蕩無安寐故人許借居道滑難驟致

谷口山房詩集

卷之十四

十二

從軍集

前朝雨少歇借馬攬轡轡艱難數里中泥深防顛躓
入城望廣術馬糞紛委積來往多兵卒交衢雜貿易
不謂營壘邊猶見此市肆民居畱主賣高閭泥封閉
小寓東南偏客來方啟榻下馬聞鄉音主人稱久遲
延客坐中堂吹火烘衣袂煖酒禦我寒肴核亦繼至
向晚鐙燭張越日釜餽備圖書稍羅列几榻亦位置
相過半鄉人酒脯競遺饋餐餐快一時飽食潛內愧
我本愚拙人射策偶然遂一尋司理班再汚郎官位
政拙蒙罷黜怡然安廢棄家貧仰事艱依人爲掌記

冀營甘脆資耕田足晚計海內忽騷然抑髀塵宸
慮咨曰汝列卿舉賢佐匡濟我名謬在中領檄出趙
魏廢久僕馬盡路遠衣裝費既感知己恩敢辭辛苦
味豈知舉者心未協用者意翩翩世卿青溫溫親故
患援引既樞要求託或深閼熊軾狐白裘高列及監
司爭誇意氣豪那論年齒穉漢主起淮海豐沛多尊
貴豈惟才智優亦藉拔援庇寧如祁午升晉國得賢
尉楚王賢虞丘樊姬旁獻欬吾徒二十人官常歷勞
勩才能雖復稱拋擲等敝屣軍城供億繁物價涌如
奔口山房詩集 卷之十四 從軍集

靜吾衰空咨嗟身遠甘飢贅君憂臣則辱艱虞寧
可避亂離主恩深洗濯出幽滯雖在樗散儔尊顯理
無二憂心感歲月病眼愁燈燵聊述羈旅情敢忘捐
軀義

憂悶

六十六七薄遊翰墨場亂後生事覺奔走日皇皇
人出金城渡河歷甘涼鳴弓落塞雁馳馬逐黃羊
霜交多豪俊志欲吞諸羌坐茲游俠情翻使學業荒
虛名還困頓俯仰熱中腸奮志乃下帷辛苦倖一償

奔口山房詩集 卷之十四 從軍集

偕計謁金門鍛翮過濠梁弔古泛淮泗過圯懷子房
寒冬理江楫逆流入建康齊梁跡汨沒王謝巷蕪荒
看山到廬阜懷人遶豫章斯遊稍稱意裘馬亦飛揚
詩名動江國宴遊皆盧王再上提禮闈意氣尤昂藏
買妾下青谿訪舊過金閭落帆問二陸牽攬向餘杭
長揖將軍座高論司馬堂乘輿方甚適官職忽相妨
宦遊屢顛躓戚促罹咎殃蹉跎二十載壯志日銷亡
敝裘入京邑寒日無輝光忍辱苟依託甘旨聊遠將
豈期被 詔命挾策履戎行行間雖多務而我但躬

翔臥起無一事旅食清晝長 王師老江干籌策或
未良曾未聞謀畫何由別否臧微名空繫絆不得返
故鄉故鄉亦兵火道路盛豺狼思親夜不寐枕上滄
浪浪父在胡遠遊聖訓戒有方我今雖荆楚時勢正
蒼黃四海盡兵戈盤據各自疆一身方微賤何以拓
封疆青雲本無期鬢髮蚤見霜屈指年半百力衰視
茫茫觀書不復記跨馬腿亦僵于世終無補偷生負
穹蒼構散匪我獨飢餓理亦常家貧親日老自覺生
計忪飄飄亂離際萬國皆瘡痍我將何執可以慰

峽口山房詩集

卷之十四

五

從軍集

榆桑朝出如有營暮歸仍倚牀僮僕多散去獨坐色
淒涼追思少壯日胡不謀稻粱足跡半天下曾何救
空囊生世半行役垂老阻江湘欲畱意良苦欲歸貧
自傷百為審何是涕下霑衣裳

荊州雜興六首

西山戍罷息烽烟海內昇平二十年豈謂過聽鼂錯
策遂令遠駕伏波船遐方驕帥元無賴內郡供輸劇
可憐少府金錢儲待發山東猶幸未蕭然

其二

職本貧民生辛苦唯教府庫盈權酷算絀千孔
盡揭竿走險四方傾閭閻藏富何曾講枯竿銷兵竟
不成兩載公私皆罄竭布衾脫粟爲誰清

其三

軍興中飽固營私核實寧堪較粒絲昨日城邊開玉
帳移時市上賣金羈偏裨梁肉粗能給甲卒餅罌罄
不支嚙膝追風多餓死徒行愁殺荷戈兒

其四

雪融蜀水下荆門七澤三湘濁浪翻漲夜戈船同汎
峽口山房詩集

卷之十四

五

從軍集

梗漏天雷雨况傾盆即愁沾岸煩民力須計衝隄潰
馬屯天塹一江南北限木罌竹炬豈空論

其五

將帥無金士不趨多財且競置名姝寧思雄主千斤
謀絕勝通使十斛珠緩帶輕裘前壁壘樓船彊弩此
江湖談兵制敵尋常事誰引儒生贊握符

其六

積雨橫江無了期打階檐溜日垂垂二儀渾合魚龍
鬬三峽陰泠鳥雀飢陂麥半黃愁放馬軍資畧乏待

踴賜陽臺向暮應落袂故國雲獨杖藜

端陽前四日許竹隱郡丞王德扶別駕置酒寓

閣邀同秦留仙太史話別

還朝放鵲有期程楚酒菖蒲豫節傾漸老應須重離
別得歸猶自費將迎江邊氛祲晴仍積鏡裏霜髭鉅
更生歲月棲遲兼道路浮沈何以答生成

其二

竟日淹留且自豪羣居談讌寺樓高玉杯象箸非吾
分破寂銷愁賴爾留遲暮泥塗依藥餌徃狂機語雜
谷口山房詩集卷之十四 七 從軍集

風騷驚心世路橫戈滿回首應知屬望勞

荊州軍中送許竹隱同年入京

江漢東流鼓楫鳴乘風此日羨君行他鄉送客情難
遣歸路朝天酒倍傾宣室定虛明主席除書還報
楚王城時艱拯濟須公等民力軍儲總未輕

其二

殘冬把袂在揚州忽漫從軍續昔遊閭外乍逢真愈
疾江邊卻別並含愁荊門烽櫓連雄郡北關風雲
擁敝裘到日公卿如見問爲言王粲獨登樓

五日小集送竹隱還京

年年客裏逢端午處處蒲觴憶昔時不見龍舟喧士
女但傳虎節動旌旗絲絲寧可續民命戰骨猶憐榮
夢思身老時危仗朋友宦情人事奈分攜

無題

佳期在何處桃葉懷清橋朱顏嬌素腕銀燭射輕綃
眇睺意何已宛轉情微勞別離日已遠寸心日已牢
相思誰能忘小樓秋月高

攬鏡

谷口山房詩集

卷之十四

七

從軍集

有生嗟何爲四十已過九撫心猶自壯攬鏡驚老醜
在世無賢愚適意當自厚富貴汝何物中人如醇酒
仕宦蕪田園遠遊離父母坎壈竟無成于世等瓦缶
痴意猶不息垂老仍狂走舟楫浮江湘星宿向南斗
側見不免尊舉動還掣肘嫌宜且須防建豎復何有
而我况碌碌安能奮衰朽忍餓雖復難苟祿亦奚取
微聞五色瓜荒穢青門口未知東陵侯容我荷鋤否
涇水足濁泥有田近百畝歸興豈蕭條終與長沮耦

柑子

柑子樹低小牕前三尺彊託體磁罍中器損根露傷
植汝良愛惜主人返舊鄉我雖暫爲主忍視就仆僵
督僕掘隙地栽培幸無戕疎葉仍變綠細花亦吐芳
老眼望高秋想見霜包黃結實願庶足豈必自我嘗
亂世少全物野哭繁國殤我生難自知且爲汝計忙
得爲須盡力茲事誰我妨安得休戰鬪有吏皆循良
復見泰階平萬姓安堵牆羣類各有適寸草亦得長
吾衰良已矣後生勉自將

復雨

谷口山房詩集

卷之十四

十八

從軍集

楚晴八日人驚喜復雨成霖未肯停不寐那堪夜滴
滴多愁血怕朝冥冥已聞虎渡添新漲卻望龍山失
翠屏長尋泥塗原我分陽臺無夢颯精靈

夜霽看月

暉暉江月挂樓西漠漠炎天歛霧齊北舍燕雛漸能
語南來烏鵲定何棲漫搖魚沼孤光動稍轉花牆亂
影低暫霽那能常不夜多陰猶喜照塗泥

卻晴

楚天春盡夏仍霖五月驕陽稍勝陰漸喜多晴容散

步總難到野亦開襟青雲本自違玄草白髮還能映
素心旅食荆南無一事且教明月照彈琴

月光

久雨暗春夜張鐙戶欲扃開簾見明月皎皎帶華星
練光被萬室一方落我庭我居良湫窄亦得破晦冥
胡牀移檐際深坐倚短檠呼童速具酌濁醪幸在鉶
高明無私照持此答曜靈

荆南贈張遠公

緬維前古世文武本相因經邦及戡亂將相匪異人

谷口山房詩集

卷之十四

十九

從軍集

聖制浸流失區別惑斯民大帥不識書鯁生守哦呻
韜鈴豈復講曉議出儒臣野戰何鹵莽肘掣成遠巡
大功一不就萬國揚黃塵往事悵已矣俯仰獨酸辛

其二

張公七閩俊名家舊閱閱世德煥旂常文章皆超軼
起家金吾使前朝擁旄節歸誠領禁旅所向功炳揭
橫梁每賦詩清思含冰雪藻采既雲蒸征行尤電掣
絳灌寧足稱范韓庶茲列

其三

我寓東城下君壘大江邊
暇日一相就爽襟豁雲烟
高樓臨匹練流日荆南天
把酒吟雅作雄風被八埏
金石迅逸響珠玉輝連篇
驚質慚揖客屬和不能宣
願言依耿光投筆隨戎旃
世有羊太傅緩帶至今傳
漫興二首

猶喜貧能慣還憐老不歸
虛名滯江國晚計思郊扉
關隴高燈接親朋短札稀
寄書愁不達有夢到庭闈
其二

醉肉何時減顛毛日已華
家貧愁食指身遠傍鳴笳
谷口山房詩集 卷之十四 壬 從軍集

客詠閒多積鄰醪熟易賒
紅鮮啖魚養真作楚人家
有感

岐路何由識棲枝迴未安
誰能戀雞肋空自舍漁竿
僮僕辭將盡鴛鴦貽假漸
難數家堪過飲猶幸酒杯寬
聞警一首

郎襄二麥熟寇盜忽相侵
羽檄何頻屢江山失阻深
倉皇健兒意風鶴楚人心
種藝番資敵農夫淚滿襟
其二

襄帥新遭困荆師去若飛
須防江水盛急解穀城圍

寇寨連庸國樓船下柿歸
處堂吾自哂去住嘆何依
襄陽

襄陽漢水盛軍威豈料漳
南坐失機多備故應殊衆
寡疎防本自兢幾微陷身
將帥忠謀盡棄甲偏裨閒
道歸火照西山鼙鼓急沿
江疑壘未全非

軍書

軍書昨日至傳有捷音來
已奪襄樊隘深知將帥材
隆中原餉道閫外自雲臺
且釋農桑困休傷鼓角哀
吳式平自江陵歸京師

谷口山房詩集 卷之十四 壬 從軍集

帶甲盈江國萍踪日夜浮
怪君緣底事萬里到荊州
旅食無兼味清談得數畱
因歸答朋友爲報且依劉

谷口山房詩集卷之十五

從軍集二

涇陽李念慈劬菴甫著

贈廬山斗制府

正月
初九

江漢生春蚤。賢良授鉞過。親藩開玉帳。憲府把瑯戈。
日收南服論。功繫尉陀還。朝齊獻壽。垂拱舊山河。

其二

舊鎮三持節。西秦兩粵同。兵臨侵地返。計密賊巢空。
宜假前籌筴。虛頒內府弓。書生無大略。征邁也從公。
谷口山房詩集 卷之十五 一 從軍集

其三

禹迹誰能陟。安流憶昔年。卽今制疆寇。應似奠狂川。
秘卷何曾釋。忠謨况數宣。精思儻能試。兵豈老江邊。

其四

綵勝過人日。傳柑近上元。春風吹玉蕊。江色動金尊。
申甫生維嶽。范韓出作藩。蒼生終日望。青史異時論。

追哭郭肯獲茂才

好友多淪沒。哭君更慘神。五車空飽腹。一命不榮身。
正直存餘古。艱難過衆人。江邊聞訃處。行坐淚沾巾。

其二

少小同遊日。才名衆望齊。那知千里外。爲爾萬行啼。
母在身先歿。思存會竟迷。忘情吾豈敢。窮達總醢醢。

田翁宅臘梅

老來增懶惰。畏寒起常遲。人客入臥內。大笑掀牀帷。
爲言田翁家。臘梅開離離。攬衣起盥漱。步履到疎籬。
鮮葩如鎔蠟。芳氣襲我衣。盤旋復大叫。遶樹不知疲。
主人見我愛。折贈一二枝。其意猶未足。我前急止之。
眞賞不在多。恣取亦何爲。古人垂食戒。豈敢忘斯須。
谷口山房詩集 卷之十五 一 從軍集

乙卯除夕荊州

蕭條萬國兵。方動飄泊西江。歲又徂。世路傷心空繫。
絆浮生華髮。更江湖幸無官守。妨疎懶。實愛清貧養。
拙愚。明日明年盈半百。時危親老欲何圖。

荊州元日五十初度

未識方來是。空知往歲非。春歸到江漢。身遠望庭闈。
生日添愁思。何年遂息機。達夫詩倘進。卽此可忘飢。

元日又作

獻歲初元日。離家過十春。難歸不在世。終冀敢尤人。
迷路尋占卜。傷時聽鬼神。出門聞好語。但沒豈應伸。

人日

人日人同得。吾生吾自悲。百年過已半。三仕養終虧。
華髮羞簪勝。衰顏逐射麋。殺青存世業。餽白任童兒。

初春懷秦畱仙太史

自汝東歸去。閒居倍寂寥。親顏懽映棣。婦病已吹簫。
把酒思迴柅。彈冠待入朝。近軍春不度。雨雪憶相招。

谷口山房詩集

卷之十五

三

從軍集

招

初春荊州奉邀王在茲方伯看梅小酌是日小

雨王舊以直指
巡按秦省

竹馬舊迎驄。馬使梅花同。賞養花天。鑲金鎔臘香猶在。
萼綠英。紅色可憐。誤擬衝泥。還灑上。即防橫笛。咽江邊。
登樓作賦。寧推宋。畱客空慚有濁賢。

和風

和風自東至。萬物齊敷榮。豈不愛春華。忽感遊子情。
去年春正好。丹發白門道。今年春復回。荆南擎濁杯。

旅食常若茲。又到陽春時。春去還春來。髮髮生素絲。

去家已久遠。暮景誰能輓。不敢念別離。但傷歲月馳。

初春荊南軍中送林宣聲歸揚州

梅花爛熳楚江頭。征馬無聲短笛愁。美殺能吟和靖
去。便尋何遜下揚州。

其二

龍洲連雨釀春寒。細柳營中道路難。君去邗關真快
意。鶯花二月正闌干。

其三

谷口山房詩集

卷之十五

四

從軍集

盡手看君妙絕倫。吳山楚樹送歸人。憑教到日添眉
黛。好趁春衫柳葉新。

其四

肯將彩筆從嫖姚。應仗龍泉待奪標。莫怪登樓歸興
急。惱人春色在紅橋。

代內

鴻過欲寫寄愁函。楚國中分衡嶽嵐。聞說有峯飛不
到。即今山北在山南。

對酒

五十江邊客。應知去日多。青雲期浩蕩。白髮影婆娑。
拙者效如此。狂奴行若何。無聞憑餓死。有酒且高歌。

憶謙兒

玉笋六齡深。何時大十尋。未經親見面。已覺暗關心。
失學貧無奈。恒飢病不侵。母慈兼祖訓。書種或堪任。

春陰

百歲但春陰。真傷望遠心。雲霾天路迴。氣暗帝居深。
同旭花無色。鳴陽鳥絕音。鄰家有還婦。隔闌久沉吟。

出郭見花柳

春中山房詩集

卷之十五

五

從軍集

苦雨罷招尋。不知春色深。出門見花柳。芳華傷客心。
春江已蕩漾。春鳥兼好音。與君謀屢醉。莫惜盡黃金。

馬上見桃花

神師鞭玄雲。絡繹盡南馳。天漏誰能補。終日灑如絲。
今晨雨歇聞啼鳥。借馬騎向黃公壚。泥塗攬轡防傾側。
斜舉頭忽見碧桃花。隔牆爛熳開勝錦。春光應在此。
人家便欲攜芳尊。盡醉花樹根。主人未相識。恐是將吏園。
勒馬久竚立。意苦無人識。故鄉千萬樹。歷亂郭門西。
他時百斛酒。攜客醉如泥。

憶家中海棠

頗憶海棠開。欲然一株庭。下一牕前。夢中迷路三千。
里。客裏過春十二年。別久紅應枝上。改老來歸亦霧。
中。憐君憂親老。交相責。那得身輕到爾邊。

客寓燕于至

去年我始到春江。花正明。傲居見羣燕。飛飛如相迎。
啄泥補巢壘。看養春雛成。經秋捨我去。似畏雪霜撻。
今晨忽復至。向我飛且鳴。客中幸相依。于人若有情。
戶牖爲爾啟。疎簾挂曉晴。汝輩客吾土。歲歸有期程。

春中山房詩集

卷之十五

六

從軍集

雙去還雙來。我居終惻惻。繫予豈無家。王命實繫。
縈旅食。苦不飽。寸心比懸旌。關山旣迢遞。鄉國復戰。
爭。入口少活計。况乃供王兵。老親獨當戶。妻子泣。
空罍。思歸乏毛羽。安能凌空行。對汝一嗟嘆。憂思橫。
臆生。我非艷華。應辭家事。遠征事勢。竟見迫。飄飄到。
南荆。何日。落華冠。驟見海宇平。遂此固窮節。養親學。
躬耕。誰能。哈骨月。踽踽逐榮名。

春日述懷

老來惜春光。直畏春卻去。一雨連五旬。出門春已殘。

手把桃李枝不言惱芳樹東風最無情歷亂吹殘絮
絮吹撩空行花飛隔水度對此凋朱顏人世幾能閒
自悔少壯時不肯買青山金盡齒已邁蹭蹬馬蹄間
蹉跎銷壯志盛年去豈還不如典衣沽美酒醉眠芳
草綠江灣死便埋我花樹下但學劉伶常閉關

紀事口號七首

滇黔討取有膚功裂土何妨秦黠雄不見前朝容木
帥守藩三百扞南戎

其二

春中山房詩集

卷之十五

七

從軍集

帥老無心更寇邊清歌妙舞足殘年還朝密奏矜忠
悃私忿何會計萬全

其三

秦虎寧堪奠水衡況我秦類盧烹一身先死胡能
塞萬國多方何日平

其四

小釜游魂且自尊八閩那可抗中原青絲白馬終當
滅厦島銅山豈假存

其五

南海同爲異姓王獨全使嶺控諸疆效忠東海誠真
久歸老遼州意本良

其六

上陽席北本岐豐屬國何緣反內攻竟繫名王雙闕
下卽宣奇拔五雲中

其七

聖朝示罰本無私在繫應還感薄羈脅請稱兵翻盡
珍軍書先報萬方知

潛江移舟就劉夷寧齊居同劉餘清朱悔人飲

春中山房詩集

卷之十五

八

從軍集

集

江上高齋桂有華秋風香氣越鄰家貪趨佳士論文
會故放扁舟繫水涯競把清尊供遠客爲憐衰耳厭
鳴笳他時乘興還相訪雨雪山陰路不賒

過譚鹿柴村居

先輩風流何處尋寒河一曲入疎林主人詩句傳家
學勝地荒涼感客吟松菊深秋團野色江山終古有
清音看君白髮耽高臥五斗寧移種樹心

九江喜晤江在湄郡丞

江在湄城人龍眠在
其邑北五里許

江山又得主人賢把臂交深自昔年政美春城當虎渡詩成秋興憶龍眠青山聽曲遊堪續華髮從軍事可憐此地逢君如夢寐明朝分手隔風烟

廣陵送孫懷豐趨省江右兼呈令尊翁豹人

江山正多壘君去意何忙急省輕南燧平安慰北堂天心憐弄友幕府重文章歸興寧須亟相知未可忘客維揚暫之儀真風逆

雨月雨聲楊柳風色打頭來近郊還見浪花阻久客那能懷抱開袞袞征塵暗南北滔滔昏墊接

卷之十五 九 從軍集

蓬萊天涯何處容歸老耕鑿全生任濁醪

從紀伯紫聞計書草歿哭以四首

石身寧可死母老養誰親天意高難問文章失此人故憐真好學亦怪太憂貧遺稿光茫在猶堪續漢秦

其二

明醫應慎疾健啜十年長豈為悲摧辱能令速喪亡無貴司馬困新令太僕貧不能分計入貴開復計子多貧難臥龍成存歿開時運空令後死傷

其三

薄遊都下日共嘆客無涯此語傷心在哭君淚眼花昔同客長安中計子謂予曰我輩作客殊苦予曰作客非苦我輩作客之債正自無涯乃真苦耳計子謂此真傷高名身後事愛妾帳前嗟思子今相見應憐心語兩鬢華計子有姬永娘甚愛之又先是長子殤有思子之作

其四

紀子吾同調傳聞罷酒杯人閒真厄爾地下或憐才世路兵戈塞生涯旅髮催素交零落盡身在亦堪哀數年以來伯額河濱蒼寄亂情肯接皆相繼亡

寓中小臺

卷之十五 十 從軍集

小構平臺出院牆雕欄插架翠帷張卽擲高枕休人事更綴花燈照客觴萬戶暝烟開素月四圍風色送清涼卻看南北征塵滿苦憶鄉關道路長

何雲壑招同方邵村鄧弇威程穆倩宗鶴問憚

正叔及令姪仲戡夜集出家樂侑酒

筵前奏技盡吳兒錦瑟橫吹子夜詞密節未容狂客顧新翻多自主人爲誼騰竹馬粧花隊歷亂春鐙舞柘枝月照高城更漏下難陳懽樂醉何辭

盧坦先招自東門登舟訪戴務旃方田伯郭外

卽邀同汎至紅橋快集觀漲卽事

呼艇東城下尋芳北水涯
河流依雉堞漲潤入人家
菰竹猶含籜紅榴竝著花
素交此相遇櫟醉日西斜

其二

歌吹古揚州紅船漾碧流
名園綠郭密花樹連亭幽
村路全浮艇高田有泛鷗
下河沈沒盡滾滾浪花愁

其三

高柳遮遊舫停橈對竹籬
雨晴交燕子風起亂鴉兒
把酒看愁失當歌惜鬢衰
隣舟有遊女掩映畫簾垂

谷口山房詩集

卷之十五

十一

從軍集

其四

山上堂臨野城邊浪拍橋
自搖花檣去不待酒旗招
畫舫千人出金錢一水消
流民方痛哭縣帖急新徭

其五

西陲兵正集南紀北分平
世何時見歡場總不開
歌傳竹枝調坐密柘榴裙
向晚繫歸櫂喧聲入暮雲

自荊州軍中暫下揚州次韻答鄧季咸六首

何意長征去直因羽檄來
殘年親躡軫旅食罄餅壘
霜落疎林靜秋生遠壑哀
萬方蕭瑟盡老眼怯登臺

其二

只合歸田舍深畊臥薜蘿
老親空倚戶遊子且橫戈
推薦才名悞親賢豐沛多
逍遙過歲月壯志日蹉跎

其三

冥冥兵氣合迴迴陣雲高
地勢連衡嶽江聲殷蜀濤
坑壕紆計策將帥厭旌旄
醉眼看人事空令困濁醪

其四

豈爲貧彈缺眞傷老據鞍
霜蹄窮自伏龍氣舞猶寒
欵帽誰憐孟將軍未遇桓
蕪城明月好且得放舟看

谷口山房詩集

卷之十五

十二

從軍集

其五

顧曲公何在天台賦杳然
周伯衡先已去孫豹人歲
任南昌鄧詩中及之
時閒自記江閣望空懸
君苦徵詩卷吾難乞酒錢行

間催又去別緒日綿綿

其六

論交先氣誼君義邁羣倫
最惜青雲器俱成白髮人
支離依幕下詞賦困江津
送老征途裏何時息戰塵

重修平山堂落成詩和諸公韻

真承江舍人蛟門議修
復之堂後增樓五楹

遺跡會憑弔風流感昔年重來有樓閣一望盡山川
直藉羣公力能教盛蹟傳廬陵同俎豆輝映兩人賢

其二

陽堂頽倚檻望遠更登樓地勢臨吳甸岡形下蜀州
生歌終歲接兵馬幾時休遲暮征行倦惟應暫此留

其三

山色尊疊外江流指顧間狂遊愛疎豁老眼迷躋攀
湮鬱名泉濬業茸惡木刪小亭新柳下餅纓未會閒

堂石有第
五泉井

客山山房詩集

卷之十五

古

從軍集

其四

金山當檻得增影入樓臺雪浪千層湧風帆盡日開
基從佛寺出樹聽郡人栽修復汪生說驅除亦壯哉

樊仲父

許由洗耳樊仲父將飲牛于
河牽而去之懼汚其牛口

流水不染牽牛則那清風足尚過情奈何生不逢堯
扣角而歌江潭漁父扶泥揚波

邢原

原于路得遺錢拾以繫之
樹枝人多效之路不拾遺

晏嬰卑視披裘肆譏管寧割席人亦莫知繼阿堵物
人需人遺先生通人取繫高枝遺者還得求俗以移

嚴子陵

興王故舊盡爲臣朋友從教缺一倫能使布衣忘勢
分漢皇真是善交人

題鹽城宋射陵蔬枰圖

百井平疇界畫勺肯將肉食易清真須知海上揮鉏
客不是賓前折屐人

其二

遶舍畦分露薤芽揀除大本餉侯家青葵刈後還拋
子稍著東陵五色瓜

客山山房詩集

卷之十五

古

從軍集

楊翁小像

名剛中鳳陽
籍僑揚州

知君以盧子跡濶情非疎愛君軀幹小腹中寬有餘
舊籍五陵豪卻來揚州居混跡魚鹽市不賈亦不儒
翹葉在頰面而非高陽徒我來必造訪交淡久不渝
忽此圖中見霜雪滿髭鬚有童肅進前手捧一函書
君也淑身貽後此焉足眼看道廣體自腴何須縱恣
稱任達踴躍放作山澤癯

贈鄧生若雍

隸法旣行古篆葉蟲書鳥跡世不聞銅章官篆用九

疊古風掃地一無存賴有私印傳其意雕鏤金石久
不泯秦璽漢篆何雅正流傳體勢猶可尋故物往往
在人世苦遭翻摹失其真近日黃海有程遂用筆實
與古人親尤工鐘鼎累多字模邀頽頽蟲蝕文通者
繼子起淮揚陽文細篆藝絕良鏤石俱用程生法工
力輒欲相頽頽頽于努力究絕學要須遠升秦漢之
庭堂莫專一體徇時好須防臆巧亂紀綱他日技成
游京洛我當說向公卿傍

端午日揚州贈張受菴運使

谷口山房詩集

卷之十五

五

從軍集

我昔遊東萊南上大澤山俯觀渤海流清深如碧環
使君重築館因之窮躋攀介以四諸侯體數何班班
嗣茲還浪跡六載隔清顏廢棄卻見收忍飢戎馬間
聞君仗旌節視鱗來邗關買舟三千里東下浮潯潏
所期展夙昔果遂奉宴閒君才本鹽梅暫此濟時艱
軍興徵餉急商民皆痛瘝所苦豈正供幸且釐諸姦
揚州繁華地龍舟競清灣客子困久遊薄俗厭荆蠻
及此感清盼且得遂遊般

題汪蛟門舍人少壯三好小像

枯寂延生年千歲等轉燭牧羊與乘鯉此事古難續
不如一壺酒快意惟所欲妖姬三五人秀色可餐掬
頤喉轉春鶯度出清妙曲校書及徙倚調絲兼美竹
新聲競盈耳花艷并驚目主人但安坐銜杯流清蠟
近前惟圖書百城擁未足平生愛此樂窮愁苦踈踖
少壯忽已逝事去那可復卓犖汪舍人俊才絕流俗
吟詩傾三謝把文驚二陸起家已鳳沼年力方朝旭
卿相立可躋視之反鹿鹿顧且從所好亦匪溺嗜慾
美酒日痛飲羣書皆熟讀願得如花人買珠各一斛
谷口山房詩集

卷之十五

六

從軍集

盧坦先小像

見子長安日翩翩正少年親戚何貴盛馬怒衣華鮮
出入衛霍第笑傲金張筵及今二十載時易勢推遷
往者炙手輦煊赫變迤邐君只等夙昔身疆名復全

君家邦江上高堂有細旃我至便如歸執手心懽然
飲罷出此圖願頰見微髯膚澤加往歲神氣尤安恬
可憐奸骨格囊底無一錢春花紅間白掩映東風前
顧視聊爲樂兒童挾簡編何當三冬足奮翺翔高天
會作螭乘雲豈終珠在淵勿使老潯至鬢邊霜雪纏

東程穆倩

程生老詞流絕技鏤金石鈍鐵開坑東秦漢無堅壁
性懶苦難求窮老益孤僻晚節耽吟咏著作盈一尺
崎嶇不易讀幽光人豈識譬彼陟名山佳處在蒼崧
谷口山房詩集 卷之十五 七 從軍集

漁樵厭深阻仙靈或窟宅攘攘邦關道貴遊日絡繹
車馬到窮巷生事轉蕭瑟汎愛不救貧徵逐良何益
我忝說詩友性亦愛策刻往者乞數方要非公平跡
眞者迥不同有若鼎彝色又如英雄人初不事緣飾
合觀見章法逐視辨筆力心賞二十年眞鑄終難得
此事頗銜恨耿耿老未釋及今長貧賤所念方衰息
一掃謀望貪反覺過從適他日造君門但覓酒與食

屠兵脩廬墓詩

我母昔棄我初生未彌月身育親反殂安用存此物

長大始知哀沈痛泣幽咽堂上有嚴君養少肥膺
有弟但在走此身須苟活先生磊落人氣凌霄漢濶
獻策呼王前仗劍佐南伐一脩武昌兵再領洮岷
節堂上太夫人忽焉捐闔閭解組繫廳事徒步越嶓
嶲結廬倚墓門三年臥冰雪朝暮哭上食號聲震林
樾靈蛇旣晨遊玉璫乃秋發此事感萬人大吏爲題
額我母豈無壟我行日胡越有子不盡哀心腸空斷
絕

送史赤豹先生歸陽美

谷口山房詩集 卷之十五 六 從軍集

相國風猷傳萬古棣華詞翰見靈光故山歸夢餘迢
遞南國生涯忍退藏脫手偶然邁時輩掉頭一去脫
文場烟塵處處開何日江海眞迷雁鶩糧

康山晴望

山爲武功康對山先
生擁妓彈琵琶處

琵琶橫醉擁紅顏先輩風流憶此間虹起乍收海上
雨雲開還見江南山逶迤睥睨園千室來往帆檣競
一關我欲巢巖郭市裏清歌娛老樂投閒

贈李艾山

李子辟世人志豈忘民物載讀陽山賦如欲排閭闔

士當休明代有懷依日月滄海年騰湧魚龍變翕然
守道以貧賤窮老甘滅沒詞誦百族動氣簸溟漲濶
昭陽罹災患圖繪所難訖公文乃悉數惻愴洞毫髮
吁嗟有由來古制今何撥蓄洩失修條閭閻乃崩蹶
歎彼乘軒人祿食自民出奈何視瘡痍漠然等秦越
君身在窮巷軫念亦何切動意見康濟聖賢理無關
不獨翰墨林倒翻班馬窟君詩亦高古君貌更硯碑
澹然此相遇交久情彌適因見前輩人各自有氣骨
君高如泰山時流如丘垤

谷口山房詩集

卷之十五

九

從軍集

贈江都駱明府

明府名雲字
雷菴海鹽人

古人重修能今人重華侈寡學與疾貪貪邪所根抵
綰組行不臧身貴徒爲耳多藏罹國憲每爲堂上恥
駱侯幸江都滿燥惟飲水迎養縈中懷官貧終罷止
志意不得遂夙行登岵岵我自荆南來此事傳遠邇
作詩慰君情報親在潔已

秦敷五招飲尊經閣下

鄭虔官舍許論文坐倚秦郵進士醺未便登朝辭弟
子真看隱吏在河汾庭深不覺鳴絃雜祿薄寧堪好

各分閱世浮沈應共此飄零何苦獨從軍

王築夫移家海陵

以水
患故

白頭野老劇堪憐行步欹危苦播遷邗上授徒聊度
日海陵營室本無田草玄不解時流誚賣賦難期貴
后錢窮病祇供妻子累雕蟲未許邑人傳

讀紀拙菴菊葵秋海棠諸賦

名家兄弟皆通顯爾更多才最出羣不分秋花棠綺
賦誰當春殿薦雄文蹉跎老作諸侯客束縛貪從七
校軍落拓半生苦相似獨慙白首學無聞

谷口山房詩集

卷之十五

十

從軍集

贈查二瞻處士

相知猶憶白門邊邗上移家近幾年百卷藏書茆屋
下數莖短髮夕陽前籠鵝曉過書經院醉客春消賣
畫錢祿米倘能供晚計從君須向竹林眠

程翁小像

十年之前識君面朱顏光澤髮未變今來對君復對
畫蒼蒼已是長年者君貌良厚心還同宜置蒼山秀
木中何當畫我共一幅眼觀流水聽松風

谷口山房詩集卷之十六

從軍集三

涇陽李念慈劬菴甫著

贈吳生涵公

今時篆刻誰最能濟叔黃經已死程生遠老餘子紛紛

競奔逐苦欲世人稱妍好吳子涵公初未知一見絕

倒還嗟吞櫟園先生不可作可憐好手識者誰我亦

宦途坎壈人摧藏一種未能伸苦心憐愛亦虛爾徒

手那能救賤貧怪君年少技已工法本家學兼嫌露

谷口山房詩集卷之十六 從軍集

涵公父婦翁程遠皆工篆刻正法盡傳秦漢上真氣應行蒼蒼

手中中舊鐵鈍已極十年之外誰可敵吳生吳生更

努力會須拔爾出荆棘

施愚山先生以古樂苑一部緘寄書詞懇切感

記

仕宦汨道心正學日榛莽嵯峨敬亭山先生行獨古

緒餘及文章用心尤深苦當其握筆時搜索翻肺腑

既成乃自然等未用斤斧詩詞一小道于學焉足數

顧我頗篤好才短空俯俚先生憫我勤示以古樂府

一覽太初作似登閨風圖近今皆見孫斯編乃宗祖

藩籬行可破奔騰恣攫取來札極勸勉楮墨聲吞吐

別君忽七年思情尚如許卻憶濟南遊雪夜一燈舉

論文到雞鳴得意或起舞此會難可再遠睇成延佇

羽檄馳四郊催我赴荆楚借問此何時秋風急砧杵

動止罕自由華髮行踽踽凝望宛溪雲相思滿江渚

聞平涼叛帥王輔臣成撫

老眼閱喪亂變幻同轉燭故鄉盡烽火原野厭人肉

平涼習叛臣近還歸約束一門咸自經身死救乃活

谷口山房詩集卷之十六 從軍集

封章表誠信望闕屢痛哭飛書招逸黨秦隴亦收

復且喜北地寧崆峒罷轉粟卻移相公軍直南取楚

蜀頗聞降城帥事權仍在握重兵豈宜解應防有反

覆昔者魯國將齊女手自戮不見秦州變刃割經略

腹隱忍但羈縻進爵增厚祿剝膚啖虎狼應飽寧片

木廟堂莫若神杞子空感感憂來將何遣浩歌漫

相續欲呼高漸離手擊燕市筑豁然解胸懷一盡尊

中涂

詰孫無言

昔年送汝黃山去何事于今尙阻歸身老名場貧不
厭手鈔詩卷近寧稀大兒服賈能供養狂客耽吟未
思機車馬迹因循行接只應無夢到漁磯

白雲山房娶

東林耆舊老書生伯仲爭傳二妙名瓢落只今嗟五
石壁還曾不易連城平陽學母看眉畫漢上求田待
鋤耕華髮卻迎嘉耦在好儲斗酒醉虞卿

程穆倩七十壽

白髮先生未買山行吟詞賦傍邗關尋常貰酒無贏
谷中山房詩集卷之十六 三 從軍集

物七十平頭有少顏閉戶玄言何日就烹爐金液幾
回還我來贈汝丹砂好漢篆秦文總破慳

鳴鑼篇

鳴鑼何闕闕沿門急稅錢通衢達巷高樓及草間
官府親行視誰敢漏半椽有翁前致詞我舊種薄田
早潦穀盡死租賦終須完自遭大水沒生產無一存
舉家到揚州行乞入市墨積漸謀素絢乘此屋兩閒
漿豆磨作癩營息亦微旃妻子磨下臥夜夢仍迴旋
求米活數口子母不盈于今茲持克稅便當斷炊烟

正額苦難副加索尤可憐典屋堪補足事急誰相全
頗聞軍儲急府庫罄若縣此舉非得已我貧敢求寬
義不累坊長使汝受笞鞭從來醫急病心頭肉須剗
幸但緩須更拆屋賣交官攜挈還他去乞食克饔飧
竊恐他州地事例亦復然去此悵安之骨肉終棄捐
但願寇盜滅甘向草中眠

題汪叔定小像

竹深定有一千畝梅老應須數百年恰似君家兄弟
好相高同臭月雲邊

谷中山房詩集卷之十六 四 從軍集

將返荊州軍中別汪舟次文學

揚州土俗尊商賈翼瓦高門俯環堵魚鹽相炫賤文
章貧士行吟誰較數汪子本生富厚家獨愛儒行誦
讀苦耽此况能老不厭任教生事荒榛莽有時急友
輕黃金屢念貧交倒倉庾秋風招我飲華軒深夜論
文肝膽吐卽今四海盡瘡痍盜起民窮事蠶午我輩
雕蟲空爾爲小技何能施救補故應窮臥伏泥塗脫
累藜羹克肺腑聽言色愴未能答世治右文亂用武
明朝別爾從軍去短衣匹馬持弓弩

京口夜泊

秋風鼓角動金山防海旌旗落照間兩岸橫流寧易
厄八閩侵地幾時還登樓王粲仍依楚乘傳終軍未
出關日暮維舟江月近烹魚深美釣徒閒

中秋夜虎丘遇方長斯拉同諸客懽飲奏技越

三日復邀汎舟石湖攜伎看月六首

一丘藏曲折百戲匝禪關畫舫人爭出清歌夜不還
樓臺綠翠壁燈火豔秋山萬國鳴笳裏金錢獨買閒

其二

谷口山房詩集

卷之十六

五

從軍集

霸圖雄自昔憑吊入山林最惜含嬌態能移制勝心
丘存傳虎踞劍去憶龍吟滿目寒雲下西風起暮砧

其三

月正中宵望秋當令節分艤舟逢勝侶入座得微醺
桂樹家家發笙歌處處聞懽娛疲應接清夢失從軍

其四

相逢未相識愛客不勝情已被牽衣住還勞折東迎
蘭橈湖上發簫鼓月中行更擁如花女懽聞子夜聲

其五

長橋橫百寶桂魄愛初升落水俱明鏡聯珠映玉繩
傳聞今夕艷得見幾人曾簫鼓喧遊舫華奢只自矜

其六

細吹隨風遠樓船到岸齊燈交吳苑月歌度越來溪
勝負看前事繁華自昔迷五湖歸去好窮老歎栖栖

王勤中招飲芳草堂並遺畫幅

衰年疎畫理能手得王生洒墨含天妙揮毫見物情

金錢供麴米楮素走公卿先正風流在何勞市隱名

勤中爲文
恪公商

谷口山房詩集

卷之十六

六

從軍集

贈宋旣庭

詞場誰繼古人風與爾交親澹泊中載道文行盛名
下讀書聲出小堂東吳門夜泊催傳竿楚路秋還急
落楓辱贈詩篇遲未荅久攜懷袖慰飄蓬

其二

梅花賦就獨鳴琴靜掩柴門歲月深玄草自無通顯
意白頭空費短長吟文章那進客愁日道路難爲遲
暮心姻婭最憐甫里歿九原無計更招尋

宋爲
姻婭

甫里謂計
牟廉東與

杪秋自吳門還荆南軍中余潛心吳六益韓子

振闕若韓錢樸巷公升楊吉公舟中飲餞和

吉公原韻

驛路丹橫楚岸楓吳門行客正推篷思親夢遶寒雲
下憂國絲添旅髮中難用空教隨萬馬將離何意聚
羣公登樓不擬懷歸賦載筆猶堪待勒功

霜泊

南國微霜急夜寒親闌誰問曉衾單扁舟歲月江湖
遠叢菊秋風髮髮殘轉戰最憐吹角苦誅求空念授

谷口山房詩集

卷之十六

七

從軍集

衣難虛名羈絆還無賴萬里孤隨一劍看

姜如農先生輓詩

萊陽給諫比龍逢九死批鱗忤相公嚴譴凜遵華代

後遺骸歸塋戊屯中諸郎廬墓全家孝百口殉城兩

世忠

公父于崇禎中家居萊陽城陷闔門死之廿載孤臣敬亭下楓林寒

雨泣秋風

萊陽給諫行

噫嗚呼吁嗟兮有明之季劇可悲權奸秉軸今事日

非貪賄賣國兮弛藩籬啟我興朝兮納王師東郡

不守人民誅夷舉朝皆知言者誰萊陽給諫憤塞臆

抗疏鉏奸張鬚眉請劍上方斬元輔元輔君側實敵

資二十四氣咸指數一時奸黨凜直辭運既剝兮君

不悟君不悟兮成萋菲僉王構禍兮挾天威慘下寺

獄兮遭毒推身被五刑兮血肉飛命如綫兮體鮮完

膚揀一殞兮屍諫廿九死兮如飴既屬司寇兮冤乃

直爲自無罪兮免膏斧戮憲臣申救兮竝罷遣三年

圜土兮無少屈隨再拜杖兮闕下薄謫戍兮宣州

之崎忍積創兮徒步負戈鋌兮出京畿萬人兮涕淚

谷口山房詩集

卷之十六

八

從軍集

天昏慘兮日無輝元兇纒首兮雖不旋踵大事已去

今明祚隨移天步改兮綱維解家南北兮任可之公

不歸兮故土凜銜命兮江陂夷猶兮吳市戴笠兮披

緇歌哭兮人莫識友伍胥兮要離三十年兮老臣心

絕幸全身兮終瘠衣病將革兮命二子還塋戊所兮

我心則怡河山非故四海安歸敬亭之麓宛水之湄

荷戈老兵恩謫在茲身死代革兮君命不可違靈陟

降兮左右永成衛兮先帝之陣

雜興先是安親王奪本陵抵長沙以調吉安府

守將從征府遂爲別寇侵據而沅州亦名

草寇劫運平南王薨其
子之信遂叛粵陳梗化

安藩獵虎下潭州健將先驅險隘收吉水疎防真失
計宜春曉粟劇堪愁平南獨障豺狼窟公子翻爲反
側謀南紀江山看半沒中原增餉正吾憂

其二 先是征西山以相國圖湖爲大將軍待士
卒多舊隸麾下者又各
有室家田廬在城中

崆峒部曲本輕肥驅使收川意蚤違詭借聲援輕一
噪矣圖合從久全非年深那可終亡命累重兼難爰
出圖相國恩威原素著西山舊戍故應歸

谷口山房詩集 卷之十六 九 從軍集

其三 時耿逆爲海寇鄭錦所并仙霞嶺不復能
守我兵已抵浦城移將軍以戰勝之兵自
平涼并移討楚

隴右涇原罷控弦榕江梟獍自相煎撫涼秦帥還謀
楚度嶺閩軍屢報燕夢筆山前雲暗谷岳陽樓下浪
兼天 王師乘勝圖收復深入還須計萬全

其四 先是以江右饒撫兩州有變我兵擊破之
俘婦女甚多民之無家者往往爲亂旁掠
陳郡數煩征剿

夷兵赤子本吾民定亂應須別玉珉但使軍城歸難
婦那愁陷邑拒 王臣葛覃夜罷當窗織蔗畝秋荒

戰血燦蓬谷窮山寧盡我師師如輪

其五 徽州爲饒州屬民後掠至
掘地剝梁確勢無遺存者

婺源新安富麗鄉寇來鄰郡豈周防千村掃地連毒
磨萬室飛烟起蓋藏夜半月明空燕壘春風雉雉舊
魚梁荒殘碧樹村冷誰辦山源七盤香

其六 順承郡王王楚兵令頗嚴兵不擾民三月
自荊州渡江圍賊壘垂破會賊兵大至又
度沮洳崎嶇不
易進乃拔軍還

順國堪稱節制師民安令肅楚人宜深謀本意圖全
入待戮還憂奉謹隨飛渡竟能圍寇賊輕還曾未
谷口山房詩集 卷之十六 十 從軍集

旌旗由來勇力超倫輩不易彈琴緩帶時
其七 寇寇鄭錦先是據福建之興泉漳汀四郡
近又道南每破廣東之雷廉潮瓊諸府又
向之信原與耿相聯
姻孫延齡亦與交通

樓船泛海捷鳬鷺獨苦難饒換構齊閩越久分秬稻
富潮廉新犯甲兵齊須知兩粵原姻婭豈獨三秦好
鼓擊水陸勢連終一逞急圖長策脩江西

其八 時以軍餉衆多稅間
架并外徵官戶加賦

間架從來非創興宦田額賦合微增豈念祿食憂軍
國稍損蠲縉佐飽騰鄖水建牙新已復房山伏莽漫

相乘西南貢賦行全入減調蠲租樂豈勝

其九 新例近計
輸金進秩

新例宏開許納官盡除幽滯到清班應知遠勝私家
入那計仍從浚歛還捷徑倍增拙者效虛名巧破愚
人慳賢郎漢代文章伯司馬寧聞有厚顏

其十

鸚鵡沙邊漲沒洲綠楊堤上度行舟荆防垂浸無三
版汙畹楚田隄園者全荒有萬鷗屢過人情懽蚤竭
增高米價飽難求空囊旅食憑窮餓親養愁予易白

谷口山房詩集

卷之十六

十一

從軍集

頭

榮園汪汝爲尊公所營別業也自歸閔氏改易
非舊近益荒廢秋過儀真汝爲邀往遊覽還
就江深閣沽酒爲別感賦

先輩風難再名園破產爲花繁裴綠墅客憶鄭當時
似續餘文采窮愁老髻絲西郊同步屨指點話前期

其二

主易山仍好墻園路總非斷橋危度屐委巷曲通扉
巨石眠橫象疎籬破入猗當年營造日用意極精微

其三

餘築黃公肆 江深閣酒肆亦汪氏別業用秋深惜別
榮園所餘木石遂名餘築園筵何時暮江色重落一尊前列嶂橫如黛諸楓亂欲
然結茅須就此日見好山川

真州新河口守風作

江頭秋盡雨風寒三日淹留道路難催老年華流水
逝受霜楓葉耐愁看多方伐叛空千室萬里從軍待
一官稍喜長沙新戰勝須敷寬注慰凋殘

秋杪阻風儀真江口值熊青嶽相公繼至同泊

谷口山房詩集

卷之十六

十二

從軍集

揚州郡丞李廣菴治具茅肆招同夜飲

相公盡舫臨江住司馬華筵卜夜開學道那妨書自
著避賢莫問客誰來黑頭綠野隨碁局紅葉青山近
酒栢不是石尤能鼓浪何緣村店共追陪

舟過廬州哭周伯衡先生

先是保舉從軍先生
與念慈同出益都相

公之門先生先遊江南念慈以丙辰三月奉
令東下舟中相失秋遂聞先生歿于廬州感
哲人云以成詩五首
既悲逝者還自念也

文章風節兩朝知坦率清通亦我師豈意江帆垂暗
語便驚泉路隔交期孤行自信千秋在多難空懷二

老遺惆悵首丘生不返虛教羣望繫東維

其二

檄出東山志不伸漫遊旅泊劇傷神乘溫未叶行逢
酉夢起偏微歲在辰流寓久無尺土著先生薊土被
圖流寓瀋縣
歸藏誰賻諸孤貧舟過腹痛蘄州道灑淚層添湧浪
新

其三

得失難憑塞上翁薦章國老偶然同賜環方慰衆
人望亾鑑應悲吾道窮馬口竟成讖房尉龍騰空自
各口山房詩集 卷之十六 三 從軍集

感歐公使樓明月尋常在腸斷山陽笛裏風先是爲
公占數
者有馬口龍江之語及先生卒于
蘄泊舟及寓所地名皆應此云

其四

窮工近體老堪娛脫手眞能掩大巫戎馬每憐淹白
傳河山忽詫失黃墟岸楓寒落丹心破江雨秋傾淚
眼枯刻燭論文難再得曉後獨向楚天隅

其五

暮枰尊酒舊相當老矣還同出楚方身遠帝城生
有恨志平河北死難忘星辰氣返秋天絡關塞魂歸

夜月梁往事徒傷清夢斷人天無路水茫茫

漢口送王在茲方伯歸荊州

四月長湖彩鷁來漢江同泛不同回可憐孤客留求
米想像羣公到舉柘收棄還爲厨下婦賞音空辨幾
餘材春光正好開薇省定爲沈切惜落梅

漢陽

天別山前雉堞稠風烟吳楚勝全收帆開門對武昌
出岸轉江吞漢水流襄客西來郢口晚塞鴻南下洞
庭秋晴川碧樹今非舊兵火愁人欲白頭

各口山房詩集

卷之十六

古

從軍集

漢口

百尺檣竿列似麻層垣闌闌走紛華吳鹽萬石連雲
艦蜀錦千箱想月槎賈客樓中多棄肉流民隄上久
無家後湖歌吹聲寥落只有春風到狹斜

晴川樓

時上瓦閣殘燄燄大半望之但
見列檣架檣經年風雨中耳

山頭樓閣似簪笄雨樹晴川入望齊湍漲石稜迷象
馬江平小艇散鳬鷺誰教甃瓦殘秋葉日見支撐立
暮谿鐵鎖銷沈勞想像古今興廢不勝悽

夏日漢陽月湖連飲送友人暫之荊州

避暑湖山數舉觴畫船簫鼓殷淞浪深情好客懼無
麻勝地從君醉不妨遠樹低連洲草綠高雲陰過酒
尊涼尋僧問柳秋爲約莫漫相思漢水長

事

鮑匯亭郡丞見招會大風雨渡江赴飲夜歸即

鮑君設宴開軒窻臥聞檐溜聲淙淙華筵準擬飽嘗
膾急雨何能飛渡江江中巨浪翻銀屋漢陽渡子空
躑躅感君厚意心旁皇欲向仙人借黃鵠卻思良會
肯蹉跎徑權扁舟逆浪過城門局鑰譙鼓急盡醉歸
谷口山房詩集卷之十六 主 從軍集

來夜江黑

自仲夏借寓王松麓司馬園亭踰兩月餘卻移

寓武昌作

綠楊隄外大江流隄上芳園曲徑幽入夏葵榴爭爛
熳停橈軒檻許淹留遠烟平斷漢陽樹落日斜看黃
鶴樓山水老親興不淺何時得奉此同遊

其二

檻外芳湖碧草齊雨餘新漲欲平隄飛鳧浴鷺差池
下曲渚圓沙咫尺迷將去難忘舟楫入重來還擬酒

爲攜直前大別橫青嶂泛艇看雲好杖藜

武昌洪山寺千江一月圖爲張司馬中丞公題

鄂都領楚服高城帶奔峭黃鵠迤東南洪山聚靈輿
梵宮肇有元圮宇感憑弔司馬秉道術建節控南徼
車輿雖復繁卽事寬庸調省農出春郊茲焉展游眺
頗謂善俗方古亦資象教丹艘一以新登覽見耕釣
湯湯江漢流湖澤疏羣澳澄川孕天德素月開孤曜
容光各滿規萬殊同一照嚮非陟崇高曷由聆要妙
我來披繪圖能事盡雲嶠永茲山水情載賡仁智樂
谷口山房詩集卷之十六 主 從軍集

踏車謠

逢逢汨汨掣水宮午手按足踏踏節應鼓初掣得水
掣久得泥泥多軸膠力不能施河淺岸深車閣苗乾
眼望杲日涕下汎瀾婦孺同泣有吏催科無食猶可
無租奈何

荆南七夕同李鏡月若金兄弟集秦畱仙寺寓

卽送若金東歸託寄書豹人

佳夕楚江潯相從祗樹林都將青眼集一望碧雲深
天路疑填鵲人間快盡簪吾衰甘用拙時俗競穿鍼

其二

季方感今夕明日挂歸帆良友懷前路深清寄短絨
病多依藥餌客久敝征衫懶曬從違俗因飢更把鑊

張大將軍新納吳姬口占八絕

彈墨春衫百褶褰梁溪花權遠從君心隨初月離吳
苑夢逐陽臺下楚雲

將軍總戎荊州

其二

高堂銀燭列成行不信迎來是戰場眉著彩毫橫翠
黛鏡涵金甲爛鴉黃

谷口山房詩集

卷之十六

七

從軍集

其三

流蘇春帳鎖葳蕤背立郎邊緩帶綦卻怪雙燈明太
劇枕前生照遠山眉

其四

迴身睨就定情遲連日舟航夢尙疑已苦晝長分夜
晷五更偏是拜牌時

次日適值拜賀

其五

杏梁初日上斑斑倦起春酥理翠鬟且喜夫人迎未
至不教避夕見星還

其六

粧臺流盼眼波秋滿架牙籤映劍緹嫁得詩人心願
足况逢博望欲封侯

其七

營門吹角鼓鼙聲報事顛傾恨小童珠珮自今逢漢
女金匱那更讓秦宮

其八

堂前客滿盛輝光爭賀新迎窈窕娘就裏語音聞乍
熟秦郵太史是同鄉

谷口山房詩集

卷之十六

八

從軍集

隴西行

隴西烽火照關山相臣經略去不還金城天水消息
斷關中徵餉如轉環跋扈將軍首逆扎昔何忠正今
何姦諂兵自洗要封爵嚮來豈得無束約散卒猶煩
中使招飾詞真比童羊角朝廷隱忍盡相從紀綱
一失成紛錯漢南驕卒近殺帥自擁偏裨尤可愕
璽書亦就軍中拜止沸未防涖示弱荆南遠客坎壈
人垂老從戎楚水濱一身樗散腹常餓匏繫空隨戰
馬塵迢遙親舍兵戈裏亂離誰爲奉晨昏况乃軍儲

征歛急家貧供億尤苦辛中原事變如轉燭漂泊天涯
愁骨肉日暮江湖波浪翻回頭獨望秦雲哭

龍山行

自明之末寇縱橫九州四海皆甲兵獻寇南來蹂躪
國荆南城池夸盡平龍山近郊舊崱嶸狡賊畏逼心
忽生指揮逆徒肆剽削頓成培塿失菁英吁嗟山川
完毀亦有數造化竟難若輩爭桓公昔日讎賓從孟
嘉帽落秋風清帥掾相得誰不美佳士風流人競榮
至今丘貉失顏色頽然一丘駐軍營山川近人常多
谷口山房詩集 卷之十六 尤 從軍集

幸治遊修飭增崢嶸此山翻因對城郭喪高忍辱非
其情君不見瞿唐灩澦害舟楫過客側目魂魄驚禹
功疏鑿亦聽爾後人何計破堅鏗亦如負固逃顯戮
忠良反被權奸傾洞庭湘娥渺何許南嶽夫人阻望
衡絳帳臺荒迷蔓草章華宮廢走鼯鼯江流滾滾去
不息龍爭虎攫空紛更卽今東南正多壘川谷流血
野草頽東連閩海西隴蜀烽煙萬里絕春耕猛將如
雲氣敵愾王師誓死掃機槍旦夕飛渡靖南國刮磨
銅柱勒功名有眼還見宴遊樂有耳不聞鼓角鳴江

山寧靜民甦息草木亦得同生成吾曹飽食太平粟
何必帶刀騎馬隨公卿

雨中臥病自遣

短髮半蒼年已老病日常多彊日少藥裹依遲兵馬
間對食難餐如宿飽往猶彊酒爲懽娛近苦小飲便
添倒彭修顏短亦暫殊千年枯骨同蔓草安得長劍
倚天外回首蒼梧洞庭小

贈遲順于叅政

坦率詆諧仕隱人疎離繁卉貯芳春彊貪好客盤餐
谷口山房詩集 卷之十六 年 從軍集

費作計尋懽意興新雅會疎狂遺勢分高齋跬步隔
風塵相憐旅食同棲泊百遍教過未覺嗔

其二

月宇寬裳夢也非吳中好事見猶稀手操絲竹調歌
拍口減壺觴給舞衣輕燕蹁躑情暗注嬌鶯宛轉態
橫飛鄙儒陪從愁消福榮戟何緣永得依

又贈遲公

使君入門來手牽五花馬揮鞭付圉人控立堂階下
便上胡牀坐睂宇何蕭灑主人進盤脯巨觥盈在把

飲啖頃刻盡顧視無傍者灝氣凌江漢斯人今蓋寡
用之辦彊寇當能使解瓦如何反擣散羈縻同棄捨
旅食增浩歎我懷何由寫

醉歌行

張夏鍾席上
爲莫大岬作

君爲我起舞我爲君醉歌荆江東去無迴波異時鬢
髮今俱白相逢不醉奈愁何憶昔長安初通籍飛揚
意氣傾金石同門諸子二十人齊聲推爾爲詞伯朝
呼醇酒過朱樓夜擁名娼醉紫陌一行作吏各分散
瀛海高城莫後令不相見摧頽困厄那可言飄轉天

谷口山房詩集

卷之十六

三

從軍集

涯異鄉縣君歸把釣潛江濱呼盧豪興未全泯黃金
揮擲一朝盡藍田畫卷屬他人我爲親養但狂走鼓
刀傭春寧足醜乞米情甘負一囊折腰色沮難五斗
漢家密計削諸侯火照南天萬國愁 詔起從軍及
檣櫟虛名羈絆荆江頭感君長夏櫂舟來過從張子
命金栢意傾氣凌江漢動酒酣興劇滄溟開君歌我
和聲徘徊寤愁于人何有哉君有北堂壽毫臺班衣
老子色愉悅江魚豈羨五鼎供弄鳥差勝潘令轍人
生忠孝亦有緣于舍駕行豈偶然願君永保膝下樂

不須縈心富貴空憂煎

荆南喜劉推菴太守來晤留飲卽事

別離積歲年顏面各蒼黑一朝馬上逢相見不相識
我苦從軍淹楚地客裏逢君同酣醉不惜慷慨百年
身那論升沈十載事贈詩淡穩復清新返雅扶頽意
最真此事千秋勝尊顯得力窮愁肯讓人

徐繩庸招飲郊居

高居臨枉渚茂綠翳崇岡剝影搖明鏡城陰帶草堂
開尊有具辦刈坐竹風涼愛客淡情洽言歸夜不妨

谷口山房詩集

卷之十六

三

從軍集

其二

城隅好亭館假寓卽吾廬鏤壁延風遠平臺受月虛
夜涼圍坐處午夢檢書餘束帶容寬免淹留亦自如
吳旣閒孝廉招飲留別

孝廉日擁一牀書仕進無心忍索居著述久賴傳世
業形神增王杖鄉餘園幽况復滄波隔客到還勞草
徑鋤五斗再拋京洛去東湖常憶老磻漁

安陸龍城寓中喜金會公廣文見過貽新詩兼

贈近體一首有能分司業酒錢無之句時予

將赴京師

槐城紺利楚雲連
夫子宮墻落照邊
枉駕還疑清夢
接論文不覺古人賢
紅塵重冒慙元亮
白雪新吟識
鄭虔此去只須京洛待
看花霑賜水衡錢

谷口山房詩集

卷之十六

金

從軍集

谷口山房詩集卷之十七

金門集

戊午夏在景陵任恭逢朝廷以纂修明史詔中外舉博學宏辭赴京選克館職念慈謬蒙薦舉以五月中卸邑事九月入都待詔至明年三月與考不克副選會病癰痢乃就吏部以病告辭官得九月出京還赴楚候代在長安中凡匝歲得古近體詩共六十九首

涇陽李念慈劬菴甫著

贈家客齋學士兼述所懷

君家在合肥我家仍西秦
分源隴西派別居如參辰
射策到京國懷抱同時伸
一本氣自合叙此骨肉親
君畱步玉堂我出理天津
踰登二十年五斗益酸辛

谷口山房詩集

卷之十七

一

金門集

中間雖數見坎坷難具陳
君已陟黃閣出入贊紫宸
天子重文章君實班揚倫
我今謬徵入詩文空效
顰回思簿領迫疾患猶在身
逝欲求解脫歸養涇河
濱運數互通塞微生但蹇屯
既非仕宦才焉用走踰
踰看君富年力啟沃優經綸
膝下好男兒頭角蔚嶙峋
响十五舉孝廉看花紫陌春
當使吾宗盛遠與韋氏
隣青冥竚接跡聖化敷若神
中外皆儉德四遠無
揚塵民俗登太古士行返其真
谷口耕田子亦得樂
賤貧賤貧安足辭艱難念老人

張晴峰水部得雷琴詩

昔讀蘇公集兩載雷琴詩作者紀開元銘刻上下池
所云八日合至今猶傳疑厥背隆薤葉徘徊聲出遲
用意最微妙破觀乃見之當時去唐近珍重已如斯
及茲愈久遠神物那易期水部今坡公雅好託朱絲
意癖神鬼通得琴燕市兒蛇蚶無欵識歲久膠漆離
雖有宣和印乃是收藏時抱持屬良工良工亦未知
既啟施脩飾方曉雷氏爲古人匿其名往往不易窺
千載峴山下水中有沈碑君當寶此琴勿彈近世詞
卷中山房詩集 卷之十七 二 金門集

顏子娛陋巷尼父遊緇帷阮瞻雖云達毋寧學戴逵
道存器乃重音和志不衰淳古兼澹泊此意良堪師
奉和益都相公九日攜客慈仁寺毘盧閣登高

次韻

鳳城秋色動高寒應節黃花對倚欄閣近諸天佳客
坐庖移香積相公餐九重絳闕雲中出萬里金甌
掌上看薄海人文歸大治可知陶令亦彈冠

長安雜興

懋勤別殿啟秋風金簡琅函擁聖躬近侍研朱傾

其二

龍旂夙戒出郊坰省歛乘秋動有經霧列千官開御
陌雲移萬乘奉慈寧仙人陰火雷湯沐姪女丹爐
滌竅冥膏澤同民飛睿藻東遊不比紀云亭

宋牧仲比部權關贛州

自昔知名由計子計甫草東之官還憶見黃州爲黃州判
千之官康州公侯事業君當復藻采風流世所求雪
過黃相見卷中山房詩集 卷之十七 三 金門集

色燕臺寒膽鏡權歌虔水下灘舟梅花賦就如相念
蚤寄秦關慰舊遊

詔賜薦舉諸人月廩詣闕恭謝紀事

蓬萊闕下集羣英內詔初傳旅食驚猶待徵車稽
夜對蚤霑祿賜代春耕無才真愧養天庾多壘還愁
費水衡拜舞金門矜異數諸君何以答恩榮

其二

繼粟應知寵博聞空疎小吏也從分大儒宜有天人
策困學曾無月露文寒屋并開驕白雪炊烟一起接

青雲素餐更復添愁思報德何由集寸勳

長安送黃俞邵奔喪江南

棘人帶星發薊門霜皚皚哭號過衢市行路爲悲哀
借問號者誰黃子字俞邵藏書讀萬卷詞翰近鄒枚
依母不肯仕棲遲青谿隈一朝被徵辟敦迫赴燕
臺陳情不得上憂思日徘徊寒冬凶問至擗踊心崩
摧麻衣驚短景十步九顛隤卿相爭弔賻天子念
雄才篤哉敬亭公謂施愚山先生作詩送之回惻惻數百言
纏綿情事該傷余蚤失恃濡墨心先灰勉吟還擲筆
谷口山房詩集卷之十七 四 金門集

掩帙不能開

長安冬夜喬石林舍人招集高齋出其先樵史

公柘溪草堂圖索題漫成

酒既清肴復盈冬之夜會羣英卷軸出鐙燭擊貌舊
墅緬先程維柱史篤忠貞逆聞鐵園步傾乃拂衣遺
世榮柘溪上敞軒楹水迴遠石磴深茂林下廣畦平
臨萬頃擁百城乘夜舫耦春耕稱遺老送遐情舍人
嗣世德亨棲鳳沼旅華京文淹雅志潔清二酉貫三
都成觀者集堵牆驚軼倫輩登蓬瀛懷先疇寫飛甍

善繼述以精誠永奕葉擴令名

戊午長安除夕

殘年辭我去更無重來時白髮總經春豈能變烏絲
堂上親日老歸省當何期仕宦行吾學祿養亦所資
兩者罕一遂折腰空爾爲猶復辱薦剋愧乏宏博詞
旅進到輦下內顧還自嗤今夕當除舊前途那自知
把酒酹天公倘得遂烏私尚能負斗米爲親供晨炊
荆妻汲澗井稚兒候柴扉雖無甘脆奉真意良不虧
遠勝常他鄉窮達理俱違

谷口山房詩集卷之十七

五

金門集

其二

長安寒未退旅寓色淒涼獨酌守歲酒相對鐙燭光
故鄉思千里昔人此旁皇顧我辭家舍于今十年彊
別離亦已慣庶哉兩相忘但愁茶酒錢歲暮例俱償
百端集一時驅遣難爲方節日人客至家羅酒漿
屢空少盤饌何以慰高堂此事能勿念戚戚我心傷
已未元日

我生五十復過二兩眼久暗髮華顛畫交人事苦難
給夜鐙初舉便思眠精神已覺成衰老奔走那堪隨

少年 帝京上日盛典禮應 詔未入常朝班昨宵
守歲飲微醉儘拚一枕到朝暾四更鳴騶牆外過知
是公卿朝 至尊徐起拜天氣喘急可憐筋力異從
前長安賃僕利趨謁促我往叩尊貴門街衢裘馬盡
鮮怒敝袍款段衝橫塵朱扉權要不納刺登記還索
青銅錢歸來困憊餓尤甚暖樹栢酒列辛盤貧家此
日真暴殄飽餐滿飲忽顛然疎頑久當安丘貉雞皮
豈可充紅顏羞畫蛾眉臨短鏡還側舞隊拙迴旋顏
回彈琴在陋巷弘景四十蚤挂冠白頭罄折意所苦
谷口山房詩集 卷之十七 六 金門集

長安贈汪荅文 元夕後一日

攤書萬卷任從容 詔起初看放短筇天上聲聞迴
海鶴日邊雲錦繪山龍吟成白雪慶歌好釀熟黃柑
氣味醲不改文章千古事何須回首戀堯峰 荅文山居所在

長安蚤春遊馮相公亦園登萬柳堂五首

朝行鳳城郭覽勝東南偏閭閻漸以盡疎豁如郊原
茂林忽在望云是相公園到門無扃禁同樂意所存

文流蕩曲折長橋鬱蜿蜒沿隄盡高柳依依春風前
近分御溝蔭暖帶靈和烟喧囂倏已隔快意難具陳
其二

行行乍欲倦曲榭駕清淨憩止凭欄檻層波淨我心
風柳颺青絲還來拂衣襟少焉策疲足上下窮欽崙
東城何遽迤隱見層樓陰西山翠可攬 魏闕儼相
臨爲山何必高濬流何必深仁智具在茲俯仰足清
音

其三

谷口山房詩集 卷之十七 七 金門集

長安多珍卉非時揚芳馨所種但楊柳豈曰殊羣情
上方賤異物苑囿希經營元臣寔一德植物取易
生東風一披拂萬株齊向榮搖曳黃金枝時禽相和
鳴變理有餘暇載酒聽新鶯太和滿胸臆悠然見生
成

其四

隴西供語鳥日南送名花民勞與吏餽千古猶咨嗟
何似我公園真率無窮奢寥寥數楹宇萬柳相蔽遮
丹碧罕塗飾烟雨生欹斜枝條况名士直臣比槎枒

平生進賢意手植日有加此示兒孫尚德謝紛華

其五

乞歸書屢上雅興屬青州如何輦轂下反置別業幽
海內未宴息老臣正先憂調元協數公齊心迓天庥
東山豈得遂小築卽滄州把酒對芳樹讀書臨長流
沙明春水濶濟川試方舟太平旣以泰終然返林丘

贈姚濮陽給諫

朝陽已敷照氛翳猶相蒙衆鳥何嘈嘈卑飛亂蒿蓬

何期丹鳳響忽落青雲中一鳴羣聽肅再鳴閭闔通

谷中山房詩集

卷之十七

金門集

至尊爲側耳覽輝儀瓊宮飼以青琅玕棲以碧梧
桐象音永韶吹和律調八風陰陽爲之理薄海還時
雍俯視仗馬羣默默空爾容會當巢阿閣萬載翼
皇功

仲春長安雪霽贈房慎菴樞部

藉甚才名四十年天成國器應星躔朝廷屬望機

衡重鄉里論文伯仲賢酒興猶淡寧費日鬢絲初白

爲籌邊屏風便可書家範房太尉事階下蘭芽已蔚然

其二

西山春望鬱菁蔥魏闕中天瑞色同世系勳名並

如晦樞曹剖決憶姚崇周防障塞披圖裏殿最孫吳

指數中久早開筵當雪霽爲君樂事頌年豐

曹正子部曹招同諸子盛集高齋

愛客過從紫陌春寓居鄰接倍情親將臨社日宜芳
讌恰趁徵車集隱淪綠野定應占聚宿蘋魚豈望出
通津長安高會今能幾羨爾飛揚意氣新

其二

侍郎門第倚雲開公子詞名鄴下才帝里稀逢好

谷中山房詩集

卷之十七

九

金門集

亭榭春風乍遍綠條枚通階譽望兼能賦薄海交游
共舉杯稍喜昇平文治進羣公觴咏盛追陪

趙元升登第

今日君方達才名二十年竟酬孀母節淡象祖翁賢
已覺風雲逼真義傳丹墀承寵賜蚤寄北堂前

前

其二

濟世宜羣俊巍科見老成謝恩趨曉仗賜宴散

春城樹德先鄉里登朝卜晚榮長安花盡好莫縱馬

歸行

寄秦補念運使天津

曾是南宮第一人暫監煮海到天津堆晶遠載春船
重積雪高連暑路新他日朝廷思舊德濟時財賦

用詞臣蕭疎蘆葉滄洲上可似當年映客樽念慈昔曾司理

間河

題畫

秋林初霽烟浮空離舍青筠黃葉中四山溜雨澗水
急夕陽微透崖頭紅磯上小亭閒獨往坐觀溪漲聽

谷中山房詩集

卷之十七

十

金門集

松風

毛會侯戴笠垂竿小照

毛子文章士脫手追大家仕宦爲廉吏盛名日有加
既邁于公德還種安仁花天子重積學微入備清
華學士啟北門諫官虛南衙豈容託閒散戴笠弄晴
莎顧乃圖其形垂緡臨清河乍疑釣璜者顏沃鬢未
蟠母亦把長竿激濁揚頽波六鰲在一舉鯢鱗安足
多俯視橫流中擾擾若魚鰕我實儕伍人求祿空蹉
跎知君行捨此簪筆草黃麻畱將春溪曲待我披青

養

贈沈佩周茂才

儒雅休文原世學風流衛玠本前身橫裁鮮錦詞華
富竚上層霄羽翮振挺出松筠看氣象琢成冰玉擬
心神相逢俱恨知交晚歎爾猶爲席上珍

其二

棟花欲落日偏長帝里相從數舉觴漸入薰風迎
殿閣驟過疎雨漲池塘機雲年紀初遊洛沈宋才名
舊擅唐五斗淡愁拋不得那能常倚壁人傷

谷中山房詩集

卷之十七

十一

金門集

都下寄懷田雪崖司李

司李龍臥久山林興味長歎子不歸里相望成參商
秦雲漠漠津亭樹不記當年離別處回首忽驚十五
年升沈變轉紛何數憶昔金門同對策羣看偉岸好
標格明珠光連十二乘孤桐迴立一千尺嗣遇平陽
意氣新名倡坐擁揮金尊高談顧盼生奇焰旁觀歎
羨驚天人謂君卿相立可致手挈蒼生登上治羊角
誰知少積風卑飛未遠遭顛躓我亦宦途坎壈纏廿
年一令常辛酸卽今親老生計薄行辭簪紱返田園

聞君學得養生術屏弃紛華寶寧謚導引未應飲讀
妨點易銜杯樂事畢待我歸來策蹇日相從劇飲還
能百盞空功名富貴終何有一任浮雲過眼中

題任梁河畫冊

畫大雪中山廬畫掩有客幅巾
策蹇度橋來訪一童子先至內

蒼頭開
門出視

逕滑橋危跨蹇來松間竹外一門開相逢應就林中
宿不比山陰棹易迴

荅高澹人中翰以藏楮索書

聖主崇文治名儒挺絕姿飛騰乘景運蓂采應昌期

谷口山房詩集

卷之十七

三

金門集

視草隨 龍幄賡歌出玉墀退 朝看夜月入侍待

朝曦 賜第依 丹禁移家近 御陣秘書唐館直

校獵漢臣規賤子庸無似衰容困有司廿年空潦倒

三仕等流離晚徬荊州壘秋官漢水湄徵求愁正劇

撫字竟安施不忍笞鞭苦其如檄牒追民窮兵未罷

親老養仍虧已分投簪去寧堪拊轂推虛名慙薦剡

淺學豈宏辭才俊欣連茹駕駘望脫羈猶紆行見海

猥辱問臨池

家欲山兄之任斬水贈行作

伊昔同來翺翔 皇京差池雁序嘒嘒和鳴分飛有

年還集 帝里我宰竟陵君除斬水維我所宰民頑

賦逋罔上告許實繁有徒斬俗舊淳催科無缺彊幹

清明姦伏良悅君才優茲匪茹勿吐令行在初獲上

斯觀蘭溪連如嘉卉揚馨象侯休德兆民稟稯嘉猷

允升陟 帝左右掖垣竹梧青陰茂覆隴西之喬濟

濟同登我歸南畝詠歌休明秋風沆場送爾邁徃征

矣蒸哉不敷令名

天門開

谷口山房詩集

卷之十七

三

金門集

天門開百神趨五嶽仙人會黃朱乘玄赤豹駕文螭

錫鏤管宴玉墀我立闔闔觀此盛美喜道弘昌樂不

可止廣樂紛何來期君在瑤池飛瓊舞離哉漫漫夜

達曦明堂謬簾無鐘雙燕來接飛蟲雲宵宵護紫宮

竚何見般容容

應 詔後述懷二十韻

夙昔微名恥過稱徵車謬載更凌兢樗材自合終填

壑匠石空煩數引繩洛下衰顏慙小陸蘇門長嘯愧

孫登棲遲燕市冬春改待 詔金門感激增豈有文

章年並卽且寬簿領日相仍禁城却入看青瑣仙仗
重瞻識鏤膺學士捧題天陞降中官傳旨聖心憑
鑒輿糾轉趨長樂楮盞晨飛歎夙興閣外揮毫凝碧
落殿頭 賜坐啖紅綾是日于體仁閣下特賜高坐豐宴時逢喜起
賡何有策昧天人對罕徵竟以空疎虛夜問倍淒惶
仄履春冰 龍鱗在望攀寧及雞肋何心弃未能繫
縣真愁難重蒞羣公且喜得同升登科會見爭酬
主下駟無勞久負乘萬里庭闈迷陟望十年歡笑隔
趨承陳情莫爲聞閭闔捧檄終然缺斗升憂劇祗防
谷口山房詩集卷之十七 金門集

腸斷絕貧來猶剩骨峻嶒商歌自壯同原憲蓴味秋
溪迫季鷹海上鳬鷗波浩蕩雲中鴻雁羽騫騰 君
恩倘許還初服負米郊原樂不勝

里無正應 詔却罷後就京師官日作

里無正今田無籍吏畏里豪今不畏有司籍既亾兮
缺賦焉問田饒租薄兮猶以爲厲而山澤兮雜滄秋
穫冬亾兮逃租不歸歲請蠲兮多虛妄崇淫平被兮
曾何救乎灾黎訟逋軋兮俗相競上攝不出兮嚴檄
我追檄繩繩兮官吏罪府胥橫怒兮官無儀令有鞠

今上牒隨至飾情往讞今因而去之我訴上兮罔究
正豪姦詐陷兮既知不以爲非民多頑兮逋賦歲積
上不問民兮惟令是責彊我報盈兮雖幸免過家無
厚藏兮噫乎何以敷額百神紛驚兮牲俎維億山鬼
書見兮林立而赫大風卷茅兮迅流漂禾使我衆口
苦飢兮休不安魄霖潦載塗兮洪波浩洶雖善沒兮
終墊溺幸褰裳兮勿復蹈良寤餓兮免辱迫返丘園
今慰遲暮保骨肉兮心悅懌

時命篇 辭官後將仍赴竟陵侯代作

谷口山房詩集卷之十七 金門集

歎時命之不偶兮常厄窮而年已衰覩萬物之有逢
時兮胡我生之終頽同學皆已顯達兮顧一令之難
諧維竟陵之粗富庶兮匪異域之不可治民黠悍以
相雄長兮令格阻而賦虧習反噬以骹抗兮曾何論
政刑之是非健訐訟而持令長兮爰自上而教之法
紀蕩而不可行兮令猶人耳其奚能以有爲逝將解
組而歸田兮免尸位之朝譏會 綸綍之求賢兮公
卿謂予其稱茲釋催科而邁征兮謬待 詔于京師
自秋迄冬而復春兮雖靡廩而恒飢衆回旋以雲鶩

今維子短袖將安施被褐行乞而摧藏兮人猶謂我
懷璧而不以遺羞不犯而得怒兮羣背憎而相嗤雖
風昔之友愛兮咸掉臂而若攜况衆女之嫉婢兮或
逆拒于中達使宿留之掩嬙兮 上高遠而安得知
豈彼人之能爲是兮實余數之恒奇念老親之衰暮
今帛肉缺而身羸雖有弟而弗歸侍兮嗟定省之誰
依思陳情而不得遂兮悵簡書之有違引宿痾以辭
官兮苟得歸養兮理亦齊歎職事之猶相屬兮尚將
往代乎南陔愁當路之還我扼兮寧徒手之能辦斯

谷口山房詩集

卷之十七

十六

金門集

初夏將出都門諸子旗亭話別

賤子本外吏羣公咸席珍仕隱兼遐邇山阿復水滸
風昔相慕嚮末由通殷勤幸因 明詔集叙此懷抱
親作賦明光裏縻廩京華春去畱材誠殊優渥禮已
均念當却分散高會同良晨吳歛諧雅奏炎律扇初
薰廣筵既列坐芳肴亦雜陳酒酣生微詠相與謀歸

輪出門俱 王路南北各有遵後會良難期惜別情
彌敦努力崇令德回首銜 君恩

答客見慰

才因窮日盡學自宦來疎歷塊行何速搏風翼不如
諸公咸俊傑吾分自樵漁本異劉蕡對何勞惜弃樗
孫豹人進銜中書值六十初度卽送還山

白髮真爲累青雲忽爾干雖登鳳凰沼不著鷄鵲冠
處士思逃爵 君王敕進官

先是部議授先生正字
上特命加中書職銜

兩辭天部日激切萬人看

初未試時先生以老病辭
既驗試年老將授官先

谷口山房詩集

卷之十七

十七

金門集

生復引先是部臣口中言堅稱
未老先後詞氣激切控辭甚力

其二

著作一千卷鬚眉六十春梓成燕紙貴吟苦楚辭均
初服行仍著還山志已伸送君返邗上吾亦計歸秦
送孫豹人徵君南歸

海鶴何心戀 玉墀便翻雙翩返淮湄長貧徒有前
途念俱老難爲後會期谷口親闈空遠夢鹿門妻子
却相隨單輪車擁詩翁去竚立魂消望盡時

其二

君歸春去兩傷情獨返郊關泪滿纓難似駉蛩共東
野祇拚愁病老虞卿青雲于我終無分白髮欺人已
盡生倘遂還家營薄養也應長此謝承明

久旱 上步禱南郊甘雨隨應恭紀

龍旂步禱出齋宮薦壁郊壇御氣通導 輦油雲猶
映日應時甘雨不兼風參差禾稼神功裏肅穆 君
臣降鑒中報答豐年定何處詠歌還與萬方同

其二

森如銀竹灑千疇漸返流亾及麥秋記注豐亨非我

谷口山房詩集 卷之十七 金門集

事清平道路又何愁臣心更覺歸無恨 聖澤先教
飽易求悵望開籠放鸚鵡猶能傳語隴西頭

卽事

翩翩看載筆濟濟見登庸得幸皆殊色逢年各上農
情憑其豆落老異薜蘿穠只合歸三徑商歌曳短筇

沈繹堂宮詹宅敬觀 御書恭紀

今代推哲匠詹事如建昌 沈休文封 詩名振大雅揮

翰親鍾王 至尊常嘉歎屏障走四方垂情念舊交

邀我共飛觴頗怪高門裏屬天有榮光登階見 宸

幹重疊懸中堂竚瞻久聳立情奪心悚惶三光乍聯
照雙壁儼高翔揮毫幹地軸布畫森天章臣箴最祗
德性學謹周防 寵賚由申眷拜 賜異登牀敬惟
明良契盛德協義倉小臣獲仰矚千載懷芬芳

沈宮詹招同諸子讌集卽用賦別

君爲青宮傅我作下邑宰相望如雲泥歲月已屢改
何期 徵詔至重得覩光彩念我在困辱纏縛末由
解動問及瑣屑語多氣爲餒貸錢沽香醪飛觴澆磊
魄高會集羣英華筵羅珍醢數過色彌親坐久意無
谷口山房詩集 卷之十七 金門集
急我才老益鈍從政苦不逮今茲罷還官瞻望心已
駭長林永可投挂冠寧有待從此謝春明相思如江
海

姜西溟乞嚴蓀友寫松樹萱草圖爲其太夫人

壽索子題詩

青松生南澗萱草樹北堂以茲勁直姿映彼柔惠芳
伊誰爲此圖嚴子老擅長所繪伊何人氏孫實母姜
懿德衆所稱聖善堪表坊厥子宇西溟丞哉浙士良
瘦腹果經史健筆卓天閭推抑不得志畱滯久 帝

鄉母年七十一兒年半百彊榮祿愁不逮貧賤潛自
傷況復事遠遊定省違星霜奮飛無羽翼翹首道路
長賤子蚤失恃覩此結中腸有父亦已老甘旨未能
將負米思反哺四海少稻粱蹙蹙同所懷相對色凄
涼日月不私物一照成輝煌我非在陰谷胡不被榮
光大道直如矢四達有康莊衆皆出亨衢爾我獨面
墻君才十倍我晚榮豈可量我才不逮君亦非甚愚
狂安得泰階平攜手同翱翔各遂奉養分堂上祝遐
昌更繪靈椿圖千載永相望

谷山房詩集

卷之十七

壬

金門集

客有勸我還赴楚任者走筆答之

將父田園計已成君來勸我赴南荆官高豈似承歡
好政拙寧需見辱驚果是桐鄉何惜葬得還建業久
拚生歸家不種門前柳復恐人間采薄名

爲尤展成司理悼亡

司理時徵至京師長子亦以公車隨侍俱遠永訣

青蓮別內赴徵時潘岳驚傳悼婦詩往事清貧皆

可念新恩朱紱亦堪悲撫棺遺恨憐家督執燭何

心命侍兒

司理時奉

說與旁人猶墮泪那容鰥客不

哀思

長安送鄧孝威還山

返駕山中願不違身名已貴尚荷衣時先生蒙恩特授中書職銜
鮑昭誰信真才盡彭澤猶嫌有昨非 聖主虛開薇
省待野人惟戀草堂歸憐子鍛翮還絳紳羨爾摩空
得便飛

其二

江國貧交二十年 帝京分手各相憐增多只有新
詩句贈別仍無薄俸錢梁苑難留枚乘老河東卻罷
季生還白頭好會知能幾不到臨岐已黯然

谷山房詩集

卷之十七

壬

金門集

述姻詩東霍邵室

子戊戌通籍在都邵室始奉尊大人命納交

慙負司空特盼時頭顱頌白更何期初通名籍成新
好重結婚姻是舊知入學稚兒同宅相持家弱女作
門楣只愁歸日羣年少共指衰翁此是誰余十四年未歸有男
女外孫五人及子阿怡俱未一見

獨居

獨居不樂過我友朋門多車馬羣彥盈庭列坐談讌
鼓瑟吹笙延樂于外憂自內生對一樽酒悲不能傾
還歸我室顧念屏營展讀素書聊適我情怡然心悅

歷夜達明

出自西門行

出自西門以望郊畿秋風蕭蕭白楊聲悲塚中何有
朽骨纍纍封樹嗟峨骨則何知人非金石朝露易晞
枯苑有分惟天所施少壯忽去華髮變衰修名不立
怒如調飢

江青園七十廬墓圖

真州大江間高墳何巒屹痛哭者誰子江氏字青園
松楸既鬱鬱山石亦磐磐結廬率曠野馬鬣目所存
谷口山房詩集 卷之十七 金門集

哀至便號泣疾聲聞高天生存不得養墓門省晨昏
行年已七十垂領髮皤然蒼顏只兒啼怨慕將窮年
見者爲歔歔聞者爲辛酸鹿馴不觸樹白鳥巢林端
我來長安裏此事萬人傳吟詩紀其實還用告時賢
長安蚤秋施愚山侍講話別

昔我過江右把酒登君樓談讌如昨日回首春光流
十年一會面百歲能幾時今日樂相樂分手杳後期
君如雲中龍我如風中蓬龍起翔 天闕蓬轉隨飄
風長安錢暑退蒲萄敷清陰纍纍垂碧實依依傷我

心人生有盛衰聚散安可知但願各努力以慰長相思

張節婦謠

張節婦儷栢舟祿者名氏維劉翁其勳二千石夫乃
璋瑞爲伯逆賊稱亂官民雜逃裂數尺布繫夫瑋腰
氏挽而行不暫離與夫同歸踵相隨璋後天亾家議
嫁氏氏怒却之請立嗣子嗣者瑞男季名全輝瑞迄
翁怒以及其兒仍命氏嫁逼取嗣約將燬之氏不出
約聲泪迸激觸翁翁愈惱局氏戶內肆凌轢堂上索
谷口山房詩集 卷之十七 金門集

長安

自我出長安十年復來茲造謔平生交所向無一宜
我非易我素時俗日以移委情依他人顏面何參差
言笑匪由中有人亦莫嗤巧僞遺禮法能者好爵糜

我腰胡倔疆我面亦何癡語言况遲鈍莫肯聽我爲
效之既不能但歸忍恒飢

驅車行

驅車駕黃犢偃蹇行江干竟日三十里飢來不得餐
側見高帆飛乘風凌奔湍倏忽過我去騁望空雲烟
誰言風浪惡疾乃過勿斡我身良已疲目覩心茫然
捷者固可美覆者亦可憐毋寧守軌轍循分得所安

紀異

康熙十八載孟秋廿八日李子臥京師二客來問疾

谷口山房詩集

卷之十七

金門集

金門集

元氣忽掀騰厚地失寧謐有聲自西北震動久方訖
客各奔空宇我亦扶病出所坐屋已傾他壁倒近膝
黃塵漲塞天人面俱埋沒移刻立始穩羣聲乃騰沸
主客驚尋喚相看喜俱活趨還視其家意急行轉蹶
力疾出戶外逢人問 宮闕 九廟幸巋然 列宮
亦率率天怒赫可畏伊誰干茲罰萬姓亦何辜冥理
難具詰晡時尚談笑俄頃半僵訣父子兄弟間人鬼
判倏忽來如疾風驅去如戰陣畢維時萬衆心戒懼
無回適既定休我喘餘氣猶屢揭六鼇胡不仁時復

一蕩滄累日還數震震至衆奔突勢雖減厥初亦足
致崩軋魂神驚離逝對食不能啜夜臥如在舟洪濤
激撥刺風響與車音虛悸生恍惚寐驚突離床急起
或觸物肌膚被損傷亦不自知察厥來本無時周防
豈有術婦女棲中衢席被障轆轤側聞通州圯街巷
莫識別涿易與三河處處水泉發 聖詔下罪已兼
數百僚失弭災在本根應天當以實民生久不聊公
私罄拮括遂使天下財萬流滙一窟四海盡寒心東
南正飢饉大法小乃廉源清流自潔小臣疎且遠氣
谷口山房詩集

卷之十七

金門集

金門集

塞難盡述但見唐虞朝水旱亦豈絕警戒在無虞節
宣理不過上有堯舜下有稷與契

偷兒

大地震未歇男女出露棲比舍虛無人屋上走偷兒
閭巷傳相警驚呼何喧逐連夜不得寐聞聲互相猜
王政豈無柄耗竭兼公私萬姓生理絕新復罹此
灾斗米涌百錢貧家難哺糜飢寒相煎迫焉能怪爾
爲雖然正清平所在有官司邏卒捷鷹隼忍死莫爲
非

蔣翁

潮水清且漣西度入長安蔣翁往奏事至此復來還
弃官歸杜陵築舍蓬蒿間三逕何蕭條飢餓門常關
五侯盛甲第笙歌富薰天谷樓奮筆舌榮競相結連
一朝失援引身隕名不傳達者貴行意守己返自然

出門行

出門行復歸有士寒且飢三日無食口噤面鰲我欲
解贈之還視罌中無斗儲桁上無懸衣將客還家聊
共哺糜男兒幼學聖爲師壯取卿相澤羣黎一夫之
谷口山房詩集 卷之十七 庚 金門集

秋出長安與葉井叔部曹話別

我望嵩高山峻極直天中誦君游嵩詩如陟輶轅峰
爲政青山下未妨雲霧蹤躡足欽峯頂九宇羅心胸
三川發藻思顯氣生鴻濛應 詔入長安獻賦蓬萊
宮我才遠不逮胡亦謬相從同來復同罷去國心忡
忡逶迤桑乾水驚沙隨飄風客心易感激離思驚秋
鴻君當履清階道在豈終寤我歸甘病廢長爲谷口
農分手自茲去升沈渺難逢思子向何所虛巖溯石

涼

出都之楚畱別長安相知

長安繁華地 雙闕高崔嵬鸞鳳翔且鳴翩翩何啻
啗孤雁獨南征羽翼兼摧頽奮起汗潦中冥冥意所
詣泥沙猶躑躅焉能遂高飛沈憂念儕侶涼風淒以
哀瀟湘非我居稻粱非我懷北顧臨大河但見黃塵
埃何時却來集同心相與偕

谷口山房詩集 卷之十七

三

金門集

山口山房詩集卷之十八

放還集

待詔罷歸就部辭官終竟陵代事
梁汝穎歷三年有餘日至漢上
途中凡得古近體詩十二首

涇陽李念慈劬菴甫著

秋晚辭官後出京次良鄉縣作

去國心猶依 魏闕懷鄉夢屢到庭闌 君恩未報

慙求罷親養須營敢戀歸黃葉半隨霜露下孤蓬還

逐雁鴻飛長安回首憐朋好數寄江湖信莫違

藥城渡津沱西入井陘為歸秦大道余以赴楚
別路前下舊宿于此自京至藥凡行六百

谷口山房詩集卷之十八

放還集

四十里初為地震不及
之境夜始解衣安寢云

河朔霜風吹鬢寒藥城西望薜漫漫地遠震處安眠

得書離道都數寄難倒馬關門遙百雉臥龍山勢隱

千盤從茲已別殺函路去鴈斜空眼倦看

枉道內黃晤明府以理家兄即別之楚

兄先司理淮安
罷久延以自粵西馬中丞幕揭其
幼子歸朝廷事聞後官任此

八桂全疆計已非中丞許國陷危機髫年公子微行

出白髮參軍問道歸九死事聞 龍鳳關三旬身犯

虎狼威自 天嘉嘆得百里初還舊 賜衣

渡黃河

北去嗟何事南征又此回秋從愁裏度河是故鄉來
浪急舟行澀沙寒雁起哀津梁吾日老空想濟川才

渡河望秦關作

南臨大河右顧澠池路向秦川辭何壘壘之子西駕

各還其家我行獨南淚下霏霏越岡陟陵周道倭遲

誰謂遠望可以當歸行山隱隱河水瀾瀾今茲却逝

何時能來

大梁詠古

谷口山房詩集卷之十八

二

放還集

相如昔未遇游梁著子虛天子感奇文恨不同時居

召見拜為郎歡如水濟魚奉命喻西蜀建節乘傳車

王孫喜分財何況驚路隅不逢楊得意工賦亦區區

其二

虞卿負才畧擔簦見趙王立談賜黃金白璧雙晶光

封侯食萬戶相印何輝煌一朝急魏齊棄位與俱亡

信陵且未知侯生乃表章著書聊自見窮愁益昂藏

朱僊鎮

摩娑殘碣對秋風麗藻誰堪重岳公識得金牌鐵馬

句令人長憶李空同

許州

秋晚過鄴下經旬出許昌魏業今安在河流空湯湯
詭謀詎可掩逆節終銷亡陳荀一相過燦然動星芒
至今高陽里曠望有餘光作偽終成拙樹德闇自章
雞鳴有岐路君子遵周行

賴橋

朝行許州道暮宿賴水頭清波穿石梁東向淮河流
唐堯公九宇許由寶一丘卓哉洗耳翁清風不可求
谷口山房詩集 卷之十八 三 敬運集
考叔亦有祠羹肉感鄭侯隧地全母子錫類行何優
利祿安足向至德誰與侔吊古一長嘆悵望臨清秋

襄城

帝跡久荒遠空傳七聖迷寂寞首山隈霜風振迴谿
偉矣李司隸風格表當時臨事不辭難名高禍乃隨
墟墓感人吟宅里沒蒿藜竭來襄野北眺望心腸悲
聖賢風已邈薄俗安可依落日下寒林歲暮吾何之

其二

汪公撫關隴勵俗秉清修忘身鞠軍旅仗劍下中州

帥師非其任喋血快群讐傷哉三秦士枕藉高山迎
兵氣既損傷勢去遂難留至今襄城下淒風聲颼颼
徒見汝陽水蕭蕭暮寒流安危人所擇國步誰先憂
往事悵已矣淚下不能收

谷口山房詩集

卷之十八

四

敬運集

谷口山房詩集卷之十九

留滯集

體詩十
八百

己未秋自京出抵漢上旋之竟陵侯代新
令不至留滯蕭條至庚申正月凡得古近

涇陽李念慈劬菴甫著

漂寓

漂寓何時了舟車苦送人纔停汝南駕却泛漢陽津
節序頻催老生涯一愴神江關遲暮眼無計見西秦

漢口景陵舊役來迎得張夏鍾別駕譚灌村太

史吳晞齋孝廉諸公手書

谷口山房詩集

卷之十九

留滯集

五載棲遲地

余任景止十月而自赴軍
前往來江漢間已五載矣

官休向此行

重來江漢曲敢望吏人迎上水橫流擢冬帆曉岸晴

桐鄉重書札難述數公情

思婦吟

載郎出沙頭恨殺木蘭舟不如檣上烏隨郎逐風流

其二

願爲板在舟願爲鞍在馬雖然無情物常在郎身下

其三

鑒沼碧牕前綠水照紅顏分藕過芳春思蓮那得蓮

其四

盛年嫁估客怨夫常遠適及今不復怨衰容那足惜

長年嘆

泛深江發櫂歌狂風突起洪波浩浩同在一舟所願
安好白浪如屋鼃鼃出遊胡乃攤錢高浪中櫓漂檣

側不知憂噫嗚呼吁嗟今人各有命舟亦有主舟覆

人溺舟敗主苦舟主不知將舟付汝

竟陵西塔寺

寺有支公陸鴻漸遺蹟
塔久無存寺亦荒廢

十月竟陵幸未入西塔寺回回簿領中汨沒損初志

谷口山房詩集

卷之十九

二

留滯集

休官來此邦乘興隨所致信步出西門冥搜方茲遂

浮屠竟何有陸祠荒蕪蒔緬想支公遊莫託許詢契

天寒湖水涸歲儉齋厨匱馳情增悵惘勝蹟委寒地

興復當何由民生日顛顛

陸公祠

邑志唐陸羽字鴻漸竟陵人不知所生
或言西塔寺僧積公晨起聞湖旁群鳥

喧集以翼覆一嬰兒遂收畜之既長以易自
筮得蹇之漸遂用其辭爲姓名幼時其師教

以釋氏法不肯學因使除糞汚以苦之終不
變又嘗使牧牛羽潛以竹簾牛背爲字得張

衡兩都賦不能讀危坐效羣兒嘖嘖若成誦
狀又負書色火門山從鄒夫子學其所著有

君臣契三卷源解三十卷江表四姓譜十卷
南北人物志十卷占夢三卷皆不傳所傳止

茶經一書及六美歌又有四悲詩天之未

賦亦未嘗見觀其命篇可想見懷抱寄記矣
陸公聖之徒生養招提裏志學恥緇流困辱不肯毀
學書畫牛背讀賦若心唯匿跡雜伶人受業師鄒子
著書盈百卷漫滅無遺紙緬維君臣契論地豈激詭
人物志南北深異當有以品泉聊寄傲嗜茶亦偶爾
厥名乃用傳世好良靡靡荒祠寄古刹寒日照清泚
同與井俱在 西塔寺中 所羨此焉存商顏差可擬

陸公井

萬羨西江水竟陵城下達歲遠都邑改川味誰能別
谷口山房詩集 卷之十九 三 留滯集

邑北文學井湖漲亦久沒此泉寺西偏朝暮公所啜
古石甃寒源高秋涵素月我來汲朝華注甌頗滑潔
烹之用活火乳液淪綠雪時藹有施愚山太史所餽 自製飲亭綠雪茗輒用瀹
飲一吸滌煩襟再飲已夢渴苟識古人情清風無銷

歌

葉僉事涵公自江陵來過同遊竟陵西塔寺見

贈長歌賦答

葉公遠自荆南來凌晨耶我雙扉開喜我寓中多竹
石盤旋大叫呼金罍為言竟陵名勝處念爾官休身

未去竭來期與共遊遨一慰天涯歲垂暮嘆君才力
宜濟時備兵閩海有聲施胡為遺棄成衰老被徵却
罷堪嗟咨殿殿北風吹鬢寒只今奔走復江干長安
回首意牢落相逢此地續清歡我既辭官棄五斗淡
居少向隄邊走帶郭寒輕雨雪晴兩湖暗綠含疎柳
因君發興出城隅俯仰乾坤搔白首汲泉陸羽井弔
古支公寺塊壘大須澆沽酒聊堪醉此方文雅舊稱
繁鍾譚崛起角中原代遠流風稍銷歇縱饒佳士只
閉門君攜詩卷來矯矯有古風浴象之歌羣鶴詠筆
谷口山房詩集 卷之十九 四 留滯集

勢畧與前賢同贈我歌行好長句薛華李白分豪雄
別駕張公夏時藹 景色今地主論文設醕爐火紅會須
更成紀遊作我能為君勒題西寺中重來醉我明月
下好赴西江春酒醪

戴小宋折贈蠟梅

金萼幽人種寒冬嬌小園往尋遲寒衛折贈到蓬門
注喜臨書卷開應念本根暗香常滿室未怕費金尊

贈吳晞齋

先生七十好容顏野乘鴻文手自刪賸有詞源瀉天

漢應知仙客謫人間全將姓字還南史不愧科名老
北山相對鳳雛慰遲暮常留白髮映江關

歲杪自景陵之京山作

我行西北來所經但畦町旱久稻麥荒蹊田路較省
原野何蕭條歲暮風日冷透迤轉長坳登頓遵高嶺
涸湖見牛羊裂壩乾鼃黽民食減半菽盜起連宵警
乞丐滿城郭流亾空里井蠲租雖有 詔貸筭猶存
秉況乃庸調繁漸聞道路梗繪圖亦多疏膠例那得
請墨吏方橫索世亂同昏冥我生且飽食目擊心內
谷口山房詩集 卷之十九 五 留滯集

京山道中呈家雙菴兄明府

寒林引征邁曲折入晴川籬舍村村竹山田處處泉
野人矜令好親屬憶官聯相望孤城近椒盤守舊年
已未除夕京山雙菴兄明府署中

辭官不得歸還來到南陬回思在職苦不復恨淹留
歲暮感客懷兼畏人事稠閒居散宿痾出門况自由
仲兄宰隣邑政平清搽優策蹇此相就談讌愜所求

庚申元日初度

除夜遯內集家釀羅羣羞雜坐皆親族率爾成勸酬
聊爲一日歡慰此窮年愁干戈未休息軍國尙多憂
故鄉且安穩興漢近亦收幸遠鋒鏑警所望麥禾秋
輪輓傳孔急棧道阻且修家貧何用辦拮据勞白頭
今夕燈燭下念我羈江洲遊子一遠出十年去如流
日歸轉偏側負責多山丘食祿未能償閭里生怨尤
以此當四方百滯同膠舟何日掃宿迹俯仰兼良籌
高堂召賓客澆濁炙肥牛庶幾悅老親沒齒休遠遊
谷口山房詩集 卷之十九 六 留滯集

復把春杯浮生任大造

贈別上人

師竟陵人住水西庵門臨清河即陸羽所羨西江水也又多在金陵報恩寺先是余客寓報恩兩未相知師後游素庵余里與家君盤桓久之嗣余官竟陵師自淮南寄書相存及今春辭官來候代值師暫歸西庵嘆曰緣遲速各有定分相見一笑往還方甚適余又奉檄將之武陵感詩紀之

昔年同住長干寺
悵惘偏遲惠遠遊
故壘前經留杖錫
竟陵春到共登樓
梅開南國詩難遣
門遠西江水易求
正好招攜過白社
那堪匆促上沅州

谷口山房詩集

卷之十九

七

留淵集

谷口山房詩集卷之二十

行間集

庚申正月蒙綏遠將軍蔡公辟從幕府自景陵歷江陵渡江赴常德二月遂在師中從破辰龍關收復辰沅染勞暑病復作七月遂辭幕公江下辰常少憩荊州八月仍下至竟陵先後凡得古近體詩百有十二首

涇陽李念慈劬菴甫著

應辟去竟陵作

廢棄重見收宰邑
漢江邊年衰親更老
豈猶望騰蹕雖復百里內
亦欲甦黎元軍興征歛急
增調日以繁大吏課催科
瘡補肉已剝舉動見肘掣
有志安能伸

谷口山房詩集

卷之二十

一

行間集

冥心甘黜罷吾道潛自存
用意利名外安貧簿領間
所責在剝剝務牧求空煩浩
焉掛冠去愧陶已十年還來
過茲土民情殊拳拳始知衰
季世直道終未捐那復蒙辟
舉從軍赴湘沅意匪圖仕進
聊報知己恩扁舟自此往烟
水正茫然

荊州渡江入虎渡口

余先是住荊州三年餘江以南皆為賊據

三年此江邊凝望難飛渡
茫茫白浪濶但見江南樹
一朝惡貫盈鯨鯢失依附
波晏青草湖鴈過街陽戍
餘寇盡瓦解風雲卷弱絮
奸雄雖冥誅裔孽猶竊據

王師下辰沅嶠虎寧久踞小儒亦何能辟舉蒙禮
數江平一帆過虎渡應傳呼賊壘遺斷垣居民稍生
聚孤舟泛晴川百丈牽朝暮草檄懼無才屏營轉百
慮

輕裝

輕裝乘一葉曲折還安流旭日迎歌濯江程數成樓
營平初將漢王檠舊依劉佩劍光芒在猶堪佐遠遊

舟中見花柳

東風吹愁來不肯吹愁去綽約斷腸花搖曳傷心樹

谷口山房詩集

卷之二十

二

行間集

湖光既貽蕩春風方煦燠孤舟漾清波雙槳如飛鶩
路遙煙水深少壯成衰暮所思日以遠天長眩反顧

馬陘湖

馬陘春水濶騁望一開顏漁艇行行急輕鷗箇箇閒
斷沙湖面樹返照日邊山暝色前帆隱鳴榔杳靄間

軍中紀事

朝出武陵城暮宿沅江岸連營蔽平岡列幕依長澗
玉帳突穹窿壕壘移時辦大纛閃龍蛇行列隱驚鸛
諸軍異旌旗區分勢同貫主將氣吞敵卒徒志公戰

安得蕭冠才轉粟如輸灌愧無借箸能虛糜樵蘇餐

其二

四更山月落轅門鼓角鳴諸營燧火齊燦然照列星
征馬知號令長嘶頓其纓前旌逾高嶺後隊猶沙汀
鏡吹殷川谷大帥方啓行旗角盡前向獵獵雄風生
王師伐僭竊動止感百靈南詔何足滅願使六宇
清 廟堂傲無虞萬國樂生成

其三

進軍逼敵疆立營擇勝地前鋒踞崇山節旄乃定儀

谷口山房詩集

卷之二十

三

行間集

分隊列羣岡控勒各標幟須臾幕府安烽埃亦甚置
諸隊罷就列萬竈炊烟沸燒山防伏莽終宵烈燭熾
迴飈旋曲阿隱見遞明昧亘嶺儼赤龍赭纒走封豕
觀茲火烈威反畏燎原勢何來萬里風青天卷氛翳

其四

路難衆所苦私意愛青山暮宿迴巒頂列幕長松間
清風動竿籟披襟矚高天軍中戒妄戈飛鳥自往還
前鋒列當面落日旌旗殷其上有交蔭其下有流泉
熱汲此焉便軍士皆懽顏高下鐙火舉燦若空宇懸

起行吹畫角北斗光闌干

其五

雞鳴卷甲趨日高薄逆壘寇砦據層巔高鳥愁難企
嶽崙一道入仰視但礮礮礮矢下青天懸崖駭飛詭
重隘各槍壘掘壕深踰咫我軍盛義怒蹴踏望揮指
畫角數聲動勢迅倒甌水分行攻敵隘腹背咸角犄
一鼓焚諸柵烟燄連山起緣壁超危巖躡躡攀葛藟
援關日未移大軍亦俱徙殺傷橫道旁追奔四十里
駐師清捷舖背山面清泚旌旗耀華月餘勇猶未已

谷口山房詩集

卷之二十

四

行間集

其六

戰克士益奮鼓行氣無前曉日照旌節進經亂石山
再行登峻嶺云是馬鞍關雲端各要害寇去柵壘存
櫛鋒指戰地僵屍猶道邊高屋賊帥居中有縊婦人
紅粉墮桃花衣袂凝飛塵克頑恣淫虐固宜喪其羣
牙旗駐山麓雷雨天地昏羣醜各鼠竄郡縣亦響臻
降書中夜至吹火然濕薪勢成破竹易聲速震霆奔
疾驅收疆土勿使遺孽孽孽湯火中 王師重弔

民

其七

早發芙蓉山暮抵灰窑舖空壘布平原列茅蔽野素
往者巨寇屯意豈忘軒翥中軍建大厦重煩民力作
失利頃刻間一朝皆委去回思馬溺關設險豈不固
嚮使千夫守我師那飛度勝如負嵎虎敗等脫置兔
殘民逞逆圖力驅良已誤逆節衆所誅 無親附
在德不在險前言吾所慕

其八

我軍近辰境迎徒踈其驅銳吹吐緩節行部安且詳

谷口山房詩集

卷之二十

五

行間集

雨晴風日佳旌旆自飛揚元帥乘輕軒降將拜道旁
下掖不肯起長跪上銀章父老數十輩農服短間長
槍荷與提挈肥瘠兼酒漿苦稱遭陷網喜觀雲日光
衣覆示慰勞若輩本善良吾將及吾民翁受寧有方
苟能安遠人豈敢忘戎傷

其九

大軍止江南沅陵在江北建幕南山上四望豁胸臆
隔水俯郡城荒涼半荆棘近堞稍衛市祠署歷可識
沅流抱東南西溪自來卽舟師亦茲會水陸鮮遺賊

降其五將軍所部心亦革哀哉湯火氓橫飲無休息
此行清南微漸堪安稼穡輪輓苦不前軍中半飢色
志業懼此沮憂心轉惻惻

其十 軍中稱滿州兵日
大兵錄旗日官兵

轉鬪蕩羣寇禁軍亦踵至昨報復沅州彈壓資精銳
介馬既雲移高旌復電逝官兵正乏食欲進猶恐泥
蔡人卽吾人 朝廷豈異視不知何營卒旁掠敢縱
恣五月揮殃天男女多藏避遺廬拆作薪良疇盡荒
藥括糧無近遠收馬鮮恒地窖發牛豕驅洞燎老幼
谷口山房詩集 卷之二十 六 行間集

斃大將安得知偏校多欺蔽側聞武岡軍婦女滿行

次恢疆既須守民生轉顛顛

其十一

振策經辰溪不復見居人遠望有墟落既至但空村
閭巷洞一視夕日照危垣破柱猶撐立其半砍爲薪
雞雉伏竈間猛虎咆後門干戈無時歇寇退兵復屯
牧馬遍原野寸草安得蕃欲播器無種欲耕阜無健
民困亦已極蒼天胡不仁

其十二

師行亦多日旬無三日晴巉巖陟危磴逕滑仄且傾
旁臨千丈壑鎗鋒如鑊釘砌石踏易翻缺凹填淤平
高馬泥沒腹歷塊喘無停歎彼荷戈卒赤腳緣磋砢
畚帳並一肩辛苦夜未寧糗食況不飽樵汲沿山陘
衣甲何由燥濡濕病易櫻跋涉損盛氣何以壯鼓鉦
其十三

師克憑士氣足食成壯猷飢疲日益見元帥心獨憂
民散土虛棄郡邑等未收殫心事撫輯徐行到沅州
下嶺俯城郭四圍兵壘稠諸軍此俱會億心同一仇
谷口山房詩集 卷之二十 七 行間集

廟堂下蜀議瘴暑 勅暫休且得待輪輓厲兵集

羣籌威賞豈遍及拊循亦良謀古人勞遠戍瑣屑盡
誠求知勞行不怨身先衆所投傾醪豈醉士萬人歡
飲流黔疆半內附遠黎望懷柔九仞需一簣此舉靖
南陬事豫功乃立願言納蕘芻

其十四

士苦氣瘴情息衆沅城東執鞭驅疲馬就牧深草叢
乳豹從何來竊伺羣馬訖衆夫奮長挺斃之來獻功
從軍生壯志懦子亦自雄文彩濡泥滓命隕腹猶空

長忘大害誰能保其終不見南山隱忍飲青巖中

過壺頭

征蠻上將出壺頭避暑崖空迹尚留款段穿雲行蜀
道舳艫輓粟望黔州旌竿日麗雄風起角吹江寒皓
月流細草春深宛馬健萬人含笑拭吳鉤

行營夕望

陳雲凝勝氣落日更天風列幕連關白燒山照夜紅
官休不賣劍眼暗已成翁壯志銷難盡行間笑呂蒙

茅屋

谷口山房詩集

卷之二十

八 行間集

葺茅代穹廬驕陽忽如失几榻况粗具伸腰展我膝
辭官謝趨走幕下容衰疾府中多賢才偷閒偶自佚
竹牕迎風啟時復開卷帙因思古戰爭勝敗視其術
所衆賴撫慰情輸志乃一偏裨網在綱權衡以紀律
法行恩斯彰霜天顯愛日潰寇久還聚勢張難卒屈
失時不得乘兩葉需谷鑽士氣况疲情半由糧糗訕
司運獨何心豈能辭責詰盛氣在一鼓不獨患逃逸
磨厲及拊循此理安可忽

軍中口號

颯颯蠻風透骨寒雨行泥臥幾時乾江流險似夔門

急山路高于蜀道難

其二

曉征月落斗闌干磴道行來一舍難重嶂乍開溪水
遶穹廬遙望是營盤

其三

淫霖無定急無行小帳遲來帶雨張旋決小溝通水
道青芻一束抵繩牀

其四

谷口山房詩集

卷之二十

九

行間集

元戎臥帳小團亭布覆重施藥形半障朱簾風細
入月明銀燭夜熒熒

其五

路遙昏黑定營初下馬懸刀未掃裙溫酒炙牛誰暇
食旋燒燈火閱軍書

其六

火礮誰爲定絕昆洞函落鳥倒城垣陳前全倚排鎗
力射虎穿楊總不論

其七

陽春麥已成空鵲面農民怨厄窮雨落幸今堪下
稻耕牛多在大營中

其八

擁兵賊帥送降函願効先驅小路諳半月前頒袍帽
去馳書日思南

其九

運舸不來士斷魂持金無米返空村驍騎火卒餘梁
肉對壘官兵禾蕨根

其十

谷口山房詩集

卷之二十

十

行間集

穹廬低案對圓碁綠綺瑤函馬上隨誰道軍中無樂
事謝安諸葛是吾師

其十一

父老迎師指綠塍苦莢子黑萬觚稜願將此物克軍
食忍餓差疆死急徵

其十二

湖南清絕杜陵詩湘水衡山未我欺路出壺頭無一
善毒淫惟誦伏波詞

丹砂井沅州老驛
井產丹砂

勾漏會傳自葛洪沅州鵬井觚股紅 聖朝不貴長
生術方士休矜鍊藥功萬古靈霞封密窟千尋寶氣
透仙宮軍城勝氣連雲赤定出丹崖遂壑中

龍標城

和甚才名遇每奇龍標仙尉五溪湄滿朝莫肯留遷
客賸有蠻人跪乞詩

庚申三月一日軍中有感

去年此日逐清班仙仗春趨霄漢間 賜宴龍藩高
坐渥陳詩曲繪下民艱近臣內出傳 天語潔祀晨

谷口山房詩集

卷之二十

十一

行間集

歸識 聖顏華髮放還依幕府五溪回首萬雲山

沅州懷王松麓司馬漢口前別時司馬方
卜新居未定

憶爾新居定何處罷官杯酒共誰銜衡陽阻鴈疎南
信溪水通魚望北緘江入斷山分兩郡門臨交渚轉
千帆何時勝地重攜手擎幼提壺上碧巖

不得家書

楚水黔山戰鼓悲行人裹足避旌旗故鄉不獨無書
信歲歉年豐總未知

沅州軍中臥病

從軍向南詔親老暗驚心鴈斷書難寄年衰病易侵
雲山三楚盡瘴癘五溪深縱使微驅健何由返故林
軍中早秋

家居感搖落此夕憶驚梧陰雨連昏旦炎蒸更有無
青雲拋幻影華髮向邊隅太白秋應起霜風引湛盧
沅州軍中懷秦留仙檢討長安

三載荆南刻不遺帝城卜寓更相依還朝猶領
前街在抗禮寧論後輩非南徼虛隨樂燕幕西雲空
望釣魚磯遙憐對月同懷思無奈衡陽鴈影稀

谷口山房詩集

卷之二十

三

行間集

夢先繼母

我生未識母繼母鞠我勞疾苦輒見夢色戚心鬱陶
兒行渡水復登阪母魂逐兒無近遠爲語今人母子
恩一體相關何親晚

懷嚴蓀友檢討長安

還山不得遂漢室重詞臣國士宜簪筆君恩奪釣
綸汗青千載事鐫白五溪人回首秋雲外空嗟見日
頻

懷家容齋學士

歎頭趨步領千官晚出承明露欲溥救摎每依經
義出封章先代聖人看鵠行接武將雛好鴈羽衝
霄續影難回首高齋歡飲處衡雲直北是長安

七月十六夜病中看月

新秋明月好三五已前宵疆病憐清影開雲愛碧霄
光輝霜鬢短寒射露華遙不覺關山暮龍吟上沈寥

秋風

秋風西北至疑自故鄉來故鄉今何如浮雲鬱未開
東南列戰壘金鼓日夜驚彼此矜殺傷孰非天地生

谷口山房詩集

卷之二十

三

行間集

陰陽有和氣燮理無乖睽人事失其紀變亂禍羣黎
迴風越關山游子行行間憑吹一寸心遠到樞庭前

秋夜

秋月虧亦好秋雲勢多端色相變俄頃掩映天漢間
大火西流去何日到長安我欲附尺書高遠不可攀
征人去不息歲晚衣裳單何時偃兵戈天下少飢寒
風俗還淳樸各得守故園

喜談君常遷施州

晚達談都尉將門謀畫良雄才足文武要害控荆梁

病中得嵇漪園書言冬杪當至

蟋蟀

病劇自沅州幕府辭歸景陵

山房詩集

舟中聞蟬

黔陽夜泊述懷

聖沿途稍稍見人烟老眼覩茲意頗喜願得生

一身半餓食官米室家拋棄空煩冤婦女行乞無遠

近兩江南北同辛酸
童孺十歲換斗粟
蹇逢饑歲誰

收存農夫薄獲不餬口改徵倍蓰增憂煎

錢民間費至數倍率不能完畝朴械繫不忍見聞

壯男克夫供負運遠涉黔嶺越偏沅夫逃租欠遭追

谷山山房詩集

餉將爵祿遺黎租稅應
奏蠲當令未附觀已附逆

車功賞爵亦苟爾事急聊可激控弦安得叫開動

聲屢吞暫歸養病辭軍幕猶回白首顙高天垂老願

攜幼樂殘年

黔陽早發

陽城下雨翻盆盪漿開船背縣門恁是嚴公能重
客野人只憶灤西村

華髮

華髮征途裏何年得暫歸自攜陶令杖只想老萊衣
組解清時賤畧儲稔歲稀雛烏空兩翼不敢背人飛
懷家兄以溫不得一見先是爲松滋令隔賊中克復得出

相見知垂白相逢况未期幸能出羅網豈敢怨羈遲
漢北蕉中夢江亭權後思原鴿難接羽搖尾兩堪悲

辰溪縣

谷口山房詩集

卷之二十

六

行間集

補舟放黔江連山皆頑石

自黔陽來江中山皆頑塊粗礪絕無文理陰陽

氣礪確留此塊鈍迹稍下淑浦口斲削悅我觀森疎
衆木長巉巖羣岫剔雨昏江水黑天晴江水白夾右
見辰溪城樓對鎮壁浮圖夕日映萬松上蒙霖前來
軍縣北遵堞憶所歷不知五城山嵯峨幾峯碧鄉呼
多舛訛蠻語卒難譯少喜一川濶澄流洗憂感

浦市聚名

浦市辰溪北江明日已斜賣船還艤泊村舍亦桑麻
連聚絡繹皆大村落列肆俱兵後撐樓舊水涯太平未凋喪烟

火數千家

舟過辰溪觀兩岸嵌竇人家

辰溪到瀘溪岸山如錐削千仞插水中堵牆疑禹鑿
壁間罅破濼黝黑函雲遠日臨不測居人避兵緣高
原磔崖架木置茅屋鳥巢穴錯相乘重樓飛閣疊
層石壁陡絕無葛藤橫撐軟梯垂兩繩懸崖上覆
雨隔陰洞高寒冰雪凝緣山細路看不悉蝸涎蟲
跡心膽怵紆曲斷絕不復知詭闕却從壁裏出仄棧
架椽纔容足轉側因山橫山腹貧者覆茅遮片簷撐
谷口山房詩集

卷之二十

七

行間集

柱欄門彊有力白面婦人門邊立轆轤百丈臨江汲
婦旁嬰兒無恐怖嬉戲俯看行人度始知習慣易生
性兵火迫驅忘眩暝太平安坐戒垂堂深居大廈怡
閨房可憐時危命輕賤沙蟲猿鶴堪悲傷

谷口山房詩集卷之二十一

行間集二

涇陽李念慈劬巷甫著

瀘溪縣

瀘縣臨江側山城可百家初陽明曉堞危石戴秋花

轉岸風帆落樵巖逕路斜却憐錢博學幸未失雲霞

先是同年錢公升已除此令以博學宏詞考授編修得免行

漁舟

沅水還瀘水初看有網舟排幫迎曉日盪槳逆寒流

谷口山房詩集

卷之二十一

行間集二

寇盜魚鰕福生成造化憂橫江休盡取儆戒近虔劉

瀘溪舟中喜晴

山林氣深鬱雲霞易蒸變扁舟轉谷中晴雨日數見

昨朝下港口今晨過江縣連晴風日佳平波白如練

我聞辛女巖帝子此遺跡機船留空山蛾眉已化石

高辛氏女嫁棗瓠後化為石遺一機今猶在巖中附舟礙獨遊人事苦牽

迫尋訪既末由登臨窘夙癖薄雲飲還盡秋天高更

碧俯仰散煩憂聊茲慰行役

辰州府

此地還生聚秋風行客回禁旅去不久鴻鴈聲猶哀

山川餘悽愴干戈釐未開蕙茲今誰問婦女軍中來

銅柱傳疑惑伏波安在哉

銅柱在郡境者本五代時馬希範立土人指為伏波

臨風一擊楫空令感我懷

白溶

春來路猶梗羣盜擁矛鏃部曲望風伏將軍因壘降

焚烟平遠戍山翠落清江惱亂勞人意輕鷗故一雙

清浪伏波廟

將畧忠心在英靈各一方他時清反側萬祀此蒸嘗

谷口山房詩集

卷之二十一

行間集二

白日通精魄陰旗隱棟梁居人兼賈客傳說未能忘

其二

馬侯祠下水洶怒撼諸峯拔地翻陰雪兼天吼莽龍

壺頭非利涉蕙苴有疑蹤遺恨常終古蠻方且暮烽

辰江放舟下諸灘感述

蒼崖合復開江流迅欲礪石脚盤渦底松蓋洩雲上

高湍下層巒鎗鈇競奔放紆曲循崖谷峯嶺移背向

白浪動我前知是灘瀨漲小舟軟洶濤病體隨掀盪

濺濡衣被濕傾倒盤盂仰放櫂下白溶急漿過清浪

麻蟻旁寬平甕子石異狀駭飛霜雪高激吼風雷吐
我軍此破敵春天照甲仗流血殷草木殺氣被巖嶂
戰鬼哭未休秋日含悽愴我來哀民生悲風颯迴望
羽檄半天隅南紀亂無樣中原况流移魍魎神俱王
征歛給軍供促迫奪生養吾身良微末九圖一灼湯
外寧或匪難內憂懼已釀水陸戒盜賊囊物幸罕長
誓喜布帆存艱危倚誠諒何日洗甲兵臨流鬱惆悵

桃源縣

不省桃源洞人間定有無祇今名縣邑何處問仙都
谷口山房詩集 卷之二十一 三 行間集二

虐疾欺行客饑寒困腐儒亂離休富貴差可混泥塗

其二

驅馬前經陸山腰指洞壑仰看封石處不在蕩舟邊
歸路千巖外鳴榔八月天桃根無地覓倚櫂兩茫然

糧船

輕橈放沅水秋濤漲有餘馮夷鞭急流勢同屋瀉壺
商旅久斷絕危舟隻櫓無已見糧船沅江小舟土人各為賊船
千百銜舳舻掛帆類行鴈曉日明輕鳥雖復乘商飈
逆流只徐徐鱗次上高瀨推拽身為痛列灘各夫塘

添輓衆力俱盤渦不數里歷朝以及晡有時百丈斷
十里下須臾丰稜觸危石船破米已濡管押還鞭撻
不敢長嗟吁有身同肌肉豈以貴賤殊催科竭民力
升斗三軍需既然執公役誰願墮所輸官司胡不仁
捶此辛苦軀我船逐波溜捷于良驥趨尚復祝風轉
舟子何貪愚但願常北風爲彼羣舸驅昨晨過清浪
目眩心憂虞奔吼三十里其下藏崎嶇上此尤萬難
風便倘猶逾嗟哉谷口山房詩集 卷之二十一 四 行間集二

天下變亭塗

谷口山房詩集 卷之二十一

四 行間集二

桃源縣下水至常德江望

鼓柁下桃源岸濶江自平落日漾晴景微風錦浪生
左掖河湫山楓枯隱朱甍沿溪十里外望見武陵城
丹樓領萬堞危檣泊千莖四野平田疇兵去民得耕
霜柑纔綠包我來未西成遐哉青陵館愛遺節已傾
靈均祠宇在蒿三復含情

歸次常德晚泊疾半自達

武陵城外水平隄小艇輕橈轉郭西龍虎軍還無馬
放牛羊牧在見鴻樓洞庭葉下涼風蚤巫峽烽銷落

日低多病圖南毛翮短月明却向舊枝啼

霧

洩雲不在高崖谷有歎蒸承茲屢雨溽焉然陰霧凝
早視橫一白迷眼昏僂僂龍氣未肯接天遠不可昇
少焉四邊歛日出江復澄陵若霑蚤露澗松纏溪藤
在卑多牽制居高易相乘不自揣微分終亦失所憑

舟中看新月

明月無遠近照客若有情不見凡幾夜疑向天表行
今夕篷牕外就我生微明天皇墮玉鈎帝女擲金梳
谷口山房詩集 卷之二十一 五行間集二

弄妻不敢匿日放清輝舒顧我難比月暫晦還復光
腐草化羽蟲乘秋羣飛揚剪金爲蟾魄自矜常無虧
光輝不照人會有毀棄時

武陵城北夜泊

古堞煙冥暮色重放船五里住從容倒看沅水波中
月遲聽德山寺裏鐘草露夜涼鳴絡繹江湖秋落臥
魚龍嬉遊亦愛繁華地歸思終過客興濃

德山寺

古寺青山頂山根聚舸船危亭平望楚
山上有望亭慧日

遠承天塔景近臨郡山去常德府十五里松林朝上烟兵荒民
力盡香火未蕭然

崇河夜泊值雷雨盛怒紀憂

崇河地屬武陵縣過鄭公渡五里

雷家港十五里風逆不可行泊岸上時沿
河堤岸衝潰兩邊民間田廬淹沒甚多矧茲
異常大雨其勢倍增驚怖之餘
不遑自恤撫時憫人慨然有作

妬女吹颺急高秋逆浪行夕陽連雨脚深權趲江程
决口旁多有隄防漲盡平村浮彌北望稻浸失西成
晚泊依荒汎孤槎倚戍兵鄭雕猶對面雷港阻前迎
只此橫流激真煩衆力爭岸低憂下虎濤捲駭奔鯨
谷口山房詩集 卷之二十一 六 五行間集二

丁夜聲尤惡陽侯禍慮櫻四圍陰競合五兩注長鳴
闕開千軍壯掀揚一葉輕震雷無斷響急電竟常明
勢拔重湖起愁翻岳麓傾沅湘難指辨江漢恐相并
馳驟蛟龍困崩騰虎豹驚直看回盛怒始覺有餘生
版築何時已兵荒亦屢更流亡滋壑轉賦歛急誰擎
天意真難測人心謂天萌病身雖脫免獨忍飽香秬
過蘊帽馬脛二湖

洞庭七十有餘汎蘊帽馬脛各得名滔日廻風也自
閭盪胸豁眼真吾情雲開遠見暮山碧雨後近兼秋

水生岳麓湘潭誰地主會須掛席趁春晴

湖泊看月

迺月射湖水一道似銀虹又疑天漢影落在清波中
鱗鱗錦浪翻渺渺秋雲空瑤光連玉兔映我白髮翁
瑩然成一色頃爾豁塵襟莫照碧牕去思婦愁方濃

老婦

寶鏡慵臨鬢已霜鉛華雖棄瘦顏光每貪夜月鳴機
杵不拂春花積繡牀舉食久辭青玉案嫁衣猶在縷
金箱粧臺描抹憐嬌女學理雙鬟亞額黃

谷口山房詩集

卷之二十一

七

行間集

風逆泊會口戌夜熱

狂飈鼓浪阻揚舲荒戌日斜繫晚汀秋後青蠅多似
簇草間白鳥大千螢風江落月看無定村艇留魚夜
不停忍暑帳中遷起坐客心烟水共冥冥

江行戲筆

自我發沅水兩旬次逆風日見北來船高帆掛日紅
盪槳勞舟子饑疲罕見功造化本無意蹇者適與逢
頽年過半百氣少筋力慵兩眼暗已久所幸耳未聾
那復顯者望惟希隱者蹤人生遭季運比物在秋冬

松竹總寒翠慘澹鮮好容吐夫或坎壈何況垂疲癯

困厄固其分躁競將安從茶蓼有真味亦防大劇濃
所苦親養缺豈敢念薄躬冥心俟吾命君子寶固窮

時艱

舟行溯澧水彌望白連天映草識河道餘者民人田
恐是洞庭湖誤到君山前高蒿剩微杪何況蘭與蓀
漲澗塘汎移舟下稻葉存風逆因擊汰日高蚤繫船
羣魚喜晴影仰噉浪花長年有釣具倚櫂聊垂竿
銀鱗出碧水鮮膾陳金盤白粲細春熟炊煮香味全

谷口山房詩集

卷之二十一

八

行間集

臨餐忽太息慨然念時艱

帳中江月望影

逆風行盡日維舟天已冥弦月落清江蕩搖無定影
靈蛇動蜿蜒蟲篆紆鋒穎沉波金不墜侵纜縈逾炳
蚊蚋促我眠欬就各當睡乍見水中光反在幃帳頂
淠淠鮮住著倏忽幻清炯凝睇眩有無會意迷持柄
高堅斯可象要眇何由領

焦溪南村人家

時君人選兵初歸
市中覓蔬菜不得

水邊森木樹邊扉織葦編茅共一圍近市買鹽隨意

出沿河撒網放船歸客來稍喜隄防在此地未盡淹沒兵過

仍憐菽菜稀仕宦真輸貧賤好十年惆悵故鄉違

黃山屬岳州安鄉縣土人云一名焦山下有焦溪大聚在金田湖下百里許

金田望黃山金田湖在麻嵯峨橫前路詰朝行盡日

始過焦溪聚今晨下四水茲山猶東顧黛色插碧空

文流遶南注絕頂何神祠不辨丹與望但見數喬松

清秋裏高露河曲紆權轉風逆困鷁驚青青常在眼

隱隱空馳慕白斷澧州雲黑指安鄉樹黃山似黃牛

三朝復三暮

谷口山房詩集卷之二十一 九 行間集

不及乾口渡十五里野泊

百丈牽窮日荒江獨櫂停漲高隄半沒病弱客常醒

猶仄經天月無行近水星秋蟲聲一片雜亂不堪聽

其二

數問檣鳥尾南薰只未生犬牙荆郡入官渡屏陵迎

葦岸蚊蟲集風江舵鳴北帆乘月便終夜唱歌行

江邊星月十六韻

秋岸維舟夜澄江淨客思涵空光地軸倒景動高儀

散綺周圍次生明過半規悠悠明極浦歷歷透輕帷

天落皇娥鏡雲篩帝子暮經天遲衆摘持斧異前窺

輪廓精虛混闌干柄下移隕黃非未石拭暈想淮源

榆行去聲看徒邇刀環慰已遲橫參初遠纜沈魄豈淪

漪倚棹觀遙碧推篷待曙曦南飛嘆鳥鵲空戀夜深

枝

舟夜有感

照日風簾直連天岸葦長泥行憫舟子野宿伴漁航

雲月皆秋色江山只異鄉何時回馬首蹴踏出南陽

風正

谷口山房詩集卷之二十一 十 行間集

始見南風正翻愁到日忙舟人還坐嘯帆席豈虛張

遠岸迎船疾高雲陰楫涼荆州行在眼病客意飛揚

懼謳

秋月照秋水蕩漾空復明素練成華錦鱗鱗玉簫橫

河流既安穩欲泊風還生掛席轉清曲兩岸秋蟲鳴

舟子喜俱甚懼謳揚其聲楚音悲且折何必拍與程

農歌并樵唱天籟流和平驟然根心發至樂由此成

荆江

出峽流仍急朝宗勢已歸蜀檣秋未下是歲春蜀中大雨已報候

復黔椒夜還飛楚師近壓黔境羽檄時由此渡戰壘烽墩在沙津古渡非浪花猶錦色滾滾上征衣

渡江至荊州

荊州四載棲遲地南徼秋還鰕菜肥朋好有情先我去江山無競待人歸將辭紫燕迎船語相逐蜻蜓趁葉飛明月清風三五夜與誰同坐暫忘機

鎮國庵

寬寓城西僻籃輿過小橋飛甍環綠水高刹上青霄僧慧耽禪寂征塵洗次滲扁舟今暫釋不復問風颺

谷口山房詩集卷之二十一

十二

行園集

其二

千里沅江路金波逐客行今宵雙樹下還見半輪明破暗涼風入過雲小暈生荊城諸寺宇獨此不知兵八月十二夜寺寓苦熱

中秋看月臨三五小寺離羣客暫停已喜生涼氣蘇肺何煩復熱汗霑形交牀白羽虛宵枕澗井天井也朱欄待曙星京洛久無塵土夢更勞鐘鼓喚沈冥

十四夜荊州寺寓看月

楚月秋逾白光芒淨夕氛相看經歲屢獨坐到宵分

影動巫山峽寒生灤水軍滿輪望來夜高殿莫停雲

蛩

斷續知何訴哀多羽更振鳴秋深感露在宇漸親人月閨是歲入稀螢火風寒阻鴈羣艱難看物理無病亦傷神

十五夜晚晴寺寓待月

栢稍過雨蒼仍綠殿瓦新晴濕亦黃返照斜看蟬蝶影中宵還見蛩蛛光南樓意興遠天碧花戍關山秋夜長角吹厭聽猶昨日便乘明月下滄浪

谷口山房詩集卷之二十一

十二

行園集

十六夜荊州待月

中秋已昨日待月久凭欄初夜霾陰合清宵桂影團草明秋露重灑落大江寒幽建今逢閏移時許再看病夜

客病何曾睡趨庭夢亦稀天涯兵正聞人事意多違觸帳蟲喧聞聞空鵲獨飛北來憐旅鴈猶恐不同歸不寐

松梢氣微白河漢斜南軒缺月出未高衆星猶自繁客子抱微疴坐畏風露寒薄帷欹高枕僧寮夜不關

清暉入我室，蛩語淒以酸。故鄉不得去，身如駒在鞍。
欲飛掖無翼，欲行河無船。憂思不成寐，浩然發永嘆。
起行循廣除，北斗正闌干。何時泰階平，貧賤亦得安。

三鴈

三鴈過空懸，寂寥聲不聞。數奇應失侶，行斷小成羣。
夜久落何渚，天寒橫楚雲。炎方烽未息，莫近水犀軍。

荊州重晤方子山，承示近作及其季郎公晉咏。

菊百絕 時子山在提鎮徐公幕從恢復慶門新還

重逢看爾頭垂白，油幕新從蜀道歸。三峽江山還勝

谷口山房詩集 卷之二十一 十三 行間集

槩九秋，檄賦有光輝。攜家野老聊依武，入

見機莫厭相過勞，步履暮年朋好近。全

荊州懷古絕句四首

天桃蔭井青春麗，深屋彈絲白晝閒。今日

望登樓惟見

其二

沙市今爲禁旅營，章臺無路野田平。美人不及江邊

草，踏作春泥却更生。

其三

惠王宮本遼王苑，宋玉宅爲庾信樓。文雅豪華同一
盡，岷江無恙日東流。

其四

城內羅含亦有宅，後蜀傳說是遺基當年航僻依洲。
何事繁情拒朗之。

荊州早發呈竟陵諸君子

客跡何常定，鴻泥過卽空。却辭高殿側，在荆寓來臥鎮國庵

小舟中東阜升殘月，南天假便風。掛帆從此去，閒問

菊花叢。

谷口山房詩集 卷之二十一 十四 行間集

其二

漢北仍殘累，并州未是家。傾心在朋好，痼疾本烟霞。
小寓依叢竹，秋籬發暮花。不成全解脫，且得離鳴笳。

草市曉發過長湖

暮出大東門，船頭夕日紅。客心厭喧雜，移纜過前洪。

篷牕翳高柳，稍令煩慮空。荆南四戰地，割據資英雄。

草市古內河，轉漕零桂通。往者拒疆寇，輓運集艤艣。

水南稻積積，疊似山峯江。禁沙頭廢便，河久已壅。

居人何寥寥，馬矢雜蒿蓬。今來見市肆，糴米有宿舂。

烹魚晚獨酌喜覺年歲豐閒行無程限臥起任從容
秋晚月向晦夜色昏蒙蒙兔魄如殘蛾曉起滄海東
掛席下湖水吊古訪遺蹤塵迷紀郢跡草沒章華宮
惟看搗鼓臺搖漾晴波中三湖杳難辨十隘終何功
設險如可恃至今猶鬻封

谷口山房詩集

卷之二十一

五

行間集

谷口山房詩集卷之二十一

留滯續集

庚申行間歸來聞八月仍返竟陵樓遇
迎除夕暫過京山就嫂巷兄度歲辛酉

正月六日回寓八月之襄陽十月又之安陸俱
未久即返壬戌二月至荊州即由荊再之襄陽
送楊筠洲視學晉中三月復歸竟陵遂聞先太
人訃寢苦開筆代事未清奔喪不遂憂鬱無聊
五月乃下武昌十月為代事復至荊
南此得古近體詩二百二十五首

涇陽李念慈劬菴甫著

晉口夜泊訪譚鹿柴不值

地去寒河里許
譚館黃州未歸

春日垂楊挽去驄歸來迎權蓼花紅罨懸漁屋斜陽
裏漲落農船淺草中秋氣漸深將泛菊寒河阻往憶

谷口山房詩集

卷之二十二

一

留滯續集

看松風流再世猶堪續白首依人肯固窮

秋晚還景陵喜王爾昌來晤

爾昌六月中有喪
子之變左目微昏

時年七十有六
行不捉杖云

春別先愁後會期秋來卻此慰相思閒身差可從松
子老眼何堪喪豕兒霧裏尋花看亦好竹間過客步
寧遲會聞鍊氣餐金液差勝尋山茹紫芝

竟陵寓中病瘥自嘲

從軍向南徵元戎盛禮儀每食費千錢海錯雜鮮肥
突然疾病起乘我年齒衰椎牛及蒸粢到眼似沙泥

食常自飽神憊筋力疲珍藥投罔效不如速告歸
再三既見許更請遠就醫出營權小艇下水疾如飛
江山發幽興三日能哺糜行行達竟陵舊寓仍得棲
櫺外叢竹色煙稍對我垂開牕理書帙未展顏已怡
飽食啖鹽齏轉盼還苦饑嫩菰翠羽膾新粟魚子炊
濁酒故人送湖魚父老貽因知澹泊分既深難暫離
強使飲梁肉豈但素性違鬼神不相許千里勞陰施
秋閨月尚好叢菊皆映籬樓前海棠樹庭際桃梅枝
重放數十花若與我相期歲暮此相守豈忍重乖睽
谷口山房詩集卷之二十二 二 留滯續集

秋日寓中海棠重放

樓外海棠移未久數花重放近青霜非關春暮全舒
錦似爲人來稍著粧纈暈嬌含夜雨濕睡眸倦起秋
宵長陰陽錯互驕難理嘆爾踈紅借菊香

吳延臯齋觀分蘭

吳子樹幽香愛比齋房芝殫心護風日燥濕各以宜
翠葉出修挺屢華根亦滋罌小苦土滿日覺生意微
析植及秋分手剖蒔諸資朋輩率往觀高齋動秋卮

人多競分取我惟徒手歸竟陵非吾土去住無定期
花時倘在邑攜酒造羣扉人已無殊異欣賞豈云違
人生在世豈有百年時何物爲吾有萬事盡如斯
荒菊嘆

庭前叢菊秋已荒亂生交結紛披倡臥幹抽條布平
地碧葉半卷色萎黃主人在村屋借客剪拂未施聽
香戕我來觀之意悽惻撫時已晚那更芳芟繁留直
除蔓草編離插葦勤扶將力疾巡檐日數視親督僅
僕澆寒漿嗟爾逢時不自立蕪穢何由發清香幸值
谷口山房詩集卷之二十二 三 留滯續集
月閨遲節氣未愁隕落當朝霜因人成立雖可賤不
逢引手空摧藏古來佳士亦如此幽蔽蓬蒿心徬徨
安得芸生盡有託坐見萬卉咸青蒼兵戈廢棄寧獨
爾臨風三嘆增煩傷

秋過故祭酒魯公已有園登夢野臺

臺不知所
起宋復州

刺史王琪字君玉建寧其上有記謂一曰可
盡雲夢之野故名張文潛末謫景陵時有詩
云高臺巨榭壓城闌可想見其盛明中
邑祭酒魯文恪公鐸環臺爲園以其退休閒
適自記云吾身無用則無所屬吾乃屬吾矣
園吾屬始爲吾有故名曰己有園臺居其中
西爲夢野書院李西涯相公手題也東南爲
磐池中臺處淵道潛記謂菰蒲蘋蓼不待掩

而自有今一汗流滿地耳魯又于東湖邊
置東庄與臺相望土人呼爲蓮北庄今不知
所屬臺久屬王氏臺上瓦屋三間舊物惟老
桂一株猶存大可數圍入城東門即望見之
蓋臺所據地最高而桂又在其上余以庚申
閏八月往觀時花已開殘本無前期與盡而
返憑吊悵然
感懷有作

古臺三丈矗城隅桂樹花殘客興孤惆悵名園頻易
主磬池無復舊菰蒲

其二

君玉亭荒久作塵朱甍空想壓城圖百年何物堪吾
有蓮渚鬼洲又屬人

谷口山房詩集

卷之二十二

四

留滯續集

其三

蓮北濱湖亦有庄中臺書院兩相望只今騁目惟雲
水秋月依然過石塘

其四

風流文彩夢中花霜野誰臨楚澤霞授讀老生臺上
住扁題猶說李西涯

閏八月初九夜獨坐看月

弦月升中天照我開牕處憑几一室中虛明坐相遇
玉城露半垣素娥舒微輝月閏秋已深氣清光倍著

入竹豁青烟射菊明寒露輪邊有寸影分明見顧亮
行看三五重戀觀興頗豫突被隣牆遮奪入西家去
望望空復情惘惘不能訴

十二夜陰坐待雲開望月

孤引弦將滿輪光廓未周惟應吹管出不美上天遊
鼓角關山遠琵琶塞曲愁流黃機上婦猶望大刀頭
庚申閏八月十五夜獨坐達曙看月有感

秋節值再中蟾光明更滋誰能畏夜凉高臥空金卮
坐愛清光皎未傷桂葉衰是夕晴更好萬里無纖翳
谷口山房詩集

卷之二十二

五

留滯續集

關山耀空濶江漢動連漪照鬢老無畏强杯病不辭
檢曆考前閏太平無亂離戎生方七歲美景殊未知
四十七年來嘉會乃邁斯晚季氣運薄年壽七旬稀
此生與此夜豈有重逢時虛度固不可增嘆亦奚爲
惟有終夜坐聊用答清儀

閏中秋次夜譚灌村侍講招同程培風江玉林

戴小宋胡西表西枝館看月時庭前桂花重

開

芳桂知秋閨重開幾樹新香傳金粟影清對玉堂人

生人露席杯多蟬轉輪扶歸看二老散步過城園

其二

負病仍戀賞露冷更添衣涓滴開微飲空明逼曙歸
望吟猶在牢兔魄正當幃更喜風簷外秋螢款款飛

雞冠花

碧葉黃花外朱莖紫萼旁雲濃烘日岫芝老出齋房
野雉慙華幘羈雄殿衆芳不鳴犯霜露願植到戶鄉
得家書

一從放還遠楚隅彌年纔得家中書家貧游子復違

谷口山房詩集

卷之二十二

六

留滯集

養老親當戶身勞劬索負門前回怒使催徭堂下立
豪胥書中瑣細那可悉無錢寧遣百崎嶇一身抱病
羈遠微鬢髮半乾膚肉枯第忍不歸子尚幼定省誰
代晨昏俱虛名有子不得力生身勤教胡爲乎不如
服賈慶洗腆儒術世業良區區書成莫轉帶霜鴈入
夜愁啼反哺烏月落秦雲楚天黑回頭寒淚吹江湖
徐繩庸招集郊居看臨水芙蓉

徐子秋釀熟延客啓郊扉畏日疑長夏早出過重隄
入門陟西閣林壑發幽姿灼灼芙蓉花亭亭臨清溪

合嬌冷生態照冶暮增輝觴至不相彊興深遂忘疲
珍有味既佳芳罇晚更移風起水微涌泛湖願頗違
醉歸假鞍馬露重濕人衣

芙蓉

南湖荷已衰東籬菊將妍柔芳應暮節麗景對寒軒
空容不飲照水色逾鮮稀疎倚曲岸綽約映清漣
香子臨湘浦神妃出洛川顏滌秋夜露夢迷滄洲烟
不借春光豔無勞比水仙

喜雨

谷口山房詩集

卷之二十二

七

留滯集

秋旱彌三旬漢北萬畝乾愆陽奪金序執熱增鬱煩
蒸逼四時卉舒華如春前夜來西飛日墮入黑雲端
微風吹朝雨枕上聽涓涓客居少穡事且看羣衆歡
陂麥盡得種苦收實亦蕃萬家有餘積我腸豈獨穿
晨起披衣裳喜覺生微寒徐視籬下菊碧葉長闌干
黃花行可摘準擬泛清罇

雨後胡西表招集齋中

秋風佳士草堂清隔巷衝泥著屐行有約相過園坐
密何勞列簋盡庖盈恒暘再逼春花發甘雨初催暮

耕娛客慰農非一事儘教傾倒罄平生

吳晞齋招泛舟東湖卽到浮園新構亭子看玉

筍石題

石爲吳興郡署中物吳尊公刺郡時移來上題玉筍二字又多前人銘勒

有宣和等年號

湖遊冶近難追載酒方舟自爾爲便過小洲園上
云爭看浮吹月中移搜題石丈宣和字斷手茅亭寶
應時怪得芳鮮文氣好烟波鷗鷺盡昌詩

過晉口耆民王移季進村酒見其鬚眉皓然步

履頽健問年已七十八歲感其生初猶當平

谷口山房詩集

卷之二十二

八

留滯續集

世今王師肆伐太平可期此老未應卽衰
當及再見因口占索筆書給之

把盞提壺鬢若銀問年會是太平人更過兩歲時當
盛八十應教見好春

重陽前二日江嚴巷招集看菊

寓居東畔下城陰步履相過愜素心白酒湛如秋露
滴黃花高過老人簪鄭公已豫雲安宴陶令無勞野
外尋卻憶去年寒雪會紅裙追到濁泥深

庚申九日出寓數武登城野望獨酌有感

古堞當門野水迴望鄉逢節此登臺客心空向西雲
落闌夢難隨北鴈來病畏風寒顫繁帽老慚霜菊獨
銜杯茱萸自把傷遲暮况復秋原鼓角催

胡石庄招集高齋

貧隣無此好交杖時相過典型望伯始如倚雲中柯
秋風動江漢客眸倦荷戈歸來臥舊寓聊以養吾痾
問君西軒前菊色佳如何主人招我飲重垣交薜蘿
朱橘垂佳實纍纍一何多被霜色愈鮮登俎映顏酡
有似君子操凝寒見嵯峨手摘黃金花泛以玉叵羅

谷口山房詩集

卷之二十二

九

留滯續集

重此香味別不辭醉婆娑歲晚各努力門外日江河
重陽後二日徐繩庸招同錢子鷹明府吳晞齋

戴小宋胡西表三君子泛舟東湖暢飲卽事

澄湖帶郭好風煙並艇張燈代酒船竟日淹留雲水
外九秋簫鼓菊花前神君正愛空明色太史方中禮
法筵特譚瀛村侍講以赴姻家星月未斜休散去湘

簾倚瑟待新篇

卽事再成絕句四首

竟陵佳勝在東湖簫鼓樓船近歲無今日沿隄聽歌

吹行人錯認是姑蘇

其二

昨夜秋風雨乍寒
凌晨晴景助清歡
天公亦假遊人興
喜殺新官與舊官

其三

東隄南畔望成霞
繫艇穿籬看菊花
剪剔經年勤苦在
全園秋色待陶家

其四

網鮮作鱸亂紛紛
斜漢疎星接暮暉
歸槳漫搖人半

谷口山房詩集

卷之二十二

十

雷淵續集

醉一聲漁唱月中聞

懷召林弟漢陽

召林諱業前御史彈劾多及大僚會豫疏吳逆驕橫忤執政謫分宜令稍遷雷州太守江右亂陷賊中脅受偽職有怨詩二首題河汾山寺將軍貝子見而嗟嘆及湖南賊潰乘間攜家逃歸僑寓漢陽

九死奔亡鬢未絲
戀生謫陷苦流離
故鄉兵馬歸難得
異地妻孥幸自隨
舊効渙強尋已驗
終寬白譴更何疑
幾時追叙王中允
凝碧池頭有賦詩

客有自京師來者言今歲七月地震猶未全止
悄然憂之

去秋在京邑目擊地震災千室一時圯生死何悲哀
道路斷行旅四面無人來
通倉盡傾塌亦復停其支
京城億萬口戶戶愁晨炊
京城人民半卹官兵日支廩米春賣或遇有事數日停支則米價突涌
一身幸無恙形神驚已離
更遭貴米難主僕恒苦饑
季月出都門經冬到南陲
春華夏復實再與秋風期
門有北來客絮絮說今時
大地猶未定此事亦太奇
上天竟何意高遠理難窺
我皇罪已詔奉行或未齊
杞人憂轉劇豈以在遠遺

風夜

谷口山房詩集

卷之二十二

十一

雷淵續集

夜來撼竹木知是重陽風
臥聽還自喜身已離舟中

鄉人歸封寄家書

我行離故鄉倏忽十五年
日月有弦望寒暑遞推遷
造化徃猶復客行終不還
中間歷艱虞人事多迫煎
風霜變髮髮辛苦凋朱顏
雖復重魚鴈沈憂焉能傳
感子遠相顧使我心暫寬
未久旋告別戀歸覺汝賢
聊沽一尊酒對酌菊花前
殷勤附尺書遠報高堂邊
漢上逢羽客念我疾病纏
輒然發玉篋授以藥一丸
寶之未敢服什襲用重綿
憑君奉老親一吞年壽延

去去三千里道路須慎旃毋使蛟龍窺變化入雲煙

謙兒

父子雖天屬見面若爲情謙兒生十歲未識長短形
人來言聰慧我惟祝長成既乏延師資何因授一經
家貧世方亂儒術不謀生服賈近市僧何如習躬耕
古人帶經鋤豈爲世上名幼學先奔弟本不出戶庭
苟能立而身亦足嗣家聲

淵明菊

菊花如故人一見一回親愛此霜露姿儼對隱淪賓

谷口山房詩集

卷之二十二

十三

留滯續集

庭下初荒植剪剔施小勤經霜齊作花黃色映金罇
開小世所賤味甘餌可珍楚俗摘作釀系之彭澤君
緬彼東籬下手把香味醇采采盈我掬將用效先民
種秫久無地行沽市上春英蕖亂浮蛆欲漉少葛巾
飲咀一時下頓忘形與神不見南陽潭啜水亦彊身
所貴在適興清濁安足論

錢子膺明府署中東軒落成招同吳晞齋戴小

宋徐繩庸讌集卽事

東軒結構傍官衙儼到雲林處士家籬落居然在丘

城陰會不碍烟霞青來富媼祠邊樹香過崔丞院
裏花竹木滿前生意別令君卽此視桑麻

其二

茅堂舊築絕卑隘接棟幽深清趣添客子過從意興
發主人晏坐心神恬誤疑吳會泛樓舫乍入山館開
疎簾戶牖盤餐殊製好何辭爛醉盡更籤

竟陵送方與三歸桐城

前別不復記後會憶平陽倏忽十五年離隔若參商
昔晤情已惡握手戚中腸感君萬里外生還到故鄉

谷口山房詩集

卷之二十二

十三

留滯續集

今茲古竟陵吳楚路茫茫何來闔閭風吹汝墮我旁
與三自荊州來骨格尙硯矧鬚白顏太蒼鸞非道姓
在竟陵西南名對面卒竟忘脫粟供遠客傲居邀聯牀啓筭出近
作雲漢垂琳瑯贈我兩古風神速兼精詳我老手益
鈍濳如蝸上墻聊以紀間闊後期况難量惟應各努
力愛此桑榆光十月寒江平蘭楫下滄浪相思如流
水日夜逐君航

歲暮送潘燕丘歸武昌

君來非趨謁我罷樂幽棲江湖偶相值郊園同杖藜

徐氏好高齋開窗面漣漪把酒成歡飲日暮醉如泥
看君高世志逸氣破藩籬竟陵歲已晚雨雪落霏霏
聞君束行李騎驢垂將歸看山適老眼未怕酒賦欺
我猶如膠舟欲往乖所之閒居倘有作為寄滄江湄
金橘

涼颼時節落霜稠翠葉金丸照酒甌色似穀城石新
琢包如桑土爾初收盤中纍顆柑慙重檻外繁柯菊
愧柔正是江南好風味人烟寒映洞庭秋

戴小宋攜贈蠟梅

谷口山房詩集

卷之二十二

十四

留滯續集

兩載冬梅遠攜贈馨香獨結歲寒知疑從異國銘真
蠟不爲先春剪色絲折來應免朝霜妒看去無煩夜
權遲頻惠漫愁傷暮序眉間喜映見歸期

聞譚鹿柴自黃州歸至家已過旬餘以連日風
寒未入城相看走筆嘲之

經旬聞汝抵河干策蹇寧愁步履難赤嶼詩教兒子
誦武昌魚共細君餐難兄久啓書帷待時令兄只負館于城中
故令兼儲酒竿寬千里江帆來往易到家忽便畏風
寒

庚申除夕與舍弟守歲京山家蠓菴兄明府署
中

江春久入除方至是歲十二月望日立春山雪微零晚更晴守
歲廿年逢舍弟迎新兩度就宜兄已未除夕亦在京山酒罇到
手愁婪尾蠟炬隨人畏劇明五十四年成底事拈髭
回首不勝情

庚申除夕京山偶同舍弟守歲作四絕句示之
歲歲誰教遠別離每回相見鬢添絲小牕布被同眠
臥垂老寧忘枕臂時

谷口山房詩集

卷之二十二

十五

留滯續集

其二

遠離廿載不逢春雲杜相看並旅人令弟偶然同守
歲老兄感慨倍思親

其三

汝今五十行將到我踰五旬又四年再過廿年誰更
健只愁難悔是從前

其四

春風江漢豈安居來歲重談一夢餘何日庭闈還聚
飲卻教鄉黨羨吾廬

京山家蠅菴兄明府署中與舍弟聯榻

吳門昔別憐形憊舍弟入僑吳中丙辰秋八月予南下相見訝其齒豁形羸旋復相別
此會欣看勝舊時不爲宦遊分袂久卻教雨雪對牀
遲兄衰尙有同居日父老寧忘再見期南北遂愁
成各籍兒孫總好異連枝

辛酉人日竟陵作

不歸舛人理慚愧對茲晨日見征求急相尋戰伐新
楚雲連碧峽秦樹憶芳春垂老生涯窄何由慰老親

早春竟陵出郭望東湖

各口山房詩集卷之二十二

六 留滯續集

又見江湖春水生飛鳧浴鷺劇分明微波遠映青舍
柳旭日晴搖綠向城千里陽和迴淑氣萬家疊鼓送
春聲閒居頗愛同人樂無那鄉心已暗驚

寓居

寓居漸與俗相親賀節迎神共里仁板匣徵錢邀會
客粉餐熟菓送茶人招尋闔飲臨郊墅步履看花過
比鄰更喜村農還餽餉荷薪糞米盡天真

胡石庄折送朱梅

六尺書幃掩碧綃尋花未出惱春朝何期比屋來紅

豔忽漫分香慰寂寥對使還疑迎驛騎注餅翻勝過
溪橋夜深倘有參橫夢定見仙人絳節朝

正月十二日蚤雨志喜

冬旱久無雨春宵忽散絲不獨催花發高田實仰滋
初聽屋瓦響稍聞檐溜垂枕上喜不寐起坐撚霜髭
歸期總未卜他鄉且免飢我雖罷閒久亦還念羣黎
陂麥尙可救民食良賴茲晨出到庭院梅葉綠離離
芳疇行可賞更想麥熟時

上元前一日別雲上人精舍

各口山房詩集卷之二十二

七 留滯續集

老僧閒裏看人忙百日期圓見佛光學子講餘春共
得禪心滿處月同望三間屋迴清江上一塢雲深近
郭旁慧照自然十二里只教花雨撲金牀

早春雨歇同竟陵前明府項帽雪暨譚鹿柴過

訪戴小宋淘溪留宿高齋讌集

春郊罷微雨高興發清晨村路臨芳甸花時訪隱淪
梅香迎客遠鳥語喚行頻風味盤餐別爲歡意頗申
步出小宋宅前野望

門前塘水綠潌洄步履逍遙陌上來隣舍花開皆出

屋周牆甃古欲生苔溪童看客攢門立村女攜筐斫菜回錦里浣花差得似風塵空老軼羣才

小宋邀同前客步至澹圃茅庵小飲向暮仍返

高齋卽事

越日還留住攜樽到小庵傾心屬招隱投分在抽簪

譚與戴俱高隱不仕
頃與予俱自乞休者對客松年老摩雲鶴與酣時坐松下
有羣鶴飛鳴盤旋幽居宜卜此不用問江潭
于上久之乃去

其二 鶴筆謂鹿苔又頂
善畫許作圖紀遊

萬竹踈還密千花白間紅溪喧漁撒網村暝牧歸童

谷口山房詩集

卷之二十二

十八

留滯續集

鶴筆婆娑客霜髯杖屨同須憑王宰筆寫入畫圖中

餅中玉蘭

仙人筆卓梅初放玉女拳開柳向青錦藥含來雞吐

啄素葩舒處鶴梳翎屏間影射情孤澹月下魂歸夢

窈窕昨夜狂風捲千樹應知護惜是銀餅

水仙

玉面黃冠綠作裳娉婷小立劇凝香藥宮得道年猶

少多事凌波感魏王

仲春二日譚灌村太史壽

未老能閒古所推橫舟原是濟川才著書已就千秋業種樹還成大厦材三逕正逢春酒熟四時常見好花開中和節氣蓬萊近豫宴應分寶尺來

其二

巷南巷北近比隣閑酒論詩不厭頻槐里棲遲真自得桐鄉留滯倍相親窗中坐見萊君子花外行逢清聖人他日肯容東閣入帝城春雨訪平津

寓中梅花爲風雨所殘

昨歲寓茲庭喜有梅花樹迫促赴軍中不及看花去

谷口山房詩集

卷之二十二

十九

留滯續集

今來作意不出門巡檐行坐芳樹根江頭買水勤灌溉漸看含蕊向朝暎豈知一夜任風作瓊英半落綠蒂存狼藉摧殘那忍見獨拾落瓣和金鐫人間萬事總難料天公豈亦靳清歡樓前海棠絲半吐化工著意染朱顏再祝東風好護惜會須雅集酬春恩

寓中桃花

春風不相貸乘時各自妍庭梅落已盡天桃開欲然海棠亦吐絲裊裊復娟娟竟日不出門巡行數樹邊日夕把濁醪獨酌忽頽然撫時察物情稱施感蒼天

不色抱貞類高賢如何新雨後碧葉亦爲鮮
終能辭攀折悠悠盡歲年

訊小宋窻下山茶

茆堂盡日坐花邊客至還能擊小鮮供具從容僮僕
慣盤樽精辦細君賢修治梅幹低迎酒儲給糟牀薄
種田更憶山茶苞火齊深紅應照綠牕前

雨中聞鴈

空際離鴈雲中細細絲陳冥風處斷聲咽霧中遲
北叟追難及南天倡頗隨絨書畏雷濕傳語報歸期
谷口山房詩集卷之二十二 壬 留滯續集

傷春

老去傷春倍易驚巡檐鋤圃最關情嬌花難得留顏
住蔓草偏隨鐮白生夢野鮒膠升斗絕柘城株繫歲
時更愁邊漢水西來遠日放歸思逆浪行

懊惱歌爲黃函石
龍碑作

望見良爲幸尊嫜太劇疑當君偷盼處是妾斷腸時

其二

故向郎邊過低聲首屢回畏人不成禮私賀得官來

其三

敢怨緣真澁良知命不猶君恩似滄海妾分只西流
其四

私恩已無幸竊盼郤成疑一日腸千斷何如遠別離
餅中鐵梗海棠紅杏呈譚灌村太史

鏤瓊瓊玉也紅爲瓣嬌依梗剪錦成團嫩綴緋醉客面顏
光灼灼女兒顚賴暈霏霏曲江照酒開還澹蜀國垂
絲豔亦非除卻校書天祿手丹鉛得似化工稀

項嵒雪攜具招同小宋見龍山看桃花

成蹊十里豔無言藉草提壺到近村河上明霞翻碧
谷口山房詩集卷之二十二 壬 留滯續集

浪風前紅雨落金罇放牛便可來橫笛繫艇還愁失
洞門春事河陽爭得似桑麻雞犬儼真源

谷口山房詩集卷之二十三

留滯續集

涇陽李念慈劬菴甫著

春日竟陵奉邀項端雪錢子膺兩明府吳稀齋

孝廉譚灌村太史戴小宋高士徐繩庸明經

看寓中海棠

家園雙樹過高檐每遇開時憶捲簾二月繁華繁夢
思十年歸興滯江潛懷人柔顙紅絲縷剪纈春生玉
笋尖應恨杜陵情劇冷惱渠嬌睡獨厭厭

谷口山房詩集

卷之二十三

留滯續集

其二

興著青山賦遂初兩年仍食漢江魚惟拚沉醉酬春
色敢意朋遊慰素居獨少清鐫留上客祇憑紅蕊駐
高車狂奴潦倒因愁劇未是元龍氣不除

雨集河上桃林看獨樹梨花

林中很藉墮胭脂大谷春生獨樹姿靜女縞衣販大
士羽人鶴氅散瑤池疎柯曲岸栽冰玉細雨重門掩
夢思滿眼穠華非我事與君寒素結交期

其二

皇娥織素罷璇宮萼綠教扶小腰同蝶翅亂開紅濕
外霓裳春冷月明中海棠飛處還依雪仙李舒時並
受風寒食他鄉身健在肯辭落屐醉芳叢

二月十六日寄贈前侍御家星巖弟漢陽

二月江頭柳掛絲郎官湖畔美春卮仙人跨鶴招堪
至野老吹塤往未期無數碧桃都似錦多情明月尚
如規劉伶若到同酣飲應念陶潛獨聽鸛

譚灌村太史招飲喜雨

今日芳筵外春天細雨來便應看稼熟不獨喜花開

谷口山房詩集

卷之二十三

留滯續集

清明日喜雨

楚早連三月花時好雨生微微黯江漢浙浙到清明
穀賤羣氓喜膏敷百卉榮芳郊須載酒處處看深耕

清明感懷八首

辛酉客
竟陵作

一百五日多風雨杏酪餠膠舊俗非梨雪滿園開欲
遍海棠一夜打應稀

其二

楚人呼上
塚爲醢青

醢青楚俗趁天晴攜酒看花並一行寡婦哀號鵲獨

斷九原漠漠不聞聲

其三

掩淚人歸暮雨天
壠頭黃土半新阡
聖朝不禁民間火
乞與荒郊化紙錢

其四

柳州四載傷祠闕
我踰十年拜掃遠
擔櫬看人塋祭
去淚隨春雨共霏霏

其五

勲庸顯祖舊三台
野祭何勞召客猜
魂魄享應依故

谷口山房詩集

卷之二十三

三

留滯續集

國那能閒到水頭來

其六

賜坐舊傍濁涇涯
痛圻周垣祇自嗟
栢行去聲松園愁
便盡官磚流落庶人家

其七

北壘南阡皆有表
陳牲奠爵豈無人
本源未報偏生
感忠孝俱違嘆此身

其八

兩母佳城祖壘西
卑封無樹雨淒淒
生兒俱作他鄉

客誰與山頭壘濁泥

寒食日雨感

濕雲漠漠接陽臺
密雨連朝暗未開
萬里他鄉逢熟
食三春兵氣感行枚
風花不定香侵酒
泥絮無情冷
慘苦聞說故園猶
苦旱徵求飛輓更相催

清明

橙橘花開雨細濡
竹鑪然火試新榆
鋤瓜虛擬歸三
月插柳徒傷待五
株春服自成遲
戲綵暖飭獨和夢
將雛壘頭拜掃應
搗幼壓得冥錢一
陌無素俗上坐後取紙錢

谷口山房詩集

卷之二十三

四

留滯續集

一樓屋置墓頭上

郁李花

郁李樹低小春深
亦作花未堪迷粉
蝶猶似駐霜華
實入神農譜葩繁
野客家盤根異仙
種開圻太紛挐

漫成

梅下輕寒闌飲醇
天桃紅藥續芳新
諸家看去無虛
日受享風光是此春

邀吳光其御我劉建水三茂才過飲次建水韻

柳綿吹散覺春殘
星聚何辭卜夜歡
雷劍有光應並

斷必琴寡和合休彈觀生常怪南箕奮挹酒橫愁北
斗關正好東湖搖艇去輕鷗無數待人看

重集胡西表齋中賞牡丹作

推集尋芳不厭頻花時私喜是閒身儘教楚國淹留
客飽看丹州富貴春百朵濃香含態別重樓豐豔開
粧新銜杯未敢依欄去畏爾情嫌白髮人

春蘭

春蘭生山谷幽香逐暮風山人恣斲取負荷筐籠中
易錢到城邑競市走羣公我亦植數盆架著書案東
谷口山房詩集 卷之二十三 五 畱滯續集
清芬有時來迥異凡卉醲珍重自人意花豈忘本葉
寄語山中蕙蓬艾幸相蒙

蘭花

花如蜂子舒翎勁葉似鸞兒卷舌班山曉江臯畱不
得服香紉珮伴吾閒

看牡丹醉歸口占

看花日日醉如泥巷北城東竹院西步履每歸深夜
後不愁人唱白鞦韆

其二

雨過風薰日正長放衙來爲看花忙時錢明府輟滿公事早來
城春色開無數不是河陽是洛陽

其三

掛冠老子未歸秦愛趁銷愁倚檻春欲製新詞扶醉
去沉香亭上久無人

遊迴嚮庵值雨

高庵據陂陀拱城勢迴嚮遙波隱東湖層嵐列北嶂
初春擬過遊牽迫屢相妨今晨無期約攜朋離塵埃
入門雜花幽在野周垣曠東偏見雨澗煙雲忽變狀
谷口山房詩集 卷之二十三 六 畱滯續集

古梅行

傾盆灑流珠咫尺迷眺望風雷况交纏陰陽氣摩盪
是時近麥秋稻鍼出未吐秧池行可下穗雲已翻浪
豐年裕百爲泥塗忽如忘晴郊期更來平疇散惆悵
城西古梅如老翁身長骨竦未龍鍾種自何年無紀
考陰堪半畝覆梵宮環梅水竹千萬挺筍竿穿出枝
幹中庵僧重竹不重梅竹宗繁盛相蔽蒙浙東王公
前宰邑始逢識拔出虬龍我昔公謁初過茲恰值春
風花滿枝清香隔水遠撲鼻撥竹尋賞心暗期意擬

作欄爲竹限鞅掌碌碌未竟爲今時罷官重來訪結
子半黃碧葉垂巨竹公然肆侵遶正如強族欺年衰
卻悔捺刀不蚤割爲爾盤礴心自悲古來抱貞多淹
沒商顏何日召麗眉吁嗟爾梅暫忍此爾我困亨各
有時

梵放庵梅竹

牽舟溯義河遙望羣木長岸東好庵宇編竹成垣墻
入門何所見巨挺間新篁柯葉同一綠陰森萬箇強
密屏夏日赤濃蔭午殿涼幽興澹然適不覺塵慮忘
各口山房詩集 卷之二十三 七 留滯續集

南偏探老梅綴實半青黃相傳前代物幹古如龍翔
肅焉起敬禮典刑懷老蒼憶昔過金陵有寺曰吉祥
一梅覆竟畝下列三茶坊看爾雖未逮亦足雄此鄉
下根蟠泉源上枝劃天閭結想冰雪中能發萬斛香
老僧耽寂靜未與插隄防羣竹頗見侵慘澹甘摧藏
會遭林范輩辟地置茅堂百卉未開時先春對舉觴
我總不得與千里同榮光

孟夏譚灌村侍講邀同僧拙文權舟義河至白

竹寺信宿卽事

竟陵原澤國此地得坡陀漸與青山近欣看古木多
籜孫克萊甲花雨散烟蘿幽意吾方愜桃源興若何

其二

百舌猶在黃鸝語正濃松梢看偶見竹裏聽還重
維味依晨唄清音入夜鐘鴛鴦巢劇惡平等亦相容

其三

前賢多手蹟寺有鍾譚表劉諸名公與僧寒碧往來筆蹟甚多繙閱竹陰移

灑落孰能爾風流今見之時平騷雅貴禪說澹交宜

惠遠憐同化吾生歎後期

各口山房詩集 卷之二十三 八 留滯續集

其四

徵君謂友夏氣有子謂鹿窮老日操觚白髮看年事

丹顏味道腴文章傳世業饘粥倚門徒咫尺招難至

知君困步趨

辛酉五日竟陵書懷六首

年豐民樂此江鄉湖上龍舟點鼓忙曉起滿城風雨
暗遊人誤認是重陽

其二

著尾安頭自詫工布衣草帽唱歌同等閒閒得端陽

過廢卻薊田十日功

其三

去年今日沅江上風捲旌旗雨挾雷蒸執蒲樽無飲
處元戎特送幔亭來

其四

憶在東村穡事忙高堂角黍晏蘆觴家人綵線矜鍼
指爲帶明雄小絳囊

其五

村農乳鴨薦新時自折圓荷當綠卮西蜀南滇垂洗
谷口山房詩集卷之二十三 九 留滯懷集

甲避兵空枉送符兒

其六

願得兵銷賦歛輕官清民富永昇平親年長續千絲
縷聖鑑高懸百鍊明

端陽後一日吳晞齋譚灌村胡西表徐繩庸四

君招同錢子膺戴小朱泛舟東湖觀競渡即

事五首

端陽盛風雨越日更方舟嬉戲看羣出郊田足亂流
權飛龍競水蒲剡蟻浮甌天與同民樂豐年洽勝遊

其二

徐君能好事樓舫卽時爲檻結霜筠節亭陰露栢枝
洞門虛壁月鏤榭逐漣漪只似移書館清風動碧簾

其三

羣龍忽躍出急漿定雄雌劈浪翻荷葉迴波攬鴨兒
人情爭尺寸吾意愛倭遲萬衆緣睥睨仙舟欸欸移

其四

澄湖淨無暑佳日況輕陰冶女踈簾艇遊觴雜吹音
賜衣公等事包黍楚人心豫樂觀爲政謹呼達夜

谷口山房詩集

卷之二十三

十 留滯懷集

深

其五

初識三年艾寧爲六日蟾鳳胡翔水面龍亦有霜髯
李味從教棄桐鄉任久淹全生泥尾在何用五絲添

五日取蟾蜍合藥六日則無用出抱朴子時
龍舟內有一爲鳳形者又有赤龍而垂白鬚者

述愁

無官棲舊治一身如駢拇豈不願速去事羈同被桎
所喜少罪愆邦人未我醜村農還問遺雞黍亦時有
二三文雅交招邀及樽酒側聞故鄉旱二麥乾在畝

千里盡薄收市值湧破斗秋禾且未安秦人謂百錢不能易斗米

日破斗又謂穀種生苗日安

困餓時愈久民情皆皇皇我貧况襟

肘前月家書至困空自歲首舉家飯脫粟蔬醢亦傾
饒妻孥被體物存一己鬻九老親須飽食何由繼
澹况復租徭繁急歛如弦紐虛名掛仕籍加餉徵尤
厚胥來肯需時籌畫到雞狗我身雖他鄉梁肉猶在
口念此不能餐迸淚濕林數

夜坐

露坐貪宵爽憂來意忽迷愁心逐明月夜夜落關西

谷口山房詩集

卷之二十三

十一

留滯鎮集

梔子花

六出殊凡卉重葩更絕羣何年別西國開日有南薰
素質昏仍見清香靜愈聞色成和山柘終得近明君
夏至夜月下獨坐

避炎常露坐月出得清涼張望馳情愔烟霄正渺茫

一陰生此日三伏定何方襤襪吾寧忍飢驅任爾將

贈僧拙公

拙公善縱談隨事見激詭脫畧禪寂相揮灑堂頭累
英雄餘本色快義皆鞭筆我嘗數從遊諦觀非盡爾

每當紛雜中回光在彈指凝神僅一息滄海變止水
世上看鼻人其心且萬里以此語真如相離豈倍徙

庭中鳳仙花

春遠花事歇幽居靜亦宜鳳仙隔年子叢生亂茅茨
芟除惜方長漫植緣庭階孟夏已開坼仲月未離披
日入步庭際常擁錦一園人情賤易生寧知耐久姿
其性兼透骨祛風良有裨正色應朱夏采摘入宮闈
用登金盤中蠶身匪所辭台看染纖指紅甲拂冰絲
灌村太史齋中蘭花盛開連日過飲值鹿柴自

谷口山房詩集

卷之二十三

十一

留滯鎮集

青山至同賞入韻

接飲蘭芳夜山人到偶同濕螢羽高下晴月氣昭融
館宇規模敞坡陀勢面工架滋欄楯外涵景露華中
挺出皆高葉香聞自遠風夢徵增夕眷佩採異秋叢
身後名何有尊前興不窮高談聞道要心地若爲空
夏夜獨坐

夜暑馴長暑濕新披襟獨坐氣如堙家鄉夢裏炎妨
寐世味嘗餘老厭辛竹外明蟾還照客花邊白鳥太
欺人甘桃脆李尋常念不待秋風始憶尊散色產桃日黃甘甚

美又李有紫黃
二種香脆異常

夜雨

夜坐苦蒸溽瀟瀟細雨來憑添卑寓濕且喜少涼回
欹枕還防漏中宵更殷雷湖鄉秧可下秣賤易新醅

餅磬

餅磬憐憐復愁多耐日長萬方同炙熱何處假清涼
擁帙空千軸吟詩或數章惟茲少需待于世迴無妨
述懷

莫笑辭官日放歌衰翁逸興獨婆娑塵中歲月來餘

谷口山房詩集

卷之二十三

三

留滯續集

幾鏡裏鬢鬚黑向多詩酒債深恁他得貧窮分定奈
予何自知真樂由人取碧宇浮雲一任過

夜聞子規

子規不自聊夜叫南湖樹聲急不忍聞苦勸人歸去

感述

伊我初生時不知平世樂仰承祖宗澤飽食顏沃若
鮮衣驕同輩踴躍逐羣嬉吹簫與圍繪撫桐兼園碁
是時家雖落凍餒未侵迫正賦亦易完出入多閒適
農務委僮僕耨鋤任惰勤隴畝不自識穡歛亦具文

稍長世已亂寇盜何紛錯耳聞心不驚聽人說殺掠

辛巳丁奇荒餓死滿路蹊我困久罕積日糴糲糴

金玉同瓦礫錦繡等泥土舊物盡一時幸未斷羹茹

轉眼見華代關隴陷賊中報警啓與朝焚戮亦相

蒙授室于戈際百爲付倉皇放愁尋詩酒誰復計久

長虛名日以大生理轉偏側奔走河湟外皇皇謀衣

食中年舉本鄉弱嗣鍛禮閣騎驢到南國交游動宿

耆既達佐瀛海再筮理珠崖改官拙催科罪累心已

灰逆藩干天紀起我向南荆四年得一宰勢格令難

谷口山房詩集

卷之二十三

四

留滯續集

行未暮徵赴關材劣蒙放還卽次掛冠出侯代巾

柘問夙昔悔失學及茲志磨礱六經與百家妙義宛

在中既老乃勤苦眼昏心力殊夜來燈燭下誦得幾

行書天門逢羽客招我訪丹丘我方事老親焉能從

爾遊尚乖菽水歡苦遭詞賦引境遊心仍虛有時發

微哂惟念七旬父猶憂人事忙安得桑榆年快志增

悅康四方兵未罷丘壑倘苟安但願羣生遂焉知身

飢寒富貴本浮雲貧窮亦逆旅耕讀奉高堂至樂誰

能圍

聞蟬

南湖樹壓城新蟬斷續聲一生惟飲露何事傍人鳴

伏日雨寒

暑雨經旬連伏日江城涼冷近秋深漸高湖水憂傷
稼錯置盆花當入林晚食味甘過受肉虛臆臥穩重
添衾故鄉雲漢今何似濁酒當愁恐不禁

夏夕訪徐繩庸郊居舟回遇風

炎暑苦局蹐暮行出近郭徐氏高門邊軒敞對寥廓
脫帽掛寒石披襟恣倚薄何必升中堂揖讓使汗落

谷口山房詩集

卷之二十三

五

留齋集

鮮鮓膾作羹濁醪隨意酌晚歸入野艇澄波淨薰灼
乍見北雲湧層疊堆巖壑須臾湖面黑西雨已散腳
長颺聲喧赫白浪倏並作漂搖拘所向舟小篙力弱
耳邊聞萬馬頭上過飛蓬咫尺城東門無由便住泊
卻憶漢陂行今古同憂樂徒取適俄頃那期遭駭愕
快意有危機于茲戒貪著

哭老友韓燦之

北齊書

善人忽淪喪宇宙日寂寥生平信道力豈獨貞久要
達政冉季倫晦跡名愈高所至蘇萬民滄溟酌露瓢

屢贊方面勲文德兼武韜功名歸主人金玉入蓬蒿

義散無畱滯脂穢變鬱蕭陋巷走公卿方寸自蕭條

世上少常何身名得永逃因人施不究眾望空爾勞

我忝舊里末接論似聞韶一別暑再易運汗涸松喬

淚漲江漢流逝魂那可招妻子長窮餓貧薄漸素交

晚計急歸養意久絕市朝掛劍嗟無日言念空悲

號

辛酉中元前日竟陵錢子膺明府重葺西湖橋

閣落成招同邑中諸君讌集賦詩時秋旱新

谷口山房詩集

卷之二十三

六

留齋集

雨晚晴

覆釜洲中寺綠楊陰小橋飛閣望睥睨石鐔通寒濤
鼎建想全盛丹腹緬前僚世亂民力薄傾圯委蓬蒿
明府東南秀宰邑撫字勞百廢馴具舉點綴先近郊
丹樓重耀目綺疏凌青霄落成延眾賓畱滯及見招
初秋暑氣退登臨散煩囂新雨蘇萬畝潤色生場苗
眇睺此同樂高吟希謝陶暮見西嶺碧圓月出已高
荷芰光凌亂清香浮素颺華燈遞影射揮塵氣益豪
葦成敗顏何必蘇隄畔畫舫迭笙簫澄湖淨旅思凝
日浮香閣

神入沈寥即境取自適素位遊逍遙回視世上輩擾
擾如牛毛

暑夜譚灌村侍講送酒漫成

酷熱休人事酒徒會亦稀諸家酷味變入口等濁醅
經旬不得飲頃使形神離永日坐喘息高堂成甌窶
日入氣微蘇露坐納清颼手中無可把起行周階墀
辜負竹月圓經天如轉規侍講遣童來當面落提攜
苦云得不多聊與潤渴頤注甌清且淥香氣蚤沁脾
大呼月與竹相對斟酌之竹月不解飲我遂盡此卮
谷口山房詩集 卷之二十三 十七 蕭蕭續集

陶然開懷抱心神忽並怡物貴匪以異濟急當及時
嚮讀淵明作頗怪冥報辭今日信非過重吟乞食詩

宿郢東驛

驛舍郢東道楓林日氣昏解鞍投旅店聽鳥出山村
汲女荷筍穩歸鴉爭樹喧草深兼月黑愁絕虎藪潛

山行感物作

槿榮不終日合昏豈及朝繁華與嫵婉彈指隨風颺
青雲自有分白髮寧相饒北溟變金液手把天樞杓
海運一時動鯢鯨遠遁逃斟酌駐我顏萬古永逍遙

宋玉墓

孤壘清江上荒塗蔓古榛聲名躋碧漢才思掩黃塵
欲續招來些難歸化去魂空餘殘碣在悵殺道行人

宜城

昔聞宜城酒今入宜城郭長隄圍古堞漢水遙帶終
問沽迷九醞疏食劇糲惡覓驢因主人格阻肆饒嚼
嗟爾黑業徒計等虎狼攫施鋒不留餘操刃方盡剗
沴氣本人心騰上千冥漢嚮來兵火尋詎非若輩作
惕然生悲憫豈獨怪凌虐莫曉釀酒泉空聞警夜柝
谷口山房詩集 卷之二十三 十八 蕭蕭續集

遲明登前途月黑星未落北斗插岸底賈船行負索
日出紫蓋迎虎崖勢奔搏宋玉丘墓荒楚官亦寂寞
當時霸王業雄心各有託時來膏濟薪運往風散籜
興亡通禪代元會森迴薄惟有清江流湯湯逝如昨
長巖動客襟秋聲滿哀壑

自郢西之襄陽作呈楊少叅公筠湄

晨興渡清漢客路遵南潯稍喜聞北音訪途及村姥
策蹇宜城郭曠望襄陽惜秋田半已穫茅檐蔓瓜藤
棲畝餘菽麻腰鎌雜男女久客厭囂俗及茲見淳古

父老爲予言兵火剝環堵所賴憲使賢勞心事存撫
正面胸無私卓哉橫流柱項者下荊州讞獄威雀鼠
焚香盈郊衢遠邇咸所覩昨傳移守郎我曹意俱懽
今茲定不往童嫗始歡舞故人鄉國俊繡衣舊持斧
霜積彈疆藩曲突綢桑土言中豈本懷直臣宜朝
寧汲黯暫淮揚羊公且開府清秋叩鈴閣論文接玉
塵幸莫厭清貧溷濁寧堪處東南羽書稀德教日興
舉威惠究一方羣生氣盡吐我歸耕舊壠看君功致
主回睇峴山雲遙月臨江浦

谷口山房詩集

卷之二十三

九

留備錄

墮淚碑

夕日斜青峴戚風起道周哲人傷久歿高碣至今留
騎馬傳謠曲沉碑閱積流何如茲片石終古照襄州

漢水

漢水發嶓冢我家在棧北不附鄉書來臨江自嘆息
鯉魚阻駭浪逝波不轉西思親峴山下空灑萬行啼
八月涼風生江月滿江城總有杜康酒含情那能傾
樊北路向秦客胡止此畱悵望增繁思莫上仲宣樓

峴石寺

峴石前朝寺來游感廢興亭墟餘斷壁松倒落寒藤
漢水明殘日荒臺下野鷹望鄉樊鄧外秋迴白雲層

峴石

雲根忽湧出傑立俯人寰磊落蒼崖外孤危返照間
寺殘豈兵火寺今毀廢乃兵去後土人竊收爲薪竹木俱遭剪伐僧到刈榛菅
墓撫懷羊杜畱青映客顏

中秋夜襄陽諸公招集昭明臺翫月值南風大
起卽事賦呈諸公

帝子樓高倚碧空登臨三五一罇同使劉文采雲霄

谷口山房詩集

卷之二十三

十

留備錄

外羊杜山川指顧中露冷鳴臯聞警鶴月明遵渚見
來鴻捐除民愠羣公在爽挾從南萬里風

中秋夜集昭明臺大風漫作

峴北襄中堞四圍楚王風起月霏霏乍驚瑤席華燈
亂迅掃澄空列宿稀滇海照臨烽盡熄鄂關吹送鶚
橫飛漢江不假歸帆便只有新涼到客衣時值武昌鄉試

大隄

城西壘石勢彎環北插漢江南峴山朱樓翠館久寂
寞千年惟有高阜存西風吹塵暗江路猶是昔人遊

治處大隄女兒那復出菖蒲楓葉秋蕭瑟渡頭悵望
感人心歸帆落盡暮江深

孟亭

孟公風已渺遺構後人傳像滅河山在詩存日月懸
由來達命達自古嘆才賢憑弔揮雙淚夕陽碧峴前

習家池

白馬山前漾碧池山公會此倒深危襄陽逸事還餘
古晉代風流儼在茲峴首猶堪岸巾幘漢江空想變
醉醺銅鞮坊下歸須蚤日暮溪風欺鬢衰

香山房詩集

卷之二十三

五

留滯續集

仲宣樓

襄城南畔仲宣樓公子高才此滯留喪亂頻年更懷
古登臨暇日未銷憂都緣漢水千尋曲曠望秦關百
二州宦達文章同土壤何如觀化臥林丘

龐德公

龐公攜妻孥遁跡鹿門下安穩遺子孫躬耕破綠野
載讀於戲篇夫豈忘世者政亂賢才隱邦危耆舊捨
鴻鵠巢高林樊籠安得假

山簡公

山公督軍事殫心撫流亡從容料彊敵安集保荆襄
大端旣以舉苛細非所詳政簡身乃閒日讌清池旁
醉歸峴日暮側巾誇葛彊兒童欄街笑威惠兩相忘
後人不解事沈湮空比方苟無清淨理舉杯慙方塘

劉永

我希劉羅仙英姿近沈毅宰邑有清風惠愛百里暨
雖復親簿領常懷遺世志一朝厭塵濁棄官等敝屣
西上武當山結茅浮雲際丹成人紫清御景朝羣帝
俯視世上人貪榮方如醉才名亦虛假况乃功與利

香山房詩集

卷之二十三

五

留滯續集

谷口山房詩集卷之二十四

留滯續集三

涇陽李念慈劬菴甫著

荊門州蒙泉

蒙山祠北泉漱青浸寒沙幸因山下出錫名蒙亦嘉
溯源方一勺日夜去漸遐近接惠泉流交匯同一窪
在山或同源出山偶異寓派殊歸則一見別當奈何
聖功基始達智樂觀盈科澄淨見我心形正影無頗
放海在不息就下性豈叱荆門千萬山何由出嵯峨
谷口山房詩集 卷之二十四 一 留滯續集

孟冬自竟陵之郢中道中作呈太守刁公

我行郢東道村村亟乘屋彌望平田疇昔荒今並熟
南方冬尚暖播麥趁朝旭婦媿男則耕相尋驅黃犢
前播已盡生陂阪同一綠野店新聚落風帘引客目
天晴日色佳一老行鼓腹我怪問此老茲土今何沃
答言土豈殊民生賴撫育郡伯今召杜所事寬吾力
坦然示本懷政刑少煩促境內七諸侯稟程罔逸德

吾儕多暇日耕田兼樹畜今年大豐稔租稅完已足
雞豚况肥腴社酒樂鄉曲餘力及舍宇比屋相連屬
看客遠方人將無入京國爲我遠近臣母俾公去速
朝廷雖需才邦本在民牧

郢東道中日暮譚鹿柴招宿經館卽事

古木林中白髮翁傳經甥館碧巖東書堂就宿村煙
暝山路招過蠟炬紅學子侍筵眞衛玠幼兒倚膝小
阿戎人漿馬粟餘恭敬舊尹歡留愛古風

顯陵

谷口山房詩集 卷之二十四 二 留滯續集

興廢嗟前代山河遶舊陵地靈供白石土人傳昔修陵時求白石

不得會隨州一山有白鶴數十旋繞其上去發之下盡白石采供足用碑斷臥青藤進

號昭崇報留銘重統承壙志正德中製德郢城南對

出寒暝暮煙凝

其二

迴合青山在周環赭壁凋苑耕生薤麥殿圯入菑蕘
何代無遷謝遺踪並寂寥更憐天壽下置守自興
朝

冬日郢中同錢子膺明府過訪毛子霞聽雪樓

卽留小飲

詞人樓閣郢城隅坐俯郊原位置殊楚府荒墟爲近
圃漢江寒浪入平蕪墨池法老求難得白雪吟高和
易孤茂宰同過郢語合也客霑醪到潛夫

其二

樓邊谿壑盡相宜暇日登臨好賦詩猶是城中疑在
野居然林下可忘飢陽春臺對開牕處白雪亭斜倚
嘯時占斷郢州清絕地不須重用買山資

其三

杏口山房詩集

卷之二十四

三

留滯集

顏朱髮白老文場手種梅花出院牆聞道日前羣飲
處蚤看庭下一枝芳瑤葩鋪萼全舒綠蠟蒂含苞欲
放黃稍待因風飛絮起更攜尊酒共傳觴

其四

年來妄意上清遊野鶴飢鷹尙別儔潦倒酒狂終是
累膏肓詩病未應瘳身彊蚤識能橫海組解猶憐未
脫鞵且共醉吟乘雅興便期歸臥掃煩憂

陽春臺

昔聞素女歌陽春世代荒遠誰得聞移聲換調入白

梅花柳絮落紛紛楚國大夫騷賦才行高知寡君

王倩一朝舉歌屬郢客郢中遂有陽春臺君臣代謝
幾千載臺墟惟有青山在石城睥睨枕崇岡野客登
臨愛爽塏南北東西一望中上連高寢下荒宮觚稜
金爵餘瓦礫某哇麥隴來寒風冥理茫茫那可求不
須吊古望昭丘卽看漢水無情物不似當年抱郭流

望白雪亭

郢歌聲已歇白雪此爲亭漢水尊前綠洪山郭外青
何年歸郡治終日見重巒尙想寒林下迴風韻可聽

杏口山房詩集

卷之二十四

四

留滯集

五客亭

誰繪文禽傍翠微殊方各產若同歸一亭深貯形常
在五客相呼性不違風動松筠想鳴喙雨飄泥岸上
毛衣偏憐鸚鵡樊籠久破壁何年隴外飛

望蘭臺

代遠蘭荒尙有基土囊蘋末送清颺樓高城堞看仍
見臺入人家往未期輪北粟船屯夏口征南烽火照
滇池中原民力蕭條盡今日雄風爲若誰

贈郢州詩僧牧顛

國詩僧字牧顛苦吟雄飲佛燈前鐵衣經作難當
賊破衲今泰有韻禪往事回頭成唾棄餘生息念卽
天淵願師邵秉光明劍盡斬名緣與法緣

石城

沿山樓堞石城想見羊公險成今日對江烽壘
盡野漁村牧唱歌行

莫愁村

楚女妖嬈此作家暮煙衰柳對樓鴉年年春色常先
到爲發村頭幾樹花

谷口山房詩集

卷之二十四

五

留滯續集

其二

妙舞清歌四座春蘭憐催送掌中身楚宮一入音塵
絕野水寒原悵役人

郢僧牧顛同錢子膺明府攜客遊石城西北

潮音閣與雲亭卽事

城隅山半小溪東聯轡幽尋對遠公亭近鳥巢俯流
水樓臨雉堞立高風石橋度馬寒林外木末歸鴉返
照中惆悵莫愁村不見教人空望楚王宮

其二

老僧攜具倒樽壘上客同遊作賦才挽袖屢留陶令
住燒豬恰有子瞻來疎牕宜對寒潭映急令真愁落
日催更待月明春水發翠舟卜夜盡徘徊

楊客仙招飲高齋同錢子膺明府毛子霞隱君

對蚤梅盡醉卽事

嶽立峻嶒骨氣適清癯酒戀地行遊百千沽酒招元
亮七十生兒似仲謀屢散高貨因好客計成借隱勝
封侯檻邊梅顚迎人發一任深杯細勸酬

其二

谷口山房詩集

卷之二十四

六

留滯續集

仕隱何妨共盍簪酒尊棋局快招尋盤餐風味兼南
北書畫收藏半古今繫景長繩千日醉倚天寒劍一
生心鄙人亦自從軍返不羨登壇美入林

冬日客郢中過錢子膺明府寓樓醉吟

層麓隱闌闌紺宇據崇巔巋殿俯林堞高樓矚遠天
開牕橫翠色知是江南山漢水西北來明滅疎林端
登覽引遐思鐘磬清客魂明府此寓居逸興屬孤騫
我亦愛幽曠過從無晨昏命酌必盡醉嘯歌兩油然
郢月缺復滿高掛金罇前對此不盡觴豈不負流年

右看楚王宮荒圃飛寒烟

聞滇城克捷志喜

露書送喜上青天報道 王師已克滇宣布屹聽三
殿下供輸欲解萬方懸臣心竊慶見下見聖詔猶聞
儆戒傳盡賣弓刀買耕犢緩歌扶耒入春田

其二

逆天吠日事終窮阻險櫻城掃穴空深識 廟堂能
制勝兼聞將帥不言功九霄雨露還周遍四海軍書
本混同私喜太平寬令甲好容丘壑置衰翁

谷口山房詩集

卷之二十四

七

留滯滇集

謝贊皇荆覺菴招飲郢城元祐宮大雪

歸宮古縣址

元祐宮即晉長壽縣治舊基

高閣臨清池後牕俯城

堞前檻覽郊圻崇飾自前代壯麗邁等彛至今懷柄
上尚有金果恩荆公珪璋品謝老亢爽姿華筵召上
賓而我得追隨寒雲送清賞白雪飛參差天開素圖
畫林交瑤樹枝雅歌既迭奏玉笛亦頡吹情重夜未
闌盡醉安足辭

郢中對雪

白雪亭邊驟絮飛陽春臺下蚤梅稀北風如解孤清

送瑤華點客衣

吳客王子晉畫蘭行

我來楚地八易暮幾歷山陬與水湄蓬艾柘蕭彌川
谷幽芳那見九畹姿王君吳客挺英妙最工畫筆適
意爲尤癖畫蘭盡天巧亦如谷口耽吟詩宣德白牋
藏已久呼童檢出膩勝脂潤筆豈合用金玉許以長
歌相易之君乃慨然爲運墨移時果得雙橫披錯生
諸叢勢非一真墨不用丹粉施橫斜旁側各盡致風
葉露挺花離離拂拭高堂粘素壁寢食其下頓忘疲
谷口山房詩集 卷之二十四 八 留滯滇集

有時微風動屏障鼻觀已通幽香吹我詩猶通筆難
下亦如盤薄營度時燈前獨酌半酣醉忽然狂叫撚
髭髭所慚塵滓未淨洗面顏愧此山林姿爲君作歌
不盡意把樽更讀靈均辭

元日試筆

身閒元日只徜徉轉笑韶華有底忙鉛鼎尙留分歲
火金爐先爇上清香重斟栢酒霑微醉近接梅簷識
暗芳回首休憐秦塞遠最初生處有吾鄉

譚灌村侍講五十

點易晴牕命不疑中和梅蕊未離披登庸侍從昇平
日受享林泉少壯時詩酒深憑春浩蕩芝蘭續苗玉
參差東山縱繫蒼生望蚤認天心理髮絲

荆南送蔡卓菴侍衛還朝

卓菴兄級遠將軍
總師漢南其夫人
卒于荆州卓菴奉旨自去冬
來代理其喪今春乃將櫬歸壟

盛年扈從重清班世閱新勲伯仲間彤管吟詩聯
鳳闕長楊控騎近龍顏霜中行鴈日邊下花外原
鵲沙上還京國知交憑寄語衰遲猶自滯江關

春夜樂鄉關旅次雨雪

春夜樂鄉關旅次雨雪

卷之二十四

九

留滯續集

狂飈三日漢江濱二月凝寒著做茵不見鶯花娛過
客卻逢雨雪滯行人茅柴取醉禁愁劣葦炬移牀避
漏顚羈旅泥塗隨處得不堪回首故鄉春

春日宜城道中

旅寓不得安方春挽征轡首路紀郢郊轉走襄江瀟
炊斷迫我行焉敢辭勞勩村村桃李花萼萼芳菲地
草木各向榮羈人獨顚顚兵歸河無船陸行資蹇衛
山逕歷嶽峯竟日困迢遞夜來雷電交雨雪忽雜墜
二月如深冬嚴寒侵布被衣裝况薄劣泥塗遭凌厲

非歟貨貝竭長吏俱乏匱自顧尙不敷誰能給旁施
口腹累他人覲顏豈良計所求但斗升豈云希甘脆
由來孤潔操不以貧賤易愧茲干謁謀損傷平生志
高天浩茫茫俯仰屢長喟蒿目公私間寸心憂慮積
一身安足論生人久凋敝

在襄陽憶竟陵寓中梅花

桐鄉寓處梅千朶兩遇開時不在家苦憶冰霜相對
影忍違香雪獨舒葩愁邊素女莫瓊樹夢裏仙人萼
綠華辜負經年深護惜誰憑郵使寄天涯

春日襄陽郊行

卷之二十四

十

留滯續集

烽盡春天濶風花可散愁重來峴山下卻補習池遊
旭日還高照晴江正穩流冥心依物理垂老復何求
憶竟陵寓中海棠

客寓梅開已失期蓬飄還過海棠時久懷庭樹連來
遠又望并州看去遲院靜誰憐妃子醉情深卻補杜
陵詩那能畱取春常在待倚嬌紅盡綠卮

清明後一日俞崖菴副戎招同周竹書趙秋水
飲集時各將別去

出戶烟銷後三年旅寄身可堪羣聚處俱是異鄉人
日景斜青嶂江光動綠蘋相看同意氣莫忘白頭新
其二

陶令扶筇短羊公緩帶輕竹間尋舊雨花外聽新鶯
雅集盤餐別春旗號令明峴山把酒處分手各含情
襄陽送趙秋水從楊筠湄副使之晉

海濱孤鶴嶂陽桐舉似洛州白髮翁氣槩松筠栖冷
澹詩情星日隱昭融襄樊岐路千山外南北離思一
望中老大依人生計拙天涯猶恨未相同

谷口山房詩集

卷之二十四

十一 留滯續集

春日登襄陽西山至檀溪寺覽眺

春暮出漢臯下馬登峴阜厥顛北帝居行宮義茲取
回頭顧襄野方城大如斗漢水逶迤來曲帶樊原右
大隄屬萬山蜿蜒類龍繆檀溪寺宇幽路轉崇岡後
地本仲宣宅古井瞰深黝躍馬想漢主脫險虎狼口
西北見重堞鰲角象駢拇知是夫人城臨江頗壁陡
由來撐拒地上游等樞紐割據趨要害控扼爭背首
當時盡才力各矜敏捷手試問英雄人意氣今在否
徒聞霸王略那見金石壽興亡遞代謝主客骨並朽

清江散旅愁局蹙亦何有是時菜花黃錯繡被隴畝
仰首矚天雲息坐偃林藪去晷誰能追身名終敝帚
暫適豈非樂我意屬杯酒

憶胡西表城隅新亭飲集二十二韻

憶爾招邀日茅堂始落成板橋波上曲溝水檻邊明
佳樹分行植鄰蔬遶舍生陂陀高見野湖蕩近揺城
只似沿村入真忘傍市行期妨連夜雨遊趁一朝晴
花逕過還濕草臯坐乍清蒼林依北堞高櫓望西甍
步屨通人上登臨放客情華筵呼繼燭羈寓感流萍

谷口山房詩集

卷之二十四

十二 留滯續集

縷篆微微起香醪細細傾傳觴猶急令擊柝蚤嚴更
露步霑衣袂風庵落磬聲世緣催去楫江路聽新鶯
想見天桃發情牽翠柳繁青林肥綻綠芳卉續敷榮
疎落編應合方塘漲或平良晨頽召客高會幾飛觥
歸悵花時過行慚竹杖輕摘畦烹菜甲亦似憶蓴羹
任副戎招同諸公看牡丹

惜花猶恐負花期濃豔連宵繫夢思折柬相邀深坐
處傾城恰對盛開時輕綃幕下香生座細柳營中綠
映卮占斷襄陽好春色拚教沈醉獨歸遲

隆中

豫楚江山間氣鍾草廬三顧此遺蹤風雲忽際看驅
鹿井曰猶存想臥龍萬古人才輸運數一時英俊昧
朝宗許譙事業空餘穢爭似荒墟重碧峯

襄陽與王耕書話別

三年同楚鄉相望隔烟樹當時盼武陵我到君已去
繼君客鄂渚我亦上沅州江湖分南北思心兩悠悠
及此會襄中把手長嘆息升沈非所論顏面各改昔
卻憶廣陵聚一別七年彊爾我貧猶健他人或已叵

谷口山房詩集

卷之二十四

十四

雷滯

念此悲填膺欲沽宜城酒君忽出雙樽臨脯亦具有
人世各生事會少離常多萍梗偶然合不醉當如何
明日漢水旁君馬向南陽我亦自此轉乘舟下滄浪
滄浪可濯纓冷冷非世情一身尚泥塗愧彼流波清
故人有姜宰爲政在湘潭吳子况鄰邑堪往成盍簪
白水莫滯畱蚤發湖南櫂秋月映高天期君同舒嘯
重湖水連天足令懷抱寬爲君攜短笛吹徹洞龍眠

鹿門灘

入山何必深大隱混僊伍鴻鵠擇高林鼃鼃潛水府

有時漫出入無知遭矧咎人生匪魚鳥志定誰能取
扁舟下漢江鹿門近岸許亂石此名灘龐廬深幾許
咫尺襄陽城烟霞與塵土高節感妻孥耕鋤同勤苦
舉家無宦情內不迫仰俯志行貴相成德盛遠狎侮
此事古所難臨流意觀縷

孤泊

戎馬歸難定江湖擾未休年華常道路身世一扁舟
林暝繁雲合灘喧逆浪浮宿行寧自主獨夜傍沙洲
漢江風泊

谷口山房詩集

卷之二十四

十四

雷滯

風起春江櫂急停塵沙迷目畫冥冥浪花似我頭生
白天色同人眼倦青岸樹橫斜枝欲折江豚踴躍氣
兼腥荆門舊倚羣山望惆悵空崖失翠屏

舟夜雷雨

中宵雷雨惡孤電射江明欲捲舟航去如聞戰鬪驚
浪從篷上過潮湧枕邊生舟子呼號急貧窮命已輕
京山道上

銜恤過隣邑紆迴度碧潯看山皆戚色聽鳥亦哀音
舊涸瞻雲眼新沾泣血襟虛名屢相悞遺憾晚抽簪

將之武昌吳喻齋招過鳬園陪錢明府暨邑中

諸君子夜集

維舟待高會輟禮到林園乘暇賢侯出論文逸老存
湖乾荷在陸沙長騎通門永夜看人飲羈憂未敢言
避暑武昌雄楚樓作

西北高樓倚翠微登臨炎暑坐來空漢南雲樹依微
裏鄂渚江山眺望中簷迴遠過三伏日牕虛全受八
方風此邦信美非吾土陶亢何年貯老翁

其二

谷口山房詩集

卷之二十四

五

留滯續集

凭欄風物可開顏江水周迴碧玉環鸚鵡洲連金口
成晴川樓壓鐵門關已知市遠堪消暑更覺機忘自
得閒清漢徒憐鄉國至輕帆不送旅人還

漫興

浮雲有厚薄虛空只自如方其油然作雷電與之俱
倏忽散霞綺燦爛盈天衢人情隨時變畏愛良自拘
終焉歸冥寂高天仍碧虛當境識其真欣厭亦何須
徐繩庸司鐸永明奉送之任

去寧論遠高秋振鐸行之官仍典學敷教及休兵

竹湘江暮輕帆岳麓晴鯢鯨橫海出霄漢見初程

秋夜赴招回作

古觀鳴鐘報夜深長空無際碧沉沉出門赴召非吾
事飲泣含悲徂自禁天漢殷流羈客淚月明清鑒棘
人心苦幃枯坐難成寐愁聽秋蟲徹曉吟

秋晴

積雨連秋暗新晴愛日黃鳴簷乾鵲喜補牖網蟲張
乞米真難緩求人始得忙舟航寧易覓盜賊莫相妨

秋日同客訪僧文車水西禪院即過浮香閣值

谷口山房詩集

卷之二十四

六

留滯續集

雨觀龍挂卻晴即事

湖上危亭避鬱蒸高秋看雨偶同僧黑雲如岸雙龍
挂翠柳號風萬馬騰香滿涼侵真共適濤飛荷捲忽
相陵陰陽變幻須臾裏返照重來興倍乘

復雨

復雨迷昏畫纏綿迴未停出門謀不遂把卷悶還櫻
龜冷新難屬泥深樂罷行陰沍增痞塞稱霖滅逢迎
寄答緩山兄見慰

河口畫絨數贈詩池塘荒遠夢相岐情深最愛來吟

才短空慚屬和遲有子更煩恢世業思親終竟負
歸期傷心不盡伊蒿咏沉痛惟應伯氏知

村船

村翁看稻回一葉當村渡童稚出來迎拖船上岸去
重九後一日荆南風雨鄧偶樵觀察招飲署齋
登高纔罷重招尋舊好新歡續盡簪猶有雨風留上
客更煩簫鼓送清音牙冠監使延幽賞綏帶將軍見
素心難忘三秋雙榻下共貪一夕十年深

其二

谷口山房詩集

卷之二十四

七

留滯續集

龍山景物晉時州回首鄉關颯客愁怡帽斜風成已
事郊壇落日憶前遊先是長安九日羣公登高黑窰
廐偶翁有郊壇落日黃之句
祇拚紅葉如清淚不分黃花上白頭豈謂逢迎青眼
在卻教銜恤對高秋

奉訪嚴偉齋元戎園舫步韻

檻竹墻梅露井天書堂移構木蘭船琴樽坐接無氛
氣帷幄烽銷有篆烟迎懼汀花開對酒窺簷檻燕語
當筵元戎隨在餘方畧座客情移把袂前

鄧觀察署中疊置菊山招集翫賞

坡陀若隱起參差秋花高間色相亞出爛熳雲錦交
構檻爲岑岡平地爲谷坳或爲費公鶴或爲光祿袍
永辭雖下霜相對樽中醪使君富經濟所事無回棹
勤練政乃暇幽賞愛後凋灑然施位置庭際見虛遠
緬彼魏公堂晚香樂事饒絲竹奮清響望古今非遙
餐英可駐年詩酒此共招何必南陽潭淵流汲風濤

奉訪嚴偉齋元戎座舫留宿十六韻

西陵原重鎮客此登壇聖主褒全節庸才愧著
鞭黔溪消反側已峽洗餘孽雅製新舟楫安居類考

谷口山房詩集

卷之二十四

八

留滯續集

槩不須偃僕入直覺宴游寬陸舫尋常有浮園得荆
觀青天臨露井菜竹覆雕欄壁嵌鄰侯架樓觀陶岷
瀾怡情兼翰墨留客盛盤餐小院風醒酒清童酌盡
歡倚檣慚李郭列坐有江潘簞簞生床次鏡歌發夜
闌擁衾談絮切添燭影闌干浙浙岸風緊溶溶江氣
寒乍疑在山館猶似宿雲端意表徵簞畫寧同技巧
看

夢襲芝麓宗伯痛哭而覺率筆紀之

漸老思朋友凋零半九原感懷惟痛哭知己倍深恩

典禮道風古文章生氣存夢醒殘淚在落月想來魂

天答詩

氣液枯少五體不隨我形累我不如去之向天帝告
求未生時天帝曰嘻胡我之祈二氣偶聚形性無虧
未生由化生則汝爲汝日自損以逮虛羸形將去汝
汝遑去而去汝營慮神乃來居神住形全無有傾歎
匪生而生情性性歸命也在汝我則不尸冥冥默然
渾乎勿知

荆南客寓歌

谷口山房詩集

卷之二十四

九

留滯續集

旅憂無食情事迫乞米遠向湖湘適中途公事復阻
行羈留卻作荆南客兵馬滿城官府集容身小寓真
難覓連雨初晴泥淖深擔簦泥裏立蹢躅叢蘭之前
雜市廛屢後主人容儼宅茅屋兩間中脊分半作廳
堂半榻席其半復割許共由主客同庖通炊爨週遭
障塞黑黯黯兒啼婦詬聲絡繹當顛亢瓦透微明廣
或參寸徑虧尺上施瓦板蔽風雨閉如律室重綈幕
啟如撲滿開一線渾沌鴻濛初判垢十月寒天晝已
短矧茲幽暗無朝夕日午容光照書讀忽憶前賢曾

鑿壁我今得此已云足敢擲分陰疎典籍靈曜光
本普同各隨領受成翕闢顧我所處分應爾努力何
當出孤僻泰嶽峯臨瀛島晴海底輪升天地白扶陰
須上崑崙顛莫戀幽房悲過隙

怪石歌贈田生

荆南田生有奇癖愛向江邊尋怪石磊砢巨細滿凡
案五色文理光射象形備物分寸中自然精妙由
天工坡老袖中有東海米顛懷抱生雲峯客來供置
白玉盤浸以清泓神色全手持鍼芥爲予指若若人

谷口山房詩集

卷之二十四

十

留滯續集

物若山川或爲大本菰或爲小墓願竹梅花葉相間
出葡萄蔓綴珠累累一石儼蹲把釣叟意著絲綸遺
組綬何年全孕容星精五尺臺下桐江走一石之中
現大士白鵲綠柳空岩裏懷中有子送何人色相悠
然妙禪止口生刻意求盡神各錫嘉名襲世珍我謂
翫物勿容泥形似過劇失天真二儀高卑中浩蕩月
白日紅信來往古今大寶在眼前誰從習見開真賞
吾身之中天地機包涵幻怪無遺姿識取一原會羅
萬何必區區拳石爲

谷口山房詩集卷之二十五

湘中集

代事未楚留滯江漢間偏沅中丞韓公辟從幕府壬戌十一月自荆州啟行道武陵

至長沙己亥正月從韓公出至永州二月復還長沙四月遂歸西歸九得古近體詩八十五首

涇陽李念慈鈞菴甫著

荆州渡江行

我行中途遭限厄寓居屢肆苦湫窄憂鬱七旬積不開內炎注下成關格過時猶煩長者車絡繹駢填礙市易屢人蓄怒氣作惡指向主人橫詬謫偏沅使者

谷口山房詩集

卷之二十五

一

湘中集

日相催素鞵何當應召辟荆船載兵括已盡三日江頭坐沙磧今得艇子送我行瞬息又作江南客長沙望去一千里却顧竟陵異疆場渭水秦關離更遠回首西雲杳空碧幕府肯假食前筯江潭那贈連舟麥十月朔風鴻鴈哀衰草寒潭感憂感家人寧知我心苦猶指天曰望雲麥古今忠孝有窮時且棹扁舟吊羅泊

滄港雨泊遲客不至

暮棹迴深港漁村繫小航遲人風雨夜為客水雲鄉

把燭看蓬漏移籃護藥囊素冠困留滯終日淚成行

其二

風逆舟還住雲濃雨未除鷓鴣閒立架罾網罷張鷹兵後人歸聚年豐稻換魚緩懷惟長吏橫取意何如

冠盡

寇盡民逾困師還斂三繁那回天帝意莫究聖王恩穀賤苦遭折兵裁誰議屯道州一隅地遺愛至今存

風雨滄港薄暮

谷口山房詩集

卷之二十五

二

湘中集

港口人家畫掩門狂風漫長客銷魂晚籬驚鴨呼歸舍細雨舟航泊白岸樹橫吹添浪吼江濤逆擁失沙痕南湖咫尺愁難越生理茫茫那具論

急雨

雨密江天暗泥濘鮭菜稀依人情未達破浪意何違來往舟俱困差池鳥能飛窮途苦棲泊耿耿念柴扉

其二

卽恐寒凝雪還愁鮫損船世情分日異天意逐人偏蓄悶朝忘食常醒晝補眠羣鷺何興趣故向浪中顛

舟中喜晴見新月

連雨滄江暗今宵月出微纖纖徹遠岫故故落漁磯
鈎玉初橫曲彎弓未半圍風林照搖曳寒鵲正南飛

舟中聞雨聲

夢覺冰花打箸蓬小舟寒透布衾空剡川未許迴南
棹潮上徒懷見朔風竹樹恐迷侵酒綠楓林應失著
霜紅嶺梅消息須採取莫放飄零入髻中

哀傷

父養嗟無及哀傷感嗜餘途常迴乘馬箸每輟烹魚
谷口山房詩集 卷之二十五 三 湘中集

茗椀清風吹糟牀醴注虛伊蒿猶未萎長恨負居諸

港行書所見

朝下龍陽郭暮轉清江澳江泊畏風濤入就港中宿
交流風小便曉行遵紆曲高崖帆半隱耶用寬槳力
日出漾波明開窓絃晴旭湖南較煦暖仲冬氣始肅
山色青復蒼岸草黃間綠幽賞記往時郎景娛游目
大憂寧可解我心轉戚蹙雨餘灤路滑老婦行匍匐
採掇青蒿葉和米煮晨粥嗟彼富豪厨溝中棄梁肉
傷哉荒野人生惟甘脫粟歲稔穀如泥草木且克戛

南船載珠寶有子應夫役河魚無人取錢盡炊難屬
此物盜賊遺所由取屠戮輪運將何須與納適爲辱
富室一餐飯貧家終歲食奢華生僭亂儉朴免刻剝
源清流乃潔本厚標亦沃古人策治安必先正風俗
誰當奏 朝堂重農賤金玉

洞庭南嘴夜泊

西湖晴望遠含烟南嘴經聞浪拍天冬水歸洪修岸
出夕陽返照一帆懸土人擊柝收漁網戍卒吹螺止
客船山下孤村初復業驚魂曾是戰場邊

谷口山房詩集

卷之二十五

四

湘中集

其二

君山浮翠鬱岩巖賈客帆檣儼起潮地匯九江成
浸天晴百里見孤橈流年欲共滄波逝竊據虛同白
浪驕會聽湘靈秋鼓瑟月明蘆荻夜蕭蕭

洞庭

洞庭冬水落穀幾急流錢蠻俗生醬鮓巴童倒進船
竹簾高瀨外漁人夜涉遠不似周原隰生涯只種田

洞庭曉望

九江忽渾合浴日破氛氲水土千年真乾坤一氣分

亂楓秋早下張樂夜浚聞悵望春天暮隨陽起鴈

湖鄉

湖鄉魚利薄水落渚洲荒荻華堆聯艇鷓鴣滿小航
供輸九載困霖潦一秋妨觸目瘡痍在征求重累長

沉江

輕舸下沉江湖乾轉落浮牽驚虎跡振柁避漁樵
揮筭出千室淘河自一雙來帆行正急撒脚礙蓬窻

其二

邑小無城郭灣船對縣門依然有燕鵲終似在江村

谷口山房詩集 卷之二十五 五 湘中集

沽酒夜嚴閉鳴鑼宿舸喧荷葉寬督責撫字亦堪論

途行自感

夜泊依荒戍風緊江氣寒雞鳴隣舟動月落星闌干

篙工用力倦食暖猶忍寒呼起理篷索席重霜在船

生事視作業小人丑合安我仁亦有營戒此敢自寬

上古敦朴素飲蔬食完耕種各給足貴賤不相殘

晚季競浮華竭力事美觀但取旁人羨那願身事愆

崇卑通陵軋徵求累萬端上欲豈有涯下肉已盡剝

百姓亦何辜仰給刻無閒賦外徵借兩百或取千

較賤農愈困室家難苟全駕舸與行牒終日風波間

貧者且傭力取辦何艱難懶惰雖可惱驅迫亦堪憐

吾徒猶未免奔逐失自然華實豈不辨畏此鄉里言

淫移重嘆息薄俗無大賢

離長沙百里風逆野泊

前路無終日還遭妬女風洲荒沙白夜維艇月明中

其二

戍樓昨宿處數里得黃埃三暮風寒刺還從沽酒來

其三

谷口山房詩集 卷之二十五 六 湘中集

返照射江面小魚出浪跳低飛羣水鷁得食鳴相招

其四

盤十魚克鮮提罾列淺濶可憐各分命不得遂生成

江行

鷓鴣半洲黑水鷁一羣喧賈筏平乘屋漁舟聚似村

其二

水清知石瀨帆轉覺溪迴順槳過來舫壺簞礙住桅

其三

冬寒洲渚出水去聚人旋罾架洪流上魚攤老岸邊

其四

風水關時命江靈呼可應牲醪飫舟子錢米贍山僧

晴江

晴江鮮勝錦風細浪花平躍冶金難定開雲電迴明
長沙今日到久客異方情轉徙隨人事憂心只暗驚

竹房

曲房架竹省經營鳩會無煩結構成列豎連櫺杉檜
直分溝代瓦鴛鴦輕萬間何幸庇寒士一柱真慙承
露莖卻想渭川陰待客正傷梁木涕沾膺

谷口山房詩集

卷之二十五

七

湘中集

夢覺

夢覺披衣歎薄躬月明譙鼓夜逢逢嚴寒欲盡重湖
外初日微生大海中詩句驚人名亦幻浮雲過眼事
還空何如蚤向青明道經問梅花倚朔風

壬戌長至日長沙院中

湖外陽初轉院中夜始分披衣起獨坐念茲生意存
鼠嚙牀下席雞鳴屋外垣先王卹商旅閉關及茲晨
頓我胡不息窮老猶崩奔披閱竭心力應答損精神
勤動爲人役焉能返其真轉思冒寒來驅迫蓋有因

久歿不克壅觀生豈謂人以此更遠適不敢辭苦辛
雖未離筆墨計值等傭身苟足襄大事屈辱非所論

聞 特遣中使迎催滇來宮女船已抵武昌

事敗身存賂竝遷舞衣不試忽經年已迷舊夢花辭
樹敢望新恩路向天迎勞星馳中使馬愁思寒壓外
江船更憐埋玉沿途在多少春魂泣杜鵑

有感

在世傷何怙依人尚有方夢中鄉路杳湖外楚天長
憂患資朋友踈庸愧酒漿餘生甘汨沒尤悔未能忘

谷口山房詩集

卷之二十五

八

湘中集

雨

湖外冬猶雨階鳴夢不沈繁雲連歲暮衰氣入寒深
留滯依人計乖違負米心霜林霑更濕愁殺未歸禽

十二月十六日長沙聞雷

南楚雷聲喧歲暮夢中驚起更披裘碾空定過江湖
遠入夜還催雨雪稠卻憶年時兼電遶虛煩月令紀
初收干戈水旱相尋久感念民生重百憂

雪

冬霖還作雪竹屋夜聞聲爲敲響初集成花飛已輕

紛紛雷瓦白烟烟射聰明天意哀殘廢年豐慰客情

病夜苦雨

卒歲客牕雨階聲滴夜分深愁常不寐况復病中聞

除夕長沙院中

街恤經年失怙身憂傷忍更入青春餘生只合同寒

盡淚眼寧堪閱歲新南去怕看斑染竹時將有瀟北湘之行

歸那見鴈隨人天涯稍喜休征戰有路還容哭向秦

癸亥元日長沙院中

老去畏經春殊方改歲顛江湖隨氣動梅柳爲誰新

谷口山房詩集卷之二十五 九 湘中集

名法初師吏生涯卻傍人心憂那可道終日淚沾巾

其二

萬國連朝天心傷樺燭然鐘殘猶昨夜角吹已新年

身世還爲累時光任所遷萍踪到衰白重滯洞庭邊

元日雨雪

舞雪亂春空陰泠元日中豐凶前代紀占驗異方同

到地疑南土從天任朔風軍興民力盡饑饉莫相蒙

雙鶴

雙鶴遭羈致低徊日向雲九臯鳴不遂中夜唳還聞

病翮何勞剪微糧幸見分調餓忍相顧終未競雞羣

湘江舟中

亂後江山在春來節鉞過帆檣轉灘瀨水雪礙陽和

出險當誰念沈舟奈若何宿行不自主那得慎風波

從舟遭覆行李盡濕維纜相潭相待夜垂分奴

子乃移裝篋來至

舟覆湘江曉人歸夜漏催衣裳濡半沒書卷濕難開

時命嗟何舛鄉園首獨回憂思兼道路祇益鬢毛衰

衡山舟中望嶽

谷口山房詩集卷之二十五 十 湘中集

衡山郭外轉湘舟赤帝高居五鳳樓戰地餘陰迴北

鴈春天積雪照南陬登臨無計虛凝望哀惻何心恣

漫遊聞道此中賸仙跡待拋妻子事尋求

人事

到眼驚人事憂端履歲初又看行邁去慚負世名虛

地遠王章怨官尊禮制疎吾生自拘束終分老窮

愚

十三夜衡陽夜泊

湘岸懸燈夕行舟泊郭東采茶粧士女列炬混魚龍

節序殊方過喧豗異俗同太平如有象民力豈全豐
迴鴈峯

郡郭連平阜虛傳鴈阻過應愁蠻俗異爲避瘴烟多
淚眼經遺壘驚心觸漩渦南征饒北客日去待如何

先慈忌日

衡南春月將圓夕獻歲初當淚臉懸蔬食對人難痛
天草廬何日傍新阡寸腸真共湘流曲哀思還從臘
炬然五十六年寒骨在反教育我久重泉

湘江正月十四夜見月聽鄰舟歡飲感懷

谷口山房詩集

卷之二十五

十一

湘中集

自我獻歲卒南征十日中無一日晴今宵風定雲亦
散維舟月照蓬牕明瀟湘春流清見底錦石鄰船俯
可拈天公開宴罷傳柑擲落金盤漾淥水鄰舟爆竹
燈火紅客子傷心淚眼重同行憂樂不相問何況窮
簷蔭屋中

元夕早泊

佳夕維舟早臨崖翠幕張和鳴繁鼓吹櫓比集艤艫
傳宴移燈火開尊引月光同行異喧寂愁對碧流長

何洲晚泊

祁陽江上駐春帆蔓草荒洲野火芟不見蠻耕餘稻
麥但聞星使括櫓杉櫓頭鳳尾聯珠耀帳底龍光晝
燭街供給多年財力盡重臣何以顧民品

舟夜急雨卻晴

中夜雨翻盆狂風拔纜喧陰晴移頃刻寒燠變朝昏
曉透仍圓月燈明罷漏痕小忠殊未效深覺愧褒殮
春晴漸湘舟中

衡南鼓枻早春天口暖沙明緩進船夾岸山川相映
發近人江月白清圓灘行百丈愁頻斷水挽千夫劇

谷口山房詩集

卷之二十五

十二

湘中集

可憐久客南中今更遠故園歸去是何年

曉發歸陽市

夜泊歸陽市早行湘水洪牽夫常夙起鑪火漏未終
淘米汲清瀨窓窳羣匆匆竟日陡崖間或時涉淺淥
炊爨豈得暇所急在朝饔客子夢初覺憂心方忡忡
傷彼勞勩子執役何其恭夫船咸里役殘臘已辦供
官府豫驅迫毋乃廢春農欹枕聞挂席喜有北來風
足寬牽挽力辟食少從容人語鄰舟上雞鳴柁樓中
呼童進衣履起坐推短篷明星出未高落月猶映東

舟動激微浪潏潏何淙淙官船鼓吹礮發應羣峯
朱旗飄鳥尾照耀廣川紅舳艫逾百舸銜尾儼征鴻
守吏趨岸磧衛卒森矛鏃但覺行路易那知比屋窮

江雨

春雨來何驟逆風上急難每看過淺溜始覺得平安
牽挽可憐于霑濡太刺寒鑑民知載覆應念此風湍

望涪溪

元道州隱居處

山亭引行纜欄檻俯春叢杉檜初含綠櫻桃早放紅
昔賢有遺愛隱跡緬餘風今日民俱困何由致數公

谷口山房詩集

卷之二十五

三

湘中集

舟中雷雨

孟春雷雨急官舫畢更籌篝火額看漏疑寒重著裘
殘年常道路生理滯滄洲水石迷瞻眺何憑散客憂
早發冷水灘八韻

斷續春江雨中宵急更聞危灘臨冷水高嶺入霾雲
亂石人家擁村衙市井分賈船叢薄暮風纜散朝氛
并力攢篙疾喧呼撇漩紛礫柯驚礙淺歌側罷論文
衰老叅賢幕憂傷仗友羣罷閒向羈勒何日返榆枌

登涪溪亭子

危壁臨湘岸清溪一道通江山誰卻有仕隱若爲同
善頌懷唐代能書見魯公前舟催去急回首意忡忡

其二

衰顏更塵土鏡石畏相臨未遂幽棲志空傷遲暮心
爲辭客疾衡嶽黯雲淩健羨前賢隱能無苛政侵
衡山雨泊中丞韓公往謁嶽廟慈輦獨留不去

移時已見旌節來歸登舟卻發

中丞走馬看山回畫舫鳴金急更開不去豈因江雨
密遄歸實恐嶽雲情深猶夢烟霞繞宦罷重煩牘

谷口山房詩集

卷之二十五

十四

湘中集

案堆他日辭人須獨上芒鞋拄杖任徘徊

湘江舟中望嶽

南嶽七十二峯高帶湘九曲迴風濤祝融率律去天
近俯視列岫如兒曹山顛雲氣日窈冥陟降仙人集
紫庭春船蕩槳不得住回頭凝望空含情

暮春長沙苦雨

元日到清明曾無數日晴見覓犬有吠喚婦鳩無穀
東作泥俱困南天漏恐傾曉來寒襲袂陰重舊軍營

清明日長沙臥病

風雨棲遲善病身擁衾強坐又黃昏不知戶外花開落辜負長沙欲盡春

其二

看花十載淚縱橫楚北逢春屢自驚誰遣今年湘水上更教伏枕過清明

紀夢

病中夢若隨人至一公署忽自覺科頭方起覓冠見巨蝶飛至輒撲得之

生涯不自立夢裏尚依人冠挂何勞覓蝶飛豈幻身燈明譙漏下簾動藥香親因識閒中趣餘生合息真

風雨懷彭子載吉安道中

谷口山房詩集

卷之二十五

十五

湘中集

春霖無間歇念爾遠征難趨省忘霑濕關心計煥寒近家情慰藉到日喜平安頗恠休眠食長途可數餐

病中苦雨

雨連綿兮春無華重客病今天之涯鄉路遠兮泥淖深歸不得兮憂難任

病中聞鶴

羈鶴鳴侵曉悽清感客深雲霄久非望飲啄總傷心薄俗輕仙骨高天阻好音且須安稻菽有日返喬林

長沙喜吳天章至郎贈

朱鳳嗷嗷其羽威垂翱翔京洛還歸虞畿簫韶不作云胡其儀凌竊南雲蹠踪九疑路遇青鳥告以風微中道聊止雞鷺與棲冥冥者鴻戢翼在埭肅瞻怡悅卻願連而鳳兮若此吾將安歸

春暮病感

老去餘春指可拳花枝須近酒樽邊雨風疾病連三月拋擲春光又一年

其一

思鄉無計返吾廬北近清湘欲寄書又被洞庭相挾谷口山房詩集

卷之二十五

十六

湘中集

去也隨濁浪下淮徐

其三

大路分明在眼前荆榛繁繞苦相牽何時斬得葛藤盡直上青冥太華巔

其四

便斷塵緣亦自欺君親性道本相維會須了結生身事方是黃梁飯熟時

病中計彭子載合當卻返

計爾承歡過十日雨晴可便返籃輿索居倍覺憂思

切到日應教痼病除父子關情難告出妻孥袞袂卻歸廬桐華落盡江春晚莫更淹留到夏初

長沙喜遇羅弘載同客韓司馬中丞幕中暮春

卻別留贈

分手長安道踟躕各憶家相憐歸未得先後到長沙
栢院飛寒雪桐春落晚花萍踪聚還散江海濶無涯

其二

才大宜簪筆年殘合灌園淒遲同幕府偃蹇不飛翻
授業文章貴從公安屈煩憂傷多病臥數數枉相存

谷口山房詩集

卷之二十五

七

淵中集

其三

吳子才殊衆謂天章從游亦偶來歡然龍劍合相對嶽
雲開屈賈呼堪起應劉未可猜冥鴻泥外去萬里思
悠哉

答吳介石明府見寄四詩

客歲因人訂見期琴堂準擬話離思何知繫纜湘江
日已是延陵解組時

其二

金門報罷挂冠餘落拓還來幕下居每念故人應恠

親嘗茶味定何如

其三

荆南惆悵入官難取次登場歷錯盤今日場中真似
劇與君同得下場看

其四

咫尺臺門晤莫由懷人隔阻重離憂何時卻共金樽
月一洗天涯萬斛愁

其五

便面行行佳句傳殷情深穩意纏綿更兼書法饒工

谷口山房詩集

卷之二十五

六

淵中集

力已逼黃庭內景篇

其六

筆墨傭人面可憎簿書堆案日相仍病餘飲酒惟涓
滴熟讀離騷總不能末句花來詩中語

其七

愛爾聽歌絕妙詞風流曾未減當時因知懷抱能瀟
灑道在何妨六印遲

其八

爾宗孫子謫仙才舊好新逢萬里來握手獨憐君不

見嶽雲湘月首頌回謂吳天章委新亦來同在幕府

谷口山房詩集

卷之二十五

九

湘中集

谷口山房詩集卷之二十六

西悲集

御恤依人弗能歸葬日夜靡寧自發玄四月辭韓中丞幕府復綠交代未清須告賜方可暫去又客囊垂罄不能襄事猶以妾舟似人紆迴道路西望心悲自星沙至鄂州過竟陵出襄陽道豫由賈凡共得古近體詩三十四首

涇陽李念慈劬菴甫著

長沙郭外夜泊懷幕中諸子

郡郭維舟夕晴江月迴明孤舟此長往相望隔層城幕府寧須戀朋儕獨繫情今宵羣飲處應竝念狂生

舟發

谷口山房詩集

卷之二十六

一

西悲集

行止何嘗定輕橈動水涯南風吹挂席今日去長沙岳麓還凝睇銅官望不賒鳴榔當夕照飛興著雲霞

其二

此行謀返舍計決意先忙櫓動皆歸路帆開思故鄉暫應拋繫累不敢恨空囊傷極聞詩地高年已去堂

舟中

乍拋文案對清江旋買扁舟載玉缸午夢醒來無一事科頭赤腳倚蓬窗

洞庭舟中

陰雨三春盡天晴轉鬱蒸長沙厭卑濕四月下巴陵
洞庭

偉矣洞庭烟波變經緯九江靡不來匯沭巴浴月
涵青浮磊帶岳及潭億萬斯載乘彼江流以歸于海
喬口阻小河逆淺不得過訪江辰六明府悵然
有懷

聯步趨金馬分攜出鳳城仕止不同趣共飲湘水清
半載長沙幕一帆喬口程微薰入琴閣遙想絃誦聲
相望阻相就相思難爲情

谷口山房詩集

卷之二十六

二

西遊集

金沙港夜泊

小港夜休船湖光淨可憐月明張樂野水接格苗天
龍阜懸燈外君山倚櫂邊依稀聞鼓瑟幽怨不成眠

岳陽樓

層樓飲練光重鎮控蠻疆無分天水真成接溷茫
樓船還輓粟戰地憶扶傷憑弔揮雙淚瘡痍日月長

岳州

風木蕭蕭野水昏岳陽城外傷兵屯舟人指點山頭
看戰壘多于耕稼民

武昌奉送周澹園儀部出使安南諭祭故王
南交原郡縣置長意何公禮制安荒服牲醪郵舊忠
絲綸三殿下觀感萬邦同聖德落無外蠻方盡可
通

其二

詔去宣殊俗星移禮外臣揚旌徙鯨鯢賜服耀麒麟
麟八座銜恩命三湘閱上賓王程兼水陸龍節
付詞人

其三

谷口山房詩集

卷之二十六

三

西遊集

鄂渚薰風盛南征驛路長舟浮巴子國車指尉陀疆
桑遠觀經術清心肅異方懸知回權日長物只名香
夏日孫予立太史奉使安南過武昌招同周澹
園儀部暨一時在鄂諸子譙集郎事

山城樓閣俯江郊炎徼師旋靜鼓饒萬里車書同北
極九重冊命下南交上公登眺欣聯壁詞客招尋
顛拔茅不是皇恩宣異域那看彩筆離臈坳

其二

飛閣凌空六月涼連天錦浪吹衣裳鄒枚賓從過梁

苑南使風流舊武昌儀部襟懷照江漢史公詞賦歷
蠻荒共攀星使乘軒接絕勝仙人駕鶴翔

送孫子立太史奉使冊封安南國王

明綸繼世降瑤函太史承恩指日南賦就金轂臨海
輪擎來玉節照江潭觀風書奏雙觚雀補衣絲攜
八蘭蠶聖主不貪荒服地郡州舊蹟莫輕探

武昌送毛子霞歸郢中

毛子天涯老詞客瘦如矯鶴鬚眉白家本中吳族望
高心胸濶畧江湖少年讀書破萬卷志向雲霄刷
谷口山房詩集 卷之二十六 四 西悲集

羽翮遭時多難變滄桑去國行吟甘落魄詩酒逢場
聊自娛臨池變出賢聖迹小者蘧屈大龍游策文巨
揚聞重譯浮沈踪跡半九州漫遊獨卜蘭臺宅結樓
聽雪郊郢中漢水洪山映空碧偶來愁止武昌城冠
蓋追尋樂晨夕今年小病厭喧囂欲返并州理舊冊
作詩自述別同游放歌敲調出金石我亦江邊久客
人感詩耳熱中情激卻思我生有本鄉南北東西幻
疆場祿養不逮嘆伊蒿浮名久棄同雞跡區區生計
顧田園得非徒爲妻子役死歸生寄亦泡影何須勸

念重憂感與君盡放古今愁日注宸樽醉金液

武昌奉贈陸鶴田使君

象山逢胄道風遺讜論文章盡可師恨晚見君櫻惠
後得閒當我棄官時層城飛閣同攜酒永日空庭對
奕碁暑雨追趨渾不厭嘯言倡和慰愁思

其二

大叅楊子守鄖襄每說君才淖泗長當日臺端推二
妙同時偉議凜諸王忠貞自可傳來史轉徙何妨暫
異鄉會見杲陽散氛翳且拚塵足濯滄浪

谷口山房詩集

卷之二十六

五

西悲集

夏夜急雨武昌

江天急雨過傾盆掣電轟雷破夜昏簷溜上階浮客
楊山濤決瀆陷城門龍奔直恐雙崖合蛟起真愁七
澤翻脩築頻年民力盡沿隄何以保田園

武昌奉邀陸鶴田使君胥怡菴郡伯楊恂菴刺

史小集譙樓看雨

鶴阜蜂腰若斷虹麗譙聳起補當中雙江下合千帆
轉兩郡遙連一葉通客座人如孟東野雨天山似米
南宮浮沈幻夢銷全盡惟有登臨興不窮

武昌遇日者白子許以神仙可學口占贈之

詩酒生涯鬢已絲
茫茫天命迴難知
卻逢季主開迷日
正是陶潛乞食時
痼疾惟應雲共住
閒心本與世相遺
憑君說盡浮生事
拂袖尋山更不疑

武昌臨發諸公祖道口占志別時羣公亦俱將去

秋風客散武昌城
南北東西各自驚
宦海同嗟雙鬢改
離筵莫惜一樽傾
由來返照繩難繫
望去西山月更明
憑仗羣公能努力
好容丘壑養餘生

郭海營風雨阻行觀漢漲

谷口山房詩集 卷之二十六 六 西悲集

積雨不肯息
衰柳鳴長風
逆流比登天
水宿旅病攻
日見漢水漲
真愁江海通
一夜高二丈
連宵沒村農
壞屋浮波下
枯楂遊若龍
河深不得泊
住舟高田中

河新歎

上流漂屋下流得新河
伯何意損人利人

其二

臨河撈薪男
束女梁彼漂屋人
誰軫其禍

觀音閣夜泊

襄陽近咫尺
繫纜倍愁人
灘險舟難進
陰多日易昏

衰麻還道路老病厭風塵
海內休兵馬餘生甘賤貧

臥輿

衰歲厭勞苦
臥輿休微躬
短轅駕兩騾
搖盪似橫春
山行礙石角
推挽勞人工
有時歷澗谷
行出蒙羣中
低枝橫當路
觸擊殷逢逢
踟躕數尺內
蔽目塞其聰
好山失眺望
佳景何由從
憶昔此道上
跨馬如飛龍
射鳥逐麋鹿
快意任西東
瞬息三十年
頽然成老翁
爲語年少者
努力早自雄

途中得施愚山侍講函問

谷口山房詩集 卷之二十六 七 西悲集

先生真下世
後苑更誰師
盛德羣倫仰
高文異代思
計聞探菊日
哀重匪我時
近淚無乾土
爲吟杜老詩

其二

病劇孫郎說
憂心屢夢君
參苓終不效
生苑永離羣
有子能傳業
無緣更論文
敬亭雲黯澹
何日酌孤墳

早發

村雞已亂唱
隔店聞人聲
我亦喚主人
然火在短檠
襤被急束裹
僕夫催啓行
出門登臥輿
月落天未明
泥塗不可辨
宿鳥路旁驚
衰年疲遠役
歸人懷去程

明星出忽高霜重寒氣撲前村見烟火薄酒沽且傾
寫言穡事歎無以給瓶罍連年况急歛協輸供秦兵
村民半逃散止楚無人耕惟餘數家在辛苦守柴荆
市肆那可復新穀且未登緩徵不得請租欠敢辭刑
我欲問天帝何以符蒼生

渡河

晨發猶中州暮宿已晉隴中途渡大河方舟浪掀涌
路出深谿中仰崖轉修簷迴水屢涉岸斷沙還擁
浮高歷層坂畢陟得平壘蟠壑回望紆俯深重心恐
谷口山房詩集卷之二十七 西隱集
遙瞻見鹵中積水高湧洞民財何由阜軍計尙倥傯
導河功至今灌趙人枯冢能文懷魏薛遺直思晉董
茫茫千載下前躅誰能踵

柿林

朱柿千林在連村盡水湄露漿渴思慰霜餅利兼資
葉想同楓落包猶象橘垂家園饒此味到日定違時

蒲萄

彌望蒲萄熟心傷漢苑秋經霜猶綴碧映日想垂旒
土俗同農穡裝囊藉賈遊苦思傳釀法不爲換涼州

谷口山房詩集卷之二十七

留滯三集

竟陵代事未清自乙丑二月辭蜀歸
公幕仍下楚中三月抵江陵四月至長
陵五月入安陸六月下武昌避暑樓十一月
歸石中丞辟入幕辭病不赴移居漢口十一月
赴江東下凡得
詩二十五首

涇陽李念慈劬菴甫著

荆郡

荆郡重來迥異初分城過半禁兵居高樓翼瓦飼營
馬茅屋墮檐架水渚亂世有家猶是累此身何事可
畱餘風塵變換看成厭好自耕農學釣魚

谷口山房詩集

卷之二十七

一 留滯三集

詠畫上方黑犬

上方烏龍猛且馴風微瑤草鳴信信長楊從獵神倍
王馳如鳥翥飛片雲蒼鷹旋折未得下銀鞍已帶東
郭貌餘勇歸來不自異細喘安眠碧草茵良工慘澹
貌形似殊姿却來絹上蹲睂際竊毛雙宿白望若四
目驚衆賓我聞 聖主戒盤飧但從蒐狩助明禋
成猛士亦如此安定多方衛四鄰只今三窟盡伏莽
月明無吠恬花村爾曹飽肉皆 帝力論功莫譁發
從人野老披圖心感激願詠盧令頌至仁

荆南值陶季浹言懷

別儼目前涼風曲陽道世難孔亟中論文結幽好
回首十二年相見各衰老丈夫不得志意氣甘潦倒
蜀山積巘屹楚江浩浩漁風波與險巇幽臥胡不蚤
兵戈雖已休人情日智巧鬱懷練時俗憂思方雲擾
烟霜凋松桂欹峯惜騷裏買山那可期日月疾飛鳥
努力固窮節歸根辭小草

題扇上畫石

袖裏出雲根磊砢而奇古濁酒未澆時胃中有如許
谷口山房詩集 卷之二十七 二 題扇三集

題畫閒看兒童捉柳花

春暖楊花散白綿兒童撲捉戲窗邊窗中閒觀休驚
覺一片天機在目前

荆南借寓唐伯顧明府書舍值主人他出畱贈
宅西書屋遠囂塵借我停居歷二旬豈謂軍城還得
此俱從官罷轉相親舟中藥裏晴頻曬世外朋儕過
不嗔獨恨主人行未返何緣把酒話沈淪

胡西表招飲西園閣上

高樓臨北堞遠郭見湖光竹樹清陰外雲霄倚肅飭

王人初折東客子戀飛觴便欲移行館時聞荷葉香

其二

京山橫百里隱約秀諸峯晴日憑欄得浮雲入望重
城中茲勝地塵外愜幽蹤坐盡濠梁興無勞曳短筇
題王咸中石鵑山房

我翁吾益友出處兩相失暮齒急聞道疑義誰與晰
子生同里志學秉穀率少壯厭紛華避喧如棄疾
巖谿蚤結隣棲遲共衡泌石鵑晚停雲竟峯朝上日
松竹延清賞地偏心自逸遠遊亦偶然幽好無回遇
谷口山房詩集 卷之二十七 三 題扇三集

我亦癖林泉飢驅莫自詰應接損心神干求長緼絀
買山眇難期素居念契濶會當辭家累獨行從所悅
結茅差易就隙地倘可乞布素夙能甘講易送白髮

乙丑七夕同彭飛雲顧黃公蔣玉淵游雲子小
集武昌滋陽橋納涼

天漢方填鵲河梁俯碧流壺觴集南北文雅共敖游
有意隨雲水無心候女牛醉歸譙漏動明月在高樓

其二

取適吾徒在盍簪意興長晚香散荷芰塵夢洗滄浪

仙許仍高會還來駕小航明朝梧葉下江漢日清涼

武昌贈楊退菴道老

樹藝何心老此鄉
舊來猶傍故宮牆
草玄尚白思人論
落豈成其重獨
傷管測星驥明玉
曆鼎烹日月變金
霜兒童肄雅圖
橋生好向深山自
牧羊

卽事

桂月明江漢樓俯一城層霄秋霧歛高宇蚤涼生
上客乘聯璧清談盡二更澹然成薄醉不覺有逢迎

谷口山房詩集

卷之二十七

四

留帶三集

其二

北斗挂樓西汀沙插漢低練江城外見丹檻月中齊
杖履無期會有疏隨意攜急觴酬令節足可慰羈棲

十六夜同彭飛雲顧黃公蔣取鹿顧幼鐵黃小

重王咸中各攜少具雅集黃鶴樓待月卽事

仙人樓閣壓城門攜具同登縱笑言楚北山川連玉

壘漢陽櫓堞對金鐫陰輕暗月烘雲白夜靜寒江觸

石喧又過天涯端正節類羽警露欲飛鱗

十七夜王咸中邀過潭上行館同諸子偶集看

月

桂隱華應實輪虧仄未傾出雲已騰上照水共虛明
茂宰供瑤席仙人吹玉笙偏容踈放客脫帽對公榮
祗漪園自梁溪赴滇幕過鄂相訪

病中忽報故人來喜極相逢意轉哀華髮乍驚同點
雪萍踪偶值此登臺悲歡身事秋雲變遲暮生涯曉
漏催黽勉南征天萬里嫁衣空老出羣才

九月四日武昌譙樓見月

新月挂高楹江天獨客情半彎蓮瓣仄一抹遠山明

谷口山房詩集

卷之二十七

五

留帶三集

尙白文何有還丹計未成露華滿叢菊愁映鬢邊莖

乙丑九日諸君約集黃鶴樓以病後怯步不得

與譙獨上譙樓眺望卽事還呈諸君

崇臺高攬白蘋洲遙見洪波接漢流荒逕夢歸秦塞

遠仙人鶴去楚天秋羣公競摘花盈把病客惟應帽

纓頭久臥麗譙原百尺不須重上倚江樓

題畫爲潘介丘

樹杪過雲斷沙頭上水明幽人不可見巖屋隱秋聲

石逕幾時度板橋終日橫怡神隨坐臥足慰買山情

期到仁熟弟山居病痾不果仁熟屢來相視感

贈卽別之江南

臥病虛前約相存見汝賢深情輕道路歎語懣纏綿
舊宅聞佳勝他時刺舸船九真山色好終落酒杯前

其二

離居別秦楚一本自相求清白存家世貧窮遠悔尤
雲垂西日暮楓落大江秋多病孤舟裏飄飄何所投

其三

妻子寧吾繫故鄉丘壠存依棲豈常計平世戴君恩

谷口山房詩集

卷之二十七

六

留帶三集

頌年兄小像

河華祖崑崙蟠根此本始兄家世榆關蟬聯復鵲起
具足文武資遭時亂無底仗策走江南誓欲正天紀
熊軾按蒼梧龍節建揚子經邦與戡亂小試皆上理
嗟哉大廈傾一木焉能抵回首五十年事去如流水
垂老任播遷壯心猶未已良工貌形似骨相見雄偉
烏帽及綠沉遺之等敝屣披拂柳下風茶鐺共書几
寧知壘塊胸五嶽中撐拒兒孫長他鄉生理甘江

猶憶清漢流愀然懷故里寓居况蕭然茅檐蔓葛藟
青門種瓜人高風差可擬

游雲子爲寫倚松面瀑小像成自題卽呈雲子

咄哉斯類翁碌碌行無似誤趨名利場奔迫近三紀
性拙宦坎珂資鈍學弁鄙德業一無成詩文小道耳
微名辭始安過情聲猶耻華髮困江湖生涯甘轉徙
勉學苦善念乞食傷負米應接損餘年幽憂滋內瘡
多病促尋山誰能顧妻子衰容老益瘁麻面醜莫比
山根舊左傾霜髭掩厚哆眼眊少精光面皺多文理

谷口山房詩集

卷之二十七

七

留帶三集

常恐死他鄉兒童費摹擬憑君丹青手寫向山巖底
如何將陋姿點染爲增美壯色過沃丹清瞳溢寒水
取肖惟神骨粉赭寧爲累隱約筆墨外攬鏡呼欲起
野服立逍遙喬木倦依倚澗水與松風聲合虛無裏
儼然丘壑中可以休暮齒他日結茅廬所願惟得此
餐霞返華顏爲君詞筆記

題四照和尚畫冊

四野無人客興孤雨來烟樹半模糊便將戴笠騎驢
去溪上茅堂到得無

其二

茅屋踈林拙養宜風波卻犯欲何之
纔離村岸無多路已是輕舟下瀨時

谷口山房詩集

卷之二十七

八

蜀道集

谷口山房詩集卷之二十八

蜀道集

康熙二十三年甲子正月為蜀撫韓公辟從幕府初九日自家適會城相就同行由棧間以二月抵成都乙丑二月辭幕由夔門江行下楚三月抵荊州凡得古近體詩共一百八十三首

涇陽李念慈劬菴甫著

出門

出門十八年歸來未經時胡然復遠行踉蹌遂爾為一身從他人此行豈有期一朝事勢會促迫遂及茲所幸襄事畢庶免鄉里嗤室廬半頽壞百緒等亂絲

谷口山房詩集

卷之二十八

一

蜀道集

草草七旬中奚暇整理之蜀道多艱險正月冰未漸下有不測淵上有濁水泥我馬方疲瘦何以登欹危貧窶急生事輕身敢自悲但願世難平歛薄甦瘡痍布列皆廉吏穀帛民得私甘貧井里間老死不相離

寶雞縣遇雪

山城危樓口陳寶傳自昔霸王跡已湮川原莽蕭瑟征邁非我期寒天事遠適陟險甫茲始雨雪忽委積疾風號枯桑長冰沒半磧投寓苟容身不敢辭逼窄土莖炊竈間行李堆狼藉况聞踐更兵漢源方振策

所過雞犬空村店皆辟易商旅久斷絕烟火何由覓
餅餌自裹帶足馬繫革舄徒侶各治裝人語亂終夕
我生亦有涯何事苦行役

雪行入山

冒雪登寒山雪深沒行路馬驚不敢前挺耳屢窘步
迴風眯兩目轉高眩反顧卑視踵前踪傳聲應後呼
凍溪暗冰藏覆塊枯楂互征徒雜笑屢坎迭顛仆
洊升更茶坪雲白天微曙伊誰具鐺枕佳名至今著
卻下俯峻坂崇卑同一素有時被滑溜尋丈不得住
谷口山房詩集 卷之二十八 蜀道集 二

早發黃牛舖

山陰衆星隱早征霜氣寒路出蒼崖半蟻附緣曲蟠
前徒忽不進住止各隨肩相問不得故層遞人語繁
下馬倚鞍立獻火巖石間百里人烟絕日午不得餐
空村餘井竈釜甑無一存或觸過兵怒室廬盡燒燔
民生遭亂世有土不得安王網格莫行天下日艱難

雞頭關

牽馬上側礪轉折緣山腰崖關危棧補鑿石梯構牢

有時歷朽榻傾仄魂悸行過盡幽險忽出凌青霄
洩雲起足底日車似可招砦砦下齒立清江中怒號
實材何郡兒散放奔濤長鈎引石鐸夜宿虎豹交
朱門不守屋焉知若輩勞况聞採木使所至增煩騷
搜荒遠令急如風颭轉運費無紀何以堪 中
朝兵罷役復興民生日蕭條

褒城

疾行隘瞻眺今朝天半廓前行出褒谷平地見城郭
屢縱縱散蹄人馬一時樂曠野良田疇方春動耕作
谷口山房詩集 卷之二十八 蜀道集 三

黃沙鎮訪馬幼于不值

村鎮經沔北驅馬問故人故人行未返尋訪登其門
子弟爭挽拽引入升廳軒夫人吾里女一出三十年
識等嫂叔自前相寒溫鄉語盡改易兩鬢垂皓然

鮮炊白粲留我飽朝餐爲問昔同輩強半皆不存
懷中小弱息生子復抱孫人生異金石誰能保朝昏
今此一相見後過難重論嘆息上馬去心悲不能言

七盤關

七盤山色佳陡絕兼背向據險惜前謀關塗懷始創
人經度鳥邊路出羶雲上衰老走荒隅回頭一惻愴

飛仙嶺

危棧轉山腹飛閣被崇巒旭日斜高照簷楹沃且丹
微逕循石脊曲折如蟲緣我行隨他人不得窮躋攀

谷口山房詩集

卷之二十八

四

蜀道集

憶昔出函谷方春捫嶽蓮繫屐玉女峯酌酒天池邊
西顧雪嶺白東望滄溟寬萬里在笏臆夜宿青雲端
胡爲年齒暮反遭俗累牽妻子亦何人驅我數往還
逝歸斲黃精一食生羽翰

盡日

一日馳崖谷晨星復暮陰嚴程窮晷刻瘦馬怯登臨
險奪看山眼勞休閱世心征徒半罷病豈爲拯焚沈

廣元

江水通涪萬雲山到廣元荒城多藝麥殘堞久無門

艱險 王師入謀謨勇畧存搗虛成楚捷功大竟誰
論

二郎山

城頭漏未盡征徒已早行我亦牽馬出躡躅望前旌
數武不相見焉知路欹平錦屏暗未識嘉江昧濁清
前登二郎山十里天未明疲馬鐵裹足蹴踏石火生
草深畏虎伏樹動知鳥驚顛墜與吞噬倘來豈有形
動止匪自由試身良已輕

垂老

谷口山房詩集

卷之二十八

五

蜀道集

垂老厭風塵征途閱苦辛村稀惟見戍山冷不知春
躍馬仍歸漢迎牛自啟秦亂離多反覆愁殺白頭人
成都院中夜坐納涼

酷陽重煩鬱晚涼氣始藉啟牖納輕風喜見蕉葉舒
畏熱屏燈燭默坐意有餘明月自東來照我窻中書
居室雖偏側後壁闔門樞亭午依北戶及夕就南隅
因應終日內跬步涼燠殊任運盡若此焉往不自如
成都送趙毓蜚進士由重夔下湖南轉浙赴京

謁選

歷仕不得意辭官返舊廬豈敢薄世榮聊用存區區
世緣迫我出依人走蜀都幸有同心友話言散憂虞
時清憲賢俊催爾下重湖此行展夙蘊牧民有良圖
雙鳬入帝鄉騁驥凌雲衢高江送飛舸雲山迎坐
隅鼓楫發清興時還念羈孤抑情練時俗垂老志不
舒相對少知音何以慰索居惟有牕前蕉搖曳綠扶
疎人事異欣厭世路多崎嶇會亦乘長風早晚下荆
巫

再送毓蜚

谷中山房詩集

卷之二十八

六

蜀道集

君行六月中何日到江東峽路無炎暑高江勝便風
遠歸兒女戀久客畏囊空莫忘同燈燭音書望北鴻

錦城早秋

盛暑金猶伏清商律暗移衰年驚節序獨客倍憂思
徭重農桑困絲空杆柚悲青衣誰復教恐失搗衣時

芭蕉

羅文翠袖踰蹌長碧綃細卷出中央研笺斜界曳縹
緗庶旄仙旆凌風翔隔窻秋雨滴琳瑯譙漏無聲枕
簟涼羈客不眠鄉夢斷濕蛩徹曉曉悽傷

成都哭高陽相公李夫子二首

劍南忽報台星圻挹淚何當把斗杓河嶽英靈還沔
穆調和德業在雲霄兩朝鼎鉉猶中正四海春歌并
寂寥二十七年經國盡祇看含惻遍漁樵

其二

迂直孤恩三十年引朝猶記聖人前飛花一散逃
茵席抱璞重來祇播遷謨誥文傳薪未續賤貧身在
世誰憐泰山頽矣吾安仰矢報惟應向九泉

成都懷劉推菴太守里中

谷中山房詩集

卷之二十八

七

蜀道集

苦憶平陽前太守家居詩酒興能長當筵花月皆成
賦遠膝兒孫互進觴杜叟李豪期共勉蜀山秦樹遙
相望何時卻續童遊樂痛飲狂歌累百場

芭蕉

窻下芭蕉到日移秋風搖颺出踈籬每憐心弱同余
卷獨愛陰清向客垂聽雨竟空尋鹿幻裁箋已恨學
書遲紛紜世態何多變對爾無情兩不疑

雷雨

雷雨驚殘夢微涼透薄衾秋蟲何意緒曉夜有哀音

不返長征客難爲久別心曠乾連郡邑轉思一開襟

新月

奄啟微窺鏡弧張未上弦斜連銀漢起曲映玉繩偏
未卜刀頭日空瞻劍外天故園有思婦莫掛綠窻前

移菊嘆

種花人去菊叢遺移取窻前葉盡垂顛顛豈因懷故
土凋傷應亦厭藩籬風霜尙許存餘傲蕭艾何堪奪
壤滋今日民生渾似汝問誰雨露灑茅茨

望眼

谷口山房詩集

卷之二十八

八

蜀道集

藉甚看山興依人祇自羈至今虛望眼不得到裁眉
何日乘雲霧凌空奮羽儀萬峯隨駐足回首笑軒墀
八月九夜成都院中同沈漢儀對酌看月有感

弦月出忽高天宇生虛白流光下短簷入窻明半席
局蹐雖鬱煩幸有同心客濁酒相斟酌聊以樂今夕
關棘在近隣吹角聞東壁嘔心及茲宵辛苦念疇昔
釋褐亦偶然矮屋遭羈勒幼學壯未行直尋畏枉尺
大哉籲俊典屢升復親策方其得一士豈異獲拱璧
奈何布有位繩束惟常格履塊一顛蹶棄之等瓦礫

雖有狎霄姿何由奮羽翮歎息負所生低頭安阜樞

詠蕉心

纔抽鼠尾引絲黃數日風吹若箇長斜卷輕綃向蘿
月翠旗簇擁綠沈鎗

成都中秋夜與沈漢儀對飲

城明月對愁思濁酒無歡強共持萬里俱爲貧賤
宗百年空照鬢毛衰高天每見羶雲迴故國何緣離
早遲時介鄉烏鵲未應歸定止流黃機杼不勝悲

成都看月三首

谷口山房詩集

卷之二十八

九

蜀道集

萬里巴渝月團圓向客明不愁千嶂隔終傍九霄行
華髮羞金鏡清輝想玉城峨眉看有異何日脫簪纓

其二

攀桂真成幻凌雲已後時有懷愁未玉無宴待元規
機杼流黃怨關山鼓角悲年年照孤影空負食鱸期

其三

令節悲年逝繁陰感道窮天高西顧塞雲盡北來風
草露看俱白煙霄望更空琵琶曲方奏珠落玉盤中

秋日雜感

涼風來西北卉木日夜凋客心同搖落黯然魂內銷
幽憂生無端有若春田茅荳棚未除架絡緯鳴騷騷
撼之不得止轉益心煩驚飛鴻自何來過我殷悲號
顧視逝已遠冥冥天雲高

其二

袂衣漸可御不受蟲蠹欺嚙噬不及骨焉用打撲爲
忘身營嗜欲人情亦如之孤鶴唳九臯凌空刷羽儀
飛蝗豈得及曠然脫樊羈至人損其情與物同忘機
秋日成都送潘升也歸維揚

谷口山房詩集

卷之二十八

十一

蜀道集

蜀道盤迴出萬山高秋鞍馬白雲間征途倘憶西川
客好看重巖細菊斑

客病

客病那曾睡秋蟲夜語繁有涯生已命無懼我何言
德業過時悔文章後代論瘡餘還自責不敢計兒孫

原病

吾生稟陰陽浮者爲清氣道義積所生直養塞天地
一朝遇拂逆橫行乃騰沸觸迂心君翻五臟皆易位
化彼清虛資轉爲烈焰熾食飲不養榮炙燎毒腸胃

清濁匪異物順逆分亂治我老惟求安苦遭貧賁累
鞍馬雨雪中艱難到劍外枉道事多端鬱鬱乖本志
晝作夜或思枕上潛擲淚抑遏過長夏濕熱兼勞勩
高秋病內發十日眠餐廢今者雖已瘥老面增顛顛
卻思古至人冲懷絕忿戾而我胡自戕得非顛狂醉
平情既不能浩然想遺世

芭蕉

芭蕉初移時其顛與我平錯植籬內外預擬掩映青
護持兼灌溉當暑未敢寧通抽漸以高及茲觀長成
外者出籬上內者拂簷楹帶雨逞沃若因風搖娉婷
病中開我牕相對豁煩情雖非歲寒姿亦異朝槿榮
忽忽秋已暮所愁霜雪零

谷口山房詩集

卷之二十八

十二

蜀道集

九月十一夜病中強起看月

病間去軀骸弱似綿呼童扶起坐窻前蜀天稀見全
晴日秋月重看未死年已有蛩吟供鼓吹更教蟾影
送嬋娟清虛畧與人間別霄漢何時返謫仙

贈醫者

蜀醫罷採藥暫過成都肆懸壺東城隈清江照疎卉

一七起我病二豎皆奔躋更欲從君遊虛心餌初氣

答羅弘載自河東寄懷之作

戢戢中條山湯湯黃河流灝氣鬱磅礴君行淹此留
雄圖當健筆壯懷據遠遊寄我見懷作高朗凌滄洲
伏枕啟素絨展讀豁窮愁蜀山高萬疊道路中阻修
東望函谷關淩秋紫翠浮聞君來有日使我積病瘳
何當駕日車飛墮錦江頭磊落談今古質論窮討蒐
俯仰衡身世庶以平怨尤

十月五日錦城聞鴈

谷口山房詩集

卷之二十八

三

蜀道集

蜀天稀見鴈行來曉起初聞旅思催十月霜林小搖
落千山猿峽共悲哀音書抵壁空勞望繪繳連雲豈
浪猜此日巴渝稻梁盡衡陽總阻莫重回

甲子長至日成都院中

錦城陰重曉寒增鼓角喧闐惱夙興人事知難回剝
盡天時且喜得陽升常愁倚酒偏遭禁困學攤書尙
未能老病那能棲幕府謀生酬遇兩何憑

逮兒生家書到蜀

兒舉過彌月家書到蜀門化成天地德長養帝王恩

且喜生如達何妨蠶勝豚祇傷不見祖貽美慰朝昏

劇病

劇病休眠食支牀閱晦明聞吹知漏下聽礮卜天晴
藥裹行多積妻孥遠不驚何當將老骨生送返柴荆

冬暄

蜀國冬暄屢霜林葉始稀天晴乾鵲喜日暖凍蠅飛
荏苒將除歲蹉跎未息機依人裘盡敝且得省添衣

成都冬日雜興四首

聖主勤民切巡遊豈待春蜀除歡率土補助首東人

谷口山房詩集

卷之二十八

三

蜀道集

輜載供儲御行宮禮舊臣時上東巡至大學士馮溥等來謁

召見賜茶可憐先餓餒時充東藏饑民多餓死不見翠華新

其二

過岱稱殷禮燔柴異矯誣鸞旂轉吳會龍舸下

江都觀海知軍計臨河覽漕輸太平多儆戒水旱動

交呼

其三

時太和殿大工將鳩諸省查楠杉材木報齊部議照湖南例令各官蠲運

宣政宜更煥江湖送棟梁多方貢材產百職效輸將

部使軺車急各省俱差部員督運遐陬道路長武功新奏樂匠

石有輝光

其四

生事嗟何賴時幾未得安斗箕空杼柚星留罷漁竿
歲月冬陰疾人情蜀道難幕遊寧久計年力祗衰殘
晴二首

病客喜天晴牀間射影明却眠還展卷炮藥屢看鐙
迂拙存吾道艱難送此生兒童漸長大好埋入山簾

其二

漸喜能辭酒難忘是作詩妻孥猶繫累心性日荒萎
谷口山房詩集 卷之二十八 古 蜀道集

身世無時了情緣總自爲會須謝塵境寂寞守茅茨

冬日見蠅漫成

蜀天冬異候當食見蒼蠅化育無良惡營爲別愛憎
全生寒不蟄逐臭爾猶能未忍乘危困人間撲豈勝

瓶中臘梅

是花獨占臘瓶注數枝黃但使同清冷寧辭屢折傷
幕溪孤照影惟暖倍生香莫漫矜繁杏榮華在日旁

其二

冬芳出澁院已恨折來遲不是偶分得開殘人豈知

何時霜重外獨把歲寒枝徒映眉間色言歸未有期

蜀道

蜀道青天上鄉心白屋邊羶腥憎不飽畦圃種何緣
防驚思綢戶觀魚未把筌虛名終是累詩卷擬全捐

臘月五日

季冬五日錦江頭節物關心憶故丘妻子朝應熬豆
粥老翁口分也須留

蜀州竹枝詞

西川天府古傳聞亂後荒涼但野雲盡日行來煙火
谷口山房詩集 卷之二十八 五 蜀道集

絕中途賣食是塘軍

其二

山隈水滸少田疇隴畔猶存枳棘稠原野盡爲狐兔
宅城中禾麥轉油油

其三

戍卒徭夫與市坊秦人十分九人疆看山知已過雲
棧聽語猶疑在故鄉

其四

到來州邑盡頽垣土掩單扉偶半存呀缺通人隨處

無分啟閉用監門

其五

斫畚健婦涉春澗
跣足開襟髮似繁
見客逕門還歛
拜謂人猶作女郎看

其六

近牛蜀主傳開峽
躍馬公孫亦築城
爭似青衣躬自
牧蠶桑萬古瞻民生

其七

鹽井開山僅一團
神工鬼鑿見應稀
煎鍋報課三年

谷口山房詩集

卷之二十八

十六

蜀道集

例汲瀆垂筒百丈機

其八

神炎火井利何饒
炊食煎鹽照黑宵
近戶未嘗識薪
燭竹筒歲用不曾燒

其九

山井幽深產石油
能然陰火泛江流
貧家忍臭明長
夜軍寨儲膏焚敵舟

其十

十畝熟田一報官
當穀年租賦及春
完蜀民不苦常

供稅外派多如野簇攢

其十一

站倒民逃事可傷
衝途力役更難當
山中大有居人
在歛助金錢飽吏囊

其十二

土司印紙世相傳
尾大堪憂自昔年
賸有黃金排密
關吞隣專利肆驕虔

其十三

錦扇當年竝絕倫
金鍾綵錯獻楓宸
人亡法失泉刀

谷口山房詩集

卷之二十八

十七

蜀道集

紉潞紵青陽薦上賓

其十四

宮槿由來療癰宜
亂餘根委總無遺
都人猶自徵多
餉剥盡江頭野樹皮

其十五

側生附子本烏頭
壯火回陽力最優
一自彰明歸併
後至今檄取累綿州

其十六

榮雅山連內外黃
菊心雞爪氣清涼
達官使客爭求

紫涌值翻令過別鄉

其十七

諸葛勲名盛此鄉土人報賽比城隍當年盡瘁酬三
顧那計千秋俎豆長

其十八

百花潭水少城西斷梗荒烟一望迷爲問草堂杜工
部無人知道浣花溪

其十九

路旁司馬有題橋欲貴辭貧逞學饒爭解德言誰本
谷口山房詩集 卷之二十八 六 蜀道集

未開邊勸禪動煩驚

其二十

錦江染紙比霞天此日難求玉版堅蕉葉堪書寧耐
久無由却覓薛濤箋

其二十一

朱泥鴛瓦儼猶存貢院全因蜀府垣竊據相沿迷等
級土人只喚正陽門

其二十二

涪州鮮荔豔芙蓉閩粵相形此不如今日諸方無遠

貢止教江左進鮮魚

友人書至自景陵聞吳晞齋孝廉譚灌村侍講

先後俱亡志傷因念邑中諸老友遂連及之

不復忌存歿相蒙也

孝廉貧讀五車書太史耽幽厭石渠豈謂一時同下

世遂教三澁感過廬典型吾道傷凋謝文雅斯人忍

墓墟他日竟陵總重到與誰還往共盤蔬

其二

能詩鹿柴譚籍友夏先生次子老風流書法還看小宋戴祁優茂才
谷口山房詩集 卷之二十八 九 蜀道集

巾水醇醪應賸蓄寒河松桂可無憂桐鄉有夢仍頻

到劍閣何心更薄遊蔬食布衣安穩得莫將榮利換

窮愁

其三

茂才自署古遺民謂王爾昌高士豪邁風流老未泯野服過
從譚謂鹿柴共爾窮居懷抱鬱難伸耕田完賦州慵入

課讀辭名子未嗔昔別已憐竝衰白山川迢遞見何

因

聞孫豹人近爲湖廣制府延入幕中

孫郎聞在楚江濱制府延師比上賓兒女債多真是累詩篇名重未爲貪心休顏面沃同緒吟苦鬚眉光似銀嘆我嫁衣連篋棄却縫雲錦被他人

冬陰

錦城歲暮還連陰北風颼颼吹擁衾梅花纔綻香未遠柳條欲綠寒難禁病痾逾旬扶枕坐情思怫鬱生沈吟故鄉東望不可見繁雲滿眼翳層岑古來拂意亦多有長戚毋乃細人心春風轉眼鴈北返輕裝早逐歸飛禽

谷中山房詩集

卷之二十八

二

蜀道集

童子自院後內室折得梅花一枝注瓶漫成

院後梅初放凌寒見化工折來華屋下春入小牕中禁隔遊人阻交加雜樹蒙可憐兩株好開落任天風冬杪成都懷方田伯京師

憐爾同羈旅依人老大過高堂貧且健孫子累還多思夢燕山遠冬陰蜀徼和風塵頻卒歲生事日蹉跎

懷張溫如蘇州

張子吳門在飄零亦可傷微名真是累本計轉成荒有子還耕讀甘貧乃故常北堂髮垂白那得不歸鄉

病感

水土蜀鄉惡頗教旅病生囊貧艱藥餌胸痞罷魚羹驕蹇終何理幽憂實釀成危身養妻子本末重還輕

鼓角

殘年遠客病支離昏曉喧煩奈爾欺半世孤踪聽厭耳僧房功課戟門吹

病夜

霜風颼颼硯池冰塞牖關門悶不勝病坐擁衾誰見伴一瓶梅藥對寒燈

谷中山房詩集

卷之二十八

三

蜀道集

粟米飲

魚子勻圓金粟胎病中煎食困脾開故鄉此日同珠貴裝裹全經棧閣來

菰菹

醃菹巧擇嫩菰心痘疹當年嗜此淩祖母口含親自喂空孤思育到如今

不眠

歷歷更籌轉沈沈夜氣幽不眠聽每徹遠思夢何由糧食難饘粥酬醫典敝裘勞生多疾苦何道盡教瘳

故國

故國荒逾甚他鄉望已非殘冬來鴈少遠道見書稀
篝火夜溫藥增寒朝襲衣空囊兼疾病那得便言歸

谷口山房詩集

卷之二十八

五

蜀道集

谷口山房詩集卷之二十九

蜀道集二

涇陽李念慈劬菴甫著

曉晴

起坐云何喜童兒報曉晴開門紅日上著體峭寒輕
牛馬憑人喚飛揚羨鳥鳴春風有高興終傍棧雲行

苦役行

隴山蜀嶺千回盤清江中怒流彎環跋涉春來竟何
意殘歲行徂客未還况復秦蜀俱饑饉橫征雜役何

谷口山房詩集

卷之二十九

一

蜀道集

曾寬大吏不省守令恣沒吸脂髓奉上官西蜀更遭
運木役部議用費責官捐估計上聞纔十一餘者暗
已出編氓今奉 詔旨名愈正奸胥豪隸橫摧殘斯
役寧止費百萬一株役夫動千人吁嗟饑民皆瘦骨
豈復堪此重勞煩剗石架林出幽壑嶽峯紆曲盡艱
難兼之部使臨驅迫所司陪奉同崩奔飲食饋餉若
流水供億那恤心肉剗秦民幸且免此役死者爲解
生猶存老眼半昏忍見此從中贊畫非我專武功甫
奏尋土木古來殷鑒戒相玉罷開小吏髮垂白額開

無路空悲酸樓遲暮下意不樂拂衣欲就青城山

冬蕉

冬蕉窗外對傷神敗葉枯乾似老人全性自歸根抵
在順時莫向雪霜噴也隨蒲柳悲同謝難比松筠愧
此身計日春風勝寒沍拂雲承日却相親

冬日病臥榻上作

聞道今宵月寒光滿院新病中聽卜喜窗外阻還噴
玉壘看應見璃江望可親誰憐彌天宇不照向隅人

帳中梅花

峽口山房詩集

卷之二十九

二

蜀道集

梅花移向帳中親暖室溫香迴貯春未絕人情聊狎
俗細推物理轉傷神重憐猶恐遠天性漫折終然損
至真誰信他時能結實待輸鼎萬獻楓宸

冬杪成都喜潘仲錫遂至

故人離濶每相望今日公然到我傍一別星沙催鬢
改重來蜀道見梅芳文情且喜前期續藥物從聞此
地良一七須教藕久臥好乘花月共壺觴

病中

病中殘歲暗消除力弱心煩百事疎家信到來還起

讀友朋過問對長吁不眠枕上詩篇積止飲囊中酒
價餘晴日偶從牕下坐輕塵撲滿手鈔書

家信

今朝天氣好病起坐晴牕家信來千里封題見一雙
累囊兼土物飛興著清江歸路遵荊郢無爲守此邦

課童子補離門

客居牕外近庖厨買竹編籬小院殊旋插繁花觀物
態少分風月作吾徒隄防雞豕乘疎入護惜芭蕉待
暖敷戶扇破殘親督補春來啟閉正時須

峽口山房詩集

卷之二十九

三

蜀道集

韓公堂側增置漏鼓

巡警中堂疊鼓傳空囊客子本安眠無端却教相煩
聒徹夜驚心在耳邊

其二

家遠年饑旅客愁晨勞西息病難瘳自從隣壁添雞
鼓并失中宵一覺休

追懷內弟常靜伯四首

最憐吾內弟伯氏比元方親老身先歿文成命可傷
諸昆惟仲在多于有鐸良幼學肩隨日追思淚滿牀

其二

副車非穎脫得失竟何如一榜名難得三鱣望亦虛
家嚴清白遠祖澤隕衰餘遺室蠟蛸滿庭封舊讀書

其三

撫棺曾不及幽室幸能歸嫠婦貞心在遺孤作業微
思親惟見舅傷逝忍過扉宅相吾同負憂心慘落暉

其四

季弟還英少春池自掇芹可憐先下地不及慰衰親
齒髮悲遲暮生涯厭苦辛風塵寧久駐且得代昏晨

谷口山房詩集

卷之二十九

四

蜀道集

盛筵

達官一夕譙貪家終歲食同室疊主賓約計千金直
觥籌連旬日中人產可則父子夫婦間交錯樂窮極
坐前列方丈簾外紛匏華清歌逾夜分烏履相克塞
進食役百夫燈燭照煌感由來毛裏天親屏緣飾
文勝情或踈崇華愁損寔新事良可已王制各有
式繁侈互凌權母乃滋營逼况聞古大臣自奉多儉
衛胡不以斯費旁推建窮識潛泊可風廉寬從贈耕
織我本罷休吏依人代筆疊窮年惟限俸舉家食一

力覩茲禮數寬氣懾目駭側餘波非所冀秉心轉自

飭古風何時見殷憂方孔亟

後雜興三首

孝陵鍾阜下守祀禮原優拜奠申前命經臨表壯

猷江山觀六代華侈鑑千秋天塹今無險金焦引

御舟

其二

闕里前經過回鑾及歲除特牲恭展謁盛典照青徐
禮樂崇文教羹墻見聖居侍臣親記注史冊首教書

谷口山房詩集

卷之二十九

五

蜀道集

其三

車駕迴江左諸王率旅趨旌旗巡濟上火烈照東都
祗取供清廟寧耽耽娛守臣拜宸翰文命并

昭蘇

成都懷吳野人吳天章兩詩人

今時詩比謫仙人河中才士有吳雯性地澄明瑩水
玉落筆超詣無纖塵泰州嘉紀亦同姓高渾宣朗尤
絕倫孤桐百尺少枝葉玉山萬丈立嶙峋二子俊才
不世有吁嗟凡手徒紛紜人生詞藻資學力立身植

德實本根吐棄煩囂窺道闕辟登泰嶽卑塵寰橫索
直探何不可藹如仁義成立言不然私累動牽蔽池
蛙豈足語高原紀也固窮絕仕進躬耕海上稱逸民
變雖坎壈困生計心空一切器渾淪我生胡爲攖世
網齷齪猶如抵觸藩悵望二子焉可學檢身撫景空
悲酸

得秦畱仙蒙 恩免推罷歸消息

錦城風急木葉凋聞君被逮屬西曹病中驚悸魂喪
失消息凝望天雲高邵傳 皇恩免推鞠數日始釋

谷口山房詩集 卷之二十九

六

蜀道集

心戰推得罪罷歸應自責反躬思咎莫囂囂高堂老
親垂白髮得還奉養亦幸叨人生窮達各定分及時
竭力勉遊敖君家名園好澗水春秋垂釣足逍遙惠
山佳釀味清聖忘憂須酌長生瓢他日野服遠相訪
烹鮮把酒揮微毫

成都院中祀龍作

媚神非所能敬神致遠越東厨司命君於人亦孔切
貴賤及賢愚誰能誓絕齋祀以報功匪云苟諂悅
旅中百事窘肴核止薄劣所費僅寸誠歲暮聊自竭

俗謂神式憑善惡輒伺察茲夕實登天謁帝備陳說
果爾正直言豈爲酒食奪雞鳴舜跖分方寸神所窟
自反苟多悔案盛空爾絜

臘二十七夜雪

殘冬餘兩日微霰集初更響入乾蕉裏猶疑秋雨敲

冬雪

夜雪飄還止客心轉感酸朦朧窗紙黑淅淅布衾寒
故國今荒歉他鄉亦曠乾春田愁失種身世豈能安

甲子除夕成都作

谷口山房詩集 卷之二十九

七

蜀道集

春至愁仍至年除恨不除憂時心力憊諸俗性情踈
妻子憑饑餓遭逢任迫紆那將多病骨垂老困趨趨
其二

甲子還周運徒知入上元淳熙幾時見文具且空煩
浪跡山河阻塵埋日月奔何當看化洽耕鑿穩衡門
又

念載初歸席未溫迫行西到大江源那知歲酒遣家
室又看春幡在蜀門青竹驅魔還禁爆濕薪燒火久
無益但教吏庸民安樂貧病他鄉總不諱

乙丑元旦昧爽作

流光不少息夢覺已新春觀化知更代勞生急旦展
茫茫千載事袞袞百年身聞道慙皆妄何時返我真

其二

妻子真吾累相催更遠遊青山空有待白髮未容休
梁稻悲陽鳥冠裳嘆沐猴將身逐衰謝長此豈良謀

元日立春

春去亦知歸晴檐旭日霏氣蒸梅馥馥色著柳依依
鏤勝花生剪苦辛溼衣客行寧得似歲歲到柴扉

谷口山房詩集

卷之二十九

八

蜀道集

元日初度

五十還過八歲人思親獨感負生身殘年夜去臨初
度元朔朝來已上春是歲元自分歸休甘憇息誰教

衰白更風塵始知存令多寬大垂老思爲化日民

又

萬國朝元日千官奉朔時吾辰偶相值窮老更何爲
歲酒思親罷流年撫節悲不須去貧賤浚恐及磷緇

正月二日中丞韓公家宴院中東偏草閣觀爨

僧奏技因竝過射覆記盛

鞦韆

上日多游宴春歡迂翟幃天魔晴畫舞鈴閣畫簾圍
移席過熊館張弓落雉翬夜歸燈火亂鄰壁借光輝
隔院鞦韆表絳旗畫梁繡柱朱繩垂蓮花鏤板錯金
縷宮鞋淺踏凌雲起一蹴再蹴高出牆春風吹捲羅
衣裳倏忽去來看不定搖情竚立心傍徨

乙丑人日喜晴

新春六日多陰晦此日欣看霽色明暖入江城蘓病
骨和微海宇遂民生郎看歸馬兵戈息更祝逢年穀
谷口山房詩集 卷之二十九 九 蜀道集

築成建造巡遊惟暫役憂勤浚見 聖人情

蜀州人日見庭下芭蕉

蕉心抽暗綠人日見新滋春色已如此羈人空復知
壯懷消暮齒華髮負清時回首江天外烟霄志未隳
初春出成都北郊昭覺寺與丈雪和尚少話

一室終年坐今晨出郭遊老僧更喪亂清話少淹留
春霽氣全暖機忘心暫休連山青在望歸路豈難求

謁漢昭烈皇帝陵

昭烈園陵溪水東春郊荒草夕陽中異時運數風雲

息隔院君臣俎豆同祠即在陵東數武後祀武侯旁列閣張龐貴諸臣三顧求賢延漢祀數回忍挫就成功念吳失計連營沒遺詔猶能見至公

謁諸葛武侯祠卽過草堂寺杜工部浣花別墅杜陵別墅隱祇林諸葛祠堂背水潯籬壁尚餘蘿裊裊階墀無復栢森森文章忠悃留詩史先後君臣共茲歆遺跡相望春草裏日斜梁甫想高吟

萬里橋

文禕聘東吳羣公祖江涘供帳蔽津梁旌旗照流水谷口山房詩集卷之二十九十蜀道集

及時就功名豈敢辭萬里顧我但饑驅胡爲遠到此偃蹇常依人蹉跎送暮齒夙昔惜折腰不爲五斗米今也獨何心反求生內耻上慚飯牛翁下愧屠羊子逝將守丘園返駕從茲始

峩眉

聞道峩眉頂高寒不易登三時雪迷徑萬點葉飄燈火米米之克香積黃齏厭老僧裹糧應及夏瓢笠我猶能

壽雲

春天翻欲雪一氣厚凝陰柳東難佳色鶯寒滯好音敝裘曾不釋濁酒且相尋何日披浚霧青郊散客襟

短髮

春風吹短髮不與衆芳新夢裏仍爲客詩篇近得鄰千秋良有分百歲總非真憂患寧吾累學知狎萬人圍巷

有感

且喜無常局消閒偶賴渠心神能自致憂患暫教虛歛子爭何在輸人樂有餘寸陰終可惜悞卻數編書谷口山房詩集卷之二十九十蜀道集

老來故處但求安幕府偏驚蜀道難閱世行藏真太拙逢人顏面盡須看常愁空對方春酒善病仍虛卜夜歡承意望風渾不及祇應歸臥守衰殘

枕上

心弱睡偏醒殷憂發夜中江關千嶂遠客思幾時窮急警枕邊鼓常鳴何寺鐘久聽成慣習翻喜耳微聾

其二

貪眠猶困磬鼓角早相催小院曉光入家園春夢回年豐妻子餓愁劇鬢毛摧且喜新來健還能近酒杯

睡醒

睡醒已雞啼虛牕月影西餘醒思苦飲殘夢戀衡樓
老景休看劍春郊阻杖藜依人窮齒髮淡覺負山妻
聞沈宮詹繹堂卒於京師感傷而作

宮詹忽隕歿計聞使我傷一官不得調留滯八年彊
紛紛後來者疾驅同飛揚東宮雖清秩鹽齏實飽嘗
負責不得歸麟麟迴中腸文詞何爾雅書兼董米長
此事頗爲累求乞走四方煩勞厭衆欲晏食或未遑
多病無由息飲藥如水漿參朮常不給焉能起羸疴
谷口山房詩集 卷之二十九 三 蜀道集

暫寓

暫寓尋幽僻祇林委巷通身輕仍劍外意愜卽牆東
楊柳周垣綠天桃遶殿紅春光無限好爭似在樊籠
嫁妾篇爲程翁作

程翁燕趙客慷慨古風存辭家渡湘水仗策從戎軒
功成無逸豫獨居過十年其友代置妾有美來章門

光彩照一室窈窕垂雙鬟左右咸驚羨疑是謫僊人

翁見乃嗟歎訝彼禮度溫問知名家裔義氣生眠跽
謂我齒髮暮迴異偕老綠幡然出房幃呼媒來近前
別當覓嘉耦斛珠非所論淵幕有徐君齒長嗣未蕃
厚奩飾相贈碧玉瓜尙全義等還蜀女情殊贈後軍
英雄多曠舉此事况存仁我昔遊長沙曾聞自友人
及茲悉始末詠歌聊長言庶幾激荒淫采風遠播傳
出成都過萬里橋

萬里行方始春浹度此橋歸秦須幾日去蜀又今朝
谷口山房詩集 卷之二十九 三 蜀道集

臭腐心何戀江湖興頗饒出門纔數里已覺襲風颭
入舟

辭幕心初適入舟興倍加清看江色好白望嶺雲賒
燕子棲崖鐸鷗鷺立釣槎物情皆有託客意豈忘家
新津早發

清溪帶亘山逶迤下江口綿岡遙遠近蒙密見林藪
蜿蜒逐客舟勢如龍蛇走磊磊嵌空石鬱鬱新舒柳
昨朝驅馬來橫望儼夾右今晨忽在左有若相須友
呶啞槳轂高喧歷灘浪吼急流翻曉日明滅照顏垢

一年滯西蜀三春向南斗生理那可量人事嗟難久
山川動高興放懷寄春酒憂樂終何常轉眼皆微帚
垂老信自然臨江掉白首

嘉定舟發

春江淥於酒騁望洗煩囂三塔憑山峻孤城累石牢
他鄉還信羨急飲念民勞雅水東南會清溪送客舫
江宿望犍爲縣

荒城無齒堞累石象平臺千樹桑桑密一江錦浪迴
開疆思漢郡作賦憶揚才徒想青衣教新絲重歛催

谷口山房詩集

卷之二十九

十四

蜀道集

嘉州雨泊望峨眉不得

江湖盜賊繁舟行須多侶衆慮期無虞動止敢自主
我眉登亦近欲往羣情阻晨朝抵嘉州老眼費凝佇
夜來雨打篷濕雲暗春浦咫尺望猶迷百里胡能覩
不知大戕峯去天有幾許賈人趨利便君子懷霞舉
幽願恐復違惘惘意獨苦

過嘉州大佛閣

嘉州大佛閣巍煥自昔聞鑿山成巨體崇高絕等倫
三百六十尺突兀臨江尊外有重檐護俯看大江奔

浩劫纏兵火閣燬自何年金碧隨流水支撐不復存
我來弔遺跡但見草木蕃其外有數佛尋丈猶兒孫
谷內望危石風雨積苦痕面目遠難識入畏豺虎吞
嘆息衰季世多難及鬼神古來名勝地盛衰各有緣
金石終銷燬吾生更何論

覆舟

灘險驚濤急行舟觸石翻長年檢篷櫓賈客坐煩冤
白粳空潭影文流自浪痕風波一不慎陷溺向誰論

雨泊叙州城下

谷口山房詩集

卷之二十九

十五

蜀道集

春雨滴江鳴高山擁郡城漳波來六詔雲氣暗三桀
通畝開農務增濤迅客程舞雩連處處身去亦關情
納谿縣

風細雨綿綿高江放舸船鷗衝灘響疾櫓過漩痕圓
掠水燕兒小登盤魚舅鮮土產魚名其味甚佳滇池連樊道郵
騎入蠻烟

舟中吟望

蜀江風無浪蜀船少挂篷櫓鳴客未起蕩搖數里中
逆颿侵枕席春寒睡不濃短艙俯仰碍起坐卷微紅

手把杜陵詩高吟向長空諸將志感激詠懷意多風
大才遇不偶依人雪嶺東播遷跡非一下峽心忡忡
支離與飄泊今古將無同所恨手腕弱詠歌異沈雄
覽物再三歎千載欽遺蹤

汀津縣舟中感興

蒼崖翠木曉未分近望層山更出雲天水春游泥難
去巴江月峽遙氛氲西蜀久旱喜連雨稻秧漸下慰
農民幸免餓飽辦租稅大木運送方艱辛卽今處處
見逃逸秋冬之際那可言千年巨材盡斬伐佳產徒
客山山房詩集卷之二十九 去 蜀道集
滋鄉里宛何如樛櫟保丘壑匠石弗顧全天年不見
明季斲材出未得至今拋棄野水濱民間誰敢私取
用終成腐朽蝕沙痕吁嗟物情忌盛美休誇梁棟矜
奇珍

江曉

夜雨鳴孤枕春寒透薄襟溜波迴石嘴高響落楓林
早暮含多態哀歌發短吟層陰急愁思華髮恐難禁

渝州春泊

兩江夾還合一逕入孤城周堞巖崖削層巔井邑平

賈船來楚越風壤控蠻荆民力繁徭盡何由緩并征

其二

山郭百尋餘間閭高下居綠崖列廛肆置驛竝舟車
流寓多秦楚登盤偶筍魚年年三伏水平漲到階除

其三

萬戶孤城內蜀民八十家灘高森石笋鳳小入桐齋
據險終何益殘民實可嗟荒山悽望眼豺虎况交加

涪州

高堞臨江介衝州踞半山坊城外見艤艇雨中閒

客山山房詩集卷之二十九

去

蜀道集

栖託常多感逢迎有厚顏峽行多壯觀且得縱疎頑

江晴放舟

宿霧濕濛濛移時散曉風山光明樹綠日氣射江紅

橈動交行馬船開迅去鴻春深高峽內幾日到巴東

南陀夜泊

新月對蓬窗南陀俯石瀧背原田膾膾溜谷水淙淙
崖火明高屋灘聲噴夜江雄圖逐波逝日覺壯心降

峽舟

篷屋通船覆風廊逐水移行音杭橈爭撇旋續竹員登

危覽勝回青眼看山憶遠眉江程數灘瀨數問長年知

茅屋

茅屋依山曲零星傍熟田避苛甘近虎終畝久無隄
多難悲遺子貼危幸苟全何當賢長吏慈惠易鷹鷂
過鄆都縣懷張九苞明府并及令弟六翮

近縣江流直停橈放漫瀾奔泉爭亂石細雨灑清湍
冥府傳疑信究渠肆破殘故人遺愛在抗節竟休官

其二

谷口山房詩集

卷之二十九

文

蜀道集

大竹偕完節齊名本季方弟昆同困厄桑梓有輝光
論白虛封事雲陰暗帝閭遂初良自好直道豈應仁
忠州

峽內忠州雉堞高層樓翼瓦俯江皋越羅吳紵來千
裏蜀藥邛材下百生東郭人家盡山麓西坪烟火壑
城壕亂餘生聚稀曾元波麥春風政醇陶

萬縣雷雨早發

濃塗雷雨萬山昏逆籟壅濤打石根急湍下灘真破
浪驚波激旋屢銷魂江船乘漲疾春鳥峽宿懷人愁

夜猿盜賊虎狼行處有風波榛棘盛憂煩

夔州府

江畔羣峯過雨痕高原戴堞俯江奔岸邊八陳遺籌
策峽口雙崖壯石門疏鑿由來懷夏后雄圖無復見
公孫并吞竊據猶今日恃險何如祇德尊

八陳圖

八陳夔峽口行列平灘上濤擁石不移神異經伏漲
千秋惟舊壘今春忽變狀左存右半晦相傳事驚翔
將無泰運新率土休兵仗壁壘不復用遺蹟示微嚮

谷口山房詩集

卷之二十九

文

蜀道集

男耕女得織朝野同禮讓教兒送餘年聽令樂扶杖
恐是老眼昏日氣迷眺望展轉撫懷抱高城駐惆悵

滯湏堆

巨石出洪流獨立瞿唐口孤根蟠水府龍居悶浚黝
險戒裂馬浮喧駭鯨鯢吼長年狎奔濤氣酣如中酒
我來春水平想像敏捷手兩崖皆削成延佇眩仰首
三城踞層巔殘堞荆榛久緬彼雄傑人霸王今何有
德盛無堅壁形勢亦芻狗

瞿唐峽

羣山忽迫隘蒼崖勢相薄呀缺納洪濤高江赴束約
奔峭聯突兀巖崖對剗削有時噴盤渦飄流互石脚
橫梁或中斷遺痕猶禹鑿偃僂俯顛腰崩嵌虛巖齧
數里氣微杼有如解搏格日入江色明峽展天面擴
出險帶南紀匯羣朝巨壑却憶去年春西征歷棧閣
登頓雖苦辛攀緣各附著舟楫本無根峽江下彌惡
古人戒垂堂保身良有託胡爲逐物役乘陵駭遠魄
何時休行適名山住芒屨結廬穩青巖吟嘯向寥廓

白帝城

谷口山房詩集

卷之二十九

二

蜀道集

古堞臨天險江山鎖蜀門豈知巴峽內復有漢兵屯
居守代頻易感懷形尙存自來多反側淩阻爲誰藩

巫峽

迴合疑無路奔流入峽淩兩岸峯峭削三月氣蕭森
雲雨迷朝暮江山亘古今禹功誰復念空自羨荒淫

巫山

巫嶺臨淩江連峯各娟妙天作十二樓削成帶奔峭
霄宇延虛碧晴日開朗曜神女來何峯行雲日罩罩
麗詞宋玉筆荒淫楚王好陽臺事有無時俗空妄冒

仙靈冥情識躡景遺世樂脫畧傳疑譏顧向洛神笑
漾舟下春峽仰首一憑弔潔齋佇高真馳情愛雲嶠

巴東舟中

輕舟下高峽急湍趁朝晴灘響猶岷漲郵籤已楚程
江山延勝賞衰病厭長征不盡烟霄興還同春水生

山半杜鵑花

昔聞杜鵑鳥今見杜鵑花已少朱顏映憑教碧樹遮
雨昏籠宿火風急散高霞恐是啼春血哀鳴染蜀葩

長江

谷口山房詩集

卷之二十九

三

蜀道集

長江下三峽水色碧于油瀨淺浪花惡夜淩猿嘯愁
颺旗防汛卒急鼓上灘舟出險心初放平原見峽州

夔陵

羣山行忽盡出谷見州城高岸千層集平江匹練明
戰爭多昔壘隴壤破春耕重鎮藩荆楚商船仍夜驚

峽山

峽山入西楚石勢倍欽崱嶄削親天上巉巖插水淩
生成猶䟽鑿行邁抵登臨頗遂幽尋願無爲去國吟

出峽

出峽眺芳洲澄江緩緩流驚心辭噴漩豁眼見田疇
盜賊舟人戒權關賈客愁荆南屯禁旅寓處恐難求

江雨

江雨夜淩聞春山曉未分滴波殷細細滋曉影紛紛
逼厭蓬牕底喧交賈客羣明朝殊水陸擊楫弄清芬

谷口山房詩集

卷之二十九

五

蜀道集

谷口山房詩集卷之三十

源游集

乙丑冬養病鄂州湖北撫軍石公欲延入幕中謝病不起十月遂遊漢口十二月

抄東下十二月少停皖城旋下秋浦度歲欲訪督學江南醒齋翁不果丙寅正月遂溯江上至從陽鎮停寓遊達近舊交來晤酣暢彌月復登舟上皖江入楚過黃州越武昌寓江陵五月錢子庸請至竟陵受代邑累至此方了旋復上江陵八月以緩達將軍蔡自漢來乃往武陵迎晤因遂留武陵匝歲至丁卯秋楊退菴出撫上江遣人相送八月乃去常德道荆南竟陵武昌九月初至皖沿泗一水往復上下病病禁思并斷絕一切交游謠會之勞僅得古今體詩四十有首

涇陽李念慈劬菴甫著

谷口山房詩集

卷之三十

一

源游集

蚤寒時擬訪友江南

十月凝霜雨乍晴重寒侵被夢難成沈疴日覺遽生
理養拙何心遠世名戶外雲濤三澀水望中樓堞九
江城故人此去多相見白酒黃柑取次擎

乙丑冬杪皖城別居停主人卻下秋浦

皖上主人能好客彌旬雨雪不知寒江行卻逐千帆
發歲暮空懷半榻安夢去秦關徒有望經來蜀道豈
辭難重過定赴梅花約待把春杯向暖看

乙丑除夕池州

不謂逢除夕今年落此邦買薪愁濕燼撥火閉寒窗
吳楚空行邁年華迅急淙窮途兼雨雪轉覺妄心降
丙寅元日池州作

羈棲逢雨雪元日得春陽訪舊過官舍是日訪宗鶴
問于池州學

宮攜僂步石梁養病詩總廢耽酒興猶長望道思空
切觀心累未忘

辛廣文鶴問邀飲新移寓舍

咄咄侵陵講肆虛先生小宅近城隅屠蕪春酒還邀
客首藉辛盤且鱸魚邦上交遊頭並白江邊憑弔意

谷月山房詩集 卷之三十 二 源游集

難舒惟憐九子青當戶差勝談經在石渠

杏花村詩池郡西舊有杏花村因唐杜牧之刺
郡時清明題詩得名亭久廢亦無復

花樹矣今郡司馬周重立坊曰古
杏花村又有黃公酒壚并存

花亭倚西郭村逕近如何司馬重坊表遊人繫杖過
詩篇傳古昔尊竿渺山河牧豎空來往牛羊日暮多

樅陽寓樓春晴二首

春色到樓居晴光滿太虛江山堪一望花柳漸教舒
多病休人事無營得自如龍眠青近縣吾欲寄精廬

其二

後院連山腳重檐攬曙暉偶來非盡興獨坐忽忘機
江月團圓上春雲片片飛夜來魂夢穩客意適如歸
過訪陳官儀遂阿山亭留飲

高亭引行展坐對北山樓樓為錢飲
光舊居嵐氣窗中合江

光檻外浮主人工翰墨客子愛淹留隨意開清酌風
流慰所求

不到樅陽三十年矣春過停寓承遠近諸友次

第來晤置酒話舊

融雪隨波江水春樅川隄柳挽行人舊遊詞客登門

谷月山房詩集 卷之三十 三 源游集

屢小市香醪到口醉三十流年真過隙五千玄解欲

藏身求魚爭似投竿穩白髮重來訪隱淪

雪晴錢西頑自青山來晤即事賦贈

失喜君來雪霽天即時邀集就人筵籃輿輕犯凝寒
出蠟屐先行衆客前時西頑年七十
餘健行過人耆舊典型餘幾

輩風塵聚散憶當年相憐白髮迷生事後會難期意

惘然

蚤春停寓樅陽邀桐城友人出晤承羣公枉駕

譙集即話別之楚即事

輕舟擢寒水江晴匹練光積雪在岸山瑩如削圭長

騁懷愛高潔擊楫傾清觴節移物候改梅柳含芬芳

歲晚下秋浦春帆落樅陽停居遲故人卜寓依山岡

憶昔過白門世平身正疆地主迴好客詞人蔚相望

隱淪訪顧紀謂與治伯
紫兩徵君先達接鄧元昭
翰林黃
給諫青錢

濟揮霍逢迎若故常看松長千里刻燭紫薇堂乘春

泛彭蠡及秋到桐鄉論文洽羣彥才思咸盧王酣暢

盡百日卻出蛟臺傍歡飲孫子穀舍瑜珥見兒郎是

時物力富民氣無周張所至必快意徵逐重文章回

谷山山房詩集 卷之三十 四 源游集

首三十載我髡已變霜老成半零落環顧生感傷政

煩民生蹙客行久垂囊晚計思深隱養痾焚遊裝舊

好數子存忍能遽高翔馳書辱枉駕雅集羅酒漿老

眼悅故舊逸興還飛揚良會惜難久相顧熱中腸明

朝荆楚去雲水浩茫茫

樅陽承方有懷遺詩賦答

春江停寓枉軒車十日淹留興有餘豈畏深泥遲返

駕還勞更使送來書醇醪屢餉先冬釀白粲頽遺上

稟儲稍待夏秋湖水盛卻尋前約造高居

皖城訪佟儼若得晤即留同皖士韓第七李文

海張引大小酌越日再集

竟慰懷人願新知樂放歌酒開藏醞美詩紀遠遊多

勝友欣相值清談得再過征途異南北遯別奈情何

復雨舟中作

蛟臺經月陰雲鎖雨雪春連客困坐楚江欲上不得

進人意每逢天事左昨宵雲卷帆可開獨犯洪濤放

輕舸狂飈吹合四山陰水宿魂驚浪顛簸本訝驟晴

星照泥畏聞復雨風搖柁罌中米盡囊少錢僮僕無

谷山山房詩集 卷之三十 五 源游集

聲愁向我荒港中宵防盜賊纍纍誰信虛裝畏人生

有涯老當休負責迫驅歸未可江湖漂轉謀計疎多

口空勞望舉火有才無命豈偶然古往今來盡轉軻

行吟金石彼何人計量米鹽良瑣瑣

田家鎮

偉聚大江濱侵籬楚水春神鴉迎客權山竹瞻居人

晚市青松嫩額過白髮新風波逐生事何處息吾身

過黃州贈王千允大行

師恩未報慙余拙世好重尋美爾賢江上才名見文

度斗邊行使待張騫許窺縹帙連高架自遣寬裳媚
盛筵莫戀鳳笙空費日須登 螭陛趁當年

其二

漢北曾經稅駕臨官貧解贈少兼金徒行卻枉乘軒
下盛節真增負咎深衰疾難爲牛馬走江山還費短
長吟故園草樹風飄裏枳棘何由息倦禽

其三

衫服堂前珥漢貂烏衣巷北美秦簫九老時有吳姜宅
板輿愛日行春澤玉鏡新吟和綺寮甲第連開輝

谷口山房詩集

卷之三十

六

源游集

棣萼輶車欲上直雲霄清辭與句應成帙肯餉舟中
慰寂寥

贈王子重吏部

世好黃州王吏部長城格律見斯人九流手序年方
壯萬卷胸藏氣自醇病裏枉存每徒步江邊談讌幾
凌晨全忘勢分過從適獨愛文章臭味真

其二

自得新詩手細鈔舟中吟誦對江郊雄音都已融全
雅餓腹何緣飫大庖此日新聲空瑣屑異時高唱亦

喧呶鯨魚驚海人難見不似螢光照草茅

其三

殘年白髮苦催人痴子貪嬉教未申天運可知惟進
酒人情日薄枉勞薪窮愁病痞妨耕讀歲月偷安喜
賤貧那得粗謀生事足從君學海試垂綸

皖江夕泊得同邑牛玄斐社丈手書并見懷近

體依韻奉答

雅集論文意不念魚書忽枉自池陽清詩夜把吳江
上思夢春馳洛社傍浪跡未消孟底興狂歌空長髯

谷口山房詩集

卷之三十

七

源游集

邊霜換驚咏鳳吾何敢俱答來詩中語才大終推老豫章

爲徐電發太史題楓江漁父小照

休沐歸來把菱荷絲綸聊復試清波得魚佐酒憑酣
臥不畏花磚日影過

其二

紅葉清江稱小舫文心秋映錦雲濤後車已載君休
住烟水應須讓我曹

和朱孟浦觀海作

狎鷗忽漫到天池蓬島神山意已馳萬里濤聲迴日

月九秋雲氣化鯨鯢虛傳波晏占中聖實恐塵揚失
後期方士乘舟常不返仙人瓜棗至今疑

重過竟陵居停吳中書館將去漫贈

修廊曲折透柴關澗院深堂茂綠間自是通人能繼
志其尊大人臨齋存日舊有亭子當書屋之前今移置西偏頓覺踈豁肯容狂客借偷閒
蘭膏夜映東西閣吳老兄弟讀書其中桂樹秋榮大小山更欲與君敦世好江湖每過就開顏

帥茂才向子見過有餽口占贈之

歲久人非眼倦留竟陵重過感前遊茂才猶自衝炎

谷口山房詩集

卷之三十

八

游

暑攜酒籠鷺餉故侯

其二

老去猶餘薄嗜存野芹煩斲種缸盆清香一種殊濃
厚滋味相宜是此根

樊茂才餉藏醢

老釀深藏歲十更酒人瞥見眼偏明知君謀向床頭
出難得家人不世情

寓中小亭納涼

小亭前面水之涯午坐追涼自煮茶長日南風吹不

息石床落滿梧桐花

荊州寓中納涼

北戶微風入茅簫得小涼幽居無剌啄竟月免衣裳
何日尋山洞披襟坐石牀陰崖看斲藥聊欲試休糧

題畫紫白二菊

為祖仁淵僉事

秋花紫兼白照映霜中發義不冒黃金相於愛晚節

贈戴凱友茂才

馬隊初投契深情久更新談經聞小戴好古近先民
生事妨吟讀移居閱苦辛能文兼孝友如爾豈常貧

谷口山房詩集

卷之三十

九

游

贈徐天植茂才

寺壁見題詩聞風最爾思避煩還浪跡倚玉愛清姿
累重生涯薄文成命達遲承顏兼兩世守道每忘飢
十月一日武陵客寓感懷

冬序九旬開朔旦孤踪千里滯江濱行違先壟非今
歲缺薦寒衣又此晨秦俗以此日製寒衣焚化先祠衰病每愁增藥餌
江且喜偃風塵時平萬國寬征歛有日歸為耕

稼民

冬杪武陵得王琴伯書知頃已辭撫軍幕暫留

鄂渚旋將下蘄州度歲

經時凝望故人書短札新來慰素居且喜身閒隨去
住免致嫌引阻鴻魚依棲何定傷行邁轉徙無端逼
歲除同是他鄉歸不得江湖雲水渺愁予

丁卯元日六十初度

歲序催吾老流光奈爾何有家常不返失意飽經過
甲子周還始庚寅降誕訖升沉同一往衰疾任蹉跎

武陵城外何新巷水樓

懸樓背郭席爲門層疊支撐架小軒朗水當窓明秀

谷口山房詩集

卷之三十

十

游

練枉山湧月落金罍幽樓自合鳬鷗狎大隱寧嫌
肆喧稍待天中看競渡羣龍角逐試騰騫

何新巷湧月樓

小閣臨江色中宵月影橫高懸東嶺碧迴入北窻明
輪起親天上光分破浪清洞庭沙渚白鳬鴈自相驚

客寓燕子至

燕子何方至今晨入戶飛不知同是客若爲暫相依
異地驚春暮他時美汝歸養雛兼辟世垂老意俱違

客病榻上作

負責歸無計沈痾祇自傷餘生且入境垂老任他鄉
妻子終何與才名亦可量素交半零落追逐意難忘

德山寺步碑上宋人原韻

烽火頻年剩此山花宮高處俯江灣行穿古木蒼藤
裏步入虛空杳霭間法續祖庭常夢想杖攜老友共
追攀武陵指顧風塵濤卻恨扁舟待客還

寄譚鹿柴七十

君不見竟陵寒河七十翁鬚眉皓白顏面紅幅巾往
杖畫圖裏吟詩行步春林中松竹覆茅四壁靜無衣

谷口山房詩集

卷之三十

十一

游

脫粟家屢空可憐遭時尙環巧名賢哲裔老厄窮
爲友更先妻寒子餓啼在側灑然會未索心胸達命
生次子

何難躋期畫冲虛道集乃固躬吾吟六斗機未息飢
驅奔走常西東多病蚤衰真自取望君賢達羞下風
他日相從醉春酒跪乞丹訣伏青龍

琵琶亭

步屨臨江岸琵琶送客亭哀絲千載怨遺恨數峯青
詞賦傳空遠風帆去不停白公今已往烟水日冥冥

小孤山

聳起中流欲刺天周遭銀浪噴回流上游雄長金焦
勝南飛孤撐底柱懸絕頂朱樓迴日月四時清碧落
風烟山僧乞米舟如葉獨擢欹危到客船

谷口山房詩集

卷之三十

三

游湖集

谷口山房詩集卷之三十一

皖江集

丁卯秋養病武陵楊退菴中丞撫皖相迎棹舟來就以下九月初到中丞猶未至乃往迎至秋港下五十里相見却同回至皖遂留其署內戊辰三月杪從中丞下白門至金閭五月還署十月申奉命移楚次月初遂相從去皖西上是役也中丞公爲念慈周親雖在其幕內不全以案牘相煩暇日殊多用休疾凡在皖年餘共得古近體詩八十一首

涇陽李念慈劬菴甫著

皖江舟中下迎楊退菴中丞

倦遊生計窄垂老更依人卻把廬江權真違楚岬
朝敷寬大政國用直方臣一德何當覩還令未

谷口山房詩集

卷之三十一

一

皖江集

俗淳

丁卯九日維舟荻港登驛後小山眺望遲楊中

丞未到

今年重九又舟中繫纜尋山望不窮荻岬秋花連港
白楓林寒葉待霜紅磊砢石引登高屐山多怪石峻峭磊落欹
側帆飛落帽風仗節故人今到否擬同樽酒酌陶公

皖城奉懷荊州司馬陳景白

斷酒辭交近二年過逢上佐禁全捐未登假館虛高
駕不憚淹留醉盛筵攬轡那成司隸志陳見貽馬題勒故及

身與見汝南賢長江一水連吳楚回首西雲意黯然
舟中卽事

侵星解行纜日入未得安朦朧洲渚引搖搖百丈牽
岸遠天宇濶月明江氣寒登磯聞急流乘溜避洄澗
嗟彼貧素子竟日難一餐跣足榛莽中單衣或不完
舟子忍驅迫簞下如雨攢力竭終難進僵臥草萊間
有生同一體勢異心何殘咫尺隔上聞何況限九關
目擊駭人情浩然發憂嘆

于皖城院中移居東偏別舍

谷口山房詩集 卷之三十一 二 皖江集

院內移居不出門短簷密室趲冬溫便堙北戶防風
利旋表明牕愛日暄鄉國妻孥愁短褐東南黎庶苦
喪發一身飽煖翻憂思大廈何由乞至尊

雪曉病起趙秋水見示夜酌呈楊中丞詩

疆起扶行欲倚欄卻回直畏雪風寒初知上夜開金
盞爲是中丞送玉盤佳句連篇傳盛節病身隣壁隔
清歡牕間把酒神飛舞心弱終愁屬和難

雪朝趙秋水以詩見訊

飛雪到簾櫳蕭蕭鎖院中飄多全委地舞密欲無餘

杖履今晨阻鐘磬昨夜同新詩垂問訊那復畏頭風
皖城院中病起喜接晤陳滌岑先輩

三十一年情契濶二千餘里夢相思蛟臺過去真無
奈前到橫陽不及候滌滌岑而去鎖院重逢詎有期痾疾頓忘高會
後鬚眉都異嚮遊時故交疆半皆塵土屈指從頭意
轉悲

皖城寒夜趙秋水繆乘六見過畱飲

獨坐羣書側扶筇二妙來懽然同笑語率爾命鐘鼎
雪氣寒深夜燈光動蚤梅清談多勝理不覺起衰頽

谷口山房詩集 卷之三十一 三 皖江集

先君生辰日悲感

自失趨庭壽年年感此辰客中牲禮闕病起淚痕新
家苦長貧計心傷漸老身兒曹雖記憶終恐異情親
冬日皖幕陳滌岑攜致方田伯畱訊手書怪其

舟過江門不一通晤

山下孤城俯大江吳雲楚雨落寒淙中丞操撫開金
戟幕府邀畱倒玉缸官舍書聲高出院膽瓶梅影瘦
橫牕故人舟楫朝經過惆悵空遺鯉一雙

瓶中臘梅纔含小苞慮津液未克不能開坼歎

蚤被摧折虧物本性有同人事愀然傷之

瓶中臘梅何天蟠童子擎來雜青篠枝橫鱗角自歌
斜苞含豆顆還眇小已傷攀折物性違更惜摧傷苦
太蚤冬寒雪深陽氣微津力何能達樹杪本枝斷絕
難再屬滋液虧傷待枯槁把殘空思映酒黃照影猶
憐當臆矯人生有才豈盡用遇殊事厄同腐草兵興
饑疫民命輕川原棄骨含霜晶生理本天詎未足中
札末由致完好玩物虧仁羣所忽獨對神傷悶清曉
冬夜皖城院中趙秋水招過同諸子小飲

谷口山房詩集

卷之三十一

四

皖江集

趨幕同爲客招攜訝爾偏過從宜皓月鮭菜費青錢
方物開行簾歡娛慰暮年笑言多妙理心醉易頽然
曉寒枕上作

譙樓鼓未休小院雞聲起襖被迴生寒北風打窻紙
丁卯除夕前四日奉陪中丞楊公退菴攜同

幕中諸姻友出郭遊覽酌讓泉漫興

歲暮休百工放衙弛蓮幕騎馬出北門遵塗轉西郭
天晴江色明雲歛山翠落衝城據高阜岡坳互叅錯
一氣相綿亘重掩疊跼尋幽得冽泉味甘勝乳酪

素綆引寒甕沃飲羣所託徐及瓶俱盈競取液或涸

教讓傳至今萬箴戒貪薄我來俯渟泓洗盞祛煩惡
冷然心肺清內熱忽已霍何當濬深源分流散民瘼
萬人咸給足飲聚得自若思義顧其名勝理廉知擴
皖城西郭謁余忠宣公祠墓

從死軍士千人分兩塚東西列于堂下後堂並塑同死夫人及子女三像

元代余公典祀存崇岡高塚照乾坤官軍同死標雙
壘忠孝全歸見一門天柱凌雲依氣節皖江激浪擁
精魂文經武緯千秋事報國刑家異代論

谷口山房詩集

卷之三十一

五

皖江集

皖江歲杪從中丞楊公登余公祠後大觀亭

覽眺

祠後危亭啟大觀檐楹儼人碧雲端病愁忽逐羣遊
釋沙樹還隨望眼寬巨堞重岡迴氣勢長江千舸下
風湍高牙控扼連吳楚暖律潛回萬壑寒

登鎮皖樓

鎮皖樓高俯大江歲寒沙遠暮潮降應知魏節臨無
外那藉層軒莫此邦風擁山雲浮畫棟日烘海氣入
晴窻春來和布舒梅柳好共凭欄倒玉缸

自城西放舟下樅陽門聯轡卽事

登山力微倦畫舫引江湄分局碁爭勝合歡酒倍醺
晴江明錦浪緩權殷清吹歸路還乘馬夕陽未覺移
謙兒至聞霍氏女歿詩以哭之

聰明真似我弄謹最情親每恨非男子何堪謝世人
傷心歲前字迸淚病餘身惆悵長牢落無能救汝貧

其二

配耦皆因命艱辛亦自貽尊嫜寧肯諒夫壻竟難親
夫愛人多有克諧汝未知老妻獨孤苦恐便促年衰

谷口山房詩集

卷之三十一

六

皖江集

其三

最苦人間事衰年喪所生獨餘弟單弱相伴父孤孀
舊枕畱描鳳遺書冷聚螢傍人難痛哭深夜自吞聲

其四

子女遺何倚空懷郝氏憐成童荒作業不嫁過笄年
夫壻真殊性阿翁最惜錢外家終隔膜無計爲陶甄

丁卯除夕皖江院中宴罷

守歲皖江邊更深罷綺筵從前皆去日已過是吾年
頌罷椒花久燈明栢院偏兒童雖長大未息老夫肩

元日初度感述

我命本戊辰陰陽理淡闊龍生重壤中掩抑何能事
猶憶父母言總角愛聰慧取次入學堂誦書了太義
國變家破衰生理苦凋敝蚤櫻俯仰憂奔走稔勞瘁
自重道未諳干謁資活計中年薦鄉闈尋與臨軒
試名次應部曹朝廷用新議移官郡士師內外等
升墜再改領百里勢格政繁累依例急催科誰忍驅
顛顛宋鵠只退飛風逆傷毛翅略識仕宦緣終鮮攸
往利託病辭微官聯期奉養遂豈謂風木悲老親遽
谷口山房詩集 卷之三十一 七 皖江集
捐弃有祿亦弗逮買米焉能饋那以骯髒驅徒爲妻
率使逝將隱名山學道還初志未免婚嫁牽難却友
朋誼陳力皖江濱微勞副掌記歲杪節序迫年衰光
景駛蹉跎六旬過千辰復初歲已覺痼疾纏偃臥屢
牀第心力久耗損在世寧久視所賴肺腑親程課因
責備調養食飲珍滋補復著費兒子並迎來晨昏有
趨侍故鄉老妻妾門戶猶兩地食指累他人寸心常
惴惴何時外內間生理粗位置策杖入三峰松林恣
容裔

立春日 楊中丞公招同幕中諸姻友讌集靜

觀堂觀劇

幕府張春宴高軒集衆賢歌長紅燭夜香暖蚤梅天
物態皆新意民生望有年何當江雨足于耜破郊田

春夜皖江院中雨集送章仲韜及令子聞修歸

山陰各爲一首贈之

夜雨延清酌春燈簇別筵却辭開府幕直下剡溪船

無策畱孫楚空思學計然材成爲世用焉往不逢年

右贈
仲韜

谷口山房詩集

卷之三十一

八

皖江集

其二

歎爾趨庭遠真成侍養歸帆檣風拂拂江渚雨霏霏
失路面顏好還鄉生事微只今年力壯未可戀郊扉
右贈其
子聞修

正月十四日晚城院中風雪屬 先慈忌辰感

慟

改歲仍畱帶心憂復此辰祭筵風動燭永日淚沾巾
南雪愁烏鳥江春躍紫鱗看人試鐙火獨坐倍傷神

其二

生事嗟無分重泉倘可依已看兒齒暮猶悵 母魂
違孫長迎新出家貧困不歸何時守祠宇淪薦故山

微

輓孫豹人中翰四首

鄂渚風寒憶別離錦江沅水重相思祇憐老有長貧
恨豈料生無再見期五嶽願違多累剩千秋文在大
名垂遺骸客葬還難計終窆空增後死悲

其二

豹人娶于三原石爲余祖母之姪孫女余
落余即就部辭官俱以薦舉待詔京師後同考
雖受中書職銜從不被章服乘輿馬

谷口山房詩集

卷之三十一

九

皖江集

君家內子吾同出萬石門高衍慶長神虎挂冠趨汚
北乘龍能賦重淮陽兒孫傳業姬荀叔舒俱有才好
學能世 操作甘貧有孟光不却時名仍布素義熙終
老嗣柴桑

其三

豹人舊擁厚貲有野柯園在維揚塲上後
以刻書結客所蓄散盡園並售與他人移
居東門曲巷後
又移大東關

塲上深園號野柯雞窗花逕舊相過高貲隨手消脂
穢委巷藏名蔭薛蘿詞客登門常問字嘉賓攜伎憶
徵歌草堂近住東城下宋宅揚亭隕淚多

其四 豹人舊遇有詩志一書貧不能梓其自著

世行

全拋生業愛宏辭妙選難成志可悲 天子徵賢虛

奉 詔中丞蠲俸爲傳詩情淡邦水論文日淚盡宜

城把計時 安慶府古宜城地 薄海交遊凋喪半故鄉寥落倍

思

代東索姚白菴畫花卉壺盃短障歌

昔有周副使遇物能寫生蟲魚兼卉木笥簾及瓶罍

果蔬菜蔬俱神妙落筆不獨傳其形副使歿後二十

谷口山房詩集 卷之三十一 十 皖江集

載學者摹擬誰能精姚生後起獨超詣推移變化由

神明哥窰藝文細水裂筠籠半絡疎織成內注雜花

分四面歌側向背各盡情恐是上苑採供御何人提

攜落銀屏史家砂壺製精雅惠泉罈水青銅鐙澹濃

兼取西國法陰凹用重陽用輕對此便欲把斟酌一

吸消我煩渴櫻凡此不須粉赭助灑墨獨運意經營

心墨合一應手出森然元氣中流行化工惆悵空姑

嫉芸生豈奈君腕靈古今幻怪何不有熟習終難獨

意爭秋過竟陵乞數筆迫促猶覺畱章程雖然寶愛

意未足至今懊惱心怛怛宣州玉版滑且白封題遙

寄君莫驚倘能揮灑還相餉潤筆不但陳醪醕先馳

長歌代東札能令千載傳君名裝成冊卷置行笥走

趨 北闕極南溟用呈作者代嚆矢亦足爲君增逢

迎

皖城春暮喜趙秋水長君函子趨省至皖旋送

歸廣平

遽使溪冬去皖江欲暮春初乘青雀舫來慰白頭人

藥物煩多餉詩篇可細論便聞歸有日懷抱詎能伸

谷口山房詩集 卷之三十一 十二 皖江集

其二

翼野浮雲外蕪關春水邊拏舟從此日把袂更何年

世業推劉向文章繼老泉趨庭還將母福澤羨君全

采石磯

危磯俯牛渚奔浪日崢嶸石出臨無地江溪觸劇鳴

風流懷太白功業憶開平暝色松林外空傷弔古情

贈鄭谷口

我家在谷口常懷鄭子真今逢谷口翁乃在長江濱

博雅窮圖籍好德追先民揮毫運雄腕隸書妙入神

微波如擘枝懸足似垂紳森然筆墨際蛟龍紛逸奔
漢法今絕響薪傳幸茲存旁工神農術精理洞本源
丈夫不仕宦利濟末由伸隱居市肆間亦可活斯人
我官雖久辭依然役此身勞心兼憂世抑鬱滋病根
賴君起沈痾健食走踈踈乞君肘後方載飛墨池銀
服傳延暮齒展對識古文全生歸舊里長與映松筠
戊辰初夏金陵贈王安節

昔我遊金陵獲交明農叟方爾止文君也其館甥似

續風流久亦如顯業梁子實外受顧與治夢游

谷口山房詩集卷之三十一 三 皖江集

能傳周櫟園先相對傾杯酒櫟園真愛

士賞音到瓦缶見爾好手神皎皎羣公右去茲二十

年重泛青谿口吁嗟三先生名在骨已朽落帆造君

居空望門前柳病起却招尋相見十日後丹藥手相

遺畫幅亦俱有交情與筆墨所事都不苟論文鄭君

座鄰谷洪鐘容筵扣定知風雅場他日瞻南斗白門

故舊稀君才誰與偶從此投微分應不棄老醜酒罷

念前游悽惻更回首

楊退菴中丞過京口諸屬酒邀登金山

慈病不能從舟中遙望步中丞韻

勝地曾邀 御蹕來維揚鐵甕對銜杯山高原自延

多景江遠何緣混點埃覽眺乍空層堞障山舊因海

城扼江殊 周遭突見曼廊迴沿山腹周廊獨憐臥病

從游隔倚杖惟應待卻回

奉陪 楊退菴中丞夜集梁溪秦畱仙太史園

林酣暢達曉明日重過遍觀池澗亭榭諸勝

卽事賦贈

名園看不厭來游幸茲仍主人夙期約良友興同乘

谷口山房詩集卷之三十一 三 皖江集

百里困風水月黑夜僂僂艤舟登綺筵危橋度凌兢

曲池映周廊上下見華鐙雅音旣迭奏藏醞傾如灑

情洽知漏促啟明條東昇曉色上山椒川氣相與澄

橫雲間林薄塔影落峻嶒朝爽蕩餘酣罷宴如夙興

其二

歡飲神微倦回舟聊憇止臺池迫嚮懷假寐還復起

遵塗見蒼林層閣引已展主人已前迎高軒散列几

澗聲漱哀玉泠泠聽未已罷食行遡源交柯蔭硯礪

曲折廻巖坳潺湲終在耳次第過亭軒松桂各蒼偉

茶竹及香樟 磨賞經移晷茲遊詫過分欄檻重徙
倚聽歌夜還來清音發妙理歸夢自茲休日向山園裏

惠泉

未覺中冷勝猶蒙第二名清甘資茗釀餽餉給公卿
素綆無停汲高源迴自盈操行如有愧飲啜亦堪驚

重登金山

名山經 駐輦崇飾壯皇輿城去江光見天晴石氣
舒修廊臨浩渺孤塔上清虛重過瞻 宸翰昇平仰

谷口山房詩集

卷之三十一

四

江集

令譽

泊舟燕子磯奉陪 楊退菴中丞遊弘濟寺夜

看燈船寺僧普公貽詩有十五年來見太平

之句和贈

山半禪林取次登臨江石檻暮同凭蒼崖覆屋懸千
尺不磴穿雲上百層玉梳紗籠明夜渚畫船繁吹從

中承老僧亦愛昇平象出定高巖看放燈

隨楊中丞至江寧制府署中寓西偏小院越日

將返皖城作

人生在一世受享各有涯所遇得賞心豈論久暫時

仲夏過金陵暑熱增煩疲因人寓公署幽賞寧敢期

西偏好亭館居停偶值之迴廊通曲室綺疏開四圍

菜竹覆後窗梧桐蔭前扉芳樹更雜植清陰交濃姿

披襟坐當中涼風自來吹稍西有水閣綠荷照漣漪

晨興迎朝爽夕坐納清颺時還乘良夜獨酌盡小卮

來時生明月馴看欲滿規所得已過分快意惟自知

便去亦何恨隨寓樂無虧買山久絕念種竹亦是癡

心幽境皆好陋巷真吾師

谷口山房詩集

卷之三十一

五

江集

楚警

滇黔兵罷幾經年又報新烽照楚天甲卒衝炎趨夏

口將軍逆浪進樓船即愁師旅騷多郡却恐供輸竭

近川民力東南猶未復 廟堂何幸計安全

其二

克錫類以舊制府筆帖式迫脅不從并妻

子逃出由安委也過京師告變參政程光

走卒鴟張事可駭飛蟲良自赴燈煤羣生重陷離居

苦急難空思濟變才暮佐輕燒江上至監司敝褐賦

中來斧柯兩葉爭遲速荆帥何需 詔令催

葉叅議殉難

公諱映榴字蒼梧辛丑進士江南上海人時任湖北糧儲道又副使

鄭僑生知府汪藻祖張邑知縣舉介眉汪順馬士烟通判朱榮祖張邑知縣舉介眉汪順馬雲會梁鳳翔布政司經歷馬煥曾縣丞惠之璉司獄汪金章俱拋棄妻子逃赴軍

偉哉葉叅議伏劍竭孤忠决烈光吾道艱危見士雄

江風引歸旄 卹典待平戎逸出拋妻子同時亦數

公

宣都閫

公諱德仁字元儒宣府人戊戌武進士

都閫不典兵城池非所司宣君已暮年獨能念名義

武昌叛卒橫官僚多逃避委身投短纆綱常此焉繫

谷巾山房詩集

卷之三十一

皖江集

亮節未 上聞 卹典何由致事平表遺忠我懷有

淡企

皖城院中避暑射圃高廳漫興

高軒臨曠處四面納疎風几榻攜相就炎蒸坐使空

扇爐煎綠茗籠燭護青蟲案牘無煩擾寬閒也自公

其二

皖口交吳楚中丞政教平和民多息事休衆罷觀兵

遠步容行藥長風自解醒晚涼時獨坐初月上東城

其三

西壁通鄰圃迂迴引步徐圓荷浮碧沼高柳蔭清渠

菜甲供時摘畦田看晚鉏微涼新雨過閒檢課兒書

夏目院中聞黃鳥

夏目貪涼睡起遲乍聞黃鳥囀高枝故園回首思千

里正是村中打麥時

皖城立秋

江城梧葉下窓裏倍驚秋暫此休多病終然愧薄遊

衰遲空自念搖落迴添愁江漢新烽急吾生奈百憂

皖江新秋送趙秋水自楊中丞幕府往叅京口

谷巾山房詩集

卷之三十一

皖江集

水師陳元戎軍援勦楚北

秋風颯颯送樓船宣撫分才贊畫旃幕府文章儲露

布將軍精甲指晴川行清蟻穴蘇民困好續鴻書慰

望懸皖口却回笳鼓競金尊遲爾菊花邊

中秋夜楊中丞移席攜幕中客就我射廳讌集

翫月

射圃高軒敞寬平受月多中丞移綺席雅集愛金波

歲稔居民樂烽銷使節過江城歌鼓亂不醉欲如何

其二

戍鼓動初更中天月更明虛檐淡獨坐濁酒淺還傾
白髮偏相射青山久負盟故園人盡望萬里共含情

十六夜望邀前客重集雲開見月

秋月過三五霾陰也自圓暗升滄海外蚤挂射廳邊
幕啟江雲破珠明草露懸錢塘潮劇盛何日落尊前

其二

冰輪渾未久佳客續歡娛旅寓無兼味盤餐綴野蔬
政閒遊宴接秋暑雁鴻疎且喜沈疴減追攀得自如
重九前五日皖江院中送趙秋水歸廣平

谷口山房詩集

卷之三十一

六

皖江集

後會愁無日他鄉意共懸應須休白髮莫浪擲青錢
去住隨人事文章祇自憐吾歸猶未可送爾倍悽然

同日又送周子世舜親暫歸湘潭

楚徼烽初息廬江淚更揮熟聞詩禮去却共雁鴻飛
鄂渚休停櫂湘潭待授衣田園須檢校松菊暮容輝

九日楊中丞邀同衆客登高大觀亭却櫂舟下

鎮皖樓宴集有懷趙秋水

江畔登高喜乍晴蘭橈却櫂下東城重樓且喜聯羣
彦三逕空慚負落英眼底過帆心共遠風前脫帽酒

還傾殘冬遊宴情如昨獨少霜髭趙廣平

皖上送楊立三西歸

客歲秋淡爾向秦今年重別菊花新江城親舍應回
首可念高廳善病人

其二

曉轉秋郊馬正肥楓林霜重露華稀家書却寄秦關
去鴻雁來時爾北歸

九月十五夜射廳獨坐看月

秋晚還佳月高廳只獨看最憐清影勝無奈肅霜寒

谷口山房詩集

卷之五十一

六

皖江集

入座侵蓬鬢流光過菊欄機絲虛故國空念授衣難
九月十九夜與杜方叔射廳小飲看月

鎖院淡秋月暉暉起二更高軒殘菊外若爲故人明

露下寒生袂童眠酒沸鐺何時同里舍却話此宵情

浴室

嗜潔良吾癖浴池新築成閉局終歲暖浣濯一身輕
人世多脂穢行踪半濁清亦知藏垢好福性老難更

贈醫士楊嘉玉

才力原名士攻醫實憑身治人無貴賤劑物見君臣

花遲兼時藥壺齋獨釀春秘書全假借如爾可推仁

戊辰初冬皖城院中臥病對菊

爲爾嗟遲暮花開已上冬凌霜空自傲向日彊爲容
爛熳終何益江湖亦屢逢更憐三逕裏雨雪對寒松

其二

病劇初寒日消愁賴此花清香帶秋色小植駐年容
歌枕吾同瘦開窗日每斜數枝蕭瑟影儼在野人家

其三

南陽潭水上聞有壽人村此物堪充餌沈疴可試論
谷口山房詩集卷之三十一 辛 皖江集

蛩吟牀下急霜色野中繁護惜依軒檻徐應泛酒樽

其四

不競登高節何心殿衆芳風迴聞小榻鐙舉印虛廊
夢裏關河遠江邊日月忙溯洄望彭澤籬落久無香

趙秋水以九月四日別歸廣平是月廿八卒於

江寧訃至皖城余適在病中枕上成詩二首

以代痛哭

倜儻風流八尺身秋江別後未三旬惟將指屈還家
豈意心傷報訃人歸訃已成仍道卒文章不遇只

途貧病中驚哭聲難續迸淚顏沾枕上巾

其二

飛揚豪邁性難移揮灑金錢比瓦甓公子迎歸反扶
觀夫人望遠尚占龜銘旌鄉路還千里病病微生更
幾時地下盡交應有待江邊贈賻愧無資

病中喜晴推窗延望

連日冬陰合終風起暗埃今朝晴色好卻得小窗開
盆菊黃逾綻江天碧更來病中聊放眼歌坐意悠哉

病中喜方田伯至惠遺山栗蓮實菓餌諸物畱

谷口山房詩集卷之三十一 壬 皖江集

飲話舊

病中喜見故人來設飲牀前看舉杯漸次過逢增白
髮他時凝望阻黃埃多攜風嗜山間栗遠信曾傳嶺
上梅何日相聞婚嫁畢各鋤荒逕臥莓苔

病後

歷歷更籌轉憧憧客思繁病身禁漏永宿火傷牀溫
近寺鳴鐘蚤高窗過月昏早乾淡井涸爭汲衆聲喧

久旱夜雨臥聞檐雷有聲枕上喜賦

冬旱井泉涸淡宵雷下溝應餘千里潤莫盡五更頭

晚并還霑灑虛罍恣採收蔬畦兼茗碗從此兩無憂

述交詩奉別嵇漪園年丈

土居異鄉縣闈舉同高秋氣合無遠邇一德自相求
君達好聲名我出遨江湖佐郡嗣南北明允慚爾優
共期致遠大寧爲溫飽謀碧梧辭高岡鳳兮安所投
改官赴東郡寔始從君遊辱君兄事誠輔仁異比周
齊心交臥龍愧非嗣宗儔分手逾三載再合荆江頭
升沉及辛苦眷念增綢繆丈夫高氣誼貧賤非所憂
冉冉老將至委身垂壑丘文章一小技望道深悲愁
峇口山房詩集 卷之三十一 汪 皖江集

峇口山房詩集卷之三十二

鄂州集

戊辰冬楊退菴中丞奉命移撫湖北
署是役也家人並于暮春迎至自臘之八日入楚
之地相識衆多避嫌隱跡視他方加甚從不晤
接賓客及出署遊集漢居西閣惟日對前山一
舒望眼耳至己巳十月退菴染恙請告未十
日旋卒傷知已云云且日爲遲紀其喪中一切
無復思緒共止得古近體詩七十五首

涇陽李念慈劬菴甫著

從楊退菴中丞赴楚去皖城作

客皖過一載今晨忽去茲乘舟溯江水却同黃鶴磯
久速因他人本自無前期南北均逆旅去住理亦齊

峇口山房詩集

卷之三十二

鄂州集

武昌我舊遊往事苦繼羈此行在幕府幸無慮寒飢
至人性豁達坦直少偏私雖復親知間立身各有規
知言苟未盡寸心安可欺因事勉陳力倘可益蒸黎
所施豈多郡猶勝作令時

從楊中丞遊武昌縣西山靈泉寺

余丁未歲之
粵過此黃岡

夫子曾攜遊山寺于寺後黃山谷題松風閣
上置酒

三十年前此溯回吾師相引泛金杯那知下邑校簪
後却傍中丞使節來學士松風吹杖履吳王宮殿沒
蒿萊羣遊不盡幽巖勝歸櫂何勞細雨催

武昌院中得寓西閣

院內西偏閣凭欄愛曉晴嚴城千堞遶疎樹一山橫
登陟煩筋力虛明放客情戟門晨夜鼓臥起有常程

其二

前嶺多叢木昏鴉日日來羣飛領上下還集故遲回
是物皆休止吾生轉自哀會須葺茅屋歸老白雲堆

其三

北牕對高館真擬畫圖中花樹宜承雪檐牙迴受風
書聲晨旦答燈火夜淩同有酒呼相過無勞遣小童

谷口山房詩集

卷之三十二

二

鄂州集

戊辰除夕武昌院中

院城遶鄴渚草草又周年此夕繁鄉思何時斷客緣
衰容增白髮節物費青錢安命憑兒子嬉遊閣簡編

己巳元日初度武昌院中作

六十還過二依人只自悲雌辰慙正旦垂翼倦南枝
多病荒兒課微生倚幕貲祇應婚嫁畢瓢笠任吾之

春日病臥武昌院中西閣曉望

一山叢樹碧巖從萬井炊煙散曉風春色定淡平野
外客眸只盡短巖中故鄉雲漢猶虛望楚北供輸已

屢空聞道翠華新沛澤蠲租權舞遍江東

院中春望

衆木已微綠山色晴更佳江天兵氣盡萬里無氛埃
高樓動愁思却下步庭階寸草不知名萌生掩枯荄
陽和噓萬類巨細各盡才緬彼農家子東作庶茲諧
我亦有園田十年荒草萊返歸把舊耒躬耕遵南陔
播麥供饘粥種秫給糟醅堂上虛無人負米爲誰回
悽然感陽春內熱如焚柴

偶檢箚中故舊書札有感

谷口山房詩集

卷之三十二

三

鄂州集

客中枉素書積久滿篋簾今晨偶檢視不覺涕淚零
平生肺腑交周喪同晨星筆墨猶在笥笑言隔幽冥
斯文誰共論德義莫與成置書再三嘆愀然熱中情
病起見樓下紫荊盛開有感

經旬僵臥掩牕紗愁擁孤衾聽晚鴉病起偶凭欄檻
望春風開到紫荊花

其二

田家兄弟聚無期忍對嫣紅綴滿枝更憶清明墳上
見松林剝蘚暮歸遲

雨夕望家中來人不至

前山叢樹欲棲鴉暮雨凝寒悶轉加
漢水來帆遲不至春風落盡海棠花

聞家鄉及河南諸郡雨雪霑足喜賦

久旱連秦豫欣傳雨雪施計霑粉社日猶是杏花時
郡國還多稼家人庶免飢他鄉緩愁思欸欸把春卮
鄂幕病中自嘆

多病心無力繁憂氣損真惟應趨隴上豈合滯江津
兒子從荒業家人並累親素餐倚幕府垂老意遑巡
各口山房詩集 卷之三十二 四 鄂州集

病起三絕句

虛炎作渴促烹茶彊起巡檐步不賒
卮子素馨乾欲死呼童汲水看澆花

其二

種種顛毛自厭身交加橫豎亂蓬新
當軒剗刮消煩熱小辮停梳已四旬

其三

力怯心彊不耐閒下樓容易上樓艱
花邊少坐還歸寢似歷峻嶒一架山

五月初三夜熱苦壁上見月色

不見庚方月回看半壁明檐深風不度
夜久氣難平虛薄嶺雲斷微茫山樹橫
如鈎非我好弦直任無成

鄂州聞蟬

山樹一蟬鳴客心祇自驚高雲千里外
濛柳故園情龍麥村村熟香醪細細傾
晚涼場務畢席坐話平生聞蟬忽憶村
居樂事詩不盡意率筆廣之又成

七言一首

薰風五月下東莊大麥初收小麥黃
競掃晚場量淨各口山房詩集 卷之三十二 五 鄂州集

粒豫防暑雨葺新倉家園杏實交相送
罌酒蘆筒代據嘗弛檐外家來餽問雛雞
煨餅喜兒郎

夜熱不能就寢口占

四圍風竝息戶牖枉開張行坐無宜處
蚊蟲有底狂書編皆撥棄美食詎能嘗
揮扇仍沾汗祛煩祇浴湯氣衰難假寐
脾弱畏寒漿檻倚寧舒促月明欲丐涼
樓高偏近日檐迴屢移牀陰洞吾園在
閒眠久不忘

暑夜

中夜苦蒸鬱深檐似甌窰帳疎蟲啗臂
汗污簾粘泥

不寐聽宵漏求明怨曙雞臥看雲白處落月在樓西

院中風興示兒謙

六旬過二垂罷癢眼花心弱兩耳聾生計未成歸不
得託身幕府等在公病痾偃臥四十日百端曠廢慙
朝甕楚天未明先衆起坐俟盥沐補前工林鴉初散
飛未遠海日微射高雲紅中丞季女吾家婦周親不
與常人同貧家婦子竝迎至僕婢多口咸費供吾生
飲食亦有道豈須人言薄自躬用心無所負天地陶
侃運甕何其恭癡兒長大不解事飽食嬉戲耽踈慵
谷口山房詩集卷之三十二 六 鄂州集

濡毫作歌聊相示勿矜逸誕侮老翁

小妻爲楊夫人邀往北樓納涼坐以待之

遲人獨坐北牕開待得蟾光照石苔遙見雕欄紅映
處下樓燈火半山來

西閣望北樓呈退菴中丞

崇臺複閣近相仍君住高樓最上層深夜卷簾斜北
望粉牆白月綺牕燈

其二

絳霄樓閣近仙都溽濕炎蒸屏若無綃幕羅帷眠不

得裁雲初製碧紗廚

其三

重檐雕檻瑞煙籠侍立還如見小童知是禁方會
食齊執轡拂颺高風

其四

席冰饌玉踞巉巖輪扇生風暑氣消本是神仙
屬署居同得倚雲霄

己巳仲夏武昌喜楊立三明府來至即值明府

華誕述懷兼贈

谷口山房詩集卷之三十二 七

契闊三時久趨庭忽到來每榮秦塞麥曾寄武昌梅
行篋添詩卷賓筵捧壽杯他年民社重美錦並新裁

其二

令妹吾佳婦來歸未及笄憐深同弱息書報報山妻
懷擬延宗祧先教慰耆鯢可知分宅相似舅已端倪

其三

藥裹無時置寧徒厭寒屯經年半牀榻淹臥費朝昏
筆墨塵常積勤勞意祇存舉家依幕府垂老愧妻珍

其四

孝友君家最雍和致百祥福原連好德名已接高堂

著作千秋永婚姻五世昌施松成兩好門戶藉輝光

武昌久旱晨朝祈禱即日甘雨大沛口占呈楊

中丞

微風急雨下陂塘楚北全應築稻場天遠偏能如響

答中丞侵蚤始拈香

其二

半空雷電萬重雲天澤由來爲使君萬戶不知功德

自但燃明燭拜高旻

谷中山房詩集 卷之三十二 八 鄂州集

其三

大旱爲霖更不疑馮彝若與言前明明天意從堪

識雨雪曾霑繫纜時

其四

四知三惑本家傳潔操何心爲衆先屬吏無貪農不

擾况逢滂沛渥山日

其五

民窮穀貴賦難任竟日滂沱百萬金齊祝阿衡及蚤

入弼成一德享天心

其六

銀河誰挽瀉顛狂福澤應同楚澤長洛社漫圖文潞

國荊州方倚段文昌

雨後夜涼燈下獨坐有感

一雨風涼延永夜六旬衰病送餘生青山歸老終遺

世白髮依人耻近名文字嘔思心力盡妻孥羈絆道

緣輕拋除塵累應須蚤莫把殘膏潤短檠

武昌院中小寓捐置露臺自解

方丈平臺散千金少離局促豁煩襟病侵那計依官

谷中山房詩集 卷之三十二 九 鄂州集

署身老誰能待故林種竹于猷圖在眼贈園杜甫戀

何心顛毛垂白貧增甚不望豐資買碧岑

伏日

楚天連雨炎蒸失清爽頓忘初伏日主人供肉庖細

割小妻同餐恣饜足宴坐寧獨喜涼風陂塘遍滿卜

歲豐香秔堪飽秫堪釀千門萬戶歡聲同飲啜人供

不用錢此邦穀賤食亦安故鄉禾黍今何如五旬未

得西來書家中食指窮無告不望肥甘望脫粟

寓中露臺落成漫題

柱頭着實上寬平遮蓋無庸愜衆情只有東偏微障
礙中天華月自虛明

露臺初成登坐延眺

樓居已自離塵埃更鑿雕欄接露臺乘興便過成遠
眺四圍風色趁人來

其二

黃鶴樓高表郡城累如螺髻壓江平凭欄喜對仙人
蹟夜半應聞鐵笛聲

其三

谷口山房詩集

卷之三十二

十

鄂州樓

波光倒射白雲間雉堞周遭鏤碧環平對漢陽樓直
望隔江遙見鳳凰山

露臺夕坐納涼

百尺高樓接露臺乘涼閒看鳥飛回西雲愁見紅仍
在凍雨須防夜突來江上清風原灑落斗間明月故
徘徊憑虛信美非吾據坐憶亭堂蔭綠槐

雲

夕陽落盡收殘紅青雲上出白雲中初如一握漸高
大突兀變幻成山峯本根微細巒壯濶當前直折二

芙蓉須臾競起難紀數紛紜輪囷姿態重或如象馬
或老翁磊砢塊壘中玲瓏赤帝夜游鞭虬龍凌霄舒
轡乘輕風縱橫大小紛相從森如扈從行春容嗟爾
出岫何匆匆不爲霖雨福群農文彩瑰奇枉自工終
然氣化沒長空胡不悠然返山嶽還爲元氣無始終

新月

初月破輕煙生明細可憐暗升殘日後高桂盡樓邊
總使如鉤曲終能似鏡圓從今添夜坐每看到中天

蘭

谷口山房詩集

卷之三十二

十一

鄂州樓

幽香遠度出簾帷身坐花邊過若遺生避當門真自
好僻耽深谷奈人知楚臣九畹滋還得燕姑中宵夢
未遲畫閣朱欄淡護惜象牀烏几總相宜

高巖

樓外崇高疊院牆水光山色得難望却延斜月留虛
白偶觸迴風送小涼北窗繁榮花空卉木東隣喧雜自
堂壘平臺新架連華棟攬勝凌虛總不妨

茉莉

茉莉生南國開當盛暑天露宜新浴後摘向晚風前

羅幕圍香重磁罌插架圓佳人亞粧髻芳若綠雲邊

他日

芳蘭當坐側茉莉置庭階幽喜通書幌香宜上寶釵
故鄉移不活南國暫相諧他日蓬蒿徑終能稱素懷

六月十二夜苦熱露坐忽得游雲子手札並爲

我繪成小像十二頁晨起方能展閱率筆賦

謝

日沒雲盛怒飄風到前山千林葉亂舞有如冰波翻
雷電自東北漸趨天南端蘊崇氣蒸潯流汗若湯泉

谷口山房詩集

卷之三十二

七

鄭州集

故人遺書札封識兼細紉忍暑然明燭把讀難終篇
晨起喜微雨啓視就踈欄東紈疊尺幅灑墨及丹鉛
展閱見老醜儼坐明鏡邊鄙事多見收一一彩神傳
讀書凭鳥几顧曲停金樽山間杖獨曳硯北茶試煎
客至對園碁機忘聽撫絃吟詩茅店月踏雪山橋煙
逐走偶聯鞢攝息凝三田生平諸妄作歷歷還目前
少壯誠樂此涉獵非精研自從入塵網坎壈日相纏
彈指若未久倏忽三十年磨滅成懶惰襟棄無半存
惟餘一牀書相依過晨昏辱君無遐遺卽事感慨繁

精力雖不莫逮意與欲騰騫把筆及早涼絮絮憶衷

言君實倦遊客我亦畢嫁婚母爲生事累徒被妻孥

牽相期寶餘息同結山中緣

同年莫大岸明府以古風一篇惠贈兒謙答謝

明府遺古風鬱律見深厚古色出鼎彝灝氣成山阜

兒子豚犬耳頑鈍故無偶那承父執教虛長好身手

謬引王安豐珠玉混瓦缶望深擬非倫使我顏增忸

惟應把君詩永言奮衰朽運澆風氣漓作者雖多有

相競趨清新刊松友植枸豈知閭然章泰山視培塿

谷口山房詩集

卷之三十二

七

鄭州集

流俗吾未免先進君獨守秋實與春華得一休忘九

隣院楮樹結實垂當我牖紅鮮可愛偶題

牆頭楮樹綴婆娑鏤碧垂紅映鬢皤類似楊梅含景

麗功方荔子益人多易生南北皆宜土蕃實勻圓且

戀柯最是乳漿合金石橫來斤斧奈渠何

己巳六月廿二日立秋酷暑

秋來三伏半憂待一句終空望微涼至依然酷暑攻

逼人牆上日引熱扇頭風結想裁看頂陰崖雪未融

朱悔人詩律屢進漫紀四絕句卽呈悔人

荆南初見把君詩詰曲欵釜費解推却關巉巖開道
路簡雲掣電更無羈

其二

竟陵重得誦高吟工力居然大雅音七律最難昇卑
弱長城猶見古人心

其三

近代風顏競巧新誰將象服辨宮嬪邢家自有真丰
致不在塗朱點翠顏

其四

谷口山房詩集

卷之三十二

五

鄂州集

出門交讀五車書帝里歸來進學餘古體漸教親漢
始聲情覺已到黃初

六月廿八侵曉帳中看月

缺月未全晦一鈎似蛾眉五更天未曉挂我樓東陲
帳中回首望乍疑生明時纖纖劇可愛儼對婉孌姿
人情惡虧落羣焉忽衰遲昏昏睡夢中誰能鑒賞之
匪息胡由生清光矧在茲晚景應自好毋爲希世知

頌易

琢磨青筠骨帖平玉楮張半輪橫輻細缺月簇弦長

卷舒隨手得動搖微風颺久旱天地赤夜熱酷莫當
羅幃成綈室流汗比傾漿高空施釜甑倒垂蒸下方
星辰繁櫺比橐籥深閉藏肌骨懼融灼枕簟如炙牀
就睡儼投燎氣塞心茫茫起坐搖素扇自昏達晨光
手腕敢辭憊且得救沸湯譬彼如燬室孔邇見周王
又如火輪下法乳予清涼誓將奉懷袖寒暑永不忘
暑夜喜雨

谷口山房詩集

卷之三十二

五

鄂州集

秋夜大暑帳中作

早久乖節候仲秋暑更滋中夜無寧睡反側生煩思
搖扇手腕酸暫寐刻未移氣寒還復醒流汗若雨施
璧月射樓中光明比晨曉歷歷更籌轉漸近鷄鳴時
輕風來北牕微涼透羅幃朝氣甦鬱滯虛衷何清曩
百爲未萌動儼與吾性期慎茲平旦氣何以保無虧
雖無爲善力寸心常孳孳

鄂州仲秋日送劉仲雅西歸卽之河西補歲薦

考試

送爾西歸去高秋振羽翰煩疴應盡已懷抱故須寬
首路蟾光炯還家菊露漙絳紗從此擁遠道莫辭難

其二

道遠行良苦河西我舊遊風流剩蘭水魚米富甘州
過隴山無盡臨洮硯可求倘逢班定遠莫便艷封侯

老態自嘲

清醇祇好唇霜味美艷空如眼盼花譬似貧人看節
會追歡載貨美隣家

其二

谷口山房詩集

卷之三十二

夫

鄂州集

山水登臨難濟勝詩文徵逐亦勞思人間樂事都非
分惟有深巖養拙宜

楊中丞避暑洪氏池亭泛舟荷蕩卽事

楚王臺畔小湖鄉仙眷秋同上野航白水涵城搖巨
堞青荷炙日送輕香便遺暍病乘餘興更倚微風到
夜涼想像功成歸少伯煙波無礙下錢塘

從楊中丞避暑城東南隅洪氏湖亭中秋不返

代小妻望歸

良人避暑藕花邊獨倚高樓望遠天秋色半過三五

夜平臺辜負月華圓

其二

涼風入幕半牀虛咫尺空令感索居懷袖未應擲團
扇池亭忍見落芙蓉

其三

白露橫階桂葉黃秋衣疊寄向橫塘院中連夜知寒
冷切恐湖風太劇涼

其四

歲歲逢秋念遠征今年相隔在同城知君畱滯因人

谷口山房詩集

卷之三十二

七

鄂州集

在無那良宵感倍生

中秋武昌洪氏湖亭

西閣寧吾舍湖亭且滯畱悠悠成久客忽忽又中秋
接座仍傳竿闌人獨倚樓明蟾歲相習隨處照離愁

谷口山房文集總目

卷之一

賦 除夕賦

書 與濟南司理錢樸菴論重開北河書 答方

書 田伯書 濟南上分巡青州道周元亮先生

書 寄施愚山先生書 濟南寄施愚山先

序 贈許詒柳敬亭序 北海馮宗尼先生詩序

序 程郊倩藥性廣發揮序 王氏家譜序

谷口山房自序

谷口山房文集卷之一

涇陽李念慈劬菴甫著

賦

除夕賦

歲維戊子月屬季冬除夕之夜李子在莊浪

馮大叅公幕中觀其祭祖几筵感念先慈作

詩一首自遣悲不能止乃為賦以廣之曰

嗟四景之遞序兮何八風之代周李忽榮其春華兮

桂忽瘁兮清秋胡歲時之不吾與兮送日月之不可

留余幼少而失恃兮念逝者之不歸

令心委蛇而思淡望望之變路兮望松楸之喬林

白楊颯其悲風兮玄鳥歸其哀音愁一號而聲絕兮

涕交下而沾襟夫惟慢望而不得一見兮孰憂思之

可任惟時值乎除夜兮身繫樓平壑之上歲將盡而

徘徊兮感孤征而怏怏酌椒酒以自娛兮停柝竿兮

偃仰惟邊土之慘烈兮風蕭蕭而哀響白日候其西

墜兮夜已闌而泣咽明月晦其無光兮眾星戚其羅

列霜晶晶而忽被兮雲黯黯而還結心悲思之未已

今腸一回而千折。聊他人之緊先兮。几席森其夜設。
哀祀亾而不獲兮。悲歲終之時節。羌東顧而拜跪兮。
靈逍遙兮。渭之間。望杳杳以難及兮。阻關隴之深山。
魂一往而不返兮。愁抑鬱兮。心思家對濁醪而不飲。
今撫徂景而長嘯。彼王粲之善賦兮。感故鄉之是遠。
登高樓以遠望兮。情眷眷而懷歸。痛長吟而心絕兮。
歎地異而人非。忽掩袂而太息兮。泣下垂而霑衣。感
故人之憐我兮。來慰我以壺觴。肴蔬紛其雜設兮。燈
燭爛兮。輝煌。羌滿引而不辭兮。醪一進而百觥。拼友
谷口山房文集 卷之一 賦 二

朋之言話兮。聽清歌之琅琅。冀飲酣以忘憂兮。聊假
寐而未央。顧沈痛之結。兮。心難醉而徬徨。遲春明
而促駕兮。予將返乎故鄉。

書

與濟南司理錢樸菴論重開北河書

伏聞此間人言中丞公欲重開北門外河道。舟達華
不注下。爲遊觀地。竊以爲此務之不急。而中丞公未
必果有此意。抑或別有見也。念慈在河間。見屯田東
人諸疏。已稔知中丞公關心民瘼。及到濟南。聽民間
稱頌益浚。服仰。故知此舉非務之急。中丞公未必然
蓋從來大賢君子。爲一古重。巨其或開新興。廢必大
有利于民。而後爲之。如果有此意。必有以河開從北

谷口山房文集

卷之一

書

門至山下。可溉民田若干頃之說。進者上臺。見可以
利民意。欲爲之。而尚未之熟計。可否民間。遂相傳說。
此念慈所謂別有見也。不知此河原有舊道。若當日
果爲民利。沿河之民。必不肯任其湮塞。又必其利不
足償疏濬之勞。乃相諍至今。且河開別無可注之水。
必取水于湖。今大明濯纓二湖。居民資荷爲利。水不
見多若命。而灌河沿河縱利湖。利必減損。此利彼得
失相等。況沿河之田。未必果利乎。自北門至山下。陸
道已二十里。水道委曲。當又增多疏濬之力。非數十

萬工不可傷財勞民誠未易言若河成而不能利于民僅爲遊觀盛概則悔之無及上臺最明又必不肯爲此近聞府北城重疏水門歷城縣豫徵用物于民間吏胥爲奸所徵錫至數千觔灰至數十萬觔杉棹鐵石稱是役興所用物不過十百之一竟有無所用者徒爲吏役中飽一關如是開數十里之河所徵夫役畚鍤指一爲百弊又不勝舉矣蘇公子瞻築堤西湖雖遊觀艷稱而其實爲餘杭縣萬世利賴況今數十年兵火飢饉之後民力已殫時既不同而以濟民谷口山房文集 卷之二 書 二

視杭其難易相懸不啻什百種田辦租猶苦不給復增此無藝之役民無聊賴其不流離者幾希念慈得之道路之口固竊疑上臺未必果有此意卽有以利沿河民田之說進者熟籌之亦必中止然恐萬一有之舉而始覺其過止之于後不若審之于前仰體上臺之明恐民間訛傳爲果盛德君子廉幹素爲上臺所器重百姓所仰望似不可以地方事非刑官職濫而不爲一言也

荅方田伯書

別來歲月阻澹歧懷同之夏初被攝到濟寧投謁蛟峰先生未蒙賜見知其重引嫌也嗣晤貴邑汪吳三子乃知足下在其署內憂苦中一爲開顏喜相去咫尺或可圖一把臂不久而足下去鄆城猶冀還自鄆得一見今接手教知不可得矣又聞旋且告歸嗚呼滿中憂憤世無可告思一向故人言他日代白此心于海內君子則念慈雖死無憾今竟不得傷哉竊也繁陰如織泥潦淩塗有人焉性不能曲折趨避獨遵谷口山房文集 卷之一 書 三

周道而行以及坑塹羣指爲愚且瞽誰復能察其心寧得諄于人不致自欺其心寧撓觸于他臺不敢得罪于聖賢其中亦確有所守終不以彼易此足下云與彼婦對簿人苟無愧于心此不足爲辱且彼婦亦何足責也况彼婦昨于濟南已自悔其罪且怨爲唆者所愚是其本心未盡漸滅獨怪乘軒峨峨不顧天理不知愧恥固位避難私心護短故不難引下以凌上導淫而破義其心良曲其術良深彼自苦若是何苦直告念慈寧慨然自誣受過不忍見此鬼魅形

重汗顏匹背也足下聞我歌咏不輟謂不以患難挫志大見獎許不知念慈向之速謗實卽由是蓋言不載道不足爲言而苟非實有見于道而身行之則亦不能爲載道之言向來搜索名理固結胸中故于枉直自便之術羞之而不能爲以至于此今仍癖此不輟是終寤之道也況士至今日更難卽不能爲逢世之行亦庶幾爲逢世之言猶或可易衣食今皆不能而益苦思淡討研本去靡惴惴焉惟以不能跂及乎古人爲恨而不顧世之毀譽是猶見聯轡趨城市而谷口山房文集卷之一書四

己獨背之而馳向溪山窮谷寂寞無人之鄉與窮餓爲緣其志當亦世所共笑而知己者所淡悲耳雖然念慈之爲此固亦有見念今世仕宦舍道則進守道則退旣不能行其道猶可爲明道之言以俟後世古人謂得一知己可以不恨足下愛我者若見爲非是則必勸而止之今不止而且若嘉尚焉殆庶幾知己矣念慈得此亦可以不恨矣敢承命以近刻二種因三子以獻志雖企古而才實不逮惟愛我教之至來札索畫山水念慈自數年來不惟意興爲一官銷

而思少年坐此等好名鄙事因而失學今痛自追悔一意讀書諸俱廢棄已久不復能作非敢吝也足下言歸營蘭若爲迎親計此誠孝子苦心然和尚歸與不歸要不可彊又聞斷絕葷酒無意仕進此行良苦胸中不得已之情誰其知之然足下所處適合如是至來札中所云家貧載筆意味翹翹等語猶似自憤行藏者今時作何事得不意味翹翹耶念慈自聞先繼母訃謝事以來仍緣事阻歸行且一載每以終此幽憂或飢餓而死不得奔喪盡禮爲懼倘天道尚可谷口山房文集卷之一書五

問終有歸日計且于其日補喪三年中間或以不能營葬不免仍出求人所不可知若夫區區此官意不復就畢喪後亦將以載筆代負粟用養老父暮年蓋以鄙性梗拙必不能因挫而改與時枘鑿焉往不蹶祿養非不美父母之身亦可念故自知之審而籌之然非因事激切爲憤世語也但出處之際親在亦非盡得自由有難言耳因足下中抱苦心學進于道故并及之

濟南上分巡青州道周元亮先生書

念慈童子時卽從馬元御先生口中熟先生名兼讀
所爲制藝前客江左猥辱先施盛節且亟稱念慈所
作詩詞于人謂真實朴老中聲情尤勝念慈自顧豈
眞能是蓋先生以此汲引後學念慈一蒙獎借不知
何以不自量其愚劣勃勃乎思自奮勵則自此儻獲
少益皆先生成之又烏能無感耶數欲製一詩以述
鄙懷旋以大匠之前氣索而止已之官河間吏事相
仍郡苦百狀筆墨竟廢去年不幸栝樵再痛始釋案
谷口山房文集 卷之一 書 六
讀而又哀哭支離無復思緒今又緣事攝赴歷下去
先生所治北海僅三百里耳而身有所羈不得趨教
奉懷之切較在遠增甚得近體詩一章又彼郡馮先
生諱士標者昔在秦時其提攜教愛念慈者尤厚嘗
致之幕下同出西塞論文倡和者二年餘心不能忘
馮先生歿有子三皆不能世其業比聞其太夫人尚
在春秋甚高恒欲致一餐之奉不能達今先生駐此
郡馮蓋先生同年進士以今古道孰有如先生者存
恤其家應已至念慈謹分旅食之半敢因先生致之

又一詩言其事合前凡二章蓋居憂不宜吟詩以奉
懷之切遂不可禁其篇短而詞鄙則可哀也已伏惟
先生垂教之

谷口山房文集

卷之一

書

六

寄施愚山先生書

七月廿八日小力歸到揚州得先生手教兼惠遺古樂苑全部祇誦誨言勸慰真切感何可道獨聞尊刻尚未告成急不得受讀茲爲悵結念慈往所有先生觀海集不知被何人竊去其內詩雜見於諸家選刻者頗多又續得僅存倡和湖上諸刻因戒前失皆謹自收藏時一展誦惟文章如七忠祠記等篇至今不可復得意常快快鄧孝威前相見爲言先生自遊黃山後所寄遊詩筆力較放急索觀之孝威因已經鈔

谷口山房文集

卷之一

書八

選遂以原本見贈齋宿讀之如桃花源湯泉煉丹臺始信峰怪松諸篇莫不掀騰蕩激淋漓飛動真晚年進境其氣味不知何以大似青蓮若不從烟火中得來者往復不忍釋手然終以不得窺全豹爲恨刻成日先生幸必以一部寄我揚州有敝居停廬上舍誠謹可託若寄到彼處從業鹽之家轉致軍前亦易耳讀尊公先生崇祀公啟益歎先生立身行道固有原本立德繼志孝莫大焉俎豆之光自在世教不在先生也念慈楚行諸詩前鈔求指示乃不一摘其所失

谷口山房文集

卷之一

書九

開示進益之方徒效尋常世俗文作稱許語豈夙所切望於先生者耶念慈近亦加意開拓然詩中所謂放者須使其氣勢如神龍轉掉渾渾淪淪不可測識把搦不當但以句之長短詞之縱逸爲之竊意如是不知先生以爲何如得教後成一詩末由寄呈秋盡過真州晤姜勉人兄弟稱近居宛陵依其先公之壘暫出謝客不久便返江舟中卒書之白扇上卻寄勉人屬其代致若蒙先生教而賜和登諸大集中真畢生之幸不必定相寄也周伯衡先生近傳一怪信念慈不忍信而又淡惡其說之鑿鑿築夫興化所居被水淹沒百計求貸再支學俸得數十金往賃屋于泰州而其子婦忽病歿婦家又不諒盡以費去老病摧頽懼不能勝可念之甚而又適當念慈垂橐赴軍之時愛莫能助徒有浩歎谷口舊刻乃前此不自知時所爲至今每自檢一過亡背汗顏悔莫能及舟中自刪削去十分之六存者二改而存之者又二益以新作通爲一帙分體而虛其後漸次增入約四百餘首念攜持行間恐有亡失寫成三本一本寄存家中一

自攜一存孫豹人家斷自今年九月中此後遂不及
附入雖知他日仍有刪改且自還未免過恕恐都不
足存亦姑畱此稿俟再更數年自視去取定方敢呈
先生刪定也汪鈍翁全集刻成今首倡同人爲甫草
刻集亦厚道事甫老詩本不多不能成卷欲但刻其
文但文字中關係者亦殊少若築夫文中大傳甚多
而貧甚必不能刻且不能寫副本老病日甚真可念
也海內素心無幾四方多故會面難期念之惘然十
月三日燕子磯舟中念慈敬頓首奉書不盡

谷口山房文集

卷之一

書

十一

濟南寄施愚山先生書

比齊河迎晤雨雪山城青燈寒夜中雖未得暢悉積
懷而仰荷教言真切垂注纏綿不自知其感激泣下
也淡欲追隨前路苦羈身不得自便杜少陵云更爲
後會知何地忽漫相逢是別筵又云性命由他人悲
辛但狂顧以杜老襟期浩蕩至今誦其詩辭猶令人
不堪況不知道如念慈者耶其夜有一詩結句未當
又寄豹人一絕歸雖足成之終未慊意越二日得先
生次靳庄寄詩朴老真率忽謹厚忽縱恣可歌可泣

谷口山房文集

卷之一

書

十一

端倪不得真與工部頡頏詩中嫌略同其遭田父泥
飲篇中語先生蓋沈酣于杜故渾熟不覺耳十六日
家人自河間將先生所畱手書至家君過蒙謙濟悚
感之深反覆見家書中又述先生惠顧時叮嚀之語
咨嗟之色念我憂患賜及呱兒古人交情不過若是
顧慚匪劣何以得此于先生益爲慨然見懷四章沈
涵淡穩喜得附傳不朽感尤勝萬鎰萃嶽三峰峻歸
雲一葉輕第二語直大受用若歸舟一葉便覺尋常
矣珍重寄浮生及書辭中所諄切先生愛我深矣念

慈向來實學力清源以憂患敢不銘之永久配
勉從學耶築夫久歸八寶頃已而悉之先生過白下
富見梅杓司到洪都見陳士業幸各致問憂患中握
筆易潦倒無倫次未敢暇以書札寄人并求爲剖不

寄孫豹人江右書

自荆南東下豫擬到維揚必得與足下把酒論詩樂
數晨夕抵真州乃知杖履久在豫章大乖本意然聞
制府公能特重高賢歲俸可給妻子又頗以爲喜頃
長君遠省還知尊體安善爲慰及得讀所攜近詩則
何其風格頓爾衰下耶先是汪蛟門舍人多作宋詩
第詰之云必以唐爲的是固拘見惟豹人先生廣大
不執乃知近日習宋詩者足下實啟之夫宋詩豈無
佳者然風氣日下卽大過人之才亦不能不爲所移
谷口山房文集 卷之一 書 三
以視唐則厚薄二字較然自別以率謂真以尖爲新
譬如屋有淺廊曲檻自廳事轉入見之心目頓異然
卽以充客座迂章甫之賓則不宜海錯入口風味非
不可尚而享宗廟者則必取犧牲豕豕可知宋詩但
可偶一爲之不可藉口廣大久而不覺不自知而全
變爲宋也弟嘗思之大端詩須先意卽以宋人新意
而必求以深厚出之原自有深厚者在今云此豈不
好卽便成之直是樂苟簡省工力便易法耳何謂廣
大本朝詩風韻頗盛邇漸衰薄所賴主持風雅者力

之今不惟不力挽回反自便而文以佳名使後學
 藉口曰某先生亦如此作吾知壞後學者必自此人
 始恐足下無以自解也弟讀書既少識見拘滯然寧
 爲謹嚴不敢爲廣大自楚到吳舟中將先是所刻而
 今悔者盡芟去之稍可存者改之大約僅留其半益
 以近作不惟無力付梓亦不肯又蹈前轍重他日汗
 顏而又慮身在行間及往來舟楫風波中懼有遺失
 已倩傭書人寫成三部一寄家一自攜一則畱足下
 處雖經刪改仍不自嫌亦念半生精神心力所在且
 谷口山房文集 卷之一 書 五
 望足下歸日直筆刪定恐久不奉教有流入非是而
 不自知者仍望便郵以長札寄示其故則此來雖未
 得奉侍左右如親承指示矣望之望之猶憶從前聘
 柯園相見時弟初學作詩而不肯妄譽足下彼時所
 作詰曲聾牙之詩後聞足下因弟不譽沈思經年忽
 然改手一歸正大此尊詩中天之會也弟雖老無進
 益然自覺邇來較前稍放手一步而此心一味求厚
 重擴大朴老澆醇寧可不新寧可將作不出好意捨
 去決不敢討便易悅淺人眼目望足下將此致教

前仍一致思毋避難就易主持大雅不爲後學頹率
 作俑狂瞽之言惟高明采納幸甚

贈評話柳敬亭序

尚書曰工執藝事以諫明技藝之事能通乎道不可忽也古之人精一藝或卽以爲氏童而攻之畢世而究之子孫世守之蓋必先端致其力然後能造其極而著聞于世評話者嬉戲之小技上古未有聞焉金陵有柳敬亭者以是名海內能文家贈言滿箱篋遠方至者或欲聞其技而不可得予往來江上旣久丙寅春一聽于金陵承恩寺寓辛丑秋阻兵寶應再聽于邑明府王合陽署中當高軒坐敞座無襍賓正

卷之一

序

序

襟高坐徐理古人一事舉夫憂愁幽鬱豪華縱肆忠孝節廉慷慨激越昔人難于自言之懷之狀一時低徊展轉儼然如與抵掌聽之者乍喜乍愕激發壯憤動乎中見乎色形乎舞蹈揚厲斯不亦奇技也哉生故善飲每將奏技輒先竟數大觥就其坐愀然肅然若有所憶而後也久之若有所見有所得而還也而後言先稱稱叙次其所舉之人與其人之世少焉漸詳其事其過已暢言之則其人之氣體性情與其朝野之風俗治亂山川之險易時日之寒暑晦明皆可

得而見其抑揚行止變化錯綜自然之妙若風行雲湧石觸水洄端倪之不可得予嘗聞柳生而何所用而心以致此生曰予幼學於師與世之習此技者無以異積思苦索至二十餘始少荷得今年六十有九老矣乃工然于技未盡也予之始坐而思也直以身當其人之世遍歷乎其所以遭而後其人之遇如我遇焉其言其行咸自我出乃出之必一諸已後可動諸人其故在神明離合之間旣不得于師人亦無能受者嘗自念不得其傳未嘗不泫然出涕也予乃爾然

卷之一

序

序

歎其言有近乎學道者彼伯牙學琴成連至于精神寂寞曹將軍畫馬杜甫謂其慘愴經營天下絕勝之技未有不積思端一先得諸己而能神明其用者生旣善其技又能自言其所以得善者如此其以此名故宜聞生事左寧南取久能言寧南事娓娓可聽尤勝說前古人事又習聞其技者稱其說一事百回都不相襲惜未得聲聞也

北海馮宗尼先生詩序

詩者心之聲也因乎境遇之感而動乎性情之正斯作者非徒然而讀者可以感其間鼓舞快暢憂愁幽思心隨事遷而其發爲聲也不爲詭飾矯枉則亦莫不有其性情故雖曠世而遙讀其詩者猶如當其世見其人故欲存其人亦存其人心之聲而已矣北海宗尼馮公豪宕風流負文武大略學成進士身履叅政亦不可謂不遇于時者也而所至多艱虞險阻形格勢禁不得盡其才因之俯仰抑鬱不能自己乃

谷口山房文集

卷之一

序

六

自放于詩歌奕奕其懷斯尼也已征公備兵邠乾念慈方困頓諸生中公虛已下交不啻飢渴未一年公遷莊浪時回紇倡亂猶據涼州去莊浪不三千里督師提兵纔渡河事勢巨測公之親知向在署中者咸庀裝告歸公笑曰君等皆去我獨往何害念慈乃攜笈從公去後亂亦稍定莊浪當兵燹之餘荒涼疾苦公調餉給兵撫民和衆雖備極况瘁暇卽飲酒賦詩拈髭長嘯浩浩乎有不可一世之志又年餘公遷蜀之建昌以其地寇據不得之任復出蜀棲遲

青門渭北間再遷閩海假道歸省念慈亦幸叨秋薦偕計入都被放而南遇公于淮陰時乙未八月也未幾念慈抵廣陵公老僕二人忽素衣來謁驚問之乃知公赴閩中道次蘭谿病歿矣公故有嬖妾某氏所至輒以相隨當過淮時氏在舟中以炎熱卑溼之鄉而隨侍非其人雖力爭之亦未必能止然念慈不能力爭于淮陰而徒痛哭公于江上罪悔其何及矣又六年念慈改官令新城被累落職乃從公長君職伯處索得公古今體詩若干首叙次成帙欲以存公之

谷口山房文集

卷之一

序

七

志且志我兩人交情于不忘而苦落拓之餘力不能付剗刷氏攜持行篋中者又二年遊都下乃得授梓嗟乎念慈固得左右于公者也是帙出庶幾使讀之者亦得于慷慨悲歌中如見公生平之飲酒賦詩拈髭長嘯浩浩落落不可一世之概也夫

程郊倩藥性廣發揮序

醫有藥物猶將有士卒帥師百萬不能知其性情才技之所在而用之猶無兵也古之名將類皆先知其士卒之性情與其才技孰果敢可先鋒孰彊毅可後殿孰勇而輕可用致敵孰廉而仁可用和衆以至水陸易險之異宜步馬卒伍之相得莫不務盡其所長而避其所短故其用之也如志之帥氣臂之使指然後戰無堅敵守有完壘夫是之謂能兵程郊倩歛士也遭世變棄儒攻醫沉酣于岐黃家言三十年所窮

杏山房文集

卷之

序 五

極其與所著書如傷寒論後條辨大爲世所稱述于以甲寅乃得晤于金閨亭下一廛市肆開手自著述寒暑不輟坐榻幾穿初不求人知也一日以所著藥性廣發揮一書相示余讀之累日夜歎曰至矣夫藥性自神農本草經外歷代所著無慮數十家其集大成者則惟蘄陽李頤湖綱目爲取一切形氣色味性用廣接博採無不備矣然猶統言之耳故用之者不能因以決其去取自後經疏一出天下交稱之謂其所發揮者詳而有要其于所以主治之故多所發明

亦既析言之矣然猶未能會通一貫也是書也隱者顯之與者達之極縱橫變化之中有珠聯條貫之妙且顧名思義引據確切闡原委別異同翻從前習舛承訛之窠臼襍以詼諧戲謔以醒人眼目俾讀者一見而知藥之性情如此才技如此且知用之彼而效用之此而亦效者如此如是用之則效不如是用之則不效者如此其用心加惠於後世何限哉譬猶司兵者于其所訓練之士既詳其氏里年貌又併其氣質愛憎能事短長莫不洞若觀火一號令驅使之遂

杏山房文集

卷之一

序 五

各曲盡其才力而無所疑忤其以救亂拯危克奏膚功何有雖醫之方劑多端神明存乎其人而要離乎用藥之性以達病之機因藥之情以濟藥之材而已藥性無不了徹其于攻補引用輔治裁治之事亦思過半矣斯實足擅諸家本草之場而補其所未逮焉余時將從軍荆楚深望今之將若帥皆知兵如郊倩之於藥物也輒取而譬之如此

王氏家譜序

世之爲族譜者明其所自出支分而條系使後世子若孫各知一本而不塗人相視也義止此矣間有家傳或家訓家誠亦別自爲書不雜於譜非若國有史自他人爲其官凡行事得失例皆得書而傳之也別駕宛平王君德扶所著家譜其例之變矣乎然子竊有取焉德扶先世寒微未有能以詩書顯者然其務本行善積累有年至德扶始業儒又遭亂不得卒其業以科第致身朝廷乃以家貧親老投師考業殫

卷之一

序

三

心國書之文階監局以進固非其本志然已兩仕爲郡倅在令宰之上所至有治聲跡其艱難強忍奮勵磨礪以自致於斯與世之困頓研窮于帖括之中久而始達者何以異卽此可以爲其後世子孫法矣今又述其高祖父母以下名諱姓氏及其形體言貌生平遭際行事始末旁及內外親戚之氏族讀之者一覽而如見其祖宗之作苦勤家焉如見其所與姻婭周旋焉其務實敦行終獲裕後者可則而倣也其放佚自用尋致困苦斬絕者可警而省也蘇文公曰觀

吾諸者孝弟之心可以油然而生是編也譜而兼傳與訓誠者也觀之者皆可以興起而勸戒矣豈獨其子若孫愀然動念惕然興懷也哉夫孝弟者百行之本勤儉者克家之基孟子曰人人親其親長其長而天下平德扶其持是心以治民而厚其風俗用光祖宗父兄之緒德扶之子若孫又奉是編傳是心興于爲善而戒于爲不善以永昌厥世則王氏之爲學爲教統承啟佑皆是編焉得之矣或曰其書先世事皆遺質無文可乎余曰此其所以爲實而可傳且以

卷之一

序

三

史也夫

谷口山房詩集自序

谷口在敝邑西北四十里史所稱池陽谷口也余先世敝廬實在東而常思卜築荷耒於此故以名其居且名其詩顧予幼未能詩卽喜讀古人詩癸未後經歷離亂苦無以言其懷始從人學詩恨入手卽爲遲體故氣體卑下不能超邁所作多不可示人亦不復存業嗣後里門被兵生計窘促乃西走塞上從叅謀馮公宗尼遊甲午偕計北上明年下第南遊客于淮揚秣陵豫章者三年有作一冊旣再入燕走晉歷豫谷口山房文集卷之一序

嗣以便請正同志云

谷口山房文集

卷之一

序

谷口山房文集總目

卷之二

序

趙秋水近詩序 劉玉音臥書齋詩序 新

夜翁先生文集序 程然明詩序 蔣玉淵歷下

存筍草小序 見山樓詩序 馮雲石詩序

外祖明巡撫河南中丞袁一常公奏議序

吳勝臨青簡齋集序 胡石庄先生詩序

篇序 張母王太夫人九表有一大壽序

壽攝涇高陵朱侯序

谷口山房文集

總目

趙秋水近詩序

詩文之體氣相因豈不以其地哉西北山川所自起
厚重閎濶顧礪確湍悍往往碍舟車害行旅漸至東
南則秀拔漣漪可遊可賞然峭削漫渙矣其地之人
性行才力文章各因其山川之氣而加之以習罕相
能也趙秋水先生生河北得氣之厚而悲歌慷慨之
習又自古爲然况抱才不遇奄至皓首則不平積其
胸爲詩文宜乎其粗豪亢直凌厲也今何其大而非
肆雄而渾直而文壯偉而能含蓄蘊藉歟歷觀其詩
谷口山房文集 卷之二 序 一
中所載則交盡東南蹟半寰宇所至山川習尚亦多
助焉而自少之壯壯且之老矣富貴未嘗汨其心案
牘未嘗分其力窮老周遊一卷自隨耳目所接晨夕
所誦終其身皆學也既得氣習之全又一其志力于
學吾雖未嘗讀其文與其全詩即一二卷窺之其兼
南北之長而無其弊豈不洋洋乎大觀也哉今老矣
猶弗倦于遊載篋行吟好學下問一如曩昔吾又安
能測秋水先生才力之所至耶

劉玉音臥嘗齋詩序

文章一道其作于一時傳諸後世而不可磨滅者雖不盡以其人然不以其人者傳亦不久即久矣而後之君子每誦其文或反因而訾詬其爲人亦或惡其人而咨嗟嘆息其所爲文則其文之傳轉爲其人之不幸也無他其人而德邵行高則其言一本諸性情出于誠然易直而明顯苟非然者雖詭爲仁人高士之言終忸怩屈曲而不能坦然明白粹然融貫故凡論言者必先其人濟寧劉玉音靜者也余未嘗識其

谷口山房文集

卷之二

序二

人既辭職閑居歲暮過京山家蠓菴兄明府以是編相示曰此吾州劉翁詩我將爲梓而傳之子盍序焉且曰其人甚高本世家子其先世及叔父皆高第翁少時才名尤著顧終厄于命不得少酬其志然雅甘澹泊卒無競心家貧至無四壁僦茅三楹授徒自給時以詩酒寄傲恥事干謁卽里中富貴人苟非其姻婭素好輒不肯與之往還貌清癯孤立望之若仙今其年八十有八猶無癯憊相其或有得於道者乎予曰是可傳矣因取其詩及其所自爲序讀之詩大端

皆率性情而出序有取前此之浮音虛響悉棄之之語予益憬然嘆曰凡浮與虛皆假于外者也此之務去則其所存者悉本乎誠然而非詭譎爲之者矣夫以翁生平志行高潔貧而不挫至老而不少衰非有得于內以養其心烏能毅然坦然若此此固不必其詩而後傳也況其詩亦有可稱者哉蠓菴明府居官不以名利介其心所勤勤表章者乃在寂寞窮老之士亦可與之並傳矣兩者皆予所樂聞而揚紆之以風乎世者故爲之序

谷口山房文集

卷之二

序三

鄒荻翁先生文集序

古今詩文之得名而傳于後世莫不有其數焉非可
彊而致也每見有汲汲求名而名不至與無意于求
名而名終歸焉者顧其傳也必得人而始彰或當世
名公亟相推獎如賀知章之于李白是也或身歿而
後世贊揚論定人始翕然宗之如韓愈史傳稱其與
孟軻楊雄相表裏學者仰之如泰山北斗是也又或
有賢子孫世其德光大其業表章先世之制作而人
愈益稱且述焉如蘓子瞻子由之于老泉是也詩文

谷口山房文集

卷之二

序四

者可自蓋於己者也三者不能必之于人故曰數也
予自從楚軍得幸竟陵文物之邦遭時孔棘凡賦役
徵調之事日竭蹶趨事猶苦不能副期會竟不得少
展文章之事邑士大夫之宦歸里居者獨公事徵求
之檄下例必遍延集議因此得與諸鄉先生數相見
獨鄒弘景先生屏居邑東七十里之河上讀書課子
孫不與聞邑事前此爲令者亦初不延請希得接見
卽書牘亦不常至歲時一名刺通問而已自己未秋
余自京師辭官來候代留滯官所歷數年始得與邑

中道德文章之士如胡石莊吳晞齋譚灌村諸君子
以詩酒娛晨夕往還稠密獨弘景相離遠不得與之
周旋然其書問饋遺之使札則繼續不絕非酒脯相
慰勞則詩文酬贈也豈非所謂有德而賢者與一日
以其先公荻翁先生集見示且命爲序讀其文清空
宕折若飲沆瀣而嗽清泠之泉其詩以意勝獨得直
書若名士無事修飾本色自可賞也觀其諸香水海
閣自序謂古人之作各有至處頗以世之摘瑕于前
人以自立名者爲非而欲合各至以成其佳其務自

谷口山房文集

卷之二

序五

盡而不汲汲于求名也可知矣乃以其子弘景先生
旣優于德而又能世其詩文之業則先生之名雖欲
不光大爲世稱述亦不可得矣先生有弘景爲之子
數也然使予至今仍官竟陵弘景必不肯瞻近于予
求交弘景尙不可得何由得讀先生之文與詩而序
之予之得交弘景而序先生詩亦數也獨愧予才望
不逮賀監遠甚卽生與先生同時亦未足增重於先
生來令于先生沒世之後又無簪筆汗青之任卽贊
揚論定之人亦必不信惟喜先生令嗣有若子瞻之

于老泉而其子亦各有文采嶄然見頭角信先生必
以賢子孫傳而不必以予言爲輕重也

桂陽州重修志成序 代湖南韓中丞

志與史皆所以垂鑑而興後以卽于治安 王政之
所必亟者也史時經而地緯括九宇之事惟有天下
者得爲之其文簡志則地經時緯紀一方之績凡守
土者皆得爲之其載諄顧史不遺于歲月志豈得闕
于州邑哉楚湖南大江北遶五溪中貫扼粵控黔而
桂陽一隅尤密邇兩粵錯雜猺蠻在上古皆蠻獠之
鄉也夫惟蠻獠之人不可被以文教天子不爲置吏
撫綏卽以蠻獠羈縻之故同文之化不及土地人物

之屬無所紀載其人亦卽以蠻獠自處矣考桂陽在
秦以前已隸版輿漢高帝二年置爲郡皆天子命吏
爲守山川靈秀人文間起俱載在前志乃自明萬曆
中至今凡無可考者七十有八年是舉內地而蠻獠
之也今 上十九年庚申治定功成下令各直省纂
修志書彙送史館余得奉行藩轄轉檄諸州郡桂陽
志實以壬戌十一月告成余公餘檢閱不禁感歎于
其闕廢之久文物將湮而今得藉令甲所逮輯而成
之以復乎古信哉 聖化如經天之日容光必照也

雖復山陬一隅凡山川之厄塞疆域之沿置戶口之損益財賦之充絀風俗之淳漓人才之盛衰自昔及今皆班班可考朝廷既不蠻彝其民而以文治之則其民亦必不甘以僻頑自處且將感發于前此之節行文章爭奮起于其土進于天子之廷而爲鄉里望爲之吏者將望古如姚猛張隆之節義楊瑒許荆之循良披圖覽冊履境撫人必且思其山川之何以馨祀疆域之何以乂安戶口之何以繁庶財賦之何以充裕風俗之何以淳厚人才之何以興起蚤夜

卷之二

序

八

黽勉以修其政教而和其民人期自附于前賢之後傳諸永久余亦得總其成以仰答聖天子宵旰求瘼之心即繼乎此者雖千百年而遙皆得因之以參考修葺有所感興則是書也雖一州之乘與史並傳焉可也若夫考核之詳略文詞之純駁姑置勿論以俟後之君子

蘿村詩集序

詩與樂相爲表裏者也其始發乎一人之性情而感乎千萬人之性情必其實有動于中不能已于自吐之懷而後永言出之時則歌詠明盛時則悲憫天人當其忠孝激發離憂怨慕淩于一往人之讀之者因得以見其時世之盛衰風俗之貞淫人才之通塞民生之休戚莫不憬然感愀然思其人之性情雖曠世而亦若與之相接夫豈徒然而作也哉歷覽昔人一篇之製或直言或婉喻或但敷陳其事而意見言外諷刺躍然莫不各有指歸一氣激蕩乎其中而辭華數贍乎其外但發抒我所欲言初無心採擷天地人物之形狀與夫古人已往之情事而時物往蹟靡不自相奔轅則凡其所有皆爲我有而非強以有之斯則爲詩者本末內外之說已然詩不藉音節詞藻樂不備聲容器數則性情亦無由見若田父行謳村夫擊鼓方其意得于內聲應于外豈無性情存乎其間而要其所爲感者亦幾何矣是故有其情矣尤必有其學而兼得于朋友之論說山川之映發然後外有

所輔內無所窒激揚發越隨觸而出流動充溢能事
乃畢羅子羅村生長山川秀美之鄉游觀上國城闕
衣冠劍履之壯麗又歷覽楚粵晉燕江山之雄偉邊
隅之厄塞凡當世名公卿以及前輩宿儒耆耄時髦
隱逸莫不競與之交所以助其學者備矣而卒不得
志于時因以其胸中鬱勃蘊蓄之氣一吐之于詩規
模六朝出入唐宋豐腴華贍蒼叢古今偶一命筆輒
如內庭喚仗凡一切翬扇珠璣龍旂豹尾之屬一時
雜沓簇擁無不畢集階下萬舞紛紜簫韶並奏聽觀

谷口山房文集

卷之二

序十

之下意曼情馳終莫可得而名言何其盛也往徵赴
闕下奏賦 彤墀以其才之美天下知與不知咸謂
當躡步鸞坡光贊史席乃竟與吾儕同蒙罷出仍復
奔走棲遲於江湖蠻獠之鄉連帥之幕希斗升以養
其親良足悲矣雖然安知天不以是老其才使益厚
其所蓄以鳴當代之盛耶余固陋矣淺雖學爲吟咏
亦正如田父之吟村氓之鼓在己之性情尚苦未能
宣達表著暢所欲言又何足以知羅子之詩哉

程然明詩序

詩窮而後工自昔人言之靡不以爲艱難坎壈不得
志于時然後舉其精神懷抱一發之于吟詠咏歎中
故能沈鬱厚重也殊不知詩本性情以出性情由乎
內必先具有真摯篤厚者以爲之本而後感發存乎
外山水朋友交相資焉顧生平東南者不覩西北山
川之雄偉則蒼涼灝博之氣不出生平西北不覩東
南山川之秀麗則冲融緬邈之思亦無由發况把酒
論文疑義與晰問學相須交遊之功又何可少哉之

谷口山房文集

卷之二

序十一

二者類必因遊而後得彼少襲富貴之人或囿于鄉
縣或束于職事即宦蹟遐征輶車于邁所過名山大
川亦偶得從而遊賞之而 王程期會北道張筵其
于山水率止得其皮膚求其能真好如謝康樂窮搜
幽奧者蓋鮮矣間或嘉賓至止訪謁逢迎不可謂無
朋友矣而高隱自好之士既非可招呼而至所與接
者又多主爲譏頌少所規勉師資之益亦莫由聞若
光武之能使故人嚴光忘其尊貴加足其腹者又豈
可多得耶故士惟羈乃遊遊則奚囊蠟屐造請過從

山水之情狀友朋之論說無往不與我之性情引伸映發窮愈久遊愈廣所得助于外者愈深而詩之工力亦隨之既得之所以爲工則文章與道力相表裏于世益不肯苟合浩浩落落若造物者故厄之以其遇而專縱之以其詩矣苟非然者在內初無其本而踟躕困厄于一鄉一曲之中在外又無所得于遊覽結納但以窮求工天下豈少窮老牖下者哉然明程子生長吳門佳麗之區天資異敏工制舉業而卒不得志于有司末由行其所學鬱塞不偶俯仰交謫不得已仗策從軍鼓櫓遠遊所在名公卿賢士爭相追趨殆所謂天故厄其遇而縱之以其詩者耶由其詩跡之蓋嘗北渡大江涉黃河歷齊魯燕趙過聖人之居友慷慨之士入長安觀宮闕之壯麗人文之輻輳歸戀山陰陟天台探禹穴還西上登九華泛彭蠡過豫章溯江漢放乎荆門依棲鄂渚南北山水之勝亦既攬擷無餘矣其間紀遊贈答感時寫懷往往奇想天開聲情洋溢沈宮詹繹堂謂其風流蘊藉似岑嘉州沉至處直逼少陵殆非過也歟憶先是邂逅識

程子于石廬太守座上至甲寅春家聞學子靜先生急參軍出不服職其意蓋程子毅然爲之選選遂歸吳門一時稱其高義及今十年所余以公事重然自程子在中丞公幕中相望咫尺不可得晤程子乃介日者持其先後詩集問序並以十年前偶言事手書片札及送行小作相示爲信古人置書懷袖三年不減以爲美談余筆墨何足存程子乃藏之十年不離行篋中其于朋友之誼真摯篤厚爲何如也載編其流連山水之什皆一往情浚而忠孝激發至性過人

蔣玉淵歷下存筇艸小序

文章一道雖根性靈然每有待于山水朋友而後顯博之觀精眇之緒映發抉摘愈出愈新蘓穎濱言太史公周覽名山大川與燕趙間豪俊游其文疎暢有奇氣乃博求天下奇聞壯觀千山歷終南秦嶽于水涉黃河故其爲文汪洋澹泊蓋非無所助而云然也蔣子玉淵生長中吳江山秀美之區學成出遊京師一時名公卿賢士爭與結識已爲藩邸延致尊禮壯遊遼左攬其蓄毓輿衍之氣以昌其文應教鵲詠篇

荅口山房文集

卷之二

序

七

重金玉亦不可謂不遇矣未幾主人薨逝心傷知己之歿牢落不自聊因流浪以放其情念慈適罷新城遇于歷下相與策騎東遊觀海萊州登大澤摩雲之峰望日出兩人胷中壘塊若與之俱吐者間命酒酣暢倡和多有夫海爲寓內巨觀日出又天下奇賞念慈幸得與玉淵同觀覽而苦資質鈍下不能激發爲文蔣子文若詩遂比于子長遊歷之後其顯博精眇者靡不畢出今又十二年所遇山水朋友又不知凡幾歲庚申來遊鄂渚念慈自竟陵辭職未歸相遇

武昌索齋所倡和詩誦之覺昔遊宛在目中而今玉淵著袂日遠方且盡收海內名篇陳列而論定之識愈高學愈廣其視此編特滄海一珠耳念慈拳拳勸授剗刷氏蓋欲玉淵無忘夙昔登覽相得之雅而兩人東西南北并沉離合之感亦略見于此矣

荅口山房文集

卷之三

序

五

見山樓詩序

今作詩者不搜奇窮巧關異翻新用悅時人心目而能自道其中之所懷及外有所觸而不能已於言之情論詩者不徒尚屬對工綴與寫景體物之殊詭穎發而觀其風格氣體斯已難矣遑論夫根抵性情蓄積學問中有所主隨地發露如風行空際遇竅能鳴水流地中匯坎皆盈者乎夫詩以言志志有所之而遂焉則其情通得乎心因以達乎千萬人之心故長言之若風之吹萬不齊應聲成音也苟不遂則其情

卷之二

序

七

鬱矣然偶格於外而實有得於內委曲其言以達之而卒得其通若水之盈科不匱出坎放海也二者忻戚不同要其中和之氣具足有本則樂不淫哀不傷一歸理道之正發爲歌思怨慕皆可以爲教此根抵性情之說也而亦賴有學問焉以輔之若寥廓之培扶樵而高原之落銀漢矣故志者言之所從出而性情學問又志之所由端乎退菴楊中丞敦厚本于至性自幼學至壯行其所誦讀行習莫不以聖賢爲準的故其志端而壹充周而無所撓互凡於君親夫婦

卷之二

序

七

昆弟朋友之間無一不得其情之正立朝及服官大節皆表表在人耳目而以其緒餘發爲吟咏雖所存不多顧天分過人筆鋒矯健顛不屑爲奇巧新異之觀以求合乎今之論詩者歷覽見山樓一編則凡生平遭逢閱歷忻暢憂憫無往不見其忠厚悱惻之志辨非其性情學問源本克裕亦烏能隨感發露委曲疏通不戾於聖人之指如是哉讀之者忠孝廉仁之心不覺油然而生若長風之嘯陵谷洪濤之蕩谿壑管絃感而之正則卽是編也於聖賢永言立教之旨已有合焉不當獨以聲律氣格求之矣中丞今日者以文武壯猷經營四方方且由此用豐功懋績顯佑我邦家人咸謂立言又其所後而余則曰言志之詩本率倫紀民物者將終不可掩也請於書若詩賡展夫保諸什徵之可乎

馮雲石詩序

天下事有成於人者有得於天者由人者或竭其畢生之力極閱歷問學之所至庶幾焉而終莫造其自然得天者則脫手渾成如與人同登岡阪舉足未幾已據其勝其一切踳躐卑瑣攀援仰企之狀舉若遺焉則馮子雲石之于詩是也馮子爲叅政公季子美丰姿有大志傲岸自喜然生長同官從未有五百里外之遊憶順治丙戌丁亥間燕山蕭廢九明府爲同官令與李舒章太史吳素求刺史江滙思侍御輩同

審口山房文集

卷之二

序 十八

席珍國楨目之謂此曹皆他日比肩事主人也馮子出其詩更氣格雄博音節壯濶蓋于唐人中不屑爲少陵以下者念慈擊節歎服自此耳目胸臆中遂常坐一雲石不去嗣後念慈苦生事相驅兩出西塞上奔迫狂走與馮子得再會者惟會城旅寓一再往還又各以關事縈心不暇論詩嗣乃出之四方升沈旅宦遂與馮子踪跡濶絕四十餘年中僅得聞其存歿他俱莫能悉況其詩乎然心念馮子所爲詩自少年時已可傳今由二十至歿之歲中間二十五年所進

審口山房文集

卷之二

序 十九

檄徵文作社念慈偕三原馬來西往赴馮氏三昆仲實虛其古濟陽寨東偏高齋所謂西山艸堂者居停焉一時邑中名士畢集接坐論文高談響答窮日卜夜或攘袂譁呼或屈指辯難耳熱酒酣步出庭院間下臨千仞谷中漆水寒濤之聲潺湲鳴咽若與客相應答越日又過寇氏酒壚高歌闋飲比散則啟明已在東城是夜凡七人計盡重醕同釀約百四十斤許當其時念慈年十九馮子長纔一歲他年歲亦不甚相遠各負其不可一世之志與會颺發旁觀者咸以

必又什伯于前而遺稿恐遂散失每切慮之迨癸亥冬遇馮子冢嗣大裕于楊退菴學使太原署中悼慰畢急詢其父詩云稿在而未遑清又六年退菴撫楚北余先在武昌幕府大裕繼至乃手馮子遺詩相示且言先是父初歿曾攜狀來涇陽求先生銘去邑二十里許始知先生在山東未返而歸今此詩敢請爲序念慈曰吾志也所持詩固未全然檢其中多有爲我兩人不見後所作者果蒼茫深厚工力有加大端古勝律七言勝五言皆人之所難馮子獨擅長焉豈

非其天資過人耶使得達而遂其四方之志閱歷天下名山大川接見海內巨公名士以發其才識更永其年俾盡其學問之力少陵秦州以後詩境豈難造乎惜乎困頓諸生年甫四十有五身未得出鄉里而歿也悲哉昔蘓子美歿其賢夫人許氏以其集及狀介其父太傅公求歐公爲序爲銘先後兩得之今大裕賢矣余既不及爲銘而僅序其詩又才不逮歐公萬萬所序不足以重馮子之詩有愧大裕多矣再考歐公序梅聖俞詩謂其窮而愈工今余于馮子友惜其未達而若謂未盡其工也者蓋馮子存日與念慈交及今大裕數相見執禮謙恭皆行古之道者念慈固不敢效世俗泛常之腴言過當而反掩其實亦猶行古之道也大裕弟大章今已舉于鄉行且提干南宮是始能梓馮子之詩傳之而且繼其志以廓其未竟之緒者念慈深有望焉更追計昔者山館酒壚同時酣暢之人惟念慈及寇五篤生差少達而篤生終限公車念慈仕跡坎壈且十九徂亡獨此身尚在人世盡生平之力而詩猶在離合之間是窮達

兩無所取也又安得起馮子而爲我論定之哉

外祖明巡撫河南中丞袁三常公奏議序

先外祖中丞常公生平爲人敬勤廉謹而事一凡事無巨細率以實心力行幹始要終期於必成雖燕居獨室中或對家人子弟行不趨坐不倚罔有戲渝傲惰疾言遽色所著衣履至敝爛終無垢跡由貧士登第仕宦至獨坐凡公私疏奏詳案批答書問之事皆一手爲之從不延幕友及假手胥吏以至宦成里居一切滌泊寧靜不爲一驕奢縱恣之事終其身如一日此念慈自三歲養於外氏所目擊而心識之者

谷中山房文集

卷之二 序

三

也其歷宦自部曹而方面閱晉蜀山東河北皆體國恤民實心善政計畫周詳所至吏畏民懷至今過其地或尚有故老相傳能言之而咨嗟太息者而其忠貞純一先見熟籌一身用舍係國運之去留者則略見於撫豫諸章奏中念慈幼少時未能知解及稍長而先外祖卽遭亂見背其稿長舅氏亦長厚慎密人藏秘笈不以示人故念慈生六十年亦未嘗得見而讀之己巳夏依姻家楊退菴中丞在武昌外祖遺腹子少母舅陽仲構走江南就善工刊刻先過楚相

谷中山房文集

卷之二 序

三

示命爲論定念慈卒讀三復乃瞿然嘆曰有天下國家者其所以隆替存亡惟中外一二大臣是視而其間所以樸扶隕墜之故豈不以其人哉乃既得其人而用之有效矣復不能竟用之使盡其才力以成其事功或撓於肘掣或奪于中罷此非其人之不幸蓋有運數存焉而非人之所能爲者明祚之移于流賊古無有也而賊之日張則辦賊者實養成之蓋其初起本非有大志也不過地方鴛鴦不逞之徒或迫于飢寒或陷于法律乘成平日久軍政廢弛偶相聚焚劫以緩一日之歎故兵來則走而之他兵去復來轉徙遷流無有定向在外司兵之官撲勦不力因而滋蔓以致烏合鋒起然當其各自爲隊未相合并時本兵者若能檄責諸方將兵合攻分勦如塞涓泉伐兩葉耳乃內外諸臣漫不爲意地方猗將孱兵既無滅賊之責縱賊之罰率尾而逐之於既焚既掠之後俾其流去卽居以爲功無有能豫防逆孽合謀剪除之者方其在秦省時已然及渡河而晉而河北勢猶未大張也迨更渡而南巢穴干豫省嵩少九臯諸大山

中股數愈多狡謀愈工始或分或合出沒無常攻城破邑燎原之勢漸成時中州撫臣率以此得罪歲易其人而中外方聽報賊如談鬼說虎色奪骨寒視督戰若登險履水魂銷心悸倡爲撫之之說避亂倖功而賊勢愈養成矣先外祖撫豫于崇禎十年十月華勢已不可爲之日賊方集陝雒間窺伺比渡甫聞成命卽忘身盡力疾趨衛輝邀請王師由孟津渡河以折其鋒賊聞之皆膽落南竄乃赴汴履任已便出親行間躬督戰攻以勤集事以廉率屬以公明信令磨

香中山房文集

卷之二

序

五

勵將士其有功者尺寸必錄有罪者纖微必罰不可以苟得賄免故將士服其廉樂其公乃相與一志同仇効其死力又有姪生員日引者天成驍勇身親行伍中與將士同居行飲食每戰卽身先陷陳諸將又誰敢獨後乎以是兵志日堅氣日振賊無有能當之者故自十年十月至十二年二月凡歲有四月間或尾擊或逆擊或夾擊或暗殺或截殺或追殺在宜陽之東趙保葉縣之保安驛襄城之白菓園襄武交界之北舞渡唐縣之戴家店舞陽之詹山葉魯地方之

觀花崖虎頭崖郟縣之高鐵爐雒陽之西水寨伊陽之馬廟山泌陽之饒良鎮鄭州之雍家寨鄧州之埠日祥符之高坡中牟之西二十里舖嵩縣之寺莊其他由監軍塘報兵部兵部轉據題報不在疏奏內者無從考知卽今疏載所及大小凡十七戰每戰必捷終其任賊未破一城邑勦勢已成撲滅可期矣乃有巡按張任學者自炫知兵冀圖巡撫以求改總兵爲上疏陳請廟堂如所請改授且有旨分兵十分之七而勦兵遂不敷調遣矣任學復不自怨艾反遷怒

香中山房文集

卷之二

序

五

憚憚日相尋釁又安望其一乃心力共圖勦事哉會朝廷又特設總理部院以熊文燦爲之徂于海上招降鄭芝龍已事一意主撫中樞不知將略且其心亦幾倖有成先外祖旣受熊節制而諸將之怯懦者皆倚以爲詞自是被牽制遂不得竟其勦賊之志又明知撫局必敗國事隱憂將有不可言者故前猶屢書上熊痛言勦之可爲撫恐中賊狡計而猶難于善後俱不蒙採聽及茲乃上疏直言主撫之非兼自求罷斥熊公銜之旣互相糾參又嗾其黨撓砌莫須有

之事橫加譖毀廟堂不察先外祖因而解任賊乃相
慶于山林艸澤之中未兩月遂攻破城邑十餘日以
賜張而明祚存亡之機自茲判矣雖其後賊亦偶有
就撫者而時復颺去流毒楚北迨李自成起關中雖
非豫賊營分而其先固本與諸賊同起者遂使大命
終于流賊豈非運數爲之耶運數所爲人莫能爭况
獨一撫臣之力乎然卽其疏奏與往事觀之使其身
一日不去則群寇一日不得在逞國事一日不至大
壞其力實能與運數衡角有不得不陰使之先去者

香口山房文集

卷之二

序

亦較然可見矣然則是編也先外祖生平忠貞廉慎
至誠專一愛君愛民勵兵燭機之方畧實政雖不能
畢盡而覽之者其一時兵力賊勢之勝詘事機謀慮
之得失廟堂之上主兵者之庸懦無識及身列言官
而止知黨同伐異不顧悞國殃民與夫國家用人取
舍之是非隆替存亡之判別皆從可測識矣後之有
國家職兵事者撫是編以鑒往知來治平其庶幾乎
詎獨一人之忠謨將略也哉如謂念慈固中丞外孫
也或憤于中丞之不得志而其言非盡出天下後世

之公是則奏疏具在請逐閱而深維之可乎

吳晞齋青簡齋集序

文者道之餘也惟讀書研理于中確有所得道積而章斯左宜右有無所往而不逢其源卽一應接贈答間其醇漓邪正亦自可辨願縈心世務心與理弗洽雖多讀書筆墨敷贍而讀之漫漫然罕所醒發作者亦不能自道其命意立言之所在後何述焉竟陵吳孝廉晞齋篤行君子也于世俗周旋家人生產事皆夷然不屑惟喜讀書一寓目輒洞悉義指自墳典六經以及史傳子集之文靡不究覽撮其奧旨以蓄其

卷之二

序

二

德識其事跡以達其用由少至壯而之老屹屹焉如一日念慈待罪竟邑僅九月晞齋罕至我室或因公偶接觀其容漠漠然耳旣辭職侯代乃得與之性還間燈青夜永酒行半酣語及古今治亂得失風會升降人才消長政教隆替之故晞齋則又張眸奮袖論列指陳詞旨慨慷故知非無意當世者而乃獨甘以孝廉終其身不求表見蓋其中不惟有所得亦實能有所據矣他日念慈誓去竟陵晞齋遂已下世比再至哭其墓其子鼎彥手所著青簡齋詩一編相示旣

卷之二

序

三

訝其少又大率皆應接贈答之作更數年彥走書求爲序念慈復索其古文詞亦寥寥如所示詩更索之且謂晞齋讀書論世其詩文豈無關係世道人心者何獨秘之耶彥乃荅書云先君詩自某歲公車還甌白下與某某先生輩倡予和汝每篇成時人競相傳誦而並不畱稿文自遁跡丘園一室中日有撰述計集之當盈數尺尤不肯示人卽彥亦未嘗得見焉遭捐棄後遍搜諸稿竟不可得其有無關于世道人心可想而知已然則晞齋之詩若文其以言乎古今治亂得失風會升降人才消長政教隆替之故者當必有藏之名山付之密友以待其時其人而後傳者此特其嗣君從生平交友卷帙所存搜得之者雖未免爲應接贈答之作而往往含意蘊旨其指歸皆粹然一出于正故知元豹一斑吉光片羽亦非淺學浮漫者所得比擬也嘗聞晞齋當稻熟時家人請行田已登輿矣夫役未集獨手一卷書展讀其中自晨達暮輿夫終不至家人請歸內則仍手書以入怡然不詰所以是其于世事家事不惟不屑并遺忘之矣遺于

此而獨深于彼其天性純粹道味沉涵豈可學而幾焉者晞齋又工書求之者每磨墨汁抱箋軸以前雖長夏寒冬揮汗呵冰悉僕僕應之人得去莫不快意珍藏細人或用以貨售而不自吝惜其所事不以爲名皆此類也故其終身專一于讀書惟以研理求道而已曾不自炫于人焉得而述之念慈惟因其德行以想其文章因其緒餘以想其全備而姑序之如此

胡石庄先生繹志篇序

晚季風氣寢薄人鮮實學百餘年來海內文人墨士作爲詩文自表見者雖巨細淺深不同率不下數十百家蓋附緣情事以立論敷詞篇什短小易于結構耳求其無所附緣而成一家之書蓋罕聞焉又嘗論之自荀列而降世所述諸子多各是其是務爲高論善辯騁才以遂其所見意嚮詭僻背戾于聖人之指者往往然矣矧能內之極性命之精微外之備經世之大法近之在乎一身而遠之俟諸來葉者乎竟陵

胡石庄先生自明崇禎間蚤領鄉薦入本朝無意禮闈乃謁選部既序名當除授復就部告老以孝廉之身全歸勝國放還之恩丐諸當代不忤于時無美于世臥天門巾栝間足不出戶庭窮年誦讀于書靡所不覽而深自韜晦所著有菊佳軒諸詩皆宏深奧博不屑爲新穎秀發以趨時尚至其稽古準今本領著作則人莫得而知焉念慈宰竟陵時曾不得數接見于先生既辭官復來寓居比隣亦僅得讀先生之詩亡何先生歿念慈亦暫歸里門乙丑再至乃從嗣君

褒所求得先生所著緯志篇若干卷則洋洋纚纚自
志學明德逮尙論廣徵爲目凡六十有一中間由聖
賢修身立命以及帝王任官行政制事治人之措置
施爲名臣賢士之所以物躬成業凡民之所以居室
盡倫兼綜條貫靡不原本道法切近人情考據古今
推準時會凡三萬餘言體之可以修身可以治天下
要之本十三經博稽史漢彙括荀揚文中折衷周程
張朱之說其學務爲有用其論不雜奇詭念慈始若
觀海望洋而恨未得受是書于先生生存之日問辨
存山房文集 卷之二 序 三

張母王太夫人九袞有一大壽序

嘗讀詩三百篇至閔宮著頌邇自姜嫄以迄于禧母
成風曰令妻壽母蓋以受祉必本于內而女德之遠
人家國因以自求多福者爲靡有涯量也地道成文
由夫而子成陰相焉易首乾父而應地無疆彖獨于
坤言之豈非以坤德柔貞承乾之健而濟以姤蛇應
地生物而能飲藏之克全其博厚悠久之美耶若咸
陽張母王太夫人者殆其有之矣凡女子之生而希
異於世者莫不曰夫若子貴而且顯樹功名于當代
身膺象服翟茀板輿焜耀鄉里斯爲閨中得志于時
者之極致耳雖然陵母捐軀以就子功滂母喜子齊
名李杜而許其身殉鉤黨是皆心豔名譽雖復著聞
史冊其于完骨肉全孝慈之理不無闕然揆之人倫
之正豈有當乎太夫人獨不然渭城張氏世修后稷
之業至文學公駿猷始以治戴禮爲儒者性固穎敏
好學嘗有奇疾倚牀而哦者三年太夫人以名家子
來嬪焚膏勸相晨夕有加故文學公于經術史傳融
貫博通尤曉暢古今得失有意當世之務試觀其

迨太夫人有丈夫子五其伯仲溫如玉如琳瑯繼起
顯名藝苑文學公始悠然自放而專以君民施濟之
事屬之令嗣太夫人獨從容勸戒曰吾非不喜若等
策勲盛懋以揚名顯親顧吾自明末爾曹方總角時
習聞自郡邑中來人傳言甲煩于上民氣促
于下業知天下將雲擾而廢也極也蓋嘗以不仕
箴汝父近始聽我今雖

聖主在上銳意治安而中外奉行弗實恩不下究仕者
豈真能行所學以利民物哉亦徒私俸祿爲身家計

香山山房文集

卷之二

序 岳

耳吾家受先人隴畝幸無遺困廩憂豐年觀爾等與
閭黨理枌榆之社伐鼓報神卽不幸值凶歲人餓我
飽散其餘可以仁及鄉里吾願足矣甚不欲爾等苟
祿仕宦效世俗之所豔尚也故文學公晚年優游林
壑而溫如偶膺選拔應一命卽不復再求仕進皆太
夫人所勸教然也至于文學公喬梓延納賓客則又
率子婦輩謹理中饋孜孜若不及茲欲以麗澤之義
資益其問學耳今溫如兄弟或偶儻磊落交盡東南
有聲士林或克家好施德重鄉邑太夫人有孫五人

曾孫一人息女適吾邑名宿劉公子俱英妙秀發
然見頭角會

朝廷治化漸成紀綱日正太夫人方撫賢脩聞孫舍伯
訓迪其秉時之盛以顯名于世太夫人當又不靳矣
太夫人今年九十有一神完善飯子孫環繞膝下或
命兒子侍坐牀間問其隴畝阡陌樹藝盛長若何某
園圃果疏莠華實甲坼若何或從晴窗中聽諸孫
自小學歸懷書口誦呼啖餅餌骨肉歡聚孝慈兼全
天倫之樂孰有愈者然則太夫人其全體坤之歟藏

谷口山房文集

卷之二

序 岳

而他日諸孫觀光上國驚文鈿軸踵至方來又善兼
乾之興時偕行者乎其自迂景福以陰合無疆吾于
其德信之矣溫如蓋嘗謂念慈曰母氏孝慈勤儉人
猶可幾惟先君當倚牀之年晨夜侍湯藥無少倦怠
者歷三年如一日此則古今傳述中所不多見者固
知太夫人于倫紀之中一本至誠誠故悠久其享有
大年宜矣夫九十數之成也又一耆復始也若冬至
之陽方興未艾從此一成再成以至于大成又孰得
而禦之其鄉之人謀共舉觴屬念慈爲之詞不干其

成而于其復始誠善祝也哉念慈與溫如兄弟結爲
弟昆于太夫人有猶子之誼頻年流浪初歸適會太
夫人稱觴之盛得分被寵榮固念慈之深幸也謹敢
以不文辭因樂道而序之

序
三六

壽攝涇高陵朱侯序

前古以儒學治天下故其施于政也一如其所爲學
優若不迫沛若有餘可大而亦可久後世雜于功利
居心既殊則其所措施亦俱卑陋苟且躁決矜憤既
鮮優裕之德曷覩悠久之治雖運會日下學術滋偽
與亦以儒者不見重當世而上之所以育才者已疎
也三代而下惟宋治爲近古太祖好讀書易藩鎮爲
諸州皆簡選儒臣知其事用德行道義先天下使知
禮義廉讓之風太宗首開崇文館作興文學風示四
谷口山房文集卷之一
序
序
方故自建隆以來人才輩出及元祐間周程張朱諸
大儒闡明絕學直接孔孟之傳而考亭夫子于凡四
子六經之書莫不詳註俾學者可尋繹而入于是五
帝三王之道之精意得至今不泯厥功尤懋今高陵
明府朱公爲考亭裔孫能世其家學麗宇醇深文辭
富贍歲戊午

上命內外諸臣舉博學宏辭之士公首膺薦剡維時念
慈亦謬廁其末一時徵入長安中者靡不造請炫驚
履刺交于衢陌公獨閉戶讀書澹然無營念慈亦以

生平微尚稱病弗出故兩未通謁而其後亦遂相次
罷還念慈學術舛淺固其所也公學十倍念慈而其
家故以資雄于姑孰亦斤斤焉與之同罷竊以此窺
公中有所守蓋不僅以文章自命矣已念慈遂引病
就部辭職流浪江湖間復十年所而公且奉

命出宰陽陵矣陽陵去涇五十里而近鄉人之至于南
稱述公循良者日交于耳念慈乃嘆曰在今日令宰
之不可爲亦云極矣上焉者惟章程是督過于束濕
而下焉者力竭風顛競絀兩因公不艷清華之選而

谷口山房文集

卷之二

序 三

顧以民生爲急始用邵子所謂正學者所當盡力之
時寬一分則民受一分之賜歟念慈徒浩然解組自
放寬閒之野則學力不逮遠矣已已冬歸過陽陵經
新寺固嚮所相戒爲馬客飄忽行人率疾趨而過者
也至則行者徐徐休者于途歌相聞也問之乃知
自公下車來每躬出巡緝戒道路守望相接盜不入
境人矣念慈益嘆公之果有施于百姓如此也未幾
而涇侯常讀禮去任涇人總公昔攝富平恩德在民
故相與殷望曰吾涇何緣得高陵侯暫相寬紓我乎

迨三月兩臺果借公才使攝吾邑邑父老乃謹呼相
慶曰侯果來蘓我矣旣至則進涇民而問所疾苦知
當常侯爲政駿發聰察之後急宜予以體養首飭樞
書稱收惟正而民一甦于加耗矣時涇邑草竊公行
民罔敢問城內外居民率無安枕之夕公曰此輩敢
無忌憚者必有爲之主藏而其藁爲外府卽我所任
以緝捕者也旣廉得姓名乃督限捕役得其人數輩
立置之法而民再甦于盜賊矣至于凡獄之興咸以
平心明聽初則化大爲小繼且化有爲無而民更甦

谷口山房文集

卷之二

序 四

于訟獄矣邑西北故鄭白渠灌涇原醴陵四縣田若
千頃先是公嘗從陽陵躬往疏濬釐其主管之弊是
涇民于公未攝之前受公賜已久也其在涇陵一薪
蔬不食于民俸錢弗給恒自家取足一日蒙載及關
以海錯報入稅權使者疑而發之中得白金四百餘
乃咨嗟歎服公之清操撫字不求人知類如此至敝
邑士大夫甘拙守者固多而自軍興以來其因緣雜
進日出入于父母廳事者亦復不少公雖并容弗拒
而禮遇之中咸有差等用是人各自愛化鰥爲魴豈

非有以示民不佻也歟今七月望前四日爲公覽揆
之辰逕紳若士謀壽公而屬念慈爲之言不敢辭復
不敢諛亦惟卽公所自有者頌公而已夫公以真儒
之系袂服大雅不求捷仕不卑矮簪出其學以道濟
吾民其薄歟也廉以仁也其弭盜也智以勇也其息
訟也義以信也勞于濬渠永惠愛也辨于禮士敦政
體也至其學之緒餘見于文章吟咏如所示洪壤禱
雨喜雨諸什固無念不在民生其他亦俱穠如肆好
得溫柔敦厚之旨固知其中粹然故有言藹如也夫

谷口山房文集

卷之二

序

陽陵衝也涇又夙號繁劇公兼兩邑之政往來炎暑
中不見有矜張之跡煩勞之色而事罔不理政行俗
變而民不知所以爲之者與人接無疾聲遽色詩書
道德之氣溫溫被人是蓋得其家正學之傳而以儒
術爲治行一本乎至誠悠久之理卽配地無疆在是
矣公之宰陽陵已六寒暑政簡刑清人民悅服制府
中丞公旣兩上其績于

朝廷紀在司勳今

天子方重道右文以儒學化天下以育養一世之才凡

先賢後嗣卽未必能賢者莫不齒而錄之况如公之
文學政事堪表一路者乎升府

內召可計日待矣念慈又樂公以儒者之治普被窳內
一洗晚近功利之習編氓私愛雖欲久依怙恃正恐
寇公之駕無由更借則今日得稱兕以觀公于吾涇
之堂實涇人之榮幸也用是踴躍而爲之序

谷口山房文集

卷之二

序

谷口山房文集總目

卷之三

碑文

當陽縣玉泉山重修漢壽亭侯關公廟碑

傳

張烈婦傳 嵇封君傳 張鳳袍鳳紳兄弟

志略

烈婦王氏志略 瀘溪令周公父子主僕

誌銘

閭孺人誌銘

谷口山房文集

總目

當陽縣玉泉山重修漢壽亭侯關公廟碑文

當陽縣之玉泉山有漢壽亭侯關壯繆公廟其創始之時及殿廡門垣之嚮背廣狹念慈風未至其地又未得其故碑版所紀載而讀之都無從考獨考志當陽有侯墓遺體實葬焉其廟之近墓者必弘而軒敞是以妥神靈而生人誠敬也厥後漸就圯壞亦未覩其摧敗至何等必其荒涼蒙沒有足感乎人心者也今重修且落成矣亦未知其爲殿幾楹廡幾間門幾重墻垣幾堵金碧之輪奐若何象設之威嚴若何視昔有加邨或未逮然必其所以妥神靈生人誠敬者無弗備也凡神之見祀于四方亦各因其耳目所習此之所祀彼或否焉獨侯廟遍天下窮鄉鄙陋莫不崇奉男女貴賤老穉肅隸以至兗頑狂悖之夫過之者無不肅然敬喟然嘆豈非其純忠大義有以浚入乎人之心而感激乎百世者耶侯往在荊州禦災捍患馳驅經營最久當陽又其以死勤事之地于祀典尤合當其攻曹仁于樊決漢水灌于禁屯七軍皆沒斬魏將龐德梁郊陸渾間羣盜皆遁受印號威震中

原曹操識從許都避之一時功業赫然盛矣顧其志不遂訖以身及難于此固古今忠臣義士經過憑弔所爲痛心悲憤旁皇焉而不能自己者雖侯生前一志報主久已自忘其身死而化爲日星河嶽之正氣充塞天地無所不至何遺體之足念乃人心之所繫以爲侯所葬之地固不同于他方則其精誠所感召當亦神之所降鑒焉侯者矣夫忠義之在人根于心發于性不以時移不以地易感之則奮導之則流今見侯廟將廢而惻然不能已于修葺者是其端已一

二人發其端千百人爭起而助之可以觀心性之大同廟成而過之者肅拜望之者起敬俾人人各得所觸而興于忠義亦侯之心也哉邇者逆臣背叛王師賈勇南伐又人人抱忠思奮之秋適覩侯廟聿新于以見忠義感發神人協應之機計日佑啓我軍制勝摧敵底定南服不獨當陽一邑蒙被神庥已也是役也倡始者高御史某等丐予爲記則參頌卽某余雖未及拜謁廟下而慨然于今昔廢興之感樂聞其成亦所謂感發于忠義者乃不辭而屬文焉

宜君縣石堡村創建菩薩廟碑

菩薩修證積累與佛原無差等惟其願力弘深意在盡衆生皆歸淨土故各就名山開立道場說法救度不肯卽正果位然則其心視佛倍爲悲切其法倍爲著明矣學佛者類從此得度方有證入世之季也有政而無教王化凌襲刑罰告令但足制人事陽惡不能消其心之陰毒象教之設又曷可少而陰毒積中常至不可解脫者尤莫如婦人宜君縣石堡村僻在谿壑之間然居人衆多頗稱大聚仕宦儒生往往而有其于聖人之教澤王者之禁令亦既習聞之卽神道設教如關壯繆三世佛舊俱建有廟宇康熙二十有九年村中士民及善信婦女又各競捐資財就隙地創修菩薩殿一區是必其心之嚮善日篤而功有望于救度也况婦女同心是難化者咸勃然動奮然啟若堅冰將釋渙就春陽矣吾聞陰毒之氣積而上達或釀成刀兵灾沴今石堡男若女重象教皈道法如此是殿既立則凡爲善者之心志莫不萃聚歸向于茲而勃然者日以達劃然者日以擴善氣之積

祥攸集室家安和子姓繁茂士農各成其業灾祲不
害其歲吾于其心卜之矣殿之成已若干時矣雖爲
宇僅幾楹而寶相莊嚴金碧燦耀皆足使觀望之者
興起從善菩薩之願力亦因以及衆焉庚午春念慈
過村之楊氏時涇州學正楊素懷以待養在家屬爲
文以勒諸石念慈雖不諳佛法顧獎善實夙志也因
不揆固陋而記之

張烈婦傳

烈婦張氏者山東膠州學生員韓仲子士楷妻御史
懋禧張公弟生員懋燧女也幼字於韓以士楷隨父
任永州故年二十始歸歸二年士楷死氏自經以從
人咸稱烈婦焉烈婦生卽端慧幼嫻女訓母高久病
烈婦年甫十三備極孝養見母羸不勝勞勤于凡中
饋米鹽醢醢酒漿及婢妾織紝縫績衣服之事一切
代理母死哭極哀益慎女儀勤家事及嬪于韓氏持
婦道惟謹值姑病亦久事之如其母凡藥餌飲食無
咎口山房文集 卷之三 三
夙夜咸親調以進未一載士楷亦病烈婦左右調護
出則仰天蹙眉入則怡顏慰藉脫簪珥市藥物絕不
使姑與夫聞求所以適兩病人懷者靡不至歲戊申
產一女士楷病益篤烈婦憂廢食寢遂成疾疾中每
念姑病不置其夫之食藥猶親檢視士楷疾革烈婦
卽絕粒誓殉及歿痛哭陷膺絕而復甦者三視含殮
畢從容辭長幼告從死家人固阻之弗聽復抱其女
以動之乃謂姆曰第善事吾姑此女弗顧也後數日
防者少懈竟自經士楷柩傍時天忽慘變烈風大作

純庭院者久之里人相傳奔聚觀問者如堵牆莫不
咨嗟歎異士大夫聞其事於州郡及督學使者達大
中丞疏於朝奉 旨旌其門

李念慈曰若張烈婦者可謂從容就義者矣念慈因
之有感焉夫婦之於夫猶臣之於君也臣不二其心
婦不二其天斯亦善矣如必以死稱將使國無顧命
之臣家無撫孤之母也或當國破家亡亂離顛沛之
際不得已以死全其節宜已若烈婦之夫以病死其
翁若姑皆慈而秉禮烈婦苟挈其呱呱之女晨炊夜
香 山房文集 卷之三 傳 五
續事病姑以待伯有大男請於翁告於廟爲士楷立
後而撫之其誰曰不然胡爲乎死也耶又嘗竊觀之
自世風變而趨下教化衰微廉恥道喪反面事讐者
勿論矣又豈少意氣所激始末嘗不金石自矢迨託
立孤報讐之義一隱忍全其身久而淪焉多有不克
自保其初志者故蓋棺而論定自古已然况婦人以
身事人當茲習見兵革鬪爭之世苟一日未亡又安
能必其身不遇搶攘變故耶烈婦之死其有見於斯
也乎

嵇封君傳

君諱昇號憩廣常州無錫人以子永福順治乙未進
士初授浙江嚴州府推官得封如其官君天性孝友
多讀書明義理躬行不怠爲鄉里所宗幼攻舉子業
卽規模司馬遷班固韓愈歐陽永叔諸人恥爲趨時
之文旣長爲邑名諸生益博讀羣書遊馬文肅公門
所爲文比先正大家手纂四書尚書疏義析疑辨異
多有發明五上鄉闈皆被黜會永福中甲午舉人遂
棄青衿自號憩廣專以事親教子爲事遠近執經問
答 山房文集 卷之三 傳 五
業者翕然歸之父仰恒公性極嚴封君事之每雞鳴
已候于寢門外侍側下氣怡聲有問乃對肅客則正
襟隅坐或弗懌必跪承教捷則婉容受之伺顏霽然
後退夜必俟其寢酣乃屏息出奉養豐潔仰恒公好
周人急難封君每先意承志歿之日哀毀骨立居喪
三年人不見其齒事母張孺人如其父母歿三日水
漿不入口作孺子泣者百日寢處苦塊盡三年葬後
宿墓草中累月仰恒公有手書遺訓及自著行略又
張孺人歿時遺一襦皆謹藏之晨夕展視必泣嗣後

逢忌日祭必泣春秋塋墓必泣時祭必泣終身弗衰
弟歿有遺子其母病則命妻乳哺撫育之與永福無
少異諸女兄弟貧乏者周給不絕兼撫其子女後有
蚤歿者既爲殯每念同胞零落輒涕泗橫流宗族戚
黨及朋友子弟有佳者或善讀書則喜見必勉以勤
學作好人友人遺子女或爲之婚嫁護持教誨如已
出喜朋友自少至老卽一飲食非對朋友則不樂終
身不食干內私室之中夫婦相對無褻容無諍語終
身不置妾媵其母張孺人嘗有吾家一對好道學夫
妻之歎其教永福也斗室中一几一榻俾日夜侍坐
寢者六年凡六經周秦兩漢下逮唐宋大家之文咸
口授而節解由永福爲諸生以及舉于鄉日益加嚴
迫成進士歸則手書五戒使人迎諭曰勿妄聯宗勿
輕結親勿濫收奴僕勿竿牘地方官勿得罪鄉里既
官嚴州則誠曰官無大小其家父母妻子兄弟皆託
命焉勿輕壞人官職果不肖爲民害者則亟令去官
勿苛求賦款敗人身家以自見風力又曰刑期無刑
必無刑乃不愧刑官就養往來道路間不會一客屬

吏若紳士或踪跡之則亟引去卒無敢以餽遺進者
其在嚴州也值海寇內侵僞檄傳至郡吏民惶遽不
知所出永福慮驚封君弗敢聞君察知之曰鎮亂以
定決事以義脫有不測有死無貳毋以我在此有所
顧畏乃命會堂僚屬吏干郡治門立碎其牌羈其使
仍糾紳民誓死登陴守事遂定賊竟不敢來犯永福
嘗獻一大僚其人輦金投封君于家立麾去且急使
人告曰當益持正執法勿撓後謫歷城則戒之以循
分盡職胸中勿存芥蒂其自謫所寄俸錢爲養則曰
爾祿薄安所得此得無因是小損名節者戒勿復爾
所奉一裘亦不肯著又不欲傷其意曰吾幸無寒姑
藏之以待故舊之寒者封君家故貧中年尤甚笑傲
自若曰吾豈能事生產長戚戚耶所居安處朴陋不
肯違舊宅曰此吾王母守節之地吾父拮据守之者
也當永福之謫也實以他人遭賦受累公則曰渠皆
吾貪戚汝一置辯則其身家壞矣升沈有數其安之
封君以爲人排難故遭橫逆領而不發因病疽時永
福在謫所急寓書曰疽固有由來然吾所自取脫有

不測勿相尋爲難疽亦旋愈而其人聞之愧悔無以
自容公反解喻之竟懼奸如初受封時永福製朝衣
冠上之君但一著謝恩曰吾父母積行苦節而不
得享子孫之榮吾其忍服此故晚年種竹移花稍與
邑中諸老爲山水文酒之交冠帶之會輒辭不與其
終老不忘親如此君今名乃改籍入吳縣學時所更
初名節申字孟求蓋仰恒公痛其母黃孺人苦節撫
孤而不得旌冀君有以申之也則其純孝源本亦有
自來云

谷口山房文集

卷之三

傳八

李念慈曰易書詩禮樂春秋皆古帝王修身齊家治
國平天下之大經大法而史則其考鏡得失之林也
自選舉廢制科興漸失實矣後乃沿而爲八股之文
引意屬對惴惴然固敢馳騁以見意世之學者習焉
有白首宦途而茫然不知諸經與史之大略者矣夫
驅天下人自少之壯之精神心力而委之於無用之
尺幅古帝王修身治世之書反無聞焉朝廷有事欲
求一通達義理曉暢古今事情之大儒而用之又烏
可得哉何也其所以詔之者非也卽間有一二軼羣

之士能不爲時執所拘縛而以古學自命終不廢業
于時者亦鮮矣如嵇封君者可感也然封君之學又
以其能力行而乃克修其身以教其子不徒以能說
書爲文章稱也士亦各自奮爲躬行學士者耳遇不
遇何害顧吾不能不有憾于始爲八股者矣

谷口山房文集

卷之三

傳九

張鳳翽鳳翽兄弟與難全忠傳

張鳳翽陝西延安府中部縣人康熙癸丑進士十九年授四川重慶府鄆都令八月履任時蜀疆新復人民逃竄方事招集未匝月遭譚弘彭時亨復叛虜方被檄督運進旗軍需在外聞變知城垣崩塌內無居民無防兵不可以守乃與百姓誓團聚邑之西山操練鄉勇與賊抗拒堅持五閱月屢問道請兵救援不至二十年正月又潛往重慶請兵翽身率鄉勇三百餘與攻賊營破之擒偽副將許登甲仍導大兵進攻

峽口山房文集

卷之三

傳 4

忠州梁山一路招降偽副將楊應舉秦朝相偽遊擊楊文遠等遂復川東前功俱經塘報督撫鎮批允

題叙及事平通查會前在軍督撫一內陞一病故杏覆者未經分晰槩以失陷城池造報革職

張鳳翽翽同胞弟與兄同科進士同時授四川順慶府大竹令同時任邑從無城池又遭亂後居民盡逃山箐城中惟荆榛瓦礫而已未一月卽值譚彭之變翽身率僮僕及衙役數人拒戰遂被執逼授偽職不從罵賊求死觸怒非刑亂杖折其左腿右臂血流氣

絕家人高懷王進忠收屍號哭被賊立時擊死翽夜半復甦邑民負救至山岩曩創聚衆復問道諸兵快復邑城及川北一帶當自賊中初出時經各上官驗明傷痕發往兄鄆都任中調養及事平檄徵復任不就遂辭歸養母嗣並以通查未經分晰革職厥後兄弟亦各赴四川督撫具呈及叩 閣控辯皆莫肯爲直九苞乃紀其前後始末爲與難紀事錄以自明云念慈曰若鳳翽鳳翽可謂不辱科名者矣其平日讀書知道不以顛沛去仁可槩見也夫道德之士事功

峽口山房文集

卷之三

傳 1

不足與比倫也經濟之士萃撫不足與比倫也方其同成進士也鄉里羨慕之不過謂其勢位富厚所固有矣及選授殘邑俱撫集得民心觀甫月而能團練鄉勇得其死力可知也乃突遭逆變兩人者俱能不屈其節全忠成仁是非周于道德者烏能不亂于邪世若是夫忠孝節義者道德之所表見也使翽各授他治平地方或雖授蜀而不遭逆變得盡其經濟之能奏績于 朝歷階遷轉卽不屑爲富貴萃撫謀亦不過建豎顯庸爲事功之士而止今遭變以忠孝

節義著爲吾道中第一流人物雖官去而名成德全是變亂者地方之不幸實兩人厚幸也及之而後知爲之而始見初念旣正定力愈出盤錯相成兩人亦不知其所以致此者不然天下之讀書成進士卽兄弟同成進士者亦豈少乎哉吾因歎夫士不遇而才力勲名其淹沒于抑塞坎坷中者固多已遇矣而處順安常忠孝節義之大其淹沒于富貴福澤之中者政復不少也九苞兄弟亦可以無憾也已

志略

烈婦王氏志略

烈婦王氏山東濟南府新城縣人明考功郎象春王公女歸邑生員徐民和生子元善四年而民和病且甚烈婦日夜侍藥物飲食惟謹子方幼牽其裾烈婦揮之曰父在乃有而母父去誰爲而母者以義絕愛志見乎詞其言甚悲人弗之覺也民和歿烈婦年纔二十號踊期必殉父母諭以撫孤之義乃彊飲食弗哭泣民和雖方伯後家故貧當考功公捐館時分烈婦貲二百金固辭弗受曰散髮之人焉用此爲布衣蔬食日撫孤而教之有違必加訶責已復慰藉之以母代父嚴慈并至以此元善年十五卽有聲庠序又二年乃娶婦拜堂下烈婦始大慟出聲曰不圖今日得見汝成人吾心力竭矣此後汝自爲之壬午寇至邑破元善尚在城頭亂兵突入其家烈婦矢不辱死焉稍定邑令以其狀上之郡郡轉達直指公將疏于朝會革代寢元善痛其母以烈終而不復可得旌也遂更名夜字東癡捐棄青衿不求仕進終身守其壘

前新城縣知縣李念慈曰考功王公爲一代風雅之
宗民和雖不過于時而德行文章爲士林重元善雅
善詩古文詞抱道自晦遠近慕其風嘗願見不可得
烈婦以考功爲之父民和爲之夫元善爲之子身能
捐生完節以還其所生人傑也與哉邑有隱德而表
章之維守令之責余以康熙戊申改官來新城去烈
婦死之歲三十有一年矣至則求所爲邑乘者而修
輯之不可得然從邑人備聞烈婦事明年乃得式元
善之廬又明年以催科無狀罷邑乘之紀載非吾事
谷口山房文集 卷之三 忠節 四

善善者

矣而章善之心則弗能自己聊私記其略以待後之

瀘溪令周公父子主僕殉難紀畧

瀘溪令周公諱晉英浙之仁和人由拔貢任侯官教
諭陞瀘溪知縣以順治八年五月任是時辰州初亂
沅靖辰溪五寨司環二三百里間皆僞帥屯駐而土
華姚啟唐楊通前猶據縣之四都六里邑屬十踞其
八離城三里外 朝廷法令不行公開誠招集乃悉
投戈復業稟受 令甲秋八月逆賊楊國棟姚啟唐
楊通前郝搖旗等勾通僞國公高李二家突犯縣城
城內初無兵卒公及長子之簠父子分汛率紳衿民
客口山房文集 卷之三 紀畧 五
民櫻城處守八晝夜援兵既至乃却避賊鋒立營江
東公惟借其聲勢躬率團練義勇逆戰於江之南賊
爲引退城得以全又奉鎮道檄招撫諸營賊帥挺身
入其壘招出通前全營及國棟營裨將三員鎮道趣
招撫愈急乃再往諭以大義已說降石萬民等惟姚
啟唐頑梗不化公方以長子之簠爲質而身却還報
啟唐驟變局脇公使降公不爲屈且正色坐呵之遂
遇害之簠痛父隕益矢口罵賊賊併害之僮僕盛安
陳賢戴升等共十三人一時義不苟生皆自殺會辰

瀘復陷當事者遂不備疏其事夫人楊氏于亂兵中
護喪攜諸孤避難于武陵之進陽村路遇潰兵四掠
婢僕星散夫人以情從容正告之獲免歲復大祲採
藤花菱根作食篝燈機杼課諸子誦讀後輔臣洪定
湖南夫人攜孤子叫號軍前事乃上聞例得贈廕而
無力以營部覆 卹典卒不下之簡乃杖策從經畧
軍計殺賊爲父兄報仇有功 題授沅州丞後仕至
宜君令以公父子忠孝大節未得顯卹忠魂在楚因
遂家于湘潭縣之石潭鎮至康熙二十五年二月去

谷口山房文集

卷之三

紀畧

七

公歿事之歲已三十六年矣瀘邑人懷思不衰乃具
其事由令守上達督撫崇祀名宦祠云
李念慈曰余嘗讀史至下壺父若子同歿蕭峻之難
每嘆其忠孝一源至田橫不肯事漢而其徒五百人
同日俱歿又可謂氣誼之感人者乎教令者今周
公以三月邑令爲賊不屈歿于忠子之簠拚生殉父
歿于孝僅僕二人並殉主之難歿于義歿後三十
餘年邑人不忘其德爲之請祀夫人于公歿後扶柩
遇賊能以大義感說自脫後陳情經畧軍前得其

題報之簡弱齡奮身從軍殺賊報讐一門存歿古所
稱忠孝節義之出于至性者何以過焉獨怪父能以
是感之子主能以是感之僕又感乎邑之人久而不
忘夫人以其節感亂兵更感輔臣于事久之後爲之
具 題而獨不能感大部議覆者使煌煌定例不信
于下忠魂飲泣聞者共憤豈不重可慨歟

谷口山房文集

卷之三

紀畧

七

閻孺人墓誌銘

閻百詩若璩本太原人居淮上以才名聞遠邇讀書能彊記淹貫百家重交誼康熙己未與念慈同以博學宏詞薦入同待詔長安中復同罷先後得過從晨夕最久念慈學淺詞固罷宜也若百詩固宜在史職方其薦入若將遇之矣而卒不遇豈非命哉又七年閻百詩于詠以本籍舉于鄉私謂百詩雖猶困上雍其稽古之勤造物者固先報之于其子亦未悉其世德有自來也歲丁卯遇詠于皖上楊中丞坐中通谷山房文集卷之二 誌銘 六

達精敏人也他日必以功名顯當世詰朝奉其祖再彭先生修齡所爲其嫡母蔡孺人行述謁念慈屬爲誌銘考閻氏本支錄其先世誌表類多名臣巨公如黃石齋諸先正爲之念慈何人懼弗克任顧與百詩以文章定交則先生念慈父事者也誼曷敢辭又心感先生孝思用是惶懼躊躇踰月而後能從事按述孺人淮安衛籍高祖某明萬曆甲戌探花歷官禮部尚書父某武舉參軍世澤兼文武孺人生長華胄性恪謹仁厚無一切富貴驕佚習長歸朝議公爲繼室

自公之釋褐以暨理湖州擢戶曹總憲餉備兵寧前皆孺人陰相之方其在湖州也孺人未有所生朝議公夜夢神人曰君無子宜祥刑旦告孺人孺人謹誌之時以悉心研獄相勸勉每退食之夕必問有所平反不有則歛衽稱賀不卽愀然久之曰法在亦不可以私計縱舍也故朝議公所理獄存活特衆至督遠餉任寧前則畱孺人潞河民舍朝議公將行作別及後凡有家信俱以朝廷方憂東事軍務孔棘宜一心王事毋念我等爲囑獨與先生母陳孺人撫子

谷山房文集

卷之二 誌銘 七

若女索居辛苦未嘗聞嗟怨聲初楊太孺人秉家政尚綜核孺人事之極意承順小不愜卽長跪以請不命之起弗敢起御荆布操井日至已受封猶親爲滌溺器不以屬陳孺人及他婢妾也孺人初生二女後不祿在朝議公理荅時孺人年方富輒沈思宗祧事大曰此我貴也閻氏固有家法在遂懇告楊太孺人得請遍擇得山陽詩叟陳鄉賓女卽陳孺人也備禮納聘用以自副既至視如姊妹終身無間言陳孺人有二女撫同已出及舉先生尤奇愛之匝歲憐陳孺

人羸憊卽取置身側躬自鞠育日則手不釋抱夜則
推移燥濕稍長每調視寒煥飽餒時其飲食衣服閱
十年如一日方數齡時口授之章句能記誦孺人卽
喜動顏色告陳曰兒能讀書成句矣每歸寧輒攜以
從引至長松怪石下手指曰此先尚書手澤願兒成
此宅相及後病痢將革猶囑語朝議公曰勿過感此
陰陽自然之理撫再彭公頂告別吉祥而逝當孺人
病時其牀褥沾污蠅蚋臭穢陳孺人亦躬親洗滌如
孺人之所以事楊太孺人者人以爲孝慈之報云孺

谷口山房文集

卷之五

誌銘

人生于明隆慶四年庚午九月初六日卒于天啓六
年丙寅七月初二日年五十有七葬涇河學山嗚呼
孺人生平蓋仁孝而深明禮義大節無纖毫私意其
間非但婦德中所罕觀而身無所育疑天之所以報
施者未端矣及觀再彭先生修行立身聖賢自命讀
其行述曰齡家世側生之子惟是我嫡母蔡孺人遇
我母同手足撫我劬勞過于所生卒後六十載越在
淩土未敢先先君以葬昨辛酉始安厝塋庄先君及
我母俱已有誌而嫡母盛德卓行生無以報死無以

爲表章自念七十一歲老孤子朝不保暮恐一旦溘
先朝露則死且不瞑惟乞仁人君子賜之一言庶嫡
母齡母皆得慰藉地下而齡亦可終老無憾矣其言
誠切質實讀者莫不感泣念慈觀孺人之孝謹慈和
與再彭先生之怨慕哀思于孺人者垂老益篤不但
知其子若孫文學功名由來于世德者遠而孺人固
不啻有子且有孝子聞孫將奕世載德無替矣天之
所以報之又奚必自其身出哉因不避固陋而爲之
誌

谷口山房文集

卷之三

誌銘

三

銘曰事尊惟孝偶以正仁能逮下義兼知命聞不
出家施延有政婦德之榮莫先厥後忘其娉嫉人子
已有淮水流長學山毓厚蔚蔚佳城從夫左右宜爾
子孫寔昌永久

谷口山房文集總目

卷之四

啓 景陵近新宰錢子庸小啓 回 錢子庸同寅
 遺壽啓 寄賀涇陽令 諸 贈 泉令代署涇陽
 軍經督湖廣蔡稟啟 通 督 學 楊 坊 涇 聘 啟 通
 高侯點主啓 通 督 學 楊 坊 涇 聘 啟 通
 晉督學楊坊涇聘小啟 成 邨 通 邑 侯 介 休
 常公啟 武昌院中與楊退菴中丞納徵請期
 期啓 武昌院中與楊退菴中丞納徵請期
 小啟

谷口山房文集

總目

谷口山房文集卷之

涇陽李念慈劬菴甫著

啟

景陵近新宰錢子庸小啟 錢諱永以候選知縣
 授辰溪奉特旨扣留今補選景陵蒙賜
 金帛遣赴任念慈時已辭景陵任在邑候代
 恭惟江左英流漢南循望茂齡雲富蚤翔步平彤闌
 溪殿星趨夙蜚聲于京國近天顏而知喜棄擲少
 府之金出禁掖以宣慈衣被上方之錦往者五溪
 新造銓曹已借長才俄傳特詔宵頒秘閣潑畱近
 侍維聖皇卒念民依之重俾仙令暫離供奉之班
 秋月過賜廬輟對梧陰一院春風來魏闕競聯竹馬
 千頭念慈學術迂疎年華遲暮才慚製錦謬糠粃以
 前驅望切依雲盼軒車之蚤蒞久附驥于公升太史
 之年譜風投分以洽歡 錢宗兄中諧與予同榜進士
 更叨庇于子文令尹之舊邦 景陵為令尹敢懷聞而
 匱告敬遯下走蕭迂高旌惟冀紫燕晨馳信陽春之
 有脚幸慰黃童夙待河盛德于無方祇奉魚腹難鳴
 鵠埃

回錢子膺同寅遺壽啟 辛酉歲正月三日

逢乞漿得酒之昌年。協更令生人之孟月。履端肇始。

懸象宣和。正某稱集祉迓庥。敷仁新化之日。某分宜

肅將旦賀。祇介春祺。奈以犬馬懸弧。恰際栢椒薦竿。

賤辰即白雲在望。蓮子舍十載而彊。青律每臨。感客

腸百迴之結。又兼舍弟久離可念。因之家兄遣騎相

迎。時舍弟自蘇州來在京山明府樓。宗兄故櫪馬

盍簪。效拾遺之就杜位。致帖雞列炬。暫東野之違韓

公。然頗懷遊治相期。欲朔越三而便返。奈難免弟兄

谷口山房文集 卷之四 啓 二

爭挽。今日破五而方歸。顧煩遣使遠來。重以隆儀下

及兩章映月。來詩情文摯矣。頌勉則非所能當。三足

涵星。謂門光彩爛然。辭受兩有所未敢。懼違長者。拜

對長鬚。至更輟乘。以命旋。寵荷連枝之並召。時錢以

迎恩兄弟。意勤情重。弟感兄銜。謹繫紫驪。先還銀鹿。公堂

造賀。準在鏤金爲勝之前。家仲依光。期以買棹還吳

之日。至別筵所屬。問兼金乃無。錢別筵以二金囑代

金以遺。或臨發之誤耶。已代給使寬矣。但尚須徐

責之獵者。似未可過得之市。中謹先申復謝之函。統

容埃面談而罄。其爲馳依。可勝感戢。

谷口山房文集 卷之四 啓 三

寄賀涇陽令聞公啟

時奉慈氣之知後王公歿先是在任粵東撫入院陪吊始得相晤云

恭惟經濟通材文章傳品。未縣寧拘百里。聊因製錦以起家。廣昌行陟三公。姑試鳴琴而治邑。往棲遲于全粵。曾耳傾帷幄之謨謀。徒格阻于烏臺。日想望丰神之駿發。迨有西州之感。入陪東閣之賓。稍近龍光。終疎塵屑。知如雲之厦庇。實荷中來。望脫穎之神鋒。必登上列。比因今柱史君之內陟。南明府錢以行取考選御史公即來競傳新令尹公之寵臨。龍鼎合函牛。已信割雞游。

卷之四

敬

四

乃蟻封權試馬。無煩馴雉觀風。維此偏城。亦為劇壤。富饒之稱自昔。今實去而名尚存。敝賦之索無方。凡上求而下必應。物非土產。他方之聚有窮。賦本田輸。額外之徵何限。民力竭矣。公其念之。况頃者師旅饑饉之餘。正倚賴慈惠賢明之長。下車而三惠行。將四十四里立陟之春臺。臥閣為百城表。得廿有餘年未聞之異政。門堪羅雀。應觀犴狴馴空。邑過栽花。知是晉徒無擾。南來里賈。口載道以成碑。西望鄉關。心嚮風而引領。念慈樹冠為養。猶留滯于周南。侯代頡年。

祇道遙平漢上。望神君之至止。未能修負弩之恭。懸政于風聲。久稽致馳牋之慶。荷故舊不遺之清問。兼乘金下答之濃情。得家書家君有所饒于公公以却則無色受之又憐其貧答以四金云為。幼孫書資。榮被衰親。恩霑童孺。九天咳玉。蕭條門戶。光輝千里。抵金磊落。心胸感載。他時返室。會因公聆言偃之絃。有回躋堂。敢陳水效任棠之頌。看未象山賢能第一。旋飛鳧舄。以登朝祝。明莊簡勲業無雙。聊假鴻郵而貢悃。別致茱萸之賀。少伸款款之誠。莫既寅將。伏惟丙鑒。

卷之四

敬

五

答綬遠將軍總督湖廣蔡稟啟

節度世勲。昭代欽汝南之望。詩書元帥。重綸增閭。
外之權。彩鸞高牙。捷檄既騰乎。闕下。銀章小篆。殊
榮遂去。錫于師中。邇遜咸歡。旄倪胥忭。恭惟堪輿間。
氣社稷名臣。度恭懿而溫和。信四時之咸備。氣弘浚
而肅括。婉十亂以無倫。久矣受鉞臨軒。風清南紀。欣
瞻膺封。即幕猷壯西門。蓋往者逆命起于滇池。致一
時軍書達于楓陛。首檄諸方兵將。扼要荆南。全憑一
片血誠。保完湖北。既而濟師漸集。方看守禦無疎。于
谷口山房文集 卷之四 六

尼本今之正人。叔開信世之握臂。江上六年。勞瘁惟
志報平。朝廷湖中。兩署威清。恒身先夫士卒。羽扇
綸巾之氣象。臨敵何曾衷甲。輕裘緩帶之風流。拓疆
總在運籌。忠既孤而罔挫。功甚大而不言。惟猾寇戴
月而宵奔。乃諸州望風而內附。皆公之勲。伊誰白者。
然事久則論無不定。亦誠積則終必上聞。九重既知。
一鶚之孤鶩。尚久稽于顰肘。元老斯膺諸軍之盡護。
用大置其推心。假以事權。恢其調度。文武聽頤指之
使。節制行比肩之人。漢七國雖諸將從征。關外咸由

周尉。隋總管皆親王。是統荊州。獨委韋公。從此收拾
羣材。因而恢張衆志。直運謀于掌上。行殲寇于目中。
胙土酬庸。象畫凌煙閣上。還符報命。拜升安福樓頭。
實爲民生世運之大關。不獨故吏門生之私喜。某拙
由地稟。稍不時宜。自通籍逾二十年。落落功名之夢。
計服官止五六載。回回簿領之塵。前者奉檄從軍。既
蒙題除繁縣。繼而應徵待詔。仍由薦達彤墀。愧少凌
雲之賦。空孤推轂之恩。還因身病乞休。亦爲家貧營
養。忽蒙檄下。辟置幕中。學猶然吳下阿蒙。敢依綠水。
谷口山房文集 卷之四 七

士况有江南子布。久在青油。悚懼何堪。慚惶彌甚。却
喜承顏接塵。得親桃李之門。惟愁毀瓦畫墁。有玷芙
蓉之席。雖策驚而趨命。顧躡履以驚心。已蒙採及。封
菲銜報。矢同蛇雀。尤望恕其固陋。求勸當異馬牛。幸
下駟而維之。敬束躬以進者。臨稟可勝戰慄。趙趙之
至。

請醴泉令代署涇陽高侯點主啟

石樹移陰。厚庇花城。連百里。苾蒨菌韻。和宣雉隴。接
千疇。喜切編氓。緣浚累世。恭惟鍾鏞大器。琬琰瑩姿。
鵬萬里以孤鶩。雲翼行穿月窟。鳳九苞而下覽。棘叢
聊代桐花。功勲掩質而不矜。才思鄙岑而加盛。清河
王之器量。厥有家傳。給事中之文章。蔚爲國瑞。名騰
畿左。袖攜孤竹清風。績懋關中。手攬九峻秀色。矧見
法冠上眷。肉卽升臺院之班。坐看竹埤高掖。垣遡赴
夕郎之召。乃彈丸下邑。密邇隣封。遂製錦長才。旁邀
各口山房文集 卷之四 九
餘蔭。剪花澤普。下車而白。雪飛翔。吹律陽回。按管而
青春海至。躋三冬於趙日。覆四野以蕪天。甫來蒞而
頌成。初經旬而化洽。不孝念慈。材慙樗櫟。受田谷口
而二鬴常空。跡浪東西。還牧江干。而五年未返。痛道
書之廢讀。腸絕聞詩。滯扶杖以初歸。眼枯哦禮。瞻停
柩而音笑難聞。涕殘血繼。仍東野之幽宮。是殯壟遠
祠成。當衰絰之方嚴。值輿徒之來止。猥緣素輶。阻覲
袞衣。今筮廿七之良辰。敬厝先靈於故兆。期借光乎
共父。懼重勤乎行駟。謹介戚友以先容。幸蒙神君之

俞允乃清道路。奉迓軒車。仰祈椽毫。題成木主。衛恒
之四體。儼然在焉。世南之一點。亦可辨也。伏惟葆旌
蚤賁。荒塋草木知榮。將見藻翰生花。突代雲仍永拜。
肅候寵臨。曷勝哀哀。

通晉督學楊筠潛聘啟

禮徵類萃。采婚居六禮之先。春育萌芽。通問值三春之盛。臨部而傳羔雁。山川之經絡彌宏。叱車以下鳳凰。木之榮華斯賁。玉曰遂詢靈媼。銀楂將詣女星。企體順於右旋。知情殷於西顧。人倫粲矣。物象昭然。恭惟維濟鍾光。雲亭續美。鶴驂凌曠舉。臚句三殿之香。鵬翮狎搏扶。焜耀五都之市。爰膺民社。卽見循良。堂上彈琴。蚤絃聞於畿縣。雲中飛鳥。旋羅致于朝端。驄馬辟行人。領烏臺之妙選。彤墀廻指笏。登栢府之

卷之四

敬

昌言。字挾風霜。忠平金石。疏入則疆藩騰落。直比埋輪。章成而百執心寒。賢看橫挺。世欽前驅。天眷純誠。標表互崇。羽儀久肅。於是揚旌襄篋。授簡冀都。區九畹於江臯。攬孤霞於霍頂。香盈襟袂。皓徹簾帷。追琢裁加。品題已著。近者膏輿當潞。載憶及平。諸經剖通達之源。四教垂精微之旨。瞻雲輝之在。憶喬木之曾攀。啟吉以獲令攸。包荒而容淹鄙。鮑君雖貴。寧辭椎作之家。徐淑實才。謬附倡醅之匹。政披陳於末駟。將託好於初盟。某簪筆難長。佩琚易拙。殘疆出宰。屢

敬

敬

戴高雲。小子過庭。慙非禁衛。生同鄉里。名家獨擅。開西契。協朱陳。族望虛傳。隴右許隣。封之舊屬。締世閥之新婚。樾庑從深。蘭芬慨諾。蓋乘時玉立。偏生種玉之門。而翼日金屏。愧乏鎔金之星。維閨秀當繡葆。環之歲爲阿翁所目。硯不假牽絲。卽館甥在索梨。覓聚之年。亦遽使所習窺。無煩射雀。况占禮女二十而嫁。男三十而婚。何嫌差長五齡。且娶妻上以祀其先。下以延其後。豈憚親迎三日。忘蓬蒿之陋。竭葵藿之忱。遙布下風。冀蒙汪鑒。伏願冠十五國於行省。噉詩

敬

敬

首唐魏之篇。長圖卜億萬年於巨宗。受室開晉秦之曆。臨啟曷勝三沐三薰。踴躍懼忤之至。

通晉督學楊筠潛聘小啟

恭惟望冠弘農族。高上郡策對而年方英妙。政成而名更著聞。簡登執法之班。疏盡匡時之略。直聲動衆。陋人臣之持祿。養交遠見經邦。燭國事如徙薪曲突。抱孤忠而外歷。標大雅于西川。意眷林泉。家隆孝養。才不盡用。應知先帝之心。時更需人。却踐牟公之跡。化雨增絳都之色。羣峰嚮嶽而學山。靈圖闡汾野之輝。衆派挾河以歸海。覘所至之一牀。萬卷兆將來之四世三公。才名應闢世家。闊閱遂澄邦族。矧覆轡風。

香山房文集

卷之四

啟

鳳依于隣部。而姻盟旁採乎側微。某氣叶觀蘭心。營戴斗十年返舍。門前之雀可羅。千里聯婚。屋上之烏亦好。綠楊影裏。識桐葉之綻。唐風春谷。雲邊瞻日。華之融。晉水永符永泮。期麗桃夭。太霍之位原高。藐姑之神自秀。詩歌射燕人。同月圖之綠。禮重結縭。天示郊禱之信。愛其父以推其子。喜純麻之曼。兔絲因所親而得所宗。思濟美之縣。瓜瓞珠璣垂而三星斯燦。琴瑟御而六律並調。人文之譜有徵。士女之圖如繡。棗修榛栗。企以明虔。玉帛纖纁。殊慙備物。冀賜采葑。

之鑒。長叨行葦之恩。臨啟可勝瞻依。翹企之至。

香山房文集

卷之四

啟

成都通邑侯介休常公啟

山崑山丞韓

道重親民煥明倫於北闕政先顧俊升朱鳳於南天
星福井以移參山映峩而似玉幸浚維梓望切瞻喬
恭惟器識淵涵風猷肅括鍾恒嶽之間氣才本篤生
挹大河之榮光德成厚積林宗士流雅望夙欽崇乎
閭里潞公天下異人將輝映乎後先聊從吳會哦松
應遷龍之七十日旋權關西種秫兆名世于五百年
益不徒一邑之休實爲百城之表者也往歸故里欣
聽新除喜閱歷劇繁惠政祥刑自可熟諳而理况晉
秦界接民風土俗無煩諮訪而知四郊來暮之歌情
俱殷矣一旦其蕪之望心已躍如何期嚴幕之趣裝
弗遂陶村之需駕孤踪日遠孺慕增淒屬者行旅頽
傳競頌神君已蒞倚劍閣而睇仲山黃雲偏覆知汾
陰寶鼎迎來循隴關而瞻涇野紫氣高騰想綿上真
人宛在更聞霖隨車至綠雨一犁家給桑麻樂利亦
且相應時捐青燈千杆戶騰襦袴風謠惟敝邑風有
富饒之名至今日適爲長吏之累下里之穀絲有限
上徵之敝賦何窮竭力賈歡亦恐難乎其繼有求必

香口山房文集

卷之四

啟

卷之四

啟

應寧堪無藝之來况通由廢而支費復滋且流寓繁
而奸徒潛伏欲斟酌爲久長之計必審量于絀競之
間竊鼠宵橫則柵守之戒豈可忽諸來龍歲損卽形
家之言亦宜察也某愚拙性成疎庸世棄知仕宦無
緣於我遂決計而拂衣獨詩書有悅於心常惜陰以
篝火行未能爲國而亦非爲家珥筆詎得已哉政不
能自達而焉足達人捉刀亦彊顏耳萬里偶馳乎蜀
道生事茫然一屢幸庇於滕仁私心足矣行亦返黔
婁之室會當聞言偃之絃伏願溫斷以燭奸妙運用
於剛柔之外恭嚴以攝勇肅狐鼠於瑟飭之中蚤
一鶚于層霄薦陟三公之上座蒼生其慰賤子何知
某仰懷怙冒之私益切粉榆之想緘錦官里之尺素
謹伺鴻歸貢青泥坊之寸芹聊申燕賀伏惟嚴照式
鑒雲依

武昌院中與楊退菴中丞納徵請期啟

伏以禮重納徵。副笄六珈之慶。婚先卜吉。協從定五世之昌。春陽載被。李桃佳日。穠華交麗。景鵲石駢填江漢。繡林刈戟。照晴川。敬因就幕之深堂。祇薦承筐之菲實。恭惟特出偉人間。生名世胸涵千禩。滙謨備足。疏通目下。十行成誦。無勞彊記。科名迅掇。正終童棄繻之年。民社誕膺。得莊叟服官之地。風流跌宕。簿書曾未俗人。慈惠循良。德禮偏能成物。歷七年而勝殘去殺。隣省渠魁就撫。人知備絳武。隋文。即百里

各中山房文集

卷之四

以樹木築防。沿河弱植成林。政豈讓洛花淇竹。登堂上考。榮陟裏行。彈鹽藩。擢用朝臣。白簡寒奸。雄之瞻。飭百吏力行職事。丹心絕却顧之私。朝宁望而生風。靈班爲之增氣。雖一時外轉。看雲蜀道。忠實簡先帝之心。况十載家居。愛日秦山。孝却繞嚴親之膝。迨乎徙薪。言中乃思抗疏。臣良保薦交章。這徵遲就。軍中畫策。重名當十萬之師。順管分猷。異政出尋常之外。河汾化雨。澤鑄子夏之門人。鎬洛乘風。雲嗣茂先之偉績。暫輟中敷。而外歷三吳。文武肅恩威。旋因算

各中山房文集

卷之四

啟七

勝而牙遷南楚。兵民資彈壓。郎襄一路。歌思在民。心湖北喜重來。平樊伯。然殿閣三台。鹽梅求舊德。漢南豈久滯。平召公。惟善積慶餘。既誕育國楨之袞袞。亦門高教豫。兼篤生賢媛之佗佗。念慈斧鄺庸流。罷閒小吏。往蒙不遺貧賤。許締姻盟。茲更叨挾刀鉞。重隨幕府。惟令媛夙嫻母訓。已可宜家。愧豚兒未熟。父書。殊慙授室。但婚姻時不可過。風人嘗致戒于傾筐。而男女會必有先。禮制亦先將以繡織。謹修尺牘。恭詣高門。聊陳薦幣之儀。並告結褵之吉。投匪瑀而好

武昌院中與楊退菴中丞納徵請期小啟

恭惟文武憲邦經綸輔世內直方而大若沈寥太虛
之有物而繩尺常存外忠信以寬如春風和氣之被
人而平歆悉化況天成孝友自祖父以逮子孫歷觀
五世卽性率忠貞由令宰而膺旄節洊陟三公固知
厚德之家必生賢淑已幸高攀之僭得附絲蘿雖二
姓久締于前而六儀尚闕其後今賢女蘭心蕙質漸
全敷晚芳馨覩豚兒櫟幹樗材日長成童梗槩若翁
若子久依節制之尊在楚在吳並侍禮帷之次宜及
谷口山房文集 卷之四 教 大

時俾宜家室斯承歡不礙門闌玉鏡臺呈望光輝以
比德儷皮幣代匪世俗之論財聊將備禮數之成兼
祇告吉期之卜秦人子壯權假贅于臺門鄂渚風薰
且依樓平阿閣奪胭脂山以爲甥館案列蛾眉倚芝
蘭室而作書堂琴調蛇跼欲馴占其熊夢先跂望于
鸞鑾蓋衰翁煙霄有志惟因遲婚嫁之畱人苟小子
豚犬得依便可向雲峰而策杖矣伏惟丙鑒可仞寅
瞻

谷口山房文集總目

卷之五

題詞 計甫草甲辰草題詞 萬山樓詩集題詞

哀辭 故懷遠將軍施州營遊擊談君哀辭

記 太華遊詩自記 濟南郡伯金式菴署中古
畱堂記 朱氏雙修堂記 荆南客寓且止

東包方里李氏家譜自記 增輯本宗涇陽城
女記 王都閭收嫁難

谷口山房文集 總目

題詞

計甫草甲辰草題詞

計子甫草之嗜于詩蓋自予兩人未相見時始已乃邂逅都下及今年再相見于濟寧見卽手甲辰詩一帙相示嗚呼計子以詩古文詞名海內論文不少作者獨拳拳詢于予其志亦何勤也念慈受誦之歎曰是其淡心學古而不屑爲近人之所爲意誠未可量而何憤懣之淡也夫詩本性情非可詭焉爲之人不能無所求于世而遭遇殊則悲愁喜悅各積于中

谷口山房文集 卷之五 題詞 一

而不能已於言故有懽樂怨怒之音皆性情也情不可任斯務節之俾樂不至淫怨不及怒則性得其正矣然未可易言也學淡道積見乎遠大而小觸不以動其心內既有以節其性情以之爲文斯明經術辨是非爲詩斯興善惡陶志意所謂淫與怒曷自乎故詩三百篇亦多幽愁憂思悲憤激切之作而其教要于溫柔敦厚蓋其所爲者非一時一己之故雖極言之而不爲過則詩之道在是也以計子抱負畸瑰文詞高邁撰述可以華國施行可以底績乃困頓廢錮

將至于窮老今制科專用論策出其素所討論而優爲者條上之必右衆人徒數奇不得入關豈非天若抗之困之拂亂之俾淪落不偶進不得有爲于世退至無以養其母忠孝延中靡適或忘則其閱歷興會俯仰身世又烏得不憤是帙也方被沮而出國門之所爲也竊觀其憤懣過甚而功力亦于此爲淡蓋其沮抑之思發爲聲音有不自知其沉鬱頓挫者少陵遭亂以後可見矣計子詩進于是而猶下問於予真古人好問盛節故敢以規遠大而不以小觸動心之

谷口山房文集 卷之五 題詞 二

說進子時以遭誣譏騷擾棲東魯間有吟咏不無激憤方將就計子求正其和平怨怒當在何等而且爲計子言之抑可謂不自知也已

萬山樓詩集題詞

古今事物初氣滯中氣暢末氣秀蓄也故滯達也故暢薄也故秀詩文何獨不然然時會移人每不自覺求其生衰薄之後而獨返乎滯厚之初難已屈原之騷揚雄之文讀者多不能曉暢其意即作者亦不能盡達其所蓄故厚也唐惟李翰林白詩近之世有謫仙人之目同年許竹隱爲人風流拔俗不修小節其飛揚磊落有類乎白詩亦如之徐山琢御史謂能兼學太白似矣即萬山樓一編離奇幻怪盤鬱變錯乍

谷口山房文集

卷之五

題詞

三

益知勉矣

谷口山房文集

卷之五

題詞

四

故懷遠將軍施州營遊擊談君哀辭

故懷遠將軍施州營遊擊談國經秦西寧衛人衛故
邊地俗尚勁悍重軍職其人之材者類皆以武功自
拔炫耀鄉里遊擊父某爲明某朝某地總兵官遊擊
故將門子亦以武途進然其爲人被服儒雅蘊知文
義曉天文六壬奇門之術薄通琴奕順治戊子辛丑
間北海馮公士標以大參備兵莊浪遊擊爲其標下
中軍官公甚器重之每升廳事則以屬弁見趨踰跪
拜如禮退卽引入與同坐起序主賓儀酌酒圍碁笑

谷口山房文集

卷之五 哀辭 五

言終日率以爲常余時在馮幕中始得與遊擊相識
觀其恂恂和雅語言簡悉謂在上官前故應爾遊擊
間亦延余出外遊觀飲射視其言貌一如在署中卽
其下或有犯者雖呵責各稱其罪而聲不聞戶外事
已色甚怡然余益心敬之因與定交余既別馮公歸
馮亦旋遷四川建昌少停醴泉遊擊送至醴再得與
之往還又數年遊擊任四川達州守備以事至西安
余屢就遊宴稍久遊擊歸余亦偕計北上自此雖書
問不絕不得相見者遂至二十年餘會遊擊爲河南

襄城營都司余自景陵薦舉入京相值大道間就村
店小飲匆匆數語便各分去旣余罷還如楚候代乃
枉道過襄城停其官署逾旬遊擊時中風初愈然故
舊相見歡飲劇談出其疾生二幼女拜余若遂忘其
病患者旣余滯楚久遊擊遷施州施地深介蠻彝在
萬山之中余謂其地惡慮怫鬱滋疾寓書相慰遊擊
復書乃謂余言其地實佳且約余必往卒弗能去又
數年余在蜀撫韓公幕中內弟常亦嘗以故人子被
遊擊德以片札入言遇遊擊舊幕友尹生道遊擊已

谷口山房文集

卷之五 哀辭 六

卒于官柩弗能返且與內弟相對痛哭豈非其平日
厚施及人有以感其心乎余哭之盡痛迨後家書來
乃知其弟已移柩經過敝邑二女之母亦已亡逝資
斧罄盡殆不能前余家雖少資之然不盡余意蓋余
與遊擊離隔多年踪跡踈濶家人亦無由知其交之
厚薄使余在家雖嚮遊兄之猶當勉力況不及此乎
憶遊擊官蜀日制府苗公將之任余以屬員見知于
公首薦遊擊才德可任制府至蜀卽引爲心腹雖公
不棄下吏之言亦遊擊之材之誠實能獲上使然也

又前在荆南軍中時順承郡王所募河南壯士有曾
在襄城麾下者爲余言遊擊臨陳披堅赴敵氣奪千
人料敵制勝謀策尤長此又余嚮所未知者計余先
後與遊擊交歷三十餘年跡其生平從無違心之言
亦未嘗見其疾言厲色雖讀書未浚殆幾于知道者
傷哉以如此材器而官不顯于常人奄逝外鄉妻子
不在其側弱弟孤女煢煢扶柩中途貧困幾不克達
何善人之坎壈乃如是耶幾欲爲之傳苦其于若弟
無能文克述其行者懼反遺大節又念遊擊長余才

谷口山房文集

卷之五

哀辭

七

六年耳有德如彼溢焉先逝况余行能不及遊擊
旅他鄉寄人籬下格格不相入憂勞日積鬱鬱
加以風土不習病痼屢作恐一口化爲塵土誰復知
余兩人交情者因伏枕而爲之辭聊以抒哀若夫顧
瞻海內求如遊擊之不以升沉易念久而彌篤在遠
而弗忘者更希其人則余之哀其亦終不可得也已
辭曰以戰則克兮謀笑如神被服儒者兮孰知其勇
且仁誠能獲上兮信則孚友升沈無易兮歷遠且久
官未顯而且貧兮知者莫不哀其後必昌兮天道

豈容終乖與余獨交好兮匪汎愛之漫施聊述德以
代哭兮烏能盡余之哀思

谷口山房文集

卷之五

哀辭

八

涇陽李念慈劬菴甫著

記

太華遊詩自記

太華去涇陽不三百里予十歲時家大人攜之中州過其下肩輿中從膝上指謂曰此西嶽也亭亭然而立巒三出者三峰矣予卽愛而志之繫夢寐者二十餘年丁亥冬曾從一顯者入抵青柯坪峽下石磴水凝滑不留屐垂綯上霜晶晶然握之凍欲粘皮肉去

咸望險卻步迄今恨焉庚子將北上就職矢必登嶽而後出關蓋以登臨濟勝當及壯年一有官守不自必其歸之蚤晚萬一至于遲暮興長力弱不復能乘凌霞舉則畢生之恨矣上元後裝成俟春暖三月一日乃行越兩日達嶽下止嶽廟及夕措置僕馬畢卽蠟屣屢糧明日偕同來沈子介人及同年王董二子往宿山中者一日山上者一日暨出山凡三日先後得古今體詩共若干首所歷諸勝旣見于詩不復具列嗟乎涇陽去華山近耳余又好遊乃至今始一償

宿願遊之難也如此唯其難故紀遊之詩不能無存且年齒漸長方爲塵網所縈其得重遊與否皆不可知則今日之遊余之幸亦余之慨也特以詩乎哉

濟南郡伯金式菴署中古畱堂記

郡伯金公以康熙九年由楚寶慶丞遷守濟南既蒞郡除煩苛興禮讓簡檄牒汰胥役息事寧人民以不擾念慈初以屬令伏謁見公容貌和易篤厚聆其言質直而簡重進止折旋必恭必坦卽心儀之曰此殆古長者人也旣罷官畱歷下益數得接見於公一日招飲郡署西軒見扁題古畱二字躊躇不能解公笑曰此我家堂上題榜也余系出新安休邑所居村外有溪土人呼曰古流先世因更流爲畱蓋欲居茲土

卷之五

記

十一

者敦行厚俗共存古道于不墜也厥後有中丞公僑潛江及予先人轉徙淮上今雖遂家山陽每念先世所居與其命名用意之所存恒愀然在懷故旣以村之名名吾堂凡宦跡所在必署于退食之居以無忘我先人且自勉焉念慈聞之乃喟然歎曰至哉我公之好古而敬祖也夫人莫不有所自生童穉挾冊入小學足不越里閭行不出閭巷所與揖讓進退飲食話言者非其宗族卽其鄉里之人篤乎情在一鄉也長而苟仕于朝遊于通都大邑紛華奢麗蕩其心富

貴淫佚驕其志擇土而居當四交之衢結納海內賢俊雕牆峻宇以鳴得意罕有不忘其舊德者欲其述先烈崇古道難矣若我公文雅風流席光祿中丞之世澤入遊鳳池出佐名郡旋朱兩轡畫熊于軾歷江淮而來守渤海想其過淮時華蓋鳴騶烜赫三城而公又雅好賓客座常滿其在淮之堂宏麗高新抑又可知以是侈飛白誇畫錦其誰曰不然今觀其所題乃諄諄在先世所自出豈非志在復古也與人各有志特患言之而弗能行望諸人而不能盡諸已公

卷之五

記

十二

周旋動容以及其居官爲政無事不與古人相近故以之事君則忠事親則孝處兄弟則友與朋友則信獲上則誠逮下則慈在鄉則鄉化在國則國治今天子方勵精圖治欲得厚重老成之臣以襄太平任大事公行且入爲大僚敦化正俗將使上安而下順古敦睦淳熙之治再見于今豈但慕襲風而區區思畱之一堂哉然卽此堂也亦可以風仕宦而忘其先世與故鄉者矣

朱氏雙修堂記

天下之物執其有者不能有惟不有其有者能有之
日月之所照耀風雲變幻草木榮華天地之所有也
而昏旦晴晦寒暑代遷之當其代天地不能爲之留
然往者以來逝者以復卒莫能有歸于天地天地不
居夫惟其不居是以不寤楚黃朱菊廬靜者也嘗爲
堂于黃州西鄉洪山之東基不踰半畝屋僅數楹而
地又荒陋僻阻爲樵子牧豎之所遊鹿豕之所往還
古柏數十屈曲偃蹇薜荔女蘿繁阻翳翳居民罕到

谷口山房文集

卷之五

記 十

先生讀書其中每淡夜素月當櫺虎或嘯籬外與書
聲相應答兩無驚也時出散步則遙望東湖瀾漫天
水蕩漾帆影參差用拓懷抱顏曰雙修堂蓋有取于
易二四八根太極之義云菊廬既有是堂不欲自私
曰凡人生而所樂之地當亦死者魂魄之所依也乃
廣之爲朱氏祠堂永爲子孫烝嘗之所又立招提精
舍其中置田二十五畝一僧一僕同主之而分食其
歲之所穫仍其堂之舊名卽以佛祖並祀解之無不
可者夫黃州帶大江枕赤壁江流之所蕩激舟航之

所往來雪堂竹樓王元之蘇子瞻諸公皆攬其形勝
以爲遊觀之美先生獨舍其勝而樂于僻旣不欲有
人之所爭而卽一丘壑之美一歸之祖再託之佛示
不敢自有其自記云天地之間孰是爲我所常有而
可以久存者況于宮室田園吾置祠堂與精舍示朱
氏之能有而亦不能廢而乃可與衆共有之也斯言
信乎山川景物皆造化所有人生其中百年如過隙
耳一身且不能自有而況欲有造化之所有乎菊廬
不自有其堂而與衆有之與造化同其公則百禩而

谷口山房文集

卷之五

記 十四

後精廬不改鐘磬常聞先生精神之所樂寄與朱氏
祖若先靈爽其恒在斯堂而牧歌樵唱虎之嘯鹿之
遊皆不得不與先生共有之況乎人之欲奪其子孫
之所守者乎是惟弗有乃能常有吾故卽其自記之
旨而記之

刻慎微錄小記

慎微錄者軍前候補副使筠潯楊公前官侍御時摘
叅吳三桂題用朝臣遷謫里居及今保舉赴楚經過
舊治東明其邑人集其前後疏詞書問而合刻之舊
名爲曲徙錄者也公讀書明大義夙有匡世之志起
家進士由漆園令陟西臺直聲聞中外而叅劾逆藩
於幾建方張人莫敢向之時尤其大節先見至以此
得外任馴被反噬遷謫閩戶羣猶承權于舍畧無悻
悻之色惟酒酣耳熱則舉觴慷慨以天下大勢爲憂
谷田山房文集 卷之五 記 廿
是其心止知有君父爾况其在職敢言亦惟以消患
保邦爲念豈有當幾危言干進以邀騰仕及事後幾
幸言中令 朝廷追念往事復起而大用之意介其
胸中耶然公所言者則人人皆心知灼見之而欲與
天下萬世共見之者也曲徙錄之刻蓋欲藉以風天
下之爲人臣而避彊禦保功名者而時之未至誰敢
爲之及今前疏已驗則舉昔所不敢爲者一旦悉出
示人讀之者其必有激切感發而奮志同仇者乎是
其意良可尚也顧其名則有未可何也曲徙之喻爲

望恩澤者言之爾公終始志在國家本不爲功名計
視昔之謫出今之薦起都若風雷雨澤自散自聚而
心無與焉故時退時進退則事親味道若不知曾爲
諫官者何論所陳封事進則奮發敵愾慨誓滅此而後
朝食素位之行各適其宜此聖賢學問中事非豪傑
功名之士所可幾曲徙之名蓋知公以事功而未嘗
知公以學問矣客曰然則宜何名乎曰公疏詞不云
平防微杜漸當慎于幾先今欲名斯錄而冀不謬于
公之本志庶幾其慎微矣乎楊公聞之踴躍曰善是
谷田山房文集 卷之五 記 廿
吾志也乃請易今名而覆刻之

荆南客寓且止軒記

古云勞勞且止又云行行且止止之安所以節行之勞也天下事固有止乎其所不得不止者有待於世止在外者也且止云者暫辭也顧無所待止斯在我矣予饑驅狂走煩勞致疾丙寅暮春行次荆南將由以他適忽自念樗散微軀何苦乃爾因遂卽所寓而止焉於是釋勞之頃卽得安之頃矣若推此以求久安又何不可雖然黃鳥丘隅天機自然予不敢自謂知止敢期其能久耶則後此非人所能爲者時行時止

各口山房文集

卷之五

記

止仍聽之焉因題曰且止

增輯本宗涇陽城東包方里李氏家譜自記

自大小宗之法廢而凡本支之人能自道其源流支派之所由來者蓋亦鮮矣夫子姓日蕃其聚落而居者猶有田賦廬舍之相依出入話言之相接然生計攸分甘苦不甚相知面雖熟而情已微薄矣况乎別居散處久宦天涯貿遷異域白首外鄉子若孫之疎遠者有生長而未侔面不聞其名字者相值他州茫不知所以接待雖問焉而道之不得其詳則亦鄉黨里巷之人而已矣甚而不讀書昧禮義之徒當財利

各口山房文集

卷之五

記

短長或相與忿爭怒詈而辱及祖先者有之雖塗人不啻矣無他漸疎而之遠又無以動其親睦敬愛之思其勢然矣夫同邑里之人雖素昧平生遠方卒遇或舟車競渡或逆旅爭投惡聲鬪狠及聞其音而問知之則怒者消鬪者止何也維桑之愛根于性生有不自知其戚然于中者此固親愛之觸發而仁之端之屬也况乎本宗之人雖疎遠徙居原其始皆一人之身所分猶木有條枚枝葉由杪而幹而身皆本根是屬斷之則枯今一本而至于忿爭苟知彼我之身

實出一體而相爲傷害亦何異轉頰噬膚反手珍寶耶當必有撫然自失者矣特無以詔之則無怪其憤然一往莫能自返耳故凡今之人族衆親疎其間能讀書知禮義者率無幾人而貧寒困苦之家鮮有能敬其時祀之廟者則用以萃渙屬離家譜之修亦烏可緩也念慈先世或傳來自洪洞或言世籍涇陽俱無從考其占籍本縣城東包方里則斷自仲德公始初力田數傳以狐皮爲業家漸豐厚遠近呼爲狐皮李家而要非操奇贏權術以干厚利者大抵皆敦

卷之五

記

沈

龐質直敬業勤儉積德有餘人也至高祖斂肅公遂以治尚書成進士累官至少保卒賜謚予祭葬廕于三人猗歟盛哉當宦成里居時于村後建立書院延遠近俊秀子弟讀書其中鄉人不知又改呼爲花園李家云嗣茲子孫輩衣被前麻奢華嬉弄不期而至若以豐衣足食爲固然可常繼者不復事作業生產先世敬勤敦朴之風幾乎息矣又遭遇辛巳奇荒癸申兵革之厄遺貲俱盡追念慈之身則飢寒洊迫窮變而求通幸獲有造而仕宦坎坷俯仰終困德之涼

薄固其所也然居恒痛念虛名通籍無以贍丐宗族親村居坐宇廬舍墻垣墮半蕩爲瓦礫潛自傷心而限于力之無可如何若夫循古法以動其親睦敬愛之心則力所能爲敢不勉焉思先世多聞人寧無善譜顧舊本無傳焉且卽傳而後生曾玄之不及記注者亦已多矣念慈既仰承祖宗詩書之澤浪叨科第蠶解文義能書寫則李氏之譜修輯增注非身之責而誰顧僅一筆墨考證之勞而因循不力每念疚心亦嘗說族耆尊輩研問博訪終不得其統會不謂世

卷之五

記

序

父行伯生員諱昌庵者先有同心輯成一編久藏秘笈求得而恭覽之其爲書蓋有文無圖每代彙爲一條分年齒而班列焉一父之子或先後參見凡有後者各于本諱下注有子幾人之名則又見于次條下注曰係某公出雖其支派相承皆可研尋以得而欲一覽瞭然則猶有未盡者若其同一行輩之中年齒之先後序次明白則他譜所不及也念慈撫之行篋中又十年所今歲依姻家楊退菴中丞于武昌官署入夏一病僵臥幾四十日竊念此事甚大萬一湮

先朝露何以瞑目地下會病間乃驪起取冊而叅以
先敏肅高祖誌狀既爲總圖註自始祖以下名諱而
官職婚娶則不能備詳乃于每代除蚤世無出者不
重見餘仍齒序而班列以無忘先伯苦心又念古人
婚姻之家必問氏族蓋以外氏亦所自出不可無紀
故自先世祖妣以逮子孫之婦其本生爵里可考者
并附于下無考者缺焉子孫之出或由元配繼配嫡
庶之不同者則于其父祖下將有子之妾亦并附列
而子若孫下乃係以某氏所出生身所自不必諱且

谷口山房文集

卷之五

記

不可沒也念慈居官雖未久而顧以生事驅迫窮年
狂走在家之日絕少身以上稍疎遠及子姪行之名
字婚配姓氏先伯父譜所不載者既不能悉知兼無
從延問則各虛其下以待續補嗟嗟病餘卒輯又不
得他族譜之善者而參考焉以意序列要仍亦大略
而已然卽此使一本之人從而考問以明其支派所
自來因而上遡高曾遠祖之所同出于以動其親睦
敬愛之心消其凌犯膜視之習亦庶或有少裨焉若
夫增修考訂使愈繁而不紊條理井然傳之奕世顯

易明觀之者孝弟之心勃然而生津津焉而不能
前已則後有望于後輩之明德元宗者非念慈所能
及也

谷口山房文集

卷之五

記

王都閭救嫁難女記

龍眠王公家裕以都閭守常德衛事多惠政軍民信之康熙二十一年夏偶至廐中別門有老漁伺於外進且卻公謂其獻魚也呼之乃前跪曰民前日捕魚荒洲聞呼救聲望之乃一女子縛獲舟上急往解其縛飲以湯徐問之乃曰妾本南寧張氏士人女年十八避亂山谷大兵克滇搜獲欲肆辱妾剪髮毀容堅拒獲免猶百計窘苦周防求死不得師旋從馬上縛來及登舟復縛之舟尾次桃源白馬渡風逆舟覆橫

卷之五

記

三

浮水面人盡沒妾獨以繫在尾出水上不死流至此三日矣翁若再遲至寒餓死矣今遇翁實再生我旋解身中所餘簪鉗見貽民不受女曰既活我盍攜至翁家徐寄信父母來迎當有厚報民云我非望報但生涯一葉草廬半間置汝其中人必猜報官詰治則汝我俱受累矣女曰翁處既不可抑思善良有力之家可轉送妝養乎民曰人難深信非畏累卽計財貪色倘以爲側室或轉鬻求贏利是我實負汝矣今守常衛王公君子也好行其德必能全汝女首肯故民

夫婦今同載以來民先詣治前不得通因伺於此果得見公亦此女之緣也王公立命家人迎至則端潔婉好雖久在兵馬中閨範凝然問之以遭亂故猶未字公乃與夫人令女拜爲父母而手持十金出給漁者漁曰公固好義民亦非爲利者堅辭不受問其姓名曰民今年七十餘夫婦二人並無子女一簍一笠終老煙波足矣初不望報於後何用知姓名爲終不肯言歡然而去王公既畜女同己出又數因人寄信其家卒無人至心念女年薦長欲爲擇配會有貴州

卷之五

記

三

武舉原籍常衛人周名臣侯者來常祀祖晉謁王公見其少年個儻卽意屬焉叩之尚未婚及他日再來遂畱飲同坐有趙某者周中表兄也公以意語之趙驚曰此殆天緣矣乃言周於數月前夢授職歸拜香大堂都不見一切神位惟小屏上硃書一天字入內拜其尊屬則見一女子持紅絲侍側飲食甚盛同飲者爲王公玉相與劇醉讀史通至東漢秦嘉妻小傳而寤次日以夢告我等羣相賀謂授官必得上缺授後當兼有締姻之喜豈知先有此遇而我公之姓又

適符所夢耶語罷又一友驚呼曰王姓非應在公乃我也我姓固王字公玉夢中先得之天其令我作合哉蓋此友自岳陽來公雖與久遊亦不知其字公玉周就視公玉貌與夢中無二乃拜求執柯王公欣然報允既定遂擇吉納聘以女歸臣侯云嗚呼婚嫁故友之子女者古有之矣若不知誰何之女而養之嫁之擇配備禮抑又難焉王公施德于不相知之人張女以九死全其身卒得正聘漁人救女于死公中引見王公而先後無所取皆可以風矣其間因緣際會

谷口山房文集

卷之五

記

覆舟以致強暴之誅被縛反爲全生之賴則皆天也至臣侯感夢而聘公玉應夢爲媒尤其顯著者世之盛也王化行于下一時女子桃夭著詠曾無有婚姻失時之嘆况流離軍中矢死全生乎且懷德飭行者咸思致身朝廷策名竹帛野無遺賢也今桃源漁子殆亦賢者遭亂而隱于釣綸者與不然何匿名之深耶天能福善禍淫于亂亡困厄之中而不能使世之不亂豈氣數使然天亦弗能違歟今叛亂俱平車書混一聖天子明義行仁此事固宜急爲表章以

備採聽獨是漁人淡自韜晦使人徒想望高風並不得其姓名而稱之良可惜也夫

谷口山房文集

卷之五

記

谷口山房文集總目

卷之六

跋羅蘿村藏王于一臨米書卷

行述

祭文 沅州軍中初伏日祭馬神文 祭先繼妣

文 先考府君祭引脯奠文 祭楊退菴

雜著 四川甲子科武闈鄉試策第一問 第二

日者某 詰克子復仇說 致虛客舍說 告

谷口山房文集 總目

跋

跋羅蘿村藏王于一臨米書卷

余不及交于一而嘗得觀其古文書法大都精嚴
籍不趨時習茲所臨米襄陽書數則為吾友羅蘿村
所藏筆力縱恣不離軌度殆所謂放而能蓄者耶蓋
于一書法本于晉人與米既同一源則流無不合與
世之由米學米者何啻霄壤哉蘿村玆亡友手蹟
持行篋觀之者因而致存亡之感會幾何時而跋者
亦已凋喪過半復為我曹今日所嗟悼則自茲以往
又可知已夫人之年壽有涯即筆墨精神亦行與歲
月俱盡惟磨礪道德為可永久余生年垂六十鹿鹿
無聞尚為衣食妻子役役寄人籬下因循悠忽率不
過再二十年餘與草木同腐朽矣可不懼乎

行述

先考文學府君先妣常太孺人繼妣扈太孺人

行述

先文學府君以康熙二十年辛酉十二月考終於涇陽里舍之正寢踰年壬戌四月不孝念慈始奉諱於竟陵代事羈繼恪守成憲二千餘里外不獲躬親含殮又不獲卽戴星奔喪不可以爲人爲子聞訃之日號慟殞絕營嵬昏耗轉側牀蓐遑敢用枯竹腐毫告哀當世大人君子八月被檄至荆南府君棄孤等已

峇口山房文集

卷之六

行述 二

十閱月仍不得還倚廬哀傷鬱結中氣墜陷腸血下脫泄痢關格推頽錯迕懼一旦填溝壑俾府君生平無傳焉罪滋大矣顧不孝念慈甫生而先母卽見背三齡養於外祖父母歸又鞠育於先王母石孺人王母歿方得親庭訓甫入膠庠卽被命負笈從學國變後家貧間遊遠近營升斗給俯仰不恒厥居及蒙府君訓迪入仕二十五年中間在官止四載餘所向艱辛未遂迎養東西南北之日多承顏聚順晨昏定省曾不得五六年其得之於所覩記與得之王母及親

友外人之所稱道府君生平孝友祥順誠心質行闔

門教授正容悟物重然諾嚴取與利濟貧困行藥處方所全活人最多大抵門內之行多盡其實而不有其文門外之行恒損己以利人而初不言其於人已利矣猶歆然若不足者不求知于人人亦不得而知之故合內外所聞尚不能及千萬之一謹啜泣述曰李之先系出臯陶望著隴西族分宗別散居不一寒族之在涇陽城東包方里則先世有名仲德者遭亂自洪洞來仲德生大大生剛剛生奈奈性彊直人呼

峇口山房文集

卷之六

行述 三

爲老彊公奈生廷相性樸直人稱爲太樸公凡四子季卽先少保謚敏肅公諱世達號漸菴晚更號廓菴嘉靖丙辰進士歷仕南冢宰贈太保理學經濟載在國史自奈以下皆以公貴贈如其官是爲不孝高祖敏肅公有子二長爲戶部郎中公梓公樟郎中公無子先王父中翰公惟莊以從子爲公後實生府君府君諱紹廕字慎閑行四以從父昆弟之子序次行七少從王父官所長于京師京師五方之所輻輳奇技淫巧凡所以娛心意悅耳目者無不畢具府君槩無

所留意遇同輩忿爭恒退讓不與較蓋自弱齡已具成人之度矣長而孝友性成不假教教天真純篤及我母氏來歸事親從兄若增摯焉然不慕功名惟以養親課子爲事當王父捐館日府君不在側檢事未備諸伯父知府君蓄有綈幣悉取用之府君至哭而遍謝諸伯父以爲嚮非取用何由得致親體諸兄惠大矣先王母晚好佛多所施捨府君進金錢不受乃每自外歸輒多市其方物奉王母儲之售以給用此先王母所嘗爲不孝道者也不孝童子時見府君事

谷口山房文集

卷之六

行述 四

王母或經旬不出衢市鼓琴圍碁種樹綦魚素嗜茗飲凡梅兩臘雪必廣貯以代冽泉採收如法或至十年不敗又不惜重值購種種佳茗所與遊者至則對啜清談偶然而集泊然而散若爲山中世外遊者不孝同堂兄弟或從府君受書或否凡有不檢與不攻其業者府君皆督責之不少貸至於正業之暇骨肉坐談則秩秩愉愉如也崇禎辛巳歲遠近奇荒米貴如珠府君輟所炊爲不孝易書籍筆墨學書楷模必求有書名者爲之及長將俾改受業于馬元御

先生之門府君故藏有前代人墨蹟馬先生素欲之許以百金相購府君弗予至是遂用爲不孝贊馬先生感府君至誠乃悉謀不孝業不孝亦自是少有進其治家則戶庭之內儼若朝典嚴而不睨和而不流恩禮交盡與人交溫溫若恐不得當其意審取重諾急患難甚于饑寒之干衣食從不爲崖絕幅斬之行邪僻狂悖者見之皆肅然起畏族叔父中有使酒鬪狠者每醉卽人莫敢近或遭府君卽斂手致敬呼之則隨之以來不自覺其醒解而紛弛也遇利誘勢怵

谷口山房文集

卷之六

行述 五

則屹然山立卒不可動此不孝之所身親見聞于府君左右者也自此以往家道衰落生事寢迫府君亦未嘗以生產擾其慮及不孝舉于鄉升于禮闈府君則又日治醇醪豐膳畱賓欸客蓋所以爲不孝延之譽望初不計家有無私廚或有粗糲不屬之日而四方至者人漿馬粟以及僕隸輿臺之眠處飲食靡不厭飫周備府君故嗇于量而對客飲集終日夜無倦容有時客不至則悄然不樂與守相令長交凡公事必剴切陳說初不以竿尺受鄉里人餽遺守相令長

亦無不稔知敬重之自不孝通籍遂推舊所同居宅
悉以與諸伯父自退處故所營道南書舍舊居隣人
徐姓者家苟完有婢紫能語鳥而誤斃之懼乃投繯
素不得志于徐者且以極斃陷之邑侯未及察府君
陰爲白釋其人知之詣階叩首且以梓金爲壽拒弗
納其人號痛不肯起會先世所建崇文塢寺方募易
殿瓦府君乃手拈一小挺送工所餘悉歸焉此特因
其人知而詣謝旁人因得與聞其他人不得知府君
亦不言者蓋不知凡幾也不孝念慈筮仕司理河間

谷口山房文集 卷之六 行述 六

府君慮不孝賦性褊急時時寓書以務寬大求生全
爲訓初不索官中一物不孝補廉州方得奉府君之
任乃萬里至粵未及任事而官適奉裁又自粵改令
山左新城府君雖偕往然因在粵水土卑溼所中臙
脛間時患小毒邑務又萬不可爲慮府君日覩不孝
况瘁煩愁之狀反重之憂乃遣婦侍府君歸里不孝
亦旋以註誤去謂自此可得以致水承權恒久矣未
幾國家伐叛滇方遣材從軍以待收復之衆執政
采及虛薄復傲不孝之楚而奉養之志遂自此常乖

迨再補景陵不踰十月又蒙 廟堂謬薦待 詔長
安既罷卽就控鋌部不忍告養之文例用終字姑託
病以辭豈謂請雖遂而事不得代赴楚株候又歷三
年餘而府君竟已棄不孝孤矣夫何諱面而反得面
求養而終未遂養也傷哉痛哉尚忍言哉然以府君
平生及自新城歸里後人所傳說其不宜遺謝人世
者有三先是不孝母歿越七年繼母扈始歸府君扈
母歿遂不再娶亦不置婢妾又自善醫藥服餌無間
晚尤棲心道術無一非長年之道一也爲人謀或周

谷口山房文集 卷之六 行述 七

給人多陰行之不以爲名受人施雖數數報之猶日
在心口間醫療人不受謝往在平陽有楚竟陵老諸
生王達泰病痢且久府君偶過他客見其呻吟一室
中疴羸不能出戶洞室皆所遺穢污寢處其間府君
就榻視之命僮僕立爲掃除出褻連撮刺親視煎煮
成持往視飲又時時命僮往扶掖之兼覩佳食必時
必宜自病瘥至平復率以爲常其友人平陽守感而
覲府君五十金願納交不受曰吾自行吾素耳遂不
見太守而去及不孝官竟陵王翁年垂八十矣時尚

人道其諄必涕泣隨之居家廣施丸劑遠近造請者踵相接其貧窮羸弱者寒天遠道來爲料藥物外或輟所自供酒饌飲食之其爲祖父母尊長來者兼勸勉獎譽之人得藥服輒效謝者亦日踵于門知不受謝或負藥艸以來亦必計值給而遣之或問曰嘗見病者更數醫罔效服翁藥則愈翁術乃至此哉府君曰我術豈過諸醫惟用藥必以其良于人疾必研思其所自得參以五行生害之理求之不得或終夜以思卽夢寐中若有相告者吾獨以誠故耳其以醫藥

谷口山房文集

卷之六

行述 八

活人又如此二也至近年家報中府君每自言彊健不孝猶謂託言以緩兒子憂爾乃家人來述府君起居素不能飲酒近日飲至數升食素少近啖倍常素清癯近豐腴健步不杖能夜坐耐煩勞一切俱爲壽徵三也兼此三者宜乎自天永命而乃耄期之年弗假豈非不孝罪讐積重所延致耶舅氏與不孝書曰府君初未嘗病洎弗豫鎮定不擾至革初無一語及家事卒後數日面色猶生以正而終其有得于中與獨是不孝爲府君生養教誨覲焉在人耳目間宦途

坎壈並不善爲生產計致府君晚受窮約不得暢遂其交遊結納揮霍施濟之志終天之痛寧有已乎元配不孝母常太孺人明庚戌進士巡撫河南都察院右副都御史道立公女繼配扈太孺人三原縣庠生陪輩公女先母常太孺人卽以產不孝之十四日而歿痛哉音容亦不可得而識其得諸先王母之言則嘗謂不孝曰汝母性敏慧而急行勤密而好勝以貴介女歸汝父初未嘗有纖毫驕情色婢嫗雖不乏凡我飲食衣服饋醫澣濯之事必躬執盡心焉故凡我

谷口山房文集

卷之六

行述 九

所欲以屬汝母則不再問應時而至用之若倍適者其來吾家也最後汝伯母輩皆已久而歲長汝母旣不以貴家子失長幼序凡事舅姑治家事一切皆以勤勵務先之故妯娌中皆和睦敬愛罔有間言逮下寬嚴有體此蓋有得于汝外王母身教者惜乎其不永也王母每言之輒愀然移時先母故知書而女紅之事精密尤邁倫等府君嘗痛不孝不得見母以母手澤二物賜令藏之一爲侍外王母疾時手錄先後所服醫方症之進退藥之加減畢具細字端楷清勁

深得曹娥筆法裝釘袖珍小本工緻異常皆母手爲之其一爲垂育不孝時豫製兒襖鍼線細平衿領裏帖以朱色重花緞爲之痛哉豈知母竟不見不孝彌月而不孝彌月時已以孝服凡襁褓皆素色耶嗚呼卽此二物已可想見母氏孝慈之篤摯而先慈因產病隕又何庸此不孝之身友得生全長大無以顯揚于母之身後而久在人世耶先繼母扈太孺人于先母爲舅之子其以扈母繼也實出外王母意俾以中表恩誼善撫不孝不孝隨外王母視歸自河北始見母于喪次彼時雖仍撫于王母所而母之愛不孝己果如外王母意不孝初學書母爲和墨點筆把腕教以字畫先後筆勢起止之法凡不孝業不習或有他忤府君將重督責母必曲庇或因而得府君諷諄不恤旣生弟慕慈後愛亦無所減及弟長數出遠遊母日夜思之竟致病卒纏綿以訖于歿痛哉自不孝初能記憶見母與伯姊輩學爲琴奕或燈下誦古傳記優遊閑適者不過數年焉耳旋逢鼎革家破母勤苦艱難亦旣備嘗不孝娶婦後婦天姿遲鈍不能悉代

母勞母亦不盡責之婦瞿瞿然蚤作晏息後遽逮牀褥痛楚呻吟日甚一日矣憶不孝將入仕拜別母綢繆內門垂泣而送之卽有恐未能再見之語不孝也夫大端母因苦憂患之日多而從容恬適之日少不孝初入官母病不得之任任一年餘而母遂歿是母之愛不孝者甚厚而不孝竟不得一日報至今不孝遠遊在外率無旬日間不一夢見或連夕夢之蓋母生平篤愛不孝至今逝雖年久竟覺猶若常相依者卽比在數千里軍營中亦復如是不孝獨行踪靡定時祀廢闕罪可言哉痛可言哉府君生於明萬曆三十八年庚戌十一月初七日卒於康熙二十年十二月十六日享年七十有二先母常太孺人生於明萬曆庚戌年五月初一日卒於崇禎元年正月十四日先繼母扈太孺人生於明萬曆四十七年己未十月初五日卒於康熙二年八月十七日子二長卽不孝念慈先母常出順治甲午舉人戊戌成進士初任直隸河間府推官補授廣東廉州府推官裁缺未任收補山東濟南府新城縣知縣再補湖廣安陸府景陵

縣知縣以疾告休娶王氏同邑明萬曆辛卯舉人直隸河間府清軍同知從諫公孫女貢士真寧縣教諭元士公女戊子舉人廣東恩平縣知縣允續妹次慕慈繼母扈出初娶韓氏明萬曆庚戌進士四川

分 遵義道炳衡公孫女河南開封府同知

齊岳公女再娶 氏孫二長謙廩生念慈出次認慕慈出孫女三長適工部尚書霍公達長孫戶部江西司賈外干京男庠生一昭念慈出餘俱幼慕慈出兩母先後皆已歸窆今卜以康熙二十二年癸亥十一月二十七日奉先府君柩與兩母合葬於邑東南十五里太保公祖塋之西坎山離向不孝州縣勞人風塵長物無辭斑鬢徒惜壘趾柩櫬篇籍觸緒增懷南畝北山進退失據哭吾父因哭吾母哭吾繼母哀號踣躅不自知其擣昧也伏惟海內鉅公文章宗匠錫之琬琰埋銘藏廟以昭示永久不孝念慈曷勝銜恤哀懼之至謹述

哀懼之至謹述

祭文

沅州軍中初伏日祭馬神文

代綏遠將軍蔡

惟神精麗星纏靈輝天駟司上帝之鈞駟主人間之飛騎粵自洪濛孕物黃帝服乘地用莫如力協德稱稟權奇而偶儻從東道以來征受太乙之潛貺奏雅歌而諧聲故造父鳴鸞王良列宿爛雲錦之千羣繫騰驤于十廐莫不受氣生成資蕃芻牧育壯國威滋凌彊敵然而嚙山飲澗風日薄侵驟險登巖溪磧毒淫所賴司命陰庇祛瘡授息故非于基肇于秦封毛

谷口山房文集

卷之六

祭文

七

仲功高干唐國良以六師之用邦國是平典午紀官乘黃著名耳批竹銳蹄入風輕橫行飛突心一功成能長驅而利往皆邀祐於冥冥某稟膺 皇命伐叛南交休兵沅水息驥江皋時維季夏序當初伏恭遇誕臨刳牲丐福冀蒙神力相我驍騰俾萬勒之咸適壯諸軍而邁登用是上體懷柔之典下合師旅之誠仰惟歆享罔既屏營

祭 先繼妣扈孺人文

嗚呼歲月馳騁吾母棄兒于茲行二載矣母鞠兒訓
兒音容如昨今胡呼不見聞仰不見視耶母嬪于兒
父兒從常外王母喪歸始見母喪次兒時甚幼未能
解事僅記憶十一見母優遊在堂者曾不十年自後
遭罹荒變生事艱辛母拮据卒瘁憂勤蚤夜蓋無舒
晷之一日又不孝兄弟實不能少自樹立勉力奉事
上開母顏反貽之不懌遭罹病苦遍嘗憂楚兒每念
及此罪戾刻責腸爲崩裂庚子春母病已劇兒亦心

谷山房文集

卷之六

祭文

五

知母之不能久撫兒輩也實不能違母入官然以母
生平皆善行不應蚤世庶幾蒙天祐佑冀且霍然亦
私以爲苟沾升斗或可緩母勤苦將養漸愈卽不然
倘得博一命以及母親見故含悲就道母送兒撫
兒曰兒行汝母未知更得見兒否矣兒時涕泣不能
行母復改言慰遺痛哉此言竟爲非訛耶兒一出
服官苦得荒郡旣以母疾不遂迎養卽區區薄俸亦
不能少具脆甘徒以此違訣終天生不能致膳養病
不能侍藥餌歿不能視含殮兒罪曷贖兒痛可言耶

于官所聞訃摧痛不欲有生適身罹誣罔不得赴禮
才拙學疎致身憂患稽遲奔喪之日皆兒罪也維母
有神應鑒兒孽非自作耳幸賴母陰庇獲逢肆赦
方得奔母柩前撫棺擗踊茲到家之二十有七日乃
虔治微奠哭上素幃母鑒兒誠伏望賜饗

谷山房文集

卷之六

祭文

五

先繼妣扈孺人發引祖祭文

嗚呼痛哉遠行有返永遷不歸母極今并將去茲堂而之遠郊耶母捐棄兒輩二載有奇兒以拙宦稽奔不能副三月而葬之禮使母久在淺土兒罪奚贖然歸不得見母于問寢之室猶得見母極于茲堂厥明奉母極去後朝出暮返杳無所見兒心崩摧其何所依母鞠兒于斯育兒于斯甘苦于斯仰維母心其亦有靈傷歟然化者安土禮與情違母生爲聖善歿爲神靈其自茲釋念舊堂永恬真宅兒往未得受母遺

香口山房文集

卷之六 祭文 七

囑頃恪奉母意知母念外王父母齒近桑榆百年之木舍兒業具有成器外氏生事兒倘賴母靈靈足衣食一切當視母存日有加無替勿以爲念至于弟出未歸望母真中誘啟勃然遷善俾兒手足復完永然和樂兒之隱曲母今日爲神必能炯鑒幽宮既成輿徒既戒吉辰促駕兒心芻皇不知所措謹修祖奠冀母賜歆

先考府君發引脯奠文

天平父棄兒已歲十有一月兒不得侍奉父顏則已十有三年矣兒少時初解人事雖家道式微然見父恒優游逸樂身心暇豫自兒蒙父教得識知文藝以及通籍服官數十年來以虛名累父酬應奔迫之日多以財力奉父暢懷遂志之日少乃多載違離以至遺憾終天含殮不得視及今載筆從人踉蹌歸來諸禮不備止期奉父靈離淺土妥幽宅父稔兒生平從無私蓄今孀靈不昧尤當潔悉定不兒貴兒罪其何

香口山房文集

卷之六 祭文 七

能自追耶茲卜廿七日奉父蛻宮于敏肅高祖勅塋西次與兩母合葬父靈或當少妥焉獨兒十三年歸來不得見父容儀猶得寢處極次自引發之後並父極亦不可得親兒腸更寸裂矣兒祿養不逮喪事之後亦無復仕進之想窮通得喪所關俱輕父無以爲念弟慕慈晚暮行誼望父冥中啟誘俾獲安善無枉厥故趙光禮事父勤慎克當父心治命令兒以姪待之兄父彌留中左右扶持尤能以僕當子兒視之且自有愧自當棄一切小膏錄其大節今以兒代事

有後患行將憑族衆析房產爲兩分以爲存留奉祀之地俟析有定當于兒應受分中酌量抽給以副前命他非所計父其鑒之父行矣不可得復畱矣兒痛曷極期不敢展禮不敢違惟忍痛虔致脯奠並拭淚奉告伏惟吾父垂聽而諒之

祭楊退菴中丞文

嗚呼痛哉中丞遺世而從化倏忽歷十旬矣言念摧傷如在初歿知己倍于感恩我懷何以釋耶公生而穎絕異敏過人讀書目數行下皆能彊記早歲成進士筮仕嚴邑文能集殘民武能辦盜魁下載其德上奇其能膺

內召履西臺封事屢上所條列皆軍國重務至彈劾疆

藩忠謀遠見傳之千載下猶當稟稟有生氣先後守川南隕喪視學三晉仁惠公明政蹟炳炳入歷卿尹

出撫吳楚兩巖疆中敷外歷遺愛釐奸不幸以不必死之疾溘焉告卒一時僚屬兵民哭皆盡哀衢市行路之人有私相告語隕涕失聲者生榮死哀公亦可以無憾矣獨是念慈以鄉里淺陋荷蒙知愛自荆武軍中把臂訂交申以婚媾先後十有四年來中間離合聚散或旅次往還或官衙過謁以至追隨幕府婦孺咸從意厚情深雖造次褻狎中從未有纖毫挾貴少失禮數凡餽贈施予又其後焉者矣君年少我二歲膚體飲食壯健實倍于我我一官偃蹇徒有濟世

之志末由施行君建白措置所安集生全者奚啻千
萬人君夙無疾病我乃有脾胃之疾不時舉發君才
堪輔世增一年則于世有一年之濟我才碌碌雖視
息人世無所裨益胡老者病者功未能及人才不堪
濟時者反覩然生存而使君先逝耶夢夢者天豈果
不可問耶憶君憐我常客外鄉屢勸旋歸君在皖卽
有辭官之志相約釋任後相與尋枌榆之樂逍遙山
水間胡我今歸里君友長臥不起耶又憶君疾篤之
日我與君夫人及子女姪日夜坐君榻次見君達
參口山房文集 卷之六 祭文 三
生曠識聞門外父老謹呼乞勿請告聲猶口占二詩
屬予代書又述夢至天門口吟詩句絕不以生死爲
意我曹惟飲泣相向皆不敢哭號懼擾君聽最後重
以兒女子方幼戒我勿更出遊顧囑君夫人遺惠家
居之資我苟能遣發責累粗可寧居豈敢負諾他皆
非所計也君詩文兩集我會任經理俱已梓成惟在
楚秦章文告未得一目料視不無魯魚舛訛此猶爲
遺憾耳在楚喪中永訣方新一着想卽悲痛填胸弗
能爲誄又君輓歸我應卽到喪次以從公子囑故少

延至今乃能拭淚揮毫畧述所懷率姪子輩趨府陳
辭質言不文莫盡至情嗚呼哀哉

祭歸霍氏亡女文

康熙二十九年庚午二月己卯朔越十有九日辛巳
父念慈先遣老僕光禮自咸陽渭城里渡渭詣會城
北之郭村霍倚析居之所封羔羊陳果餌至日乃身
到墓次致祭於亡女大姊之靈曰嗚呼痛哉我女辭
我而逝已再週歲有八月矣歿之年我身在楊中丞
院江署中冬十二月迎汝弟謙至於皖我時方病臥
檢家書中獨不見汝字詢之則云汝疾作故爾然微
察謙答言遲澁面有悽容心固疑之亦自以病中不
容口山房文集卷之六 祭文 臣

復湊問迨少間謙始呈常舅祖手書乃知汝已以季
夏晦日疾故矣五中迸裂莫知所爲在人署又不便
哭啼惟于筆墨之隙凝坐仰天及滅燭後枕上揮涕
而已嗟乎汝母生女二存者惟汝汝庶母生雖多存
者惟汝弟謙計我出止汝與謙汝母所出止汝一身
我今猶有謙在汝母所出并無一存者矣是時楊中
丞因謙乍離兩母意常恍惚至減眠食欲迎汝庶母
如皖我恐汝母素有心疾以哭汝之痛兼無人晨夕
慰解遂至損生固辭而止乃汝母轉以汝歿悟破幻

紅顏增盛汝九原聞之當亦釋慮也汝初生值我
方爲諸生家居窮約俯仰莫贍之日力不能僮置媼
婦乳哺看管以致嬉戲傷觸右目嗟歎何及至於改
字霍氏實汝緣命爲之非由我作汝性急聰明大都
似我我常恨若爲男子必能分我勞勩傳我著述今
汝弟雖長不能分我勞勩傳我著述也前時念汝停
櫬淺厦風雨不庇薄寄千金資汝歸厝至于梓塋未
視我實傷心徒有悲嘆遺男女外孫幼無教訓長乏
資養衣食不周婚嫁失時至今男未就一作業女子

容口山房文集

卷之六

祭文

臣

飾蔽不完我詎能忍徒以偃蹇半生一寒未改故無
力相及今身心之力日益衰憊更復何望詞茲倘少
聊生豈遂忽然諒汝能幽鑒耳訂丁未之春之官南
粵時汝來相送于陽陵蕭瑟久矣啼淚失聲都不能
出一語莫自解其悲痛之何從也自茲我凡兩度出
遊客多宦少遂歷二十年中間惟因祖喪暫歸襄
事居家僅踰七旬復出之蜀匆遽中淚眸相向訖未
得與汝有一從容話言之日今始悟前之悲痛實爲
永訣天性陰感卽我與汝不能自知耳我在外常有

同瘡之患不時舉發恒愁隕身旅次不得與家人相見今我重歸到舍家人具在而獨不見汝來省問悲曷可道耶兄責累迫人實難久處此後衰殘骸骨及屢空生計都由天付匪人能量其更得臨汝墳墓酌汝酒漿抑或不得均不可知今祇就身在力偕粗具前物聊盡予哀告言有盡悲悼何窮汝其能省聽之耶

雜著

四川甲子科武闈鄉試策第一問 擬代韓中丞

問疆兵必先裕餉裕餉莫過屯田其以省供輸資宿飽最得井田內政府兵遺意國家當征伐之秋無論已今四海宴安議者但以裁兵爲省餉之策不知畱兵過少在平居汎防已不敷用一旦外憂窺伺艸澤竊發遂可使見在之兵而過之殄之歟抑又煩遣發禁旅取迨一煩禁旅費已不貲况事久患成不幾坐失機宜乎然屯墾之議往亦嘗舉而行之于民而不效矣豈古法之必不可行于今歟抑亦程急效惜小費肘掣之不得盡其術歟彼趙充國孔明輩祇皆就所征之地而屯之猶彰彰著效于前而今反不能行于承平無事之時與內地歟况邇者裁退投誠之兵任其散而無稽實爲隱憂正當以屯戍之似宜量簡精銳食餉操練分駐要害以鎮反側而出禁旅遠征所費十分之一給牛種室廬以此輩散屯諸邑間因什伍爲保甲統于良有司使得稽察更番以應諸差又立爲比閭之長時訓練之寬其程課徐俟其

成效久之愛土心減則驕悍之氣可化而地方在在有兵盜賊亦漸可消弭酌古準今其法亦可變通而用之歟爾多士留心兵政久矣其各據所見以爲當寧獻

谷口山房文集

卷之六

雜著

三

甲子四川武闈試策第二問 擬代韓中丞

問蜀地鳥道重關阻滌紆曲劍閣瞿唐水陸厄塞竊據者往往因而啟其跋扈之心自公孫述劉焉以至明末張獻忠代有其人然始雖妄自尊大後則或及其身或于其再傳會未幾時而敗降誅戮此亦險不足恃之明驗矣乃每一討平所殺傷皆蜀之人民罄竭皆蜀之財力則是險者奸雄之所惑而實蜀之禍階也近者雖吳逆削平譚族盡徙而蜀之荒殘凋敝非數十年不能復舊今欲休養而生息之俾再無反

谷口山房文集

卷之六

雜著

三

側以自罹禍其何道而後可歟說者謂險阻之邦母俾巨帥握重兵久任則亂無自作然蜀省環界番彝土司恃疆暴橫怒則互起攘奪喜則陰相黨結非有重兵莫資彈壓而主帥數更則又無以收其威信素孚之效毋亦慎擇才德兼優忠貞親信之將使列鎮其方則自能篤誠爲國僭亂罔萌而於番土諸族則衆建其長以分其勢因俗撫綏以攜其黨又時約束裁抑之令不得罔利自封怙權競勝吞併隣番漸成尾大不掉之勢則蜀雖千百年無患可也爾多士

生長茲土其爲父母之邦保其久安者諒卽往事而籌之已熟矣其悉著於篇無隱

說

詰党子復仇說

党子懷莘僑儻人也幼英敏壬午舉于鄉李自成破關中以賊一旅脇使守豫之南陽迫同其妻往自成敗南陽賊奔党乘間得脫妻陷亂賊中能以氣烈全其身且還聚偕歸郟陽先是党有腴田百畝邑宦某謀奪之及半弗厭雖党之父若兄皆白衣然宦以党在終不能逞比亂宦以党爲必死遂魚肉其父兄至訟于官各被笞責盡獻其田乃止党歸近城七十里遇里人悉聞其狀妻行偶後乃止于道候妻至止令下坐告而謀之曰今我父兄受辱至斯我何以爲人與此惡同天地耶我勢力弗敵以他道爭之必不雪天不令我死南陽其待諸此乎我今將伺得殺之以身償而甘心焉妻應曰計亦惟有此耳遂行入門拜慰罷卽告以志父若兄咸泣曰我嚮謂不復得見汝今幸得見奈何復自投隕我苟得父子兄弟相完聚辱能忘也党堅不敢受命先詣告邑令出因大召賓客作別示必死兼使人告其仇曰我計決如是汝幸

勿遭我仇憚之浼人爲解返地請罪卒不可一日遇
諸塗遂奮擊某宦腦裂自詣獄求抵顧某宦竟不死
迨平復月餘突病而亡嗚呼病死正命也之人而正
命宜乎哉然天不欲孝子償惡人亦不肯姑延其算
也傷復而病病卽死故可識已子遇党子于濟南爲
予述前事予憮然曰子殆失之矣不償天也天不可
度子之擊某宦以死爲期殆弗思甚矣復仇之義周
禮有之爲殺其親者也今某辱而親而以辱報之足
矣殺之已甚又使而親既辱于人而復因人喪其子
辱不可追又重之戚也其可乎党子曰吾過矣且吾
本申姓繼于党是時兩父皆在苟爲一父不必死之
仇而貽戚兩父吾罪滋大焉幸天憫全我而究莫之
悟今子其詔之矣党子名丕祿邵陽人妻王氏亦俠
女云

谷中山房文集

卷之六

說

手

致虛客舍說

李子傷於勞心憂鬱胸痞時作醫藥罔効乃避地數
遷而至武陵構室於友人王子公署後屏謝人事息
慮養病自題其所居曰致虛客舍客問厥義答曰虛
者冲然廓然之謂如空非空無正偏中外莫能拘也
無形色聲味莫能壞也虛其心諸美且不有病何從
生此之爲體本自廣大無所痛致止緣人情識紛紜
填闕充塞自生障礙築牆當面俛首矮簷所見不廣
動觸困遮因而躁競憂愁衆妄蠱起凡所倚著都成
礙滯疾自中來非由外作是皆實之爲害虛未嘗有
損也苟能日損諸有用還吾虛實去分寸則虛還分
寸實去尋丈卽虛還尋丈譬若掘井疏泉舉一切土
石沙礫剗剗委棄之漸見源頭活水潄發淵淳空明
廣濶卽緣所難絕偶一應之亦將形來影現綆入瓶
盈因物而付稱欲而給時過事已體仍湛然晝映寒
空夜涵皎月動而能出存而不有庶幾曲能有誠馴
致於道道力旣深神王形全病魔消退卽以之應世
又何憂愁拂鬱之足爲滯累耶客曰子之言其近道

谷中山房文集

卷之六

雜著

矣乎曰予知之未能行之亦猶身居隘衢暗室之中
徒望郊垌廣廓太虛光明實未閱歷難爲依據也吾
今將由隙明跬步擴而進之莽蒼曠邈之宇或有幾
焉亦非所敢期也聊用黽勉而已

告日者某

問卜者欲聞其吉而趨避之體易之道也卜者告
人以吉而各如其分使吉者益勉於爲善以迓福
凶者改不善以遷善以免悔作易者之志也雖時人
弗喜難獲近利迫時過事驗名乃日起而不敗名起
則利歸不敗則終成厚藏今卜者未有不溢美匿咎
以求近利者也惟溢美匿咎故其言無皆驗且生人
無分之想而憚其自修之志求利則心有所偏推測
不精久且敗名而利亦去之予之術誠精矣若更能
作易者之志憚人以體易之行庶其進於道乎

議

私謚志學孺子駁議

吳江計孝廉長子賢而殤儒者咸哀之私謚曰志學孺子稱其行實李子曰大哉志學之爲義乎孔子曰吾十有五而志于學其謂顏淵曰其心三月不違仁曾子曰吾日三省吾身皆此物此志也夫學自灑掃應對以至窮理盡性道積厥躬教垂來世參天地育萬物一日而習之終身由之而莫能盡故有志者務正其趨篤其行純其心致其力不見異而遷不因物

谷口山房文集

卷之六

議 八

而閒乃庶幾也以今所稱孺子之行孝友純篤晰義學道年未弱冠毅然以正學自命此聖人之徒曠世罕一覩者孺子能若是乎孺子而若是可謂志學也已嗚呼道之不行也久矣孺子志學而奪其年非僅孺子之不幸哀而謚之諸君子獨爲孺子哉雖然易名古也孺子而易名非古也禮之僭失吾徒救之哀之深欲有以異之表其行勿殤字而不名可也謚焉踰禮且非孺子志矣

谷口山房詩集十卷

陝西巡撫
探進本

國朝李念慈撰念慈字屺瞻號劬庵涇陽人順治辛丑進士授河間府推官後改補新城縣知縣以催科不力職戾三桂叛

大兵駐荆襄以奉檄運餉有功再授天門縣知縣康熙己未薦舉博學鴻詞試不入格而罷其詩吐屬渾雅無秦人亢厲之氣是集皆其未第以前所作故歡愉之詞少而愁苦之音多其題曰谷口山房者史稱池陽谷口在涇陽西北四十里爲念慈舊廬所在故以名集云